

MISSALE ROMANUM



1962



USUS ANTIQUIOR

<https://propria.org>

info@propria.org

24 decembris 2019

Published with the gracious permission of
JOHN CARDINAL O'CONNOR,
ARCHBISHOP OF NEW YORK

PIUS EPISCOPUS

SERVUS SERVORUM DEI

AD PERPETUAM REI MEMORIAM

Quo primum tempore ad Apostolatus apicem assumpti fuimus, ad ea libenter animum, viresque nostras intendimus, et cogitationes omnes direximus, quæ ad Ecclesiasticum purum retinendum cultum pertinerent, eaque parare, et, Deo ipso adiuvante, omni adhibito studio efficere contendimus. Cumque inter alia sacri Tridentini Concilii decreta, nobis statuendum esset de sacris libris, Catechismo, Missali et Breviario edendis atque emendandis: edito iam, Deo ipso annuente, ad populi eruditionem Catechismo, et ad debitas Deo persolvendas laudes Breviario castigato, omnino, ut Breviario Missale responderet, ut congruum est et conveniens (cum unum in Ecclesia Dei psallendi modum, unum Missæ celebrandæ ritum esse maxime deceat), necesse iam videbatur, ut, quod reliquum in hac parte esset, de ipso nempe Missali edendo, quam primum cogitarem. Quare eruditissimis viris onus hoc demandandum duximus: qui quidem, diligenter collatis omnibus cum vetustis Nostræ Vaticanæ Bibliothecæ, aliisque undique conquisitis, emendatis, atque incorruptis codicibus; necnon veterum consultis ac probatorum auctorum scriptis, qui de sacro eorundem rituum instituto monumenta Nobis reliquerunt, ad pristinam Missale ipsum sanctorum Patrum normam ac ritum restituerunt. Quod recognitum iam et castigatum, matura adhibita consideratione, ut ex hoc instituto, cœptoque labore, fructus omnes percipiant, Romæ quam primum imprimi, atque impressum edi mandavimus: nempe ut sacerdotes intelligant, quibus precibus uti, quos ritus, quasve cæremonias in Missarum celebratione retinere posthac debeant. Ut autem a sacrosancta Romana Ecclesia, ceterarum Ecclesiarum matre et magistra, tradita ubique amplectantur omnes et observent, ne in posterum perpetuis futuris temporibus in omnibus Christiani orbis Provinciarum Patriarchalibus, Cathedralibus, Collegiatis et Parochialibus, sæcularibus, et quorumvis Ordinum, monasteriorum, tam virorum, quam mulierum, etiam militiarum regularibus, ac sine cura Ecclesiis vel Capellis, in quibus Missa conventualis alta voce cum choro, aut demissa, celebrari iuxta Romanæ Ecclesiæ ritum consuevit vel debet, alias quam iuxta Missalis a Nobis editi formulam decantetur, aut recitetur, etiamsi eadem Ecclesiæ quovis modo exemptæ, Apostolicæ Sedis indulto, consuetudine, privilegio, etiam iuramento, confirmatione Apostolica, vel aliis quibusvis facultatibus munitæ sint; nisi ab ipsa prima institutione a Sede Apostolica approbata, vel consuetudine, quæ, vel ipsa institutio super ducentos annos Missarum celebrandarum in eisdem Ecclesiis assidue observata sit: a quibus, ut præfatam celebrandi constitutionem, vel consuetudinem nequaquam auferimus; sic si Missale hoc, quod nunc in lucem edi curavimus, iisdem magis placeret, de Episcopis, vel Prælati, capitulique universi consensu, ut, quibusvis non obstantibus, iuxta illud Missas celebrare possint, permittimus; ex aliis vero omnibus Ecclesiis præfatis eorundem Missalium usum tollendo, illaque penitus et omnino reiiciendo, ac huic Missali Nostro nuper edito, nihil unquam addendum, detrahendum, aut immutandum esse decernendo, sub indignationis Nostræ poena, hac Nostra perpetuo valitura constitutione statuimus et ordinamus. Mandantes ac districtè omnibus et singulis Ecclesiarum prædictarum Patriarchis, Administratoribus, aliisque personis quacumque Ecclesiastica dignitate fulgentibus, etiamsi S. R. E. Cardinales, aut cuiusvis alterius gradus et præeminentiæ fuerint, illis in virtute sanctæ obedientiæ præcipientes, ut ceteris omnibus rationibus et ritibus ex aliis Missalibus quantumvis vetustis hactenus observari consuetis, in posterum penitus omissis, ac plane reiectis, Missam iuxta ritum, modum, ac normam, quæ per Missale hoc a Nobis nunc traditur, decantent ac legant; neque, in Missæ celebratione alias cæremonias, vel preces, quam quæ hoc Missali continentur, addere vel recitare præsumant. Atque ut hoc ipsum Missale in Missa decantanda, aut recitanda in quibusvis Ecclesiis absque ullo conscientiæ scrupulo, aut aliquarum pœnarum, sententiarum et censurarum incursu, posthac omnino sequantur, eoque libere et licite uti possint et valeant, auctoritate Apostolica, tenore præsentium, etiam perpetuo concedimus et indulgemus. Neve Præsules, Administratores, Canonici, Capellani et alii quocumque nomine nuncupati Presbyteri sæculares, aut cuiusvis Ordinis regulares, ad Missam aliter, quam a Nobis statutum est, celebrandam teneantur: neque ad Missale hoc immutandum a quolibet cogi et compelli, præsentibus litteræ ullo umquam tempore revocari, aut moderari possint, sed firmæ semper et validæ in suo exsistant robore, similiter statuimus et declaramus. Non obstantibus præmissis, ac constitutionibus, et ordinationibus Apostolicis, ac in Provincialibus et Synodalibus Conciliis editis generalibus, vel specialibus constitutionibus, et ordinationibus, nec non Ecclesiarum prædictarum usu, longissima et immemorabili præscriptione, non tamen supra ducentos annos, roborato, statutis et consuetudinibus contrariis quibuscumque. Volumus autem et eadem auctoritate decernimus, ac post huius Nostræ constitutionis, ac Missalis editionem, qui in Romana adsunt Curia Presbyteri, post mensem; qui vero intra montes, post tres; et qui ultra montes incolunt, post sex menses, aut cum primum illis Missale hoc venale propositum fuerit, iuxta illud Missam decantare, vel legere teneantur. Quod ut ubique terrarum incorruptum, ac mendis et erroribus purgatum præservetur, omnibus in Nostro et S. R. E. dominio mediate, vel immediate subiecto commorantibus impressoribus, sub amissionis librorum, ac centum ducatorum auri Cameræ Apostolicæ ipso facto applicandorum: aliis vero in quacumque orbis parte consistentibus, sub excommunicationis latæ sententiæ, et aliis arbitrii Nostri pœnis, ne sine Nostra vel speciali ad id Apostolici Commissarii in eisdem partibus a Nobis constituendi, licentia, ac nisi per eundem Commissarium eidem impressori Missalis exemplum, ex quo aliorum imprimendorum ab ipso impressore erit accipienda norma, cum Missali in Urbe secundum magnam impressionem impresso collatum fuisse, et concordare, nec in ullo penitus discrepare prius plena fides facta fuerit, imprimere, vel proponere, vel recipere ullo modo audeant, vel præsumant, auctoritate Apostolica et tenore præsentium similibus inhibemus. Verum, quia difficile esset præsentibus litteras ad quæque Christiani orbis loca deferri, ac primo quoque tempore in omnium notitiam perferri, illas ad Basilicæ Principis Apostolorum, ac Cancellariæ Apostolicæ, et in acie Campi Floræ de more publicari et affigi, ac earundem litterarum exemplis etiam impressis, ac manu alicuius publici tabellionis subscriptis, nec non sigillo personæ in dignitate ecclesiastica constitutæ munitis, eandem prorsus indubitam fidem ubique gentium et locorum, haberi præcipimus, quæ præsentibus haberetur, si ostenderentur vel exhiberentur. Nulli ergo omnino hominum liceat hanc paginam Nostræ permissionis, statuti, ordinationis, mandati, præcepti, concessionis, indulti, declarationis, voluntatis, decreti et inhibitionis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri et Pauli Apostolorum eius se noverit incursurum.

Datum Romæ apud S. Petrum, anno Incarnationis Dominicæ millesimo quingentesimo septuagesimo, pridie Idus Iulii, Pontificatus Nostri anno quinto.

H. Cumin.

Cæsar Glorierius

Anno a Nativitate Domini 1570, Indict. 13, die vero 19 mensis Iulii, Pontificatus sanctissimi in Christo Patris et D. N. Pii divina providentia Papæ V anno eius quinto, retrospectæ litteræ publicatæ et affixæ fuerunt ad valvas Basilicæ Principis Apostolorum, ac Cancellariæ Apostolicæ, et in acie Campi Floræ, ut moris est, per nos Ioannem Andreæm Rogerium et Philibertum Cappuis Cursores.

SCIPIO DE OCTAVIANIS, Magister Cursorum.

CLEMENS PAPA VIII

AD PERPETUAM REI MEMORIAM

Cum sanctissimum Eucharistiæ Sacramentum, quo Nos Christus Dominus sacri sui Corporis participes effecit, atque apud Nos usque ad consummationem sæculi permanere decrevit, maximum sit omnium Sacramentorum, illudque in sacra Missa conficiatur, ac pro peccatis totius populi Deo Patri offeratur; sane omnino conveniens est, ut qui omnes unum sumus in uno corpore, quod est Ecclesia, et de uno corpore Christi participamus, una et eadem celebrandi ratione, uniusque officii et ritus observatione in hoc ineffabili et tremendo sacrificio utamur. Quod cum Romani Pontifices prædecessores Nostri semper optarint, atque in hoc diu multumque desudarint, tum in primis fel. rec. Pius Papa V Missale Romanum ex Decreto sacri Concilii Tridentini ad veterem et emendatiorem normam restitui, Romæque imprimi curavit. Qui etsi multis propositis pœnis severissime caverit, ne quid illi vel adderetur, vel ulla ratione demeretur; tamen, progressu temporis, sive typographorum, sive aliorum temeritas et audacia effecit, ut multi in ea quæ his proximis annis excusa sunt Missalia, errores irreperint, quibus vetustissima illa sacrorum Bibliorum versio, quæ etiam ante S. Hieronymi tempora celebris habita est in Ecclesia, et ex qua omnes fere Missarum Introitus, et quæ dicuntur gradualia et Offertoria accepta sunt, omnino sublata est: Epistolarum et Evangeliorum textus, qui hucusque in Missæ solemniis prælectus est, multis in locis perturbatus; ipsis Evangeliiis diversa, ac prorsus insolita præfixa initia; plurima denique passim pro arbitrio immutata sint: cuius rei prætextus fuisse videtur, ut omnia ad præscriptum sacrorum Bibliorum Vulgatæ editionis revocarentur, quasi id alicui propria auctoritate, atque Apostolica Sede inconsulta, facere licitum sit. Quod Nos animadvertentes, pro Nostra Pastoralis sollicitudine, qua omnibus in rebus, ac præcipue in sacris Ecclesiæ ritibus, optimam, eamque veterem normam studemus tueri et conservare, primum prædicta Missalia impressa sic depravata prohiberi et abrogari, eorumque usum in celebratione Missarum interdicti iussimus, nisi ad præscriptum exemplaris sub ipso Pio V editi integre in omnibus emendarentur: deinde mandavimus nonnullis venerabilibus fratribus nostris S. R. E. Cardinalibus in sacris Litteris versatis, et ecclesiasticæ antiquitatis peritis, ut curam Missale ad pristinam et quam maxime emendatam formam restituendi susciperent; qui pro sua erga Nos fide et in Romanam Ecclesiam pietate et studio, adhibitis etiam aliis rerum ecclesiasticarum peritis et eruditis viris, et veteribus Missalibus, aliisque præterea libris, qui ad eam rem opportuni videbantur, accurate perquisitis et diligenter inspectis, Missale Romanum suæ integritati restituere, ac ipsius Pii V et eorum qui ab eo delecti fuerant, laborem et diligentiam confirmare et comprobare curarunt. Verum in eo munere peragendo factum est, ut nonnulla ex diligenti librorum antiquorum collatione in meliorem formam redacta, et in regulis et rubricis aliqua uberius et clarius expressa sint, quæ tamen ex illorum principii et fundamentis quasi deducta, illorum sensum imitari potius, et supplere, quam aliquid novi afferre videantur. Missale itaque quod idem Pius V ediderat, sic recognitum, in Nostra Typographia Vaticana quam emendatissime imprimi, et ad communem utilitatem publicari iussimus. Ut autem illius usus in omnibus Christiani orbis partibus, perpetuis futuris temporibus conservetur, ipsum Missale in alma Urbe Nostra in eadem Typographia tantum, et non alibi imprimi posse decernimus: extra Urbem vero iuxta exemplar in dicta Typographia nunc editum, et non aliter, hac lege imprimi posse permittimus, ut nimirum typographis quibuscumque illud imprimere volentibus, id facere liceat, requisita tamen prius, et in scriptis obtenta, dilectorum filiorum Inquisitorum hæreticæ pravitatis in iis locis in quibus fuerint, ubi vero non fuerint, Ordinarium locorum licentia; alioquin, si absque huiusmodi licentia dictum Missale sub quacumque forma de cetero ipsi imprimere, aut bibliopolæ vendere præsumperint, typographi et bibliopolæ extra Statum Nostrum Ecclesiasticum existentes, excommunicationis latæ sententiæ, a qua, nisi a Romano Pontifice, præterquam in mortis articulo constituti, absolvi nequeant; in alma vero Urbe ac reliquo Statu Ecclesiastico commorantes, quingentorum ducatorum auri de Camera, ac amissionis librorum et typorum omnium, Camera prædictæ applicandorum, pœnas absque alia declaratione irremissibiliter incurrant eo ipso. Et nihilominus eorundem Missalium per eos de cetero absque huiusmodi licentia imprimendorum aut vendendorum usum ubique locorum et gentium sub eisdem pœnis perpetuo interdicimus et prohibemus. Ipsi autem Inquisitores, seu Ordinarii locorum, antequam huiusmodi licentiam concedant, Missalia ab ipsis typographis imprimenda, et postquam impressa fuerint, cum hoc Missali auctoritate Nostra recognito et nunc impresso, diligentissime conferant, nec in illis aliquid addi vel detrahi permittant, nec in præmissis, prætextu incuriæ typographorum, aut non factæ per correctores vel alios ab ipsis forsitan deputandos diligentia, se aliquo modo excusare, quodque in infrascriptas pœnas non incurrerint, allegare valeant, et in ipsa licentia originali de collatione facta, et quod omnino concordent, manu propria attestentur: cuius licentiæ copia initio, vel in calce cuiusque Missalis semper imprimatur. Quod si secus fecerint, Inquisitores videlicet privationis suorum officiorum, ac inhabilitatis ad illa et alia in posterum obtinenda; Antistites autem et Ordinarii locorum suspensionis a divinis, ac interdicti ab ingressu Ecclesiæ; eorum vero Vicarii, privationis similiter officiorum et beneficiorum suorum, et inhabilitatis ad illa et alia in posterum obtinenda, ac præterea excommunicationis absque alia declaratione, ut præfertur, pœnas incurrant eo ipso. Ceterum pauperum ecclesiarum, clericorum, et personarum ecclesiasticarum, ac typographorum et bibliopolarum quorumcumque indemnitas ex benignitate Apostolica rationem habentes, eisdem Missalia hactenus impressa penes se habentibus (iis dumtaxat exceptis quæ auctoritate Nostra, ut supra dictum est, interdicta et abrogata fuerunt), ut ea retinere, et illis uti, eaque vendere respective possint, similiter permitimus et indulgemus. Non obstantibus licentiis, indultis, et privilegiis quibuscumque typographis hactenus per Nos seu Romanos Pontifices prædecessores Nostros, Missale prædictum Pii V imprimendi concessis, quæ per præsentem expresse revocamus, et revocata esse volumus: necnon constitutionibus et ordinationibus Apostolicis, generalibus vel specialibus, in contrarium præmissorum quomodocumque concessis, confirmatis et approbatis. Quibus omnibus, etiamsi de illis eorumque totis tenoribus, specialis, specifica et expressa mentio habenda esset, tenores huiusmodi præsentibus pro expressis habentes, hac vice dumtaxat specialiter et expresse derogamus, ceterisque contrariis quibuscumque. Volumus autem, ut præsentium transumptis, etiam impressis vel manu alicuius Notarii publici subscriptis, et sigillo alicuius personæ in dignitate ecclesiastica constitutæ munitis, eadem prorsus fides habeatur, quæ ipsis præsentibus haberetur, si essent exhibitæ vel ostensæ.

Datum Romæ apud sanctum Marcum sub anulo Piscatoris, die vii Iulii MDCIV, Pontificatus Nostri anno xiii.

M. VESTRIUS BARBIANUS.

URBANUS PAPA VIII

AD PERPETUAM REI MEMORIAM

Si quid est in rebus humanis plane divinum, quod Nobis superni cives (si in eos invidia caderet) invidere possent, id certe est sacrosanctum Missæ Sacrificium, cuius beneficio fit, ut homines quadam anticipatione possideant in terris cælum, dum ante oculos habent et manibus contrectant ipsum cæli terræque Conditorum. Quo magis est mortalibus laborandum, ut hoc tantum privilegium cultu atque honore debito tueantur, caveantque Angelos negligentiae osiores, qui sunt æmuli venerationis. Hinc factum est, ut huius sacri mysterii celebrandi rationem, ac preces, quas Summi Pontifices prædecessores Nostri Pius V et Clemens VIII diligentissime recognosci atque instaurari curaverunt; Nos quoque eorum vestigiis inhærentes, iterum examinari, et si quid forte in iis assiduus (quod plerumque contingit) temporis cursus corruperit, restitui iusserimus. Quamobrem, sicuti nuper ad divini Officii nitorem reformari Breviarium, ita demum huius exemplo ad divini Sacrificii ornamentum corrigi Missale mandavimus. Et quoniam hæc quasi alas, quas sacerdos instar Cherubim prisci mystici Tabernaculi quotidie pandit ad verum mundi Propitiatorium, decet esse plane geminas, atque uniformes, huius rei curam commisimus viris eruditis ac piis, quorum diligentia ita opus perfectum est, ut nihil desiderari amplius possit. Nam rubricæ, quæ sensim ab usu rituum veteri degeneraverant, in pristinum restitutæ; quæ vero non ita captui legentium accommodatæ videbantur, clarius explicatæ: præterea collata omnia cum codice sacre Scripturæ Vulgatæ editionis, quæque diversa irrepserant, ad eius unius exemplum normamque correctæ sunt. Verumtamen parum prodesse consuevit solertia correctorum, nisi ad eam par typographorum accedat industria; propterea dilecto filio Andrea Brugiotto Typographiæ Nostræ Apostolicæ Præfecto mandavimus, ut Missale ita expurgatum in lucem emittant: sed, quæ in posterum extra Urbem imprimi contigerit, ea non aliter quam ad exemplar in dicta Typographia nunc editum imprimi posse permittimus, requisita tamen prius, et in scriptis obtenta, dilectorum filiorum Inquisitorum hæreticæ pravitatis, in iis locis in quibus fuerint, ubi vero non fuerint, Ordinariorum locorum facultate; alioquin, si absque ea dictum Missale ipsi posthac imprimere, aut bibliopolæ vendere præsumperint, typographi et bibliopolæ extra Statum Nostrum Ecclesiasticum existentes, excommunicationis latæ sententiæ, a qua, nisi a Romano Pontifice, præterquam in mortis articulo constituti, absolvi nequeant; in alma vero Urbe et reliquo Statu Ecclesiastico commorantes, quingentorum ducatorum auri de Camera, ac amissionis librorum et typorum omnium, Camera prædictæ applicandorum, pœnas absque alia declaratione irremissibiliter incurrant eo ipso: et nihilominus eorundem Missalium per eos de cetero absque huiusmodi licentia imprimendorum, aut vendendorum usum, ubique locorum et gentium, sub eisdem pœnis interdicimus et prohibemus. Ipsi autem Inquisitores, seu Ordinarii locorum, antequam huiusmodi licentiam et facultatem concedant, Missalia ab ipsis typographis imprimenda, et postquam impressa fuerint, cum hoc Missali auctoritate Nostra recognito diligentissime conferant, nec in illis aliquid addi, vel minui permittant. In ipsa vero licentia originali obtinenda, de collatione facta, et quod omnino concordent, manu propria attestentur: cuius licentiæ copia initio, vel in fine cuiusque Missalis semper imprimatur. Quod si secus fecerint, Inquisitores privationis suorum officiorum, ac inhabilitatis ad illa, et alia in posterum obtinenda; Ordinarii autem locorum suspensionis a divinis, ac interdicti ab ingressu Ecclesiæ, eorum vero Vicarii privationis similiter officiorum, et beneficiorum suorum, et inhabilitatis ad illa, et alia in posterum obtinenda, ac insuper excommunicationis absque alia declaratione pœnas incurrant eo ipso. Ceterum pauperum ecclesiarum, clericorum, et personarum ecclesiasticarum, ac typographorum, et bibliopolarum quorumcumque indemnitas ex benignitate Apostolica rationem habentes, eisdem Missalia hactenus impressa penes se habentibus, ut ea retinere, et illis uti, eaque vendere respective possint, similiter permittimus et indulgemus. Non obstantibus licentiis, indultis et privilegiis quibuscumque typographis, per Nos seu Romanos Pontifices prædecessores Nostros, Missale imprimendi concessis, quæ per præsentem expresse revocamus et revocata esse volumus, nec non constitutionibus et ordinationibus Apostolicis, generalibus, vel specialibus, in contrarium præmissorum quomodocumque concessis, approbatis et confirmatis. Quibus omnibus, etiamsi de illis, eorumque totis tenoribus specialis, specifica et expressa mentio habenda esset; tenores huiusmodi præsentibus pro expressis habentes, hac vice dumtaxat specialiter, et expresse derogamus. Volumus autem, ut præsentium transumptis, etiam impressis, manu alicuius Notarii publici subscriptis, et sigillo alicuius personæ in dignitate ecclesiastica constitutæ munitis, eadem prorsus fides adhibeatur, quæ ipsis præsentibus adhiberetur, si essent exhibitæ vel ostensæ.

Datum Romæ apud sanctam Mariam Maiorem sub anulo Piscatoris, die secunda Septembris MDCXXXIV, Pontificatus Nostri anno duodecimo.

M. A. MARALDUS

J. SAVENIER

LITTERÆ APOSTOLICÆ

MOTU PROPRIO DATÆ

NOVUM RUBRICARUM BREVIARII ET MISSALIS ROMANI CORPUS APPROBATUR.

IOANNES PP. XXIII

Rubricarum instructum, quo publicus Ecclesiæ cultus ordinatur ac regitur, Apostolica Sedes, inde præsertim a Concilio Tridentino, continenter studuit et pressius definire et perfectius ordinare. Pluribus itaque emendationibus, variationibus et additamentis decursu temporis introductis, totum rubricarum systema abunde succrevit, non semper vero systematico ordine servato, et non sine primitivæ perspicuitatis ac simplicitatis detrimento.

Nil proinde mirum quod Decessor Noster, Pius Papa XII, fel. rec., plurium Episcoporum precibus annuens, rubricas Breviarii ac Missalis Romani in quibusdam ad simpliciorum formam esse redigendas censuerit, quod generali Decreto S. Rituum Congregationis diei 23 Martii anni 1955 fuit peractum.

Anno vero sequenti 1956, cum interim studia præparatoria pro generali liturgica instauratione maturescerent, idem Decessor Noster Episcoporum mentem explorandam decrevit, circa Breviarii Romani liturgicam emendationem. Episcoporum autem responsionibus mature perpensis, quæstionem de generali ac systematica rubricarum Breviarii ac Missalis emendatione aggrediendam esse censuit, eamque peculiari illi commisit virorum peritorum Commissioni, cui generalis instaurationis liturgicæ studia demandata fuerant.

Nos autem, postquam, adspirante Deo, Concilium Eumenicum coadunandum esse decrevimus, quid circa huiusmodi Prædecessoris Nostri inceptum agendum foret, haud semel recogitavimus. Re itaque diu ac mature examinata, in sententiam devenimus, altiora principia, generalem liturgicam instaurationem respicientia, in proximo Concilio Eumenico Patribus esse proponenda; memoratam vero rubricarum Breviarii ac Missalis emendationem diutius non esse protrahendam.

Harum itaque rubricarum Breviarii ac Missali Romani corpus, a peritis viris S. Rituum Congregationis præparatum et a præfata Pontificia Commissione pro generali liturgica instauratione diligenter revisum, Nos ipsi, *motu proprio* et certa scientia, Apostolica Nostra Auctoritate, probandum censuimus, sequentia decernentes:

1) Novum rubricarum Breviarii ac Missalis Romani codicem, per tres partes digestum, scilicet: *Rubricæ generales*, *Rubricæ generales Breviarii Romani*, et *Rubricæ generales Missalis Romani*, a Sacra Nostra Rituum Congregatione mox evulgandum, inde a die 1 Ianuarii proximi anni 1961, ab omnibus qui ritum romanum sequuntur, servandum esse præcipimus. Qui vero alium ritum latinum observant, quamprimum sive novo rubricarum codici, sive Calendario se conformare tenentur, in iis omnibus, quæ illi ritui stricte propria non sunt.

2) Eodem die 1 Ianuarii anni 1961 vigere cessant *Rubricæ generales* Breviarii et Missalis Romani, necnon *Additiones et Variationes* in rubricis Breviarii et Missalis Romani, ad normam Bullæ Prædecessoris Nostri S. Pii X *Divino afflatu*, quæ hucusque his libris præpositæ habentur. Pariter vigere cessat Decretum generale S. R. C. diei 23 Martii anni 1955 *De rubricis ad simpliciorum formam redigendis*, in hac nova rubricarum redactione assumptum. Abrogantur denique eiusdem S. Congregationis decreta et ad dubia responsiones, quæ cum nova hac rubricarum forma non conveniunt.

3) Item statuta, privilegia, indulta et consuetudines cuiuscumque generis, etiam sæcularia et immemorabilia, immo specialissima atque individua mentione digna, quæ his rubricis obstant, revocantur.

4) Librorum liturgicorum editores, rite a S. Sede approbati et admissi, novas parere possunt editiones Breviarii et Missalis Romani, iuxta novum rubricarum codicem dispositas; ad necessariam vero novarum editionum uniformitatem præcavendam, S. Rituum Congregatio peculiare tradat instructiones.

5) In novis Breviarii vel Missalis Romani editionibus, omissis rubricarum textibus de quibus n. 2. novarum rubricarum textus præponantur, Breviario quidem *Rubricæ generales* et *Rubricæ generales Breviarii Romani*; Missali autem item *Rubricæ generales* et *Rubricæ generales Missalis Romani*.

6) Omnes denique ad quos spectat quamprimum Calendaria et Propria, sive diocesana sive religiosa, ad normam et mentem novæ redactionis rubricarum et Calendarii conformari curent, a S. Rituum Congregatione approbanda.

His itaque firmiter statutis, muneri Nostro Apostolico consentaneum ducimus, nonnulla addere hortamenta. Nova sane hac rubricarum dispositione, dum ex una parte universus rubricarum Breviarii et Missalis Romani instructus in meliorem formam est redactus, clariore ordine digestus et in unicum textum contractus, ex altera parte aliquæ quoque introductæ sunt peculiare modificationes, quibus Officium divinum paulisper contrahitur. Hoc siquidem quamplurimum Episcoporum erat in votis, intuitu præsertim multorum sacerdotum, qui in dies magis magisque pastoralibus sollicitudinibus onerantur. Hos autem et omnes qui Officio divino persolvendo tenentur, paterno hortamur animo, ut si quid in eodem divino Officio breviatur, hoc maiore diligentia ac devotione compensetur. Cum porro lectio quoque sanctorum Patrum aliquantisper quandoque minuatur, omnes enixe clericos hortamur, ut volumina Patrum, tanta sapientia ac pietate referta, assidue præ manibus legenda ac meditando teneant.

Quæ autem per Nostras has Litteras, motu proprio datas, decrevimus ac statuimus, rata atque firma sunt, contrariis quibuscumque minime obstantibus, peculiarissima quoque et individua mentione dignis.

Datum Romæ, apud S. Petrum, die 25 mensis Iulii, anno 1960, Pontificatus Nostri secundo.

IOANNES PP. XXIII

SACRA CONGREGATIO RITUM

DECRETUM GENERALE

QUO NOVUS RUBRICARUM BREVIARII AC MISSALIS ROMANI
CODEX PROMULGATUR

Novum rubricarum Breviarii ac Missalis romani codicem, quem Ssmus Dominus Noster Ioannes Papa XXIII per Litteras Apostolicas *Rubricarum instructum*, die 25 iulii huius anni *motu proprio* datas approbavit et huic S. Congregationi promulgandum mandavit, S. Rituum Congregatio, per hoc Decretum generale, et promulgat et promulgatum esse declarat, in novas Breviarii et Missalis romani editiones inserendum, et ab omnibus ad quos spectat, inde a die 1 ianuarii proximi anni 1961, servandum.

Ut autem libri liturgici qui in usu habentur adhuc adhiberi possint, rubricarum codici adduntur « Variationes » Breviariis et Missalibus necnon Martyrologio aptandis.

Ex ædibus S. Rituum Congregationis, die 26 iulii anni 1960.

† CAIETANUS CARD. CICOGNANI, Ep. Tusculanus, *Præfectus*

L. ✠ S.

Henricus Dante, *a secretis*

RUBRICÆ GENERALES

CAPUT I

NORMÆ GENERALES

1. Rubricæ quæ sequuntur ritum romanum respiciunt.
2. Nomine calendarii veniunt tum calendarium in usum Ecclesiæ universæ, tum calendaria particularia.
3. Rubricæ generales quæ sequuntur, valent tam pro Breviario quam pro Missali. Ipsi tamen exceptiones dantur per particulares rubricas, quæ aliquando in Breviario et in Missali ad normam harum rubricarum redactis occurrunt.

CAPUT II

DE DIE LITURGICO IN GENERE

4. Dies liturgicus est dies sanctificatus actionibus liturgicis, præsertim Sacrificio eucharistico et publica Ecclesiæ prece, id est Officio divino; et decurrit a media nocte ad mediam noctem.
5. Celebratio diei liturgici decurrit per se a Matutino ad Completorium. Sunt tamen dies solemniore, quorum Officium inchoatur a I Vesperis, die præcedenti.
Habetur denique celebratio liturgica non plena seu sola *commemoratio* in Officio et Missa diei liturgici currentis.
6. Singulis diebus fit aut de dominica, aut de feria, aut de vigilia, aut de festo, aut de octava, iuxta calendarium et præcedentiam dierum liturgicorum.
7. Præcedentia inter singulos dies liturgicos unice per peculiarem tabellam (n. 91) determinatur.
8. Dies liturgici sunt primæ, secundæ, tertiæ aut quartæ classis.

CAPUT III

DE DOMINICIS

9. Nomine dominicæ intellegitur dies Domini initio cuiusque hebdomadæ occurrens.
10. Dominicæ sunt I aut II classis.
11. *Dominicæ I classis* sunt:
 - a) I-IV Adventus;
 - b) I-IV Quadragesimæ;
 - c) I-II Passionis;
 - d) dominica Resurrectionis seu Paschatis;
 - e) dominica in albis;
 - f) dominica Pentecostes.
 Dominicæ Paschatis et Pentecostes sunt pariter festa I classis cum octava.
12. Omnes aliæ dominicæ sunt *II classis*.
13. Officium dominicæ incipit a I Vesperis, sabbato præcedenti, et explicit post Completorium dominicæ.
14. Dominica celebratur suo die, iuxta rubricas. Officium et Missa dominicæ impeditæ nec anticipantur nec resumuntur.
15. *Dominica I classis*, in occurrentia, festis quibuslibet præfertur.
Festum tamen Immaculatæ Conceptionis B. Mariæ Virg. præfertur occurrenti dominicæ Adventus.
Ad concurrentiam vero quod attinet, servetur norma, quæ nn. 104-105 traditur.
16. *Dominica II classis*, in occurrentia, festis II classis præfertur.
Attamen.
 - a) festum Domini I aut II classis, in dominica II classis occurrens, locum tenet ipsius dominicæ cum omnibus iuribus et privilegiis: de dominica, proinde, nulla fit commemoratio;
 - b) dominica II classis præfertur Commemorationi omnium Fidelium defunctorum.
Ad concurrentiam vero quod attinet, servetur norma, quæ nn. 104-105 traditur.
17. Dominica excludit per se assignationem perpetuam festorum.
Exciipiuntur:
 - a) festum Ssmi Nominis Iesu, celebrandum dominica quæ occurrit a die 2 ad 5 ianuarii (secus die 2 ianuarii);
 - b) festum S. Familiæ Iesu, Mariæ, Ioseph, celebrandum dominica prima post Epiphaniam;
 - c) festum Ssmæ Trinitatis, celebrandum dominica prima post Pentecosten;
 - d) festum D. N. Iesu Christi Regis, celebrandum dominica ultima mensis octobris;
 - e) festa Domini I classis quæ, in calendariis particularibus, dominicæ II classis nunc assignantur.
Hæc festa locum tenent dominicæ occurrentis cum omnibus iuribus et privilegiis: de dominica, proinde, nulla fit commemoratio.
18. Dominicæ post Epiphaniam quæ, superviente Septuagesima, impediuntur, transferuntur post dominicam XXIII post Pentecosten, hoc ordine:
 - a) si dominicæ post Pentecosten fuerint 25, dominica XXIV erit quæ inscribitur dominica VI post Epiphaniam;
 - b) si dominicæ fuerint 26, dominica XXIV erit quæ inscribitur V post Epiphaniam; et XXV, quæ inscribitur VI;
 - c) si dominicæ fuerint 27, dominica XXIV erit quæ inscribitur IV post Epiphaniam; XXV, quæ inscribitur V; et XXVI, quæ inscribitur VI;
 - d) si dominicæ fuerint 28, dominica XXIV erit quæ inscribitur III post Epiphaniam; XXV, quæ inscribitur IV; XXVI, quæ inscribitur V; et XXVII, quæ inscribitur VI.
 Ultimo tamen loco semper ponitur ea quæ in ordine est XXIV post Pentecosten, omissis, si opus sit, ceteris, quæ aliquando locum habere non possunt.
19. Dominica prima mensis ea intellegitur, quæ prima occurrit in mense, scilicet a die primo ad septimum mensis; dominica autem ultima, quæ diem primum mensis sequentis proxime præcedit.
Item ad computandam primam dominicam mensium augusti, septembris, octobris et novembris, ratione lectionum Scripturæ occurrentis, ea dicitur prima dominica mensis, quæ cadit a die primo ad septimum mensis.
20. Dominica I Adventus ea est, quæ cadit die 30 novembris vel est ipsi proximior.

CAPUT IV

DE FERIIS

21. Nomine feriæ intelleguntur singuli dies hebdomadæ, præter dominicam.
 22. Feriæ sunt primæ, secundæ, tertiæ aut quartæ classis.
 23. *Feriæ I classis* sunt:
 a) feria IV cinerum;
 b) omnes feriæ Hebdomadæ sanctæ.
 Hæ feriæ festis quibuslibet præferuntur, et nullam admittunt commemorationem, nisi unam privilegiatam.
 24. *Feriæ II classis* sunt:
 a) feriæ Adventus a die 17 ad diem 23 decembris;
 b) feriæ Quatuor Temporum Adventus, Quadragesimæ et mensis septembris.
 Hæ feriæ præferuntur festis particularibus II classis; si vero impediuntur, commemorari debent.
 25. *Feriæ III classis* sunt:
 a) feriæ Quadragesimæ et Passionis, a feria V post cineres usque ad sabbatum ante dominicam II Passionis inclusive, superius non nominatæ, quæ præferuntur festis III classis;
 b) feriæ Adventus usque ad diem 16 decembris inclusive, superius non nominatæ, quæ cedunt festis III classis.
 Hæ feriæ, si impediuntur, commemorari debent.
 26. Omnes feriæ, numeris 23-25 non nominatæ, sunt *feriæ IV classis*; quæ numquam commemorantur.
 27. Officium feriæ incipit a Matutino et explicit per se post Completorium; Officium vero sabbati, excepto Officio sabbati sancti, explicit post Nonam.

CAPUT V

DE VIGILIIS

28. Nomine vigiliæ intellegitur dies liturgicus, qui aliquod festum præcedit, et rationem habet præparationis ad illud.
 Vigilia Paschatis vero, cum non sit dies liturgicus, modo sibi proprio, seu pervigilio, celebratur.
 29. Vigiliæ sunt primæ, secundæ aut tertiæ classis.
 30. *Vigiliæ I classis* sunt:
 a) vigilia Nativitatis Domini quæ, in occurrentia, locum tenet dominicæ IV Adventus, de qua, proinde, nulla fit commemoratio;
 b) vigilia Pentecostes.
 Hæ vigiliæ festis quibuslibet præferuntur, et nullam admittunt commemorationem.
 31. *Vigiliæ II classis* sunt:
 a) vigilia Ascensionis Domini;
 b) vigilia Assumptionis B. Mariæ Virg.;
 c) vigilia Nativitatis S. Ioannis Baptistæ;
 d) vigilia Ss. Petri et Pauli Apostolorum.
 Hæ vigiliæ præferuntur diebus liturgicis III et IV classis; et, si impediuntur, commemorantur, iuxta rubricas.
 32. *Vigilia III classis* est vigilia S. Laurentii.
 Hæc vigilia præfertur diebus liturgicis IV classis; et, si impeditur, commemoratur, iuxta rubricas.
 33. Vigilia II aut III classis penitus omittitur, si occurrat in dominica quavis, aut in festo I classis, vel si festum cui præmittitur in alium diem transferri aut ad commemorationem reduci contingat.
 34. Officium vigiliæ incipit a Matutino et explicit quando initium habet Officium festi subsequens.

CAPUT VI

DE FESTIS ET CALENDARIO

A) De natura et proprietate festorum

35. Nomine festi intellegitur dies liturgicus in quo cultus publicus Ecclesiæ peculiari modo ad mysteria Domini recolenda, vel ad B. Mariam Virg., aut Angelos, aut Sanctos vel Beatos venerandos dirigitur.
 36. Festa sunt primæ, secundæ aut tertiæ classis.
 37. Ratio celebrationis festorum hæc est:
 a) festa I classis inter dies solemniore adnumerantur, quorum Officium incipit a I Vesperis, die præcedenti;
 b) festa II et III classis Officium habent quod per se decurrit a Matutino ad Completorium ipsius diei;
 c) festa vero Domini II classis I Vesperas acquirunt, quoties, in occurrentia, locum tenent dominicæ II classis.
 38. *Festa sunt universalis* aut *particularia*; particularia autem sunt *propria* aut *indulta*.
 39. Festa *universalis* ea sunt quæ a Sancta Sede in calendario Ecclesiæ universæ inscribuntur.
 Hæc festa ab omnibus, qui ritum romanum sequuntur, celebrari debent, iuxta rubricas.
 40. Festa *particularia* ea sunt quæ ex iure aut ex indulto Sanctæ Sedis in calendariis particularibus inscribuntur.
 Hæc festa ab omnibus, qui illo calendario tenentur, celebrari debent, iuxta rubricas, et nonnisi ex speciali Sanctæ Sedis indulto e calendario expungi vel gradu maturi possunt.
 41. Festa particularia, *ipso iure* in calendario inscribenda, sunt festa propria:
 a) cuiusque nationis et regionis seu provinciæ sive ecclesiasticæ sive civilis (n. 42);
 b) cuiusque diœcesis seu territorii ecclesiastici cui præficitur « Ordinarius loci » (n. 43);
 c) cuiusque loci seu oppidi vel civitatis (n. 44);
 d) cuiusque ecclesiæ aut oratorii publici vel semipublici, quod locum tenet ecclesiæ (n. 45);
 e) cuiusque Ordinis seu Congregationis (n. 46).
 42. *Festa propria cuiusque nationis et regionis seu provinciæ sive ecclesiasticæ sive civilis* sunt:
 a) festum Patroni principalis rite constituti (I classis);
 b) festum Patroni secundarii rite constituti (II classis).
 43. *Festa propria cuiusque diœcesis seu territorii ecclesiastici cui præficitur « Ordinarius loci »* sunt:
 a) festum Patroni principalis rite constituti (I classis);
 b) anniversarium Dedicationis ecclesiæ cathedralis (I classis);
 c) festum Patroni secundarii rite constituti (II classis);

d) festa Sanctorum et Beatorum, qui in Martyrologio vel eius Appendice rite sunt inscripti, qui ad diœcesim peculiare habent relationes, ut sunt originis, commorationis longioris, obitus (II vel III classis, aut commemoratio).

44. *Festa propria cuiusque loci seu oppidi vel civitatis* sunt:

- a) festum Patroni principalis rite constituti (I classis);
- b) festum Patroni secundarii rite constituti (II classis).

45. *Festa propria cuiusque ecclesiæ aut oratorii publici vel semipublici, quod locum tenet ecclesiæ*, sunt:

- a) anniversarium Dedicationis, si sint consecrata (I classis);
- b) festum Tituli, si sint consecrata aut saltem solemniter benedicta (I classis);
- c) festum Sancti, in Martyrologio vel eius Appendice rite descripti, cuius corpus ibi asservatur (II classis);
- d) festum Beati, item in Martyrologio vel eius Appendice rite descripti, cuius corpus ibi asservatur (III classis).

46. *Festa propria cuiusque Ordinis seu Congregationis* sunt:

- a) festum Tituli (I classis);
- b) festum Fundatoris canonizati (I classis) vel beatificati (II classis);
- c) festum Patroni principalis rite constituti totius Ordinis seu Congregationis, in universo Ordine vel Congregatione; aut Patroni principalis item rite constituti cuiusque provinciæ religiosæ, in singulis provinciis (I classis);
- d) festum Patroni secundarii, ut supra (II classis);
- e) festa Sanctorum et Beatorum, qui illius Ordinis vel Congregationis sodales fuerunt (II vel III classis, aut commemoratio).

47. *Festa particularia indulta* sunt festa quæ, ex indulto Sanctæ Sedis, in calendariis particularibus inscribuntur.

B) De calendario et festis in eo inscribendis

48. Calendarium est *universale* aut *particulare* seu proprium.

49. *Calendarium universale* est calendarium in usum Ecclesiæ universæ, quod Breviario ac Missali romano præficitur.

50. *Calendarium particulare* seu proprium est diœcesanum aut religiosum; et conficitur inserendo calendario universali festa particularia.

Huiusmodi autem calendarium particulare perpetuum conficiendum est respective ab Ordinario loci aut a supremo Religionis Moderatore de consilio sui Capituli vel Consilii generalis, et approbari debet a S. Rituum Congregatione.

51. *Calendarium diœcesanum* habet quælibet diœcesis et quodlibet aliud territorium ecclesiasticum cui præficitur « Ordinarius loci ».

52. In calendario *diœcesano*, præter festa universalia, inscribi debent:

- a) festa propria (n. 42) et indulta universæ nationi et regioni seu provinciæ sive ecclesiasticæ sive civili;
- b) festa propria (n. 43) et indulta universæ diœcesi.

53. Super huiusmodi calendario *diœcesano* conficitur:

- a) calendarium cuiusque loci, addendo festa propria (n. 44) et indulta;
- b) calendarium cuiusque ecclesiæ aut oratorii, item addendo festa loci propria (n. 44) et indulta, atque festa ipsi ecclesiæ propria (n. 45) et indulta;
- c) calendarium Congregationum religiosarum seu Institutum iuris pontificii, quæ ad recitationem divini Officii non obligantur; et Congregationum iuris diœcesani, addendo festa loci propria (n. 44) et indulta; necnon et alia ipsis propria (nn. 45 et 46) et indulta.

54. *Calendarium religiosum* habent:

- a) Ordines regulares, et Moniales ac Sorores eiusdem Ordinis, necnon Tertiarii eidem aggregati in communi viventes et vota simplicia emittentes;
- b) Congregationes religiosæ seu Instituta utriusque sexus, iuris pontificii, et sub regimine unius præsidis generalis constituta, si ad recitationem divini Officii, ex quovis capite, tenentur.

55. In calendario *religioso*, præter festa universalia, inscribi debent festa propria (n. 46) et indulta ipsi Ordini seu Congregationi.

56. Super huiusmodi calendario *religioso* conficitur:

- a) calendarium cuiusque provinciæ religiosæ, addendo festa propria (n. 46) et indulta;
- b) calendarium cuiusque ecclesiæ aut oratorii, item addendo festa propria (n. 45) et indulta, necnon et alia de quibus numero sequenti: quod calendarium vocatur etiam domus religiosæ.

57. In singulis diœcesibus et locis, Religiosi, ii etiam qui alium ritum ac romanum sequuntur, celebrare tenentur, una cum clero diœcesano:

- a) festum Patroni principalis nationis, regionis seu provinciæ sive ecclesiasticæ sive civilis, diœcesis, loci seu oppidi vel civitatis (I classis);
- b) anniversarium Dedicationis ecclesiæ cathedralis (I classis);
- c) alia festa actu feriata, si quæ sint, eodem gradu quo in calendario diœcesano inscribuntur.

58. Religiosi, in celebrandis festis Sanctorum Ordinis seu Congregationis, quoad diem et Officium magis proprium, clero diœcesano se conformare tenentur, sicuti iidem Sancti tamquam Patroni principales (n. 57a) recoluntur.

Item, si festa Sanctorum aut Beatorum alicuius Ordinis seu Congregationis gradu superiore aut Officio magis proprio a clero alicuius diœcesis vel loci celebrantur, ibidem etiam a Religiosis eiusdem Ordinis seu Congregationis eodem gradu superiore aut Officio magis proprio celebrari possunt, dummodo eadem festa, in utroque calendario, eodem die inscripta sint.

C) De festorum die proprio

59. Festa in calendaria iam inducta eo die celebrentur, quo nunc in calendariis inscripta inveniuntur.

60. Pro novis festis *universalibus* inducendis, hæc servantur:

- a) festa Sanctorum ordinarie diei natalicio assignentur, diei nempe quo Sanctus æternæ vitæ natus est; hoc die ex qualibet causa impedito, eadem festa assignentur diei a S. Sede determinando, qui proinde habebitur tamquam dies quasi-natalicius;
- b) pro ceteris festis, dies a S. Sede assignabuntur.

61. Pro novis festis *particularibus* inducendis, hæc servantur:

- a) festa propria Sanctorum vel Beatorum ordinarie diei natalicio assignentur, nisi sit impeditus aut aliter a S. Sede dispositum sit. Festa tamen alicuius loci vel ecclesiæ propria, quæ etiam in calendario universali vel diœcesano vel religioso gradu quidem inferiore inscribuntur, eodem die celebranda sunt ac in calendario universali vel diœcesano vel religioso;

b) si dies natalicius ignoretur, festa assignentur, cum approbatione S. Sedis, diei qui, in calendario perpetuo diœcesano vel religioso, sit IV classis;

c) si vero dies natalicius perpetuo impediatur pro universa diœcesi vel Religione vel ecclesia propria, festa in tali calendario particulari, si sint I vel II classis, assignentur proximiori diei sequenti qui non sit I vel II classis; si sint III classis, assignentur proximiori diei, qui ab aliis festis et Officiis paris aut superioris gradus liber exsistat;

d) festa particularia indulta inscribantur in calendario die a S. Sede in concessione assignato.

62. Sancti vel Beati qui in calendario, ex quavis ratione, unico festo inscribuntur, semper simul celebrantur prout in Breviario habetur, quoties eodem gradu sunt colendi, etsi unus aut aliqui eorum sint magis proprii.

Proinde:

a) si unus aut aliqui ex his Sanctis festo I classis essent colendi, fit Officium de his tantum, omissis sociis;

b) si unus aut aliqui ex his Sanctis vel Beatis essent magis proprii et gradu superiore essent colendi, fit integrum Officium de magis propriis, cum commemoratione sociorum.

CAPUT VII

DE OCTAVIS

A) De octavis in genere

63. Octava est celebratio summorum festorum per octo dies continuos protracta.

64. Celebrantur tantum octavæ Nativitatis Domini, Paschatis et Pentecostes, exclusis omnibus aliis, sive in calendario universali sive in calendariis particularibus.

65. Octavæ sunt I aut II classis.

B) De octavis I classis

66. Octavæ I classis sunt octavæ Paschatis et Pentecostes. Dies infra has octavas sunt I classis.

C) De octavis II classis

67. Octava II classis est octava Nativitatis Domini. Dies infra octavam sunt II classis; dies autem octavus est I classis.

68. Octava Nativitatis Domini modo peculiari ordinatur, scilicet:

a) die 26 decembris, fit festum S. Stephani Protomart. (II classis);

b) die 27 decembris, fit festum S. Ioannis Ap. et Evang. (II classis);

c) die 28 decembris, fit festum Ss. Innocentium Mart. (II classis);

d) die 29 decembris, fit commemoratio S. Thomæ Episcopi et Mart.;

e) die 31 decembris, fit commemoratio S. Silvestri I Papæ et Conf.;

f) ex festis particularibus ea tantum admittuntur quæ sunt I classis et in honorem Sanctorum qui in calendario universali his diebus inscribuntur, etsi tantum ad modum commemorationis; cetera transferuntur post octavam.

69. De dominica infra octavam Nativitatis Domini, quæ scilicet a die 26 ad 31 decembris occurrit, semper fit Officium cum commemoratione festi forte occurrentis, iuxta rubricas, nisi dominica incidat in festum I classis: quo in casu, fit de festo cum commemoratione dominicæ.

70. Normæ peculiares pro ordinandis Officio et Missa infra octavam Nativitatis Domini inveniuntur in rubricis Beviarii et Missalis.

CAPUT VIII

DE ANNI TEMPORIBUS

A) De tempore Adventus

71. Tempus sacri Adventus decurrit a I Vesperis dominicæ I Adventus usque ad Nonam inclusive vigiliæ Nativitatis Domini.

B) De tempore natalicio

72. Tempus natalicium decurrit a I Vesperis Nativitatis Domini usque ad diem 13 ianuarii inclusive.

Huiusmodi autem temporis spatium comprehendit:

a) tempus Nativitatis, quod decurrit a I Vesperis Nativitatis Domini usque ad Nonam inclusive diei 5 ianuarii;

b) tempus Epiphaniæ, quod decurrit a I Vesperis Epiphaniæ Domini usque ad diem 13 ianuarii inclusive.

C) De tempore Septuagesimæ

73. Tempus Septuagesimæ decurrit a I Vesperis dominicæ in Septuagesima usque post Completorium feriæ III hebdomadæ Quinquagesimæ.

D) De tempore quadragesimali

74. Tempus quadragesimale decurrit a Matutino feriæ IV cinerum usque ad Missam Vigiliæ paschalis exclusive.

Huiusmodi autem temporis spatium comprehendit:

a) tempus Quadragesimæ, quod decurrit a Matutino feriæ IV cinerum usque ad Nonam inclusive sabbati ante dominicam I Passionis;

b) tempus Passionis, quod decurrit a I Vesperis dominicæ I Passionis usque ad Missam Vigiliæ paschalis exclusive.

75. Hebdomada a dominica II Passionis seu in palmis usque ad Sabbatum sanctum inclusive dicitur *Hebdomada sancta*; tres autem ultimi dies eiusdem hebdomadæ nomine *Tridui sacri* designantur.

E) De tempore paschali

76. Tempus paschale decurrit ab initio Missæ Vigiliæ paschalis usque ad Nonam inclusive sabbati in octava Pentecostes.

Huiusmodi autem temporis spatium comprehendit:

a) tempus Paschatis, quod decurrit ab initio Missæ Vigiliæ paschalis usque ad Nonam inclusive vigiliæ Ascensionis Domini;

b) tempus Ascensionis, quod decurrit a I Vesperis Ascensionis Domini usque ad Nonam inclusive vigiliæ Pentecostes;

c) octavam Pentecostes, quæ decurrit a Missa vigiliæ Pentecostes usque ad Nonam inclusive sabbati sequentis.

F) *De tempore « per annum »*

77. Tempus « per annum » decurrit a die 14 ianuarii usque ad Nonam sabbati ante dominicam in Septuagesima et a I Vesperis festi Ssmæ Trinitatis, id est dominicæ I post Pentecosten, usque ad Nonam inclusive sabbati ante dominicam I Adventus.

CAPUT IX

DE SANCTA MARIA IN SABBATO

78. In sabbatis, in quibus occurrit Officium de feria IV classis, fit de sancta Maria in sabbato.

79. Officium sanctæ Mariæ in sabbato incipit a Matutino et explicit post Nonam.

CAPUT X

DE LITANIIS MAIORIBUS ET MINORIBUS

A) *De Litiis maioribus*

80. Litiis maiores assignatæ sunt diei 25 aprilis; si vero eo die occurrit dominica Paschatis vel feria II post Pascha, transferuntur in sequentem feriam III.

81. De Litiis maioribus nihil fit in Officio, sed tantum in Missa. Earum autem commemoratio non est habenda commemoratio « de Tempore ».

82. Iuxta ecclesiarum et locorum condiciones et consuetudines, cuius rei iudex est Ordinarius loci, hoc die fit processio, in qua dicuntur Litiis Sanctorum (quæ tamen non duplicantur) cum suis precibus.

83. Si autem processio fieri nequit, locorum Ordinarii instituant peculiare supplicationes, in quibus dicantur Litiis Sanctorum et aliæ preces in processione fieri solitæ.

84. Omnes qui ad recitationem divini Officii obligantur, processioni vero aut aliis peculiaribus supplicationibus, de quibus numero præcedenti, non intersunt, tenentur dicere, hoc die, Litanias Sanctorum cum suis precibus, lingua latina.

85. Si Litiis Sanctorum cum suis precibus, iuxta locorum consuetudinem, in processione vel aliis peculiaribus supplicationibus, lingua vernacula, una cum fidelibus dicuntur, ii qui ad recitationem divini Officii obligantur, et his supplicationibus rite intersunt, non tenentur has preces lingua latina iterare.

86. Missa de Rogationibus regulariter dicenda est expleta processione, iuxta ea quæ in nn. 346-347 statuuntur. Convenit autem ut Missa de Rogationibus dicatur etiam post peculiare supplicationes, quæ locum tenent processionis, etsi horis vespertinis peragantur.

B) *De Litiis minoribus seu de Rogationibus*

87. Litiis minores seu Rogationes, per se, assignantur feriis II, III et IV ante festum Ascensionis Domini. Ordinariis autem locorum facultas tribuitur eas transferendi ad alios tres dies continuos magis opportunos iuxta regionum diversitatem aut consuetudinem aut necessitatem.

88. De Litiis minoribus nihil fit in Officio, sed tantum in Missa quæ connectitur cum processione aut aliis peculiaribus supplicationibus.

89. Ad processionem aut alias peculiare supplicationes et Missam aut commemorationem quod attinet, servantur quæ supra de Litiis maioribus statuta sunt (nn. 81-83 et 86).

90. Litiis Sanctorum cum suis precibus, his diebus, dicuntur tantum in processione aut aliis supplicationibus (cfr. n. 85). Proinde qui ad recitationem divini Officii obligantur, processioni vero aut aliis peculiaribus supplicationibus non intersunt, non tenentur dicere, his diebus, Litanias Sanctorum cum suis precibus.

CAPUT XI

DE PRÆCEDENTIA DIERUM LITURGICORUM

91. Præcedentia dierum liturgicorum, sublatis quibuslibet aliis titulis vel normis, unice regitur ex sequenti.

TABELLA DIERUM LITURGICORUM

SECUNDUM ORDINEM PRÆCEDENTIÆ DISPOSITA

Dies liturgici I classis

1. Festum Nativitatis Domini, dominica Resurrectionis et dominica Pentecostes (I classis cum octava).
2. Triduum sacrum.
3. Festa Epiphaniæ et Ascensionis Domini, Ssmæ Trinitatis, Corporis Christi, Cordis Iesu et Christi Regis.
4. Festa Immaculatæ Conceptionis et Assumptionis B. Mariæ Virg.
5. Vigilia et dies octavus Nativitatis Domini.
6. Dominicæ Adventus, Quadragesimæ et Passionis, et dominica in albis.
7. Feriæ I classis superius non nominatæ, nempe: IV cinerum et II, III et IV Hebdomadæ sanctæ.
8. Commemoratio omnium Fidelium defunctorum, quæ tamen locum cedit dominicæ occurrenti.
9. Vigilia Pentecostes.
10. Dies infra octavas Paschatis et Pentecostes.
11. Festa I classis Ecclesiæ universæ superius non nominata.
12. Festa I classis *propria*, nempe:
 - 1) Festum Patroni principalis rite constituti: a) nationis, b) regionis seu provinciæ sive ecclesiasticæ sive civilis, c) diæcesis.
 - 2) Anniversarium Dedicationis ecclesiæ cathedralis.
 - 3) Festum Patroni principalis rite constituti loci seu oppidi vel civitatis.
 - 4) Festum et anniversarium Dedicationis ecclesiæ propriæ, aut oratorii publici vel semipublici, quod locum tenet ecclesiæ.
 - 5) Titulus ecclesiæ propriæ.
 - 6) Festum Tituli Ordinis seu Congregationis.
 - 7) Festum Fundatoris canonizati Ordinis seu Congregationis.

- 8) Festum Patroni principalis rite constituti Ordinis seu Congregationis, et provinciæ religiosæ.
13. Festa *indulta* I classis, primum mobilia, deinde fixa.

Dies liturgici II classis

14. Festa Domini II classis, primum mobilia, deinde fixa.
15. Dominicæ II classis.
16. Festa II classis Ecclesiæ universæ, quæ non sunt Domini.
17. Dies infra octavam Nativitatis Domini.
18. Feriæ II classis, nempe: Adventus a die 17 ad diem 23 decembris inclusive, et feriæ Quatuor Temporum Adventus, Quadragesimæ et mensis septembris.
19. Festa *propria* II classis, nempe:
1) Festum Patroni secundarii rite constituti: a) nationis, b) regionis seu provinciæ sive ecclesiasticæ sive civilis, c) diœcesis, d) loci seu oppidi vel civitatis.
2) Festa Sanctorum aut Beatorum, de quibus n. 43 d.
3) Festa Sanctorum alicui ecclesiæ propria (n. 45 c).
4) Festum Fundatoris beatificati Ordinis seu Congregationis (n. 46 b).
5) Festum Patroni secundarii rite constituti Ordinis seu Congregationis, et provinciæ religiosæ (n. 46 d).
6) Festa Sanctorum aut Beatorum, de quibus n. 46 e.
20. Festa *indulta* II classis, primum mobilia, deinde fixa.
21. Vigiliæ II classis.

Dies liturgici III classis

22. Feriæ Quadragesimæ et Passionis, a feria V post cineres usque ad sabbatum ante dominicam II Passionis inclusive, exceptis feriis Quatuor Temporum.
23. Festa III classis, in calendariis particularibus inscripta, et quidem primum festa *propria*, nempe:
1) Festa Sanctorum aut Beatorum, de quibus n. 43 d.
2) Festa Beatorum alicui ecclesiæ propria (n. 45 d).
3) Festa Sanctorum aut Beatorum, de quibus n. 46 e; deinde festa *indulta*, primum mobilia, deinde fixa.
24. Festa III classis, in calendario Ecclesiæ universæ inscripta, primum mobilia, deinde fixa.
25. Feriæ Adventus usque ad diem 16 decembris inclusive, exceptis feriis Quatuor Temporum.
26. Vigilia III classis.

Dies liturgici IV classis

27. Officium sanctæ Mariæ in sabbato.
28. Feriæ IV classis.

CAPUT XII

DE DIERUM LITURGICORUM OCCURRENTIA

92. *Occurrentia* dicitur occursus duorum vel plurium Officiorum uno eodemque die.
Occurrentia autem dicitur *accidentalis*, quando dies liturgicus mobilis et dies liturgicus fixus certis solummodo annorum intervallis simul occurrunt; *perpetua* vero quando duo dies liturgici quotannis simul occurrunt.
93. Effectus occurrentiæ est, ut Officium diei liturgici gradus inferioris Officio gradus superioris cedat: quod fieri potest per minus nobilis omissionem, aut commemorationem, aut translationem, aut repositionem, prout numeris sequentibus indicatur.
94. Commemoratio die fixo statuta non transfertur vel reponitur cum festo transferendo vel reponendo, sed fit suo die vel omittitur, iuxta rubricas.

CAPUT XIII

DE DIERUM LITURGICORUM OCCURRENTIA
ACCIDENTALI EORUMQUE TRANSLATIONE

95. Ius translationis in alium diem ob occurrentiam accidentalem cum die liturgico, qui in tabella præcedentiæ superiorem obtinet locum, competit solummodo festis I classis. Alia festa, ab Officio gradus superioris accidentaliter impedita, aut commemorantur aut, eo anno, penitus omittuntur, iuxta rubricas.
Si vero duo festa eiusdem Divinæ Personæ aut duo festa eiusdem Sancti vel Beati simul occurrunt, fit de festo, quod in tabella præcedentiæ superiorem obtinet locum, et aliud omittitur.
96. Festum I classis impeditum a die qui in tabella præcedentiæ superiorem obtinet locum, transfertur in proximum sequentem diem qui non sit I vel II classis.
Attamen:
a) festum Annuntiationis B. Mariæ Virg., quando est transferendum post Pascha, transfertur, tamquam in sedem propriam, in feriam II post dominicam in albis;
b) Commemoratio omnium Fidelium defunctorum, quando occurrit cum dominica, transfertur, tamquam in sedem propriam, in feriam II sequentem.
97. Si *eodem die* plura festa I classis simul occurrant, ipso die celebratur festum, quod in tabella præcedentiæ superiorem obtinet locum; et alia transferuntur secundum ordinem quo in eadem tabella præcedentiæ inscripta sunt.
98. Item, si plura festa I classis transferri contingat, quæ *diebus subsequentibus* occurrunt, servetur ordo quo in tabella præcedentiæ inscribuntur; in paritate autem Officium prius impeditum præcedit.
99. Festa translata sunt eiusdem gradus ac in sede propria.

CAPUT XIV

DE DIERUM LITURGICORUM OCCURRENTIA
PERPETUA EORUMQUE REPOSITIONE

100. Ius repositionis in alium diem, ob occurrentiam perpetuam cum die liturgico, qui in tabella præcedentiæ superiorem obtinet locum, competit omnibus festis I et II classis, necnon festis particularibus III classis extra Adventum et Quadragesimam occurrentibus, quæ in tota diœcesi vel in toto Ordine seu Congregatione vel in propria ecclesia impediuntur.

Festa autem III classis Ecclesiæ universæ, in aliquo calendario particulari, et festa III classis diœceseos vel Ordinis seu Congregationis, in aliquibus tantum ecclesiis perpetuo impedita, perpetuo aut commemorantur aut penitus omittuntur, iuxta rubricas.

101. Festa reponenda, si sint I vel II classis, assignentur proximiori diei sequenti qui non sit I vel II classis; si sint III classis, assignentur proximiori diei sequenti, qui ab aliis Officiis paris aut superioris gradus liber existat.

102. Dies in quem festa perpetuo impedita reposita sunt, habetur tamquam dies proprius, in quo festum repositum celebratur sub eodem gradu ac in sede propria.

CAPUT XV

DE CONCURRENTIA DIERUM LITURGICORUM

103. Concurrentia dicitur concursus Vesperarum diei liturgici currentis cum I Vesperis diei liturgici subsequents.

104. In concurrentia præferuntur Vesperæ diei liturgici classis superioris, et alteræ commemorantur vel non, iuxta rubricas.

105. Quando vero dies liturgici, quorum Vesperæ concurrunt, sunt eiusdem classis, dicuntur integræ secundæ Vesperæ de Officio currenti et fit commemoratio sequents, iuxta rubricas.

CAPUT XVI

DE COMMEMORATIONIBUS

106. Quæ hic de commemorationibus statuuntur, valent tam pro Missa quam pro Officio, sive in concurrentia sive in concurrentia.

107. Commemorationes sunt aut *privilegiatæ* aut *ordinariæ*.

108. Commemorationes *privilegiatæ* fiunt in Laudibus et in Vesperis necnon in omnibus Missis; commemorationes vero *ordinariæ* fiunt tantum in Laudibus, in Missis conventualibus et in omnibus Missis lectis.

109. Commemorationes *privilegiatæ* sunt commemorationes:

- a) de dominica;
- b) de die liturgico I classis;
- c) de diebus infra octavam Nativitatis Domini;
- d) de feriis Quatuor Temporum mensis septembris;
- e) de feriis Adventus, Quadragesimæ et Passionis;
- f) de Litaniis maioribus, in Missa.

Omnes aliæ commemorationes sunt commemorationes *ordinariæ*.

110. In Officio et Missa S. Petri semper fit commemoratio S. Pauli, et vicissim. Hæc commemoratio dicitur *inseparabilis*; et duæ orationes adeo in unam coalescere censentur ut, in numero orationum computando, pro unica habeantur. Proinde:

- a) in Officio S. Petri aut S. Pauli, oratio alterius Apostoli additur, ad Laudes et ad Vesperas, sub unica conclusione, orationi diei, absque antiphona et versu;
- b) in Missa S. Petri aut S. Pauli, oratio alterius Apostoli additur, sub unica conclusione, orationi diei;
- c) quoties vero oratio unius Apostoli addenda est *ad modum commemorationis*, huic orationi additur altera immediate, ante omnes alias commemorationes.

111. Ratio admittendi commemorationes hæc est:

- a) in diebus liturgicis I classis et in Missis in cantu non conventualibus, nulla admittitur commemoratio, præter unam privilegiatam;
- b) in dominicis II classis, una tantum admittitur commemoratio, scilicet de festo II classis, quæ tamen omittitur si commemoratio privilegiata facienda sit;
- c) in aliis diebus liturgicis II classis, una tantum admittitur commemoratio, scilicet aut una privilegiata aut una ordinaria;
- d) in diebus liturgicis III et IV classis, duæ tantum admittuntur commemorationes.

112. Ad commemorationes et orationes quod attinet, hæc insuper servantur:

- a) Officium, Missa aut commemoratio de aliquo festo vel mysterio unius Divinæ Personæ excludit commemorationem aut orationem de alio festo vel mysterio eiusdem Divinæ Personæ;
- b) Officium, Missa aut commemoratio de dominica excludit commemorationem aut orationem de festo vel mysterio Domini, et vicissim;
- c) Officium, Missa aut commemoratio de Tempore excludit aliam commemorationem de Tempore;
- d) item, Officium, Missa aut commemoratio de B. Maria Virg. aut de aliquo Sancto vel Beato excludit aliam commemorationem aut orationem in qua eiusdem B. Mariæ Virg., vel Sancti aut Beati intercessio impleretur: quod tamen non valet de oratione dominicæ vel feriæ, in qua fit invocatio eiusdem Sancti.

113. Commemoratio de Tempore fit primo loco. In admittendis et ordinandis aliis commemorationibus, servetur ordo tabellæ præcedentiæ.

114. Quælibet commemoratio, quæ numerum pro singulis diebus liturgicis statutum superet, omittitur.

CAPUT XVII

DE CONCLUSIONE ORATIONUM

115. Conclusio orationum tam in Missa quam in Officio hæc est:

- a) si oratio dirigitur ad Patrem, concluditur: *Per Dominum nostrum Iesum Christum Filium tuum, qui tecum vivit et regnat in unitate Spiritus Sancti, Deus, per omnia sæcula sæculorum. Amen;*
- b) si oratio dirigitur ad Patrem, sed in eius principio fit mentio Filii, concluditur: *Per eundem Dominum nostrum, etc.* ut supra;
- c) si oratio dirigitur ad Patrem, sed in fine ipsius fit mentio Filii, concluditur: *Qui tecum vivit et regnat in unitate Spiritus Sancti, Deus, per omnia sæcula sæculorum. Amen;*
- d) si oratio dirigitur ad Filium, concluditur: *Qui vivis et regnas cum Deo Patre in unitate Spiritus Sancti, Deus, per omnia sæcula sæculorum. Amen;*
- e) si in oratione facta est mentio Spiritus Sancti, in conclusione dicitur...: *in unitate eiusdem Spiritus Sancti, etc.*

116. Servandæ sunt etiam aliæ peculiare conclusiones in libris liturgicis quandoque notatæ.

CAPUT XVIII

DE COLORIBUS PARAMENTORUM

A) *De coloribus paramentorum in genere*

117. Paramenta altaris, celebrantis et ministrorum debent esse coloris convenientis Officio et Missæ diei aut alteri Missæ celebrandæ, secundum usum Romanæ Ecclesiæ, quæ quinque coloribus uti consuevit: albo, rubro, viridi, violaceo et nigro.

Indulta tamen et consuetudines legitimæ circa usum aliorum colorum in suo robore manent.

Sicubi vero in regionibus Missionum, ex probata et originali traditione gentis indigenæ, significatio unius vel alterius coloris liturgici Ecclesiæ Romanæ cum significatione quæ illis populis congenita est non congruit, Conferentiæ episcopali eiusdem regionis, vel maioris territorii, si ita magis conveniat, facultas datur, ut in locum coloris inepti alium colorem magis aptum substituant; hoc tamen non fiat inconsulta S. Rituum Congregatione.

118. Ad colorem paramentorum in Missis votivis lectis IV classis quod attinet, ea quæ n. 323 traduntur, reculantur.

B) *De colore albo*

119. Colore albo utendum est in *Officio et Missa de Tempore*:

- a) a festo Nativitatis Domini usque ad expletum tempus Epiphaniæ;
- b) a Missa Vigilæ paschalis usque ad Missam vigilæ Pentecostes exclusive.

120. Adhibetur color albus in *Officio et Missa de festis*:

- a) Domini, exceptis festis de mysteriis et instrumentis Passionis;
- b) B. Mariæ Virg., etiam in benedictione et processione candelarum die 2 februarii;
- c) Ss. Angelorum;
- d) Omnium Sanctorum (1 novembris);
- e) Sanctorum non Martyrum;
- f) S. Ioannis Ap. et Ev. (27 decembris); Cathedræ S. Petri (22 februarii); Conversionis S. Pauli (25 ianuarii); Nativitatis S. Ioannis Baptistæ (24 iunii).

121. Colorem album requirunt *Missæ votivæ*:

- a) quæ respondent festis, de quibus numero præcedenti;
- b) de D. N. Iesu Christo, summo atque æterno Sacerdote;
- c) de coronatione Summi Pontificis, et de anniversariis Summi Pontificis et Episcopi diocesani;
- d) « Pro Sponsis ».

122. Demum adhibetur color albus, feria V Hebdomadæ sanctæ, in Missa Chrismatis et in Missa in Cena Domini; necnon, a diacono, pro cantu præconii paschalis et, a celebrante, ad renovationem promissionum baptismatis in Vigilia paschali.

C) *De colore rubro*

123. Rubro colore utendum est in *Officio et Missa de Tempore* a Missa vigilæ Pentecostes usque ad Nonam sabbati sequentis.

124. Item adhibetur color ruber in *Officio et Missa de festis*:

- a) mysteriorum et instrumentorum Passionis Domini;
- b) Sanctorum Apostolorum et Evangelistarum, in eorum die natalicio, excepto festo S. Ioannis (27 decembris);
- c) Commemorationis S. Pauli Apostoli (30 iunii);
- d) Commemorationis omnium Ss. Summorum Pontificum;
- e) Sanctorum Martyrum, quorum colitur aut martyrium, aut inventio, aut translatio;
- f) Sanctarum Reliquiarum.

125. Colorem rubrum requirunt *Missæ votivæ*:

- a) de Passione Domini;
- b) de Spiritu Sancto;
- c) de Mysteriis et Sanctis, de quibus numero præcedenti;
- d) pro eligendo Summo Pontifice.

126. Demum adhibetur color ruber, dominica II Passionis seu in palmis, ad benedictionem et processionem ramorum.

D) *De colore viridi*

127. Color viridis adhibetur in *Officio et Missa de Tempore*:

- a) a die 14 ianuarii usque ad sabbatum ante Septuagesimam;
- b) a feria II post dominicam I post Pentecosten, usque ad sabbatum ante Adventum.

Excipiuntur feriæ Quatuor Temporum mensis septembris et vigilæ II et III classis, extra tempus paschale.

E) *De colore violaceo*

128. Color violaceus adhibetur in *Officio et Missa de Tempore*:

- a) a dominica I Adventus usque ad vigiliam Nativitatis Domini inclusive;
- b) a dominica in Septuagesima usque ad Vigiliam paschalem, exceptis: benedictione et processione ramorum in dominica II Passionis; Missa sive Chrismatis sive in Cena Domini feria V Hebdomadæ sanctæ; Actione liturgica feria VI in Passione et Morte Domini usque ad Communionem exclusive; necnon cantu præconii paschalis, pro diacono, et renovatione promissionum baptismatis, pro celebrante, in Vigilia paschali;
- c) in feriis Quatuor Temporum mensis septembris;
- d) in vigiliis II et III classis, extra tempus paschale.

129. *Missæ votivæ*, quæ colorem violaceum requirunt, sunt:

- a) Pro Fidei propagatione;
- b) Pro Ecclesiæ defensione;
- c) Pro unitate Ecclesiæ;
- d) Tempore belli;
- e) Pro pace;
- f) Pro vitanda mortalitate;
- g) Pro remissione peccatorum;
- h) Pro peregrinantibus et iter agentibus;
- i) Pro infirmis;
- l) Ad postulandam gratiam bene moriendi;
- m) Pro quacumque necessitate.

130. Adhibetur color violaceus etiam:
a) ad processionem et Missam in Litanis maioribus et minoribus;
b) ad benedictionem cinerum;
c) ad Communionem in Actione liturgica feriæ VI in Passione et Morte Domini;
d) in Missis de Commemoratione omnium Fidelium defunctorum, quæ celebrantur tempore expositionis Ssmi Sacramenti pro oratione Quadraginta Horarum.
131. Paramenta *coloris rosacei* adhiberi possunt, dominica III Adventus et dominica IV Quadragesimæ, sed in Officio et Missa diei dominici tantum.

F) *De colore nigro*

132. Nigro colore utendum est:
a) in Actione liturgica feriæ VI in Passione et Morte Domini, usque ad Communionem exclusive;
b) in Officiis ac Missis defunctorum, excepto casu de quo supra, n. 130 *d*.

CAPUT XIX

DE USU ET QUALITATE PARAMENTORUM

133. In Missa, sacerdos celebrans semper utitur planeta seu casula.
134. Episcopus, et alii qui usu Pontificalium gaudent, si solemniter celebrant, planetam induunt super dalmaticam et tunicellam.
- Item, planetam super dalmaticam et tunicellam induit Episcopus, etiam in Missa lecta:
a) in consecratione Episcopi;
b) in collatione sacrorum Ordinum;
c) in benedictione Abbatis;
d) in benedictione Abbatissæ;
e) in benedictione et consecratione Virginum;
f) in consecratione ecclesiæ et altaris.
- Attamen Episcopus alique de quibus supra, ex rationabili causa, a sumenda tunicella et dalmatica subter planetam abstinere possunt.
135. Pluviale adhibetur:
a) in Officio Laudum et Vesperarum, quando solemniter dicuntur;
b) in benedictionibus quæ fiunt ad altare;
c) in processionibus;
d) in absolutione super cadaver aut super tumulum;
e) in Missa pontificali, a presbytero assistente;
f) ad « orationes solemnes » in Actione liturgica feriæ VI in Passione et Morte Domini;
g) in Vigilia paschali.
136. Cum celebrans utitur pluviali, numquam adhibet manipulum; et si pluviale haberi non potest, in benedictionibus quæ fiunt ad altare, sacerdos stat in alba cum stola, sine planeta et manipulo.
137. Dalmatica et tunicella utuntur diaconus, respective subdiaconus, quando sacerdoti ministrant:
a) in Missa;
b) in benedictionibus ad altare;
c) in processionibus.
- Attamen cum sacerdos celebrans stat sine pluviali, etiam ministri stant sine dalmatica et tunicella. Planetæ plicatæ et stola latior amplius non adhibentur.

RUBRICÆ GENERALES BREVIARII ROMANI — (hic omittuntur).

RUBRICÆ GENERALES

MISSALIS ROMANI

CAPUT I

NOTIONES ET NORMÆ GENERALES

269. Sacrosanctum Missæ Sacrificium, iuxta canones et rubricas celebratum, est actus cultus publici, nomine Christi et Ecclesiæ Deo redditi. Denominatio proinde « Missæ privatæ » vitetur.

270. Missa cum Officio divino summum totius christiani cultus constituit; Missa proinde per se cum Officio diei concordare debet.

Dantur tamen etiam Missæ extra ordinem Officii, scilicet votivæ aut defunctorum.

271. Missarum species duæ sunt: *Missa in cantu* et *Missa lecta*.

Missa dicitur *in cantu*, si sacerdos celebrans partes ab ipso iuxta rubricas cantandas revera cantu profert; secus dicitur *lecta*.

Missa in cantu porro, si celebratur cum assistentia ministrorum sacrorum, appellatur *Missa sollemnis*; si celebratur absque ministris sacris, vocatur *Missa cantata*.

Missa sollemnis demum, quæ ab Episcopo vel ab aliis facultatem habentibus celebratur cum solemnitatibus in libris liturgicis statutis, dicitur *Missa pontificalis*.

272. Missa natura sua postulat, ut omnes adstantes, secundum modum sibi proprium, eidem participant.

Varios autem modos, quibus fideles sacrosancto Missæ Sacrificio actuose participare possunt, ita oportet moderari, ut periculum cuiusvis abusus amoveatur, et præcipuus eiusdem participationis finis obtineatur, plenior scilicet Dei cultus et fidelium ædificatio.

De hac fidelium actuosa participatione fusius actum est in *Instructione de Musica sacra et sacra Liturgia* a S. Rituum Congregatione data die 3 septembris anni 1958.

273. Rubricæ quæ sequuntur valent tam pro Missis in cantu quam pro Missis lectis, nisi aliter expresse caveatur.

CAPUT II

DE CALENDARIO ADHIBENDO IN MISSÆ CELEBRATIONE

274. Missa dicenda est iuxta calendarium aut ecclesiæ vel oratorii in quo Missa celebratur, aut loci, aut ipsius sacerdotis celebrantis, aut Ecclesiæ universæ, prout infra exponitur.

275. *In ecclesia vel oratorio publico*, quilibet sacerdos, tam diœcesanus quam religiosus, celebrare tenetur iuxta calendarium ipsius ecclesiæ vel oratorii publici.

Idem servetur *in oratorio semipublico principali* seminarii, domus religiosæ, collegii, nosocomii, carceris et similium.

276. *In oratoriis secundariis* seminarii, domus religiosæ, collegii, nosocomii, carceris et similium, quilibet sacerdos sequi potest aut calendarium ipsius oratorii aut proprium.

277. *In oratoriis privatis*, et cum celebrat super altare portatile extra locum sacrum, quilibet sacerdos sequi potest aut calendarium loci (n. 53a) aut proprium.

278. De festis Patroni principalis nationis, regionis seu provinciæ sive ecclesiasticæ sive civilis, diœcesis, oppidi seu civitatis, necnon de anniversario Dedicationis ecclesiæ cathedralis et aliis festis actu feriatis, si quæ sint, quilibet sacerdos Missam celebrare debet, etiamsi secus calendarium proprium sequi posset.

279. Oratorium fixe constitutum *in navibus* est oratorium publicum; et in eo adhiberi debet calendarium Ecclesiæ universæ. Cum autem quis celebrat extra huiusmodi oratorium, super altare portatile, adhibere potest vel calendarium Ecclesiæ universæ vel calendarium proprium. Idem facere potest qui legitime celebrat in itinere æreo, fluviali vel viæ ferreæ.

280. In seminariis et collegiis clericorum diœcesanis, Religiosis commissis; necnon in seminariis et collegiis clericorum interdiciensis, regionalibus, nationalibus et internationalibus, etiam Religiosis commissis, idem adhibetur calendarium, quod præcipitur pro recitatione divini Officii in communi (nn. 154-155).

281. In collegiis et domibus interprovincialibus, nationalibus et internationalibus Religiosorum, adhibendum est calendarium proprium Ordinis seu Congregationis universæ (n. 55), additis tantum festis de quibus n. 57.

282. Calendarium *diœcesanum*, additis festis loci et ecclesiæ vel oratorii propriis, adhiberi debet:

a) in ecclesiis cathedralibus, etsi Religiosis sint commissæ;

b) in ecclesiis et oratoriis propriis cleri diœcesani, etsi chorum Religiosorum adnexum habeant, qui cum ecclesia per crates tantum communicat;

c) in ecclesiis et oratoriis Religiosorum utriusque sexus, qui calendarium proprium non habent, additis tamen festis ipsis propriis et indultis;

d) in ecclesiis et oratoriis Religiosorum, quæ clero diœcesano commissa sunt, aut adnexum habent chorum Canonicorum; non autem si ecclesia vel oratorium alicui sacerdoti in particulari est commissum;

e) in ecclesia et oratorio principali seminarii, etsi Religiosis sit commissum, data tamen facultate addendi festa de quibus n. 154.

283. Calendarium *religiosum*, additis festis de quibus n. 57 atque festis ecclesiæ vel oratorii propriis, adhiberi debet:

a) in ecclesiis et oratoriis principalibus Religiosorum, qui calendarium proprium habent, etsi sint parœcialia;

b) in ecclesiis et oratoriis cleri diœcesani, quæ Religiosis commissa sunt, aut ipsis Religiosis inserviunt pro publica divini Officii recitatione, etsi sint parœcialia; non autem si ecclesia vel oratorium alicui Religioso in particulari est commissum;

c) in ecclesiis et oratoriis Tertiariorum utriusque sexus, etsi solum Officium parvum B. Mariæ Virg. recitent;

d) in oratoriis secundariis seminarii Religiosis commissi, si hæc oratoria ipsis Religiosis tantum inserviunt.

284. Sacerdos qui celebrat in ecclesia vel oratorio ubi ritus diversus viget, stare debet calendario ipsius ecclesiæ vel oratorii quoad festa eorumque gradum, commemorationes et collectam imperatam. In ordinanda autem Missa, sumere debet partes variabiles proprias illius ritus, retentis cæremoniis et Ordinario proprii ritus.

CAPUT III

DE MISSA CONVENTUALI

285. Nomine Missæ conventualis intellegitur Missa quæ ab iis, qui per leges Ecclesiæ choro adstringuntur, in coniunctione cum Officio divino quotidie celebranda est.

286. Singulis diebus una tantum dicenda est Missa conventualis, quæ cum Officio in choro recitato concordare debet, exceptis diebus de quibus infra nn. 289-294.

Obligatio tamen alias Missas in choro celebrandi, ex piis foundationibus vel alia legitima causa, firma manet.

287. Missa conventualis dicenda est post Tertiam, nisi communitatis moderator, gravi de causa, eam post Sextam vel Nonam dicendam esse censuerit.

In vigilia Pentecostes, Missa conventualis dicitur post Nonam.

288. Missa conventualis per se solemnitas esse debet, vel saltem cantata. Ubi vero per leges particulares vel per peculiaria indulta a solemnitate Missæ in choro dispensatum fuerit, convenit ut, Missæ conventuali lectæ chorales participationem liturgicam directam præstent, partes saltem Ordinarii Missæ recitando. Porro iidem chorales prohibentur quominus, inter Missam conventualem, Horas canonicas choraliter prosequantur.

289. In omnibus feriis IV classis, nisi aliter præscribatur, loco Missæ conventualis Officio conformis, dici potest, sine commemoratione feriæ :

- a) aut Missa quæ respondet commemorationi in Officio diei forte occurrenti ;
- b) aut Missa de Mysterio, Sancto vel Beato, cuius elogium eo die habetur in Martyrologio vel eius Appendice pro respectivis Ecclesiis approbata ;
- c) aut una ex Missis votivis quæ in Missali, pro Missa conventuali, per hebdomadam disponuntur ;
- d) aut quælibet alia Missa, quæ tamquam votiva celebrari permittitur.

290. Missa conventualis pro defunctis sacerdotibus, benefactoribus et aliis, excepto tempore natalicio et paschali :

- a) dici debet, quolibet mense, excepto mense novembri, prima feria IV classis ;
- b) dici potest, quolibet hebdomada, prima feria IV classis.

Sumitur Missa « quotidiana » cum oratione *Deus, veniæ largitor*.

291. In diebus Litaniarum tam maiorum quam minorum, ubi fit processio, aut fiunt aliæ peculiæ supplicationes, Missa conventualis dici debet de Rogationibus (nn. 346-347).

292. In die coronationis Summi Pontificis, et in anniversariis eiusdem Summi Pontificis et Episcopi diocesani, in ecclesiis cathedralibus et collegiatis, pro Missa conventuali dicitur Missa de ipsis anniversariis, iuxta nn. 362-363.

293. In anniversario Episcopi proxime defuncti, necnon in anniversario quod infra octiduum omnium Fidelium defunctorum celebratur pro animabus omnium Episcoporum et ecclesiæ cathedralis Canonicorum defunctorum, in ipsa ecclesia cathedrali pro Missa conventuali dicitur Missa de iisdem anniversariis.

294. In anniversariis omnium defunctorum alicuius Capituli aut Ordinis seu Congregationis ad chorum obligatæ, pro Missa conventuali dicitur Missa de iisdem anniversariis.

295. In Commemoratione omnium Fidelium defunctorum, pro Missa conventuali adhibenda est Missa quæ prima inscribitur hoc die ; et chorales illi soli interesse tenentur.

296. In festo Nativitatis Domini, in choro dicuntur duæ Missæ conventuales, scilicet una in nocte et altera in die.

297. Cum Episcopus Missam solemniter celebrat, vel eidem assistit ; aut cum in choro canitur Missa Officio non conformis, ratione alicuius solemnitas externæ, chorales huic Missæ tantum interesse tenentur, etsi pro benefactoribus non applicetur, servata tamen lege de applicanda alia Missa per eum ad quem spectat.

CAPUT IV

DE MISSA IN DOMINICIS ET FERIIS

298. Omnes dominicæ, sive I sive II classis, propriam Missam habent. Attamen dominicæ post Epiphaniam, quæ transferuntur inter dominicam XXIII et XXIV post Pentecosten, sumunt antiphonas ad Introitum, ad Offertorium et ad Communionem, necnon graduale et *Alleluia* cum suo versu a dominica XXIII post Pentecosten, retentis orationibus, Epistola et Evangelio propriis.

299. Item propriam Missam habent omnes feriæ temporis Quadragesimæ et Passionis necnon Quatuor Temporum Adventus et septembris. In reliquis feriis dicitur Missa dominicæ præcedentis, nisi a rubricis aliter provisum sit.

300. In sabbatis Quatuor Temporum et in sabbato « Sitientes », Missa in qua Ordines sacri conferuntur dicenda est de sabbato, etiam festo I vel II classis occurrente.

CAPUT V

DE MISSIS FESTIVIS

301. Missa de festo, *sensu proprio*, intellegitur Missa de Mysterio, Sancto vel Beato quæ celebratur secundum ordinem Officii.

302. *Sensu autem latiore*, dicuntur quoque Missæ de festo :

- a) Missa de festo III classis ab alio festo eiusdem gradus impedito ;
- b) Missa de commemoratione in Officio diei occurrente ;
- c) Missa de Mysterio, Sancto vel Beato, cuius elogium eo die habetur in Martyrologio vel eius Appendice pro respectivis Ecclesiis approbata.

303. Missæ festivæ numero præcedenti recensitæ omnibus iuribus liturgicis gaudent, ac si festum cum integro Officio celebraretur. Attamen :

- a) Missa de festo III classis impedito dici potest suo die, solummodo si etiam festum impediens sit III classis ;
- b) Missa de commemoratione in Officio diei occurrente, et Missa de Mysterio, Sancto vel Beato, cuius elogium eo die habetur in Martyrologio vel eius Appendice pro respectivis Ecclesiis approbata, dici potest tantum si occurrit dies liturgicus IV classis.

304. Missæ quæ dicuntur festivæ sensu latiore prohibentur in ecclesiis unam tantum Missam habentibus :

- a) quoties urgeat onus Missæ conventualis cui per alium sacerdotem satisfieri nequeat, nisi Missa, iuxta n. 289, tamquam conventualis dici possit ;
- b) quoties diebus Litaniarum dicenda sit, iuxta rubricas, Missa de Rogationibus.

305. Ad formulam autem Missæ festivæ eligendam extra Missam conventualem, hæc servantur :

- a) pro festis quæ in Proprio Sanctorum habentur, sumitur Missa quæ, suo die, in Missali indicatur. Attamen, loco Missæ de Communi, sumi potest, ad libitum sacerdotis celebrantis, Missa propria de eodem festo, si habetur, inter Missas pro aliquibus locis ;

b) pro festis quæ in Proprio Sanctorum non habentur, sumitur Missa de Communi. Quoties in eodem Communi plures exstant formulæ, electio fit ad libitum sacerdotis celebrantis. In singulis autem Communibus Epistolæ et Evangelia, quæ habentur sive in ipsis Missis sive ad calcem totius Communis, sumi possunt in qualibet Missa de eodem Communi.

CAPUT VI

DE MISSIS VOTIVIS

A) *De Missis votivis in genere*

306. Nomine Missæ votivæ intellegitur Missa quæ dicitur extra ordinem Officii vel commemorationum diei currentis, aut non est de Mysterio, vel Sancto eo die in Martyrologio elogium habente.

307. Missa votiva potest esse:

- a) de mysteriis Domini;
- b) de Beata Maria Virgine;
- c) de Angelis;
- d) de Sanctis;
- e) ad diversa.

308. Tamquam Missæ votivæ, de mysteriis Domini, celebrari possunt:

- a) in Ecclesia universa:
 - 1) de Sma Trinitate;
 - 2) de Smo Nomine Iesu;
 - 3) de Smo Corde Iesu;
 - 4) de pretiosissimo Sanguine D.N.I.C.;
 - 5) de Christo Rege;
 - 6) de Smo Eucharistiæ Sacramento;
 - 7) de D. N. Iesu Christo, summo atque æterno Sacerdote;
 - 8) de sancta Cruce;
 - 9) de Passione Domini;
 - 10) de sancta Familia Iesu, Mariæ, Ioseph;
 - 11) de Spiritu Sancto;

b) in singulis ecclesiis, præter Missas supra memoratas, omnes Missæ de festis Domini quæ in calendariis particularibus inscribuntur, et aliæ Missæ votivæ specialiter concessæ.

Celebrari tamen nequeunt, tamquam votivæ, Missæ quæ referuntur ad mysteria vitæ Domini.

309. *De Beata Maria Virgine* celebrari possunt, tamquam votivæ:

- a) in Ecclesia universa, Missæ quæ pro sancta Maria in sabbato, iuxta temporum diversitatem, in Missali assignantur, necnon omnes Missæ de festis B. Mariæ Virg. quæ in calendario universali inscribuntur;
- b) in singulis ecclesiis, præter Missas supra memoratas, omnes Missæ de festis B. Mariæ Virg. quæ in calendariis particularibus inscribuntur, et aliæ Missæ votivæ specialiter concessæ.

Partes variandæ iuxta diversa anni tempora, in his Missis deficientes, sumuntur e Communi festorum B. Mariæ Virg.

Celebrari tamen nequeunt, tamquam votivæ, Missæ quæ referuntur ad mysteria vitæ eiusdem B. Mariæ Virginis, excepta Missa de eiusdem Immaculata Conceptione.

310. *De Angelis* celebrari possunt, tamquam votivæ:

- a) Missæ de singulis festis Ss. Angelorum;
- b) Missa votiva de Ss. Angelis feriæ III assignata.

311. *De Sanctis* celebrari possunt, tamquam votivæ, Missæ de quolibet Sancto canonizato elogium habente in Martyrologio romano, vel eius Appendice pro respectivis Ecclesiis approbata.

312. *Missæ votivæ de Beatis* permittuntur, ex Apostolico Indulto, unice in triduo quod in eorum honorem celebratur intra annum a beatificatione.

313. *Missæ votivæ « ad diversa »* habentur in Missali, vel eius Appendice pro aliqua ecclesia approbata, pro peculiaribus circumstantiis vel necessitatibus celebrandæ.

314. Pro Missa votiva de mysteriis Domini sumitur Missa de respectivo festo, nisi expresse indicetur aliam esse adhibendam; aut peculiaris Missa votiva.

315. Pro Missa votiva de B. Maria Virg., de Angelis et de Sanctis sumitur Missa de respectivo festo, si in Missali habetur, sive in Proprio Sanctorum sive inter Missas pro aliquibus locis, nisi alia Missa tamquam votiva in Missali expresse indicetur.

Quodsi festum in Missali desit, sumitur Missa de Communi. Quoties in eodem Communi plures exstant formulæ, electio fit ad libitum sacerdotis celebrantis. In singulis autem Communibus, Epistolæ et Evangelia, quæ habentur sive in ipsis Missis sive ad calcem totius Communis, sumi possunt in qualibet Missa de eodem Communi.

Serventur tamen rubricæ de mutandis nonnullis partibus vel verbis, iuxta anni tempora et iuxta qualitatem mere votivam huius Missæ.

316. Pro aliqua peculiari necessitate, sumitur Missa votiva propria, si habetur in Missali; ea vero deficiente, sumitur « Missa pro quacunque necessitate », adhibitis, loco orationum huius Missæ, orationibus necessitati occurrenti convenientibus, si inter « Orationes diversas » inveniuntur.

317. Quævis Missa votiva de mysteriis Domini, de B. Maria Virg. vel Sancto, prohibetur quoties occurrit dies liturgicus I vel II classis in quo fit Officium de eadem Persona. Tunc, loco Missæ votivæ, dicenda est Missa de Officio occurrenti. Occurrente vero die liturgico III vel IV classis, eligi potest aut Missa de Officio diei aut Missa votiva, exclusa alterius commemoratione.

318. Oratio Missæ votivæ impeditæ additur, sub unica conclusione, orationi Missæ diei, solummodo si Missa votiva est I aut II classis, et modo ne occurrat dies sub nn. 1, 2, 3 et 8 in tabella præcedentiæ recensitus.

De Missa votiva III classis impedita nihil fit in Missa de Officio occurrenti.

319. In admittendis et ordinandis orationibus in Missis votivis, serventur ea quæ infra pro singulis Missarum votivarum classibus statuuntur (nn. 330 b, 343 b, 386 b, 389 b).

320. De hymno angelico et de symbolo in Missis votivis dicitur suis locis, cum agitur de singulis Missarum votivarum classibus, et infra, nn. 431-432, et 475-476.

321. Sequentia, si qua habetur, in Missis votivis omittitur.

322. Præfatio dicitur quæ cuique Missæ votivæ propria est; qua deficiente, dicitur præfatio de Tempore aut communis, iuxta normas generales.

323. Color paramentorum, in Missis votivis, debet esse cuique Missæ conveniens; sed in Missis votivis lectis IV classis non conventualibus, adhiberi potest etiam color Officii diei, servato tamen colore violaceo et nigro unice pro Missis quibus per se competit.

324. Nisi in rubricis particularibus aliud statuetur, Missa votiva potest esse aut in cantu aut lecta.
 325. Missæ votivæ sunt I, II, III aut IV classis; de singulis agitur numeris sequentibus.
 326. Quævis Missa votiva prohibetur in ecclesiis unam tantum Missam habentibus:
 a) quoties urgeat onus Missæ conventualis, cui per alium sacerdotem satisfieri nequeat, exceptis Missis votivis, quæ certis diebus pro Missa conventuali dici possunt (n. 289) aut debent (nn. 290-294);
 b) die 2 februarii, si fiat benedictio candelarum;
 c) in Litanis maioribus et minoribus, si dicenda sit Missa de Rogationibus (n. 346).
 327. Quoties, in rubricis aut in peculiari indulto, aliqua Missa indicatur tamquam votiva alicuius classis, ordinanda est iuxta normas et privilegia, quæ pro eadem classe Missarum votivarum statuuntur.

B) De Missis votivis I classis

I — De Missis votivis I classis in genere

328. Nomine Missæ votivæ I classis intellegitur Missa votiva quæ celebrari permittitur omnibus diebus liturgicis, iis tantum exceptis qui sub nn. 1-8 in tabella præcedentiæ recensentur, salvo præscripto n. 332.
 329. Missæ votivæ I classis, a rubricis generalibus prævisæ, sunt:
 a) Missæ de Dedicatione, in actu consecrationis ecclesiæ (nn. 331-334);
 b) Missæ *in cantu* de Ssmo Eucharistiæ Sacramento, in solemnioribus celebrationibus Congressus eucharistici (n. 335);
 c) Missæ *in cantu* de mysteriis Domini, B. Maria Virg., Sancto vel Beato, occasione celebrationis extraordinariæ (n. 340 a).
 330. Privilegia Missarum votivarum I classis sunt:
 a) dicuntur cum *Gloria et Credo*;
 b) excludunt omnes commemorationes non privilegiatas, et collectam ab Ordinario loci imperatam;
 c) oratio Missæ votivæ impeditæ additur sub unica conclusione orationi Missæ diei currentis, modo ne occurrat dies sub nn. 1, 2, 3 et 8 in tabella præcedentiæ recensitus;
 d) si in cantu celebrantur, adhibetur tonus sollemnis.

II — De Missis Dedicationis in actu consecrationis ecclesiæ

331. Ecclesiarum consecratio, quamvis omni die de iure fieri possit, opportunius tamen fit dominicis et festis diebus. Prohibetur vero in vigilia et festo Nativitatis Domini, in festis Epiphaniæ et Ascensionis Domini, Corporis Christi, diebus a dominica II Passionis seu in palmis usque ad dominicam Resurrectionis inclusive, in dominica Pentecostes, necnon die Commemorationis omnium Fidelium defunctorum.
 332. Missa de Dedicatione in actu consecrationis ecclesiæ vel oratorii est pars totius ritus consecrationis; proinde celebrari debet quoties ecclesia vel oratorium consecratur, etiam diebus quibus reliquæ Missæ votivæ I classis prohibentur.
 333. In Missa de Dedicatione in actu consecrationis ecclesiæ additur, sub unica conclusione, oratio de Mysterio vel Sancto in cuius honorem ecclesia vel oratorium est consecratum, et nulla alia admittitur commemoratio, ne privilegiata quidem.
 334. Aliæ Missæ quæ in ecclesia vel oratorio, die consecrationis, expleto ritu, celebrantur, dici possunt de Dedicatione, tamquam votivæ I classis.

III — De Missis in Congressibus eucharisticis

335. Singulis diebus Congressus eucharistici diœcesani, regionalis, nationalis et internationalis, Missa principalis, dummodo sit *in cantu*, celebrari potest de Ssmo Eucharistiæ Sacramento, tamquam votiva I classis.
 336. In ceteris publicis celebrationibus eorumdem Congressuum, Missa de Ssmo Eucharistiæ Sacramento celebrari potest tamquam votiva II classis.
 337. Singuli sacerdotes qui Congressui eucharistico intersunt, celebrare possunt Missam de Ssmo Eucharistiæ Sacramento, tamquam votivam III classis.

IV — De Missis votivis in quibusdam celebrationibus extraordinariis

338. Privilegia hac paragrapho indicata spectant ad Missas:
 a) in triduo vel octiduo quod in honorem alicuius Sancti vel Beati, intra annum a canonizatione vel beatificatione, celebratur;
 b) in quibusdam celebrationibus extraordinariis, per triduum vel octiduum perductis, occasione v. gr. sæcularis recurrentiæ. Excluduntur tamen celebrationes extraordinariæ in honorem Beatorum.
 339. Ad celebrationes peragendas, de quibus numero præcedenti, requiritur peculiare indultum Sanctæ Sedis.
 340. Singulis diebus harum celebrationum permittitur:
 a) *unica Missa in cantu* de mysterio Domini, B. Mariæ Virg., Sancto vel Beato in cuius honorem celebrationes peraguntur, tamquam votiva I classis;
 b) *omnes Missæ lectæ*, ut supra, tamquam votivæ II classis.

C) De Missis votivis II classis

I — De Missis votivis II classis in genere

341. Nomine Missæ votivæ II classis intellegitur Missa votiva quæ celebrari permittitur omnibus diebus liturgicis II, III et IV classis.
 Missa tamen pro Sponsis et Missa pro gratiarum actione in 25º vel 50º anniversario a celebratione matrimonii prohibentur omnibus diebus dominicis.
 342. Missæ votivæ II classis, a rubricis generalibus prævisæ, sunt:
 a) Missa in solenni benedictione ecclesiæ vel oratorii, et in consecratione altaris (n. 345);
 b) Missa Rogationum in Litanis tam maioribus quam minoribus (nn. 346-347);
 c) Missæ votivæ occasione orationis Quadraginta Horarum aut alterius expositionis Ssmi Sacramenti (nn. 348-355);
 d) Missæ de sollemnitate externa festorum (nn. 356-361);
 e) Missa in die coronationis Summi Pontificis et in anniversariis Papæ et Episcopi diœcesani (nn. 362-365);
 f) Missa pro re gravi et publica simul causa (nn. 366-368);
 g) Missa « Pro Fidei propagatione » (n. 369);
 h) Missæ in quibusdam occasionibus peculiaribus (nn. 370-372);
 i) Missa votivæ in sanctuariis (nn. 373-377);
 l) Missa votiva pro Sponsis et Missa pro gratiarum actione in 25º et 50º anniversario a celebratione matrimonii (nn. 378-382).

343. Privilegia Missarum votivarum II classis sunt:

- a) dicuntur cum *Gloria*, nisi adhibeatur color violaceus paramentorum; sed sine *Credo*, nisi ratione dominicæ aut octavæ occurrentis dicendum sit;
- b) admittunt unam tantum commemorationem, et excludunt collectam ab Ordinario loci imperatam;
- c) oratio Missæ votivæ impeditur additur, sub unica conclusione, orationi Missæ diei, modo ne occurrat dies sub nn. 1, 2, 3 et 8 in tabella præcedentiæ recensitis, salvo præscripto n. 380;
- d) si in cantu celebrantur, adhibetur tonus solemniss.

344. Missæ votivæ II classis reguntur normis generalibus n. 343 memoratis; quæ autem sunt cuique Missæ propria, infra indicantur.

II — De Missa votiva in solemnibus benedictione ecclesiæ vel oratorii, et in consecratione altaris

345. In solemnibus benedictione ecclesiæ vel oratorii, et in consecratione altaris, expleto ritu, dicitur, tamquam votiva II classis, Missa de Mystério vel Sancto in cuius honorem ecclesia vel oratorium est benedictum, vel altare est consecratum.

III — De Missa Rogationum in Litanis tam maioribus quam minoribus

346. In Litanis tam maioribus quam minoribus (nn. 80-90), in ecclesiis in quibus fit processio vel, de mandato Ordinarii loci, peculiare celebrantur supplicationes (n. 83), dicitur, tamquam votiva II classis, Missa de Rogationibus (cfr. n. 86).

347. Missa Rogationum, vel Missa diei quæ locum tenet Missæ votivæ impeditur, habetur tamquam pars totius actionis liturgicæ; et dicitur regulariter expleta processione, vel expletis aliis peculiaribus supplicationibus.

IV — De Missis votivis occasione orationis Quadragecimæ Horarum aut alterius expositionis Ssmi Sacramenti

348. Ad exponendum et reponendum Ssmum Sacramentum pro oratione Quadragecimæ Horarum, sive continua sive interrupta, in ipso altari expositionis celebratur, *in cantu*, tamquam votiva II classis, Missa de Ssmo Eucharistiæ Sacramento.

349. Die medio expositionis, in altari ubi Ssmum Sacramentum non est expositum, celebrari potest *in cantu*, tamquam votiva II classis, aut Missa de Ssmo Eucharistiæ Sacramento, aut alia Missa votiva peculiaribus necessitatibus loci accommodata.

350. Diebus quibus Missæ votivæ IV classis a rubricis permittuntur, convenit ut Missæ quæ celebrantur in ecclesia in qua habetur oratio Quadragecimæ Horarum, sint de Ssmo Eucharistiæ Sacramento.

351. In Commemoratione omnium Fidelium defunctorum:

- a) expositio Ssmi Sacramenti sequatur, repositio vero præcedat Missam in cantu, vel principalem;
- b) tempore expositionis, Missæ de Officio diei dicuntur cum paramentis violaceis, et extra altare expositionis.

352. Die 2 februarii, feria IV cinerum et in dominica II Passionis seu in palmis, si fit benedictio candelarum, aut respective cinerum vel palmarum, Ssmum Sacramentum, pro adoratione Quadragecimæ Horarum expositum, tempore benedictionis et processionis vel impositionis cinerum, aut transfertur ad aliud altare in quo adoratio continuari possit absque detrimento pietatis fidelium, aut deponitur, et adoratio resumitur, expleta benedictione et processione vel cinerum impositione cum Missa. Quod convenienter servatur etiam in Commemoratione omnium Fidelium defunctorum, pro Missa principali diei et sequenti absolutione ad tumulum.

353. Ad exponendum Ssmum Sacramentum pro publica adoratione, quæ per unum diem protrahitur, dici potest, tamquam votiva II classis, Missa de Ssmo Eucharistiæ Sacramento.

354. Ad exponendum vero Ssmum Sacramentum pro publica adoratione, quæ per aliquas tantum horas protrahitur, dicitur Missa de die, sine commemoratione Ssmi Sacramenti.

Diebus tamen, quibus permittuntur Missæ votivæ IV classis, convenientius dicitur Missa de Ssmo Eucharistiæ Sacramento.

355. In Missis quæ durante adoratione, ex indulto, ad altare expositionis celebrantur, additur, sub unica conclusione, oratio de Ssmo Eucharistiæ Sacramento, modo ne occurrat dominica, nec Officium, Missa aut commemoratio fiat de Christo Domino.

V — De Missis votivis in solemnitate externa festorum

356. Nomine solemnitatis externæ alicuius festi intellegitur celebratio ipsius festi absque Officio, in bonum fidelium, vel die quo festum impeditur, vel in dominica quando ipsum festum occurrit infra hebdomadam, vel alio statuto die.

357. Solemnitas externa alicui festo aut ipso iure competit, aut peculiari indulto conceditur.

358. Solemnitas externa ipso iure competit dumtaxat:

- a) festo Ssmi Cordis Iesu, in dominica III post Pentecosten;
- b) festo B. Mariæ Virg. a Rosario, in dominica I mensis octobris;
- c) festis I aut II classis, quæ cum quadam peculiari actione liturgica sunt connexa, si eadem actio liturgica, approbante Sancta Sede, in dominicam transfertur, pro ea tantum Missa, quæ coniunctim cum prædicta actione liturgica celebratur;

- d) festo Patroni principalis, rite constituti;

- e) anniversario Dedicationis propriæ ecclesiæ;

- f) festo Tituli propriæ ecclesiæ;

- g) festo Tituli Ordinis seu Congregationis;

- h) festo Sancti Fundatoris Ordinis seu Congregationis;

- i) festis I et II classis, quæ cum peculiari populi concursu celebrantur: cuius rei iudex est loci Ordinarius.

359. Solemnitas externa, si ipso iure competit, nec supra, n. 358, pro quibusdam solemnitatibus externis aliter statuatur, fieri potest aut ipso die quo festum impeditur, aut in dominica immediate præcedenti vel immediate sequenti Officium festi impediti, iuxta rubricas.

Si vero peculiari indulto conceditur, solemnitas externa diei definito assignatur.

360. De festo cuius fit solemnitas externa, celebrari potest una Missa in cantu et altera lecta, vel duæ Missæ lectæ, tamquam votivæ II classis, excepto casu de quo n. 358 c.

361. Solemnitates externæ per peculiare indultum quibusdam diocesis, ecclesiis vel familiis religiosis iam antea concessæ, in vigore manent, ea tamen restrictione quod diebus liturgicis I classis prohibeantur, et numquam plures quam duæ Missæ de eadem solemnitate celebrari possint.

VI — De Missa votiva in die coronationis Summi Pontificis et in anniversariis Papæ et Episcopi diocesanis

362. In die coronationis Summi Pontificis;
in anniversario coronationis Summi Pontificis;

in anniversario aut electionis aut consecrationis aut translationis Episcopi diœcesani (semel scilicet, die ab ipso Episcopo eligendo), pro Missa conventuali, in ecclesiis cathedralibus et collegiatis, dicitur Missa votiva propria, ad modum Missæ votivæ II classis.

363. Si autem hæc Missa votiva impeditur, hæc servantur:

a) si anniversarium coronationis Summi Pontificis *perpetuo* impeditur pro universa Ecclesia; aut si anniversarium Episcopi *perpetuo* impeditur pro universa diœcesi, fixe reponitur in proximiorum diem similiter non impeditum. Pariter reponitur anniversarium Episcopi diœcesani, si eodem die occurrat dies coronationis Summi Pontificis vel eiusdem anniversarium;

b) si *accidentaliter* tantum impediuntur a die sub nn. 1, 2, 3, et 8 in tabella præcedentiæ recensito, transferuntur in proximum diem qui non sit I classis.

364. Iisdem diebus, supra n. 362, recensitis, in omnibus ecclesiis et in omnibus Missis, præter quam defunctorum, additur oratio pro Papa aut pro Episcopo, prout infra, n. 449, indicatur. Attamen hæc oratio transfertur, quoties transfertur Missa votiva in ecclesiis cathedralibus et collegiatis.

365. Una Missa « In anniversario coronationis Papæ » permittitur, de consensu Ordinarii loci, tamquam votiva II classis, in singulis ecclesiis, die quo peculiare aguntur celebrationes in honorem Summi Pontificis.

VII — De Missa votiva pro re gravi et publica simul causa

366. Nomine Missæ votivæ pro re gravi et publica simul causa intellegitur Missa quæ, de mandato vel consensu Ordinarii loci, cum populi concursu celebratur, pro aliqua gravi necessitate vel utilitate spirituali vel temporali, quæ communitatem vel notabilem ipsius partem afficit.

367. Missa votiva pro re gravi est unica in qualibet ecclesia; et sumitur Missa quæ necessitati convenit, aut, ea deficiente « Missa pro quacumque necessitate », iuxta ea quæ supra, n. 316, indicantur.

368. Cum occurrat gravis necessitas aut publica calamitas, tempus autem Ordinarium loci adeundi non suppetit, parochus Missam votivam, ut supra, n. 366, in sua parœcia statuere potest.

VIII — De Missa « Pro Fidei propagatione »

369. Una Missa « Pro Fidei propagatione » celebrari permittitur, tamquam votiva II classis, in singulis ecclesiis, die quo peculiare habentur celebrationes pro Missionibus, et occasione Congressus missionalis.

IX — De Missis votivis in quibusdam occasionibus peculiaribus

370. Missæ de quibus agitur hac paragrapho, peculiare respiciunt celebrationes, cœtibus quibusdam particularibus aut parti tantum fidelium proprias.

Peculiare autem huiusmodi celebrationes sunt:

a) *pro parœciis*: initium et finis sacræ Missionis ad populum; iubilæa maiora parœciæ et parochi vel alterius sacerdotis in parœcia degentis; solemnes celebrationes extraordinariæ, et similia;

b) *pro scholis, collegiis, seminariis et aliis institutis huius generis*: initium et finis anni scholaris; iubilæa extraordinaria, ut sunt quinquagesimum vel centesimum anniversarium ab eorum institutione;

c) *pro domibus religiosis*: solemnia vestitionis aut professionis; initium et finis Capituli generalis, provincialis; iubilæa maiora Religionis, provinciæ, domus; vigesimum quintum vel quinquagesimum anniversarium a professione vel ordinatione sacerdotali sodalium;

d) *pro diversis cœtibus*, uti sunt confraternitates, societates piæ, uniones professionales et similia: conventus generales annui; conventus extraordinarii plurimum cœtuum eiusdem generis: iubilæa maiora et similia;

e) *pro domibus exercitiorum*: initium et finis cursus exercitiorum vel conventus extraordinarii;

f) *pro nosocomiis, castris, carceribus et institutis similibus*: celebrationes extraordinariæ religiosæ, et aliæ festivitates modo vel tempore extraordinario celebrandæ.

371. Huiusmodi Missa, unica pro singulis occasionibus, est votiva II classis, et celebratur aut de mandato aut de consensu respectivi Ordinarii.

372. Missa, his occasionibus celebranda, seligatur conveniens, iuxta occasionum diversitatem, ex. gr. de Spiritu Sancto, pro gratiarum actione, de aliquo mysterio Domini, de B. Mariæ Virg., aut Sancto, aut inter Missas votivas ad diversa.

X — De Missis votivis in sanctuariis

373. Sanctuarii nomine venit ecclesia seu ædes sacra divino cultui publice exercendo dicata, quæ ob peculiarem pietatis causam (ex. gr. ob imaginem sacram ibi veneratam, ob reliquiam ibi conditam, ob miraculum quod Deus ibi operatus sit, ob peculiarem indulgentiam ibi lucranda) a fidelibus constituitur meta peregrinationum ad gratias impetrandas vel vota solvenda.

374. Missæ votivæ, ex indulto Sanctæ Sedis, sanctuariis vel aliis piis locis concessæ vel concedendæ, sunt Missæ votivæ II classis.

375. Ad omnia altaria sanctuarii, Missa votiva celebrari potest singulis diebus quibus Missæ votivæ II classis permittuntur, sed solummodo a sacerdotibus peregrinis, aut quoties Missa dicitur in favorem peregrinantium.

376. Similiter, in piis locis, Missa votiva celebrari potest, ut votiva II classis, a sacerdotibus ipsum pium locum visitantibus.

377. Præter casus nn. 375 et 376 recensitos, Missa votiva celebrari potest tantum ut votiva IV classis.

XI — De Missa votiva « Pro Sponsis » et de Missa pro gratiarum actione in 25º et 50º anniversario a celebratione matrimonii

378. Missa votiva « Pro Sponsis », vel saltem eius oratio in Missa diei impediens, permittitur quoties nuptiæ celebrantur, sive extra tempus clausum, sive etiam tempore clauso, si loci Ordinarius, ex iusta causa, solemnem nuptiarum benedictionem permiserit.

379. Præter dies quibus Missæ votivæ II classis prohibentur, Missa « Pro Sponsis » prohibetur etiam dominicis diebus et quoties, iuxta n. 381 c, benedictio nuptialis dari nequit.

380. Quoties Missa « Pro Sponsis », non autem benedictio nuptialis, prohibetur, dicitur Missa de Officio diei, cuius orationi additur, sub unica conclusione, oratio Missæ votivæ impeditæ iis etiam diebus quibus, iuxta n. 343 c, commemoratio Missæ votivæ II classis impeditæ prohibetur; et in ea datur benedictio nuptialis more solito.

Cum vero tam Missa « Pro Sponsis » quam benedictio nuptialis prohibentur, Missa una cum benedictione transferri potest in opportuniorem diem non impeditum, post celebratum matrimonium.

381. Quoad Missam « Pro Sponsis » et benedictionem nuptialem, hæc insuper servantur:

a) benedictio nuptialis a Missa inseparabilis est. Proinde extra Missam dari nequit, nisi ex Apostolico Indulto; quo in casu, impertienda est iuxta formulam, quæ invenitur in Rituali romano, tit. VIII, cap. III;

b) benedictio nuptialis infra Missam dari debet a sacerdote qui Missam celebrat, etiamsi alius sacerdos matrimonio adstiterit;

c) benedictio nuptialis omittitur, si sponsi non sunt præsentes; et si uterque vel alteruter benedictionem iam acceperit, servata nihilominus, sicubi vigeat, consuetudine benedictionem impertiendi, si hanc vir tantum obtinuerit;

d) in Commemoratione omnium Fidelium defunctorum et in Triduo sacro, prohibetur et Missa votiva et eius commemoratio in Missa diei, et benedictio nuptialis infra Missam.

382. Pro gratiarum actione in 25^o vel 50^o anniversario a celebratione matrimonii, dici potest, ut votiva II classis, aut Missa de Sma Trinitate aut de B. Maria Virg., addita oratione pro gratiarum actione sub unica conclusione cum prima.

Missa finita, super coniuges dicuntur preces quæ inveniuntur in Rituali romano, tit. VIII, cap. VII.

XII — De aliis quibusdam Missis votivis II classis

383. Præter Missas votivas II classis, numeris præcedentibus recensitas, revocare oportet Missas votivas lectas, quæ permittuntur, tamquam votivæ II classis, in celebrationibus Congressus eucharistici (n. 336), et in quibusdam celebrationibus extraordinariis (n. 340 b).

D) De Missis votivis III classis

384. Nomine Missæ votivæ III classis intellegitur Missa votiva quæ celebrari potest diebus liturgicis III et IV classis.

385. Missæ votivæ III classis, a rubricis generalibus prævisæ, sunt:

- a) una Missa de D. N. Iesu Christo, summo atque æterno Sacerdote, prima feria V vel primo sabbato cuiusque mensis, in ecclesiis et oratoriis in quibus pecularia pietatis exercitia pro cleri sanctificatione, eo die, peraguntur;
- b) duæ Missæ de Sma Corde Iesu, prima feria sexta cuiusque mensis, in ecclesiis et oratoriis in quibus pecularia pietatis exercitia in honorem eiusdem Ssmi Cordis, eo die, peraguntur;
- c) una Missa de Immaculato Corde B. Mariæ Virginis, primo sabbato cuiusque mensis, in ecclesiis et oratoriis, in quibus pecularia pietatis exercitia in honorem eiusdem Immaculati Cordis B. Mariæ Virginis, eo die, peraguntur.

His addi debet Missa de Sma Eucharistiæ Sacramento, quæ singulis sacerdotibus permittitur, diebus Congressus eucharistici (n. 337).

386. Ratio ordinandi Missas votivas III classis hæc est:

- a) dicuntur cum *Gloria*; sed semper sine *Credo*;
- b) admittunt duas commemorationes, aut unam commemorationem et collectam ab Ordinario loci imperatam;
- c) si in cantu celebrantur, adhibetur tonus sollemnis;
- d) quoties prohibentur, non commemorantur in Missa diei.

E) De Missis votivis IV classis.

387. Missa votiva IV classis est Missa votiva quæ celebrari potest tantum diebus liturgicis IV classis.

388. Pro Missa votiva IV classis sumi potest quælibet Missa, quæ a rubricis tamquam votiva permittitur. Requiritur tamen iusta causa, scilicet sacerdotis celebrantis vel fidelium necessitas, utilitas aut devotio.

389. In ordinanda Missa votiva IV classis, hæc servantur:

- a) non dicitur *Gloria*, nisi in Missis de Angelis, quocumque die, et in Missis de B. Maria Virg., in sabbato;
- b) præter orationem Missæ, dici possunt duæ aliæ orationes, inter quas adnumerandæ sunt sive commemorationes de Officio diei aut in Officio diei occurrentes, sive collecta ab Ordinario loci imperata, sive oratio votiva;
- c) *Credo* semper omittitur;
- d) si in cantu celebrantur, adhibetur tonus ferialis.

CAPUT VII

DE MISSIS DEFUNCTORUM

A) De Missis defunctorum in genere

390. Missæ pro defunctis, quæ celebrantur in Commemoratione omnium Fidelium defunctorum, sunt iuxta ordinem Officii; omnes aliæ Missæ pro defunctis sunt extra ordinem Officii.

391. In Missis defunctorum nulla fit commemoratio de Officio diei currentis.

392. Missæ defunctorum sunt I, II, III aut IV classis; de singulis agitur numeris sequentibus.

393. Quævis Missa defunctorum, etiam exsequialis, prohibetur:

- a) in ecclesiis et oratoriis ubi, quavis ratione, habeatur expositio Ssmi Sacramenti, toto expositionis tempore. Excipiuntur Missæ in die Commemorationis omnium Fidelium defunctorum (n. 352);
- b) in ecclesiis unam tantum Missam habentibus, quoties urgeat onus Missæ conventualis, cui per alium sacerdotem satisfieri nequeat; nisi ipsa Missa conventualis dici debeat aut possit pro defunctis;
- c) in ecclesiis unam tantum Missam habentibus, die 2 februarii, et feria IV cinerum, si respective fit benedictio candelarum aut cinerum; et in Litiis maioribus et minoribus, si dicenda sit Missa de Rogationibus.

394. Prima Missa ex iis quæ habentur in Commemoratione omnium Fidelium defunctorum, adhibitis orationibus propriis in Missali inter orationes diversas pro defunctis assignatis, sumitur:

- a) pro defunctis Summo Pontifice, Cardinalibus, Episcopis, et sacerdotibus, in omnibus Missis I, II et III classis;
 - b) in anniversariis omnium defunctorum alicuius Ordinis vel Congregationis clericalis.
395. Missa quæ inscribitur « In die obitus seu depositionis defuncti » dicitur pro defunctis non sacerdotibus:
- a) in Missa exsequiali;
 - b) in Missis pro die obitus;
 - c) in Missis post acceptum mortis nuntium;
 - d) in ultima defuncti sepultura;
 - e) in die III, VII et XXX, adhibitis tamen orationibus propriis.

396. Missa quæ inscribitur « In anniversario defunctorum » sumitur in anniversariis defunctorum qui non sunt sacerdotes.

397. Missa « quotidiana » sumitur pro omnibus defunctis cuiusque ordinis vel gradus, extra dies supra recensitos.

398. Quoad orationes in Missis defunctorum, hæc servantur:

- a) omnes Missæ defunctorum, sive in cantu sive lectæ, per se dicuntur cum unica oratione, nisi oratio imperata pro defunctis, iuxta n. 458, addi debeat, vel oratio votiva pro defunctis, iuxta n. 464, addi possit;
- b) in Missis defunctorum IV classis, si pro certis defunctis applicentur, dicitur oratio conveniens, ut in Missali inter orationes diversas pro defunctis; si applicentur pro defunctis in genere, vel designatio ignoretur, dicitur oratio *Fidelium*;

- c) in Missis defunctorum prohibetur quævis oratio, quæ non est pro defunctis.
399. *Sequentia Dies iræ*:
- a) dici debet tantum in Missis defunctorum I classis. Attamen in Commemoratione omnium Fidelium defunctorum, cum quis tres Missas sine intermissione celebrat, sequentiam dicere debet tantum in Missa principali, secus in prima Missa; in aliis Missis, nisi sint in cantu, eam omittere potest;
- b) omitti potest in Missis defunctorum II, III et IV classis.
400. Quælibet Missa defunctorum potest esse aut in cantu aut lecta.
401. Absolutio super cadaver aut super tumulum:
- a) fieri debet post Missam exsequialem;
- b) fieri potest post ceteras Missas defunctorum;
- c) fieri potest, ex rationabili causa, etiam post Missas quæ non sunt defunctorum.

B) De Missis defunctorum I classis

I — De Missis defunctorum I classis in genere

402. Missæ defunctorum I classis sunt:
- a) Missæ in die Commemorationis omnium Fidelium defunctorum;
- b) Missa exsequialis.

II — De Missis in die Commemorationis omnium Fidelium defunctorum

403. In die Commemorationis omnium Fidelium defunctorum, quilibet sacerdos tres Missas celebrare potest, ut in Missali hoc die.
404. In dicendis Missis huius diei, hæc servantur:
- a) qui unam dumtaxat Missam celebrat, primam adhibet; qui vero duas, primam et secundam;
- b) qui Missam in cantu vel conventualem celebrat, primam adhibet, facta ei potestate anticipandæ secundæ et tertiæ;
- c) qui plures Missas in cantu celebrat, in diversis ecclesiis, semper primam adhibere debet;
- d) si vero plures Missæ, in eadem ecclesia, in cantu celebrantur, primum adhibeatur prima, deinde secunda et denique tertia.

III — De Missa exsequiali

405. Nomine Missæ exsequialis intellegitur unica Missa pro defunctis, quæ directe connectitur cum exsequiis alicuius defuncti.
- Hæc Missa, per se, celebranda est præsentem cadavere; celebrari vero potest etiam, rationabilem ob causam, absente vel iam sepulto.
406. Missa exsequialis prohibetur:
- a) diebus sub nn. 1, 2, 3, 4, 5 et 6 in tabella præcedentiæ recensitis;
- b) diebus festis de præcepto, inter festa sub n. 11 in tabella præcedentiæ comprehensis;
- c) in anniversario Dedicationis et in festo Tituli ecclesiæ, in qua funus peragitur;
- d) in festo Patroni principalis oppidi vel civitatis;
- e) in festo Tituli et Sancti Fundatoris Ordinis seu Congregationis, ad quam pertinet ecclesia in qua funus peragitur.
407. Si Officium alicuius festi, de quo n. 406, iuxta rubricas, in alium diem accidentaliter transferendum sit, Missa exsequialis prohibetur die quo festum impeditur ac permittitur die in quem transfertur Officium; si vero solemnitas externa alicuius festi fit in dominica, Missa exsequialis prohibetur die quo fit solemnitas externa, non autem die festo.
408. Quoties Missa exsequialis prohibetur, vel, ob rationabilem causam, in ipso actu funeris celebrari nequit, transferri potest in proximiorum diem similiter non impeditum.
409. In Commemoratione omnium Fidelium defunctorum pro Missa exsequiali sumitur prima Missa diei cum orationibus pro respectivo defuncto in Missa exsequiali dicendis. Si vero prima Missa celebratur pro Officio diei, pro Missa exsequiali sumitur secunda, aut denique tertia.

C) De Missis defunctorum II classis

I — De Missis defunctorum II classis in genere

410. Missæ defunctorum II classis sunt:
- a) Missæ pro die obitus;
- b) Missa post acceptum mortis nuntium;
- c) Missa in ultima defuncti sepultura.
411. Omnes Missæ defunctorum II classis dicuntur ut in die obitus; permittuntur autem dummodo:
- a) pro ipso defuncto applicentur;
- b) non occurrat dies liturgicus I classis aut dominica quævis.

Si Missa in die obitus dicitur ultra octiduum a die obitus seu sepulturæ defuncti, in oratione et postcommunione omittitur adverbium *hodie*.

II — De Missis pro die obitus

412. Nomine « Missæ pro die obitus » intelleguntur Missæ quæ pro aliquo defuncto celebrantur a die obitus usque ad diem sepulturæ:
- a) sive in oratorio privato ipsius defuncti, dummodo cadaver sit physice præsens in domo;
- b) sive in ecclesia vel oratorio loci ubi defunctus obiit, sepelitur vel habuit domicilium;
- c) sive in ecclesia vel oratorio in quo celebratur Missa exsequialis, etsi a funere defuncti seiuncta.

III — De Missa post acceptum mortis nuntium

413. Nomine « Missæ post acceptum mortis nuntium » intellegitur unica Missa quæ pro aliquo defuncto dici potest in qualibet ecclesia vel oratorio, opportuniore die post acceptum mortis nuntium.

IV — De Missa in ultima defuncti sepultura

414. Nomine Missæ in ultima defuncti sepultura intellegitur unica Missa, quæ dici potest in ecclesia vel oratorio illius loci, ubi corpus defuncti iam humatum ad definitivam sepulturam deferatur, eo ipso die eiusdem definitivæ sepulturæ.

D) De Missis defunctorum III classis

I — De Missis defunctorum III classis in genere

415. Missæ defunctorum III classis sunt:

- a) Missa in die III, VII et XXX ab obitu vel sepultura defuncti;
- b) Missa « in anniversario »;
- c) Missæ defunctorum in ecclesiis et sacellis cæmeterii;
- d) Missæ defunctorum intra octiduum Commemorationis omnium Fidelium defunctorum.

416. Missæ defunctorum III classis prohibentur diebus liturgicis I et II classis; et adhibetur formula quæ infra pro singulis Missis indicatur, nisi iuxta n. 394 prima Missa ex iis quæ habentur in Commemoratione omnium Fidelium defunctorum sumenda sit.

II — De Missa in die III, VII et XXX ab obitu vel sepultura

417. In die III, VII et XXX ab obitu vel sepultura defuncti computando, in qualibet ecclesia vel oratorio dici potest pro ipso defuncto *unica* Missa ut in die obitus, adhibitis orationibus propriis, quæ in fine huius Missæ inveniuntur.

Quoties hæc Missa a rubricis impeditur, transferri potest in proximiorum diem similiter non impeditum.

Huiusmodi Missæ plures esse possunt diebus quibus Missæ defunctorum IV classis permittuntur.

III — De Missa « in anniversario »

418. Anniversarium *strictè sumptum* intellegitur annuus recursus diei obitus aut sepulturæ alicuius defuncti; *late sumptum* vero intellegitur aut anniversarium ex fundatione extra diem obitus vel sepulturæ semel quolibet anno celebrandum, aut celebratio quæ pro omnibus defunctis alicuius cœtus, item semel quolibet anno, habetur, die aut ex fundatione vel consuetudine cœtus statuto aut a cœtu vel sacerdote celebrante statuendo.

419. His diebus, in qualibet ecclesia vel oratorio, permittitur *una* Missa quæ dicenda est ut in anniversario; et quoties a rubricis prohibetur, transferri potest in proximiorum diem similiter non impeditum.

Huiusmodi Missæ plures esse possunt diebus quibus Missæ defunctorum IV classis permittuntur.

IV — De Missis in ecclesiis et sacellis cæmeterii

420. Nomine ecclesiæ vel sacelli cæmeterii intellegitur:

- a) ecclesia vel oratorium publicum principale cæmeterii, in quo actu cadavera sepeliuntur, dummodo huiusmodi ecclesia vel oratorium adnexum non habeat onus chorale aut curam animarum;
- b) sacellum alicuius particularis sepulcreti rite erecti intra fines cæmeterii.

421. Missæ quæ his locis celebrantur, dummodo pro defunctis applicentur, dici possunt de requie, adhibita « Missa quotidiana » cum oratione convenienti.

V — De Missis defunctorum intra octiduum Commemorationis omnium Fidelium defunctorum

422. Intra octiduum a die Commemorationis omnium Fidelium defunctorum inclusive computandum, omnes Missæ, quæ applicantur pro omnibus vel quibusdam defunctis, dici possunt de requie, adhibita Missa « quotidiana » cum oratione convenienti.

E) De Missis defunctorum IV classis, seu « quotidianis »

423. Missæ defunctorum IV classis sunt aliæ Missæ defunctorum « quotidianæ », quæ celebrari possunt, loco Missæ Officio diei respondentis, in feriis IV classis tantum, extra tempus natalicium.

Maxime convenit ut hæc Missæ defunctorum IV classis tunc tantum dicantur cum revera pro defunctis, aut in genere aut certo designatis, applicentur.

CAPUT VIII

DE DIVERSIS MISSÆ PARTIBUS

A) De psalmo Iudica me, Deus, confessione et altaris incensatione

424. Psalmus *Iudica me, Deus* cum sua antiphona, et confessio cum absolutione dicuntur, ante gradus altaris, in qualibet Missa sive in cantu sive lecta; omittuntur autem una cum sequentibus versibus et orationibus *Aufer a nobis* et *Oramus te, Domine*, in:

- a) Missa festi Purificationis B. Mariæ Virg., quæ sequitur benedictionem et processionem candelarum;
- b) Missa feriæ IV cinerum, quæ dicitur post benedictionem et impositionem cinerum;
- c) Missa dominicæ II Passionis seu in palmis, quæ sequitur benedictionem et processionem ramorum;
- d) Missa Vigiliæ paschalis;
- e) Missa Rogationum, quæ sequitur processionem Litaniarum tam maiorum quam minorum;
- f) certis Missis, quæ sequuntur quasdam consecrationes, ex rubricis Pontificalis romani.

425. Psalmus *Iudica me, Deus* omittitur:

- a) in Missis de Tempore, a dominica I Passionis usque ad feriam V in Cena Domini;
- b) in Missis defunctorum.

426. Incensationes quæ in Missa solemni fieri debent, fieri possunt etiam in omnibus Missis cantatis.

B) De antiphona ad Introitum, et Kyrie, eleison

427. Ad Introitum dicitur antiphona cum versu psalmi et *Gloria Patri*; atque, his expletis, repetitur antiphona. Deest vero antiphona ad Introitum cum psalmo et *Gloria Patri* in Missa Vigiliæ paschalis.

428. *Gloria Patri* ad Introitum omittitur in Missis de Tempore, a dominica I Passionis usque ad feriam V in Cena Domini, et in Missis defunctorum.

429. Tempore paschali antiphonæ ad Introitum duplex additur *Alleluia*, nisi iam habeatur. E contra, in qualibet antiphona ad Introitum, *Alleluia* omittitur quoties Missa dicitur extra tempus paschale, nisi in quibusdam Missis aliter indicetur.

430. *Kyrie, eleison* dicitur novies post repetitam antiphonam ad Introitum, id est ter *Kyrie, eleison*, ter *Christe, eleison*, et ter *Kyrie, eleison*.

C) De hymno Gloria in excelsis

431. Hymnus *Gloria in excelsis* dicitur:

- a) in Missis quæ respondent Officio diei, quotiescumque ad Matutinum dictus est hymnus *Te Deum*;
- b) in Missis festivis de quibus n. 302;
- c) in Missis feriæ V in Cena Domini, et in Missa Vigiliæ paschalis;
- d) in Missis votivis I, II et III classis, nisi adhibeatur color violaceus paramentorum;
- e) in Missis votivis IV classis de Angelis, quocumque die, et de B. Mariæ Virg. quæ in sabbato celebrantur.

V — De orationibus in die coronationis Summi Pontificis
et in anniversariis Papæ et Episcopi diœcesani

449. In die coronationis Summi Pontificis et in anniversario eiusdem, necnon in anniversario aut electionis aut consecrationis aut translationis Episcopi diœcesani (semel scilicet, die ab ipso Episcopo eligendo), in omnibus Missis, præterquam defunctorum, additur, sub unica conclusione cum oratione Missæ, oratio pro Papa aut pro Episcopo, modo ne occurrat dies liturgicus sub n. 1, 2, 3 et 8 in tabella præcedentiæ recensitus (cfr. n. 363).

450. Quoties impeditur, oratio pro Papa aut pro Episcopo transfertur in proximiorum diem similiter non impeditum, eodem modo ac transfertur Missa conventualis pro iisdem anniversariis, in ecclesiis cathedralibus et collegiatis (n. 364).

VI — De oratione pro seipso sacerdote in anniversario propriæ Ordinationis sacerdotalis

451. In anniversario propriæ Ordinationis sacerdotalis, quilibet sacerdos orationi Missæ, sub unica conclusione, orationem pro seipso addere potest, modo ne occurrat dies liturgicus sub nn. 1, 2, 3 et 8 in tabella præcedentiæ recensitus.

452. Quoties impeditur, oratio pro seipso sacerdote transferri potest in proximiorum diem similiter non impeditum.

VII — De oratione « Pro Fidei propagatione »

453. Pænultima dominica mensis octobris, aut alia ab Ordinario loci statuta « pro Missionibus », in omnibus Missis, orationi Missæ additur, sub unica conclusione, oratio pro Fidei propagatione, exceptis diebus sub n. 1, 2, 3 et 8 in tabella præcedentiæ recensitis.

VIII — De oratione imperata

454. Nomine orationis imperatæ intellegitur oratio, quam Ordinarius loci imperare potest, occurrente gravi et publica necessitate aut calamitate.

455. Tamquam imperata, ab Ordinario loci præscribi potest quælibet oratio e Missis, quæ tamquam votivæ celebrari permittuntur, aut ex orationibus ad diversa, aut ex Missis et orationibus pro defunctis.

456. Maxime convenit ut Ordinarius loci orationem imperatam non modo stabili imponat, sed tantum ex causa revera gravi et per spatium quod tempus veræ necessitatis non excedat.

457. Oratio imperata:

a) una tantum esse potest;

b) dici debet ab omnibus sacerdotibus Sacrum facientibus in ecclesiis et oratoriis, etiam exemptis, diœcesis;

c) numquam dicitur sub unica conclusione cum oratione Missæ, sed post commemorationes privilegiatas;

d) prohibetur omnibus diebus liturgicis I et II classis, in Missis votivis I et II classis, in Missis in cantu et quoties commemorationes privilegiatæ numerum pro singulis diebus liturgicis statutum compleverint.

458. Oratio imperata pro defunctis dicitur tantum in feriis IV classis, et in Missis votivis aut defunctorum lectis IV classis.

459. In publica calamitate aut necessitate, natura sua per longius tempus persistente (v. gr. bello, pestilentia et similibus), Ordinarius loci imponere quidem potest orationem imperatam convenientem *pro toto tempore* infausti eventus; sed hæc oratio:

a) dicitur tantummodo feriis secunda, quarta et sexta;

b) prohibetur iisdem diebus et in Missis de quibus supra, n. 457 d.

460. Occurrente urgentiore, gravi et publica necessitate aut calamitate, nec tempus suppetat adeundi Ordinarium loci, parochus, intra fines suæ parœciæ, etiam pro ecclesiis et oratoriis exemptis, statuere potest orationem convenientem dicendam per tres dies continuos. Hæc oratio iisdem diebus et in iisdem Missis prohibetur ac oratio ab Ordinario loci imperata (n. 457 d); quæ, si dicenda esset, omittitur.

IX — De oratione votiva

461. Quilibet sacerdos addere potest unam orationem ad libitum in omnibus Missis lectis non conventualibus diebus liturgicis IV classis.

462. Oratio votiva eligi potest aut ex Missis, quæ tamquam votivæ celebrari permittuntur, aut ex orationibus ad diversa, aut ex Missis et orationibus pro defunctis.

463. Hæc oratio ponitur ultimo loco, post alias orationes, non autem excedere debet numerum ternarium orationum.

464. Oratio votiva pro defunctis addi potest in Missis lectis non conventualibus defunctorum IV classis.

465. In oratione *A cunctis*, nominari potest sive Titularis propriæ ecclesiæ, sive quilibet Patronus principalis, sive Fundator aut Titulus Ordinis seu Congregationis. Ceterum servantur rubricæ quæ, pro hac oratione, in Missali inveniuntur.

E) De lectionibus et aliis usque ad Evangelium

466. Post orationes dicitur Epistola; qua finita, respondetur *Deo gratias*.

467. Epistolæ præmittitur una lectio:

a) in feriis IV Quatuor Temporum;

b) in feria IV hebdomadæ IV Quadragesimæ;

c) in feria IV Hebdomadæ sanctæ.

In fine huius lectionis respondetur *Deo gratias*.

468. Quinque lectiones præmittuntur epistolæ in sabbatis Quatuor Temporum; et in fine cuiusque lectionis, præterquam post lectionem Danielis prophetæ, respondetur *Deo gratias*.

In Missis conventualibus, et in Missis in quibus sacri Ordines conferuntur, semper dici debent omnes lectiones cum suis orationibus et versibus; in ceteris Missis, sive in cantu sive lectis, dici potest tantum prima oratio, quæ respondet Officio, cum *Flectamus genua*, si dicendum est, et prima lectio cum suis versibus, deinde, dictis more solito *Dominus vobiscum*, *Et cum spiritu tuo* et *Oremus*, secunda oratio sine *Flectamus genua*, quam sequuntur aliæ commemorationes forte occurrentes, et, omissis sequentibus lectionibus cum suis versibus et orationibus, statim subiungitur ultima lectio seu epistola cum sequenti tractu et, sabbato post Pentecosten, cum sequentia.

469. Post Epistolam, dicitur graduale, *Alleluia* cum suis versibus, aut tractus, prout in Missali suo loco indicatur.

470. Sequentia dicitur ante ultimum *Alleluia* vel post tractum. Omittitur in Missis votivis. Ad sequentiam *Dies iræ* quod attinet, servantur normæ n. 399 traditæ.

471. In principio Evangelii dicitur *Dominus vobiscum*, cui respondetur *Et cum spiritu tuo*; deinde: *Sequentia* (vel *Initium*) *sancti Evangelii secundum N.*, cui respondetur *Gloria tibi, Domine*; et in fine respondetur *Laus tibi, Christe*.

432. Hymnus *Gloria in excelsis* omittitur:

- a) in Missis quæ respondent Officio diei, quando ad Matutinum omittitur hymnus *Te Deum*;
- b) in omnibus Missis in quibus adhibetur color violaceus paramentorum;
- c) in Missis votivis IV classis, iis exceptis de quibus n. 431 e;
- d) in Missis defunctorum.

D) De orationibus

I — De orationibus in genere

433. Nomine orationum, in Missa, intellegi debent:

- a) oratio Missæ quæ celebratur;
- b) orationes Officii commemorati et alicuius commemorationis occurrentis;
- c) aliæ orationes a rubricis præscriptæ (nn. 447-453);
- d) oratio ab Ordinario loci imperata (nn. 454-460);
- e) oratio votiva, quæ certis diebus liturgicis dici potest ad libitum sacerdotis celebrantis (nn. 461-465).

434. Numero orationum pro singulis diebus liturgicis statuto complectuntur tam oratio Missæ et commemorationes quam aliæ orationes sive a rubricis præscriptæ sive ab Ordinario imperatæ sive votivæ. Proinde, post orationem Missæ:

- a) in diebus liturgicis I classis, in Missis votivis I classis, et in Missis in cantu non conventualibus, nulla alia admittitur oratio, præter orationem sub unica conclusione dicendam et unam commemorationem privilegiam, salvo præscripto n. 333;
- b) in dominicis II classis, nulla alia admittitur oratio, præter commemorationem festi II classis, quæ tamen omittitur si commemoratio privilegiata facienda sit;
- c) in aliis diebus liturgicis II classis et in Missis votivis II classis una tantum alia admittitur oratio, scilicet aut una privilegiata aut una ordinaria;
- d) in diebus liturgicis III et IV classis et in Missis votivis III et IV classis duæ tantum admittuntur orationes.

435. Quælibet oratio, quæ numerum pro singulis diebus liturgicis statutum superet, omittitur; profecto numerum ternarium orationum nullo prætextu excedere licet.

436. Oratio propria Missæ semper dicitur sub una conclusione, nisi ipsi alia oratio, sub eadem conclusione, iungenda sit, ut infra nn. 444-445 dicitur.

437. Sub altera conclusione semper dicuntur:

- a) commemorationes faciendæ;
- b) oratio ab Ordinario loci imperata;
- c) oratio votiva.

438. Si duæ orationes in prima aut in altera parte sint iisdem fere verbis compositæ, oratio posterior:

- a) si est de Tempore, mutatur in aliam de sequenti dominica vel feria;
- b) si agitur de Sancto, mutatur in aliam de eodem vel simili Communi;
- c) si agitur de oratione imperata, omittitur.

439. In orationibus Officii translati vel repositi non sunt mutanda verba *hanc* vel *hodiernam* vel *præsentem diem*, aut similia.

440. Quoties in Missali dicenda occurrunt verba *Flectamus genua*, *Levate*, in Missa solemni a diacono, in ceteris Missis a celebrante proferenda sunt; et post *Flectamus genua*, omnes, una cum celebrante, flexis genibus, per aliquod temporis spatium in silentio orant; dicto *Levate*, omnes surgunt, et celebrans dicit orationem.

441. Ad qualitatem et numerum orationum in Missis defunctorum quod attinet, servantur ea quæ n. 398 tradita sunt.

II — De orationibus in Missis cum pluribus lectionibus

442. In Missis cum pluribus lectionibus (nn. 467-468) commemorationes et aliæ orationes ponuntur post orationem quæ præcedit ultimam lectionem seu epistolam; et hæc tantum oratio computatur ad numerum orationum definiendum.

443. Ad commemorandam feriam cuius Missa plures habet lectiones, sumitur prima oratio, scilicet ea quæ dicta est in Laudibus.

III — De orationibus sub unica conclusione cum oratione Missæ dicendis

444. Orationi Missæ additur, sub unica conclusione, altera oratio, solummodo si agitur:

- a) de oratione rituali (n. 447);
- b) de oratione Missæ votivæ I aut II classis impeditæ (nn. 330 c, 343 c);
- c) de alia oratione a rubricis expresse indicata aut concessa uti dicenda sub unica conclusione cum oratione Missæ (nn. 110, 355, 449, 451, 453).

445. Sub unica conclusione cum oratione Missæ una tantum dici potest alia oratio.

Si vero plures orationes, iuxta rubricas, sub unica conclusione cum oratione Missæ essent dicendæ, una tantum retinetur, secundum ordinem supra, n. 444, descriptum; reliquæ omittuntur.

446. Oratio dicenda sub unica conclusione cum oratione Missæ una cum illa computatur; et dicenda est etiam in Missis in cantu.

IV — De orationibus ritualibus

447. Nomine « orationis ritualis » intellegitur oratio dicenda in Missa quæ cum sequentibus benedictionibus vel consecrationibus connectitur:

- a) consecratione Episcopi,
- b) collatione sacrorum Ordinum,
- c) benedictione Abbatis,
- d) benedictione Abbatissæ,
- e) benedictione et consecratione Virginum,
- f) benedictione cæmeterii,
- g) reconciliatione ecclesiæ,
- h) reconciliatione cæmeterii.

Hæ orationes, quæ exstant inter Missas votivas ad diversa, semper addendæ sunt, sub unica conclusione, orationi Missæ.

448. In Missis in quibus additur oratio ritualis, excluduntur omnes aliæ orationes, præter commemorationes privilegiatas.

472. In Hebdomada sancta, ante lectionem historiæ Passionis Domini non dicitur *Dominus vobiscum*, neque *Sequentia sancti Evangelii, Gloria tibi, Domine*, sed *Passio Domini nostri Iesu Christi secundum N.*, et in fine non respondetur *Laus tibi, Christe*.

473. In Missis in cantu, ea omnia, quæ diaconus vel subdiaconus aut lector, vi proprii officii cantant vel legunt, a celebrante omittuntur.

474. Post Evangelium, præsertim in dominicis et diebus festis de præcepto, habeatur, iuxta opportunitatem, brevis homilia ad populum.

Homilia vero, si fiat ab alio sacerdote ac celebrante, non superimponatur Missæ celebrationi impediendo fidei-
lium participationem; proinde, hoc in casu, Missæ celebratio suspendatur, et tantummodo expleta homilia resu-
matur.

F) De symbolo

475. Post Evangelium aut homiliam, dicitur symbolum:

- a) in qualibet dominica, etsi eius Officium alicui festo locum cedat, vel Missa votiva II classis celebretur;
- b) in festis I classis et in Missis votivis I classis;
- c) in festis II classis Domini et B. Mariæ Virg.;
- d) per octavas Nativitatis Domini, Paschatis et Pentecostes, etiam in festis currentibus et in Missis votivis;
- e) in festis nataliciis Apostolorum et Evangelistarum, necnon in festis Cathedræ S. Petri et S. Barnabæ Ap.

476. Non dicitur symbolum:

- a) in Missis sive Chrismatis sive in Cena Domini, feria V Hebdomadæ sanctæ, et in Missa Vigiliæ paschalis;
- b) in festis II classis, iis exceptis quæ supra, n. 475 c et e, recensentur;
- c) in Missis votivis II classis;
- d) in Missis festivis et votivis III et IV classis;
- e) ratione alicuius commemorationis in Missa currentis;
- f) in Missis defunctorum.

G) De antiphona ad Offertorium et de orationibus secretis

477. Post symbolum vel, si non est dicendum, post Evangelium aut homiliam, dicitur *Dominus vobiscum*, cui respondetur *Et cum spiritu tuo*, et *Oremus*; deinde antiphona ad Offertorium, quæ deest tantum in Missa Vigiliæ paschalis.

478. Tempore paschali, antiphonæ ad Offertorium additur *Alleluia*, nisi iam habeatur. Retinetur vero *Alleluia*, quod aliquando invenitur in fine antiphonæ ad Offertorium, extra tempus paschale, præterquam a Septuagesima ad Pascha.

479. Oblatio hostiæ et calicis, et quæ sequuntur, fiunt ut in Ordine Missæ.

480. Oratio « secreta » dicitur secreto, absque *Dominus vobiscum* et *Oremus*. Tot vero dicuntur orationes secretæ, quot dictæ sunt orationes in initio Missæ. Dicuntur eodem ordine et concluduntur ac aliæ orationes.

481. Conclusio ultimæ orationis secretæ dicitur secreto usque ad verba *Per omnia sæcula sæculorum*, quæ clara voce proferuntur.

H) De præfatione

482. Præfatio dicitur quæ cuique Missæ propria est; qua deficiente, dicitur præfatio de Tempore, secus communis.

483. Nulla commemoratio, in Missa occurrens, præfationem propriam inducit.

484. Præfatio de Nativitate Domini dicitur:

a) tamquam propria in Missis de Nativitate Domini et de eiusdem octava, necnon in festo Purificationis B. Mariæ Virg.;

b) tamquam de Tempore infra octavam Nativitatis Domini, etiam in Missis quæ secus præfationem propriam haberent, exceptis iis Missis quæ præfationem propriam de divinis mysteriis vel Personis habent; et a die 2 ad 5 ianuarii.

485. Præfatio de Epiphania Domini dicitur:

- a) tamquam propria in Missis de festo Epiphaniæ et de Commemoratione Baptismatis D. N. Iesu Christi;
- b) tamquam de Tempore diebus a 7 ad 13 ianuarii.

486. Præfatio de Quadragesima dicitur:

a) tamquam propria in Missis de Tempore a feria IV cinerum usque ad sabbatum ante dominicam I Passionis;

b) tamquam de Tempore in ceteris Missis quæ celebrantur eodem tempore, et præfatione propria carent.

487. Præfatio de sancta Cruce dicitur:

a) tamquam propria in Missis de Tempore a dominica I Passionis usque ad feriam V in Cena Domini; in Missis tam festivis quam votivis de sancta Cruce, de Passione Domini et instrumentis Passionis Domini, de pretiosissimo Sanguine D. N. Iesu Christi, de Ssmo Redemptore;

b) tamquam de Tempore in omnibus Missis a dominica I Passionis usque ad feriam IV Hebdomadæ sanctæ, quæ præfatione propria carent.

488. Præfatio de Missa Chrismatis dicitur feria V in Cena Domini, in sua Missa.

489. Præfatio paschalis dicitur:

- a) tamquam propria in Missis de Tempore a Missa Vigiliæ paschalis usque ad vigiliam Ascensionis Domini;
- b) tamquam de Tempore in ceteris Missis quæ celebrantur eodem tempore, et præfatione propria carent.

490. Præfatio de Ascensione Domini dicitur:

a) tamquam propria in festo Ascensionis Domini;

b) tamquam de Tempore in omnibus Missis a feria VI post Ascensionem usque ad feriam VI ante vigiliam Pentecostes, quæ præfatione propria carent.

491. Præfatio de Ssmo Corde Iesu dicitur in Missis festivis et votivis de Ssmo Corde Iesu.

492. Præfatio de D. N. Iesu Christo Rege dicitur in Missis festivis et votivis de D. N. Iesu Christo Rege.

493. Præfatio de Spiritu Sancto dicitur:

a) tamquam propria in Missis de Tempore a vigilia Pentecostes usque ad subsequens sabbatum; et in Missis festivis et votivis de Spiritu Sancto;

b) tamquam de Tempore in ceteris Missis quæ celebrantur eodem tempore, et præfatione propria carent.

494. Præfatio de Sma Trinitate dicitur:

a) tamquam propria, in Missis de festo et votivis Ssmæ Trinitatis;

b) tamquam de Tempore in dominicis Adventus, et in omnibus dominicis II classis, extra tempus natalicium et paschale.

495. Præfatio de Beata Maria Virgine dicitur in Missis festivis et votivis Beatæ Mariæ Virginis, præterquam in festo Purificationis B. Mariæ Virg.

496. *Præfatio de S. Ioseph* dicitur in Missis festivis et votivis S. Ioseph.
 497. *Præfatio de Apostolis* dicitur in Missis festivis et votivis Apostolorum et Evangelistarum.
 498. *Præfatio communis* dicitur in Missis quæ præfatione propria carent, nec sumere debent præfationem de Tempore.
 499. *Præfatio defunctorum* dicitur in Missis defunctorum.

I) De Canone Missæ et aliis usque ad postcommunem

500. Post præfationem et *Sanctus* dicitur Canon Missæ secreto, ut in Ordine Missæ.
 501. Quoties infra actionem *Communicantes*, *Hanc igitur* et *Qui pridie* variari contingit, suo loco in propriis Missis adnotatur.
 Infra octavas Nativitatis Domini, Paschatis et Pentecostes *Communicantes* et *Hanc igitur* propria dicuntur quoque in Missis quæ non sunt de octava, etiamsi præfatione propria gaudeant.
 502. Tempus proprium sanctæ Communionis fidelibus distribuendæ est infra Missam, post Communionem sacerdotis celebrantis, qui ipsemet eam petentibus distribuat, nisi propter grandem communicantium numerum conveniat, ut ab alio vel aliis sacerdotibus adiuvetur.
 Deducet vero omnino, ut in eodem altari, in quo actu Missa celebratur, ab alio sacerdote sancta Communio distribuatur, extra tempus Communionis proprium.
 Ex rationabili porro causa permittitur quoque, sanctam Communionem distribuere, immediate ante vel post Missam, imo etiam, extra Missam, quibus in casibus adhibetur forma in Rituali Romano præscripta, Tit. V, Cap. II, nn. 1-10.
 503. Quoties sancta Communio infra Missam distribuitur, celebrans, sumpto sacratissimo Sanguine, omissis confessione et absolutione, dictis tamen *Ecce Agnus Dei* et ter *Domine, non sum dignus*, immediate ad distributionem sanctæ Eucharistiæ procedit.
 504. Expleto Canone et omnibus aliis usque ad Communionem, dicitur antiphona ad Communionem, cuius in fine, tempore paschali, additur *Alleluia*, nisi iam habeantur; retinetur vero *Alleluia*, quod aliquando invenitur in fine huius antiphonæ, extra tempus paschale, præter quam a Septuagesima ad Pascha.
 505. Orationes post Communionem dicuntur eodem numero, modo et ordine ac orationes in principio Missæ.
 506. In Missis de feriis Quadragesimæ et Passionis, excepto Triduo sacro, expleta ultima oratione post Communionem, additur *Oratio super populum*, quæ dicitur semper sub sua conclusione, et cui præmittitur *Oremus. Humiliate capita vestra Deo*. Hæc oratio dicenda est etiam cum tres orationes post Communionem iam præcesserint.

L) De conclusione Missæ

507. In fine Missæ dicitur *Ite, missa est*, cui respondetur *Deo gratias*.
 Attamen:
 a) in Missa vespertina in Cena Domini quam sequitur solemniter repositio Ssmi Sacramenti, et in aliis Missis quas sequitur aliqua processio, dicitur *Benedicamus Domino*, cui respondetur *Deo gratias*;
 b) infra octavam Paschatis, in Missis de Tempore, ad *Ite, missa est* et ad sequens *Deo gratias* duplex additur *Alleluia*;
 c) in Missis defunctorum dicitur *Requiescant in pace*, cui respondetur *Amen*.
 508. Dicto *Placeat*, datur benedictio, quæ omittitur tantum cum dictum est *Benedicamus Domino* aut *Requiescant in pace*.
 509. Pro ultimo Evangelio, in quavis Missa, regulariter sumitur initium Evangelii secundum Ioannem.
 Attamen in dominica II Passionis seu in palmis, in omnibus Missis quæ non sequuntur benedictionem et processionem ramorum dicitur ultimum Evangelium proprium.
 510. Ultimum Evangelium penitus omittitur:
 a) in Missis in quibus dictum est *Benedicamus Domino*, iuxta n. 507 a);
 b) in festo Nativitatis Domini, ad tertiam Missam;
 c) in dominica II Passionis seu in palmis, in Missa quæ sequitur benedictionem et processionem ramorum;
 d) in Missa Vigiliæ paschalis;
 e) in Missis defunctorum, cum sequitur absolutio super tumulum;
 f) in certis Missis, quæ sequuntur quasdam consecrationes, ex rubricis Pontificalis romani.

CAPUT IX

DE HIS QUÆ CLARA VOCE AUT SECRETO DICENDA SUNT IN MISSA

511. In Missa lecta, dicuntur clara voce:
 a) verba *In nomine Patris*, etc.; psalmus *Iudica me, Deus*, cum sua antiphona; confessio et ea quæ sequuntur usque ad *Oremus* inclusive; orationes vero *Aufer a nobis et Oramus te, Domine* dicuntur secreto;
 b) antiphona ad Introitum cum suo versu et *Gloria Patri* necnon *Kyrie eleison*;
 c) hymnus *Gloria in excelsis*;
 d) *Dominus vobiscum, Oremus, Flectamus genua-Levate*, orationes;
 e) lectiones, epistola, graduale, tractus, *Alleluia* cum suo versu, sequentia et Evangelium;
 f) symbolum;
 g) *Dominus vobiscum, Oremus* et antiphona ad Offertorium, necnon verba *Orate, fratres*;
 h) præfatio et *Sanctus-Benedictus*;
 i) verba *Nobis quoque peccatoribus*; oratio dominica cum sua præfatione; *Per omnia sæcula sæculorum* et *Pax Domini sit semper vobiscum; Agnus Dei*, etc.; verba *Domine, non sum dignus* ante Communionem sacerdotis celebrantis; formulæ ad Communionem fidelium; antiphona ad Communionem; *Dominus vobiscum* et post-communiones; necnon verba *Humiliate capita vestra Deo* et oratio super populum;
 l) *Ite, missa est* vel *Benedicamus Domino* aut *Requiescant in pace*; benedictio et ultimum Evangelium.
 Cetera dicuntur secreto.
 512. Sacerdos autem maxime curare debet ut ea quæ clara voce dicenda sunt, distincte et apposite proferat, non admodum festinanter, ut advertere possit quæ legit, nec nimis morose, ne audientes tædio afficiat; neque etiam voce nimis elata, si in altari secundario celebrat, ne perturbet alios, qui fortasse in eadem ecclesia tunc temporis celebrant; neque tam submissa, ut a circumstantibus audiri non possit. Quæ vero secreto dicenda sunt, ita pronuntiet, ut ipsemet se audiat, et a circumstantibus non audiat.
 513. In Missa solemniter, celebrans:
 a) dicit in cantu: *Dominus vobiscum*, quoties occurrit, præter quam in versibus post confessionem; orationes; *Oremus* ante antiphonam ad Offertorium, *Per omnia sæcula sæculorum* cum præfatione; *Per omnia sæcula sæculorum* cum *Pater noster* et sua præfatione; *Per omnia sæcula sæculorum* cum *Pax Domini*;

- b) *incipit in cantu*: *Gloria* et *Credo*, quando sunt dicenda;
 - c) *dicit clara voce* formulas ad Communionem fidelium et verba benedictionis in fine Missæ;
 - d) *dicit voce convenienti* partes quibus ministri sacri respondere debent;
 - e) *dicit secreto* alia quæ in Missa lecta dicuntur clara voce;
 - f) *omittit* ea quæ a ministris sacris vel a lectore proferuntur.
514. *In Missis cantatis*, scilicet sine ministris sacris, celebrans tenetur servare ea quæ numero præcedenti dicta sunt, et insuper tenetur partes ministris sacris proprias cantu proferre. Epistola a lectore cani potest. Quod si non cantetur a lectore, satius erit quod legatur sine cantu ab ipso celebrante, qui tamen potest Epistolam more solito cantare.
515. *Tonus sollemnis*, in cantu orationum, præfationis et orationis dominicæ, adhibetur:
- a) in dominicis;
 - b) in Missis festivis et in Missa de Officio S. Mariæ in sabbato;
 - c) in vigiliis I classis;
 - d) feria V in Cena Domini et in Missa Vigiliæ paschalis;
 - e) per octavas;
 - f) in Missis votivis I, II et III classis.
516. *Tonus ferialis* vero adhibetur:
- a) in feriis;
 - b) in vigiliis II et III classis;
 - c) in Missis votivis IV classis;
 - d) in Missis defunctorum.

CAPUT X

DE ORDINE GENUFLECTENDI, SEDENDI ET STANDI IN MISSA

517. *In Missa lecta*, sacerdos celebrans genuflectit.
- a) quoties aut in Ritu servando in celebratione Missæ, aut in Ordine Missæ, aut in Proprio cuiusque Missæ, adnotatur ipsum genuflectere debere;
 - b) quando Sacramentum in altari discoopertum apparet, quoties ad medium altaris accedit vel e medio discedit.
518. *In Missis in cantu*, sacerdos celebrans genuflectit:
- a) quoties ipsi genuflectendum est in Missa lecta. Sed ad verba quæ ab aliis cantanda sunt, non genuflectit dum ipse illa verba legit, sed dum aut a ministris aut a choro, iuxta rubricas, cantu proferuntur;
 - b) ad verba autem *Et incarnatus est*, in symbolo, sacerdos celebrans semper genuflectit, cum hæc verba recitat; cum vero cantantur, si non sedet, iterum genua flectit; si autem sedet, non genuflectit, sed caput tantum profunde inclinat apertum, præterquam in tribus Missis Nativitatis Domini et in Missa Annuntiationis B. Mariæ Virg. in quibus, dum hæc verba cantantur, omnes genua flectunt.
519. *Ministri*, in Missis in cantu, semper genuflectunt cum sacerdote celebrante, præterquam subdiaconus tenens librum ad Evangelium, et acolythi tenentes candelabra, qui tunc non genuflectunt. Et cum diaconus cantat illa verba, ad quæ est genuflectendum, ipse versus librum, celebrans et omnes alii versus altare genuflectunt. Ad Consecrationem vero ministri utrumque genu flectunt.
520. In choro, qui non sunt Prælati genua flectunt ad confessionem cum suo psalmo et ad benedictionem celebrantis in fine Missæ. Prælati autem et Canonici, ad benedictionem, caput profunde inclinant.
521. Insuper omnes, etiam Prælati, in choro genua flectunt:
- a) ad Consecrationem;
 - b) ad Communionem fidelium;
 - c) in Missis feriarum Adventus, Quadragesimæ et Passionis, Quatuor Temporum mensis septembris, vigiliarum II et III classis extra tempus paschale, et in Missis defunctorum: ad orationes ante Epistolam, dicto *Dominus vobiscum*; ab expleto *Sanctus* usque ad *Pater noster* cum sua præfatione exclusive; et ad orationes post Communionem et super populum;
 - d) quoties cantantur a ministris vel a choro verba quæ genuflexionem requirunt.
522. Item in choro omnes unum genu flectunt.
- a) dum celebrans recitat verba symboli *Et incarnatus est* etc.;
 - b) dum dicit verba ultimi Evangelii *Et Verbum caro factum est*.
523. In Missa solemni celebrans, medius inter diaconum et subdiaconum, sedere potest ad latus Epistolæ, iuxta altare, dum cantantur *Kyrie, eleison, Gloria in excelsis*, sequentia et *Credo*; alio tempore stat ad altare, vel genuflectit, ut supra. Hæc valent quoque in Missa cantata.
524. In choro non sedent qui actu cantant, reliqui autem sedere possunt:
- a) quando celebrans sedet;
 - b) dum cantantur lectiones et Epistola, graduale, tractus et *Alleluia* cum suo versu, et sequentia;
 - c) ab Offertorio usque ad incensationem chori vel, si chorus non incensatur, usque ad præfationem;
 - d) ab expleta Communionem usque ad *Dominus vobiscum* ante postcommunionem.
- Ad alia stant vel genuflectunt, ut supra.

CAPUT XI

DE PRÆPARATIONE ALTARIS AD MISSAM

525. Altare, in quo sacrosanctum Missæ Sacrificium celebrandum est, debet esse totum lapideum, rite consecratum; vel saltem habere debet tabulam lapideam, seu petram sacram, item rite consecratam, quæ tam ampla sit ut hostiam et maiorem partem calicis capiat; aut etiam, ex Indulto Apostolico, *antimensium*, rite benedictum.
526. Altare cooperiatur tribus tobaleis, rite benedictis, quarum una ita oblonga sit ut, ad latera, usque ad terram pertingat.
527. Super altare adsit in medio Crux satis magna cum Crucifixo, et candelabra quæ iuxta qualitatem Missæ requiruntur, cum candelis accensis, hinc et inde in utroque eius latere. Ponantur insuper sic dictæ « tabellæ secretarum », sed pro tempore Missæ tantum; et, ad latus epistolæ, cussinus, seu legile, Missali supponendum.
528. Ad latus epistolæ, super mensa ad hoc præparata, parentur ampullæ vini et aquæ cum pellicula et manutergio, necnon parva campanula, et patina pro fidelium Communionem.
529. Super altare nihil omnino ponatur, quod ad Missæ sacrificium vel ipsius altaris ornatum non pertineat.
530. Usus accendendi cereum, prope altare, a Consecratione ad Communionem, ubi viget, servetur.

DE ANNO ET EIUS PARTIBUS

Annus menses habet duodecim, hebdomadas duas et quinquaginta, et diem unum: dies vero trecentos sexaginta quinque, et fere sex horas; tanto enim temporis intervallo sol Zodiacum perlustrat. Quater autem sex horæ singulis quaternis annis diem constituunt; hinc annus ille intercalaris, bissextus vel bissextilis dicitur.

De anni correctione, eiusque necessitate, ac Calendario Gregoriano

Quod dictum est, annum continere trecentos et sexaginta quinque dies, et fere sex horas, intellegendum est sex horas non esse integras, cum ad earum complementum aliqua minuta deficient.

Ex quorum minorum neglectu progressum est, ac si annus ultra dies 365 contineret integras sex horas: et factum est, ut minuta, quæ ultra debitam quantitatem annis singulis tribuebantur, tractu temporis ita excreverint, ut invicem iuncta constituerint dies decem; qui causam dederunt ut Æquinoctium vernum sedem suam mutaverit. Cui malo occurrens Gregorius XIII, non solum Æquinoctium vernum restituit in pristinam sedem, a qua iam a Concilio Nicæno, decem circiter diebus in anno correctionis 1582 præcedendo recesserat, quod a Concilio ad xii Kalendas aprilis fuerat constitutum, et xiv Lunam paschalem suo in loco reposuit; sed viam quoque tradidit et rationem, qua caveretur ut in posterum et Æquinoctium vernum et xiv Luna paschalis a propriis sedibus numquam removerentur.

Ut enim Æquinoctium vernum ad xii Kalendas aprilis restitueretur, statuit ut dicti decem dies in mense octobri ipsius anni 1582 eximerentur; ut post quartam diem octobris sancto Francisco sacram, sequens dies non esset v, sed xv octobris. Et ita error, qui in præteritum tot annorum circulis irrepserat, in momento temporis fuit correctus.

Ut autem in posterum idem error vitaretur, ne a xii Kalendas aprilis Æquinoctium vernum recederet, statuit idem Gregorius, bissextum quarto quoque anno (ut mos est) continuari debere, præterquam in centesimis annis: qui quamvis bissextiles antea semper fuerint, qualem etiam esse voluit annum 1600 anno correctionis proximum, post eum tamen qui deinceps consequentur centesimi, non omnes bissextiles essent, sed in quadringentis quibusque annis primi quique tres centesimi sine Bissexto transirentur; quartus vero quisque centesimus esset bissextilis, ita ut annus 1700, 1800, 1900 bissextiles non sint, anno vero 2000 more consueto dies bissextus intercaletur, februario dies 29 continente; idemque ordo intermittendi intercalandique bissextum diem in quadringentis quibusque annis perpetuo conservaretur.

Quatuor Tempora

Quatuor Tempora celebrantur quarta et sexta feria ac sabbato post tertiam dominicam Adventus, post primam dominicam Quadragesimæ, post dominicam Pentecostes, post dominicam III septembris.

De Nuptiarum celebratione

Matrimonium quolibet anni tempore contrahi potest. — 2. Solemnis tantum nuptiarum benedictio vetatur a dominica I Adventus usque ad diem Nativitatis Domini inclusive, et a feria IV cinerum usque ad dominicam Paschatis inclusive. — 3. Ordinarii tamen locorum possunt, salvis legibus liturgicis, etiam prædictis temporibus, eam permittere ex iusta causa, monitis sponsis ut a nimia pompa absterneant.

De cyclo decennovennali Aurei numeri

Cyclus decennovennalis Aurei numeri est revolutio numeri 19 annorum ab 1 usque ad 19, qua revolutione peracta, iterum ad unitatem reditur. Verbi gratia: Anno 1577 numerus cycli decennovennalis, qui dicitur Aureus, est 1; anno sequenti 1578 est 2; et ita deinceps in sequentibus annis, uno semper amplius, usque ad 19, qui Aureus numerus cadet in annum 1595, post quem iterum ad unitatem redeundum est, ita ut anno 1596 Aureus numerus sit rursus 1, et anno 1597 sit 2, etc.

Igitur ut Aureus numerus quolibet anno proposito inveniat, composita est sequens tabella Aureorum numerorum, cuius usus incipit ab anno correctionis 1582 inclusive, duratque in perpetuum. Ex ea enim Aureus numerus cuiuslibet anni post annum 1582, reperietur hoc modo.

6	7	8	9	10	11	12	13	14	15	16	17	18	19	1	2	3	4	5
---	---	---	---	----	----	----	----	----	----	----	----	----	----	---	---	---	---	---

Anno 1582 tribuatur primus numerus tabellæ, qui est 6, secundus autem, qui est 7, sequenti anno 1583, et ita deinceps in infinitum, donec ad annum, cuius Aureum numerum quæris, perveniat, redeundo ad principium tabellæ, quotiescumque eam percurreris. Nam numerus in quem annus propositus cadit, dabit Aureum numerum quæsitum.

Modus brevis cognoscendi Aureum numerum cuiusque anni

Numero anni de quo quæris, adde unicam unitatem 1. Exempli gratia: 1833 adde 1: summam inde conflata divide per 19; quod superest, erit Aureus numerus ipsius anni; si nihil superest, erit Aureus numerus 19.

De Epactis et Noviluniis

Epacta nihil aliud est quam numerus dierum quibus annus solaris communis dierum 365 annum communem lunarem dierum 354 superat: ita ut Epacta primi anni sit 11, cum hoc numero annus solaris communis lunarem annum communem excedat; atque adeo sequenti anno Novilunia contingant 11 diebus prius quam anno primo. Ex quo fit, Epactam secundi anni esse 22, cum eo anno rursum annus solaris lunarem annum superet 11 diebus, qui additi ad 11 dies primi anni efficiunt 22: ac proinde, finito hoc anno, Novilunia contingere 22 diebus prius, quam primo anno: Epactam autem tertii anni esse 3, quia si rursus 11 dies ad 22 adiciantur, efficietur numerus 33; a quo si reiciantur 30 dies, qui unam lunationem embolismalem constituunt, relinquentur 3, atque ita deinceps. Progrediuntur enim Epactæ omnes per continuum augmentum 11 dierum, abiectis tamen 30, quando reici possunt. Solum quando perventum erit ad ultimam Epactam Aureo numero 19 respondentem, quæ est 29, adduntur 12, ut abiectis 30, ex composito numero 41, habeatur rursus Epacta 11, ut in principio. Quod ideo fit, ut ultima lunatio embolismica, currente Aureo numero 19, sit tantum 29 dierum. Si enim 30 dies contineret, ut aliæ sex lunationes embolismicæ, non redirent Novilunia post 19 annos solares ad eosdem dies, sed versus calcem mensium prolaberentur, contingerentque uno die tardius quam ante 19 annos. De qua re plura invenies in libro novæ rationis restituendi Calendarii romani. Sunt autem novemdecim Epactæ quot et Aurei numeri, respondebantque ipsis Aureis numeris ante Calendarii correctionem eo modo, quo in hac tabella dispositæ sunt.

Tabella Epactarum respondentium Aureis numeris ante Calendarii correctionem.

Aurei num.	1	2	3	4	5	6	7	8	9	10	11	12	13	14	15	16	17	18	19
Epactæ	xi	xxii	iii	xiv	xxv	vi	xvii	xxviii	ix	xx	i	xii	xxiii	iv	xv	xxvi	vii	xviii	xxix

Quia vero cyclus decennovennalis Aurei numeri imperfectus est, cum Novilunia post 19 annos solares non præcise ad eadem loca redeant, ut dictum est, imperfectus etiam erit hic cyclus 19 Epactarum. Quamobrem ita emendatus est, ut in posterum loco Aurei numeri, et dictarum 19 Epactarum, utamur 30 numeris Epactalibus ab 1 usque ad 30 ordine progredientibus, quamvis ultima Epacta, sive quæ ordine est trigesima, notata numero non sit, sed signo *****, propterea quod nulla Epacta esse possit 30. Variis autem temporibus ex his 30 Epactis respondent decem et novem Aureis numeris variæ decem et novem Epactæ, prout solaris anni ac lunaris æquatio exposcit; quæ quidem decem et novem Epactæ progrediuntur, ut olim per eundem numerum 11, addunturque semper 12 illi Epactæ, quæ respondet Aureo numero 19, ut habeatur sequens Epacta respondens Aureo numero 1, ob rationem paulo ante dictam. Id quod sequens tabella perspicuum faciet, quæ continet Aureos numeros, et Epactas inter se respondentes ab anno correctionis 1582, post detractationem decem dierum, usque ad annum 1700 exclusive. Quamvis autem vulgares Epactæ mutantur in martio, reipsa tamen in principio anni mutandæ sunt, una cum Aureo numero, in cuius locum hæ nostræ Epactæ succedunt.

Tabella Epactarum respondentium Aureis numeris ab Idibus octobris anni correctionis 1582 (detractis prius decem diebus) inclusive usque ad annum 1700 exclusive.

Aurei num.	6	7	8	9	10	11	12	13	14	15	16	17	18	19	1	2	3	4	5
Epactæ	xxvi	vii	xviii	xxix	x	xxi	ii	xiii	xxiv	v	xvi	xxvii	viii	xix	i	xii	xxiii	iv	xv

Itaque si Epacta quocumque anno proposito invenienda sit, quærendus est Aureus numerus illius anni in superiori ordine illius tabellæ, quæ illi tempori, in quo propositus annus continetur, congruit. Mox enim sub Aureo numero in inferiori ordine tabellæ reperietur Epacta anni propositi, vel certe hoc signum *****. Ubi ergo illa Epacta vel signum ***** in Calendario inventum fuerit, eo die Novilunium fiet. Invenietur autem Aureus numerus vel ex antecedente canone, vel ex tabella Epactarum proposito tempori congruente,tribuendo primum Aureum numerum illius tabellæ illi anno, a quo usus tabellæ incipit, et secundum Aureum numerum sequenti anno, etc. Eodem modo reperietur Epacta sine Aureo numero, si prima Epacta tabellæ tribuatur illi anno, a quo eius usus incipit, et secunda Epacta sequenti anno, etc.

Exemplum: Anno correctionis 1582 Aureus numerus est 6, nempe primus primæ tabellæ, cuius usus incipit ab Idibus octobris dicit anni 1582, detractis prius decem diebus. Erit ergo tunc Epacta xxvi quæ sub Aureo numero 6 collocatur, fietque Novilunium die 27 octobris, et 26 novembris, et 25 decembris. Item anno 1583 iam correcto Aureus numerus est 7, cui in eadem tabella supposita est Epacta vii quæ toto eo anno in Calendario Novilunia indicabit: ut in ianuario die 24, in februario die 22, in martio die 24, etc.

Alia Tabella Epactarum respondentium Aureis numeris ab anno 1700 inclusive, usque ad annum 1900 exclusive.

Aurei num.	10	11	12	13	14	15	16	17	18	19	1	2	3	4	5	6	7	8	9
Epactæ	ix	xx	i	xii	xxiii	iv	xv	xxvi	vii	xviii	*	xi	xxii	iii	xiv	xxv	vi	xvii	xxviii

Alia Tabella Epactarum respondentium Aureis numeris ab anno 1900 inclusive, usque ad annum 2200 exclusive.

Aurei num.	1	2	3	4	5	6	7	8	9	10	11	12	13	14	15	16	17	18	19
Epactæ	xxix	x	xxi	ii	xiii	xxiv	v	xvi	xxvii	viii	xix	*	xi	xxii	iii	xiv	25	vi	xvii

Ad tollendam dubitationem de usu huius novæ tabellæ Epactarum, ostendemus rem exemplis. Anno 1901 tribuatur Epacta x, quæ sub Aureo numero 2 collocatur: fietque Novilunium 21 ianuarii, 19 februarii, 21 martii. Item anno 1902 tribuatur Epacta xxi sub Aureo numero 3 collocata, quæ toto eo anno in Calendario Novilunia monstrabit: ut in ianuario die 10, in februario die 8, in martio die 10. Et sic deinceps per ordinem annis progredientibus, redeundo ad principium tabellæ quotiescumque eam percurreris. Rursus anno 1911 Epacta non signatur numero, sed hoc signo *****, quod collocatur sub Aureo numero 12, et in Calendario toto eo anno Novilunia indicabit, nimirum in ianuario die 1 et 31, in martio (nam in februario nullum tunc Novilunium, cum in eo signum hoc ***** non reperiatur) die 1 et 31, in aprili die 29, etc. Postremo: anno 1916 Aureus numerus est 17, sub quo in ordine Epactarum quartæ tabellæ, quæ proposito anno congruit, reperitur Epacta 25 non antiquo numero, ut aliæ Epactæ, sed vulgari numero scripta. Ubicumque ergo anno 1916 in Calendario Epacta 25 vulgari numero scripta reperitur, ibi Novilunium fit, ut in ianuario die 6, in februario die 4, in martio die 6, in aprili die 4, etc. Quotiescumque enim Epacta 25 respondet Aureis numeris maioribus quam 11, quales sunt posteriores octo a 12 usque ad 19, sumenda est in Calendario Epacta 25 vulgari numero scripta; quando vero eadem Epacta respondet minoribus numeris quam 12, quales sunt priores undecim, ab 1 ad 11 inclusive, accipienda est in Calendario Epacta xxv antiquo numero scripta: atque hoc solum contingit in Epacta 25, in aliis numquam; quod ideo fit, ut anni lunares solaribus annis perfectius respondeant. Ob quam etiam causam in sex locis Calendarii duæ Epactæ, scilicet xxv et xxiv sunt adscriptæ.

Tabella litterarum dominicalium ab Idibus octobris anni correctionis 1582 (detractis prius decem diebus) usque ad annum 1700 exclusive.

c	b	A	f	e	d	c	A	g	f	e	c	b	A
g	e	d	c	b	g	f	e	d	b	A	g	f	d
f				A				c				e	

Usus huius tabellæ hic est: Anno correctionis 1582 post Idus octobris (detractis prius decem diebus) tribuatur littera c primæ cellulæ, et sequenti anno 1583 littera b secundæ, et anno 1584 dentur litteræ A g tertiæ cellulæ, et sic deinceps aliis annis ordine aliæ cellulæ tribuantur, donec ad annum propositum perventum sit, redeundo ad principium tabellæ, quotiescumque eam percurreris. Nam cellula, in quam annus propositus cadit, dummodo minor sit quam annus 1700, dabit litteram dominicalem propositi anni. Quæ si unica occurrerit, annus erit communis; si vero duplex, bissextilis: et tunc superior littera dominicam diem ostendet in Calendario a principio anni usque ad festum sancti Matthiæ Apostoli, inferior autem ab hoc festo usque ad finem anni.

*** MISSALE ROM.

Exempli gratia: Sit inveniendā littera dominicalis anno 1587. Numera ab anno 1582, quem tribue primæ litteræ c, usque ad annum 1587, tribuendo singulis cellulis singulos annos (computando geminas litteras quas-cumque, superiorem et inferiorem, pro una cellula), cadetque annus 1587 in litteram d, quæ sextum locum in tabella occupat. Est ergo toto eo anno littera dominicalis d, annusque communis est, cum littera simplex occurrat. Rursus sit investigandā littera dominicalis anni 1616. Numera ab anno 1582, ut dictum est, usque ad annum 1616, redeundo ad principium tabellæ, postquam eam percurreris, perveniesque ad duas hasce litteras c b, septimo loco positas. Est ergo annus ille bissextilis, cum duplex littera occurrat, superiorque littera c dominicam diem indicabit a principio anni illius usque ad festum sancti Matthiæ, inferior autem b in reliqua parte anni.

Alia Tabella litterarum dominicalium ab anno 1901 inclusive, usque ad annum 2100 exclusive.

f	e	d	c	A	g	f	e	c	b	A	g	e	d
c	b	g	f	e	d	b	A	g	f	d	c	b	A
	A				c			e					g

Usus autem huius tabellæ hic est: anno 1901 tribuatur littera f primæ cellulæ, et sequenti anno 1902 littera e, et sic deinceps ceteris annis ordine aliæ cellulæ tribuantur, donec ad annum propositum perventum sit, redeundo ad principium tabellæ, quotiescumque eam percurreris; nam cellula, in quam annus propositus cadit, dabit litteram dominicalem propositi anni: quæ si unica occurrerit, annus erit communis; si vero duplex, bissextilis: et tunc superior littera dominicam diem ostendet in Calendario a principio anni usque ad festum sancti Matthiæ Apostoli, inferior autem ab hoc festo usque ad finem anni.

De Indictione

Indictio est revolutio 15 annorum ab 1 usque ad 15, qua revolutione peracta, iterum reditur ad unitatem, initiumque sumit quilibet annus huius cycli a ianuario in Bullis Pontificiis. Et quoniam Indictionum frequens usus est in Diplomatis et Scripturis publicis, facile annum Indictionis currentem quolibet anno proposito inveniemus ex sequenti tabella, cuius usus perpetuus est: initium tamen sumit ab anno correctionis 1582.

Tabella Indictionis ab anno correctionis 1582.

10	11	12	13	14	15	1	2	3	4	5	6	7	8	9
----	----	----	----	----	----	---	---	---	---	---	---	---	---	---

Nam si anno 1582 tribuas primum numerum, qui est 10, et sequenti anno 1583, secundum numerum, qui est 11, et sic deinceps usque ad annum propositum, redeundo ad principium tabellæ, quotiescumque eam percurreris, cadet annus propositus in indictionem quæ quæritur.

De festis mobilibus

Quoniam ex decreto sacri Concilii Nicæni Pascha, ex quo reliqua festa mobilia pendent, celebrari debet die dominico, qui proxime succedit xiv Lunæ primi mensis (is vero apud Hebræos vocatur primus mensis, cuius xiv Luna vel cadit in diem verni Æquinoctii, quod die 21 mensis martii contingit vel propius ipsum sequitur), efficitur, ut si Epacta cuiusvis anni inveniatur, et ab ea in Calendario notata inter diem octavum martii inclusive, et quintum aprilis inclusive (huius enim Epactæ xiv Luna cadit vel in diem Æquinoctii verni, id est, in diem 21 martii, vel eum propius sequitur), numeretur inclusive deorsum versus dies quatuordecim; proximis dies dominicus diem hunc xiv sequens (ne cum Iudæis conveniamus, si forte dies xiv Lunæ caderet in diem dominicum) sit dies Paschæ.

Exemplum: Anno 1605 Epacta est x et littera dominicalis b. Et quoniam invenimus Epactam x inter diem 8 martii et 5 aprilis inclusive positi: m esse e regione diei 21 martii, a quo inclusive, si deorsum versus numerentur 14 dies, inveniemus xiv Lunam die 3 aprilis, quæ est dominica, cum e regione illius sit littera dominicalis b. Ne igitur cum Iudæis conveniamus, qui Pascha celebrant die xiv Lunæ, sumenda est littera dominicalis b, quæ sequitur xiv Lunam, nempe ea quæ e regione diei 10 aprilis collocatur: atque eo anno Pascha celebrandum erit die 10 aprilis. Item anno 1604 Epacta est xxix et duplex littera dominicalis d c, cum annus ille sit bissextilis. Si igitur ab Epacta xxix, quæ e regione diei 1 aprilis ponitur inter diem 8 Martii et 5 aprilis inclusive, numerentur dies 14, cadet xiv Luna in diem 14 aprilis. Et quia tunc currit posterior littera dominicalis, nempe c, quæ post diem 14 aprilis, id est, post xiv Lunam collocata est e regione diei 18 aprilis, celebrabitur eo anno Pascha die 18 aprilis.

Ceterum ut facilius omnia festa mobilia inveniantur, compositæ sunt duæ sequentes tabulæ paschales, una antiqua, et nova altera. Ex antiqua ita festa mobilia reperientur: in latere sinistro tabulæ accipiat Epacta currens, et in linea litterarum dominicalium sumatur littera dominicalis currens, infra tamen Epactam currentem, ita ut si littera dominicalis currens reperiat e regione Epactæ currentis, assumenda sit eadem littera dominicalis proxime inferior. Nam e regione huius litteræ dominicalis omnia festa mobilia continentur.

Exemplum: Anno 1606 Epacta est xxi, et littera dominicalis A. Si igitur in tabula antiqua sumatur littera dominicalis A quæ primo infra Epactam xxi occurrit, reperietur e regione huius litteræ dominica Septuagesimæ die 22 ianuarii, dies cinerum 8 februarii, Pascha 26 martii, Ascensio Domini 4 maii, Pentecostes 14 maii, et festum Corporis Christi 25 maii. Dominicæ autem inter Pentecosten et Adventum eo anno erunt 28, et Adventus celebrabitur die 3 decembris; et sic de ceteris. Item anno 1605 Epacta est x et littera dominicalis b, quæ in tabula reperitur e regione Epactæ x. Quare sumenda est alia littera b, quæ proxime infra Epactam invenitur, e regione cuius invenies Septuagesimam die 6 februarii, diem cinerum 23 februarii, Pascha 10 aprilis, etc.

Notandum autem est, quod quemadmodum in anno communi, cadente littera dominicali e regione Epactæ in tabula antiqua, sumitur eadem littera proxima infra Epactam, ut diximus; ita quoque in anno bissextili, si alterutra duarum litterarum dominicalium tunc currentium e regione Epactæ reperiat, assumendæ sunt aliæ duæ similes litteræ proxime inferiores, ut festa mobilia inveniantur.

Ex tabula vero paschali nova ita eadem festa mobilia reperientur: in cellula litteræ dominicalis currentis quæ-ratur Epacta currens. Nam e directo omnia festa mobilia deprehenduntur. Ut anno 1609 in cellula litteræ dominicalis d, tunc currentis, e regione Epactæ xxiv, quæ eodem anno currit, habetur Septuagesima die 15 februarii, dies cinerum 4 martii, Pascha 19 aprilis, etc.

Sed sive antiqua, sive nova tabula paschali utamur, inveniendā sunt omnia festa mobilia in annis bissextilibus per litteram dominicalem posteriorem, quæ nimirum currit post festum sancti Matthiæ Apostoli, ne scilicet ambigamus, utra duarum litterarum pro hoc aut illo festo indagando accipiendā sit; ita tamen, ut Septuagesimæ et diei cinerum inventæ in ianuario aut februario addatur unus dies. Quod ideo fit, quia ante diem sancti Matthiæ currit prior littera dominicalis, quæ in Calendario posteriorem semper sequitur; post festum autem sancti Matthiæ, in februario, licet posterior littera currat, additur tamen tunc dies intercalaris, ita ut dies 24 februarii dicatur 25, et dies 25 dicatur 26, etc. Quod si dies cinerum cadat in martium, nihil addendum est, quia tunc et littera posterior

currit, et dies mensis propriis numeris respondent, cum dies intercalaris februario sit additus. Immo nisi per posteriorem litteram investigarentur, non inveniretur recte Septuagesima in anno bissextili, currente Epacta xxiv vel xxv et littera dominicali d c, ut in secundo ac tertio exemplo perspicuum fiet pro annis 4088 et 3784. Exempli gratia: anno 2096 bissextili Epacta erit v et litteræ dominicales A g. Si igitur per posteriorem litteram, quæ est g, festa mobilia investigentur, reperietur Septuagesima die 11 februarii et dies cinerum 28 februarii. Si autem addatur unus dies, cadet Septuagesima in diem 12 februarii, quæ est dominica, et dies cinerum in diem 29 februarii, quæ est feria quarta; Pascha autem et reliqua festa in eos dies cadent qui in tabula expressi sunt. Item anno 4088 bissextili Epacta erit xxiv, et litteræ dominicales d c. Si igitur per litteram c, quæ posterior est, inquirantur festa mobilia, invenietur Septuagesima die 21 februarii, et si addatur unus dies, cadet in diem 22 februarii, quæ est dominica. Dies autem cinerum cadet in diem 10 martii: quare nihil additur, etc. Rursus anno 3784 bissextili, Epacta erit xxv et litteræ dominicales d c. Ergo iterum per posteriorem c reperietur Septuagesima die 21 februarii, hoc est, addita una die 22. Quod si per priorem litteram d in utroque horum duorum annorum agendum esset, nihil efficeretur, cum infra Epactas xxiv et xxv littera d indicet Septuagesimam die 15 februarii, quod falsum esset, cum eo anno posterior littera c Pascha offerat die 25 aprilis, ac proinde Septuagesima die 22 februarii celebranda sit, ut liquido constat, si a die Paschæ dominicæ retro numerentur usque ad Septuagesimam.

In priori porro tabula paschali antiqua reformata, Epactis ad sinistram præposuimus Aureos numeros eodem ordine, quo ante emendationem Calendarii collocari solebant, ut ex iis festa mobilia invenirentur. Hoc autem idcirco a nobis factum est, ut Pascha ceteraque festa mobilia a Concilio Nicæno usque ad annum 1582 quilibet indagare possit. Eodem autem prorsus artificio ex Aureis numeris ita distributis festa mobilia eruuntur, quo ex Epactis. Sit enim explorandum, exempli causa, quando festa hæc celebrata fuerint anno 1450. Quoniam eo anno Aureus numerus fuit 7, et littera dominicalis d, si Aureus numerus 7 in sinistro latere accipiat, et prima littera d, infra eum occurrens, reperietur e regione huius litteræ d, Septuagesima die 1 februarii, dies cinerum 18 februarii, Pascha die 5 aprilis, etc.

Adventus Domini celebratur semper die dominico, qui propinquior est festo sancti Andreæ Apostoli, nempe a die 27 novembris inclusive usque ad diem 3 decembris inclusive; ita ut littera dominicalis currens, quæ reperitur in Calendario a die 27 novembris usque ad diem 3 decembris, indicet dominicam Adventus. Ut verbi gratia, si littera dominicalis est g, dominica Adventus cadet in diem 2 decembris: quia ibi est littera g in Calendario, etc.

Ad finem tandem tabellarum paschalium apposita est tabula temporaria multorum annorum, e regione quorum omnia festa mobiliaveniuntur; quæ quidem tabula ex tabulis paschalibus excerpta est, ex quibus infinitæ aliæ erui possunt pro quibuscumque annis.

TABULA PASCHALIS ANTIQUA REFORMATA

Aureus numerus	Cyclus Epactarum	Litteræ dominicales	Septuagesima	Dies cinerum	Pascha	Ascensio	Pentecostes	Corpus Christi	Dominicæ post Pentec.	Dominica prima Adventus
16 5	xxiii xxii xxi	d e f	Jan. 18 19 20 21	Febr. 4 5 6 7	Mart. 22 23 24 25	Aprilis 30 1 maii 2 3	Maii 10 11 12 13	Maii 21 22 23 24	28 28 28 28	29 nov. 30 1 dec. 2
13 2	xx xix	g								
10 18 7	xviii xvii xvi xv xiv	A b c d e	22 23 24 25 26	8 9 10 11 12	26 27 28 29 30	4 5 6 7 8	14 15 16 17 18	25 26 27 28 29	28 27 27 27 27	3 27 nov. 28 29 30
15 4	xiii xii xi x ix	f g A b c	27 28 29 30 31	13 14 15 16 17	31 1 apr. 2 3 4	9 10 11 12 13	19 20 21 22 23	30 31 1 iunii 2 3	27 27 27 26 26	1 dec. 2 3 27 nov. 28
1 9 17	viii vii vi v iv	d e f g A	1 febr. 2 3 4 5	18 19 20 21 22	5 6 7 8 9	14 15 16 17 18	24 25 26 27 28	4 5 6 7 8	26 26 26 26 26	29 30 1 dec. 2 3
6 14 3	iii ii i *	b c d e f	6 7 8 9 10	23 24 25 26 27	10 11 12 13 14	19 20 21 22 23	29 30 31 1 iunii 2	9 10 11 12 13	25 25 25 25 25	27 nov. 28 29 30 1 dec.
11 19 8	xxviii xxvii xxvi xxv xxiv	g A b c d	11 12 13 14 15	28 1 mart. 2 3 4	15 16 17 18 19	24 25 26 27 28	3 4 5 6 7	14 15 16 17 18	25 25 24 24 24	2 3 27 nov. 28 29
		e f g A b c	16 17 18 19 20 21	5 6 7 8 9 10	20 21 22 23 24 25	29 30 31 1 iunii 2 3	8 9 10 11 12 13	19 20 21 22 23 24	24 24 24 24 23 23	30 1 dec. 2 3 27 nov. 28

TABULA PASCHALIS NOVA REFORMATA

Litteræ domin.	Cyclus Epactarum	Septuagesima	Dies cinerum	Pascha	Ascensio	Pentecostes	Corpus Christi	Dominicæ post Pentec.	Dominica prima Adventus
D	23 22 21 20 19 18 17 16 15 14 13 12 11 10 9 8 7 6 5 4 3 2 1 * 29 28 27 26 25 24	18 jan. 25 jan. 1 febr. 8 febr. 15 febr.	4 febr. 11 febr. 18 febr. 25 febr. 4 mart.	22 mart. 29 mart. 5 apr. 12 apr. 19 apr.	30 apr. 7 maii 14 maii 21 maii 28 maii	10 maii 17 maii 24 maii 31 maii 7 iunii	21 maii 28 maii 4 iunii 11 iunii 18 iunii	28 27 26 25 24	29 nov. 29 29 29 29
E	23 22 21 20 19 18 17 16 15 14 13 12 11 10 9 8 7 6 5 4 3 2 1 * 29 28 27 26 25 24	19 jan. 26 jan. 2 febr. 9 febr. 16 febr.	5 febr. 12 febr. 19 febr. 26 febr. 5 mart.	23 mart. 30 mart. 6 apr. 13 apr. 20 apr.	1 maii 8 maii 15 maii 22 maii 29 maii	11 maii 18 maii 25 maii 1 iunii 8 iunii	22 maii 29 maii 5 iunii 12 iunii 19 iunii	28 27 26 25 24	30 nov. 30 30 30 30
F	23 22 21 20 19 18 17 16 15 14 13 12 11 10 9 8 7 6 5 4 3 2 1 * 29 28 27 26 25 24	20 jan. 27 jan. 3 febr. 10 febr. 17 febr.	6 febr. 13 febr. 20 febr. 27 febr. 6 mart.	24 mart. 31 mart. 7 apr. 14 apr. 21 apr.	2 maii 9 maii 16 maii 23 maii 30 maii	12 maii 19 maii 26 maii 2 iunii 9 iunii	23 maii 30 maii 6 iunii 13 iunii 20 iunii	28 27 26 25 24	1 dec. 1 1 1 1
G	23 22 21 20 19 18 17 16 15 14 13 12 11 10 9 8 7 6 5 4 3 2 1 * 29 28 27 26 25 24	21 jan. 28 jan. 4 febr. 11 febr. 18 febr.	7 febr. 14 febr. 21 febr. 28 febr. 7 mart.	25 mart. 1 apr. 8 apr. 15 apr. 22 apr.	3 maii 10 maii 17 maii 24 maii 31 maii	13 maii 20 maii 27 maii 3 iunii 10 iunii	24 maii 31 maii 7 iunii 14 iunii 21 iunii	28 27 26 25 24	2 dec. 2 2 2 2
A	23 22 21 20 19 18 17 16 15 14 13 12 11 10 9 8 7 6 5 4 3 2 1 * 29 28 27 26 25 24	22 jan. 29 jan. 5 febr. 12 febr. 19 febr.	8 febr. 15 febr. 22 febr. 1 mart. 8 mart.	26 mart. 2 apr. 9 apr. 16 apr. 23 apr.	4 maii 11 maii 18 maii 25 maii 1 iunii	14 maii 21 maii 28 maii 4 iunii 11 iunii	25 maii 1 iunii 8 iunii 15 iunii 22 iunii	28 27 26 25 24	3 dec. 3 3 3 3
B	23 22 21 20 19 18 17 16 15 14 13 12 11 10 9 8 7 6 5 4 3 2 1 * 29 28 27 26 25 24	23 jan. 30 jan. 6 febr. 13 febr. 20 febr.	9 febr. 16 febr. 23 febr. 2 mart. 9 mart.	27 mart. 3 apr. 10 apr. 17 apr. 24 apr.	5 maii 12 maii 19 maii 26 maii 2 iunii	15 maii 22 maii 29 maii 5 iunii 12 iunii	26 maii 2 iunii 9 iunii 16 iunii 23 iunii	27 26 25 24 23	27 nov. 27 27 27 27
C	23 22 21 20 19 18 17 16 15 14 13 12 11 10 9 8 7 6 5 4 3 2 1 * 29 28 27 26 25 24	24 jan. 31 jan. 7 febr. 14 febr. 21 febr.	10 febr. 17 febr. 24 febr. 3 mart. 10 mart.	28 mart. 4 apr. 11 apr. 18 apr. 25 apr.	6 maii 13 maii 20 maii 27 maii 3 iunii	16 maii 23 maii 30 maii 6 iunii 13 iunii	27 maii 3 iunii 10 iunii 17 iunii 24 iunii	27 26 25 24 23	28 nov. 28 28 28 28

TABELLA TEMPORARIA

FESTORUM MOBILIUM

Anno Domini	Litterae Dominicales	Aureus numerus	Epacta	Septuagesima	Dies Cinerum	Pascha	Ascensio	Pentecostes	Corpus Christi	Indicationes	Dom. post Pent.	Domin. prima Advent.
1962	g	6	xxiv	18 febr.	7 mart.	22 apr.	31 maii	10 iunii	21 iunii	15	24	2 dec.
1963	f	7	v	10 febr.	27 febr.	14 apr.	23 maii	2 iunii	13 iunii	1	25	1 dec.
1964	e d	8	xvi	26 ian.	12 febr.	29 mart.	7 maii	17 maii	28 maii	2	27	29 nov.
1965	c	9	xxvii	14 febr.	3 mart.	18 apr.	27 maii	6 iunii	17 iunii	3	24	28 nov.
1966	b	10	viii	6 febr.	23 febr.	10 apr.	19 maii	29 maii	9 iunii	4	25	27 nov.
1967	A	11	xix	22 ian.	8 febr.	26 mart.	4 maii	14 maii	25 maii	5	28	3 dec.
1968	g f	12	*	11 febr.	28 febr.	14 apr.	23 maii	2 iunii	13 iunii	6	25	1 dec.
1969	e	13	xi	2 febr.	19 febr.	6 apr.	15 maii	25 maii	5 iunii	7	26	30 nov.
1970	d	14	xxii	25 ian.	11 febr.	29 mart.	7 maii	17 maii	28 maii	8	27	29 nov.
1971	c	15	iii	7 febr.	24 febr.	11 apr.	20 maii	30 maii	10 iunii	9	25	28 nov.
1972	b A	16	xiv	30 ian.	16 febr.	2 apr.	11 maii	21 maii	1 iunii	10	27	3 dec.
1973	f	17	25	18 febr.	7 mart.	22 apr.	31 maii	10 iunii	21 iunii	11	24	2 dec.
1974	g	18	vi	10 febr.	27 febr.	14 apr.	23 maii	2 iunii	13 iunii	12	25	1 dec.
1975	e	19	xvii	26 ian.	12 febr.	30 mart.	8 maii	18 maii	29 maii	13	27	30 nov.
1976	d c	1	xxix	14 febr.	3 mart.	18 apr.	27 maii	6 iunii	17 iunii	14	24	28 nov.
1977	b	2	x	6 febr.	23 febr.	10 apr.	19 maii	29 maii	9 iunii	15	25	27 nov.
1978	A	3	xxi	22 ian.	8 febr.	26 mart.	4 maii	14 maii	25 maii	1	28	3 dec.
1979	g	4	ii	11 febr.	28 febr.	15 apr.	24 maii	3 iunii	14 iunii	2	25	2 dec.
1980	f e	5	xxiii	3 febr.	20 febr.	6 apr.	15 maii	25 maii	5 iunii	3	26	30 nov.
1981	d	6	xxiv	15 febr.	4 mart.	19 apr.	28 maii	7 iunii	18 iunii	4	24	29 nov.
1982	c	7	v	7 febr.	24 febr.	11 apr.	20 maii	30 maii	10 iunii	5	25	28 nov.
1983	b	8	xvi	30 ian.	16 febr.	3 apr.	12 maii	22 maii	2 iunii	6	26	27 nov.
1984	A g	9	xxvii	19 febr.	7 mart.	22 apr.	31 maii	10 iunii	21 iunii	7	24	2 dec.
1985	f	10	viii	3 febr.	20 febr.	7 apr.	16 maii	26 maii	6 iunii	8	26	1 dec.
1986	e	11	xix	26 ian.	12 febr.	30 mart.	8 maii	18 maii	29 maii	9	27	30 nov.
1987	d	12	*	15 febr.	4 mart.	19 apr.	28 maii	7 iunii	18 iunii	10	24	29 nov.
1988	c b	13	xi	31 ian.	17 febr.	3 apr.	12 maii	22 maii	2 iunii	11	26	27 nov.
1989	A	14	xxii	22 ian.	8 febr.	26 mart.	4 maii	14 maii	25 maii	12	28	3 dec.
1990	g	15	iii	11 febr.	28 febr.	15 apr.	24 maii	3 iunii	14 iunii	13	25	2 dec.
1991	f	16	xiv	27 ian.	13 febr.	31 mart.	9 maii	19 maii	30 maii	14	27	1 dec.
1992	e d	17	25	16 febr.	4 mart.	19 apr.	28 maii	7 iunii	18 iunii	15	24	29 nov.
1993	c	18	vi	7 febr.	24 febr.	11 apr.	20 maii	30 maii	10 iunii	1	25	28 nov.
1994	b	19	xxvii	30 ian.	16 febr.	3 apr.	12 maii	22 maii	2 iunii	2	26	27 nov.
1995	A	1	xxix	12 febr.	1 mart.	16 apr.	25 maii	4 iunii	15 iunii	3	25	3 dec.
1996	g f	2	x	4 febr.	21 febr.	7 apr.	16 maii	26 maii	6 iunii	4	26	1 dec.
1997	e	3	xxi	26 ian.	12 febr.	30 mart.	8 maii	18 maii	29 maii	5	27	30 nov.
1998	d	4	ii	8 febr.	25 febr.	12 apr.	21 maii	31 maii	11 iunii	6	25	29 nov.
1999	c	5	xiii	31 ian.	17 febr.	4 apr.	13 maii	23 maii	3 iunii	7	26	28 nov.
2000	b A	6	xxiv	20 febr.	8 mart.	23 apr.	1 iunii	11 iunii	22 iunii	8	24	3 dec.
2001	f	7	v	11 febr.	28 febr.	15 apr.	24 maii	3 iunii	14 iunii	9	25	2 dec.
2002	g	8	xvi	27 ian.	13 febr.	31 mart.	9 maii	19 maii	30 maii	10	27	1 dec.
2003	e	9	xxvii	16 febr.	5 mart.	20 apr.	29 maii	8 iunii	19 iunii	11	24	30 nov.

CALENDARIUM MISSALIS ROMANI

Cyclus Epacta- rum	L. D.		D. M.	MENSIS
				IANUARIUS
* xxix xxviii xxvii xxvi 25 xxv xxiv xxiii xxii xxi xx xix xviii xvii	A b c d e f g A b c d e f g	Kal. iv iii Prid. Non. viii vii vi v iv iii Prid. Idib. xix	1 2 3 4 5 6 7 8 9 10 11 12 13 14	OCTAVA NATIVITATIS DOMINI I cl. <i>Commemoratio S. Telesphori Papæ et Mart.</i> Comm. IN EPIPHANIA DOMINI I cl.
xvi xv xiv xiii xii	A b c d e	xviii xvii xvi xv xiv	15 16 17 18 19	<i>Commemoratio S. Hygini Papæ et Mart.</i> Comm. IN COMMEMORATIONE BAPTISMATIS D. N. I. C. . . . II cl. S. Hilarii Ep., Conf. et Eccl. Doct. III cl. <i>Commemoratio S. Felicis Presb. et Mart.</i> S. Pauli primi Eremitæ, Conf. III cl. <i>Commemoratio S. Mauri Abb.</i> S. Marcelli I Papæ et Mart. III cl. S. Antonii Abb. III cl. <i>Commemoratio S. Priscæ Virg. et Mart.</i> Comm. <i>Commemoratio Ss. Marii, Marthæ, Audifacis et Abachum</i> <i>Mm.</i> Comm. <i>Commemoratio S. Canuti Regis, Mart.</i> Ss. Fabiani Papæ et Sebastiani Mm. III cl. S. Agnetis Virg. et Mart. III cl. Ss. Vincentii et Anastasii Mm. III cl. S. Raymundi de Peñafort Conf. III cl.
xi x ix viii	f g A b	xiii xii xi x	20 21 22 23	<i>Commemoratio S. Emerentianæ Virg. et Mart.</i> S. Timothei Ep. et Mart. III cl. In Conversione S. Pauli Ap. III cl. <i>Commemoratio S. Petri Ap.</i> S. Polycarpi Ep. et Mart. III cl. S. Ioannis Chrysostomi Ep., Conf. et Eccl. Doct. . . . III cl. S. Petri Nolasci Conf. III cl.
vii vi v iv iii	c d e f g	ix viii vii vi v	24 25 26 27 28	<i>Commemoratio S. Agnetis Virg. et Mart. secundo</i> S. Francisci Salesii Ep., Conf. et Eccl. Doct. . . . III cl. S. Martinæ Virg. et Mart. III cl. S. Ioannis Bosco Conf. III cl.
ii i *	A b c	iv iii Prid.	29 30 31	Dominica inter octavam Nativitatis Domini et Epiph- niam, vel, ea deficiente, die 2 ianuarii: SANCTISSIMI NOMINIS IESU II cl. Dominica I post Epiphaniam: S. FAMILIÆ, IESU, MARIÆ, IOSEPH II cl.
				FEBRUARIUS
xxix xxviii xxvii 25 xxvi xxv xxiv xxiii	d e f g A b	Kal. iv iii Prid. Non. viii	1 2 3 4 5 6	S. Ignatii Ep. et Mart. III cl. IN PURIFICATIONE B. MARIÆ VIRG. II cl. <i>Commemoratio S. Blasii Ep. et Mart.</i> Comm. S. Andreæ Corsini Ep. et Conf. III cl. S. Agathæ Virg. et Mart. III cl. S. Titi Ep. et Conf. III cl.
xxii xxi xx	c d e	vii vi v	7 8 9	<i>Commemoratio S. Dorotheæ Virg. et Mart.</i> S. Romualdi Abb. III cl. S. Ioannis de Matha Conf. III cl. S. Cyrilli Ep. Alex., Conf. et Eccl. Doct. III cl.
xix	f	iv	10	<i>Commemoratio S. Apolloniæ Virg. et Mart.</i> S. Scholasticæ Virg. III cl.

Cyclus Epacta- rum	L. D.		D. M.	MENSIS
xviii xvii	g A	iii Prid.	11 12	In Apparitione B. Mariæ Virg. Immaculatæ III cl. Ss. Septem Fundatorum Ordinis Servorum B. Mariæ Virg., Confessorum III cl.
xvi	b	Idib.	13	
xv	c	xvi	14	Commemoratio S. Valentini Presb. et Mart. Comm.
xiv	d	xv	15	Commemoratio Ss. Faustini et Iovitæ Mm. Comm.
xiii	e	xiv	16	
xii	f	xiii	17	
xi	g	xii	18	Commemoratio S. Simeonis Ep. et Mart. Comm.
x	A	xi	19	
ix	b	x	20	
viii	c	ix	21	
vii	d	viii	22	CATHEDRA S. PETRI AP. II cl. Commemoratio S. Pauli Ap.
vi	e	vii	23	S. Petri Damiani Ep., Conf. et Eccl. Doct. III cl.
v	f	vi	24	S. MATTHIÆ AP. II cl.
iv	g	v	25	
iii	A	iv	26	
ii	b	iii	27	S. Gabrielis a Virg. Perdolente, Conf. III cl.
i	c	Prid.	28	
<p>In anno bissextili mensis februarius est dierum 29, et festum S. Matthiæ celebratur die 25 februarii ac festum S. Gabrielis a Virg. Perdolente die 28 februarii, et bis dicitur <i>Sexto Kalendas</i>, id est die 24 et die 25; et littera dominicalis, quæ assumpta fuit in mense ianuario, mutetur in præcedentem: ut, si in ianuario littera dominicalis fuerit A, mutetur in præcedentem, quæ est g, etc., et littera f bis servit, 24 et 25.</p>				
MARTIUS				
*	d	Kal.	1	
xxix	e	vi	2	
xxviii	f	v	3	
xxvii	g	iv	4	S. Casimiri Conf. III cl. Commemoratio S. Lucii I Papæ et Mart.
xxvi	A	iii	5	
25 xxv	b	Prid.	6	Ss. Perpetuæ et Felicitatis Mm. III cl.
xxiv	c	Non.	7	S. Thomæ de Aquino Conf. et Eccl. Doct. III cl.
xxiii	d	viii	8	S. Ioannis a Deo Conf. III cl.
xxii	e	vii	9	S. Franciscæ Romanæ Vid. III cl.
xxi	f	vi	10	Ss. Quadraginta Martyrum III cl.
xx	g	v	11	
xix	A	iv	12	S. Gregorii I Papæ, Conf. et Eccl. Doct. III cl.
xviii	b	iii	13	
xvii	c	Prid.	14	
xvi	d	Idib.	15	
xv	e	xvii	16	
xiv	f	xvi	17	S. Patricii Ep. et Conf. III cl.
xiii	g	xv	18	S. Cyrilli Ep. Hierosolymitani, Conf. et Eccl. Doct. III cl.
xii	A	xiv	19	S. IOSEPH, SPONSI B. MARIÆ VIRG., Conf. et Eccl. univ. Patroni I cl.
xi	b	xiii	20	
x	c	xii	21	S. Benedicti Abb. III cl.
ix	d	xi	22	
viii	e	x	23	
vii	f	ix	24	S. Gabrielis Archang. III cl.
vi	g	viii	25	IN ANNUNTIATIONE B. MARIÆ VIRG. I cl.
v	A	vii	26	
iv	b	vi	27	S. Ioannis Damasceni Conf. et Eccl. Doct. III cl.
iii	c	v	28	S. Ioannis de Capistrano Conf. III cl.
ii	d	iv	29	

Cyclus Epacta- rum	L. D.		D. M.	MENSIS
i *	e f	iii Prid.	30 31	Feria VI post Dominicam I Passionis: <i>Commemoratio Septem Dolorum B. Mariæ Virg.</i> . . . Comm.
				APRILIS
xxix xxviii xxvii 25 xxvi xxv xxiv xxiii xxii xxi xx xix xviii xvii xvi xv	g A b c d e f g A b c d e f	Kal. iv iii Prid. Non. viii vii vi v iv iii Prid. Idib. xviii	1 2 3 4 5 6 7 8 9 10 11 12 13 14	S. Francisci de Paula Conf. III cl. S. Isidori Ep., Conf. et Eccl. Doct. III cl. S. Vincentii Ferrerii Conf. III cl. S. Leonis I Papæ, Conf. et Eccl. Doct. III cl. S. Hermenegildi Mart. III cl. S. Iustini Mart. III cl. <i>Commemoratio Ss. Tiburtii, Valeriani et Maximi Mm.</i>
xiv xiii xii xi x ix viii vii vi v iv	g A b c d e f g A b c	xvii xvi xv xiv xiii xii xi x ix viii vii	15 16 17 18 19 20 21 22 23 24 25	<i>Commemoratio S. Aniceti Papæ et Mart.</i> Comm. S. Anselmi Ep., Conf. et Eccl. Doct. III cl. Ss. Soteris et Caii Pp. et Mm. III cl. <i>Commemoratio S. Georgii Mart.</i> Comm. S. Fidelis de Sigmaringa Mart. III cl. Litania maior S. MARCI EVANGELISTÆ II cl.
iii ii i * xxix	d e f g A	vi v iv iii Prid.	26 27 28 29 30	Ss. Cleti et Marcellini Pp. et Mm. III cl. S. Petri Canisii Conf. et Eccl. Doct. III cl. S. Pauli a Cruce Conf. III cl. S. Petri Mart. III cl. S. Catharinæ Senensis Virg. III cl.
				MAIUS
xxviii xxvii xxvi 25 xxv xxiv xxiii xxii xxi xx xix xviii xvii xvi xv xiv xiii	b c d e f g A b c d e f g A b c	Kal. vi v iv iii Prid. Non. viii vii vi v iv iii Prid. Idib. xvii	1 2 3 4 5 6 7 8 9 10 11 12 13 14 15 16	S. IOSEPH OPIFICIS, SPONSI B. Mariæ Virg., Conf. I cl. S. Athanasii Ep., Conf. et Eccl. Doct. III cl. <i>Commemoratio Ss. Alexandri, Eventii et Theoduli Mm., ac S. Iuvenalis Ep. et Conf.</i> Comm. S. Monicæ Vid. III cl. S. Pii V Papæ et Conf. III cl. S. Stanislai Ep. et Mart. III cl. S. Gregorii Nazianzeni Ep., Conf. et Eccl. Doct. . . . III cl. S. Antonini Ep. et Conf. III cl. <i>Commemoratio Ss. Gordiani et Epimachi Mm.</i> Ss. PHILIPPI ET IACOBI APP. II cl. Ss. Nerei, Achillei et Domitillæ Virg., atque Pancratii, Mm. III cl. S. Roberti Bellarmino Ep., Conf. et Eccl. Doct. . . . III cl. <i>Commemoratio S. Bonifatii Mart.</i> Comm. S. Ioannis Bapt. de la Salle Conf. III cl. S. Ubaldi Ep. et Conf. III cl.

Cyclus Epacta- rum	L. D.		D. M.	MENSIS
xii	d	xvi	17	S. Paschalis Baylon Conf. III cl.
xi	e	xv	18	S. Venantii Mart. III cl.
x	f	xiv	19	S. Petri Cælestini Papæ et Conf. III cl. <i>Commemoratio S. Pudencianæ Virg.</i>
ix	g	xiii	20	S. Bernardini Senensis Conf. III cl.
viii	A	xii	21	
vii	b	xi	22	
vi	c	x	23	
v	d	ix	24	
iv	e	viii	25	S. Gregorii VII Papæ et Conf. III cl. <i>Commemoratio S. Urbani I Papæ et Mart.</i>
iii	f	vii	26	S. Philippi Nerii Conf. III cl. <i>Commemoratio S. Eleutherii Papæ et Mart.</i>
ii	g	vi	27	S. Bedæ Venerabilis Conf. et Eccl. Doct. III cl. <i>Commemoratio S. Ioannis I Papæ et Mart.</i>
i	A	v	28	S. Augustini Ep. et Conf. III cl.
*	b	iv	29	S. Mariæ Magdalænæ de Pazzis Virg. III cl.
xxix	c	iii	30	<i>Commemoratio S. Felicis I Papæ et Mart.</i> Comm.
xxviii	d	Prid.	31	B. Mariæ VIRG. REGINÆ II cl. <i>Commemoratio S. Petronillæ Virg.</i>
IUNIUS				
xxvii	e	Kal.	1	S. Angelæ Mericiæ Virg. III cl.
25 xxvi	f	iv	2	<i>Commemoratio Ss. Marcellini, Petri atque Erasmi Ep., Mm.</i> Comm.
xxv xxiv	g	iii	3	
xxiii	A	Prid.	4	S. Francisci Caracciolo Conf. III cl.
xxii	b	Non.	5	S. Bonifatii Ep. et Mart. III cl.
xxi	c	viii	6	S. Norberti Ep. et Conf. III cl.
xx	d	vii	7	
xix	e	vi	8	
xviii	f	v	9	<i>Commemoratio Ss. Primi et Feliciani Mm.</i> Comm.
xvii	g	iv	10	S. Margaritæ Reg., Vid. III cl.
xvi	A	iii	11	S. Barnabæ Ap. III cl.
xv	b	Prid.	12	S. Ioannis a S. Facundo Conf. III cl. <i>Commemoratio Ss. Basilidis, Cyrini, Naboris et Nazarii Mm.</i>
xiv	c	Idib.	13	S. Antonii de Padua Conf. et Eccl. Doct. III cl.
xiii	d	xviii	14	S. Basilii Magni Ep., Conf. et Eccl. Doct. III cl.
xii	e	xvii	15	<i>Commemoratio Ss. Viti, Modesti atque Crescentiæ Mm.</i> Comm.
xi	f	xvi	16	
x	g	xv	17	S. Gregorii Barbadici Ep. et Conf. III cl.
ix	A	xiv	18	S. Ephræm Syri Diaconi, Conf. et Eccl. Doct. III cl. <i>Commemoratio Ss. Marci et Marcelliani Mm.</i>
viii	b	xiii	19	S. Iulianæ de Falconeriis Virg. III cl. <i>Commemoratio Ss. Gervasii et Protasii Mm.</i>
vii	c	xii	20	<i>Commemoratio S. Silverii Papæ et Mart.</i> Comm.
vi	d	xi	21	S. Aloisii Gonzagæ Conf. III cl.
v	e	x	22	S. Paulini Ep. et Conf. III cl.
iv	f	ix	23	VIGILIA II cl.
iii	g	viii	24	IN NATIVITATE S. IOANNIS BAPTISTÆ I cl.
ii	A	vii	25	S. Gulielmi Abb. III cl.
i	b	vi	26	Ss. Ioannis et Pauli Mm. III cl.
*	c	v	27	
xxix	d	iv	28	VIGILIA II cl.
xxviii	e	iii	29	SS. PETRI ET PAULI APP. I cl.
xxvii	f	Prid.	30	In Commemoratione S. Pauli Ap. III cl. <i>Commemoratio S. Petri Ap.</i>
IULIUS				
xxvi	g	Kal.	1	PRETIOSISSIMI SANGUINIS D. N. I. C. I cl.
25 xxv	A	vi	2	IN VISITATIONE B. Mariæ VIRG. II cl. <i>Comm. Ss. Processi et Martiniani Mm.</i>

Cyclus Epacta- rum	L. D.		D. M.	MENSIS
xxiv	b	v	3	S. Irenæi Ep. et Mart. III cl.
xxiii	c	iv	4	
xxii	d	iii	5	S. Antonii Mariæ Zaccaria Conf. III cl.
xxi	e	Prid.	6	
xx	f	Non.	7	Ss. Cyrilli et Methodii Epp. et Cc. III cl.
xix	g	viii	8	S. Elisabeth Reg., Vid. III cl.
xviii	A	vii	9	
xvii	b	vi	10	Ss. Septem Fratrum Mm., ac Ss. Rufinæ et Secundæ Vv. et Mm. III cl.
xvi	c	v	11	Commemoratio S. Pii I Papæ et Mart. Comm.
xv	d	iv	12	S. Ioannis Gualberti Abb. III cl. Commemoratio Ss. Naboris et Felicis Mm.
xiv	e	iii	13	
xiii	f	Prid.	14	S. Bonaventuræ Ep., Conf. et Eccl. Doct. III cl.
xii	g	Idib.	15	S. Henrici Imperatoris, Conf. III cl.
xi	A	xvii	16	Commemoratio B. Mariæ Virg. de Monte Carmelo . . . Comm.
x	b	xvi	17	Commemoratio S. Alexii Conf. Comm.
ix	c	xv	18	S. Camili de Lellis Conf. III cl. Commemoratio Ss. Symphorosæ et septem eius filiorum Mm.
viii	d	xiv	19	S. Vicentii a Paulo Conf. III cl.
vii	e	xiii	20	S. Hieronymi Aemiliani Conf. III cl. Commemoratio S. Margaritæ Virg. et Mart.
vi	f	xii	21	S. Laurentii de Brundusio Conf. et Eccl. Doct. . . . III cl. Commemoratio S. Praxedis Virg.
v	g	xi	22	S. Mariæ Magdalænæ Pænitentis III cl.
iv	A	x	23	S. Apollinaris Ep. et Mart. III cl. Commemoratio S. Liborii Ep. et Conf.
iii	b	ix	24	Commemoratio S. Christinæ Virg. et M. Comm.
ii	c	viii	25	S. IACOBI AP. II cl. Commemoratio S. Christophori Mart.
i	d	vii	26	S. ANNÆ MATRIS B. Mariæ VIRG. II cl.
*	e	vi	27	Commemoratio S. Pantaleonis Mart. Comm.
xxix	f	v	28	Ss. Nazarii et Celsi Mm., Victoris I Papæ et Mart., ac Innocentii I Papæ et Conf. III cl.
xxviii	g	iv	29	S. Marthæ Virg. III cl. Commemoratio Ss. Felicis, Simplicii, Faustini et Beatricis Mm.
xxvii	A	iii	30	Commemoratio Ss. Abdon et Sennen Mm. Comm.
25 xxvi	b	Prid.	31	S. Ignatii Conf. III cl.
AUGUSTUS				
xxv xxiv	c	Kal.	1	Commemoratio Ss. Machabæorum Mm. Comm.
xxiii	d	iv	2	S. Alfonsi Mariæ de Ligorio Ep., Conf. et Eccl. Doct. . . . III cl. Commemoratio S. Stephani I Papæ et Mart.
xxii	e	iii	3	
xxi	f	Prid.	4	S. Dominici Conf. III cl.
xx	g	Non.	5	In Dedicatione S. Mariæ ad Nives III cl.
xix	A	viii	6	IN TRANSFIGURATIONE D. N. I. C. II cl. Commemoratio Ss. Xysti II Papæ, Felicissimi et Agapiti Mm.
xviii	b	vii	7	S. Caietani Conf. III cl. Commemoratio S. Donati Ep. et Mart.
xvii	c	vi	8	S. Ioannis Mariæ Vianney Conf. III cl. Commemoratio Ss. Cyriaci, Largi et Smaragdi Mm.
xvi	d	v	9	Vigilia III cl. Commemoratio S. Romani Mart.
xv	e	iv	10	S. LAURENTII MART. II cl.
xiv	f	iii	11	Commemoratio Ss. Tiburtii et Susannæ Virg., Mm. . . . Comm.
xiii	g	Prid.	12	S. Claræ Virg. III cl.
xii	A	Idib.	13	Comm. Ss. Hippolyti et Cassiani Mm. Comm.
xi	b	xix	14	VIGILIA II cl. Commemoratio S. Eusebii Conf.

Cyclus Epacta- rum	L. D.		D. M.	MENSIS
x	c	xviii	15	IN ASSUMPTIONE B. MARIE VIRG. I cl.
ix	d	xvii	16	S. Ioachim, Patris B. Marie Virg., Conf. II cl.
viii	e	xvi	17	S. Hyacinthi Conf. III cl.
vii	f	xv	18	<i>Commemoratio S. Agapiti Mart.</i> Comm.
vi	g	xiv	19	S. Ioannis Eudes Conf. III cl.
v	A	xiii	20	S. Bernardi Abb. et Eccl. Doct. III cl.
iv	b	xii	21	S. Ioannæ Franciscæ Frémot de Chantal Vid. III cl.
iii	c	xi	22	IMMACULATI CORDIS B. MARIE VIRG. II cl. <i>Commemoratio Ss. Timothei et Soc. Mm.</i>
ii	d	x	23	S. Philippi Benitii Conf. III cl.
i	e	ix	24	S. BARTHOLOMÆI AP. II cl.
*	f	viii	25	S. Ludovici Regis, Conf. III cl.
xxix	g	vii	26	<i>Commemoratio S. Zephyrini Papæ et Mart.</i> Comm.
xxviii	A	vi	27	S. Iosephi Calasancii Conf. III cl.
xxvii	b	v	28	S. Augustini Ep., Conf. et Eccl. Doct. III cl. <i>Commemoratio S. Hermetis Mart.</i>
xxvi	c	iv	29	In Decollatione S. Ioannis Bapt. III cl. <i>Commemoratio S. Sabinæ Mart.</i>
25 xxv	d	iii	30	S. Rosæ Limanæ Virg. III cl. <i>Commemoratio Ss. Felicis et Adaucti Mm.</i>
xxiv	e	Prid.	31	S. Raymundi Nonnati Conf. III cl.
SEPTEMBER				
xxiii	f	Kal.	1	<i>Commemoratio S. Aegidii Abb.</i> Comm. <i>Commemoratio Ss. duodecim Fratrum Mm.</i>
xxii	g	iv	2	S. Stephani Regis, Conf. III cl.
xxi	A	iii	3	S. Pii X Papæ et Conf. III cl.
xx	b	Prid.	4	
xix	c	Non.	5	S. Laurentii Iustiniani Ep. et Conf. III cl.
xviii	d	viii	6	
xvii	e	vii	7	
xvi	f	vi	8	IN NATIVITATE B. MARIE VIRG. II cl. <i>Commemoratio S. Hadriani Mart.</i>
xv	g	v	9	<i>Commemoratio S. Gorgonii Mart.</i> Comm.
xiv	A	iv	10	S. Nicolai de Tolentino Conf. III cl.
xiii	b	iii	11	<i>Commemoratio Ss. Proti et Hyacinthi Mm.</i> Comm.
xii	c	Prid.	12	Sanctissimi Nominis B. Mariæ Virg. III cl.
xi	d	Idib.	13	
x	e	xviii	14	IN EXALTATIONE S. CRUCIS II cl.
ix	f	xvii	15	SEPTEM DOLORUM B. MARIE VIRG. II cl. <i>Commemoratio S. Nicomedis Mart.</i>
viii	g	xvi	16	Ss. Cornelii Papæ et Cypriani Ep., Mm. III cl. <i>Commemoratio Ss. Euphemie Virg., Lucie et Geminiani Mm.</i>
vii	A	xv	17	<i>Commemoratio Impressionis Ss. Stigmatum S. Francisci Conf.</i> Comm.
vi	b	xiv	18	S. Iosephi de Cupertino Conf. III cl.
v	c	xiii	19	Ss. Ianuarii Ep. et Sociorum Mm. III cl.
iv	d	xii	20	<i>Commemoratio Ss. Eustachii et Sociorum, Mm.</i> Comm.
iii	e	xi	21	S. MATTHÆI AP. ET EVANGELISTÆ II cl.
ii	f	x	22	S. Thomæ de Villanova Ep. et Conf. III cl. <i>Commemoratio Ss. Mauritii et Soc. Mm.</i>
i	g	ix	23	S. Lini Papæ et Mart. III cl. <i>Commemoratio S. Theclæ Virg. et Mart.</i>
*	A	viii	24	<i>Commemoratio B. Mariæ Virg. a Mercede</i> Comm.
xxix	b	vii	25	
xxviii	c	vi	26	<i>Commemoratio Ss. Cypriani et Iustinæ Virg., Mm.</i> Comm.
xxvii	d	v	27	Ss. Cosmæ et Damiani Mm. III cl.
25 xxvi	e	iv	28	S. Wenceslai Ducis, Mart. III cl.
xxv xxiv	f	iii	29	IN DEDICATIONE S. MICHAELIS ARCH. I cl.
xxiii	g	Prid.	30	S. Hieronymi Presb., Conf. et Eccl. Doct. III cl.

Cyclus Epacta- rum	L. D.		D. M.	MENSIS
OCTOBER				
xxii	A	Kal.	1	<i>Commemoratio S. Remigii Ep. et Conf.</i> Comm.
xxi	b	vi	2	Ss. Angelorum Custodum III cl.
xx	c	v	3	S. Teresiæ a Iesu Infante Virg. III cl.
xix	d	iv	4	S. Francisci Conf. III cl.
xviii	e	iii	5	<i>Commemoratio Ss. Placidi et Sociorum Mm</i> Comm.
xvii	f	Prid.	6	S. Brunonis Conf. III cl.
xvi	g	Non.	7	B. MARLÆ VIRG. A ROSARIO II cl. <i>Commemoratio S. Marci Papæ et Conf.</i>
xv	A	viii	8	S. Birgittæ Vid. III cl. <i>Commemoratio Ss. Sergii, Bacchi, Marcelli et Apuleii Mm.</i>
xiv	b	vii	9	S. Ioannis Leonardi Conf. III cl. <i>Commemoratio Ss. Dionysii Ep., Rustici et Eleutherii Mm.</i>
xiii	c	vi	10	S. Francisci Borgiæ Conf. III cl.
xii	d	v	11	MATERNITATIS B. MARLÆ VIRG. II cl.
xi	e	iv	12	
x	f	iii	13	S. Eduardi Regis, Conf. III cl.
ix	g	Prid.	14	S. Callisti I Papæ et Mart. III cl.
viii	A	Idib.	15	S. Teresiæ Virg. III cl.
vii	b	xvii	16	S. Hedwigis Vid. III cl.
vi	c	xvi	17	S. Margaritæ Mariæ Alacoque Virg. III cl.
v	d	xv	18	S. LUCÆ EVANGELISTÆ II cl.
iv	e	xiv	19	S. Petri de Alcantara Conf. III cl.
iii	f	xiii	20	S. Ioannis Cantii Conf. III cl.
ii	g	xii	21	<i>Commemoratio S. Hilarionis Abb.</i> Comm. <i>Commemoratio Ss. Ursulæ ac Soc. Vv. et Mm.</i>
i	A	xi	22	
*	b	x	23	S. Antonii Mariæ Claret Ep. et Conf. III cl.
xxix	c	ix	24	S. Raphaëlis Archang. III cl.
xxviii	d	viii	25	<i>Commemoratio Ss. Chrysanthe et Dariæ Mm.</i> Comm.
xxvii	e	vii	26	<i>Commemoratio S. Evaristi Papæ et Mart.</i> Comm.
xxvi	f	vi	27	
25 xxv	g	v	28	Ss. SIMONIS ET IUDÆ APP. II cl.
xxiv	A	iv	29	
xxiii	b	iii	30	
xxii	c	Prid.	31	
				Dominica ultima octobris: D. N. IESU CHRISTI REGIS I cl.
NOVEMBER				
xxi	d	Kal.	1	OMNIUM SANCTORUM I cl.
xx	e	iv	2	IN COMMEMORATIONE OMNIUM FIDELIUM DEFUNCTORUM I cl.
xix	f	iii	3	
xviii	g	Prid.	4	S. Caroli Ep. et Conf. III cl. <i>Commemoratio Ss. Vitalis et Agricola Mm.</i>
xvii	A	Non.	5	
xvi	b	viii	6	
xv	c	vii	7	
xiv	d	vi	8	<i>Commemoratio Ss. Quatuor Coronatorum Mm.</i> Comm.
xiii	e	v	9	IN DEDICATIONE ARCHIBASILICÆ SS.MI SALVATORIS II cl. <i>Commemoratio S. Theodori Mart.</i>
xii	f	iv	10	S. Andreae Avellini Conf. III cl. <i>Commemoratio Ss. Tryphonis, Respicii et Nymphæ Virg., Martyrum.</i>
xi	g	iii	11	S. Martini Ep. et Conf. III cl. <i>Commemoratio S. Mennæ Mart.</i>
x	A	Prid.	12	S. Martini I Papæ et Mart. III cl.
ix	b	Idib.	13	S. Didaci Conf. III cl.
viii	c	xviii	14	S. Iosaphat Ep. et Mart. III cl.

Cyclus Epacta- rum	L. D.		D. M.	MENSIS
vii	d	xvii	15	S. Alberti Magni Ep., Conf. et Eccl. Doct. III cl.
vi	e	xvi	16	S. Gertrudis Virg. III cl.
v	f	xv	17	S. Gregorii Thaumaturgi Ep. et Conf. III cl.
iv	g	xiv	18	In Dedicatione Basilicarum Ss. Petri et Pauli App. . . III cl.
iii	A	xiii	19	S. Elisabeth Vid. III cl.
				<i>Commemoratio S. Pontiani Papæ et Mart.</i>
ii	b	xii	20	S. Felicis de Valois Conf. III cl.
i	c	xi	21	In Præsentatione B. Mariæ Virg. III cl.
*	d	x	22	S. Cæciliæ Virg. et Mart. III cl.
xxix	e	ix	23	S. Clementis I Papæ et Mart. III cl.
				<i>Commemoratio S. Felicitatis Mart.</i>
xxviii	f	viii	24	S. Ioannis a Cruce Conf. et Eccl. Doct. III cl.
				<i>Commemoratio S. Chrysogoni Mart.</i>
xxvii	g	vii	25	S. Catharinæ Virg. et Mart. III cl.
25 xxvi	A	vi	26	S. Silvestri Abb. III cl.
				<i>Commemoratio S. Petri Alexandr. Ep. et Mart.</i>
xxv xxiv	b	v	27	
xxiii	c	iv	28	
xxii	d	iii	29	<i>Commemoratio S. Saturnini Mart.</i> Comm.
xxi	e	Prid.	30	S. ANDRÆ Ap. II cl.
				DECEMBER
xx	f	Kal.	1	
xix	g	iv	2	S. Bibianæ Virg. et Mart. III cl.
xviii	A	iii	3	S. Francisci Xaverii Conf. III cl.
xvii	b	Prid.	4	S. Petri Chrysologi Ep., Conf. et Eccl. Doct. III cl.
				<i>Commemoratio S. Barbaræ Virg. et Mart.</i>
xvi	c	Non.	5	<i>Commemoratio S. Sabbæ Abb.</i> Comm.
xv	d	viii	6	S. Nicolai Ep. et Conf. III cl.
xiv	e	vii	7	S. Ambrosii Ep., Conf. et Eccl. Doct. III cl.
xiii	f	vi	8	IN CONCEPTIONE IMMACULATA B. Mariæ VIRG. I cl.
xii	g	v	9	
xi	A	iv	10	<i>Commemoratio S. Melchiadis Papæ et Mart.</i> Comm.
x	b	iii	11	S. Damasi I Papæ et Conf. III cl.
ix	c	Prid.	12	
viii	d	Idib.	13	S. Lucie Virg. et Mart. III cl.
vii	e	xix	14	
vi	f	xviii	15	
v	g	xvii	16	S. Eusebii Ep. et Mart. III cl.
iv	A	xvi	17	
iii	b	xv	18	
ii	c	xiv	19	
i	d	xiii	20	
*	e	xii	21	S. THOMÆ Ap. II cl.
xxix	f	xi	22	
xxviii	g	x	23	
xxvii	A	ix	24	VIGILIA I cl.
xxvi	b	viii	25	IN NATIVITATE DOMINI I cl. cum Octava In secunda Missa: <i>Commemoratio S. Anastasiæ Mart.</i>
25 xxv	c	vii	26	II dies infra octavam Nativitatis Domini. S. STEPHANI PROTOMART. II cl.
xxiv	d	vi	27	III dies infra octavam Nativitatis Domini. S. IOANNIS AP. ET EVANGELISTÆ II cl.
xxiii	e	v	28	IV dies infra octavam Nativitatis Domini. Ss. INNO- CENTIUM MARTYRUM II cl.
xxii	f	iv	29	DE V DIE INFRA OCTAVAM NATIVITATIS DOMINI . . . II cl.
				<i>Commemoratio S. Thomæ Ep. et Mart.</i>
xxi	g	iii	30	DE VI DIE INFRA OCTAVAM NATIVITATIS DOMINI . . . II cl.
19 xx	A	Prid.	31	DE VII DIE INFRA OCTAVAM NATIVITATIS DOMINI . . II cl.
				<i>Commemoratio S. Silvestri I Papæ et Conf.</i>

RITUS SERVANDUS IN CELEBRATIONE MISSÆ

I — DE PRÆPARATIONE SACERDOTIS CELEBRaturi

Sacerdos Missam celebraturus orationi aliquantulum vacet, precibus inferius positis, ad libitum adhibitis. Deinde accedit ad locum in sacristia vel alibi præparatum, ubi paramenta, aliaque ad celebrationem necessaria habentur, accipit Missale, perquirat Missam, perlegit, et signacula ordinat ad ea quæ dicturus est. Postea lavat manus, dicens orationem inferius positam. Deinde præparat calicem (qui debet esse vel aureus vel argenteus, aut saltem habere cuppam argenteam intus inauratam, et simul cum patena itidem inaurata, ab Episcopo consecratus), super eius os ponit purificatorium mundum, et super illud patenam cum hostia integra, quam leviter extergit, si opus est, a fragmentis, et eam tegit parva palla linea, tum velo serico; super velo ponit bursam coloris paramentorum intus habentem corporale plicatum, quod ex lino tantum esse debet, nec serico, vel auro in medio intextum, sed totum album, et ab Episcopo, vel alio habente facultatem, simul cum palla benedictum.

2 Quibus ita dispositis, accedit ad paramenta, quæ non debent esse lacera, aut scissa, sed integra, et decenter munda, ac pulchra, et ab Episcopo itidem, vel alio facultatem habente, benedicta; ubi calceatus pedibus, et indutus vestibus sibi convenientibus, quarum exterior saltem talum pedis attingat, induit se, dicens ad singula singulas orationes inferius positas.

3 Ac primum accipiens amictum circa extremitates et chordulas, osculatur illud in medio, ubi est crux, et ponit super caput, et mox declinat ad collum, et eo vestium collaria circumtegens, ducit chordulas sub brachiis, et circumducens per dorsum, ante pectus reducit, et ligat. Tum alba induitur, caput submittens, deinde manicam dexteram brachio dextero, et sinistram sinistro imponens. Albam ipsam corpori adaptat, elevat ante, et a lateribus hinc inde, et cingulo, per ministrum a tergo sibi porrecto, se cingit. Minister elevat albam super cingulum circumcirca, ut honeste depondeat, et tegat vestes; ac eius fimbrias diligenter aptat, ut ad latitudinem digiti, vel circiter, super terram æqualiter fluat. Sacerdos accipit manipulum, osculatur crucem in medio, et imponit brachio sinistro. Deinde ambabus manibus accipiens stolam, simili modo deosculatur, et imponit medium eius collo, ac transversando eam ante pectus in modum crucis, ducit partem a sinistro humero pendentem, ad dexteram, et partem a dextro humero pendentem, ad sinistram. Sicque utramque partem stolæ extremitatibus cinguli hinc inde ipsi cingulo coniungit. Postremo sacerdos accipit planetam, et convenienter, caput tegit.

4 *Si celebrans sit Episcopus, vel Abbas, ut supra, non ducit stolam ante pectus in modum crucis, sed sinit hinc inde utrasque extremitates pendere; et antequam accipiat stolam, accipit parvam crucem pectoralem, quam osculatur, et collo impositam sinit ante pectus chordulis pendere. Manipulum quoque non accipit ante stolam, nisi in Missis defunctorum, sed accipit ad altare, cum in confessione dicit Indulgentiam illumque prius osculatur.*

5 *Si sit Episcopus, vel Abbas, ut supra, habens usum Pontificalium, et solemniter celebret, accipit paramenta et alia, ut in Pontificali et Cærimoniali.*

II — DE INGRESSU SACERDOTIS AD ALTARE

Sacerdos, omnibus paramentis indutus, accipit manu sinistra calicem, ut supra præparatum, quem portat elevatum ante pectus, bursam manu dextera super calicem tenens, et facta reverentia cruci, vel imagini illi, quæ in sacristia erit, accedit ad altare, ministro cum missali et aliis ad celebrandum necessariis (nisi ante fuerint præparata) præcedente, superpelliceum induto. Procedit autem oculis demissis, incessu gravi, erecto corpore. Si vero contigerit eum transire ante altare maius, capite cooperto faciat ad illud reverentiam. Si ante locum Sacramenti, genuflectat. Si ante altare ubi celebretur Missa, in qua elevatur, vel tunc ministratur Sacramentum, similiter genuflectat, et detecto capite illud adoret, nec ante surgat quam celebrans deposuerit calicem super corporale.

2 Cum pervenerit ad altare, stans ante illius infimum gradum, caput detegit, biretum ministro porrigit, et altari, seu imagini crucifixi desuper positæ, profunde se inclinat. Si autem in eo sit tabernaculum sanctissimi Sacramenti, genuflectens debitam facit reverentiam. Tunc ascendit ad medium altaris, ubi ad latus Evangelii sistit calicem, extrahit corporale de bursa, quod extendit in medio altaris, et super illud calicem velo coopertum collocat, bursam autem ad cornu Evangelii. Si in altari paramenta accipit, hoc idem facit antequam descendat ab altari, ut Missam inchoet.

3 Si est consecraturus plures hostias pro Communione facienda, quæ ob quantitatem super patenam manere non possint, locat eas super corporale ante calicem, aut in aliquo calice consecrato, vel vase mundo benedicto, ponit eas retro post calicem, et alia patena seu palla cooperit.

4 Collocato calice in altari, accedit ad latus Epistolæ, et missale super cussino aperit. Deinde reperit Missam, et signacula suis locis accommodat. Deinde rediens ad medium altaris, facta primum cruci reverentia, vertens se ad latus Epistolæ, descendit post infimum gradum altaris, ut ibi faciat confessionem.

5 *In Missa solemni missale apertum super altare, calix vero, et alia necessaria præparentur in credentia cooperta linteo, antequam sacerdos veniat ad altare. Ipse autem procedit cum diacono et subdiacono, qui capite cooperto simul cum eo tenent manus iunctas ante pectus; acolythi vero ante eos deferunt candelabra cum candelis accensis, quæ deinde collocantur super credentia: et cum pervenerit ante infimum gradum altaris, ibi medius inter diaconum a dextris, et subdiaconum a sinistris, antequam ascendat ad altare, facit cum ipsis (ut infra) confessionem.*

6 *In Missa pontificali omnia servantur, ut in Pontificali et Cærimoniali romano ordinantur: cuius pontificalis ordinem Episcopus, sive Abbas, ut supra, numquam prætermittat, quodcumque cum diacono et subdiacono paratis celebrat.*

III — DE INITIO MISSÆ

Sacerdos cum primum descenderit sub infimum gradum altaris, convertit se ad ipsum altare, ubi stans in medio, iunctis manibus ante pectus, extensis et iunctis pariter digitis, et pollice dextero super sinistram posito in modum crucis (quod semper servatur quando iunguntur manus, præterquam post consecrationem), detecto capite, facta prius cruci vel altari profunda reverentia, vel si in eo sit tabernaculum sanctissimi Sacramenti, facta genuflexione, erectus incipit Missam.

2 *Si celebraturus sit coram Summo Pontifice, sistit se ante infimum gradum altaris a latere Evangelii ante ipsum Pontificem, ubi genuflexus expectat: accepta benedictione, erigit se, et stans, aliquantulum versus ad altare, incipit Missam. Si autem sit coram Cardinali, Legato Sedis Apostolicæ, aut Patriarcha, Archiepiscopo et Episcopo in eorum residentiis, vel loco iurisdictionis, stans ante infimum gradum a cornu Evangelii ut supra, expectat: dato signo, facit profundam reverentiam Prælato, et versus ad altare incipit Missam.*

3 Si autem solemniter celebrat coram Summo Pontifice aut alio ex Prælatiis prædictis in ecclesiis eorum iurisdictionis, stans a sinistris Prælati, facit cum eo confessionem, et alia servat, ut in Pontificali et Cæremoniali romano ordinatur.

4 Stans igitur celebrans ante infimum gradum altaris, ut supra, producens manu dextera a fronte ad pectus signum crucis, dicit intelligibili voce: **In nomine Patris, et Filii, et Spiritus Sancti. Amen.** Et postquam id dixerit, non debet advertere quemcumque in alio altari celebrantem, etiamsi Sacramentum eleve, sed continueat prosequi Missam suam usque ad finem. *Quod item observatur in Missa solemni, et simul etiam a ministris.*

5 Cum seipsum signat, semper sinistram ponit infra pectus: in aliis benedictionibus cum est ad altare, et benedicit oblata, vel aliquid aliud, ponit eam super altare, nisi aliter notetur. Seipsum benedicens, vertit ad se palmam manus dexteræ, et omnibus illius digitis iunctis et extensis, a fronte ad pectus, et ab humero sinistro ad dexteram, signum crucis format. Si vero alios, vel rem aliquam benedicit, parvum digitum vertit ei cui benedicit, ac benedicens totam manum dexteram extendit, omnibus illius digitis pariter iunctis et extensis: quod in omni benedictione observatur.

6 Postquam dixerit: **In nomine Patris, etc.,** ut supra, iungens iterum manus ante pectus, pronuntiat clara voce antiphonam: **Introibo ad altare Dei.** Minister retro post eum ad sinistram genuflexus, et in Missa solemni ministri hinc inde stantes prosequuntur: **Ad Deum, qui lætificat iuventutem meam.** Deinde sacerdos eodem modo stans incipit, et prosequitur cum ministro, vel ministris alternatim psalmum: **Iudica me, Deus,** usque ad finem, cum **Gloria Patri.** Quo finito, repetit antiphonam **Introibo** cum ministris, ut supra. Qui psalmus numquam prætermittitur, nisi in Missis defunctorum, et in Missis de Tempore a dominica I Passionis usque ad feriam V in Cena Domini inclusive, in quibus semel tantum dicta antiphona **Introibo** cum ministris, ut supra, sacerdos statim subiungit **Ÿ. Adiutorium nostrum, etc.** ut infra. Cum in fine psalmi dicit **Gloria Patri, etc.** caput cruci inclinat.

7 Repetita antiphona **Introibo**, dextera manu producens signum crucis a fronte ad pectus, dicit **Ÿ. Adiutorium nostrum in nomine Domini. R. Qui fecit celum et terram.** Deinde altari se profunde inclinans, iunctis manibus dicit: **Confiteor Deo,** ut in Ordine Missæ: et prosequitur eodem modo stans inclinatus, donec a ministro, vel ministris dictum sit **Misereatur.** Cum incipitur a ministris **Confiteor**, se erigit. Cum dicit: **mea culpa,** ter pectus dextera manu percutit, sinistra infra pectus posita.

8 Si est coram Pontifice, Cardinali, Legato Sedis Apostolicæ, vel Patriarcha, Archiepiscopo et Episcopo in eorum provincia, civitate vel diocesi constitutis, ubi dicit: **vobis, fratres, dicat: tibi, Pater;** similiter in fine ubi dicit: **vos, fratres, dicat: te, Pater;** quod dicens Summo Pontifici genuflectit, aliis Prælatiis profunde se inclinat.

9 Cum minister, et qui intersunt (etiamsi ibi fuerit Summus Pontifex), respondent **Confiteor**, dicunt **tibi, Pater,** et **te, Pater,** aliquantulum conversi ad celebrantem.

10 Facta a circumstantibus confessione, celebrans stans respondet: **Misereatur vestri, etc.** Deinde producens manu dextera a fronte ad pectus signum crucis, dicit: **Indulgentiam, etc.; et si est Episcopus, vel Abbas, ut supra, accipit manipulum, osculando illum in medio.** Et stans inclinatus iunctis manibus prosequitur: **Deus, tu conversus,** et quæ sequuntur in Ordine Missæ, clara voce usque ad orationem **Aufer a nobis, etc.** et cum dicit: **Oremus,** extendit et iungit manus.

11 Et tunc si coram Summo Pontifice, aut aliis Prælatiis, ut supra, celebret, facta Summo Pontifici genuflectione, aliis Prælatiis profunda reverentia, accedit ad medium altaris ante infimum gradum, et ibi incipit secreto: **Aufer a nobis, ut in Ordine Missæ.**

12 Aliquando psalmus **Iudica me, Deus,** cum sua antiphona, confessio cum absolutione, versus sequentes atque orationes **Aufer a nobis** et **Oramus te, Domine,** omittenda sunt, ad normam n. 424 rubricarum. His in casibus, celebrans, facta altari debita reverentia, illud ascendit nihil dicens, et disposito calice, altare osculatur, item nihil dicens; deinde, nisi fiat incensatio altaris, in latere Epistolæ incipit antiphonam ad Introitum, ut infra.

IV — DE ANTIPHONA AD INTROITUM, KYRIE, ELEISON ET GLORIA IN EXCELSIS

Dum dicit: **Aufer a nobis, etc.,** celebrans iunctis manibus ascendit ad medium altaris, et ibi inclinatus, manibusque item iunctis super eo positus, ita ut digiti parvi dumtaxat frontem, seu medium anterioris partis tabulæ, seu mensæ altaris tangerent, residuo manuum inter altare et se retento, pollice dextero super sinistram in modum crucis posito (quæ omnia semper observantur, cum manus iunctæ super altare ponuntur), secreto dicit: **Oramus te, Domine, etc.,** et cum dicit: **Quorum reliquie hic sunt,** osculatur altare in medio, manibus extensis æqualiter hinc inde super eo positus: quod semper servatur, quando osculatur altare, sed post Consecrationem pollices ab indicibus non disiunguntur. In omni etiam deosolatione sive altaris, sive libri, sive alterius rei, non producit signum crucis pollice, vel manu super id quod osculandum est.

2 Osculato altari, accedit ad latus eius sinistrum, id est Epistolæ: ubi stans versus altare, et producens a fronte ad pectus signum crucis, incipit intelligibili voce antiphonam ad Introitum et prosequitur iunctis manibus. Cum dicit: **Gloria Patri,** tenens iunctas manus, caput inclinat versus crucem. Cum repetit antiphonam ad Introitum, non signat se, ut prius, et ea repetita, iunctis manibus ante pectus accedit ad medium altaris, ubi stans versus illud similiter manibus iunctis, dicit eadem voce ter **Kyrie, eleison,** ter **Christe, eleison,** et iterum ter **Kyrie, eleison** alternatim cum ministro. Si minister, vel qui intersunt, celebranti non respondeant, ipse solus novies dicit.

3 Dicto ultimo **Kyrie, eleison,** sacerdos stans in medio altaris et manus extendens, elevansque usque ad humeros (quod in omni manu elevatione observatur), voce prædicta incipit, si dicendum sit, **Gloria in excelsis.** Cum dicit **Deo,** iungens manus, caput cruci inclinat: quo erecto, stans iunctis manibus ante pectus, prosequitur usque ad finem. Cum dicit **Adoramus te, Gratias agimus tibi, et Iesu Christe, Suscipe deprecationem nostram,** et iterum **Iesu Christe,** caput cruci inclinat. Cum dicit in fine **Cum Sancto Spiritu,** seipsum a fronte ad pectus signat, interim absolvens: **in gloria Dei Patris. Amen.**

4 In Missa solemni sacerdos facta confessione ascendit cum ministris ad medium altaris: ubi dicto **Oramus te, Domine,** et osculato altari, ponit incensum in thuribulum, ministrante diacono naviculam, et thuriferario thuribulum; diaconus, parum inclinatus versus celebrantem, dicit: **Benedicite, Pater reverende,** et osculatur cochlear, et manum celebrantis ante et post. Celebrans ter incensum ponit in thuribulum, dicens interim: **Ab illo benedicaris, etc.,** et deposito cochleari, producens manu dextera signum crucis super thus in thuribulo, illud benedicit. Postea diaconus dimissa navicula accipit thuribulum, et dat celebranti, osculata prius catenularum summitate, et manu illius dextera: qui, facta cruci profunda reverentia, eam ter incensat, nihil dicens: et, facta iterum cruci reverentia, incensat altare, ter ducens thuribulum æquali distantia, prout distribuuntur candelabra, a medio eius usque ad cornu Epistolæ: ubi demissa manu, thurificat illius postremam partem inferiorem, mox superiorem, bis ducto thuribulo: et conversus ad altare, elevans manum incensat eius planitiem, seu mensam in parte anteriori, ter ducens thuribulum usque ad medium: ubi facta cruci reverentia, procedendo thurificat aliud latus altaris triplici ductu usque ad latus Evangelii: et pariter incensata inferiori et superiori parte ipsius lateris Evangelii duplici ductu, adhuc stans ibidem, elevat thuribulum, et ter incensat superiorem tabulæ partem versus medium altaris, ut fecit in latere Epistolæ: deinde manu aliquantulum demissa, incensat anteriorem eius partem, seu frontem, ter ducens thuribulum, dum procedit a latere Evangelii usque ad medium altaris, et facta cruci reverentia, incensat similiter triplici ductu reliquam partem anteriorem usque ad latus Epistolæ: ubi reddito thuribulo ipsi diacono, ab eo ipse solus incensatur.

5 Si vero in altari fuerint reliquiae, seu imagines Sanctorum, incensata cruce, et facta ei reverentia, antequam discedat a medio altaris, primum incensat eas quæ a dexteris sunt, idest a parte Evangelii prope crucem, bis ducens thuribulum, et iterum facta cruci reverentia, similiter incensat bis alias, quæ sunt a sinistris, hoc est a parte Epistolæ: deinde prosequitur incensationem altaris ut supra, ter ducens thuribulum in unoquoque latere, etiamsi in eo essent plures reliquiae, vel imagines, seu etiam plura, vel pauciora candelabra.

6 Si in altari fuerit tabernaculum sanctissimi Sacramenti, accepto thuribulo, antequam incipiat incensationem, genuflectit, quod item facit quotiescumque transit ante medium altaris.

7 Diaconus et subdiaconus hinc inde assistunt celebranti cum incensat, et cum transeunt ante crucem, semper genuflectunt. Deinde celebrans, diacono a dexteris eius, subdiacono a dexteris diaconi stantibus in latere Epistolæ, legit antiphonam ad Introitum et Kyrie, eleison. Cum vero intonat hymnum Gloria in excelsis Deo, diaconus et subdiaconus, unus post alium, stant a tergo celebrantis: postea ascendunt ad altare, et hinc inde, diaconus a dexteris, subdiaconus a sinistris, cum celebrante hymnum submissa voce prosequuntur usque ad finem. Quod etiam servatur cum dicitur Credo; et cum dicitur Dominus vobiscum, oratio, præfatio, et Pater noster, diaconus et subdiaconus similiter stant unus post alterum a tergo celebrantis.

8 In Missis cantatis, si incensationes fiant, celebrans se gerit ut supra pro Missa solemni dictum est; in fine a ministrante incensatur.

V — DE ORATIONE

Dicto hymno Gloria in excelsis, vel, si non sit dicendus, eo omisso, celebrans osculatur altare in medio, manibus hinc inde super eo, ut supra, extensis: tum illis ante pectus iunctis, et demissis ad terram oculis, vertit se a sinistro latere ad dexterum versus populum, hoc est, per eam partem quæ respicit latus Epistolæ, et extendens, ac iungens manus ante pectus, ut prius, dicit clara voce: Dominus vobiscum, vel si sit Episcopus: Pax vobis (quod dicitur tantum hoc loco, quando dictus est hymnus Gloria in excelsis). R. Et cum spiritu tuo, et iunctis, ut prius, manibus, revertitur per eandem viam ad librum, ubi eas extendens, et iungens ante pectus, caputque cruci inclinans, dicit: Orémus: tum manus ante pectus extendit, digitis simul iunctis, et orationem dicit. Cum dicit Per Dominum, manus iungit, easque usque ad finem iunctas tenet. Si oratio concludatur Qui tecum vel Qui vivis, manus iungit cum dicit In unitate.

2 Cum in oratione, vel alibi in Missa, pronuntiatur nomen IESUS vel MARIA, itemque cum exprimitur nomen Sancti vel Beati de quo dicitur Missa aut fit commemoratio, vel Summi Pontificis, sacerdos caput inclinatur. Si plures orationes sint dicendæ, idem in eis, in voce, extensione manuum, et capitis inclinatione, quod supra dictum est, observatur.

3 Si altare sit ad orientem, versus populum, celebrans versa facie ad populum, non vertit humeros ad altare, cum dicturus est Dominus vobiscum, Orate, fratres, Ite, Missa est, vel daturus benedictionem; sed osculato altari in medio, ibi expansis et iunctis manibus, ut supra, salutatur populum, et dat benedictionem.

4 Quoties in Missa dicenda occurrunt verba Flectamus genua. Levate, sacerdos, dicto in medio altaris Kyrie, eleison, revertitur ad latus Epistolæ, ubi stans ante librum, extensis et iunctis ante pectus manibus, caput cruci inclinans, dicit: Oremus, ac deinde: Flectamus genua; et illico, manibus super altare extensis, ut se ipsum sustineat, utrumque genuflectit ac, iunctis manibus per aliquod temporis spatium in silentio orat; deinde dicit: Levate, surgit, et manibus extensis, dicit orationem. Lectionem sequentem eodem modo legit, ut infra de Epistola dicitur.

5 In Missa solemni cum dicitur Dominus vobiscum et oratio, diaconus et subdiaconus stant retro post celebrantem. Flectamus genua et Levate cantantur a diacono; celebrans omnesque alii utrumque genu flectunt, atque orant ut supra dictum est. Diaconus cantat Flectamus genua antequam genua flectat, Levate autem priusquam surgat.

VI — DE EPISTOLA, GRADUALI, ET ALIIS USQUE AD OFFERTORIUM

Dictis orationibus, celebrans positus super librum, vel super altare manibus, ita ut palmæ librum tangerent, vel (ut placuerit) librum tenens, legit Epistolam intelligibili voce, et respondetur a ministro: Deo gratias, et similiter, stans eodem modo, prosequitur graduale, Alleluia, et tractum, ac sequentiam, si dicenda sint. Quibus dictis, sacerdos, in Missis lectis, ipsemet, seu minister portat librum Missalis ad alteram partem altaris in latere Evangelii, et dum transit ante medium altaris, caput cruci inclinatur, et Missale sic locat, ut posterior pars libri respiciat ipsum latus altaris, et non ad parietem, sive ad partem eius contra se directam.

2 Locato Missali in altari, celebrans redit ad medium altaris, ibique stans iunctis manibus ante pectus, levatisque ad Deum oculis, et statim demissis, tum profunde inclinatur, dicit secreto: Munda cor meum, et Iube, Domine, benedicere, Dominus sit in corde meo, ut in Ordinario. Quibus dictis, vadit ad librum Missalis, ubi stans versus illum, iunctis manibus ante pectus, dicit intelligibili voce: Dominus vobiscum. R. Et cum spiritu tuo. Deinde pollice dexteræ manus signo crucis signat primo librum super principio Evangelii, quod est lecturus, postea seipsum in fronte, ore, et pectore, dicens: Sequentia, vel Initium sancti Evangelii, etc., R. Gloria tibi, Domine. Tum iunctis iterum manibus ante pectus, stans, ut supra, prosequitur Evangelium usque ad finem. Quo finito, minister stans in latere Epistolæ post infimum gradum altaris, respondet: Laus tibi, Christe, et sacerdos, elevans parumper librum, osculatur principium Evangelii, dicens: Per evangelica dicta, etc., præterquam in Missis defunctorum, et nisi celebret coram Summo Pontifice, Cardinali et Legato Sedis Apostolicæ, vel Patriarcha, Archiepiscopo et Episcopo in eorum residentiis, quo casu defertur cuilibet prædictorum osculandum liber, et celebrans tunc non osculatur illum, nec dicit: Per evangelica dicta. Cum autem nominatur IESUS, caput versus librum inclinatur; et eodem modo versus librum genuflectit, cum in Evangelio est genuflectendum.

3 Dicto Evangelio, stans in medio altaris versus crucem, elevans et extendens manus, incipit (si dicendum sit) Credo; cum dicit: in unum Deum, iungit manus, et caput cruci inclinatur; quo erecto stans ibidem iunctis ante pectus manibus. ut prius, prosequitur usque ad finem. Cum dicit: Iesum Christum, caput cruci inclinatur. Cum dicit: Et incarnatus est, usque ad et homo factus est inclusive, genuflectit. Cum dicit: simul adoratur, caput cruci inclinatur. Cum dicit: Et vitam venturi sæculi. Amen, producit sibi manu dextera signum crucis a fronte ad pectus.

4 In Missa solemni subdiaconus circa finem ultimæ orationis accipit ambabus manibus librum Epistolarum, deferens illum supra pectus, et facta altari genuflexione in medio, vadit ad partem Epistolæ contra altare, et cantat Epistolam, quam celebrans, stans versus librum auscultat, assistente sibi diacono a dextris. Epistola cantata, subdiaconus facit iterum genuflexionem altari in medio, ac redit ad celebrantem, et genuflectens osculatur eius manum, et ab eo benedicitur, præterquam in Missis defunctorum. Deinde celebrans legit, submissa voce, graduale, etc., usque ad Munda cor meum exclusive.

5 Postea celebrans in medio altaris exspectat donec subdiaconus missale in latere Evangelii collocaverit et diaconus librum Evangeliorum in medio altaris deposuerit; deinde incensum imponit et benedicit more solito. Postea diaconus, genuflexus in supremo gradu, inclinatur dicit Munda cor meum, et accipiens librum Evangeliorum de altari petit benedictionem a celebrante similiter genuflexus in superiori gradu altaris; et osculata illius manu, præcedentibus thuriferario, et duobus acolythis cum candelabris accensis de credentia sumptis, vadit cum subdiacono a sinistris ad locum Evangelii contra altare versus populum, ubi subdiacono librum tenente medio inter duos acolythos tenentes candelabra accensa, dicit: Dominus vobiscum, iunctis manibus. Cum dicit: Sequentia, etc. signat in principio Evangelii, frontem, os et pectus: postea ter librum incensat, hoc est, in medio, a dextris, et a sinistris, et prosequitur Evangelium, iunctis

manibus. Interim celebrans post datam diacono benedictionem retrahens se ad latus Epistolæ, ibi stat, iunctis manibus. Et cum diaconus dicit: *Sequentia sancti Evangelii* sacerdos etiam signat se: et cum nominatur IESUS, caput inclinat versus altare. Finito Evangelio sacerdos osculatur librum a subdiacono sibi delatum, dicens: *Per evangelica dicta, etc., et a diacono ter incensatur.* Si sit coram Prælato in sua residentia, liber defertur ad Prælatum, ut supra, et ille incensatur, ut in Cæremontiali. Postea stans in medio altaris versus ad crucem, incipit, si dicendum sit, *Credo*, stantibus post eum diacono et subdiacono, deinde ad altare accedentibus et cum eo prosequentibus, ut dictum est ad *Gloria in excelsis*.

6 Si autem sit prædicandum, concionator, finito Evangelio, prædicet, et sermone, sive concione expleta, dicatur *Credo*, vel, si non sit dicendum, cantetur antiphona ad Offertorium.

7 Cum vero in Symbolo cantatum fuerit: *Et incarnatus est*, diaconus accepta bursa de credentia, ambabus manibus eam defert elevatam cum solitis reverentiis ad medium altaris, in quo explicat corporale, et revertitur ad celebrantem. Cum non dicitur *Credo*, subdiaconus defert bursam simul cum calice, ut infra dicitur.

8 In Missis cantatis Epistola a ministrante cani potest; secus sufficit ut legatur a celebrante, qui tamen potest Epistolam more solito canere. Si incensationes fiant, celebrans antequam dicat *Munda cor meum* in medio altaris incensum ponit et benedicit; et post verba *Sequentia vel Initium sancti Evangelii etc.* ter missale incensat; postquam autem Evangelium cantaverit, celebrans non incensatur.

VII — DE ANTIPHONA AD OFFERTORIUM ET ALIIS USQUE AD CANONEM

Dicto symbolo, vel, si non sit dicendum, post Evangelium vel homiliam, celebrans altare osculatur in medio, et iunctis manibus ante pectus ibidem a manu sinistra ad dexteram (ut dictum est supra), vertit se ad populum, et extendens ac iungens manus dicit: *Dominus vobiscum*, et iunctis manibus revertitur per eandem viam ad medium altaris, ubi extendens et iungens manus, caputque cruci inclinans, dicit *Oremus*: tum iunctis, ut prius, manibus, dicit antiphona ad Offertorium, et omnia quæ usque ad finem Missæ in medio altaris dicenda sunt, dicit ibidem stans versus ad altare, nisi ubi aliter ordinatur.

2 Antiphona ad Offertorium absoluta, discooperit calicem et ad latus Epistolæ sistit, et manu dextera amovet parvam pallam desuper hostiam, accipit patenam cum hostia, et ambabus manibus usque ad pectus eam elevatam tenens, oculis ad Deum elevatis, et statim demissis, dicit: *Suscipe, sancte Pater, etc.*

3 Si fuerint aliæ hostiæ non super patenam, sed super corporale, vel in alio calice, seu vase pro Communionem populi consecrandæ, calicem illum, seu vas dextera discooperit, et intentionem suam etiam ad illas offerendas et consecrandas dirigens, dicit ut supra: *Suscipe, etc.* ut in Ordine Missæ. Quo dicto, patenam utraque manu tenens, cum ea facit signum crucis super corporale, et deponit hostiam circa medium anterioris partis corporalis ante se, et patenam ad manum dexteram aliquantulum subtus corporale; quam, exterso calice, ut dicitur, cooperit purificatorio. Si autem adsit vas seu calix cum aliis hostiis, ipsum cooperit alia patena, vel palla.

4 Deinde in latere Epistolæ accipit calicem, purificatorio extergit, et sinistra tenens illius nodum, accipit ampullam vini de manu ministri (qui osculatur ipsam ampullam, non autem manum celebrantis) et ponit vinum in calicem. Deinde eodem modo tenens calicem, producit signum crucis super ampullam aquæ, et dicit: *Deus, qui humanæ substantiæ, et infundens parum aquæ in calicem prosequitur: Da nobis per huius aquæ et vini mysterium, etc.* Si vero celebrat pro defunctis, non facit signum crucis super aquam, sed imponit absque benedictione, dicens orationem ut supra.

5 Imposita aqua in calice et finita oratione prædicta, accipit manu dextera calicem discooperitum; et stans ante medium altaris, ipsum ambabus manibus elevatum tenens, videlicet cum sinistra pedem, cum dextera autem nodum infra cuppam, intentis ad Deum oculis offert, dicens: *Offerimus tibi, Domine, etc.* Qua oratione dicta, facit signum crucis cum calice super corporale, et ipsum in medio post hostiam collocat, et palla cooperit. Deinde iunctis manibus super altare positis, aliquantulum inclinatus dicit secreto: *In spiritu humilitatis, etc.* Postea erectus, elevans oculos, manusque expandens easque in altum porrectas, statim iungens ante pectus (quod semper facit quando aliquid est benedicturus) dicit: *Veni, sanctificator, etc.* Cum dicit: *et benedic*, signat manu dextera communiter super hostiam et calicem, sinistra posita super altare.

6 Tum iunctis ante pectus manibus, accedit ad latus Epistolæ, ubi stans, ministro aquam fundente, lavat manus, idest, extremitates digitorum pollicis et indicis, dicens psalmum: *Lavabo inter innocentes*, cum *Gloria Patri, etc.*; qui versus *Gloria Patri* prætermittitur in Missis defunctorum, et in Missis de Tempore a dominica I Passionis usque ad feriam V in Cena Domini inclusive.

7 Celebrans, lotis manibus, eas tergit, et, illis ante pectus iunctis, revertitur ad medium altaris, ubi stans, oculosque ad Deum elevans, et statim demittens, manibus iunctis super altare, aliquantulum inclinatus, dicit secreto orationem: *Suscipe, sancta Trinitas, etc.* Qua dicta, manibus hinc inde extensis et super altare positis, osculatur illud in medio; tum, iunctis manibus ante pectus, demissisque oculis ad terram, a sinistra manu ad dexteram vertit se ad populum, et versus eum extendens et iungens manus, dicit voce aliquantulum elata: *Orate, fratres*, et secreto prosequens: *ut meum ac vestrum sacrificium, etc.* perficit circulum, revertens, iunctis manibus ante pectus, a manu dextera ad medium altaris. Et responso a ministro, vel a circumstantibus: *Suscipiat Dominus sacrificium de manibus tuis, etc.* (alioquin per seipsum, dicens: *sacrificium de manibus meis*) ipse celebrans submissa voce dicit: *Amen*. Et manibus ante pectus extensis, ut fit ad orationem, stans in medio altaris versus librum, dicit absolute sine *Oremus* et sine alia interpositione orationem, vel orationes secretas. Cum dicit *Per Dominum*, iungit manus: cum dicit *Iesum Christum*, caput inclinat: quod facit in prima oratione, et in ultima, si plures sint dicendæ.

8 In conclusione autem ultimæ secretæ ad verba illa: *Per omnia sæcula sæculorum* exclusive, sacerdos stans in medio altaris, depositis super eo manibus hinc inde extensis, dicit convenienti et intellegibili voce præfationem. Cum dicit: *Sursum corda*, manus elevat hinc inde ante ad pectus extensas. Cum dicit: *Gratias agamus Domino*, manus iungit cum dicit: *Domino Deo nostro*, oculos elevat, et statim cruci caput inclinat. Responso: *Dignum et iustum est*, elevatis et extensis ut prius manibus, prosequitur præfationem. Cum dicit: *Sanctus*, iunctis ante pectus manibus, et inclinatus eadem voce prosequitur, ministro interim parvam campanulam pulsante. Cum dicit: *Benedictus qui venit in nomine Domini, etc.* erigit se, et signum crucis sibi producit a fronte ad pectus.

9 In Missa solemniori dicto *Oremus*, diaconus et subdiaconus accedunt ad altare in latere Epistolæ; diaconus amovet calicem, si est in altari, vel, si est in credentia, ut magis decet, accipit eum de manu subdiaconi, qui illum cum patena et hostia, coopertum palla et velo a collo sibi pendente manu sinistra tenens, et alteram manum superponens velo, ne aliquid decidat, de credentia detulit, comitatus ab acolytho ampullas vini et aquæ portante; ipse diaconus calicem detegit, et dat patenam cum hostia celebranti, osculando eius manum: subdiaconus extergit calicem purificatorio; diaconus, accepta ampulla vini de manu subdiaconi, imponit vinum in calice: subdiaconus interim ampullam aquæ ostendens celebranti, dicit: *Benedicite, Pater reverende; qui facto versus eam signo crucis, dicit orationem: Deus, qui humanæ, etc.* interim subdiaconus infundit paululum aquæ in calicem; diaconus illum celebranti dat, et pedem calicis tangens, seu brachium dexterum celebrantis sustentans, cum eo dicit: *Offerimus tibi, Domine, etc., quem postea positum in altari, ut supra, palla cooperit, subdiacono deinde stanti in latere Epistolæ ponit in dextera manu patenam, quam cooperit extremitate veli ab eius humero pendente: qui vadit post celebrantem ante medium altaris, et, facta genuflexione, ibi*

**** MISSALE ROM.

stat, sustinens eam elevatam usque ad finem orationis dominicæ, ut dicitur. In Missis autem defunctorum, patena non tenetur a subdiacono.

10 Dicto **Veni, sanctificator**, ut supra, celebrans, ministrante diacono naviculam, et dicente: **Benedicite, Pater reverende**, ponit incensum in thuribulum, dicens: **Per intercessionem, etc.** ut in ordine Missæ. Deinde accepto thuribulo per manum diaconi, nullam tunc faciens cruci reverentiam, incensat crucem et altare, ter ducens thuribulum super calicem et hostiam simul in modum crucis, et ter circum calicem et hostiam, scilicet bis a dextera ad sinistram, et semel a sinistra ad dexteram (diacono interim pedem calicis tenente manu dextera), dispensans verba in qualibet incensatione hoc modo. In prima incensatione: **Incensum istud. In secunda: a te benedictum. In tertia: ascendat ad te, Domine. In quarta: et descendat super nos. In quinta et sexta: misericordia tua.** Deinde facta reverentia, incensat crucem et altare, ut dictum est supra, assistente eodem diacono, interim dicens: **Dirigatur, Domine, oratio mea, etc.**; et cum incensatur crux, diaconus amovet calicem ad partem Epistolæ, et, incensata cruce, reponit in loco suo. Cum reddit thuribulum diacono, dicit: **Accendat in nobis, etc.** Et incensatur ab eo: deinde diaconus incensat chorum, et postremo subdiaconum tenentem patenam, et ipse diaconus incensatur a thuriferario, et thuriferarius postea incensat acolythos et populum. Celebrans, postquam incensatus fuerit, lavat manus, ministrantibus acolythis ampullam aquæ, cum pellicula et manutergio. In Missa cantata, si incensationes fiunt, celebrans se gerit ut in Missa solemni, et in fine incensatur a ministrante, qui postea incensat clerum quoque et populum.

11 Cum dicitur præfatio, diaconus et subdiaconus stant retro post celebrantem: et paulo antequam dicatur **Sanctus**, accedunt ad altare, ubi cum celebrante hinc inde dicunt **Sanctus**, et quæ sequuntur usque ad Canonem. Deinde diaconus accedit ad sinistram celebrantis, ei assistens dum dicitur Canon, nisi alius sacerdos assistat, quia tunc ipse staret ad dexteram aliquantulum post celebrantem. Subdiaconus vero tunc stat post celebrantem.

VIII — DE CANONE MISSÆ USQUE AD CONSECRATIONEM

Finita præfatione, ut supra, sacerdos stans ante medium altaris versus ad illud, extendit et aliquantulum elevat manus, oculisque elevatis ad Deum, et sine mora devote demissis, ac manibus iunctis et super altare positis, profunde inclinatus incipit Canonem, secreto dicens: **Te igitur, etc.** ut in Ordine Missæ. Cum dicit: **Uti accepta habeas et benedicas, etc.**, prius osculatur altare in medio, deinde erigit se, et stat iunctis manibus ante pectus. Cum dicit: **Hæc ✠ dona, hæc ✠ munera, hæc sancta ✠ sacrificia**, dextera manu signat ter communiter super hostiam et calicem. Deinde, extensis manibus ante pectus, prosequitur: **In primis quæ tibi offerimus, etc.**

2 Ubi dicit: **una cum famulo tuo Papa nostro N.**, exprimit nomen Papæ: Sede autem vacante verba prædicta omittuntur. Ubi dicitur: **et Antistite nostro N.**, specificatur nomen Patriarchæ, Archiepiscopi, vel Episcopi ordinarii diocesis in qua Sacrum facit, et non alterius Superioris, etiamsi celebrans sit omnino exemptus, vel sub alterius Episcopi iurisdictione. Si vero Episcopus ordinarius illius loci, in quo Missa celebratur, sit vita functus, prædicta verba omittuntur, quæ etiam omittuntur ab iis qui Romæ celebrant. Si celebrans est Episcopus, Archiepiscopus vel Patriarcha, omissis prædictis verbis, eorum loco dicit: **et me indigno servo tuo.** Summus autem Pontifex cum celebrat, omissis verbis: **una cum famulo tuo Papa nostro N. et Antistite nostro N.**, dicit: **una cum me indigno famulo tuo, quem gregi tuo præesse voluisti.** Et continuant omnes, ut sequitur: **et omnibus orthodoxis, etc.**

3 Cum dicit: **Memento, Domine**, elevans et iungens manus usque ad faciem vel pectus, sic iunctis manibus stat paulisper in quiete, demisso aliquantulum capite, faciens commemorationem vivorum Christi fidelium ad suam voluntatem, quorum nomina, si vult, secreto commemorat: non tamen necesse est ea exprimere, sed mente tantum eorum memoriam habeat. Potest etiam celebrans, si pro pluribus orare intendit, ne circumstantibus sit morosus, ante Missam in animo proponere sibi omnes illos, tam vivos quam defunctos, pro quibus in ipsa Missa orare intendit, et hoc loco generaliter unico contextu ipsorum vivorum commemorationem agere, pro quibus ante Missam orare proposuit in Missa.

4 Commemoratione vivorum facta, demissis et extensis, ut prius, manibus, continuat: **Et omnium circumstantium, etc.** Similiter stans prosequitur: **Communicantes.** Cum dicit: **Iesu Christi**, caput inclinat: in conclusione, quando dicit: **Per eundem**, iungit manus. Cum dicit: **Hanc igitur oblationem**, expandit manus simul super oblata, ita ut palmæ sint apertæ versus ac supra calicem et hostiam, quas sic tenet usque ad illa verba: **Per Christum Dominum nostrum.** Tunc enim iungit manus, et sic prosequitur: **Quam oblationem tu, Deus, in omnibus, quæsumus: et cum dicit: bene ✠ dictam, adscrip ✠ tam, ra ✠ tam**, communiter signat ter super hostiam et calicem simul: deinde cum dicit: **ut nobis Corpus**, separatim signat semel super hostiam tantum; et cum dicit: **et Sanguis**, semel super calicem tantum: deinde elevans et iungens manus ante pectus, prosequitur: **fiat dilectissimi Filii tui Domini nostri Iesu Christi**, et inclinans caput cruci, extergit, si opus fuerit, pollices et indices super corporale, et dicit secreto, ut prius: **Qui pridie quam pateretur**: et accipiens pollice et indice dexteræ manus hostiam, et eam cum illis ac indice et pollice sinistræ manus tenens, stans erectus ante medium altaris, dicit: **accepit panem in sanctas ac venerabiles manus suas**, elevansque ad cælum oculos et statim demittens, dicit: **et elevatis oculis in cælum ad te Deum Patrem suum omnipotentem**, caputque aliquantulum inclinans, dicit: **tibi gratias agens**, et tenens hostiam inter pollicem et indicem sinistræ manus, dextera producit signum crucis super eam, dicens: **bene ✠ dixit, fregit, deditque discipulis suis, dicens: Accipite et manducate ex hoc omnes.**

5 Si adsit vas cum aliis hostiis consecrandis, antequam accipiat hostiam, discooperit manu dextera calicem, seu vas aliarum hostiarum. Cum autem finierit supradicta verba, cubitis super altare positus, distincte et reverenter profert verba consecrationis super hostiam et simul super omnes, si plures sint consecrandæ; et hostiam suam pollicibus et indicibus tantum tenens dicit: **Hoc est enim Corpus meum.** Quibus prolatis, celebrans tenens hostiam inter pollices et indices prædictos super altare, reliquis manu digitis extensis, et simul iunctis (et hostiis, si plures sint consecratæ, in loco, in quo a principio Missæ positæ sunt, super corporale vel in alio vase aut calice demissis) genuflexus eam adorat. Tunc se erigens, quantum commode potest, elevat in altum hostiam, et intentis in eam oculis (quod et in elevatione calicis facit) populo reverenter ostendit adorandam; et mox sola manu dextera ipsam reverenter reponit super corporale in eodem loco unde eam levavit, et deinceps pollices et indices non disiungit, nisi quando hostiam consecratam tangere vel tractare debet, usque ad ablutionem digitorum post Communionem.

6 Reposita hostia consecrata super corporale, genuflexus ipsam veneratur; si adsit vas aliarum hostiarum, patena vel palla cooperit, ut supra. Minister paulo ante Consecrationem campanulæ signo fideles moneat. Deinde dum celebrans elevat hostiam, manu sinistra elevat fimbrias posteriores planetæ, ne ipsum celebrantem impediatur in elevatione brachiorum; quod et facit in elevatione calicis; et manu dextera pulsat campanulam ter ad unamquamque elevationem, vel continue quousque sacerdos deponat hostiam super corporale, et similiter postmodum ad elevationem calicis.

7 Celebrans, adorato Sacramento, surgit, et discooperit calicem, in quem, si opus sit, extergit digitos, quod semper faciat si aliquod fragmentum digitis adhæreat; et stans erectus dicit: **Simili modo postquam cenatum est, et ambabus manibus accipiens calicem iuxta nodum infra cuppam, et aliquantulum illum elevans, ac statim deponens, dicit: accipiens et hunc præclarum calicem in sanctas ac venerabiles manus suas, etc.** Cum dicit: **item tibi gratias agens**, caput inclinat; cum dicit: **benedixit**, sinistra calicem infra cuppam tenens, dextera signat super eum; et prosequens: **deditque discipulis suis, etc.**, et ambabus manibus tenens calicem, videlicet sinistra

pedem, dextera nodum infra cuppam, cubitis super altare positus, profert attente et continue ut supra, verba consecrationis Sanguinis: **Hic est enim calix, etc.** Quibus dictis, reponit calicem super corporale, dicens: **Hæc quotiescumque feceritis, etc.**, genuflexus Sanguinem reverenter adorat. Tum se erigit, et accipiens calicem discoopertum cum Sanguine ambabus manibus, ut prius, elevat eum, et erectum quantum commode potest, ostendit populo adorandum: mox ipsum reverenter reponit super corporale in locum pristinum, et manu dextera palla cooperit, ac genuflexus Sacramentum veneratur.

8 In Missa solemni ad finem præfationis accenduntur duo saltem intorticia ab acolythis, quæ exstinguuntur post elevationem calicis, nisi aliqui sint communicandi, et tunc exstinguuntur post Communionem. In diebus etiam ieiuniorum et in Missis defunctorum tenentur accensa usque ad Communionem. Cum autem celebrans dicit: **Quam oblationem, etc.**, diaconus accedit ad eius dexteram, et ibi in superiori gradu altaris genuflexus, cum Sacramentum elevatur, fimbrias planete elevat, et quando opus est, se erigens, calicem discooperit et cooperit, et cum celebrante genuflectit. Subdiaconus genuflectit in loco suo. Thuriferarius genuflexus in latere Epistolæ ter incensat hostiam, cum elevatur, et similiter calicem, posito incenso in thuribulo absque benedictione; quod servatur etiam in Missis cantatis in quibus incensationes fiunt. Deposito calice, diaconus redit ad librum, nisi alius assistat. Ceteri surgunt et stant in locis suis.

IX — DE CANONE POST CONSECRATIONEM USQUE AD ORATIONEM DOMINICAM

Reposito calice et adorato, sacerdos stans ante altare, extensis manibus ante pectus, dicit secreto: **Unde et memores, etc.** Cum dicit: **de tuis donis ac datis**, iungit manus ante pectus: et cum dicit: **hostiam ✠ puram, hostiam ✠ sanctam, hostiam ✠ immaculatam**, manu sinistra posita super altare intra corporale, dextera signat ter communiter super hostiam et calicem, et semel super hostiam tantum, et semel super calicem tantum, dicens: **panem ✠ sanctum vitæ æternæ, et calicem ✠ salutis perpetuæ**; deinde stans ut prius extensis manibus, prosequitur: **Supra quæ propitio, etc.** Cum dicit: **Supplices te rogamus, etc.**, inclinat se ante medium altaris manibus iunctis super illo positus. Cum dicit: **ex hac altaris participatione**, osculatur altare, manibus hinc inde super corporale positus. Cum dicit: **sacrosanctum Filii tui**, iungit manus; et dextera signans semel super hostiam tantum, et semel super calicem, sinistra super corporale posita, dicit: **Cor ✠ pus, et San ✠ guinem sumpserimus**, et cum dicit: **omni benedictione ✠ cælesti**, seipsum signat a fronte ad pectus signo crucis, sinistra posita infra pectus, et prosequitur: **et gratia repleamur**. Cum dicit: **Per eundem**, iungit manus.

2 Cum dicit **Memento etiam, Domine, famulorum famularumque tuarum, etc.**, extensis et iunctis manibus ante pectus, et usque ad faciem elevatis, et intentis oculis ad Sacramentum super altare, facit commemorationem Fidelium defunctorum, de quibus sibi videtur, eodem modo ut dictum est de commemoratione vivorum. Qua commemoratione facta, stans ut prius extensis manibus, prosequitur: **Ipsis, Domine, et omnibus in Christo, etc.** et in fine ad: **Per eundem**, iungit manus, et caput inclinat.

3 Cum dicit: **Nobis quoque peccatoribus**, vocem aliquantulum elevat et dextera manu pectus sibi percutit, sinistra posita super corporale, et prosequitur secreto: **famulis tuis, etc.** stans manibus extensis, ut prius. Cum dicit: **Per Christum Dominum nostrum. Per quem hæc omnia, Domine, semper bona creas**, iungit manus ante pectus: deinde manu dextera ter signans communiter super hostiam et calicem, dicit: **sancti ✠ ficas, vivi ✠ ficas, bene ✠ dicis, et præstas nobis**. Postea discooperit manu dextera calicem, et genuflexus Sacramentum adorat: tum se erigit, et reverenter accipit hostiam inter pollicem et indicem dexteræ manus, et cum ea super calicem, quem manu sinistra tenet circa nodum infra cuppam, signat ter a labio ad labium, dicens: **Per ✠ ipsum, et cum ✠ ipso, et in ✠ ipso**. Et similiter cum hostia signat bis inter calicem et pectus, incipiens a labio calicis, et dicit: **est tibi Deo Pa ✠ tri omnipotenti, in unitate Spiritus ✠ Sancti**. Deinde tenens manu dextera hostiam super calicem, sinistra calicem, elevat eum aliquantulum simul cum hostia, dicens: **omnis honor et gloria**, et statim utrumque deponens, hostiam collocat super corporale, et si opus sit, digitos extergit, ut supra; ac pollices et indices ut prius iungens, calicem palla cooperit, et genuflexus Sacramentum adorat.

4 In Missa solemni cum celebrans dicit: **Per quem hæc omnia, etc.**, diaconus, facta Sacramento genuflexione, accedit ad dexteram celebrantis, et quando opus est discooperit calicem, et cum celebrante adorat, similiter cooperit, et iterum genuflectit. Cum incipit: **Pater noster**, idem vadit retro post celebrantem, facta prius Sacramento genuflexione, ubi stat, dum dicitur oratio dominica.

X — DE ORATIONE DOMINICA ET ALIIS USQUE AD FACTAM COMMUNIONEM

Celebrans, cooperto calice adoratoque Sacramento, erigit se, et manibus extensis hinc inde super altare intra corporale positus, dicit intelligibili voce: **Per omnia sæcula sæculorum**, et cum dicit: **Oremus**, iungit manus, caput Sacramento inclinans. Cum incipit **Pater noster**, extendit manus, et stans oculis ad Sacramentum intentis, prosequitur usque ad finem. Responso a ministro: **Sed libera nos a malo**, et a celebrante, submissa voce: **Amen**, manu dextera, pollice et indice non disiunctis, patenam aliquantulum purificatorio extergens, eam accipit inter indicem et medium digitos; quam tenens super altare erectam, sinistra super corporale posita, dicit secreto: **Libera nos, quæsumus, etc.**

2 Antequam celebrans dicat: **Da propitius pacem**, elevat manu dextera patenam de altari, et seipsum cum ea signat signo crucis, dicens: **Da propitius pacem in diebus nostris**. Cum signat se, manum sinistram ponit infra pectus; deinde patenam ipsam osculatur, et prosequens: **ut ope misericordiæ tuæ, etc.**, submittit patenam hostiæ, quam indice sinistro accommodat super patenam, discooperit calicem et genuflexus Sacramentum adorat; tum se erigens, accipit hostiam inter pollicem et indicem dexteræ manus, et cum illis ac pollice et indice sinistræ manus eam super calicem tenens, reverenter frangit per medium, dicens: **Per eundem Dominum nostrum Iesum Christum Filium tuum**, et mediam partem, quam inter pollicem et indicem dexteræ manus tenet, ponit super patenam; de alia mediâ, quam sinistra manu tenet, frangit cum pollice et indice dexteræ manus particulam, prosequens: **Qui tecum vivit et regnat**, et eam inter ipsos dexteræ manus pollicem et indicem retinens, partem maiorem, quam sinistra tenet, adiungit mediæ super patenam positæ, interim dicens: **in unitate Spiritus Sancti Deus**; et particulam hostiæ, quam in dextera manu retinuit, tenens super calicem, quem sinistra per nodum infra cuppam retinet, intelligibili voce dicit: **Per omnia sæcula sæculorum**. R. **Amen**, et cum ipsa particula signans ter a labio ad labium calicis, dicit: **Pax ✠ Domini sit ✠ semper vobis ✠ cum**. Responso per ministrum: **Et cum spiritu tuo**, particulam quam dextera manu tenet, immittit in calicem dicens secreto: **Hæc commixtio, et consecratio corporis, etc.** Deinde pollices et indices super calicem aliquantulum tergit et iungit, calicem palla cooperit, et genuflexus Sacramentum adorat, surgit, et stans iunctis manibus ante pectus, inclinatus versus Sacramentum, dicit intelligibili voce: **Agnus Dei, qui tollis peccata mundi**; et dextera percutiens sibi pectus, sinistra super corporale posita, dicit: **miserere nobis**, et deinde non iungit manus, sed iterum percutit sibi pectus, cum dicit secundo: **miserere nobis**, quod et tertio facit, cum dicit: **dona nobis pacem**.

3 Tunc manibus iunctis supra altare positus, oculisque ad Sacramentum intentis, inclinatus dicit secreto: **Domine Iesu Christe, etc.** Qua oratione finita, si est daturus pacem, osculatur altare in medio et instrumentum pacis ei porrectum a ministro iuxta ipsum ad dexteram, hoc est, in latere Epistolæ, genuflexo, et dicit: **Pax tecum**. Minister respondet: **Et cum spiritu tuo**. Si non adsit qui huiusmodi instrumento pacem recipiat a celebrante, pax non datur,

etiãsi illius datio Missæ conveniat; nec osculatur altare, sed, dicta præmissa oratione, statim subiungit alias orationes ut in Ordine Missæ.

4 Si vero celebret pro defunctis, non percutit pectus ad **Agnus Dei**, quia dicit: **dona eis requiem**, nec dicit primam orationem: **Domine Iesu Christe, qui dixisti Apostolis tuis, etc.**, non dat pacem, sed dicit alias duas sequentes orationes: **Domine Iesu Christe, Fili Dei vivi, etc.** et **Perceptio Corporis tui, etc.** Quibus orationibus dictis, genuflectens Sacramentum adorat, et se erigens dicit secreto: **Panem cælestem accipiam, etc.**; quo dicto, dextera manu accipit de patena reverenter ambas partes hostiæ, et collocat inter pollicem et indicem sinistræ manus, quibus patenam inter eundem indicem et medium digitos supponit, et eadem manu sinistra tenens partes huiusmodi super patenam inter pectus et calicem, parum inclinatus, dextera tribus vicibus percutit pectus suum, interim etiam tribus vicibus dicens voce aliquantulum elevata: **Domine, non sum dignus**: et secreto prosequitur: **ut intres, etc.** Quibus tertio dictis, ex sinistra accipit ambas partes prædictas hostiæ inter pollicem et indicem dexterae manus, et cum illa supra patenam signat seipsum signo crucis, ita tamen ut hostia non egrediatur limites patenæ, dicens: **Corpus Domini nostri Iesu Christi custodiat animam meam in vitam æternam. Amen**: et se inclinans, cubitis super altare positus, reverenter easdem ambas partes sumit: quibus sumptis, deponit patenam super corporale, et erigens se, iunctis indicibus et pollicibus, ambas quoque manus ante faciem iungit, et aliquantulum quiescit in meditatione sanctissimi Sacramenti. Deinde depositis manibus dicit secreto: **Quid retribuam Domino pro omnibus quæ retribuit mihi?** et interim discooperit calicem, genuflectit, surgit, accipit patenam, inspicit corporale, colligit fragmenta cum patena, si qua sint in eo, patenam quoque diligenter cum pollice et indice dexterae manus super calicem extergit et ipsos digitos, ne quid fragmentorum in eis remaneat.

5 Post extensionem patenæ, iunctis pollicibus et indicibus, calicem dextera manu infra nodum cuppæ accipit, sinistra patenam, dicens: **Calicem salutaris, etc.**, et signans se signo crucis cum calice, dicit: **Sanguis Domini nostri, etc.** et manu sinistra supponens patenam calici, stans reverenter, sumit totum Sanguinem cum particula in calice posita. Quibus sumptis, dicit secreto: **Quod ore sumpsimus, etc.**, et super altare porrigit calicem ministro in cornu Epistolæ, quo vinum fundente, se purificat: deinde vino et aqua abluit pollices et indices super calicem, quos abstergit purificatorio, interim dicens: **Corpus tuum, Domine. quod sumpsi, etc.** Ablutionem sumit, et extergit os et calicem purificatorio: quo facto purificatorio extendit super calicem et desuper patenam ac super patenam parvam pallam; et, plicato corporali, quod reponit in bursam, cooperit calicem velo, et bursam desuper ponit, et collocat in medio altaris, ut in principio Missæ.

6 Si qui sunt communicandi in Missa, paulo antea ministrans campanulæ signo eos moneat. Sacerdos autem, post sumptionem Sanguinis, calicem parum ad latus Evangelii collocat, intra tamen corporale, et palla tegit. Deinde: si particulæ super corporale consecratæ sint, facta genuflexione, eas super patenam ponit; si particulæ in eadem Missa intra pyxidem consecratæ sunt, pyxidem collocat in medio corporali, eam discooperit et genuflectit; si vero administrandæ sunt particulæ iam antea consecratæ, aperto tabernaculo, genuflectit, pyxidem extrahit et discooperit. Postea accipit manu sinistra pyxidem seu patenam et conversus ad communicandos in medio altaris. dicit: **Ecce Agnus Dei, ecce qui tollit peccata mundi.** Deinde dicit: **Domine, non sum dignus, ut intres sub tectum meum, sed tantum dic verbo, et sanabitur anima mea.** Quibus verbis tertio repetitis, accedit ad eorum dexteram, hoc est, ad latus Epistolæ, et unicuique porrigit Sacramentum faciens cum eo signum crucis super pyxidem vel patenam, et simul dicens: **Corpus Domini nostri Iesu Christi custodiat animam tuam in vitam æternam. Amen.**

7 Fidelibus communicatis, celebrans ad altare revertitur. Deinde: si particulæ super corporale positæ erant, extergit illud cum patena, et si qua in eo fuerint fragmenta, in calicem immittit; si particulæ in pyxide inveniuntur, eam super corporale deponit, cooperit, in tabernaculo reponit, genuflectit et ostiolum claudit. Postea in calicem immittit fragmenta quæ forte inveniuntur in patina sub mento communicantium apposita. Deinde dicit secreto: **Quod ore sumpsimus, Domine, etc.** et se purificat dicens: **Corpus tuum, Domine, quod sumpsi, etc.** et alia facit ut supra. Si in altari desit tabernaculum, et pyxis cum particulis consecratis super altare maneat usque ad finem Missæ, ea servantur quæ feria V in Cena Domini præscribuntur versus finem Missæ.

8 In Missa solenni diaconus stans retro post celebrantem, cum in oratione dominica dicitur: **Et dimitte nobis debita nostra, facta ibidem genuflexione, vadit ad dexteram celebrantis, et subdiaconus circa finem orationis dominicæ, facta itidem genuflexione, revertitur ad altare, et stans in latere Epistolæ porrigit patenam diacono, qui eam discooperit, et purificatorio abstergens dat celebranti, illius manum osculando, et quando opus est, discooperit et cooperit calicem, et cum celebrante adorat. Subdiaconus, reddita patena et deposito velo, quod ab humeris eius pendeat, genuflectit, et descendit retro post celebrantem, et cum dicitur: **Pax Domini**, iterum genuflectens, accedit ad sinistram celebrantis, et simul dicunt: **Agnus Dei.** Deinde facta ibidem Sacramento genuflexione, redit post celebrantem. Diaconus vero a dextris genuflexus expectat pacem: et cum celebrans osculatur altare, ipse se erigens simul osculatur illud extra corporale, et a celebrante dicente: **Pax tecum**, complexus accipit pacem sinistris genis sibi invicem appropinquantibus, et ei respondet: **Et cum spiritu tuo.** Postea iterum Sacramento in altari adorato, vertit se ad subdiaconum retro post celebrantem, et similiter dat ei pacem. Subdiaconus accepta pace a diacono et facta altari genuflexione, comitatus ab acolytho vadit ad chorum, et dat pacem primo cuiusque ordinis, dignioribus prius, deinde minus dignis; et reversus ad altare, facta genuflexione, dat pacem acolytho qui ipsum comitaverat, qui et aliis acolythis circa altare dat pacem: deinde subdiaconus vadit ad dexteram celebrantis, et quando opus est, discooperit calicem, accipit ampullam vini, et infundit quando celebrans vult purificare. Diaconus post datam pacem subdiacono vadit ad librum: et, dum celebrans se communicat, stant ipse et subdiaconus profunde inclinati versus altare.**

9 In Missa pontificali, assistens accipit et defert pacem, ut in Cæremoniali habetur. Si in Missa solenni fiat Communio, omnia servantur, ut supra, sed prius communicet diaconus et subdiaconus, deinde ceteros per ordinem. Interim a choro canitur antiphona ad Communionem.

XI — DE ANTIPHONA AD COMMUNIONEM ET ORATIONIBUS POST COMMUNIONEM

Celebrante purificato, dum calicem collocat in altari, liber Missalis defertur per ministrum ad latus Epistolæ, et collocatur ut in Introitu. Ipse autem minister genuflectit iuxta latus Evangelii, ut in principio Missæ. Deinde celebrans, stans iunctis manibus, legit antiphonam ad Communionem; qua lecta, iunctis itidem manibus ante pectus, vadit ad medium altaris, et eo osculato, vertit se ad populum a manu sinistra ad dexteram, et dicit: **Dominus vobiscum**, et per eandem viam redit ad librum, dicit orationes post Communionem, eisdem modo, numero et ordine, ut dictæ sunt orationes initio Missæ. Quibus finitis, claudit librum, et iungens manus ante pectus, revertitur ad medium altaris, ubi eo osculato, vertit se ad populum, et dicit, ut supra: **Dominus vobiscum**, quo dicto, stans iunctis manibus ante pectus versus populum, dicit, si dicendum est: **Ite, Missa est**, et per eandem viam revertitur ad altare. Si vero non sit dicendum, dicto **Dominus vobiscum**, revertitur eodem modo per eandem viam ad medium altaris, ubi stans versus ad illud, iunctis ante pectus manibus, dicit: **Benedicamus Domino.** In Missis autem defunctorum eodem modo stans versus altare, dicit: **Requiescant in pace.**

2 In Quadragesima autem a feria IV cinerum usque ad feriam IV Hebdomadæ sanctæ, in Missa feriæ, postquam celebrans dixit orationes post Communionem cum suis solitis conclusionibus, antequam dicat: **Dominus vobiscum**, stans in eodem loco ante librum dicit: **Oremus. Humiliate capita vestra Deo**, caput inclinans, et extensis manibus, subiungit eadem voce orationem super populum, ibidem positam, qua finita, osculatur altare, et vertens se ad populum dicit **Dominus vobiscum**, et alia ut supra.

3 In Missa solemni diaconus defert librum Missalis ad latus Epistolæ, deinde vadit retro post celebrantem, subdiaconus vero vadit ad latus Evangelii, ubi calicem mundat, aptat cum purificatorio, patena et palla cooperit, plicat corporale, reponit in bursam, et illam ponit super calicem coopertum velo, quem collocat in altari, vel super credentia ut prius: postea redit ad locum suum retro post diaconum: qui cum dicit: **Ite, Missa est**, cum celebrante vertit se ad populum: et in Quadragesima, dicto per celebrantem **Oremus**, diaconus in latere Epistolæ vertens se ad populum, iunctis manibus dicit ut supra: **Humiliate, etc.**; quo dicto vertit se versus altare a tergo celebrantis, et celebrans dicit orationem super populum. In Missis cantatis **Ite, Missa est** vel **Benedicamus Domino** vel **Requiescant in pace** ab ipso celebrante canuntur.

XII — DE BENEDICTIONE IN FINE MISSÆ ET EVANGELIO SANCTI IOANNIS

Dicto **Ite, missa est**, vel **Benedicamus Domino**, vel **Requiescant in pace**, celebrans ante medium altaris stans iunctis manibus super eo, inclinatus dicit secreto: **Placeat tibi, sancta Trinitas, etc.** Quo dicto, extensis manibus hinc inde super altare positus, ipsum in medio osculatur: tum erigens se, adhuc stans versus illud, elevat ad cælum oculos et manus, quas extendit et iungit, caputque cruci inclinans, dicit voce intellegibili: **Benedicat vos omnipotens Deus**, et iunctis manibus, ac demissis ad terram oculis, vertens se ad populum a sinistro latere ad dexterum, extensa manu dextera, iunctisque digitis, et manu sinistra infra pectus posita, semel benedicit populo dicens: **Pater, et Filius, et Spiritus Sanctus. R. Amen**; et circulum perficiens accedit ad latus Evangelii, ubi dicto **Dominus vobiscum**, et **R. Et cum spiritu tuo**, pollice dextero signans primum signo crucis altare, seu librum in principio Evangelii, deinde frontem, os et pectus, dicit: **Initium sancti Evangelii secundum Ioannem**, vel **Sequentia sancti Evangelii**, ut dictum est in rubricis generalibus, et **R. Gloria tibi, Domine**, iunctis manibus legit Evangelium: **In principio**, vel aliud ut convenit. Cum dicit: **Et Verbum caro factum est**, genuflectit versus latus Evangelii, et surgens prosequitur ut prius: quo finito, minister stans a parte Epistolæ respondet **Deo gratias**.

2 Si celebrans in altari vertit faciem ad populum, non vertit se, sed stans ut erat, benedicit populo, ut supra, in medio altaris; deinde accedit ad latus Evangelii, et dicit Evangelium S. Ioannis.

3 Si celebravit coram Summo Pontifice, Cardinale, et Legato Sedis Apostolicæ, vel Patriarcha, Archiepiscopo et Episcopo in provincia, civitate, vel diœcesi sua existente, celebrans dicto **Placeat tibi, sancta Trinitas, etc.**, dicit: **Benedicat vos omnipotens Deus**, et convertens se ad Summum Pontificem genuflexus, ad Cardinalem vero, et Legatum, vel alium ex supradictis Prælatibus, capite inclinato, quasi licentiam benedicendi petens, prosequitur: **Pater, et Filius, et Spiritus Sanctus**, benedicens adstantes a parte ubi non adest Pontifex, Cardinalis, Legatus aut Prælati prædicti. Si autem celebravit coram Patriarcha, Archiepiscopo, et Episcopo extra eorum provinciam, civitatem, vel diœcesim constitutis, eis absque alio respectu, ut ceteris qui intersunt, more consueto benedicit.

4 In Missis in quibus dictum est **Benedicamus Domino** vel **Requiescant in pace**, celebrans non dat benedictionem, sed, dicto **Placeat tibi, sancta Trinitas**, ut supra, et altari osculato, si dicendum sit ultimum Evangelium, accedit ad latus Evangelii, ibique dicit initium Evangelii secundum Ioannem **In principio**.

5 Si vero ultimum Evangelium omittendum sit, iuxta rubricas, celebrans, data benedictione, vel, si etiam benedictio omittenda sit, osculato altari, recedit. Finito Evangelio in fine Missæ, si celebravit coram Summo Pontifice, Cardinale, et Legato Sedis Apostolicæ, vel Patriarcha, Archiepiscopo et Episcopo, convertit se ad illum coram quo ex prædictis celebravit, et facit reverentiam convenientem. Si non celebravit coram aliquo prædictorum, huiusmodi reverentiam prætermittit.

6 Quibus omnibus absolutis, sacerdos accipit sinistra calicem, dexteram ponens super bursam, ne aliquid cadat, descendit ante infimum gradum altaris, et, ibi in medio vertens se ad illud, se profunde inclinat (vel, si in eo est tabernaculum sanctissimi Sacramenti, genuflectit); et, facta reverentia, accipit biretum a ministro, caput cooperit, ac præcedente eodem ministro, eo modo quo venerat, redit ad sacristiam, interim dicens antiphonam **Trium puerorum** et canticum **Benedicite**, vel alias preces quas maluerit. Postquam paramenta deposuerit, gratiarum actionem per temporis spatium conveniens protrahit, preces infrascriptas persolvens, vel alias pro sua devotione.

7 In Missa solemni celebrans, eadem voce et modo quo in Missis lectis, semel tantum benedicit populo, nisi sit Episcopus, vel Abbas, ut infra: et dicto Evangelio secundum Ioannem, discedit cum ministris ordine et modo quo venerat.

8 Episcopus autem vel Abbas ter benedicit populo, etiam in Missis lectis.

XIII — DE HIS QUÆ OMITTUNTUR IN MISSA DEFUNCTORUM

In Missa defunctorum ante confessionem non dicitur psalmus **Iudica me, Deus**, sed, pronuntiata antiphona: **Introibo ad altare Dei**, et responso a ministro: **Ad Deum, qui lætificat etc.**, dicitur **Ps. Adiutorium nostrum**, et confessio, cum reliquis ut supra. Cum celebrans ad altare incipit antiphonam ad Introitum, non signat se, sed, manu dextera extensa, facit signum crucis super librum. quasi aliquem benedicens, sinistra super altare posita. Non dicitur **Gloria Patri**, sed post psalmum repetitur: **Requiem æternam**; nec dicitur **Gloria in excelsis**, nec **Alleluia**, nec **Iube, Domine, benedicere**, nec **Dominus sit in corde meo**; nec osculatur librum in fine, nec dicit **Per evangelica dicta**. Non dicitur **Credo**, non benedicitur aqua in calicem fundenda; dicitur tamen oratio: **Deus, qui humanæ substantiæ, etc.** Cum lavat manus, in fine psalmi **Lavabo inter innocentes**, non dicitur **Gloria Patri**. Ad **Agnus Dei** non dicitur: **miserere nobis**, cuius loco dicitur: **dona eis requiem**; nec tertio: **dona nobis pacem**, cuius loco dicitur: **dona eis requiem sempiternam**; neque percutitur pectus. Non dicitur prima oratio ante Communionem, scilicet: **Domine Iesu Christe, qui dixisti Apostolis tuis, etc.**, nec datur pax. In fine non dicitur: **Ite, Missa est**, nec **Benedicamus Domino**, sed: **Requiescant in pace**. Et non datur benedictio: sed dicto **Placeat**, et osculato altari, dicitur, ut supra: **In principio erat Verbum, etc.** Alia omnia ut in aliis Missis.

2 In Missa solemni non incensatur altare ad antiphonam ad Introitum, et subdiaconus, finita Epistola, non osculatur manum celebrantis, nec benedicitur: diaconus non petit benedictionem, nec osculatur celebrantis manum: non tenentur luminaria ad Evangelium, nec portatur incensum, sed duo tantum acolythi sine candelabris stant unus a dexteris et alter a sinistris subdiaconi tenentis librum Evangeliorum. Non incensatur liber, nec in fine celebrans: nec defertur liber Evangeliorum osculandus. Oblata et altare incensantur ut supra: incensatur solus celebrans, et non incensantur alii. Subdiaconus non tenet patenam post celebrantem; sed tempore elevationis Sacramenti genuflexus in cornu Epistolæ, illud incensat. Ministri cum aliquid porrigunt celebranti, in hac Missa non osculantur eius manum, neque rem quæ porrigitur.

3 Si distribuendæ sunt candelæ, distribuantur post Epistolam, et accendantur ad Evangelium, ad elevationem Sacramenti, et post Missam, dum fit absolutio. Si habendus est sermo, habeatur, finita Missa, ante absolutionem.

XIV — DE AGENDIS, SI SACERDOS BIS VEL TER EODEM DIE CELEBRET

Sacerdos, qui in festo Nativitatis Domini vel in Commemoratione omnium Fidelium defunctorum, duas vel tres Missas sine intermissione, id est quin ab altari discedat, celebrat:

a) In prima et secunda Missa, si aliam sit immediate celebraturus, sumpto divino Sanguine, calicem nec purificat nec abstergit, sed eum ponit super corporale et palla tegit. Deinde iunctis manibus dicit: **Quod ore sumpsi-**

mus, et postea in vase cum aqua parato digitos abluit, dicens: **Corpus tuum, Domine**, et abstergit. His peractis, calicem super corporale adhuc manentem, deducta palla, iterum disponit et cooperit, uti moris est, scilicet purificatorio linteo, deinde patena cum hostia consecranda, et palla, ac demum velo. Calix vero extra corporale ne statuatur. Si per inadvertentiam ablutiones cum vino sumpserit, celebrare nihilominus potest secundam et tertiam Missam etiam ante tres horas, si necessarium sit. De cetero Missa more solito completur.

b) In secunda et tertia Missa, si aliam Missam immediate antea celebraverit, ad Offertorium, ablato velo a calice, hunc parumper versus latus Epistolæ collocat, intra tamen corporale; factaque hostiæ oblatione, calicem purificatorio non abstergit, sed eum intra corporale relinquens, leviter elevat, vinumque et aquam eidem infundit, ipsumque calicem, nullatenus ab intus abstersum, offert. Cetera omnia more solito peraguntur.

2 Sacerdos qui plures Missas cum intermissione celebrat, prioribus in Missis duas ablutiones a rubricis præscriptas sumere debet. Si sequentem Missam ante tres horas celebraturus sit, aqua tantum in ablutionibus adhibenda est; si vero per inadvertentiam vinum quoque sumpserit, sequentem Missam nihilominus etiam ante tres horas celebrare potest, si necesse sit.

DE DEFECTIBUS IN CELEBRATIONE MISSÆ OCCURRENTIBUS

I

Sacerdos celebraturus omnem adhibeat diligentiam, ne desit aliquid ex requisitis ad Sacramentum Eucharistiæ conficiendum. Potest autem defectus contingere ex parte materiæ consecrandæ, et ex parte formæ adhibendæ, et ex parte ministri conficientis. Quidquid enim horum deficit, scilicet materia debita, forma cum intentione, et Ordo sacerdotalis in conficiente, non conficitur Sacramentum. Et his existentibus, quibuscumque aliis deficientibus, veritas adest Sacramenti. Alii vero sunt defectus, qui in Missæ celebratione occurrentes, etsi veritatem Sacramenti non impediunt, possunt tamen aut cum peccato, aut cum scandalo contingere.

II — DE DEFECTIBUS MATERIÆ

Defectus ex parte materiæ possunt contingere, si aliquid desit ex iis quæ ad ipsam requiruntur. Requiritur enim ut sit panis triticeus et vinum de vite: et ut huiusmodi materia consecranda, in actu Consecrationis, sit coram sacerdote.

III — DE DEFECTU PANIS

Si panis non sit triticeus, vel, si triticeus, admixtus sit grani alterius generis in tanta quantitate, ut non maneat panis triticeus, vel sit alioqui corruptus, non conficitur Sacramentum.

2 Si sit confectus de aqua rosacea, vel alterius distillationis, dubium est an conficiatur.

3 Si cœperit corrumpi, sed non sit corruptus; similiter si non sit azymus, secundum morem Ecclesiæ latinæ, conficitur, sed conficiens graviter peccat.

4 Si celebrans ante Consecrationem advertit hostiam esse corruptam, aut non esse triticeam; remota illa hostia, aliam ponat, et facta oblatione, saltem mente concepta, prosequatur ab eo loco ubi desivit.

5 Si id advertit post Consecrationem, etiam post illius hostiæ sumptionem, posita alia, faciat oblationem, ut supra, et a consecratione incipiat, scilicet ab illis verbis: **Qui pridie quam pateretur**; et illam priorem si non sumpserit,umat post sumptionem Corporis et Sanguinis, vel alicubi reverenter conservet. Si autem sumpserit, nihilominusumat eam quam consecravat: quia præceptum de perfectione Sacramenti, maioris est ponderis, quam quod a ieiunis sumatur.

6 Quod si hoc contingat post sumptionem Sanguinis, apponi debet rursus novus panis et vinum cum aqua; et, facta prius oblatione, ut supra, sacerdos consecret, incipiendo ab illis verbis: **Qui pridie**; ac statimumat utrumque, et prosequatur Missam, ne Sacramentum remaneat imperfectum, et ut debitus servetur ordo.

7 Si hostia consecrata dispareat, vel casu aliquo, ut vento, vel ab aliquo animali accepta, et nequeat reperiri; tunc altera consecratur ab eo loco incipiendo: **Qui pridie quam pateretur**, facta eius prius oblatione, ut supra.

8 Casibus de quibus supra 5-7, elevatio Sacramenti omittatur, et omnia fiant vitando, quantum fieri potest, fidelium scandalum vel admirationem.

IV — DE DEFECTU VINI

Si vinum sit factum penitus acetum, vel penitus putridum, vel de uvis acerbis seu non maturis expressum, vel ei admixtum tantum aquæ, ut vinum sit corruptum; non conficitur Sacramentum.

2 Si vinum cœperit acrescere, vel corrumpi, vel fuerit aliquantum acre, vel mustum de uvis tunc expressum, vel non fuerit admixta aqua, vel fuerit admixta aqua rosacea seu alterius distillationis, conficitur Sacramentum, sed conficiens graviter peccat.

3 Si celebrans ante Consecrationem Sanguinis, quamvis post Consecrationem Corporis, advertat aut vinum, aut aquam, aut utrumque non esse in calice; debet statim apponere vinum cum aqua, et facta oblatione, ut supra, consecrare: incipiendo ab illis verbis: Simili modo, etc.

4 Si post verba consecrationis advertat vinum non fuisse positum, sed aquam; deposita aqua in aliquod vas, iterum vinum cum aqua ponat in calice, et consecret, resumendo a verbis prædictis: Simili modo, etc.

5 Si hoc advertat post sumptionem Corporis, vel huiusmodi aquæ, apponat aliam hostiam iterum consecrandam, et vinum cum aqua in calice, offerat utrumque, et consecret, etumat, quamvis non sit ieiunus.

6 Casibus de quibus supra 3-5, elevatio Sacramenti omittatur, et omnia fiant vitando, quantum fieri potest, fidelium scandalum vel admirationem.

7 Si quis percipiat ante Consecrationem, vel post Consecrationem, totum vinum esse acetum, vel alias corruptum: idem servetur quod supra, ac si deprehenderet non esse positum vinum, vel solam aquam fuisse appositam in calice.

8 Si autem celebrans ante Consecrationem calicis advertat non fuisse appositam aquam: statim ponat eam, et proferat verba Consecrationis. Si id advertat post Consecrationem calicis: nullo modo apponat, quia non est de necessitate Sacramenti.

9 Si materia quæ esset apponenda, ratione defectus vel panis vel vini, non posset ullo modo haberi: si id sit ante Consecrationem Corporis, ulterius procedi non debet: si post consecrationem Corporis, aut etiam vini, deprehenditur defectus alterius speciei, altera iam consecrata: tunc, si nullo modo haberi possit, procedendum erit, et Missa absolvenda, ita tamen, ut præmittantur verba et signa, quæ pertinent ad speciem deficientem. Quod si expectando aliquamdiu haberi possit: expectandum erit, ne sacrificium remaneat imperfectum.

V — DE DEFECTIBUS FORMÆ

Defectus ex parte formæ possunt contingere, si aliquid desit ex iis quæ ad integritatem verborum in ipsa Consecratione requiruntur. Verba autem consecrationis, quæ sunt forma huius Sacramenti, sunt hæc: **Hoc est enim Corpus meum. Et: Hic est enim Calix Sanguinis mei, novi et æterni testamenti: mysterium fidei: qui pro vobis et pro multis effundetur in remissionem peccatorum.** Si quis autem aliquid diminueret, vel immutaret de forma Consecrationis Corporis et Sanguinis, et in ipsa verborum immutatione verba idem non significarent, non conficeret Sacramentum. Si vero aliquid adderet vel detraheret, quod significationem non mutaret, conficeret quidem, sed gravissime peccaret.

2 Si celebrans non recordetur se dixisse ea quæ in Consecratione communiter dicuntur, non debet propterea turbari. Si tamen certo ei constet, se omisisse aliquid eorum quæ sunt de necessitate Sacramenti, id est, formam Consecrationis, seu partem: resumatur ipsam formam, et cetera prosequatur per ordinem. Si vero valde probabiliter dubitet, se aliquid essentielle omisisse: iteret formam saltem sub tacita conditione. Si autem non sunt de necessitate Sacramenti, non resumatur, sed procedat ulterius.

VI — DE DEFECTIBUS MINISTRI

Defectus ex parte ministri possunt contingere quoad ea quæ in ipso requiruntur. Hæc autem sunt: In primis intentio, deinde dispositio animæ, dispositio corporalis, dispositio vestimentorum, dispositio in ministerio ipso quoad ea quæ in ipso possunt occurrere.

VII — DE DEFECTU INTENTIONIS

Si quis non intendit conficere, sed delusorie aliquid agere: item si aliqua hostiæ ex oblivione remaneant in altari, vel aliqua pars vini, vel aliqua hostia lateat, cum non intendat consecrare nisi quæ super corporale sunt: item si quis habeat coram se undecim hostias, et intendat consecrare solum decem, non determinans quas decem intendit: in his casibus non consecrat, quia requiritur intentio. Secus, si putans quidem esse decem, tamen omnes voluit consecrare quas coram se habebat: nam tunc omnes erunt consecratæ: atque ideo quilibet sacerdos talem semper intentionem habere deberet, scilicet consecrandi eas omnes quas ante se super corporale ad consecrandum positas habet.

2 Si sacerdos putans se tenere unam hostiam, post consecrationem invenerit fuisse duas simul iunctas, in sumptione sumat simul utramque. Quod si deprehendat post sumptionem Corporis et Sanguinis aut etiam post ablationem, reliquias aliquas relictas consecratas, eas sumat, sive parvæ sint sive magnæ, quia ad idem sacrificium spectant.

3 Si vero relictæ sit hostia integra consecrata, eam in tabernaculo cum aliis reponat; si hoc fieri nequit, eam sumat.

4 Si intentio non sit actualis in ipsa Consecratione propter evagationem mentis, sed virtualis, cum accedens ad altare intendat facere quod facit Ecclesia, conficitur Sacramentum, etsi curare debet sacerdos, ut etiam actualem intentionem adhibeat.

VIII — DE DEFECTIBUS DISPOSITIONIS ANIMÆ

Si quis in peccato mortali aut aliqua pæna ecclesiastica impeditus, celebret, conficit quidem Sacramentum, sed gravissime peccat.

IX — DE DEFECTIBUS DISPOSITIONIS CORPORIS

Si sacerdos ante Missam non sit ieiunus per tres saltem horas quoad cibum solidum et potum alcoholicum, et per unam saltem horam quoad potum non alcoholicum, non potest celebrare. Aquæ tamen sumptione ieiunium non frangitur.

2 Infirmi, quamvis non decumbant, potum non alcoholicum, et veras ac proprias medicinas, sive liquidas sive solidas, ante Missæ celebrationem sine temporis limite sumere possunt.

3 Enixe invitantur sacerdotes qui id præstare valeant, ut venerandam ac vetustam eucharistici ieiunii formam ante Missam servent.

X — DE DEFECTIBUS IN MINISTERIO IPSO OCCURRENTIBUS

Possunt etiam defectus occurrere in ministerio ipso, si aliquid ex requisitis ad illud desit: ut, si celebretur in loco non sacro, vel legitime non deputato, vel in altari non consecrato, vel tribus mappis non cooperto; si non adsint luminaria cerea; si non sit tempus debitum celebrandi, quod est ab una hora ante auroram usque ad unam horam post meridiem communiter, nisi pro quibusdam Missis aliud tempus statutum sit, vel Ordinarium loci quasdam Missas etiam horis vespertinis permiserit; si omittat aliquid ex vestibus sacerdotalibus; si vestes sacerdotales et mappæ non sint ab Episcopo, vel ab alio hanc habente potestatem benedictæ; si non adsit clericus, vel alius deserviens in Missa, vel adsit qui deservire non debet, ut mulier; si non adsit calix cum patena conveniens, cuius cuppa debet esse aurea vel argentea vel stannea, non ærea vel vitrea; si corporalia non sint munda, quæ debent esse ex lino, nec serico in medio ornata, et ab Episcopo vel ab alio hanc habente potestatem benedicta, ut etiam superius dictum est; si celebret capite cooperto sine dispensatione: si non adsit Missale, licet memoriter sciret Missam, quam intendit dicere.

2 Si, sacerdote celebrante, violetur ecclesia ante Canonem, dimittatur Missa: si post Canonem, non dimittatur. Si timeatur incursus hostium, vel alluvionis, vel ruina loci ubi celebratur, ante consecrationem dimittatur Missa: post Consecrationem vero sacerdos accelerare poterit sumptionem Sacramenti, omissis omnibus aliis.

3 Si sacerdos ante Consecrationem graviter infirmetur, vel in syncopen inciderit aut moriatur, prætermittitur Missa. Si post Consecrationem Corporis tantum, ante Consecrationem Sanguinis, vel utroque consecrato id accidit, Missa per alium sacerdotem expleatur ab eo loco ubi ille desiit, et in casu necessitatis etiam per non ieiunum. Si autem non obierit, sed fuerit infirmus, adeo tamen ut possit communicare, et non adsit alia hostia consecrata, sacerdos qui Missam supplet, dividat hostiam, et unam partem præbeat infirmo, aliam ipse sumat. Si autem semiprolata forma Corporis obiit sacerdos, quia non est facta Consecratio, non est necesse ut Missa per alium suppleatur. Si vero obierit semiprolata forma Sanguinis, tunc alter prosequatur Missam, et super eundem calicem repetat integram formam ab eo loco: Simili modo, postquam cenatum est; vel posset super alium calicem præparatum integram formam proferre, et hostiam primi sacerdotis, et Sanguinem a se consecratum sumere, ac deinde calicem relictum semiconsecratum.

4 Si quis extra huiusmodi casus necessitatis integra Sacramenta non sumpserit, gravissime peccat.

5 Si musca, vel aranea, vel aliquid aliud ceciderit in calicem ante Consecrationem, proiciat vinum in locum decentem, et aliud ponat in calice, misceat parum aquæ, offerat, ut supra, et prosequatur Missam: si post consecrationem ceciderit musca aut aliquid eiusmodi, extrahat eam, et lavet cum vino, finita Missa comburat, et combustio ac lotio huiusmodi in sacrarium proiciatur.

6 Si aliquid venenosum ceciderit in calicem, vel quod provocaret vomitum, vinum consecratum reponendum est in alio calice aqua plena, ita ut species vini dissolvantur; et huiusmodi aqua in sacrarium proiciatur. Aliud autem vinum cum aqua apponendum est denuo consecrandum.

7 Si aliquid venenatum contigerit hostiam consecratam, tunc alteram consecret, et sumat eo modo quo dictum est, et illa mittatur in calicem aqua plenum, ut supra n. 6 de Sanguine dictum est.

8 Si sumendo Sanguinem, particula remanserit in calice, digito ad labium calicis eam adducat et sumat ante purificationem, vel infundat aquam, et sumat.

9 Si hostia ante Consecrationem inveniatur fracta, nisi populo evidenter appareat, talis hostia consecratur: si autem scandalum populo esse possit, alia accipiat et offeratur: quod si illius hostiæ iam erat facta oblatio, eam post ablutionem sumat. Quod si ante oblationem hostia appareat confracta, accipiat altera integra, si citra scandalum aut longam moram fieri poterit.

10 Si hostia consecrata dilabatur in calicem, propterea nihil est reiterandum; sed sacerdos Missam prosequatur, faciendo cæremonias et signa consueta cum residua parte hostiæ quæ non est madefacta Sanguine, si commode potest. Si vero tota fuerit madefacta, non extrahat eam, sed omnia dicat, omittendo signa, et sumat pariter Corpus et Sanguinem, signans se cum calice, et dicens: **Corpus et Sanguis Domini nostri, etc.**

11 Si in hieme Sanguis congeletur in calice, involvatur calix pannis calefactis: si id non proficeret, ponatur in ferventi aqua prope altare, dummodo in calicem non intret, donec liquefiat.

12 Si aliquid de Sanguine Christi ceciderit, si aliqua tantum gutta effusa est, sufficit ut super eas parum aquæ fundatur, purificatorio postea abstergenda; secus vero corporale vel tobalea vel locus, meliore quo fieri potest modo lavetur, et aqua postea in sacrarium mittatur.

13 At si contingat totum Sanguinem post Consecrationem effundi, si quidem aliquid vel parum remansit, illud sumatur, et de effuso reliquo Sanguine fiat, ut dictum est. Si vero nihil omnino remansit, ponat iterum vinum et aquam, et consecret ab eo loco: **Simili modo, postquam cenatum est, etc.** facta prius tamen calicis oblatione, ut supra.

14 Si quis evomat Eucharistiam, vomitus colligatur et in aliquem decentem locum mittatur.

15 Si hostia consecrata, vel aliqua eius particula dilabatur in terram, reverenter accipiat et parum aquæ in locum ubi cecidit fundatur et purificatorio abstergatur. Si cadat super vestes, non est necesse ut indumentum abluatur. Si super vestes mulieris cadat, ipsa particulam accipiat et sumat.

16 Possunt etiam defectus in ministerio ipso occurrere, si sacerdos ignoret ritus et cæremonias ipsas in eo servandas, de quibus omnibus in superioribus rubricis copiose dictum est.

P R Æ P A R A T I O A D M I S S A M

PRO OPPORTUNITATE SACERDOTIS FACIENDA

Quilibet sacerdos, ex concessione Pii Pp. XI sub die 3 oct. 1936, lucrari potest: indulgentiam quinque annorum, si ante Missæ celebrationem, recitet psalmos 83, 84, 85, 115 et 129 cum adnexa antiphona, versiculis et Orémus, ut infra; plenariam, si per integrum mensem prædictas preces cotidie recitaverit, additis confessione sacramentali et oratione ad Summi Pontificis mentem.

Ant. Ne reminiscáris, * Dómine, delicta nostra vel paréntum nostrórum, neque vindictam sumas de peccátis nostris. (T. P. Alleluia.)

Psalmus 83

Quam dilécta habitatio tua, Dómine exercítuum! * desiderat, languens concupiscit ánima mea átria Dómini;

Cor meum et caro mea * exsúltant ad Deum vivum.

Etiam passer invénit domum, * et hirúdo nidum sibi, ubi ponat pullos suos:

Altária tua, Dómine exercítuum, * rex meus et Deus meus! —

Beáti qui hábitant in domo tua, Dómine, * perpétuo laudant te.

Beátus vir, cuius auxiliúm est a te, * cum sacra itinera in ánimo habet:

Transeúntes per vallem áridam, fontem facient eam, * ac benedictiónibus véstiet eam plúvia prima. Procédent de róbre in robur; * vidébunt Deum deórum in Sion. —

Dómine exercítuum, audi oratióem meam; * áuribus pércipe, Deus Iacob.

Clípeus noster, aspice, Deus, * et réspice fáciem uncti tui.

Vere, mélior est dies unus in átriis tuis * quam álíi mille;

Consistere malo in límine domus Dei mei, * quam morári in tabernáculis peccatórum.

Nam sol et clípeus est Dóminus Deus: * grátiam et glóriam largítur Dóminus,

Non negat bona eis * qui ámbulant in innocentia. Dómine exercítuum, * beátus homo qui confidit in te.

Glória Patri.

Psalmus 84

Propítius fuísti, Dómine, terræ tuæ; * bene vertísti sortem Iacob.

Dimisísti culpam pópuli tui; * operuísti ómnia peccáta eórum.

Continuísti omnem iracúndiam tuam, * destitísti a furóre iræ tuæ. —

Restítue nos, Deus Salvátor noster, * et depóne indignatióem tuam advérsus nos.

Num in ætérnum irascéris nobis, * aut exténdes iram tuam in omnes generatióes?

Nonne tu vitam restítues nobis, * et pópulus tuus lætábitur in te?

Osténde nobis, Dómine, misericórdiam tuam, * et salutem tuam da nobis. —

Audiam, quid loquátur Dóminus Deus: * profecto lóquitur pacem.

Pópulo suo et sanctis suis * et eis qui corde convertúntur ad eum.

Certe propínqua est salus eius tíméntibus eum, * ut hábitet glória in terra nostra.

Misericórdia et fidélitas óbviam vénient sibi, * iustitia et pax inter se osculabúntur.

Fidélitas germinábit ex terra, * et iustitia de cælo prospiciet.

Dóminus quoque dabit bonum, * et terra nostra dabit fructum suum.

Iustitia ante eum incédet, * et salus in via grésuum eius.

Glória Patri.

Psalmus 85

Inclína, Dómine, aurem tuam, exáudi me, * quia miser et pauper sum ego.

Custódi ánimam meam, quia devótus sum tibi; * salvum fac servum tuum sperántem in te.

Deus meus es tu: miserére mei, Dómine, * quia assidue ad te clamo.

Lætifica ánimam servi tui, * quia ad te, Dómine, ánimam meam attóllo.

Tu enim, Dómine, es bonus et clemens, * plenus misericórdiæ in omnes qui invocant te.

Ausculta, Dómine, oratióem meam, * et atténde ad vocem obsecratióis meæ.

Die tribulatióis meæ clamo ad te, * quia exáudies me. —

Non est tibi par inter deos, Dómine, * et non est opus simile óperi tuo:

Omnes gentes, quas fecísti, vénient et adorábunt te, Dómine, * et prædicábunt nomen tuum.

Quia magnus es tu et facis mirabilia: * tu solus es Deus. —

Doce me, Dómine, viam tuam, ut ámbulem in veritate tua; * dirige cor meum, ut timeat nomen tuum.

Celebrábo te, Dómine, Deus meus, toto corde meo, * et prædicábo nomen tuum in ætérnum,

Quia misericórdia tua magna fuit erga me, * et eripuísti ánimam meam de profúndis inférni.

Deus, supérbi insurrexérunt contra me, et turba præpoténtium insidiátur vitæ meæ, * neque te ponunt ante óculos suos.

Sed tu, Dómine, Deus miséricors es et benígnus, * tardus ad iram, summe clemens et fidélis.

Réspice in me et miserére mei; * da robur tuum servo tuo, et salvum fac filium ancillæ tuæ.

Signum da mihi favóris tui, ut vídeant, qui odérunt me, et confundántur, * quod tu, Dómine, adjuveris me et consolátus sis me.

Glória Patri.

Psalmus 115

Confísus sum, étiam cum dixi: * « Ego afflictus sum valde »;

Ego dixi in pavóre meo: * « Omnis homo fallax! » Quid retribuam Dómino * pro ómnibus quæ tribuit mihi?

Cálicem salutis accípiam, * et nomen Dómini invocábo.

Vota mea Dómino reddam * coram omni pópulo eius.

Pretiósá est in óculis Dómini * mors sanctórum eius.

O Dómine, ego servus tuus sum, ego servus tuus, filius ancillæ tuæ: * solvísti víncula mea.

Tibi sacrificábo sacrificium laudis, * et nomen Dómini invocábo.

Vota mea Dómino reddam * coram omni pópulo eius,

In átriis domus Dómini, * in médio tui, Ierúsalem. Glória Patri.

Psalmus 129

De profúndis clamo ad te, Dómine, * Dómine, audi vocem meam!

Fiant aures tuæ inténtæ * ad vocem obsecratióis meæ. —

Si delictórum memóriam serváveris, Dómine, * Dómine, quis sustinébit?

Sed penes te est peccatórum vénia, * ut cum reveréntia serviátur tibi. —

Spero in Dóminum, * sperat ánima mea in verbum eius;

Exspéctat ánima mea Dóminum, * magis quam custódes auróram. —

Magis quam custódes auróram, * expéctet Israël Dóminum,

Quia penes Dóminum misericórdia * et copiósa penes eum redemptio:

Et ipse redimet Israël * ex ómnibus iniquitatibus eius.

Glória Patri.

Deinde repetitur:

Ant. Ne reminiscáris, Dómine, delicta nostra vel paréntum nostrórum, neque vindictam sumas de peccátis nostris. (T. P. Allelúia.)

Postea sacerdos dicit:

Kýrie, eléison. Christe, eléison. Kýrie, eléison. Pater noster.

✠. Et ne nos indúcas in tentatióem. **R.** Sed libera nos a malo.

✠. Ego dixi: Dómine, miserére mei. **R.** Sana animam meam, quia peccávi tibi.

✠. Convértere, Dómine, aliquántulum. **R.** Et deprecáre super servos tuos.

✠. Fiat misericórdia tua, Dómine, super nos. **R.** Quemádmódum sperávimus in te.

✠. Sacerdótes tui induántur iustítiam. **R.** Et Sancti tui exsúltent.

✠. Ab occúltis meis munda me, Dómine. **R.** Et ab aliénis parce servo tuo.

✠. Dómine, exáudi oratióem meam. **R.** Et clamor meus ad te véniat.

Orémus.

Aures tuæ pietátis, mitíssime Deus, inclína précibus nostris, et grátia Sancti Spíritus illúmina cor nostrum: ut tuis mystériis digne ministráre, teque tærna caritaté diligere mereámur.

Deus, cui omne cor patet et omnis volúntas lóquitur, et quem nullum latet secrétum: purifica per infusióem Sancti Spíritus cogitatióes cordis nostri; ut te perfécte diligere, et digne laudáre mereámur.

Ure igne Sancti Spíritus renes nostros et cor nostrum, Dómine: ut tibi casto corpore serviámus, et mundo corde placeámus.

Mentes nostras, quæsumus, Dómine, Paráclitus, qui a te procedít, illúminet: et indúcat in omnem, sicut tuus promísit Filius, veritatéem.

Adsit nobis, quæsumus, Dómine, virtus Spíritus Sancti: quæ et corda nostra cleménter expúrget et ab ómnibus tueátur advérsis.

Deus, qui corda fidélium Sancti Spíritus illustratióne docuísti: da nobis in eódem Spíritu recta sápere; et de eius semper consolatióne gaudére.

Consciéntias nostras, quæsumus, Dómine, visitándo purifica: ut véniens Dóminus noster Iesus Christus, Filius tuus, parátam sibi in nobis invéniat mansiόnem: Qui tecum vivit et regnat in unitate Spíritus Sancti Deus, per ómnia sæcula sæculórum. Amen.

Oratio sacerdotis ante Missam

Indulgentia trium annorum pro qualibet ex sequentibus orationibus, si in die assignata recitetur.
Pius Pp. XI, 3 octobris 1936.

Die dominica

Summe Sacérdos et vere Póntifex, qui te obtulisti Deo Patri hóstiam puram et immaculatam in ara crucis pro nobis miseris peccatóribus, qui dedisti nobis carnem tuam ad manducándum et ságuinem tuum ad bibéndum, et posuisti mystérium istud in virtúte Spíritus Sancti tui, dicens: Hæc quotiescúmque feceritis, in mei memóriam faciétis, rogo per Sanguinem tuum pretiósum, magnum salútis nostræ prétium, rogo per hanc miram et inenarrábilem caritatéem, qua nos miseros et indignos sic amáre dignátus es, ut laváres nos a peccátis nostris in Sanguine tuo. Doce me, indignum servum tuum, quem inter cetera dona tua étiam ad officium sacerdotále vocáre dignátus es, nullis meis méritis, sed sola dignatióne misericórdiæ tuæ; doce me, quæso, per Spíritum Sanctum tuum tantum tractáre mystérium ea reveréntia et

honóre, ea devotióne et timóre, quibus opórtet et decet. Fac me per grátiam tuam semper illud de tanto mystério crédere et intellégere, sentíre et firmiter retinére, dícere et cogitáre quod tibi placet et expedit ánimæ meæ. Intret Spíritus tuus bonus in cor meum, qui sonet ibi sine sono et sine strépitu verbórum; loquátur omnem veritatéem tantórum mysteriorum. Profúnda quippe sunt nimis et sacro tecta velámíne. Propter magnam cleméntiam tuam concéde mihi Missárum solémnia puro corde et munda mente celebráre. Libera cor meum ab immúndis et nefándis, vanis et nóxiis cogitatióibus. Muni me beatórum Angelórum pia et fida custódia atque fortíssima tutéla, ut hostes ómnium bonórum confúsi discédant. Per virtutem tanti mystérii, et per manum sancti Angeli tui, repélle a me et a cunctis servis tuis duríssimum spíritum supérbiæ et cenodóxiæ, invidiæ et blasphemíæ, fornicatióis et immunditiæ, dubietátis et diffidéntiæ. Confundántur qui nos persequúntur, péreant illi qui pérdere cuncta festínant.

Feria secunda

Rex víginum, amátor castitátis et integritátis, Deus, cælésti rore benedictiόnis tuæ exstingue in corpore meo totum fontem ardéntis libidinis, ut máneat in me tenor totiús castitátis corpóris et ánimæ. Mortifica in membris meis carnis stímulus omnésque libidinósas commotiόes, et da mihi veram et perpétuam castitatéem, cum céteris bonis tuis, quæ tibi placent in veritaté; ut sacrificium laudis casto corpore et mundo corde quotidie váleam tibi offérre. Quanta enim cordis contritióne et lacrimárum fonte, quanta reveréntia et tremóre, quanta corpóris castitaté et ánimæ puritaté istud divinum et cæléste sacrificium est celebrándum, Dómine, ubi caro tua in veritaté súmitur, ubi sanguis tuus in veritaté bíbitur, ubi ima summis coniungúntur, ubi adest sanctorum præsentia Angelórum, ubi tu es sacérdos et sacrificium mirabiliter et ineffabiliter.

Feria tertia

Quis digne hoc sacrificium celebráre potest, nisi tu, omnipotens Deus, offeréntem féceris dignum? Scio, Dómine, et vere scio, et idípsum bonitati tuæ confíteor quod non sum dignus accédere ad tantum mystérium propter nimia peccáta et infinitas negéncias meas. Sed scio, et veráciter credo, ex toto corde meo credo, et ore confíteor, quia tu potes me fácere dignum, qui solus potes fácere mundum de immúndo concéptum sémíne, et de peccatóribus iustos facis et sanctos. Per hanc omnipoténtiam tuam, te rogo, concéde mihi peccatóri hoc cæléste sacrificium celebráre cum timóre et tremóre, cum cordis puritaté et lacrimárum fonte, cum lætítia spiritali et cælésti gáudio. Séntiat mens mea dulcedinem beatissimæ præsentia tuæ, et excúbias sanctorum Angelórum tuórum in circúitu meo.

Feria quarta

Ego enim, Dómine, memor venerandæ passiόis tuæ, accédo ad altáre tuum, licet peccátor, ut offeram tibi sacrificium quod tu instituísti et offérri præcepísti in commemoratióne tua pro salúte nostra. Súscipe ergo illud, quæso, summe Deus, pro Ecclésia tua sancta, pro pópulo tuo quem acquisísti ságuine tuo. Et quóniam me peccatórem inter te et eundem pópulum tuum, médium esse voluísti, licet in me boni óperis testimoniónum non agnóscas, officium saltem dispensatiόis crédita non recúses; nec, per me indignum, eórum salútis péreat prétium, pro quibus víctima factus salutáris dignátus es esse redemptio. Prófero ergo, Dómine, si dignéris propítius intuéri, tribulatiόes plébiúm, perícula populórum, captivórum gémitus, misérias orphanórum, necessitatés peregrinórum, inópiam debílium, desperatiόes languéntium, defectus senum, suspiria iúvenum, vota vírginum, láménta viduárum.

Feria quinta

Tu enim miseréris ómnium, Dómine, et nihil odísti eórum quæ fecísti. Memoráre quæ sit nostra substántia, quia tu Pater noster es, quia tu Deus no-

ster es, ne irascaris satis, neque multitudinem viscerum tuorum super nos contineas. Non enim in iustificationibus nostris prosternimus preces ante faciem tuam, sed in miserationibus tuis multis. Aufer a nobis, Dómine, iniquitates nostras et ignem Sancti Spíritus in nobis clementer accende. Aufer cor lapideum de carne nostra et da nobis cor cárneum, quod te timeat, te amet, te diligat, te delectetur, te sequatur, te perfruatur. Orámus, Dómine, cleméntiam tuam, ut sereno familiam tuam, sacri tui nóminis officia præstolantem, aspicere digneris vultu; et, ut nullius sit irritum votum, nullius vácuá supplicatio, tu nobis preces suggere, quas ipse audire propitius et exaudire delecteris.

Feria sexta

Rogamus te étiam, Pater sancte, et pro spirítibus fidélium defunctorum, ut sit illis salus, sánitas, gáudium et refrigérium hoc magnum pietátis sacraméntum. Deus meus, sit illis hódie magnum et plenum convívium de te pane vivo, qui de cælo descendisti et das vitam mundo, de tua carne sancta et benedicta, Agni videlicet immaculati, qui tollit peccata mundi, quæ de sancto et glorioso beatæ Virginis Mariæ útero est assumpta et de Spíritu Sancto concépta; de illo inquam pietátis fonte, qui per lanceam militis ex tuo sanctissimo latere emanávit: ut exinde satiati, refrigerati, refecti et consolati exsultent in laude et glória tua. Peto cleméntiam tuam, ut descendat super panem et cálicem plenitúdo tuæ benedictionis, et sanctificatio tuæ divinitátis. Descendat étiam, Dómine, illa Sancti Spíritus tui invisibilis incomprehensibilisque maiestas, sicut quondam in patrum hostiis descendebat; qui et oblationes nostras Corpus et Sanguinem tuum efficiat, et me indignum sacerdotem tuum doceat tantum tractare mystérium cum cordis puritate et lacrimarum fonte, cum reveréntia et tremóre, ita ut plácide et benigne suscipias sacrificium de manibus meis, ad salutem ómnium tam vivorum quam et defunctorum.

Sabbato

Rogo te, Dómine, per ipsum sacrosáctum mystérium corporis et sanguinis tui, quo quotidie in Ecclesia tua páscimur et potámur, abluimur et sanctificámur, atque unius summæ divinitátis participes effícimur. Da mihi virtutes tuas sanctas, quibus replétus bona conscientia ad altáre tuum accédam, ita ut hæc cælestia sacraménta efficiantur mihi salus et vita. Tu enim dixisti ore tuo sancto et benedicto: Panis quem ego dabo, caro mea est pro mundi vita. Qui manducat me vivit propter me. Ipse manet in me et ego in eo. Ego sum panis vivus, qui de cælo descendi. Si quis manducáverit ex hoc pane, vivet in ætérnum. Panis dulcissime, sana palátum cordis mei, ut sentiam suavitatem amoris tui. Sana eum ab omni languóre, ut nullam præter te sentiam dulcedinem, nullum præter te quærat amorem, nullam præter te amet pulchritudinem. Panis candidissime, habens omne delectaméntum et omnem sapórem, qui nos semper réficis et in te numquam defícis, comedat te cor meum, et dulcedine sapóris tui repleantur viscera animæ meæ. Manducat te Angelus pleno ore: manducat te peregrinus homo pro móduo suo, ne defícere possit in via, tali recreátus viático. Panis sancte, panis vive, panis pulcher, panis munde, qui descendisti de cælo et das vitam mundo, veni in cor meum et munda me ab omni inquinaménto carnis et spíritus. Intra in animam meam. Sana et sanctifica me intérius et extérius. Esto tutámen et continúa salus animæ et corporis mei. Repélle a me insidiántes mihi hostes. Recédant procul a poténtia præsentiae tuæ, ut foris et intus munítus per te recto trámite ad regnum tuum pervéniam, ubi non in mystériis, sicut in hoc témpore ágitur, sed facie ad faciem te vidébimus, cum tradideris regnum Deo et Patri, et Deus eris ómnia in ómnibus. Tunc enim me de te satiábis satietate mirífica, ita ut neque esúriam, neque sitiám in ætérnum. Amen.

Oratio S. Ambrosii ante Missam

Indulgentia trium annorum. Pius Pp. XI, 3 octobris 1936.

Ad mensam dulcissimi convívii tui, pie Dómine Iesu Christe, ego peccátor de própriis meis méritis nihil præsumens, sed de tua confidens misericórdia et bonitate, accédere véreor et contremisco. Nam cor et corpus hábeo multis criminibus maculátum, mentem et linguam non caute custoditam. Ergo, o pia Déitas, o treménda maiestas, ego miser, inter angustias deprehensus, ad te fontem misericórdiæ recúrro, ad te festíno sanándus, sub tuam protectiónem fúgio; et, quem iúdicem sustinére néqueo, salvatórem habére suspiro. Tibi, Dómine, plagas meas osténdo, tibi verecúndiam meam détego. Scio peccata mea multa et magna, pro quibus timeo: spero in misericórdias tuas, quarum non est número. Respice ergo in me óculis misericórdiæ tuæ, Dómine Iesu Christe, Rex ætérne, Deus et homo, crucifixus propter hóminem. Exáudi me sperántem in te: miserere mei pleni misériis et peccátis, tu qui fontem miserationis numquam manáre cessábis. Salve, salutáris víctima, pro me et omni humáno génere in patíbulo crucis oblata. Salve, nóbilis et pretióse Sanguis, de vulneribus crucifixi Dómini mei Iesu Christi prófluens, et peccata totius mundi ábluens. Recordáre, Dómine, creaturæ tuæ, quam tuo ságuine redemísti. Pænitet me peccásse, cúpio emendáre quod feci. Aufer ergo a me, clementissime Pater, omnes iniquitates et peccata mea; ut, purificátus mente et corpore, digne degustáre mérear Sancta sanctorum. Et concède, ut hæc sancta prælibatio corporis et sanguinis tui, quam ego indignus súmere inténdo, sit peccatorum meorum remissio, sit delictórum perfectá purgatio, sit túrpius cogitatórum effugatio ac bonórum sénsuum regeneratio, operúmque tibi placéntium salúbris efficácia, animæ quoque et corporis contra inimicórum meórum insidias firmissima tuftio. Amen.

Oratio S. Thomæ Aquinatis

Indulgentia trium annorum; plenaria, dummodo quotidiana orationis recitatio in integrum mensem producta fuerit, et præterea sacramentalis confessio, alicuius ecclesiæ vel publici oratorii visitatio et ad mentem Summi Pontificis preces additæ fuerint. Pius Pp. XI, 10 decembris 1936.

Omnipotens sempitérne Deus, ecce accédo ad sacraméntum unigéniti Filii tui, Dómini nostri, Iesu Christi; accédo tamquam infirmus ad médicum vitæ, immúndus ad fontem misericórdiæ, cæcus ad lumen claritátis ætérnæ, pauper et egénus ad Dóminum cæli et terræ. Rogo ergo imménsæ largitátis tuæ abundántiam, quatenus meam curáre digneris infirmitatem, laváre fœditatem, illumináre cecitatem, ditáre paupertatem, vestíre nuditatem; ut panem Angelórum, Regem regum et Dóminum dominántium, tanta suscipiam reveréntia et humilitate, tanta contritíone et devotíone, tanta puritate et fide, tali propósito et intentione, sicut expédit salúti animæ meæ. Da mihi, quæso, Dóminici corporis et sanguinis non solum suscipere sacraméntum, sed étiam rem et virtutem sacraménti. O mitissime Deus, da mihi corpus unigéniti Filii tui, Dómini nostri, Iesu Christi, quod traxit de Virgine Mariá, sic suscipere, ut corpore suo mystico mérear incorporári, et inter eius membra connumerári. O amantissime Pater, concède mihi diléctum Filium tuum, quem nunc velátum in via suscipere propóno, revelata tandem facie perpétuo contemplári: Qui tecum vivit et regnat in unitate Spíritus Sancti Deus, per ómnia sæcula sæculórum. Amen.

Oratio ad B. Mariam Virg. ante Missam

Indulgentia trium annorum. Pius Pp. XI, 3 octobris 1936.

OMater pietátis et misericórdiæ, beatíssima Virgo María, ego miser et indignus peccátor ad te confúgio toto corde et afféctu; et precor pietátem tuam, ut, sicut dulcissimo Filio tuo in cruce pendénti astitísti, ita et mihi, mísero peccatóri, et sacerdotibus ómnibus, hic et in tota sancta Ecclesia hódie offerén-

tibus, clemēter assistere dignēris, ut, tua grātia adiūti, dignam et acceptābilem hōstiam in conspectu summæ et individuae Trinitatis offerre valeamus. Amen.

Preces ad S. Ioseph

Indulgentia trium annorum. Pius Pp. XI, 3 octobris 1936.

O felicem virum, beatum Ioseph, cui datum est Deum, quem multi reges voluerunt videre et non viderunt, audire et non audierunt, non solum videre et audire, sed portare, deosculari, vestire et custodire!

V. Ora pro nobis, beate Ioseph. **R.** Ut digni efficiamur promissionibus Christi.

Orémus.

Deus, qui dedisti nobis regale sacerdotium: præsta, quæsumus; ut, sicut beatus Ioseph unigenitum Filium tuum, natum ex Maria Virgine, suis manibus reverenter tractare meruit et portare, ita nos facias cum cordis munditia et operis innocentia tuis sanctis altaribus deservire, ut sacrosanctum Filii tui corpus et sanguinem hodie digne sumamus, et in futuro sæculo præmium habere mereamur æternum. Per eundem Christum Dominum nostrum. Amen.

Oratio ad omnes Angelos et Sanctos

Indulgentia trium annorum. Pius Pp. XI, 3 octobris 1936.

Angeli, Archangeli, Throni, Dominationes, Principatus, Potestates, Virtutes caelorum, Cherubim atque Seraphim, omnes Sancti et Sanctæ Dei, præsertim Patroni mei, intercedere dignemini pro me, ut hoc sacrificium Deo omnipotenti digne valeam offerre, ad laudem et gloriam nominis sui et ad utilitatem meam totiusque Ecclesiæ suæ sanctæ. Amen.

Oratio ad Sanctum in cuius honorem Missa celebratur

Indulgentia trium annorum. Pius Pp. XI, 3 octobris 1936.

O sancte N., ecce ego miser peccator, de tuis meritis confisus, offero nunc sacratissimum sacramentum corporis et sanguinis Domini nostri Iesu Christi pro tuo honore et gloria. Precor te humiliter et devote, ut pro me hodie intercedere digneris, ut tantum sacrificium digne et acceptabiliter offerre valeam, ut eum tecum et cum omnibus electis eius æternaliter laudare, atque cum eo regnare valeam: Qui vivit et regnat in sæcula sæculorum. Amen.

Formula intentionis ante Missam

Indulgentia quingentorum dierum. Pius Pp. XI, 12 iulii 1935.

Ego volo celebrare Missam, et conficere corpus et sanguinem Domini nostri Iesu Christi, iuxta ritum sanctæ Romanæ Ecclesiæ, ad laudem omnipotentis Dei totiusque Curiæ triumphantis, ad utilitatem meam totiusque Curiæ militantis, pro omnibus qui se commendaverunt orationibus meis in genere et in specie, et pro felici statu sanctæ Romanæ Ecclesiæ. Amen.

Gaudium cum pace, emendationem vitæ, spatum veræ penitentiae, gratiam et consolationem Sancti Spiritus, perseverantiam in bonis operibus, tribuat nobis omnipotens et misericors Dominus. Amen.

ORATIONES

DICENDÆ CUM SACERDOS INDUITUR SACERDOTALIBUS PARAMENTIS

Indulgentia centum dierum pro singulis orationibus. Pius Pp. XII, 14 ianuarii 1940.

Cum lavat manus, dicat:

Da, Domine, virtutem manibus meis ad abstergendam omnem maculam; ut sine pollutione mentis et corporis valeam tibi servire.

Ad amictum, dum ponitur super caput, dicat:

Impone, Domine, capiti meo galeam salutis, ad expugnandos diabólicos incursus.

Ad albam, cum ea induitur:

Dealba me, Domine, et munda cor meum; ut, in sanguine Agni dealbatus, gaudiis perfruar sempiternis.

Ad cingulum, dum se cingit:

Præcinge me, Domine, cingulo puritatis, et exstingue in lumbis meis humorem libidinis; ut maneat in me virtus continentiae et castitatis.

Ad manipulum, dum imponitur brachio sinistro:

Merear, Domine, portare manipulum fletus et doloris; ut cum exultatione recipiam mercedem laboris.

Ad stolam, dum imponitur collo:

Redde mihi, Domine, stolam immortalitatis, quam perdidisti in pravaricatione primi parentis; et, quamvis indignus accedo ad tuum sacrum mysterium, merear tamen gaudium sempiternum.

Ad casulam, cum assumitur:

Domine, qui dixisti: Iugum meum suave est et onus meum leve: fac, ut istud portare sic valeam, quod consequar tuam gratiam. Amen.

ORATIONES

DICENDÆ AB EPISCOPO
QUANDO IN PONTIFICALIBUS CELEBRAT

Indulgentia centum dierum pro singulis orationibus. Pius Pp. XII, 14 ianuarii 1940.

Ad caligas:

Calcea, Domine, pedes meos in præparationem Evangelii pacis, et protege me in velamento alarum tuarum.

Cum exiit cappa:

Exue me, Domine, veterem hominem cum moribus et actibus suis: et indue me novum hominem, qui secundum Deum creatus est in iustitia, et sanctitate veritatis.

Cum lavat manus:

Da, Domine, virtutem manibus meis ad abstergendam omnem maculam immundam; ut sine pollutione mentis et corporis valeam tibi servire.

Ad amictum:

Impone, Domine, galeam salutis in capite meo ad expugnandas omnes diabólicas fraudes, inimicorum omnium versutias superando.

Ad albam:

Dealba me, Domine, et a delicto meo munda me: ut cum his, qui stolas suas dealbaverunt in sanguine Agni, gaudiis perfruar sempiternis.

Ad cingulum:

Præcinge me, Domine, cingulo fidei et virtute castitatis lumbos meos, et exstingue in eis humorem libidinis; ut iugiter maneat in me vigor totius castitatis.

Cum accipit crucem pectoralem:

Munire digneris me, Domine Iesu Christe, ab omnibus insidiis inimicorum omnium, signo sanctissimæ crucis tuæ: ac concedere digneris mihi indigno servo tuo, ut sicut hanc crucem, Sanctorum tuorum reliquiis refertam, ante pectus meum teneo, sic semper mente retineam et memoriam passionis, et sanctorum victorias Martyrum.

Ad stolam:

Redde mihi, Domine, óbsecro, stolam immortalitatis, quam perdidisti in pravaricatione primi parentis: et, quamvis indignus accedere præsumo ad tuum sacrum mysterium cum hoc ornamento, præsta, ut in eodem in perpetuum merear lætari.

Ad tunicellam:

Tunica iucunditatis, et indumento lætitiæ induat me Dóminus.

Ad dalmaticam:

Indue me, Dómine, indumento salutis et vestimento lætitiæ; et dalmática iustitiæ circumda me semper.

Ad chirothecas:

Circumda, Dómine, manus meas munditia novi hominis, qui de cælo descendit: ut, quemadmodum Iacob dilectus tuus, pelliculis hædorum opertis manibus, paternam benedictionem, oblato patri cibo potuque gratissimo, impetravit; sic et oblata per manus nostras salutari hostia, gratiæ tuæ benedictionem merear. Per Dóminum nostrum Iesum Christum Filium tuum, qui in similitudinem carnis peccati pro nobis obtulit semetipsum.

Ad planetam:

Dómine, qui dixisti: Iugum meum suave est, et onus meum leve: præsta, ut illud portare sic valeam, quod possim consequi tuam gratiam.

Ad mitram:

Mitram, Dómine, et salutis galeam impone capiti meo; ut contra antiqui hostis omniumque inimicorum meorum insidias inoffensus evadam.

Ad anulum:

Cordis et corporis mei, Dómine, digitos virtute decora, et septiformis Spíritus sanctificatione circumda.

Ad manipulum:

Merear, precor, Dómine, manipulum portare mente flebili; ut cum exultatione portionem accipiam cum iustis.

ORATIONES

DICENDÆ AB EPISCOPO QUANDO
NON IN PONTIFICALIBUS CELEBRAT

Indulgentia centum dierum pro singulis orationibus.
Pius Pp. XII, 14 ianuarii 1940.

Cum exiit cappa:

Fxue me, Dómine, veterem hominem cum moribus et actibus suis: et indue me novum hominem,

qui secundum Deum creatus est in iustitia, et sanctitate veritatis.

Cum lavat manus:

Da, Dómine, virtutem manibus meis ad abstergendam omnem maculam immundam; ut sine pollutione mentis et corporis valeam tibi servire.

Ad amictum:

Impone, Dómine, capiti meo galeam salutis ad expugnandos diabólicos incursus.

Ad albam:

Dealba me, Dómine, et munda cor meum; ut in sanguine Agni dealbatus, gaudiis perfruar sempiternis.

Ad cingulum:

Præcinge me, Dómine, cingulo puritatis, et extingue in lumbis meis humorem libidinis; ut maneat in me virtus continentiae et castitatis.

Cum accipit crucem pectoralem:

Munire digneris me, Dómine Iesu Christe, ab omnibus insidiis inimicorum omnium, signo sanctissimæ crucis tuæ: ac concedere digneris mihi indigno servo tuo, ut sicut hanc crucem, Sanctorum tuorum reliquiis refertam, ante pectus meum teneo, sic semper mente retineam et memoriam passionis, et sanctorum victorias Martyrum.

Ad stolam:

Redde mihi, Dómine, obsecro, stolam immortalitatis, quam perdidisti in prævaricatione primi parentis: et, quamvis indignus accedere præsumo ad tuum sacrum mysterium cum hoc ornamento, præsta, ut in eodem in perpetuum merear lætari.

Ad planetam:

Dómine, qui dixisti: Iugum meum suave est, et onus meum leve: præsta, ut illud portare sic valeam, quod possim consequi tuam gratiam.

Ad manipulum:

Merear, precor, Dómine, manipulum portare mente flebili; ut cum exultatione portionem accipiam cum iustis.

GRATIARUM ACTIO POST MISSAM

PRO OPPORTUNITATE SACERDOTIS FACIENDA

Quilibet sacerdos, ex concessione Pii Pp. XI sub die 3 octobris 1936, lucrari potest: indulgentiam quinque annorum, si post Missam celebratam, recitet canticum trium puerorum et psalmum 150 cum adnexa antiphona, versiculis et Orémus, ut infra; plenariam, si per integrum mensem prædictas preces cotidie recitaverit, accedente sacramentali confessione et oratione ad mentem Summi Pontificis.

Ant. Trium puerorum * cantemus hymnum, quem cantabant Sancti in camino ignis, benedicentes Dómino. (T. P. Allelúia.)

Canticum trium Puerorum

Dan. 3, 57-88 et 56

Benedicite, omnia opera Dómini, Dómino; * laudate et superexaltate eum in sæcula.

Benedicite, Angeli Dómini, Dómino; * benedicite, cæli, Dómino.

Benedicite, aquæ omnes quæ super cælos sunt, Dómino; * benedicite, omnes exercitus Dómini, Dómino.

Benedicite, sol et luna, Dómino; * benedicite, stellæ cæli, Dómino. —

Benedicite, omnis imber et ros, Dómino; * benedicite, omnes venti, Dómino.

Benedicite, ignis et æstus, Dómino; * benedicite, frigus et alor, Dómino.

Benedicite, rores et pluvia, Dómino; * benedicite, glacies et gelu, Dómino.

Benedicite, pruina et nives, Dómino; * benedicite, noctes et dies, Dómino.

Benedicite, lux et tenebræ, Dómino; * benedicite, fûlgora et nubes, Dómino. —

Benedicat terra Dómino, * laudet et superexaltet eum in sæcula.

Benedicite, montes et colles, Dómino; * benedicite, universa germinantia in terra, Dómino.

Benedicite, fontes, Dómino; * benedicite, mária et flûmina, Dómino.

Benedicite, cete, et omnia quæ movéntur in aquis, Dómino; * benedicite, omnes volucres cæli, Dómino.

Benedicite, omnes bestiae et pécora, Dómino; * laudate et superexaltate eum in sæcula. —

Benedicite, filii hominum, Dómino; * benedicite, Israël, Dómino.

Benedicite, sacerdotes Dómini, Dómino; * benedicite, servi Dómini, Dómino.

Benedicite, spíritus et animæ iustorum, Dómino; * benedicite, sancti et humiles corde, Dómino.

Benedicite, Ananía, Azaría, Misaël, Dómino; * laudate et superexaltate eum in sæcula.

Benedicamus Patrem et Filium cum Sancto Spíritu: * laudemus et superexaltemus eum in sæcula.

Benedictus es, Dómine, in firmamento cæli; * et laudabilis, et superexaltatus in sæcula.

¶ Hic non dicitur Glória Patri, neque Amen.

Psalmus 150

Laudate Dóminum in sanctuario eius, * laudate eum in augústo firmamento eius.

Laudate eum propter grándia opera eius, * laudate eum propter summam maiestatem eius.

Laudáte eum clangóre tubæ, * laudáte eum psalterio et cithara.

Laudáte eum tŷmpano et choro, * laudáte eum chordis et órgano.

Laudáte eum cŷmbalis sonóris, laudáte eum cŷmbalis crepitántibus: * omne quod spirat, laudet Dóminum!

Glória Patri.

Ant. Trium puerórum cantémus hymnum, quem cantábant Sancti in camíno ignis, benedicéntes Dóminum. (T. P. Allelúia.)

Postea sacerdos dicit:

Kýrie, eléison. Christe, eléison. Kýrie, eléison.

Pater noster.

Ų. Et ne nos indúcas in tentatiónem. **R.** Sed libera nos a malo.

Ų. Confiteántur tibi, Dómine, ómnia ópera tua.

R. Et Sancti tui benedicánt tibi.

Ų. Exsultábunt Sancti in glória. **R.** Lætábuntur in cubilibus suis.

Ų. Non nobis, Dómine, non nobis. **R.** Sed nómini tuo da glóriam.

Ų. Dómine, exáudi oratióem meam. **R.** Et clamor meus ad te véniat.

Orémus.

Deus, qui tribus pŷeris mitigásti flammam ignium: concéde propitius; ut nos fámulos tuos non exúrat flamma vitiórum.

Actiões nostras, quæsumus, Dómine, aspirádo præveni et adiuvádo proséquere: ut cuncta nostra orátio et operátio a te semper incípiat, et per te cœpta finiátur.

Da nobis, quæsumus, Dómine, vitiórum nostrórum flammam exstinguere: qui beato Lauréntio tribuísti tormentórum suórum incéndia superáre. Per Christum Dóminum nostrum. **R.** Amen.

Oratio S. Thomæ Aquinatis

Indulgentia trium annorum; plenaria, oratione quotidie in integrum mensem pie reiterata et additis sacramentali confessione, alicuius ecclesie vel publici oratorii visitatione et precibus ad Summi Pontificis mentem. Pius Pp. XI, 22 novembris 1934.

Grátias tibi ago, Dómine sancte, Pater omnípotens, ætérne Deus, qui me peccatórem, indígnum fámulum tuum, nullis meis méritis, sed sola dignatióne misericórdiæ tuæ satiáre dignátus es pretiósó corpore et ságuine Filii tui, Dómini nostri, Iesu Christi. Et precor, ut hæc sancta commúnio non sit mihi reátus ad pœnam, sed intercessió salutáris ad véniam. Sit mihi armatúra fidei, et scutum bonæ voluntátis. Sit vitiórum meórum evacuátio, concupiscétiæ et libidinis exterminátio, caritátis et patiéntiæ, humilitátis et obediétiæ, omniúmq; virtútum augmentatió: contra insídias inimicórum ómnium, tam visibílium quam invisibílium, firma defénsio: mótuum meórum, tam carnálium quam spirituálium, perfécta quietatió: in te uno ac vero Deo firma adhæsió; atque finis mei felix consummátio. Et precor te ut ad illud ineffábile convívium me peccatórem perdúcere dignéris, ubi tu, cum Filio tuo et Spirítu Sancto, Sanctis tuis es lux vera, satietas plena, gáudium sempitérnum, iucúnditas consummáta et felicitas perfécta. Per eúndem Christum Dóminum nostrum. Amen.

Alia Oratio

Indulgentia trium annorum. Pius Pp. XI, 3 octobris 1936.

Transfige, dulcíssime Dómine Iesu, medúllas et víscera animæ meæ suavíssimo ac salubérrimo amoris tui vŷlnere, vera serenáque et apostólica sanctíssima caritáte, ut lángueat et liquefiat ánima mea solo semper amore et desidério tui; te concupíscat et deficiat in átria tua, cúpiat dissólvi et esse tecum. Da, ut ánima mea te esúriat, panem Angelórum, refectiόnem animárum sanctárum; panem nostrum quotidianum, supersubstantiálem, habéntem omnem dulcedinem et sapórem, et omne delectaméntum

suavitátis. Te, in quem desidérant Angeli prospícere, semper esúriat et cómedat cor meum, et dulcedine sapóris tui repleántur víscera animæ meæ; te semper sitiát fontem vitæ, fontem sapiétiæ et sciétiæ, fontem ætérni lúminis, torréntem voluptátis, ubertátem domus Dei. Te semper ámbiat, te quærat, te invéniat, ad te tendat, ad te pervéniat, te meditétur, te loquátur, et ómnia operétur in laudem et glóriam nóminis tui, cum humilitáte et discretiόne, cum dilectiόne et delectatiόne, cum facilitáte et affectu, cum perseverántia usque in finem; ut tu sis solus semper spes mea, tota fidúcia mea, divitiæ meæ, delectatiό mea, iucúnditas mea, gáudium meum, quies et tranquillitas mea, pax mea, suávitatis mea, odor meus, dulcedo mea, cibus meus, refectiό mea, refúgium meum, auxiliúm meum, sapiétiá mea, pórtio mea, posséssio mea, thesáurus meus, in quo fixa et firma et immobiliter semper sit radicáta mens mea et cor meum. Amen.

Rhythmus S. Thomæ Aquinatis

Indulgentia quinque annorum toties quoties; septem annorum, si rhythmus vel eiusdem postrema tantum strophæ coram Ssmo Eucharistiæ Sacramento recitatus fuerit; plenaria sœtis conditionibus, quotidiana rhythmi recitatione in integrum mensem producta. Pius Pp. XI, 12 martii 1936 et Pius Pp. XII, 12 iulii 1941.

Adoro te devôte, latens Déitas,
Quæ sub his figúris vere látitas:
Tibi se cor meum totum súbicít,
Quia, te contéplans, totum déficit.

Visus, tactus, gustus in te fállitur,
Sed audítu solo tuto créditur:
Credo quiddid dixit Dei Filius,
Nil hoc verbo Veritátis vérius.

In cruce latébat sola Déitas,
At hic latet simul et humanitas;
Ambo tamen credens atque cónfitens,
Peto quod petívit latro pœnitens.

Plagas, sicut Thomas, non intúeor,
Deum tamen meum te confíteor:
Fac me tibi semper magis crédere,
In te spem habére, te dilígere.

O memoriále mortis Dómini,
Panis vivus, vitam præstans hómini,
Præsta meæ menti de te vívere
Et te illi semper dulce sápere.

Pie pellicáne, Iesu Dómine,
Me immúndum munda tuo ságuine,
Cuius una stilla salvum fácere
Totum mundum quít ab omni scélere.

Iesu, quem velátum nunc aspicio,
Oro, fiat illud quod tam sitio;
Ut, te reveláta cernens faciē,
Visu sim beátus tuæ glóriæ. Amen.

Aspirationes ad Ssmum Redemptorem

Indulgentia septem annorum, si sacerdos post Missam invocationes pie recitaverit; trecentorum dierum toties quoties; plenaria sœtis conditionibus, dummodo quotidie per integrum mensem invocationum recitatio devote peracta fuerit. Pius Pp. IX, 9 ianuarii 1854.

Anima Christi, sanctífica me. Corpus Christi, salva me. Sanguis Christi, inébria me. Aqua láteris Christi, lava me. Pássio Christi, confórta me. O bone Iesu, exáudi me. Intra tua vŷlnera absconde me. Ne permittas me separári a te. Ab hoste maligno defénde me. In hora mortis meæ voca me. Et iube me veníre ad te, ut cum Sanctis tuis laudem te in sæcula sæculórum. Amen.

Oblatio sui

Indulgentia trium annorum; plenaria sœtis conditionibus, si quotidie per integrum mensem actus oblationis devote recitatus fuerit. Pius Pp. XI, 4 decembris 1932.

Súscipe, Dómine, univérsam meam libertátem. Accipe memóriam, intelléctum atque voluntátem omnem. Quidquid hábeo vel possideo, mihi largitus es: id tibi totum restituo, ac tuæ prorsus voluntáti

trado gubernandum. Amorem tui solum cum gratia tua mihi dones, et dives sum satis, nec aliud quidquam ultra posco.

Oratio ad D. N. I. C. crucifixum

Indulgentia decem annorum; plenaria recitantibus post Missam coram Iesu Christi crucifixi imagine et orantibus ad mentem Summi Pontificis. Pius Pp. XI, 2 februarii 1934.

En ego, o bone et dulcissime Iesu, ante conspectum tuum genibus me provolvo, ac maximo animi ardore te oro atque obtestor, ut meum in cor vividus fidei, spei et caritatis sensus, atque veram peccatorum meorum penitentiam, eaque emendandi firmissimam voluntatem velis imprimere; dum magno animi affectu et dolore tua quinque vulnera mecum ipse considero ac mente contempler, illud prae oculis habens, quod iam in ore ponebat tuo David Propheta de te, o bone Iesu: Foderunt manus meas et pedes meos: dinumeraverunt omnia ossa mea. (Ps. 21, 17 et 18).



Oratio universalis sub nomine Clementis Pp. XI vulgata

Indulgentia quinque annorum, si sacerdos post Missam orationem devote recitaverit; plenaria, suetis condicionibus, si per integrum mensem eandem recitationem pie persolverit. Ioannes Pp. XXIII, 11 martii 1960.

Credo, Domine, sed credam firmiter; spero, Domine, sed sperem securius; amo, Domine, sed amem ardentius; doleo, Domine, sed doleam vehementius.

Adoro te ut primum principium, desidero ut finem ultimum, laudo ut benefactorem perpetuum, invoco ut defensorem propitium.

Tua me sapientia dirige, iustitia contine, clementia solare, potentia protege.

Offero tibi, Deus, cogitanda, ut sint ad te; dicenda, ut sint de te; facienda, ut sint secundum te; ferenda, ut sint propter te.

Volo quod vis; volo, quia vis; volo, quomodo vis; volo, quamdiu vis.

Oro, Domine, intellectum illumines, voluntatem inflames, corpus emundes, animam sanctifices.

Defleam praeteritas iniquitates, repellam futuras tentationes, corrigan vitiosas propensiones, excolam idoneas virtutes.

Tribue mihi, bone Deus, amorem tui, odium mei, zelum proximi, contemptum mundi.

Studeam superioribus obedire, inferioribus subvenire, amicis consulere, inimicis parcere.

Vincam voluptatem austeritate, avaritiam largitate, iracundiam lenitate, tepiditatem pietate.

Redde me prudentem in consiliis, constantem in periculis, patientem in adversis, humilem in prosperis.

Fac, Domine, ut sim in oratione attentus, in epulis sobrius, in munere sedulus, in proposito firmus.

Curem habere innocentiam interiorem, modestiam exteriorem, conversationem exemplarem, vitam regularem.

Naturae invigilem domandae, gratiae fovendae, legi servandae, salutem promerendae.

Discam a te quam tenuis quod terrenum, quam grande quod divinum, quam breve quod temporaneum, quam durabile quod aeternum.

Da mortem praeviam, iudicium periteam, infernum effugiam, paradisum obtineam. Per Christum Dominum nostrum.

R. Amen.

Alia Oratio

Indulgentia trium annorum. Pius Pp. IX, 11 decembris 1846. Insuper hanc orationem recitanti flexis genibus, nisi impediatur, conceditur remissio defectuum et culparum in celebratione Missae ex humana fragilitate contractarum. Pius Pp. X, 29 augusti 1912.

Obsecro te, dulcissime Domine Iesu Christe, ut passio tua sit mihi virtus, qua muniar, protegar atque defendar; vulnera tua sint mihi cibus potusque, quibus pascar, inebrier atque delecter; aspersionis sanguinis tui sit mihi ablutio omnium delictorum meorum; mors tua sit mihi vita indeficiens, crux tua sit mihi gloria sempiterna. In his sit mihi refectio, exultatio, sanitas et dulcedo cordis mei: Qui vivis et regnas in saecula saeculorum. Amen.

Oratio ad B. Mariam Virginem

Indulgentia trium annorum. Pius Pp. XI, 3 octobris 1936.

O Maria Virgo et Mater sanctissima, ecce suscepisti dilectissimum Filium tuum, quem immaculato utero tuo concepisti, genuisti, lactasti, atque suavissimis amplexibus strinxisti. Ecce, cuius aspectu letabaris et omnibus deliciis replebaris, illum ipsum tibi humiliter et amanter repraesento et offero, tuis brachiis constringendum, tuo corde amandum, sanctissimaeque Trinitati in supremum patriae cultum, pro tui ipsius honore et gloria et pro meis totiusque mundi necessitatibus, offerendum. Rogo ergo te, piissima Mater, impetra mihi veniam omnium peccatorum meorum, uberemque gratiam ipsi deinceps fidelius serviendi, ac denique gratiam finalem, ut eum tecum laudare possim per omnia saecula saeculorum. Amen.

Oratio ad S. Ioseph

Indulgentia trium annorum toties quoties; septem annorum singulis mensis martii diebus necnon qualibet anni feria quarta; plenaria suetis condicionibus, oratione quotidie per integrum mensem pia mente iterata. Pius Pp. XI, 18 maii 1936 et Pius Pp. XII, 10 martii 1941.

Virginum custos et pater, sancte Ioseph, cuius fideli custodiam ipsa Innocentia Christus Iesus et Virgo virginum Maria commissa fuit; te per hoc utrumque carissimum pignus Iesum et Mariam obsecro et obtestor, ut me, ab omni immunditia praeservatum, mente incontaminata, puro corde et casto corpore Iesu et Mariae semper facias castissime famulari. Amen.

Oratio ad Sanctum in cuius honorem Missa celebrata est

Indulgentia trium annorum. Pius Pp. XI, 3 octobris 1936.


Sancte N., in cuius honorem incruentum corporis et sanguinis Christi sacrificium obtuli, fac, tua potentia apud Deum intercessione, ut, usu huius mysterii, passionis et mortis eiusdem Christi Salvatoris nostri merita consequar, ac, cum illius frequentatione, continuo crescat mea salutis effectus. Amen.

ORDO INCENSANDI OBLATA

IUXTA RUBRICAS MISSALIS ROMANI

(Ritus servandus in celebrat. Missæ, VII, 10)

In modum crucis



- | | |
|------------|-----------------|
| 1 INCENSUM | 2 ISTUD |
| 3 A TE | 4 BENEDICTUM |
| 5 ASCENDAT | 6 AD TE, DOMINE |

In modum circuli




- | |
|--------------------------|
| 7 ET DESCENDAT SUPER NOS |
| 8 MISERICORDIA |
| 9 TUA |

ORDO INCENSATIONIS ALTARIS

IUXTA RUBRICAS MISSALIS ROMANI

(Ritus servandus in celebrat. Missæ, VII, 10; IV, 4 et 5)



Si in altari non adsunt reliquiæ, seu imagines Sanctorum, omittitur earum incensatio, quæ indicatur sub numeris 4, 5, 6, 7 (Ritus servandus, IV, 5), et statim incensata cruce (num. 1, 2, 3), proceditur ad incensandum altare per ordinem numerorum 8, 9, etc. ad 29.

PROPRIUM DE TEMPORE

TEMPUS ADVENTUS

DOMINICA PRIMA ADVENTUS

I classis

Statio ad S. Mariam maiorem

Antiphona ad Introitum

Ps. 24, 1-3

Ad te levávi ánimam meam: Deus meus, in te confído, non erubéscam: neque irrídeant me inimíci mei: étenim univérsi, qui te expéctant, non confundéntur. **Ps. ibid., 4** Vias tuas, Dómine, demónstra mihi: et sémitas tuas édoce me. **V.** Glória Patri, et Fílio, et Spirítui Sancto. Sicut erat in princípío, et nunc, et semper, et in sácula sæculórum. Amen.

Quo finito, repetitur Ad te levávi usque ad psalmum.

¶ **Hic modus repetendi antiphonam ad Introitum servatur per totum annum.**

¶ **Non dicitur** Glória in excélsis in Missis de Tempore ab hac dominica usque ad vigiliam Nativitatis Domini inclusive.

Orémus.

Oratio

Excita, quæsumus, Dómine, potentiam tuam, et veni: ut ab imminéntibus peccatórum nostrórum perículis, te mereámur protegénte éripi, te liberánte salvári: Qui vivis et regnas cum Deo Patre in unitáte Spíritus Sancti, Deus: per ómnia sácula sæculórum.

Ry. Amen.

Léctio Epístolæ beáti Pauli Apóstoli ad Romános. **Rom. 13, 11-14**

Fratres: Sciéntes, quia hora est iam nos de somno súrgere. Nunc enim própior est nostra salus, quam cum credídimus. Nox

præcéssit, dies autem appropinquávit. Abiciámus ergo ópera tenebrárum, et induámur arma lucis. Sicut in die honéste ambulémus: non in comessatió nibus, et ebrietátibus, non in cubílibus, et impudicítiis, non in contenti óne, et æmulati óne: sed induímini Dóminum Iesum Christum.

Graduale Ps. 24, 3 et 4 Univérsi, qui te expéctant, non confundéntur, Dómine. **V.** Vias tuas, Dómine, notas fac mihi: et sémitas tuas édoce me.

Allelúia, allelúia. **V. Ps. 84, 8** Osténde nobis, Dómine, misericórdiam tuam: et salutáre tuum da nobis. Allelúia.

¶ **In feriis Adventus, quando per hebdomadam adhibetur Missa de dominica, non dicitur Allelúia, nec versus sequens, sed tantum graduale.**

✠ Sequéntia sancti Evangélii secúndum Lucam.

Luc. 21, 25-33

In illo témpore: Dixit Iesus discípulis suis: Erunt signa in sole, et luna, et stellis, et in terris pressúra géntium præ confusi óne sónitus maris, et flúctuum: arescéntibus homínibus præ timóre et expectati óne, quæ supervénient univérso orbi: nam virtútes cælórum movebúntur. Et tunc vidébunt Fílium hóminis veniéntem in nube cum potestáte magna, et maiestáte.

His autem fieri incipientibus, respicite, et levate capita vestra: quoniam appropinquat redemptio vestra. Et dixit illis similitudinem: Videte ficulneam, et omnes arbores: cum producant iam ex se fructum, scitis quoniam prope est aestas. Ita et vos, cum videritis haec fieri, scitote quoniam prope est regnum Dei. Amen dico vobis, quia non praeteribit generatio haec, donec omnia fiant. Caelum et terra transibunt: verba autem mea non transibunt.

¶ Credo, quod dicitur in qualibet dominica, etsi eius Officium alicui festo locum cedat, vel Missa votiva II classis celebretur; non dicitur autem in feriis, quando adhibetur Missa dominicae praecedentis.

Antiphona ad Offertorium Ps. 24, 1-3 Ad te levavi animam meam: Deus meus, in te confido, non erubescam: neque irideant me inimici mei: etenim universi, qui te expectant, non confundentur.

Secreta

Haec sacra nos, Domine, potenti virtute mundatos, ad suum faciant puriores venire principium. Per Dominum nostrum Iesum Christum Filium tuum: Qui tecum vivit et regnat in unitate Spiritus Sancti,

Deus: per omnia saecula saeculorum. Amen.

¶ Praefatio de sanctissima Trinitate, quae dicitur tamquam de Tempore in dominicis Adventus et in omnibus dominicis II classis, extra tempus natalicium et paschale; non vero in feriis, quando adhibetur Missa harum dominicarum, sed tunc dicitur praefatio communis.

Antiphona ad Communionem Ps. 84, 13 Dominus dabit benignitatem: et terra nostra dabit fructum suum.

Orémus.

Postcommunio

Suscipiamus, Domine, misericordiam tuam in medio templi tui: ut reparationis nostrae ventura sollemnia congruis honoribus praecedamus. Per Dominum.

¶ Per totum annum, si dicenda sit infra hebdomadam Missa de feria, resumitur Missa dominicae praecedentis, nisi propria Missa assignetur; et similiter sumuntur orationes de dominica, quando de feria, quae Missam propriam non habeat, facienda sit commemoratio iuxta rubricas.

¶ De feriis Adventus fit commemoratio in omnibus Missis tam in cantu quam lectis.

DOMINICA SECUNDA ADVENTUS

I classis

Statio ad S. Crucem in Ierusalem

Antiphona ad Introitum

Isai. 30, 30

Populus Sion, ecce, Dominus veniet ad salvandas gentes: et audiam faciet Dominus gloriam vocis suae in laetitia cordis vestri. Ps. 79, 2 Qui regis Israel, intende: qui deducis, velut ovem, Ioseph. V. Gloria Patri.

Oratio

Excita, Domine, corda nostra ad praeparandas Unigeniti tui vias: ut per eius adventum, purificatis tibi mentibus servire mereamur: Qui tecum.

Lectio Epistolae beati Pauli Apostoli ad Romanos. Rom. 15, 4-13

Fratres: Quaecumque scripta sunt, ad nostram doctrinam scripta

sunt: ut per patiéntiam, et consolatióem Scripturárum, spem habéamus. Deus autem patiéntiæ, et solátii, det vobis idípsum sápere in altéruum secúndum Iesum Christum: ut unánimes, uno ore honorificétis Deum et Patrem Dómini nostri Iesu Christi. Propter quod suscípite ínvicem, sicut et Christus suscepit vos in honórem Dei. Dico enim Christum Iesum mínistrum fuisse circumcisiónis propter veritátem Dei, ad confirmándas promissiões patrum: gentes autem super misericórdia honoráre Deum, sicut scriptum est: Proptérea confitébor tibi in géntibus, Dómine, et nómini tuo cantábo. Et íterum dicit: Lætámini, gentes, cum plebe eius. Et íterum: Laudáte, omnes gentes, Dóminum: et magnificáte eum, omnes pópuli. Et rursus Isaías ait: Erit radix Iesse, et qui exsúrget régere gentes, in eum gentes sperábunt. Deus autem spei répleat vos omni gáudio, et pace in credéndo: ut abundétis in spe, et virtúte Spíritus Sancti.

Graduale Ps. 49, 2-3 et 5 Ex Sion spécies decóris eius: Deus manifesté véniet. **V.** Congregáte illi sanctos eius, qui ordinavérunt testaméntum eius super sacrificia.

¶ In feriis Adventus, quando per hebdomadam adhibetur Missa de dominica, non dicitur Allelúia, nec versus sequens, sed tantum graduale.

Allelúia, allelúia. **V. Ps. 121, 1** Lætátus sum in his, quæ dicta sunt mihi: in domum Dómini íbimus. Allelúia.

✠ Sequéntia sancti Evangélíi secúndum Matthæum.

Matth. 11, 2-10

In illo témpore: Cum audísset Ioánnes in vínculis ópera Christi,

mittens duos de discipulis suis, ait illi: Tu es, qui ventúrus es, an álium exspectámus? Et respóndens Iesus, ait illis: Eúntes renuntiáte Ioánni, quæ audístis, et vidístis. Cæci vident, claudi ámbulant, leprósi mundántur, surdi áudiunt, mórtui resúrgunt, páuperes evangelizántur: et beátus est, qui non fúerit scandalizátus in me. Illis autem abeúntibus, cæpit Iesus dícere ad turbas de Ioánnem: Quid exístis in desértum vidére? arúndinem vento agitátam? Sed quid exístis vidére? hóminem móllibus vestítum? Ecce, qui móllibus vestiúntur, in dómibus regum sunt. Sed quid exístis vidére? prophétam? Etiam dico vobis, et plus quam prophétam. Hic est enim, de quo scriptum est: Ecce, ego mitto Angelum meum ante faciém tuam, qui præparábit viam tuam ante te. Credo.

Antiphona ad Offertorium Ps. 84, 7-8 Deus, tu convérsus vivificábis nos, et plebs tua lætábitur in te: osténde nobis, Dómine, misericórdiam tuam, et salutáre tuum da nobis.

Secreta

Placáre, quæsumus, Dómine, humilitátis nostræ précibus et hóstiis: et ubi nulla súppetunt suffrágia meritórum, tuis nobis succúrre præsídiis. Per Dóminum.

Præfatio de sanctissima Trinitate.

Antiphona ad Communionem Bar. 5, 5; 4, 36 Ierúsalem, surge, et sta in excélso, et vide iucunditátem, quæ véniet tibi a Deo tuo.

Postcommunio

Repléti cibo spirituális alimóniæ, súpplices te, Dómine, deprecámur: ut huius participatióne mystérii, dóceas nos terréna despícere et amáre cæléstia. Per Dóminum.

DOMINICA TERTIA ADVENTUS

I classis

Statio ad S. Petrum

Antiphona ad Introitum

Philipp. 4, 4-6

Gaudéte in Dómino semper: íterum dico, gaudéte. Modéstia vestra nota sit ómnibus homínibus: Dóminus enim prope est. Nihil sollíciti sitis: sed in omni oratióne petitiónes vestræ innotéscant apud Deum. **Ps. 84, 2** Benedixísti, Dómine, terram tuam: avertísti captivitátem Iacob. **V.** Glória Patri.

Oratio

Aurem tuam, quæsumus, Dómine, précibus nostris accommoda: et mentis nostræ ténebras, grátia tuæ visitatiónis illústra: Qui vivis.

Léctio Epístolæ beáti Pauli Apóstoli ad Philippéenses. **Philipp. 4, 4-7**

Fratres: Gaudéte in Dómino semper: íterum dico, gaudéte. Modéstia vestra nota sit ómnibus homínibus: Dóminus prope est. Nihil sollíciti sitis: sed in omni oratióne, et obsecratióne, cum gratiárum actiόne, petitiόnes vestræ innotéscant apud Deum. Et pax Dei, quæ exsúperat omnem sensum, custódiat corda vestra, et intellegéntias vestras, in Christo Iesu Dómino nostro.

Graduale Ps. 79, 2, 3 et 2 Qui sedes, Dómine, super Chérubim, éxcita poténtiam tuam, et veni. **V.** Qui regis Israél, inténde: qui dedúcis, velut ovem, Ioseph.

¶ In feriis Adventus, quando per hebdomadam adhibetur Missa de dominica, non dicitur Allelúia, nec versus sequens, sed tantum graduale.

Allelúia, allelúia. **V.** Excita, Dómine, poténtiam tuam, et veni, ut salvos fácias nos. Allelúia.

✠ Sequéntia sancti Evangélíi secúndum Ioánnem.

Ioann. 1, 19-28

In illo témpore: Misérunt Iudæi ab Ierosólymis sacerdótes et levítas ad Ioánnem, ut interrogárent eum: Tu quis es? Et conféssus est, et non negávit: et conféssus est: Quia non sum ego Christus. Et interrogavérunt eum: Quid ergo? Elías es tu? Et dixit: Non sum. Prophéta es tu? Et respóndit: Non. Dixérunt ergo ei: Quis es, ut respónsum demus his, qui misérunt nos? Quid dicis de te ipso? Ait: Ego vox clamántis in desérto: Dirígite viam Dómini, sicut dixit Isaías prophéta. Et qui missi fúerant, erant ex pharisæis. Et interrogavérunt eum, et dixérunt ei: Quid ergo baptízas, si tu non es Christus, neque Elías, neque prophéta? Respóndit eis Ioánnes, dicens: Ego baptízo in aqua: médius autem vestrum stetit, quem vos nescítis. Ipse est, qui post me ventúrus est, qui ante me factus est: cuius ego non sum dignus ut solvam eius corrégeam calceaménti. Hæc in Bethánia facta sunt trans Iordánem, ubi erat Ioánnes baptízans.

Credo.

Antiphona ad Offertorium Ps. 84, 2 Benedixísti, Dómine, terram tuam: avertísti captivitátem Iacob: remisísti iniquitátem plebis tuæ.

Secreta

Devotiόnis nostræ tibi, quæsumus, Dómine, hóstia iúgiter immolétur: quæ et sacri péragat institúta mystérii, et salutáre tuum in nobis mirabíliter operétur. Per Dóminum.

Præfatio de sanctissima Trinitate.

Antiphona ad Communionem
Isai. 35, 4 Dícite: pusillánimes, confortámini, et nolíte timére: ecce, Deus noster véniet, et salvábit nos.

Postcommunio

Implorámus, Dómine, cleméntiam tuam: ut hæc divína subsidia, a vítiis expiátos, ad festa ventúra nos præparent. Per Dóminum.

**FERIA QUARTA
 QUATUOR TEMPORUM
 ADVENTUS**

II classis

Statio ad S. Mariam maiorem

Antiphona ad Introitum

Isai. 45, 8

Roráte, cæli, désuper, et nubes pluant iustum: aperiátur terra, et gérminet Salvatórem. **Ps. 18, 2** Cæli enarrant glóriam Dei: et ópera mánuum eius annúntiat firmaméntum. **℣.** Glória Patri.

Post Kýrie, eléison, **immediate dicitur** Orémus. Flectámus génua. Leváte.

Quoties dicenda sunt verba Flectámus génua, Leváte, **proferenda sunt in Missa solemni a diacono, in ceteris Missis a celebrante; et post** Flectámus génua, **omnes, una cum celebrante, flexis genibus, per aliquod temporis spatium in silentio orant; dicto** Leváte, **omnes surgunt, et celebrans dicit orationem.**

Oratio

Præsta, quæsumus, omnípotens Deus: ut redemptionis nostræ ventúra solémnitas, et præsentis nobis vitæ subsidia cónferat, et æternæ beatitúdinis præmia largiátur. Per Dóminum.

Præcedens oratio sine Flectámus génua **sumitur ad commemorandam feriam IV Quatuor Temporum.**

Léctio Isaíæ Prophétæ.

Isai. 2, 2-5

In diébus illis: Dixit Isaías prophéta: Erit in novíssimis diébus præparátus mons domus Dómini in vértice móntium, et elevábitur super colles, et fluent ad eum omnes gentes. Et ibunt pópuli multi, et dicent: Veníte, et ascendámus ad montem Dómini, et ad domum Dei Iacob, et docébit nos vias suas, et ambulábimus in sémitis eius: quia de Sion exíbit lex, et verbum Dómini de Ierúsalem. Et iudicábit gentes, et árguet pópulos multos: et conflábunt gládios suos in vómeres, et lanceas suas in falces. Non levábit gens contra gentem gládium: nec exercebúntur ultra ad prælium. Domus Iacob, veníte, et ambulémus in lúmine Dómini Dei nostri.

Graduale Ps. 23, 7, 3-4 Tóllite portas, príncipes, vestras: et elevámini, portæ æternáles: et introíbit Rex glóriæ. **℣.** Quis ascéndet in montem Dómini? aut quis stabit in loco sancto eius? Innocens mánibus et mundo corde.

Hic dicitur ℣. Dóminus vobíscum, **sine** Flectámus génua.

Orémus.

Oratio

Festína, quæsumus, Dómine, ne tardáveris, et auxiliúm nobis supérnæ virtútis impénde: ut adventus tui consolatióibus sublevéntur, qui in tua pietáte confidunt: Qui vivis.

Et dicuntur aliæ orationes forte occurrentes.

Léctio Isaíæ Prophétæ.

Isai. 7, 10-15

In diébus illis: Locútus est Dóminus ad Achaz, dicens: Pete tibi signum a Dómino Deo tuo in profundum inférni, sive in excélsum supra. Et dixit Achaz: Non petam, et non tentábo Dóminum. Et dixit:

Audíte ergo, domus David: Numquid parum vobis est, moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce, Virgo concípíet, et páriet filium, et vocábitur nomen eius Emmánuel. Butýrum et mel cómedet, ut sciat reprobáre malum, et elígere bonum.

Graduale Ps. 144, 18 et 21 Prope est Dóminus ómnibus invocántibus eum: ómnibus qui ínvocant eum in veritaté. **℣.** Laudem Dómini loquétur os meum: et benedícat omnis caro nomen sanctum eius.

✠ Sequéntia sancti Evangélíi secúndum Lucam.

Luc. 1, 26-38

In illo témpore: Missus est Angelus Gábriel a Deo in civitátem Galiléæ, cui nomen Názareth, ad Vírginem desponsátam viro, cui nomen erat Ioseph, de domo David, et nomen Virginis María. Et ingressus Angelus ad eam, dixit: Ave, grátia plena: Dóminus tecum: benedícta tu in muliéribus. Quæ cum audísset, turbáta est in sermóne eius, et cogitábat, qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce, concípies in útero, et páries filium, et vocábis nomen eius Iesum. Hic erit magnus, et Fílius Altíssimi vocábitur, et dabit illi Dóminus Deus sedem David patris eius: et regnábit in domo Iacob in ætérnum, et regni eius non erit finis. Dixit autem María ad Angelum: Quómodo fiet istud, quóniam virum non cognósco? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce, Elísabeth cognáta tua, et ipsa concépit filium in senectúte sua: et hic mensis sextus est illi, quæ vocátur stérilis: quia

non erit impossíbile apud Deum omne verbum. Dixit autem María: Ecce ancílla Dómini, fiat mihi secúndum verbum tuum.

Antiphona ad Offertorium Isai.

35, 4 Confortámini, et iam nolíte timére: ecce enim, Deus noster retribuet iudícium: ipse véniet, et salvos nos fáciat.

Secreta

Accépta tibi sint, quæsumus, Dómine, nostra ieiúnia: quæ et expiándo nos tua grátia dignos efficiant, et ad sempitérna promíssa perdúcant. Per Dóminum.

Antiphona ad Communionem

Isai. 7, 14 Ecce, Virgo concípíet, et páriet filium: et vocábitur nomen eius Emmánuel.

Postcommunio

Salutáris tui, Dómine, múnere satiáti, súpplíces deprecámur: ut, cuius lætámur gustu, renovémur efféctu. Per Dóminum.

FERIA SEXTA QUATUOR TEMPORUM ADVENTUS

II classis

Statio ad Ss. XII Apostolos

Antiphona ad Introitum

Ps. 118, 151-152

Prope es tu, Dómine, et omnes viæ tuæ véritas: iníitio cognóvi de testimóniis tuis, quia in ætérnum tu es. **Ps. ibid., 1** Beáti immaculáti in via: qui ámbulant in lege Dómini. **℣.** Glória Patri.

Oratio

Excita, quæsumus, Dómine, póntentiam tuam, et veni: ut hi, qui in tua pietáte confidunt, ab omni cítius adversitaté liberéntur: Qui vivis.

Lectio Isaíæ Prophétæ.

Isai. 11, 1-5

Hæc dicit Dóminus Deus: Egrediétur virga de radíce Iesse, et flos de radíce eius ascéndet. Et requiescet super eum spíritus Dómini: spíritus sapiéntiæ, et intelléctus, spíritus consílii, et fortitúdinis, spíritus sciéntiæ, et pietátis; et replébit eum spíritus timóris Dómini. Non secúndum visiónem oculórum iudicábit: neque secúndum audítum áurium árguet: sed iudicábit in iustítia páuperes, et árguet in æquitáte pro mansuétis terræ: et percútiet terram virga oris sui, et spíritu labiórum suórum interficiet ímpium. Et erit iustítia cingulum lumbórum eius: et fides cinctórium renum eius.

Graduale Ps. 84, 8 et 2 Osténde nobis, Dómine, misericórdiam tuam: et salutáre tuum da nobis. **V.** Benedixísti, Dómine, terram tuam: avertísti captivitátem Iacob.

✠ Sequéntia sancti Evangélíi secúndum Lucam.

Luc. 1, 39-47

In illo témpore: Exsúrgens Maríá ábiit in montána cum festinátione in civitátem Iuda: et intrávit in domum Zachariæ, et salutávit Elísabeth. Et factum est, ut audívit salutatióem Maríæ Elísabeth, exsultávit infans in útero eius: et repléta est Spíritu Sancto Elísabeth: et exclamávit voce magna, et dixit: Benedícta tu inter mulíeres, et benedíctus fructus ventris tui. Et unde hoc mihi, ut véniat mater Dómini mei ad me? Ecce enim, ut facta est vox salutatióis tuæ in áuribus meis, exsultávit in gáudio infans in útero meo. Et beáta quæ credidísti, quóniam perficiéntur ea, quæ dicta sunt tibi a Dómino. Et ait Maríá: Magnícat ánima mea Dóminum: et exsultávit spíritus meus in Deo salutári meo.

Antiphona ad Offertorium Ps. 84,

7-8 Deus, tu convérsus vivificábis nos, et plebs tua lætábitur in te: osténde nobis, Dómine, misericórdiam tuam, et salutáre tuum da nobis.

Secreta

Munéribus nostris, quásumus, Dómine, precibúque suscep-tis: et cæléstibus nos munda mystériis, et cleménter exáudi. Per Dóminum.

Antiphona ad Communionem

Zach. 14, 5-6 Ecce, Dóminus véniet, et omnes sancti eius cum eo: et erit in die illa lux magna.

Postcommunio

Tui nos, Dómine, sacraménti libátio sancta restáuret: et a vetustáte purgátos, in mystérii salutáris fáciat transíre consórtium. Per Dóminum.

SABBATO QUATUOR TEMPORUM ADVENTUS

II classis

Statio ad S. Petrum

Forma Missæ longior

Hæc forma adhibenda est in Missis conventualibus et in Missa, in qua Ordines conferuntur; in ceteris Missis adhiberi potest forma brevior, ut infra 11.

In sabbato Quatuor Temporum Missa, in qua Ordines conferuntur, dicenda est de sabbato, etiam festo I vel II classis occurrente, et in ea additur oratio ritualis «In collatione Ordinum» (63), sub unica conclusione cum oratione quæ sequitur Dóminus vobíscum, et omit-tuntur omnes commemorationes, nisi sint privilegiatæ.

Antiphona ad Introitum**Ps. 79, 4 et 2**

Veni, et ostende nobis faciē tuam, Dómine, qui sedes super Chérubim: et salvi érimus. **Ps. ibid., 2** Qui regis Israēl, inténde: qui dedúcis, velut ovem, Ioseph. **℣.** Glória Patri.

Post Kýrie, eléison, **dicitur:** Orémus. Flectámus gēnuā. Leváte.

Oratio

Deus, qui cōspicis, quia ex nostra pravitate affligimur: concède propítius; ut ex tua visitatiōe consolémur: Qui vivis.

Præcedens oratio sine Flectámus gēnuā **sumitur ad commemorandum sabbatum Quatuor Temporum.**

Léctio Isaíæ Prophétæ.

Isai. 19, 20-22

In diēbus illis: Clamábunt ad Dóminum a faciē tribulántis, et mittet eis salvatórem, et propugnatórem, qui liberet eos. Et cognoscétur Dóminus ab Ægýpto, et cognóscet Ægýptii Dóminum in die illa: et colent eum in hóstiis, et in muneribus: et vota vovébunt Dómino, et solvent. Et percútiet Dóminus Ægýptum plaga, et sanábit eam: et reverténtur ad Dóminum, et placábitur eis, et sanábit eos Dóminus Deus noster.

Graduale Ps. 18, 7 et 2 A summo cælo egréssio eius: et occúrsus eius usque ad summum eius. **℣.** Cæli enarrant glóriam Dei: et ópera mánuum eius annúntiat firmaméntum.

Orémus. Flectámus gēnuā. Leváte.

Oratio

Concède, quæsumus, omnípotens Deus: ut, qui sub peccáti iugo ex vetústa servitúte deprimimur;

expectáta unigéniti Fílii tui nova nativitatē liberémur: Qui tecum vivit.

Léctio Isaíæ Prophétæ.

Isai. 35, 1-7

Hæc dicit Dóminus: Lætábitur desérta et ínvia, et exsultábit solitúdo, et florébit quasi lílium. Gérminans germinábit, et exsultábit lætabúnda et laudans: glória Líbani data est ei: decor Carméli, et Saron, ipsi vidébunt glóriam Dómini, et decórem Dei nostri. Confortáte manus dissolútas, et gēnuā debília roboráte. Dícite pusillánimis: Confortámini, et nolíte timére: ecce, Deus vester ulciónem addúcet retributiónis: Deus ipse véniet, et salvábit vos. Tunc aperiéntur óculi cæcórū, et aures surdórū patébunt. Tunc sáliet sicut cervus claudus, et apérta erit lingua mutórū: quia scissæ sunt in desérto aquæ, et torréntes in solitúdine. Et quæ erat árida, erit in stagnum, et sitiens in fontes aquárum: ait Dóminus omnípotens.

Graduale Ps. 18, 6 et 7 In sole pósuit tabernáculum suum: et ipse tamquam sponsus procédens de thálamo suo. **℣.** A summo cælo egréssio eius: et occúrsus eius usque ad summum eius.

Orémus. Flectámus gēnuā. Leváte.

Oratio

Indígnos nos, quæsumus, Dómine, fámulos tuos, quos actiōis propriæ culpa contrístat, unigéniti Fílii tui advéntu lætífica: Qui tecum.

Léctio Isaíæ Prophétæ.

Isai. 40, 9-11

Hæc dicit Dóminus: Super montem excélsum ascénde tu, qui evangelízas Sion: exálta in fortitúdine vocem tuam, qui evangelízas Ierúsalem: exálta, noli timére. Dic

civitátibus Iuda: Ecce Deus vester: ecce, Dóminus Deus in fortitúdine véniet, et bráccium eius dominábitur: ecce, merces eius cum eo, et opus illíus coram illo. Sicut pastor gregem suum pascet: in bráccio suo congregábit agnos, et in sinu suo levábit, Dóminus Deus noster.

Graduale Ps. 79, 20 et 3 Dómine Deus virtútum, convérte nos: et osténde fáciem tuam, et salvi érimus. **¶** Excita, Dómine, poténtiam tuam, et veni, ut salvos fácias nos.

Orémus. Flectámus génua.
Leváte.

Oratio

Præsta, quæsumus, omnípotens Deus: ut Fílii tui ventúra solémnitas, et præsentis nobis vitæ remédia cónferat, et præmia ætérna concédant. Per eúndem Dóminum.

Léctio Isaíæ Prophétæ.

Isai. 45, 1-8

Hæc dicit Dóminus christo meo Cyro, cuius apprehénder dexteram, ut subíciam ante fáciem eius gentes, et dorsa regum vertam, et apériam coram eo iánuas, et portæ non claudéntur. Ego ante te ibo: et gloriósa terræ humiliábo: portas æreas cónteram, et vectes férreos confríngam. Et dabo tibi thesauros absconditos, et arcána secretórum: ut scias quia ego Dóminus, qui voco nomen tuum, Deus Israël. Propter servum meum Iacob, et Israël eléctum meum, et vocávi te nómine tuo: assimilávi te, et non cognovísti me. Ego Dóminus, et non est ámplius: extra me non est Deus: accínxi te, et non cognovísti me: ut sciant hi, qui ab ortu solis, et qui ab occidénte, quóniam absque me non est. Ego Dóminus, et non est alter, formans lucem, et creans ténebras, fáciens pacem, et creans malum: ego Dóminus fáciens ómnia hæc. Roráte, cæli, désuper, et nubes pluant iustum: aperiátur ter-

ra, et gérmínet salvatórem: et iustítia oriátur simul: ego Dóminus creávi eum.

Graduale Ps. 79, 3, 2 et 3 Excita, Dómine, poténtiam tuam, et veni, ut salvos fácias nos. **¶** Qui regis Israël, inténde: qui dedúcis, velut ovem, Ioseph: qui sedes super Chérubim, appáre coram Ephraím, Béniamin, et Manásse.

Orémus. Flectámus génua.
Leváte.

Oratio

Preces pópuli tui, quæsumus, Dómine, cleménter exáudi: ut, qui iuste pro peccátis nostris affligimur, pietátis tuæ visitatióne consolémur: Qui vivis.

Léctio Daniélis Prophétæ.

Dan. 3, 47-51

In diébus illis: Angelus Dómini descendit cum Azaría, et sóciis eius in fornácem: et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadaginta novem: et erúpit, et incéndit quos réperit iuxta fornácem de Chaldæis minístros regis, qui eam incendébant. Et non tétigit eos omníno ignis, neque contristávit, nec quidquam moléstia intulit. Tunc hi tres quasi ex uno ore laudábant, et glorificábant, et benedicebánt Deum in fornáce, dicéntes:

Hic non respondetur Deo grátias.

Hymnus Dan. ibid., 52-56

Benedíctus es, Dómine Deus patrum nostrórum. Et laudábilis, et gloriósus in sácula.

Et benedíctum nomen glóriæ tuæ, quod est sanctum. Et laudábile, et gloriósum in sácula.

Benedíctus es in templo sancto glóriæ tuæ. Et laudábilis, et gloriósus in sácula.

Benedíctus es super thronum

sanctum regni tui. Et laudábilis, et gloriósus in sácula.

Benedíctus es super sceptrum divinitátis tuæ. Et laudábilis, et gloriósus in sácula.

Benedíctus es, qui sedes super Chérubim, íntuens abyssos. Et laudábilis, et gloriósus in sácula.

Benedíctus es, qui ámbulas super pennas ventórum, et super undas maris. Et laudábilis, et gloriósus in sácula.

Benedícant te omnes Angeli, et Sancti tui. Et laudent te, et gloríficent in sácula.

Benedícant te cæli, terra, mare, et ómnia quæ in eis sunt. Et laudent te et gloríficent in sácula.

Glória Patri, et Fílio, et Spirítui Sancto. Et laudábili, et glorióso in sácula.

Sicut erat in princípio, et nunc, et semper: et in sácula sæculórum. Amen. Et laudábili, et glorióso in sácula.

Benedíctus es, Dómine Deus patrum nostrórum. Et laudábilis, et gloriósus in sácula.

Hic dicitur ¶. Dóminus vobíscum. **sine** Flectámus génu.

Orémus.

Oratio

Deus, qui tribus púeris mitigásti flammam ignium: concéde propítius; ut nos fámulos tuos non exúrat flamma vitiórum. Per Dóminum.

Et dicuntur aliæ orationes forte occurrentes.

Léctio Epístolæ beáti Pauli Apóstoli ad Thessalonicenses.

2 Thess. 2, 1-8

Fratres: Rogámus vos per advéntum Dómini nostri Iesu Christi, et nostræ congregatiónis in ipsum: ut non cito moveámini a vestro sensu, neque terreámini, neque per spíritum, neque per sermónem, neque per epístolam tamquam per nos missam, quasi instet dies Dó-

mini. Ne quis vos sedúcat ullo modo: quóniam nisi vénerit discésio primum, et revelátus fúerit homo peccáti, filius perditiónis, qui adversátur, et extóllitur supra omne quod dicitur Deus, aut quod cólitur, ita ut in templo Dei sédeat osténdens se tamquam sit Deus. Non retinéti, quod cum adhuc essem apud vos, hæc dicébam vobis? Et nunc quid detíneat scitis, ut revelétur in suo témpore. Nam mystérium iam operátur iniquitátis: tantum ut qui tenet nunc, téneat, donec de médio fiat. Et tunc revelábitur ille iníquus, quem Dóminus Iesus interficiet spíritu oris sui, et destruet illustratióne advéntus sui.

Tractus Ps. 79, 2-3 Qui regis Israël, inténde: qui dedúcis, velut ovem, Ioseph. ¶. Qui sedes super Chérubim, appáre coram Ephraím, Béniamin, et Manásse. ¶. Excita, Dómine, poténtiam tuam, et veni: ut salvos fácias nos.

✠ **Sequéntia sancti Evangélíi secúndum Lucam.**

Luc. 3, 1-6

Anno quintodécimo impérii Tiberíi Cæsaris, procuránte Póntio Pilato Iudæam, tetrárcha autem Galilææ Heróde, Philíppo autem fratre eius tetrárcha Iturææ, et Trachonítidis regiónis, et Lysánia Abilínæ tetrárcha, sub princípibus sacerdotum Anna et Cáipha: factum est verbum Dómini super Ioánnem, Zachariæ filium, in desérto. Et venit in omnem regióne Iordánis, prædicans baptísmum pæniténtiæ in remissióne peccatórum, sicut scriptum est in libro sermónum Isaíæ prophætæ: Vox clamántis in desérto: Paráte viam Dómini: rectas fácite sémitas eius: omnis vallis implébitur: et omnis mons, et collis humiliábitur: et erunt prava in dirécta, et áspera in vias planas: et vidébit omnis caro salutáre Dei.

Antiphona ad Offertorium Zach.

9, 9 Exsulta satis, filia Sion, prædica, filia Ierúsalem: ecce, Rex tuus venit tibi sanctus, et salvátor.

Secreta

Sacrificiis præsentibus, quæsumus, Dómine, placátus inténde: ut et devotióni nostræ proficiant, et salúti. Per Dóminum.

Antiphona ad Communionem Ps.

18, 6-7 Exsultávit ut gigas ad curréndam viam: a summo cælo egressio eius, et occúrsus eius usque ad summum eius.

Postcommunio

Quæsumus, Dómine Deus noster: ut sacrosáncta mystéria, quæ pro reparatiónis nostræ munímine contulisti; et præsens nobis remédium esse fácias, et futúrum. Per Dóminum.

Forma Missæ brevior

Hæc forma adhiberi potest extra Missam conventualem et Missam, in qua Ordines conferuntur.

Antiphona ad Introitum

Ps. 79, 4 et 2

Veni, et osténde nobis fáciem tuam, Dómine, qui sedes super Chérubim: et salvi érimus. **Ps. ibid., 2** Qui regis Israël, inténde: qui dedúcis, velut ovem, Ioseph. **¶** Glória Patri.

Post Kýrie, eléison, dicitur: Orémus. Flectámus génua.

Leváte.

Oratio

Deus, qui cóspicis, quia ex nostra pravitate affligimur: concéde propítius; ut ex tua visitatióne consolémur: Qui vivis.

Præcedens oratio sine Flectámus génua sumitur ad commemorandum sabbatum Quatuor Temporum.

Léctio Isaíæ Prophétæ.

Isai. 19, 20-22

In diébus illis: Clamábunt ad Dóminum a fácie tribulántis, et mittet eis salvatórem, et propugnatórem, qui líberet eos. Et cognoscétur Dóminus ab Ægýpto, et cognóscant Ægýptii Dóminum in die illa: et colent eum in hóstiis, et in munéribus: et vota vovébunt Dómino, et solvent. Et percútiet Dóminus Ægýptum plaga, et sanábit eam: et reverténtur ad Dóminum, et placábitur eis, et sanábit eos Dóminus Deus noster.

Graduale Ps. 18, 7 et 2 A summo cælo egressio eius: et occúrsus eius usque ad summum eius. **¶** Cæli enarrant glóriam Dei: et ópera mánuum eius annúntiat firmaméntum.

Hic dicitur ¶. Dóminus vobíscum, **sine** Flectámus génua.

Orémus.

Oratio

Concéde, quæsumus, omnípotens Deus: ut, qui sub peccáti iugo ex vetústa servitúte deprímimur; exspectáta unigéniti Fílii tui nova nativitate liberémur: Qui tecum vivit.

Et dicuntur aliæ orationes forte occurrentes.

Léctio Epístolæ beáti Pauli Apóstoli ad Thessalonicenses.

2 Thess. 2, 1-8

Fratres: Rogámus vos per adventum Dómini nostri Iesu Christi, et nostræ congregatiónis in ipsum: ut non cito moveámini a vestro sensu, neque terreámini, neque per spíritum, neque per sermónem, neque per epístolam tamquam per nos missam, quasi instet dies Dómini. Ne quis vos seducat ullo modo: quóniam nisi vénerit discéssio primum, et revelátus fúerit homo peccáti, filius perditionis, qui adversátur, et extóllitur supra omne quod dicitur Deus, aut quod cólitur, ita ut in templo Dei sédeat

osténdens se tamquam sit Deus. Non retinétis, quod cum adhuc essem apud vos, hæc dicebam vobis? Et nunc quid detíneat scitis, ut revelétur in suo témpore. Nam mystérium iam operátur iniquitátis: tantum ut qui tenet nunc téneat, donec de médio fiat. Et tunc revelábitur ille iníquus, quem Dóminus Iesus interficiet spíritu oris sui, et déstruet illustratióne advéntus sui.

Tractus Ps. 79, 2-3 Qui regis Israël, inténde: qui dedúcis, velut ovem, Ioseph. **V.** Qui sedes super Chérubim, appáre coram Ephraïm, Béniamin, et Manásse. **V.** Excita, Dómine, poténtiam tuam, et veni: ut salvos fácias nos.

✠ Sequéntia sancti Evangélíi secúndum Lucam.

Luc. 3, 1-6

Anno quintodécimo impérii Tiberíi Cæsaris, procuránte Póntio Piláto Iudæam, tetrárcha autem Galilææ Heróde, Philíppo autem fratre eius tetrárcha Íturææ, et Trachonítidis regiónis, et Lysánia Abilínæ tetrárcha, sub princípibus sacerdotum Anna et Cáípha: factum est verbum Dómini super Ioánnem, Zacharíæ filium, in deserto. Et venit in omnem regiónem

Iordánis, prædicans baptísmum pæniténtiæ in remissióne peccatórum, sicut scriptum est in libro sermónum Isaíæ prophétæ: Vox clamántis in deserto: Paráte viam Dómini: rectas fácite sémitas eius: omnis vallis implébitur: et omnis mons, et collis humiliábitur: et erunt prava in dirécta, et áspera in vias planas: et vidébit omnis caro salutáre Dei.

Antiphona ad Offertorium Zach. 9, 9 Exsúlta satis, filia Sion, prædica, filia Ierúsalem: ecce, Rex tuus venit tibi sanctus, et Salvátor.

Secreta

Sacrificiis præsentibus, quæsumus, Dómine, placátus inténde: ut et devotióni nostræ proficiant, et salúti. Per Dóminum.

Antiphona ad Communionem Ps. 18, 6-7 Exsultávit ut gigas ad curréndam viam: a summo cælo egressio eius, et occúrsus eius usque ad summum eius.

Postcommunio

Quæsumus, Dómine Deus noster: ut sacrosáncta mystéria quæ, pro reparatióne nostræ munímine contulísti; et præsens nobis remédium esse fácias, et futúrum. Per Dóminum.

DOMINICA OUARTA ADVENTUS

I classis

Statio ad Ss. XII Apostolos

Antiphona ad Introitum

Isai. 45, 8

Roráte, cæli, désuper, et nubes pluant iustum: aperiátur terra, et gérmínet Salvátorem. **Ps. 18, 2** Cæli enárrant glóriam Dei: et ópera mánuum eius annúntiat firmaméntum. **V.** Glória Patri.

Oratio

Excita, quæsumus, Dómine, poténtiam tuam, et veni: et magna nobis virtúte succúrre; ut per auxiliúm grátiae tuæ, quod nostra peccáta præpédiunt, indulgéntia tuæ propitiatiónis accéleret: Qui vivis.

Lectio Epistolæ beati Pauli Apóstoli ad Corínthios.

1 Cor. 4, 1-5

Fratres: Sic nos existimet homo ut ministros Christi, et dispensatores mysteriorum Dei. Hic iam queritur inter dispensatores, ut fidelis quis inveniatur. Mihi autem pro minimo est, ut a vobis iudicer, aut ab humano die: sed neque me ipsum iudico. Nihil enim mihi conscius sum: sed non in hoc iustificatus sum: qui autem iudicat me, Dominus est. Itaque nolite ante tempus iudicare, quoadusque veniat Dominus: qui et illuminabit abscondita tenebrarum, et manifestabit consilia cordium: et tunc laus erit unicuique a Deo.

Graduale Ps. 144, 18 et 21 Prope est Dominus omnibus invocantibus eum: omnibus qui invocant eum in veritate. **V.** Laudem Domini loquetur os meum: et benedicat omnis caro nomen sanctum eius.

¶ **In feriis Adventus, quando per hebdomadam adhibetur Missa de dominica, non dicitur Allelúia, nec versus sequens, sed tantum graduale.**

Allelúia, allelúia. **V.** Veni, Domine, et noli tardare: relaxa facinora plebis tuæ Israël. Allelúia.

✠ Sequéntia sancti Evangélíi secúndum Lucam.

Luc. 3, 1-6

Anno quintodécimo impérii Tiberii Cæsaris, procurante Póntio Piláto Iudæam, tetrarcha autem Galilææ Heróde, Philíppo autem fratre eius tetrarcha Iturææ, et Trachonítidis regiónis, et Lysánia Abi-

linæ tetrarcha, sub princípibus sacerdotum Anna et Cáipha: factum est verbum Domini super Ioánnem, Zachariæ filium, in deserto. Et venit in omnem regiónem Iordánis, prædicans baptismum pæniténtiæ in remissionem peccatorum, sicut scriptum est in libro sermonum Isaïæ prophætæ: Vox clamantis in deserto: Paráte viam Domini: rectas facite sémitas eius: omnis vallis implébitur: et omnis mons, et collis humiliábitur: et erunt prava in directa, et áspera in vias planas: et videbit omnis caro salutare Dei.

Credo.

Antiphona ad Offertorium Luc. 1, 28 Ave, María, grátia plena: Dominus tecum: benedicta tu in mulieribus, et benedictus fructus ventris tui.

Secreta

Sacrificiis præsentibus, quæsumus, Domine, placatus inténde: ut et devotióni nostræ proficiant, et salúti. Per Dominum.

Præfatio de sanctissima Trinitate.

Antiphona ad Communionem Isai. 7, 14 Ecce, Virgo concipiet et páriet filium: et vocábitur nomen eius Emmánuel.

Postcommunio

Sumptis munéribus, quæsumus, Domine: ut cum frequentatióne mystérii, crescat nostræ salútis effectus. Per Dominum.

¶ **Si vigilia Nativitatis Domini venerit in dominica, totum Officium Missæ fit de vigilia, sine commemoratione dominicæ.**

Die 24 decembris
IN VIGILIA NATIV. DOMINI

I classis

Statio ad S. Mariam maiorem

Antiphona ad Introitum

Exodi 16, 6 et 7

Hódie sciétis, quia véniet Dóminus, et salvábit nos: et mane vidébitis glóriam eius. **Ps. 23, 1** Dómini est terra, et plenitúdo eius: orbis terrárum, et univérsti, qui hábitant in eo. **V.** Glória Patri.

Oratio

Deus, qui nos redemptionis nostræ ánnua exspectatione lætíficas: præsta; ut Unigénitum tuum, quem Redemptórem læti suscipimus, veniéntem quoque iúdicem secúri videámus, Dóminum nostrum Iesum Christum Fílium tuum: Qui tecum vivit.

Léctio Epístolæ beáti Pauli Apóstoli ad Romános. **Rom. 1, 1-6**

Paulus, servus Iesu Christi, vocátus Apóstolus, segregátus in Evangélium Dei, quod ante promiserat per prophétas suos in Scriptúris sanctis de Fílio suo, qui factus est ei ex sémine David secúndum carnem: qui prædestinátus est Fílius Dei in virtúte secúndum spíritum sanctificationis ex resurrectione mortuórum Iesu Christi Dómini nostri: per quem accépimus grátiam, et apostolátum ad obediéndum fidei in ómnibus géntibus pro nómine eius, in quibus estis et vos vocáti Iesu Christi Dómini nostri.

Graduale Exodi 16, 6 et 7 Hódie sciétis, quia véniet Dóminus, et salvábit nos: et mane vidébitis glóriam eius. **V. Ps. 79, 2-3** Qui regis Israél, inténde: qui dedúcis, velut ovem, Ioseph: qui sedes super Chérubim, appáre coram Ephraïm, Béniamin, et Manásse.

Non dicitur Allelúia, cum sequen-

ti versu, nisi hæc vigilia venerit in dominica.

Allelúia, allelúia. **V.** Crástina die delébitur iníquitas terræ: et regnabit super nos Salvátor mundi. Allelúia.

✠ Sequéntia sancti Evangélii secúndum Matthæum.

Matth. 1, 18-21

Cum esset desponsáta mater Iesu María Ioseph, ántequam convenírent, invénta est in útero habens de Spíritu Sancto. Ioseph autem vir eius, cum esset iustus, et nollet eam tradúcere, vóluit occúlte dímítere eam. Hæc autem eo cogitánte, ecce, Angelus Dómini apparuit in somnis ei, dicens: Ioseph, fili David, noli timére accípere Mariám cóniugem tuam: quod enim in ea natum est, de Spíritu Sancto est. Páriet autem fílium, et vocábis nomen eius Iesum: ipse enim salvum fáciat pópulum suum a peccátis eórum.

Si venerit in dominica, dicitur Credo.

Antiphona ad Offertorium Ps. 23, 7 Tóllite portas, príncipes, vestras: et elevámini, portæ æternáles, et introíbit Rex glóriæ.

Secreta

Da nobis, quæsumus, omnipotens Deus: ut, sicut adoránda Fílii tui natalícia prævenimus, sic eius múnera capiámus sempitérna gaudéntes: Qui tecum vivit.

Præfatio communis; sed si venerit in dom., dicitur de Ssma Trinitate.

Antiphona ad Communionem Isai. 40, 5 Revelábitur glória Dómini: et vidébit omnis caro salutáre Dei nostri.

Postcommunio

Da nobis, quæsumus, Dómine: unigéniti Fílii tui recensíta nativitate respiráre; cuius cælésti mystério páscimur et potámur. Per eúndem Dóminum.

TEMPUS NATIVITATIS

Die 25 decembris

IN NATIVITATE DOMINI

I classis cum octava II classis

In festo Nativitatis Domini quivis sacerdos tres Missas celebrare potest. De agendis, si sacerdos eodem die duas vel tres Missas celebret, vide Riturum servandum in celebratione Missæ, tit. XIV.

AD PRIMAM MISSAM

in nocte

Statio ad S. Mariam maiorem ad Præsepe

Antiphona ad Introitum

Ps. 2, 7

Dóminus dixit ad me: Fílius meus es tu, ego hódie genui te. **Ps. ibid., 1** Quare fremuérunt gentes: et pópuli meditatí sunt inánia? **V.** Glória Patri.

Oratio

Deus, qui hanc sacratíssimam noctem veri lúminis fecísti illustratióne claréscere: da, quæsumus; ut, cuius lucis mystéria in terra cognóvimus, eius quoque gáudiis in cælo perfruámur: Qui tecum vivit.

Lectio Epístolæ beáti Pauli Apóstoli ad Titum.

Tit. 2, 11-15

Caríssime: Appáruit grátia Dei Salvatóris nostri ómnibus homínibus, erúdiens nos, ut abnegántes impietátem, et sæculária desidéria, sóbrie, et iuste, et pie vivámus in hoc sáculo, exspectántes beátam spem, et advéntum glóriæ magni Dei et Salvatóris nostri Iesu Christi: qui dedit semetípsum pro nobis: ut nos redímeret ab omni iniquitaté, et mundáret sibi pópulum acceptábilem, sectatórem bonórum óperum. Hæc lóquere, et

exhortáre: in Christo Iesu Dómino nostro.

Graduale Ps. 109, 3 et 1 Tecum princípium in die virtútis tuæ: in splendóribus sanctórum, ex útero ante lucíferum genui te. **V.** Dixit Dóminus Dómino meo: Sede a dextris meis: donec ponam inimícos tuos, scabéllum pedum tuórum.

Allelúia, allelúia. **V. Ps. 2, 7** Dóminus dixit ad me: Fílius meus es tu, ego hódie genui te. Allelúia.

✠ Sequéntia sancti Evangélíi secúndum Lucam.

Luc. 2, 1-14

In illo témpore: Exiit edíctum a Cæsare Augústo, ut describerétur univérsus orbis. Hæc descriptio prima facta est a præside Sýriæ Cyríno: et ibant omnes ut profiteréntur sínguli in suam civitátem. Ascéndit autem et Ioseph a Galilæa de civitáte Náza-reth, in Iudæam in civitátem David, quæ vocátur Béthlehem: eo quod esset de domo et família David, ut profiterétur cum María desponsáta sibi uxóre prægnánte. Factum est autem, cum essent ibi, impléti sunt dies ut páreret. Et péperit filium suum primogénitum, et pannis eum invol-

vit, et reclinávit eum in præsépio: quia non erat eis locus in diversório. Et pastóres erant in regiône eádem vigilátes, et custodiétes vigílias noctis super gregem suum. Et ecce, Angelus Dómini stetit iuxta illos, et cláritas Dei circumfúlsit illos, et timuérunt timóre magno. Et dixit illis Angelus: Nolíte timére: ecce enim, evangelízo vobis gáudium magnum, quod erit omni pópulo: quia natus est vobis hódie Salvátor, qui est Christus Dóminus, in civitáte David. Et hoc vobis signum: Inveniétis infántem pannis involútum, et pósitum in præsépio. Et súbito facta est cum Angelo multitúdo milítiae cæléstis, laudántium Deum, et dicéntium: Glória in altíssimis Deo, et in terra pax homínibus bonæ voluntátis.

Credo, **per totam Octavam.**

Antiphona ad Offertorium Ps. 95, 11 et 13 Læténtur cæli, et exsúltet terra ante fáciem Dómini: quóniam venit.

Secreta

Accépta tibi sit, Dómine, quæsumus, hodiérnæ festivitátis oblátio: ut, tua grátia largiénte, per hæc sacrosáncta commércia, in illius inveniámur forma, in quo tecum est nostra substántia: Qui tecum vivit.

¶ **Præfatio de Nativitate Domini quæ dicitur**

1º tamquam propria in Missis de Nativitate Domini et de eiusdem octava; et

2º tamquam de tempore, infra octavam Nativitatis Domini, etiam in Missis, quæ secus præfationem propriam haberent, exceptis iis Missis, quæ præfationem propriam de divinis mysteriis vel Personis habent; et insuper a die 2 ad 5 ianuarii in Missis, quæ præfatione propria carent.

¶ **Infra actionem:** Communicántes, et noctem sacratíssimam celebrántes. **Et dicitur quotidie usque ad octavam Nativitatis inclusive: sed in hac Missa tantum dicitur noctem, deinceps vero diem.**

Antiphona ad Communionem Ps. 109, 3 In splendóribus sanctorum, ex útero ante lucíferum genui te.

Postcommunio

Da nobis, quæsumus, Dómine Deus noster: ut, qui Nativitatem Dómini nostri Iesu Christi mysteriis nos frequentáre gaudémus; dignis conversatióibus ad eius mereámur pervenire consórtium: Qui tecum.

AD SECUNDAM MISSAM

in aurora

Statio ad S. Anastasiam

Antiphona ad Introitum

Isai. 9, 2 et 6

Lux fulgébit hódie super nos: quia natus est nobis Dóminus: et vocábitur Admirábilis, Deus, Princeps pacis, Pater futúri sæculi: cuius regni non erit finis. **Ps. 92, 1** Dóminus regnávit, decórem indútus est: indútus est Dóminus fortitúdinem, et præcínxit se. **Ÿ.** Glória Patri.

Oratio

Da nobis, quæsumus, omnípotens Deus: ut, qui nova incarnáti Verbi tui luce perfúndimur; hoc in nostro respléndeat ópere, quod per fidem fulget in mente. Per eúndem Dóminum.

Et fit commemoratio S. Anastasiæ Martyris, etiam in Missis in cantu.

Oratio

Da, quæsumus, omnipotens Deus: ut, qui beatæ Anastasiæ Mártiris tuæ solémnia cólimus; eius apud te patrocínia sentiámus. Per Dóminum.

Léctio Epístolæ beáti Pauli Apóstoli ad Titum.

Tit. 3, 4-7

Carissime: Appáruit benígnitas et humánitas Salvatóris nostri Dei: non ex opéribus iustítiæ, quæ fécimus nos, sed secúndum suam misericórdiam salvos nos fecit per lavácrum regeneratiónis et renovatiónis Spíritus Sancti, quem effúdit in nos abúnde per Iesum Christum Salvátorem nostrum: ut iustificáti grátia ipsíus, herédes simus secúndum spem vitæ æternæ: in Christo Iesu Dómino nostro.

Graduale Ps. 117, 26, 27 et 23
Benedíctus qui venit in nómine Dómini: Deus Dóminus, et illúxit nobis. **V.** A Dómino factum est istud: et est mirábile in óculis nostris.

Allelúia, allelúia. **V. Ps. 92, 1** Dóminus regnávít, decórem índuit: índuit Dóminus fortitúdinem, et præcínxit se virtúte. Allelúia.

✠ Sequéntia sancti Evangélíi secúndum Lucam.

Luc. 2, 15-20

In illo témpore: Pastóres loquebántur ad ínvicem: Transeámus usque Béthlehem, et videámus hoc verbum, quod factum est, quod Dóminus osténdit nobis. Et venérunt festinántes: et invenérunt Mariám et Ioseph, et infántem pósitum in præsépio. Vidéntes autem cognovérunt de verbo, quod dictum erat illis de púero hoc. Et omnes, qui audiérunt, miráti sunt: et de his, quæ dicta erant a pastóribus ad ipsos. María autem conservábat

ómnia verba hæc, cónferens in corde suo. Et revérsi sunt pastóres glori-ficántes, et laudántes Deum in ómnibus, quæ audierant, et víderant, sicut dictum est ad illos.

Credo.

Antiphona ad Offertorium Ps. 92, 1-2 Deus firmávit orbem terræ, qui non commovébitur: paráta sedes tua, Deus, ex tunc, a sáculo tu es.

Secreta

Múnera nostra, quæsumus, Dómine, Nativitátis hodiérnæ mystériis apta provéniant, et pacem nobis semper infúndant: ut, sicut homo génitus idem refúlsit et Deus, sic nobis hæc terréna substántia cónferat, quod divínus est. Per eúndem Dóminum.

Pro S. Anastasia

Secreta

Accipe, quæsumus, Dómine, múnera dignánter oblata: et beatæ Anastasiæ Mártiris tuæ suffragántibus méritis, ad nostræ salútis auxiliúm proveníre concéde. Per Dóminum.

Præfatio et Communicántes, ut supra in prima Missa.

Antiphona ad Communionem Zach. 9, 9 Exsúlta, filia Sion, lauda, filia Ierúsalem: ecce, Rex tuus venit sanctus, et salvátor mundi.

Postcommunio

Huius nos, Dómine, sacraménti semper nóvitas natális instáuret: cuius Natívitas singuláris humanám répulit vetustátem. Per eúndem Dóminum.

Pro S. Anastasia

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

AD TERTIAM MISSAM
in die Nativitatis Domini

Statio ad S. Mariam maiorem

Antiphona ad Introitum

Isai. 9, 6

Puer natus est nobis, et filius
datus est nobis: cuius impé-
rium super húmerum eius:
et vocábitur nomen eius, magni
consílii Angelus. **Ps. 97, 1** Cantáte
Dómino cánticum novum, quia mi-
rabília fecit. **¶** Glória Patri.

Oratio

Concède, quæsumus, omnípo-
tens Deus: ut nos Unigéniti
tui nova per carnem Nativitas lí-
beret; quos sub peccáti iugo vetústa
sérvitus tenet. Per eúndem Dómi-
num.

Léctio Epístolæ beáti Pauli Apóstoli
ad Hebræos.

Hebr. 1, 1-12

Multifáriam, multísque modis
olim Deus loquens pátribus
in prophétis: novíssime diébus istis
locútus est nobis in Fílio, quem
constítuit herédem universórum,
per quem fecit et sácula: qui cum
sit splendor glóriæ, et figúra sub-
stántiæ eius, portánsque ómnia
verbo virtútis suæ, purgatiónem
peccatórum fáciens, sedet ad dék-
teram maiestátis in excélsis: tanto
mélior Angelis efféctus, quanto dif-
feréntius præ illis nomen hereditá-
vit. Cui enim dixit aliquándo An-
gelórum: Fílius meus es tu, ego
hódie genui te? Et rursum: Ego
ero illi in patrem, et ipse erit mihi
in filium? Et cum íterum introducit
primogénitum in orbem terræ,
dicit: Et adórent eum omnes Angeli
Dei. Et ad Angelos quidem dicit:
Qui facit Angelos suos spíritus, et
minístros suos flammam ignis. Ad
Fílium autem: Thronus tuus, Deus,

in sáculum sáculi: virga æquitátis,
virga regni tui. Dilexísti iustítiam,
et odísti iniquitátem: proptérea un-
xit te Deus, Deus tuus, óleo exsul-
tatiónis præ participibus tuis. Et:
Tu in princípio, Dómine, terram
fundásti: et ópera mánuum tuárum
sunt cæli. Ipsi períbunt, tu autem
permanébis; et omnes ut vestimén-
tum veteráscent: et velut amíctum
mutábis eos, et mutabúntur: tu
autem idem ipse es, et anni tui non
deficient.

Graduale Ps. 97, 3-4 et 2 Vidérunt
omnes fines terræ salutáre Dei no-
stri: iubiláte Deo, omnis terra.
¶ Notum fecit Dóminus salutáre
suum: ante conspéctum géntium
revelávit iustítiam suam.

Allelúia, allelúia. **¶** Dies sancti-
ficátus illúxit nobis: veníte, gentes,
et adoráte Dóminum: quia hódie
descéndit lux magna super terram.
Allelúia.

✠ Inítium sancti Evangélii se-
cúndum Ioánnem.

Ioann. 1, 1-14

In princípio erat Verbum, et Ver-
bum erat apud Deum, et Deus
erat Verbum. Hoc erat in princípio
apud Deum. Omnia per ipsum facta
sunt: et sine ipso factum est nihil,
quod factum est: in ipso vita erat,
et vita erat lux hóminum: et lux
in ténebris lucet, et ténebræ eam
non comprehendérunt. Fuit homo
missus a Deo, cui nomen erat Io-
ánnes. Hic venit in testimónium, ut
testimónium perhibéret de lúmine,
ut omnes créderent per illum. Non
erat ille lux, sed ut testimónium
perhibéret de lúmine. Erat lux vera,
quæ illúminat omnem hóminem

veníentem in hunc mundum. In mundo erat, et mundus per ipsum factus est, et mundus eum non cognóvit. In própria venit, et sui eum non receperunt. Quotquot autem receperunt eum, dedit eis potestátem filios Dei fieri, his, qui credunt in nómine eius: qui non ex sanguínibus, neque ex voluntáte carnis, neque ex voluntáte viri, sed ex Deo nati sunt. **(Hic genuflectitur)** Et Verbum caro factum est, et habitávit in nobis: et vídimus glóriam eius, glóriam quasi Unigéniti a Patre, plenum grátiae et veritátis.

Credo.

Antiphona ad Offertorium Ps. 88, 12 et 15 Tui sunt cæli, et tua est terra: orbem terrárum, et plenitúdinem eius tu fundásti: iustítia et iudícium præparátio sedis tuæ.

Secreta

Obláta, Dómine, múnera, nova Unigéniti tui Nativitáte sanctífica: nosque a peccatórum nostrórum máculis emúnda. Per eúndem Dóminum.

Præfatio et Communicántes, ut supra in prima Missa.

Antiphona ad Communionem Ps. 97, 3 Vidérunt omnes fines terræ salutáre Dei nostri.

Postcommunio

Præsta, quæsumus, omnipotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largítor: Qui tecum vivit

¶ **In fine huius Missæ non dicitur ultimum Evangelium.**

¶ **Si qua, infra octavam Nativitatis Domini, dicenda sit Missa votiva de Christo Domino, sumitur Missa Puer natus est nobis, quæ habetur infra, post diem 28 decembris.**

DOMINICA INFRA OCTAVAM NATIVITATIS

II classis

Antiphona ad Introitum

Sap. 18, 14-15

Dum médium siléntium tenérent ómnia, et nox in suo cursu médium iter habéret, omnipotens sermo tuus, Dómine, de cælis a regálibus sédibus venit. **Ps. 92, 1** Dóminus regnávít, decórem indútus est: indútus est Dóminus fortitúdinem, et præcínxit se. **¶ Glória Patri.**

Oratio

Omnipotens sempitérne Deus, dirige actus nostros in beneplácito tuo: ut in nómine dilécti Fílii tui mereámur bonis opéribus abundáre: Qui tecum vivit.

Et fit commemoratio occurrentis festi II classis, iuxta rubricas, non vero octavæ.

Léctio Epístolæ beáti Pauli Apóstoli ad Gálatas.

Gal. 4, 1-7

Fratres: Quanto témpore heres párvulus est, nihil differt a servo, cum sit dóminus ómnium: sed sub tutóribus et actóribus est usque ad præfínitum tempus a patre: ita et nos cum essémus párvuli, sub eleméntis mundi erámus serviéntes. At ubi venit plenitúdo témporis, misit Deus Fílium suum, factum ex muliere, factum sub lege, ut eos, qui sub lege erant, redímeret, ut adoptiόνem filiórum reciperémus. Quóniam autem estis filii, misit Deus Spíritum Fílii sui in corda vestra, clamántem: Abba, Pater. Itaque iam non est servus, sed filius: quod si filius, et heres per Deum.

Graduale Ps. 44, 3 et 2 Speciósus forma præ filiis hóminum: diffúsa est grátia in lábiis tuis. **¶** Eructávit cor meum verbum bonum, dico ego

ópera mea Regi: lingua mea cálamus scribæ, velóciter scribéntis.

Allelúia, allelúia. **Ps. 92, 1** Dóminus regnávít, decórem índuit: índuit Dóminus fortitúdinem, et præcíncti se virtúte. Allelúia.

✠ Sequéntia sancti Evangélíi secúndum Lucam.

Luc. 2, 33-40

In illo témpore: Erat Ioseph et María mater Iesu, mirántes super his quæ dicebántur de illo. Et benedíxit illis Símeon, et dixit ad Mariám matrem eius: Ecce, pósitus est hic in ruínam, et in resurrectionem multórum in Israël: et in signum cui contradicétur: et tuam ipsíus ánimam pertransíbit gládius, ut reveléntur ex multis córdibus cogitatiónes. Et erat Anna prophetíssa, filia Phánuel, de tribu Áser: hæc procésserat in diébus multis, et víxerat cum viro suo annis septem a virginitáte sua. Et hæc vídua usque ad annos octogínta quátuor: quæ non discedébat de templo, ieiúniis et obsecratióibus sérvíens nocte ac die. Et hæc, ipsa hora supervéniens, confitebátur Dómino, et loquebátur de illo ómnibus, qui exspectábant redempti-

nem Israël. Et ut perfecérunt ómnia secúndum legem Dómini, revérsi sunt in Galilæam in civitátem suam Náza-reth. Puer autem crescébat, et confortabátur, plenus sapiéntia: et grátia Dei erat in illo.

Credo.

Antiphona ad Offertorium Ps. 92, 1-2 Deus firmávit orbem terræ, qui non commovébitur: paráta sedes tua, Deus, ex tunc, a sáculo tu es.

Secreta

Concède, quæsumus, omnípotens Deus: ut óculis tuæ maiestátis munus oblátum, et grátiam nobis piæ devotiónis obtíneat, et efféctum beátæ perennitátis acquirat. Per Dóminum.

Præfatio et Communicantes de Nativitate.

Antiphona ad Communionem Matth. 2, 20 Tolle púerum, et matrem eius, et vade in terram Israël: defúnti sunt enim, qui quærébant ánimam púeri.

Postcommunio

Per huius, Dómine, operatiónem mystérii, et vítia nostra purgéntur, et iusta desidéria compleántur. Per Dóminum.

Die 26 decembris

S. STEPHANI PROTOMARTYRIS

II classis

Statio ad S. Stephanum in Cælio monte

Antiphona ad Introitum

Ps. 118, 23, 86 et 23

Sedérunt príncipes, et advérsus me loquebántur: et iníqui persecúti sunt me: ádiuva me, Dómine Deus meus, quia servus tuus exercebátur in tuis iustificatióibus. **Ps. ibid., 1** Beáti immaculáti in via, qui ámbulant in lege Dómini. **V.** Glória Patri.

Oratio

Da nobis, quæsumus, Dómine, imitári quod cólimus: ut discámus et inimícos diligere; quia eius natalítia celebrámus, qui novit étiam pro persecutóribus exoráre Dóminum nostrum Iesum Christum Fílium tuum: Qui tecum vivit.

Et fit commemoratio octavæ Nativitatis:

Oratio

Concede, quæsumus, omnipotens Deus: ut nos Unigénitui nova per carnem Natívitatis liberet; quos sub peccáti iugo vetústa sérvitus tenet. Per eúndem Dóminum.

Léctio Actuum Apostolorum

Act. 6, 8-10; 7, 54-59

In diébus illis: Stéphanus, plenus grátia et fortitúdine, faciébat prodígia et signa magna in pópulo. Surrexérunt autem quidam de synagóga, quæ appellátur Libertinórum, et Cyrenénsium, et Alexandrinórum, et eórum qui erant a Cilícia, et Asia, disputántes cum Stéphanó: et non póterant résistere sapiéntiæ et Spíritui, qui loquebátur. Audiéntes autem hæc, dissecebántur córdibus suis, et stridébant déntibus in eum. Cum autem esset Stéphanus plenus Spíritu Sancto, inténdens in cælum, vidit glóriam Dei, et Iesum stantem a dextris Dei. Et ait: Ecce, vídeo cælos apértos, et Fílium hóminis stantem a dextris Dei. Exclamántes autem voce magna continuérunt aures suas, et ímpetum fecérunt unánimiter in eum. Et eiciéntes eum extra civitátem, lapidábant: et testes deposuérunt vestiménta sua secus pedes adulescéntis, qui vocabátur Saulus. Et lapidábant Stéphanum invocántem, et dicéntem: Dómine Iesu, súscipe spíritum meum. Pósitis autem génibus clamávit voce magna, dicens: Dómine, ne státuas illis hoc peccátum. Et cum hoc dixísset, obdormívit in Dómino.

Graduale Ps. 118, 23 et 86; 6, 5 Sedérunt príncipes, et advérsus me loquebántur: et iníqui persecúti sunt me. **V.** Adiuva me, Dómine Deus meus: saluum me fac propter misericórdiam tuam.

Allelúia, allelúia. **V.** **Act. 7, 56** Vídeo cælos apértos, et Iesum stantem a dextris virtútis Dei. Allelúia.

¶ In Missis votivis post Septuagesimam, omissis Allelúia, et versu sequenti, dicitur tractus Desidérium, de Communi unius Martyris (6).

Tempore autem paschali omititur graduale, et eius loco dicitur:

Allelúia, allelúia. **V.** **Act. 7, 56** Vídeo cælos apértos, et Iesum stantem a dextris virtútis Dei. Allelúia. **V.** **Ps. 20, 4** Posuísti, Dómine, super caput eius corónam de lapide pretiósó. Allelúia.

✠ Sequéntia sancti Evangélíi secúndum Matthæum. **Matth. 23, 34-39**

In illo témpore: Dicébat Iesus scribis et pharisæis: Ecce, ego mitto ad vos prophétas, et sapiéntes, et scribas, et ex illis occidétis et crucifigétis, et ex eis flagellábitis in synagógis vestris, et persequémini de civitáte in civitátem: ut véniat super vos omnis sanguis iustus, qui effúsus est super terram, a ságuine Abel iusti usque ad ságuinem Zachariæ, filii Barachíæ, quem occidístis inter templum et altáre. Amen dico vobis, vénient hæc ómnia super generatióem istam. Ierúsalem, Ierúsalem, quæ occidis prophétas, et lápidas eos, qui ad te missi sunt, quóties vólui congregáre filios tuos, quemádmódum gallína cóngregat pullos suos sub alas, et noluísti? Ecce, relinquétur vobis domus vestra déserta. Dico enim vobis, non me vidébitis ámodo, donec dicátis: Benedíctus, qui venit in nómine Dómini.

Credo, **ratione octavæ Nativitatis.**

In Missis votivis post Septuagesimam, in fine sequentis antiphonæ Allelúia omittitur.

Antiphona ad Offertorium Act. 6, 5 et 7, 59 Elegérunt Apóstoli Stéphanum Levítam, plenum fide et Spíritu Sancto: quem lapidavérunt Iudæi orántem, et dicéntem: Dómine Iesu, áccipe spíritum meum, allelúia.

Secreta

Súscipe, Dómine, múnera pro tuórum commemoratióne Sanctórum: ut, sicut illos pássio gloriósos effécit; ita nos devótio reddat innócuos. Per Dóminum.

Pro octava Nativitatis**Secreta**

Obláta, Dómine, múnera, nova Unigéniti tui Nativitáte sanctífica: nosque a peccatórum nostrórum máculis emúnda. Per eúndem Dóminum.

Præfatio et Communicantes de Nativitate, ratione octavæ.

Antiphona ad Communionem
Act. 7, 56, 59 et 60 **Vídeo cælos apér-**

tos, et Iesum stantem a dextris virtútis Dei: Dómine Iesu, áccipe spíritum meum, et ne státuas illis hoc peccátum.

Postcommunio

Auxiliéntur nobis, Dómine, sumpta mystéria: et, intercedente beáto Stéphanó Mártire tuo, sempitérna protectióne confirmet. Per Dóminum.

Pro octava Nativitatis**Postcommunio**

Præsta, quæsumus, omnípotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largítor: Qui tecum vivit.

Die 27 decembris**S. IOANNIS APOSTOLI ET EVANGELISTÆ****II classis****Statio ad S. Mariam maiorem****Antiphona ad Introitum**

Eccli. 15, 5

In médio ecclésiæ apéruit os eius: et implévit eum Dóminus spíritu sapiéntiæ, et intelléctus: stolam glóriæ índuit eum. **Ps. 91, 2** Bonum est confitéri Dómino: et psállere nómini tuo, Altíssime. **Ÿ.** Glória Patri.

Oratio

Ecclésiám tuam, Dómine, benígnus illústra: ut, beáti Ioánnis Apóstoli tui et Evangelistæ illumináta doctrínis, ad dona pervéniant sempitérna. Per Dóminum.

Et fit commemoratio octavæ Nativitatis:

Oratio

Concéde, quæsumus, omnípotens Deus: ut nos Unigéniti tui nova per carnem Nativitas líberet; quos sub peccáti iugo

vetústa sérvitus tenet. Per eúndem Dóminum.

Léctio libri Sapiéntiæ.

Eccli. 15, 1-6

Qui timet Deum, fáciat bona: et qui cóntinens est iustítiæ, apprehéndet illam, et obviábit illi quasi mater honorificáta. Cibábit illum pane vitæ et intelléctus, et aqua sapiéntiæ salutáris potábit illum: et firmábitur in illo, et non flectétur: et continébit illum, et non confundétur: et exaltábit illum apud próximos suos, et in médio ecclésiæ apériet os eius, et adimplébit illum spíritu sapiéntiæ et intelléctus, et stola glóriæ véstiet illum. Iucunditátem, et exultatió-nem thesaurizábit super illum, et nómine æténo hereditábit illum, Dóminus Deus noster.

Graduale Ioann. 21, 23 et 19 Exiit sermo inter fratres, quod discipulus ille non móritur: et non dixit Iesus: Non móritur. **¶** Sed: Sic eum volo manére, donec véniam: tu me séquere.

Allelúia, allelúia. **¶. Ibid., 24** Hic est discipulus ille, qui testimónium pérhibet de his: et scimus, quia verum est testimónium eius. Allelúia.

¶ In Missis votivis post Septuagesimam, omissis Allelúia, et versu sequenti, dicitur tractus Beátus vir, **ut in Communi Doctorem (19).**

Tempore autem paschali, omititur graduale, et eius loco dicitur:

Allelúia, allelúia. **¶. Ioann. 21, 24** Hic est discipulus ille, qui testimónium pérhibet de his: et scimus, quia verum est testimónium eius. Allelúia. **¶. Ps. 91, 13** Iustus ut palma florébit: sicut cedrus Líbani multiplicábitur. Allelúia.

✠ **Sequéntia sancti Evangélíi secúndum Ioánnem.**

Ioann. 21, 19-24

In illo témpore: Dixit Iesus Petro: Séquere me. Convérsus Petrus vidit illum discipulum, quem diligébat Iesus, sequéntem, qui et recúbuit in cena super pectus eius, et dixit: Dómine, quis est qui tradet te? Hunc ergo cum vidísset Petrus, dixit Iesu: Dómine, hic autem quid? Dicit ei Iesus: Sic eum volo manére, donec véniam, quid ad te? tu me séquere. Exiit ergo sermo iste inter fratres, quia discipulus ille non móritur. Et non dixit ei Iesus: Non móritur; sed: Sic eum volo manére, donec véniam: quid ad te? Hic est discipulus ille, qui testimónium pérhibet de his, et scripsit hæc: et

scimus, quia verum est testimónium eius.

Credo.

Antiphona ad Offertorium Ps. 91, 13 Iustus ut palma florébit: sicut cedrus, quæ in Líbano est, multiplicábitur.

Secreta

Súscipe, Dómine, múnera, quæ in eius tibi solemnitáte deférimus, cuius nos confidimus patrocínio liberári. Per Dóminum.

Pro octava Nativitatis

Secreta

Obláta, Dómine, múnera, nova Unigéniti tui Nativitáte sanctífica: nosque a peccatórum nostrórum máculis emúnda. Per eúndem Dóminum.

Præfatio et Communicántes de Nativitate, ratione octavæ. In Missis votivis extra octavam Nativitatis, præfatio de Apostolis.

Antiphona ad Communionem Ioann. 21, 23 Exiit sermo inter fratres, quod discipulus ille non móritur: et non dixit Iesus: Non móritur; sed: Sic eum volo manére, donec véniam.

Postcommunio

Refécti cibo potúque cælésti, Deus noster, te súpplīces deprecámur: ut, in cuius hæc commemoratióne percépimus, eius muniamur et précibus. Per Dóminum.

Pro octava Nativitatis

Postcommunio

Præsta, quæsumus, omnípotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largítor: Qui tecum vivit.

Die 28 decembris

SS. INNOCENTIIUM MARTYRUM

II classis

Statio ad S. Paulum

Antiphona ad Introitum

Ps. 8, 3

Ex ore infántium, Deus, et lacténtium perfecísti laudem propter inimícos tuos. **Ps. ibid.,**
2 Dómine Dóminus noster: quam admirábile est nomen tuum in univérſa terra! **V.** Glória Patri.

Oratio

Deus, cuius hodiérna die præcónium Innocéntes Mártyres non loquéndó, sed moriéndó conféssi sunt: ómnia in nobis vitiórum mala mortífica; ut fidem tuam, quam lingua nostra lóquitur, étiam móribus vita fateátur. Per Dóminum.

Et fit commemoratio octavæ Nativitatis:

Oratio

Concède, quæsumus, omnípotens Deus: ut nos Unigéniti tui nova per carnem Natívitatis liberet; quos sub peccáti iugo vetústa sérvitus tenet. Per eúndem Dóminum.

Léctio libri Apocalýpsis beáti Ioánnis Apóstoli. **Apoc. 14, 1-5**

In diébus illis: Vidi supra montem Sion Agnum stantem, et cum eo centum quadragínta quátuor mília, habéntes nomen eius, et nomen Patris eius scriptum in fróntibus suis. Et audívi vocem de cælo, tamquam vocem aquárum multárum, et tamquam vocem tonítrui magni: et vocem, quam audívi, sicut citharædórum citharizántium in cítharis suis. Et cantábant quasi cánticum novum ante sedem, et ante quátuor animália, et senióres: et nemo póterat dícere cánticum, nisi illa centum quadragínta quátuor mília, qui empti sunt de terra. Hi sunt,

qui cum muliéribus non sunt coinquináti: vírgines enim sunt. Hi sequúntur Agnum, quocúmque íerit. Hi empti sunt ex homínibus primítie Deo, et Agno: et in ore eórum non est invéntum mendácium: sine mácula enim sunt ante thronum Dei.

Graduale Ps. 123, 7-8 Anima nostra, sicut passer, erépta est de láqueo venántium. **V.** Láqueus contrítus est, et nos liberáti sumus: adiutórium nostrum in nómine Dómini, qui fecit cælum et terram.

Allelúia, allelúia. **V. Ps. 112, 1** Laudáte, púeri, Dóminum, laudáte nomen Dómini. Allelúia.

¶ In Missis votivis post Septuagesimam, omissis Allelúia, et versu sequenti, dicitur

Tractus Ps. 78, 3 et 10 Effuderunt sánguinem sanctórum, velut aquam in circúitu Ierúsalem. **V.** Et non erat qui sepelíret. **V.** Víndica, Dómine, sánguinem sanctórum tuórum, qui effúsus est super terram.

¶ Tempore autem paschali omittitur graduale, et eius loco dicitur:

Allelúia, allelúia. **V. Ps. 112, 1** Laudáte, púeri, Dóminum, laudáte nomen Dómini. Allelúia. **V. Eccli. 39, 19** Sancti tui, Dómine, florébunt sicut lílium, et sicut odor bálsami erunt ante te. Allelúia.

✠ Sequéntia sancti Evangélíi secúndum Matthæum.

Matth. 2, 13-18

In illo témpore: Angelus Dómini appáruit in somnis Ioseph, dicens: Surge, et áccipe púerum, et

matrem eius, et fuge in Ægyptum, et esto ibi usque dum dicam tibi. Futurum est enim, ut Heródes quærat púerum ad perdéndum eum. Qui consúrgens accépit púerum, et matrem eius nocte, et secéssit in Ægyptum: et erat ibi usque ad óbitum Heródis: ut adimplerétur quod dictum est a Dómino per Prophétam dicéntem: Ex Ægypto vocávi Fílium meum. Tunc Heródes videns quóniam illúsus esset a Magis, irátus est valde, et mittens occídit omnes púeros, qui erant in Béthlehem, et in ómnibus finibus eius, a bimátu et infra, secúndum tempus quod exquisíerat a Magis. Tunc adimplétum est quod dictum est per Ieremíam prophétam dicéntem: Vox in Rama audíta est, plorátus, et ululátus multus: Rachel plorans filios suos, et nóluit consolári, quia non sunt.

Credo, **ratione octavæ Nativitatis.**

Antiphona ad Offertorium Ps. 123, 7 Anima nostra, sicut passer, erépta est de láqueo venántium: láqueus contrítus est, et nos liberáti sumus.

Secreta

Sanctórum tuórum, Dómine, nobis pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum.

Pro octava Nativitatis

Secreta

Obláta, Dómine, múnera, nova Unigéniti tui Nativitáte sanctífica: nosque a peccatórum nostrórum máculis emúnda. Per eúndem Dóminum.

Præfatio et Communicantes de Nativitate, ratione octavæ.

Antiphona ad Communionem Matth. 2, 18 Vox in Rama audíta est, plorátus, et ululátus: Rachel plorans filios suos, et nóluit consolári, quia non sunt.

Postcommunio

Votíva, Dómine, dona percépi-mus: quæ Sanctórum nobis précibus, et præsentis, quæsumus, vitæ páriter et æternæ tribue conférre subsidium. Per Dóminum.

Pro octava Nativitatis

Postcommunio

Præsta, quæsumus, omnípotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largítor: Qui tecum vivit.

DIEBUS INFRA OCTAVAM NATIVITATIS DOMINI

II classis

Antiphona ad Introitum

Isai. 9, 6

Puer natus est nobis, et filius datus est nobis: cuius impérium super húmerum eius: et vocábitur nomen eius, magni consílii Angelus. **Ps. 97, 1** Cantáte Dómino cánticum novum: quia mirabília fecit. **Ÿ.** Glória Patri.

Oratio

Concède, quæsumus, omnípotens Deus: ut nos Unigéniti tui nova per carnem Nativitas liberet; quos sub peccáti iugo vetústa sérvitus tenet. Per eúndem Dóminum.

Die 29 decembris fit commemoratio S. Thomæ Ep. et Mart.:

Oratio

Deus, pro cuius Ecclésia glóriósus Póntifex Thomas gládiis impiórum occúbuit: præsta, quæsumus; ut omnes, qui eius implórant auxílium, petitiónis suæ salutárem consequántur efectum. Per Dóminum.

Die 31 decembris fit commemoratio S. Silvestri I Papæ et Conf.:

Oratio C I

Gregem tuum, Pastor ætérne, placátus inténde: et per beátum Silvétrum Summum Pontíficem, perpétua protectióne custódi: quem totíus Ecclésiæ præstitísti esse pastórem. Per Dóminum.

Léctio Epístolæ beáti Pauli Apóstoli ad Titum.

Tit. 3, 4-7

Caríssime: Appáruit benígnitas et humánitas Salvatóris nostri Dei: non ex opéribus iustítiæ, quæ fécimus nos, sed secúndum suam misericórdiam salvos nos fecit per lavácrum regeneratiónis et renovatiónis Spíritus Sancti, quem effúdit in nos abúnde per Iesum Christum Salvátorem nostrum: ut iustificáti grátia ipsíus, herédes simus secúndum spem vitæ æternæ: in Christo Iesu Dómino nostro.

Graduale Ps. 97, 3-4 et 2 Vidérunt omnes fines terræ salutáre Dei nostri: iubiláte Deo, omnis terra. **¶** Notum fecit Dóminus salutáre suum: ante conspéctum géntium revelávit iustítiam suam.

Allelúia, allelúia. **¶** Dies sanctificátus illúxit nobis: veníte, gentes, et adoráte Dóminum: quia hódie descéndit lux magna super terram. Allelúia.

✠ Sequéntia sancti Evangélii secúndum Lucam.

Luc. 2, 15-20

In illo témpore: Pastóres loquebántur ad ínvicem: Transeámus usque Bétlehem, et videámus hoc verbum, quod factum est, quod Dóminus osténdit nobis. Et venérunt festinántes: et invenérunt Mariám et Ioseph, et infántem pósitum in præsépio. Vidéntes autem cognovérunt de verbo, quod dictum erat illis de púero hoc. Et omnes, qui audiérunt, miráti sunt: et de his,

quæ dicta erant a pastóribus ad ipsos. María autem conservábat ómnia verba hæc, cónferens in corde suo. Et revérsi sunt pastóres glori-ficántes, et laudántes Deum in ómnibus, quæ audierant, et víderant, sicut dictum est ad illos.

Credo.

Antiphona ad Offertorium Ps. 88, 12 et 15 Tui sunt cæli, et tua est terra: orbem terrárum, et plenitudinem eius tu fundásti: iustítia et iudícium præparátio sedis tuæ.

Secreta

Obláta, Dómine, múnera, nova Unigéniti tui Nativitáte sanctífica: nosque a peccatórum nostrórum máculis emúnda. Per eúndem Dóminum.

Die 29 decembris**Pro S. Thoma Secreta**

Múnera tibi, Dómine, dicáta sanctífica: et, intercedénte beáto Thoma Mártire tuo atque Pontífice, per éadem nos placátus inténde. Per Dóminum.

Die 31 decembris**Pro S. Silvestro Secreta C I**

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Præfatio et Communicántes de Nativitate.

Antiphona ad Communionem Ps. 97, 3 Vidérunt omnes fines terræ salutáre Dei nostri.

Postcommunio

Præsta, quæsumus, omnípotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largítor: Qui tecum vivit.

Die 29 decembris

Pro S. Thoma Postcommunio

Hæc nos commúnio, Dómine, purget a crímine: et, intercedente beáto Thoma Mártire tuo atque Pontífice, cæléstis remédii fáciat esse consórtes. Per Dóminum.

Die 31 decembris

Pro S. Silvestro

Postcommunio C I

Refectióne sancta enutrítam gubérna, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat; et in religiónis integritáte persístat. Per Dóminum.

Die 29 decembris

DE V DIE INFRA OCTAVAM
NATIVITATIS DOMINI

II classis

Missa Puer natus est nobis, **ut supra 25.** Et fit commemoratio S. Thomæ Ep. et Mart. (e Missa sequenti), **ut ibidem.**

Eodem die 29 decembris

S. THOMÆ EPISCOPI ET MART.

Commemoratio

Ubi festum S. Thomæ Ep. et Mart. celebratur gradu I classis, dicitur sequens Missa.

Antiphona ad Introitum

Gaudéamus omnes in Dómino, diem festum celebrántes sub honóre beáti Thomæ Mártiris: de cuius passióne gaudent Angeli, et colláudant Fílium Dei. **Ps. 32, 1** Exsultáte, iusti, in Dómino: rectos decet collaudátio. **V.** Glória Patri.

Oratio

Deus, pro cuius Ecclésia gloriósus Póntifex Thomas gládiis impiórum occúbuit: præsta, quæsumus; ut omnes, qui eius impló-

rant auxílium, petitiónis suæ salutárem consequántur efféctum. Per Dóminum.

Et fit commemoratio octavæ Nativitatis:

Oratio

Concède, quæsumus, omnípotens Deus: ut nos Unigéniti tui nova per carnem Nativitas líberet; quos sub peccáti iugo vetústa sêrvitus tenet. Per eúndem Dóminum.

Léctio Epístolæ beáti Pauli Apóstoli ad Hebræos.

Hebr. 5, 1-6

Fratres: Omnis póntifex ex homínibus assúptus, pro homínibus constitúitur in iis, quæ sunt ad Deum, ut ófferat dona, et sacrificia pro peccátis: qui condolére possit iis, qui ignórant, et errant: quóniam et ipse circúmdatus est infirmitáte: et proptérea debet, quemádmódum pro pópulo, ita étiam et pro semetípso offérre pro peccátis. Nec quisquam sumit sibi honórem, sed qui vocátur a Deo, tamquam Aaron. Sic et Christus non semetípsum clarificávit ut póntifex fieret: sed qui locútus est ad eum: Fílius meus es tu, ego hódie génui te. Quemádmódum et in álio loco dicit: Tu es sacérdos in ætérnum, secúndum órđinem Melchisedech.

Graduale Eccli. 44, 16 Ecce sacérdos magnus, qui in diébus suis plácuit Deo. **V. Ibid., 20** Non est invéntus símilis illi, qui conserváret legem Excélsi.

Allelúia, allelúia. **V. Ioann. 10, 14** Ego sum pastor bonus: et cognósco oves meas, et cognóscunt me meæ. Allelúia.

✠ Sequéntia sancti Evangélíi secúndum Ioánnem.

Ioann. 10, 11-16

In illo témpore: Dixit Iesus pharisæis: Ego sum pastor bonus.

Bonus pastor ánimam suam dat pro óvibus suis. Mercenárius autem, et qui non est pastor, cuius non sunt oves própriae, videt lupum veniéntem, et dimíttit oves, et fugit: et lupus rapit, et dispérgit oves: mercenárius autem fugit, quia mercenárius est, et non pértinet ad eum de óvibus. Ego sum pastor bonus: et cognóscō meas, et cognóscunt me meæ. Sicut novit me Pater, et ego agnóscō Patrem: et ánimam meam pono pro óvibus meis. Et álias oves hábeo, quæ non sunt ex hoc ovíli: et illas opórtet me addúcere, et vocem meam áudient, et fiet unum ovíle, et unus pastor.

Credo.

In Missis votivis post Septuagesimam, in fine sequentis antiphonæ Allelúia omittitur.

Antiphona ad Offertorium Ps. 20, 4-5 Posuisti, Dómine, in cápite eius corónam de lápide pretióso: vitam pétiit a te, et tribuísti ei, allelúia.

Secreta

Múnere tibi, Dómine, dicáta sanctífica: et, intercedénte beáto Thoma Mártire tuo atque Pontífice, per éadem nos placátus inténde. Per Dóminum.

Pro octava Nativitatis

Secreta

Obláta, Dómine, múnere, nova Unigéniti tui Nativitáte sanctífica: nosque a peccatórum nostrórum máculis emúnda. Per eúndem Dóminum.

Præfatio et Communicántes de Nativitate, ratione octavæ.

Antiphona ad Communionem Ioann. 10, 14 Ego sum pastor bonus: et cognóscō oves meas, et cognóscunt me meæ.

Postcommunio

Hæc nos commúnio, Dómine, purget a crímine: et, intercedénte beáto Thoma Mártire tuo

atque Pontífice, cæléstis remédii fáciat esse consórtes. Per Dóminum.

Pro octava Nativitatis

Postcommunio

Præsta, quæsumus, omnípotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largítor: Qui tecum vivit.

¶ Pro votiva dicitur Missa ut supra, sed antiphona ad Introitum, et post Septuagesimam etiam tractus, sumuntur ex Missa Státuit, de Communi unius Martyris 1 loco (3). Tempore autem paschali antiphona ad Introitum item sumitur ex Missa Protexísti, de Communi Martyrum 1 loco (12), et post Epistolam, omisso graduáli, dicitur:

Allelúia, allelúia. V. Ioann. 10, 14 Ego sum pastor bonus: et cognóscō oves meas, et cognóscunt me meæ. Allelúia. V. Ps. 109, 4 Tu es sacérdos in ætérnum, secúndum órđinem Melchísedech. Allelúia.

Die 30 decembris

DE VI DIE INFRA OCTAVAM
NATIVITATIS DOMINI

II classis

Missa Puer natus est nobis, ut supra 25.

Die 31 decembris

DE VII DIE INFRA OCTAVAM
NATIVITATIS DOMINI

II classis

Missa Puer natus est nobis, ut supra 25. Et fit commemoratio S. Silvestri I Papæ et Conf. (e Missa sequenti), ut ibidem.

Eodem die 31 decembris

S. SILVESTRI I PAPÆ ET CONF.

Commemoratio

Ubi festum S. Silvestri I Papæ et Conf. celebratur gradu I classis, dicitur Missa Si diligis me, de Comuni unius aut plurium Summorum Pontificum (1).

Oratio

C I

Gregem tuum, Pastor æternæ, placatus inténde: et per beatum Silvéstrum Summum Pontificem, perpétua protectione custódi: quem totius Ecclésiæ præstitisti esse pastorem. Per Dóminum.

Et fit commemoratio octavæ Nativitatis:

Oratio

Concède, quæsumus, omnipotens Deus: ut nos Unigéniti tui nova per carnem Nativitas liberet; quos sub peccáti iugo vetústa sêrvitus tenet. Per eúndem Dóminum.

Et dicitur Credo.

Secreta

C I

Oblátis munéribus, quæsumus, Dómine, Ecclésiám tuam be-

nígnus illúmina: ut, et gregis tui proficiat ubique succéssus, et grati fiant nómini tuo, te gubernánte, pastóres. Per Dóminum.

Pro octava Nativitatis

Secreta

Obláta, Dómine, múnera, nova Unigéniti tui Nativitate sanctifica: nosque a peccatórum nostrórum máculis emúnda. Per eúndem Dóminum.

Præfatio et Communicantes de Nativitate, ratione octavæ.

Postcommunio

C I

Refectióne sancta enutrítam guberná, quæsumus, Dómine, tuam placatus Ecclésiám: ut poténti moderatióne dirécta, et incrementa libertátis accípiat; et in religiónis integritáte persístat. Per Dóminum.

Pro octava Nativitatis

Postcommunio

Præsta, quæsumus, omnipotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largítor: Qui tecum vivit.

Die 1 ianuarii

IN OCTAVA NATIVITATIS DOMINI

I classis

Statio ad S. Mariam trans Tiberim

Antiphona ad Introitum

Isai. 9, 6

Puer natus est nobis, et filius datus est nobis: cuius impérium super húmerum eius: et vocábitur nomen eius, magni consílii Angelus. **Ps. 97, 1** Cantáte Dómino cánticum novum: quia mirabília fecit. **V.** Glória Patri.

Oratio

Deus, qui salutis æternæ beatæ Mariæ Virginitate fecúnda, humano géneri præmia præstitisti:

tríbe, quæsumus; ut ipsam pro nobis intercédere sentiámus, per quam méruimus auctórem vitæ suscipere, Dóminum nostrum Iesum Christum Fílium tuum: Qui tecum vivit.

Léctio Epístolæ beáti Pauli Apóstoli ad Titum.

Tit. 2, 11-15

Caríssime: Appáruit grátia Dei Salvatóris nostri ómnibus homínibus, erúdiens nos, ut abnegán-

tes impietatem, et sæcularia desideria, sóbrie, et iuste, et pie vivamus in hoc sæculo, exspectantes beatam spem, et adventum glóriæ magni Dei et Salvatoris nostri Iesu Christi: qui dedit semetipsum pro nobis: ut nos redimeret ab omni iniquitate, et mundaret sibi populum acceptabilem, sectatorem bonorum operum. Hæc loquere, et exhortare: in Christo Iesu Domino nostro.

Graduale Ps. 97, 3-4 et 2 Vidérunt omnes fines terræ salutare Dei nostri: iubiláte Deo, omnis terra. **V.** Notum fecit Dominus salutare suum: ante conspectum gentium revelavit iustitiam suam.

Allelúia, allelúia. **V. Hebr. 1, 1-2** Multifarie olim Deus loquens patribus in prophetis, novissime diebus istis locutus est nobis in Filio. Allelúia.

✠ Sequéntia sancti Evangélíi secúndum Lucam. **Luc. 2, 21**

In illo témpore: Postquam consummati sunt dies octo, ut circumcideretur puer: vocatum est nomen eius Iesus, quod vocatum est ab Angelo priusquam in útero conciperetur.

Credo.

Antiphona ad Offertorium Ps. 88, 12 et 15 Tui sunt cæli, et tua est terra: orbem terrarum, et plenitudinem eius tu fundasti: iustitia et iudicium præparatio sedis tuæ.

Secreta

Munéribus nostris, quæsumus, Dómine, precibusque suscéptis: et cælestibus nos munda mysteriis, et cleménte exáudi. Per Dóminum.

Præfatio et Communicantes de Nativitate.

Antiphona ad Communionem Ps. 97, 3 Vidérunt omnes fines terræ salutare Dei nostri.

Postcommunio

Hæc nos commúnio, Dómine, purget a crimine: et, intercedente beata Vírgine Dei Genetrice María, cælestis remédii fáciat esse consórtes. Per eúndem Dóminum.

¶ **De dominica, si occurrat a die 2 ad diem 5 ianuarii, nihil fit; eius locum tenet festum Ssmi Nominis Iesu, cum omnibus iuribus et privilegiis dominicæ.**

Diebus ferialibus a 2 ad 5 ianuarii Missa dicitur ut die 1 ianuarii, cum Glória et præfatione de Nativitate, sine Credo et Communicantes proprio.

Dominica a die 2 ad diem 5 ianuarii occurrenti

vel, si hæc defecerit, die 2 ianuarii

SANCTISSIMI NOMINIS IESU

II classis

Antiphona ad Introitum

Philipp. 2, 10-11

In nómine Iesu omne genu flectatur, cælestium, terréstrium, et infernórum: et omnis lingua confiteatur, quia Dóminus Iesus Christus in glória est Dei Patris. **Ps. 8, 2** Dómine Dóminus noster, quam admirábile est nomen tuum in univérsta terra! **V.** Glória Patri.

Oratio

Deus, qui unigénitum Fílium tuum constituísti humáni géneris Salvátorem, et Iesum vocári iussísti: concéde propítius; ut, cuius sanctum nomen venerámur in terris, eius quoque aspéctu perfruámur in cælis. Per eúndem Dóminum.

Lectio Actuum Apostolorum.

Act. 4, 8-12

In diébus illis: Petrus replétus Spíritu Sancto, dixit: Príncipes pópuli, et senióres, audíte: Si nos hódie diiudicámur in benefácto hóminis infirmi, in quo iste salvus factus est, notum sit ómnibus vobis, et omni plebi Israël: quia in nómine Dómini nostri Iesu Christi Nazaréni, quem vos crucifixístis, quem Deus suscitávit a mórtuis, in hoc iste astat coram vobis sanus. Hic est lapis, qui reprobátus est a vobis ædificántibus: qui factus est in caput ánguli: et non est in álio áliquo salus. Nec enim áliud nomen est sub cælo datum homínibus, in quo opórteat nos salvos fieri.

Graduale Ps. 105, 47 Salvos fac nos, Dómine Deus noster, et cóngrega nos de natió nibus: ut confiteámur nómini sancto tuo, et gloriémur in glória tua. **℣. Isai. 63, 16** Tu, Dómine, pater noster, et redémptor noster: a sáculo nomen tuum.

Allelúia, allelúia. **℣. Ps. 144, 21** Laudem Dómini loquétur os meum, et benedícat omnis caro nomen sanctum eius. Allelúia.

¶ **In Missis votivis post Septuagesimam, omissis Allelúia, et versu sequenti, dicitur**

Tractus Ps. 79, 20 et Cant. 2, 14 Dómine Deus virtútum, convérte nos: et osténde fáciem tuam, et salvi érimus: sonet vox tua in áuribus meis. Vox enim tua dulcis, et fácies tua decóra nimis. **℣. Cant. 1, 2** Oleum effúsum nomen tuum, Iesu: ideo adolescéntulæ dilexérunt te.

Tempore autem paschali omititur graduale, et eius loco dicitur:

Allelúia, allelúia. **℣. Ps. 144, 21** Laudem Dómini loquétur os meum, et benedícat omnis caro

nomen sanctum eius. Allelúia. **℣. Ibid., 1** Exaltábo te, Deus meus Rex: et benedícam nómini sancto tuo, Iesu, in sáculum, et in sáculum sáculi. Allelúia.

✠ **Sequéntia sancti Evangélii secundum Lucam. Luc. 2, 21**

In illo témpore: Postquam consummáti sunt dies octo, ut circumciderétur puer: vocátum est nomen eius Iesus, quod vocátum est ab Angelo priúsqum in útero conciperétur.

Credo.

In Missis votivis post Septuagesimam, in fine sequentis antiphonæ Allelúia omittitur.

Antiphona ad Offertorium Ps. 85, 12 et 5 Confitébor tibi, Dómine Deus meus, in toto corde meo, et glorificábo nomen tuum in ætérnum: quóniam tu, Dómine, suávis et mitis es: et multæ misericórdiæ ómnibus invocántibus te, allelúia.

Secreta

Benedictio tua, clementíssime Deus, qua omnis viget creatúra, sanctíficet, quæsumus, hoc sacrificium nostrum, quod ad glóriam nóminis Filii tui, Dómini nostri Iesu Christi, offérimus tibi: ut maiestáti tuæ placére possit ad laudem, et nobis proficere ad salutem. Per eúndem Dóminum.

Præfatio de Nativitate, ratione Temporis.

In Missis votivis post Septuagesimam, in fine sequentis antiphonæ Allelúia omittitur.

Antiphona ad Communionem Ps. 85, 9-10 Omnes gentes quascúmque fecísti, vénient, et adorábunt coram te, Dómine, et glorificábunt nomen tuum: quóniam magnus es tu, et fáciens mirabília: tu es Deus solus. Allelúia.

Postcommunio

Omnípotens ætérne Deus, qui creásti et redemísti nos, respice propítius vota nostra: et sacrificium salutáris hóstiæ, quod in honórem nóminis Fílii tui, Dómini nostri Iesu Christi, maiestáti tuæ obtúlimus, plácido et benígno vultu suscípere dignéris; ut grátia tua nobis infúsa, sub glorióso nómine Iesu, æternæ prædestinatiónis título gaudeámus nómina nostra scripta esse in cælis. Per eúndem Dóminum.

Die 5 ianuarii

S. TELESPHORI
PAPÆ ET MARTYRIS

Commemoratio

Missa Si diligis me, **de Communi-
unius aut plurium Summorum
Pontificum** (I).

Oratio

C I

Gregem tuum, Pastor ætérne, placátus inténde: et per beátum Telésphorum Mártirem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Secreta

C I

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C I

Refectióne sancta enutrítam gubérna, quæsumus, Dómine, tuam placátus Ecclésiám: ut poténti moderatióne dirécta, et increménta libertátis accípiat; et in religiónis integritáte persístat. Per Dóminum.

TEMPUS EPIPHANIÆ

Die 6 ianuarii

IN EPIPHANIA DOMINI

I classis

Statio ad S. Petrum

Antiphona ad Introitum

Malach. 3, 1; 1 Par. 29, 12

Ecce, advénit dominátor Dóminus: et regnum in manu eius, et potéstas, et impérium. **Ps.** 71, 1 Deus, iudícium tuum Regi da: et iustítiam tuam Fílio Regis. **V.** Glória Patri.

Oratio

Deus, qui hodiérna die Unigénitum tuum géntibus stella duce revelásti: concéde propítius; ut, qui iam te ex fide cognóvimus, usque ad contemplándam spéciem tuæ celsitúdinis perducámur. Per eúndem Dóminum.

Léctio Isaíæ Prophétæ.

Isai. 60, 1-6

Surge, illumináre, Ierúsalem: quia venit lumen tuum, et glória Dómini super te orta est. Quia ecce, ténebræ opérient terram, et calígo pópulos: super te autem oriétur Dóminus, et glória eius in te vidébitur. Et ambulábunt gentes in lúmine tuo, et reges in splendóre ortus tui. Leva in circúitu óculos tuos, et vide: omnes isti congregáti sunt, venérunt tibi: filii tui de longe vénient, et filiæ tuæ de látere surgent. Tunc vidébis, et áfflues, mirábitur et dilatábitur cor tuum, quando convérta fúerit ad te

multitúdo maris, fortitúdo géntium vénerit tibi. Inundátio camelórum opériet te, dromedárii Má dian et Epha: omnes de Saba vénient, aurum et thus deferéntes, et laudem Dómino annuntiántes.

Graduale Ibid., 6 et 1 Omnes de Saba vénient, aurum et thus deferéntes, et laudem Dómino annuntiántes. **V.** Surge, et illumináre, Ierúsalem: quia glória Dómini super te orta est.

Allelúia, allelúia. **V. Matth. 2, 2** Vídimus stellam eius in Oriénte, et vénimus cum munéribus adoráre Dóminum. Allelúia.

✠ Sequéntia sancti Evangélíi secúndum Mattháeum.

Matth. 2, 1-12

Cum natus esset Iesus in Bétlehem Iuda in diébus Heródis regis, ecce, Magi ab Oriénte venérunt Ierosólymam, dicéntes: Ubi est qui natus est rex Iudæórum? Vídimus enim stellam eius in Oriénte, et vénimus adoráre eum. Audiens autem Heródes rex, turbátus est, et omnis Ierosólyma cum illo. Et cóngregans omnes príncipes sacerdotum, et scribas pópuli, sciscitabátur ab eis, ubi Christus nascerétur. At illi dixerunt ei: In Bétlehem Iudæ: sic enim scriptum est per Prophétam: Et tu, Bétlehem, terra Iuda, nequáquam mínima es in princípibus Iuda: ex te enim éxiet dux, qui regat pópulum meum Israél. Tunc Heródes, clam vocátis Magis, diligénter dídicit ab eis tempus stellæ, quæ appáruit eis: et mittens illos in Bétlehem, dixit: Ite, et interrogáte diligénter de púero: et cum invenéritis, renuntiáte mihi, ut et ego véniens adórem eum. Qui cum audíssent regem, abiérunt. Et ecce, stella, quam víderant in Oriénte, antecedébat eos, usque dum véniens, staret supra, ubi erat puer. Vidéntes autem stellam, gavísi sunt

gáudio magno valde. Et intrántes domum, invenérunt púerum cum María matre eius, (**hic genuflectitur**) et procidéntes adoravérunt eum. Et apértis thesáuris suis, obtulérunt ei múnera, aurum, thus, et myrrham. Et respónso accépto in somnis, ne redírent ad Heródem, per áliam viam revérsi sunt in regiónem suam.

Credo.

Antiphona ad Offertorium Ps. 71, 10-11 Reges Tharsis, et ínsulæ múnera ófferent: reges Arabum et Saba dona addúcent: et adorábunt eum omnes reges terræ, omnes gentes sérvient ei.

Secreta

Ecclésiæ tuæ, quæsumus, Dómine, dona propítius intuére: quibus non iam aurum, thus, et myrrha profértur; sed quod eísdem munéribus declarátur, immolátur, et súmitur, Iesus Christus Fílius tuus Dóminus noster: Qui tecum vivit.

Præfatio de Epiphania Domini, quæ dicitur tamquam propria in Missis de festo Epiphaniæ et de Commemoratione Baptismatis D. N. Iesu Christi, et tamquam de Tempore diebus a 7 ad 13 ianuarii, in Missis, quæ præfatione propria carent.

Communicántes vero proprium de Epiphania Domini dicitur tantum in ipso die festo Epiphaniæ.

Antiphona ad Communionem Matth. 2, 2 Vídimus stellam eius in Oriénte, et vénimus cum munéribus adoráre Dóminum.

Postcommunio

Præsta, quæsumus, omnípotens Deus: ut quæ solémni celebrámus officio, purificátæ mentis intellegéntia consequámur. Per Dóminum.

¶ **De dominica I post Epiphaniam suo die nihil fit, sed eius locum tenet**

festum sanctæ Familiæ Iesu, Mariæ, Ioseph, cum omnibus iuribus et privilegiis dominicæ.

Diebus ferialibus a 7 ad 12 ianuarii ante dominicam I post Epiphaniam occurrentibus, dicitur

Missa de festo Epiphanie; post eandem dominicam vero Missa de eadem dominica In excelsis throno, ut infra, 35, cum Glória et præfatione de Epiphania, sine Credo et Communicantes proprio.

Dominica I post Epiphaniam

SANCTÆ FAMILIÆ IESU, MARIÆ, IOSEPH

II classis

Antiphona ad Introitum

Prov. 23, 24 et 25

Exsultat gaudio pater Iusti, gaudeat Pater tuus et Mater tua, et exsultet quæ genuit te. **Ps. 83, 2-3** Quam dilecta tabernacula tua, Dómine virtutum! concupiscit, et déficit ánima mea in átria Dómini. **V.** Glória Patri.

Oratio

Dómine Iesu Christe, qui Mariæ et Ioseph súbditus, domésticam vitam ineffabilibus, virtutibus consecrásti: fac nos, utriusque auxilio, Familiæ sanctæ tuæ exémpis instrui; et consórtium cónsequi sempitérnum: Qui vivis.

Et non fit commemoratio dominicæ.

Lectio Epístolæ beáti Pauli Apóstoli ad Colossenses.

Col. 3, 12-17

Fratres: Indúite vos sicut elécti Dei, sancti, et dilecti, víscera misericórdiæ, benignitátem, humilitátem, modéstiam, patiéntiam: supportántes ínvicem, et donántes vobismetípsis si quis advérsus áliquem habet querélam: sicut et Dóminus donávit vobis, ita et vos. Super ómnia autem hæc, caritátem habéte, quod est vínculo perfectiónis: et pax Christi exsultet in córdibus vestris, in qua et vocáti estis in uno corpore: et grati estóte. Verbum Christi hábitet in vobis abundánter, in omni sapiéntia, do-

céntes, et commonéntes vosmetípsos, psalmis, hymnis, et cánticis spirituálibus, in grátia cantántes in córdibus vestris Deo. Omne, quodcúmque fácitis in verbo, aut in ópere, ómnia in nómine Dómini Iesu Christi, grátias ágéntes Deo et Patri per ipsum.

Graduale Ps. 26, 4 Unam pétii a Dómino, hanc requíram, ut inhábitem in domo Dómini ómnibus diébus vitæ meæ. **V. Ps. 83, 5** Beáti, qui hábitant in domo tua, Dómine: in sæcula sæculórum laudábunt te.

Allelúia, allelúia. **V. Isai. 45, 15** Vere tu es Rex absconditus, Deus Israél Salvátor. Allelúia.

¶ In Missis votivis post Septuagesimam, omissis Allelúia, et versu sequenti, dicitur

Tractus Hebr. 10, 5 Hóstiam et oblatiónem nolúisti, corpus autem aptásti mihi. **V. Ps. 39, 7-8** Holocáustum et pro peccáto non postulásti: tunc dixi: Ecce, vénio. **V. Hebr. 10, 7** In cápite libri scriptum est de me: Ut fáciam, Deus, voluntátem tuam.

Tempore autem paschali omititur graduale, et eius loco dicitur:

Allelúia, allelúia. **V. Prov. 8, 34** Beátus homo qui audit me, et qui vígilat ad fores meas quotidie, et obsérvat ad postes óstii mei. Allelúia. **V. Col. 3, 3** Vita nostra est abscondita cum Christo in Deo. Allelúia.

✠ Sequéntia sancti Evangélii secúndum Lucam.

Luc. 2, 42-52

Cum factus esset Iesus annórum duódecim, ascendéntibus illis Ierosólýmam secúndum consuetúdinem diéi festi, consummatisque diébus, cum redírent, remánsit puer Iesus in Ierúsalem, et non cognóverunt paréntes eius. Existimántes autem illum esse in comitátu, venérunt iter diéi, et requirébant eum inter cognátos, et notos. Et non inveniéntes, regréssi sunt in Ierúsalem, requiréntes eum. Et factum est, post trídium invenérunt illum in templo sedéntem in médio doctórum, audiéntem illos, et interrogántem eos. Stupébant autem omnes, qui eum audiébant, super prudéntia, et respónsis eius. Et vidéntes admiráti sunt. Et dixit mater eius ad illum: Fili, quid fecísti nobis sic? ecce, pater tuus, et ego doléntes quærebámus te. Et ait ad illos: Quid est quod me quærebátis? nesciebátis quia in his, quæ Patris mei sunt, opórtet me esse? Et ipsi non intellexérunt verbum quod locútus est ad eos. Et descendit cum eis, et venit Náza-reth: et erat súbditus illis. Et mater eius conservábat ómnia verba hæc in corde suo. Et Iesus proficiébat sapiéntia, et ætáte, et grátia apud Deum, et hómines.

Credo.

Antiphona ad Offertorium Luc. 2, 22 Tulérunt Iesum paréntes eius in Ierúsalem, ut sístèrent eum Dómino.

Secreta

Placatiónis hóstiam offérimus tibi, Dómine, suppliciter deprecántes: ut, per intercessiόνem Deiparæ Vírginis cum beáto Ioseph, famílias nostras in pace et grátia tua firmiter constítuas. Per eúndem Dóminum.

Et non fit commemoratio dominicæ.

Præfatio de Epiphania, ratione Temporis.

Antiphona ad Communionem Luc. 2, 51 Descéndit Iesus cum eis, et venit Náza-reth, et erat súbditus illis.

Postcommunio

Quos cæléstibus réficis sacraméntis, fac, Dómine Iesu, sanctæ Famíliæ tuæ exémpa iúgi-ter imitári: ut, in hora mortis nostræ, occurrénte gloriósa Vírgine Matre tua cum beáto Ioseph; per te in æténa tabernácula récipi mereámur: Qui vivis.

Et non fit commemoratio dominicæ.

Si festum sanctæ Famíliæ occurrerit die 13 ianuarii, Missa dicitur de festo sanctæ Famíliæ, sine commemoratione Baptismatis D.N.I.C., et sine commemoratione dominicæ.

MISSA DOMINICÆ I POST EPIPHANIAM

¶ **Hæc Missa dicenda est diebus ferialibus hebdomadæ sequentis.**

Antiphona ad Introitum

In excélso throno vidi sedére virum, quem adórat multitúdo Angelórum, psalléntes in unum: ecce cuius impérii nomen est in ætérnum. **Ps. 99, 1** Iubiláte Deo, omnis terra: servíte Dómino in lætítia. **V.** Glória Patri.

¶ **Dicitur Glória in excélsis, si Missa dominicæ celebratur in feriis temporis Epiphaniæ, non vero, si post diem 13 ianuarii adhibetur.**

Oratio

Vota, quæsumus, Dómine, supplicántis pópuli cælésti pietáte proséquere: ut et quæ agénda sunt, vídeant, et ad implénda quæ vídeant, convaléscant. Per Dóminum.

Lectio Epistolæ beāti Pauli Apóstoli ad Romános.

Rom. 12, 1-5

Fratres: Obsecro vos per misericórdiam Dei, ut exhibeátis corpore vestra hóstiam vivéntem, sanctam, Deo placéntem, rationábile obséquium vestrum. Et nolíte conformári huic sáculo, sed reformámini in novitáte sensus vestri: ut probétis, quæ sit volúntas Dei bona, et benéplacens, et perfécta. Dico enim per grátiam, quæ data est mihi, ómnibus qui sunt inter vos: Non plus sápere, quam opórtet sápere, sed sápere ad sobrietátem: et unicuique sicut Deus divisit mensúram fidei. Sicut enim in uno corpore multa membra habémus, ómnia autem membra non eúndem actum habent: ita multi unum corpus sumus in Christo, singuli autem alter altérius membra: in Christo Iesu Dómino nostro.

Graduale Ps. 71, 18 et 3 Benedictus Dóminus Deus Israël, qui facit mirabília magna solus a sáculo. **¶** Suscípiant montes pacem pópulo tuo, et colles iustítiam.

Allelúia, allelúia. **¶ Ps. 99, 1** Iubiláte Deo, omnis terra: servíte Dómino in lætítia. Allelúia.

✠ Sequéntia sancti Evangélíi secúndum Lucam. **Luc. 2, 42-52**

Cum factus esset Iesus annórum duódecim, ascendéntibus illis Ierosólymam secúndum consuetúdinem diéi festi, consummátisque diébus, cum redirent, remánsit puer Iesus in Ierúsalem, et non cognóverunt paréntes eius. Existimántes autem illum esse in comitátu, venérunt iter diéi, et requirébant eum inter cognátos, et notos. Et non inveniéntes, regréssi sunt in Ierúsalem, requiréntes eum. Et factum est, post trídium invenérunt illum in templo, sedéntem in médio doctó-

rum, audiéntem illos, et interrogántem eos. Stupébant autem omnes, qui eum audiébant, super prudéntia et respónsis eius. Et vidéntes admiráti sunt. Et dixit Mater eius ad illum: Fili, quid fecísti nobis sic? Ecce, pater tuus, et ego doléntes quære bámus te. Et ait ad illos: Quid est quod me quære bátis? nesciebátis quia in his, quæ Patris mei sunt, opórtet me esse? Et ipsi non intellexérunt verbum, quod locútus est ad eos. Et descéndit cum eis, et venit Názareth: et erat súbditus illis. Et Mater eius conservábat ómnia verba hæc in corde suo. Et Iesus proficiébat sapiéntia, et ætáte, et grátia apud Deum, et hómines.

Non dicitur Credo in Missa dominicæ infra hebdomadam adhibenda.

Antiphona ad Offertorium Ps. 99, 1 et 2 Iubiláte Deo, omnis terra, servíte Dómino in lætítia: intráte in conspéctu eius in exsultatióne: quia Dóminus ipse est Deus.

Secreta

Oblátum tibi, Dómine, sacrificium vivíficet nos semper, et múniat. Per Dóminum.

¶ **Præfatio de Epiphania, si Missa dominicæ adhibetur tempore Epiphaniæ; si post 13 ianuarii, præfatio communis.**

Antiphona ad Communionem Luc. 2, 48 et 49 Fili, quid fecísti nobis sic? ego, et pater tuus doléntes quære bámus te. Et quid est, quod me quære bátis? nesciebátis, quia in his, quæ Patris mei sunt, opórtet me esse?

Postcommunio

Súpplíces te rogámus, omnípotens Deus: ut quos tuis réficis sacraméntis, tibi étiam plácitis móribus dignánter deservíre concédas. Per Dóminum.

Die 11 ianuarii

Secreta

C I

S. HYGINI PAPÆ ET MARTYRIS

Commemoratio

Missa Si diligis me, **de Communi unius aut plurium Summorum Pontificum** (I).

Oratio

C I

Gregem tuum, Pastor æternæ, placatus intende: et per beatum Hyginum Martyrem tuum atque Summum Pontificem, perpétua protectione custodi; quem totius Ecclesiæ præstitisti esse pastorem. Per Dóminum.

Oblátis munéribus, quæsumus, Dómine, Ecclesiam tuam benígnus illúmina: ut, et gregis tui proficiat ubique succéssus, et grati fiant nómini tuo, te gubernante, pastóres. Per Dóminum.

Postcommunio

C I

Refectione sancta enutrítam guberná, quæsumus, Dómine, tuam placatus Ecclesiam: ut poténti moderatióne dirécta, et incrementa libertátis accípiat; et in religiónis integritáte persístat. Per Dóminum.

Die 13 ianuarii

IN COMMEMORATIONE BAPTISMATIS D. N. I. C.

II classis

Si occurrat eodem die dominica I post Epiphaniam, fit de sancta Familia Iesu, Mariæ et Ioseph, sine commemoratione nec Baptismatis Domini, nec dominicæ.

Antiphona ad Introitum

Malach. 3, 1

Ecce, advénit dominátor Dóminus: et regnum in manu eius, et potéstas, et impérium. **Ps. 71, 1** Deus, iudícium tuum Regi da: et iustítiam tuam Fílio Regis. **V.** Glória Patri.

Oratio

Deus, cuius Unigénitus in substantia nostræ carnis apparuit: præsta, quæsumus; ut per eum, quem símilem nobis foris agnóvimus, intus reformári mereámur: Qui tecum vivit.

Lectio Isaíæ Prophætæ.

Isai. 60, 1-6

Surge, illumináre, Ierúsalem: quia venit lumen tuum, et glória Dómini super te orta est. Quia ecce,

ténebræ opérient terram, et caligo pópulos: super te autem oriétur Dóminus, et glória eius in te vidébitur. Et ambulábunt gentes in lúmine tuo, et reges in splendóre ortus tui. Leva in circúitu óculos tuos, et vide: omnes isti congregáti sunt, vénérunt tibi: filii tui de longe vénient, et filiæ tuæ de látere surgent. Tunc vidébis, et áfflues, mirábitur et dilatábitur cor tuum, quando convér-sa fúerit ad te multitúdo maris, fortitúdo géntium vénerit tibi. Inundátio camelórum opériet te, dromedárii Mádian et Épha: omnes de Saba vénient, aurum et thus deferéntes, et laudem Dómino annuntiántes.

Graduale Ibid., 6 et 1 Omnes de Saba vénient, aurum et thus deferéntes, et laudem Dómino annuntiántes. **V.** Surge, et illumináre, Ierúsalem: quia glória Dómini super te orta est.

Allelúia, allelúia. **V.** Matth. 2, 2 Vídimus stellam eius in Oriénte, et vénimus cum munéribus adoráre Dóminum. Allelúia.

✠ Sequéntia sancti Evangélíi secúndum Ioánnem.

Ioann. 1, 29-34

In illo témpore: Vidit Ioánnes Iesum veniéntem ad se, et ait: Ecce Agnus Dei, ecce qui tollit peccátum mundi. Hic est, de quo dixi: Post me venit vir, qui ante me factus est: quia prior me erat. Et ego nesciébam eum, sed ut manifestétur in Israël, propterea veni ego in aqua baptizans. Et testimónium perhíbuit Ioánnes, dicens: Quia vidi Spíritum descendéntem quasi colúmbam de cælo, et mansit super eum. Et ego nesciébam eum: sed qui misit me baptizáre in aqua, ille mihi dixit: Super quem videris Spíritum descendéntem, et manéntem super eum, hic est, qui baptizat in Spíritu Sancto. Et ego vidi: et testimónium perhíbui, quia hic est Fílius Dei.

Credo.

Antiphona ad Offertorium Ps. 71,

10-11 Reges Tharsis, et ínsulæ múnera ófferent: reges Arabum et Saba dona addúcent: et adorábunt eum omnes reges terræ, omnes gentes sérvient ei.

Secreta

Hóstias tibi, Dómine, pro nati Fílii tui apparitióne deférimus, suppliciter exorántes: ut, sicut ipse nostrórum auctor est múnere, ita sit ipse miséricors et suscéptor, Iesus Christus Dóminus noster: Qui tecum vivit.

Antiphona ad Communionem
Matth. 2, 2 Vídimus stellam eius in Oriente, et vénimus cum munéribus adoráre Dóminum.

Postcommunio

Cælésti lúmine, quæsumus, Dómine, semper et ubíque nos prævéní: ut mystérium, cuius nos partícipes esse voluísti, et puro cernámus intúitu, et digno percipiámus afféctu. Per Dóminum.

TEMPUS PER ANNUM ANTE SEPTUAGESIMAM

DOMINICA II POST EPIPHANIAM

II classis

¶ Si hæc dominica II, vel alia post Epiphaniam, superveniente dominica in Septuagesima, impediatur, nec sit ei locus post Pentecosten, iuxta rubricas, omittitur.

Antiphona ad Introitum

Ps. 65, 4

Omnis terra adóret te, Deus, et psallat tibi: psalmum dicat nómini tuo, Altíssime. Ps. ibid., 1-2 Iubiláte Deo, omnis terra, psalmum dícite nómini eius: date glóriam laudi eius. V. Glória Patri.

¶ Dicitur Glória in excélsis in omnibus dominicis ante Septuagesimam; non dicitur autem in diebus ferialibus per annum, quando ad-

hibetur Missa dominicæ præcedentis.

Oratio

Omnípotens sempitérne Deus, qui cæléstia simul et terréna moderáris: supplicatiónes pópuli tui cleménter exáudi; et pacem tuam nostris concéde tempóribus. Per Dóminum.

Léctio Epístolæ beáti Pauli Apóstoli ad Romános.

Rom. 12, 6-16

Fratres: Habéntes donatiónes secúndum gratiam, quæ data est nobis, differentes: sive prophetíam secúndum ratiónem fidei, sive ministérium in ministrándo, sive qui docet in doctrína, qui exhortátur in exhortándo, qui tríbuit in simplicitáte, qui præest in sollicitú-

dine, qui miseretur in hilaritate. Diléctio sine simulatione. Odiéntes malum, adhæréntes bono: Caritate fraternitátis invicem diligéntes: Honoré invicem præveniéntes: Sollicitúdine non pigri: Spíritu fervéntes: Dómino serviéntes: Spe gaudéntes: In tribulatione patientes: Oratióni instántes: Necessitatibus sanctórum communicántes: Hospitalitatem sectántes. Benedícite persequéntibus vos: benedícite, et nolite maledícere. Gaudére cum gaudéntibus, flere cum fléntibus: Idípsum invicem sentiéntes: Non alta sapiéntes, sed humilibus consentiéntes.

Graduale Ps. 106, 20-21 Misit Dóminus verbum suum, et sanávit eos: et erípuit eos de intéritu eórum. **V.** Confiteántur Dómino misericórdiæ eius: et mirabilia eius filiis hóminum.

Allelúia, allelúia. **V. Ps. 148, 2** Laudáte Dóminum, omnes Angeli eius: laudáte eum, omnes virtútes eius. Allelúia.

¶ **Sic dicitur Allelúia cum suo versu, post graduale, in omnibus dominicis post Epiphaniam, etiam si Missa dominicæ infra hebdomadam adhibeatur.**

✠ Sequéntia sancti Evangélii secúndum Ioánnem.

Ioann. 2, 1-11

In illo témpore: Núptiæ factæ sunt in Cana Galiléæ: et erat mater Iesu ibi. Vocátus est autem et Iesus, et discipuli eius ad núptias. Et deficiente vino, dicit mater Iesu ad eum: Vinum non habent. Et dicit ei Iesus: Quid mihi et tibi est, múlter? nondum venit hora mea. Dicit mater eius ministris: Quodcúmque dixerit vobis, fácite. Erant autem ibi lapídeæ hýdriæ sex pósitæ secúndum purificatiónem Iudæórum, ca-

piéntes síngulæ metrétas binas vel ternas. Dicit eis Iesus: Impléte hýdrias aqua. Et implevérunt eas usque ad summum. Et dicit eis Iesus: Hauríte nunc, et ferte architriclino. Et tulérunt. Ut autem gustávit architriclínus aquam vinum factam, et non sciébat unde esset, ministri autem sciébant, qui háuserant aquam: vocat sponsum architriclínus, et dicit ei: Omnis homo primum bonum vinum ponit: et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit iní-tium signórum Iesus in Cana Galiléæ: et manifestávit glóriam suam, et credidérunt in eum discipuli eius.

Credo.

Antiphona ad Offertorium Ps. 65, 1-2 et 16 Iubiláte Deo, univér-sa terra: psalmum dícite nómini eius: veníte, et audíte, et narrábo vobis, omnes qui timétis Deum, quanta fecit Dóminus ánimæ meæ, allelúia.

Secreta

Obláta, Dómine, múnera sanctífica: nosque a peccatórum nostrórum máculis emúnda. Per Dóminum.

Præfatio de sanctissima Trinitate.

Antiphona ad Communionem Ioann. 2, 7, 8, 9 et 10-11 Dicit Dóminus: Impléte hýdrias aqua, et ferte architriclino. Cum gustásset architriclínus aquam vinum factam, dicit sponso: Servásti bonum vinum usque adhuc. Hoc signum fecit Iesus primum coram discipulis suis.

Postcommunio

Augeátur in nobis, quæsumus, Dómine, tuæ virtútis operátio: ut divínis vegetáti sacraméntis, ad eórum promíssa capiéndam, tuo múnere præparémur. Per Dóminum.

DOMINICA
III POST EPIPHANIAM

II classis

Antiphona ad Introitum

Ps. 96, 7-8

Adoráte Deum, omnes Angeli eius: audívit, et lætáta est Sion: et exsultavérunt filiae Iudæ. **Ps. ibid., 1** Dóminus regnávít, exsúltet terra: læténtur ínsulæ multæ. **V.** Glória Patri.

Oratio

Omnípotens sempitérne Deus, infirmitátem nostram propítius rēspice: atque ad protegéndum nos, dēxteram tuæ maiestátis ex-tēnde. Per Dóminum.

Léctio Epístolæ beáti Pauli Apóstoli ad Romános. **Rom. 12, 16-21**

Fratres: Nolíte esse prudéntes apud vosmetípsos: nulli malum pro malo reddéntes: providéntes bona non tantum coram Deo, sed étiam coram ómnibus homínibus. Si fieri potest, quod ex vobis est, cum ómnibus homínibus pacem habéntes: Non vosmetípsos defendéntes, caríssimi, sed date locum iræ. Scriptum est enim: Mihi vindícta: ego retribuam, dicit Dóminus. Sed si esuríerit inimícus tuus, ciba illum: si sitit, potum da illi: hoc enim fáciens, carbónes ignis cóngeres super caput eius. Noli vinci a malo, sed vince in bono malum.

Graduale Ps. 101, 16-17 Timébunt gentes nomen tuum, Dómine, et omnes reges terræ glóriam tuam. **V.** Quóniam ædificávit Dóminus Sion, et vidébitur in maiestáte sua.

Allelúia, allelúia. **V.** Ps. 96, 1 Dóminus regnávít, exsúltet terra: læténtur ínsulæ multæ. Allelúia.

✠ Sequéntia sancti Evangélíi secúndum Matthæum.

Matth. 8, 1-13

In illo témpore: Cum descendísset Iesus de monte, secútæ sunt eum

turbæ multæ: et ecce, leprósus véniens adorábat eum, dicens: Dómine, si vis, potes me mundáre. Et exténdens Iesus manum, tétigit eum, dicens: Volo. Mundáre. Et conféstim mundáta est lepra eius. Et ait illi Iesus: Vide, némini díxeris: sed vade, osténde te sacerdoti, et offer munus, quod præcépit Móyses, in testimónium illis. Cum autem introísset Caphárnaum, accéssit ad eum centúrio, rogans eum, et dicens: Dómine, puer meus iacet in domo paralýticus, et male torquétur. Et ait illi Iesus: Ego véniam, et curábo eum. Et respóndens centúrio, ait: Dómine, non sum dignus, ut intres sub tectum meum: sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites, et dico huic: Vade, et vadit; et álii: Veni, et venit; et servo meo: Fac hoc, et facit. Audiens autem Iesus, mirátus est, et sequéntibus se dixit: Amen dico vobis, non invéni tantam fidem in Israél. Dico autem vobis, quod multi ab Oriénte et Occidénte vénient, et recúmbent cum Abraham, et Isaac, et Iacob in regno cælórum: filii autem regni eiciéntur in ténebras exterióres: ibi erit fletus, et stridor déntium. Et dixit Iesus centurióni: Vade, et sicut credidísti, fiat tibi. Et sanátus est puer in illa hora.

Credo.

Antiphona ad Offertorium Ps. 117, 16 et 17 Dēxtera Dómini fecit virtútem, dēxtera Dómini exaltávit me: non móriar, sed vivam, et narrábo ópera Dómini.

Secreta

Hæc hóstia, Dómine, quæsumus, emúndet nostra delícta: et ad sacrificium celebrándum, subditórum tibi córpora, mentésque sanctíficet. Per Dóminum.

Præfatio de sanctissima Trinitate.

Antiphona ad Communionem
Luc. 4, 22 Mirabántur omnes de his, quæ procedébant de ore Dei.

Postcommunio

Quos tantis, Dómine, largíris uti mystériis: quæsumus; ut effectibus nos eórum veráciter ap-tare dignéris. Per Dóminum.

DOMINICA IV POST EPIPHANIAM

II classis

Antiphona ad Introitum

Ps. 96, 7-8

Adorate Deum, omnes Angeli eius: audívit, et lætáta est Sion: et exsultavérunt filiae Iudæ. **Ps. ibid., 1** Dóminus regnávít, exsúltet terra: læténtur ínsulæ multæ. **¶** Glória Patri.

Oratio

Deus, qui nos in tantis perículis constitútos, pro humana scis fragilitáte non posse subsistere: da nobis salutem mentis et córporis; ut ea, quæ pro peccátis nostris pátimur, te adiuvánte vincámus. Per Dóminum.

Lectio Epístolæ beáti Pauli Apóstoli ad Romános.

Rom. 13, 8-10

Fratres: Némini quidquam debeátis, nisi ut ínvicem diligátis: qui enim díligit próximum, legem implévit. Nam: Non adulterábis: Non occídes: Non furáberis: Non falsum testimónium dices: Non concupísces: et si quod est áliud mandátum, in hoc verbo instaurátur: Díliges próximum tuum sicut teípsum. Diléctio próximi malum non operátur. Plenitúdo ergo legis est diléctio.

Graduale Ps. 101, 16-17 Timébunt gentes nomen tuum, Dómine,

et omnes reges terræ glóriam tuam. **¶** Quóniam ædificávit Dóminus Sion, et vidébitur in maiestáte sua.

Allelúia, allelúia. **¶ Ps. 96, 1** Dóminus regnávít, exsúltet terra: læténtur ínsulæ multæ. Allelúia.

✠ Sequéntia sancti Evangélíi secúndum Matthæum.

Matth. 8, 23-27

In illo témpore: Ascendénte Iesu in navículam, secúti sunt eum discípuli eius: et ecce, motus magnus factus est in mari, ita ut navícula operirétur flúctibus, ipse vero dormiébat. Et accessérunt ad eum discípuli eius, et suscitavérunt eum, dicéntes: Dómine, salva nos, perímus. Et dicit eis Iesus: Quid tímidi estis, módicæ fidei? Tunc surgens, imperávit ventis et mari, et facta est tranquillitas magna. Porro hómines miráti sunt, dicéntes: Qualis est hic, quia venti et mare obédiunt ei?

Credo.

Antiphona ad Offertorium Ps. 117, 16 et 17 Dextera Dómini fecit virtútem, dextera Dómini exaltávit me: non móriar, sed vivam, et narrábo ópera Dómini.

Secreta

Concéde, quæsumus, omnípotens Deus: ut huius sacrificií munus oblátum, fragilitátem nostram ab omni malo purget semper, et múníat. Per Dóminum.

Præfatio de sanctissima Trinitate.

Antiphona ad Communionem
Luc. 4, 22 Mirabántur omnes de his, quæ procedébant de ore Dei.

Postcommunio

Múnera tua nos, Deus, a delectatióibus terrénis expédiant: et cæléstibus semper instáurent aliméntis. Per Dóminum.

DOMINICA V
POST EPIPHANIAM

II classis

Antiphona ad Introitum

Ps. 96, 7-8

Adoráte Deum, omnes Angeli eius: audívit, et lætáta est Sion: et exsultavérunt filiae Iudæ. **Ps. ibid., 1** Dóminus regnávít, exsúltet terra: læténtur ínsulæ multæ. **V.** Glória Patri.

Oratio

Famíliam tuam, quæsumus, Dómine, contínua pietáte custódi: ut, quæ in sola spe grátiae cælestis innítitur, tua semper protectióne muniátur. Per Dóminum.

Lectio Epístolæ beáti Pauli Apóstoli ad Colossénses.

Col. 3, 12-17

Fratres: Indúite vos sicut elécti Dei, sancti, et dilécti, víscera misericórdiæ, benignitátem, humilitátem, modéstiam, patiéntiam: supportántes ínvicem, et donántes vobismetípsis si quis advérsus aliquem habet querélam: sicut et Dóminus donávit vobis, ita et vos. Super ómnia autem hæc, caritátem habéte, quod est vínculum perfectiónis: et pax Christi exsúltet in córdibus vestris, in qua et vocáti estis in uno córpore: et grati estóte. Verbum Christi hábitet in vobis abundánter, in omni sapiéntia, docéntes, et commonéntes vosmetípsos psalmis, hymnis, et cánticis spirituálibus, in grátia cantántes in córdibus vestris Deo. Omne quodcúmque fácitis in verbo aut in ópere, ómnia in nómine Dómini Iesu Christi, grátias ágéntes Deo et Patri per Iesum Christum Dóminum nostrum.

Graduale Ps. 101, 16-17 Timébunt gentes nomen tuum, Dómine, et omnes reges terræ glóriam tuam.

V. Quóniam ædificávit Dóminus Sion, et vidébitur in maiestáte sua.

Allelúia, allelúia. **V. Ps. 96, 1** Dóminus regnávít, exsúltet terra: læténtur ínsulæ multæ. Allelúia.

✠ Sequéntia sancti Evangélíi secúndum Matthæum.

Matth. 13, 24-30

In illo témpore: Dixit Iesus turbis parábolam hanc: Símile factum est regnum cælórum hómíni, qui seminávit bonum semen in agro suo. Cum autem dormírent hómínes, venit inimícus eius, et superseminávit zizánia in médio trítici, et ábiit. Cum autem crevísset herba, et fructum fecísset, tunc apparué-runt et zizánia. Accedéntes autem servi patrisfamílias, dixerunt ei: Dómine, nonne bonum semen seminásti in agro tuo? Unde ergo habet zizánia? Et ait illis: Inimícus homo hoc fecit. Servi autem dixerunt ei: Vis, imus, et collígimus ea? Et ait: Non: ne forte colligéntes zizánia, eradicétis simul cum eis et tríticum. Sínite útraque créscere usque ad messem, et in témpore messis dicam messóribus: Collígite primum zizánia, et alligáte ea in fascículos ad comburéndum, tríticum autem congregáte in hórreum meum.

Credo.

Antiphona ad Offertorium Ps. 117, 16 et 17 Délixtera Dómini fecit virtútem, délixtera Dómini exaltávit me: non móriar, sed vivam, et narrábo ópera Dómini.

Secreta

Hóstias tibi, Dómine, placatiónis offérimus: ut et delícta nostra miserátus absólvas, et nutántia corda tu dírigas. Per Dóminum.

Præfatio de sanctíssima Trinitate.

Antiphona ad Communionem
Luc. 4, 22 Mirabántur omnes

de his, quæ procedébant de ore Dei.

Postcommunio

Quæsumus, omnipotens Deus: ut illius salutáris capiámus efféctum, cuius per hæc mystéria pignus accépimus. Per Dóminum.

DOMINICA VI POST EPIPHANIAM

II classis

Antiphona ad Introitum

Ps. 96, 7-8

Adoráte Deum, omnes Angeli eius: audívit, et lætáta est Sion: et exsultavérunt filiae Iudæ. **Ps. ibid., 1** Dóminus regnávít, exsúltet terra: læténtur ínsulæ multæ. **V.** Glória Patri.

Oratio

Præsta, quæsumus, omnipotens Deus: ut semper rationabília meditántes, quæ tibi sunt plácita, et dictis exsequámur, et factis. Per Dóminum.

Léctio Epístolæ beáti Pauli Apóstoli ad Thessalonicénses.

1 Thess. 1, 2-10

Fratres: Grátias ágimus Deo semper pro ómnibus vobis, memóriam vestri faciéntes in oratió nibus nostris sine intermissió ne, mémores óperis fidei vestræ, et labóris, et caritátis, et sustinéntiæ spei Dómini nostri Iesu Christi, ante Deum et Patrem nostrum: sciéntes, fratres, dilécti a Deo, electi ónem vestram: quia Evangélium nostrum non fuit ad vos in sermó ne tantum, sed et in virtú te, et in Spírítu Sancto, et in plenitú dine multa, sicut scitis quales fuérimus in vobis propter vos. Et vos imitató res nostri facti estis, et Dómini, excipiéntes verbum in tribulatió ne multa, cum gáudio Spírítus Sancti: ita ut facti sitis forma

ómnibus credéntibus in Macedónia, et in Acháia. A vobis enim diffamátus est sermo Dómini, non solum in Macedónia, et in Acháia, sed et in omni loco fides vestra, quæ est ad Deum, profécta est, ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos: et quómodo convérsi estis ad Deum a simulácris, servíre Deo vivo, et vero, et exspectáre Fílium eius de cælis (quem suscitávit ex mórtuis) Iesum, qui erípuit nos ab ira ven-túra.

Graduale Ps. 101, 16-17 Timébunt gentes nomen tuum, Dómine, et omnes reges terræ glóriam tuam. **V.** Quóniam ædificávit Dóminus Sion, et vidébitur in maiestáte sua.

Allelúia, allelúia. **V. Ps. 96, 1** Dóminus regnávít, exsúltet terra: læténtur ínsulæ multæ. Allelúia.

✠ Sequéntia sancti Evangélii secúndum Matthæum.

Matth. 13, 31-35

In illo témpore: Dixit Iesus turbis parábolam hanc: Símile est regnum cælórum grano sinápis, quod accípiens homo seminávit in agro suo: quod mínimum quidem est ómnibus semínibus: cum autem créverit, maius est ómnibus oléri-bus, et fit arbor, ita ut vólucres cæli véniant, et hábitent in ramis eius. Aliam parábolam locútus est eis: Símile est regnum cælórum fer-ménto, quod accéptum múlter abscóndit in farínæ satis tribus, donec fermentátum est totum. Hæc ómnia locútus est Iesus in parábolis ad turbas: et sine parábolis non loquebátur eis: ut implerétur quod dictum erat per Prophétam dicéntem: Apériam in parábolis os meum, eructábo abscóndita a constitutió ne mundi.

Credo.

Antiphona ad Offertorium Ps. 117, 16 et 17 Dextera Dómini fecit virtutem, dextera Dómini exaltávit me: non móriar, sed vivam, et narrábo ópera Dómini.

Secreta

Hæc nos oblátio, Deus, mundet, quæsumus, et rénovet, gubernet, et prótegat. Per Dóminum.

Præfatio de sanctissima Trinitate.

Antiphona ad Communionem Luc. 4, 22 Mirabántur omnes de his, quæ procedébant de ore Dei.

Postcommunio

Cæléstibus, Dómine, pasti delíciis: quæsumus; ut semper eadem, per quæ veráciter vívimus, appetámus. Per Dóminum.

TEMPUS SEPTUAGESIMÆ

DOMINICA IN SEPTUAGESIMA

II classis

Statio

ad S. Laurentium extra muros

Antiphona ad Introitum

Ps. 17, 5, 6 et 7

Circumdedérunt me gémitus mortis, dolóres inférni circumdedérunt me: et in tribulatióne mea invocávi Dóminum, et exaudivit de templo sancto suo vocem meam. **Ps. ibid., 2-3** Díligam te, Dómine, fortitúdo mea: Dóminus firmaméntum meum, et refúgium meum, et liberátor meus. **V.** Glória Patri.

¶ Non dicitur Glória in excélsis in Missis de tempore ab hac dominica usque ad feriam IV Hebdomadæ sanctæ inclusive, neque in dominicis, neque in feriis.

Oratio

Preces pópuli tui, quæsumus, Dómine, cleménter exáudi: ut, qui iuste pro peccátis nostris affligimur, pro tui nóminis glória misericórditer liberémur. Per Dóminum.

Lectio Epístolæ beáti Pauli Apóstoli ad Corínthios.

I Cor. 9, 24-27; 10, 1-5

Fratres: Nescítis quod ii qui in stádio currunt, omnes quidem currunt, sed unus áccipit bravíum?

Sic cúrrite, ut comprehendátis. Omnis autem qui in agóne conténdit, ab ómnibus se ábstinet: et illi quidem ut corruptibilem corónam accípiant; nos autem incorrúptam. Ego ígitur sic curro, non quasi in incértum: sic pugno, non quasi áërem vérberans: sed castígo corpus meum, et in servitútem rédigo: ne forte cum áliis prædicáverim, ipse réprobus effíciar. Nolo enim vos ignoráre, fratres, quóniam patres nostri omnes sub nube fuérunt, et omnes mare transiérunt, et omnes in Móyse baptizáti sunt in nube, et in mari: et omnes eámdem escam spiritálem manducavérunt, et omnes eúndem potum spiritálem bibérunt: (bibébant autem de spiritáli, consequénte eos, petra: petra autem erat Christus): sed non in plúribus eórum beneplácitum est Deo.

Graduale Ps. 9, 10-11 et 19-20

Adiútor in opportunitátibus, in tribulatióne: sperent in te, qui novérunt te: quóniam non derelínquis quæréntes te, Dómine. **V.** Quóniam non in finem oblívio erit páuperis: patiéntia páuperum non períbit in ætérnum: exsúrge, Dómine, non præváleat homo.

Tractus Ps. 129, 1-4 De profúndis clamávi ad te, Dómine: Dómine, exáudi vocem meam. **V.** Fiant aures tuæ intendéntes in oratióem servi tui. **V.** Si iniquitátes observáveris, Dómine: Dómine, quis sustinébit?

¶ Quia apud te propitiatio est, et propter legem tuam sustinui te, Dómine.

¶ **A Septuagesima usque ad feriam III post dominicam Quinquagesimæ inclusive, quando in feriis adhibetur Missa dominicæ, non dicitur tractus, sed tantum graduale.**

✠ Sequéntia sancti Evangélíi secúndum Matthæum.

Matth. 20, 1-16

In illo témpore: Dixit Iesus discipulis suis parábolam hanc: Símile est regnum cælórum hómini patrifamílias, qui éxiit primo mane conducere operários in víneam suam. Conventióne autem facta cum operáriis ex denáριο diúrno, misit eos in víneam suam. Et egréssus circa horam tértiam, vidit álios stantes in foro otíosos, et dixit illis: Ite et vos in víneam meam, et quod iustum fúerit, dabo vobis. Illi autem abiérunt. Iterum autem éxiit circa sextam et nonam horam: et fecit simíliter. Circa undécimam vero éxiit, et invénit álios stantes, et dicit illis: Quid hic statis tota die otíosi? Dicunt ei: Quia nemo nos condúxit. Dicit illis: Ite et vos in víneam meam. Cum sero autem factum esset, dicit dóminus víneæ procuratóri suo: Voca operários, et redde illis mercédem, incípiens a novíssimis usque ad primos. Cum venís-sent ergo qui circa undécimam horam vénerant, accepérunt singulos denários. Veniéntes autem et primi, arbitrátí sunt quod plus essent acceptúri: accepérunt autem et ipsi singulos denários. Et accipiéntes murmurábant advérsus patremfamílias, dicéntes: Hi novíssimi una hora fecérunt, et pares illos nobis fecísti, qui portávimus pondus diéi, et æstus. At ille respóndens uni eórum, dixit: Amíce, non fácio tibi iniúriam: nonne ex denáριο convenísti mecum? Tolle quod tuum

est, et vade: volo autem et huic novíssimo dare sicut et tibi. Aut non licet mihi, quod volo, fácere? an óculus tuus nequam est, quia ego bonus sum? Sic erunt novíssimi primi, et primi novíssimi. Multi enim sunt vocátí, pauci vero elécti. Credo.

Antiphona ad Offertorium Ps. 91, 2 Bonum est confitéri Dómino, et psállere nómini tuo, Altissime.

Secreta

Munéribus nostris, quæsumus, Dómine, precibúque susceptis: et cæléstibus nos munda mysteriis, et cleménter exáudi. Per Dóminum.

Præfatio de sanctissima Trinitate.

Antiphona ad Communionem Ps. 30, 17-18 Illúmina fáciem tuam super servum tuum, et salvum me fac in tua misericórdia: Dómine, non confúndar, quóniam invocávi te.

Postcommunio

Fidéles tui, Deus, per tua dona firméntur: ut éadem et percipiéndó requírant, et quæréndó sine fine percípiant. Per Dóminum.

DOMINICA IN SEXAGESIMA

II classis

Statio ad S. Paulum

Antiphona ad Introitum

Ps. 43, 23-26

Exsúrge, quare obdórmis, Dómine? exsúrge, et ne repéllas in finem: quare fáciem tuam avértis, oblivísceris tribulatió-nem nostram? adhæsit in terra venter noster: exsúrge, Dómine. ádiuva nos, et líbera nos. **Ps. ibid., 2** Deus, áuribus nostris audívimus: patres nostri annuntiavérunt nobis. ¶ Gló-ria Patri.

Oratio

Deus, qui cónspicis, quia ex nulla nostra actióne confidimus: concéde propítius; ut contra advérſa ómnia, Doctóris géntium protectióne muniámur. Per Dóminum.

Léctio Epístolæ beáti Pauli Apóstoli ad Corínthios.

2 Cor. 11, 19-33; 12, 1-9

Fratres: Libénter suffértis insipiéntes: cum sitis ipsi sapiéntes. Sustinétis enim si quis vos in servitútem rédigat, si quis dévorat, si quis áccipit, si quis extóllitur, si quis in fáciem vos cædit. Secúndum ignobilitátem dico, quasi nos infirmi fuérimus in hac parte. In quo quis audet (in insipiéntia dico) áudeo et ego: Hebræi sunt, et ego: Israëlitæ sunt, et ego: Semen Abrahæ sunt, et ego: Ministri Christi sunt (ut minus sápiens dico) plus ego: in labóribus plúrimis, in cárceribus abundántius, in plagis supra modum, in mórtibus frequénter. A Iudæis quínquies quadragénas, una minus, accépi. Ter virgis cæsus sum, semel lapidátus sum, ter naufrágium feci, nocte et die in profúndo maris fui: in itinéribus sæpe, perículis flúminum, perículis latrónum, perículis ex genere, perículis ex géntibus, perículis in civitáte, perículis in solitúdine, perículis in mari, perículis in falsis fratribus: in labóre et ærúmna, in vigíliis multis, in fame et siti, in ieiúniis multis, in frigore et nuditate: præter illa quæ extrínsecus sunt, instántia mea quotidíana, sollicitúdo ómnium Ecclesiárum. Quis infirmátur, et ego non infirmor? quis scandalizátur, et ego non uror? Si gloriári opórtet: quæ infirmitátis meæ sunt, gloriábor. Deus et Pater Dómini nostri Iesu Christi, qui est benedíctus in sácula, scit quod non méntior. Damásci præpósitus gentis Arétæ regis, custodiébat civitátem Damascenórum, ut me comprehén-

deret: et per fenéstram in sporta dimíssus sum per murum, et sic effúgi manus eius. Si gloriári opórtet (non éxpediſt quidem), véniam autem ad visiónes, et revelatiónes Dómini. Scio hóminem in Christo ante annos quatuórdecim, sive in corpore nescio, sive extra corpus nescio, Deus scit, raptum huiúsmodi usque ad tértium cælum. Et scio huiúsmodi hóminem, sive in corpore, sive extra corpus nescio, Deus scit: quóniam raptus est in paradísum: et audívit arcána verba quæ non licet hómini loqui. Pro huiúsmodi gloriábor: pro me autem nihil gloriábor, nisi in infirmitátibus meis. Nam, et si volúero gloriári, non ero insípiens; veritátem enim dicam: parco autem, ne quis me exístimet supra id quod videt in me, aut áliquid audit ex me. Et ne magnitúdo revelatiónum extóllat me, datus est mihi stímulus carnis meæ, ángelus sátanæ, qui me colaphízet. Propter quod ter Dóminum rogávi, ut discéderet a me: et dixit mihi: Súfficit tibi grátia mea: nam virtus in infirmitáte perficitur. Libénter igitur gloriábor in infirmitátibus meis, ut inhábitet in me virtus Christi.

Graduale Ps. 82, 19 et 14 Sciant gentes, quóniam nomen tibi Deus: tu solus Altíssimus super omnem terram. **V.** Deus meus, pone illos ut rotam, et sicut stípulam ante fáciem venti.

Tractus Ps. 59, 4 et 6 Commovísti, Dómine, terram, et conturbásti eam. **V.** Sana contritiónes eius, quia mota est. **V.** Ut fúgiant a fácie arcus: ut liberéntur elécti tui.

¶ **Quando in feriis adhibetur Missa dominicæ, non dicitur tractus, sed tantum graduale.**

✠ Sequéntia sancti Evangélíi secúndum Lucam. **Luc. 8, 4-15**

In illo témpore: Cum turba plúrima convenírent, et de civitáti-

bus properárent ad Iesum, dixit per similitúdinem: Exiit, qui sémínat, semináre semen suum: et dum sémínat, áliud cécidit secus viam, et concultátum est, et vólucres cæli comedérunt illud. Et áliud cécidit supra petram: et natum áruit, quia non habébat humórem. Et áliud cécidit inter spinas, et simul exórtæ spinæ suffocavérunt illud. Et áliud cécidit in terram bonam: et ortum fecit fructum céntuplum. Hæc dicens, clamábat: Qui habet aures audiéndi, áudiat. Interrogábant autem eum discípuli eius, quæ esset hæc parábola. Quibus ipse dixit: Vobis datum est nosse mystérium regni Dei, céteris autem in parábolis: ut vidéntes non vídeant, et audiéntes non intéllegant. Est autem hæc parábola: Semen est verbum Dei. Qui autem secus viam, hi sunt qui áudiunt: deínde venit diábolus, et tollit verbum de corde eórum, ne credéntes salvi fiant. Nam qui supra petram: qui cum audierint, cum gáudio suscípíunt verbum: et hi radíces non habent: qui ad tempus credunt, et in témpore tentatiónis recédunt. Quod autem in spinas cécidit: hi sunt, qui audierunt, et a sollicitudinibus, et divítiis, et voluptátibus vitæ eúntes, suffocántur, et non réferunt fructum. Quod autem in bonam terram: hi sunt, qui in corde bono et óptimo audiéntes verbum rétiñent, et fructum áfferunt in paciéntia.

Credo.

Antiphona ad Offertorium Ps. 16, 5, 6-7 Pèrfice gressus meos in sémítis tuis, ut non moveántur vestígia mea: inclína aurem tuam, et exáudi verba mea: mirífica misericórdias tuas, qui salvos facis sperántes in te, Dómine.

Secreta

Oblátum tibi, Dómine, sacrificium, vivíficet nos semper, et múníat. Per Dóminum.

Præfatio de sanctissima Trinitate.

Antiphona ad Communionem Ps. 42, 4 Introíbo ad altáre Dei, ad Deum qui lætíficet iuventútem meam.

Postcommunio

Súpplíces te rogámus, omnípotens Deus: ut, quos tuis réficis sacraméntis, tibi étiam plácitis móríbus dignánter deservíre concédas. Per Dóminum.

DOMINICA IN QUINOUAGESIMA

II classis

Statio ad S. Petrum

Antiphona ad Introitum

Ps. 30, 3-4

Esto mihi in Deum protectórem, et in locum refúgii, ut salvum me fácias: quóniam firmaméntum meum, et refúgium meum es tu: et propter nomen tuum dux mihi eris, et enútries me. **Ps. ibid., 2** In te, Dómine, sperávi, non confúndar in ætérnum: in iustítia tua líbera me, et éripe me. **¶** Glória Patri.

Oratio

Preces nostras, quásumus, Dómine, cleménter exáudi: atque a peccatórum vínculis absolútos, ab omni nos adversitaté custódi. Per Dóminum.

Léctio Epístolæ beáti Pauli Apóstoli ad Corínthios.

I Cor. 13, 1-13

Fratres: Si linguis hóminum loquar, et Angelórum, caritátem autem non hábeam, factus sum velut æs sonans, aut cýmbalum tinniens. Et si habúero prophetíam, et nóverim mystéria ómnia, et omnem sciéntiam: et si habúero omnem fidem, ita ut montes transférám, caritátem autem non habúero, nihil sum. Et si distribúero in cibos páuperum omnes facultátes

meas, et si tradidero corpus meum, ita ut árdeam, caritátem autem non habúero, nihil mihi prodest. Cáritas pátiens est, benígna est: Cáritas non æmuláitur, non agit pérperam, non inflátur, non est ambitiósa, non quærit quæ sua sunt, non irritátur, non cógitat malum, non gaudet super iniquitáte, congáudet autem veritáti: ómnia suffert, ómnia credit, ómnia sperat, ómnia sústinet. Cáritas numquam éxcidit: sive prophetíæ evacuabúntur, sive linguæ cessábunt, sive sciéntia destruétur. Ex parte enim cognóscimus, et ex parte prophétámus. Cum autem vénerit quod perféctum est, evacuábitur quod ex parte est. Cum essem párvulus, loquébar ut párvulus, sapiébam ut párvulus, cogitábam ut párvulus. Quando autem factus sum vir, evacuávi quæ erant párvuli. Vidémus nunc per spéculum in ænigmaté: tunc autem fácie ad fáciem. Nunc cognóscó ex parte: tunc autem cognóscam sicut et cógnitus sum. Nunc autem manent fides, spes, caritas, tria hæc: maior autem horum est caritas.

Graduale Ps. 76, 15 et 16 Tu es Deus qui facis mirabília solus: notam fecisti in géntibus virtútem tuam. **V.** Liberásti in brácchio tuo pópulum tuum, filios Israël, et Ioseph.

Tractus Ps. 99, 2-3 Iubiláte Deo, omnis terra: servíte Dómino in lætítia. **V.** Intráte in conspéctu eius in exsultatióne: scitóte, quod Dóminus ipse est Deus. **V.** Ipse fecit nos, et non ipsi nos: nos autem pópulus eius, et oves páscuæ eius.

¶ **Quando in feriis adhibetur Missa dominicæ, non dicitur tractus, sed tantum graduale.**

✠ Sequéntia sancti Evangélíi secúndum Lucam. **Luc. 18, 31-43**

In illo témpore: Assúmpsit Iesus duódecim, et ait illis: Ecce,

ascéndimus Ierosólymam, et consummabúntur ómnia, quæ scripta sunt per prophétas de Fílio hóminis. Tradétur enim géntibus, et illudétur, et flagellábitur, et conspuétur: et postquam flagelláverint, occídent eum, et tértia die resúrget. Et ipsi nihil horum intellexérunt, et erat verbum istud absconditum ab eis, et non intellegébant quæ dicebántur. Factum est autem, cum appropinquáret Iéricho, cæcus quidam sedébat secus viam, mendicans. Et cum audíret turbam prætereúntem, interrogábat quid hoc esset. Dixérunt autem ei, quod Iesus Nazarénus transíret. Et clamávit, dicens: Iesu, fili David, miserére mei. Et qui præíbant, increpábant eum ut tacéret. Ipse vero multo magis clamábat: Fili David, miserére mei. Stans autem Iesus, iussit illum addúci ad se. Et cum appropinquásset, interrogávit illum, dicens: Quid tibi vis fáciam? At ille dixit: Dómine, ut vídeam. Et Iesus dixit illi: Réspice, fides tua te saluum fecit. Et conféstim vidit, et sequebátur illum, magníficans Deum. Et omnis plebs ut vidit, dedit laudem Deo.

Credo.

Antiphona ad Offertorium Ps. 118, 12-13 Benedíctus es, Dómine, doce me iustificatiónes tuas: in lábiis meis pronuntiávi ómnia iudícia oris tui.

Secreta

Hæc hóstia, Dómine, quæsumus, emúndet nostra delícta: et ad sacrificium celebrándum, subditórum tibi córpora, mentésque sanctíficet. Per Dóminum.

Præfatio de sanctissima Trinitate.

Antiphona ad Communionem Ps. 77, 29-30 Manducavérunt, et saturáti sunt nimis, et desidérium eórum áttulit eis Dóminus: non sunt fraudáti a desidério suo.

Postcommunio

Quæsumus, omnipotens Deus: ut, qui cælestia aliménta per-

cépimus, per hæc contra ómnia advérsa muniámur. Per Dóminum nostrum.

TEMPUS QUADRAGESIMÆ

FERIA QUARTA CINERUM

I classis

DE BENEDICTIONE CINERUM

¶ Ante Missam benedicuntur cineres facti de ramis olivarum, sive aliarum arborum, præcedenti anno benedictis, hoc modo:

Sacerdos indutus pluviali violaceo, vel sine casula, cum ministris similiter indutis, procedit ad benedicendum cineres in vase aliquo super altari positos. Et primo cantatur a choro sequens antiphona.

Ps. 68, 17

Exáudi nos, Dómine, quóniam benígna est misericórdia tua: secúndum multitudinem miseratiónum tuárum réspice nos, Dómine. Ps. ibid., 2 Salvum me fac, Deus: quóniam intravérunt aquæ usque ad ánimam meam. V. Glória Patri.

Repetitur Exáudi nos.

¶ Deinde sacerdos ad latus epistolæ, non vertens se ad populum, manibus iunctis (quod servatur etiam in orationibus omnium benedictionum quoad manus iunctas) dicit:

V. Dóminus vobíscum.

R. Et cum spíritu tuo.

Orémus.

Oratio

Omnipotens sempitérne Deus, parce pæniténtibus, propitiare supplicántibus: et mittere dignéris sanctum Angelum tuum de cælis, qui bene ✠ dicat, et sanctí ✠ ficet hos cineres, ut sint remédium salúbre ómnibus nomen sanctum tuum humíliter implorántibus, ac semetipsos pro consciéntia delictórum suórum accusántibus, ante conspéctum divínæ cleméntiæ tuæ facínora

sua deplorántibus, vel sereníssimam pietátem tuam suppliciter obnixéque flagitántibus: et præsta, per invocatióem sanctíssimi nóminis tui; ut, quicumque per eos aspérsi fúerint, pro redemptiône peccatórum suórum, córporis sanitátem, et ánimæ tutelam percípiant. Per Christum Dóminum nostrum.

R. Amen.

Orémus.

Oratio

Deus, qui non mortem, sed pæniténtiam desíderas peccatórum: fragilitátem conditiónis humánæ benigníssime réspice; et hos cineres, quos causa proferéndæ humilitátis, atque promeréndæ véniæ, capítibus nostris impóni decérnimus, bene ✠ dicere pro tua pietáte dignáre: ut, qui nos cínerem esse, et ob pravitátis nostræ deméritum in púlverem reversúros cognóscimus; peccatórum ómnium véniam, et præmia pæniténtibus repromíssa, misericórditer cónsequi mereámur. Per Christum Dóminum nostrum.

R. Amen.

Orémus.

Oratio

Deus, qui humiliatióne flécteris, et satisfactiône placáris: aurem tuæ pietátis inclína précibus nostris; et capítibus servórum tuórum, horum cinerum aspersiône contáctis, effúnde propítius grátiam tuæ benedictiόνis: ut eos et spíritu compunctiόνis répleas, et quæ iuste postuláverint, effícaciter tríbuas; et concéssa perpétuo stabilíta, et intácta manére decérnas. Per Christum Dóminum nostrum.

R. Amen.

Orémus.

Oratio

Omnípotens sempitérne Deus, qui Ninivítis in cínere et cilício pæniténtibus, indulgéntiæ tuæ remédia præstitísti: concéde propítius; ut sic eos imitémur hábitu, quátenus vénia sequámur obténtu. Per Christum Dóminum nostrum.

R. Amen.

¶ Postea celebrans, imposito incenso in thuribulo, ter aspergit cineres aqua benedicta, dicendo antiphonam Aspérget, sine cantu et sine psalmo, et ter adolet incenso.

DE IMPOSITIONE CINERUM

Deinde dignior sacerdos ex clero accedens ad altare, imponit cineres celebranti non genuflexo. Si vero non adsit alius sacerdos, ipsemet celebrans, ad altare conversus, sibi ipsi cineres imponit in capite, nihil dicens, et cantatur statim a choro

Antiphona

Ioël. 2, 13

Immutémur hábitu, in cínere et cilício: ieiunémus, et plorémus ante Dóminum: quia multum miséricors est dimittere peccáta nostra Deus noster.

Alia antiph. Ibid. 17 et Esth. 13, 17 Inter vestibulum et altáre plorábunt sacerdótes ministri Dómini, et dicent: Parce, Dómine, parce pópulo tuo: et ne claudas ora canéntium te, Dómine.

Sequitur responsum

Esth. 13; Ioël. 2 Emendémus in mélius quæ ignoránte peccávimus: ne súbito præoccupáti die mortis, quæramus spátium pæniténtiæ, et inveníre non possimus. * Atténde, Dómine, et miserére: quia peccávimus tibi. **Ps. 78, 9** Adiuva nos, Deus salutáris noster: et propter honórem nóminis tui, Dómine, libera nos. Atténde, Dómine. **Ps.** Glória Patri, et Fílio, et Spirítui Sancto. Atténde, Dómine.

¶ Sacerdos vero, dum cantantur antiphonæ et responsum, detecto capite, primo imponit cineres digniori sacerdoti, a quo ipse accepit, deinde ministris paratis, genibus flexis coram altari, dicens:

Genes. 3, 19 Meménto, homo, quia pulvis es, et in púlverem revertéris.

¶ Postea veniunt alii, primo clerus per ordinem, deinde populus: et genibus flexis ante altare, singulatim recipiunt cineres a sacerdote, ut dictum est de ministris. Completa cinerum impositione, sacerdos dicit:

V. Dóminus vobíscum.

R. Et cum spírítu tuo.

Orémus.

Concéde nobis, Dómine, præsidia militiæ cristiánæ sanctis inchoáre ieiúniis: ut contra spiritáles nequítias pugnatúri, continéntiæ muniámur auxiliis. Per Christum Dóminum nostrum. R. Amen.

Si solemnis benedictio cinerum tardioribus horis fiat, licet primo mane, ante Missam, cineres benedicere forma simplici, absque cantu, ordine supradicto. Item eadem forma adhiberi potest ubi ministri sacri vel cantores haberi nequeant.

Benedictio cinerum, quæ semel, mane, ante Missam principalem peracta est, ante Missam vespertinam iterari potest, de Ordinarii loci facultate, in ecclesiis, ubi Missa vespertina cum magno fidelium concursu celebrari solet.

DE MISSA

Statio ad S. Sabinam

In Missa quæ benedictionem cinerum sequitur, omittuntur psalmus Iúdica me, Deus cum sua antiphona, necnon confessio cum absolutione, versibus sequentibus atque orationibus Aufer a nobis et Orámus te, Dómine. Sacerdos igitur cum ad altare accesserit, statim illud ascendit et osculatur in medio.

Antiphona ad Introitum

Sap. 11, 24, 25 et 27

Miseréris ómnium, Dómine, et nihil odísti eórum quæ fecísti, dissimulans peccáta hóminum propter pæniténtiam et parcens illis: quia tu es Dóminus Deus noster. **Ps. 56, 2** Miserére mei, Deus, miserére mei: quóniam in te confidit ánima mea. **V.** Glória Patri.

Oratio

Præsta, Dómine, fidélibus tuis: ut ieiuniórum veneránda solémnia, et cóngrua pietáte suscipiant, et secúra devotióne percúrant. Per Dóminum.

Lectio Ioélis Prophætæ.

Ioël. 2, 12-19

Hæc dicit Dóminus: Convertimini ad me in toto corde vestro, in ieiúnió, et in fletu, et in planctu. Et scíndite corda vestra, et non vestiménta vestra, et convertimini ad Dóminum Deum vestrum: quia benígnus, et miséricors est, pátiens, et multæ misericórdiæ, et præstábilis super malítia. Quis scit, si convertátur, et ignóscat, et relínquat post se benedictiónem, sacrificium et libámen Dómino Deo vestro? Cánite tuba in Sion, sanctificáte ieiúnium, vocáte cœtum, congregáte pópulum, sanctificáte ecclésiám, coadunáte senes, congregáte párvulos, et sugéntes úbera: egrediátur sponsus de cubíli suo, et sponsa de thálamo suo. Inter vestibulum et altáre plorábunt sacerdótes minístri Dómini, et dicent: Parce, Dómine, parce pópulo tuo: et ne des hereditátem tuam in oppróbrium, ut dominéntur eis nátiónes. Quare dicunt in pópulis: Ubi est Deus eórum? Zelátus est Dóminus terram suam, et pepércit pópulo suo. Et respóndit Dóminus, et dixit pópulo suo: Ecce, ego mittam vobis fruméntum, et vinum, et óleum, et replebimini

eis: et non dabo vos ultra oppróbrium in géntibus: dicit Dóminus omnípotens.

Graduale Ps. 56, 2 et 4 Miserére mei, Deus, miserére mei: quóniam in te confidit ánima mea. **V.** Misit de cælo, et liberávit me, dedit in oppróbrium conculcántes me.

¶ **Sequens tractus dicitur in Missis de feria II, IV et VI usque ad feriam II Hebdomadæ sanctæ inclusive, præterquam feria IV Quatuor Temporum.**

Tractus Ps. 102, 10 Dómine, non secúndum peccáta nostra, quæ féci-mus nos: neque secúndum iniquitátes nostras retríbuas nobis. **V. Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis. **(Hic genuflectitur)** **V.** Adiuvá nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

✠ **Sequéntia sancti Evangélii secúndum Matthæum. Matth. 6, 16-21**

In illo témpore: Dixit Iesus discipulis suis: Cum ieiunátis, nolíte fieri sicut hypócritæ, tristes. Extérminant enim fácies suas, ut appáreant homínibus ieiunántes. Amen dico vobis, quia recepérunt mercédem suam. Tu autem, cum ieiúnas, unge caput tuum, et faciém tuam lava, ne videáris homínibus ieiúnans, sed Patri tuo, qui est in abscóndito: et Pater tuus, qui videt in abscóndito, reddet tibi. Nolíte thesaurizáre vobis thesáuros in terra: ubi ærúgo, et tinea demolítur: et ubi fures effódiunt, et furántur. Thesaurizáte autem vobis thesáuros in cælo: ubi neque ærúgo, neque tinea demolítur, et ubi fures non effódiunt, nec furántur. Ubi enim est thesáurus tuus, ibi est et cor tuum.

Antiphona ad Offertorium Ps. 29, 2-3 Exaltábo te, Dómine, quóniam suscepísti me, nec delectásti inimícos meos super me: Dómine, clamávi ad te, et sanásti me.

Secreta

Fac nos, quæsumus, Dómine, his munéribus offeréndis conveniénter aptári: quibus ipsíus venerábilis sacraménti celebrámus exórdium. Per Dóminum.

¶ **Præfatio de Quadragesima,** quæ dicitur tamquam propria in Missis de Tempore a feria IV cinerum usque ad sabbatum ante dominicam I Passionis; et tamquam de tempore in ceteris Missis, quæ celebrantur eodem Tempore, et præfatione propria carent.

Antiphona ad Communionem Ps. 1, 2 et 3 Qui meditábitur in lege Dómini die ac nocte, dabit fructum suum in témpore suo.

Postcommunio

Percépta nobis, Dómine, præbeant sacraménta subsidium: ut tibi grata sint nostra ieiúnia, et nobis proficiant ad medélam. Per Dóminum.

¶ **Deinde sacerdos absolute dicit:** Orémus. **Et diaconus (si in officio diaconatus serviat) versus ad populum, iunctis manibus, dicit:** Humiliáte cápita vestra Deo. **Alioquin ipse sacerdos, stans in eodem loco ante librum, et non vertens se ad populum.**

Oratio

Inclinántes se, Dómine, maiestáti tuæ, propitiátus inténde: ut, qui divíno múnere sunt refécti, cælestibus semper nutriántur auxiliis. Per Dóminum.

¶ **Et hic modus dicendi orationem super populum servatur tantummodo in Missis de feria, usque**

ad feriam IV Hebdomadæ sanctæ inclusive.

De feriis Quadragesimæ et Passionis fit commemoratio in omnibus Missis, tam in cantu quam lectis.

FERIA QUINTA

III classis

Statio ad S. Georgium

Antiphona ad Introitum

Ps. 54, 17, 19, 20 et 23

Dum clamárem ad Dóminum, exaudivit vocem meam ab his, qui appropínquant mihi et humiliávit eos, qui est ante sácula, et manet in ætérnum: iacta cogitátum tuum in Dómino, et ipse te enútriet. **Ps. ibid., 2-3** Exáudi, Deus, oratióem meam, et ne despéxeris deprecationem meam: inténde mihi, et exáudi me. **V.** Glória Patri.

Oratio

Deus, qui culpa offénderis, pæniténtia placáris: preces populi tui supplicántis propítius respice; et flagélla tuæ iracúndiæ, quæ pro peccátis nostris merémur, avérte. Per Dóminum.

Léctio Isaíæ Prophétæ.

Isai. 38, 1-6

In diébus illis: Ægrotávit Ezechías usque ad mortem: et introívit ad eum Isaías filius Amos prophéta, et dixit ei: Hæc dicit Dóminus: Dispóne dómui tuæ, quia moriéris tu, et non vives. Et convértit Ezechías faciém suam ad parietem, et orávit ad Dóminum, et dixit: Obsecro, Dómine, meménto, quæso, quómodo ambuláverim coram te in veritáte, et in corde perfécto, et quod bonum est in óculis tuis, fécerim. Et flevit Ezechías fletu magno. Et factum est verbum Dómini ad Isaíam, dicens: Vade, et dic

Ezechíæ: Hæc dicit Dóminus Deus David patris tui: Audívi oratióem tuam, et vidi lácrimas tuas: ecce, ego adíciam super dies tuos quíndecim annos: et de manu regis Assyriórum éruam te, et civitátem istam, et prótegám eam, ait Dóminus omnípotens.

Graduale Ps. 54, 23, 17, 18 et 19
Iacta cogitátum tuum in Dómino, et ipse te enútriet. **¶** Dum clamárem ad Dóminum, exaudívit vocem meam ab his, qui appropínquant mihi.

✠ Sequéntia sancti Evangélíi secúndum Mattháeum.

Matth. 8, 5-13

In illo témpore: Cum introísset Iesus Caphárnaum, accéssit ad eum centúrio, rogans eum, et dicens: Dómine, puer meus iacet in domo paralýticus, et male torqué-tur. Et ait illi Iesus: Ego véniam, et curábo eum. Et respóndens centúrio, ait: Dómine, non sum dignus, ut intres sub tectum meum: sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites, et dico huic: Vade, et vadit: et álii: Veni, et venit; et servo meo: Fac hoc, et facit. Audiens autem Iesus, mirátus est, et sequéntibus se dixit: Amen dico vobis, non invéni tantam fidem in Israél. Dico autem vobis, quod multi ab Oriénte et Occidénte vénient, et recúmbent cum Abraham, et Isaac, et Iacob in regno cælórum: filii autem regni eiciéntur in ténebras exterióres: ibi erit fletus, et stridor déntium. Et dixit Iesus centurióni: Vade, et sicut credidísti, fiat tibi. Et sanátus est puer in illa hora.

Antiphona ad Offertorium Ps. 24, 1-3 Ad te, Dómine, levávi ánimam meam: Deus meus, in te confído, non erubéscam: neque irrídeant me inimíci mei: étenim univérsi, qui te expéctant, non confundéntur.

Secreta

Sacrificiis præséntibus, Dómine, quásumus, inténde placátus: ut et devotióni nostræ proficiant, et salúti. Per Dóminum.

Præfatio de Quadragesima.

Antiphona ad Communionem

Ps. 50, 21 Acceptábis sacrificium iustítiæ, oblatiões, et holocáusta, super altáre tuum, Dómine.

Postcommunio

Cæléstis doni benedictióne percépta: súplices te, Deus omnípotens, deprecámur; ut hoc idem nobis et sacraménti causa sit, et salútis. Per Dóminum.

Super populum: Orémus. Humiliáte cápita vestra Deo.

Oratio

Parce, Dómine, parce pópulo tuo: ut dignis flagellatióibus castigátus, in tua miseratióne respíret. Per Dóminum.

FERIA SEXTA

III classis

Statio ad Ss. Ioannem et Paulum

Antiphona ad Introitum

Ps. 29, 11

Audívit Dóminus, et misértus est mihi: Dóminus factus est adiútor meus **Ps. ibid., 2** Exaltábo te, Dómine, quóniam suscepísti me: nec delectásti inimícos meos super me. **¶** Glória Patri.

Oratio

Inchoáta ieiúnia, quásumus, Dómine, bénigno favóre proséquere: ut observántiam, quam corporáliter exhibémus, méntibus étiam sincéris exercére valeámus. Per Dóminum.

Léctio Isaíæ Prophétæ.

Isai. 58, 1-9

Hæc dicit Dóminus Deus: Clama, ne cesses: quasi tuba exálta

vocem tuam: et annúntia pópulo meo scélera eórum, et dómui Iacob peccáta eórum. Me étenim de die in diem quærunt, et scire vias meas volunt: quasi gens, quæ iustítiam fécerit, et iudícium Dei sui non derelíquerit: rogant me iudícia iustítiae: appropinquáre Deo volunt. Quare ieiunávimus, et non aspexísti: humiliávimus ánimas nostras, et nescísti? Ecce, in die ieiúnii vestri invenítur volúntas vestra, et omnes debitóres vestros repétitis. Ecce, ad lites, et contentiónes ieiunátis, et percútitis pugno ímpie. Nolíte ieiunáre sicut usque ad hanc diem, ut audiátur in excélsó clamor vester. Numquid tale est ieiúnium, quod elégi, per diem affligere hómíne animam suam? numquid contorquére quasi círculum caput suum, et saccum et cínerem stérnere? numquid istud vocábis ieiúnium, et diem acceptábilem Dómino? Nonne hoc est magis ieiúnium quod elégi? dissólve colligatiónes impietátis, solve fascículos depriméntes: dimítte eos, qui confrácti sunt, líberos, et omne onus dirúmpe. Frange esuriénti panem tuum, et egénos, vagósque induc in domum tuam: cum víderis nudum, óperi eum, et carnem tuam ne despéxeris. Tunc erúmpet quasi mane lumen tuum, et sánitas tua cítiús oriétur, et anteíbit fáciem tuam iustítia tua, et glória Dómini cólliget te. Tunc invocábis, et Dóminus exáudiet: clamábis, et dicet: Ecce, adsum. Quia miséricors sum, Dóminus Deus tuus.

Graduale Ps. 26, 4 Unam pétii a Dómino, hanc requíram, ut inhábitem in domo Dómini. **V.** Ut vídeam voluptátem Dómini, et prótegar a templo sancto eius.

Tractus Ps. 102, 10 Dómine, non secúndum peccáta nostra, quæ fécimus nos: neque secúndum iniquitátes nostras retríbuas nobis. **V. Ps. 78, 8-9** Dómine, ne memíneris ini-

quitátum nostrárum antiquárum: cito antícipent nos misericórdiae tuæ, quia páuperes facti sumus nimis. **(Hic genuflectitur) V.** Aduva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

✠ Sequéntia sancti Evangélii secúndum Mattháum.

Matth. 5, 43-48; 6, 1-4

In illo témpore: Dixit Iesus discí-pulis suis: Audístis quia dictum est: Díliges próximum tuum: et ódio habébis inimícum tuum. Ego autem dico vobis: Dílígite inimícos vestros, benefácite his, qui odérunt vos: et oráte pro persecuéntibus, et calumniántibus vos: ut sitis filii Patris vestri, qui in cælis est: qui solem suum oríri facit super bonos et malos: et pluit super iustos et iniústos. Si enim dilígitis eos, qui vos dilígunt, quam mercédem habébitis? nonne et publicáni hoc faciunt? Et si salutavéritis fratres vestros tantum, quid ámplius fácitis? nonne et éthnici hoc faciunt? Estóte ergo vos perfécti, sicut et Pater vester cæléstis perféctus est. Atténdite ne iustítiam vestram faciátis coram homínibus, ut videámini ab eis: alióquin mercédem non habébitis apud Patrem vestrum, qui in cælis est. Cum ergo facis eleemósynam, noli tuba cánere ante te, sicut hypócritæ faciunt in synagógis, et in vicis, ut honorificéntur ab homínibus. Amen dico vobis, recepérunt mercédem suam. Te autem faciénte eleemósynam, nésciat sinístra tua, quid fáciat dextera tua, ut sit eleemósyna tua in abscóndito, et Pater tuus, qui videt in abscóndito, reddet tibi.

Antiphona ad Offertorium Ps. 118, 154 et 125 Dómine, vivífica me secúndum elóquium tuum: ut sciam testimónia tua.

Secreta

Sacrificium, Dómine, observántiæ quadragesimális, quod offérimus, præsta, quæsumus: ut tibi et mentes nostras reddat accéptas, et continéntiæ promptiórís nobis tríbuat facultátem. Per Dóminum.

Præfatio de Quadragesima.

Antiphona ad Communionem

Ps. 2, 11-12 Servíte Dómino in timóre, et exsultáte ei cum tremóre: apprehéndite disciplínam, ne pereátis de via iusta.

Postcommunio

Spíritum nobis, Dómine, tuæ caritátis infúnde: ut, quos uno pane cælesti satiásti, tua fácias pietáte concórdes. Per Dóminum... in unitáte eiúsdem.

Super populum: Orémus. Humiliáte cápita vestra Deo.

Oratio

Tuere, Dómine, pópulum tuum, et ab ómnibus peccátis cleménter emúnda: quia nulla ei nocébit advérsitas, si nulla ei domínétur iníquitas. Per Dóminum.

SABBATO

III classis

Statio ad S. Tryphonem

Antiphona ad Introitum

Ps. 29, 11

Audívit Dóminus, et misértus est mihi: Dóminus factus est adiútor meus. **Ps. ibid., 2** Exaltábo te, Dómine, quóniam suscepísti me: nec delectásti inimícos meos super me. **V.** Glória Patri.

Oratio

Adésto, Dómine, supplicatióibus nostris: et concéde; ut hoc solémne ieiúnium, quod animábus corporibúsq; curándis salúbriter institútum est, devóto servítio celebrémus. Per Dóminum.

Léctio Isaíæ Prophétæ.

Isai. 58, 9-14

Hæc dicit Dóminus Deus: Si abstúleris de médio tui caténam, et desíeris exténdere dígitum, et loqui quod non prodest. Cum effúderis esuriénti ánimam tuam, et ánimam afflíctam repléveris, oriétur in ténebris lux tua, et ténebræ tuæ erunt sicut merídies. Et réquiem tibi dabit Dóminus semper, et implébit splendóribus ánimam tuam, et ossa tua liberábit, et eris quasi hortus irriguus, et sicut fons aquárum, cuius non deficient aquæ. Et ædificabúntur in te desérta sæculórum: fundaménta generatiónis et generatiónis suscítabis: et vocáberis ædificátor sèpium, avértens sémitas in quiétem. Si avérteris a sábbato pedem tuum, fácere voluntátem tuam in die sancto meo, et vocáveris sábbatum delicátum, et sanctum Dómini gloriósum, et glorificáveris eum, dum non facis vías tuas, et non invenítur volúntas tua, ut loquáris sermónem: tunc delectáberis super Dómino: et sustóllam te super altitúdines terræ, et cibábo te hereditáte Iacob patris tui. Os enim Dómini locútum est.

Graduale Ps. 26, 4 Unam pétii a Dómino, hanc requíram, ut inhábitem in domo Dómini. **V.** Ut vídeam voluptátem Dómini, et prótegar a templo sancto eius.

✠ Sequéntia sancti Evangélíi secúndum Marcum.

Marc. 6, 47-56

In illo témpore: Cum sero esset, erat navis in médio mari, et Iesus solus in terra. Et videns discipulos suos laborántes in remigándo (erat enim ventus contrárius eis), et circa quartam vigíliam noctis venit ad eos ámbulans supra mare: et volébat præteríre eos. At illi, ut vidérunt eum ambulántem supra

mare, putavérunt phantásma esse, et exclamavérunt. Omnes enim vidérunt eum, et conturbáti sunt. Et statim locútus est cum eis, et dixit eis: Confidite, ego sum, nolíte timére. Et ascéndit ad illos in navim, et cessávit ventus. Et plus magis intra se stupébant: non enim intellexérunt de pánibus: erat enim cor eórum obcæcátum. Et cum transfretássent, venérunt in terram Genésareth, et applicuérunt. Cumque egressi essent de navi, contínuo cognovérunt eum: et percurréntes univérsam regiónem illam, cæpérunt in grabátis eos, qui se male habébant, circumfêrre ubi audiébant eum esse. Et quocúmque introíbat, in vicos, vel in villas, aut civitátes, in platéis ponébant infirmos, et deprecabántur eum, ut vel fimbriam vestiménti eius tangerent: et quotquot tangébant eum, salvi fiébant.

Antiphona ad Offertorium Ps. 118, 154 et 125 Dómine, vivífica me secundum elóquium tuum: ut sciam testimónia tua.

Secreta

Súscipe, Dómine, sacrificium, cuius te voluísti dignánte immolatione placári: præsta, quæsumus; ut, huius operatione mundáti, beneplácitum tibi nostræ mentis offerámus afféctum. Per Dóminum.

Præfatio de Quadragesima.

Antiphona ad Communionem

Ps. 2, 11-12 Servíte Dómino in timóre, et exsultáte ei cum tremóre: apprehéndite disciplínam, ne pereátis de via iusta.

Postcommunio

Cæléstis vitæ múnere vegetáti, quæsumus, Dómine: ut, quod est nobis in præsénti vita mystérium, fiat æternitátis auxiliúm. Per Dóminum.

Super populum: Orémus. Humiliáte cápita vestra Deo.

Oratio

Fidèles tui, Deus, per tua dona firméntur: ut éadem et percipiéndó requírant, et quæréndó sine fine percípiant. Per Dóminum.

DOMINICA I IN QUADRAGESIMA

I classis

Statio ad S. Ioannem in Laterano

Antiphona ad Introitum

Ps. 90, 15 et 16

Invocábit me, et ego exáudiam eum: erípiam eum, et glorificábo eum: longitudine diérum adimplébo eum. **Ps. ibid., 1** Qui hábitat in adiutório Altíssimi, in protectione Dei cæli commorábitur. **V.** Glória Patri.

Oratio

Deus, qui Ecclésiám tuam ánnua quadragesimáli observatione puríficas: præsta familiæ tuæ; ut, quod a te obtinére abstinéndó nítitur, hoc bonis opéribus exsequátur. Per Dóminum.

Léctio Epístolæ beáti Pauli Apóstoli ad Corínthios.

2 Cor. 6, 1-10

Fratres: Exhortámur vos, ne in vácuum grátiam Dei recipiátis. Ait enim: Témpore accépto exaudivi te, et in die salútis adiúvi te. Ecce, nunc tempus acceptábile, ecce, nunc dies salútis. Némini dantes ullam offensionem, ut non vituperétur ministérium nostrum: sed in ómnibus exhibeámus nosmetipsos sicut Dei ministros in multa patientia, in tribulationibus, in necessitatibus, in angústiiis, in plagis, in cárceribus, in seditiónibus, in

labóribus, in vigíliis, in ieiúniis, in castitáte, in sciéntia, in longanimitáte, in suavitate, in Spíritu Sancto, in caritate non ficta, in verbo veritatis, in virtute Dei, per arma iustitiæ a dextris, et a sinístris: per glóriam, et ignobilitatem: per infamiam, et bonam famam: ut seductóres, et veraces: sicut qui ignóti, et cógniti: quasi morientes, et ecce, vivimus: ut castigati, et non mortificati: quasi tristes, semper autem gaudentes: sicut egéntes, multos autem locupletantes: tamquam nihil habentes, et ómnia possidentes.

Graduale Ps. 90, 11-12 Angelis suis Deus mandávit de te, ut custódiant te in ómnibus viis tuis. **V.** In mánibus portábunt te, ne umquam offéndas ad lápidem pedem tuum.

Tractus Ibid., 1-7 et 11-16 Qui hábitat in adiutório Altíssimi, in protectióne Dei cæli commorábitur. **V.** Dicet Dómino: Suscéptor meus es tu, et refúgium meum: Deus meus, sperábo in eum. **V.** Quóniam ipse liberávit me de láqueo venántium, et a verbo áspero. **V.** Scápolis suis obumbrábit tibi, et sub pennis eius sperábis. **V.** Scuto circúmdabit te véritas eius: non timébis a timóre noctúrno. **V.** A sagítta volánte per diem, a negótio perambulánte in ténebris, a ruína et dæmónio meridiáno. **V.** Cadent a látere tuo mille, et decem mília a dextris tuis: tibi autem non appropinquábit. **V.** Quóniam Angelis suis mandávit de te, ut custódiant te in ómnibus viis tuis. **V.** In mánibus portábunt te, ne umquam offéndas ad lápidem pedem tuum. **V.** Super áspidem et basilíscum ambulábis, et conculcábis leónem et draconem. **V.** Quóniam in me sperávit, liberábo eum: prótegam eum, quóniam cognóvit nomen meum. **V.** Invocábit me, et ego exáudiam eum: cum ipso sum in tribulatióne. **V.** Erípiam eum, et glorificábo eum: longitúdine di-

rum adimplébo eum, et osténdam illi salutáre meum.

✠ Sequéntia sancti Evangélíi secúndum Mattháeum.

Matth. 4, 1-11

In illo témpore: Ductus est Iesus in desértum a Spíritu, ut tentarétur a diábolo. Et cum ieiunásset quadragínta diébus, et quadragínta nóctibus, póstea esúriit. Et accédens tentátor, dixit ei: Si Fílius Dei es, dic ut lápides isti panes fiant. Qui respóndens, dixit: Scriptum est: Non in solo pane vivit homo: sed in omni verbo, quod procédit de ore Dei. Tunc assúmpsit eum diábolus in sanctam civitátem, et státuit eum super pinnáculum templi, et dixit ei: Si Fílius Dei es, mitte te deórsum. Scriptum est enim: Quia Angelis suis mandávit de te, et in mánibus tollent te, ne forte offéndas ad lápidem pedem tuum. Ait illi Iesus: Rursum scriptum est: Non tentábis Dóminum Deum tuum. Iterum assúmpsit eum diábolus in montem excélsu valde: et osténdit ei ómnia regna mundi, et glóriam eórum, et dixit ei: Hæc ómnia tibi dabo, si cadens adoráveris me. Tunc dicit ei Iesus: Vade, Sátana: scriptum est enim: Dóminum Deum tuum adorábis, et illi soli sérvies. Tunc relíquit eum diábolus: et ecce, Angeli accessérunt, et ministrábant ei.

Credo.

Antiphona ad Offertorium Ps. 90, 4-5 Scápolis suis obumbrábit tibi Dóminus, et sub pennis eius sperábis: scuto circúmdabit te véritas eius.

Secreta

Sacrificium quadragesimális iníitii solémniter immolámus, te, Dómine, deprecántes: ut, cum epulárum restrictióne carnálium, a nóxiis quoque voluptátibus temperémus. Per Dóminum.

Præfatio de Quadragesima.**Antiphona ad Communionem**

Ps. 90, 4-5 Scápuis suis obumbrábit tibi Dóminus, et sub pennis eius sperábis: scuto circúmdabit te véritas eius.

Postcommunio

Tui nos, Dómine, sacraménti libátio sancta restáuret: et a vetustáte purgátos, in mystérii salutáris fáciat transíre consórtium. Per Dóminum.

FERIA SECUNDA**III classis**

Statio ad S. Petrum ad Vincula

Antiphona ad Introitum

Ps. 122, 2

Sicut óculi servórum in mánibus dominórum suórum: ita óculi nostri ad Dóminum Deum nostrum, donec misereátur nobis: miserére nobis, Dómine, miserére nobis. **Ps. ibid., 1** Ad te levávi óculos meos: qui hábitas in cælis. **V.** Glória Patri.

Oratio

Convértte nos, Deus salutáris noster: et, ut nobis ieiúnum quadragesimále proficiat, mentes nostras cæléstibus ínstrue disciplínis. Per Dóminum.

Léctio Ezechiélis Prophétæ.

Ezech. 34, 11-16

Hæc dicit Dóminus Deus: Ecce, ego ipse requíram oves meas, et visitábo eas. Sicut vísitat pastor gregem suum in die, quando fúerit in médio óvium suárum dissipátarum: sic visitábo oves meas, et liberábo eas de ómnibus locis, in quibus dispérsæ fúerant in die nubis et caliginis. Et edúcam eas de pópulis, et congregábo eas de terris, et indúcam eas in terram suam: et

pascam eas in móntibus Israël, in rivis, et in cunctis sédibus terræ. In páscuis ubérrimis pascam eas, et in móntibus excélsis Israël erunt páscua eárum: ibi requiéscent in herbis viréntibus, et in páscuis pín-guibus pascéntur super montes Israël. Ego pascam oves meas, et ego eas accubáre fáciam, dicit Dóminus Deus. Quod perierat, requíram; et quod abiéctum erat, redúcam; et quod confráctum fúerat, alligábo; et quod infirmum fúerat, consolidábo; et quod pingue et forte, custódiam: et pascam illas in iudício, dicit Dóminus omnípótens.

Graduale Ps. 83, 10 et 9 Protéctor noster, áspice, Deus, et respice super servos tuos. **V.** Dómine Deus virtútum, exáudi preces servórum tuórum.

Tractus Ps. 102, 10 Dómine, non secúndum peccáta nostra, quæ fé-cimus nos: neque secúndum iniquitátes nostras retríbuas nobis. **V. Ps. 78, 8-9** Dómine, ne memíneris iniquitátum nostrárum antiquárum: cito antícipent nos misericórdiæ tuæ, quia páuperes facti sumus nimis. **(Hic genuflectitur) V.** Adiuva nos, Deus salutáris noster: et propter glóriam nóminis tui, Dómine, libera nos: et propítius esto peccátis nostris, propter nomen tuum.

✠ Sequéntia sancti Evangélíi secúndum Matthæum.

Matth. 25, 31-46

In illo témpore: Dixit Iesus discí-pulis suis: Cum vénerit Fílius hóminis in maiestáte sua, et omnes Angeli cum eo, tunc sedébit super sedem maiestátis suæ: et congregabúntur ante eum omnes gentes, et separábit eos ab ínvicem, sicut pastor ségregat oves ab hædis: et státuet oves quidem a dextris suis, hædos autem a sinístris. Tunc dicet Rex his, qui a dextris eius erunt:

Veníte, benedícti Patris mei, possidéte parátum vobis regnum a constitutióne mundi. Esurívi enim, et dedístis mihi manducáre: sitívi, et dedístis mihi bíbere: hospes eram, et collegístis me: nudus, et cooperuístis me: infirmus, et visitástis me: in cárcere eram, et venístis ad me. Tunc respondébunt ei iusti, dicéntes: Dómine, quando te vídimus esuriéntem, et pávimus te: sitiéntem, et dédimus tibi potum? quando autem te vídimus hóspitem, et collégimus te: aut nudum, et cooperuístis me? aut quando te vídimus infirmum, aut in cárcere, et vénimus ad te? Et respóndens Rex, dicet illis: Amen dico vobis: quámdu fecístis uni ex his frátribus meis mínimis, mihi fecístis. Tunc dicet et his, qui a sinístris erunt: Discédite a me, maledícti, in ignem ætérnum, qui parátus est diabólo, et ángelis eius. Esurívi enim, et non dedístis mihi manducáre: sitívi, et non dedístis mihi potum: hospes eram, et non collegístis me: nudus, et non cooperuístis me: infirmus, et in cárcere, et non visitástis me. Tunc respondébunt ei et ipsi, dicéntes: Dómine, quando te vídimus esuriéntem, aut sitiéntem, aut hóspitem, aut nudum, aut infirmum, aut in cárcere, et non ministrávimus tibi? Tunc respondébit illis, dicens: Amen dico vobis: Quámdu non fecístis uni de mínoribus his, nec mihi fecístis. Et ibunt hi in supplícium ætérnum: iusti autem in vítam ætérnam.

Antiphona ad Offertorium Ps. 118, 18, 26 et 73 Levábo óculos meos, et considerábo mirabília tua, Dómine, ut dóceas me iustítias tuas: da mihi intelléctum, et discam mandáta tua.

Secreta

Múnera tibi, Dómine, obláta sanctífica: nosque a peccátorum nostrórum máculis emúnda. Per Dóminum.

Præfatio de Quadragesima.

Antiphona ad Communionem Matth. 25, 40 et 34 Amen dico vobis: quod uni ex mínimis meis fecístis, mihi fecístis: veníte, benedícti Patris mei, possidéte parátum vobis regnum ab inítio sæculi.

Postcommunio

Salutáris tui, Dómine, múnere satiáti, súpplíces exorámus: ut, cuius lætámur gustu, renovémur efféctu. Per Dóminum.

Super populum: Orémus. Humiliáte cápita vestra Deo.

Oratio

Absólve, quæsumus, Dómine, nostrórum víncula peccátorum: et, quidquid pro eis merémur, propitiátus avérte. Per Dóminum.

FERIA TERTIA

III classis

Statio ad S. Anastasiam

Antiphona ad Introitum

Ps. 89, 1 et 2

Dómine, refúgium factus es nobis a generatióne et progénie: a sæculo, et in sæculum tu es. **Ps. ibid., 2** Priúsqvam montes fierent, aut formarétur terra, et orbis: a sæculo, et usque in sæculum tu es, Deus. **V.** Glória Patri.

Oratio

Réspice, Dómine, famíliam tuam: et præsta; ut apud te mens nostra tuo desidério fúlgeat, quæ se carnis maceratióne castígat. Per Dóminum.

Léctio Isaíæ Prophétæ.

Isai. 55, 6-11

In diébus illis: Locútus est Isaías prophéta, dicens: Quærite Dóminum, dum inveníri potest: invocáte eum, dum prope est. Derelínquat ímpius viam suam, et vir iníquus

cogitationes suas, et revertatur ad Dominum: et miseretur eius, et ad Deum nostrum: quoniam multus est ad ignoscendum. Non enim cogitationes meae, cogitationes vestrae: neque via vestra, via mea, dicit Dominus. Quia sicut exaltantur caeli a terra, sic exaltatae sunt viae meae a viis vestris, et cogitationes meae a cogitationibus vestris. Et quomodo descendit imber, et nix de caelo, et illuc ultra non revertitur, sed inebriat terram, et infundit eam, et germinare eam facit, et dat semen serenti, et panem comedenti: sic erit verbum meum, quod egrediatur de ore meo: non revertetur ad me vacuum, sed faciet quaecumque volui, et prosperabitur in his, ad quae misi illud: ait Dominus omnipotens.

Graduale Ps. 140, 2 Dirigatur oratio mea sicut incensum in conspectu tuo, Domine. **V.** Elevatio manuum mearum sacrificium vesperinum.

✠ Sequentia sancti Evangelii secundum Matthaeum.

Matth. 21, 10-17

In illo tempore: Cum intrasset Iesus Ierosolymam, commota est universa civitas, dicens: Quis est hic? Populi autem dicebant: Hic est Iesus Propheta a Nazareth Galilaeae. Et intravit Iesus in templum Dei, et eiciebat omnes vendentes, et ementes in templo; et mensas nummulariorum, et cathedras vendentium columbas evertit: et dicit eis: Scriptum est: Domus mea domus orationis vocabitur: vos autem fecistis illam speluncam latronum. Et accesserunt ad eum caeci et claudi in templo: et sanavit eos. Videntes autem principes sacerdotum, et scribae mirabilia, quae fecit, et pueros clamantes in templo, et dicentes: Hosanna filio David: indignati sunt, et dixerunt ei: Audis

quid isti dicunt? Iesus autem dixit eis: Utique. Numquam legistis: Quia ex ore infantium et lactentium perfecisti laudem? Et relictis illis, abiit foras extra civitatem in Bethaniam: ibique mansit.

Antiphona ad Offertorium Ps. 30, 15-16 In te speravi, Domine; dixi: Tu es Deus meus, in manibus tuis tempora mea.

Secreta

Oblatis, quaesumus, Domine, placare muneribus: et a cunctis nos defende periculis. Per Dominum.

Præfatio de Quadragesima.

Antiphona ad Communionem Ps. 4, 2 Cum invocarem te, exaudisti me, Deus iustitiae meae: in tribulatione dilatasti me: miserere mihi, Domine, et exaudi orationem meam.

Postcommunio

Quaesumus, omnipotens Deus: ut illius salutaris capiamus effectum, cuius per haec mysteria pignus accepimus. Per Dominum.

Super populum: Oremus. Humiliate capita vestra Deo.

Oratio

Ascendant ad te, Domine, preces nostrae: et ab Ecclesia tua cunctam repelle nequitiam. Per Dominum.

FERIA QUARTA QUATUOR TEMP. QUADRAG.

II classis

Statio ad S. Mariam maiorem

Antiphona ad Introitum

Ps. 24, 6, 3 et 22

Reminiscere miserationum tuarum, Domine, et misericordiae tuae, quae a saeculo sunt: ne umquam dominentur nobis inimici nostri: libera nos, Deus Israel, ex omnibus angustis nostris.

Ps. ibid., 1-2 Ad te, Dómine, levávi ánimam meam: Deus meus, in te confido, non erubescam. **℣.** Glória Patri.

Post Kýrie, eléison, **dicitur** Orémus. Flectámus génua.

Leváte.

Oratio

Preces nostras, quæsumus, Dómine, cleménter exáudi: et contra cuncta nobis adversántia dextera tuæ maiestátis exténde. Per Dóminum.

Præcedens oratio sine Flectámus génua **sumitur ad commemorandam feriam IV Quatuor Temporum.**

Léctio libri Exodi.

Exodi 24, 12-18

In diébus illis: Dixit Dóminus ad Móysen: Ascénde ad me in montem, et esto ibi: dabóque tibi tábulas lapídeas, et legem ac mandáta quæ scripsi: ut dóceas filios Israél. Surrexérunt Móyses et Iósue mínister eius: ascendénsque Móyses in montem Dei, senióribus ait: Expectáte hic donec revertámur ad vos. Habétis Aaron et Hur vobíscum: si quid natum fúerit quæstiónis, referétis ad eos. Cumque ascendísset Móyses, opéruiit nubes montem, et habitávit glória Dómini super Sínai, tegens illum nube sex diébus: séptimo autem die vocávit eum de médio caliginis. Erat autem spécies glóriæ Dómini, quasi ignis ardens super vérticem montis, in conspéctu filiórum Israél. Ingressúsque Móyses médium nébulæ, ascéndit in montem: et fuit ibi quadragínta diébus, et quadragínta nóctibus.

Graduale Ps. 24, 17-18 Tribulatiónes cordis mei dilatátæ sunt: de necessitatibus meis éripe me, Dómine. **℣.** Vide humilitátem meam, et labórem meum: et dimítte ómnia peccáta mea.

Hic dicitur ℣. Dóminus vobíscum, **sine** Flectámus génua.

Orémus.

Oratio

Devotiónem pópuli tui, quæsumus, Dómine, benígnus inténde: ut, qui per abstinéntiam macerántur in córpore, per fructum boni óperis reficiántur in mente. Per Dóminum.

Et dicuntur aliæ orationes forte occurrentes.

Léctio libri Regum.

3 Reg. 19, 3-8

In diébus illis: Venit Elías in Bersabée Iuda, et dimísit ibi púerum suum, et perréxit in desértum, viam uníus diéi. Cumque venísset, et sedéret subter unam iuníperum, petívit ánimæ suæ ut morerétur, et ait: Súfficit mihi, Dómine, tolle ánimam meam: neque enim mélior sum, quam patres mei. Proiecítque se, et obdormívit in umbra iuníperi: et ecce, Angelus Dómini tétigit eum, et dixit illi: Surge et cómede. Respéxit, et ecce, ad caput suum subcinerícus panis, et vas aquæ: comédit ergo et bibit, et rursum obdormívit. Reversúsque est Angelus Dómini secúndo, et tétigit eum, dixítque illi: Surge, cómede: grandis enim tibi restat via. Qui cum surrexísset, comédit, et bibit, et ambulávit in fortitúdine cibi illíus quadragínta diébus, et quadragínta nóctibus, usque ad montem Dei Horeb.

Tractus Ps. 24, 17, 18 et 1-4 De necessitatibus meis éripe me, Dómine: vide humilitátem meam, et labórem meum: et dimítte ómnia peccáta mea. **℣.** Ad te, Dómine, levávi ánimam meam: Deus meus, in te confido, non erubescam: neque irrídeant me inimíci mei. **℣.** Etenim univérsti qui te expéctant, non confundéntur: confundántur omnes faciéntes vana.

✠ Sequéntia sancti Evangélíi secúndum Matthæum.

Matth. 12, 38-50

In illo témpore: Respondérunt Iesu quidam de scribis et pharisæis, dicéntes: Magíster, vólumus a te signum vidére. Qui respóndens, ait illis: Generátio mala et adúltera signum quærit: et signum non dábatur ei, nisi signum Ionæ prophétæ. Sicut enim fuit Ionas in ventre ceti tribus diébus, et tribus nóctibus: sic erit Fílius hóminis in corde terræ tribus diébus, et tribus nóctibus. Viri Ninivítæ surgent in iudício cum generatióne ista, et condemnábunt eam: quia pæniténtiam egerunt in prædicatióne Ionæ. Et ecce, plus quam Ionas hic. Regína Austri surget in iudício cum generatióne ista, et condemnábit eam: quia venit a finibus terræ audíre sapiéntiam Salomónis. Et ecce, plus quam Sálomon hic. Cum autem immúndus spíritus exíerit ab hómine, ámbulat per loca árida, quærens réquiem, et non ínvenit. Tunc dicit: Revértar in domum meam, unde exívi. Et véniens ínvenit eam vacántem, scopis mundátam, et ornátam. Tunc vadit, et assúmit septem álios spíritus secum nequióres se, et intrántes hábitant ibi: et fiunt novíssima hóminis illíus peióra prióribus. Sic erit et generatióni huic péssimæ. Adhuc eo loquén-te ad turbas, ecce, mater eius, et fratres stabant foris, quæréntes loqui ei. Dixit autem ei quidam: Ecce, mater tua, et fratres tui foris stant quæréntes te. At ipse respóndens dicénti sibi, ait: Quæ est mater mea, et qui sunt fratres mei? Et exténdens manum in discípulos suos, dixit: Ecce mater mea, et fratres mei. Quicúmque enim fécerit voluntátem Patris mei, qui in cælis est: ipse meus frater, et soror, et mater est.

Antiphona ad Offertorium Ps. 118,

47 et 48 Meditábor in mandátis tuis, quæ diléxi valde: et levábo manus meas ad mandáta tua, quæ diléxi.

Secreta

Hóstias tibi, Dómine, placatiónis offérimus: ut et delícta nostra miserátus absólvas, et nutántia corda tu dírigas. Per Dóminum.

Præfatio de Quadragesima.

Antiphona ad Communionem

Ps. 5, 2-4 Intéllege clamórem meum: inténde voci oratiónis meæ, Rex meus, et Deus meus: quóniam ad te orábo, Dómine.

Postcommunio

Tui, Dómine, perceptiόne sacraménti, et a nostris mundémur occúltis, et ab hóstium liberémur insídiis. Per Dóminum.

Super populum: Orémus. Humiliáte cápita vestra Deo.

Oratio

Mentes nostras, quæsumus, Dómine, lúmine tuæ claritátis illústra: ut vidére possimus, quæ agénda sunt; et, quæ recta sunt, ágere valeámus. Per Dóminum.

FERIA QUINTA

III classis

Statio ad S. Laurentium
in Paneperna

Antiphona ad Introitum

Ps. 95, 6

Confessio et pulchritúdo in conspéctu eius: sánctitas et magnificéntia in sanctificatióne eius. **Ps. ibid., 1** Cantáte Dómino cánticum novum: cantáte Dómino, omnis terra. **V.** Glória Patri.

Oratio

Devotiόnem pópuli tui, quæsumus, Dómine, benígnus in-

ténde: ut, qui per abstinéntiam macerántur in corpore, per fructum boni óperis reficiántur in mente. Per Dóminum.

Léctio Ezechiélis Prophétæ.

Ezech. 18, 1-9

In diébus illis: Factus est sermo Dómini ad me, dicens: Quid est, quod inter vos parábolam vértitis in provérbium istud in terra Israël, dicéntes: Patres comedérunt uvam acérbam, et dentes filiórum obstupéscunt? Vivo ego, dicit Dóminus Deus, si erit ultra vobis parábola hæc in provérbium in Israël. Ecce, omnes ánimæ, meæ sunt: ut ánima patris, ita et ánima filii, mea est: ánima, quæ peccáverit, ipsa moriétur. Et vir si fúerit iustus, et fécerit iudícium et iustítiam, in móntibus non coméderit, et óculos suos non leváverit ad idóla domus Israël: et uxórem próximi sui non violáverit, et ad mulierem menstruátam non accésserit: et hóminem non contristáverit: pignus debitóri reddiderit, per vim nihil rapúerit: panem suum esuriénti déderit, et nudum operúerit vestiménto: ad usúram non commodáverit, et ámplius non accéperit: ab iniquitáte avérterit manum suam, et iudícium verum fécerit inter virum et virum: in præcéptis meis ambuláverit, et iudícia mea custodíerit, ut fáciat veritátem: hic iustus est, vita vivet, ait Dóminus omnípotens.

Graduale Ps. 16, 8 et 2 Custódi me, Dómine, ut pupíllam óculi: sub umbra alárum tuárum prótege me. **V.** De vultu tuo iudícium meum pródeat: óculi tui vídeant æquitátem.

✠ Sequéntia sancti Evangélíi secúndum Matthæum.

Matth. 15, 21-28

In illo témpore: Egréssus Iesus secéssit in partes Tyri et Sidónis.

Et ecce, múlter Chananæa a finibus illis egréssa clamávit, dicens ei: Miserére mei, Dómine, fili David: filia mea male a dæmónio vexáitur. Qui non respóndit ei verbum. Et accedéntes discípuli eius rogábant eum, dicéntes: Dimítte eam; quia clamat post nos. Ipse autem respóndens, ait: Non sum missus nisi ad oves, quæ periérunt domus Israël. At illa venit, et adorávit eum, dicens: Dómine, ádiuva me. Qui respóndens, ait: Non est bonum súmeré panem filiórum, et mittere cánibus. At illa dixit: Etiam, Dómine: nam et catélli edunt de micis, quæ cadunt de mensa dominórum suórum. Tunc respóndens Iesus, ait illi: O múlter, magna est fides tua: fiat tibi sicut vis. Et sanáta est filia eius ex illa hora.

Antiphona ad Offertorium Ps. 33, 8-9 Immíttet Angelus Dómini in circúitu tíméntium eum, et erípiet eos: gustáte, et vidéte, quóniam suávis est Dóminus.

Secreta

Sacrificia, Dómine, quæsumus, propénsius ista nos salvent, quæ medicínalibus sunt institúta ieiúniis. Per Dóminum.

Præfatio de Quadragesima.

Antiphona ad Communionem Ioann. 6, 52 Panis, quem ego dédero, caro mea est pro sáculi vita.

Postcommunio

Tuórum nos, Dómine, largitáte donórum, et temporálibus attólle præsídiis, et rénova sempitérnis. Per Dóminum.

Super populum: Orémus. Humiliáte cápita vestra Deo.

Oratio

Da, quæsumus, Dómine, pópulis cristiánis: et, quæ profiténtur, agnóscere, et cæléste munus diligere, quod frequéntant. Per Dóminum.

FERIA SEXTA
QUATUOR TEMP. QUADRAG.

II classis

Statio ad Ss. duodecim
Apostolos

Antiphona ad Introitum

Ps. 24, 17 et 18

De necessitatibus meis eripe me, Dómine: vide humilitatem meam et laborem meum, et dimitte omnia peccata mea. **Ps. ibid., 1-2** Ad te, Dómine, levavi animam meam: Deus meus, in te confido, non erubescam. **℣.** Glória Patri.

Oratio

Esto, Dómine, propítius plebi tuæ: et, quam tibi facis esse devótam, benigno réfove miserátus auxílio. Per Dóminum.

Lectio Ezechiélis Prophætæ.

Ezech. 18, 20-28

Hæc dicit Dóminus Deus: Anima, quæ peccáverit, ipsa moriétur: filius non portábit iniquitatem patris, et pater non portábit iniquitatem filii: iustitia iusti super eum erit, et impietas impii erit super eum. Si autem impius égerit pæniténtiam ab ómnibus peccatis suis, quæ operátus est, et custodierit omnia præcépta mea, et fécerit iudícium et iustítiam: vita vivet, et non moriétur. Omnium iniquitatum eius, quas operátus est, non recordábor: in iustítia sua, quam operátus est, vivet. Numquid voluntátis meæ est mors impii, dicit Dóminus Deus, et non ut convertátur a viis suis, et vivat? Si autem avérterit se iustus a iustítia sua, et fécerit iniquitatem secúndum omnes abominatiónes, quas operári solet impius, numquid vivet? omnes iustítiæ eius, quas fécerat, non recordabúntur: in prævaricatióne, qua prævaricátus est, et in peccato suo, quod peccávit, in ipsis mo-

riétur. Et dixístis: Non est æqua via Dómini. Audíte ergo, domus Israël: Numquid via mea non est æqua, et non magis viæ vestræ pravæ sunt? Cum enim avérterit se iustus a iustítia sua, et fécerit iniquitatem, moriétur in eis: in iniustítia, quam operátus est, moriétur. Et cum avérterit se impius ab impietate sua, quam operátus est, et fécerit iudícium et iustítiam: ipse animam suam vivificábit. Consíderans enim, et avértens se ab ómnibus iniquitatibus suis, quas operátus est, vita vivet, et non moriétur, ait Dóminus omnipotens.

Graduale Ps. 85, 2 et 6 Salvum fac servum tuum, Deus meus, sperántem in te. **℣.** Auribus pécipe, Dómine, oratióem meam.

Tractus Ps. 102, 10 Dómine, non secúndum peccata nostra, quæ féci-mus nos: neque secúndum iniquitates nostras retríbuas nobis. **℣. Ps. 78, 8-9** Dómine, ne memíneris iniquitatum nostrarum antiquarum: cito anticipent nos misericórdiæ tuæ, quia páuperes facti sumus nimis. **(Hic genuflectitur)** **℣.** Adiuvá nos, Deus salutáris noster: et propter glóriam nóminis tui, Dómine, libera nos: et propítius esto peccátis nostris, propter nomen tuum.

✠ Sequéntia sancti Evangélíi secúndum Ioánnem.

Ioann. 5, 1-15

In illo témpore: Erat dies festus Iudæorum, et ascéndit Iesus Ierosólymam. Est autem Ierosólymis Probática piscína, quæ cognominátur hebráice Bethsáida, quinque pórticus habens. In his iacébat multitúdo magna languéntium, cæcorum, claudórum, aridórum expectántium aquæ motum. Angelus autem Dómini descendébat secúndum tempus in piscínam, et movebátur aqua. Et qui prior descendisset in piscínam post motiónem

aquæ, sanus fiébat a quacúmque detinebátur infirmitáte. Erat autem quidam homo ibi, trigínta et octo annos habens in infirmitáte sua. Hunc cum vidísset Iesus iacéntem, et cognovísset quia iam multum tempus habéret, dicit ei: Vis sanus fieri? Respóndit ei lánguidus: Dómine, hóminem non hábeo, ut cum turbáta fúerit aqua, mittat me in piscínam: dum vénio enim ego, álius ante me descéndit. Dicit ei Iesus: Surge, tolle grabátum tuum, et ámbula. Et statim sanus factus est homo ille: et sústulit grabátum suum, et ambulábat. Erat autem sábbatum in die illo. Dicébant ergo Iudæi illi qui sanátus fúerat: Sábbatum est, non licet tibi tóllere grabátum tuum. Respóndit eis: Qui me sanum fecit, ille mihi dixit: Tolle grabátum tuum, et ámbula. Interrogavérunt ergo eum: Quis est ille homo, qui dixit tibi: Tolle grabátum tuum et ámbula? Is autem, qui sanus fúerat efféctus, nesciébat quis esset. Iesus enim declinávit a turba constitúta in loco. Póstea invénit eum Iesus in templo, et dixit illi: Ecce, sanus factus es: iam noli peccáre, ne detérius tibi áliquíd contíngat. Abiit ille homo, et nuntiávit Iudæis, quia Iesus esset, qui fecit eum sanum.

Antiphona ad Offertorium Ps. 102, 2 et 5 Bénedic, ánima mea, Dómino, et noli oblivísci omnes retributiónes eius: et renovábitur, sicut áquilæ, iuvéntus tua.

Secreta

Súscipe, quæsumus, Dómine, múnera nostris obláta servítiis: et tua propítius dona sanctífica. Per Dóminum.

Præfatio de Quadragesima.

Antiphona ad Communionem Ps. 6, 11 Erubéscant, et conturbéntur omnes inimíci mei: avertántur retrórsum, et erubéscant valde velóciter.

5 MISSALE ROM.

Postcommunio

Per huius, Dómine, operatiónem mystérii, et vítia nostra purgéntur, et iusta desidéria compleántur. Per Dóminum.

Super populum: Orémus. Humiliáte cápita vestra Deo.

Oratio

Exáudi nos, miséricors Deus: et méntibus nostris grátia tuæ lumen osténde. Per Dóminum.

SABBATO QUATUOR TEMP. QUADRAG.

II classis

Statio ad S. Petrum

Forma Missæ longior

Hæc forma adhibenda est in Missis conventualibus et in Missa, in qua Ordines conferuntur; in ceteris Missis adhiberi potest forma brevior, ut infra.

In sabbato Quatuor Temporum Missa, in qua Ordines conferuntur, dicenda est de sabbato, etiam festo I vel II classis occurrente, et in ea additur oratio ritualis « In collatione Ordinum » (63), sub unica conclusione cum oratione quæ sequitur Dóminus vobíscum, et omittuntur omnes commemoratiónes, nisi sint privilegiatæ.

Antiphona ad Introitum

Ps. 87, 3

Intret orátio mea in conspéctu tuo: inclína aurem tuam ad precem meam, Dómine. **Ps. ibid., 2** Dómine, Deus salútis meæ: in die clamávi, et nocte coram te. **¶ Glória Patri.**

Post Kýrie, eléison, dicitur: Orémus. Flectámus génua.

Leváte.

Oratio

Pópulum tuum, quæsumus, Dómine, propítius réspice: atque ab eo flagélla tuæ iracúndiæ cleménter avérte. Per Dóminum.

Præcedens oratio sine Flectámus génua **sumitur ad commemorandum sabbatum Quatuor Temporum.**

Léctio libri Deuteronomii.

Deut. 26, 12-19

In diébus illis: Locútus est Móyses ad pópulum, dicens: Quando compléveris décimam cunctárum frugum tuárum, loquéris in conspéctu Dómini Dei tui: Abstuli quod sanctificátum est de domo mea, et dedi illud levítæ, et ádvenæ, et pupíllo, ac víduæ, sicut iussísti mihi: non præterívi mandáta tua, nec sum oblítus impérii tui. Obedívi voci Dómini Dei mei, et feci ómnia sicut præcepísti mihi. Réspice de sanctuário tuo, et de excélsio cælórum habitáculo, et benedic pópulo tuo Israël, et terræ, quam dedísti nobis, sicut iurásti pátribus nostris, terræ lacte et melle manánti. Hódie Dóminus Deus tuus præcepit tibi, ut fácias mandáta hæc atque iudícia: et custódias, et ímpleas ex toto corde tuo, et ex tota ánima tua. Dóminum elegísti hódie, ut sit tibi Deus, et ámbules in viis eius, et custódias cærimónias illíus, et mandáta atque iudícia, et obédias eius império. Et Dóminus elégit te hódie, ut sis ei pópulus peculiáris, sicut locútus est tibi, et custódias ómnia præcépta illíus: et fáciat te excelsiorem cunctis gén-tibus, quas creávit in laudem, et nomen, et glóriam suam: ut sis pópulus sanctus Dómini Dei tui, sicut locútus est.

Graduale Ps. 78, 9 et 10 Propítius esto, Dómine, peccátis nostris: ne quando dicant gentes: Ubi est Deus eórum? **¶** Adiuva nos, Deus salutaris noster: et propter honórem nóminis tui, Dómine, libera nos.

Orémus. Flectámus génua.

Leváte.

Oratio

Protéctor noster, áspice, Deus: ut, qui malórum nostrórum pón-dere prémimur, percépta miseri-córdia, libera tibi mente famulémur. Per Dóminum.

Léctio libri Deuteronomii.

Deut. 11, 22-25

In diébus illis: Dixit Móyses filiis Israël: Si custodiéritis mandáta, quæ ego præcípio vobis, et fecéritis ea, ut diligátis Dóminum Deum vestrum, et ambuléti in ómnibus viis eius, adhæréntes ei, dispérdet Dóminus omnes gentes istas ante faciém vestram, et possidébitis eas, quæ maióres et fortióres vobis sunt. Omnis locus quem calcáverit pes vester, vester erit. A desérto, et a Líbano, a flúmine magno Euphráte usque ad mare Occidentále, erunt términi vestri. Nullus stabit contra vos: terrórem vestrum et formídi-nem dabit Dóminus Deus vester super omnem terram, quam calcatúri estis, sicut locútus est vobis Dóminus Deus vester.

Graduale Ps. 83, 10 et 9 Protéctor noster, áspice, Deus, et réspice super servos tuos. **¶** Dómine Deus virtútum, exáudi preces servórum tuórum.

Orémus. Flectámus génua.

Leváte.

Oratio

Adésto, quæsumus, Dómine, supplicatióibus nostris: ut esse, te largiénte, mereámur et inter pró-spera húmiles, et inter advér-sa secúri. Per Dóminum.

Léctio libri Machabæórum.

2 Mach. 1, 23-26 et 27

In diébus illis: Oratióem faciébant omnes sacerdótes, dum consummarétur sacrificium, Iónatha inchoánte, céteris autem respondéntibus. Et Nehemíæ erat orátio

hunc habens modum: Dómine, Deus ómnium creátor, terribilis et fortis, iustus et miséricors, qui solus es bonus rex, solus præstans, solus iustus et omnípotens, et ætérnus, qui liberas Israël de omni malo, qui fecísti patres eléctos, et sanctificásti eos: áccipe sacrificium pro univérso pópulo tuo Israël, et custódi partem tuam, et sanctífica: ut sciant gentes, quia tu es Deus noster.

Graduale Ps. 89, 13 et 1 Convèrttere, Dómine, aliquántulum, et deprecáre super servos tuos. **¶** Dómine, refúgium factus es nobis, a generatióne et progénie.

Orémus. Flectámus génua.
Leváte.

Oratio

Preces pópuli tui, quæsumus, Dómine, cleménter exáudi: ut, qui iuste pro peccátis nostris affligimur, pro tui nóminis glória misericórditer liberémur. Per Dóminum.

Léctio libri Sapiéntiæ.

Eccli. 36, 1-10

Miserére nostri, Deus ómnium, et respice nos, et osténde nobis lucem miseratiónum tuárum: et immítte timórem tuum super gentes, quæ non exquisiérunt te, ut cognóscant, quia non est Deus nisi tu, et enárrent magnália tua. Allela manum tuam super gentes aliénas, ut vídeant poténtiam tuam. Sicut enim in conspéctu eórum sanctificátus es in nobis, sic in conspéctu nostro magnificáberis in eis, ut cognóscant te, sicut et nos cognóvimus, quóniam non est Deus præter te, Dómine. Innova signa, et immúta mirabília. Glorífica manum, et bráccium dextrum. Excita furórem, et effúnde iram. Tolle adversárium, et afflige inimicum. Festína tempus, et meménto finis,

ut enárrent mirabília tua, Dómine Deus noster.

Graduale Ps. 140, 2 Dirigátur orátio mea sicut incénsum in conspéctu tuo, Dómine. **¶** Elevátio mánuum meárum sacrificium vespertínium.

Orémus. Flectámus génua.
Leváte.

Oratio

Actiões nostras, quæsumus, Dómine, aspirádo præveni, et adiuvádo proséquere: ut cuncta nostra orátio et operátio a te semper incípiat et per te cœpta finiátur. Per Dóminum.

Léctio Daniélis Prophétæ.

Dan. 3, 47-51

In diébus illis: Angelus Dómini descendit cum Azaría, et sóciis eius in fornácem: et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadragínta novem: et erúpit, et incéndit quos réperit iuxta fornácem de Chaldæis minístros regis, qui eam incendébant. Et non tétigit eos omníno ignis, neque contristávit, nec quidquam moléstia intulit. Tunc hi tres quasi ex uno ore laudábant, et glorificábant, et benedicébant Deum in fornáce, dicéntes:

Hic non respondetur Deo grátias.

Hymnus Dan. ibid., 52-56

Benedíctus es, Dómine Deus patrum nostrórum. Et laudábilis, et gloriósus in sácula.

Et benedíctum nomen glóriæ tuæ, quod est sanctum. Et laudábile, et gloriósum in sácula.

Benedíctus es in templo sancto glóriæ tuæ. Et laudábilis, et gloriósus in sácula.

Benedíctus es super thronum sanctum regni tui. Et laudábilis, et gloriósus in sácula.

Benedíctus es super sceptrum divinitátis tuæ. Et laudábilis, et gloriósus in sǎcula.

Benedíctus es, qui sedes super Chérubim, íntuens abyíssos. Et laudábilis, et gloriósus in sǎcula.

Benedíctus es, qui ámbulas super pennas ventórum, et super undas maris. Et laudábilis, et gloriósus in sǎcula.

Benedícant te omnes Angeli, et Sancti tui. Et laudent te, et gloríficent in sǎcula.

Benedícant te cæli, terra, mare, et ómnia quæ in eis sunt. Et laudent te, et gloríficent in sǎcula.

Glória Patri, et Fílio, et Spirítui Sancto. Et laudábili, et glorióso in sǎcula.

Sicut erat in princípio, et nunc, et semper: et in sǎcula sæculórum. Amen. Et laudábili, et glorióso in sǎcula.

Benedíctus es, Dómine Deus patrum nostrórum. Et laudábilis, et gloriósus in sǎcula.

Hic dicitur V. Dóminus vobiscum, **sine** Flectámus génua.

Orémus.

Oratio

Deus, qui tribus púeris mitigásti flammam ignium: concéde propítius; ut nos fámulos tuos non exúrat flamma vitiórum. Per Dóminum.

Et dicuntur aliæ orationes forte occurrentes.

Léctio Epístolæ beáti Pauli Apóstoli ad Thessalonicénses.

I Thess. 5, 14-23

Fratres: Rogámus vos, corripite inquietos, consolámini pusillánimes, suscípите infirmos, patiéntes estóte ad omnes. Vidéte ne quis malum pro malo alicui reddat: sed semper quod bonum est sectámini in ínvicem, et in omnes. Semper gaudéte. Sine intermissióne oráte. In ómnibus grátias ágite: hæc est enim volúntas Dei in Christo Iesu

in ómnibus vobis. Spíritum nolíte exstinguere. Prophetías nolíte spérnere. Omnia autem probáte: quod bonum est tenéte. Ab omni spécie mala abstinéte vos. Ipse autem Deus pacis sanctíficet vos per ómnia: ut ínteger spíritus vester, et ánima, et corpus sine queréla, in advéntu Dómini nostri Iesu Christi servétur.

Tractus Ps. 116, 1-2 Laudáte Dóminum, omnes gentes: et colaudáte eum, omnes pópuli. **V.** Quóniam confirmáta est super nos misericórdia eius: et véritas Dómini manet in ætérnum.

✠ Sequéntia sancti Evangélii secúndum Matthæum.

Matth. 17, 1-9

In illo témpore: Assúmpsit Iesus Petrum, et Iacóbum, et Ioánnem fratrem eius, et duxit illos in montem excélsum seórsum: et transfigurátus est ante eos. Et resplénduit fácies eius sicut sol: vestiménta autem eius facta sunt alba sicut nix. Et ecce, apparuérunt illis Móyses et Elías cum eo loquéntes. Respóndens autem Petrus, dixit ad Iesum: Dómine, bonum est nos hic esse: si vis, faciámus hic tria tabernácula, tibi unum, Móysi unum, et Elíæ unum. Adhuc eo loquénte, ecce, nubes lúcida obumbrávit eos. Et ecce vox de nube, dicens: Hic est Fílius meus diléctus, in quo mihi bene complácu: ipsum audíte. Et audiéntes discípuli, cecidérunt in faciém suam, et timuérunt valde. Et accéssit Iesus, et tétigit eos, dixítque eis: Súrgite, et nolíte timére. Levántes autem óculos suos, némitem vidérunt, nisi solum Iesum. Et descendéntibus illis de monte, præcépit eis Iesus, dicens: Némিনি dixeritis visiónem, donec Fílius hóminis a mórtuis resúrgat.

Antiphona ad Offertorium Ps. 87, 2-3 Dómine, Deus salútis meæ, in

die clamávi, et nocte coram te: intret oratio mea in conspéctu tuo, Dómine.

Secreta

Præséntibus sacrificiis, quæsumus, Dómine, ieiúnia nostra sanctífica: ut, quod observántia nostra profitétur extrínsecus, intérius operétur. Per Dóminum.

Præfatio de Quadragesima.

Antiphona ad Communionem

Ps. 7, 2 Dómine Deus meus, in te sperávi: libera me ab ómnibus persequéntibus me, et éripe me.

Postcommunio

Sanctificatióibus tuis, omnípotens Deus, et vítia nostra curéntur, et remédia nobis æténa provéniant. Per Dóminum.

Super populum: Orémus. Humiliáte cápita vestra Deo.

Oratio

Fidéles tuos, Deus, benedictio desideráta confirmet: quæ eos, et a tua voluntáte numquam fáciat discrepáre, et tuis semper indúlgeat beneficiis gratulári. Per Dóminum.

Forma Missæ brevior

Hæc forma adhiberi potest extra Missam conventualem et Missam, in qua Ordines conferuntur.

Antiphona ad Introitum

Ps. 87, 3

Intret oratio mea in conspéctu tuo: inclína aurem tuam ad precem meam, Dómine. **Ps. ibid., 2** Dómine, Deus salutis meæ: in die clamávi, et nocte coram te. **V.** Glória Patri.

Post Kýrie, eléison, dicitur: Orémus. Flectámus génua. Leváte.

Oratio

Pópulum tuum, quæsumus, Dómine, propítius réspice: atque ab eo flagélla tuæ iracúndiæ cleménter avérte. Per Dóminum.

Præcedens oratio sine Flectámus génua **sumitur ad commemorandum sabbatum Quatuor Temporum.**

Léctio libri Deuteronomii.

Deut. 26, 12-19

In diébus illis: Locútus est Móyses ad pópulum, dicens: Quando compléveris décimam cunctárum frugum tuárum, loquéris in conspéctu Dómini Dei tui: Abstuli quod sanctificátum est de domo mea, et dedi illud levítæ, et ádvenæ, et pupíllo, ac víduæ, sicut iussísti mihi: non præterívi mandáta tua, nec sum oblítus impérii tui. Obedívi voci Dómini Dei mei, et feci ómnia sicut præcepísti mihi. Réspice de sanctuário tuo, et de excélso cælórum habitáculo, et bénedic pópulo tuo Israël, et terræ, quam dedísti nobis, sicut iurásti pátribus nostris, terræ lacte et melle manánti. Hódie Dóminus Deus tuus præcepit tibi, ut fácias mandáta hæc atque iudícia: et custódias, et ímpleas ex toto corde tuo, et ex tota ánima tua. Dóminum elegísti hódie, ut sit tibi Deus, et ámbules in viis eius, et custódias cæremónias illius, et mandáta atque iudícia, et obédias eius império. Et Dóminus elégit te hódie, ut sis ei pópulus peculiáris, sicut locútus est tibi, et custódias ómnia præcépta illius: et fáciat te excelsiorem cunctis géntibus, quas creávit in laudem, et nomen, et glóriam suam: ut sis pópulus sanctus Dómini Dei tui, sicut locútus est.

Graduale Ps. 78, 9 et 10 Propítius esto, Dómine, peccátis nostris: ne quando dicant gentes: Ubi est Deus eórum? **V.** Adiuva nos, Deus salutaris noster: et propter honórem nóminis tui, Dómine, libera nos.

Hic dicitur V. Dóminus vobiscum, **sine** Flectámus gēnua.

Orémus.

Oratio

Protéctor noster, áspice, Deus: ut, qui malórum nostrórum pón-dere prémimur, percépta miseri-córdia, libera tibi mente famulémur. Per Dóminum.

Et dicuntur aliæ orationes forte occurrentes.

Léctio Epístolæ beáti Pauli Apóstoli ad Thessalonicénses.

1 Thess. 5, 14-23

Fratres: Rogámus vos, corripite inquietos, consolámini pusillánimes, suscípите infirmos, patiéntes estóte ad omnes. Vidéte ne quis malum pro malo alicui reddat: sed semper quod bonum est sectámini in ínvicem, et in omnes. Semper gaudéte. Sine intermissióne oráte. In ómnibus grátias ágite: hæc est enim volúntas Dei in Christo Iesu in ómnibus vobis. Spíritum nolíte exstinguere. Prophetías nolíte spérnere. Omnia autem probáte: quod bonum est tenéte. Ab omni spécie mala abstinéte vos. Ipse autem Deus pacis sanctíficet vos per ómnia: ut ínteger spíritus vester, et ánima, et corpus sine queréla, in advéntu Dómini nostri Iesu Christi servétur.

Tractus Ps. 116, 1-2 Laudáte Dóminum, omnes gentes: et collaudáte eum, omnes pópuli. **V.** Quóniam confirmáta est super nos misericórdia eius: et véritas Dómini manet in ætérnum.

✠ Sequéntia sancti Evangélii secúndum Matthæum.

Matth. 17, 1-9

In illo témpore: Assúmpsit Iesus Petrum, et Iacóbum, et Ioánnem fratrem eius, et duxit illos in mon-

tem excélsu seórsum: et transfigurátus est ante eos. Et resplénduit fácies eius sicut sol: vestiménta autem eius facta sunt alba sicut nix. Et ecce, apparuérunt illis Móyses et Elías cum eo loquéntes. Respóndens autem Petrus, dixit ad Iesum: Dómine, bonum est nos hic esse: si vis, faciámus hic tria tabernácula, tibi unum, Móysi unum, et Elíæ unum. Adhuc eo loquente, ecce, nubes lúcida obumbrávit eos. Et ecce vox de nube, dicens: Hic est Fílius meus diléctus, in quo mihi bene complácu: ipsum audíte. Et audiéntes discípuli, cecidérunt in faciém suam, et timuérunt valde. Et accéssit Iesus, et tétigit eos, dixítque eis: Súrgite, et nolíte timére. Levántes autem óculos suos, némitem vidérunt, nisi solum Iesum. Et descendéntibus illis de monte, præcépit eis Iesus, dicens: Némini dixeritis visiónem, donec Fílius hóminis a mórtuis resúrgat.

Antiphona ad Offertorium Ps. 87.
2-3 Dómine, Deus salútis meæ, in die clamávi, et nocte coram te: intret orátio mea in conspéctu tuo, Dómine.

Secreta

Præséntibus sacrificiis, quæsumus, Dómine, ieiúnia nostra sanctífica: ut, quod observántia nostra profitétur extrínsecus, intérius operétur. Per Dóminum.

Præfatio de Quadragesima.

Antiphona ad Communionem Ps. 7, 2 Dómine Deus meus, in te sperávi: libera me ab ómnibus persequéntibus me, et éripe me.

Postcommunio

Sanctificatióibus tuis, omnípotens Deus, et vítia nostra curén-

tur, et remédia nobis æterna proveniant. Per Dóminum nostrum Iesum Christum Fílium tuum: qui tecum vivit.

Super populum: Orémus. Humiliáte cápita vestra Deo.

Oratio

Fidèles tuos, Deus, benedíctio desideráta confirmet: quæ eos, et a tua voluntáte numquam fáciat discrepáre, et tuis semper indúlgeat beneficiis gratulári. Per Dóminum.

DOMINICA II IN QUADRAGESIMA

I classis

Statio ad S. Mariam in Domnica

Antiphona ad Introitum

Ps. 24, 6, 3 et 22

Reminíscere miseratiónum tuárum, Dómine, et misericórdiæ tuæ, quæ a sáculo sunt: ne umquam dominéntur nobis inimíci nostri: libera nos, Deus Israë́l, ex ómnibus angústis nostris. **Ps. ibid., 1-2** Ad te, Dómine, levávi ánimam meam: Deus meus, in te confido, non erubéscam. **℣.** Glória Patri.

Oratio

Deus, qui cónspicis omni nos virtúte destítui: intérius exteriúsque custódi; ut ab ómnibus adversitatibus muniámur in corpore, et a pravis cogitatióibus mundémur in mente. Per Dóminum.

Léctio Epístolæ beáti Pauli Apóstoli ad Thessalonicénses.

1 Thess. 4, 1-7

Fratres: Rogámus vos, et obsecrámus in Dómino Iesu: ut, quemádmódum accepístis a nobis, quómodo opórteat vos ambuláre et placére Deo, sic et ambulétis, ut abundétis magis. Scitis enim quæ præcépta déderim vobis per Dóminum Iesum. Hæc est enim volúntas Dei, sanctificatio vestra: ut abstineátis vos a fornicatióne, ut sciat unusquisque vestrum vas suum possidére in sanctificatióne, et honóre; non in passióne desidérii, sicut et gentes, quæ ignórant Deum: et ne quis supergrediátur, neque circum-

véniat in negótio fratrem suum: quóniam vindex est Dóminus de his ómnibus, sicut prædíximus vobis, et testificáti sumus. Non enim vocávit nos Deus in immundítiam, sed in sanctificatióne: in Christo Iesu Dómino nostro.

Graduale Ps. 24, 17-18 Tribulatiónes cordis mei dilatátæ sunt: de necessitatibus meis éripe me, Dómine. **℣.** Vide humilitátem meam, et labórem meum: et dimítte ómnia peccáta mea.

Tractus Ps. 105, 1-4 Confitémini Dómino quóniam bonus: quóniam in sáculum misericórdia eius. **℣.** Quis loquétur poténtias Dómini: audítas fáciat omnes laudes eius? **℣.** Beáti qui custódiunt iudícium, et fáciunt iustítiam in omni témpore. **℣.** Meménto nostri, Dómine, in beneplácito pópuli tui: vísita nos in salutári tuo.

✠ Sequéntia sancti Evangélíi secúndum Matthæum.

Matth. 17, 1-9

In illo témpore: Assúmpsit Iesus Petrum, et Iacóbum, et Ioánnem fratrem eius, et duxit illos in montem excélsum seórsum: et transfigurátus est ante eos. Et resplénduit fácies eius sicut sol: vestiménta autem eius facta sunt alba sicut nix. Et ecce, apparuérunt illis Móyses et Elías cum eo loquéntes. Respóndens autem Petrus, dixit ad Iesum: Dómine, bonum est nos hic esse: si vis, faciámus hic tria taber-

nácula, tibi unum, Móysi unum, et Eliæ unum. Adhuc eo loquente, ecce, nubes lúcida obumbrávit eos. Et ecce vox de nube, dicens: Hic est Fílius meus diléctus, in quo mihi bene complácuí: ipsum audíte. Et audiéntes discípuli, cecidérunt in fáciem suam, et timuérunt valde. Et accéssit Iesus, et tétigit eos, dixítque eis: Súrgite, et nolíte timére. Levántes autem óculos suos, néminem vidérunt, nisi solum Iesum. Et descendéntibus illis de monte, præcépit eis Iesus, dicens: Némini dixéritis visióem, donec Fílius hóminis a mórtuis resúrgat. Credo.

Antiphona ad Offertorium Ps. 118, 47 et 48 Meditábor in mandátis tuis, quæ diléxi valde: et levábo manus meas ad mandáta tua, quæ diléxi.

Secreta

Sacrificiis præsentibus, Dómine, quæsumus, inténde placátus: ut et devotióni nostræ proficiant, et salúti. Per Dóminum.

Præfatio de Quadragesima.

Antiphona ad Communionem Ps. 5, 2-4 Intéllege clamórem meum: inténde voci oratiónis meæ, Rex meus, et Deus meus: quóniam ad te orábo, Dómine.

Postcommunio

Súpplices te rogámus, omnípotens Deus: ut, quos tuis réficis sacraméntis, tibi étiam plácitis móribus dignánte deservíre concédas. Per Dóminum.

FERIA SECUNDA

III classis

Statio ad S. Clementem

Antiphona ad Introitum

Ps. 25, 11-12

Rédime me, Dómine, et miserere mei: pes enim meus stetit in via recta: in ecclésiis benedícám Dóminum. **Ps. ibid.,**

I Iúdica me, Dómine, quóniam ego in innocéntia mea ingrédus sum: et in Dómino sperans, non infirmábor. **V.** Glória Patri.

Oratio

Præsta, quæsumus, omnípotens Deus: ut familia tua, quæ se, affligéndo carnem, ab aliméntis ábstinet; sectándo iustítiam, a culpa ieiúnet. Per Dóminum.

Léctio Daniélis Prophætæ.

Dan. 9, 15-19

In diébus illis: Orávit Dániel Dóminum, dicens: Dómine Deus noster, qui eduxísti pópulum tuum de terra Ægýpti in manu forti, et fecísti tibi nomen secúndum diem hanc: peccávimus, iniquitátem féci-mus, Dómine, in omnem iustítiam tuam: avertátur, óbsecro, ira tua, et furor tuus a civitáte tua Ierúsalem, et monte sancto tuo. Propter peccáta enim nostra, et iniquitátes patrum nostrórum, Ierúsalem et pópulus tuus in oppróbrium sunt ómnibus per circúitum nostrum. Nunc ergo exáudi, Deus noster, oratióem servi tui, et preces eius: et osténde fáciem tuam super sanctuárium tuum, quod désértum est, propter temetípsum. Inclína, Deus meus, aurem tuam, et audí: áperi óculos tuos, et vide desolatióem nostram, et civitátem, super quam invocátum est nomen tuum: neque enim in iustificatió-nibus nostris prostérnimus preces ante fáciem tuam, sed in misera-tiónibus tuis multis. Exáudi, Dómine, placáre, Dómine: atténde et fac: ne moréris propter temetípsum, Deus meus: quia nomen tuum invocátum est super civitátem, et super pópulum tuum, Dómine Deus noster.

Graduale Ps. 69, 6 et 3 Adiútor meus, et liberátor meus esto: Dómine, ne tardáveris. **V.** Confundán-

tur, et reveŕeántur inimíci mei, qui quæŕunt ánimam meam.

Tractus Ps. 102, 10 Dómine, non secúndum peccáta nostra, quæ fécimus nos: neque secúndum iniquitátes nostras retríbuas nobis. **¶ Ps. 78, 8-9** Dómine, ne memín-ris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis. **(Hic genuflectitur) ¶.** Adiuva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

✠ Sequéntia sancti Evangélíi secúndum Ioánnem.

Ioann. 8, 21-29

In illo témpore: Dixit Iesus turbis Iudæórum: Ego vado, et quæré-tis me, et in peccáto vestro moriém-ini. Quo ego vado, vos non potéstis veníre. Dicébant ergo Iudæi: Numquid interficiet semetípsum, quia dixit: Quo ego vado, vos non potéstis veníre? Et dicébat eis: Vos de deórsum estis, ego de supérnis sum. Vos de mundo hoc estis, ego non sum de hoc mundo. Dixi ergo vobis, quia moriémini in peccátis vestris: si enim non credidérítis quia ego sum, moriémini in peccáto vestro. Dicébant ergo ei: Tu quis es? Dixit eis Iesus: Princípium, qui et loquor vobis. Multa hábeo de vobis loqui, et iudicáre. Sed qui me misit, verax est: et ego quæ audívi ab eo, hæc loquor in mundo. Et non cognovérunt, quia Patrem eius dicébat Deum. Dixit ergo eis Iesus: Cum exaltavérítis Fílium hóminis, tunc cognoscétis quia ego sum, et a meípso fácio nihil: sed sicut dócuit me Pater, hæc loquor: et qui me misit, mecum est, et non relíquit me solum: quia ego, quæ plácita sunt ei, fácio semper.

Antiphona ad Offertorium Ps. 15, 7 et 8 Benedícam Dóminum, qui

tríbuit mihi intelléctum: providébam Dóminum in conspéctu meo semper: quóniam a dextris est mihi, ne commóvear.

Secreta

Hæc hóstia, Dómine, placatiónis et laudis, tua nos protectiône dignos effíciat. Per Dóminum.

Præfatio de Quadragesima.

Antiphona ad Communionem Ps. 8, 2 Dómine Dóminus noster, quam admirábile est nomen tuum in univérſa terra!

Postcommunio

Hæc nos commúnio, Dómine, purget a crímine: et cæléstis remédii fáciat esse consórtes. Per Dóminum.

Super populum: Orémus. Humiliáte cápita vestra Deo.

Oratio

Adésto supplicatióibus nostris, omnípotens Deus: et, quibus fidúciám sperándæ pietátis indúl-ges; consuétæ misericórdiæ tríbue benígnus efféctum. Per Dóminum.

FERIA TERTIA

III classis

Statio ad S. Balbinam

Antiphona ad Introitum

Ps. 26, 8 et 9

Tibi dixit cor meum, quæ-sívi vultum tuum, vultum tuum, Dómine, requíram: ne avértas faciém tuam a me. **Ps. ibid., 1** Dóminus illuminátio mea, et salus mea: quem timébo? **¶.** Glória Patri.

Oratio

Pérfice, quæsumus, Dómine, benígnus in nobis observántiæ sanctæ subsídium: ut, quæ te auc-tóre faciéndá cognóvimus, te ope-ránte impleámus. Per Dóminum.

Lectio libri Regum.

3 Reg. 17, 8-16

In diébus illis: Factus est sermo Dómini ad Elíam Thesbítén, dicens: Surge, et vade in Saréphta Sidoniórum, et manébis ibi: præcépi enim ibi mulieri víduæ, ut pascat te. Surréxit, et ábiit in Saréphta. Cumque venísset ad portam civitátis, appáruit ei múlter vídua cólligens ligna, et vocávit eam, dixítque ei: Da mihi páululum aquæ in vase, ut bibam. Cumque illa pérgeret, ut afférret, clamávit post tergum eius, dicens: Affer mihi óbsecro, et buccéllam panis in manu tua. Quæ respóndit: Vivit Dóminus Deus tuus, quia non hábeo panem, nisi quantum pugíllus cápere potest farínæ in hýdria, et páululum ólei in lécytho: en, cóllo duo ligna, ut ingrédiam, et fáciam illum mihi, et filio meo, ut comedámus, et moriámur. Ad quam Elías ait: Noli timére, sed vade, et fac sicut dixísti: verúmtamen mihi primum fac de ipsa farínula subcínérícium panem párvulum, et affer ad me: tibi autem et filio tuo fácies póstea. Hæc autem dicit Dóminus Deus Israél: Hýdria farínæ non deficiet, nec lécythus ólei minuétur, usque ad diem, in qua Dóminus datúrus est plúviam super faciém terræ. Quæ ábiit, et fecit iuxta verbum Elíæ: et comédit ipse, et illa, et domus eius: et ex illa die hýdria farínæ non defécit, et lécythus ólei non est imminútus, iuxta verbum Dómini, quod locútus fúerat in manu Elíæ.

Graduale Ps. 54, 23, 17, 18 et 19
Iacta cogitátum tuum in Dómino, et ipse te enútriet. **V.** Dum clamárem ad Dóminum, exaudivit vocem meam ab his, qui appropínquant mihi.

✠ Sequéntia sancti Evangélíi secúndum Matthæum.

Matth. 23, 1-12

In illo témpore: Locútus est Iesus ad turbas, et ad discípulos suos, dicens: Super cáthedram Móysi sedérunt scribæ et pharisæi. Omnia ergo quæcúmque dixerint vobis, serváte, et fácite: secúndum ópera vero eórum nolíte fácere: dicunt enim, et non faciunt. Alligant enim ónera grávia et importábilia, et impónunt in húmeros hóminum: dígito autem suo nolunt ea movére. Omnia vero ópera sua faciunt, ut videántur ab homínibus: dilátant enim phylactéria sua, et magníficant fimbrias. Amant autem primos recúbitus in cenis, et primas cáthedras in synagógis, et salutatiónes in foro, et vocári ab homínibus Rabbi. Vos autem nolíte vocári Rabbi: unus est enim Magíster vester, omnes autem vos fratres estis. Et patrem nolíte vocáre vobis super terram, unus est enim Pater vester, qui in cælis est. Nec vocémini magístri: quia Magíster vester unus est, Christus. Qui maior est vestrum, erit mínister vester. Qui autem se exaltáverit, humiliábitur: et qui se humiliáverit, exaltábitur.

Antiphona ad Offertorium Ps. 50,
3 Miserére mei, Dómine, secúndum magnam misericórdiam tuam: dele, Dómine, iniquitátem meam.

Secreta

Sanctificatiónem tuam nobis, Dómine, his mystériis operáre placátus: quæ nos et a terrénis purget víitiis, et ad cæléstia dona perducát. Per Dóminum.

Præfatio de Quadragesima.

Antiphona ad Communionem Ps. 9, 2-3 Narrábo ómnia mirabília tua: lætábor, et exultábo in te: psallam nómini tuo, Altíssime.

Postcommunio

Ut sacris, Dómine, reddámur digni munéribus: fac nos tuis, quæsumus, semper obedire mandátis. Per Dóminum.

Super populum: Orémus. Humiliáte cápita vestra Deo.

Oratio

Propitiáre, Dómine, supplicatiónibus nostris, et animárum nostrárum medére languóribus: ut, remissióne percépta, in tua semper benedictióne lætémur. Per Dóminum.

FERIA QUARTA**III classis**

Statio ad S. Cæciliam

Antiphona ad Introitum

Ps. 37, 22-23

Ne derelínquas me, Dómine, Deus meus, ne discédas a me: inténde in adiutórium meum, Dómine, virtus salútis meæ. **Ps. ibid., 2** Dómine, ne in furóre tuo árguas me: neque in ira tua corripas me. **℣.** Glória Patri.

Oratio

Pópulum tuum, quæsumus, Dómine, propítius respice: et quos ab escis carnálibus præcipis abstinére, a nóxiis quoque vítiis cessáre concéde. Per Dóminum.

Lectio libri Esther.

Esth. 13, 8-11, et 15-17

In diébus illis: Orávit Mardochéus ad Dóminum, dicens: Dómine, Dómine Rex omnípotens, in ditióne enim tua cuncta sunt pósita, et non est qui possit tuæ resistere voluntáti, si decreveris salváre Israël. Tu fecísti cælum et terram, et quidquid cæli ámbitu continétur. Dóminus ómnium es, nec est qui resistat maiestáti tuæ. Et nunc, Dómine Rex, Deus Abraham, miserére pópuli tui, quia volunt nos inimíci

nostrí pérdere, et hereditátem tuam delére. Nec despicias partem tuam, quam redemísti tibi de Ægýpto. Exáudi deprecationem meam, et propítius esto sorti et funículo tuo, et convérte luctum nostrum in gáudium, ut vivéntes laudémus nomen tuum, Dómine, et ne claudas ora te canéntium, Dómine Deus noster.

Graduale Ps. 27, 9 et 1 Salvum fac pópulum tuum, Dómine, et benedic hereditáti tuæ. **℣.** Ad te, Dómine, clamávi: Deus meus, ne sileas a me, et ero símilis descendéntibus in lacum.

Tractus Ps. 102. 10 Dómine, non secúndum peccáta nostra, quæ fécimus nos: neque secúndum iniquitátes nostras retríbuas nobis. **℣.** **Ps. 78, 8-9** Dómine, ne memíneris iniquitátum nostrárum antiquárum: cito antícipent nos misericórdiæ tuæ, quia páuperes facti sumus nimis (**Hic genuflectitur**) **℣.** Adiuvá nos, Deus salutaris noster: et propter glóriam nóminis tui, Dómine, libera nos: et propítius esto peccátis nostris, propter nomen tuum.

✠ Sequéntia sancti Evangélii secúndum Matthæum.

Matth. 20, 17-28

In illo témpore: Ascéndens Iesus Ierosólymam, assúmpsit duódecim discípulos secréto, et ait illis: Ecce, ascéndimus Ierosólymam, et Fílius hóminis tradétur princípibus sacerdotum, et scribis, et condemnábunt eum morte, et tradent eum géntibus ad illudéndum, et flagellándum, et crucifigéndum, et tértia die resúrget. Tunc accéssit ad eum mater filiórum Zebedái cum filiis suis, adórans et petens áliquid ab eo. Qui dixit ei: Quid vis? Ait illi: Dic ut sédeant hi duo filii mei, unus ad dexteram tuam, et unus ad sinístram in regno tuo. Respóndens autem Iesus, dixit: Nescítis quid petátis. Potéstis

bíbere cálicem, quem ego bibitúrus sum? Dicunt ei: Póssumus. Ait illis: Cálicem quidem meum bibétis: sedére autem ad d́exteram meam vel sinístram, non est meum dare vobis, sed quibus parátum est a Patre meo. Et audiéntes decem, indignáti sunt de duóbus frátribus. Iesus autem vocávit eos ad se, et ait: Scitis quia príncipes géntium dominántur eórum: et qui maióres sunt, potestátem exércent in eos. Non ita erit inter vos: sed quicúmque volúerit inter vos maior fieri, sit vester mínister: et qui volúerit inter vos primus esse, erit vester servus. Sicut Fílius hóminis non venit ministrári, sed ministráre, et dare ánimam suam, redemptiónem pro multis.

Antiphona ad Offertorium Ps. 24, 1-3 Ad te, Dómine, levávi ánimam meam: Deus meus, in te confido, non erubéscam: neque irrídeant me inimíci mei: étenim univérsti, qui te expéctant, non confundéntur.

Secreta

Hóstias, Dómine, quas tibi offérimus propítius respice: et per hæc sancta commércia, víncula peccatórum nostrórum absólve. Per Dóminum.

Præfatio de Quadragesima.

Antiphona ad Communionem Ps. 10, 8 Iustus Dóminus, et iustítiam diléxit: æquitátem vidit vultus eius.

Postcommunio

Sumptis, Dómine, sacraméntis, ad redemptiónis æternæ, quæsumus, proficiámus augméntum. Per Dóminum.

Super populum: Orémus. Humiliáte cápita vestra Deo.

Oratio

Deus, innocéntiæ restitútor et amátor, dírige ad te tuórum corda servórum: ut, spíritus tui

fervóre concépto, et in fide inve- niántur stábiles, et in ópere effíca- ces. Per Dóminum.

FERIA QUINTA

III classis

Statio ad S. Mariam
trans Tiberim

Antiphona ad Introitum

Ps. 69, 2 et 3

Deus, in adiutórium meum inténde: Dómine, ad ad- iuvándum me festína: confundántur et revereántur inimíci mei, qui quærunt ánimam meam. **Ps. ibid., 4** Avertántur retrórsum, et erubéscant: qui cógitant mihi mala. **V.** Glória Patri.

Oratio

Præsta nobis, quæsumus, Dó- mine, auxílium grátia tuæ: ut ieiúniis et oratióibus conve- niénter inténti, liberémur ab hósti- bus mentis et córporis. Per Dómi- num.

Léctio Ieremíæ Prophétæ.

Ierem. 17, 5-10

Hæc dicit Dóminus Deus: Male- dictus homo, qui confidit in hómine, et ponit carnem bráccium suum, et a Dómino recédit cor eius. Erit enim quasi myrícæ in desérto, et non vidébit cum vénerit bonum: sed habitábit in siccitáte in desérto, in terra salsúginis, et inhabitábili. Benedictus vir, qui confidit in Dó- mino, et erit Dóminus fidúcia eius. Et erit quasi lignum quod trans- plantátur super aquas, quod ad hu- mórem mittit radices suas: et non timébit cum vénerit æstus. Et erit fólium eius víride, et in témpore siccitátis non erit sollicitum, nec aliquándo désinet fácere fructum. Pravum est cor ómnium, et inscru-

tábile: quis cognóscet illud? Ego Dóminus scrutans cor, et probans renes: qui do unicuique iuxta viam suam, et iuxta fructum adinventiónum suárum: dicit Dóminus omnípotens.

Graduale Ps. 78, 9 et 10 Propítius esto, Dómine, peccátis nostris: ne quando dicant gentes: Ubi est Deus eórum? **V.** Aduva nos, Deus salutaris noster: et propter honórem nóminis tui, Dómine, libera nos.

✠ Sequéntia sancti Evangélíi secúndum Lucam.

Luc. 16, 19-31

In illo témpore: Dixit Iesus pharisæis: Homo quidam erat dives, qui induebátur púrpura et bysso: et epulabátur quotidie splendide. Et erat quidam mendícus, nómine Lázarus, qui iacébat ad iánuam eius, ulcéribus plenus, cúpiens saturári de micis, quæ cadébant de mensa dívitis, et nemo illi dabat: sed et canes veniébant, et lingébant úlcera eius. Factum est autem ut morerétur mendícus, et portarétur ab Angelis in sinum Abrahæ. Mórtuus est autem et dives, et sepúltus est in inférno. Elevans autem óculos suos, cum esset in tormentis, vidit Abraham a longe, et Lázarus in sinu eius: et ipse clamans, dixit: Pater Abraham, miserére mei, et mitte Lázarus, ut intíngat extrémum dígití sui in aquam, ut refrígeret linguam meam, quia crúciór in hac flamma. Et dixit illi Abraham: Fili, recordáre quia recepísti bona in vita tua, et Lázarus simíliter mala: nunc autem hic consolátur, tu vero cruciáris. Et in his ómnibus, inter nos et vos chaos magnum firmátum est: ut hi, qui volunt hinc transíre ad vos, non possint, neque inde huc transmeáre. Et ait: Rogo ergo te, pater, ut mittas eum in domum patris mei. Hábeo enim quinque fratres, ut testétur illis, ne et ipsi

veníant in hunc locum tormentórum. Et ait illi Abraham: Habent Móysen et prophétas: áudiant illos. At ille dixit: Non, pater Abraham: sed si quis ex mórtuis íerit ad eos, pæniténtiam agent. Ait autem illi: Si Móysen et prophétas non áaudiunt, neque si quis ex mórtuis resurréxerit, credent.

Antiphona ad Offertorium Exodi 32, 11, 13 et 14 Precátus est Móyses in conspéctu Dómini Dei sui, et dixit: Quare, Dómine, irásceris in pópulo tuo? parce iræ ánimæ tuæ: meménto Abraham, Isaac, et Iacob, quibus iurásti dare terram fluéntem lac et mel. Et placátus est Dóminus de malignitáte, quam dixit fácere pópulo suo.

Secreta

Præsénti sacrificio, nómini tuo nos, Dómine, ieiúnia dicáta sanctíficent: ut, quod observántia nostra profitétur extérius, intérius operétur efféctu. Per Dóminum.

Præfatio de Quadragesima.

Antiphona ad Communionem Ioann. 6, 57 Qui mandúcat meam carnem, et bibít meum sánguinem, in me manet, et ego in eo, dicit Dóminus.

Postcommunio

Grátia tua nos, quæsumus, Dómine, non derelínquat: quæ et sacræ nos déditos fáciat servitúti, et tuam nobis opem semper acquírat. Per Dóminum.

Super populum: Orémus. Humiliáte cápita vestra Deo.

Oratio

Adésto, Dómine, fámulis tuis, et perpétuam benignitátem largíre poscéntibus: ut iis, qui te auctóre et gubernatóre gloriántur, et congregáta restáures, et restauráta consérves. Per Dóminum.

FERIA SEXTA

III classis

Statio ad S. Vitalem

Antiphona ad Introitum

Ps. 16, 15

Ego autem cum iustitia apparebo in conspectu tuo: satiabor dum manifestabitur gloria tua. **Ps. ibid., 1** Exaudi, Domine, iustitiam meam: intende deprecationi meæ. **℣.** Gloria Patri.

Oratio

Da, quæsumus, omnipotens Deus: ut, sacro nos purificante ieiunio, sinceris mentibus ad sancta ventura facias pervenire. Per Dominum.

Lectio libri Genesis.

Gen. 37, 6-22

In diebus illis: Dixit Ioseph fratribus suis: Audite somnium meum, quod vidi: Putabam nos ligare manipulos in agro: et quasi consurgere manipulum meum, et stare, vestrosque manipulos circumstantes adorare manipulum meum. Respondérunt fratres eius: Numquid rex noster eris? aut subiciemur ditioni tuæ? Hæc ergo causa somniorum atque sermonum, invidia et odii fomitem ministravit. Aliud quoque vidit somnium, quod narrans fratribus, ait: Vidi per somnium, quasi solem, et lunam, et stellas undecim adorare me. Quod cum patri suo et fratribus retulisset, increpavit eum pater suus, et dixit: Quid sibi vult hoc somnium, quod vidisti? Num ego et mater tua et fratres tui adorabimus te super terram? Invidébant ei igitur fratres sui: pater vero rem tacitus considerabat. Cumque fratres illius in pascendis gregibus patris moraréntur in Sichem, dixit ad eum Israël: Fratres tui pascunt oves in Sichimis: veni, mittam te ad

eos. Quo respondente: Præsto sum, ait ei: Vade, et vide si cuncta prospera sint erga fratres tuos, et pecora: et renúntia mihi quid agatur. Missus de valle Hebron, venit in Sichem: invenítque eum vir errantem in agro, et interrogávit quid quæreret. At ille respóndit: Fratres meos quæro: indica mihi ubi pascant greges. Dixítque ei vir: Recessérunt de loco isto: audívi autem eos dicentes: Eámus in Dóthain. Perréxit ergo Ioseph post fratres suos, et invénit eos in Dóthain. Qui cum vidíssent eum procul, ántequam accéderet ad eos, cogitavérunt illum occídere, et mútuo loquebántur: Ecce, somniátor venit: veníte, occidámus eum, et mittámus in cistérnam vétèrem, dicémusque: Fera péssima devorávit eum: et tunc apparébit quid illi prosint sómnia sua. Audiens autem hoc Ruben, nitebátur liberare eum de manibus eórum, et dicebat: Non interficiátis ánimam eius, nec effundátis sánguinem: sed proícite eum in cistérnam hanc, quæ est in solitúdine, manúsque vestras serváte innóxias: hoc autem dicebat, volens erípere eum de manibus eórum, et réddere patri suo.

Graduale Ps. 119, 1-2 Ad Dóminum cum tribulárer clamávi, et exaudivit me. **℣.** Domine, libera ánimam meam a lábiis iníquis, et a lingua dolósa.

Tractus Ps. 102, 10 Domine, non secúndum peccáta nostra, quæ fécimus nos: neque secúndum iniquitátes nostras retribuas nobis. **℣. Ps. 78, 8-9** Domine, ne memíneris iniquitátum nostrárum antiquárum: cito antícipent nos misericórdiæ tuæ, quia páuperes facti sumus nimis. **(Hic genuflectitur) ℣.** Aduva nos, Deus salutáris noster: et propter glóriam nóminis tui, Domine, libera nos: et propítius esto peccátis nostris, propter nomen tuum.

✠ Sequéntia sancti Evangélíi secúndum Matthæum.

Matth. 21, 33-46

In illo témpore: Dixit Iesus turbis Iudæórum, et princípibus sacerdotum parábolam hanc: Homo erat paterfamílias, qui plantávit vineam, et sepem circúmdedit ei, et fodit in ea tórcular, et ædificávit turrim, et locávit eam agricolis, et peregře proféctus est. Cum autem témpus frúctuum appropinquásset, misit servos suos ad agricolas, ut accíperent fructus eius. Et agricolæ, apprehénsis servis eius, álium ceciderunt, álium occiderunt, álium vero lapidáverunt. Iterum misit álios servos plures prióribus, et fecerunt illis simíliter. Novíssime autem misit ad eos filium suum, dicens: Verebúntur filium meum. Agricolæ autem vidéntes filium, dixerunt intra se: Hic est heres, veníte, occidámus eum, et habébimus hereditátem eius. Et apprehénsum eum eiecérunt extra vineam, et occiderunt. Cum ergo vénerit dóminus vineæ, quid fáciat agricolis illis? Aiunt illi: Malos male perdet: et vineam suam locábit áliis agricolis, qui reddant ei fructum tempóribus suis. Dicit illis Iesus: Numquam legístis in Scriptúris: Lápídem, quem reprobáverunt ædificántes, hic factus est in caput ánguli? A Dómino factum est istud, et est mirábile in óculis nostris. Ideo dico vobis, quia auferétur a vobis regnum Dei, et dábitur genti faciénti fructus eius. Et qui ceciderit super lápídem istum, confringétur: super quem vero ceciderit, cónteret eum. Et cum audísent príncipes sacerdotum et pharisæi paráboas eius, cognovérunt quod de ipsis díceret. Et quæréntes eum tenére, timuérunt turbas: quóniam sicut prophétam eum habébant.

Antiphona ad Offertorium Ps. 39,

14 et 15 Dómine, in auxílium meum réspice: confundántur et reve-reántur, qui quærunť ánimam meam, ut áuferant eam: Dómine, in auxílium meum réspice.

Secreta

Hæc in nobis sacrificia, Deus, et actióne permáneant, et operatióne firméntur. Per Dóminum.

Præfatio de Quadragesima.

Antiphona ad Communionem

Ps. 11, 8 Tu, Dómine, servábis nos, et custódies nos a generatióne hac in ætérnum.

Postcommunio

Fac nos, quæsumus, Dómine: accépto pignore salutis æternæ, sic téndere congruénter; ut ad eam perveníre possimus. Per Dóminum.

Super populum: Orémus. Humiliáte cápita vestra Deo.

Oratio

Da, quæsumus, Dómine, pópulo tuo salutem mentis et corpóris: ut, bonis opéribus inhæréndo, tuæ semper virtútis mereátur protectiόne deféndi. Per Dóminum.

SABBATO

III classis

Statio ad Ss. Marcellinum et Petrum

Antiphona ad Introitum

Ps. 18, 8

Lex Dómini irreprehensíbilis, convértens ánimas: testimónium Dómini fidéle, sapiéntiam præstans párvulis. **Ps. ibid., 2** Cæli enarrant glóriam Dei: et ópera mánuum eius annúntiat firmaméntum. **V.** Glória Patri.

Oratio

Da, quæsumus, Dómine, nostris effectum ieiúniis salutárem: ut castigatio carnis assumpta, ad nostrárum vegetatióem tránseat animárum. Per Dóminum.

Lectio libri Génesis.

Gen. 27, 6-39

In diébus illis: Dixit Rebécca filio suo Iacob: Audívi patrem tuum loquéntem cum Esau fratre tuo, et dicéntem ei: Affer mihi de venatióne tua, et fac cibos ut cómedam, et benedícam tibi coram Dómino ántequam móriar. Nunc ergo, fili mi, acquiesce consíliis meis: et pergens ad gregem, affer mihi duos hædos óptimos, ut fáciam ex eis escas patri tuo, quibus libénter véscitur: quas cum intúleris, et coméderit, benedícat tibi priúsqvam moriátur. Cui ille respóndit: Nosti quod Esau frater meus homo pilósus sit, et ego lenis: si attrectáverit me pater meus, et sénserit, tímeo ne putet me sibi voluisse illúdere, et indúcam super me maledictiόem pro benedictiόne. Ad quem mater: In me sit, ait, ista maledictio, fili mi: tantum audi vocem meam, et pergens affer quæ dixi. Abiit, et áttulit, deditque matri. Parávit illa cibos, sicut velle nóverat patrem illíus. Et véstibus Esau valde bonis, quas apud se habébat domi, induit eum: pellículasque hædórum circúmdedit mánibus, et colli nuda protéxit. Deditque pulméntum, et panes, quos cóxerat, trádedit. Quibus illátis, dixit: Pater mi! At ille respóndit: Audio. Quis es tu, fili mi? Dixítque Iacob: Ego sum primogénitus tuus Esau: feci sicut præcepísti mihi: surge, sede, et cómede de venatióne mea, ut benedícat mihi ánima tua. Rursúmque Isaac ad filium suum: Quómodo, inquit, tam cito inveníre potuísti, fili mi?

Qui respóndit: Volúntas Dei fuit, ut cito occurreret mihi quod volébam. Dixítque Isaac: Accéde huc, ut tangam te, fili mi, et probem utrum tu sis filius meus Esau, an non. Accéssit ille ad patrem, et palpáto eo, dixit Isaac: Vox quidem, vox Iacob est, sed manus, manus sunt Esau. Et non cognóvit eum, quia pilósæ manus similitúdinem maióris exprésserant. Benedicens ergo illi, ait: Tu es filius meus Esau? Respóndit: Ego sum. At ille: Affer mihi, inquit, cibos de venatióne tua, fili mi, ut benedícat tibi ánima mea. Quos cum oblátos comedisset, obtulit ei étiam vinum. Quo hausto, dixit ad eum: Accéde ad me, et da mihi ósculum, fili mi. Accéssit, et osculátus est eum. Státimque ut sensit vestimentórum illíus fragrántiam, benedicens illi, ait: Ecce, odor filii mei sicut odor agri pleni, cui benedíxit Dóminus. Det tibi Deus de rore cæli, et de pinguédine terræ abundántiam fruménti et vini. Et sérviant tibi pópuli, et adórent te tribus: esto dóminus fratrum tuórum, et incurvéntur ante te filii matris tuæ. Qui maledíxerit tibi, sit ille maledíctus: et qui benedíxerit tibi, benedictiόnibus repleátur. Vix Isaac sermónem impléverat, et egréssó Iacob foras, venit Esau, coctósque de venatióne cibos intulit patri, dicens: Surge, pater mi, et cómede de venatióne filii tui, ut benedícat mihi ánima tua. Dixítque illi Isaac: Quis enim es tu? Qui respóndit: Ego sum filius tuus primogénitus Esau. Expávit Isaac stupóre veheménti, et ultra quam credi potest, admírans, ait: Quis ígitur ille est, qui dudum captam venatiόnem áttulit mihi, et comédi ex ómnibus priúsqvam tu veníres? Benedixítque ei, et erit benedíctus. Audítis Esau sermónibus patris, irrúgiit clamóre magno, et consternátus, ait: Bénedic étiam et mihi, pater mi. Qui ait:

Venit germánus tuus fraudulénter, et accépit benedictiónem tuam. At ille subiúnxit: Iuste vocátum est nomen eius Iacob: supplantávit enim me, en áltera vice: primogénita mea ante tulit, et nunc secúndo surrípuít benedictiónem meam. Rursúmque ad patrem: Numquid non reservásti, ait, et mihi benedictiónem? Respóndit Isaac: Dóminum tuum illum constítui, et omnes fratres eius servitúti illíus subiugávi: fruménto et vino stabi-lívi eum, et tibi post hæc, fili mi, ultra quid fáciám? Cui Esau: Num unam, inquit, tantum benedictiónem habes, pater? mihi quoque óbsecro ut benedícas. Cumque eiulátu magno fleret, motus Isaac, dixit ad eum: In pinguédine terræ, et in rore cæli désuper erit benedictio tua.

Graduale Ps. 91, 2-3 Bonum est confitéri Dómino: et psállere nómini tuo, Altíssime. **V.** Ad annuntuándum mane misericórdiam tuam, et veritátem tuam per noctem.

✠ Sequéntia sancti Evangélíi secúndum Lucam.

Luc. 15, 11-32

In illo témpore: Dixit Iesus pharisæis et scribis parábolam istam: Homo quidam hábuit duos filios, et dixit adulescéntior ex illis patri: Pater, da mihi portiόνem substántiæ, quæ me contíngit. Et divisit illis substántiam. Et non post multos dies, congregátis ómnibus, adulescéntior filius péregre proféctus est in regiónem longínquam, et ibi dissipávit substántiam suam vivéndo luxurióse. Et postquam ómnia consummáset, facta est fames vá-lida in regióné illa, et ipse cœpit egére. Et ábiit, et adhæsit uni civium regiónis illíus. Et misit illum in villam suam, ut pásceret porcos. Et cupiébat implére ventrem suum de síliquis, quas porci

manducábant: et nemo illi dabat. In se autem revérsus, dixit: Quanti mercenárii in domo patris mei abúndant pánibus, ego autem hic fame péreo? Surgam, et ibo ad patrem meum, et dicam ei: Pater, peccávi in cælum, et coram te: iam non sum dignus vocári filius tuus: fac me sicut unum de mercenáriis tuis. Et surgens venit ad patrem suum. Cum autem adhuc longe esset, vidit illum pater ipsíus, et misericórdia motus est, et accúrrens cécidit super collum eius, et osculátus est eum. Dixítque ei filius: Pater, peccávi in cælum, et coram te, iam non sum dignus vocári filius tuus. Dixit autem pater ad servos suos: Cito proférte stolam primam, et indúite illum, et date ánnulum in manum eius, et calceaménta in pedes eius: et addúcite vítulum saginátum, et occídite, et manducémus, et epulémur, quia hic filius meus mórtuus erat, et revíxit: períerat, et invéntus est. Et cœpérunt epulári. Erat autem filius eius sénior in agro: et cum veníret, et appropinquáret dómui, audívit symphóniam, et chorum: et vocávit unum de servis, et interrogávit, quid hæc essent. Isque dixit illi: Frater tuus venit, et occídit pater tuus vítulum saginátum, quia salvum illum recépit. Indignátus est autem, et nolébat introíre. Pater ergo illíus egréssus, cœpit rogáre illum. At ille respóndens, dixit patri suo: Ecce, tot annis sérvio tibi, et numquam mandátum tuum præterívi, et numquam dedísti mihi hædum, ut cum amícis meis epulárer: sed postquam filius tuus hic, qui devorávit substántiam suam cum meretrícibus, venit, occidísti illi vítulum saginátum. At ipse dixit illi: Fili, tu semper mecum es, et ómnia mea tua sunt: epulári autem, et gaudére oportébat, quia frater tuus hic mórtuus erat, et revíxit: períerat, et invéntus est.

Antiphona ad Offertorium Ps. 12, 4-5 Illúmina óculos meos, ne umquam obdórmiam in morte: ne quando dicat inimícus meus: Præválui advérsus eum.

Secreta

His sacrificiis, Dómine, concéde placátus: ut, qui própriis orá-mus absólvi delíctis, non gravémur extérnis. Per Dóminum.

Præfatio de Quadragesima.

Antiphona ad Communionem
Luc. 15, 32 Opórtet te, fili, gaudére, quia frater tuus mórtuus fúerat,

et revíxit: perierat, et invéntus est.

Postcommunio

Sacraménti tui, Dómine, divína libátio, penetrália nostri cordis infúndat: et sui nos partícipes poténter effíciat. Per Dóminum.

Super populum: Orémus. Humiliáte cápita vestra Deo.

Oratio

Famíliam tuam, quæsumus, Dómine, contínua pietáte custódi: ut, quæ in sola spe grátiaæ cælestis innítitur, cælesti étiam protectióne muniátur. Per Dóminum.

DOMINICA III IN QUADRAGESIMA

I classis

Statio ad S. Laurentium extra muros

Antiphona ad Introitum

Ps. 24, 15-16

Oculi mei semper ad Dóminum, quia ipse evéllat de láqueo pedes meos: réspice in me, et miserére mei, quóniam únicus et pauper sum ego. **Ps. ibid., 1-2** Ad te, Dómine, levávi ánimam meam: Deus meus, in te confido, non erubéscam. **¶** Glória Patri.

Oratio

Quæsumus, omnípotens Deus, vota humílium réspice: atque ad defensiónem nostram, dexteram tuæ maiestátis exténde. Per Dóminum.

Léctio Epístolæ beáti Pauli Apóstoli ad Ephésios.

Ephes. 5, 1-9

Fratres: Estóte imitatóres Dei, sicut filii caríssimi: et ambuláte in dilectióne, sicut et Christus diléxit nos, et trádedit semetípsum pro nobis oblatiónem, et hóstiam Deo in odórem suavitátis. Fornicátio autem, et omnis immundítia, aut avarítia, nec nominétur in vobis, sicut decet sanctos: aut turpitúdo,

aut stultilóquium, aut scurrílitás, quæ ad rem non pértinet: sed magis gratiárum áctio. Hoc enim scitóte intellegéntes, quod omnis fornicátor, aut immúndus, aut avárus, quod est idolórum sérvitus, non habet hereditátem in regno Christi, et Dei. Nemo vos sedúcat inánibus verbis: propter hæc enim venit ira Dei in filios diffidéntiaæ. Nolíte ergo éffici partícipes eórum. Erátis enim aliquándo ténebræ: nunc autem lux in Dómino. Ut filii lucis ambuláte: fructus enim lucis est in omni bonitáte, et iustítia, et veritáte.

Graduale Ps. 9, 20 et 4 Exsúrge, Dómine, non præváleat homo: iudicéntur gentes in conspéctu tuo. **¶** In converténdo inimícum meum retrórsum, infirmabúntur, et períbunt a fácie tua.

Tractus Ps. 122, 1-3 Ad te levávi óculos meos, qui hábitas in cælis. **¶** Ecce, sicut óculi servórum in mánibus dominórum suórum. **¶** Et sicut óculi ancíllæ in mánibus dómínæ suæ: ita óculi nostri ad Dóminum Deum nostrum, donec misereátur nostri. **¶** Miserére nobis, Dómine, miserére nobis.

✠ Sequéntia sancti Evangélii secúndum Lucam.

Luc. 11, 14-28

In illo témpore: Erat Iesus eíceus dæmónium, et illud erat mutum. Et cum eiecisset dæmónium, locútus est mutus, et admirátæ sunt turbæ. Quidam autem ex eis dixerunt: In Beélzebub príncipe dæmoniórum eicit dæmónia. Et álíi tentántes, signum de cælo quærébant ab eo. Ipse autem ut vidit cogitationés eórum, dixit eis: Omne regnum in seípsum divísus desolábitur, et domus supra domum cadet. Si autem et sátanás in seípsum divísus est, quómodo stabit regnum eius? quia dícitis, in Beélzebub me eícere dæmónia. Si autem ego in Beélzebub eício dæmónia: filii vestri in quo eíciunt? Ideo ipsi iúdicés vestri erunt. Porro si in dígitó Dei eício dæmónia: profécto pervénit in vos regnum Dei. Cum fortis armátus custódit átrium suum, in pace sunt ea, quæ póssidet. Si autem fórtior eo supervéníens vícerit eum, univérsa arma eius áuferet, in quibus confidébat, et spólia eius distríbuet. Qui non est mecum, contra me est: et qui non cólligit mecum, dispérgit. Cum immúndus spíritus exíerit de hómine, ámbulat per loca inaquósa, quærens réquiem: et non invéníens, dicit: Revértar in domum meam, unde exívi. Et cum vénerit, invenit eam scopis mundátam, et ornátam. Tunc vadit, et assúmit septem álíos spíritus secum nequíores se, et ingrési hábitant ibi. Et fiunt novíssima hóminis illíus peióra prióríbus. Factum est autem, cum hæc diceret: extóllens vocem quædam múlíer de turba, dixit illi: Beátus venter, qui te portávit, et úbera, quæ suxísti. At ille dixit: Quinímmo beáti, qui áudiunt verbum Dei, et custódiunt illud.

Credo.

Antiphona ad Offertorium Ps. 18, 9, 10, 11 et 12 Iustítiæ Dómini rectæ, lætificántes corda, et iudícia eius dulcióra super mel et favum: nam et servus tuus custódit ea.

Secreta

Hæc hóstia, Dómine, quæsumus, emúndet nostra delícta: et ad sacrificium celebrándum, subditórum tibi córpora, mentésque sanctíficet. Per Dóminum.

Præfatio de Quadragesima.

Antiphona ad Communionem Ps. 83, 4-5 Passer invénit sibi domum, et turtur nidum, ubi repónat pullos suos: altária tua, Dómine virtútum, Rex meus, et Deus meus: beáti qui hábitant in domo tua, in sæculum sæculi laudábunt te.

Postcommunio

Acunctis nos, quæsumus, Dómine, reátibus et perículis propitiátus absólve: quos tanti mystérii tribuis esse partícipes. Per Dóminum.

FERIA SECUNDA

III classis

Statio ad S. Marcum

Antiphona ad Introitum

Ps. 55, 5

In Deo laudábo verbum, in Dómino laudábo sermónem: in Deo sperábo, non timébo quid fáciat mihi homo. **Ps. ibid., 2** Miserére mei, Deus, quóniam conculcávit me homo: tota die bellans tribulávit me. **V.** Glória Patri.

Oratio

Córdibus nostris, quæsumus, Dómine, grátiam tuam benignus infúnde: ut, sicut ab escis carnálibus abstinémus; ita sensus quoque nostros a nóxiis retrahámus excéssibus. Per Dóminum.

Lectio libri Regum.

4 Reg. 5, 1-15

In diébus illis: Náaman princeps milítiae regis Sýriæ, erat vir magnus apud dómínium suum, et honorátus: per illum enim dedit Dóminus salútem Sýriæ: erat autem vir fortis et dives, sed leprósus. Porro de Sýria egréssi fúerant latrúnculi, et captívam dúxerant de terra Israël puéllam párvulam, quæ erat in obséquio uxóris Náaman, quæ ait ad dómínam suam: Utinam fuísset dómínus meus ad prophétam, qui est in Samaría: profécto curásset eum a lepra, quam habet. Ingréssus est itaque Náaman ad dómínium suum, et nuntiávit ei, dicens: Sic et sic locúta est puélla de terra Israël. Dixítque ei rex Sýriæ: Vade, et mittam líttas ad regem Israël. Qui cum proféctus esset, et tulísset secum decem talénta argénti, et sex mília áureos, et decem mutatória vestimentórum, détulit líttas ad regem Israël in hæc verba: Cum accéperis epístolam hanc, scito quod míserim ad te Náaman servum meum, ut cures eum a lepra sua. Cumque legísset rex Israël líttas, scidit vestiménta sua, et ait: Numquid Deus ego sum, ut occídere possim, et vivificáre, quia iste misit ad me, ut cures hóminem a lepra sua? animadvértite, et vidéte quod occasiónes quærat advérsus me. Quod cum audísset Eliséus vir Dei, scidísse vidélicet regem Israël vestiménta sua, misit ad eum, dicens: Quare scidísti vestiménta tua? véniat ad me, et sciat esse prophétam in Israël. Venit ergo Náaman cum equis, et cúrribus, et stetit ad óstium domus Eliséi: misítque ad eum Eliséus núntium, dicens: Vade, et laváre sépties in Iordáne, et recípiet sanitátem caro tua, atque mundáberis. Irátus Náaman recedébat, dicens: Putábam quod egrederétur ad me, et stans invocáret nomen

Dómini Dei sui, et tangeret manu sua locum lepræ, et curáret me. Numquid non meliôres sunt Abana et Pharphar, flúvii Damásci, ómnibus aquis Israël, ut laver in eis, et munder? Cum ergo vertísset se, et abíret indígnans, accessérunt ad eum servi sui, et locúti sunt ei: Pater, et si rem grandem dixisset tibi prophéta, certe fácere debúeras: quanto magis quia nunc dixit tibi: Laváre, et mundáberis? Descéndit, et lavit in Iordáne sépties, iuxta sermónem viri Dei, et restitúta est caro eius, sicut caro púeri párvuli, et mundátus est. Reversúsque ad virum Dei cum univérso comitátu suo, venit, et stetit coram eo, et ait: Vere scio, quod non sit álius Deus in univérsa terra, nisi tantum in Israël.

Graduale Ps. 55, 9 et 2 Deus, vitam meam annuntiávi tibi: posuisti lácrimas meas in conspéctu tuo. **V.** Miserére mei, Dómine, quóniam conculcávit me homo: tota die bellans tribulávit me.

Tractus Ps. 102, 10 Dómine, non secúndum peccáta nostra, quæ fécimus nos: neque secúndum iniquitátes nostras retríbuas nobis. **V. Ps. 78, 8-9** Dómine, ne memíneris iniquitátum nostrárum antiquárum: cito antícipent nos misericórdiæ tuæ, quia páuperes facti sumus nimis. **(Hic genuflectitur) V.** Aduva nos, Deus salutáris noster: et propter glóriam nóminis tui, Dómine, libera nos: et propítius esto peccátis nostris, propter nomen tuum.

✠ Sequéntia sancti Evangélíi secúndum Lucam. **Luc. 4, 23-30**

In illo témpore: Dixit Iesus pharisæis: Utique dicétis mihi hanc similitúdinem: Médice, cura teípsum: quanta audívimus facta in Caphárnaum, fac et hic in pátria tua. Ait autem: Amen dico vobis, quia nemo prophéta accéptus est in

pátria sua. In veritáte dico vobis, multæ víduæ erant in diébus Elíæ in Israël, quando clausum est cælum annis tribus, et ménsibus sex, cum facta esset fames magna in omni terra: et ad nullam illárum missus est Elías, nisi in Saréphta Sidóniæ, ad mulierem víduam. Et multi leprósi erant in Israël sub Eliséo prophéta: et nemo eórum mundátus est nisi Náaman Syrus. Et repléti sunt omnes in synagóga ira, hæc audiéntes. Et surrexérunt, et eiecérunt illum extra civitátem: et duxérunt illum usque ad supercílium montis, super quem civitas illórum erat ædificáta, ut præcipitarent eum. Ipse autem tránsiens per médium illórum ibat.

Antiphona ad Offertorium Ps. 54, 2-3 Exáudi, Deus, oratióem meam, et ne despéxeris deprecatióem meam: inténde in me, et exáudi me.

Secreta

Munus, quod tibi, Dómine, nostræ servitútis offérimus, tu salutáre nobis pérfice sacraméntum. Per Dóminum.

Præfatio de Quadragesima.

Antiphona ad Communionem Ps. 13, 7 Quis dabit ex Sion salutáre Israël? cum avérterit Dóminus captivitátem plebis suæ, exsultábit Iacob, et lætábitur Israël.

Postcommunio

Præsta, quæsumus, omnípotens et miséricors Deus: ut, quod ore contíngimus, pura mente capiámus. Per Dóminum.

Super populum: Orémus. Humiliáte cápita vestra Deo.

Oratio

Subvéniat nobis, Dómine, miséricórdia tua: ut ab imménentibus peccatórum nostrórum pérículis, te mereámur protegénte éripi, te liberánte salvári. Per Dóminum.

FERIA TERTIA

III classis

Statio ad S. Pudentianam

Antiphona ad Introitum

Ps. 16, 6 et 8

Ego clamávi, quóniam exaudísti me, Deus: inclína aurem tuam, et exáudi verba mea: custódi me, Dómine, ut pupíllam óculi: sub umbra alárum tuárum prótege me. **Ps. ibid., 1** Exáudi, Dómine, iustítiam meam: inténde deprecatióem meam. **¶** Glória Patri.

Oratio

Exáudi nos, omnípotens et miséricors Deus: et continéntiæ salutáris propítius nobis dona concéde. Per Dóminum.

Léctio libri Regum.

4 Reg. 4, 1-7

In diébus illis: Múlier quædam clamábat ad Eliséum prophétam, dicens: Servus tuus vir meus mórtuus est, et tu nosti, quia servus tuus fuit timens Dóminum: et ecce, créditor venit, ut tollat duos filios meos ad serviéndum sibi. Cui dixit Eliséus: Quid vis ut fáciam tibi? Dic mihi, quid habes in domo tua? At illa respóndit: Non hábeo ancílla tua quidquam in domo mea, nisi parum ólei, quo ungar. Cui ait: Vade, pete mútuo ab ómnibus vicínis tuis vasa vácuá non pauca. Et ingrédere, et claude óstium tuum, cum intrínsecus fúeris tu, et filii tui: et mitte inde in ómnia vasa hæc: et cum plena fúerint, tolles. Ivit itaque múlier, et clausit óstium super se, et super filios suos: illi offerébant vasa, et illa infundébat. Cumque plena fuissent vasa, dixit ad filium suum: Affer mihi adhuc vas. Et ille respóndit: Non hábeo. Stetitque óleum. Venit autem illa, et indicávit hómini Dei. Et ille: Vade, inquit, vende óleum, et redde

creditori tuo: tu autem, et filii tui vivite de reliquo.

Graduale Ps. 18, 13-14 Ab occultis meis munda me, Domine: et ab alienis parce servo tuo. **V.** Si mei non fuerint dominati, tunc immaculatus ero: et emundabor a delicto maximo.

✠ **Sequentia sancti Evangelii secundum Matthæum.**

Matth. 18, 15-22

In illo tempore: Dixit Iesus discipulis suis: Si peccaverit in te frater tuus, vade, et corripe eum inter te, et ipsum solum. Si te audierit, lucratus eris fratrem tuum. Si autem te non audierit, adhibe tecum adhuc unum, vel duos, ut in ore duorum, vel trium testium stet omne verbum. Quod si non audierit eos: dic ecclesie. Si autem ecclesiam non audierit: sit tibi sicut ethnicus et publicanus. Amen dico vobis, quaecumque alligaveritis super terram, erunt ligata et in caelo: et quaecumque solveritis super terram, erunt soluta et in caelo. Iterum dico vobis, quia si duo ex vobis consenserint super terram, de omni re quamcumque petierint, fiet illis a Patre meo, qui in caelis est. Ubi enim sunt duo vel tres congregati in nomine meo, ibi sum in medio eorum. Tunc accedens Petrus ad eum, dixit: Domine, quoties peccabit in me frater meus, et dimittam ei? usque septies? Dicit illi Iesus: Non dico tibi usque septies, sed usque septuagies septies.

Antiphona ad Offertorium Ps. 117, 16 et 17 Dextera Domini fecit virtutem, dextera Domini exaltavit me: non moriar, sed vivam, et narrabo opera Domini.

Secreta

Per hæc veniat, quæsumus, Domine, sacramenta nostræ redemptionis effectus: qui nos et ab humanis retrahat semper excessi-

bus, et ad salutaria dona perducatur. Per Dominum.

Præfatio de Quadragesima.

Antiphona ad Communionem Ps. 14, 1-2 Domine, quis habitabit in tabernaculo tuo? aut quis requiescet in monte sancto tuo? Qui ingreditur sine macula, et operatur iustitiam.

Postcommunio

Sacris, Domine, mysteriis expiati: et veniam, quæsumus, consequamur, et gratiam. Per Dominum.

Super populum: Orémus. Humiliate capita vestra Deo.

Oratio

Tua nos, Domine, protectione defende: et ab omni semper iniquitate custodi. Per Dominum.

FERIA QUARTA

III classis

Statio ad S. Xystum

Antiphona ad Introitum

Ps. 30, 7-8

Ego autem in Domino sperabo: exultabo, et lætabor in tua misericordia: quia respexisti humilitatem meam. **Ps. ibid., 2** In te, Domine, speravi, non confundar in æternum: in iustitia tua libera me, et eripe me. **V.** Glória Patri.

Oratio

Præsta nobis, quæsumus, Domine: ut salutariis ieiuniis eruditi, a noxiis quoque vitiis abstinentes, propitiationem tuam facilius impetremus. Per Dominum.

Lectio libri Exodi.

Exodi 20, 12-24

Hæc dicit Dominus Deus: Honora patrem tuum et matrem tuam, ut sis longævus super terram, quam Dominus Deus tuus dabit

tibi. Non occides. Non mœcháberis. Non furtum fácies. Non loqueris contra próximum tuum falsum testimónium. Non concupisces domum próximi tui: nec desiderábis uxórem eius, non servum, non ancíllam, non bovem, non ásinum, nec ómnia, quæ illíus sunt. Cunctus autem pópulus vidébat voces, et lámpades, et sónitum búccinæ, montémque fumántem: et pertér-riti, ac pavóre concússi, steterunt procul, dicéntes Móysi: Lóquere tu nobis, et audiémus: non loquátur nobis Dóminus, ne forte moriámur. Et ait Móyses ad pópulum: Nolíte timére: ut enim probáret vos, venit Deus, et ut terror illíus esset in vobis, et non peccaréti. Stetítque pópulus de longe. Móyses autem accéssit ad caliginem, in qua erat Deus. Dixit prætérea Dóminus ad Móysen: Hæc dices filiis Israël: Vos vidístis, quod de cælo locútus sim vobis. Non faciétis deos argénteos, nec deos áureos faciétis vobis. Altáre de terra faciétis mihi, et offeréti super eo holocáusta et pacífica vestra, oves vestras, et boves in omni loco, in quo memória fúerit nóminis mei.

Graduale Ps. 6, 3-4 Miserére mei, Dómine, quóniam infirmus sum: sana me, Dómine. **℣.** Conturbáta sunt ómnia ossa mea: et ánima mea turbáta est valde.

Tractus Ps. 102, 10 Dómine, non secúndum peccáta nostra, quæ fécimus nos: neque secúndum iniquitátes nostras retribuas nobis. **℣. Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis. **(Hic genuflectitur)** **℣.** Adiuvá nos, Deus salutáris noster: et propter glóriam nóminis tui, Dómine, libera nos: et propítius esto peccátis nostris, propter nomen tuum.

✠ Sequéntia sancti Evangélii secúndum Matthæum.

Matth. 15, 1-20

In illo témpore: Accessérunt ad Iesum ab Ierosólymis scribæ et pharisæi, dicéntes: Quare discípuli tui transgrediúntur traditiónem seniórum? Non enim lavant manus suas, cum panem mandúcant. Ipse autem respóndens, ait illis: Quare et vos transgredímini mandátum Dei propter traditiónem vestram? Nam Deus dixit: Honóra patrem, et matrem. Et: Qui maledíxerit patri, vel matri, morte moriátur. Vos autem dicitis: Quicúmque díxerit patri, vel matri: munus quodcúmque est ex me, tibi próderit: et non honorificábit patrem suum, aut matrem suam: et írritum fecístis mandátum Dei propter traditiónem vestram. Hypócritæ, bene prophetávit de vobis Isaías, dicens: Pópulus hic lábiis me honórat: cor autem eórum longe est a me. Sine causa autem colunt me, docéntes doctrínas et mandáta hóminum. Et convocáti ad se turbis, dixit eis: Audíte, et intellégite. Non quod intrat in os, coínquinat hóminem: sed quod procédit ex ore, hoc coínquinat hóminem. Tunc accedéntes discípuli eius, dixerunt ei: Scis quia pharisæi, audíto verbo hoc, scandalizáti sunt? At ille respóndens, ait: Omnis plantátio, quam non plantávit Pater meus cæléstis, eradícabitur. Sínite illos: cæci sunt, et duces cécórum. Cæcus autem si cæco ducátum præstet, ambo in fóveam cadunt. Respóndens autem Petrus, dixit ei: Édissere nobis parábolam istam. At ille dixit: Adhuc et vos sine intelléctu estis? Non intellégitis, quia omne quod in os intrat, in ventrem vadit, et in secéssum emíttitur? Quæ autem procédunt de ore, de corde éxeunt, et ea coínquinant hóminem: de corde enim éxeunt cogitatiónes malæ, homicídia, adultéria, forni-

catiões, furta, falsa testimónia, blasphemíæ. Hæc sunt, quæ coínquinant hóminem. Non lotis autem mánibus manducáre, non coínquinat hóminem.

Antiphona ad Offertorium Ps. 108.

21 Dómine, fac mecum misericórdiam tuam, propter nomen tuum: quia suávis est misericórdia tua.

Secreta

Súscipe, quæsumus, Dómine, preces pópuli tui cum oblatiónibus hostiárum: et tua mystéria celebrátes, ab ómnibus nos defénde perículis. Per Dóminum.

Præfatio de Quadragesima.

Antiphona ad Communionem Ps. 15, 11 Notas mihi fecisti vias vitæ: adimplébis me lætítia cum vultu tuo, Dómine.

Postcommunio

Sanctíficet nos, Dómine, qua pastisumus, mensa cælestis: et a cunctis erróribus expiátos, supérnis promissionibus reddat accéptos. Per Dóminum.

Super populum: Orémus. Humiliáte cápita vestra Deo.

Oratio

Concéde, quæsumus, omnípotens Deus: ut, qui protectionis tuæ grátiam quærimus, liberáti a malis ómnibus, secúra tibi mente serviámus. Per Dóminum.

FERIA QUINTA

III classis

Statio ad Ss. Cosmam
et Damianum

Antiphona ad Introitum

Salus pópuli ego sum, dicit Dóminus: de quacúmque tribulatione clamáverint ad me, exáudiam eos: et ero illórum Dóminus in perpétuum. **Ps. 77, 1** Atténdite, pópule meus, legem meam:

inclináte aurem vestram in verba oris mei. **¶** Glória Patri.

Oratio

Magníficet te, Dómine, sanctórum tuórum Cosmæ et Damiáni beáta solémnitas: qua et illis glóriam sempitérnam, et opem nobis ineffábili providéntia contulisti. Per Dóminum.

Léctio Ieremíæ Prophætæ.

Ierem. 7, 1-7

In diébus illis: Factum est verbum Dómini ad me, dicens: Sta in porta domus Dómini: et prædica ibi verbum istud, et dic: Audíte verbum Dómini, omnis Iuda, qui ingredimini per portas has, ut adorétis Dóminum. Hæc dicit Dóminus exercítuum Deus Israël: Bonas fácite vias vestras, et stúdia vestra: et habitábo vobíscum in loco isto. Nolíte confidere in verbis mendáci, dicétes: Templum Dómini, templum Dómini, templum Dómini est. Quóniam si bene direxéritis vias vestras, et stúdia vestra: si fecéritis iudícium inter virum et próximum eius, ádvenæ, et pupíllo, et víduæ non fecéritis calúmniam, nec sánguinem innocentem effudéritis in loco hoc, et post deos aliénos non ambulavéritis in malum vobismetípsis: habitábo vobíscum in loco isto, in terra, quam dedi pátribus vestris a sáculo et usque in sáculum: ait Dóminus omnípotens.

Graduale Ps. 144, 15-16 Oculi ómnium in te sperant, Dómine: et tu das illis escam in témpore opportúno. **¶** Aperis tu manum tuam: et imples omne ánimam benedictióne.

✠ Sequéntia sancti Evangélíi secúndum Lucam.

Luc. 4, 38-44

In illo témpore: Surgens Iesus de synagóga, introívit in domum

Simónis. Socrus autem Simónis tenebatur magnis febribus: et rogaverunt illum pro ea. Et stans super illam, imperavit febrim: et dimisit illam. Et continuo surgens, ministrabat illis. Cum autem sol occidisset, omnes qui habebant infirmos variis languoribus, ducebant illos ad eum. At ille singulis manus imponens, curabat eos. Exibant autem demonia a multis clamantia, et dicentia: Quia tu es Filius Dei: et increpans non sinebat ea loqui, quia sciebant ipsum esse Christum. Facta autem die egressus ibat in desertum locum, et turbæ requirebant eum, et venerunt usque ad ipsum: et detinebant illum ne discederet ab eis. Quibus ille ait: Quia et aliis civitatibus oportet me evangelizare regnum Dei: quia ideo missus sum. Et erat predicans in synagogis Galilææ.

Antiphona ad Offertorium Ps. 137, 7 Si ambulávero in médio tribulatiónis, vivificábis me, Dómine: et super iram inimicórum meórum exténdes manum tuam, et salvum me faciet dextera tua.

Secreta

In tuórum, Dómine, pretiósá morte iustórum sacrificium illud offerimus, de quo martyrium sumpsit omne princípium. Per Dóminum.

Præfatio de Quadragesima.

Antiphona ad Communionem Ps. 118, 4-5 Tu mandásti, mandata tua custodiri nimis: útinam dirigántur viæ meæ, ad custodiéndas iustificatiónes tuas.

Postcommunio

Sit nobis, Dómine, sacraménti tui certa salvatio: quæ cum beatórum Mártyrum tuórum Cosmæ et Damiáni méritis implorátur. Per Dóminum.

Super populum: Orémus. Humiliáte cápita vestra Deo.

Oratio

Subiectum tibi pópulum, quæsumus, Dómine, propitiatio cælestis amplificet: et tuis semper faciat servíre mandátis. Per Dóminum.

FERIA SEXTA

III classis

Statio ad S. Laurentium
in Lucina

Antiphona ad Introitum

Ps. 85, 17

Fac mecum, Dómine, signum in bonum: ut vídeant, qui me odérunt, et confundántur: quóniam tu, Dómine, adiuvísti me, et consolátus es me. **Ps. ibid., 1** Inclína, Dómine, aurem tuam, et exáudi me: quóniam inops et pauper sum ego. **V.** Glória Patri.

Oratio

Ieiúnia nostra, quæsumus, Dómine, benígno favóre proséquere: ut, sicut ab aliméntis abstinémus in corpore; ita a vítiis ieiunémus in mente. Per Dóminum.

Lectio libri Númeri.

Num. 20, 1, 3 et 6-13

In diébus illis: Convenérunt filii Israël advérsus Móysen et Aaron: et versi in seditiónem, dixerunt: Date nobis aquam, ut bibámus. Ingressúsque Móyses et Aaron, dimíssa multitúdine, tabernáculum féderis, corruérunt proni in terram, clamaverúntque ad Dóminum, atque dixerunt: Dómine Deus, audi clamórem huius pópuli, et áperi eis thesáurum tuum, fontem aquæ vivæ, ut satiáti, cesset murmuratio eórum. Et apparuit glória Dómini super eos. Locutúsque est Dóminus ad Móysen, dicens: Tolle virgam, et cóngrega pópulum, tu et Aaron frater tuus, et loquímini ad petram coram eis,

et illa dabit aquas. Cumque eduxeris aquam de petra, bibet omnis multitudo, et iumenta eius. Tulit igitur Moyses virgam, quæ erat in conspectu Domini, sicut præceperat ei, congregata multitudo ante petram, dixitque eis: Audite, rebelles et increduli: Num de petra hac vobis aquam poterimus eicere? Cumque elevasset Moyses manum, percutiens virga bis silicem, egressæ sunt aquæ largissimæ, ita ut populus biberet, et iumenta. Dixitque Dominus ad Moysen et Aaron: Quia non credidistis mihi, ut sanctificarétis me coram filiis Israël, non introducétis hos populos in terram, quam dabo eis. Hæc est aqua contradictionis, ubi iurgati sunt filii Israël contra Dominum, et sanctificatus est in eis.

Graduale Ps. 27, 7 et 1 In Deo speravit cor meum, et adiutus sum: et refloruit caro mea, et ex voluntate mea confitebor illi. **V.** Ad te, Domine, clamavi: Deus meus, ne sis leas, ne discedas a me.

Tractus Ps. 102, 10 Domine, non secundum peccata nostra, quæ fecimus nos: neque secundum iniquitates nostras retribuas nobis. **V. Ps. 78, 8-9** Domine, ne memineris iniquitatum nostrarum antiquarum: cito anticipent nos misericordiae tuæ, quia pauperes facti sumus nimis. **(Hic genuflectitur) V.** Adiuvamur, Deus salutaris noster: et propter gloriam nominis tui, Domine, libera nos: et propitius esto peccatis nostris, propter nomen tuum.

✠ Sequentia sancti Evangelii secundum Ioannem.

Ioann. 4, 5-42

In illo tempore: Venit Iesus in civitatem Samariæ, quæ dicitur Sichar: iuxta prædium, quod dedit Iacob Ioseph filio suo. Erat autem ibi fons Iacob. Iesus ergo fatigatus ex itinere, sedebat sic supra fontem.

Hora erat quasi sexta. Venit mulier de Samaria haurire aquam. Dicit ei Iesus: Da mihi bibere. (Discipuli enim eius abierant in civitatem, ut cibos emerent). Dicit ergo ei mulier illa Samaritana: Quomodo tu, Iudæus cum sis, bibere a me poscis, quæ sum mulier Samaritana? non enim coutuntur Iudæi Samaritanis. Respondit Iesus, et dixit ei: Si scires donum Dei, et quis est, qui dicit tibi: Da mihi bibere: tu forsitan petisses ab eo, et dedisset tibi aquam vivam. Dicit ei mulier: Domine, neque in quo haurias habes, et puteus altus est: unde ergo habes aquam vivam? Numquid tu maior es patre nostro Iacob, qui dedit nobis puteum, et ipse ex eo bibit, et filii eius, et pecora eius? Respondit Iesus, et dixit ei: Omnis, qui bibit ex aqua hac, sitiet iterum: qui autem biberit ex aqua, quam ego dabo ei, non sitiet in æternum: sed aqua, quam ego dabo ei, fiet in eo fons aquæ salientis in vitam æternam. Dicit ad eum mulier: Domine, da mihi hanc aquam, ut non sitiam, neque veniam huc haurire. Dicit ei Iesus: Vade, voca virum tuum, et veni huc. Respondit mulier, et dixit: Non habeo virum. Dicit ei Iesus: Bene dixisti, quia non habeo virum: quinque enim viros habuisti, et nunc quem habes, non est tuus vir: hoc vere dixisti. Dicit ei mulier: Domine, video, quia propheta es tu. Patres nostri in monte hoc adoraverunt, et vos dicitis, quia Ierosolymis est locus, ubi adorare oportet. Dicit ei Iesus: Mulier, crede mihi, quia venit hora, quando neque in monte hoc, neque in Ierosolymis adorabitis Patrem. Vos adoratis quod nescitis: nos adoramus quod scimus, quia salus ex Iudæis est. Sed venit hora, et nunc est, quando veri adoratores adorabunt Patrem in spiritu et veritate. Nam et Pater tales quærit, qui adorent eum. Spí-

ritus est Deus: et eos, qui adorant eum, in spiritu et veritate oportet adorare. Dicit ei mulier: Scio, quia Messias venit (qui dicitur Christus). Cum ergo venerit ille, nobis annuntiabit omnia. Dicit ei Iesus: Ego sum, qui loquor tecum. Et continuo venerunt discipuli eius: et mirabantur, quia cum muliere loquebatur. Nemo tamen dixit: Quid quaeris, aut quid loqueris cum ea? Reliquit ergo hydriam suam mulier, et abiit in civitatem, et dicit illis hominibus: Venite, et videte hominem, qui dixit mihi omnia quaecumque feci: numquid ipse est Christus? Exierunt ergo de civitate, et veniebant ad eum. Interea rogabant eum discipuli, dicentes: Rabbi, manduca. Ille autem dicit eis: Ego cibum habeo manducare, quem vos nescitis. Dicebant ergo discipuli ad invicem: Numquid aliquis attulit ei manducare? Dicit eis Iesus: Meus cibus est, ut faciam voluntatem eius, qui misit me, ut perficiam opus eius. Nonne vos dicitis, quod adhuc quatuor menses sunt, et messis venit? Ecce, dico vobis: Levate oculos vestros, et videte regiones, quia albæ sunt iam ad messem. Et qui metit, mercedem accipit, et congregat fructum in vitam æternam: ut, et qui seminat, simul gaudeat, et qui metit. In hoc enim est verbum verum: quia alius est qui seminat, et alius est qui metit. Ego misi vos metere quod vos non laborastis: alii laboraverunt, et vos in labores eorum introistis. Ex civitate autem illa multi crediderunt in eum Samaritanorum, propter verbum mulieris testimonium perhibentis: Quia dixit mihi omnia quaecumque feci. Cum venissent ergo ad illum Samaritani, rogaverunt eum, ut ibi maneret. Et mansit ibi duos dies. Et multo plures crediderunt in eum propter sermonem eius. Et mulieri dicebant: Quia iam non propter tuam loquelam credi-

mus: ipsi enim audivimus, et scimus, quia hic est vere Salvator mundi.

Antiphona ad Oflertorium Ps. 5, 3-4 Intende voci orationis meæ, Rex meus, et Deus meus: quoniam ad te orabo, Domine.

Secreta

Respice, quæsumus, Domine, propitius ad muneris, quæ sacramus: ut tibi grata sint, et nobis salutaria semper exsistant. Per Dominum.

Præfatio de Quadragesima.

Antiphona ad Communionem Ioann. 4, 13 et 14 Qui biberit aquam, quam ego dabo ei, dicit Dominus, fiet in eo fons aquæ salientis in vitam æternam.

Postcommunio

Huius nos, Domine, perceptio sacramenti mundet a crimine: et ad cælestia regna perducat. Per Dominum.

Super populum: Orémus. Humiliate capita vestra Deo.

Oratio

Præsta, quæsumus, omnipotens Deus: ut, qui in tua protectione confidimus, cuncta nobis adversantia, te adiuvante, vincamus. Per Dominum.

SABBATO

III classis

Statio ad S. Susannam

Antiphona ad Introitum

Ps. 5, 2-3

Verba mea auribus percipe, Domine, intèllege clamorem meum: intènde voci orationis meæ, Rex meus, et Deus meus. **Ps. ibid., 4** Quoniam ad te orabo, Domine: mane exaudies vocem meam. **V.** Glória Patri.

Oratio

Præsta, quæsumus, omnipotens Deus: ut, qui se, affligendo carnem, ab alimentis abstinent; secundo iustitiam, a culpa ieiunent. Per Dóminum.

Lectio Daniélis Prophætæ.

**Dan. 13, 1-9, 15-17,
19-30 et 33-62**

In diébus illis: Erat vir hábitans in Babylóne, et nomen eius Ióakim: et accépit uxórem nómine Susánnam, filiam Helcíæ, pulchram nimis, et timéntem Deum: paréntes enim illíus, cum essent iusti, erudiérunt filiam suam secúndum legem Móysi. Erat autem Ióakim dives valde, et erat ei pomárium vicínium dómui suæ: et ad ipsum confluébant Iudæi, eo quod esset honorábilius ómnium. Et constitúti sunt de pópulo duo senes iúdice in illo anno: de quibus locútus est Dóminus: Quia egréssa est iníquitas de Babylóne a senióribus iudícibus, qui videbántur régere pópulum. Isti frequentábant domum Ióakim, et veniébant ad eos omnes, qui habébant iudícia. Cum autem pópulus revertísset per merídiem, ingrediebátur Susánna, et deambulábat in pomário viri sui. Et vidébant eam senes quotidie ingrediéntem, et deambulántem: et exarsérunt in concupiscéntiam eius: et evertérunt sensum suum, et declinavérunt óculos suos, ut non vidérent cælum, neque recordaréntur iudiciórum iustórum. Factum est autem, cum observárent diem aptum, ingrèssa est aliquándo sicut heri et nudius-tértius, cum duábus solis puéllis, volúitque lavári in pomário: æstus quippe erat, et non erat ibi quisquam, præter duos senes absconditos, et contemplátes eam. Dixit ergo puéllis: Afférte mihi óleum et smígmata, et óstia pomárii cláudite, ut laver. Cum autem egréssæ

essent puéllæ, surrexérunt duo senes, et accurrérunt ad eam, et dixerunt: Ecce, óstia pomárii clausa sunt, et nemo nos videt, et nos in concupiscéntia tui sumus: quam ob rem assentíre nobis, et commiscére nobíscum. Quod si nólueris, dicémus contra te testimónium, quod fúerit tecum iúvenis, et ob hanc causam emíseris puéllas a te. Ingémuit Susánna, et ait: Angústia sunt mihi úndique: si enim hoc égero, mors mihi est: si autem non égero, non effúgiam manus vestras. Sed mélius est mihi absque ópere incídere in manus vestras, quam peccáre in conspéctu Dómini. Et exclamávit voce magna Susánna: exclamavérunt autem et senes advérsus eam. Et cucúrrit unus ad óstia pomárii, et apérui. Cum ergo audíssent clamórem fámulí domus in pomário, irruérunt per postícum, ut vidérent quidnam esset. Postquam autem senes locúti sunt, erubuérunt servi veheménter: quia numquam dictus fúerat sermo huiuscémodi de Susánna. Et facta est dies crástina. Cumque venísset pópulus ad Ióakim virum eius, venérunt et duo senióres pleni iníqua cogitatióne advérsus Susánnam, ut interfícerent eam. Et dixerunt coram pópulo: Míttite ad Susánnam filiam Helcíæ, uxórem Ióakim. Et statim misérunt. Et venit cum paréntibus, et filiis, et univérsis cognátis suis. Flebant ígitur sui, et omnes qui nóverant eam. Consurgétes autem duo senióres in médio pópuli, posuérunt manus suas super caput eius. Quæ flens suspéxit ad cælum: erat enim cor eius fidúciám habens in Dómino. Et dixerunt senióres: Cum deambularémus in pomário soli, ingrèssa est hæc cum duábus puéllis: et clausit óstia pomárii, et dimísit a se puéllas. Venítque ad eam adolécens, qui erat absconditus, et concúbuit cum ea. Porro nos, cum

essémus in ángulo pomárii, vidéntes iniquitátem, cucúrrimus ad eos, et vídimus eos páriter commiscéri. Et illum quidem non quívimus comprehéndere, quia fórtior nobis erat, et apértis óstiis exsilívit: hanc autem cum apprehendissémus, interrogávimus, quisnam esset aduléscens, et nóluit indicáre nobis: huius rei testes sumus. Crédidit eis multitúdo quasi sénibus, et iudícibus pópuli, et condemnáverunt eam ad mortem. Exclamávit autem voce magna Susánna, et dixit: Deus ætérne, qui absconditórum es cógnitor, qui nosti ómnia ántequam fiant, tu scis quóniam falsum testimónium tulérunt contra me: et ecce, mórior, cum nihil horum fécerim, quæ isti malitióse composuérunt advérsus me. Exaudivit autem Dóminus vocem eius. Cumque ducerétur ad mortem, suscitávit Dóminus spíritum sanctum púeri iunióris, cuius nomen Dániel. Et exclamávit voce magna: Mundus ego sum a ságuine huius. Et convérsus omnis pópulus ad eum, dixit: Quis est iste sermo, quem tu locútus es? Qui cum staret in médio eórum ait: Sic fátui, filii Israël, non iudicántes, neque quod verum est cognoscéntes, condemnástis filiam Israël? Revertímini ad iudícium, quia falsum testimónium locúti sunt advérsus eam. Revérsus est ergo pópulus cum festinátione. Et dixit ad eos Dániel: Separáte illos ab ínvicem procul, et diiudicábo eos. Cum ergo divísi essent alter ab áltero, vocávit unum de eis, et dixit ad eum: Inveteráte diérum malórum, nunc venérunt peccáta tua, quæ operabáris prius: iúdicans iudícia iniústa, innocéntes ópprimens, et dimíttens nóxios, dicénte Dómino: Innocéntem et iustum non interficies. Nunc ergo si vidísti eam, dic sub qua árbore víderis eos colloquéntes sibi. Qui ait: Sub schino. Dixit autem Dániel: Recte mentítus

es in caput tuum. Ecce enim, Angelus Dei, accépta senténtia ab eo, scindet te médium. Et, amóto eo, iussit veníre álium, et dixit ei: Semen Chánaan, et non Iuda, species decépit te, et concupiscéntia subvértit cor tuum: sic faciebátis filiábus Israël, et illæ timéntes loquebántur vobis: sed filia Iuda non sustínuit iniquitátem vestram. Nunc ergo dic mihi, sub qua árbore comprehénderis eos loquéntes sibi. Qui ait: Sub prino. Dixit autem ei Dániel: Recte mentítus es et tu in caput tuum: manet enim Angelus Dómini, gládium habens, ut secet te médium, et interficiat vos. Exclamávit itaque omnis cœtus voce magna, et benedixérunt Deum, qui salvat sperántes in se. Et consurrexérunt advérsus duos senióres (convícerat enim eos Dániel ex ore suo falsum dixísse testimónium), fecerúntque eis sicut male égerant advérsus próximam: et interfecerunt eos, et salvátus est sanguis innóxius in die illa.

Graduale Ps. 22, 4 Si ámbulem in médio umbræ mortis, non timébo mala: quóniam tu mecum es, Dómine. **V.** Virga tua, et báculo tuus, ipsa me consoláta sunt.

✠ Sequéntia sancti Evangélii scúndum Ioánnem.

Ioann. 8, 1-II

In illo témpore: Perréxit Iesus in montem Olivéti: et dilúculo íterum venit in templum, et omnis pópulus venit ad eum, et sedens docébat eos. Addúcunt autem scribæ et pharisæi mulierem in adultério deprehénsam: et statuérunt eam in médio, et dixerunt ei: Magíster, hæc múlter modo deprehénsa est in adultério. In lege autem Móyses mandávit nobis huiúsmodi lapidáre. Tu ergo quid dicis? Hoc autem dicébant tentántes eum, ut possent accusáre eum. Iesus autem

inclínans se deórsum, dígito scribébat in terra. Cum ergo perseverárent interrogántes eum, eréxit se, et dixit eis: Qui sine peccáto est vestrum, primus in illam lápidem mittat. Et íterum se inclínans, scribébat in terra. Audiéntes autem unus post unum exíbant, incipiéntes a senióribus: et remánsit solus Iesus, et múlter in médio stans. Erigens autem se Iesus, dixit ei: Múlter, ubi sunt, qui te accusábant? nemo te condemnávit? Quæ dixit: Nemo, Dómine. Dixit autem Iesus: Nec ego te condemnábo: Vade, et iam ámplius noli peccáre.

Antiphona ad Offertorium Ps. 118, 133 Gressus meos dírige secúndum elóquium tuum: ut non dominétur mei omnis iniustítia, Dómine.

Secreta

Concéde, quásumus, omnípotens Deus: ut huius sacrificií munus oblátum, fragilitátem nostram

ab omni malo purget semper, et múniat. Per Dóminum.

Præfatio de Quadragesima.

Antiphona ad Communionem Ioann. 8, 10 et 11 Nemo te condemnávit, múlter? Nemo, Dómine. Nec ego te condemnábo: iam ámplius noli peccáre.

Postcommunio

Quásumus, omnípotens Deus: ut inter eius membra numerémur, cuius córpori comunicámus, et sánguini: Qui tecum vivit.

Super populum: Orémus. Humiliáte cápita vestra Deo.

Oratio

Prætende, Dómine, fidélibus tuis dexteram cæléstis auxílii: ut te toto corde perquírant; et quæ digne póstulant, cónsequi mereántur. Per Dóminum.

DOMINICA IV IN QUADRAGESIMA

I classis

Statio ad S. Crucem in Ierusalem

Antiphona ad Introitum

Isai. 66, 10 et 11

Lætáre, Ierúsalem: et convéntum fácite, omnes qui dilígitis eam: gaudéte cum lætítia, qui in tristítia fuístis: ut exsultétis, et satiémmini ab ubéribus consolatiónis vestræ. **Ps. 121, 1** Lætátus sum in his, quæ dicta sunt mihi: in domum Dómini íbimus. **V.** Glória Patri.

Oratio

Concéde, quásumus, omnípotens Deus: ut, qui ex mérito nostræ actiúnis affligimur, tuæ grátiae consolatióne respirémus. Per Dóminum.

Lectio Epístolæ beáti Pauli Apóstoli ad Gálatas.

Gal. 4, 22-31

Fratres: Scriptum est: Quóniam Abraham duos filios hábuit: unum de ancílla, et unum de líbera. Sed qui de ancílla, secúndum carnem natus est: qui autem de líbera, per repromissióem: quæ sunt per allegóriam dicta. Hæc enim sunt duo testaménta. Unum quidem in monte Sina, in servitútem génerans: quæ est Agar: Sina enim mons est in Árábia, qui coniúctus est ei, quæ nunc est Ierúsalem, et servit cum filiis suis. Illa autem, quæ sursum est Ierúsalem, líbera est, quæ est mater nostra. Scriptum

est enim: Lætáre, stérilis, quæ non paris: erúmpe, et clama, quæ non párturis: quia multi filii desértæ, magis quam eius, quæ habet virum. Nos autem, fratres, secúndum Isaac promissiónis filii sumus. Sed quómodo tunc is, qui secúndum carnem natus fúerat, persequébatur eum, qui secúndum spíritum: ita et nunc. Sed quid dicit Scriptúra? Eice ancíllam et fílium eius: non enim heres erit fílius ancíllæ cum filio liberæ. Itaque, fratres, non sumus ancíllæ filii, sed liberæ: qua libertáte Christus nos liberávit.

Graduale Ps. 121, 1 et 7 Lætátus sum in his, quæ dicta sunt mihi: in domum Dómini íbimus. **V.** Fiat pax in virtúte tua: et abundántia in túrribus tuis.

Tractus Ps. 124, 1-2 Qui confidunt in Dómino, sicut mons Sion: non commovébitur in ætérnum, qui hábitat in Ierúsalem. **V.** Montes in circúitu eius: et Dóminus in circúitu pópuli sui, ex hoc nunc et usque in sæculum.

✠ Sequéntia sancti Evangélíi secúndum Ioánnem.

Ioann. 6, 1-15

In illo témpore: Abiit Iesus trans mare Galilææ, quod est Tiberíadis: et sequebátur eum multitúdo magna, quia vidébant signa, quæ faciébat super his, qui infirmabántur. Súbiit ergo in montem Iesus: et ibi sedébat cum discípulis suis. Erat autem próximum Pascha, dies festus Iudæórum. Cum sublevásset ergo óculos Iesus, et vidísset quia multitúdo máxima venit ad eum, dixit ad Philíppum: Unde emémus panes, ut mandúcent hi? Hoc autem dicébat tentans eum: ipse enim sciébat quid esset factúrus. Respóndit ei Philíppus: Ducentórum denariórum panes non sufficiunt eis, ut

unusquísque módicum quid accípiat. Dicit ei unus ex discípulis eius, Andréas frater Simónis Petri: Est puer unus hic, qui habet quinque panes hordeáceos, et duos pises: sed hæc quid sunt inter tantos? Dixit ergo Iesus: Fácite hómines discúmbere. Erat autem fænum multum in loco. Discubuérunt ergo viri, número quasi quinque mília. Accépit ergo Iesus panes, et cum grátias egísset, distríbuit discumbéntibus: simíliter et ex píscibus quantum volébant. Ut autem impléti sunt, dixit discípulis suis: Collígite quæ superavérunt fragmenta, ne péreant. Collegérunt ergo, et implevérunt duódecim cóphinos fragmentórum ex quinque pánibus hordeáceis, quæ superfuérunt his, qui manducáverant. Illi ergo hómines cum vidísset quod Iesus fécerat signum, dicébant: Quia hic est vere Prophéta, qui ventúrus est in mundum. Iesus ergo cum cognovísset, quia ventúri essent ut ráperent eum, et fácerent eum regem, fugit íterum in montem ipse solus.

Credo.

Antiphona ad Offertorium Ps. 134 3 et 6 Laudáte Dóminum, quia benígnus est: psállite nómini eius, quóniam suávis est: ómnia quæcúmque vóluit, fecit in cælo, et in terra.

Secreta

Sacrificiis præsentibus, Dómine, quæsumus, inténde placátus: ut et devotióni nostræ proficiant, et salúti. Per Dóminum.

Præfatio de Quadragesima.

Antiphona ad Communionem Ps. 121, 3-4 Ierúsalem, quæ ædificá-tur ut cívitas, cuius participátio eius in idípsum: illuc enim ascenderunt tribus, tribus Dómini, ad confiténdum nómini tuo, Dómine.

Postcommunio

Da nobis, quæsumus, miséricors Deus: ut sancta tua, quibus incessanter explémur, sincéris trac-témus obséquiiis, et fidéli semper mente sumámus. Per Dóminum.

FERIA SECUNDA

III classis

Statio ad Ss. Quatuor Coronatos

Antiphona ad Introitum

Ps. 53, 3-4

Deus, in nómine tuo salvum me fac, et in virtúte tua libera me: Deus, exáudi oratióem meam: áuribus pèrcipe verba oris mei. **Ps. ibid., 5** Quóniam aliéni insurrexérunt in me: et fortes quæsiérunt ánimam meam. **V.** Gló-ria Patri.

Oratio

Præsta, quæsumus, omnipotens Deus: ut observatiónes sacras ánnua devotióne recoléntes, et córpore tibi placeámus, et mente. Per Dóminum.

Lectio libri Regum.

3 Reg. 3, 16-28

In diébus illis: Venérunt duæ mulieres meretrices ad regem Salomónem, steterúntque coram eo, quarum una ait: Obsecro, mi dómine: ego et múlter hęc habitabá-mus in domo una, et péperi apud eam in cubículo. Tértia autem die postquam ego péperi, péperit et hęc: et erámus simul, nullúsque álius nobíscum in domo, excéptis nobis duábus. Mórtuus est autem filius mulieris huius nocte: dór-miens quippe opprèssit eum. Et consúrgens intempéstæ noctis si-léntio, tulit filium meum de látere meo ancillæ tuæ dormiéntis, et collocávit in sinu suo: suum autem filium, qui erat mórtuus, pósuit in sinu meo. Cumque surrexissem mane, ut darem lac filio meo, ap-

páruit mórtuus: quem diligéntius íntuens clara luce, deprehéndi non esse meum, quem genúeram. Re-spondítque áltera múlter: Non est ita ut dicis, sed filius tuus mórtuus est, meus autem vivit. E contráριο illa dicébat: Mentíris: filius quippe meus vivit, et filius tuus mórtuus est. Atque in hunc modum conten-débant coram rege. Tunc rex ait: Hęc dicit: Fílius meus vivit, et filius tuus mórtuus est. Et ista re-spóndit: Non, sed filius tuus mór-tuus est, meus autem vivit. Dixit ergo rex: Afférte mihi gládium. Cumque attulíssent gládium coram rege: Divídite, inquit, infántem vi-vum in duas partes, et date dimí-diam partem uni, et dimídiam par-tem álteri. Dixit autem múlter, cuius filius erat vivus, ad regem (commóta sunt quippe víscera eius super filio suo): Obsecro, dómine, date illi infántem vivum, et nolíte interficere eum. E contráριο illa dicébat: Nec mihi, nec tibi sit, sed dividátur. Respóndit rex, et ait: Date huic infántem vivum, et non occidátur: hęc est enim mater eius. Audívit itaque omnis Israél iudí-cium, quod iudicásset rex, et timuérunt regem, vidéntes sapién-tiam Dei esse in eo ad faciéndum iudícium.

Graduale Ps. 30, 3 Esto mihi in Deum protectórem, et in locum refúgii, ut salvum me fácias. **V. Ps. 70, 1** Deus, in te sperávi: Dómine, non confúndar in ætérnum.

Tractus Ps. 102, 10 Dómine, non secúndum peccáta nostra, quæ féci-mus nos: neque secúndum iniqui-tátes nostras retríbuas nobis. **V. Ps. 78, 8-9** Dómine, ne memíneris iniquitátum nostrárum antiquá-rum: cito antícipent nos misericór-diæ tuæ, quia páuperes facti sumus nimis. **(Hic genuflectitur)** **V.** Adiuva nos, Deus salutáris noster: et prop-ter glóriam nóminis tui, Dómine,

libera nos: et propitius esto peccatis nostris, propter nomen tuum.

✠ Sequéntia sancti Evangélíi secúndum Ioánnem.

Ioann. 2, 13-25

In illo témpore: Prope erat Pascha Iudæórum, et ascéndit Iesus Ierosólymam: et invénit in templo vendéntes boves, et oves, et colúmbas, et nummulários sedéntes. Et cum fecisset quasi flagéllum de funículis, omnes eiécit de templo, oves quoque, et boves, et nummulariórum effúdit æs, et mensas subvértit. Et his, qui colúmbas vendébant, dixit: Auférte ista hinc, et nolíte fácere domum Patris mei, domum negotiatiónis. Recordáti sunt vero discípuli eius, quia scriptum est: Zelus domus tuæ comédit me. Respondérunt ergo Iudæi, et dixerunt ei: Quod signum osténdis nobis, quia hæc facis? Respóndit Iesus, et dixit eis: Sólvite templum hoc, et in tribus diébus excitábo illud. Dixerunt ergo Iudæi: Quadraginta et sex annis ædificátum est templum hoc, et tu in tribus diébus excitábis illud? Ille autem dicébat de templo córporis sui. Cum ergo resurrexisset a mórtuis, recordáti sunt discípuli eius, quia hoc dicébat, et credidérunt Scriptúráe, et sermóni, quem dixit Iesus. Cum autem esset Ierosólymis in Pascha in die festo, multi credidérunt in nómine eius, vidéntes signa eius, quæ faciébat. Ipse autem Iesus non credébat semetípsum eis, eo quod ipse nosset omnes, et quia opus ei non erat, ut quis testimónium perhibéret de hómine: ipse enim sciébat, quid esset in hómine.

Antiphona ad Offertorium Ps. 99, 1-2 Iubiláte Deo, omnis terra, servíte Dómino in lætítia: intráte in conspéctu eius in exsultatióne: quia Dóminus ipse est Deus.

7 MISSALE ROM.

Secreta

Oblátum tibi, Dómine, sacrificium vivíficet nos semper, et múníat. Per Dóminum.

Præfatio de Quadragesima.

Antiphona ad Communionem

Ps. 18, 13 et 14 Ab occúltis meis munda me, Dómine: et ab aliénis parce servo tuo.

Postcommunio

Sumptis, Dómine, salutáribus sacraméntis: ad redemptiόνis ætérnæ, quæsumus, proficiámus augméntum. Per Dóminum.

Super populum: Orémus. Humiliáte cápita vestra Deo.

Oratio

Deprecatióem nostram, quæsumus, Dómine, benígnus exáudi: et quibus supplicándi præstas afféctum, tríbe defensiónis auxílium. Per Dóminum.

FERIA TERTIA

III classis

Statio ad S. Laurentium
in Damaso

Antiphona ad Introitum

Ps. 54, 2-3

Exáudi, Deus, oratióem meam, et ne despéxeris deprecatióem meam: inténde in me, et exáudi me. **Ps. ibid., 3-4** Contristátus sum in exercitatióne mea: et conturbátus sum a voce inimíci, et a tribulatióne peccatóris. **V.** Glória Patri.

Oratio

Sacræ nobis, quæsumus, Dómine, observatiónis ieiúnia: et piæ conversatiónis augméntum, et tuæ propitiatiónis contínuum præstent auxílium. Per Dóminum.

Léctio libri Exodi.

Exodi 32, 7-14

In diébus illis: Locútus est Dóminus ad Móysen, dicens: Descénde

de monte: peccávit pópulus tuus, quem eduxísti de terra Ægýpti. Recessérunt cito de via, quam ostendísti eis: fecerúntque sibi vítulum conflátilem, et adoravérunt, atque immolántes ei hóstias, dixerunt: Isti sunt dii tui Israë́l, qui te eduxérunt de terra Ægýpti. Rursúmque ait Dóminus ad Móysen: Cerno quod pópulus iste duræ cervícis sit: dímítte me, ut irascátur furor meus contra eos, et déleam eos, faciámque te in gentem magnam. Móyses autem orábat Dóminum Deum suum, dicens: Cur, Dómine, iráscitur furor tuus contra pópulum tuum, quem eduxísti de terra Ægýpti, in fortitú-dine magna, et in manu robústa? Ne quæso dicant Ægýptii: Cállide edúxit eos, ut interficeret in móntibus, et deléret e terra: quiéscat ira tua, et esto placábilis super nequítia pópuli tui. Recordáre Abraham, Isaac, et Israë́l servórum tuórum, quibus iurásti per temetípsum, dicens: Multiplicábo semen vestrum sicut stellas cæli: et univérsam terram hanc, de qua locutus sum, dabo sémini vestro, et possidébitis eam semper. Placátusque est Dóminus, ne fáceret malum, quod locú-tus fúerat advérsus pópulum suum.

Graduale Ps. 43, 26 et 2 Exsúrge, Dómine, fer opem nobis: et libera nos propter nomen tuum. **V.** Deus, áuribus nostris audívimus: et patres nostri annuntiavérunt nobis opus, quod operátus es in diébus eórum, et in diébus antíquis.

✠ **Sequéntia sancti Evangé-lii se-cúndum Ioánnem.**

Ioann. 7, 14-31

In illo témpore: Iam die festo mé-diante, ascéndit Iesus in tem-plum, et docébat. Et mirabántur Iudæi, dicéntes: Quómodo hic lí-teras scit, cum non didícerit? Re-spóndit eis Iesus, et dixit: Mea doctrína non est mea, sed eius, qui

misit me. Si quis volúerit voluntá-tem eius fácere, cognóscet de doc-trína, utrum ex Deo sit, an ego a meípso loquar. Qui a semetípso lóquitur, glóriam próp-riam quærit. Qui autem quærit glóriam eius, qui misit eum, hic verax est, et in-iustítia in illo non est. Nonne Móy-ses dedit vobis legem: et nemo ex vobis facit legem? quid me quæritis interficere? Respóndit turba, et dixit: Dæmónium habes: quis te quærit interficere? Respóndit Iesus, et dixit eis: Unum opus feci, et omnes mirámini. Proptérea Móyses dedit vobis circumcisió-nem (non quia ex Móyse est, sed ex pátri-bus): et in sábbato circumcíditis hóminem. Si circumcisió-nem ácci-pit homo in sábbato, ut non solvá-tur lex Móysi: mihi indignámini, quia totum hóminem sanum feci in sábbato? Nolíte iudicá-re secún-dum fáciem, sed iustum iudícium iudicáte. Dicébant ergo quidam ex Ierosólymis: Nonne hic est, quem quæ-runt interficere? Et ecce, palam lóquitur, et nihil ei dicunt. Num-quid vere cognovérunt príncipes, quia hic est Christus? Sed hunc scimus, unde sit: Christus autem, cum vénerit, nemo scit, unde sit. Clamábat ergo Iesus in templo do-cens, et dicens: Et me scitis, et unde sim, scitis, et a meípso non veni, sed est verus, qui misit me, quem vos nescítis. Ego scio eum, quia ab ipso sum, et ipse me misit. Quæré-bant ergo eum apprehéndere: et nemo misit in illum manus, quia nondum vénerat hora eius. De turba autem multi credidérunt in eum.

Antiphona ad Offertorium Ps. 39, 2, 3 et 4 Exspéctans expectávi Dó-minum, et respéxit me: et exaudívit deprecatió-nem meam: et immísit in os meum cánticum novum, hym-num Deo nostro.

Secreta

Hæc hóstia, Dómine, quæsumus, emúndet nostra delícta: et ad

sacrificium celebrándum, subditórum tibi córpora, mentésque sanctificet. Per Dóminum.

Præfatio de Quadragesima.

Antiphona ad Communionem
Ps. 19, 6 Lætábimur in salutári tuo:
et in nómine Dómini Dei nostri
magnificábimur.

Postcommunio

Huius nos, Dómine, percéptio sacraménti mundet a crímīne: et ad cæléstia regna perdúcat. Per Dóminum.

Super populum: Orémus. Humiliáte cápita vestra Deo.

Oratio

Miserére, Dómine, pópulo tuo: et contínuis tribulatióibus laborántem, propítius respiráre concéde. Per Dóminum.

FERIA QUARTA

III classis

Statio ad S. Paulum

Antiphona ad Introitum

Ezech. 36, 23-26

Cum sanctificátus fúero in vobis, congregábo vos de univérſis terris: et effúndam super vos aquam mundam, et mundabímīni ab ómnibus inquinaméntis vestris: et dabo vobis spíritum novum. Ps. 33, 2 Benedicam Dóminum in omni témpore: semper laus eius in ore meo. V. Glória Patri.

Post Kýrie, eléison, **dicitur:** Orémus. Flectámus gēnua. Leváte.

Oratio

Deus, qui et iustis præmia meritórum, et peccatóribus per ieiúnium véniam præbes: miserére supplicibus tuis: ut reátus nostri conféssio, indulgéntiam váleat percípere delictórum. Per Dóminum.

Præcedens oratio sine Flectámus gēnua sumitur ad commemorándam hanc feriam quartam.

Léctio Ezechiélis Prophétæ.

Ezech. 36, 23-28

Hæc dicit Dóminus Deus: Sanctificábo nomen meum magnum, quod pollútum est inter gentes, quod polluístis in médio eárum: ut sciant gentes, quia ego Dóminus, cum sanctificátus fúero in vobis coram eis. Tollam quippe vos de géntibus, et congregábo vos de univérſis terris, et addúcam vos in terram vestram. Et effúndam super vos aquam mundam, et mundabímīni ab ómnibus inquinaméntis vestris, et ab univérſis idólis vestris mundábo vos. Et dabo vobis cor novum, et spíritum novum ponam in médio vestri: et áuferam cor lapídeum de carne vestra, et dabo vobis cor cárneum. Et spíritum meum ponam in médio vestri: et fáciam ut in præcéptis meis ambulétis, et iudícia mea custodiátis et operémīni. Et habitábitis in terra, quam dedi pátribus vestris: et éritis mihi in pópulum, et ego ero vobis in Deum: dicit Dóminus omnípotens.

Graduale Ps. 33, 12 et 6 Veníte, filii, audíte me: timórem Dómini docébo vos. V. Accédite ad eum, et illuminámīni: et fácies vestræ non confundéntur.

Hic dicitur V. Dóminus vobíscum, **sine** Flectámus gēnua.

Orémus.

Oratio

Præsta, quæsumus, omnípotens Deus: ut, quos ieiúnia votíva castigant, ipsa quoque devótio sancta lætíficet; ut, terrénis afféctibus mitigátis, facílius cæléstia capiámus. Per Dóminum.

Et dicuntur aliæ orationes forte occurrentes.

Lectio Isaïæ Prophætæ.

Isai. 1, 16-19

Hæc dicit Dóminus Deus: Lavámini, mundi estóte, auférte malum cogitatónum vestrárum ab óculis meis: quiéscite ágere perversé, díscite benefácere: quárite iudícium, subveníte opprésso, iudicáte pupíllo, deféndite víduam. Et veníte, et argúite me, dicit Dóminus: si fúerint peccáta vestra ut cóccinum, quasi nix dealbabúntur: et si fúerint rubra quasi vermículus, velut lana alba erunt. Si volúeritis, et audieritis me, bona terræ comedétis: dicit Dóminus omnípotens.

Graduale Ps. 32, 12 et 6 Beáta gens, cuius est Dóminus Deus eórum: pópulus, quem elégit Dóminus in hereditátem sibi. **V.** Verbo Dómini cæli firmáti sunt: et spírиту oris eius omnis virtus eórum.

Tractus Ps. 102, 10 Dómine, non secúndum peccáta nostra, quæ fécimus nos: neque secúndum iniquitátes nostras retríbuas nobis. **V. Ps. 78, 8-9** Dómine, ne memíneris iniquitátum nostrárum antiquárum: cito antícipent nos misericórdiæ tuæ, quia páuperes facti sumus nimis. **(Hic genuflectitur) V.** Aduva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

✠ Sequéntia sancti Evangélíi secúndum Ioánnem.

Ioann. 9, 1-38

In illo témpore: Prætériens Iesus vidit hóminem cæcum a nativité; et interrogavérunt eum discípuli eius: Rabbi, quis peccávit, hic, aut paréntes eius, ut cæcus nascerétur? Respóndit Iesus: Neque hic peccávit, neque paréntes eius: sed ut manifesténtur ópera Dei in illo. Me opórtet operári ópera eius, qui

misit me, donec dies est: venit nox, quando nemo potest operári. Quámdu sum in mundo, lux sum mundi. Hæc cum dixisset, éxspuit in terram, et fecit lutum ex sputo, et linívit lutum super óculos eius, et dixit ei: Vade, lava in natatória Síloë (quod interpretátur Missus). Abiit ergo, et lavit, et venit videns. Itaque vicíni, et qui víderant eum prius, quia mendícus erat, dicébant: Nonne hic est, qui sedébat, et mendicábat? Alii dicébant: Quia hic est. Alii autem: Nequáquam, sed símilis est ei. Ille vero dicébat: Quia ego sum. Dicébant ergo ei: Quómodo apérti sunt tibi óculi? Respóndit: Ille homo, qui dícitur Iesus, lutum fecit, et unxit óculos meos, et dixit mihi: Vade ad natatória Síloë, et lava. Et ábii, lavi, et vídeo. Et dixerunt ei: Ubi est ille? Ait: Nescio. Addúcunt eum ad pharisæos, qui cæcus fúerat. Erat autem sábbatum, quando lutum fecit Iesus, et apérui óculos eius. Iterum ergo interrogábant eum pharisæi, quómodo vidísset. Ille autem dixit eis: Lutum mihi pósuit super óculos, et lavi, et vídeo. Dicébant ergo ex pharisæis quidam: Non est hic homo a Deo, qui sábbatum non custódit. Alii autem dicébant: Quómodo potest homo peccátor hæc signa fácere? Et schisma erat inter eos. Dicunt ergo cæco íterum: Tu quid dicis de illo, qui apérui óculos tuos? Ille autem dixit: Quia prophéta est. Non credidérunt ergo Iudæi de illo, quia cæcus fuísset, et vidísset, donec vocavérunt paréntes eius, qui víderat: et interrogavérunt eos, dicéntes: Hic est filius vester, quem vos dícitis, quia cæcus natus est? Quómodo ergo nunc videt? Respondérunt eis paréntes eius, et dixerunt: Scimus, quia hic est filius noster, et quia cæcus natus est: quómodo autem nunc vídeat, nescimus: aut quis eius apérui óculos, nos nescimus: ipsum interrogáte, ætá-

tem habet, ipse de se loquatur. Hæc dixerunt parentes eius, quoniam timebant Iudæos: iam enim conspiraverant Iudæi, ut si quis eum confiteretur esse Christum, extra synagogam fieret. Propterea parentes eius dixerunt: Quia ætatem habet, ipsum interrogate. Vocaverunt ergo rursum hominem, qui fuerat cæcus, et dixerunt ei: Da gloriam Deo. Nos scimus quia hic homo peccator est. Dixit ergo eis ille: Si peccator est, nescio: unum scio, quia cæcus cum essem, modo video. Dixerunt ergo illi: Quid fecit tibi? quomodo aperuit tibi oculos? Respondit eis: Dixi vobis iam, et audistis: quid iterum vultis audire? Numquid et vos vultis discipuli eius fieri? Maledixerunt ergo ei, et dixerunt: Tu discipulus illius sis: nos autem Móysi discipuli sumus. Nos scimus quia Móysi locutus est Deus: hunc autem nescimus unde sit. Respondit ille homo, et dixit eis: In hoc enim mirabile est, quia vos nescitis unde sit, et aperuit meos oculos: scimus autem quia peccatores Deus non audit: sed, si quis Dei cultor est, et voluntatem eius facit, hunc exaudit. A sæculo non est auditum, quia quis aperuit oculos cæci nati. Nisi esset hic a Deo, non póterat facere quidquam. Respondérunt, et dixerunt ei: In peccatis natus es totus, et tu doces nos? Et eiecérunt eum foras. Audívit Iesus quia eiecérunt eum foras, et cum invenisset eum, dixit ei: Tu credis in Fílium Dei? Respondit ille, et dixit: Quis est, Dómine, ut credam in eum? Et dixit ei Iesus: Et vidísti eum, et qui loquitur tecum, ipse est. At ille ait: Credo, Dómine. **(Hic genuflectitur)** Et pròcidens adorávit eum.

Antiphona ad Offertorium Ps. 65, 8-9 et 20 Benedícite, gentes, Dóminus Deum nostrum, et obaudíte vocem laudis eius: qui pósuit ánimam meam ad vitam, et non

dedit commoveri pedes meos: benedíctus Dóminus, qui non amóvit deprecationem meam, et misericórdiam suam a me.

Secreta

Súpplíces te rogámus, omnípotens Deus: ut his sacrificiis peccáta nostra mundéntur; quia tunc veram nobis tríbuis et mentis et córporis sanitátem. Per Dóminum.

Præfatio de Quadragesima.

Antiphona ad Communionem Ioann. 9, 11 Lutum fecit ex sputo Dóminus, et linívit oculos meos: et ábii, et lavi, et vidi, et crédidi Deo.

Postcommunio

Sacraménta, quæ sumpsimus, Dómine Deus noster: et spirítuálibus nos répleant aliméntis, et corporálibus tueántur auxiliis. Per Dóminum.

Super populum: Orémus. Humiliáte cápita vestra Deo.

Oratio

Páteant aures misericórdiæ tuæ, Dómine, précibus supplicántium: et, ut peténtibus desideráta concédas; fac eos, quæ tibi sunt plácita, postuláre. Per Dóminum.

FERIA QUINTA

III classis

Statio ad Ss. Silvestrum
et Martinum

Antiphona ad Introitum

Ps. 104, 3-4

Lætétur cor quæréntium Dóminum: quærite Dóminum, et confirmámini: quærite faciém eius semper. **Ps. ibid., 1** Confitémini Dómino, et invocáte nomen eius: annuntiáte inter gentes ópera eius. **V.** Glória Patri.

Oratio

Præsta, quæsumus, omnipotens Deus: ut, quos ieiúnia votíva castigant, ipsa quoque devótio sancta lætíficet; ut, terrénis afféctibus mitigátis, facílius cæléstia capiámus. Per Dóminum.

Léctio libri Regum.

4 Reg. 4, 25-38

In diébus illis: Venit múlter Sunamítis ad Eliséum in montem Carméli: cumque vidísset eam vir Dei e contra, ait ad Giézi púerum suum: Ecce Sunamítis illa. Vade ergo in occúrsum eius, et dic ei: Recte ne ágitur circa te, et circa virum tuum, et circa filium tuum? Quæ respóndit: Recte. Cumque venísset ad virum Dei in montem, apprehéndit pedes eius: et accéssit Giézi ut amovéret eam. Et ait homo Dei: Dimítte illam: ánima enim eius in amaritúdine est, et Dóminus celávit a me, et non indicávit mihi. Quæ dixit illi: Numquid petívi filium a dómno meo? Numquid non dixi tibi: Ne illúdas me? Et ille ait ad Giézi: Accínge lumbos tuos, et tolle báculum meum in manu tua, et vade. Si occurrerit tibi homo, non salútes eum: et si salutáverit te quispiam, non respóndes illi: et pones báculum meum super faciém púeri. Porro mater púeri ait: Vivit Dóminus, et vivit ánima tua, non dimíttam te. Surréxit ergo, et secútus est eam. Giézi autem præcésserat ante eos, et posúerat báculum super faciém púeri, et non erat vox, neque sensus: reversúsque est in occúrsum eius, et nuntiávit ei, dicens: Non surréxit puer. Ingréssus est ergo Eliséus domum, et ecce, puer mórtuus iacébat in léctulo eius: ingressúsque clausit óstium super se, et super púerum: et orávit ad Dóminum. Et ascéndit, et incúbuit super púerum: posuítque os suum super os eius, et óculos suos

super óculos eius, et manus suas super manus eius: et incurvávit se super eum: et calefácta est caro púeri. At ille revérsus, deambulávit in domo, semel huc atque illuc: et ascéndit et incúbuit super eum: et oscitávit puer sépties, aperuítque óculos. At ille vocávit Giézi, et dixit ei: Voca Sunamítidem hanc. Quæ vocáta ingrèssa est ad eum. Qui ait: Tolle filium tuum. Venit illa, et córruit ad pedes eius, et adorávit super terram: tulítque filium suum, et egrèssa est, et Eliséus revérsus est in Gálgala.

Graduale Ps. 73, 20, 19 et 22
Réspice, Dómine, in testaméntum tuum: et ánimas páuperum tuórum ne obliviscáris in finem. **¶** Exsúrge, Dómine, iúdica causam tuam: memor esto oppróbrii servórum tuórum.

✠ Sequéntia sancti Evangélíi secúndum Lucam.

Luc. 7, 11-16

In illo témpore: Ibat Iesus in civitátem, quæ vocátur Naim: et ibant cum eo discípuli eius, et turba copiósa. Cum autem appropinquáret portæ civitátis, ecce, defúctus efferebátur filius única matris suæ: et hæc vídua erat, et turba civitátis multa cum illa. Quam cum vidísset Dóminus, misericórdia motus super eam, dixit illi: Noli flere. Et accéssit, et tétigit lóculum. (Hi autem, qui portábant, stetérunt). Et ait: Aduléscens, tibi dico, surge. Et resédit qui erat mórtuus, et cœpit loqui. Et dedit illum matri suæ. Accépit autem omnes timor: et magnificábant Deum, dicéntes: Quia prophéta magnus surréxit in nobis: et quia Deus visitávit plebem suam.

Antiphona ad Offertorium Ps. 69, 2, 3 et 4 Dómine, ad adiuvándum me festína: confundántur omnes, qui cógitant servis tuis mala.

Secreta

Purifica nos, miséricors Deus: ut Ecclesiæ tuæ preces, quæ tibi gratæ sunt, pia mûnera deferentes, fiant expiatis méntibus gratiôres. Per Dóminum.

Præfatio de Quadragesima.

Antiphona ad Communionem

Ps. 70, 16-17 et 18 Dómine, memorabor iustitiæ tuæ solius: Deus, docuisti me a iuventute mea: et usque in senectam et sénium, Deus, ne derelinquas me.

Postcommunio

Cæléstia dona capiéntibus, quæsumus, Dómine: non ad iudicium provenire patiáris, quæ fide libus tuis ad remédium providisti. Per Dóminum.

Super populum: Orémus. Humiliáte cápita vestra Deo.

Oratio

Pópuli tui, Deus, institutor et rector, peccata quibus impugnatur, expelle: ut semper tibi placitus et tuo munimine sit securus. Per Dóminum.

FERIA SEXTA

III classis

Statio ad S. Eusebium

Antiphona ad Introitum

Ps. 18, 15

Meditatio cordis mei in conspectu tuo semper: Dómine, adiutor meus, et redemptor meus. **Ps. ibid., 2** Cæli enarrant glóriam Dei: et ópera manuum eius annúnciat firmaméntum. **V.** Glória Patri.

Oratio

Deus, qui ineffabilibus mundum renovas sacraméntis: præsta, quæsumus; ut Ecclesiá tua et æternis proficiat institútis, et temporalibus non destituátur auxiliis. Per Dóminum.

Lectio libri Regum.

3 Reg. 17, 17-24

In diébus illis: Ægrotávit filius mulieris matrisfamilias, et erat languor fortissimus, ita ut non remaneret in eo hálitus. Dixit ergo ad Eliám: Quid mihi et tibi, vir Dei? Ingressus es ad me, ut rememorarentur iniquitates meæ, et interficeres filium meum? Et ait ad eam Eliás: Da mihi filium tuum. Tulítque eum de sinu eius, et portávit in cenáculum ubi ipse manebat, et pósuit super lectulum suum, et clamávit ad Dóminum, et dixit: Dómine, Deus meus, étiam ne víduam, apud quam ego utcúmque sustentor, afflixisti, ut interficeres filium eius? Et expándit se, atque mensus est super púerum tribus vícibus, et clamávit ad Dóminum, et ait: Dómine, Deus meus, revertátur, óbsecro, ánima púeri huius in víscera eius. Et exaudivit Dóminus vocem Eliæ: et revérse est ánima púeri intra eum, et revíxit. Tulítque Eliás púerum, et depósuit eum de cenáculo in inferiorem domum, et trádedit matri suæ, et ait illi: En, vivit filius tuus. Dixítque mulier ad Eliám: Nunc in isto cognóvi, quóniam vir Dei es tu, et verbum Dómini in ore tuo verum est.

Graduale Ps. 117, 8-9 Bonum est confidere in Dómino, quam confidere in hómine. **V.** Bonum est speráre in Dómino, quam speráre in princípibus.

Tractus Ps. 102, 10 Dómine, non secúndum peccata nostra, quæ fécimus nos: neque secúndum iniquitates nostras retríbuas nobis. **V. Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis. **(Hic genuflectitur)** **V.** Aduva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

✠ Sequéntia sancti Evangélíi secúndum Ioánnem.

Ioann. 11, 1-45

In illo témpore: Erat quidam languens Lázarus a Bethánia, de castélló Maríæ, et Marthæ soróris eius. (María autem erat, quæ unxit Dóminum unguénto, et extérsit pedes eius capíllis suis: cuius frater Lázarus infirmabátur). Misérunt ergo soróres eius ad eum, dicéntes: Dómine, ecce, quem amas infirmátur. Audiens autem Iesus, dixit eis: Infirmitas hæc non est ad mortem, sed pro glória Dei, ut glorificétur Fílius Dei per eam. Diligébat autem Iesus Martham, et sorórem eius Maríam, et Lázarum. Ut ergo audívit, quia infirmabátur, tunc quidem mansit in eódem loco duóbus diébus. Deínde post hæc dixit discíplis suis: Eámus in Iudæam íterum. Dicunt ei discípuli: Rabbi, nunc quærébant te Iudæi lapidáre, et íterum vadis illuc? Respóndit Iesus: Nonne duódecim sunt horæ diéi? Si quis ambuláverit in die, non offéndit, quia lucem huius mundi videt: si autem ambuláverit in nocte, offéndit, quia lux non est in eo. Hæc ait, et post hæc dixit eis: Lázarus amícus noster dormit: sed vado, ut a somno éxcitem eum. Dixérunt ergo discípuli eius: Dómine, si dormit, salvus erit. Díxerat autem Iesus de morte eius: illi autem putavérunt, quia de dormitióne somni diceret. Tunc ergo Iesus dixit eis maniféste: Lázarus mórtuus est: et gáudeo propter vos, ut credátis, quóniam non eram ibi: sed eámus ad eum. Dixit ergo Thomas, qui dícitur Dídymus, ad condiscípulos: Eámus et nos, ut moriámur cum eo. Venit ítaque Iesus, et invénit eum quátuor dies iam in monuménto habéntem. (Erat autem Bethánia iuxta Ierosólymam quasi stádiis quíndecim). Multi autem ex Iudæis vénerant ad Martham, et Maríam, ut consolaréntur eas de

fratre suo. Martha ergo, ut audívit quia Iesus venit, occúrrit illi: María autem domi sedébat. Dixit ergo Martha ad Iesum: Dómine, si fuísset hic, frater meus non fuísset mórtuus: sed et nunc scio, quia quacúmque popósceris a Deo, dabit tibi Deus. Dicit illi Iesus: Resúrget frater tuus. Dicit ei Martha: Scio quia resúrget in resurrectione in novíssimo die. Dixit ei Iesus: Ego sum resurrectio, et vita: qui credit in me, étiam si mórtuus fúerit, vivet: et omnis, qui vivit, et credit in me, non moriétur in ætérnum. Credis hoc? Ait illi: Utique, Dómine, ego crédidi, quia tu es Christus Fílius Dei vivi, qui in hunc mundum venísti. Et cum hæc dixísset, ábiit, et vocávit Maríam sorórem suam siléntio, dicens: Magíster adest, et vocat te. Illa ut audívit, surgit cito, et venit ad eum: nondum enim vénerat Iesus in castéllum: sed erat adhuc in illo loco, ubi occúrrerat ei Martha. Iudæi ergo, qui erant cum ea in domo et consolabántur eam, cum vidíssent Maríam, quia cito surréxit, et éxiit, secúti sunt eam, dicéntes: Quia vadit ad monuméntum, ut ploret ibi. María ergo, cum venísset ubi erat Iesus, videns eum, cécidit ad pedes eius, et dicit ei: Dómine, si fuísset hic, non esset mórtuus frater meus. Iesus ergo, ut vidit eam plorántem, et Iudæos, qui vénerant cum ea, plorántes, infrémuit spírítu, et turbávit seípsum, et dixit: Ubi posuístis eum? Dicunt ei: Dómine, veni, et vide. Et lacrimátus est Iesus. Dixérunt ergo Iudæi: Ecce quómodo amábat eum. Quidam autem ex ipsis dixérunt: Non póterat hic, qui apéruit óculos cæcí nati, fácere ut hic non morerétur? Iesus ergo rursum fremens in semetípso, venit ad monuméntum. Erat autem spelúnca, et lapis superpósitus erat ei. Ait Iesus: Tóllite lápidem. Dicit ei Martha soror eius, qui

mórtuus fúerat: Dómine, iam foetet, quatríduanus est enim. Dicit ei Iesus: Nonne dixi tibi, quóniam si credíderis, vidébis glóriam Dei? Tulérunt ergo lápidem: Iesus autem, elevátis sursum óculis, dixit: Pater, grátias ago tibi, quóniam audísti me. Ego autem sciébam, quia semper me audis, sed propter pópulum, qui circúmstat, dixi: ut credant, quia tu me misísti. Hæc cum dixisset, voce magna clamávit: Lázare, veni foras. Et statim pródiit, qui fúerat mórtuus, ligátus pedes et manus ínstitis, et fácies illíus sudário erat ligáta. Dixit eis Iesus: Sól-vite eum, et sínite abíre. Multi ergo ex Iudáeis, qui vénerant ad Mariám, et Martham, et víderant quæ fecit Iesus, credidérunt in eum.

Antiphona ad Offertorium Ps. 17, 28 et 32 Pópulum húmilem salvum fácies, Dómine, et óculos superbórum humiliábis: quóniam quis Deus præter te, Dómine?

Secreta

Múnera nos, Dómine, quæsumus, obláta puríficent: et te nobis iúgiter fáciant esse placátum. Per Dóminum.

Præfatio de Quadragesima.

Antiphona ad Communionem Ioann. 11, 33, 35, 43, 44 et 39 Videns Dóminus flentes soróres Lázari ad monuméntum, lacrimátus est coram Iudáeis, et exclamávit: Lázare, veni foras: et pródiit ligátis máni-bus et pédibus, qui fúerat quatríduanus mórtuus.

Postcommunio

Hæc nos, quæsumus, Dómine, participátio sacraménti: et a propriis reátibus indesinénter expédiat, et ab ómnibus tueátur advérsis. Per Dóminum.

Super populum: Orémus. Humiliáte cápita vestra Deo.

Oratio

Da nobis, quæsumus, omnípotens Deus: ut, qui infirmitátis nostræ cónscii, de tua virtúte confidimus, sub tua semper pietáte gaudeámus. Per Dóminum.

SABBATO

III classis

Statio ad S. Nicolaum
in Carcere

Missa, in qua hoc sabbato Ordines conferuntur, dicenda est de sabbato, etiam festo I vel II classis occurrente, et in ea additur oratio ritualis « In collatione Ordinum » (63), sub unica conclusione cum oratione Missæ, et omittuntur omnes commemorationes, nisi sint privilegiatæ.

Antiphona ad Introitum

Isai. 55, 1

Sitiéntes, veníte ad aquas, dicit Dóminus: et qui non habétis prétium, veníte, et bíbite cum lætítia. **Ps. 77, 1** Atténdite, pópule meus, legem meam: inclináte aurem vestram in verba oris mei. **¶** Glória Patri.

Oratio

Fiat, Dómine, quæsumus, per grátiam tuam fructuósus nostræ devotiónis afféctus: quia tunc nobis próderunt suscep-ta ieiúnia, si tuæ sint plácita pietáti. Per Dóminum.

Léctio Isaíæ Prophétæ.

Isai. 49, 8-15

Hæc dicit Dóminus: In témpore plácito exaudivi te, et in die salutis auxiliátus sum tui: et servávi te, et dedi te in foedus pópuli, ut suscitáres terram, et possidéres hereditátes dissipátas: ut díceres his, qui vincti sunt: Exíte: et his, qui in ténebris: Revelámini. Super vias pascéntur, et in ómnibus planis

pásqua eórum. Non esúrient, neque sítient, et non percútiet eos æstus et sol: quia miserátor eórum reget eos, et ad fontes aquárum potábit eos. Et ponam omnes montes meos in viam, et sémitæ meæ exaltábuntur. Ecce, isti de longe vénient, et ecce, illi ab aquilóne et mari, et isti de terra austráli. Laudáte, cæli, et exsúlta, terra, iubiláte, montes, laudem: quia consolátus est Dóminus pópulum suum, et páuperum suórum miserébitur. Et dixit Sion: Derelíquit me Dóminus, et Dóminus oblítus est mei. Numquid oblivísci potest múlter infántem suum, ut non misereátur filio úteri sui? et si illa oblíta fúerit, ego tamen non oblivíscar tui, dicit Dóminus omnípotens.

Graduale Ps. 9, 14 et 1-2 Tibi, Dómine, derelíctus est pauper: pupíllo tu eris adiútor. **V.** Ut quid, Dómine, recessísti longe, déspicis in opportunitátibus, in tribulatióne? dum superbit ímpius, incendi-tur pauper.

✠ Sequéntia sancti Evangélíi secúndum Ioánnem.

Ioann. 8, 12-20

In illo témpore: Locútus est Iesus turbis Iudæórum, dicens: Ego sum lux mundi: qui séquitur me, non ámbulat in ténebris, sed habébit lumen vitæ. Dixérunt ergo ei pharisæi: Tu de te ipso testimónium pérhibes: testimónium tuum non est verum. Respóndit Iesus, et dixit eis: Et si ego testimónium perhíbeo de meípso, verum est testimónium meum: quia scio unde veni, et quo vado: vos autem nescítis unde vénio, aut quo vado. Vos secúndum carnem iudicátis: ego non iú dico quemquam: et si iú dico ego, iudícium meum verum est, quia solus non sum: sed ego, et qui misit me, Pater. Et in lege vestra scriptum est, quia duórum hóminum testi-mónium verum est. Ego sum, qui

testimónium perhíbeo de meípso: et testimónium pérhibet de me, qui misit me, Pater. Dicébant ergo ei: Ubi est Pater tuus? Respóndit Iesus: Neque me scitis, neque Patrem meum: si me scirétis, fórsitan et Patrem meum scirétis. Hæc verba locútus est Iesus in gazophylácio, docens in templo: et nemo apprehéndit eum, quia necdum vénerat hora eius.

Antiphona ad Offertorium Ps. 17, 3 Factus est Dóminus firmaméntum meum, et refúgium meum, et liberátor meus: et sperábo in eum.

Secreta

Oblatióibus nostris, quæsumus, Dómine, placáre suscéptis: et ad te nostras étiam rebélles compélle propítius voluntátes. Per Dóminum.

Præfatio de Quadragesima.

Antiphona ad Communionem Ps. 22, 1-2 Dóminus regit me, et nihil mihi déerit: in loco pásquæ ibi me collocávit: super aquam refectionis educávit me.

Postcommunio

Tua nos, quæsumus, Dómine, sancta puríficent: et operatióne sua tibi plácitos esse perfícient. Per Dóminum.

Super populum: Orémus. Humiliáte cápita vestra Deo.

Oratio

Deus, qui sperántibus in te miseréri pótius éligis, quam irásci: da nobis digne flere mala, quæ fécimus; ut tuæ consolatióis grátiam inveníre mereámur. Per Dóminum.

¶ **Expleta Missa, cooperiuntur cruces et imagines per ecclesiam; quæ coopertæ manent, cruces quidem usque ad expletam per celebrantem Crucis adorationem in Feria VI in Passione et Morte Domini, imagines vero usque ad intonatum hymnum angelicum in Missa Vigilæ paschalis.**

TEMPUS PASSIONIS

DOMINICA I PASSIONIS

I classis

¶ Ab hac dominica usque ad Feriam V in Cena Domini inclusive, in Missis de Tempore non dicitur psalmus Iúdica ante confessionem, neque Glória Patri ad antiphonam ad Introitum et post psalmum Lavábo.

Statio ad S. Petrum

Antiphona ad Introitum

Ps. 42, 1-2

Iúdica me, Deus, et discérne causam meam de gente non sancta: ab hómine iníquo, et dolóso éripe me: quia tu es Deus meus, et fortitúdo mea. **Ps. ibid., 3** Emítte lucem tuam, et veritátem tuam: ipsa me deduxérunt, et adduxérunt in montem sanctum tuum, et in tabernácula tua. **Iúdica me.**

Oratio

Quásumus, omnípotens Deus, familiam tuam propítius respice: ut, te largiēte, regátur in corpore; et, te servánte, custodiátur in mente. Per Dóminum.

Lectio Epístolæ beáti Pauli Apóstoli ad Hebræos.

Hebr. 9, 11-15

Fratres: Christus assístens pón-tifex futurórum bonórum, per ámplius et perféctius tabernáculum non manufáctum, id est, non huius creatiónis: neque per sanguí-nem hircórum aut vitulórum, sed per próprium sanguí-nem introívit semel in Sancta, æténa red-emptióne invénta. Si enim sanguis hircórum et taurórum, et cinis vitulæ aspérsus, inquinátos sanctí-ficat ad emundatió-nem carnis: quanto magis sanguis Christi, qui per Spíritum Sanctum semetípsum obtulit immaculátum Deo, emun-

dábit consciéntiam nostram ab opé-ribus mórtuis, ad serviéndum Deo vivénti? Et ideo novi testa-ménti mediátor est: ut morte intercedénte, in redemptiό-nem eárum prævaricatiό-nis, quæ erant sub prióri testaméto, repromis-siό-nem accípiant, qui vocáti sunt ætérnæ hereditátis, in Christo Iesu Dómino nostro.

Graduale Ps. 142, 9 et 10 Eripe me, Dómine, de inimícis meis: doce me fácere voluntátem tuam. **V. Ps. 17, 48-49** Liberátor meus, Dómine, de géntibus iracúndis: ab insur-géntibus in me exaltábis me: a viro iníquo erípies me.

Tractus Ps. 128, 1-4 Sæpe expu-gnavérunt me a iuventúte mea. **V.** Dicat nunc Israël: sæpe expugna-vérunt me a iuventúte mea. **V.** Ete-nim non potuérunt mihi: supra dorsum meum fabricavérunt pec-catóres. **V.** Prolongavérunt iniqui-tátes suas: Dóminus iustus concídit cervíces peccatórum.

✠ Sequéntia sancti Evangélíi se-cúndum Ioánnem.

Ioann. 8, 46-59

In illo témpore: Dicébat Iesus tur-bis Iudæórum: Quis ex vobis árguet me de peccáto? Si veritátem dico vobis, quare non créditois mihi? Qui ex Deo est, verba Dei audit. Proptérea vos non audítis, quia ex Deo non estis. Respondérunt ergo Iudæi, et dixerunt ei: Nonne bene dí-cimus nos, quia Samaritá-nus es tu, et dæmónium habes? Respóndit Iesus: Ego dæmónium non há-beo, sed honorífico Patrem meum, et vos inhonorástis me. Ego autem non quæro glóriam meam: est qui quærat, et iúdicet. Amen, amen

dico vobis: si quis sermónem meum serváverit, mortem non vidébit in ætérnum. Dixérunt ergo Iudæi: Nunc cognóvimus quia dæmónium habes. Abraham mórtuus est, et prophétæ: et tu dicis: Si quis sermónem meum serváverit, non gustábit mortem in ætérnum. Numquid tu maior es patre nostro Abraham, qui mórtuus est? et prophétæ mórtui sunt. Quem teípsum facis? Respóndit Iesus: Si ego glorífico meípsum, glória mea nihil est: est Pater meus, qui gloríficat me, quem vos dicitis quia Deus vester est, et non cognovístis eum: ego autem novi eum: et si díxero, quia non scio eum, ero símilis vobis, mendax. Sed scio eum, et sermónem eius servo. Abraham pater vester exultávit, ut vidéret diem meum: vidit, et gavísus est. Dixérunt ergo Iudæi ad eum: Quinquagínta annos nondum habes, et Abraham vidísti? Dixit eis Iesus: Amen, amen dico vobis, ántequam Abraham fieret, ego sum. Tulérunt ergo lápides, ut iácerent in eum: Iesus autem abscondit se, et exívit de templo.

Credo.

Antiphona ad Offertorium Ps. 110, 1; 118, 17 et 107 Confitébor tibi, Dómine, in toto corde meo: retribue servo tuo: vivam, et custódiam sermónes tuos: vivífica me secúndum verbum tuum, Dómine.

Secreta

Hæc múnera, quæsumus, Dómine, et víncula nostræ pravítatis absólvant, et tuæ nobis misericórdiæ dona concílient. Per Dóminum.

¶ **Præfatio de sancta Cruce, quæ dicitur tamquam propria in Missis de Tempore a dominica I Passionis usque ad feriam V in Cena Domini; et tamquam de Tempore in omnibus Missis a dominica I Passionis usque ad feriam IV Hebdomadæ sanctæ, quæ præfatione propria carent.**

Antiphona ad Communionem 1 Cor. 11, 24 et 25 Hoc corpus, quod pro vobis tradétur: hic calix novi testaménti est in meo sáanguine, dicit Dóminus: hoc fácite, quotiescúmque súmitis, in meam commemoratióem.

Postcommunio

Adesto nobis, Dómine Deus noster: et quos tuis mystériis recreásti, perpétuis defénde subsidiis. Per Dóminum.

FERIA SECUNDA

III classis

Statio ad S. Chrysogonum

Antiphona ad Introitum

Ps. 55, 2

Miserére mihi, Dómine, quóniam conculcávit me homo: tota die bellans tribulávit me. **Ps. ibid., 3** Conculcáverunt me inimíci mei tota die: quóniam multi bellántes advérsus me. **Miserére mihi.**

Oratio

Sanctífica, quæsumus, Dómine, nostra ieiúnia: et cunctárum nobis indulgéntiam propítius largíre culpárum. Per Dóminum.

Léctio Ionæ Prophétæ.

Ionæ 3, 1-10

In diébus illis: Factum est verbum Dómini ad Ionam prophétam secúndo, dicens: Surge, et vade in Níniven civitátem magnam: et prædica in ea prædicatióem, quam ego loquor ad te. Et surréxit Ionas, et ábiit in Níniven iuxta verbum Dómini. Et Nínive erat civitas magna itínere trium diérum. Et cœpit Ionas introíre in civitátem itínere diéi unius: et clamávit, et dixit: Adhuc quadragínta dies, et Nínive subvertétur. Et credidérunt viri

Ninivítæ in Deum: et prædicavérunt ieiúnium, et vestítí sunt saccis a maióre usque ad minórem. Et pervénit verbum ad regem Nínive: et surréxit de sólio suo, et abiécit vestiméntum suum a se, et indútus est sacco, et sedit in cínere. Et clamávit, et dixit in Nínive ex ore regis, et princípum eius, dicens: Hómines, et iuménta, et boves, et pecóra non gustent quidquam: nec pascántur et aquam non bibant. Et operiántur saccis hómines, et iuménta, et clament ad Dóminum in fortitúdine, et convertátur vir a via sua mala, et ab iniquitáte, quæ est in mánibus eórum. Quis scit, si convertátur, et ignóscat Deus: et revertátur a furóre iræ suæ, et non períbimus? Et vidit Deus ópera eórum, quia convérsi sunt de via sua mala: et misértus est pópulo suo Dóminus Deus noster.

Graduale Ps. 53, 4 et 3 Deus, exáudi oratióem meam: áuribus pèrcipe verba oris mei. **V.** Deus, in nómine tuo salvum me fac, et in virtúte tua líbera me.

Tractus Ps. 102, 10 Dómine, non secúndum peccáta nostra, quæ fécimus nos: neque secúndum iniquitátes nostras retríbuas nobis. **V. Ps. 78, 8-9** Dómine, ne memíneris iniquitátum nostrárum antiquárum: cito antícipent nos misericórdiæ tuæ, quia páuperes facti sumus nimis. **(Hic genuflectitur)** **V.** Adiuva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

✠ Sequéntia sancti Evangélíi secúndum Ioánnem.

Ioann. 7, 32-39

In illo témpore: Misérunt príncipes et pharisæi ministros, ut apprehénderent Iesum. Dixit ergo eis Iesus: Adhuc módicum tempus

vobíscum sum: et vado ad eum qui me misit. Quærétis me, et non inveniétis: et ubi ego sum, vos non potéstis veníre. Dixérunt ergo Iudæi ad semetípsos: Quo hic itúrus est, quia non inveniémus eum? numquid in dispersiónem géntium itúrus est, et doctúrus gentes? Quis est hic sermo, quem dixit: Quærétis me, et non inveniétis: et ubi sum ego, vos non potéstis veníre? In novíssimo autem die magno festivitátis stabat Iesus, et clamábat, dicens: Si quis sitit, véniat ad me, et bibat. Qui credit in me, sicut dicit Scriptúra, flúmina de ventre eius fluent aquæ vivæ. Hoc autem dixit de Spíritu, quem acceptúri erant credéntes in eum.

Antiphona ad Offertorium Ps. 6, 5 Dómine, convértere, et éripe ánimam meam: salvum me fac propter misericórdiam tuam.

Secreta

Concede nobis, Dómine Deus noster: ut hæc hóstia salutáris, et nostrórum fiat purgátio delictórum, et tuæ propitiátio maiestátis. Per Dóminum.

Præfatio de sancta Cruce.

Antiphona ad Communionem Ps. 23, 10 Dóminus virtútum ipse est Rex glóriæ.

Postcommunio

Sacraménti tui, quæsumus, Dómine, participátio salutáris, et purificatióem nobis tríbuat, et medélam. Per Dóminum.

Super populum: Orémus. Humiliáte cápita vestra Deo.

Oratio

Da, quæsumus, Dómine, pópulo tuo salutem mentis et corpóris: ut bonis opéribus inhæréndo, tua semper mereátur protectiône deféndi. Per Dóminum.

FERIA TERTIA

III classis

Statio ad S. Cyriacum

Antiphona ad Introitum

Ps. 26, 14

Exspécta Dóminum, viríliter age: et confortétur cor tuum, et sústine Dóminum. **Ps. ibid.,**
IDóminus illuminátio mea, et salus mea: quem timébo? **E**xspécta Dóminum.

Oratio

Nostra tibi, Dómine, quæsumus, sint accépta ieiúnia: quæ nos et expiándo grátia tua dignos efficiant; et ad remédia perdúcant æténa. Per Dóminum.

Léctio Daniélis Prophétæ.

Dan. 14, 27 et 28-42

In diébus illis: Congregáti sunt Babylónii ad regem, et dixerunt ei: Trade nobis Daniélem, qui Bel destrúxit, et draconem interfécit, alióquin interficiémus te, et domum tuam. Vidit ergo rex, quod irrúerent in eum veheménter: et necessitate compúlsus trádidit eis Daniélem. Qui misérunt eum in lacum leónum, et erat ibi diébus sex. Porro in lacu erant leones septem, et dabántur eis duo córpora quotidie, et duæ oves: et tunc non data sunt eis, ut devorárent Daniélem. Erat autem Hábacuc prophéta in Iudæa, et ipse cóxerat pulméntum, et intríverat panes in alvéolo: et ibat in campum, ut ferret messóribus. Dixítque Angelus Dómini ad Hábacuc: Fer prándium, quod habes, in Babylónem Daniéli qui est in lacu leónum. Et dixit Hábacuc: Dómine, Babylónem non vidi, et lacum nescio. Et apprehéndit eum Angelus Dómini in vértice eius, et portávit eum capillo cápitis sui, posúitque eum in Babylóne supra lacum in ímpetu spíritus sui. Et

clamávit Hábacuc, dicens: Dániel serve Dei, tolle prándium, quod misit tibi Deus. Et ait Dániel: Recordátus es mei, Deus, et non dereliquísti diligéntes te. Surgénsque Dániel comédit. Porro Angelus Dómini restítuit Hábacuc conféstim in loco suo. Venit ergo rex die séptimo, ut lugéret Daniélem: et venit ad lacum, et introspéxit, et ecce Dániel sedens in médio leónum. Et exclamávit voce magna rex, dicens: Magnus es, Dómine Deus Daniélis. Et extráxit eum de lacu leónum. Porro illos, qui perditionis eius causa fúerant, intro-mísit in lacum, et devoráti sunt in moménto coram eo. Tunc rex ait: Páveant omnes habitántes in univérsta terra Deum Daniélis: quia ipse est salvátor, fáciens signa, et mirábilia in terra: qui liberávit Daniélem de lacu leónum.

Graduale Ps. 42, 1 et 3 Discérne causam meam, Dómine: ab hómine iníquo, et dolóso éripe me. **V.** Emítte lucem tuam, et veritátem tuam: ipsa me deduxérunt, et adduxérunt in montem sanctum tuum.

✠ Sequéntia sancti Evangélii secúndum Ioánnem.

Ioann. 7, 1-13

In illo témpore: Ambulábat Iesus in Galiléam, non enim volébat in Iudæam ambuláre, quia quærebant eum Iudæi interficere. Erat autem in próximo dies festus Iudæórum, Scenopégia. Dixerunt autem ad eum fratres eius: Transi hinc, et vade in Iudæam, ut et discípuli tui vídeant ópera tua, quæ facis. Nemo quippe in occúlto quid facit, et quærit ipse in palam esse: si hæc facis, manifestá teípsum mundo. Neque enim fratres eius credébant in eum. Dicit ergo eis Iesus: Tempus meum nondum advénit: tempus autem vestrum semper est parátum. Non potest mundus odísse vos: me autem odit: quia

ego testimónium perhíbeo de illo, quod ópera eius mala sunt. Vos, ascéndite ad diem festum hunc, ego autem non ascéndo ad diem festum istum: quia meum tempus nondum implétum est. Hæc cum dixisset, ipse mansit in Galilæa. Ut autem ascendérunt fratres eius, tunc et ipse ascéndit ad diem festum non maniféste, sed quasi in occúlto. Iudæi ergo quærébant eum in die festo, et dicébant: Ubi est ille? Et murmur multum erat in turba de eo. Quidam enim dicébant: Quia bonus est. Alii autem dicébant: Non, sed sedúcit turbas. Nemo tamen palam loquebátur de illo, propter metum Iudæórum.

Antiphona ad Offertorium Ps. 9, 11-12 et 13 Sperent in te omnes, qui novérunt nomen tuum, Dómine: quóniam non derelínquis quæréntes te: psállite Dómino, qui hábitat in Sion: quóniam non est oblítus oratiónes páuperum.

Secreta

Hóstias tibi, Dómine, deférimus immolándas: quæ temporálem consolatiónem signíficent; ut promíssa non desperémus æténa. Per Dóminum.

Præfatio de sancta Cruce.

Antiphona ad Communionem Ps. 24, 22 Rédime me, Deus Israë!, ex ómnibus angústiiis meis.

Postcommunio

Da, quæsumus, omnípotens Deus: ut quæ divína sunt, iúgiter exsequéntes, donis mereámur cæléstibus propinquáre. Per Dóminum.

Super populum: Orémus. Humiliáte cápita vestra Deo.

Oratio

Da nobis, quæsumus, Dómine: perseverántem in tua voluntáte famulátum; ut in diébus nostris, et mérito et número, pópu-

lus tibi sérvians augeátur. Per Dóminum.

FERIA QUARTA

III classis

Statio ad S. Marcellum

Antiphona ad Introitum

Ps. 17, 48-49

Liberátor meus de géntibus iracúndis: ab insurgéntibus in me exaltábis me: a viro iníquo erípies me, Dómine. **Ps. ibid., 2-3** Díligam te, Dómine, virtus mea: Dóminus firmaméntum meum, et refúgium meum, et liberátor meus. **Liberátor meus.**

Oratio

Sanctificáto hoc ieiúnio, Deus, tuórum corda fidélium miserátor illústra: et quibus devotiónis præstas afféctum, præbe supplicántibus pium benígnus audítum. Per Dóminum.

Léctio libri Levítici.

Levit. 19, 1-2, 11-19 et 25

In diébus illis: Locútus est Dóminus ad Móysen, dicens: Lóquere ad omnem cœtum filiórum Israë!, et dices ad eos: Ego Dóminus Deus vester. Non faciétis furtum. Non mentiémini, nec decípíet unusquisque próximum suum. Non periurábis in nómine meo, nec póllues nomen Dei tui. Ego Dóminus. Non fácies calúmniam próximo tuo: nec vi ópprimes eum. Non morábitur opus mercenárii tui apud te usque mane. Non maledíces surdo, nec coram cæco pones offendículum: sed timébis Dóminum Deum tuum, quia ego sum Dóminus. Non fácies quod iníquum est, nec iniúste iudicábis. Non consíderes persónam páuperis, nec honóres vultum poténtis. Iuste iúdica próximo tuo. Non eris criminátor, nec susúrro in pópulo. Non stabis contra sánguinem próximi tui. Ego Dóminus.

Non óderis fratrem tuum in corde tuo, sed públice árgue eum, ne hábeas super illo peccátum. Non quæras ultiónem, nec memor eris iniúriæ cívium tuórum. Díliges amicum tuum sicut teípsum. Ego Dóminus. Leges meas custodíte. Ego enim sum Dóminus Deus vester.

Graduale Ps. 29, 2-4 Exaltábo te, Dómine, quóniam suscepísti me: nec delectásti inimícos meos super me. **V.** Dómine Deus meus, clamávi ad te, et sanásti me: Dómine, abstraxísti ab ínferis ánimam meam, salvásti me a descendéntibus in lacum.

Tractus Ps. 102, 10 Dómine, non secúndum peccáta nostra, quæ féci-mus nos: neque secúndum iniquitátes nostras retríbuas nobis. **V. Ps. 78, 8-9** Dómine, ne memíneris iniquitátum nostrárum antiquárum: cito antícipent nos misericórdiæ tuæ, quia páuperes facti sumus nimis. **(Hic genuflectitur) V.** Adiuvá nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

✠ Sequéntia sancti Evangélíi secúndum Ioánnem.

Ioann. 10, 22-38

In illo témpore: Facta sunt Encáenia in Ierosólymis: et hiems erat. Et ambulábat Iesus in templo, in pórticu Salomónis. Circumdedérunt ergo eum Iudæi, et dicébant ei: Quoúsque ánimam nostram tollis? Si tu es Christus, dic nobis palam. Respóndit eis Iesus: Loquor vobis, et non créditois: Opera, quæ ego fácio in nómine Patris mei, hæc testimónium pérhibent de me: sed vos non créditois, quia non estis ex óvibus meis. Oves meæ vocem meam áudiunt: et ego cognósco eas, et sequúntur me: et ego vitam ætérnam do eis: et non períbunt in ætér-

num, et non rápiet eas quisquam de manu mea. Pater meus, quod dedit mihi, maius ómnibus est: et nemo potest rápere de manu Patris mei. Ego et Pater unum sumus. Sustulérunt ergo lápides Iudæi, ut lapidárent eum. Respóndit eis Iesus: Multa bona ópera osténdi vobis ex Patre meo, propter quod eórum opus me lapidátis? Responderunt ei Iudæi: De bono ópere non lapidámus te, sed de blasphemía: et quia tu, homo cum sis, facis teípsum Deum. Respóndit eis Iesus: Nonne scriptum est in lege vestra: quia Ego dixi, dii estis? Si illos dixit deos, ad quos sermo Dei factus est, et non potest solvi Scriptúra: quem Pater sanctificávit, et misit in mundum, vos dicitis: Quia blasphemias: quia dixi, Fílius Dei sum? Si non fácio ópera Patris mei, nolíte credere mihi. Si autem fácio, et si mihi non vultis credere, opéribus créдите, ut cognoscátis, et credátis, quia Pater in me est, et ego in Patre.

Antiphona ad Offertorium Ps. 58, 2 Eripe me de inimícis meis, Deus meus: et ab insurgéntibus in me líbera me, Dómine.

Secreta

Annue, miséricors Deus: ut hostias placatiónis et laudis, sincéro tibi deferámus obséquio. Per Dóminum.

Præfatio de sancta Cruce.

Antiphona ad Communionem Ps. 25, 6-7 Lavábo inter innocéntes manus meas, et circuibo altáre tuum, Dómine: ut áudiam vocem laudis tuæ, et enárrem univérsa mirabília tua.

Postcommunio

Cæléstis doni benedictióne percépta: súpplíces te, Deus omnipotens, deprecámur; ut hoc idem nobis et sacraménti causa sit, et salutis. Per Dóminum.

Super populum: Orémus. Humiliáte cápita vestra Deo.

Oratio

Adésto supplicatióibus nostris, omnípotens Deus: et, quibus fidúciā sperándæ pietátis indúlges; consuétæ misericórdiæ tríbue benígnus efféctum. Per Dóminum.

FERIA QUINTA

III classis

Statio ad S. Apollinarem

Antiphona ad Introitum

Dan. 3, 31

Omnia, quæ fecísti nobis, Dómine, in vero iudício fecísti: quia peccávimus tibi, et mandátis tuis non obedívimus: sed da glóriā nómini tuo, et fac nobíscum secúndum multitúdinem misericórdiæ tuæ. **Ps. 118, 1** Beáti immaculáti in via: qui ambulānt in lege Dómini. **Omnia.**

Oratio

Præsta, quæsumus, omnípotens Deus: ut dígnitas conditióis humanæ per immoderántiam sauciáta, medicínalis parsimóniæ stúdio reformétur. Per Dóminum.

Léctio Daniélis Prophætæ.

Dan. 3, 25 et 34-45

In diébus illis: Orávit Azarías Dóminum, dicens: Dómine Deus noster: ne, quæsumus, tradas nos in perpétuum propter nomen tuum, et ne díssipes testaméntum tuum: neque áuferas misericórdiā tuā a nobis propter Abraham diléctum tuum, et Isaac servum tuum, et Israël sanctum tuum: quibus locútus es, póllicens quod multiplicáres semen eórum sicut stellas cæli, et sicut arénā, quæ est in líttore maris: quia, Dómine, imminúti sumus plus quam omnes gentes, sumúsque húmiles in univérſa terra hódie propter peccáta nostra. Et non

8 MISSALE ROM.

est in témpore hoc princeps, et dux, et prophéta, neque holocáustum, neque sacrificium, neque oblátio, neque incénsum, neque locus primitiárum coram te, ut possímus inveníre misericórdiā tuā: sed in ánimo contríto, et spírítu humilitátis suscipiámur. Sicut in holocáusto aríetum, et taurórum, et sicut in mília agnórum pínguium: sic fiat sacrificium nostrum in conspéctu tuo hódie, ut pláceat tibi: quóniam non est confúſio confidéntibus in te. Et nunc séquimur te in toto corde, et timémus te, et quærimus faciē tuā. Ne confúndas nos: sed fac nobíscum iuxta mansuetúdinem tuā, et secúndum multitúdinem misericórdiæ tuæ. Et érue nos in mirabílibus tuis, et da glóriā nómini tuo, Dómine: et confundántur omnes, qui osténdunt servis tuis mala, confundántur in omni poténtia tua: et robur eórum conterátur: et sciant, quia tu es Dóminus Deus solus, et glorióſus super orbem terrárum, Dómine Deus noster.

Graduale Ps. 95, 8-9 Tóllite hóſtias, et introíte in átria eius: adoráte Dóminum in aula sancta eius. **V. Ps. 28, 9** Revelávit Dóminus condénsa: et in templo eius omnes dicent glóriā.

✠ Sequéntia sancti Evangélii secúndum Lucam.

Luc. 7, 36-50

In illo témpore: Rogábat Iesum quidam de pharisæis, ut manducáret cum illo. Et ingrēssus domum pharisæi, discúbuit. Et ecce, múlſer, quæ erat in civitáte peccátrix, ut cognóvit, quod accubuíſſet in domo pharisæi, áttulit alabástrum unguénti: et stans retro secus pedes eius, lácrimis cœpit rigáre pedes eius, et capíllis cápitis sui tergébat, et osculabátur pedes eius, et unguénto ungébat. Videns autem

pharisæus, qui vocáverat eum, ait intra se, dicens: Hic si esset prophéta, sciret útique, quæ et qualis est mûlier, quæ tangit eum: quia peccátrix est. Et respóndens Iesus, dixit ad illum: Simon, hábeo tibi áliquid dicere. At ille ait: Magíster, dic. Duo debitóres erant cuídám fœneratóri: unus debébat denários quingéntos, et álius quinquagínta. Non habéntibus illis unde rédderent, donávit utrísque. Quis ergo eum plus díligit? Respóndens Simon, dixit: Æstimo quia is, cui plus donávit. At ille dixit ei: Recte iudicásti. Et convérsus ad mulierem, dixit Simóni: Vides hanc mulierem? Intrávi in domum tuam, aquam pédibus meis non dedísti: hæc autem lácrimis rigávit pedes meos, et capíllis suis tersit. Osculum mihi non dedísti: hæc autem, ex quo intrávit, non cessávit osculári pedes meos. Oleo caput meum non unxísti: hæc autem unguénto unxit pedes meos. Propter quod dico tibi: Remittúntur ei peccáta multa, quóniam diléxit multum. Cui autem minus dimíttitur, minus díligit. Dixit autem ad illam: Remittúntur tibi peccáta. Et cœpérunt, qui simul accumbébant, dicere intra se: Quis est hic, qui étiam peccáta dimíttit? Dixit autem ad mulierem: Fides tua te salvam fecit: vade in pace.

Antiphona ad Offertorium Ps. 136, 1 Super flúmina Babylónis illic sédimus, et flévimus: dum recordarémur tui, Sion.

Secreta

Dómine Deus noster, qui in his pótius creatúris, quas ad fragilitátis nostræ subsídium condidísti, tuo quoque nómini múnera iussísti dicánda constítui: tríbue, quásumus; ut et vitæ nobis præsentis auxiliú, et æternitátis efficiant sacraméntum. Per Dóminum.

Præfatio de sancta Cruce.

Antiphona ad Communionem Ps. 118, 49-50 Meménto verbi tui servo tuo, Dómine, in quo mihi spem dedísti: hæc me consoláta est in humilitáte mea.

Postcommunio

Quod ore sumpsimus, Dómine, pura mente capiámus: et de múnere temporáli, fiat nobis remédium sempitérnum. Per Dóminum.

Super populum: Orémus. Humiliáte cápita vestra Deo.

Oratio

Esto, quásumus, Dómine, propítius plebi tuæ: ut, quæ tibi non placent, respuéntes, tuórum pótius repleántur delectatióibus mandatórum. Per Dóminum.

FERIA SEXTA

III classis

Statio ad S. Stephanum
in Cælio monte

Antiphona ad Introitum

Ps. 30, 10, 16 et 18

Miserére mihi, Dómine, quóniam tríbulor: libera me, et éripe me de mánibus inimicórum meórum, et a persequéntibus me: Dómine, non confúndar, quóniam invocávi te. **Ps. ibid., 2** In te, Dómine, sperávi, non confúndar in ætérnum: in iustítia tua libera me. **Miserére mihi.**

Oratio

Córdibus nostris, quásumus, Dómine, grátiam tuam benignus infúnde: ut peccáta nostra castigatióne voluntária cohibéntes, temporáliter pótius macerémur, quam supplíciis deputémur æternis. Per Dóminum.

Et fit commemoratio B. M. V. Septem Dolorum, ut in Proprio Sanctorum, post mensem martium.

Lectio Ieremiæ Prophætæ.

Ierem. 17, 13-18

In diébus illis: Dixit Ieremiás: Dómine, omnes qui te derelínquunt, confundéntur: recedéntes a te, in terra scribéntur: quóniam dereliquerunt venam aquárum vivéntium, Dóminum. Sana me, Dómine, et sanabor: salvum me fac, et salvus ero: quóniam laus mea tu es. Ecce, ipsi dicunt ad me: Ubi est verbum Dómini? Véniat. Et ego non sum turbátus, te pastórem sequens: et diem hóminis non desiderávi, tu scis. Quod egréssum est de lábiis meis, rectum in conspéctu tuo fuit. Non sis tu mihi formídini, spes mea tu in die afflictiónis. Confundántur, qui me persecúntur, et non confúndar ego: páveant illi, et non páveam ego. Induc super eos diem afflictiónis, et dúplici contritióne cóntere eos, Dómine Deus noster.

Graduale Ps. 34, 20 et 22 Pacífice loquebántur mihi inimíci mei: et in ira molésti erant mihi. **℣.** Vidísti, Dómine, ne síleas: ne discédas a me.

Tractus Ps. 102, 10 Dómine, non secúndum peccáta nostra, quæ fé-cimus nos: neque secúndum iniquitátes nostras retribuas nobis. **℣. Ps. 78, 8-9** Dómine, ne memíneris iniquitátum nostrárum antiquárum: cito antícipent nos misericórdiæ tuæ, quia páuperes facti sumus nimis. **(Hic genuflectitur)** **℣.** Adiuva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

✠ Sequéntia sancti Evangélíi secúndum Ioánnem. **Ioann. 11, 47-54**

In illo témpore: Collegérunt pontífices et pharisæi concílium advérsus Iesum, et dicébant: Quid fácimus, quia hic homo multa signa facit? Si dimíttimus eum sic, omnes

credent in eum: et vénient Románi, et tollent nostrum locum, et gentem. Unus autem ex ipsis, Cáiphas nómine, cum esset póntifex anni illíus, dixit eis: Vos nescítis quidquam, nec cogitátis quia expedit vobis, ut unus moriátur homo pro pópulo, et non tota gens péreat. Hoc autem a semetípso non dixit: sed cum esset póntifex anni illíus, prophetávit, quod Iesus moritúrus erat pro gente, et non tantum pro gente, sed ut filios Dei, qui erant dispérsi, congregáret in unum. Ab illo ergo die cogitavérunt, ut interficerent eum. Iesus ergo iam non in palam ambulábat apud Iudæos: sed ábiit in regiónem iuxta désertum, in civitátem, quæ dicitur Ephrem, et ibi morabátur cum discípulis suis.

Antiphona ad Offertorium Ps. 118, 12, 121 et 42 Benedíctus es, Dómine, doce me iustificatiónes tuas: et non tradas calumniántibus me supérbis: et respondébo exprobrántibus mihi verbum.

Secreta

Præsta nobis, miséricors Deus: ut digne tuis servíre semper altáribus mereámur; et eórum perpétua participatióne salvári. Per Dóminum.

Et fit commemoratio B. M. V. Septem Dolorum, ut in Proprio Sanctorum.

Præfatio de sancta Cruce.

Antiphona ad Communionem Ps. 26, 12 Ne tradíderis me, Dómine, in ánimas persecúntium me: quóniam insurrexérunt in me testes iníqui, et mentíta est iniquitas sibi.

Postcommunio

Sumpti sacrificii, Dómine, perpétua nos tuítio non derelínquat: et nóxia semper a nobis cuncta depéllat. Per Dóminum.

Et fit commemoratio B. M. V.
Septem Dolorum, ut in Proprio
Sanctorum.

Super populum: Orémus. Humi-
liáte cápita vestra Deo.

Oratio

Concède, quæsumus, omnipotens
Deus: ut, qui protectionis tuæ
grátiam quærimus, liberáti a malis
ómnibus, secúra tibi mente serviá-
mus. Per Dóminum.

SABBATO

III classis

Statio ad S. Ioannem
ante Portam Latinam

Antiphona ad Introitum

Ps. 30, 10, 16 et 18

Miserére mihi, Dómine, quó-
niam tríbulo: libera me,
et éripe me de mánibus
inimicórum meórum, et a perse-
quéntibus me: Dómine, non con-
fúndar, quóniam invocávi te. **Ps.**
ibid., 2 In te, Dómine, sperávi, non
confúndar in ætérnum: in iustítia
tua libera me. **Miserére mihi.**

Oratio

Proficiat, quæsumus, Dómine,
plebs tibi dicáta piæ devotiónis
afféctu: ut sacris actiόνibus erudíta,
quanto maiestáti tuæ fit grátior,
tanto donis potióribus augeátur. Per
Dóminum.

Léctio Ieremíæ Prophétæ.

Ierem. 18, 18-23

In diébus illis: Dixérunt ímpii
Iudæi ad ívicem: Veníte, et
cogitémus contra iustum cogitatió-
nes: non enim períbit lex a sacer-
dóte, neque consílium a sapién-
te, nec sermo a prophéta: veníte, et
percutiámus eum lingua, et non
attendámus ad univérsos sermónes
eius. Attén-
de, Dómine, ad me, et
audi vocem adversariórum meó-
rum. Numquid rédditur pro bono
malum, quia fodérunt fóveam áni-

mæ meæ? Recordáre, quod stéterim
in conspéctu tuo, ut lóquerer pro eis
bonum, et avérterem indignatió-
nem tuam ab eis. Proptérea da
filios eórum in famem, et deduc
eos in manus gládii: fiant uxóres
eórum absque líberis, et víduæ:
et viri eárum interficiántur morte:
iúvenes eórum confodiántur gládio
in prælio. Audiátur clamor de dómi-
bus eórum: addúces enim super
eos latrónem repén-
te: quia fodérunt
fóveam, ut cáperent me, et láqueos
abscondérunt pédibus meis. Tu
autem, Dómine, scis omne consí-
lium eórum advérsus me in mor-
tem: ne propitiéris iniquitáti
eórum, et peccátum eórum a fácie
tua non deleátur. Fiant corruéntes
in conspéctu tuo, in témpore furóris
tui abútere eis, Dómine Deus no-
ster.

Graduale Ps. 34, 20 et 22 Pacífice
loquebántur mihi inimíci mei: et in
ira molésti erant mihi. **V.** Vidísti,
Dómine, ne síleas: ne discédas a
me.

✠ Sequéntia sancti Evangélíi se-
cúndum Ioánnem.

Ioann. 12, 10-36

In illo témpore: Cogitavérunt
príncipes sacerdotum ut et
Lázarus interficerent: quia multi
propter illum abíbant ex Iudæis,
et credébant in Iesum. In crástinum
autem turba multa, quæ vénerat ad
diem festum, cum audíssent quia
venit Iesus Ierosólymam, accepé-
runt ramos palmárum, et proces-
sérunt óbviám ei, et clamábant:
Hosánna, benedíctus qui venit in
nómine Dómini, Rex Israél. Et in-
venit Iesus aséllum, et sedit super
eum, sicut scriptum est: Noli
timére, filia Sion: ecce, Rex tuus
venit sedens super pullum ásinæ.
Hæc non cognovérunt discípuli eius
primum: sed quando glorificátus
est Iesus, tunc recordáti sunt quia

hæc erant scripta de eo: et hæc fecerunt ei. Testimónium ergo perhibébat turba, quæ erat cum eo, quando Lázarus vocávit de monuménto, et suscitávit eum a mórtuis. Proptérea et óbviā venit ei turba: quia audierunt eum fecisse hoc signum. Pharisæi ergo dixerunt ad semetipsos: Vidétis quia nihil proficimus? Ecce, mundus totus post eum ábiit. Erant autem quidam gentiles ex his, qui ascénderant ut adorárent in die festo. Hi ergo accesserunt ad Philíppum, qui erat a Bethsáida Galiléæ: et rogábant eum, dicéntes: Dómine, vólumus Iesum vidére. Venit Philíppus, et dicit Andréæ: Andréas rursum et Philíppus dixerunt Iesu. Iesus autem respóndit eis, dicens: Venit hora, ut clarificétur Fílius hóminis. Amen, amen dico vobis, nisi granum fruménti cadens in terram, mórtuum fúerit, ipsum solum manet: si autem mórtuum fúerit, multum fructum affert. Qui amat ánimam suam, perdet eam: et qui odit ánimam suam in hoc mundo, in vitam ætérnam custódit eam. Si quis mihi ministrat, me sequátur: et ubi sum ego, illic et mínister meus erit. Si quis mihi ministráverit, honorificábit eum Pater meus. Nunc ánima mea turbáta est. Et quid dicam? Pater, salvífica me ex hac hora. Sed proptérea veni in horam hanc. Pater, clarífica nomen tuum. Venit ergo vox de cælo: Et clarificávi, et iterum clarificábo. Turba ergo, quæ stabat, et audierat, dicébat tonítruum esse factum. Alii dicébant: Angelus ei locútus est. Respóndit Iesus, et dixit: Non propter me hæc vox venit, sed propter vos. Nunc iudícium est mundi, nunc princeps huius mundi eiciétur foras. Et ego si exaltátus fúero a terra, ómnia traham ad meípsum. (Hoc autem dicébat, significans qua

morte esset moritúrus). Respóndit ei turba: Nos audívimus ex lege, quia Christus manet in ætérnum, et quómodo tu dicis: Opórtet exaltári Fílium hóminis? Quis est iste Fílius hóminis? Dixit ergo eis Iesus: Adhuc módicum lumen in vobis est. Ambuláte dum lucem habétis, ut non vos ténebræ comprehédant: et qui ámbulat in ténebris, nescit quo vadat. Dum lucem habétis, créдите in lucem: ut filii lucis sitis. Hæc locútus est Iesus: et ábiit, et abscondit se ab eis.

Antiphona ad Offertorium Ps. 118, 12, 121 et 42 Benedíctus es, Dómine, doce me iustificatiónes tuas: et non tradas calumniántibus me superbis: et respondébo exprobrántibus mihi verbum.

Secreta

A cunctis nos, quæsumus, Dómine, reátibus et perículis propitiátus absólve: quos tanti mystérii tríbuis esse consórtes. Per Dóminum.

Præfatio de sancta Cruce.

Antiphona ad Communionem Ps. 26, 12 Ne tradíderis me, Dómine, in ánimas persecúntium me: quóniam insurrexérunt in me testes iníqui, et mentíta est iníquitas sibi.

Postcommunio

Divíni múnneris largitáte satiáti, quæsumus, Dómine Deus noster: ut huius semper participatióne vivámus. Per Dóminum.

Super populum: Orémus. Humiliáte cápita vestra Deo.

Oratio

Tueátur, quæsumus, Dómine, dextera tua pópulum deprecántem: et purificátum dignánter erúdiat; ut consolatióne præsénti, ad futúra bona proficiat. Per Dóminum.

HEBDOMADA SANCTA

DOMINICA II PASSIONIS SEU IN PALMIS

I classis

DE SOLEMNI PALMARUM PROCESSIONE

IN HONOREM CHRISTI REGIS

Omnia quæ in sequentibus rubricis litteris inclinatis edita sunt, referuntur ad celebrationem simplicem, quando scilicet sacræ cærimonie perguntur a sacerdote, absque ministris sacris.

DE BENEDICTIONE RAMORUM

1. Hora competenti, in choro post Tertiam, omissa aspersione aquæ, proceditur ad benedicendum ramos palmarum seu olivarum, sive aliarum arborum.

2. Color paramentorum est rubeus.

3. Celebrans induitur amictu, alba, cingulo, stola et pluviali; ministri sacri amictu, alba, cingulo, subdiaconus insuper tunicella, diaconus stola et dalmatica.

3a. *Celebrans induitur amictu, alba, cingulo, stola et pluviali, vel manet sine casula.*

4. Rami, nisi ab ipsis fidelibus iam in manibus teneantur, parentur super abacum, tobalea alba coopertum, et positum in opportuniore loco presbyterii, ita tamen, ut maneat in conspectu populi.

5. Omnibus rite dispositis, celebrans, cum ministris sacris seu ministrantibus, facta altari debita reverentia, sistit retro abacum, versus populum.

Interim vero cantatur sequens antiphona.

Antiphona

Matth. 21, 9

Hosanna filio David: benedictus qui venit in nómine Dómini. Rex Israël: Hosanna in excélsis.

6. Deinde celebrans, manibus iunctis, benedicit ramos, dicens, in tono orationis ferialis:

¶ Dóminus vobíscum.

Cui omnes respondent:

R7. Et cum spíritu tuo.

7. In sequenti oratione celebrans dicat, prout qualitati ramorum congruit, hos palmárum ramos, vel hos olivárum ramos, vel hos árborum ramos, vel hos palmárum et olivárum ramos, aut hos palmárum (olivárum) et aliárum árborum ramos.

Orémus.

Oratio

Béne ✠ dic, quæsumus, Dómine, hos palmárum (seu olivárum aut aliárum árborum) ramos: et præsta; ut, quod pópulus tuus in tui veneratióne hodiérno die corporaliter agit, hoc spirituáliter summa devotióne perficiat, de hoste victóriam reportádo et opus misericórdiæ summópere diligéndo. Per Christum Dóminum nostrum.

Omnes: R7. Amen.

8. Tunc celebrans primum ter aspergit ramos, super abacum positos, postea, ad cancellos, ramos fidelium, ubi ipsi, ut dictum est, ramos iam in manibus portant, nisi placuerit horum aspersionem facere transeundo per aulam ecclesiæ.

9. Deinde celebrans ponit incensum in thuribulum, more solito, et primum ter adolet ramos benedictos, super abacum positos, postea, ad cancellos, vel transeundo per aulam ecclesiæ, incensat ramos fidelium.

Ministri sacri, *vel ministrantes*, celebrantem comitantur, tam in aspersione, quam in incensatione ramorum, fimbriam pluvialis tenentes.

DE DISTRIBUTIONE RAMORUM

10. *Completa benedictione, fit ramorum distributio, secundum locorum consuetudinem.*

11. *Itaque, celebrans, stans in suppedaneo altaris, versus populum, adiuvantibus ministris sacris, vel ministrantibus, dat ramos benedictos primum omnibus clericis per ordinem, deinde ministrantibus, denique, ad cancellos, fidelibus.*

12. *Et cum inceperit distribuere, cantantur sequentes antiphonæ et psalmi, hoc modo:*

Antiphona 1 Púeri Hebræórum, portántes ramos olivárum, obviavérunt Dómino, clamántes et dicéntes: « Hosánna in excélsis ».

Psalmus 23, 1-2 et 7-10

Dómini est terra et quæ replent eam, * orbis terrárum et qui hábitant in eo.

Nam ipse super mária fundávit eum, * et super flúmina firmávit eum.

Et repetitur ant. Púeri Hebræórum, portántes ramos olivárum, obviavérunt Dómino, clamántes et dicéntes: « Hosánna in excélsis ».

Attóllite, portæ, cápita vestra, et attóllite vos, fores antíquæ, * ut ingrediátur rex glóriæ!

« Quis est iste rex glóriæ? » * « Dóminus fortis et potens, Dóminus potens in prælio ».

Et repetitur ant. Púeri Hebræórum, portántes ramos olivárum, obviavérunt Dómino, clamántes et dicéntes: « Hosánna in excélsis ».

Attóllite, portæ, cápita vestra, et attóllite vos, fores antíquæ, * ut ingrediátur rex glóriæ!

« Quis est iste rex glóriæ? » * « Dóminus exercítuum: ipse est rex glóriæ ».

Et repetitur ant. Púeri Hebræórum, portántes ramos olivárum, obviavérunt Dómino, clamántes et dicéntes: « Hosánna in excélsis ».

Glória Patri, et Fílio, * et Spirítui Sancto,

Sicut erat in princípio, et nunc, et semper, * et in sæcula sæculórum. Amen.

Et repetitur ant. Púeri Hebræórum, portántes ramos olivárum, obviavérunt Dómino, clamántes et dicéntes: « Hosánna in excélsis ».

Antiphona 2 Púeri Hebræórum vestiménta prosternébant in via, et clamábant dicéntes: « Hosánna filio David; benedíctus qui venit in nómine Dómini ».

Psalmus 46

Omnes pópuli, pláudite máni-bus, * exsultáte Deo voce lætítiæ,

Quóniam Dóminus excélsus, terríbilis, * rex magnus super omnem terram.

Et repetitur ant. Púeri Hebræórum vestiménta prosternébant in via, et clamábant dicéntes: « Hosánno filio David; benedíctus qui venit in nómine Dómini ».

Súbicit pópulos nobis * et nationés pédibus nostris.

Eligit nobis hereditátem nostram, * glóriam Iacob, quem díligit.

Et repetitur ant. Púeri Hebræórum vestiménta prosternébant in via, et clamábant dicéntes: « Hosánna filio David; benedíctus qui venit in nómine Dómini ».

Ascéndit Deus cum exsultatióne, * Dóminus cum voce tubæ.

Psállite Deo, psállite; * psállite regi nostro, psállite.

Et repetitur ant. Púeri Hebræórum vestiménta prosternébant in via, et clamábant dicéntes: « Hosánna filio David; benedíctus qui venit in nómine Dómini ».

Quóniam rex omnis terræ est Deus, * psállite hymnum.

Deus regnat super nationes, *
Deus sedet super solium sanctum suum.

Et repetitur ant. Pueri Hebræorum vestimenta prosternebant in via, et clamabant dicentes: « Hosanna filio David; benedictus qui venit in nomine Domini ».

Principes populorum congregati sunt * cum populo Dei Abraham.

Nam Dei sunt proceres terræ: * excelsus est valde.

Et repetitur ant. Pueri Hebræorum vestimenta prosternebant in via, et clamabant dicentes: « Hosanna filio David; benedictus qui venit in nomine Domini ».

Glória Patri, et Filio, * et Spiritui Sancto.

Sicut erat in principio, et nunc, et semper, * et in sæcula sæculorum. Amen.

Et repetitur ant. Pueri Hebræorum vestimenta prosternebant in via, et clamabant dicentes: « Hosanna filio David; benedictus qui venit in nomine Domini ».

Quæ si non sufficiant, repetantur quousque distributio finiatur; si autem finiatur prius, clauditur cum Glória Patri, et repetitur antiphona.

DE LECTIONE EVANGELICA

13. **Ramorum distributione peracta, et abaco remoto, celebrans lavat manus, nihil dicens; deinde, ascendens altare, osculatur illud in medio, et ponit incensum in thuribulum, more solito. Diaconus defert librum Evangeliorum ad altare eumque deponit super illud et fiunt omnia ut in missa quando Evangelium decantandum est.**

13a. *Celebrans omnia peragat, ut alias de more, quando sacerdos solus missam celebrat in cantu.*

14. ✠ Sequentia sancti Evangelii secundum Matthæum. 21, 1-9

In illo tempore: Cum appropinquasset Iesus Ierosolymis, et

venisset Bèthphage ad montem Oliveti: tunc misit duos discipulos suos, dicens eis: « Ite in castellum, quod contra vos est, et statim inveniētis asinam alligatam, et pullum cum ea: solvite, et adducite mihi: et si quis vobis aliquid dixerit, dicite quia Dominus his opus habet, et confestim dimittet eos ». Hoc autem totum factum est, ut adimpleretur quod dictum est per prophetam, dicentem: Dicite filiæ Sion: Ecce Rex tuus venit tibi mansuetus, sedens super asinam et pullum, filium subiugalis. Eūtes autem discipuli, fecerunt sicut præcepit illis Iesus. Et adduxerunt asinam et pullum: et imposuerunt super eos vestimenta sua, et eum desuper sedere fecerunt. Plurima autem turba straverunt vestimenta sua in via: alii autem cædebant ramos de arboribus, et sternebant in via: turbæ autem, quæ præcedebant, et quæ sequebantur, clamabant, dicentes: « Hosanna filio David: benedictus qui venit in nomine Domini ».

15. **Evangelio finito, subdiaconus defert librum osculandum celebranti, qui non incensatur a diacono.**

DE PROCESSIONE CUM RAMIS BENEDICTIS

16. **His peractis, celebrans ponit incensum in thuribulum, more solito. Deinde diaconus, vertens se ad populum, dicit:**

℣. Procedamus in pace.

Respondent omnes:

℟. In nomine Christi. Amen.

Et incipit processio. Præcedit thuriferarius cum thuribulo fumigante, deinde alter subdiaconus paratus, vel acolythus, aut unus ex ministrantibus, deferens crucem non velatam, medius inter duos acolythos, vel ministrantes, cum candelabris accensis; sequitur clerus per ordinem, ultimo celebrans cum

diacono et subdiacono, post eos fideles, ramos benedictos manibus gestantes.

17. Processio dirigatur, si fieri potest, extra ecclesiam, per aliquam viam longiorem. Sicubi vero habeatur altera ecclesia, in qua ramorum benedictio commode peragi possit, nihil impedit, quominus benedictio eorum ibi fiat, et deinde processio pergat ad ecclesiam principalem.

18. Incipiente processione, cantari possunt antiphonæ sequentes, omnes, vel aliquæ, pro opportunitate.

Antiphona 1 Occurrunt turbæ cum flōribus et palmis Redemptōri óbviā: et victōri triumphāti digna dant obsēquia: Fīlium Dei ore gentes prædicant: et in laudem Christi voces tonant per nūbila: « Hosānna ».

Antiphona 2 Cum Angelis et pūeris fidēles inveniāmur, triumphatōri mortis clamāntes: « Hosānna in excēlsis ».

Antiphona 3 Turba multa, quæ convēnerat ad diem festum, clamābat Dómino: « Benedíctus qui venit in nómine Dómini: Hosānna in excēlsis ».

Antiphona 4 Luc. 19, 37 et 38 Cœpérunt omnes turbæ descendētium gaudētes laudāre Deum voce magna, super ómnibus quas viderant virtútibus, dicētes: « Benedíctus qui venit Rex in nómine Dómini; pax in terra, et glória in excēlsis ».

19. Progrediente processione, cantatur sequens hymnus, populo, si fieri potest, duos primos versus continuo repetente, ut infra notatur.

Hymnus ad Christum Regem

Chorus Glória, laus et honor tibi sit, Rex Christe Redemptor,

Cui pueríle decus prompsit Hosānna pium.

Omnes Glória, laus et honor tibi sit, Rex Christe Redemptor,

Cui pueríle decus prompsit Hosānna pium.

Chorus Israël es tu Rex, Davídus et ínclita proles,

Nómine qui in Dómini, Rex benedícite, venis.

Omnes Glória, laus et honor tibi sit, Rex Christe Redemptor,

Cui pueríle decus prompsit Hosānna pium.

Chorus Cœtus in excēlsis te laudat cælicus omnis,

Et mortális homo et cuncta creáta simul.

Omnes Glória, laus et honor tibi sit, Rex Christe Redemptor,

Cui pueríle decus prompsit Hosānna pium.

Chorus Plebs Hebræa tibi cum palmis óbvia venit;

Cum prece, voto, hymnis, ádsumus ecce tibi.

Omnes Glória, laus et honor tibi sit, Rex Christe Redemptor,

Cui pueríle decus prompsit Hosānna pium.

Chorus Hi tibi passúro solvébant múnia laudis;

Nos tibi regnāti pángimus ecce melos.

Omnes Glória, laus et honor tibi sit, Rex Christe Redemptor,

Cui pueríle decus prompsit Hosānna pium.

Chorus Hi placuere tibi, placeat devótio nostra:

Rex bone, Rex clemens, cui bona cuncta placent.

Omnes Glória, laus et honor tibi sit, Rex Christe Redemptor,

Cui pueríle decus prompsit Hosānna pium.

Antiphona 5 Omnes collaudant nomen tuum, et dicunt: « Benedíctus qui venit in nómine Dómini: Hosānna in excēlsis ».

Psalmus 147

Lauda, Ierúsalem, Dóminum, * lauda Deum tuum, Sion,

Quod firmávit seras portárum tuárum, * benedíxit filiis tuis in te.

Compósuit fines tuos in pace,
* medúlla trítici sátiat te.

Emíttit elóquium suum in ter-
ram, * velóclter currit verbum eius.

Dat nivem sicut lanam, * pruín-
nam sicut cínerem spargit.

Próicit gláciem suam ut frústula
panis; * coram frígore eius aquæ
rigescunt.

Emíttit verbum suum et liquefá-
cit eas; * flare iubet ventum suum
et fluunt aquæ.

Annuntiávit verbum suum Iacob,
* statúta et præcépta sua Israël.

Non fecit ita ulli natióni: * præ-
cépta sua non manifestávit eis.

Glória Patri, et Fílio, * et Spirítui
Sancto.

Sicut erat in princípíio, et nunc,
et semper, * et in sæcula sæculórum.
Amen.

Et repetitur antiphona Omnes
colláudant nomen tuum, et dicunt:
«Benedíctus qui venit in nómine
Dómini: Hosánna in excélsis».

Antiphona 6 Fulgéntibus palmis
prostérnimur adveniénti Dómino:
huic omnes occurrámus cum hy-
mnis et cánticis, glorificántes et
dicéntes: «Benedíctus Dóminus».

Antiphona 7 Ave, Rex noster, Fili
David, Redémptor mundi, quem
prophétæ prædixérunt Salvatórem
dómui Israël esse ventúrum. Te
enim ad salutárem víctimam Pater
misit in mundum, quem exspectá-
bant omnes sancti ab orígine mun-
di, et nunc: «Hosánna Fílio David.
Benedíctus qui venit in nómine
Dómini. Hosánna in excélsis».

20. **Nihil impedit, quominus can-
tetur a fidelibus hymnus Christus
vincit, vel alius cantus in honorem
Christi Regis.**

21. **Intrante processione in eccle-
siam, dum celebrans per valvas**

**ecclesiæ transit, incipitur ultima
antiphona.**

Antiphona 8 Ingrediénte Dómino
in sanctam civitátem, Hebræórum
púeri resurrectiόνem Vitæ pronun-
tiántes,

Cum ramis palmárum: «Ho-
sánna, clamábant, in excélsis».

Cum audísset pópulus, quod
Iesus veníret Ierosólymam, exiérunt
óbviám ei

Cum ramis palmárum: «Ho-
sánna, clamábant, in excélsis».

22. **Celebrans, cum ad altare ad-
venerit, facta debita reverentia,
illud ascendit cum ministris sacris,
et, stans medius inter illos, versus
populum, clerico librum tenente,
dicit, in tono orationis ferialis, ora-
tionem ad complendam processio-
nem, manibus iunctis.**

22a. *Ministrantes serviunt ad li-
brum, et omnia fiunt, ut supra dictum
est.*

¶ Dóminus vobíscum.

Omnes R7. Et cum spíritu tuo.

Orémus.

Oratio

Dómine Iesu Christe, Rex ac
Redémptor noster, in cuius
honórem, hos ramos gestántes, so-
lémnes laudes decantávimus: con-
céde propítius; ut, quocúmque hi
rami deportáti fúerint, ibi tuæ be-
nedictiónis grátia descéndat, et,
quavis dæmonum iniquitáte vel
illusióne profligáta, dextera tua
prótegat, quos redémit. Qui vivis
et regnas in sæcula sæculórum.

Omnes: R7. Amen.

23. **Oratione finita, celebrans et
ministri, facta debita altari reve-
rentia, deponunt paramenta rubea,
assumentes, pro Missa, violacea.**

24. **Rami non tenentur manibus,
dum in Missa historia passionis
Domini cantatur vel legitur.**

DE MISSA

Statio ad S. Ioannem in Laterano

1. **Color paramentorum est vio-
laceus.**

2. **Ubi ante missam facta fuerit
benedictio et processio ramorum,**

celebrans cum ministris sacris, seu ministrantibus, accedit ad altare, et, omissis psalmo Iúdica me, Deus, ac confessione, statim ascendens, osculatur illud in medio, et incensat more solito.

3. Antiphona ad Introitum

Ps. 21, 20 et 22

Dómine, ne longe fácias auxiliū tuum a me, ad defensionem meam aspice: libera me de ore leónis, et a cónibus unicórnium humilitatem meam. *Ps. ibid., 2* Deus, Deus meus, respice in me: quare me dereliquisti? longe a salute mea verba delictorum meorum. **D**ómine, ne longe.

4. Orémus.

Oratio

Omnípotens sempitérne Deus, qui humano géneri, ad imitandum humilitatis exemplum, Salvatorem nostrum carnem sumere et crucem subire fecisti: concede propitius; ut et patientiæ ipsius habere documénta et resurrectionis consórtia mereámur. Per eúndem Dóminum.

5. Lécitio Epístolæ beáti Pauli Apóstoli ad Philippénes. 2, 5-11

Fratres: Hoc enim sentíte in vobis, quod et in Christo Iesu: qui, cum in forma Dei esset, non rapinam arbitrátus est esse se æquálem Deo: sed semetípsum exinanívit, formam servi accípiens, in similitudinem hóminum factus, et hábitu invéntus ut homo. Humiliávit semetípsum, factus obédiens usque ad mortem, mortem autem crucis. Propter quod et Deus exaltávit illum: et donávit illi nomen, quod est super omne nomen: **hic genuflectitur** ut in nómine Iesu omne genu flectátur cæléstium, terréstrium et infernórum: et omnis lingua confiteátur, quia Dóminus Iesus Christus in glória est Dei Patris.

6. Graduale Ps. 72, 24 et 1-3

Tenuísti manum dexteram meam: et in voluntáte tua deduxísti me: et cum glória assumpsísti me. *¶* Quam bonus Israël Deus rectis corde! mei autem pæne moti sunt pedes: pæne effúsi sunt gressus mei: quia zelávi in peccatóribus, pacem peccatórum videns.

7. *Tractus Ps. 21, 2-9, 18, 19, 22, 24 et 32* Deus, Deus meus, respice in me: quare me dereliquisti?

¶ Longe a salute mea verba delictorum meorum. *¶* Deus meus, clamábo per diem, nec exáudies: in nocte, et non ad insipiéntiam mihi. *¶* Tu autem in sancto hábitas, laus Israël. *¶* In te speravérunt patres nostri: speravérunt, et liberásti eos. *¶* Ad te clamavérunt, et salvi facti sunt: in te speravérunt, et non sunt confúsi. *¶* Ego autem sum vermis, et non homo: oppróbrium hóminum et abiéctio plebis. *¶* Omnes, qui vidébant me, aspernabántur me: locúti sunt lábiis et movérunt caput. *¶* Sperávit in Dómino, erípiat eum: salvum fáciat eum, quóniam vult eum. *¶* Ipsi vero consideravérunt, et inspexérunt me: divisérunt sibi vestiménta mea, et super vestem meam misérunt sortem. *¶* Libera me de ore leónis: et a cónibus unicórnium humilitatem meam. *¶* Qui timétis Dóminum, laudáte eum: univérsum semen Iacob, magnificáte eum. *¶* Annuntiábitur Dómino generátio ventúra: et annuntiábunt cæli iustítiam eius. *¶* Pópulo, qui nascétur, quem fecit Dóminus.

8. **Absoluta lectione Epístolæ ponuntur in latere Evangelii, in plano presbyterii, legilia nuda, et proceditur ad cantum vel lectionem historiæ passionis Domini, hoc modo:**

Cantatur vel legitur a ministris saltem in ordine diaconatus constitutis, qui, comitantibus duobus acolythis, vel ministrantibus, absque luminaribus et absque incenso,

veniunt ante altare, ibique, super infimum gradum genuflexi, profunde inclinati, submissa voce recitant, uti moris est, Munda cor meum, ac petunt a celebrante benedictionem, dicentes Iube, domne, benedicere. Celebrans, ad eos versus, media voce respondet:

Dóminus sit in córdibus vestris, et in lábiis vestris, ut digne et competenter annuntiétis Evángelium suum: in nómine Patris, et Fílii, ✠ et Spíritus Sancti. Et illi dicunt: Amen.

Postea, una cum acolythis, seu ministrantibus, faciunt reverentiam, et accedunt ad legilia; non dicunt Dóminus vobíscum et non signant librum, nec seipsos, dum cantare vel legere incipiunt.

8a. *Sacerdos, lecto graduali et tractu, dicit more solito, in medio altaris, Munda cor meum, Iube, Dómine, et Dóminus sit in corde meo.*

Tunc, in latere Evangelii, ad altare, legit vel cantat clara voce historiam passionis Domini, sed non dicit Dóminus vobíscum et non signat librum, nec seipsum, dum legere vel cantare incipit.

9. Hic modus cantandi vel legendi servatur etiam feria III et IV, quando historia passionis Domini cantatur vel legitur.

10. Evangelium passionis et mortis Domini secundum Matthæum.

26, 36-75; 27, 1-60

Pássio Dómini nostri Iesu Christi secundum Matthæum.

In illo témpore: Venit Iesus cum discipulis suis in villam, quæ dicitur Gethsémani, et dixit discipulis suis: ✠ Sedéte hic, donec vadam illuc, et orem. C. Et assumpto Petro, et duóbus filiis Zebedæi, cœpit contristári, et mœstus esse. Tunc ait illis: ✠ Tristis est ánima mea usque ad mortem: sustinéte hic, et vigiláte mecum. C. Et pro-

gréssus pusillum, prócidit in fáciem suam, orans, et dicens: ✠ Pater mi, si possíbile est, tránseat a me calix iste. Verúmtamen non sicut ego volo, sed sicut tu. C. Et venit ad discipulos suos, et invénit eos dormiéntes: et dicit Petro: ✠ Sic non potuístis una hora vigiláre mecum? Vigiláte, et oráte, ut non intrétis in tentatiónem. Spíritus quidem promptus est, caro autem infirma. C. Iterum secúndo ábiit et orávit, dicens: ✠ Pater mi, si non potest hic calix transíre, nisi bibam illum, fiat volúntas tua. C. Et venit íterum, et invénit eos dormiéntes: erant enim óculi eórum graváti. Et relíctis illis, íterum ábiit, et orávit tértio, eúndem sermónem dicens. Tunc venit ad discipulos suos, et dicit illis: ✠ Dormíte iam, et requiésce: ecce appropinquávit hora, et Fílius hóminis tradétur in manus peccatórum. Súrgite, eámus: ecce appropinquávit qui me tradet.

C. Adhuc eo loquente, ecce Iudas unus de duódecim venit, et cum eo turba multa cum gládiis, et fústibus, missi a princípibus sacerdotum, et senióribus pópuli. Qui autem trádidit eum, dedit illis signum dicens: S. Quemcúmque osculátus fuero, ipse est, tenéte eum. C. Et conféstim accédens ad Iesum, dixit: S. Ave, Rabbi. C. Et osculátus est eum. Dixítque illi Iesus: ✠ Amíce, ad quid venísti? C. Tunc accessérunt, et manus iniecérunt in Iesum, et tenuérunt eum. Et ecce unus ex his, qui erant cum Iesu, exténdens manum, exémit gládium suum, et percútiens servum princípis sacerdotum, amputávit aurículam eius. Tunc ait illi Iesus: ✠ Convérte gládium tuum in locum suum. Omnes enim, qui accéperint gládium, gládio períbunt. An putas, quia non possum rogáre Patrem meum, et exhibébit mihi modo plus quam duódecim legiónes Angelórum?

Quómodo ergo implebuntur Scripturæ, quia sic oportet fieri?

C. In illa hora dixit Iesus turbis: **✠** Tamquam ad latronem existis cum gládiis et fústibus comprehendere me: quotidie apud vos sedébam docens in templo, et non me tenuístis. **C.** Hoc autem totum factum est, ut adimpleréntur Scripturæ prophetarum. Tunc discipuli omnes, relicto eo, fugérunt.

At illi tenéntes Iesum, duxérunt ad Cáipham príncipem sacerdotum, ubi scribæ et senióres convéniant. Petrus autem sequebátur eum a longe, usque in átrium príncipis sacerdotum. Et ingressus intro, sedébat cum minístris, ut vidéret finem. Príncipes autem sacerdotum, et omne concílium, quærébant falsum testimónium contra Iesum, ut eum morti tráderent: et non invénérunt, cum multi falsi testes accessissent. Novíssime autem venérunt duo falsi testes, et dixerunt: **S.** Hic dixit: Possum destrúere templum Dei, et post trídium reédificáre illud. **C.** Et surgens princeps sacerdotum, ait illi: **S.** Nihil respóndes ad ea, quæ isti advérsus te testificántur? **C.** Iesus autem tacébat. Et princeps sacerdotum ait illi: **S.** Adiúro te per Deum vivum, ut dicas nobis, si tu es Christus Fílius Dei. **C.** Dicit illi Iesus: **✠** Tu dixísti. Verúmtamen dico vobis, ámodo vidébitis Fílium hóminis sedéntem a dextris virtútis Dei, et veniéntem in núbibus cæli. **C.** Tunc princeps sacerdotum scidit vestiménta sua, dicens: **S.** Blasphemávit: quid adhuc egémus téstibus? Ecce nunc audístis blasphemiam: quid vobis vidétur? **C.** At illi respondéntes dixerunt: **S.** Reus est mortis.

C. Tunc exspuérent in fáciem eius, et cólaphis eum cecidérunt, álii autem palmas in fáciem eius dedérunt, dicéntes: **S.** Prophetíza nobis, Christe, quis est qui te percússit? **C.** Petrus vero sedébat foris

in átrio: et accéssit ad eum una ancílla, dicens: **S.** Et tu cum Iesu Galilæo eras. **C.** At ille negávit coram ómnibus, dicens: **S.** Nescio quid dicis. **C.** Exeúnte autem illo iánuam, vidit eum ália ancílla, et ait his, qui erant ibi: **S.** Et hic erat cum Iesu Nazaréno. **C.** Et íterum negávit cum iuraménto: Quia non novi hóminem. Et post pusíllum accessérunt qui stabant, et dixerunt Petro: **S.** Vere et tu ex illis es: nam et loquéla tua manifestum te facit. **C.** Tunc cœpit detestári, et iuráre quia non novísset hóminem. Et continuo gallus cantávit. Et recordátus est Petrus verbi Iesu, quod díxerat: Priúsqvam gallus cantet, ter me negábis. Et egréssus foras, flevit amáre.

Mane autem facto, consílium iniérunt omnes príncipes sacerdotum, et senióres pópuli advérsus Iesum, ut eum morti tráderent. Et vinctum adduxérunt eum, et tradidérunt Póntio Piláto præsidi. Tunc videns Iudas, qui eum tradidit, quod damnátus esset; pæniténtia ductus, rétulit triginta argénteos príncípibus sacerdotum, et senióribus, dicens: **S.** Peccávi, tradens sánguinem iustum. **C.** At illi dixerunt: **S.** Quid ad nos? Tu víderis. **C.** Et proiécit argénteis in templo, recéssit: et ábiens, láqueo se suspéndit. Príncipes autem sacerdotum, accéptis argénteis, dixerunt: **S.** Non licet eos mittere in córbonam: quia prétium ságuinis est. **C.** Consílio autem ínto, emérunt ex illis agrum figuli, in sepultúram peregrinórum. Propter hoc vocátus est ager ille, Hacéldama, hoc est, ager ságuinis, usque in hodiérnum diem. Tunc implétum est, quod dictum est per Ieremíam prophétam, dicéntem: Et accepérunt triginta argénteos prétium appretiáti, quem appretiáverunt a filiis Israél: et dedérunt eos in agrum figuli, sicut constituit mihi Dóminus.

Iesus autem stetit ante præsidem, et interrogávit eum præses, dicens: **S.** Tu es Rex Iudæórum? **C.** Dicit illi Iesus: ✠ Tu dicis. **C.** Et cum accusarétur a princípibus sacerdotum, et senióribus, nihil respóndit. Tunc dicit illi Pilátus: **S.** Non audis quanta advérsus te dicunt testimónia? **C.** Et non respóndit ei ad ullum verbum, ita ut mirarétur præses vehementer. Per diem autem solémnem consuéverat præses pópulo dimíttre unum vinctum, quem voluissent. Habébat autem tunc vinctum insígnem, qui dicebátur Barábbas. Congregátis ergo illis, dixit Pilátus: **S.** Quem vultis dimíttam vobis: Barábbam, an Iesum, qui dicitur Christus? **C.** Sciébat enim quod per invídiam tradidissent eum. Sedénte autem illo pro tribunáli, misit ad eum uxor eius, dicens: **S.** Nihil tibi et iusto illi: multa enim passa sum hódie per visum propter eum. **C.** Príncipes autem sacerdotum, et senióres persuasérunt pópulis, ut péterent Barábbam, Iesum vero pérderent. Respóndens autem præses ait illis: **S.** Quem vultis vobis de duóbus dimítti? **C.** At illi dixerunt: **S.** Barábbam. **C.** Dicit illis Pilátus: **S.** Quid ígitur fáciam de Iesu, qui dicitur Christus? **C.** Dicunt omnes: **S.** Crucifigátur. **C.** Ait illis præses: **S.** Quid enim mali fecit? **C.** At illi magis clamábant, dicéntes: **S.** Crucifigátur. **C.** Videns autem Pilátus quia nihil proficeret, sed magis tumultus fieret: accépta aqua, lavit manus coram pópulo, dicens: **S.** Innocens ego sum a ságuine iusti huius: vos vidéritis. **C.** Et respóndens univérsum pópulus dixit: **S.** Sanguis eius super nos, et super filios nostros. **C.** Tunc dimísit illis Barábbam: Iesum autem flagellátum trádidit eis, ut crucifigerétur.

Tunc mílites præsidis suscipiéntes Iesum in prætóriúm, congregavérunt ad eum univérsam cohór-

tem: et exuéntes eum, chlámydem coccíneam circumdedérunt ei: et plecténtes corónam de spinis, posuérunt super caput eius, et arúndinem in dextera eius. Et genu flexo ante eum, illudébant ei, dicéntes: **S.** Ave, Rex Iudæórum. **C.** Et expuéntes in eum, acceperunt arúndinem, et percutiébant caput eius. Et postquam illusérunt ei, exuérunt eum chlámyde, et induérunt eum vestiméntis eius, et duxérunt eum ut crucifigerent.

Exeúntes autem, invenérunt hóminem Cyrenæum, nómine Simónem: hunc angariavérunt, ut tollerét crucem eius. Et venérunt in locum qui dicitur Gólgotha, quod est Calváriae locus. Et dedérunt ei vinum bíbere cum felle mixtum. Et cum gustásset, nóluit bíbere. Postquam autem crucifixérunt eum, divisérunt vestiménta eius, sortem mitténtes: ut implerétur, quod dictum est per Prophétam, dicéntem: Divisérunt sibi vestiménta mea, et super vestem meam misérunt sortem. Et sedéntes, servábant eum. Et imposuérunt super caput eius causam ipsíus scriptam: Hic est Iesus Rex Iudæórum.

Tunc crucifixi sunt cum eo duo latrónes: unus a dextris, et unus a sinístris. Prætereúntes autem blasphemábant eum, movéntes cápita sua, et dicéntes: **S.** Vah, qui déstruis templum Dei, et in tríduo illud reádificas: salva temetípsum. Si Fílius Dei es, descénde de cruce. **C.** Simíliter et príncipes sacerdotum illudéntes cum sribis et senióribus, dicébant: **S.** Alios salvos fecit, seípsum non potest salvum fácere: si Rex Israél est, descéndat nunc de cruce, et crédimus ei: confidit in Deo: líberet nunc, si vult eum: dixit enim: Quia Fílius Dei sum. **C.** Idípsum autem et latrónes, qui crucifixi erant cum eo, improperábant ei.

A sexta autem hora ténebræ

factæ sunt super univêrsam terram usque ad horam nonam. Et circa horam nonam clamávit Iesus voce magna, dicens: ✠ Eli, Eli, lamma sabachtháni? **C.** Hoc est: ✠ Deus meus, Deus meus, ut quid dereliquísti me? **C.** Quidam autem illic stantes, et audiéntes, dicébant: **S.** Eliám vocat iste. **C.** Et contínuo currens unus ex eis, accéptam spóngiam implévit acéto, et impósuit arúndini, et dabat ei bíbere. Céteri vero dicébant: **S.** Sine, videámus an véniat Elías líberans eum. **C.** Iesus autem íterum clamans voce magna, emísit spíritum. **Hic genuflectitur, et pausatur aliquantulum.**

Et ecce velum templi scissum est in duas partes a summo usque deórsum: et terra mota est, et petræ scissæ sunt, et monuménta apérta sunt: et multa córpora sanctórum, qui dormíerant, surrexérunt. Et exeúntes de monuméntis post resurrectionem eius, venérunt in sanctam civitátem, et apparuérunt multis. Centúrio autem, et qui cum eo erant, custodiéntes Iesum, viso terrémótu, et his, quæ fiébant, timuérunt valde, dicétes: **S.** Vere Fílius Dei erat iste. **C.** Erant autem ibi mulíeres multæ a longe, quæ secútæ erant Iesum a Galilæa, ministrátes ei: inter quas erat María Magdaléne, et María Iacóbi, et Ioseph mater, et mater filiórum Zebedæi.

Cum autem sero factum esset, venit quidam homo dives ab Arimathæa, nómine Ioseph, qui et ipse discípulus erat Iesu. Hic accéssit ad Pilátum, et pétiit corpus Iesu. Tunc Pilátus iussit reddi corpus. Et accépto córpore, Ioseph invólvit illud in síndone munda. Et pósuit illud in monuménto suo novo, quod excíderat in petra. Et advólvit saxum magnum ad óstium monuménti, et ábiit.

Post cantum vel lectionem historie passionis Domini, non re-

spondetur Laus tibi, Christe **et celebrans non osculatur librum, nec incensatur; quod servatur etiam feria III, IV et VI, quando historia passionis Domini cantatur vel legitur.**

II. Qui hodie alteram, vel tertiam missam lectam celebrat, non tenetur iterare lectionem passionis Domini, sed eius loco legit sequens Evangelium, more consueto.

✠ Sequéntia sancti Evangélii secúndum Matthæum. **27, 45-52**

Postquam crucifixérunt Iesum a sexta hora ténebræ factæ sunt super univêrsam terram usque ad horam nonam. Et circa horam nonam clamávit Iesus voce magna, dicens: « Eli, Eli, lamma sabachtháni? » Hoc est: « Deus meus, Deus meus, ut quid dereliquísti me? » Quidam autem illic stantes, et audiéntes, dicébant: « Eliám vocat iste ». Et contínuo currens unus ex eis accéptam spóngiam implévit acéto, et impósuit arúndini, et dabat ei bíbere. Céteri vero dicébant: « Sine, videámus an véniat Elías líberans eum ». Iesus autem íterum clamans voce magna, emísit spíritum. **Hic genuflectitur, et pausatur aliquantulum.** Et ecce velum templi scissum est in duas partes a summo usque deórsum: et terra mota est, et petræ scissæ sunt, et monuménta apérta sunt: et multa córpora sanctórum, qui dormíerant, surrexérunt.

12. Dicitur Credo.

13. Antiphona ad Offertorium Ps. 68, 21-22 Impropérium expectávit cor meum, et misériam: et sustínui qui simul mecum contristarétur, et non fuit: consolántem me quæsívi, et non invéni: et dedérunt in escam meam fel, et in siti mea potavérunt me acéto.

14. **Secreta**

Concède, quæsumus, Dómine: ut óculis tuæ maiestátis munus oblátum, et grátiam nobis devotiõnis obtíneat, et efféctum beátæ perennitátis acquirat. Per Dóminum.

15. **Præfatio de sancta Cruce.**

16. **Antiphona ad Communionem**
Matth. 26, 42 Pater, si non potest hic calix transíre, nisi bibam illum: fiat volúntas tua.

17. **Orémus. Postcommunio**

Per huius, Dómine, operatióem mystérii: et vítia nostra purgéntur, et iusta desidéria compleántur. Per Dóminum.

18. **Celebrans, in fine Missæ, data benedictione more solito, omittit ultimum Evangelium, et omnes revertuntur in sacristiam.**

In ceteris Missis, sine benedictione ramorum, legitur in fine sequens Evangelium, ut in benedictione ramorum:

✠ Sequéntia sancti Evangélii secúndum Matthæum. 21, 1-9

In illo témpore: Cum appropinquasset Iesus Ierosólymis, et venisset Béthphage ad montem Olivéti: tunc misit duos discipulos suos, dicens eis: « Ite in castéllum, quod contra vos est, et statim inveniétis ásinam alligátam, et pullum cum ea: sólvite, et addúcite mihi: et si quis vobis áliquíd díxerit, dícite quia Dóminus his opus habet, et conféstim dimíttet eos ». Hoc autem totum factum est, ut adimplerétur quod dictum est per prophétam, dicéntem: Dícite filíæ Sion: Ecce Rex tuus venit tibi mansuétus, sedens super ásinam et pullum, filium subiugális. Eúntes autem discipuli, fecérunt sicut præcépit illis Iesus. Et adduxérunt ásinam et pullum: et imposuérunt super eos vestiménta sua, et eum désuper sedére fecérunt. Plúrima autem turba stravérunt vestiménta sua in via: álíi autem cædebant ramos de arbóribus, et sternébant in via: turbæ autem, quæ præcedébant, et quæ sequebántur, clamábant, dicéntes: « Hosánna filio David: benedíctus qui venit in nómine Dómini ».

FERIA SECUNDA HEBDOMADÆ SANCTÆ

I classis

Statio ad S. Praxedem

1. **Antiphona ad Introitum**

Ps. 34, 1-2

Iúdica, Dómine, nocéntes me, expúgna impugnántes me: apprehénde arma et scutum, et exsúrge in adiutórium meum, Dómine, virtus salútis meæ. Ps. **ibid., 3** Effúnde frámeam, et conclúde advérsus eos, qui persequúntur me: dic ánimæ meæ: Salus tua ego sum. **I**údica, Dómine.

2. **Orémus.****Oratio**

Da, quæsumus, omnipotens Deus: ut, qui in tot advérsis ex nostra infirmitáte defícimus; in-

tercedénte unigéniti Fílii tui passióne respirémus: Qui tecum.

3. **Léctio Isaíæ prophétæ.**

50, 5-10

In diébus illis: Dixit Isaías: Dóminus Deus apéruit mihi aurem, ego autem non contradíco: retrórsus non ábii. Corpus meum dedi percutiéntibus, et genas meas veléntibus: fáciem meam non avérti ab increpántibus, et conspuéntibus in me. Dóminus Deus auxiliátor meus, ídeo non sum confúsus: ídeo pósui fáciem meam ut petram du-

rissimam, et scio, quoniam non confundar. Iuxta est, qui iustificat me, quis contradicet mihi? Stemus simul, quis est adversarius meus? Accedat ad me. Ecce Dominus Deus auxiliator meus: quis est qui condemnet me? Ecce omnes quasi vestimentum conterentur, tinea comedet eos. Quis ex vobis timens Dominum, audiens vocem servi sui? Qui ambulavit in tenebris, et non est lumen ei, speret in nomine Domini, et innitatur super Deum suum.

4. **Graduale Ps. 34, 23 et 3** Exsurge, Domine, et intende iudicio meo, Deus meus et Dominus meus, in causam meam. **V.** Effunde framentum, et concludere adversus eos, qui me persequuntur.

5. **Tractus Ps. 102, 10** Domine, non secundum peccata nostra, quae fecimus nos: neque secundum iniquitates nostras retribuas nobis. **V. Ps. 78, 8-9** Domine, ne memineris iniquitatum nostrarum antiquarum: cito anticipent nos misericordiae tuae, quia pauperes facti sumus nimis. **Hic genuflectitur V.** Adiuvamur nos, Deus salutaris noster: et propter gloriam nominis tui, Domine, libera nos: et propitius esto peccatis nostris, propter nomen tuum.

6. ✠ Sequentia sancti Evangelii secundum Ioannem. **12, 1-9**

Ante sex dies Paschae venit Iesus Bethaniam ubi Lazarus, fuerat mortuus, quem suscitavit Iesus. Fecerunt autem ei cenam ibi: et Martha ministrabat, Lazarus vero unus erat ex discumbentibus cum eo. Maria ergo accepit libram unguenti nardi pistici pretiosi, et unxit pedes Iesu, et extersit pedes eius capillis suis: et domus impleta est ex odore unguenti. Dixit ergo unus ex discipulis eius, Iudas Iscariot-

tes, qui erat eum traditurus: «Quare hoc unguentum non venit trecentis denariis, et datum est egenis?» Dixit autem hoc, non quia de egenis pertinebat ad eum, sed quia fur erat, et loculos habens, ea, quae mittebantur, portabat. Dixit ergo Iesus: «Sinite illam, ut in diem sepulturae meae servet illud. Pauperes enim semper habetis vobiscum: me autem non semper habetis». Cognovit ergo turba multa ex Iudaeis, quia illic est: et venerunt, non propter Iesum tantum, sed ut Lazarum viderent, quem suscitavit a mortuis.

7. **Antiphona ad Offertorium Ps. 142, 9-10** Eripe me de inimicis meis, Domine: ad te confugi, doce me facere voluntatem tuam: quia Deus meus es tu.

8. **Secreta**

Haec sacrificia nos, omnipotens Deus, potenti virtute mundatos, ad suum faciant puriores venire principium. Per Dominum.

9. **Præfatio de sancta Cruce.**

10. **Antiphona ad Communionem Ps. 34, 26** Erubescant et revereantur simul, qui gratulantur malis meis: induantur pudore et reverentia, qui maligna loquuntur adversus me.

11. **Orémus. Postcommunio**

Praebeant nobis, Domine, divinum tua sancta fervorem: quo eorum pariter et actu delectemur, et fructu. Per Dominum.

12. **Super populum:** Orémus. Humiliate capita vestra Deo.

Oratio

Adiuva nos, Deus salutaris noster: et ad beneficia recollenda, quibus nos instaurare dignatus es, tribue venire gaudentes. Per Dominum.

FERIA TERTIA HEBDOMADÆ SANCTÆ

I classis

Statio ad S. Priscam

1. Antiphona ad Introitum

Gal. 6, 14

Nos autem gloriári opórtet in cruce Dómini nostri Iesu Christi: in quo est salus, vita et resurréctio nostra: per quem salváti et liberáti sumus. **Ps. 66, 2** Deus misereátur nostri, et benedícat nobis: illúminet vultum suum super nos, et misereátur nostri. Nos autem.

2. Orémus.

Oratio

Omnípotens sempitérne Deus: da nobis ita domínicæ passiónis sacraménta perágere; ut indulgéntiam percípere mereámur. Per eúndem Dóminum.

3. Lécitio Ieremíæ prophétæ.

11, 18-20

In diébus illis: Dixit Ieremías: Dómine, demonstrásti mihi, et cognóvi: tunc ostendísti mihi stúdia eórum. Et ego quasi agnus mansuétus, qui portátur ad víctimam: et non cognóvi, quia cogitáverunt super me consília, dicéntes: Mittámus lignum in panem eius, et eradámus eum de terra vivéntium, et nomen eius non memorétur ámplius. Tu autem, Dómine Sábaoth, qui iúdicas iuste, et probas renes et corda, vídeam ulciónem tuam ex eis: tibi enim revelávi causam meam, Dómine Deus meus.

4. **Graduale Ps. 34, 13 et 1-2** Ego autem, dum mihi molésti essent, induébam me cilício, et humiliábam in ieiúnio ánimam meam: et orátio mea in sinu meo convertétur. **Y.** Iúdica, Dómine, nocéntes me, expúgna impugnántes me: apprehénde arma et scutum, et exsúrge in adiutórium mihi.

5. Evangelium passionis et mortis Domini secundum Marcum. 14, 32-72; 15, 1-46.

Dicitur Munda cor meum, Iube, domne (Dómine), benedícere, et Dóminus sit in córdibus vestris (in corde meo), et fiunt reliqua, ut supra in dominica II Passionis notatum est n. 8 et 8a, p. 123-124.

Pássio Dómini nostri Iesu Christi secúndum Marcum.

In illo témpore: Iesus et discípuli eius véniunt in prædium, cui nomen Gethsémani. Et ait discípulis suis: ✠ Sedéte hic donec orem. **C.** Et assúmit Petrum, et Iacóbum, et Ioánnem secum: et cœpit pavére, et tædére. Et ait illis: ✠ Tristis est ánima mea usque ad mortem: sustinéte hic, et vigiláte. **C.** Et cum processisset páululum, prócidit super terram: et orábat, ut si fieri posset, transíret ab eo hora: et dixit: ✠ Abba, Pater, ómnia tibi possibília sunt, transfer cálicem hunc a me: sed non quod ego volo, sed quod tu. **C.** Et venit, et invénit eos dormiéntes. Et ait Petro: ✠ Simon, dormis? non potuísti una hora vigiláre? Vigiláte, et oráte, ut non intrétis in tentatióne. Spíritus quidem promptus est, caro vero infirma. **C.** Et íterum ábiens orávit, eúndem sermónem dicens. Et revérsus, dénuo invénit eos dormiéntes (erant enim óculi eórum graváti) et ignorábant quid responderént ei. Et venit tértio, et ait illis: ✠ Dormíte iam, et requiescite. Súfficit: venit hora: ecce Fílius hóminis tradétur in manus peccatórum. Súrgite, eámus: ecce qui me tradet, prope est. **C.** Et, adhuc eo loquénte, venit Iudas Iscariótes,

unus de duódecim, et cum eo turba multa cum gládiis, et lignis, a summis sacerdótibus, et scribis, et senióribus. Déderat autem tráditor eius signum eis, dicens: **S.** Quemcúmque osculátus fúero, ipse est, tenéte eum, et dúcite caute. **C.** Et cum venísset, statim accédens ad eum, ait: **S.** Ave, Rabbi. **C.** Et osculátus est eum. At illi manus iniecerunt in eum, et tenuérunt eum. Unus autem quidam de circumstántibus, edúcens gládium, percússit servum summi sacerdótis: et amputávit illi aurículam. Et respóndens Iesus, ait illis: **✠** Tamquam ad latrónem existis cum gládiis, et lignis comprehendere me? quotidie eram apud vos in templo docens, et non me tenuístis. Sed ut impleántur Scriptúræ. **C.** Tunc discipuli eius relinquentes eum, omnes fugérunt. Aduléscens autem quidam sequebátur eum amíctus síndone super nudo: et tenuérunt eum. At ille, reiécta síndone, nudus profúgit ab eis.

Et adduxérunt Iesum ad summum sacerdótem: et convenérunt omnes sacerdótes, et scribæ, et senióres. Petrus autem a longe secútus est eum usque intro in átrium summi sacerdótis: et sedébat cum minístris ad ignem, et calefaciébat se. Summi vero sacerdótes, et omne concílium, quærébant advérsus Iesum testimónium, ut eum morti tráderent, nec inveniébant. Multi enim testimónium falsum dicébant advérsus eum: et conveniéntia testimónia non erant. Et quidam surgéntes, falsum testimónium ferébant advérsus eum, dicéntes: **S.** Quóniam nos audívimus eum dicéntem: Ego dissólvam templum hoc manufáctum, et per trídium áliud non manufáctum ædificábo. **C.** Et non erat convéniens testimónium illórum. Et exsúrgens summus sacérdos in médium, interrogávit Iesum, dicens: **S.** Non respón-

des quidquam ad ea, quæ tibi obiciúntur ab his? **C.** Ille autem tacébat, et nihil respóndit. Rursum summus sacérdos interrogábat eum, et dixit ei: **S.** Tu es Christus Fílius Dei benedícti? **C.** Iesus autem dixit illi: **✠** Ego sum: et vidébitis Fílium hóminis sedéntem a dextris virtútis Dei, et veniéntem cum núbibus cæli. **C.** Summus autem sacérdos scindens vestiménta sua, ait: **S.** Quid adhuc desiderámus testes? Audístis blasphémiam: quid vobis vidétur? **C.** Qui omnes condemnáverunt eum esse reum mortis.

Et cœpérunt quidam conspúere eum, et veláre fáciem eius, et cólaphis eum cédere, et dícere ei: **S.** Prophetíza. **C.** Et minístri álapis eum cädébant.

Et cum esset Petrus in átrio deórsum, venit una ex ancíllis summi sacerdótis: et cum vidísset Petrum calefaciéntem se, aspiciens illum, ait: **S.** Et tu cum Iesu Nazaréno eras. **C.** At ille negávit, dicens: **S.** Neque scio, neque novi quid dicas. **C.** Et éxiit foras ante átrium, et gallus cantávit. Rursus autem cum vidísset illum ancílla, cœpit dícere circumstántibus: Quia hic ex illis est. At ille íterum negávit. Et post pusillum rursus qui astábant, dicébant Petro: **S.** Vere ex illis es: nam et Galiléus es. **C.** Ille autem cœpit anathematizáre, et iuráre: Quia nescio hóminem istum, quem dicitis. Et statim gallus íterum cantávit. Et recordátus est Petrus verbi, quod díxerat ei Iesus: Priúsqvam gallus cantet bis, ter me negábis. Et cœpit flere.

Et conféstim mane consílium faciéntes summi sacerdótes, cum senióribus, et scribis, et univérso concílio, vinciéntes Iesum, duxérunt, et tradidérunt Piláto. Et interrogávit eum Pilátus: **S.** Tu es Rex Iudæórum? **C.** At ille respóndens, ait illi: **✠** Tu dicis. **C.** Et accusábant

eum summi sacerdotes in multis. Pilatus autem rursum interrogavit eum, dicens: **S.** Non respondes quidquam? vide in quantis te accusant. **C.** Iesus autem amplius nihil respondit, ita ut miraretur Pilatus.

Per diem autem festum solébat dimittere illis unum ex vinctis, quemcúmque petíissent. Erat autem qui dicebatur Barábbas, qui cum seditiósus erat vinctus, qui in seditióne fécerat homicídium. Et cum ascendísset turba, cœpit rogare, sicut semper faciebat illis. Pilatus autem respondit eis, et dixit: **S.** Vultis dimittam vobis Regem Iudæorum? **C.** Sciébat enim quod per invidiam tradidissent eum summi sacerdotes. Pontífices autem concitaverunt turbam, ut magis Barábbam dimitteret eis. Pilatus autem iterum respondens, ait illis: **S.** Quid ergo vultis faciam Regi Iudæorum? **C.** At illi iterum clamaverunt: **S.** Crucifige eum. **C.** Pilatus vero dicebat illis: **S.** Quid enim mali fecit? **C.** At illi magis clamabant: **S.** Crucifige eum. **C.** Pilatus autem volens pópulo satisfácere, dimísit illis Barábbam, et tradidit Iesum flagéllis cæsum, ut crucifigeretur.

Mílités autem duxerunt eum in átrium prætorii, et cónvocant totam cohórtem, et induunt eum púrpura, et impónunt ei plecténtes spíneam corónam. Et cœperunt salútare eum: Ave, Rex Iudæorum. Et percutiébant caput eius arúndine: et conspuébant eum, et ponéntes génua, adorábant eum. Et postquam illusérunt ei, exuérunt illum púrpura, et induérunt eum vestiméntis suis: et edúcunt illum, ut crucifigerent eum. Et angariaverunt prætereúntem quémpiam, Simónem Cyrenæum, veniéntem de villa, patrem Alexándri et Rufi, ut tólleret crucem eius.

Et perdúcunt illum in Gólgotha locum, quod est interpretátum Cal-

váriæ locus. Et dabant ei bíbere myrrhátum vinum: et non accépit. Et crucifigéntes eum, divisérunt vestiménta eius, mitténtes sortem super eis, quis quid tólleret. Erat autem hora tértia: et crucifixerunt eum. Et erat título causæ eius inscriptus: Rex Iudæorum. Et cum eo crucifigunt duos latrónes: unum a dextris, et álium a sinístris eius. Et impléta est Scriptúra, quæ dicit: Et cum iníquis reputátus est. Et prætereúntes blasphemábant eum, movéntes cápita sua, et dicéntes: **S.** Vah, qui déstruis templum Dei, et in tribus diébus reádificas: saluum fac temetípsum, descéndens de cruce. **C.** Simíliter et summi sacerdotes illudéntes, ad altérutrum cum scribis dicebant: **S.** Alios salvos fecit, seípsum non potest saluum fácere. Christus Rex Israël descéndat nunc de cruce, ut videámus, et credámus. **C.** Et qui cum eo crucifixi erant convitiabántur ei. Et facta hora sexta, ténebræ factæ sunt per totam terram, usque in horam nonam. Et hora nona exclamávit Iesus voce magna, dicens: ✠ Eloi, Eloi, lamma sabactháni? **C.** Quod est interpretátum: ✠ Deus meus, Deus meus, ut quid dereliquísti me? **C.** Et quidam de circumstántibus audiéntes, dicebant: **S.** Ecce Elíam vocat. **C.** Currens autem unus, et implens spóngiam acéto, circumponénsque cálamo, potum dabat ei, dicens: **S.** Sínite, videámus si véniat Elías ad deponéndum eum. **C.** Iesus autem emíssa voce magna exspirávit. **Hic genuflectitur, et pausat aliquantulum.**

Et velum templi scissum est in duo, a summo usque deórsum. Videns autem centúrio, qui ex advérso stabat, quia sic clamans exspirásset, ait: **S.** Vere hic homo Fílius Dei erat. **C.** Erant autem et mulieres de longe aspiciéntes: inter quas erat María Magdaléne, et María Iacóbi minóris et Ioseph

mater, et Salóme: et cum esset in Galilæa, sequebantur eum, et ministrabant ei, et aliæ multæ, quæ simul cum eo ascenderant Ierosólymam.

Et cum iam sero esset factum (quia erat Parascève, quod est ante sabbatum) venit Ioseph ab Arimathæa, nóbilis decúrio, qui et ipse erat exspectans regnum Dei, et audácter introívit ad Pilátum, et pétiit corpus Iesu. Pilátus autem mirabátur si iam obiisset. Et accersíto centurióne, interrogávit eum si iam mórtuus esset. Et cum cognovísset a centurióne, donávit corpus Ioseph. Ioseph autem mercátus síndonem, et depónens eum invólvit síndone, et pósuit eum in monuménto, quod erat excísus de petra, et advólvit lápidem ad óstium monuménti.

6. **Antiphona ad Offertorium Ps. 139, 5** Custódi me, Dómine, de manu peccatóris: et ab homínibus iníquis éripe me.

7. **Secreta**
Sacrificia nos, quæsumus, Dómine, propénsius ista restáurent: quæ medicínalibus sunt institúta ieiúniis. Per Dóminum.

8. **Præfatio de sancta Cruce.**

9. **Antiphona ad Communionem Ps. 68, 13-14** Advérsus me exercebántur, qui sedébant in porta: et in me psallébant, qui bibébant vinum: ego vero oratióem meam ad te, Dómine: tempus benepláciti, Deus, in multitúdine misericórdiæ tuæ.

10. Orémus **Postcommunio**
Sanctificatióibus tuis, omnípotens Deus: et vítia nostra curéntur, et remédia nobis sempitérna provéniant. Per Dóminum.

11. **Super populum:** Orémus. Humiliáte cápita vestra Deo.

Oratio

Tua nos misericórdia, Deus, et ab omni subreptiône vetustátis expúrget, et capáces sanctæ novitátis effíciat. Per Dóminum.

FERIA QUARTA HEBDOMADÆ SANCTÆ

I classis

Statio ad S. Mariam maiorem

Antiphona ad Introitum

Phil. 2, 10, 8 et 11

In nómine Iesu omne genu flectátur, cæléstium, terréstrium et infernórum: quia Dóminus factus est obédiens usque ad mortem, mortem autem crucis: ídeo Dóminus Iesus Christus in glória est Dei Patris. **Ps. 101, 2** Dómine, exáudi oratióem meam: et clamor meus ad te véniat. **In nómine.**

2. **Post** Kyrie, eléison **dicitur** Orémus. Flectámus génua. Leváte.

3. Orémus.

Oratio

Præsta, quæsumus, omnípotens Deus: ut, qui nostris excéssibus

incessánter affligimur, per unigéniti Fílii tui passióem liberémur: Qui tecum.

4. Léctio Isaíæ prophétæ.

62, 11; 63, 1-7

Hæc dicit Dóminus Deus: Dícite filiæ Sion: Ecce Salvátor tuus venit: ecce merces eius cum eo. Quis est iste, qui venit de Edom, tinctis véstibus de Bosra? Iste formósus in stola sua, grádiens in multitúdine fortitúdinis suæ. Ego, qui loquor iustítiam, et propugnátor sum ad salvándum. Quare ergo rubrum est indumentum tuum, et vestiménta tua, sicut calcántium in torculári? Tórcular calcávi solus,

et de gentibus non est vir mecum: calcavi eos in furore meo, et conculcavi eos in ira mea: et aspersionis est sanguis eorum super vestimenta mea, et omnia indumenta mea inquinavi. Dies enim ultionis in corde meo, annus redemptionis meae venit. Circumspexi, et non erat auxiliator: quaesivi, et non fuit qui adiuvaret: et salvavit mihi brachium meum, et indignatio mea ipsa auxiliata est mihi. Et conculcavi populos in furore meo, et inebriavi eos in indignatione mea, et detraxi in terram virtutem eorum. Miserationum Domini recordabor, laudem Domini super omnibus, quae reddidit nobis Dominus Deus noster.

5. **Graduale Ps. 68, 18 et 2-3** Ne avertas faciem tuam a puero tuo, quoniam tribulor: velociter exaudi me. **V.** Salvum me fac, Deus, quoniam intraverunt aquae usque ad animam meam: infixus sum in limo profundi, et non est substantia.

6. **Hic dicitur V.** Dominus vobiscum, **sine** Flectamus genua.

Orémus.

Oratio

Deus, qui pro nobis Filium tuum crucis patibulum subire voluisti, ut inimici a nobis expelleres potestatem: concede nobis famulis tuis; ut resurrectionis gratiam consequamur. Per eundem Dominum.

Et huic orationi additur altera oratio sub unica conclusione forte dicenda.

7. **Lectio Isaiae prophetae.**

53, 1-12

In diebus illis: Dixit Isaías: Domine, quis credidit auditui nostro? et brachium Domini cui revelatum est? Et ascendet sicut virgultum coram eo, et sicut radix de terra sitiénti: non est species ei, neque decor: et vidimus eum, et non erat aspectus, et desideravimus eum: despectum, et novissimum

virorum, virum dolorum, et scientem infirmitatem: et quasi absconditus vultus eius, et despectus, unde nec reputavimus eum. Vere linguos nostros ipse tulit, et dolores nostros ipse portavit: et nos putavimus eum quasi leprosum, et percussus a Deo, et humiliatum. Ipse autem vulneratus est propter iniquitates nostras, attritus est propter scelera nostra: disciplina pacis nostrae super eum, et livore eius sanati sumus. Omnes nos quasi oves erravimus, unusquisque in viam suam declinavit: et posuit Dominus in eo iniquitatem omnium nostrum. Oblatus est, quia ipse voluit, et non aperuit os suum: sicut ovis ad occisionem ducetur, et quasi agnus coram tondente se obmutescet, et non aperiet os suum. De angustia, et de iudicio sublatus est: generationem eius quis enarrabit? quia abscessus est de terra viventium: propter scelus populi mei percussi eum. Et dabit impios pro sepultura, et divitem pro morte sua: eo quod iniquitatem non fecerit, neque dolus fuerit in ore eius. Et Dominus voluit conterere eum in infirmitate: si posuerit pro peccato animam suam, videbit semen longævum, et voluntas Domini in manu eius dirigetur. Pro eo quod laboravit anima eius, videbit, et saturabitur: in scientia sua iustificabit ipse iustus servus meus multos, et iniquitates eorum ipse portabit. Ideo dispertiam ei plurimos: et fortium dividet spolia, pro eo quod tradidit in mortem animam suam, et cum sceleratis reputatus est: et ipse peccata multorum tulit, et pro transgressoribus rogavit.

8. **Tractus Ps. 101, 2-5 et 14** Domine, exaudi orationem meam, et clamor meus ad te veniat. **V.** Ne avertas faciem tuam a me: in quacumque die tribulor, inclina ad me aurem tuam. **V.** In quacumque die invocavero te, velociter exaudi me.

℣. Quia defecerunt sicut fumus dies mei: et ossa mea sicut in frixório confrixa sunt. **℣.** Percussus sum sicut fenum, et aruit cor meum: quia oblitus sum manducare panem meum. **℣.** Tu exurgens, Dómine, miseréberis Sion: quia venit tempus miserendi eius.

9. **Evangelium passionis et mortis Domini secundum Lucam. 22, 39-71; 23, 1-53.**

Dicitur Munda cor meum, Iube, domne (Dómine), benedícere, **et** Dóminus sit in córdibus vestris (in corde meo), **et fiunt reliqua, ut supra in dominica II Passionis notatum est n. 8 et 8a, p. 123-124.**

Pássio Dómini nostri Iesu Christi secúndum Lucam.

In illo témpore: Egréssus Iesus ibat secúndum consuetúdinem in montem Olivárum. Secúti sunt autem illum et discípuli. Et cum pervénisset ad locum, dixit illis: **✠** Oráte, ne intrétis in tentatióne. **C.** Et ipse avúlsus est ab eis quantum iactus est lápidis, et pósitois génibus orábat, dicens: **✠** Pater, si vis, transfer cálicem istum a me: verúmtamen non mea volúntas, sed tua fiat. **C.** Appáruit autem illi ángelus de cælo, confórtans eum. Et factus in agonía, prolíxius orábat. Et factus est sudor eius, sicut guttæ ságuinis decurréntis in terram. Et cum surrexisset ab oratióne, et venisset ad discípulos suos, invénit eos dormiéntes præ tristítia. Et ait illis: **✠** Quid dormítis? súrgite, oráte, ne intrétis in tentatióne.

C. Adhuc eo loquente, ecce turba: et qui vocabátur Iudas, unus de duódecim, antecedébat eos: et appropinquávit Iesu, ut oscularétur eum. Iesus autem dixit illi: **✠** Iuda, ósculo Fílium hóminis tradis? **C.** Vidéntes autem hi, qui circa ipsum erant, quod futúrum erat, dixerunt

ei: **S.** Dómine, si percútimus in gládio? **C.** Et percússit unus ex illis servum princípis sacerdotum, et amputávit aurículam eius dextera. Respóndens autem Iesus, ait: **✠** Sinite usque huc. **C.** Et cum tetigisset aurículam eius, sanávit eum. Dixit autem Iesus ad eos, qui vénerant ad se, principes sacerdotum, et magistrátus templi, et senióres: **✠** Quasi ad latrónem existis cum gládiis, et fústibus? Cum quotidie vobíscum fúerim in templo, non extendístis manus in me: sed hæc est hora vestra, et potéstas tenebrárum.

C. Comprehendéntes autem eum, duxérunt ad domum princípis sacerdotum: Petrus vero sequebátur a longe. Accénso autem igne in médio átrii, et circumsedéntibus illis, erat Petrus in médio eórum. Quem cum vidisset ancílla quædam sedéntem ad lumen, et eum fuísset intúita, dixit: **S.** Et hic cum illo erat. **C.** At ille negávit eum, dicens: **S.** Múlier, non novi illum. **C.** Et post pusíllum álius videns eum, dixit: **S.** Et tu de illis es. **C.** Petrus vero ait: **S.** O homo, non sum. **C.** Et intervállo facto quasi horæ unius, álius quidam affirmábat, dicens: **S.** Vere et hic cum illo erat: nam et Galiléus est. **C.** Et ait Petrus: **S.** Homo, nescio quid dicis. **C.** Et continuo adhuc illo loquente cantávit gallus. Et convérsus Dóminus respéxit Petrum. Et recordátus est Petrus verbi Dómini, sicut díxerat: Quia priúsqum gallus cantet, ter me negábis. Et egréssus foras Petrus flevit amáre.

Et viri, qui tenébant illum, illudébant ei, cædéntes. Et velavérunt eum, et percutiébant fáciem eius: et interrogábant eum, dicéntes: **S.** Prophetíza, quis est, qui te percússit? **C.** Et ália multa blasphemántes dicébant in eum.

Et ut factus est dies, convenérunt senióres plebis, et príncipes sacer-

dótum, et scribæ, et duxerunt illum in concílium suum, dicentes: **S.** Si tu es Christus, dic nobis. **C.** Et ait illis: ✠ Si vobis díxero, non credétis mihi: si autem et interrogávero, non respondébitis mihi, neque dimittétis. Ex hoc autem erit Fílius hóminis sedens a dextris virtútis Dei. **C.** Dixérunt autem omnes: **S.** Tu ergo es Fílius Dei? **C.** Qui ait: ✠ Vos dícitis, quia ego sum. **C.** At illi dixérunt: **S.** Quid adhuc desiderámus testimónium? Ipsi enim audívimus de ore eius.

C. Et surgens omnis multitúdo eórum, duxerunt illum ad Pilátum. Cœperunt autem illum accusáre, dicentes: **S.** Hunc invénimus subverténtem gentem nostram, et prohibéntem tribúta dare Cásari, et dicéntem se Christum regem esse. **C.** Pilátus autem interrogávit eum, dicens: **S.** Tu es Rex Iudæórum? **C.** At ille respóndens, ait: ✠ Tu dicis. **C.** Ait autem Pilátus ad príncipes sacerdotum, et turbas: **S.** Nihil invénio causæ in hoc hómine. **C.** At illi invalescébant, dicentes: **S.** Cóm-movet pópulum, docens per universam Iudæam, incípiens a Galilæa usque huc.

C. Pilátus autem áudiens Galilæam, interrogávit si homo Galilæus esset. Et ut cognóvit quod de Heródis potestáte esset, remisit eum ad Heródem, qui et ipse Ierosólymis erat illis diébus. Heródes autem viso Iesu gavísus est valde. Erat enim cúpiens ex multo témpore vidére eum, eo quod audíerat multa de eo, et sperábat signum áliquod vidére ab eo fieri. Interrogábat autem eum multis sermónibus. At ipse nihil illi respondébat. Stabant autem príncipes sacerdotum, et scribæ constánter accusántes eum. Sprevit autem illum Heródes cum exércitu suo: et illúsit indútum veste alba, et remisit ad Pilátum. Et facti sunt amíci Heródes et Pilátus in ipsa die: nam ántea inimíci

erant ad ínvicem. Pilátus autem convocátis princípibus sacerdotum, et magistrátibus, et plebe, dixit ad illos: **S.** Obtulistis mihi hunc hóminem, quasi averténtem pópulum, et ecce ego coram vobis intérogans, nullam causam invéni in hómine isto ex his, in quibus eum accusátis. Sed neque Heródes: nam remisí vos ad illum, et ecce nihil dignum morte actum est ei. Emendátum ergo illum dimíttam.

C. Necesse autem habébat dimíttre eis per diem festum, unum. Exclamávit autem simul univérsta turba, dicens: **S.** Tolle hunc, et dimítte nobis Barábbam. **C.** Qui erat propter seditiónem quandam factam in civitáte, et homicídium, missus in cárcerem. Iterum autem Pilátus locútus est ad eos, volens dimíttre Iesum. At illi succlamábant, dicentes: **S.** Crucifige, crucifige eum. **C.** Ille autem tértio dixit ad illos: **S.** Quid enim mali fecit iste? Nullam causam mortis invénio in eo: corrípiam ergo illum, et dimíttam. **C.** At illi instábant vóci-bus magnis, postulántes ut crucifigerétur. Et invalescébant voces eórum. Et Pilátus adiudicávit fieri petitió-nem eórum. Dimísit autem illis eum, qui propter homicídium et seditiónem missus fúerat in cárcerem, quem petébant: Iesum vero trádidit voluntáti eórum.

Et cum dúcerent eum, apprehenderunt Simónem quendam Cyrenensem, veniéntem de villa: et imposuerunt illi crucem portáre post Iesum. Sequebátur autem illum multa turba pópuli, et mulierum, quæ plangébant et lamentabántur eum. Convérsus autem ad illas Iesus dixit: ✠ Fíliæ Ierúsalem, nolíte flere super me, sed super vos ipsas flete, et super filios vestros. Quóniam ecce vénient dies, in quibus dicent: Beátæ stériles, et ventres, qui non genuérunt, et úbera, quæ non lactavérunt. Tunc incípient dí-

cere montibus: Cádite super nos; et collibus: Operíte nos. Quia si in víridi ligno hæc faciunt, in árido quid fiet?

C. Ducebántur autem et álíi duo nequam cum eo, ut interficeréntur. Et postquam venérunt in locum, qui vocátur Calváriæ, ibi crucifixerunt eum: et latrónes, unum a dextris, et álterum a sinístris. Iesus autem dicébat: ✠ Pater, dimítte illis: non enim sciunt quid faciunt. **C.** Dividéntes vero vestiménta eius, misérunt sortes. Et stabat pópulus spectans, et deridébant eum príncipes cum eis, dicéntes: **S.** Alios salvos fecit: se salvum fáciat, si hic est Christus Dei eléctus. **C.** Illudébant autem ei et mílites accedéntes, et acétum offeréntes ei, et dicéntes: **S.** Si tu es Rex Iudæórum, salvum te fac. **C.** Erat autem et superscriptio scripta super eum lítteris græcis, et latinis, et hebráicis: Hic est Rex Iudæórum. Unus autem de his, qui pendébant, latrónibus, blasphemábat eum, dicens: **S.** Si tu es Christus, salvum fac temetípsum, et nos. **C.** Respóndens autem alter increpábat eum, dicens: **S.** Neque tu times Deum, quod in eádem damnatióne es. Et nos quidem iuste, nam digna factis recípiamus: hic vero nihil mali gessit. **C.** Et dicébat ad Iesum: **S.** Dómine, meménto mei, cum véneris in regnum tuum. **C.** Et dixit illi Iesus: ✠ Amen dico tibi: Hódie mecum eris in paradíso.

C. Erat autem fere hora sexta, et ténebræ factæ sunt in univérsum terram usque in horam nonam. Et obscurátus est sol: et velum templi scissum est médium. Et clamans voce magna Iesus, ait: ✠ Pater, in manus tuas comméndo spíritum meum. **C.** Et hæc dicens, exspirávit. **Hic genuflectitur, et pausatur aliquantulum.**

Videns autem centúrio quod factum fúerat, glorificávit Deum

dicens: **S.** Vere hic homo iustus erat. **C.** Et omnis turba eórum, qui simul áderant ad spectáculum istud, et vidébant quæ fiébant, percutiéntes péctora sua revertébantur. Stabant autem omnes noti eius a longe, et mulieres, quæ secútæ eum erant a Galilæa, hæc vidéntes.

Et ecce vir nómine Ioseph, qui erat decúrio, vir bonus et iustus: hic non consenserat consílio et áctibus eórum, ab Arimathæa civitáte Iudææ, qui exspectábat et ipse regnum Dei. Hic accéssit ad Pilátum, et pétiit corpus Iesu: et depósitum invólvit síndone, et pósuit eum in monuménto excíso, in quo nondum quisquam pósitus fúerat.

10. Antiphona ad Offertorium Ps. 101, 2-3 Dómine, exáudi oratióne meam, et clamor meus ad te pervéniat: ne avértas faciém tuam a me.

11. Secreta

Súscipe, quæsumus, Dómine, munus oblátum, et dignánte opere: ut, quod passióis Fílii tui Dómini nostri mystério gérimus, piis afféctibus consequámur. Per eúndem Dóminum.

12. Præfatio de sancta Cruce.

13. Antiphona ad Communionem Ps. 101, 10, 13 et 14 Potum meum cum fletu temperábam: quia elevans allisísti me: et ego sicut fenum áruí: tu autem, Dómine, in ætérnum pérmanes: tu exsúrgens miseréberis Sion, quia venit tempus miseréndi eius.

14. Orémus. Postcommunio

Largíre sénsibus nostris, omnipotens Deus: ut, per temporálem Fílii tui mortem, quam mystéria veneránda testántur, vitam te nobis dedísse perpétuam confidámus. Per eúndem Dóminum.

15. **Super populum:** Orémus. Humiliáte cápita vestra Deo.

Oratio

Réspice, quæsumus, Dómine, super hanc familiam tuam,

pro qua Dóminus noster Iesus Christus non dubitávit mánibus tradi nocéntium, et crucis subíre torméntum: Qui tecum.

FERIA QUINTA IN CENA DOMINI

I classis

DE MISSA CHRISMATIS

IN QUA BENEDICITUR OLEUM CATECHUMENORUM ET INFIRMORUM, ET CONFICITUR SACRUM CHRISMA

1. **Benedictio olei catechumenorum et infirmorum, et confectio sacri chrismatis peraguntur secundum ordinem in Pontificali romano descriptum, iis exceptis, quæ inferius notantur.**

2. **Hæ autem benedictio et confectio fiunt intra Missam chrismatis, quæ celebranda est post Tertiam.**

3. Antiphona ad Introitum

Ex. 30, 25, 31

Facies unctionis óleum, et filiis Israël dices: Hoc óleum unctionis sanctum erit mihi in generationes vestras. **Ps. 88, 2** Grátias Dómini in ætérnum cantábo; per omnes generationes annuntiábo fidelitátem tuam. **F**acies unctionis.

4. **Decantatis antiphona ad Introitum ac Kýrie, eléison, ut moris est, Pontifex, lecta antiphona ad Introitum et Kýrie eléison recitato, statim incipit in tono solemni Glória in excélsis.**

5. Orémus.

Oratio

Dómine Deus, qui in regenerándis plébibus tuis ministério úteris sacerdotum; tríbue nobis perseverántem in tua voluntáte famulátum; ut dono grátiae tuæ, in diébus nostris, et méritis et número sacrátus tibi pópulus augeátur. Per Dóminum.

Et dicitur hæc tantum oratio.

6. **Léctio Epístolæ beáti Iacóbi apóstoli.** **5, 13-16**

Fratres: Tristátur áliquis vestrum? Oret. Æquo ánimo est? Psallat. Infirmátur quis in vobis? Indúcat presbýteros ecclésiæ, et orent super eum, ungéntes eum óleo in nómine Dómini; et orátio fidei salvábit infirmum, et alleviábit eum Dóminus; et si in peccátis sit, remitténtur ei. Confitémini ergo altérutrum peccáta vestra, et oráte pro ínvicem ut salvémini; multum enim valet deprecátio iusti assídua.

7. **Graduale Ps. 27, 7-8** In Deo confisum est cor meum, et adiútus sum; ídeo exsúltat cor meum, et cántico meo laudo eum.

¶ Dóminus robur est pópulo suo, et præsídium salútis uncto suo.

8. **✠ Sequéntia sancti Evangélii secúndum Marcum.**

6, 7-13

In illo témpore: Vocávit Iesus duodecim, et cœpit eos mittere binos, et dabat illis potestátem spírituum immundórum. Et præcépit eis, ne quid tóllerent in via, nisi virgam tantum; non peram, non panem, neque in zona æs, sed calceátos sandáliis, et ne indueréntur duábus túnícis. Et dicébat eis: « Quocúmque introiéritis in domum, illic manéte, donec exeátis inde; et quicúmque non recéperint vos, nec audíe-

rint vos, exeúntes inde, excúтите пúlverem de pédibus vestris, in testimónium illis». Et exeúntes prædicábant ut pæniténtiam ágerent; et dæmónia multa eiciébant, et ungébant óleo multos ægros, et sanábant.

Et non dicitur Credo.

9. **Antiphona ad Offertorium Ps. 44, 7** Díligris iustítiam et odísti iniquitátem; proptérea unxit te Deus, Deus tuus, óleo lætítiæ.

10. **Secreta**

Huius sacrificii poténtia, Dómine, quæsumus, et vetustátem nostram cleménter abstérget, et novitátem nobis áugeat et salútem. Per Dóminum.

11. **Præfatio propria.**

12. Communicántes, et quæ sequuntur usque ad consecrationem, dicuntur ut in Canone Missæ, nihil addendo vel immutando.

13. In benedictione chrismatis, quæ in Pontificali romano invenitur, versus finem præfationis quæ super chrisma benedicendum cantatur, omittantur verba: ut spirituális lavácri baptísimo usque ad vestiménto incorrúpti múnieris induántur, quæ olim præfationem

propriam Missæ chrismatis constituerant, et quæ in hoc instaurato ritu iterum locum suum obtinuerunt.

14. **Ad triplex Agnus Dei, respondetur ter miserére nobis. Omittitur oratio Dómine Iesu Christe, qui dixísti; et non datur osculum pacis. In hac Missa sacram Communionem distribuere non licet.**

15. **Antiphona ad Communionem Marc. 6, 12-13** Prædicábant Apóstoli ut pæniténtiam ágerent, et ungébant óleo multos ægros, et sanábant.

16. **Orémus. Postcommunio**

Præsta, quæsumus, Dómine: ut, sicut de præteritis ad nova transímus; ita, vetustáte depósita, sanctificátis méntibus innovémur. Per Dóminum.

17. **In fine Missæ, dicto Pláceat tibi, sancta Trínitas, datur benedictio more solito, et, omisso ultimo evangelio sancti Ioannis, dicuntur in choro Sexta et Nona.**

18. **Locorum Ordinarii, qui Missam chrismatis mane celebraverint, possunt vespere Missam quoque solemnem in Cena Domini litare.**

DE MISSA SOLEMNI VESPERTINA IN CENA DOMINI

Statio ad S. Ioannem in Laterano

¶ Missa solemnis in Cena Domini celebranda est vespere, hora magis opportuna, non autem ante horam quartam post meridiem, nec post horam nonam.

Aliarum Missarum in Cena Domini celebratio interdicitur. Ubi vero ratio pastoralis id postulet, loci Ordinarius unam alteramve Missam lectam in singulis ecclesiis vel

oratoriis publicis permittere poterit; in oratoriis autem semipublicis unam tantum Missam lectam; ea quidem de causa, ut omnes fideles hoc sacro die Missæ sacrificio interesse et Corpus Christi sumere possint. Hæ autem Missæ inter easdem diei horas permittuntur, quæ pro Missa solemni assignatæ sunt, ut supra notatur.

Hoc die sacra Communio fidelibus distribui potest tantummodo inter Missas vespertinas, vel continuo ac statim ab iis expletis; infirmis vero hoc die sacra Communio deferri licet, horis ante et post meridiem.

1. Tabernaculum, si quod exstat in altari maiore, omnino vacuum sit; pro communicando vero clero et populo hodie et crastino die, ponatur super altare pyxis (vel pyxides) cum particulis in hac ipsa Missa consecrandis.

2. Ubi deest copia clericorum et sacerdotum, Missa celebratur secundum consuetum ritum Missæ cantatæ.

3. Ubi vero clerici adsint, maxime convenit, ut, in forma assistentiæ choralis, Missæ solemni vespertinæ intersint.

4. Itaque, unusquisque suis choralibus vestimentis induitur: sacerdotes insuper accipiunt stolam; celebrans et ministri induunt vestes sacras albi coloris, ut in Missa moris est.

5. Omnibus sic paratis, incipit processio per ecclesiam ad altare, et interim cantatur a schola antiphona ad introitum.

Antiphona ad Introitum

Gal. 6, 14

Nos autem gloriári oportet in cruce Dómini nostri Iesu Christi: in quo est salus, vita et resurrectio nostra: per quem salváti et liberáti sumus. **Ps. 66, 2** Deus misereátur nostri, et benedícat nobis: illúminet vultum suum super nos, et misereátur nostri. Nos autem.

6. Celebrans, postquam cum ministris, seu ministrantibus, ad altare pervenerit, facta confessione, ascendens, osculatur illud in medio, et incensat more solito.

7. Altaris incensatione peracta, celebrans, lecta antiphona ad Introitum et Kýrie eléison recitato, incipit solemniter Glória in excélsis, et pulsantur campanæ et organum, quæ, expleto hymno, silent usque ad Vigiliam paschalem.

8. Orémus.

Oratio

Deus, a quo et Iudas reátus sui pœnam, et confessiónis suæ latro præmium sumpsit, concède nobis tuæ propitiatiónis effectum: ut, sicut in passióne sua Iesus Christus, Dóminus noster, diversa utrisque intulit stipéndia meritórum; ita nobis, abláto vetustátis errore, resurrectionis suæ grátiam largiátur: Qui tecum vivit.

Et dicitur hæc tantum oratio.

9. Léctio Epístolæ beáti Pauli apóstoli ad Corínthios.

1 Cor. 11, 20-32

Fratres: Conveniéntibus vobis in unum, iam non est domínica cenam manducáre. Unusquisque enim suam cenam præsumit ad manducándum. Et álius quidem ésurit, álius autem ébrius est. Numquid domos non habétis ad manducándum et bibéndum? Aut ecclésiám Dei contémnitis, et confúnditis eos, qui non habent? Quid dicam vobis? Laudo vos? In hoc non laudo. Ego enim accépi a Dómino, quod et trádidi vobis, quóniam Dóminus Iesus, in qua nocte tradebátur, accépit panem, et grátias agens fregit, et dixit: « Accípите, et manducáte: hoc est corpus meum, quod pro vobis tradétur: hoc fácite in meam commemoratiómem ». Simíliter et cálicem, postquam cenávit, dicens: « Hic calix novum testaméntum est in meo ságuine: hoc fácite, quotiescúmque bibétis, in meam commemoratiómem ». Quotiescúmque enim manducábitis panem hunc, et cálicem bibétis: mortem Dómini annuntiábitis, donec

véniat. Itaque quicumque manducáverit panem hunc vel biberit cálicem Dómini indigne, reus erit córporis et sánguinis Dómini. Probet autem seípsum homo: et sic de pane illo edat et de cálice bibat. Qui enim manducat et bibit indigne, iudícium sibi manducat et bibit, non diiudicans corpus Dómini. Ideo inter vos multi infirmi et imbecíles, et dórmunt multi. Quod si nosmetípsos diiudicáremus, non útique iudicáremur. Dum iudicámur autem, a Dómino corrípimur, ut non cum hoc mundo damnémur.

10. **Graduale Phil. 2, 8-9** Christus factus est pro nobis obédiens usque ad mortem, mortem autem crucis. **V.** Propter quod et Deus exaltávit illum: et dedit illi nomen, quod est super omne nomen.

11. Munda cor meum, Iube, domne (Dómine), et Dóminus sit in corde tuo (meo), **dicuntur more solito.**

12. ✠ Sequéntia sancti Evangélíi secúndum Ioánnem.

13, 1-15

Ante diem festum Paschæ, sciens Iesus quia venit hora eius, ut tránseat ex hoc mundo ad Patrem, cum dilexísset suos, qui erant in mundo, in finem diléxit eos. Et cena facta, cum diábolus iam misísset in cor, ut tráderet eum Iudas Simónis Iscariótæ, sciens quia ómnia dedit ei Pater in manus, et quia a Deo exívit, et ad Deum vadit, surgit a cena, et ponit vestiménta sua, et cum accepísset línteum, præcínxit se. Deínde mittit aquam in pelvim, et cœpit laváre pedes discipulórum, et extérgere línteo quo erat præcínctus. Venit ergo ad Simónem Petrum. Et dicit ei Petrus: « Dómine, tu mihi lavas pedes? » Respóndit Iesus et dixit ei: « Quod ego fácio, tu nescis modo, scies autem póstea ». Dicit ei Pe-

trus: « Non lavábis mihi pedes in ætérnum ». Respóndit ei Iesus: « Si non lávero te, non habébis partem mecum ». Dicit ei Simon Petrus: « Dómine, non tantum pedes meos, sed et manus, et caput ». Dicit ei Iesus: « Qui lotus est, non indiget nisi ut pedes lavet, sed est mundus totus. Et vos mundi estis, sed non omnes ». Sciébat enim quisnam esset qui tráderet eum; propterea dixit: Non estis mundi omnes. Postquam ergo lavit pedes eórum, et accépit vestiménta sua, cum recubísset íterum, dixit eis: « Scitis quid fécerim vobis? Vos vocátis me Magíster et Dómine, et bene dicitis; sum étenim. Si ergo ego lavi pedes vestros, Dóminus et Magíster: et vos debétis alter altérius laváre pedes. Exémplum enim dedi vobis, ut, quemádmódum ego feci vobis, ita et vos faciátis ».

13. **Valde convenit ut post evangelium habeatur brevis HOMILIA ad illustranda mysteria potissima, quæ hac Missa recoluntur, institutio scilicet sacrae Eucharistiae et ordinis sacerdotalis, necnon et mandatum Domini de caritate fraterna.**

14. **Credo hodie non dicitur.**

DE LOTIONE PEDUM

15. **Post homiliam proceditur, ubi ratio pastoralis id suadeat, ad lotionem pedum.**

16. **In medio presbyterii, vel in ipsa aula ecclesiæ, parata sint sedilia hinc inde pro duodecim viris, quorum lavabuntur pedes; cetera quæ occurrunt, tempore opportuno, in mensula parentur.**

17. **Interim diaconus et subdiaconus, seu duo maiores ex ministrantibus, inducunt duodecim viros selectos, binos et binos, ad locum paratum, dum schola vel ipse clerus assistens incipit, cantando vel recitando, antiphonas, psalmos et versus infrascriptos.**

Duodecim autem viri selecti, facta reverentia altari ac celebranti, in presbyterio sedenti, disponuntur per sedilia; tunc ministri sacri, seu ministrantes, adibunt celebrantem. Omnes deponunt manipulum, celebrans vero etiam planetam.

Lotione pedum ad finem vergente, incipitur antiphona 8^a cum suis versibus, ceteris, si opus sit, omissis.

18. Antiphonæ vero, psalmi et versus cantandi vel recitandi, sunt:

1

Antiphona Ioann. 13, 34 « Mandatum novum do vobis: ut diligatis invicem, sicut dilexi vos », dicit Dominus.

Ps. 118, 1 Beati immaculati in via: qui ambulant in lege Domini.

Et repetitur immediate antiphona « Mandatum novum ». Et sic aliæ antiphonæ, quæ habent psalmos vel versus, repetuntur. Et de quolibet psalmo dicitur tantum primus versus.

2

Antiphona Ioann. 13, 4, 5 et 15 Postquam surrexit Dominus a cena, misit aquam in pelvim, et cepit lavare pedes discipulorum: hoc exemplum reliquit eis.

Ps. 47, 2 Magnus Dominus, et laudabilis nimis: in civitate Dei nostri, in monte sancto eius.

Postquam surrexit Dominus.

3

Antiphona Ioann. 13, 12, 13 et 15 Dominus Iesus, postquam cenavit cum discipulis suis, lavit pedes eorum, et ait illis: « Scitis quid fecerim vobis ego, Dominus et Magister? Exemplum dedi vobis, ut et vos ita faciatis ».

Ps. 84, 2 Benedixisti, Domine, terram tuam: avertisti captivitatem Iacob.

Dominus Iesus.

4

Antiphona Ioann. 13, 6-7 et 8 « Domine, tu mihi lavas pedes? » Respondit Iesus, et dixit ei: « Si non lavero tibi pedes, non habebis partem mecum ».

V. Venit ergo ad Simonem Petrum, et dixit ei Petrus.

Et repetitur antiphona « Domine, tu mihi lavas pedes? » Respondit Iesus, et dixit ei: « Si non lavero tibi pedes, non habebis partem mecum ».

V. « Quod ego facio, tu nescis modo: scies autem postea ».

Tertio repetitur antiphona « Domine, tu mihi lavas pedes? » Respondit Iesus, et dixit ei: « Si non lavero tibi pedes, non habebis partem mecum ».

5

Antiphona Si ego, Dominus et Magister vester, lavi vobis pedes: quanto magis debetis alter alterius lavare pedes? »

Ps. 48, 2 Audite hæc, omnes gentes: auribus percipite, qui habitatis orbem.

« Si ego, Dominus ».

6

Antiphona Ioann. 13, 35 « In hoc cognoscent omnes, quia discipuli mei estis, si dilectionem habueritis ad invicem ».

V. Dixit Iesus discipulis suis.

« In hoc cognoscent ».

7

Antiphona 1 Cor. 13, 13 Manceant in vobis fides, spes, caritas, tria hæc: maior autem horum est caritas.

V. Nunc autem manent fides, spes, caritas, tria hæc: maior horum est caritas.

Manceant in vobis.

8

Sequens antiphona cum suis versibus numquam omittitur; incipi-

tur autem, omissis, si opus sit, præcedentibus, lotionem pedum ad finem vergente.

Antiphona Ubi caritas et amor, Deus ibi est.

V. Congregavit nos in unum Christi amor.

V. Exsultemus et in ipso iucundemur.

V. Timeamus et amemus Deum vivum.

V. Et ex corde diligamus nos sincero.

Et repetitur antiphona Ubi caritas et amor, Deus ibi est.

V. Simul ergo cum in unum congregamur:

V. Ne nos mente dividamur, caveamus.

V. Cessent iurgia maligna, cessent lites.

V. Et in medio nostri sit Christus Deus.

Et repetitur antiphona Ubi caritas et amor, Deus ibi est.

V. Simul quoque cum beatis videamus.

V. Gloriantur vultum tuum, Christe Deus:

V. Gaudium, quod est immensum atque probum,

V. Sæcula per infinita sæculorum. Amen.

19. Interim celebrans procedit ad lotionem pedum, hoc modo: præcingit se linteo, et per ordinem dispositis iis, qui lavandi sunt, acolythis pelvim et aquam ministrantibus, subdiacono singulorum pedem dextrum tenente, genuflectens singulis, illorum pedem lavat et extergit, diacono præbente linteam ad abstergendum.

19a. *Officia quæ in ritu solemni a diacono et subdiacono adimplentur, a ministrantibus peraguntur.*

20. Post lotionem celebrans lavat et abstergit manus, nihil dicens.

Deinde omnes resumunt manipulum, celebrans vero etiam planetam, et redeunt ante medium altaris, ubi celebrans, versus populum, dicit:

Pater noster **secreto**.

V. Et ne nos inducas in tentationem.

R. Sed libera nos a malo.

V. Tu mandasti mandata tua, Domine.

R. Custodiri nimis.

V. Tu lavasti pedes discipulorum tuorum.

R. Opera manuum tuarum ne despicias.

V. Domine, exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Orémus.

Oratio

Adesto, Domine, quæsumus, officio servitutis nostræ: et quia tu discipulis tuis pedes lavare dignatus es, ne despicias opera manuum tuarum, quæ nobis retinenda mandasti: ut, sicut hic nobis et a nobis exteriora abluuntur inquinamenta; sic a te omnium nostrum interiora laventur peccata. Quod ipse præstare digneris, qui vivis et regnas in sæcula sæculorum. **R.** Amen.

Oratione completa, duodecim viri, facta reverentia altari et celebranti, reducuntur ad loca sua, si sint clerici in presbyterium, si sint laici in peculiarem locum ad hoc designatum.

21. Ubi vero contingat lotionem pedum *extra Missarum solemnia* peragi, observetur ordo supra descriptus, præmisso, cum solitis caerimoniis, cantu Evangelii Missæ Ante diem festum Paschæ, ut supra **n. 12, p. 141.**

22. Post pedum lotionem, seu, ubi hæc locum non habuerit, post

homiliam, proceditur in celebratione Missæ, more solito.

23. **Antiphona ad Offertorium Ps. 117, 16 et 17** Dextera Dómini fecit virtutem, dextera Dómini exaltávit me: non móriar, sed vivam, et narrábo ópera Dómini.

24. **Secreta**

Ipse tibi, quæsumus, Dómine, sancte Pater, omnipotens ætérne

Deus, sacrificium nostrum reddat accéptum, qui discipulis suis in sui commemoratióne hoc fieri hodiérna traditióne monstrávit, Iesus Christus, Fílius tuus, Dóminus noster: Qui tecum vivit.

25. **Præfatio, Sanctus et Benedictus dicuntur more consueto. Dicitur autem præfatio de sancta Cruce.**

Finita præfatione, sacerdos extendens, elevans aliquantulum et iungens manus, elevansque ad cælum oculos, et statim demittens, profunde inclinatus ante altare, manibus super eo positis, dicit secreto:

Te ígitur, clementíssime Pater, per Iesum Christum Fílium tuum Dóminum nostrum, súpplices rogámus, ac pétimus, osculatur altare, et iunctis manibus ante pectus, dicit: uti accépta hábeas, et benedícas **signat ter super hostiam, et calicem simul, dicens:** hæc ✚ dona, hæc ✚ múnera, hæc ✚ sancta sacrificia illibáta, **extensis manibus prosequitur:** in primis, quæ tibi offérimus pro Ecclésia tua sancta cathólica: quam pacificáre, custodíre, adunáre, et régere dignéris toto orbe terrárum: una cum fámulo tuo Papa nostro **N.** et Antístite nostro **N.** et ómnibus orthodoxis, atque cathólicæ, et apostólicæ fídei cultóribus.

Commemoratio pro vivis

Memento, Dómine, famulórum, famularúmque tuárum **N.** et **N.** Iungit manus, orat aliquantulum pro quibus orare intendit: **deinde manibus extensis prosequitur:** et ómnium circumstántium, quorum tibi fides cógnita est, et nota devótio, pro quibus tibi offérimus: vel qui tibi ófferunt hoc sacrificium laudis, pro se, suisque ómnibus: pro redemptiόne animárum suárum, pro spe salútis, et incolumitátis suæ: tibíque reddunt vota sua ætérno Deo, vivo et vero.

26.

Infra Actionem

Communicántes, et diem sacratíssimum celebrántes, quo Dóminus noster Iesus Christus pro nobis est tráditus:

sed et memóriam venerántes, in primis gloriósæ semper Vírginis Mariæ, Genetrícis eiúsdem Dei et Dómini nostri Iesu Christi: sed et beáti Ioseph eiusdem Virginis Sponsi, et beatórum Apostolorum ac Mátyrum tuórum, Petri et Pauli, Andréæ, Iacóbi, Ioánnis, Thomæ, Iacóbi, Philíppi, Bartholomæi, Matthæi, Simónis et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Ioánnis et Pauli, Cosmæ et Damiáni: et ómnium Sanctórum tuórum; quorum méritis precibúsq; concédas, ut in ómnibus protectiónis tuæ muniámur auxílio. **Iungit manus.** Per eúndem Christum Dóminum nostrum. Amen.

Hanc igitur oblatiónem servitútis nostræ, sed et cunctæ famíliæ tuæ, quam tibi offérimus ob diem, in qua Dóminus noster Iesus Christus trádidit discípulis suis Córporis et Sánguinis sui mystéria celebránda: quæsumus, Dómine, ut placátus accípias: diésque nostros in tua pace dispónas, atque ab ætérra damnatióne nos éripi, et in electórum tuórum iúbeas grege numerári. **Iungit manus.** Per eúndem Christum Dóminum nostrum. Amen.

Quam oblatiónem tu, Deus, in ómnibus, quæsumus, **signat ter super oblata**, bene **✠** díctam, adscríp **✠** tam, ra **✠** tam, rationábilem, acceptabilémque fácere dignéris: **signat semel super hostiam**, ut nobis Cor **✠** pus, **et semel super calicem**, et San **✠** guis fiat dilectíssimi Fílii tui **iungit manus** Dómini nostri Iesu Christi.

Qui pridie, quam pro nostra omniúmque salúte paterétur, hoc est, hódie, **accipit hostiam**, accépit panem in sanctas ac venerábiles manus suas, **elevat oculos ad cælum**, et elevátis óculis in cælum ad te Deum, Patrem suum omnipoténtem, **caput inclinat**, tibi grátias agens, **signat super hostiam**, bene **✠** díxit, fregit, dedítque discípulis suis, dicens: Accípite, et manducáte ex hoc omnes.

Tenens ambabus manibus hostiam inter indices et pollices, profert verba consecrationis distincte et attente super hostiam, et simul super omnes, si plures sint consecrandæ.

Hoc est enim Corpus meum.

Quibus verbis prolatis, statim hostiam consecratam genuflexus adorat: surgit, ostendit populo, reponit super corporale, et genuflexus iterum adorat: nec amplius pollices et indices disiungit, nisi quando hostia tractanda est, usque ad ablutionem digitorum.

Tunc, detecto calice, dicit:

Símili modo postquam cenátum est, ambabus manibus accipit calicem, accípiens et hunc præclárum Cálicem in sanctas ac venerábiles manus suas: item caput inclinát, tibi grátias agens, sinistra tenens calicem, dextera signat super eum, bene **✠**-díxit, dedítque discíplis suis, dicens: Accípíte, et bíbite ex eo omnes.

Profert verba consecrationis super calicem, attente et continue, tenens illum parum elevatum

**Hic est enim
Calix Sánguini mei,
novi et ætéрни testaméнти :
mystérium fídei :
qui pro vobis et pro multis
effundétur in remissiónem
peccatórum.**

Quibus verbis prolatis, deponit calicem super corporale, et dicens:

Hæc quotiescúmque fecéritis, in mei memóriam faciétis.

Genuflexus adorat: surgit, ostendit populo, deponit, cooperit, et genuflexus iterum adorat.

Reliqua ut in Canone Missæ, ut infra p. 294, præter sequentia.

28. Ad triplex Agnus Dei, ter respondetur miserére nobis, ut infra:

Agnus Dei, qui tollis peccáta mundi:
miserére nobis.

Agnus Dei, qui tollis peccáta mundi:
miserére nobis.

Agnus Dei, qui tollis peccáta mundi:
miserére nobis.

Osculum pacis hodie non datur, et omittitur oratio Dómine Iesu Christe, qui dixísti.

29. Sumpto sacratissimo Sanguine, celebrans procedit ad distributionem Communionis, more solito.

Præcedunt ministri sacri; post eos ceteri clerici per ordinem, deinde ministrantes.

Hi omnes accedunt ante altare, bini et bini, aut quaterni et quaterni, et, facta genuflexione, gradus ascendunt, genibusque flexis reverenter accipiunt Corpus Domini; postea eodem ordine recedunt. Fideles vero accipiunt Sacramentum ad cancellos.

Si vero multitudo fidelium ad sacram mensam accedentium magna sit, alii quoque sacerdotes, vel una cum celebrante ad cancellos, vel alio loco apto, Communionem distribuere possunt, cauto tamen ut bono ordini ac devotioni fidelium sedulo provideatur.

Si Episcopus sacram Communionem distribuerit, fideles anulum eiusdem ante Communionem non osculantur.

30. Antiphona ad Communionem cantari potest a schola, dum celebrans sacras particulas distribuit.

31. Antiphona ad Communionem Ioann. 13, 12, 13 et 15 Dóminus Iesus, postquam cenávit cum discipulis suis, lavit pedes eórum, et ait illis: « Scitis quid fécerim vobis ego, Dóminus et Magíster? Exémplum dedi vobis, ut et vos ita faciátis ».

Iuxta numerum communicantium addi possunt sequentes psalmi: psalmus 22 Dóminus pascit me: nihil mihi deest. Et repetitur antiphona Dóminus Iesus. Psalmus 71 Deus, iudícium tuum regida. Et repetitur antiphona Dóminus

Iesus. **Psalmus 103** Bénedic, ánima mea, Dómino. **Et repetitur antiphona** Dóminus Iesus. **Psalmus 150** Laudáte Dóminum in sanctuário eius. **Et clauditur cum eadem antiphona** Dóminus Iesus.

32. **Communione fidelium peracta, pyxis vel pyxides deponuntur super corporale. Celebrans procedit ad ablutionem calicis et digitorum, recitans solitas orationes.**

33. **Omnibus sic absolutis, Missa prosequitur more solito; sed celebrans genuflectit, quodcumque ad medium altaris accedit, vel ab eo recedit, vel transit ante Sacramentum: et cum dicit Dóminus vobiscum, non vertit se ad populum in medio altaris, ne terga vertat Sacramento, sed a latere Evangelii.**

34. **Orémus. Postcommunio**

Refécti vitálibus aliméntis, quásumus, Dómine Deus noster: ut, quod témpore nostræ mortalitátis exséquimur, immortalitátis tuæ múnere consequámur. Per Dóminum.

35. **Loco** **Ite, missa est, hodie cantatur** Benedicámus Dómino, **et dicitur** Pláceat tibi, sancta Trínitas, more solito.

36. **Benedictio et ultimum Evangelium sancti Ioannis hodie omituntur; celebrans autem et ministri sacri deponunt manipulum, celebrans vero etiam planetam, et accipit pluviale albi coloris.**

37. **In Missis lectis, quæ ab Ordinario loci celebrari permittuntur, Missa terminatur more solito.**

DE SOLEMNI TRANSLATIONE AC REPOSITIONE SACRAMENTI ET DE ALTARIUM DENUDATIONE

1. **Missa expleta, statim proceditur ad solemnem translationem et repositionem Sacramenti, quod ad Communionem sequenti die faciendam in pyxide asservatur.**

2. **Pro solemni Sacramenti repositione paretur locus aptus in aliquo sacello vel altari ecclesiæ, ac decenter, quoad fieri potest, ornetur velis et luminaribus; atque servatis Sacræ Rituum Congregationis decretis de vitandis vel tollendis abusibus in hoc loco parando, plane commendatur severitas, quæ liturgiæ horum dierum convenit.**

3. **In translatione et repositione vero Sacramenti proceditur hoc modo:**

Accenduntur intorticia, et fit processio more solito.

Si haberi potest, alius subdiaconus paratus ferat crucem: secus unus ex clericis vel ministrantibus.

Celebrans, stans ante altare, imponit incensum in duobus thuribulis, absque benedictione. Deinde, in medio genuflexus, ter incensat Sacramentum.

Tunc assumit velum humerale albi coloris, et ascendens altare in medio, facta genuflexione, stans, accipit pyxidem, quam diaconus ei porrigit, et extremitatibus veli cooperit.

Deinde, de altari descendens, procedit sub baldachino, duobus acolythis, vel ministrantibus, Sacramentum continue incensantibus, usque ad locum paratum.

Ministri sacri, vel ministrantes, comitantur celebrantem, a dextris et a sinistris procedentes.

Dum fit processio, cantatur hymnus Pange, lingua, gloriósi Córporis mystérium, usque ad verba Tantum ergo; si vero opus sit, idem hymnus repetitur.

Hymnus

Pange, lingua, gloriósi
Córporis mystérium,
Sanguinisque pretiósi,
Quem in mundi prétium
Fructus ventris generósi
Rex effúdit géntium.

Nobis datus, nobis natus
Ex intácta Vírgine,
Et in mundo conversátus,
Sparso verbi sémine,
Sui moras incolátus
Miro clausit órđine.

In suprémæ nocte cenæ
Recúbens cum frátribus,
Observáta lege plene
Cibis in legálibus,
Cibum turbæ duodénæ
Se dat suis mánibus.

Verbum caro, panem verum
Verbo carnem éfficit;
Fitque sanguis Christi merum;
Et si sensus déficit,
Ad firmándum cor sincérum
Sola fides súfficit.

Tantum ergo Sacraméntum
Venerémur cernui;
Et antíquum documéntum
Novo cedat rítui;
Præstet fides suppleméntum
Sénsuum deféctui.

Genitóri, Genitóque
Laus et iubilátio,
Salus, honor, virtus quoque
Sit et benedíctio:
Procedénti ab utróque
Compar sit laudátio.

Amen.

4. Cum autem ventum fuerit ad locum paratum, celebrans, adiuvante, si opus sit, diacono, deponit pyxidem super altare, genuflectit, et incensat, thure iterum imposito; interim canitur Tantum ergo.

Deinde diaconus, *vel ipse celebrans*, reponit pyxidem in tabernaculo seu capsula.

5. Postea, omnes, genibus flexis, per aliquod temporis spatium in

silentio Sacramentum adorant. Signo dato, celebrans et ministri sacri, *et ministrantes*, surgunt, iterum, genibus flexis, adorant, et revertuntur in sacristiam, ubi celebrans et ministri sacri deponunt paramenta albi coloris; deinde celebrans et diaconus assumunt stolam violaceam.

6. Si autem plures pyxides transferendæ sint, idem celebrans (vel si habeantur, alius sacerdos, aut diaconus, indutus superpelliceo, stola alba et velo humerali eiusdem coloris) eas transferat ad locum destinatum, antequam incipiat altarium denudationem, forma quidem simplici, scilicet comitantibus duobus acolythis, *vel ministrantibus*, cum cereis accensis, alioque umbellam portante.

7. Deinde celebrans cum ministris, *seu ministrantibus*, exeunt ante altare maius; facta eidem reverentia, stantes, incipiunt denudationem altarium, hoc modo:

Celebrans dicit clara voce sequentem antiphonam:

Psalmus 21, 19 Dívidunt sibi induménta mea, et de veste mea mittunt sortem, addens initium eiusdem psalmi:

Deus meus, Deus meus, quare me dereliquisti?

Clerici, si adsunt, prosequuntur recitationem huius psalmi, usque dum altarium denudatio peracta sit; alioquin celebrans dicat antiphonam et primum tantum versum psalmi ante denudationem altaris maioris.

Celebrans vero cum ministris sacris, *vel ministrantibus*, denudat omnia altaria ecclesiæ, excepto illo in quo Sacramentum solemner adoratur.

Altaribus denudatis, redeunt ad

altare maius, et repetita a celebrante antiphona *Dívidunt, revertuntur in sacristiam.*

8. Mox in choro dicitur Completorium, candelis exstinctis et absque cantu.

9. Ad locum autem repositionis sanctissimæ Eucharistiæ fit publica adoratio, inde ab expleta Missa in Cena Domini instituenda, et protrahenda saltem usque ad mediam noctem.

FERIA SEXTA IN PASSIONE ET MORTE DOMINI

I classis

DE SOLEMNI ACTIONE LITURGICA POSTMERIDIANA IN PASSIONE ET MORTE DOMINI

Statio ad S. Crucem in Ierusalem

¶ Solemnis Actio liturgica celebranda est horis postmeridianis, et quidem circa horam tertiam; si vero ratio pastoralis id suadeat, inchoari potest inde a meridie, vel tardiori hora, non autem ultra horam nonam serotinam.

Hoc die sacra Communio fidelibus distribui potest unice inter solemnem Actionem liturgicam postmeridianam, exceptis iis, qui in periculo mortis sunt constituti.

1. Altare omnino nudum sit: sine cruce, sine candelabris, sine tobaleis.

2. Solemnis Actio liturgica postmeridiana huius feriæ, ubi deest copia clericorum et sacerdotum, peragitur a celebrante cum assistentia ministrantium, ut suis locis notabitur; ubi vero clerici adsint, maxime convenit, ut in choro Actioni liturgicæ assistant.

3. Itaque, unusquisque suis choralibus vestimentis induitur; celebrans et diaconus, amictu, alba et cingulo induti, sumunt stolam nigram; subdiaconus accipit amictum, albam et cingulum.

DE PRIMA PARTE ACTIONIS LITURGICÆ SEU DE LECTIONIBUS

4. Omnibus sic paratis, incipit processio per ecclesiam ad altare, sub silentio.

5. Clerici, ministri, *seu ministrantes*, et celebrans, cum ad altare pervenerint, eidem altari reverentiam faciunt; deinde, celebrans et ministri sacri, *non vero ministrantes*, in faciem procumbunt, reliqui vero adeunt scamna in choro, ibique manent, genibus flexis et profunde inclinati: omnesque in silentio aliquamdiu orant.

6. Signo dato, omnes se erigunt, sed genuflexi manent; solus celebrans, stans ante gradus altaris,

dicit, manibus iunctis et in tono feriali, sequentem orationem:

Oratio

Deus, qui peccati véteris hereditariam mortem, in qua posteritatis genus omne succésserat, Christi tui, Dómini nostri, passióne solvísti: da, ut, confórmes eídem facti; sicut imáginem terréni, náturæ necessitáte portávimus, ita imáginem cæléstis, grátia sanctificatióne portémus. Per eúndem Christum Dóminum nostrum. **Omnes respondent:** Amen.

7. Oratione completa, celebrans et ministri, *seu ministrantes*, ad

sedilia pergunt. Interim ponitur legile nudum in medio presbyterii, et lector incipit primam lectionem, omnibus sedentibus et auscultantibus. Incipitur vero sine titulo, ac clauditur absque Deo grátias.

7^a Deficiente lectore, ipse celebrans, stans in loco suo, legit lectionem.

Lectio prima Os. 6, 1-6

Hæc dicit Dóminus: In tribulatióne sua mane consurgent ad me: Veníte, et revertámur ad Dóminum: quia ipse cœpit, et sanábit nos: percútiet, et curábit nos. Vivificábit nos post duos dies: in die tértia suscitábit nos, et vivémus in conspéctu eius. Sciémus, sequemúrque, ut cognoscámus Dóminum: quasi dilúculum præparátus est egressus eius, et véniet quasi imber nobis temporáneus, et serótinus terræ. Quid fáciam tibi, Ephraïm? Quid fáciam tibi, Iuda? misericórdia vestra quasi nubes matutína: et quasi ros mane pertránsiens. Propter hoc dolávi in prophétis, occídi eos in verbis oris mei: et iudícia tua quasi lux egrediéntur. Quia misericórdiam vólui, et non sacrificium, et sciéntiam Dei, plus quam holocáusta.

Sequitur responsorium, a schola cantandum, vel a clero assistente recitandum.

Responsorium Habacuc 3, 2-3

Dómine, audívi audítum tuum, et tímui: considerávi ópera tua, et expávi. *¶* In médio duórum animálium innotescéris: dum appropinquáverint anni, cognoscéris: dum advénerit tempus, ostendéris. *¶* In eo, dum conturbáta fúerit ánima mea: in ira, misericórdiæ memor eris. *¶* Deus a Líbano véniet, et Sanctus de monte umbróso, et condénso. *¶* Opérui cælos maiéstas eius: et laudis eius plena est terra.

8. Responsorio absoluto, omnes surgunt; celebrans, stans ad sedile,

dicit Orémus, diaconus Flectámus génua, et omnes, flexis genibus, per aliquod temporis spatium in silentio orant; dicto a diacono Leváte. omnes surgunt, et celebrans, manibus iunctis ac in tono feriali, dicit orationem.

8^a. Celebrans, manens in loco suo, dicit Orémus, Flectámus génua, et brevi interposita precatone, flexis genibus et in silentio, dicit Leváte; deinde surgit, et, manibus iunctis ac in tono feriali, dicit orationem.

Orémus.

Flectámus génua. Leváte.

Oratio

Deus, a quo et Iudas reátus sui pœnam, et confessiõnis suæ latro præmium sumpsit, concede nobis tuæ propitiatiõnis effectum: ut, sicut in passiõne sua Iesus Christus, Dóminus noster, diversa utrísque íntulit stipéndia meritórum; ita nobis, abláto vetustátis erróre, resurrectionis suæ grátiam largiátur: Qui tecum vivit et regnat.

9. Oratione expleta, sequitur altera lectio, a subdiacono dicenda ad legile, item sine titulo, et sine Deo grátias in fine. Celebrans ceterique omnes, sedentes, auscultant.

9^a. Lectionem legat lector ad legile, secus vero ipse celebrans, stans in loco suo.

Lectio altera Ex. 12, 1-11

In diébus illis: Dixit Dóminus ad Móysen et Aaron in terra Ægýpti: « Mensis iste, vobis princípium ménsium: primus erit in ménsibus anni. Loquímmini ad universum cœtum filiórum Israël, et dícite eis: Décima die mensis huius tollat unusquisque agnum per familias et domos suas. Sin autem minor est númerus, ut sufficere possit ad vescéndum agnum, assúmet vicínus suum, qui iunctus est dómui suæ, iuxta númerum animárum, quæ sufficere possunt

ad esum agni. Erit autem agnus absque mácula, másculus, annículus: iuxta quem ritum tollétis et hæcūm. Et servábitis eum usque ad quartam décimam diem mensis huius: immolabítque eum univérſa multitúdo filiórū Israēl ad vésperam. Et sument de sánguine eius, ac ponent super utrúmque postem, et in superlimináriis domórum, in quibus cómedent illum. Et edent carnes nocte illa assas igni, et ázynos panes cum lactúcis agréstibus. Non comedétis ex eo crudum quid, nec coctum aqua, sed tantum assum igni: caput cum pédibus eius, et intestínis vorábitis. Nec remanébit quidquam ex eo usque mane. Si quid resíduum fúerit, igne comburétis. Sic autem comedétis illum: Renes vestros accingétis, et calceaménta habébitis in pédibus, tenéntes báculos in mánibus, et comedétis festinánter: est enim Phase, id est tránsitus, Dómini ».

Sequitur responsorium, a schola cantandum, vel a clero assistente recitandum.

Responsorium

Ps. 139, 2-10 et 14

Eripe me, Dómine, ab hómine malo: a viro iníquo libera me. *℣.* Qui cogitavérunt malítias in corde: tota die constituébant prælia. *℣.* Acuérunt linguas suas sicut serpéntes: venénū áspidum sub lábiis eórum. *℣.* Custódi me, Dómine, de manu peccatóris: et ab homínibus iníquis libera me. *℣.* Qui cogitavérunt supplantáre gressus meos: abscondérunt supérbi láqueum mihi. *℣.* Et funes extendérunt in láqueum pédibus meis: iuxta iter scándalum posuérunt mihi. *℣.* Dixi Dómino: Deus meus es tu: exáudi, Dómine, vocem oratiónis meæ. *℣.* Dómine, Dómine, virtus salútis meæ: obúmbra caput

meum in die belli. *℣.* Ne tradas me a desidério meo peccatóri: cogitavérunt advérsum me: ne derelínquas me, ne unquam exalténtur. *℣.* Caput circúitus eórum: labor labiórū ipsórum opériet eos. *℣.* Verúmtamen iusti confitebúntur nómini tuo: et habitábunt recti cum vultu tuo.

10. Absoluta altera lectione cum suo responsorio, ponuntur in latere Evangelii, in plano presbyterii, legilia nuda, et proceditur ad cantum vel lectionem historiæ passionis Domini secundum Ioannem, hoc modo: cantatur vel legitur a ministris, saltem in ordine diaconatus constitutis, qui, comitantibus duobus acolythis, vel ministrantibus, absque luminaribus, et absque incenso, facta altari reverentia, ante celebrantem sistunt; super eos, profunde inclinatos, celebrans media voce dicit:

Dóminus sit in córdibus vestris, et in lábiis vestris. Ipsi vero, erigentes se, respondent: Amen.

Tunc, iterum facta altari reverentia, procedunt ad latus Evangelii, ibique, super nudum legile, incipiunt cantare vel legere historiam passionis Domini, omnibus auscultantibus.

10ª. Historiam passionis Domini legit vel cantat celebrans, clara et distincta voce. Antequam incipiat, dicit, in medio presbyterii, profunde inclinatus, secreto:

Dóminus sit in corde meo, et in lábiis meis. Amen.

Tunc, facta altari reverentia, vadit ad latus Evangelii, ibique, super nudum legile, incipit legere vel cantare historiam passionis Domini.

11. Evangelium Passionis et Mortis Domini secundum Ioannem. 18, 1-40; 19, 1-42.

Pássio Dómini nostri Iesu Christi
secúndum Ioánnem.

In illo témpore: Egréssus est Iesus cum discipulis suis trans torrén-tem Cedron, ubi erat hortus, in quem introívit ipse, et discipuli eius. Sciébat autem et Iudas, qui tradébat eum, locum: quia frequén-ter Iesus convénérat illuc cum discipulis suis. Iudas ergo cum accepisset cohórtem, et a pontificibus et pharisáeis minístros, venit illuc cum latérnis, et fácibus, et armis: Iesus itaque sciens ómnia, quæ ventúra erant super eum, procéssit, et dixit eis: ✠ Quem quæritis? **C.** Respondérunt ei: **S.** Iesum Nazarénum. **C.** Dicit eis Iesus: ✠ Ego sum. **C.** Stabat autem et Iudas, qui tradébat eum, cum ipsis. Ut ergo dixit eis: Ego sum: abiérunt retrórsum, et cecidérunt in terram. Iterum ergo interrogávit eos: ✠ Quem quæritis? **C.** Illi autem dixerunt: **S.** Iesum Nazaránum. **C.** Respóndit Iesus: ✠ Dixi vobis, quia ego sum: si ergo me quæritis, sínite hos abíre. **C.** Ut implerétur sermo, quem dixit: Quia quos dedisti mihi, non pérdidi ex eis quemquam.

Simon ergo Petrus habens gládium edúxit eum: et percússit pontíficis servum: et abscídit aurículam eius dexteram. Erat autem nomen servo Malchus. Dixit ergo Iesus Petro: ✠ Mitte gládium tuum in vagínam. Cálicem, quem dedit mihi Pater, non bibam illum? **C.** Cohors ergo, et tribúnus, et minístri Iudæórum comprehendérunt Iesum, et ligavérunt eum.

Et adduxérunt eum ad Annam primum, erat enim socer Cáipha, qui erat pón- tífex anni illíus. Erat autem Cáiphas, qui consílium déderat Iudáeis: Quia éxpedit, unum hóminem mori pro pópulo. Sequebátur autem Iesum Simon Petrus, et álius discipulus. Discipulus autem ille erat notus pontífici, et in-

troívit cum Iesu in átrium pontíficis.

Petrus autem stabat ad óstium foris. Exívit ergo discipulus álius, qui erat notus pontífici, et dixit ostiáriæ: et introdúxit Petrum. Dicit ergo Petro ancílla ostiária: **S.** Numquid et tu ex discipulis es hóminis istíus? **C.** Dicit ille: **S.** Non sum. **C.** Stabant autem servi et minístri ad prunas, quia frigus erat, et calefáciébant se: erat autem cum eis et Petrus stans, et calefáciens se.

Pón- tífex ergo interrogávit Iesum de discipulis suis, et de doctrína eius. Respóndit ei Iesus: ✠ Ego palam locútus sum mundo: ego semper dócui in synagóga, et in templo, quo omnes Iudáei convéniunt: et in occúlto locútus sum nihil. Quid me intérogas? intéroga eos, qui audiérunt quid locútus sim ipsis: ecce hi sciunt quæ díxerim ego. **C.** Hæc autem cum dixisset, unus assístens ministrórum dedit álapam Iesu, dicens: **S.** Sic respón- des pontífici? **C.** Respóndit ei Iesus: ✠ Si male locútus sum, testimónium pérhibe de malo: si autem bene, quid me cædis?

C. Et misit eum Annas ligátum ad Cáipham pontíficem. Erat autem Simon Petrus stans et calefáciens se. Dixerunt ergo ei: **S.** Numquid et tu ex discipulis eius es? **C.** Negávit ille, et dixit: **S.** Non sum. **C.** Dicit ei unus ex servis pontíficis, cognátus eius, cuius abscídit Petrus aurículam: **S.** Nonne ego te vidi in horto cum illo? **C.** Iterum ergo negávit Petrus: et statim gallus cantávit.

Addúcunt ergo Iesum a Cáipha in prætóríum. Erat autem mane: et ipsi non introiérunt in prætóríum, ut non contaminaréntur, sed ut manducárent Pascha. Exívit ergo Pilátus ad eos foras, et dixit: **S.** Quam accusatió- nem affértis advér-

sus hóminem hunc? **C.** Respondérunt et dixerunt ei: **S.** Si non esset hic malefáctor, non tibi tradidissémus eum. **C.** Dixit ergo eis Pilátus: **S.** Accípite eum vos, et secúndum legem vestram iudicáte eum. **C.** Dixerunt ergo ei Iudæi: **S.** Nobis non licet interfícere quemquam. **C.** Ut sermo Iesu implerétur, quem dixit, significans qua morte esset moritúrus.

Introívit ergo íterum in prætóríum Pilátus, et vocávit Iesum, et dixit ei: **S.** Tu es Rex Iudæórum? **C.** Respóndit Iesus: ✠ A temetípso hoc dicis, an álii dixerunt tibi de me? **C.** Respóndit Pilátus: **S.** Numquid ego Iudæus sum? Gens tua et pontífices tradidérunt te mihi: quid fecísti? **C.** Respóndit Iesus: ✠ Regnum meum non est de hoc mundo. Si ex hoc mundo esset regnum meum, minístri mei útique decertárent, ut non tráderer Iudæis: nunc autem regnum meum non est hinc. **C.** Dixit ítaque ei Pilátus: **S.** Ergo Rex es tu? **C.** Respóndit Iesus: ✠ Tu dicis quia Rex sum ego. Ego in hoc natus sum, et ad hoc veni in mundum, ut testimónium perhíbeam veritáti: omnis, qui est ex veritáte, audit vocem meam. **C.** Dicit ei Pilátus: **S.** Quid est véritas? **C.** Et cum hoc dixísset, íterum exívit ad Iudæos, et dicit eis: **S.** Ego nullam invénio in eo causam. Est autem consuetúdo vobis ut unum dimíttam vobis in Pascha: vultis ergo dimíttam vobis Regem Iudæórum? **C.** Clamavérunt ergo rursum omnes, dicéntes: **S.** Non hunc, sed Barábbam. **C.** Erat autem Barábbas latro.

Tunc ergo apprehéndit Pilátus Iesum, et flagellávit. Et mílites plecténtes corónam de spinis, imposuérunt cápiti eius: et veste purpúrea circumdedérunt eum. Et veniébant ad eum, et dicébant: **S.** Ave, Rex Iudæórum. **C.** Et dabant ei álapas.

Exívit ergo íterum Pilátus foras, et dicit eis: **S.** Ecce addúco vobis eum foras, ut cognoscátis, quia nullam invénio in eo causam. **C.** (Exívit ergo Iesus portans corónam spíneam et purpúreum vestiméntum). Et dicit eis: **S.** Ecce homo. **C.** Cum ergo vidíssent eum pontífices et minístri, clamábant, dicéntes: **S.** Crucífíge, crucífíge eum. **C.** Dicit eis Pilátus: **S.** Accípite eum vos, et crucifígite: ego enim non invénio in eo causam. **C.** Respondérunt ei Iudæi: **S.** Nos legem habémus, et secúndum legem debet mori, quia Filium Dei se fecit. **C.** Cum ergo audísset Pilátus hunc sermónem, magis tímuit.

Et ingræssus est prætóríum íterum: et dicit ad Iesum: **S.** Unde es tu? **C.** Iesus autem respónsum non dedit ei. Dicit ergo ei Pilátus: **S.** Mihi non lóqueris? nescis quia potestátem hábeo crucifigere te, et potestátem hábeo dimíttre te? **C.** Respóndit Iesus: ✠ Non habéres potestátem advérsum me ullam, nisi tibi datum esset désuper. Proptérea, qui me trádidit tibi, maius peccátum habet. **C.** Et exínde quærébat Pilátus dimíttre eum. Iudæi autem clamábant, dicéntes: **S.** Si hunc dimíttis, non es amícus Cæsaris. Omnis enim, qui se regem facit, contradícit Cæsari. **C.** Pilátus autem cum audísset hos sermónes, addúxit foras Iesum, et sedit pro tribunáli, in loco, qui dicitur Lithóstrotos, hebráice autem Gábbatha. Erat autem Parascève Paschæ, hora quasi sexta, et dicit Iudæis: **S.** Ecce Rex vester. **C.** Illi autem clamábant: **S.** Tolle, tolle, crucífíge eum. **C.** Dicit eis Pilátus: **S.** Regem vestrum crucifígam? **C.** Respondérunt pontífices: **S.** Non habémus regem, nisi Cæsarem. **C.** Tunc ergo trádidit eis illum ut crucifigerétur.

Suscepérunt autem Iesum, et eduxérunt. Et báíulans sibi crucem,

exiuit in eum, qui dicitur Calvária, locum, hebráice autem Gólgotha: ubi crucifixerunt eum, et cum eo alios duos, hinc et hinc, médium autem Iesum.

Scriptum autem et título Pilátus: et posuit super crucem. Erat autem scriptum: Iesus Nazaréus, Rex Iudæorum. Hunc ergo título multi Iudæorum legérunt, quia prope civitatem erat locus, ubi crucifixus est Iesus. Et erat scriptum hebráice, græce et latíne. Dicebant ergo Pilátus pontífices Iudæorum: **S.** Noli scribere, Rex Iudæorum, sed quia ipse dixit: Rex sum Iudæorum. **C.** Respondit Pilátus: **S.** Quod scripsi, scripsi.

C. Milites ergo cum crucifixissent eum, acceperunt vestimenta eius et fecerunt quatuor partes: unicuique militi partem, et tunicam. Erat autem túnica inconsútilis, desuper contexta per totum. Dixerunt ergo ad invicem: **S.** Non scindamus eam, sed sortiámur de illa cuius sit. **C.** Ut Scriptúra impleretur, dicens: Partiti sunt vestimenta mea sibi: et in vestem meam miserunt sortem. Et milites quidem hæc fecerunt.

Stabant autem iuxta crucem Iesu, mater eius, et soror matris eius María Cléophæ, et María Magdaléne. Cum vidisset ergo Iesus matrem, et discipulum stantem, quem diligebat, dicit matri suæ: **✠** Mulier, ecce filius tuus. **C.** Deinde dicit discipulo: **✠** Ecce mater tua. **C.** Et ex illa hora accepit eam discipulus in sua.

Póstea sciens Iesus quia ómnia consummata sunt, ut consummaretur Scriptúra, dixit: **✠** Sitio. **C.** Vas ergo erat positum aceto plenum. Illi autem spóngiam plenam aceto, hyssópo circumponentes, ob-

tulerunt ori eius. Cum ergo accepisset Iesus acetum, dixit: **✠** Consummatum est. **C.** Et inclinato capite tradidit spíritum. **Hic genuflectitur, et pausatur aliquantulum.**

Iudæi ergo, quóniam Parascève erat, ut non remanerent in cruce corpora sabbato, erat enim magnus dies ille sabbati, rogaverunt Pilátum, ut frangerentur eorum crura, et tollerentur. Venerunt ergo milites: et primi quidem fregérunt crura, et alterius, qui crucifixus est cum eo. Ad Iesum autem cum venissent, ut viderunt eum iam mórtuum, non fregérunt eius crura: sed unus militum lancea latus eius aperuit, et continuo exiit sanguis et aqua. Et qui vidit, testimónium perhibuit: et verum est testimónium eius. Et ille scit, quia vera dicit: ut et vos credátis. Facta sunt enim hæc, ut Scriptúra impleretur: Os non minuétis ex eo. Et iterum alia Scriptúra dicit: Vidébunt in quem transfixerunt.

Post hæc autem rogavit Pilátum Ioseph ab Arimathæa, eo quod esset discipulus Iesu, occultus autem propter metum Iudæorum, ut tolleretur corpus Iesu. Et permisit Pilátus. Venit ergo, et tulit corpus Iesu. Venit autem et Nicodémus, qui venerat ad Iesum nocte primum, ferens mixturam myrrhæ et aloës, quasi libras centum. Acceperunt ergo corpus Iesu, et ligaverunt illud línteis cum aromátibus, sicut mos est Iudæis sepelire. Erat autem in loco, ubi crucifixus est, hortus: et in horto monuméntum novum, in quo nondum quisquam positus erat. Ibi ergo propter Parascéven Iudæorum, quia iuxta erat monuméntum, posuerunt Iesum.

DE SECUNDA PARTE ACTIONIS LITURGICÆ
SEU DE ORATIONIBUS SOLEMNIBUS, QUÆ ETIAM
« ORATIO FIDELIUM » DICUNTUR

12. Cantu vel lectione historiæ passionis Domini absoluto, celebrans assumit pluviale nigri coloris; diaconus et subdiaconus induunt dalmaticam vel tunicellam eiusdem coloris.

Interim vero duo acolythi, *vel ministrantes*, unam tantum tobacum super altare extendunt, locantes librum in medio.


Tunc celebrans, comitantibus ministris, *vel ministrantibus*, accedit ad altare, quod, ascendens, osculatur in medio, et stans ibidem, ante se habens librum, incipit orationes solemnes, ministris sacris hinc inde adstantibus.

13. Dicuntur autem hoc ordine:

Præcedit celebrantis præfatio, qua intentio specialis indicatur, et cantatur tono peculiari infra notato, manibus iunctis; deinde celebrans dicit Orémus, diaconus Flectámus génua, et omnes, flexis genibus, per aliquod temporis spatium in silentio orant; dicto a diacono Leváte, omnes surgunt, et celebrans, extensis manibus ac in tono feriali, dicit orationem.

13^a. *Celebrans dicit Orémus, Flectámus génua, et brevi interposita precatione, flexis genibus et in silentio dicit Leváte, deinde surgit, et, extensis manibus ac in tono feriali, dicit orationem.*

1. PRO SANCTA ECCLESIA




- ré-mus, di- lec-tís-si-mi no-bis, pro Ecclé-si-a sancta

De-i: ut e-am De-us et Dó-mi-nus no-ster pa-ci-fi-cá-re,


ad-u-ná-re et cu-sto-dí-re digné-tur to-to orbe ter-rá-

rum: sub-í-ci-ens e-i prin-ci-pá-tus et po-te-stá-tes: detque

no-bis, qui- é-tam et tranquí-lam vi-tam de-gén-ti-bus, glo-ri-




fi- cá- re De- um Pa- trem omni- po- tén- tem.




O- ré- mus. Flec- támus gé- nu- a. Le- vá- te.

Omnípotens sempitérne Deus, tua, toto orbe diffusa, stábili fide in
 qui glóriam tuam ómnibus in confessióne tui nóminis perseveret.
 Christo géntibus revelásti: custódi Per eúndem Dóminum.
 ópera misericórdiæ tuæ; ut Ecclésia **Omnes R̃.** Amen.


2. PRO SUMMO PONTIFICE




- rémus et pro be- a- tís- si- mo Pa- pa nostro **N.....**:




ut De- us et Dó- mi- nus noster, qui e- lé- git e- um in ór- di- ne



e- pisco- pá- tus, sal- vum atque incó- lumem cu- stó- di- at Ecclé-




si- æ su- æ sanctæ, ad re- géndum pó- pu- lum sanctum De- i.



O- ré- mus. Flec- támus gé- nu- a. Le- vá- te.

Omnípotens sempitérne Deus, plebs, quæ te gubernáture auctóre,
 cuius iudício unívérse fundán- sub tanto pontífice, credulitátis suæ
 tur: réspice propítius ad preces no- méritis augeátur. Per Dóminum.
 stras, et eléctum nobis Antístitem **Omnes R̃.** Amen.
 tua pietáte consérva; ut christiána

3. PRO OMNIBUS ORDINIBUS GRADIBUSQUE FIDELIUM




- rémus et pro ómni- bus e- pí-sco- pis, pres-bý- te- ris,
 di- a- có- ni- bus, subdi- a- có- ni- bus, a- có- ly- this, e- xor- cí- stis,
 lec- tó- ri- bus, o- sti- á- ri- is, con- fes- só- ri- bus, vir- gí- ni- bus,
 ví- du- is: et pro omni pó- pu- lo sancto De- i.
 O- rémus. Flec- támus gé- nu- a. Le- vá- te.


Omnípotens sempitérne Deus, ab ómnibus tibi grádibus fidéliter
 cuius Spíritu totum corpus serviátur. Per Dóminum... in uni-
 Ecclésiæ sanctificátur et régitur: tate eiúsdem.
 exáudi nos pro univér- sis ordínibus
 supplicántes; ut grátia tuæ múnere

Omnes R7. Amen.


4. PRO RES PUBLICAS MODERANTIBUS




- rémus et pro ómni- bus res pú- bli- cas mo- de- rán- ti-
 bus, e- o- rúmque mi- ni- sté- ri- is et po- te- stá- ti- bus: ut
 De- us et Dó- mi- nus no- ster men- tes et cor- da e- ó- rum



se-cúndum vo-luntá-tem su-am dí-ri-gat ad nostram perpé-




tu-am pa-cem.




O-rémus. Flec-támus gé-nu-a. Le-vá-te.

Omnípotens sempitérne Deus, terrarum, dextera tua protegente, in cuius manu sunt ómnium et religi6nis integritas, et patriæ potestates et ómnium iura popul6- secúritas indesinenter consistat. Per rum: respice benígnus ad eos, qui D6minum. nos in potestate regunt; ut ubique **Omnes R7.** Amen.


5. PRO CATECHUMENIS




O-rémus et pro ca-techú-me-nis nostris: ut De-us




et Dó-mi-nus no-ster ad-a-pé-ri-at aures præ-cor-di-ó-rum




ip-só-rum ia-nu-ámque mi-se-ri-cór-di-æ; ut, per la-vá-




crum re-ge-ne-ra-ti-ó-nis ac-cépta re-mis-si-ó-ne ómni-um



pecca-tó-rum, et ip-si inve-ni-ántur in Chri-sto Ie-su




Dó-mi- no nostro.




O- rémus. Flec- támus gé- nu- a. Le- vá- te.

Omnípotens sempitérne Deus, stris; ut, renáti fonte baptísmatis,
 qui Ecclésiám tuam nova adoptiónis tuæ filiis aggregéntur.
 semper prole fecúndas: auge fidem Per Dóminum.
 et intelléctum catechúmenis no- **Omnes R7.** Amen.


6. PRO FIDELIUM NECESSITATIBUS




- rémus, di- lec- tís- si- mi no- bis, De- um Pa- trem omni-




po- tén- tem, ut cunctis mundum purget er- ró- ri- bus: morbos




áu- fe- rat: famem de- pél- lat: a- pé- ri- at cárce- res: víncu- la



dis- sól- vat: per- e- gri- nán- ti- bus réd- i- tum: in- firmán- ti- bus



sa- ní- tá- tem: na- vi- gánti- bus portum sa- lú- tis indúl- ge- at.



O- rémus. Flec- támus gé- nu- a. Le- vá- te.

Omnípotens sempitérne Deus, mæstórum consolátio, laborántium fortitúdo: pervéniant ad te preces de quacúmque tribulatióne clamántium; ut omnes sibi in ne-

cessitatibus suis misericórdiam tuam gáudeant affuisse. Per Dóminum.

Omnes R7. Amen.

7. PRO UNITATE ECCLESIE

O - rémus et pro hæ-ré-ti-cis et schismá-ti-cis: ut

De-us et Dó-mi-nus no-ster é-ru-at e-os ab er-ró-ri-bus

u-ni-vér-sis; et ad sanctam ma-trem Ecclé-si-am cathó-li-

cam atque a-po-stó-li-cam re-vo-cá-re digné-tur.

O-ré-mus. Flec-tá-mus gé-nu-a. Le-vá-te.

Omnípotens sempitérne Deus, qui salvas omnes, et néminem vis perire: respice ad ánimas diabólica fraude decéptas; ut, omni hærética pravitate depósita, errán-


tium corda resipíscant, et ad veritátis tuæ rédeant unitátem. Per Dóminum.

Omnes R7. Amen.


8. PRO CONVERSIONE IUDÆORUM

O - rémus et pro Iu-dæ-is: ut De-us et Dó-

mí-nus no-ster áu-fe-rat ve-lámen de córdi-bus e-ó-rum;



ut et ip-si agnó-scant Ie-sum Chri-stum Dó-mi-num nostrum.




O-rémus. Flec-támus gé-nu- a. Le- vá- te.

Omnípotens sempitérne Deus, qui Iudæos étiam a tua misericórdia non repéllis: exáudi preces nostras, quas pro illíus pópuli ob-cæcacióné deférimus; ut, ágnita


veritátis tuæ luce, quæ Christus est, a suis ténebris eruántur. Per eúndem Dóminum.

Omnes R7. Amen.


9. PRO CONVERSIONE INFIDELIUM




rémus et pro pa-gã-nis: ut De- us omní-po- tens




áu-fe- rat i- niqui- tá- tem a córdi- bus e- ó- rum; ut, re- líc- tis




i- dó- lis su- is, con-ver- tántur ad De- um vi- vum et ve- rum,



et ú- ni- cum Fí- li- um e- ius Ie- sum Chri- stum, De- um et



Dó-mi- num nostrum.



O- ré- mus. Flec- támus gé- nu- a. Le- vá- te.

Omnípotens sempitérne Deus, qui non mortem peccatórum, sed vitam semper inquíris: súscipe propítius oratióem nostram, et líbera eos ab idolórum cultúra; et

ággrega Ecclésiæ tuæ sanctæ, ad laudem et glóriam nóminis tui. Per Dóminum.

Omnes R. Amen.

DE TERTIA PARTE ACTIONIS LITURGICÆ
SEU
DE SOLEMNI SANCTÆ CRUCIS ADORATIONE

14. Orationibus solemnibus completis, celebrans et ministri redeunt ad sedilia, ubi celebrans deponit pluviale, ministri dalmaticam vel tunicellam; et datur initium sollemní adorationi sanctæ Crucis.

Adhibeatur Crux satis magna, cum Crucifixo, velo violaceo oblecto, quod facile removeri possit.

15. Primum portatur sancta Crux e sacristia in medium presbyterii, omnibus stantibus. Portatur autem hoc modo:

Celebrans et subdiaconus manent ad sedilia stantes: diaconus cum acolythis *seu ministrantibus*, adit sacristiam, ex qua processionaliter affert Crucem ad ecclesiam: præcedunt acolythi, *seu ministrantes*, sequitur diaconus cum Cruce, medius inter alios duos acolythos, *seu ministrantes*, candelabra accensa gestantes.

Cum presbyterium ingressi fuerint, celebrans et subdiaconus ipsi obviam veniunt, et in medio, ante altare, celebrans Crucem e manibus diaconi accipit.

15^a *Celebrans cum ministrantibus sacristiam adit, indeque, ut supra, portat Crucem ante altare.*

16. Tum proceditur ad detectionem sanctæ Crucis, hoc modo:

Celebrans, accedens ad latus Epistolæ, ibique, stans in plano,

versa facie ad populum, Crucem a summitate parum detegit. Deinde solus incipit antiphonam **Ecce lignum Crucis**, ac deinceps iuvatur in cantu a ministris sacris, usque ad **Veníte, adorémus**, quod cantatur a schola, comitantibus omnibus adstantibus.

Cantu finito, omnes in genua se prosternunt, celebrante excepto, et parvo momento in silentio adorant.

Deinde celebrans ascendit altare in latere epistolæ, et detegit brachium dextrum Crucifixi; tunc elevans Crucem paulisper, adiuvantibus, si opus sit, ministris sacris, altius quam primo, cantat iterum **Ecce lignum Crucis**, aliis prosequentibus, et, post cantum, procumbentibus, ut supra.

Denique celebrans procedit ad medium altaris, et detegit Crucem totaliter, ac elevans eam, tertio altius incipit **Ecce lignum Crucis**, aliis, ut supra, prosequentibus, et post cantum adorantibus.

Duo autem acolythi, *seu ministrantes*, cum candelabris accensis comitantur Crucem, a dextris et a sinistris celebrantis.

16^a. *Celebrans, in detegenda sancta Cruce, adiuvatur a ministrantibus; antiphonam vero Ecce lignum Crucis, usque ad Veníte, adorémus, cantat solus.*

ANTIPHONA AD DETEGENDAM S. CRUCEM

Ecce li- gnum Cru- cis, in quo sa- lus
mun- di pe- péc- dit.
Omnes R. Ve- ní- te, ad- o- ré- mus.

17. Post detectionem Crucis sequitur eiusdem solemnis adoratio, hoc modo: Crux, postquam detecta fuerit, traditur a celebrante duobus acolythis, *vel ministrantibus*, qui stantes in suppedaneo, ante medium altaris, et facie ad populum versa, eam hinc inde ita per brachia sustentant, ut pes Crucis super suppedaneum consistat. Alii vero duo acolythi, *vel ministrantes*, qui candelabra accensa gestabant, eisdem candelabris a dextris et a sinistris Crucis super suppedaneum collocatis, genuflexi manent in lateribus suppedanei, in superiore gradu, facie versus Crucem.

Tunc incipit adoratio sanctæ Crucis, ordine sequenti: primus accedit solus celebrans; deinde ministri, postea clerus, demum ministrantes. Hi omnes, si commodè fieri possit, prius calceamenta deponunt, et, unus post alium, accedentes ad Crucem, simplici genuflexione ter repetita, pedes Crucifixi osculantur.

18. Sancta Crux, adoratione ex parte celebrantis, ministrorum, cleri ac ministrantium peracta, a duo-

bus acolythis, *seu ministrantibus*, comitantibus aliis duobus acolythis, *seu ministrantibus*, cum candelabris accensis, defertur ad cancellos, et ibidem sustentatur eodem modo, ut supra, ita ut fideles, ante Crucem quasi processionaliter transeuntes, primum viri, deinde mulieres, pedes Crucifixi devote deosculari possint, præmissa simplici genuflexione.

Si parochus aut rector ecclesiæ prævideat, adorationem sanctæ Crucis, prout supra præscribitur, ob ingentem populi concursum, vix aut non sine boni ordinis et devotionis detrimento peragi posse, tunc cærimonia hoc modo peragitur: celebrans, postquam clerus, si adsit, et ministrantes adorationem expleverint, sanctam Crucem e manibus ministrantium sumat et, in summitate gradum altaris consistens, paucis verbis populum ad sanctæ Crucis adorationem invitet eamque altius elevatam teneat, per breve tempus a fidelibus in silentio adorandam.

19. Dum autem sanctæ Crucis adoratio peragitur, cantantur a

schola, in duos choros divisa, sic dicta Improperia, et alia quæ sequuntur; celebrans, ministri sacri, et ministrantes, ceterique omnes, qui adorationem sanctæ Crucis peregerunt, sedentes auscultant.

Cantus vero eousque producit, prout adorantium numerus requirit. Concluditur tamen semper cum doxologia: Sempiterna sit beata Trinitati gloria, ut infra p. 167.

IMPROPERIA

Partes quæ ad singulos choros spectant, indicantur numeris **I** (chorus primus), et **2** (chorus secundus); quæ autem ab utroque choro simul cantanda sunt, indicantur hoc modo: **I** et **2**.

I

I et **2** Pópule meus, quid feci tibi? Aut in quo contristavi te? Respónde mihi! **V**. Quia eduxi te de terra Ægypti: parasti Crucem Salvatóri tuo.

I Hágios o Theós.

2 Sanctus Deus.

I Hágios Ischyrós.

2 Sanctus Fortis.

I Hágios Athánatos, eléison hymás.

2 Sanctus Immortális, miserere nobis.

I et **2** Quia eduxi te per désertum quadraginta annis, et manna cibavi te, et introduxi te in terram satis bonam: parasti Crucem Salvatóri tuo.

I Hágios o Theós.

2 Sanctus Deus.

I Hágios Ischyrós.

2 Sanctus Fortis.

I Hágios Athánatos, eléison hymás.

2 Sanctus Immortális, miserere nobis.

I et **2** Quid ultra débui fácere tibi, et non feci? Ego quidem plantavi te vineam eléctam meam speciosíssimam: et tu facta es mihi nimis amára: acéto namque sitim meam potásti, et lancea perforásti latus Salvatóri tuo.

I Hágios o Theós.

2 Sanctus Deus.

I Hágios Ischyrós.

2 Sanctus Fortis.

I Hágios Athánatos, eléison hymás.

2 Sanctus Immortális, miserere nobis.

II

I Ego propter te flagellavi Ægyptum cum primogénitis suis: et tu me flagellatum tradidisti.

2 Pópule meus, quid feci tibi? Aut in quo contristavi te? Respónde mihi!

I Ego eduxi te de Ægypto, demerso Pharaóne in Mare rubrum: et tu me tradidisti princípibus sacerdotum.

2 Pópule meus, quid feci tibi? Aut in quo contristavi te? Respónde mihi!

I Ego ante te aperui mare: et tu aperuisti lancea latus meum.

2 Pópule meus, quid feci tibi? Aut in quo contristavi te? Respónde mihi!

I Ego ante te præivi in columba nubes: et tu me duxisti ad prætorium Pilati.

2 Pópule meus, quid feci tibi? Aut in quo contristavi te? Respónde mihi!

I Ego te pavi manna per désertum: et tu me cecidisti alapibus et flagellis.

2 Pópule meus, quid feci tibi? Aut in quo contristavi te? Respónde mihi!

I Ego te potavi aqua salutis de petra: et tu me potasti felle et aceto.

2 Pópule meus, quid feci tibi?
Aut in quo contristávi te? Respónde mihi!

1 Ego propter te Chananæórum reges percússi: et tu percussísti arúndine caput meum.

2 Pópule meus, quid feci tibi?
Aut in quo contristávi te? Respónde mihi!

1 Ego dedi tibi sceptrum regále: et tu dedísti cápiti meo spíneam corónam.

2 Pópule meus, quid feci tibi?
Aut in quo contristávi te? Respónde mihi!

1 Ego te exaltávi magna virtúte: et tu me suspendísti in patíbulo Crucis.

2 Pópule meus, quid feci tibi?
Aut in quo contristávi te? Respónde mihi!

III

1 et 2 Antiphona Crucem tuam adorámus, Dómine, et sanctam resurrectionem tuam laudámus, et glorificámus: ecce enim propter lignum venit gáudium in univérso mundo.

1 Psalmus 66, 2 Deus misereátur nostri, et benedícat nobis.

2 Illúminet vultum suum super nos, et misereátur nostri.

1 et 2 Antiphona Crucem tuam adorámus, Dómine, et sanctam resurrectionem tuam laudámus, et glorificámus: ecce enim propter lignum venit gáudium in univérso mundo.

IV

1 et 2 Antiphona Crux fidélis, inter omnes arbor una nóbilis:

Nulla silva talem profert, fronde, flore, gérmine.

Dulce lignum, dulces clavos, dulce pondus sústinet.

1 Hymnus Pange, lingua, gloriósi láuream certáminis,

Et super Crucis trophæo dic triúmphum nóbilem:

Quáliter Redémptor orbis imolátus vícerit.

2 Crux fidélis, inter omnes arbor una nóbilis;

Nulla silva talem profert, fronde, flore, gérmine,

1 De paréntis protoplásti fraude Factor cóndolens,

Quando pomi noxiális in necem morsu ruit:

Ipse lignum tunc notávit, damna ligni ut sólveret.

2 Dulce lignum, dulces clavos, dulce pondus sústinet.

1 Hoc opus nostræ salútis ordo depopóscerat:

Multifórmis proditóris ars ut artem fálleret,

Et medélam ferret inde, hostis unde láserat.

2 Crux fidélis, inter omnes arbor una nóbilis;

Nulla silva talem profert, fronde, flore, gérmine.

1 Quando venit ergo sacri plenitúdo témporis,

Missus est ab arce Patris, natus orbis Cónditor,

Atque ventre virgináli carne amíctus pródiit.

2 Dulce lignum, dulces clavos, dulce pondus sústinet.

1 Vagit infans inter arcta cónditus præsépia,

Membra pannis involúta Virgo Mater álligat,

Et Dei manus pedésque stricta cingit fáscia.

2 Crux fidélis, inter omnes arbor una nóbilis;

Nulla silva talem profert, fronde, flore, gérmine.

1 Lustra sex qui iam perégit, tempus implens córporis,

Sponte libera Redémptor passióni déditus,

Agnus in Crucis levátur immolándus stípitem.

2 Dulce lignum, dulces clavos, dulce pondus sústinet.

1 Felle potus ecce languet; spina,
clavi, lancea

Mite corpus perforarunt, unda
manat et cruor;

Terra, pontus, astra, mundus, quo
lavantur flumine!

2 Crux fidelis, inter omnes
arbor una nobilis;

Nulla silva talem profert, fronde,
flore, germine.

1 Flecte ramos, arbor alta, tensa
laxa viscera,

Et rigor lentescat ille, quem dedit
nativitas:

Et superni membra Regis tende
miti stipite.

2 Dulce lignum, dulces clavos,
dulce pondus sustinet.

1 Sola digna tu fuisti ferre mundi
victimam,

Atque portum præparare arca
mundo naufrago,

Quam sacer cruor perunxit, fusus
Agni corpore.

2 Crux fidelis, inter omnes
arbor una nobilis;

Nulla silva talem profert, fronde,
flore, germine.

Conclusio numquam omittenda

1 Sempiterna sit beata Trinitati
gloria;

Æqua Patri Filioque, par decus
Paraclyto;

Unius Trinique nomen laudet
universitas. Amen.

2 Dulce lignum, dulces clavos,
dulce pondus sustinet.

DE QUARTA PARTE ACTIONIS LITURGICÆ SEU DE COMMUNIONE

20. *Adoratione Crucis expleta, ipsa Crux ab acolythis, vel ministrantibus, qui eam sustentaverant, comitantibus aliis duobus acolythis, vel ministrantibus, cum candelabris accensis, reportatur ad altare, ibique collocatur in medio, et quidem, si altaris dispositio id permittat, adeo in altum ut commode a fidelibus conspici possit, quin celebranti in cærimoniis sequentibus, super altare peragendis, incommodum præbeat. Candelabra vero accensa deponuntur super altare.*

21. *Postea celebrans et diaconus, dimissa stola nigri coloris, assumunt paramenta violacea, scilicet celebrans stolam et planetam, diaconus stolam et dalmaticam, subdiaconus vero tunicellam.*

22. *Deinde diaconus, delata bursa super altare, extendit corporale, more solito; acolythus autem, vel ministrans, deponit super altare vas aquæ cum purificatorio, ad ablucendos et abstergendos digitos post Communionem, et librum disponit in latere Evangelii.*

22^a. *Antequam processio inchoetur, sacerdos defert et explicat corporale super altare, more solito.*

23. *Rebus ita dispositis, reportatur Sacramentum e loco repositionis ad altare maius pro Communionem peragenda. Portatur autem hoc modo:*

Celebrans et subdiaconus, clerus et populus manent in suis locis, sub silentio.

Diaconus cum duobus acolythis, et alio clerico ad umbellam portantam, accedunt ad altare repositionis, in quo præsto sint duo candelabra cum cereis accensis, postmodum ab acolythis sumenda.

Ad altare repositionis genua flectunt; tunc diaconus extrahit sacram pyxidem e tabernaculo seu capsula, et assumpto velo humerali albi coloris, pyxidem extremitatibus eiusdem veli cooperit et ad altare maius defert.

23^a. *Omnia fiunt per ipsum celebrantem cum suis ministrantibus.*

24. **Procedunt ordine quo venerunt: super Sacramentum defertur umbella; acolythi hinc inde procedentes candelabra accensa gestant, omnes in genua procumbunt. Interim schola cantat sequentes antiphonas:**

1 Adoramus te, Christe, et benedicimus tibi, quia per Crucem tuam redemisti mundum.

2 Per lignum servi facti sumus, et per sanctam Crucem liberati sumus: fructus arboris seduxit nos, Filius Dei redemit nos.

3 Salvator mundi, salva nos: qui per Crucem et Sanguinem tuum redemisti nos, auxiliare nobis, te deprecamur, Deus noster.

25. **Cum ad altare maius pervenerint, illud ascendunt, diaconus sacram pyxidem super corporale, acolythi autem candelabra super altare deponunt. Genuflexione peracta, diaconus dimittit velum humerale et se retrahit ad latus Epistolae; acolythi vero descendunt hinc inde, et genuflectunt in infimo gradu altaris.**

26. **Tunc celebrans et subdiaconus accedunt ad altare, utroque genu adorant, illud ascendunt, et facta, una cum diacono, genuflexione, celebrans clara voce recitat, non cantat, praefationem orationis dominicae Orémus. Praeceptis salutariibus moniti.**

Totum vero Pater noster, cum sit precatio ad Communionem, omnes praesentes, clerici et fideles, una cum celebrante, solemniter, graviter et distincte recitant, lingua latina, addito quoque ab omnibus Amen.

Celebrans, iunctis manibus, dicit solus:

Orémus. Praeceptis salutariibus moniti, et divina institutione formati, audemus dicere:

Celebrans, item iunctis manibus, et omnes praesentes prosequuntur:

Pater noster, qui es in caelis: *

Sanctificetur nomen tuum. *

Advénia regnum tuum. *

Fiat voluntas tua, sicut in caelo, et in terra. *

Panem nostrum quotidianum da nobis hodie: *

Et dimitte nobis debita nostra, * sicut et nos dimittimus debitoribus nostris. *

Et ne nos inducas in tentationem; *

sed libera nos a malo. *

Amen.

27. **Celebrans solus, clara et distincta voce atque manibus extensis, prosequitur:**

Libera nos, quaesumus, Domine, ab omnibus malis, praeteritis, praesentibus et futuris: et intercedente beata et gloriosa semper Virgine Dei Genetrice Maria, cum beatis apostolis tuis Petro et Paulo, atque Andree, et omnibus Sanctis, **non signat se** da propitius pacem in diebus nostris; ut, ope misericordiae tuae adiuti, et a peccato simus semper liberi, et ab omni perturbatione securi. Per eundem Dominum nostrum Iesum Christum Filium tuum: Qui tecum vivit et regnat in unitate Spiritus Sancti Deus, per omnia saecula saeculorum. **Et ab omnibus respondetur: Amen.**

28. **Et continuo celebrans recitat, submissa voce, sequentem orationem, de more inclinatus, manibusque iunctis super altare positis:**

Percipio Corporis tui, Domine Iesu Christe, quod ego indignus sumere praesumo, non mihi proveniat in iudicium et condemnationem: sed pro tua pietate prosit mihi ad tutamentum mentis et corporis, et ad medelam percipiendam: Qui vivis et regnas cum Deo Patre in unitate Spiritus Sancti Deus, per omnia saecula saeculorum. **Amen.**

29. Tum discooperit pyxidem, et, facta genuflexione, accipit sacram particulam manu dextra et, tenens illam supra pyxidem, inclinatus et pectus percutiens, ter dicit, more solito:

Dómine, non sum dignus, ut intres sub tectum meum: sed tantum dic verbo, et sanábitur ánima mea.

30. Postea, signans se Sacramento, adiungit submissa voce:

Corpus Dómini nostri Iesu Christi custódiat ánimam meam in vitam ætérnam. Amen. Et sumit Corpus reverenter, ac paululum in meditatione Sacramenti quiescit.

31. Et continuo diaconus facit confessionem. Tunc celebrans, facta genuflexione, conversus ad populum, manibus iunctis ante pectus, clara voce dicit:

Misereátur vestri omnípotens Deus, et, dimíssis peccátis vestris, perdúcat vos ad vitam ætérnam. Omnes respondent: Amen.

Celebrans proseguitur:

Indulgéntiam, absolutiónem, ✠ et remissionem peccatórum vestrórum tríbuat vobis omnípotens et miséricors Dóminus. Omnes respondent: Amen.

32. Deinde ad altare se convertit, genuflectit, apprehendit pyxidem, et more solito conversus ad populum, in medio altaris, dicit clara voce:

Ecce Agnus Dei, ecce qui tollit peccáta mundi. Mox subdit: Dómine, non sum dignus, ut intres sub tectum meum: sed tantum dic verbo, et sanábitur ánima mea; quod iterum ac tertio repetit.

Et procedit ad distributionem Communionis, ut supra feria V in Cena Domini, p. 147, n. 29, dictum est. Sacerdotes vero stolam violaceam deferunt.

33. Dum sacra Communio distribuitur, cani potest psalmus 21 Deus

meus, Deus meus; vel unum aliudve responsorium ex Matutino huius feriae VI.

34. Communione absoluta, celebrans digitos abluit in vase, ac purificatorio abstergit, nihil dicens; pyxidem vero in tabernaculo reponit.

35. His completis, celebrans stans in medio altaris, habens ante se librum, a dextris et a sinistris ministros sacros, dicit pro gratiarum actione, in tono feriali et manibus iunctis, tres sequentes orationes, omnibus stantibus et Amen respondentibus.

Orémus.

Oratio prima

Super pópulum tuum, quásumus, Dómine, qui passiónem et mortem Fílii tui devóta mente recóluit, benedíctio copiósa descéndat, indulgéntia véniat, consolátio tribuátur, fides sancta succréscat, redemptio sempitérna firmétur. Per eúndem Christum Dóminum nostrum. R/. Amen.

Orémus.

Oratio secunda

Omnípotens et miséricors Deus, qui Christi tui beáta passióne et morte nos reparásti: consérva in nobis óperam misericórdiæ tuæ; ut, huius mystérii participatióne, perpétua devotióne vivámus. Per eúndem Christum Dóminum nostrum. R/. Amen.

Orémus.

Oratio tertia

Reminíscere miseratiónum tuárum, Dómine, et fámulos tuos ætérna protectiόne sanctífica, pro quibus Christus, Fílius tuus, per suum cruórem, instituit paschále mystérium. Per eúndem Christum Dóminum nostrum. R/. Amen.

36. Celebrans et ministri sacri de altari descendunt, et facta genuflexione, una cum acolythis, seu ministrantibus, in sacristiam revertuntur.

37. In choro dicitur Completorium, candelis extinctis, et absque cantu.

38. Tempore opportuno, sanc-

tissima Eucharistia reportatur, forma simplici, ad locum reservationis, et ibidem asservatur, lampade de more accensa. Et denudatur altare.

SABBATO SANCTO

I classis

DE VIGILIA PASCHALI

Statio ad S. Ioannem in Laterano

¶ Solemnis Vigilia paschalis celebranda est hora competenti, ea scilicet, quæ permittat Missam solemnem eiusdem Vigiliæ incipere circa mediam noctem inter Sabbatum sanctum et dominicam Resurrectionis. Ubi tamen, ponderatis fidelium et locorum condicionibus, de iudicio Ordinarii loci, horam celebrandæ Vigiliæ anticipari conveniat, hæc non inchoetur ante diei crepusculum, aut certe non ante solis occasum.

DE BENEDICTIONE NOVI IGNIS

1. Hora competenti tobaleis cooperiuntur altaria, sed candelæ extinctæ manent usque ad principium Missæ. Interim excutitur ignis de lapide, et ex eo accenduntur carbones.

2. Celebrans induitur amictu, alba, cingulo, stola et pluviali violacei coloris; ministri sacri amictu, alba, cingulo, diaconus stola et dalmatica, subdiaconus tunicella, eiusdem coloris.

2^a. *Sacerdos induitur amictu, alba, cingulo, stola et pluviali violaceo, vel manet sine casula.*

3. Astantibus ministris, seu ministrantibus, cum cruce, aqua benedicta et incenso, sive ante portam, sive in aditu ecclesiæ, vel intus eam, ubi scilicet populus ritum sacrum melius sequi possit, celebrans benedicit novum ignem dicens:

¶ Dóminus vobíscum.

R/. Et cum spíritu tuo.

Orémus.

Oratio

Deus, qui per Fílium tuum, angulárem scílicet lápidem, claritátis tuæ ignem fidélibus contulisti: productum e sílice, nostris profutúrum úsibus, novum hunc ignem sanctí ✠ fica: et concéde nobis, ita per hæc festa paschália cæléstibus desidériis inflammári; ut ad perpétuæ claritátis, puris mén-tibus, valeámus festa pertíngere. Per eúndem Christum Dóminum nostrum. R/. Amen.

Deinde ignem ter aspergit, nihil dicens.

4. Acolythus, seu unus ministrantium, assumens de carbonibus benedictis, ponit in thuribulum; celebrans vero ponit incensum in thuribulum, benedicens illud more solito, ignemque ter adolet incenso.

DE BENEDICTIONE CEREI PASCHALIS

5. Novo igne benedicto, acolythus, seu unus ministrantium, portat cereum paschalem in medium, ante celebrantem, qui cum stilo, inter extrema foramina ad insertionem granorum incensi destinata, incidit crucem. Deinde facit super eam litteram græcam Alpha, sub-tus vero litteram Omega, et inter brachia crucis quatuor numeros exprimentes annum currentem, interim dicens:

(1) Christus heri et hódie (incidit hastam erectam),

(2) Príncipium et Finis (incidit hastam transversam),

(3) Alpha (incidit supra hastam erectam litteram A)


(4) et Omega (incidit subtus hastam erectam litteram Ω);

(5) Ipsíus sunt témpora (incidit primum numerum anni currentis in angulo sinistro superiore crucis)

(6) et sácula (incidit secundum numerum anni currentis in angulo dextro superiore crucis);

(7) Ipsi glória et impérium (incidit tertium numerum anni currentis in angulo sinistro inferiore crucis)

(8) per univérſa æternitátis sácula. Amen (incidit quartum numerum anni currentis in angulo dextro inferiore crucis).



6. Incisione crucis et aliorum signorum, quæ coloribus vel alio modo ante præparari possunt, peracta, diaconus, *seu alius ministrantium*, præbet celebranti grana incensi, quæ idem celebrans, si non sunt benedicta, ter aspergit et ter adolet incenso, nihil dicens. Deinde infigit quinque grana in foramina, interim dicens:

1
4 2 5
3

(1) Per sua sancta vúlnera

(2) gloriósa

(3) custódiat

(4) et consérvet nos

(5) Christus Dóminus. Amen.

7. Tum diaconus, *seu unus ministrantium*, porrigit celebranti parvam candelam, de novo igne accensam, qua cereum accendit, dicens:

Lumen Christi glorióse resurgéntis

Díssipet ténebras cordis et mentis.

8. Mox, celebrans benedicit cereum accensum, dicens:

℣. Dóminus vobíscum.

℞. Et cum spíritu tuo.

Orémus.

Oratio

Véniat, quæsumus, omnípotens Deus, super hunc incénsum céreum larga tuæ bene ✠ dictionis infúſio: et hunc noctúrnum splendórem, invisíbilis regenerátor, inténde; ut non solum sacrificium, quod hac nocte litátum est, arcána lúminis tui admixtióne refúlgeat; sed in quocúmque loco ex huius sanctificatiónis mystério áliquíd fúerit deportátum, expúlſa diabólicæ fraudis nequítia, virtus tuæ maiestátis assístat. Per Christum Dóminum nostrum. ℞. Amen.

9. Interim luminaria ecclesiæ exstinguuntur.

DE SOLEMNI PROCESSIONE ET DE PRÆCONIO PASCHALI

10. Tum celebrans iterum ponit incensum in thuribulum: postea diaconus, depositis paramentis violaceis, et indutus stola et dalmatica albi coloris, accipit cereum pascha-


lem accensum, et ordinatur processio; præcedit thuriferarius, sequitur subdiaconus cum cruce, diaconus cum cereo accenso, post eum statim celebrans, deinde clerus per ordinem, et populus.

10^a. Tum sacerdos, depositis paramentis violaceis, et indutus stola et dalmatica albi coloris, iterum ponit incensum in thuribulum; postea accipit cereum paschalem accensum, et ordinatur processio: præcedit thuriferarius, sequitur crucifer, post eum statim sacerdos cum cereo accenso, deinde ceteri ministrantes, et populus.

11. Cum diaconus ingressus est ecclesiam, stans, cantat solus:



cui omnes alii, præter subdiaconum et thuriferarium, genuflectentes versus cereum benedictum, respondent:



R. De- o grá- ti- as.

Celebrans vero de cereo benedicto propriam candelam accendit.

Procedens ad medium ecclesiæ, ibi eodem modo diaconus altius cantat: **Lumen Christi**, cui omnes, ut supra, genuflectentes, respondent: **Deo grátias**. Et de cereo benedicto accenduntur candelæ cleri.

Tertio procedens ante altare, in medio chori, rursum adhuc altius cantat: **Lumen Christi**, cui tertio omnes, ut supra, genuflectentes, respondent: **Deo grátias**. Et accenduntur candelæ populi de cereo benedicto, et luminaria ecclesiæ.

11^a. Cum sacerdos ingressus est ecclesiam, stans, cantat solus: **Lumen Christi**, cui omnes alii, præter cruciferum et thuriferarium, genuflectentes versus cereum benedictum, respondent: **Deo grátias**. Tunc unus ex ministrantibus de cereo benedicto candelam pro sacerdote accendit.

Procedens ad medium ecclesiæ, ibi eodem modo sacerdos altius cantat: **Lumen Christi**, cui omnes, ut supra, genuflectentes, respondent: **Deo grátias**. Et de cereo benedicto accenduntur candelæ ministrantium.

Tertio procedens ante altare, in medio chori, rursum adhuc altius cantat: **Lumen Christi**, cui tertio omnes, ut supra, genuflectentes, respondent: **Deo grátias**. Et accenduntur candelæ populi de cereo benedicto, et luminaria ecclesiæ.

12. Tunc celebrans vadit ad locum suum in choro, in latere Epistolæ; subdiaconus cum cruce stat in latere Evangelii, contra legile; clerus locum suum occupat in scamnis.

Diaconus deponit cereum paschalem in medio chori, supra parvum sustentaculum, et, postquam celebrans posuerit incensum in thuribulum, accipiens librum, petit benedictionem, dicens:

Iube, domne, benedícere.

Et celebrans subiungit:

Dóminus sit in corde tuo, et in lábiis tuis: ut digne et competénter annúnties suum paschále præcónium: In nómine Patris, et Fílii, ✠ et Spíritus Sancti.

Et diaconus respondet: Amen.

12^a. Sacerdos deponit cereum paschalem in medio chori, supra parvum sustentaculum, seque recipit ad abacum; crucifer stat in latere Evangelii, contra legile; ceteri ministrantes disponuntur hinc et inde.

Sacerdos vero, postquam posuerit incensum in thuribulum, accepto libro, dicit:

Iube, Dómine, benedicere. - Dóminus sit in corde meo, et in lábiis meis: ut digne et competénter annúntiem suum paschále præcónium. Amen.

13. Postea diaconus vadit ad legile, strato albo coopertum, et ponit super eo librum, et incensat: deinde, circumiens cereum paschalem, etiam illum thurificat.

Tunc surgentibus omnibus, et stantibus, ut fit ad Evangelium, diaconus cantat præconium paschale, habens ante se cereum paschalem, a dextris altare, a sinistris aulam ecclesiæ.

Dum canitur præconium pascha-

le, convenit, ut clerus et populus candelas accensas gestent.


13^a. Postea sacerdos vadit ad legile, strato albo coopertum, et ponit super eo librum, et incensat; deinde, circumiens cereum paschalem, etiam illum thurificat.

Tunc surgentibus omnibus, et stantibus, ut fit ad Evangelium, ipse sacerdos cantat vel legit præconium paschale, habens ante se cereum paschalem, a dextris altare, a sinistris aulam ecclesiæ.

Dum canitur præconium paschale, convenit, ut clerus et populus candelas accensas gestent.

PRÆCONIUM PASCHALE

Ex-súl-tet iam Angé-li-ca turba cæ-ló-rum: ex-súl-tent
di-ví-na my-sté-ri-a: et pro tan-ti Re-gis vic-tó-ri-a
tu-ba ín-so-net sa-lu-tá-ris. Gáude-at et tel-lus tantis
ir-ra-di-á-ta fulgó-ri-bus: et æ-térni Re-gis splendó-re il-
lustrá-ta, to-tí-us orbis se sénti-at a-mi-sísse ca-lí-
gi-nem. Læ-té-tur et ma-ter Ecclé-si-a, tan-ti lú-mi-nis



ad-orná- ta fulgó- ri- bus: et magnis popu-ló-rum vó- ci- bus

hæc au- la re- sùl- tet. Quapróp-ter adstán-tes vos, fra- tres

ca- rís- si- mi, ad tam mi- ram hu- ius sancti lúmi- nis cla- ri- tá- tem,

u- na me- cum, quæ- so, De- i omni- po- tén- tis mi- se- ri- cór-





dí- am invo- cá- te. Ut, qui me non me- is mé- ri- tis intra

Le- vi- tá- rum núme- rum digná- tus est aggre- gá- re, lúmi- nis

su- i cla- ri- tá- tem infúndens, cé- re- i hu- ius lau- dem implé- re


per- fí- ci- at. Per Dó- mi- num no- strum Ie- sum Chri- stum,

Fí- li- um su- um: Qui cum e- o vi- vit et regnat







æ- téno Pa-tri Adæ dé-bi- tum sol-vit: et vé-te- ris pi- á-
 cu- li cau-ti- ó-nem pi- o cru- ó- re de- tér-sit. Hæc sunt
 e- nim fe-sta paschá- li- a, in quibus ve-rus il-le Agnus oc-
 cí-di- tur, cu- ius sán-gui- ne po- stes fi- dé- li- um conse- crántur.
 Hæc nox est, in qua primum patres nostros, fi- li- os Isra- ël
 e- dúctos de Æ- gýpto, Ma- re Rubrum sic-co ve- stí- gi- o
 trans- í- re fe- cí- sti. Hæc í- gi- tur nox est, quæ pecca- tó-
 rum té- nebras co- lúmnae il- lu- mi- na- ti- ó- ne purgá- vit.
 Hæc nox est, quæ hó- di- e per u- ni- vé- rum mundum in Chri- sto
 cre- dén- tes, a ví- ti- is sæ- cu- li et ca- lí- gi- ne pec- ca-




tó-rum segre- gá- tos, red- dit grá- ti- æ, só- ci- at sancti-
 tá- ti. Hæc nox est, in qua, destrúc-tis víncu- lis mor- tis,
 Chri- stus ab ín-fe- ris vic- tor a-scéndit. Ni- hil e- nim no- bis
 na- sci pró- fu- it, ni- si réd-i- mi pro- fu- ís- set. O mi- ra
 cir- ca nos tu- æ pi- e- tá- tis digná- ti- o! O in- æ- sti-
 má- bi- lis di- léc- ti- o ca- ri- tá- tis: ut servum red- í- me- res,
 Fí- li- um tra- di- dí- sti! O cer- te ne- ces- sá- ri- um Adæ
 pec- cá- tum, quod Chri- sti mor- te de- lé- tum est! O fe- lix
 culpa, quæ ta- lem ac tantum mé- ru- it ha- bé- re Red- emp-
 tó- rem! O ve- re be- á- ta nox, quæ so- la mé- ru- it




sci-re tempus et ho-ram, in qua Chri-stus ab ín-fe-ris




re-surré-xit! Hæc nox est, de qua scrip-tum est: Et nox sic-ut




dí-es il-lumi-ná-bi-tur: et nox il-lu-mi-ná-ti-o me-a




in de-lí-ci-is me-is. Hu-ius í-gi-tur sancti-fi-cá-ti-o




noctis fu-gat scé-le-ra, culpas la-vat: et reddit inno-cénti-am



lapis, et mœ-stis læ-tí-ti-am. Fu-gat ó-di-a, concórdi-am




pa-rat, et cur-vat impé-ri-a.



In hu-ius í-gi-tur noctis grá-ti-a, súsci-pe, sancte Pa-ter,




incén-si hu-ius sa-crí-fí-ci-um vesper-tí-num: quod ti-bi




in hac cé-re-i ob-la-ti-ó-ne so-lémni, per mi-nistró-rum




ma-nus de o-pé-ri-bus a-pum, sa-cro-sáncta red-dit Ecclé-




si- a. Sed iam co-lúmnæ hu-ius præ-có-ni-a nó-vimus,




quam in ho-nó-rem De-i rú-ti-lans i-gnis accéndit. Qui li-cet




sit di-ví-sus in par-tes, mu-tu-á-ti ta-men lú-mi-nis de-




tri-mén-ta non no-vit. A-li-tur e-nim liquánti-bus ce-ris,




quas in substán-ti-am pre-ti-ó-sæ hu-ius lámpa-dis a-pis




ma-ter e-dú-xit. O ve-re be-á-ta nox, quæ exspo-li-á-




vit Æ-gýp-ti-os, di-tá-vit Hebræ-os! Nox, in qua terré-nis




cæ-lé-sti-a, humá-nis di-ví-na iungúntur.




• rámus ergo te, Dómi-ne: ut cé-re-us i-ste in ho-




nó-rem tu- i nómi- nis conse- crá- tus, ad noc- tis hu- ius ca- lí-



gi- nem destru- éndam, inde- fí- ci- ens per- se- vé- ret. Et in o- dó-rem




su- a- vi- tá- tis ac- céptus, su- pérnis lumi- ná- ri- bus mi- sce- á- tur.




Flam- mas e- ius lú- ci- fer ma- tu- tí- nus invé- ni- at. Il- le,




inquam, lú- ci- fer, qui ne- scit occá- sum. Il- le, qui regréssus ab




ín- fe- ris hu- má- no gé- ne- ri se- ré- nus il- lú- xit. Pre- cámur




ergo te, Dómi- ne: ut nos fámu- los tu- os, omnémque cle- rum,




et de- vo- tís- si- mum pó- pu- lum: u- na cum be- a- tís- si- mo



Pa- pa nostro **N.** et Antí- sti- te nostro **N.**, qui- é- te



tém- po- rum con- cés- sa, in his paschá- li- bus gáu- di- is, as-



The musical notation consists of ten staves, each with a single melodic line represented by black square notes on a five-line staff. The notes are connected by stems, and bar lines are used to divide the music into measures. The text is written in a Latin liturgical font below each staff.

sí-du- a pro- tec-ti- ó-ne ré-ge- re, gu-ber-ná-re et con-
servá- re digné-ris. Réspi-ce ét-i- am ad e- os, qui nos in po-te-
stá-te re-gunt, et, in-effá-bi- li pi- e-tá- tis et mi- se- ri- córdi- æ
tu- æ mún- re, dí- ri- ge co- gi- ta- ti- ó- nes e- ó- rum ad iustí- ti- am
et pa- cem, ut de ter- ré- na o- pe- ro- si- tá- te ad cæ- léstem
pá- tri- am pervé- ni- ant cum omni pó- pu- lo tu- o. Per e- úndem
Dómi- num nostrum Ie- sum Chri- stum, Fí- li- um tu- um: Qui te- cum
vi- vit et regnat in u- ni- tá- te Spí- ri- tus Sancti De- us: per
ómn- i- a sæ- cu- la sæcu- ló- rum. **R.** Amen.

DE LECTIONIBUS

14. Post præconium paschale, diaconus, depositis paramentis albis, assumit violacea, et vadit ad celebrantem.

14^a. *Post præconium paschale, sacerdos deponit dalmaticam et stolam albi coloris, et, indutus iterum stola et pluviali violaceis, redit ad legile.*

15. Postea leguntur lectiones, sine titulo, nec in earum fine respondetur Deo grátias. Leguntur vero a lectore, in medio chori, ante cereum benedictum, ita quidem ut lector habeat a dextris altare, a sinistris aulam ecclesiæ. Celebrans et ministri, clerus et populus, sedentes auscultant.

15^a. *Postea leguntur lectiones, sine titulo, nec in earum fine respondetur Deo grátias. Leguntur vero a sacerdote, in medio chori, ante cereum benedictum, ita quidem ut sacerdos habeat a dextris altare, a sinistris aulam ecclesiæ. Ministrantes et populus sedentes auscultant.*

Si vero adsit clericus lector, omnia peraguntur, ut supra n. 15.

16. In fine lectionis, vel post canticum, dicuntur orationes hoc modo: omnes surgunt; celebrans dicit Orémus, diaconus Flectámus génua, et omnes, una cum ipso celebrante, flexis genibus, per aliquod temporis spatium in silentio orant; dicto a diacono Leváte, omnes surgunt, et celebrans dicit orationem, in tono feriali, et iunctis manibus.

16^a. *In fine lectionis, vel post canticum, dicuntur orationes hoc modo: omnes surgunt; sacerdos, stans ante legile, dicit: Orémus. Flectámus génua, et omnes, una cum ipso sacerdote, flexis genibus, per aliquod temporis spatium in silentio orant; dicto a sacerdote Leváte, omnes sur-*

gunt, et ipse dicit orationem, in tono feriali, et iunctis manibus.

17. Leguntur vero quatuor sequentes lectiones, cum suis canticis, et orationibus.

Lectio prima

Gen. 1, 1-31; 2, 1-2

In principio creávit Deus cælum, et terram. Terra autem erat inánis, et vácuá, et ténebræ erant super fáciem abyssi: et Spíritus Dei ferebátur super aquas. Dixítque Deus: « Fiat lux ». Et facta est lux. Et vidit Deus lucem quod esset bona: et divísit lucem a ténebris. Appellavítque lucem Diem, et ténebras Noctem: factúmque est vespere, et mane, dies unus. Dixit quoque Deus: « Fiat firmaméntum in médio aquárum: et dívidat aquas ab aquis ». Et fecit Deus firmaméntum, divisítque aquas, quæ erant sub firmaménto, ab his, quæ erant super firmaméntum. Et factum est ita. Vocavítque Deus firmaméntum Cælum: et factum est vespere, et mane, dies secúndus. Dixit vero Deus: « Congregéntur aquæ, quæ sub cælo sunt, in locum unum: et appáreat árida ». Et factum est ita. Et vocávit Deus áridam, Terram: congregationésque aquárum appellávit Mária. Et vidit Deus quod esset bonum. Et ait: « Gérminet terra herbam viréntem, et faciéntem semen, et lignum pomíferum fáciens fructum iuxta genus suum, cuius semen in semetípso sit super terram ». Et factum est ita. Et prútulit terra herbam viréntem, et faciéntem semen iuxta genus suum, lignúmque fáciens fructum, et habens unumquódque seméntem secúndum spéciem suam. Et vidit Deus quod esset bonum. Et factum est vespere, et mane, dies tértius. Dixit autem Deus: « Fiant luminária in firmaménto cæli, et dívidant diem, ac noctem, et sint in

signa, et témpora, et dies, et annos: ut lúceant in firmaménto cæli, et illúminent terram ». Et factum est ita. Fecítque Deus duo luminária magna: lumináre maius, ut præésset diéi: et lumináre minus, ut præésset nocti: et stellas. Et pósuit eas in firmaménto cæli, ut lucérent super terram, et præésset diéi ac nocti, et divíderent lucem, ac ténebras. Et vidit Deus quod esset bonum. Et factum est vespere, et mane, dies quartus. Dixit étiam Deus: « Prodúcant aquæ réptile ánimæ vivéntis, et volátile super terram sub firmaménto cæli ». Creavítque Deus cete grándia, et omnem ánimam vivéntem atque motábilem, quam prodúxerant aquæ in spécies suas, et omne volátile secúndum genus suum. Et vidit Deus quod esset bonum. Benedixítque eis, dicens: « Créscite, et multiplicámini, et repléte aquas maris: avésque multiplicéntur super terram ». Et factum est vespere, et mane, dies quintus. Dixit quoque Deus: « Prodúcat terra ánimam vivéntem in génere suo: iuménta et reptília, et béstias terræ secúndum spécies suas ». Factúmque est ita. Et fecit Deus béstias terræ iuxta spécies suas, et iuménta, et omne réptile terræ in génere suo. Et vidit Deus quod esset bonum, et ait: « Faciámus hóminem ad imáginem, et similitúdinem nostram: et præsit pístibus maris, et volatílibus cæli, et béstiiis, universæque terræ, omnique réptili, quod movétur in terra ». Et creávit Deus hóminem ad imáginem suam: ad imáginem Dei creávit illum, másculum et féminam creávit eos. Benedixítque illis Deus, et ait: « Créscite, et multiplicámini, et repléte terram, et subícite eam, et dominámini pístibus maris, et volatílibus cæli, et univérsis animántibus, quæ movéntur super terram ». Dixítque Deus: « Ecce, dedi

vobis omnem herbam afferéntem semen super terram, et univérsa ligna, quæ habent in semetípsis seméntem géneris sui, ut sint vobis in escam: et cunctis animántibus terræ, omnique vólucris cæli, et univérsis, quæ movéntur in terra, et in quibus est ánima vivens, ut hábeant ad vescéndum ». Et factum est ita. Vidítque Deus cuncta, quæ fécerat: et erant valde bona. Et factum est vespere, et mane, dies sextus. Igitur perfécti sunt cæli, et terra, et omnis ornátus eórum. Complevítque Deus die séptimo opus suum, quod fécerat: et requiévít die séptimo ab univérso ópere quod patrátat.

Orémus.

¶. Flectámus génua. Leváte.

Oratio

Deus, qui mirabíliter creásti hóminem, et mirabílius redemisti: da nobis, quæsumus, contra oblectaménta peccáti, mentis ratione persistere; ut mereámur ad æténa gáudia perveníre. Per Dóminum.

Lectio secunda

Exodi 14, 24-31; 15, 1

In diébus illis: Factum est in vigília matutína, et ecce, respiciens Dóminus super castra Ægyptiórum per columnam ignis, et nubis, interfécit exercitum eórum: et subvértit rotas curruum, ferebantúrque in profúndum. Dixérunt ergo Ægýptii: « Fugiámus Israélem: Dóminus enim pugnat pro eis contra nos ». Et ait Dóminus ad Móysen: « Exténde manum tuam super mare, ut revertántur aquæ ad Ægýptios super currus, et équites eórum ». Cumque extendísset Móyses manum contra mare, revérsum est primo dilúculo ad priórem locum: fugientibúsque Ægýptiis occurrérunt aquæ, et invólvit eos Dóminus in médiis flúctibus. Reversæque sunt aquæ, et operuérunt currus, et équites cuncti

exercitus Pharaónis, qui sequentes ingressi fuerant mare: nec unus quidem superfuisset ex eis. Filii autem Israël perrexerunt per medium sicci maris, et aquae eis erant quasi pro muro a dextris et a sinistris: liberavitque Dominus in die illa Israël de manu Ægyptiorum. Et viderunt Ægyptios mortuos super littus maris, et manum magnam, quam exercuerat Dominus contra eos: timuitque populus Dominum, et crediderunt Domino, et Móysi servo eius. Tunc cecinit Móyses, et filii Israël carmen hoc Domino, et dixerunt:

Canticum Ex. 15, 1 et 2 Cantemus Domino: gloriose enim honorificatus est: equum, et ascensorem proiecit in mare: adiutor, et protector factus est mihi in salutem. **¶** Hic Deus meus, et honorificabo eum: Deus patris mei, et exaltabo eum. **¶** Dominus conterens bella: Dominus nomen est illi.

Orémus.

¶ Flectamus genua. Leváte.

Oratio

Deus, cuius antiqua miracula etiam nostris sæculis cōriscare sentimus: dum quod uni populo, a persecutiōne Ægyptiaca liberando, dexteræ tuæ potentia contulisti, id in salutem gentium per aquam regeneratiōnis operaris: præsta; ut in Abrahæ filios, et in Israëliticam dignitatem, totius mundi transeat plenitudo. Per Dominum.

Lectio tertia Is. 4, 2-6

In die illa erit germen Domini in magnificentiā, et glória, et fructus terræ sublimis, et exultatio his, qui salvati fuerint de Israël. Et erit: Omnis qui relictus fuerit in Sion, et residuus in Ierusalem, sanctus vocabitur, omnis qui scriptus est in vita in Ierusalem. Si abluerit Dominus sordes filiarum Sion, et

sanguinem Ierusalem laverit de medio eius, in spiritu iudicii, et spiritu ardoris. Et creabit Dominus super omnem locum montis Sion, et ubi invocatus est, nubem per diem, et fumum, et splendorem ignis flammantis in nocte: super omnem enim gloriam protectio. Et tabernaculum erit in umbraculum diei ab æstu, et in securitatem, et absconsionem a turbine, et a pluvia.

Canticum Isai. 5, 1 et 2 Vinea facta est dilecto in cornu, in loco uberi. **¶** Et maceriam circumdedit, et circumfodit: et plantavit vineam Sorec, et edificavit turrin in medio eius. **¶** Et torcular fodit in ea: vinea enim Domini Sabaoth, domus Israël est.

Orémus.

¶ Flectamus genua. Leváte.

Oratio

Deus, qui in omnibus Ecclesiæ tuæ filiis, sanctorum prophetarum voce manifestasti, in omni loco dominationis tuæ, satorem te bonorum seminum, et electorum palmitum esse cultorem: tribue populis tuis, qui et vinearum apud te nomine censentur, et segetum; ut, spinarum, et tribulorum squallore resecato, digna efficiantur fruge fecundi. Per Dominum.

Lectio quarta

Deut. 31, 22-30

In diebus illis: Scripsit Móyses canticum, et docuit filios Israël. Præcepitque Dominus Iósue filio Nun, et ait: « Confortare, et esto robustus: tu enim introduces filios Israël in terram, quam pollicitus sum, et ego ero tecum ». Postquam ergo scripsit Móyses verba legis huius in volumine, atque complévit: præcepit Levitis, qui portabant arcam fœderis Domini, dicens: « Tóllite librum istum, et pónite eum in latere arcæ fœderis Domini Dei vestri: ut sit ibi contra te in

testimónium. Ego enim scio contentiónem tuam, et cervícem tuam duríssimam. Adhuc vivénte me, et ingrediénte vobíscum, semper contentióse egístis contra Dóminum: quanto magis cum mórtuus fúero? Congregáte ad me omnes maióres natu per tribus vestras, atque doctóres, et loquar audiéntibus eis sermónes istos, et invocábo contra eos cælum, et terram. Novi enim quod post mortem meam iníque agétis, et declinábitis cito de via, quam præcépi vobis: et occurrerent vobis mala in extrémó témpore, quando fecéritis malum in conspéctu Dómini, ut irritétis eum per ópera mánuum vestrárum ». Locútus est ergo Móyses, audiénte univérso cœtu Israël, verba cárminis huius, et ad finem usque complévit.

Canticum Deut. 32, 1-4 Atténde, cælum, et loquar: et áudiat terra verba ex ore meo. **¶** Exspectétur sicut plúvia elóquium meum: et descéndant sicut ros verba mea. **¶** Sicut imber super gramen, et sicut nix super fenum: quia nomen Dómini invocábo. **¶** Date magnitúdinem Deo nostro: Deus, vera ópera eius, et omnes viæ eius iudícia. **¶** Deus fidélis, in quo non est iníquitas: Iustus, et sanctus Dóminus.

Orémus.

¶ Flectámus génua. Leváte.

Oratio

Deus, celsitúdo humílium, et fortitúdo rectórum, qui per sanctum Móysen púerum tuum, ita erudíre pópulum tuum sacri cárminis tui decantatióne voluísti, ut illa legis iterátio fieret étiam nostra diréctio: éxcita in omnem iustificatárum géntium plenitúdinem poténtiam tuam, et da lætítiam, mitigándo terrórem; ut ómnium peccátis tua remissióne delétis, quod denuntiátum est in ultióne, tránseat in salútem. Per Dóminum.

DE PRIMA PARTE LITANIARUM

18. His expletis, a duobus cantoribus, in medio choro genuflexis, cantantur Litaníæ Sanctorum (quin tamen duplicentur) usque ad invocationem Propítius esto, omnibus genuflexis et respondentibus.

18^a. His expletis, a duobus cantoribus, seu, his deficientibus, ab ipso sacerdote, genuflexo in infimo gradu altaris, a latere Epistolæ, cantantur litaníæ sanctorum (quin tamen duplicentur) usque ad invocationem Propítius esto, omnibus genuflexis et respondentibus.

19. Postea, si ecclesia habet fontem baptismalem, ritus prosequitur ut infra n. 20, p. 186; secus vero ut infra n. 24, p. 195.

K ý-ri- e, e-lé- i- son. **ii** Christe, e-lé- i- son. **ii** Ký-ri- e, e-lé- i- son. **ii**

Chri-ste, au-di nos. **ii** Chri-ste, exáu-di nos. **ii**

Pa- ter de cæ- lis, De- us, mi- se- ré- re no- bis.



Fi- li, Red-émptor mundi, De- us, mi- se- ré- re no- bis.

Spí- ri- tus Sancte, De- us, mi- se- ré- re no- bis.

Sancta Trí- ni- tas, u- nus De- us, mi- se- ré- re no- bis.

Sancta Ma- rí- a, o- ra pro no- bis.

Sancta Dei Génatrix,	ora.	Sancte Benedícite,	ora.
Sancta Virgo vírginum,	ora.	Sancte Domínice,	ora.
Sancte Míchaël,	ora.	Sancte Francísce,	ora.
Sancte Gábriel,	ora.	Omnes sancti Sacerdótes et Levítæ,	oráte.
Sancte Ráphaël,	ora.	Omnes sancti Mónachi et Eremítæ,	oráte.
Omnes sancti Angeli et Archángeli,	oráte pro nobis.		
Omnes sancti beatórum Spirítuum		Sancta María Magdaléna,	ora.
órdines,	oráte.	Sancta Agnes,	ora.
Sancte Ioánnes Baptísta,	ora.	Sancta Cæcília,	ora.
Sancte Ioseph,	ora.	Sancta Agatha,	ora.
Omnes sancti Patriárchæ et Pro-		Sancta Anastásia,	ora.
phétæ,	oráte.	Omnes sanctæ Vírgines et Víduæ,	oráte.
Sancte Petre,	ora.		
Sancte Paule,	ora.	Omnes Sancti et Sanctæ Dei,	
Sancte Andréa,	ora.	intercéдите pro nobis.	
Sancte Ioánnes,	ora.		
Omnes sancti Apóstoli et Evange-			
listæ,	oráte.		
Omnes sancti Discípuli Dómini,	oráte.		
Sancte Stéphane,	ora.		
Sancte Lauréti,	ora.		
Sancte Vincéti,	ora.		
Omnes sancti Mártires,	oráte.		
Sancte Silvéster,	ora.		
Sancte Gregóri,	ora.		
Sancte Augustíne,	ora.		
Omnes sancti Pontífices et Confes-			
sóres,	oráte.		
Omnes sancti Doctóres,	oráte.		
Sancte Antóni,	ora.		

DE BENEDICTIONE AQUÆ BAPTISMALIS

20. **Dum cantantur Litaníæ Sancto-
rum, vas aquæ baptismalis bene-
dicendæ, et cetera omnia quæ ad
benedictionem requiruntur, præ-
parantur in medio chori, versus
latus Epistolæ, in conspectu fide-
lium. Vas aquæ benedicendæ con-
venienter ornari decet.**

21. **In benedicenda aqua baptis-
mali celebrans, stans coram populo,
ante se habeat vas aquæ baptisma-
lis benedicendæ, a dextris cereum**

benedictum, a sinistris alium subdiaconum, vel clericum, seu ministrantem, stantem cum cruce.

Celebrans, iunctis manibus, in tono feriali dicit:

℣. Dóminus vobíscum.

℞. Et cum spírítu tuo.

Orémus.

Oratio

Omnípotens sempitérne Deus, adésto magnæ pietátis tuæ mystériis, adésto sacraméntis: et ad

recreándos novos pópulos, quos tibi fons baptísmatis párturit, spírítum adoptiónis emítte: ut, quod nostræ humilitátis geréndum est ministério, virtútis tuæ impleátur efféctu. Per Dóminum nostrum Iesum Christum Fílium tuum: Qui tecum vivit et regnat in unitáte Spírítus Sancti Deus:

Elevans vocem in modum præfationis, prosequitur iunctis manibus:

Per ómni- a sæ-cu- la sæ-cu- ló- rum. **℞.** Amen. **℣.** Dó-mi- nus

vo-bíscum. **℞.** Et cum spí- ri- tu tu- o. **℣.** Sursum corda. **℞.** Ha-bémus


ad Dó-mi- num. **℣.** Grá- ti- as a- gámus Dó-mi- no De- o nostro.

℞. Dignum et iustum est.


Ve-re dignum et iustum est, æquum et sa- lu- tá- re, nos ti- bi

semper et u- bíque grá- ti- as á- ge- re: Dó-mi- ne, sancte Pa- ter,


omní- po- tens æ- térne De- us: Qui in- vi- sí- bi- li po- ténti- a




sacramentó-rum tu- ó-rum mi- ra- bí- li- ter o-pe- rá- ris ef-féctum:




et li- cet nos tantis mysté- ri- is exsequéndis simus indígni:




tu tamen grá- ti- æ tu- æ do-na non dé-se-rens, ét- i- am ad




nostras pre-ces au-res tu- æ pi- e- tá- tis inclí- nas. De- us, cu- ius




Spí- ri- tus super aquas inter ipsa mundi primórdi- a fe- re- bá- tur:




ut iam tunc vir- tú- tem sancti- fi- ca- ti- ó- nis aquá- rum na- tú-




ra concí- pe- ret. De- us, qui no- cén- tis mundi crí- mi- na per aquas




áblu- ens, re- ge- ne- ra- ti- ó- nis spé- ci- em in ipsa di- lú- vi- i



ef- fu- si- ó- ne signá- sti: ut, u- ní- us e- iusdémque e- le- ménti




mysté- ri- o, et fi- nis es- set ví- ti- is, et o- rí- go vir- tú- ti- bus.




Réspi-ce, Dómi-ne, in fá-ci-em Ecclé-si-æ tu-æ, et mul-tí-
pli-ca in e-a re-ge-ne-ra-ti-ó-nes tu-as, qui grá-ti-æ tu-æ
afflu-éntis ímpe-tu læ-tí-fi-cas ci-vi-tá-tem tu-am: fontémque
baptísma-tis á-pe-ris to-to orbe terrá-rum gén-ti-bus inno-ván-
dis: ut, tu-æ ma-iestá-tis impé-ri-o, sumat U-ni-gé-ni-ti
tu-í grá-ti-am de Spí-ri-tu Sancto.


Hic celebrans in modum crucis aquam dividit manu extensa, quam statim linteo extergit, dicens:




Qui hanc aquam, re-ge-ne-rándis homí-ni-bus præpa-rá-tam, arcá-na
su-í númi-nis admix-ti-ó-ne fe-cúndet: ut, sancti-fi-ca-ti-ó-ne
concépta, ab imma-cu-lá-to di-ví-ni fontis ú-te-ro, in no-vam




re-ná- ta cre- a-tú-ram, pro-gé-ni- es cæ-lé-stis emérgat: et quos aut




se-xus in córpo- re aut æ-tas discérnit in témpo- re, omnes in




u-nam pá- ri- at grá- ti- a ma-ter in-fánti- am. Pro-cul ergo hinc,




iubénte te, Dómi-ne, omnis spí- ri- tus immúndus abscé-dat:



pro-cul to-ta nequí- ti- a di- a-bó- li-cæ fraudis absí-stat. Ni-hil hic




lo-ci há-be- at contrá- ri- æ virtú- tis admíxti- o: non insi-di- ándo




circúmvo-let: non la-téndo subré-pat: non infi- ci- éndo corrúmpat.


Aquam manu tangit.



Sit hæc sancta et ínno-cens cre- a-tú-ra, lí-be- ra ab omni impu-




gna- tó- ris incúrsu, et to- tí- us nequí- ti- æ purgá- ta discéssu.




Sit fons vi-vus, aqua re-gé-ne-rans, unda pu-rí-fi-cans: ut omnes hoc
 la-vácro sa-lu-tí-fe-ro di-lu-éndi, o-pe-ránte in e-is Spí-ri-tu
 Sancto, per-féctæ purga-ti-ó-nis indulgénti-am consequántur.

Facit tres cruces super aquam, dicens:




Unde be-ne-dí-co te, cre-a-tú-ra aquæ, per De-um ✠ vi-vum,
 per De-um ✠ ve-rum, per De-um ✠ sanctum: per De-um, qui te
 in prin-cí-pi-o verbo se-pa-rá-vit ab á-ri-da: cu-ius Spí-ri-
 tus su-per te fe-re-bá-tur.

Hic manu aquam dividit, et effundit eam versus quatuor mundi partes, dicens:



Qui te de pa-ra-dí-si fonte ma-ná-re fe-cit, et in quáttu-or
 flumí-ni-bus to-tam ter-ram ri-gá-re præ-cé-pit. Qui te in de-sérto



amá-ram, su- a-vi- tá- te ín-di- ta, fe- cit esse po- tá- bi- lem, et si-
 ti- énti pó- pu- lo de petra pro- dú- xit. Be[✠] ne- dí- co te et per Ie- sum
 Chri- stum Fí- li- um e- ius ú- ni- cum, Dómi- num nostrum: qui te in
 Ca- na Ga- li- lá- æ signo admi- rá- bi- li su- a po- ténti- a convér- tit
 in vi- num. Qui pé- di- bus super te ambu- lá- vit: et a Io- ánne
 in Iordá- ne in te bap- ti- zá- tus est. Qui te u- na cum sán- guine
 de lá- te- re su- o pro- dú- xit: et discí- pu- lis su- is iussit, ut cre- déntes
 bap- ti- za- réntur in te, di- cens: «I- te, do- cé- te omnes gentes, bap- ti-
 zán- tes e- os in nó- mi- ne Pa- tris, et Fí- li- i, et Spí- ri- tus Sancti».


Mutat vocem, et prosequitur recto tono:

Hæc nobis præcepta servántibus, tu, Deus omnípotens, clemens adesto: tu benígnus aspíra.

Halat ter in aquam in modum crucis, dicens:

Tu has símplices aquas tuo ore benedícito: ut præter naturálem emundatióem, quam lavándis possunt adhibére corpóribus, sint étiam purificándis méntibus effícaces.

Hic celebrans paululum demittit cereum in aquam: et resumens tonum præfationis, dicit:



De-scéndat in hanc ple-ni-tú-di-nem fontis vir-tus Spí-ri-tus Sancti.


Deinde extractum cereum de aqua, iterum profundius mergit, aliquanto altius repetens: Descéndat, ut supra. Et deinde sufflans ter in aquam, secundum hanc figuram de aqua extractum, tertio immer-

gens usque ad fundum, altiori adhuc voce repetit: Descéndat, ut supra. Et deinde sufflans ter in aquam, secundum hanc figuram ψ , prosequitur:




To-támque hu-ius aquæ substánti-am re-ge-ne-rándi fe-cúndet efféctu.


Hic tollitur cereus de aqua, et prosequitur:



Hic ómni-um pecca-tó-rum má-cu-læ de-le-ántur: hic na-tú-ra ad




imá-gi-nem tu-am cóndi-ta, et ad ho-nó-rem su-i re-formá-ta



prínci-pi-i, cunctis ve-tu-stá-tis squa-ló-ri-bus emundé-tur:



ut omnis homo, sacraméntum hoc re-ge-ne-ra-ti-ó-nis ingrédus,



in ve-ræ inno-cén-ti-æ no-vam in-fán-ti-am re-na-scá-tur.

Sequentia dicit legendo:

Per Dóminum nostrum Iesum Christum Fílium tuum: Qui ven-túrus est iudicáre vivos, et mórtuos, et sáculum per ignem. **R.** Amen.

Deinde aliquis clericus, *vel mini-*

strans, accipit in vase aliquo de eadem aqua, ad aspergendum populum post renovationem promissionum baptismatis, ut infra n. 25, p. 195, dicetur, et ad aspergendum in domibus et aliis locis.

His peractis, celebrans, qui benedicit aquam, infundit de oleo catechumenorum in eam in modum crucis, intelligibili voce dicens:

Sanctificétur, et fecundétur fons iste óleo salutis renascéntibus ex eo, in vitam ætérnam. *R.* Amen.

Deinde infundit de chrismate, modo quo supra, dicens:

Infúsió chrismatis Dómini nostri Iesu Christi, et Spíritus Sancti Parácliti, fiat in nómine sanctæ Trinitátis. *R.* Amen.

Postea accipit ambas ampullas dicti olei sancti, et chrismatis, et de utroque simul in modum crucis ter infundendo, dicit:

Commíxtio chrismatis sanctificatiónis, et olei unctiόnis, et aquæ baptismatis, páriter fiat in nómine Pa ✠ tris, et Fí ✠ lii, et Spíritus ✠ Sancti. *R.* Amen.

Tunc miscet ipsum oleum cum aqua. Si aderunt baptizandi, eos baptizet more consueto.

Sed, præsertim si plures sint, permittitur cærimonias Ritualis romani, quæ ipsam baptismi collationem præcedunt, id est, in baptismo infantium usque ad verba «Credis in Deum» (*Rituale romanum*, tit. II, cap. II, n. 17), et in baptismo adultorum usque ad verba «Quis vocáris?» (*Rituale romanum*, tit. II, cap. IV, n. 37), eodem mane, tempore opportuno, præmittere.

22. Benedictione peracta, aqua baptismalis defertur processionaliter ad fontem, hoc modo: præceditthuriferarius, sequitur alius subdiaconus, vel clericus, cum cruce, et clerus, deinde diaconus cum vase aquæ baptismalis, nisi conveniat ipsum ab acolythis portari, et celebrans; cereus vero paschalis remanet in suo loco; et interim cantatur sequens

Canticum Ps. 41, 2-4 Sicut cervus desiderat ad fontes aquarum: ita

desiderat ánima mea ad te, Deus. *V.* Sitívit ánima mea ad Deum vivum: quando véniam, et apparebo ante fáciem Dei? *V.* Fuérunt mihi lácrimæ meæ panes die ac nocte, dum dicitur mihi per singulos dies: Ubi est Deus tuus?

Aqua baptismali in fontem immissa, celebrans, manibus iunctis et in tono feriali, dicit:

V. Dóminus vobíscum.

R. Et cum spíritu tuo.

Orémus.

Oratio

Omnípotens sempitérne Deus, respice propítius ad devotiόnem pópuli renascéntis, qui sicut cervus aquarum tuarum expetit fontem: et concéde propítius; ut fidei ipsíus sitis, baptismatis mystério, ánimam corpúsque sanctíficet. Per Christum Dóminum nostrum. *R.* Amen.

Et incensat fontem.

Tunc redeunt omnes in silentio in chorum, et datur initium renovationi promissionum baptismatis.

22^a. *Benedictione peracta, aqua baptismalis defertur processionaliter ad fontem, hoc modo: præceditthuriferarius, sequuntur crucifer et ministrantes; deinde unus vel plures ministrantium, qui vas aquæ baptismalis gestant, et sacerdos; cereus vero paschalis remanet in suo loco. Cetera fiunt ut supra.*

23. Sicubi vero baptisterium exstat ab ecclesia separatum, et præferatur benedictionem aquæ baptismalis in ipso baptisterio fieri, post invocationem Sancta Trínitas, unus Deus, miserére nobis, descenditur ad fontem hoc modo: præcedit clericus cum cereo benedicto, sequitur alius subdiaconus cum cruce, vel crucifer, medius inter acolythos cum candelabris accensis, deinde clerus per ordinem, demum celebrans cum ministris sacris. Cantores vero et populus remanent in locis suis, et proseguuntur can-

tum Litaniarum, repetitis, si opus est, invocationibus inde a Sancta María, ora pro nobis.

Benedictio aquæ baptismalis fit ut supra, his tantum mutatis: dum pergitur ad fontem, cantatur Canticum Sicut cervus, et celebrans, antequam intret ad benedictionem fontis, dicit orationem Omnipotens sempiternus Deus, respice propitius, n. 22, p. 194; postea procedit ad benedictionem fontis, n. 21, p. 186.

Benedictione peracta, omnes redeunt in silentio in ecclesiam, et datur initium renovationi promissionum baptismatis.

DE RENOVATIONE PROMISSIONUM BAPTISMATIS

24. **Completa benedictione aquæ baptismalis, eiusque translatione ad fontem, vel, ubi benedictio locum non habuerit, post absolutam primam partem Litaniarum, proceditur ad renovationem promissionum baptismatis, qua perdurante convenit, ut clerus et populus candelas accensas gestent.**

25. **Celebrans, depositis paramentis violaceis, assumit stolam et pluviale albi coloris; deinde, imposito thure, et facta incensatione cerei, stans iuxta illum, facie versus ad populum, vel ex ambone seu pulpito, incipit, ut sequitur:**

Hac sacratissima nocte, fratres carissimi, sancta Mater Ecclesia, recolens Domini nostri Iesu Christi mortem et sepulturam, eum redamando vigilat; et, celebrans eiusdem gloriosam resurrectionem, lætabunda gaudet.

Quoniam vero, ut docet Apostolus, consepulti sumus cum Christo per baptismum in mortem, quomodo Christus resurrexit a mortuis, ita et nos in novitate vitæ oportet

ambulare: scientes, veterem hominem nostrum simul cum Christo crucifixum esse, ut ultra non serviámus peccato. Existimémus ergo nos mortuos quidem esse peccato, vivéntes autem Deo in Christo Iesu Domino nostro.

Quapropter, fratres carissimi, quadragesimali exercitatione absoluta sancti Baptismatis promissiones renovémus, quibus olim sathanæ et opéribus eius, sicut et mundo, qui inimicus est Dei, abrenuntiávimus, et Deo in sancta Ecclesia cathólica fidéliter servíre promísimus.

Itaque:

Celebrans Abrenuntiátis sathanæ?

Omnes Abrenuntiámus.

Celebrans Et ómnibus opéribus eius?

Omnes Abrenuntiámus.

Celebrans Et ómnibus pompis eius?

Omnes Abrenuntiámus.

Celebrans Créditis in Deum, Patrem omnipotentem, Creatorem cæli et terræ?

Omnes Crédimus.

Celebrans Créditis in Iesum Christum, Fílium eius únicum, Dóminum nostrum, natum, et passum?

Omnes Crédimus.

Celebrans Créditis et in Spíritum Sanctum, sanctam Ecclesiam catholicam, sanctorum communionem, remissionem peccatorum, carnis resurrectionem, et vitam æternam?

Omnes Crédimus.

Celebrans Nunc autem una simul Deum precémur, sicut Dóminus noster Iesus Christus orare nos dócuit:

Omnes Pater noster...

Celebrans Et Deus omnipotens, Pater Domini nostri Iesu Christi, qui nos regenerávit ex aqua et Spíritu Sancto, quique nobis dedit remissionem peccatorum, ipse nos

custódíat grátia sua in eódem Christo Iesu Dómino nostro, in vitam ætérnam.

Omnes Amen.

Et aspergit populum aqua benedicta, extracta, ut supra dictum est n. 21, p. 186, in benedictione aquæ baptismalis; vel, ubi benedictio aquæ baptismalis locum non habet, aqua benedicta « ordinaria ».

26. Hæc allocutio et renovatio promissionum baptismatis fieri potest, ubique locorum, lingua vernacula; versione tamen ab Ordinario loci approbata.

DE ALTERA PARTE LITANIARUM

27. Renovatione promissionum baptismatis peracta, cantores, seu ipse sacerdos, incipiunt alteram partem Litaniarum, inde ab invocatione Propítius esto, usque ad finem, omnibus genuflexis et respondentibus.


Si in hac sacra vigilia paschali sacri Ordines conferantur, consueta ordinandorum prostratio et benedictio peragitur, dum hæc altera pars litaniarum decantatur.

28. Celebrans vero et ministri, accedentes ad sacristiam, induuntur paramentis albi coloris pro Missa solemniter celebranda.

28^a. *Sacerdos vero et ministrantes accedunt ad sacristiam, ubi sacerdos induitur paramentis albi coloris, ministrantes vero sumunt vestes festivas, pro Missa cantata.*


Vel si, cantoribus deficientibus, ipse sacerdos Litanias Sanctorum decantare debeat, his absolutis, ad sacristiam accedat, cum ministrantibus, ad paramenta sumenda pro Missa cantata, ut supra dictum est.

29. Interim cereus paschalis reponitur in candelabrum suum, in latere Evangelii, et altare paratur pro Missa solemnī, luminaribus accensis et floribus.




Pro- pí- ti- us e- sto, par- ce no- bis, Dó- mi- ne.

Propítius esto, exáudi nos, Dómine.	Per crucem, et passióem tuam,	libera.
Ab omni malo, libera nos, Dómine.	Per mortem, et sepultúram tuam,	libera.
Ab omni peccáto, libera.	Per sanctam resurrectiόem tuam,	libera.
A morte perpétua, libera.	Per admirábilem ascensiόem tuam,	libera.
Per mystérium sanctæ incarnatiόnis tuæ, libera.	Per advéntum Spíritus Sancti Parácliti,	libera.
Per advéntum tuum, libera.	In die iudícii,	libera.
Per nativitátem tuam, libera.		
Per baptísmum, et sanctum ieiúnium tuum, libera.		



Pec- ca- tó- res, te ro- gámus, au- di nos.



Ut no- bis par-cas, te ro-gá-mus, au- di nos.

Ut Ecclésiám tuam sanctam régere,
et conserváre dignéris,
te rogá-mus, audi nos.

Ut domnum apostólicum, et omnes
ecclesiásticos órdenes in sancta
religióne conserváre dignéris,
te rogá-mus.

Ut inimícos sanctæ Ecclésiæ humi-
liáre dignéris, te rogá-mus.

Ut régibus et princípibus christiá-
nis pacem, et veram concórdiam
donáre dignéris, te rogá-mus.


Ut nosmetípsos in tuo sancto ser-
vítio confortáre, et conserváre
dignéris, te rogá-mus.

Ut ómnibus benefactoribus nostris
sempitérna bona retríbuas,
te rogá-mus.


Ut fructus terræ dare, et conserváre
dignéris, te rogá-mus.

Ut ómnibus fidélibus defúntis ré-
quiem ætérrnam donáre dignéris,
te rogá-mus.


Ut nos exaudíre dignéris,
te rogá-mus.




Agnus De- i, qui tol-lis peccá- ta mundi, par-ce no-bis, Dómi-ne.



Agnus De- i, qui tol-lis peccá- ta mundi, ex-áu-di nos, Dó-mi-ne.



Agnus De- i, qui tol- lis peccá- ta mundi, mi- se-ré-re no-bis.



Chri-ste, au-di nos. Chri-ste, ex- áu-di nos.

TEMPUS PASCHATIS

DE MISSA SOLEMNI VIGILIÆ PASCHALIS

¶ Celebratio solius Missæ Vigiliæ paschalis sine cærimoniis præcedentibus interdicitur.

Sacra Communio fidelibus dari potest tantummodo inter Missarum solemnia, vel continuo ac statim ab iis expletis; exceptis iis, qui in periculo mortis sunt constituti.

1. In fine Litaniarum, cantores solemner incipiunt Kýrie, eléison, ut in Missa moris est. Interim celebrans cum ministris, in paramentis albis, *seu cum ministrantibus*, accedit ad altare, et, facta ei debita reverentia, omissis psalmo Iúdica me, Deus, et confessione, statim ascendens, osculatur illud in medio, et incensat more solito.

2. Finitis a choro Kýrie, eléison, celebrans incipit solemner Glória in excélsis, et pulsantur campanæ ac discooperiuntur imagines.

¶ Pulsatio campanarum hoc modo fiat:

a) In locis, in quibus una tantum habetur ecclesia, campanæ pulsantur hora, qua dicti hymni incipit cantus.

b) In locis autem, ubi plures ecclesiæ exstant, sive in omnibus eodem tempore sacræ cærimoniæ peragantur, sive tempore diverso, campanæ omnium ecclesiarum eiusdem loci pulsantur una cum

campanis ecclesiæ cathedralis, vel matricis aut principalis.

In dubio quænam ecclesia in loco sit matrix aut principalis, adestur Ordinarius loci.

Postea celebrans dicit:

¶. Dóminus vobíscum.

R7. Et cum spíritu tuo.

Orémus.

Oratio

Deus, qui hanc sacratíssimam noctem glória Domínicæ resurrectionis illústras: consérva in nova familiæ tuæ progénie adoptiōnis spíritum, quem dedísti; ut corpore et mente renováti, puram tibi exhibeant servitútem. Per eúndem Dóminum.

Et dicitur hæc tantum oratio.

3. Lécitio Epístolæ beáti Pauli Apóstoli ad Colossénses.

Col. 3, 1-4

Fratres: Si consurrexístis cum Christo, quæ sursum sunt quærite, ubi Christus est in dextera Dei sedens: quæ sursum sunt sápite, non quæ super terram. Mórtui enim estis, et vita vestra est abscondita cum Christo in Deo. Cum Christus apparúerit, vita vestra: tunc et vos apparébitis cum ipso in glória.

4. Finita Epistola, celebrans incipit:



Et totum decantat ter, elevando vocem gradatim: et omnes post quamlibet vicem, in eodem tono, repetunt illud idem.

Postea cantores prosequuntur:

¶. Ps. 117, 1 Confitémini Dómino, quóniam bonus: quóniam in sæculum misericórdia eius.

Deinde dicitur **¶. Ps. 116** Laudáte Dóminum, omnes gentes: et colaudáte eum, omnes pópuli. **¶.** Quóniam confirmáta est super nos misericórdia eius: et véritas Dómini manet in ætérnum.

5. Ad Evangelium non portantur luminaria, sed tantum incensum: petitur benedictio, et alia fiunt de more.

✠ Sequéntia sancti Evangélii secúndum Matthæum.

Matth. 28, 1-7

Véspere autem sábbati, quæ lucéscit in prima sábbati, venit María Magdaléne, et áltera María vidére sepúlcrum. Et ecce, terrámótus factus est magnus. Angelus enim Dómini descéndit de cælo: et accédens revólvit lápidem, et sedébat super eum: erat autem aspéctus eius sicut fulgur: et vestiméntum eius sicut nix. Præ timóre autem eius extérri sunt custódes, et facti sunt velut mórtui. Respóndens autem Angelus, dixit muliéribus: Nolíte timére vos: scio enim, quod Iesum, qui crucifixus est, quæritis: non est hic: surréxit enim,

sicut dixit. Veníte, et vidéte locum, ubi pósitus erat Dóminus. Et cito eúntes, dícite discíplis eius, quia surréxit: et ecce, præcédit vos in Galilæam: ibi eum vidébitis. Ecce, prædíxi vobis.

Non dicitur Credo, sed finito Evangelio celebrans dicit: Dóminus vobiscum, postea: Orémus. Non dicitur antiphona ad Offertorium. Ad Lavábo dicitur Glória Patri.

6. Secreta

Súscipe, quæsumus, Dómine, preces pópuli tui, cum oblatiónibus hostiárum: ut paschálibus initiáta mystériis, ad æternitátis nobis medélam, te operánte, proficiant. Per Dóminum.

Præfatio paschalis, quæ dicitur tamquam propria in Missis de Tempore a Missa Vigiliæ paschalis usque ad vigiliam Ascensionis inclusive, et tamquam de Tempore in ceteris Missis, quæ eodem tempore celebrantur, et præfatione propria carent.

Hac nocte in præfatione dicitur: Te quidem, Dómine, omni témpore, sed in hac potíssimum nocte, ut infra.

Finita præfatione, sacerdos extendens, elevans aliquantulum et iungens manus, elevansque ad cælum oculos, et statim demittens, profunde inclinatus ante altare, manibus super eo positis, dicit secreto:

Te ígitur, clementíssime Pater, per Iesum Christum Fílium tuum Dóminum nostrum, súpplīces rogámus, ac pétimus, **osculatur altare, et iunctis manibus ante pectus, dicit: uti accépta hábeas, et benedícas signat ter super hostiam, et calicem simul, dicens: hæc ✠ dona, hæc ✠ múnera, hæc ✠ sancta sacrificia illibáta, extensis manibus prosequitur:** in primis, quæ tibi offéri-mus pro Ecclésia tua sancta cathólica: quam pacificáre, custodí-re, adunáre, et régere dignéris toto orbe terrárum: una cum fámulo tuo Papa nostro **N.** et Antístite nostro **N.** et ómnibus orthodóxis, atque cathólicæ, et apostólicæ fidei cultóribus.

Commemoratio pro vivis

Meménto, Dómine, famulorum, famularúmque tuarum **N.** et **N.** **Iungit manus, orat aliquantulum pro quibus orare intendit: deinde manibus extensis prosequitur:** et ómnium circumstantium, quorum tibi fides cógnita est, et nota devótio, pro quibus tibi offérimus: vel qui tibi ófferunt hoc sacrificium laudis, pro se, suisque ómnibus: pro redemptione animarum suarum, pro spe salutis, et incolumitátis suæ: tibi que reddunt vota sua ætérno Deo, vivo et vero.

7.

Infra Actionem

Communicántes, et noctem sacratíssimam celebrántes Resurrectionis Dómini nostri Iesu Christi secúndum carnem: sed et memóriam venerántes, in primis gloriósæ semper Vírginis Mariæ, Genetrícis eiúsdem Dei et Dómini nostri Iesu Christi: sed et beáti Ioseph eiusdem Virginis Sponsi, et beatórum Apostolorum ac Mártyrum tuorum, Petri et Pauli, Andréæ, Iacóbi, Ioánnis, Thomæ, Iacóbi, Philíppi, Bartholomæi, Matthæi, Simónis et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Ioánnis et Pauli, Cosmæ et Damiáni: et ómnium Sanctórum tuorum; quorum méritis precibúsque concédas, ut in ómnibus protectionis tuæ muniámur auxílio. **Iungit manus.** Per eúndem Christum Dóminum nostrum. Amen.

Hanc igitur oblationem servitútis nostræ, sed et cunctæ familiæ tuæ, quam tibi offérimus pro his quoque, quos regeneráre dignátus es ex aqua et Spíritu Sancto, tríbuens eis remissionem ómnium peccatórum, quæsumus, Dómine, ut placátus accípias: diésque nostros in tua pace dispónas, atque ab ætérna damnatióne nos éripi, et in electórum tuorum iúbeas grege numerári. **Iungit manus.** Per Christum Dóminum nostrum. Amen.

Quam oblationem tu, Deus, in ómnibus, quæsumus, **Signat ter super oblata,** bene **✠** dictam, adscríp **✠** tam, ra **✠** tam, rationábilem, acceptabilémque fácere dignéris: **Signat semel super hostiam,** ut nobis Cor **✠** pus, **et semel super calicem,**

et San **+** guis fiat dilectíssimi Fílii tui **Iungit manus**, Dómini nostri Iesu Christi.

Qui prídie, quam paterétur, **et reliqua ut in Canone Missæ, ut infra p. 294, præter sequentia.**

Dicitur Pax Dómini sit semper vobíscum, **sed pacis osculum non datur.**


Agnus Dei **non dicitur: et, omissa oratione** Dómine Iesu Christe, qui dixísti, **dicuntur ceteræ orationes consuetæ** Dómine Iesu Christe, Fili

Dei vivi, **et Percéptio Córporis tui.**

8. Post sumptionem Sacramenti, distributio Communionis, purificatio et ablutio fiunt more solito; deinde pro **LAUDIBUS** dominicæ Resurrectionis in choro cantatur antiphona:



Psalmus 150



Laudáte eum propter grándia ópera eius, * laudáte eum propter summam maiestátem eius.

Laudáte eum clangóre tubæ, * laudáte eum psaltério et cíthara.

Laudáte eum týmpano et choro, * laudáte eum chordis et órgano.


Laudáte eum cýmbalis sonóris, laudáte eum cýmbalis crepitántibus: * omne quod spirat laudet Dóminum!

Glória Patri, et Fílio, * et Spirítui Sancto,


Sicut erat in princípio, et nunc, et semper, * et in sǽcula sǽculórum. Amen.

Repetitur antiphona Allelúia, al- lelúia, allelúia.


Capitulum, hymnus et versus non dicuntur, sed statim celebrans in cantu incipit antiphonam ad Bene- díctus.



Missa Vigilæ paschalis
et prosequantur cantores



U-na sabba- tó- rum, vé- ni- unt ad mo-numéntum, or- to iam




so- le, al- le- lú- ia.


Deinde cantatur Benedíctus, cum Glória Patri in fine, et fit incensatio, ut alias in Laudibus.

Canticum Zachariæ
Luc. i, 68-79

Be-ne- díc-tus Dó-mi- nus, De- us Is-ra- òl, * qui- a vi- si-



tá- vit et red- é- mit pó- pu- lum su- um,



Et eréxit cornu salútis nobis * in domo David servi sui,

Sicut locútus est per os sanctórum, * qui olim fuérunt, prophétarum suórum:

Ut liberáret nos ab inimícis nostris, * et e manu ómnium qui odérunt nos,

Ut fáceret misericórdiam cum pátribus nostris, * et recordarétur fœderis sui sancti:

Iurisiurándi, quod iurávit Abrahæ, patri nostro, * datúrum se nobis,

Ut sine timóre, e manu inimicórum nostrórum liberáti, * serviámus illi,

In sanctitáte et iustítia coram ipso * ómnibus diébus nostris. —

Et tu, puer, prophéta Altíssimi vocáberis: * præíbis enim ante fáciem Dómini ad parándas vías eius, Ad dandam pópulo eius scién-

tiam salútis * in remissióne peccatórum eórum.

Per víscera misericórdiæ Dei nostri, * qua visitábit nos Oriens ex alto,

Ut illúminet eos, qui in ténebris et in umbra mortis sedent, * ut dírigat pedes nostros in viam pacis.

Glória Patri, et Fílio, * et Spirítui Sancto.

Sicut erat in princípio, et nunc, et semper, * et in sæcula sæculórum. Amen.

9. Repetita antiphona, celebrans dicit more solito:

¶ Dóminus vobíscum.

¶ Et cum spíritu tuo.

Orémus.

Postcommunio seu oratio

Spirítum nobis, Dómine, tuæ caritátis infúnde: ut, quos


sacraméntis paschálibus satiásti,
tua fácias pietáte concórdes. Per
Dóminum nostrum Iesum Chri-
stum, Fílium tuum: Qui tecum
vivit et regnat in unitáte eiúsdem
Spíritus Sancti Deus.

10. Deinde celebrans dicit:

¶ Dóminus vobíscum.

R/. Et cum spíritu tuo.

Et diaconus, vertens se ad popu-
lum, seu ipse sacerdos, cantat:



I- te, Mis-sa est, al-le-lú-ia, al-le-lú-ia.
R. De- o grá- ti- as, al-le-lú-ia, al-le-lú-ia.

Et celebrans, dicto Pláceat tibi,
sancta Trínitas, dat benedictionem,
more solito, et, omisso ultimo Evan-
gelio, omnes revertuntur in sa-
cristiam.

II. Si contingat in hac solemni
vigilia Ordines quoque conferri,
Pontifex ultimam admonitionem
(cum impositione sic dicti «pensi»),
quæ iuxta Pontificale romanum
post benedictionem pontificalem et
ante ultimum Evangelium locum

habet, hac nocte eidem benedictioni
pontificali præmittat.

12. Sacerdotes, qui Missam Vi-
giliæ paschalis celebrant post me-
diam noctem, possunt ipso domi-
nico die Resurrectionis Missam
litare, atque etiam, si indultum
habeatur, bis aut ter. Locorum
Ordinarii vero, si eandem Vigiliam
paschalem celebraverint, possunt,
sed non tenentur, Missam solem-
nem ipso die Paschatis litare.

ORDO MISSÆ

Sacerdos paratus cum ingreditur ad altare, facta illi debita reverentia, signat se signo crucis a fronte ad pectus, et clara voce dicit, nisi peculiari rubrica aliter statuatur:

In nómine Patris, et Fílii, et Spíritus Sancti. Amen.

Deinde, iunctis manibus ante pectus, incipit antiphonam:

Introíbo ad altáre Dei.

Ministri respondent:

Ad Deum qui lætíficat iuventútem meam.

Postea alternatim cum ministris dicit sequentem

Ps. 42, 1-5

Iúdica me, Deus, et discérne causam meam de gente non sancta: ab hómine iníquo, et dolóso érue me.

M. Quia tu es, Deus, fortitúdo mea: quare me repulísti, et quare tristis incédo, dum afflígit me inimícus?

S. Emítte lucem tuam, et veritátem tuam: ipsa me deduxérunt, et adduxérunt in montem sanctum tuum, et in tabernácula tua.

M. Et introíbo ad altáre Dei: ad Deum qui lætíficat iuventútem meam.

S. Confitébor tibi in cíthara, Deus, Deus meus: quare tristis es, ánima mea, et quare contúrbas me?

M. Spera in Deo, quóniam adhuc confitébor illi: salutáre vultus mei, et Deus meus.

S. Glória Patri, et Fílio, et Spirítui Sancto.

M. Sicut erat in princípio, et nunc, et semper: et in sǎcula sǎculórum. Amen.

S. repetit antiphonam:

Introíbo ad altáre Dei.

R. Ad Deum qui lætíficat iuventútem meam.

Signat se, dicens:

V. Adiutórium nostrum in nómine Dómini.

R. Qui fecit cælum et terram.

Deinde iunctis manibus profunde inclinatus facit confessionem.

¶ In Missis defunctorum, et in Missis de Tempore a Dominica I Passionis usque ad feriam V in Cena Domini inclusive, omittitur psalmus Iúdica me, Deus, cum Glória Patri, et repetitione antiphonæ, sed dicto In nómine Patris, Introíbo, et Adiutórium, fit confessio, ut sequitur:

Confíteor Deo omnipoténti, beátæ Mariæ semper Vírgini, beáto Michaéli Archángelo, beáto Ioánni Baptístæ, sanctis Apóstolis Petro et Paulo, ómnibus Sanctis, et vobis, fratres: quia peccávi nimis cogitatione, verbo et ópere: **percutit sibi pectus ter, dicens:** mea culpa, mea culpa, mea máxima culpa. Ideo precor beátam Mariam semper Virginem, beátum Michaélem Archángelum, beátum Ioánnem Baptístam, sanctos Apóstolos Petrum et Paulum, omnes Sanctos, et vos, fratres, oráre pro me ad Dóminum Deum nostrum.

Ministri respondent:

Misereáture tui omnípotens Deus, et, dimíssis peccátis tuis, perducát te ad vitam ætérnam.

Sacerdos dicit: Amen, et erigit se.

Deinde ministri repetunt confessionem: et ubi a sacerdote dicebatur vobis, fratres, et vos, fratres, a ministris dicitur tibi, pater, et te, pater.

Postea sacerdos, iunctis manibus, facit absolutionem, dicens:

Misereatur vestri omnipotens Deus, et, dimissis peccatis vestris, perducat vos ad vitam æternam.

R. Amen.

Signat se signo crucis, dicens:

Indulgentiam, absolutionem, et remissionem peccatorum nostrorum tribuat nobis omnipotens et misericors Dominus. **R.** Amen.

Et inclinatus prosequitur:

V. Deus, tu conversus vivificabis nos.

R. Et plebs tua lætabitur in te.

V. Ostende nobis, Domine, misericordiam tuam.

R. Et salutare tuum da nobis.

V. Domine, exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Et extendens, ac iungens manus, clara voce dicit: Orémus, et ascendens ad altare, dicit secreto:

Aufer a nobis, quæsumus, Domine, iniquitates nostras: ut ad Sancta sanctorum puris mereamur mentibus introire. Per Christum Dominum nostrum. Amen.

Deinde, manibus iunctis super altare, inclinatus dicit:

Oramus te, Domine, per mérita Sanctorum tuorum, **osculatur altare in medio**, quorum reliquiae hic sunt, et ómnium Sanctorum: ut indulgere digneris ómnia peccata mea. Amen.

¶ In Missa solemni, quæ non sit defunctorum, celebrans antequam incipiat antiphonam ad Introitum, benedicit incensum, dicens: Ab illo bene **✠** dicaris, in cuius honore cremaberis. Amen. Et, accepto thuribulo a diacono, incensat altare, nihil dicens. Postea diaconus, recepto thuribulo a celebrante, incensat illum tantum. Deinde celebrans signans se signo crucis incipit antiphonam ad Introitum: qua finita, iunctis manibus, alternatim cum ministris dicit:

Kýrie, eléison. Kýrie, eléison. Kýrie, eléison.

Christe, eléison. Christe, eléison. Christe, eléison.

Kýrie, eléison. Kýrie, eléison. Kýrie, eléison.

Postea in medio altaris extendens et iungens manus, caputque aliquantulum inclinans, dicit, si dicendum est, Glória in excelsis Deo, et prosequitur iunctis manibus. Cum dicit Adoramus te, Grátias ágimus tibi, et Iesu Christe, et Súscipe deprecationem, **inclinat caput: et in fine dicens: Cum Sancto Spíritu, signat se a fronte ad pectus.**

Tempore paschali

Missa I



In festis I classis 1

Missa II



In festis II classis 1

Missa IV

IV

G

ló- ri- a in ex-cél-sis De- o.

In festis beatæ Mariæ Virginis 1

Missa IX

VII

G

ló- ri- a in ex-cél-sis De- o.

In dominicis per annum

Missa XI

II

G

ló- ri- a in ex-cél-sis De- o.

In festis III classis 1

Missa XII

IV

G

ló- ri- a in excél-sis De- o.

In commemorationibus et feriis temporis natalicii

Missa XV

IV

G

ló- ri- a in ex-cél-sis De- o.

Et in terra pax homínibus bonæ voluntátis. Laudámus te. Benedícimus te. Adorámus te. Glorificámus te. Grátias ágimus tibi propter magnam glóriam tuam. Dómine Deus, Rex cæléstis, Deus Pater omnípotens. Dómine Fili unigénite, Iesu Christe. Dómine Deus, Agnus Dei, Fílius Patris. Qui tollis pec-

cáta mundi, miserére nobis. Qui tollis peccáta mundi, súscipe deprecationem nostram. Qui sedes ad dexteram Patris, miserére nobis. Quóniam tu solus Sanctus. Tu solus Dóminus. Tu solus Altíssimus, Iesu Christe. Cum Sancto Spíritu, in glória Dei Patris. Amen.

Deinde osculatur altare in medio,

et versus ad populum dicit: **℣.** Dóminus vobíscum. **℟.** Et cum spíritu tuo. Postea dicit: Orémus, et orationes, unam aut plures, ut ordo Officii postulat. Sequitur Epistola, graduale, tractus, vel Allelúia cum versu, aut sequentia, prout tempus aut qualitas Missæ postulat.

His finitis, si Missa est sollemnis, diaconus librum Evangeliorum deponit super medium altaris, et, nisi sit Missa defunctorum, celebrans benedicit incensum, ut supra: deinde diaconus genuflexus ante altare, manibus iunctis, dicit:

Munda cor meum, ac lábia mea, omnipotens Deus, qui lábia Isaíæ Prophétæ cálculo mundásti igníto: ita me tua grata miseratióne dignáre mundáre, ut sanctum Evangelium tuum digne váleam nuntiáre. Per Christum Dóminum nostrum. Amen.

Postea accipit librum de altari, et rursus genuflexus petit benedictionem a sacerdote, dicens: Iube, domne, benedícere.

Sacerdos respondet:

Dóminus sit in corde tuo, et in lábiis tuis: ut digne et competénter annúnties Evangelium suum: In nómine Patris, et Fílii, ✠ et Spíritus Sancti. Amen.

Et, accepta benedictione, osculatur manum celebrantis: et cum aliis ministris, incenso, et luminaribus, accedens ad locum Evangelii, stans iunctis manibus, dicit: **℣.** Dóminus vobíscum. **℟.** Et cum spíritu tuo. Et pronuntians: Sequéntia sancti Evangelii secúndum N., sive Inítium, pollice dexteræ manus signat librum in principio Evangelii, quod est lecturus, deinde seipsum in fronte, ore, et pectore: et dum ministri respondent Glória tibi, Dó-

mine, incensat ter librum, postea prosequitur Evangelium iunctis manibus. Quo finito, subdiaconus defert librum sacerdoti, qui osculatur Evangelium, dicens: Per evangélica dicta deleántur nostra delicta.

Deinde sacerdos incensatur a diacono.

Si vero sacerdos sine diacono et subdiacono celebrat, delato libro ad aliud cornu altaris, inclinatus in medio, iunctis manibus dicit:

Munda cor meum, ut supra, et Iube, Dómine, benedícere. Dóminus sit in corde meo, et in lábiis meis: ut digne et competénter annúntiem Evangelium suum. Amen.


Deinde, conversus ad librum, iunctis manibus, dicit: **℣.** Dóminus vobíscum. **℟.** Et cum spíritu tuo.

Et pronuntians: Inítium, sive Sequéntia sancti Evangelii, signat librum, et se in fronte, ore, et pectore, et legit Evangelium, ut dictum est. Quo finito, respondet minister: Laus tibi, Christe, et sacerdos osculatur Evangelium, dicens: Per evangélica dicta, ut supra.

¶ In Missis defunctorum dicitur Munda cor meum, sed non petitur benedictio, non deferuntur luminaria, nec celebrans osculatur librum.

Deinde ad medium altaris extendens, elevans, et iungens manus, dicit, si dicendum est, Credo in unum Deum, et prosequitur iunctis manibus. Cum dicit Deum, caput cruci inclinat: quod similiter facit, cum dicit Iesum Christum, et simul adorátur. Ad illa autem verba Et incarnátus est, genuflectit usque dum dicatur Et homo factus est. In fine ad Et vitam ventúri sáculi, signat se signo crucis a fronte ad pectus.

Credo I, II, IV



Credo III



Patrem omnipotentem, factorem cæli et terræ, visibílium ómnium, et invisibílium. Et in unum Dóminum Iesum Christum, Fílium Dei unigénitum. Et ex Patre natum ante ómnia sæcula. Deum de Deo, lumen de lúmine, Deum verum de Deo vero. Génitum, non factum, consubstantiálem Patri: per quem ómnia facta sunt. Qui propter nos hómines, et propter nostram salutem descendit de cælis. **Hic genuflectitur** Et incarnátus est de Spíritu Sancto ex María Vírgine: Et homo factus est. Crucifíxus étiam pro nobis: sub Póntio Piláto passus, et sepúltus est. Et resurrexit tértia die, secúndum Scriptúras. Et ascéndit in cælum: sedet ad dexteram Patris. Et íterum ventúrus est cum glória iudicáre vivos, et mórtuos: cuius regni non erit finis. Et in Spíritum Sanctum, Dóminum, et vivificántem: qui ex Patre, Filióque procedit. Qui cum Patre, et Fílio simul adorátur, et conglorificátur: qui locútus est per Prophétas. Et unam sanctam catholicam et apostólicam Ecclésiám. Confiteor unum baptísma in remissionem peccatórum. Et exspécto resurrectionem mortuórum. Et vitam ventúri sæculi. Amen.

14 MISSALE ROM.

Deinde osculatur altare, et versus ad populum, dicit: **Ÿ. Dóminus vobiscum. R7. Et cum spíritu tuo. Postea dicit: Orémus, et antiphonam ad Offertorium. Qua dicta, si est Missa solemnis, diaconus porrigit celebranti patenam cum hostia: secus sacerdos ipse accipit patenam cum hostia, quam offerens, dicit:**

Súscipe, sancte Pater, omnípotens ætérne Deus, hanc immaculátam hóstiám, quam ego indignus fámulus tuus óffero tibi Deo meo vivo, et vero, pro innumerabílibus peccátis, et offénsiónibus, et negligéntiis meis, et pro ómnibus circumstántibus, sed et pro ómnibus fídelibus cristiánis vivis atque defúntis: ut mihi, et illis proficiat ad salutem in vitam ætérnam. Amen.

Deinde faciens crucem cum eadem patena, deponit hostiam super corporale. Diaconus ministrat vinum, subdiaconus aquam in calice: vel si Missa sine sacris ministris celebratur, utrumque infundit sacerdos, et aquam miscendam in calice benedicit signo crucis, dicens:

Deus, qui humanæ substantiæ dignitatem mirabiliter condidisti, et mirabilius reformasti: da nobis per huius aquæ et vini mysterium, eius divinitatis esse consortes, qui humanitatis nostræ fieri dignatus est particeps, Iesus Christus Filius tuus Dominus noster: Qui tecum vivit et regnat in unitate Spiritus Sancti Deus: per omnia sæcula sæculorum. Amen.

¶ In Missis defunctorum dicitur prædicta oratio: sed aqua non benedicitur.

Postea accipit calicem, et offert, dicens:

Offerimus tibi, Domine, calicem salutaris, tuam deprecantes clementiam: ut in conspectu divinæ maiestatis tuæ, pro nostra, et totius mundi salute cum odore suavitatis ascendant. Amen.

Deinde facit signum crucis cum calice, et illum ponit super corporale, et palla cooperit: tum, iunctis manibus super altare, aliquantulum inclinatus, dicit:

In spiritu humilitatis, et in ánimo contrito suscipiamur a te, Domine: et sic fiat sacrificium nostrum in conspectu tuo hodie, ut placeat tibi, Domine Deus.

Erectus expandit manus, easque in altum porrectas iungens, elevatis ad cælum oculis, et statim demissis, dicit:

Veni, sanctificator omnipotens æternæ Deus: **benedit oblata, prosequendo:** et béne ✠ dic hoc sacrificium, tuo sancto nómini præparatum.

Postea, si solemner celebrat, benedit incensum, dicens:

Per intercessionem beati Michaelis Archángeli, stantis a dextris altáris incénsi, et ómnium electórum suórum, incensum istud dignetur Dominus bene ✠ dicere, et in odorem suavitatis accipere.

Per Christum Dóminum nostrum. Amen.

Et, accepto thuribulo a diacono, incensat oblata, modo in rubricis præscripto, dicens:

Incensum istud a te benedictum, ascendant ad te, Domine: et descendat super nos misericórdia tua.

Deinde incensat altare, dicens:

Ps. 140, 2-4

Dirigatur, Domine, oratio mea, sicut incensum, in conspectu tuo: elevatio manuum mearum sacrificium vespertinum. Pone, Domine, custodiam ori meo, et ostium circumstantiæ labiis meis: ut non declinet cor meum in verba malitiæ, ad excusandas excusationes in peccatis.

Dum reddit thuribulum diacono, dicit:

Accendat in nobis Dominus ignem sui amoris, et flammam æternæ caritatis. Amen.

Postea incensatur sacerdos a diacono, deinde alii per ordinem. Interim sacerdos lavat manus, dicens:

Ps. 25, 6-12

Lavabo inter innocentes manus meas: et circumdabo altare tuum, Domine:

Ut audiam vocem laudis, et enarrem universa mirabilia tua.

Domine, dilexi decorem domus tuæ, et locum habitationis gloriæ tuæ.

Ne perdas cum impiis, Deus, animam meam, et cum viris sanguinum vitam meam:

In quorum manibus iniquitates sunt: dextera eorum repléta est munéribus.

Ego autem in innocentia mea ingressus sum: redime me, et miserere mei.

Pes meus stetit in directo: in ecclesiis benedicam te, Domine.

Glória Patri, et Fílio, et Spirítui Sancto.

Sicut erat in princípio, et nunc, et semper: et in sǎcula sǎculórum. Amen.

¶ In Missis defunctorum, et tempore Passionis in Missis de Tempore omittitur Glória Patri.

Deinde, aliquantulum inclinatus in medio altaris, iunctis manibus super eo, dicit:

Súscipe, sancta Trínitas, hanc oblatiónem, quam tibi offéri-mus ob memóriam passiónis, resur-rectiónis, et ascensiónis Iesu Christi Dómini nostri: et in honórem beátæ Mariæ semper Vírginis, et beáti Ioánnis Baptístæ, et sanctórum Apostolórum Petri et Pauli, et istórum, et ómnium Sanctórum: ut illis proficiat ad honórem, nobis autem ad salútem: et illi pro nobis inter-cédere dignéntur in cælis, quorum memóriam ágimus in terris. Per eúndem Christum Dóminum no-strum. Amen.

Postea osculatur altare, et versus ad populum extendens, et iungens manus, voce paululum elevata, dicit:

O ráte, fratres: ut meum ac vestrum sacrificium acceptá-

bile fiat apud Deum Patrem om-nipoténtem.

Minister, seu circumstantes re-spondent: alioquin ipsemet sacer-dos:

Suscípiat Dóminus sacrificium de mánibus tuis (vel meis) ad laudem, et glóriam nóminis sui, ad utilitátem quoque nostram, totiús-que Ecclésiæ suæ sanctæ.

Sacerdos submissa voce dicit: Amen.

Deinde, manibus extensis, abso-lute sine Orémus subiungit oratio-nes secretas. Quibus finitis, cum pervenerit ad conclusionem, clara voce dicit: Per ómnia sǎcula sǎcu-lórum, cum præfatione, ut in se-quentibus.

Præfationem incipit ambabus manibus positis hinc inde super altare: quas aliquantulum elevat, cum dicit: Sursum corda. Iungit eas ante pectus, et caput inclinat, cum dicit: Grátias agámus Dómino Deo nostro.

Deinde disiungit manus, et dis-iunctas tenet usque ad finem præ-fationis: qua finita, iterum iungit eas, et inclinatus dicit: Sanctus. Et cum dicit: Benedíctus qui venit, signum crucis sibi producit a fronte ad pectus.

PRÆFATIONES IN TONO SOLEMNI

Tonus solemnis adhibetur:

- a) in dominicis;
- b) in Missis festivis et in Missis de Officio S. Mariæ in sabbato;
- c) in vigiliis I classis;
- d) feria V in Cena Domini et in Missa Vigiliæ paschalis;
- e) per octavas;
- f) in Missis votivis I, II et III classis.

PRÆFATIO SOLEMNIS DE NATIVITATE DOMINI

P er ómni- a sæ- cu- la sæ- cu- ló- rum. **R.** Amen. **V.** Dó-mi-nus
vo-bís- cum. **R.** Et cum spí- ri- tu tu- o. **V.** Sur- sum corda.
R. Ha- bé- mus ad Dó-mi- num. **V.** Grá- ti- as a- gá- mus Dó-mi- no
De- o nostro. **R.** Di- gnum et justum est.
V e- re dignum et justum est, æquum et sa- lu- tá- re, nos ti- bi
semper, et u- bíque grá- ti- as á- ge- re: Dó-mi- ne, sancte
Pa- ter, omní- po- tens æ- térne De- us: **Q**ui- a per incarná- ti Verbi
my- sté- ri- um, no- va men- tis nostræ ó- cu- lis lux tu- æ cla- ri-



tá- tis infúl-sit: ut dum ví- si- bí- li- ter De- um co-gnóscimus,
 per hunc in inví-si- bí- li- um amó-rem ra-pi- ámur. Et íd e- o
 cum Ange- lis et Archánge- lis, cum Thro-nis et Domi- na- ti- ó-
 ni- bus, cumque omni mi- lí- ti- a cæ- lé- stis ex- ér- ci- tus, hymnum
 gló- ri- æ tu- æ cá- ni- mus, si- ne fi- ne di- céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.


Hosánna in excélsis.

Infra Actionem Communicántes **etc.**, **ut infra in Canone** 292.

In prima vero Missa Nativitatis Domini dicitur: et noctem sacratíssimam celebrántes, qua **etc.**; **deinde semper dicitur** diem sacratíssimum celebrántes, quo **etc.**, **usque ad octavam Nativitatis Domini inclusive.**

PRÆFATIO SOLEMNIS DE EPIPHANIA DOMINI

Per ómni- a sæ-cu-la sæ-cu-ló- rum. **R.** Amen. **V.** Dó-mi-nus
vo-bís-cum. **R.** Et cum spí- ri- tu tu- o. **V.** Sur- sum corda.
R. Ha-bé- mus ad Dó-mi-num. **V.** Grá- ti- as a- gá- mus Dó-mi-no
De- o nostro. **R.** Di- gnum et justum est.
Ve- re dignum et justum est, æquum et sa-lu- tá-re, nos ti-bi
semper, et u-bíque grá- ti- as á-ge- re: Dó-mi- ne, sancte
Pa- ter, om-ní-po- tens æ- térne De- us: **Q**ui- a, cum U-ni-gé-ni-tus
tu- us in substán-ti- a nostræ mor-ta- li- tá- tis ap-pá-ru- it,



no- va nos immor-ta- li- tá- tis su- æ lu- ce re- pa- rá- vit.

Et íd- e- o cum Ange- lis et Archánge- lis, cum Thro- nis et

Do-mi- na- ti- ó- ni- bus, cumque om-ni mi- lí- ti- a cæ-lé-stis

ex- érci- tus, hymnum gló-ri- æ tu-æ cá-nimus, si- ne fi- ne di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.


Hosánna in excélsis.

Infra Actionem Communicántes etc., ut infra in **Canone** 292.

Et dicitur in festo tantum.

PRÆFATIO SOLEMNIS DE QUADRAGESIMA

P er ómni- a sæcu- la sæ- cu- ló- rum. **R.** Amen. **Y** Dó- mi- nus
vo- bís- cum. **R.** Et cum spí- ri- tu tu- o. **Y** Sur- sum corda.
R. Ha- bé- mus ad Dó- mi- num. **Y** Grá- ti- as a- gá- mus Dó- mi- no
De- o nostro. **R.** Di- gnum et ju- stum est.
V e- re dignum et justum est, æquum et sa- lu- tá- re, nos ti- bi
sem- per, et u- bíque grá- ti- as á- ge- re: Dó- mi- ne, sancte
Pa- ter, omní- po- tens æ- tér- ne De- us: **Q**ui cor- po- rá- li je- jú-
ni- o ví- ti- a cómpri- mis, mentem é- le- vas, vir- tú- tem



lar-gí- ris, et præ-mi- a: per Chri- stum Dó- mi- num nostrum.

Per quem ma- je-stá- tem tu- am laudant Ange- li, ad-ó-rant Do-

mi- na- ti- ó- nes, tre- munt Po- te- stá- tes. Cæ- li, cæ- lo- rúmque

Vir- tú- tes, ac be- á- ta Sé- raphim, só- ci- a exsul- ta- ti- ó- ne

concé- lebrant. Cum quibus et nostras vo- ces, ut admít- ti jú- be- as,

depre- cá- mur, súp- pli- ci confes- si- ó- ne di- cén- tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.


Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO SOLEMNIS DE SANCTA CRUCE

Per ómni- a sæ-cu- la sæcu- ló- rum. **R.** Amen. **V.** Dó-mi- nus
vo-bís- cum. **R.** Et cum spí- ri- tu tu- o. **V.** Sur- sum corda.
R. Ha-bé- mus ad Dómi- num. **V.** Grá- ti- as a- gá- mus Dó-mi- no
De- o no-stro. **R.** Di- gnum et justum est.
Ve- re dignum et justum est, æquum et sa-lu- tá-re, nos ti-bi
semper, et u-bíque grá- ti- as á-ge-re: Dó-mi-ne, sancte Pa-ter,
omní-po-tens æ-térne De- us: **Q**ui sa-lú-tem humá-ni gé-ne-ris
in ligno Cru-cis consti- tu- í-sti: ut unde mors o-ri- e- bá-tur,



inde vi- ta re-súrge-ret: et qui in ligno vin-cé-bat, in
ligno quoque vin-ce- ré- tur: per Chri- stum Dó- mi-num nostrum.
Per quem ma- je-stá- tem tu- am laudant Ange- li, ad-ó- rant Do-
mi- na- ti- ó- nes, tre-munt Po- te- stá- tes. Cæ- li, cæ- lo- rúmque
Vir- tú- tes, ac be- á- ta Sé- raphim, só- ci- a exsul- ta- ti-
ó- ne concé- lebrant. Cum quibus et nostras vo- ces, ut admít-ti
jú-be- as, depre- cámur, súp- pli- ci confes- si- ó- ne di- céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.


Benedíctus qui venit in nómine Dómini.

Hosánna in excélsis.

PRÆFATIO AD MISSAM CHRISMATIS

Sequens præfatio dicitur feria V in Cena Domini, in sua Missa

Per ómni- a sæcu- la sæ-cu-ló- rum. **R.** Amen. **V.** Dó-mi-nus
vo-bís- cum. **R.** Et cum spí-ri-tu tu- o. **V.** Sur- sum corda.
R. Ha- bé-mus ad Dómi-num. **V.** Grá-ti- as a- gá- mus Dómi- no
De- o nostro. **R.** Di- gnum et ju- stum est.
Ve-re di- gnum et iu- stum est, æ-quum et sa- lu- tá- re,
cle- ménti- am tu- am sup- plí- ci- ter obse- crá- re, ut spi- ri-
tu- á- lis la- vá- cri bap- tísmo reno- ván- dis cre- a- tú- ram chrí-
sma- tis in sacra- méntum perféc- tæ sa- lú- tis vi- tæ- que confir-
mes; ut sancti- fi- ca- ti- ó- ne uncti- ó- nis in- fú- sa, corrup-
ti- ó- ne pri- mæ na- ti- vi- tá- tis ab- sórpta, sanc- tum u- ni- us-



cu-iús- que tem-plum acceptá-bi- lis vi-tæ inno-cénti- æ o-dó-
 re re-do-léscat; ut se-cún-dum consti- tu-ti- ó- nis tu- æ sa-
 cra-méntum, ré-gi- o et sa-cerdo- tá- li prophe- ti- cóque ho-nó-
 re per-fú- si, vesti-ménto incor-rúpti mú-ne- ris in-du- ántur:
 per Chri- stum Dó-mi-num no-strum. Per quem ma- iestá-tem
 tu- am laudant An-ge- li, a-dó-rant Dó-mi- na- ti- ó- nes, tre-
 munt Po- testá- tes. Cæ- li, cæ- lo-rúm-que Virtú- tes, ac be- á-
 ta Sé- ra- phim, só- ci- a ex- sulta- ti- ó- ne concé- lebrant.
 Cum qui- bus et no- stras vo- ces ut admít- ti iú- be- as, de-
 pre- cá- mur, súp- pli- ci confes- si- ó- ne di- céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.


Benedíctus qui venit in nómine Dómini.

Hosánna in excélsis.

PRÆFATIO SOLEMNIS PASCHALIS

In Missa Vigiliæ paschalis dicitur: in hac potissimum nocte; a die Paschæ usque ad sabbatum in albis inclusive: in hac potissimum die; alias: in hoc potissimum.

Per ómni- a sæcu- la sæ-cu-ló- rum. **R.** Amen. **V.** Dó-mi-nus
vo-bís- cum. **R.** Et cum spí-ri-tu tu- o. **V.** Sur- sum corda.
R. Ha- bé-mus ad Dómi-num. **V.** Grá-ti- as a- gá- mus Dómi- no
De- o nostro. **R.** Di- gnum et ju- stum est.
Ve-re dignum et justum est, æquum et sa-lu- tá-re: **T**e qui-dem,
Dómi-ne, omni témpo-re, sed in hac po- tíssimum nocte glo-
in hac po- tíssimum di- e
in hoc po- tíssimum
ri- ó-si- us prædi- cá-re, cum Pascha nostrum immo-lá- tus est
Chri-stus. Ipse e-nim ve-rus est Agnus, qui ábs-tu- lit pec-



cá- ta mundi. Qui mor-tem nostram mo- ri- éndo de-strú- xit,
 et vi- tam re- surgéndo re-pa- rá- vit. Et íd- e- o cum An-
 ge- lis et Archánge- lis, cum Thronis et Domi-na-ti- ó-ni-bus,
 cumque omni mi- lí- ti- a cæ- léstis ex- érci- tus, hymnum gló-
 ri- æ tu- æ cá- ni-mus, si- ne fi- ne di- cén-tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

Infra Actionem Communicántes **et** Hanc ígitur, **ut infra in Canone**
 292 **et** 293.

Sic dicitur a Missa Vigiliæ paschalis usque ad sabbatum in albis inclusive.
In Missa autem Vigiliæ paschalis dicitur: et noctem sacratíssimam
 celebrántes.

PRÆFATIO SOLEMNIS DE ASCENSIONE DOMINI

Per ómni- a sæ-cu- la sæ-cu-ló- rum. **R.** Amen. **℣.** Dó-mi- nus

vo- bís- cum. **R.** Et cum spí- ri- tu tu- o. **℣.** Sur- sum corda.

R. Ha- bé-mus ad Dó-mi-num. **℣.** Grá- ti- as a- gá-mus Dómi- no

De- o nostro. **R.** Di- gnum et ju- stum est.

Ve- re dignum et justum est, æquum et sa- lu- tá-re, nos ti- bi

semper, et u- bíque grá- ti- as á- ge- re: Dó-mi- ne, sancte Pa- ter,

omní-po- tens æ- térne De- us: per Chri- stum Dó- mi-num nostrum.

Qui post re-surrec-ti- ó-nem su- am ómni-bus discí-pu- lis su- is



ma-ni-festus ap-pá-ru- it, et ipsis cernénti-bus est e-le-vá-tus in
 cæ-lum, ut nos di-vi-ni-tá-tis su- æ tri-bú-e-ret es- se partí-ci-pes.
 Et íd-e- o cum Ange-lis et Archánge-lis, cum Thro-nis et Do-
 mi-na-ti- ó-ni-bus, cumque omni mi-lí-ti- a cæ-léstis ex- érci-
 tus, hymnum gló-ri- æ tu-æ cá-nimus, si- ne fi- ne di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.


Hosánna in excélsis.

Infra Actionem Communicántes etc., ut infra in **Canone** 292.

Et dicitur die festo tantum.

PRÆFATIO SOLEMNIS DE SACRATISSIMO CORDE IESU

Per ómni- a sæcu- la sæ-cu-ló- rum. **R.** Amen. **V.** Dó-mi- nus
vo- bís- cum. **R.** Et cum spí- ri- tu tu- o. **V.** Sur- sum corda.
R. Ha-bé- mus ad Dó-mi- num. **V.** Grá- ti- as a- gá- mus Dómi- no
De- o nostro. **R.** Di- gnum et justum est.
Ve-re dignum et justum est, æquum et sa- lu- tá-re, nos ti-bi
semper, et u-bíque grá- ti- as á-ge-re: Dómi-ne, sancte Pa-ter,
omní-po-tens æ- térne De- us: **Q**ui U-ni-gé-ni-tum tu- um in
cru-ce pendéntem lánce- a mí- li- tis transfi-gi vo-lu- í-sti, ut



a-pértum Cor, di-ví-næ largi-tá-tis sa-crá-ri-um, torréntes no-bis
 fúnde-ret mi-se-ra-ti-ó-nis et grá-ti-æ, et quod amó-re nostri
 flagrá-re nunquam dé-sti-tit, pi-is esset ré-qui-es et pæ-ni-
 tén-ti-bus pa-té-ret sa-lú-tis re-fú-gi-um. Et íd-e-o cum An-
 ge-lis et Archánge-lis, cum Thro-nis et Domi-na-ti-ó-ni-bus,
 cumque omni mi-lí-ti-a cæ-léstis ex-érci-tús, hymnum gló-ri-
 æ tu-æ cá-nimus, si-ne fi-ne di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.


Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO SOLEMNIS DE IESU CHRISTO REGE

Per ómni- a sæ-cu-la sæcu-ló- rum. **R.** Amen **V.** Dóminus vobís-
cum. **R.** Et cum spí-ri- tu tu- o. **V.** Sur-sum corda. **R.** Ha- bémus ad
Dómi-num. **V.** Grá- ti- as a- gá- mus Dómi- no De- o nostro. **R.** Di- gnum
et justum est. **V.** e- re dignum et justum est, æquum et sa- lu-
tá- re, nos ti- bi semper, et u- bí- que grá- ti- as á- ge- re: Dómi-
ne, sancte Pa- ter, omní- po- tens æ- térne De- us: **Q**ui u- ni- gé- ni- tum
Fí- li- um tu- um Dómi- num nostrum Je- sum Chri- stum, Sa- cerdó- tem
æ- térnum et u- ni- versó- rum Re- gem, ó- le- o exsulta- ti- ó- nis un-



xí-sti: ut se- ípsum in a-ra cru-cis, hósti- am imma-cu- lá- tam
 et pa- cí- fi- cam óf- fe- rens, red- empti- ó- nis humá- næ sacra- mén- ta
 per- á- ge- ret: et su- o sub- jéc- tis impé- ri- o ómni- bus cre- a-
 tú- ris, æ- té- rnum et u- ni- versá- le regnum, imménsæ tu- æ trá-
 de- ret Ma- jestá- ti: regnum ve- ri- tá- tis et ví- tæ; regnum sanc-
 ti- tá- tis et grá- ti- æ; re- gnum justí- ti- æ, amó- ris et pa- cis.
 Et íd- e- o cum Ange- lis et Archá- nge- lis, cum Thro- nis et Do-
 mi- na- ti- ó- ni- bus, cumque omni mi- lí- ti- a cæ- lé- stis ex- érci- tus,
 hymnum gló- ri- æ tu- æ cá- nimus, si- ne fi- ne di- cén- tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.


Benedíctus qui venit in nómine Dómini.

Hosánna in excélsis.

PRÆFATIO SOLEMNIS DE SPIRITU SANCTO

Extra vigiliam et octavam Pentecostes omittuntur verba: hodiérna die.

Per ómni- a sæ-cu- la sæcu- ló- rum. **R.** Amen. **Y** Dó-mi- nus
vo- bís- cum. **R.** Et cum spí- ri- tu tu- o. **Y** Sur- sum cor-da.
R. Ha-bé- mus ad Dó-mi-num. **Y** Grá- ti- as a- gá- mus Dó-mi-no
De- o nostro. **R.** Di-gnum et ju- stum est.
Ve-re dignum et justum est, æquum et sa-lu- tá-re, nos ti-bi
semper, et u-bíque grá-ti- as á-ge-re: Dómi-ne, sancte Pa- ter,
omní-po-tens æ-térne De- us: per Chri-stum Dó- mi-num nostrum. **Qui**
ascéndens su-per omnes cæ-los, se-dénsque ad délixte-ram tu- am,



promissum Spí-ri-tum Sanctum (ho-di-érna di-e) in fí-li-os ad-
 opti-ó-nis effú-dit. Quaprópter pro-fú-sis gáudi-is, to-tus in
 orbe terrá-rum mundus exsúl-tat. Sed et supérnæ Virtú-tes, at-
 que angé-li-cæ Po-te-stá-tes, hymnum gló-ri-æ tu-æ cón-ci-nunt,
 si- ne fí- ne di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

Infra Actionem Communicántes **et** Hanc ígitur, **ut infra in Canone**
 292 **et** 293.

Et dicitur tantum a vigilia Pentecostes usque ad sequens sabbatum
inclusive, in omnibus Missis.

PRÆFATIO SOLEMNIS DE SANCTISSIMA TRINITATE

Per ómni- a sæ-cu-la sæ-cu-ló- rum. **R.** Amen. **✠** Dómi-nus vo-bís-
cum. **R.** Et cum spí-ri- tu tu- o. **✠** Sur-sum corda. **R.** Ha-bé- mus
ad Dómi-num. **✠** Grá- ti- as a-gá-mus Dómi-no De- o nostro.
R. Di-gnum et justum est. **V**e- re dignum et justum est, æquum et
sa-lu- tá-re, nos ti-bi semper, et u-bí-que grá- ti- as á-ge-re:
Dómi-ne, sancte Pa-ter, omní-po-tens æ-térne De- us: **Q**ui cum u-ni-
gé-ni-to Fí- li- o tu- o, et Spí- ri- tu Sancto, u-nus es De- us,
u- nus es Dómi-nus: non in u-ní- us singu-la- ri- tá-te per- só-næ,



sed in u-ní- us Tri-ni- tá- te substánti- æ. Quod e-nim de tu- a
gló-ri- a, re-ve- lán- te te, cré- dimus, hoc de Fí- li- o tu- o,
hoc de Spí- ri- tu Sancto, si- ne dif- fe- rénti- a discre- ti- ó- nis
sentímus. Ut in confessi- ó- ne ve- ræ sempi- ternæque De- i- tá-
tis, et in persó- nis pro- prí- e- tas, et in essé- ti- a ú- ni- tas,
et in ma- jestá- te ad- o- ré- tur æquá- li- tas. Quam laudant Ange- li
atque Archánge- li, Ché- ru- bim quoque ac Sé- raphim: qui non
ces- sant clamá- re quo- tí- di- e, u- na vo- ce di- cén- tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO SOLEMNIS DE BEATA MARIA VIRGINE

Dicitur vel Et te in Annuntiatióne, **vel** Visitatióne, **vel** Assumptiόne, **vel** Nativitáte, **vel** Præsentiatiόne, **secundum denominationem festi.**

In Missis vero de Conceptione immaculata dicitur: Et te in Conceptione immaculáta.

In Missis de Septem Doloribus dicitur: Et te in Transfixiόne.

In Commemoratione de Monte Carmelo dicitur: Et te in Commemoratione.

In omnibus aliis festis dicitur: Et te in Festivitaté.

In Missa de S. Maria in sabbato, et in Missis votivis, in quibus speciale Mysterium non sit exprimendum, dicitur: Et te in Veneratiόne.

Per ómni- a sæ-cu-la sæ-cu-ló- rum. **R.** Amen. **V.** Dóminus vo-bís-
cum. **R.** Et cum spí-ri-tu tu- o. **V.** Sur-sum corda. **R.** Ha-bé-mus
ad Dómi-num. **V.** Grá-ti- as a-gá-mus Dómi-no De-o nostro.
R. Dignum et justum est. **V.** e-re dignum et justum est, æquum et
sa-lu- tá-re, nos ti-bi semper, et u-bí-que grá-ti- as áge-re:
Dómi-ne, sancte Pa-ter, omní-po-tens æ-térne De- us: **Et** te in
* * * * * be- á-tæ Ma-rí- æ semper Vírgi-nis col-lau-dá-re, be-



ne-dí-ce-re et præ-di-cá-re. Quæ et U-ni-gé-ni-tum tu-um Sancti

Spí-ri-tus ob-umbra-ti-ó-ne con-cé-pit: et virgi-ni-tá-tis gló-ri-a

permanén-te, lumen æ-térnum mundo ef-fú-dit, Je-sum Chri-

stum Dó-mi-num nostrum. Per quem ma-jestá-tem tu-am laudant

Ange-li, ad-ó-rant Domi-na-ti-ónes, tremunt Po-testá-tes.

Cæ-li, cæ-lo-rúm-que Virtú-tes, ac be-á-ta Sé-raphim, só-ci-a

exsul-ta-ti-ó-ne concé-lebrant. Cum quibus et nostras vo-ces, ut

admít-ti jú-be-as, depre-cámur, súppli-ci confessi-ó-ne di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.


PRÆFATIO SOLEMNIS DE S. IOSEPH, SPONSO B. M. V.

In festo S. Ioseph, die 19 martii, dicitur: Et te in Festivitate.

In festo S. Ioseph Opificis, die 1 maii, dicitur: Et te in Solemnitate.

In Missis votivis dicitur: Et te in Veneratione.

Per ómni- a sæ-cu-la sæ-cu-ló- rum. **R.** Amen. **V.** Dómi-nus vo-bís-
cum. **R.** Et cum spí-ri-tu tu- o. **V.** Sur-sum corda. **R.** Ha- bé-mus
ad Dómi-num. **V.** Grá-ti- as a-gá-mus Dómi-no De- o nostro.
R. Di-gnum et justum est. **V.** Ve-re dignum et justum est, æquum et
sa-lu- tá-re, nos ti-bi semper, et u-bíque grá-ti- as á-ge-re:
Dómi-ne, sancte Pa-ter, omní-po-tens æ-térne De- us: **Et te in**
* * * * * be- á- ti Jo-seph dé-bi- tis magni- fi-cá-re præ- có-ni-
is, be-ne-dí-ce-re et prædi-cá-re. Qui et vir justus, a te



De í-pa-ræ Vírgi-ni Sponsus est da-tus: et fi-dé-lis servus ac pru-
dens, su-per Famí-li- am tu- am est consti- tú-tus: ut U-ni-gé-ni-tum
tu- um, Sancti Spí-ri- tus ob-umbra-ti- ó-ne concéptum, pa-térna vi-
ce custo- dí-ret, Je-sum Chri-stum Dó-mi-num nostrum. Per quem
ma-je-stá-tem tu- am laudant Ange- li, ad-ó-rant Domi-na-ti- ó-
nes, tremunt Po-testá-tes. Cæ-li, cæ-lo-rúmque Virtú-tes, ac be-
á-ta Sé-raphim, só-ci-a exsul-ta-ti- ó-ne concé-lebrant. Cum
quibus et nostras vo-ces, ut admít-ti jú-be-as, depre- cá-mur,
súppli-ci confessi- ó-ne di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO SOLEMNIS DE APOSTOLIS

P er ómni- a sæ-cu-la sæ-cu-ló- rum. **R.** Amen. **V.** Dó-mi- nus
 vo- bís- cum. **R.** Et cum spí- ri- tu tu- o. **V.** Sur- sum corda.
R. Ha- bé- mus ad Dó-mi-num. **V.** Grá- ti- as a- gá- mus Dó-mi- no
 De- o nostro. **R.** Di- gnum et justum est.
V e- re dignum et justum est, æquum et sa-lu- tá-re: **T**e, Dómi-
 ne, supplí- ci- ter ex-o- rá-re, ut gre- gem tu- um, pastor æ-térne, non
 dé- se- ras: sed per be- á- tos Apósto- los tu- os, contí- nu- a pro- tec-
 ti- ó- ne cu- stó- di- as: Ut i- ísdem rectó- ri- bus gu- ber- né- tur,



quos ó-pe-ris tu- i vi-cá-ri- os e- í-dem contu- lí-sti præ- és- se pa-
stó-res. Et íd-e- o cum Ange- lis et Archánge- lis, cum Thro-nis et
Domi-na-ti- ó-ni-bus, cumque omni mi-lí-ti- a cæ-léstis ex- érci-tus,
hymnum gló-ri- æ tu- æ cá-nimus, si- ne fi- ne di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO SOLEMNIS COMMUNIS

P er ómni- a sæ-cu-la sæ-cu-ló- rum. **R.** Amen. **V.** Dó-mi- nus

vo- bís-cum. **R.** Et cum spí- ri- tu tu- o. **V.** Sur-sum corda.

R. Ha- bé-mus ad Dó-mi-num. **V.** Grá- ti- as a- gá-mus Dó-mi-no


De- o nostro. **R.** Di-gnum et justum est.

V e-re dignum et justum est, æquum et sa-lu- tá-re, nos ti-bi

semper, et u-bíque grá- ti- as á-ge-re: Dó-mi-ne, sancte Pa-ter, om-

ní-po-tens æ-térne De- us: per Chri- stum Dó- mi-num nostrum. Per

quem ma-jestá-tem tu- am laudant Ange- li, ad-ó-rant Domi-na- ti-



ó-nes, tremunt Po-testá-tes. Cæ-li, cæ-lo-rúmque Virtú-tes, ac be-
á-ta Sé-raphim, só-ci-a ex-sulta-ti-ó-ne concé-lebrant. Cum qui-
bus et nostras vo-ces, ut admít-ti jú-be-as, depre-cámur, súp-
pli-ci confessi-ó-ne di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIONES IN TONO FIERIALI

Tonus ferialis adhibetur:

- a) in feriis;
- b) in vigiliis II et III classis;
- c) in Missis votivis IV classis;
- d) in Missis defunctorum.

PRÆFATIO FIERIALIS DE NATIVITATE DOMINI

P er ómni- a sæcu- la sæ- cu- ló- rum. **R.** Amen. **V.** Dómi- nus


vo- bís- cum. **R.** Et cum spí- ri- tu tu- o. **V.** Sursum cor- da.

R. Ha- bémus ad Dómi- num. **V.** Grá- ti- as a- gámus Dómi- no

De- o nostro. **R.** Dignum et ju- stum est.

V e- re dignum et justum est æquum et sa- lu- tá- re, nos ti- bi

semper, et u- bique grá- ti- as á- ge- re: Dómi- ne, sancte Pa- ter,



omní-po-tens æ-térne De- us: Qui- a per incarná- ti Verbi mysté-
 ri- um, nova mentis nostræ ó-cu-lis lux tu-æ cla-ri- tá- tis infúlsit:
 ut dum vi-si- bí- li- ter De- um cognó-scimus, per hunc in invi-si- bí-
 li- um amó-rem ra-pi- ámur. Et íd-e- o cum Ange-lis et Archán-
 ge- lis, cum Thro-nis et Domi-na- ti- ó-ni- bus, cumque omni
 mi- lí- ti- a cæ- lé- stis ex- ér- ci- tus, hymnum gló- ri- æ tu- æ
 cá- ni- mus, si- ne fí- ne di- cén- tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO FERIALIS DE EPIPHANIA DOMINI

Per ómni- a sæcu- la sæ-cu-ló- rum. **R.** Amen. **℣** Dómi- nus

vo- bís-cum. **R.** Et cum spí- ri- tu tu- o. **℣** Sur-sum corda.

R. Ha-bé-mus ad Dómi- num. **℣** Grá- ti- as a- gá-mus Dómi- no

De- o nostro. **R.** Dignum et. justum est.

Ve-re dignum et justum est, æquum et sa- lu- tá- re, nos ti- bi

semper, et u- bí- que grá- ti- as á- ge- re: Dómi- ne, sancte Pa- ter,

omní- po- tens æ- térne De- us: **Q**ui- a, cum U- ni- gé- ni- tus tu- us in

substánti- a nostræ morta- li- tá- tis appá- ru- it, no- va nos immor-



ta- li- tã- tis su- æ lu- ce re- pa- rá- vit. Et íd- e- o cum

Ange- lis et Archánge- lis, cum Thro- nis et Do- mi- na- ti- ó-

ni- bus, cumque omni mi- lí- ti- a cæ- lé- stis ex- ér- ci- tus,

hymnum gló- ri- æ tu- æ cá- ni- mus, si- ne fi- ne di- céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO FERIALIS DE QUADRAGESIMA

P er ómni- a sæcu- la sæ-cu-ló- rum. **R.** Amen. **V.** Dómi- nus
vo- bís-cum. **R.** Et cum spí- ri- tu tu- o. **V.** Sur-sum corda.
R. Ha-bémus ad Dó-mi- num. **V.** Grá- ti- as a- gámus Dó-mi- no
De- o nostro. **R.** Dignum et ju- stum est.
V e-re dignum et justum est, æquum et sa-lu-tá-re, nos ti-bi
semper, et u-bíque grá-ti- as á-ge-re: Dómi-ne, sancte Pa-ter, om-
ní-po-tens æ-térne De- us: **Q**ui corpo-rá-li je-jú-ni- o ví- ti- a cóm-
primis, mentem é-le-vas, vir-tú-tem largí-ris, et præmi- a: per



Chri-stum Dómi-num nostrum. Per quem ma-jestá-tem tu-am lau-
 dant Ange-li, ad-ó-rant Domi-na-ti-ó-nes, tremunt Po-testá-
 tes. Cæ-li, cæ-lo-rúmque Virtú-tes, ac be-á-ta Sé-raphim, só-ci-a
 exulta-ti-ó-ne concé-lebrant. Cum quibus et nostras vo-ces, ut
 admít-ti jú-be-as, depre-cá-mur, súppli-ci confes-si-ó-ne di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.


Hosánna in excélsis.

PRÆFATIO FERIALIS DE SANCTA CRUCE


Per ómni- a sæcu- la sæ- cu- ló- rum. **R.** Amen. **V.** Dómi- nus
vo- bís-cum. **R.** Et cum spí- ri- tu tu- o. **V.** Sursum corda.

R. Ha- bémus ad Dó-mi-num. **V.** Grá- ti- as a- gámus Dómi- no
De- o nostro. **R.** Dignum et justum est.


Ve-re dignum et justum est, æquum et sa-lu-tá-re, nos ti-bi
semper, et u-bíque grá-ti- as á-ge-re: Dó-mi-ne, sancte Pa-ter,
omní-po-tens æ-térne De- us: **Q**ui sa-lú-tem humá-ni gé-ne- ris
in ligno Cru-cis consti-tu- í-sti: ut unde mors o-ri- e-bá-tur,




inde vi-ta re-súrge-ret: et qui in ligno vincé-bat, in ligno



quoque vince-ré-tur: per Christum Dómi-num nostrum. Per quem ma-




jestá-tem tu-am laudant Ange-li, ad-ó-rant Domi-na-ti-ónes, tremunt



Po-te-stá-tes. Cæ-li, cæ-lo-rúmque Virtútes, ac be-á-ta Sé-raphim, só-



ci- a exsul-ta-ti-ó-ne concé-lebrant. Cum quibus et nostras voces, ut



admít-ti jú-be-as, depre-cámur, súppli-ci confessi-ó-ne di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO FERIALIS PASCHALIS

Per ómni- a sæcu- la sæ-cu-ló- rum. **R.** Amen. **V.** Dómi-nus
vo-bís-cum. **R.** Et cum spí- ri- tu tu- o. **V.** Sursum corda.
R. Ha-bémus ad Dómi-num. **V.** Grá- ti- as a-gá-mus Dó-mi- no
De- o nostro. **R.** Dignum et justum est.
Ve- re dignum et justum est, æquum et sa-lu-tá-re: **T**e qui-
dem, Dómi-ne, omni témpo- re, sed in hoc po- tís-si-mum
glo- ri- ó- si- us præ-di- cá- re, cum Pascha nostrum immo- lá-
tus est Christus. Ipse e- nim ve-rus est Agnus, qui ábs-



tu- lit peccá- ta mundi. Qui mortem nostram mo-ri- éndo de-
 strú- xit, et vi- tam re- surgéndo re-pa- rá-vit. Et íd-e o
 cum Ange- lis et Archánge- lis, cum Thronis et Domi-na-
 ti- ó- ni- bus, cumque omni mi- lí- ti- a cæ-léstis ex-érci- tus,
 hymnum gló- ri- æ tu- æ cá-ni-mus, si- ne fi- ne di- cén-tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.


Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO FERIALIS DE ASCENSIONE DOMINI

P er ómni- a sæcu- la sæ-cu-ló- rum. **R.** Amen. **℣** Dómi- nus
 vo- bíscum. **R.** Et cum spí- ri- tu tu- o. **℣** Sursum cor-da.
R. Ha-bémus ad Dó-mi- num. **℣** Grá- ti- as a-gámus Dó-mi- no
 De- o nostro. **R.** Dignum et ju- stum est.
V e-re dignum et justum est, æquum et sa-lu-tá-re, nos ti-bi
 semper, et u-bíque grá-ti- as á-ge-re: Dómi-ne, sancte Pa-ter,
 omní-po-tens æ-térne De- us: per Christum Dómi-num nostrum.
Qui post re-surrecti- ó-nem su- am ómni-bus discí-pu- lis su- is ma-



ni-féstus appá-ru- it, et ipsis cernénti-bus est e-le-vá-tus in cæ-
lum, ut nos di-vi-ni-tá-tis su- æ tri-bú- e-ret esse par-tí-ci-pes.
Et íd-e- o cum Ange- lis et Archánge- lis, cum Thronis et Domi-
na-ti- ó-ni-bus, cumque omni mi- lí- ti- a cæ-lé-stis ex-érci-tus,
hymnum gló- ri- æ tu- æ cá-nimus, si-ne fi-ne di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua


Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO FERIALIS DE SACRATISSIMO CORDE IESU

Per ómni- a sæcu- la sæ-cu- ló- rum. **R.** Amen. **℣** Dómi- nus
 vo- bíscum. **R.** Et cum spí- ri- tu tu- o. **℣** Sursum cor-da.
R. Ha-bémus ad Dómi- num. **℣** Grá- ti- as a- gámus Dómi- no
 De- o nostro. **R.** Dignum et justum est.
Ve-re dignum et justum est, æquum et sa-lu-tá-re, nos ti-bi sem-
 per, et u-bíque grá-ti- as á-ge-re: Dómi-ne, sancte Pa-ter, omní-
 po-tens æ-térne De- us: **Q**ui U-ni-gé-ni- tum tu- um in cru-ce pendén-
 tem lánce- a mí- li- tis transfi-gi vo-lu- í-sti, ut a-pértum Cor,



di-vi-næ largi-tá-tis sacrá-ri-um, torrén-tes no-bis fúnde-ret mi-se-ra-
 ti-ó-nis et grá-ti-æ, et quod amó-re nostri flagrá-re nunquam
 dé-sti-tit, pi-is esset ré-qui-es et pæ-ni-ténti-bus pa-té-ret sa-lú-tis
 re-fú-gi-um. Et íd-e-o cum Ange-lis et Archánge-lis, cum Thro-
 nis et Domi-na-ti-ó-ni-bus, cumque omni mi-lí-ti-a cæ-lé-stis ex-
 érci-tus, hymnum gló-ri-æ tu-æ cá-nimus, si-ne fi-ne di-cén-tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.


Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO FERIALIS DE D. N. IESU CHRISTO REGE

Per ómni- a sæ-cu-la sæ-cu-ló- rum. **R.** Amen. **V.** Dómi- nus
vo- bís-cum. **R.** Et cum spí- ri- tu tu- o. **V.** Sursum corda.
R. Ha- bémus ad Dómi- num. **V.** Grá- ti- as a- gámus Dómi- no
De- o nostro. **R.** Dignum et justum est.
Ve-re dignum et justum est, æquum et sa-lu-tá-re, nos ti-bi sem-
per, et u-bíque grá- ti- as á-ge-re: Dómi-ne, sancte Pa-ter, omní-po-tens
æ-térne De- us: **Qui** u-ni-gé-ni-tum Fí- li- um tu- um Dómi-num nostrum
Je-sum Christum, Sa-cerdó-tem æ-térnum et u-ni-versó-rum Re-gem,



ó-le- o exsul-ta-ti- ó-nis unxísti: ut, se- ípsum in a-ra cru-cis,

hó-sti- am imma-cu-lá-tam et pa-cí- fi-cam óf-fe-rens, red-empti- ó-nis

humánæ sacraménta per-á-ge-ret: et su- o subjéctis impé-ri- o

ómni-bus cre- a-tú-ris, æ-térnum et u-ni-versá-le regnum, imménsæ

tu- æ trá-de-ret Ma- jestá-ti: regnum ve-ri- tá- tis et vi-tæ; regnum

sancti- tá- tis et grá- ti- æ; regnum justí- ti- æ, amó-ris et pa-cis.

Et íd-e- o cum Ange- lis et Archánge- lis, cum Thro-nis et Domi-

na- ti- ó-ni-bus, cumque omni mi- lí- ti- a cæ-léstis ex-érci- tus,

hymnum gló-ri- æ tu- æ cá-nimus, si-ne fi-ne di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO FERIALIS DE SPIRITU SANCTO

Per ómni- a sæ-cu-la sæ-cu-ló- rum. **R.** Amen. **✠** Dómi- nus
 vo- bíscum. **R.** Et cum spí- ri- tu tu- o. **✠** Sur-sum corda.
R. Ha- bé-mus ad Dómi-num. **✠** Grá- ti- as a- gá-mus Dó-mi- no
 De- o nostro. **R.** Dignum et justum est.
Ve-re dignum et justum est, æquum et sa- lu- tá- re, nos
 ti- bi semper, et u- bí-que grá- ti- as á-ge- re: Dó-mi- ne,
 sancte Pa- ter, omní-po-tens æ-térne De- us: per Christum Dó-
 mi-num nostrum. **Q**ui ascéndens su-per omnes cæ- los, se- déns-



que ad dēx-te-ram tu-am, pro-mís-sum Spí-ri-tum Sanctum in
fí-li-os ad-op-ti-ó-nis ef-fú-dit. Quaprópter pro-fú-sis gáu-
di-is, to-tus in orbe ter-rá-rum mundus exsúl-tat. Sed
et su-pérnæ Vir-tú-tes, atque angé-li-cæ Po-te-stá-tes,
hymnum gló-ri-æ tu-æ cónci-nunt, si-ne fi-ne di-cén-tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.


Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO FERIALIS DE SANCTISSIMA TRINITATE

P er ómni- a sæ-cu-la sæ-cu-ló- rum. **R.** Amen. **V.** Dómi-nus
vo-bís-cum. **R.** Et cum spí- ri- tu tu- o. **V.** Sursum corda.
R. Ha-bé-mus ad Dó-mi-num. **V.** Grá- ti- as a-gá-mus Dó-mi- no
De- o nostro. **R.** Dignum et justum est.
V e-re dignum et justum est, æquum et sa-lu-tá-re, nos ti-bi
semper, et u-bíque grá- ti- as á-ge-re: Dómi-ne, sancte Pa-ter,
omní-po-tens æ-térne De- us: **Q**ui cum u-ni-gé-ni-to Fí-li- o tu- o,
et Spí-ri-tu Sancto, u-nus es De- us, u-nus es Dómi-nus:



non in u-ní-us singu-la-ri-tá-te persónæ, sed in u-ní-us Tri-
 ni-tá-te substánti-æ. Quod e-nim de tu-a gló-ri-a, re-ve-lánte te,
 cré-dimus, hoc de Fí-li-o tu-o, hoc de Spí-ri-tu Sancto, si-ne
 dif-fe-rénti-a discre-ti-ó-nis sentímus. Ut in confessi-ó-ne ve-ræ
 sempi-ternæque De-i-tá-tis, et in persó-nis proprí-e-tas, et in essén-
 ti-a ú-ni-tas, et in ma-jestá-te ad-o-ré-tur æquá-li-tas. Quam laudant
 Ange-li atque Archánge-li, Ché-ru-bim quoque ac Sé-raphim:
 qui non cessant clamá-re quo-tí-di-e, u-na vo-ce di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO FERIALIS DE BEATA MARIA VIRGINE


In Missis de Conceptione immaculata dicitur: Et te in Conceptione immaculata.

In Missis de Septem Doloribus dicitur: Et te in Transfixione.

In Missis de Monte Carmelo dicitur: Et te in Commemoratione.

In Missis votivis, in quibus speciale Mysterium non sit exprimendum, dicitur: Et te in Veneratione.

Per ómni- a sæ- cu- la sæ- cu- ló- rum. **R.** Amen. **℣** Dómi- nus
vo- bíscum. **R.** Et cum spí- ri- tu tu- o. **℣** Sursum corda.
R. Ha- bé- mus ad Dó- mi- num. **℣** Grá- ti- as a- gá- mus Dó- mi- no
De- o nostro. **R.** Dignum et ju- stum est.
Ve- re dignum et justum est, æquum et sa- lu- tá- re, nos ti- bi sem-
per, et u- bíque grá- ti- as á- ge- re: Dómi- ne, sancte Pa- ter, omní-
po- tens æ- térne De- us: **Et te in * * * * *** be- á- tæ Ma- rí- æ



semper Vírgi-nis collaudá-re, be-ne-dí-ce-re et præ-di-cá-re. Quæ et

U-ni-gé-ni-tum tu-um Sancti Spí-ri-tus ob-umbra-ti-ó-ne concé-pit:

et virgi-ni-tá-tis gló-ri-a per-ma-nén-te, lumen æ-térnum mundo

ef-fúdit, Je-sum Christum Dómi-num nostrum. Per quem ma-je-stá-

tem tu-am laudant Ange-li, ad-ó-rant Domi-na-ti-ó-nes, tremunt Po-

testá-tes. Cæ-li, cæ-lo-rúm-que Virtú-tes, ac be-á-ta Sé-raphim, só-ci-a

exsul-ta-ti-ó-ne concé-lebrant. Cum quibus et nostras vo-ces, ut ad-

mít-ti jú-be-as, depre-cámur, súppli-ci confessi-ó-ne di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.


Benedíctus qui venit in nómine Dómini.

Hosánna in excélsis.

PRÆFATIO FERIALIS DE S. IOSEPH, SPONSO B. M. V.

Per ómni- a sæ-cu- la sæ-cu- ló- rum. **R.** Amen. **V.** Dómi-nus
vo- bíscum. **R.** Et cum spí- ri- tu tu- o. **V.** Sur-sum corda,
R. Ha- bé-mus ad Dó-mi-num. **V.** Grá- ti- as a- gá-mus Dó-mi- no
De- o nostro. **R.** Dignum et justum est.

Ve-re dignum et justum est, æquum et sa-lu- tá-re, nos ti-bi sem-
per, et u-bíque grá-ti- as á-ge-re: Dómi-ne, sancte Pa-ter, omní-po-tens
æ-térne De- us: **Et** te in Ve-ne-ra- ti- ó-ne be- á- ti Joseph dé-bi- tis
mag- ni- fi- cá- re præ- có- ni- is, be- ne- dí- ce- re et præ- di- cá- re.



Qui et vir justus, a te De-í-pa-ræ Vírgi-ni Sponsus est da-tus:

et fi-dé-lis ser-vus ac pru-dens, su-per Fa-mí-li-am tu-am est

consti-tú-tus: ut U-ni-gé-ni-tum tu-um, Sancti Spí-ri-tus ob-umbra-

ti-ó-ne concéptum, pa-térna vi-ce custo-dí-ret, Je-sum Christum

Dó-mi-num nostrum. Per quem ma-je-stá-tem tu-am lau-dant

Ange-li, ad-ó-rant Domi-na-ti-ó-nes, tremunt Po-testá-tes.

Cæ-li, cæ-lo-rúm-que Virtú-tes, ac be-á-ta Sé-raphim, só-ci-a

exsul-ta-ti-ó-ne concé-lebrant. Cum quibus et nostras vo-ces, ut

admít-ti jú-be-as, depre-cámur, súppli-ci confessi-ó-ne di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO FERIALIS DE APOSTOLIS

P er ómni- a sæ-cu- la sæ-cu- ló- rum. **R.** Amen. **V.** Dómi- nus

vo- bíscum. **R.** Et cum spí- ri- tu tu- o. **V.** Sursum cor-da.

R. Ha-bémus ad Dó-mi- num. **V.** Grá- ti- as a- gámus Dó-mi- no


De- o nostro. **R.** Dignum et justum est.

V e-re dignum et justum est, æquum et sa-lu-tá-re: **Te**, Dómi-ne,

supplí-ci-ter ex-o-rá-re, ut gre-gem tu-um, pastor æ-térne, non dé-

se-ras: sed per be- á-tos A-pósto-los tu- os, contínu- a pro-tec-ti-

ó-ne custó-di- as: Ut i- ísdem rectó-ri-bus gu-berné-tur, quos ó-



pe-ris tu- i vi-cá- ri- os e- í-dem contu-lí-sti præ- ésse pastó-
res. Et íd-e- o cum Ange- lis et Archánge- lis, cum Thro-nis
et Domi-na-ti- ó-ni-bus, cumque omni mi- lí- ti- a cæ-léstis ex-ér-
ci- tus, hymnum gló- ri- æ tu- æ cá-nimus, si-ne fi-ne di-céntes;

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.


Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO FERIALIS COMMUNIS

P er ómni- a sæ- cu- la sæ- cu- ló- rum. **R.** Amen. **V.** Dómi- nus
 vo- bís- cum. **R.** Et cum spí- ri- tu tu- o. **V.** Sursum cor- da.
R. Ha- bémus ad Dómi- num. **V.** Grá- ti- as a- gámus Dómi- no
 De- o nostro. **R.** Dignum et justum est.
V e- re dignum et justum est, æquum et sa- lu- tá- re, nos
 ti- bi semper, et u- bí- que grá- ti- as á- ge- re: Dómi- ne,
 sancte Pa- ter, omní- po- tens æ- térne De- us: per Chri- stum Dó-
 mi- num nostrum. Per quem ma- jestá- tem tu- am laudant Ange- li,



ad-ó-rant Domi-na-ti-ó-nes, tremunt Po-testá-tes. Cæ-li, cæ-lo-
rúmque Virtú-tes, ac be-á-ta Sé-raphim, só-ci-a exsul-ta-ti-ó-ne
concé-lebrant. Cum quibus et nostras vo-ces, ut admít-ti júbe-as,
depre-cámur, súppli-ci confessi-ó-ne di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.


Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DEFUNCTORUM

P er ómni- a sæ-cu- la sæ-cu- ló- rum. **R.** Amen. **V.** Dómi- nus
vo- bíscum. **R.** Et cum spí- ri- tu tu- o. **V.** Sursum cor-da,
R. Ha-bémus ad Dó-mi- num. **V.** Grá- ti- as a- gámus Dó-mi- no
De- o nostro. **R.** Dignum et justum est.
V. e-re dignum et justum est, æquum et sa-lu- tá-re, nos ti-bi sem-
per, et u-bíque grá- ti- as á-ge-re: Dómi-ne, sancte Pa-ter, omní-
po-tens æ-térne De- us: per Christum Dómi-num nostrum. **In** quo no-
bis spes be- á-tæ re-surrecti- ó-nis ef-fúlsit, ut quos contrístat cer-



ta mo-ri- éndi condí- ti- o, e- ósdem conso-lé-tur fu-tú-ræ immor-
 ta- li-tá- tis promís-si- o. Tu- is e- nim fi-dé- libus, Dómi-ne, vi- ta
 mu- tá-tur, non tól-li-tur, et disso-lú-ta terréstris hu-jus inco-lá- tus do-
 mo, æ-térna in cæ-lis ha-bi-tá- ti- o compa-rá-tur. Et íd-e- o
 cum Ange-lis et Archán-ge- lis, cum Thronis et Domi-na- ti- ó-ni-bus,
 cumque omni mi- lí- ti- a cæ-lé- stis ex-ér-ci-tus, hymnum gló-ri- æ
 tu-æ cá-nimus, si-ne fi-ne di-céntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIONES SINE CANTU

PRÆFATIO DE NATIVITATE DOMINI

Sequens præfatio dicitur:

a) tamquam propria in Missis de Nativitate Domini et de eiusdem octava, necnon in festo Purificationis B. Mariæ Virginis;

b) tamquam de Tempore, infra octavam Nativitatis Domini, etiam in Missis quæ secus præfationem propriam haberent, exceptis iis Missis quæ præfationem propriam de divinis mysteriis vel Personis habent; et a die 2 ad 5 ianuarii.

Per ómnia sǣcula sǣculórum.
R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi

semper, et ubíque grátias ágere: Dómine, sancte Pater, omnípotens ætérne Deus: **Q**uia, per incarnáti Verbi mystérium, nova mentis nostræ óculis lux tuæ claritátis infúlsit: ut dum visibíliter Deum cognóscimus, per hunc in invisibílium amórem rapiámur. Et ídeo cum Angelis et Archángelis, cum Thronis et Dominationibus: cumque omni milítia cæléstis exércitus, hymnum glóriæ tuæ cánimus, sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

Infra Actionem Communicátes **propr.**, ut **infra in Canone** 292.
In prima vero Missa Nativitatis Domini dicitur: et noctem sacratíssimam celebrátes, qua **etc.**; **deinde semper dicitur** diem sacratíssimum celebrátes, quo **etc.**, usque ad octavam Nativitatis Domini inclusive.

PRÆFATIO DE EPIPHANIA DOMINI

Sequens præfatio dicitur:

a) tamquam propria in Missis de festo Epiphaniæ et de Commemoratione Baptismatis D. N. Iesu Christi;

b) tamquam de Tempore diebus a 7 ad 13 ianuarii.

Per ómnia sǣcula sǣculórum.

R. Amen.

V. Dóminus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi

semper, et ubíque grátias ágere: Dómine, sancte Pater, omnípotens ætérne Deus: **Q**uia, cum Unigénitus tuus in substántia nostræ mortalitátis appáruit, nova nos immortalitátis suæ luce reparávit. Et ídeo cum Angelis et Archángelis, cum Thronis et Dominatiónibus, cumque òmni milítia cæléstis exércitus, hymnum glóriæ tuæ cánimus, sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

Infra Actionem Communicátes **propr.**, ut **infra in Canone** 292.

Et dicitur in festo tantum.

PRÆFATIO DE QUADRAGESIMA

Sequens præfatio dicitur:

a) tamquam propria in Missis de Tempore a feria IV cinerum usque ad sabbatum ante dominicam I Passionis;

b) tamquam de Tempore in ceteris Missis quæ celebrantur eodem tempore, et præfatione propria carent.

Per ómnia sácula sæculórum.
R. Amen.

V. Dóminus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper, et ubíque grátias ágere:

Dómine, sancte Pater, omnipotens ætérne Deus: **Q**ui corporáli ieiúnio vítia cómprimis, mentem élevas, virtútem largírís, et prémia: per Christum Dóminum nostrum. Per quem maiestátem tuam laudant Angeli, adórant Dominatiónes, tremunt Potestátes. Cæli, cælorúmque Virtútes, ac beáta Séraphim, sócia exsultatióne concélebrant. Cum quibus et nostras voces, ut admítte iúbeas, deprecámur, súpplíci confessióne dicéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE SANCTA CRUCE

Sequens præfatio dicitur:

a) tamquam propria in Missis de Tempore a dominica I Passionis usque ad feriam V in Cena Domini; in Missis tam festivis quam votivis de sancta Cruce, de Passione Domini, et instrumentis Passionis Domini, de pretiosissimo Sanguine D. N. Iesu Christi, de Ssmo Redemptore;

b) tamquam de Tempore in omnibus Missis a dominica I Passionis usque ad feriam IV Hebdomadæ sanctæ, quæ præfatione propria carent.

Per ómnia sǣcula sǣculórum.
R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper, et ubique grátias ágere: Dómine, sancte Pater, omnípotens

ætérne Deus: **Q**ui salútem humáni géneris in ligno Crucis constituísti: ut unde mors oriebátur, inde vita resúrgeret: et qui in ligno vincébat, in ligno quoque vincerétur: per Christum Dóminum nostrum. Per quem maiestátem tuam laudant Angeli, adórant Dominationés, tremunt Potestátes. Cæli, cælorúmque Virtútes, ac beáta Séraphim, sócia exsultatióne concélebrant. Cum quibus et nostras voces, ut admítte iúbeas, deprecámur, súpplíci confessióne dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO PASCHALIS

Sequens præfatio dicitur:

a) tamquam propria in Missis de Tempore a Missa Vigiliæ paschalis usque ad vigiliam Ascensionis Domini;

b) tamquam de Tempore in ceteris Missis quæ celebrantur eodem tempore, et præfatione propria carent.

In Missa Vigiliæ paschalis dicitur: in hac potissimum nocte; a die Paschæ usque ad sabbatum in albis inclusive: in hac potissimum die; alias: in hoc potissimum.

Per ómnia sæcula sæculórum.

R7. Amen.

V. Dóminus vobíscum.

R7. Et cum spírítu tuo.

V. Sursum corda.

R7. Habémus ad Dóminum.

V. Grátias agámus Dómino Deo nostro.

R7. Dignum et iustum est.

Vere dignum et iustum est, æquum et salutáre: **T**e quidem, Dómine, omni témpore, sed

in hac potissimum die (**vel** in hoc potissimum) gloriósius prædicáre, cum Pascha nostrum immolátus est Christus. Ipse enim verus est Agnus, qui ábstulit peccáta mundi. Qui mortem nostram moriéndo destrúxit, et vitam resurgéndo reparávit. Et ídeo cum Angelis et Archángelis, cum Thronis et Dominationibus, cumque omni milítia cæléstis exércitus, hymnum glóriæ tuæ cánimus, sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

Infra Actionem Communicántes et Hanc ígitur propr., ut infra in Canone 292 et 293.

Sic dicitur a Missa Vigiliæ paschalis usque ad sabbatum in albis inclusive. In Missa autem Vigiliæ paschalis dicitur: et noctem sacratíssimam celebrántes.

PRÆFATIO DE ASCENSIONE DOMINI

Sequens præfatio dicitur:

- a) tamquam propria in festo Ascensionis Domini;
 b) tamquam de Tempore in omnibus Missis a feria VI post Ascensionem usque ad feriam VI ante vigiliam Pentecostes, quæ præfatione propria carent.

Per ómnia sácula sæculórum.

R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper, et ubíque grátias ágere:

Dómine, sancte Pater, omnípotens ætérne Deus: per Christum Dóminum nostrum. **Q**ui post resurrectionem suam ómnibus discipulis suis manifestus apparuit, et ipsis cernéntibus est elevátus in cælum, ut nos divinitátis suæ tribúeret esse partícipes. Et ídeo cum Angelis et Archángelis, cum Thronis et Dominationíbus, cumque omni milítia cæléstis exércitus, hymnum glóriæ tuæ cánimus, sine fine dicéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

Infra Actionem Communicántes **propr.**, ut **infra in Canone** 292.
Et dicitur in festo tantum.

PRÆFATIO DE SACRATISSIMO CORDE IESU

Sequens præfatio dicitur in Missis festivis et votivis de Ssmo Corde Iesu.

Per ómnia sǣcula sǣculórum.

R7. Amen.

V. Dóminus vobíscum.

R7. Et cum spírítu tuo.

V. Sursum corda.

R7. Habémus ad Dóminum.

V. Grátias agámus Dómino Deo nostro.

R7. Dignum et iustum est.

Vere dignum et iustum est, æquum et salutáre, nos tibi semper, et ubíque grátias ágere: Dómine, sancte Pater, omnípotens

æterne Deus: **Q**ui Unigénitum tuum in cruce pendéntem láncea mílitis transfigi voluísti, ut apértum Cor, divínæ largitátis sacrárium, torrén-tes nobis fúnderet miseratiónis et grátia, et quod amóre nostri fla-gráre numquam déstitit, piis esset réquies et pæniténtibus patéret sa-lútis refúgium. Et ídeo cum Angelis et Archángelis, cum Thronis et Do-minatió nibus, cumque omni milítia cæléstis exércitus, hymnum glóriæ tuæ cánimus, sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE D. N. IESU CHRISTO REGE

Sequens præfatio dicitur in Missis festivis et votivis de D. N. Iesu Christo Rege.

Per ómnia sæcula sæculórum.

R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper, et ubíque grátias ágere: Dómine, sancte Pater, omnípotens ætérne Deus: **Q**ui unigénitum Fílium tuum Dóminum nostrum Iesum Christum, Sacerdótem ætér-

num et universórum Regem, óleo exsultatiónis unxísti: ut, seípsum in ara crucis, hóstiam immaculátam et pacíficam ófferens, redemptiόνis humánæ sacraménta perágeret: et suo subiéctis império ómnibus creatúris, ætérnum et universále regnum imménsæ tuæ tráderet Maiestáti: regnum veritátis et vitæ; regnum sanctitátis et grátiae; regnum iustítiæ, amóris et pacis. Et ídeo cum Angelis et Archángelis, cum Thronis et Dominationíbus, cumque omni militiæ cæléstis exércitus, hymnum glóriæ tuæ cánimus, sine fine dicéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE SPIRITU SANCTO

Sequens præfatio dicitur:

a) tamquam propria in Missis de Tempore a vigilia Pentecostes usque ad subsequens sabbatum; et in Missis festivis et votivis de Spiritu Sancto;

b) tamquam de Tempore in ceteris Missis quæ celebrantur eodem tempore, et præfatione propria carent.

Per ómnia sǣcula sǣculórum.

R. Amen.

V. Dóminus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper, et ubíque grátias ágere:

Dómine, sancte Pater, omnipotens ætérne Deus: per Christum Dóminum nostrum. **Q**ui ascéndens super omnes cælos, sedénsque ad dexteram tuam, promíssum Spírítum Sanctum (hodiérna die) in filios adoptionis effúdit. Quaprópter profúsis gáudiis, totus in orbe terrárum mundus exsúltat. Sed et supérnæ Virtútes, atque angélicæ Potestátes, hymnum glóriæ tuæ cóncinunt, sine fine dicéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

Infra Actionem Communicántes **et** Hanc ígitur **propr.**, ut **infra in Canone** 292 **et** 293.

Et dicitur tantum a Vigilia Pentecostes usque ad sequens sabbatum inclusive, in omnibus Missis.

PRÆFATIO DE SANCTISSIMA TRINITATE

Sequens præfatio dicitur:

- a) tamquam propria in Missis de festo et votivis Ssmæ Trinitatis;
 b) tamquam de Tempore in dominicis Adventus, et in omnibus dominicis II classis, extra tempus natalicium et paschale.

Per ómnia sæcula sæculórum.

R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper, et ubique grátias ágere: Dómine, sancte Pater, omnípotens ætérne Deus: **Q**ui cum unigénito Fílio tuo, et Spíritu Sancto, unus es

Deus, unus es Dóminus: non in uníus singularitáte persónæ, sed in uníus Trinitáte substántiæ. Quod enim de tua glória, revelánte te, crédimus, hoc de Fílio tuo, hoc de Spíritu Sancto, sine differentia discretiónis sentímus. Ut in confessióne veræ sempiternæque Deitátis, et in persónis proprietas, et in esséntia únitas, et in maiestáte adorétur æquálitas. Quam laudant Angeli atque Archángeli, Chérubim quoque ac Séraphim: qui non cessant clamáre quotidie, una voce dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE BEATA MARIA VIRGINE

Sequens præfatio dicitur in Missis festivis et votivis beatæ Mariæ Virginis, præterquam in festo Purificationis B. Mariæ Virginis.

Dicitur autem vel Et te in Annuntiatióne, vel Visitatióne, vel Assumpti-
 óne, vel Nativitate, vel Præsentatióne, secundum denominationem
 Festi. — In Missis vero de Conceptione immaculata dicitur: Et te in
 Conceptione immaculata. — In Missis de Septem Doloribus dicitur:
 Et te in Transfixi-
 óne. — In Commemoratione de Monte Carmelo dicitur:
 Et te in Commemoratione. — In omnibus aliis festis beatæ Mariæ Virginis
 dicitur: Et te in Festivitate. — In Missa sanctæ Mariæ in sabbato et in
 Missis votivis in quibus speciale Mysterium non sit exprimendum, dicitur:
 Et te in Venerati-
 óne.

Per ómnia sæcula sæculórum.

R7. Amen.

V. Dóminus vobíscum.

R7. Et cum spíritu tuo.

V. Sursum corda.

R7. Habémus ad Dóminum.

V. Grátias agámus Dómino Deo
 nostro.

R7. Dignum et iustum est.

Vere dignum et iustum est,
 æquum et salutáre, nos tibi
 semper, et ubique grátias ágere:
 Dómine, sancte Pater, omnípotens
 ætérne Deus: **E**t te in *** beátæ

Mariæ semper Vírginis collaudáre,
 benedícere et prædicáre. Quæ et
 Unigénitum tuum Sancti Spíritus
 obumbrati-
 óne concépit: et virgini-
 tátis glória permanénte, lumen
 ætérnum mundo effúdit, Iesum
 Christum Dóminum nostrum. Per
 quem maiestátem tuam laudant
 Ángeli, adórant Dominationes, tre-
 munt Potestátes. Cæli, cælórúmque
 Virtútes, ac beáta Séraphim, sócia
 exsultati-
 óne concélebrant. Cum
 quibus et nostras voces, ut admít-
 ti iúbeas, deprecámur, súp-
 plici con-
 fessi-
 óne dicéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE SANCTO IOSEPH, SPONSO B. M. V.

Sequens præfatio dicitur in Missis festivis et votivis S. Ioseph.

In festo S. Ioseph, die 19 martii, dicitur: Et te in Festivitate.

In festo S. Ioseph Opificis, die 1 maii, dicitur: Et te in Solemnitate.

In Missis votivis dicitur: Et te in Veneratione.

Per omnia sæcula sæculorum.

R. Amen.

V. Dóminus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre, nos tibi semper, et ubíque grátias ágere: Dómine, sancte Pater, omnípotens ætérne Deus: **E**t te in *** beáti Ioseph débitis magnificáre præcò-

niis, benedícere et prædicáre. Qui et vir iustus, a te Deíparæ Vírgini Sponsus est datus: et fidélis servus ac prudens, super Famíliam tuam est constitútus: ut Unigénitum tuum, Sancti Spírítus obumbratióne concéptum, patérna vice custodíret, Iesum Christum Dóminum nostrum. Per quem maiestátem tuam laudant Angeli, adórant Dominationes, tremunt Potestátes. Cæli, cælorúmque Virtútes, ac beáta Séraphim, sócia exsultatióne concélebrant. Cum quibus et nostras voces, ut admítte iúbeas, deprecámur, súpplíci confessióne dicéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE APOSTOLIS

Sequens præfatio dicitur in Missis festivis et votivis Apostolorum et Evangelistarum.

Per ómnia sǣcula sǣculórum.
R. Amen.

V. Dóminus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre: **T**e, Dó-

mine, suppliciter exoráre, ut gregem tuum, pastor ætérne, non déserras: sed per beátos Apóstolos tuos, contínua protectióne custódias: Ut iisdem rectóribus gubernétur, quos óperis tui vicários eídem contulísti præesse pastóres. Et ídeo cum Angelis et Archángelis, cum Thronis et Dominationibus, cumque omni milítia cæléstis exércitus, hymnum glóriæ tuæ cánimus, sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO COMMUNIS

Sequens præfatio dicitur in Missis quæ præfatione propria carent, nec sumere debent præfationem de Tempore.

Per ómnia sæcula sæculórum.
R7. Amen.

V. Dóminus vobíscum.

R7. Et cum spírítu tuo.

V. Sursum corda.

R7. Habémus ad Dóminum.

V. Grátias agámus Dómino Deo nostro.

R7. Dignum et iustum est.

Vere dignum et iustum est, æquum et salutáre, nos tibi

semper, et ubíque grátias ágere: Dómine, sancte Pater, omnípotens ætérne Deus: per Christum Dóminum nostrum. Per quem maiestátem tuam laudant Angeli, adórant Dominatiónes, tremunt Potestátes. Cæli, cælorúmque Virtútes, ac beáta Séraphim, sócia exsultatióne concélebrant. Cum quibus et nostras voces, ut admítte iúbeas, deprecámur, súpplíci confessióne dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DEFUNCTORUM

Sequens præfatio dicitur in Missis defunctorum.

Per ómnia sǣcula sǣculórum.
R7. Amen.

V. Dóminus vobíscum.

R7. Et cum spírítu tuo.

V. Sursum corda.

R7. Habémus ad Dóminum.

V. Grátias agámus Dómino Deo nostro.

R7. Dignum et iustum est.

Vere dignum et iustum est, æquum et salutáre, nos tibi semper, et ubíque grátias ágere: Dómine, sancte Pater, omnípotens ætérne Deus: per Christum Dómi-

num nostrum. **I**n quo nobis spes beátæ resurrectionis effúlsit, ut quos contrístat certa moriéndi condítio, eósdem consolétur futúræ immortalitátis promíssio. Tuis enim fidélibus, Dómine, vita mutátur, non tóllitur, et dissolúta terréstris huius incolátus domo, ætérna in cælis habitátio comparátur. Et ídeo cum Angelis et Archángelis, cum Thronis et Dominationíbus, cumque omni milítia cæléstis exércitus, hymnum glóriæ tuæ cánimus, sine fine dicéntes:


Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.



CANON MISSÆ

Finita præfatione, sacerdos extendens, elevans aliquantum et iungens manus, elevansque ad cælum oculos, et statim demittens, profunde inclinatus ante altare, manibus super eo positus, dicit secreto :

Te igitur, clementissime Pater, per Iesum Christum Filium tuum Dóminum nostrum, súplices rogámus, ac pétimus, **osculatur altare, et iunctis manibus ante pectus, dicit :** uti accépta hábeas, et benedícas **signat ter super hostiam, et calicem simul, dicens :** hæc ✚ dona, hæc ✚ múnera, hæc ✚ sancta sacrificia illibáta, **extensis manibus prosequitur :** in primis, quæ tibi offérimus pro Ecclésia tua sancta cathólica : quam pacificáre, custodíre, adunáre, et régere dignéris toto orbe terrárum : una cum fámulo tuo Papa nostro **N.** et Antístite nostro **N.** et ómnibus orthodoxis, atque cathólicæ, et apostólicæ fídei cultóribus.

Commemoratio pro vivis

Meménto, Dómine, famulórum, famularúmque tuárum **N. et N., iungit manus, orat aliquantulum pro quibus orare intendit : deinde manibus extensis prosequitur :** et ómnium circumstántium, quorum tibi fides cógnita est, et nota devótio, pro quibus tibi offérimus : vel qui tibi ófferunt hoc sacrificium laudis, pro se, suísque ómnibus : pro redemptione animárum suárum, pro spe salutis, et incolumitátis suæ : tibíque reddunt vota sua ætérno Deo, vivo et vero.

¶ **Pro** Communicántes **propr., ut infra 292.**

Infra Actionem

Communicántes, et memóriam venerántes, in primis gloriósæ semper Vírginis Maríæ, Genetrícis Dei et Dómini nostri Iesu Christi : sed et beáti Ioseph eiúsdem Vírginis Sponsi, et beatórum Apostolórum ac Mártyrum tuórum, Petri et Pauli, Andréæ, Iacóbi, Ioánnis, Thomæ, Iacóbi, Philíppi, Bartholomæi, Matthæi, Simónis et Thaddæi : Lini, Cleti, Cleméntis, Xysti, Cornélii, Cypriani, Lauréntii, Chrysógoni, Ioánnis et Pauli, Cosmæ

et Damiáni: et ómnium Sanctórum tuórum; quorum méritis, precibúsque concédas, ut in ómnibus protectiόνis tuæ muniámur auxílio. **Iungit manus.** Per eúndem Christum Dóminum nostrum. Amen.

¶ **Pro** Hanc igitur **propr.**, ut **infra** 293.

Tenens manus expansas super oblata, dicit:

Hanc igitur oblatiόνem servitútis nostræ, sed et cunctæ famíliæ tuæ, quæsumus, Dómine, ut placátus accípias: diésque nostros in tua pace dispónas, atque ab ætéRNA damnatióne nos éripi, et in electórum tuórum iúbeas grege numerári. **Iungit manus.** Per Christum Dóminum nostrum. Amen.

Quam oblatiόνem tu, Deus, in ómnibus, quæsumus, **signat ter super oblata**, bene **✠** díctam, adscríp **✠** tam, ra **✠** tam, rationábilem, acceptabilémque fácere dignéris: **signat semel super hostiam**, ut nobis Cor **✠** pus, **et semel super calicem**, et San **✠** guis fiat dilectíssimi Fílii tui, **iungit manus**, Dómini nostri Iesu Christi.

¶ **Per annum**, ut **infra** 294.



Infra Actionem

In NATIVITATE DOMINI

et per octavam

Communicantes, et (noctem sacratissimam) diem sacratissimum celebrantes, quo (qua) beatæ Mariæ intemerata virginitas huic mundo edidit Salvatorem: sed et memoriam venerantes, in primis eiusdem gloriosæ semper Virginis Mariæ, Genetrícis eiusdem Dei et Dómini nostri Iesu Christi: †

In EPIPHANIA DOMINI

Communicantes, et diem sacratissimum celebrantes, quo Unigénitus tuus in tua tecum glória coæternus, in veritate carnis nostræ visibíliter corporális apparuit: sed et memoriam venerantes, in primis gloriosæ semper Virginis Mariæ, Genetrícis eiusdem Dei et Dómini nostri Iesu Christi: †

A MISSA VIGILÆ PASCHALIS

usque ad sabbatum in albis

Communicantes, et (noctem sacratissimam) diem sacratissimum celebrantes Resurrectiónis

Dómini nostri Iesu Christi secundum carnem: sed et memoriam venerantes, in primis gloriosæ semper Virginis Mariæ, Genetrícis eiusdem Dei et Dómini nostri Iesu Christi: †

In ASCENSIONE DOMINI

Communicantes, et diem sacratissimum celebrantes, quo Dóminus noster, unigénitus Fílius tuus, unitam sibi fragilitátis nostræ substantiam, in glóriæ tuæ dextera collocávit: sed et memoriam venerantes, in primis gloriosæ semper Virginis Mariæ, Genetrícis eiusdem Dei et Dómini nostri Iesu Christi: †

A VIGILIA PENTECOSTES

usque ad sequens sabbatum

Communicantes, et diem sacratissimum Pentecóstes celebrantes, quo Spíritus Sanctus Apóstolis innúmeris linguis apparuit: sed et memoriam venerantes, in primis gloriosæ semper Virginis Mariæ, Genetrícis Dei et Dómini nostri Iesu Christi: †

†sed et beāti Joseph eiúsdem Vírginis Sponsi, et beatórum Apostolórum ac Mártýrum tuórum, Petri et Pauli, Andréæ, Iacóbi, Ioánnis, Thomæ,

Iacóbi, Philíppi, Bartholomæi, Matthæi, Simónis et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Ioánnis et Pauli, Cosmæ et Damiáni: et ómnium Sanctórum tuórum; quorum méritis, precibúsq; concedas, ut in ómnibus protectiόνis tuæ muniámur auxilio. **Iungit manus.** Per eúndem Christum Dóminum nostrum. Amen.

Tenens

manus expansas

super oblata,

dicit:

Hanc igitur oblatiόνem servitútis nostræ, sed et cunctæ familiæ tuæ, quæsumus, Dómine, ut placátus accípias: diésque nostros in tua pace dispónas, atque ab ætérna damnatióne nos éripi, et in electórum tuórum iúbeas grege numerári. **Iungit manus.** Per Christum Dóminum nostrum. Amen.

A MISSA VIGILIÆ PASCHALIS usque ad sabbatum in albis et a VIGILIA PENTECOSTES usque ad sequens sabbatum:

Hanc igitur oblatiόνem servitútis nostræ, sed et cunctæ familiæ tuæ, quam tibi offérimus pro his quoque, quos regeneráre dignátus es ex aqua et Spíritu Sancto, tríbuens eis remissiόνem ómnium peccatórum, quæsumus, Dómine, ut placátus accípias: diésque nostros in tua pace dispónas, atque ab ætérna damnatióne nos éripi, et in electórum tuórum iúbeas grege numerári. **Iungit manus.** Per Christum Dóminum nostrum. Amen.

Quam oblatiόνem tu, Deus, in ómnibus, quæsumus, **signat** **ter super oblata,** bene ✠ díctam, adscríp ✠ tam, ra ✠ tam, rationábilem, acceptabilémque fácere dignéris: **signat semel super hostiam,** ut nobis Cor ✠ pus, **et semel super calicem,** et San ✠ guis fiat dilectíssimi Fílii tui, **iungit manus,** Dómini nostri Iesu Christi.

Qui prídie, **ut infra** 294.

✠ **Q**ui pridie, quam pateretur, **accipit hostiam**, accé-
 pit panem in sanctas, ac venerabiles manus suas,
elevat oculos ad cælum, et elevatis oculis in cælum ad
 te Deum Patrem suum omnipotentem, **caput inclinat**,
 tibi grátias agens, **signat super hostiam**, bene ✠ díxit,
 fregit, dedítque discípulis suis, dicens : Accípite, et man-
 ducáte ex hoc omnes.

**Tenens ambabus manibus hostiam inter indices et polli-
 ces, profert verba consecrationis distincte et attente
 super hostiam, et simul super omnes, si plures sint
 consecrandæ.**

Hoc est enim Corpus meum.

**Quibus verbis prolatis, statim hostiam consecratam ge-
 nuflexus adorat : surgit, ostendit populo, reponit super
 corporale, et genuflexus iterum adorat : nec amplius pol-
 lices et indices disiungit, nisi quando hostia tractanda
 est, usque ad ablutionem digitorum. Tunc, detecto calice,
 dicit :**

Símili modo postquam cenátum est, **ambabus manibus
 accipit calicem**, accípiens et hunc præclárum Cálicem
 in sanctas ac venerabiles manus suas : item **caput incli-
 nat**, tibi grátias agens, **sinistra tenens calicem, dextera
 signat super eum**, bene ✠ díxit, dedítque discípulis suis,
 dicens : Accípite, et bíbite ex eo omnes.

**Profert verba consecrationis super calicem, attente, et
continue, tenens illum parum elevatum.**

**Hic est enim
Calix Sanguinis mei,
novi et æterni testaménti :
mystérium fidei :
qui pro vobis et pro multis
effundétur in remissionem
peccatórum.**

**Quibus verbis prolatis, deponit calicem super corporale,
et dicens :**

**Hæc quotiescúmque fecéritis, in mei memóriam faciétis.
Genuflexus adorat : surgit, ostendit populo, deponit, coo-
perit, et genuflexus iterum adorat.**

Deinde disiunctis manibus dicit :

Unde et mémores, Dómine, nos servi tui, sed et plebs
tua sancta, eiúsdem Christi Fílii tui Dómini nostri
tam beátæ passiónis, nec non et ab ínferis resurrectionis
sed et in cælos gloriósæ ascensionis : offérimus præcláræ
maiestáti tuæ de tuis donis, ac datis, **iungit manus, et
signat ter super hostiam, et calicem simul, dicens : hó-
stiam ✠ puram, hóstiam ✠ sanctam, hóstiam ✠ im-
maculátam, signat semel super hostiam, dicens : Pa-
nem ✠ sanctum vitæ æternæ, et semel super cali-
cem, dicens :** et Cálicem ✠ salútis perpétuæ.

Extensis manibus prosequitur :

Supra quæ propítio ac seréno vultu respícere dignéris : et accépta habére, sícuti accépta habére dignátus es múnera púeri tui iusti Abel, et sacrificium Patriárchæ nostri Abrahæ : et quod tibi óbtulit summus sacérdos tuus Melchísedech, sanctum sacrificium, immaculátam hóstiam.

Profunde inclinatus, iunctis manibus et super altare positus, dicit :

Súpplices te rogámus, omnípotens Deus : iube hæc perférri per manus sancti Angeli tui in sublíme altáre tuum, in conspéctu divínæ maiestátis tuæ : ut quotquot **osculatur altare**, ex hac altáris participatióne sacrosánctum Fílii tui **iungit manus, et signat semel super hostiam, et semel super calicem**, Cor **✙** pus, et Sán **✙** guinem sumpsérimus, **seipsum signat, dicens** : omni benedictióne cælésti et grátia repleámur. **Iungit manus.** Per eúndem Christum Dóminum nostrum. Amen.

Commemoratio pro defunctis

Meménto étiam, Dómine, famulórum famularúmque tuárum **N.** et **N.**, qui nos præcessérunt cum signo fídei, et dórmunt in somno pacis.

**Iungit manus, orat aliquantulum pro iis defunctis,
pro quibus orare intendit, deinde extensis manibus
prosequitur :**

Ipsis, Dómine, et ómnibus in Christo quiescéntibus,
locum refrigerií, lucis et pacis, ut indúlgeas deprecámur.

Iungit manus, et caput inclinat, dicens : Per eúndem
Christum Dóminum nostrum. Amen.

**Manu dextera percutit sibi pectus, elata aliquantulum
voce dicens :**

Nobis quoque peccatóribus **extensis manibus ut prius,
secrete prosequitur :** fámulis tuis, de multitudíne
miseratiónum tuárum sperántibus, partem áliquam, et so-
cietátem donáre dignéris, cum tuis sanctis Apóstolis et
Martyribus : cum Ioánnē, Stéphano, Matthía, Bárnaba,
Ignátio, Alexándro, Marcellíno, Petro, Felicitáte, Perpé-
tua, Agatha, Lúcia, Agnéte, Cæcília, Anastásia et óm-
nibus Sanctis tuis : intra quorum nos consórtium, non
æstimátor mériti, sed vénia, quæsumus, largítor admítte.
Iungit manus. Per Christum Dóminum nostrum.

Per quem hæc ómnia, Dómine, semper bona creas,
signat ter super hostiam, et calicem simul, dicens :
sanctí ✠ ficas, viví ✠ ficas, bene ✠ dícis, et præstas
nobis.

Discooperit calicem, genuflectit, accipit hostiam inter pollicem et indicem manus dexteræ: et tenens sinistra calicem, cum hostia signat ter a labio ad labium calicis, dicens :

Per ip **✠** sum, et cum ip **✠** so, et in ip **✠** so, **cum ipsa hostia signat bis inter se est calicem, dicens :** est tibi Deo Patri **✠** omnipoténti, in unitáte Spíritus **✠** Sancti, elevans parum calicem cum hostia, dicit : omnis honor, et glória.

Reponit hostiam, calicem palla cooperit, genuflectit, surgit et dicit intellegibili voce, vel cantat :



Lungit manus



Extendit manus

P a- ter noster, qui es in cæ- lis: Sancti- fi-

cé- tur nomen tu- um: Advé-ni- at regnum tu- um:

Fi- at vo- lúntas tu- a, sic- ut in cæ-lo, et in terra.

Pa-nem nostrum quoti-di- á-num da no-bis hó-di- e:

Et di- mít- te no- bis dé- bi- ta nostra, sic- ut

et nos di- mít- ti- mus de- bi- tó- ri- bus nostris.

Et ne nos indú- cas in ten- ta- ti- ó- nem.

R. Sed lí- be- ra nos a ma- lo.

Sacerdos secreta dicit: Amen.

¶ Sequens tonus adhibetur in feriis, in vigiliis II et III classis, in Missis votivis IV classis, et in Missis defunctorum.


P  er ómni- a sǣ-cu-la sǣ-cu-ló- rum. **R.** Amen.

Iungit manus


O  ré-mus: Præ- cǣp-tis sa- lu- tá- ri- bus mó-
 ni- ti, et di- ví-na insti- tu- ti- ó-ne formá- ti,
 au- dé-mus dí- ce- re:

Extendit manus


P  a-ter noster, qui es in cǣ- lis: Sancti- fi-
 cé- tur nomen tu- um: Advé- ni- at regnum tu- um:
 Fi- at vo-lúntas tu- a, sic-ut in cǣ-lo, et in terra.




Pa-nem nostrum quo-ti-di- á-num da no-bis hó-di- e;



Et di-mít-te no-bis dé-bi-ta nostra, sic-ut



et nos di-mít-ti-mus de-bi-tó-ri-bus nostris.



Et ne nos in-dú-cas in ten-ta-ti- ó-nem.



R. Sed lí-be-ra nos a ma-lo.

Sacerdos secrete dicit : Amen.

Deinde manu dextera accipit inter indicem et medium digitos patenam, quam tenens super altare erectam, dicit secrete :

Libera nos, quæsumus, Dómine, ab ómnibus malis, prætérítis, præséntibus, et futúris; et intercedénte beáta, et gloriósa semper Vírgine Dei Genetríce María, cum beátis Apóstolis tuis Petro et Paulo, atque Andréa et ómnibus Sanctis, **signat se cum patena a fronte ad pectus,** da propítius pacem in diébus nostris : **patenam osculatur,** ut ope misericórdiæ tuæ adiúti, et a peccáto simus semper líberi, et ab omni perturbatióne secúri.

Submittit patenam hostiæ, discooperit calicem, genuflectit, surgit, accipit hostiam, et eam super calicem tenens utraque manu, frangit per medium, dicens :

Per eúndem Dóminum nostrum Iesum Christum Fílium tuum.

Et mediam partem, quam in dextera manu tenet, ponit super patenam. Deinde ex parte, quæ in sinistra remanserat, frangit particulam, dicens :

Qui tecum vivit et regnat in unitáte Spíritus Sancti Deus.

Aliam mediam partem, quam in sinistra manu habet adiungit mediæ super patenam positæ, et particulam parvam dextera retinens super calicem, quem sinistra per nodum infra cuppam tenet, dicit intellegibili voce, vel cantat :

Per ómni- a sǎcu- la sǎ-cu- ló- rum. **R.** Amen.

Cum ipsa particula signat ter super calicem, dicens :

Pax ✠ Dó- mi- ni sit ✠ semper vo- bís ✠ cum.

R. Et cum spí- ri- tu tu- o.

Particulam ipsam immittit in calicem, dicens secrete :

Hæc commíxtio, et consecrátio Córporis et Sángu-
nis Dómini nostri Iesu Christi, fiat accipiéntibus
nobis in vitam ætérrnam. Amen.

**Cooperit calicem, genuflectit, surgit, et inclinatus Sacra-
mento, iunctis manibus, et ter pectus percutiens, intelle-
gibili voce dicit :**

**Agnus Dei, qui tollis peccáta mundi :
miserére nobis.**

**Agnus Dei, qui tollis peccáta mundi :
miserére nobis.**

**Agnus Dei, qui tollis peccáta mundi :
dona nobis pacem.**

**In Missis defunctorum non dicitur miserére nobis, sed
eius loco, dona eis réquiem, et in tertio additur sempi-
térrnam.**

**Deinde, iunctis manibus super altare, inclinatus dicit
secrete sequentes orationes :**

Dómine Iesu Christe, qui dixísti Apóstolis tuis :
Pacem relínquo vobis, pacem meam do vobis : ne
respícias peccáta mea, sed fidem Ecclésiæ tuæ : eámque
secúndum voluntátem tuam pacificáre et coadunáre di-
gnéris : Qui vivis et regnas Deus per ómnia sæcula sæ-
culórum. Amen.

Si danda est pax, osculatur altare, et dans pacem dicit :

Pax tecum. R̃. Et cum spírítu tuo.

In Missis defunctorum non datur pax, neque dicitur præcedens oratio.

Dómine Iesu Christe, Fili Dei vivi, qui ex voluntáte Patris, cooperánte Spírítu Sancto, per mortem tuam mundum vivificásti : líbera me per hoc sacrosánctum Corpus et Sánguinem tuum ab ómnibus iniquitátibus meis, et univérſis malis : et fac me tuis semper inhærére mandátis, et a te numquam separári permíttas : Qui cum eódem Deo Patre et Spírítu Sancto vivis et regnas Deus in sæcula sæculórum. Amen.

Percéptio Córporis tui, Dómine Iesu Christe, quod ego indignus súmerè præsumo, non mihi provéniat in iudícium et condemnatióem : sed pro tua pietáte prosit mihi ad tutaméntum mentis et córporis, et ad medélam percipiéndam : Qui vivis et regnas cum Deo Patre in unitáte Spírítus Sancti Deus, per ómnia sæcula sæculórum. Amen.

Genuflectit, surgit, et dicit :

Panem cæléstem accípiam, et nomen Dómini invo-
cábo.

Deinde parum inclinatus, accipit ambas partes hostiæ inter pollicem et indicem sinistræ manus, et patenam inter eundem indicem et medium supponit, et dextera tribus vicibus percutiens pectus, elata aliquantulum voce, ter dicit devote, et humiliter :

Dómine, non sum dignus, et secrete prosequitur :
ut intres sub tectum meum : sed tantum dic verbo, et sanábitur ánima mea.

Postea dextera se signans cum hostia super patenam, dicit :

Corpus Dómini nostri Iesu Christi custódiat ánimam meam in vitam ætérnam. Amen.

Et se inclinans, reverenter sumit ambas partes hostiæ : quibus sumptis, deponit patenam super corporale, et erigens se iungit manus, et quiescit aliquantulum in meditatione sanctissimi Sacramenti.

Deinde discooperit calicem, genuflectit, colligit fragmenta, si quæ sint, extergit patenam super calicem, interim dicens :

Quid retríbuam Dómino pro ómnibus quæ retríbuit mihi ? Cálicem salutáris accípiam, et nomen Dómini invocábo. Laudans invocábo Dóminum, et ab inimícis meis salvus ero.

Accipit calicem manu dextera, et eo se signans, dicit :

Sanguis Dómini nostri Iesu Christi custódiat ánimam meam in vitam ætérnam. Amen.

Et sinistra supponens patenam calici, reverenter sumit totum Sanguinem cum particula. Quo sumpto, si qui sunt communicandi, eos communicet, antequam se purificet.

Postea dicit :

Quod ore sumpsimus, Dómine, pura mente capiámus :
et de múnere temporáli fiat nobis remédium sem-
pitérnum.

Interim porrigit calicem ministro, qui infundit in eo parum
vini, quo se purificat : deinde prosequitur :

Corpus tuum, Dómine, quod sumpsi, et Sanguis,
quem potávi, adhæreat viscéribus meis : et præsta ;
ut in me non remáneat scélerum mácula, quem pura et
sancta refecérunt Sacraménta : Qui vivis et regnas in
sæcula sæculórum. Amen.

Abluit et extergit digitos, ac sumit ablutionem : extergit
os et calicem, quem, plicato corporali, operit et collocat
in altari ut prius : deinde prosequitur missam.

Dicto post ultimam orationem,

℣. Dóminus vobíscum.

℞. Et cum spíritu tuo,

dicit **Ite, Missa est vel, si aliqua liturgica processio se-
quatur, Benedicámus Dómino.**

℞. Deo gratias.

In Missis defunctorum dicit :

℣. Requiéscant in pace.


℞. Amen.

**A Missa Vigiliæ paschalis
usque ad sabbatum in albis inclusive**

Missa I



**Ab octava Paschæ
ad sabbatum IV Temporum Pent. inclusive**




In festis I classis 1 et 2

Missæ II et III



In festis II classis 1

Missa IV




In festis beatæ Mariæ Virginis 1 et 2

Missæ IX et X




In dominicis per annum et tempore Septuagesimæ

Missæ XI




In festis III classis I

Missæ XII



In dominicis tempore Adventus, Quadragesimæ et Passionis, in Missis de commemoratione in Officio occurrente, in omnibus feriis extra tempus paschale, in vigiliis II et III classis et in Missa Rogationum.




Hic tonus adhiberi potest ad libitum in omnibus Missis in quibus cantatur
Ite, missa est *sine* Allelúia.


Quando post Missam sequitur aliqua processio, loco Ite, missa est, *can-*
tatur:



vel, ad libitum:



In Missis defunctorum



Tunc sacerdos inclinat se ante medium altaris, et manibus iunctis super illud, dicit secrete :

Pláceat tibi, sancta Trínitas, obséquium servitútis meæ : et præsta, ut sacrificium quod óculis tuæ maiestátis indígnus óbtuli, tibi sit acceptábile ; mihíque et ómnibus pro quibus illud óbtuli, sit, te miseránte, propitiábile. Per Christum Dóminum nostrum. Amen.

Deinde osculatur altare : et elevatis oculis, extendens, elevans, et iungens manus, caputque cruci inclinans, dicit : Benedícat vos omnípotens Deus, et versus ad populum, semel tantum benedicens, etiam in Missis solemnibus, prosequitur : Pater, et Fílius, ✚ et Spíritus Sanctus. **R.** Amen.

In Missa pontificali ter benedicitur, ut in Pontificali habetur.

In Missis in quibus dictum est Benedicámus Dómino vel Requíescant in pace, non datur benedictio, sed dicto Pláceat et osculato altari, celebrans legit, si dicendum sit, Evangelium S. Ioannis.

Deinde sacerdos in latere Evangelii, iunctis manibus dicit : **V.** Dóminus vobíscum. **R.** Et cum spíritu tuo.

Et signans signo crucis primum altare, vel librum, deinde se in fronte, ore, et pectore, dicit :

✠ Inítium sancti Evangélíi secúndum Ioánnem.


Vel si aliud Evangelium legendum sit : Sequéntia sancti Evangélíi etc. **R.** Glória tibi, Dómine.

Iunctis manibus prosequitur :

Ioann. 1, 1-14

In princípíio erat Verbum, et Verbum erat apud Deum, et Deus erat Verbum. Hoc erat in princípíio apud Deum. Omnia per ipsum facta sunt : et sine ipso factum est nihil, quod factum est : in ipso vita erat, et vita erat lux hóminum : et lux in ténebris lucet, et ténebræ eam non comprehendérunt. Fuit homo missus a Deo, cui nomen erat Ioánnes. Hic venit in testimónium, ut testimónium perhibéret de lúmine, ut omnes créderent per illum. Non erat ille lux, sed ut testimónium perhibéret de lúmine. Erat lux vera, quæ illúminat omnem hóminem veniéntem in hunc mundum. In mundo erat et mundus per ipsum factus est, et mundus eum non cognóvit. In própria venit, et sui eum non recepérunt. Quotquot autem recepérunt eum, dedit eis potestátem fílios Dei fíeri, his, qui credunt in nómine eius : qui non ex sanguínibus, neque ex voluntáte carnis, neque ex voluntáte viri, sed ex Deo nati sunt. **Genuflectit dicens :** Et Verbum caro factum est, **et surgens prosequitur :** et habitávit in nobis : et vídimus glóriam eius, glóriam quasi Unigéniti a Patre, plenum grátiae et veritátis.

R. Deo grátias.



DOMINICA RESURRECTIONIS

I classis cum octava I classis

Statio ad S. Mariam maiorem

Antiphona ad Introitum

Ps. 138, 18 et 5-6

Resurrexi, et adhuc tecum sum, allelúia: posuisti super me manum tuam, allelúia: mirábilis facta est sciéntia tua, allelúia, allelúia. **Ps. ibid., 1-2** Dómine, probásti me, et cognovísti me: tu cognovísti sessiónem meam, et resurrectionem meam. **℣.** Glória Patri.

Oratio

Deus, qui hodiérna die per Unigénitum tuum æternitátis nobis áditum devícta morte reserásti: vota nostra, quæ præveniéndó aspíras, étiam adiuvándó proséquere. Per eúndem Dóminum.

Léctio Epístolæ beáti Pauli Apóstoli ad Corínthios.

1 Cor. 5, 7-8

Fratres: Expurgáte vetus fermentum, ut sitis nova conspersio, sicut estis ázymi. Etenim Pascha nostrum immolátus est Christus. Itaque epulémur: non in fermento vétéri, neque in fermento malítiæ, et nequítiæ: sed in ázymis sinceritátis, et veritátis.

Graduale Ps. 117, 24 et 1 Hæc dies, quam fecit Dóminus: exultémus, et lætémur in ea. **℣.** Confitémini Dómino, quóniam bonus: quóniam in sáculum misericórdia eius.

Allelúia, allelúia. **℣. 1 Cor. 5, 7** Pascha nostrum immolátus est Christus.

Sequentia

Víctimæ pascháli laudes immolent Christiáni.

Agnus redémit oves: Christus ín-

nocens Patri reconciliávit peccatóres.

Mors et vita duéllo conflixére mirádo: dux vitæ mórtuus, regnat vivus.

Dic nobis, María, quid vidísti in via?

Sepúlcrum Christi vivéntis: et glóriam vidi resurgéntis.

Angélicos testes, sudárium, et vestes.

Surréxit Christus spes mea: præcédet vos in Galiléam.

Scimus Christum surrexisse a mórtuis vere: tu nobis, victor Rex, miserére. Amen. Allelúia.

¶ Sequentia dicitur usque ad sabbatum in albis inclusive.

✠ Sequéntia sancti Evangélii secúndum Marcum.

Marc. 16, 1-7

In illo témpore: María Magdaléne, et María Iacóbi, et Salóme emérunt arómata, ut veniéntes úngerent Iesum. Et valde mane una sabbatórum, véniunt ad monuméntum, orto iam sole. Et dicébant ad ínvicem: Quis revólvét nobis lápidem ab óstio monuménti? Et respiciéntes vidérunt revolútum lápidem. Erat quippe magnus valde. Et introeúntes in monuméntum vidérunt iúvenem sedéntem in dextris, coopértum stola cándida, et obstupuérunt. Qui dicit illis: Nolíte expavéscere: Iesum quæritis Nazarénum, crucifixum: surrexit, non est hic, ecce locus ubi posuérunt eum. Sed ite, dícite discípulis eius, et Petro, quia præcédit vos in Galiléam: ibi eum vidébitis, sicut dixit vobis.

Credo.

Antiphona ad Offertorium Ps. 75, 9-10 Terra trémuit, et quiévit, dum resúrgeret in iudício Deus, allelúia.

Secreta

Súscipe, quæsumus, Dómine, preces pópuli tui cum oblatiónibus hostiárum: ut paschálibus initiáta mystériis, ad æternitátis nobis medélam, te operánte, proficiant. Per Dóminum.

¶ **Præfatio paschalis** Te quidem, Dómine, omni témpore, sed in hac potíssimum die.

Infra Actionem Communicántes et Hanc igitur oblatiónem **propria.**

Et sic dicitur usque ad sabbatum in albis inclusive.

Antiphona ad Communionem
1 Cor. 5, 7-8 Pascha nostrum immolátus est Christus, allelúia: itaque epulémur in ázymis sinceritátis, et veritátis, allelúia, allelúia, allelúia.

Postcommunio

Spíritum nobis, Dómine, tuæ caritátis infúnde: ut, quos sacraméntis paschálibus satiásti, tua fácias pietáte concórdes. Per Dóminum... in unitáte eiúsdem.

¶ **Post** Dóminus vobíscum **dicitur:** Ite, missa est, allelúia, allelúia.

R. Deo grátias, allelúia, allelúia.

Et sic dicitur usque ad sabbatum in albis inclusive, in Missis de Tempore.

FERIA II INFRA OCTAVAM PASCHÆ

I classis

Statio ad S. Petrum

Antiphona ad Introitum

Exodi 13, 5 et 9

Introdúxit vos Dóminus in terram fluéntem lac et mel, allelúia: et ut lex Dómini semper sit in ore vestro, allelúia, allelúia.
Ps. 104, 1 Confitémini Dómino, et invocáte nomen eius: annuntiáte inter gentes ópera eius. **V.** Glória Patri.

Oratio

Deus, qui solemnitáte pascháli, mundo remédia contulísti: pópulum tuum, quæsumus, cælésti dono proséquere; ut et perféctam libertátem cónsequi mereáture, et ad vitam proficiat sempitérnam. Per Dóminum.

Lectio Actuum Apostolorum

Act. 10, 37-43

In diébus illis: Stans Petrus in médio plebis, dixit: Viri fratres, vos scitis quod factum est verbum per univérsam Iudæam: incípiens

enim a Galilæa, post baptísmum, quod prædicávit Ioánnes, Iesum a Náza-reth: quómodo unxit eum Deus Spíritu Sancto, et virtúte, qui pertránsiit benefaciéndo, et sanándo omnes opprésos a diábolo, quóniam Deus erat cum illo. Et nos testes sumus ómnium, quæ fecit in regióné Iudæórum, et Ierúsalem, quem occidérunt suspendéntes in ligno. Hunc Deus suscitávit tértia die, et dedit eum manifestum fieri, non omni pópulo, sed téstibus præordinátis a Deo: nobis, qui manducávimus, et bíbimus cum illo, postquam resurréxit a mórtuis. Et præcepit nobis prædicáre pópulo, et testificári, quia ipse est, qui constitútus est a Deo iudex vivórum, et mortuórum. Huic omnes prophétæ testimónium pérhibent, remissionem peccatórum accíperere per nomen eius omnes, qui credunt in eum.

Graduale Ps. 117, 24 et 2 Hæc dies, quam fecit Dóminus: exsulté-

mus, et lætémur in ea. **¶** Dicat nunc Israël, quóniam bonus: quóniam in sáculum misericórdia eius.

Allelúia, allelúia. **¶ Matth. 28, 2** Angelus Dómini descéndit de cælo: et accédens revólvit lápidem, et sedébat super eum.

Sequentia

Víctimæ pascháli laudes immolent Christiáni.

Agnus redémit oves: Christus innocens Patri reconciliávit peccátore.

Mors et vita duéllo conflixére mirádo: dux vitæ mórtuus, regnat vivus.

Dic nobis, María, quid vidísti in via?

Sepúlcrum Christi vivéntis: et glóriam vidi resurgéntis.

Angélicos testes, sudárium, et vestes.

Surréxit Christus spes mea: præcédet vos in Galiléam.

Scimus Christum surrexisse a mórtuis vere: tu nobis, victor Rex, miserére. Amen. Allelúia.

✠ Sequéntia sancti Evangélíi secúndum Lucam.

Luc. 24, 13-35

In illo témpore: Duo ex discipulis Iesu ibant ipsa die in castéllum, quod erat in spátio stadiórum sexagínta ab Ierúsalem, nómine Emmaus. Et ipsi loquebántur ad ínvicem de his ómnibus, quæ acciderant. Et factum est, dum fabularéntur, et secum quærerent: et ipse Iesus appropínquans ibat cum illis: óculi autem illórum tenebántur, ne eum agnóscerent. Et ait ad illos: Qui sunt hi sermónes, quos confértis ad ínvicem ambulántes, et estis tristes? Et respóndens unus, cui nomen Cléophas, dixit ei: Tu solus peregrínus es in Ierúsalem, et non cognovísti, quæ facta sunt in illa his diébus? Quibus ille dixit: Quæ?

Et dixerunt: De Iesu Nazaréno, qui fuit vir prophéta potens in ópere et sermóne, coram Deo, et omni pópulo: et quómodo eum tradiderunt summi sacerdótes, et príncipes nostri in damnatióem mortis, et crucifixérunt eum. Nos autem sperabámus, quia ipse esset redemptúrus Israël: et nunc super hæc ómnia, tértia dies est hódie, quod hæc facta sunt. Sed et mulieres quædam ex nostris terruérunt nos, quæ ante lucem fuérunt ad monuméntum, et, non invénto córpore eius, venérunt, dicéntes se étiam visióem Angelórum vidísse, qui dicunt eum vivere. Et abiérunt quidam ex nostris ad monuméntum: et ita invenérunt sicut mulieres dixerunt, ipsum vero non invenérunt. Et ipse dixit ad eos: O stulti, et tardi corde ad credéndum in ómnibus, quæ locúti sunt prophætæ! Nonne hæc opórtuit pati Christum, et ita intráre in glóriam suam? Et incípiens a Móyse, et ómnibus prophétis, interpretabátur illis in ómnibus Scriptúris, quæ de ipso erant. Et appropinquavérunt castéllum, quo ibant: et ipse se finxit lóngius ire. Et coëgérunt illum, dicéntes: Mane nobiscum, quóniam advesperáscit, et inclináta est iam dies. Et intrávit cum illis. Et factum est, dum recúmberet cum eis, accépit panem, et benedíxit, ac fregit, et porrigébat illis. Et apérti sunt óculi eórum, et cognovérunt eum: et ipse evánuit ex óculis eórum. Et dixerunt ad ínvicem: Nonne cor nostrum ardens erat in nobis, dum loquerétur in via, et aperíret nobis Scriptúras? Et surgéntes eádem hora regréssi sunt in Ierúsalem: et invenérunt congregátos úndecim, et eos, qui cum illis erant, dicéntes: Quod surréxit Dóminus vere, et apparuit Simóni. Et ipsi narrábant, quæ gesta erant in via: et quómodo cognovérunt eum in fractiône panis.

Credo.

Antiphona ad Offertorium Matth. 28, 2, 5 et 6 Angelus Dómini descendit de cælo, et dixit mulieribus: Quem quæritis, surrexit, sicut dixit, allelúia.

Secreta

Súscipe, quæsumus, Dómine, preces pópuli tui cum oblationibus hostiarum: ut paschálibus initiáta mystériis, ad æternitátis nobis medélam, te operánte, proficiant. Per Dóminum.

Præfatio, Communicántes et Hanc igitur, **ut in die Paschæ.**

Antiphona ad Communionem Luc. 24, 34 Surrexit Dóminus, et apparuit Petro, allelúia.

Postcommunio

Spíritum nobis, Dómine, tuæ caritátis infúnde: ut, quos sacraméntis paschálibus satiásti, tua fácias pietáte concórdes. Per Dóminum... in unitáte eiúsdem.

FERIA III INFRA OCTAVAM PASCHÆ

I classis

Statio ad S. Paulum

Antiphona ad Introitum

Eccli 15, 3 et 4

Aqua sapiéntiæ potávit eos, allelúia: firmábitur in illis, et non flectétur, allelúia: et exaltábit eos in ætérnum, allelúia, allelúia. **Ps. 104, 1** Confitémini Dómino, et invocáte nomen eius: annuntiáte inter gentes ópera eius. **Ÿ.** Glória Patri.

Oratio

Deus, qui Ecclésiam tuam novo semper fetu múltiplicas: concéde fámulis tuis; ut sacraméntum vivéndo téneant, quod fide percépérunt. Per Dóminum.

Léctio Actuum Apostolorum

Act. 13, 16 et 26-33

In diébus illis: Surgens Paulus, et manu siléntium indícens, ait: Viri fratres, filii géneris Abraham, et qui in vobis timent Deum, vobis verbum salutis huius missum est. Qui enim habitábant Ierúsalem, et príncipes eius, ignorántes Iesum, et voces prophetárum, quæ per omne sábbatum legúntur, iudicántes implevérunt: et nullam causam mortis inveniéntes in eo, petiérunt a Piláto, ut interficerent eum. Cumque consummássent ómnia, quæ

de eo scripta erant, deponéntes eum de ligno, posuérunť eum in monuménto. Deus vero suscitávit eum a mórtuis tértia die: qui visus est per dies multos his, qui simul ascénderant cum eo de Galilæa in Ierúsalem, qui usque nunc sunt testes eius ad plebem. Et nos vobis annuntiámus eam, quæ ad patres nostros repromissio facta est: quóniam hanc Deus adimplévit filiis nostris, resúscitans Iesum Christum Dóminum nostrum.

Graduale Ps. 117, 24 Hæc dies, quam fecit Dóminus: exultémus, et lætémur in ea. **Ÿ. Ps. 106, 2** Dicant nunc, qui redémpti sunt a Dómino: quos redémit de manu inimíci, et de regiónibus congregávit eos.

Allelúia, allelúia. **Ÿ.** Surrexit Dóminus de sepúlcro, qui pro nobis pepéndit in ligno.

Sequentia

Víctimæ pascháli laudes immolent Christiáni.

Agnus redémit oves: Christus innocens Patri reconciliávit peccatóres.

Mors et vita duéllo conflixére mirándo: dux vitæ mórtuus, regnat vivus.

Dic nobis, Maríá, quid vidísti in via?

Sepúlcrum Christi vivéntis: et glóriam vidi resurgéntis.

Angélicos testes, sudárium, et vestes.

Surréxit Christus spes mea: præcédet vos in Galiléam.

Scimus Christum surrexisse a mórtuis vere: tu nobis, victor Rex, miserére. Amen. Allelúia.

✠ Sequéntia sancti Evangélíi secúndum Lucam. **Luc. 24, 36-47**

In illo témpore: Stetit Iesus in médio discipulórum suórum, et dicit eis: Pax vobis: ego sum, nolite timére. Conturbáti vero, et contérriti, existimábant se spíritum vidére. Et dixit eis: Quid turbáti estis, et cogitatiónes ascéndunt in corda vestra? Vidéte manus meas, et pedes, quia ego ipse sum: palpáte, et vidéte: quia spíritus carnem, et ossa non habet, sicut me vidétis habére. Et cum hoc dixisset, osténdit eis manus, et pedes. Adhuc autem illis non credéntibus, et mirántibus præ gáudio, dixit: Habétis hic áliquid, quod manducétur? At illi obtulérunt ei partem piscis assi, et favum mellis. Et cum manducásset coram eis, sumens reliquias, dedit eis. Et dixit ad eos: Hæc sunt verba, quæ locútus sum ad vos, cum adhuc essem vobíscum, quóniam necesse est impléri ómnia,

quæ scripta sunt in lege Móysi, et Prophétis, et Psalmis de me. Tunc apérui illis sensum, ut intellégerent Scriptúras. Et dixit eis: Quóniam sic scriptum est, et sic oportébat Christum pati, et resúrgere a mórtuis tértia die: et prædicári in nómine eius pæniténtiam, et remisiónem peccatórum in omnes gentes.

Credo.

Antiphona ad Offertorium Ps. 17, 14 et 16 Intónuit de cælo Dóminus, et Altíssimus dedit vocem suam: et apparuérunt fontes aquárum, allelúia.

Secreta

Súscipe, Dómine, fidélium preces cum oblatiónibus hostiárum: ut per hæc piæ devotiónis officia, ad cælestem glóriam transeámus. Per Dóminum.

Præfatio, Communicántes **et** Hanc ígitur, **ut in die Paschæ.**

Antiphona ad Communionem Coloss. 3, 1-2 Si consurrexístis cum Christo, quæ sursum sunt quærite, ubi Christus est in dextera Dei sedens, allelúia: quæ sursum sunt sápite, allelúia.

Postcommunio

Concéde, quæsumus, omnipotens Deus: ut paschális percéptio sacraménti, continúa in nostris méntibus perseveret. Per Dóminum.

FERIA IV INFRA OCTAVAM PASCHÆ

I classis

Statio ad S. Laurentium extra muros

**Antiphona
ad Introitum**

Matth. 25, 34

Veníte, benedícti Patris mei, percípíte regnum, allelúia: quod vobis parátum est ab origine mundi, allelúia, allelúia, allelúia. **Ps. 95, 1** Cantáte Dómino

cánticum novum: cantáte Dómino, omnis terra. **V.** Glória Patri.

Oratio

Deus, qui nos resurrectionis domínicæ ánnua solemnitáte lætíficas: concéde propítius; ut per temporália festa quæ ágimus, pervenire ad gáudia æténa mereámur. Per eúndem Dóminum.

Lectio Actuum Apostolorum.

Act. 3, 12-15 et 17-19

In diebus illis: Apériens Petrus os suum, dixit: Viri Israëlītæ, et qui timētis Deum, audíte. Deus Abraham, et Deus Isaac, et Deus Iacob, Deus patrum nostrorum, gloriavicat Fílium suum Iesum, quem vos quidem tradidístis, et negástis ante faciē Pilāti, iudicānte illo dimítti. Vos autem sanctum, et iustum negástis, et petístis virum homicídā donári vobis: auctórem vero vitæ interfecístis, quem Deus suscitávit a mórtuis, cuius nos testes sumus. Et nunc, fratres, scio quia per ignorántiam fecístis, sicut et príncipes vestri. Deus autem, quæ prænuntiávit per os ómnium Prophetárum, pati Christum suum, sic implévit. Pænitémini ígitur, et convertímini, ut deleántur peccáta vestra.

Graduale Ps. 117, 24 et 16 Hæc dies, quam fecit Dóminus: exultémus, et lætémur in ea. **V.** Dextera Dómini fecit virtútem, dextera Dómini exaltávit me.

Allelúia, allelúia. **V.** **Luc. 24, 34** Surréxit Dóminus vere: et appáruit Petro.

Sequentia

Víctimæ pascháli laudes ímmolent Christiáni.

Agnus redémit oves: Christus innocens Patri reconciliávit peccátōres.

Mors et vita duéllo conflixére mirándo: dux vitæ mórtuus, regnat vivus.

Dic nobis, María, quid vidísti in via?

Sepúlcrum Christi vivéntis: et glóriam vidi resurgéntis.

Angélicos testes, sudárium, et vestes.

Surréxit Christus spes mea: præcedet vos in Galilæam.

Scimus Christum surrexisse a

mórtuis vere: tu nobis, victor Rex, miserére. Amen. Allelúia.

✠ Sequentia sancti Evangelii secúndum Ioánnem.

Ioann. 21, 1-14

In illo témpore: Manifestávit se íterum Iesus discíplis ad mare Tiberíadis. Manifestávit autem sic. Erant simul Simon Petrus, et Thomas, qui dícitur Dídymus, et Nathánaël, qui erat a Cana Galilææ, et filii Zebedæi, et álíi ex discíplis eius duo. Dicit eis Simon Petrus: Vado piscári. Dicunt ei: Venímus et nos tecum. Et exiérunt, et ascenderunt in navim: et illa nocte nihil prenidérunt. Mane autem facto, stetit Iesus in líttore: non tamen cognovérunt discípli quia Iesus est. Dixit ergo eis Iesus: Púeri, numquid pulmentárium habétis? Respondérunt ei: Non. Dicit eis: Mítite in dexteram navígi rete, et inveniétis. Misérunt ergo: et iam non valébant illud tráhere præ multitúdi-ne píscium. Dixit ergo discípus ille, quem diligébat Iesus, Petro: Dóminus est. Simon Petrus cum audísset quia Dóminus est, túnica succínxit se (erat enim nudus), et misit se in mare. Alíi autem discípli navígio venérunt (non enim longe erant a terra, sed quasi cúbitis ducéntis), trahéntes rete píscium. Ut ergo descendérunt in terram, vidérunt prunas pósitas, et piscem superpósitum, et panem. Dicit eis Iesus: Afférte de píscibus, quos prenidístis nunc. Ascéndit Simon Petrus, et traxit rete in terram, plenum magnis píscibus centum quinquagínta tribus. Et cum tanti essent, non est scissum rete. Dicit eis Iesus: Veníte, prandéte. Et nemo audébat discumbéntium interrogáre eum: Tu quis es? sciéntes, quia Dóminus est. Et venit Iesus, et áccipit panem, et dat eis, et piscem simíliter. Hoc iam tértio manifestátus est Iesus discíplis

suis, cum resurrexisset a mórtuis.
Credo.

Antiphona ad Offertorium Ps. 77, 23-25 Portas cæli apérui Dóminus: et pluit illis manna, ut éderent: panem cæli dedit eis: panem Angelórum manducávit homo, allelúia.

Secreta

Sacrificia, Dómine, paschálibus gáudiis immolámus: quibus Ecclésia tua mirábiliter et páscitur et nutritur. Per Dóminum.

Præfatio, Communicátes **et**
Hanc igitur, **ut in die Paschæ.**

Antiphona ad Communionem Rom. 6, 9 Christus resúrgens ex mórtuis, iam non móritur, allelúia: mors illi ultra non dominábitur, allelúia, allelúia.

Postcommunio

Ab omni nos, quæsumus, Dómine, vetustáte purgátos: sacraménti tui veneránda percéptio in novam transférat creatúram: Qui vivis.

FERIA V INFRA OCTAVAM PASCHÆ

I classis

Statio ad Ss. duodecim Apostolos

Antiphona ad Introitum

Sap. 10, 20-21

Victrícem manum tuam, Dómine, laudavérunt páriter, allelúia: quia sapiéntia apérui os mutum, et linguas infántium fecit disertas, allelúia, allelúia. **Ps. 97, 1** Cantáte Dómino cánticum novum: quia mirábilis fecit. **V.** Glória Patri.

Oratio

Deus, qui diversitátem géntium in confessióne tui nóminis adunásti: da, ut renátis fonte baptismatis una sit fides méntium, et pietas actiónum. Per Dóminum.

Lectio Actuum Apostolorum.

Act. 8, 26-40

In diébus illis: Angelus Dómini locútus est ad Philíppum, dicens: Surge, et vade contra meridiánum, ad viam, quæ descéndit ab Ierúsalem in Gazam: hæc est desérta. Et surgens ábiit. Et ecce, vir Æthiops eunúchus, potens Candácis regínæ Æthiopum, qui erat super omnes gazas eius, vénerat adoráre in Ierúsalem: et revertebátur sedens super currum suum, legénsque

Isaíam prophétam. Dixit autem Spíritus Philíppo: Accéde, et adiúnge te ad currum istum. Accúrrens autem Philíppus, audívit eum legéntem Isaíam prophétam, et dixit: Putásne intélligis, quæ legis? Qui ait: Et quómodo possum, si non áliquis osténderit mihi? Rogávitque Philíppum, ut ascénderet, et sedéret secum. Locus autem Scriptúræ, quam legébat, erat hic: Tamquam ovis ad occisióne duc-tus est: et sicut agnus coram ton-dénte se, sine voce, sic non apérui os suum. In humilitáte iudícium eius sublátum est. Generatióne eius quis enarrábit, quóniam tollé-tur de terra vita eius? Respóndens autem eunúchus Philíppo, dixit: Obsecro te, de quo prophéta dicit hoc? de se, an de álio áliquo? Apériens autem Philíppus os suum, et incípiens a Scriptúra ista, evangelizávit illi Iesum. Et dum irent per viam, venérunt ad quandam aquam: et ait eunúchus: Ecce aqua, quid próhibet me baptizári? Dixit autem Philíppus: Si credis ex toto corde, licet. Et respóndens, ait: Credo, Fílium Dei esse Iesum Christum. Et iussit stare currum: et

descendérunt utérque in aquam, Philíppus, et eunúchus, et baptizávit eum. Cum autem ascendissent de aqua, Spíritus Dómini rápuít Philíppum, et ámplius non vidit eum eunúchus. Ibat autem per viam suam gaudens. Philíppus autem invéntus est in Azóto, et pertránsiens evangelizábat civitatibus cunctis (donec veníret Cæsaréam) nomen Dómini Iesu Christi.

Graduale Ps. 117, 24 et 22-23 Hæc dies, quam fecit Dóminus: exultémus, et lætémur in ea. **V.** Lápidem, quem reprobavérunt ædificántes, hic factus est in caput ánguli: a Dómino factum est istud, et est mirábile in óculis nostris.

Allelúia, allelúia. **V.** Surréxit Christus, qui creávit ómnia: et misértus est humano géneri.

Sequentia

Víctimæ pascháli laudes ímmolent Christiáni.

Agnus redémit oves: Christus ínnocens Patri reconciliávit peccatóres.

Mors et vita duéllo conflixére mirándo: dux vitæ mórtuus, regnat vivus.

Dic nobis, María, quid vidísti in via?

Sepúlcrum Christi vivéntis: et glóriam vidi resurgéntis.

Angélicos testes, sudárium, et vestes.

Surréxit Christus spes mea: præcédet vos in Galilæam.

Scimus Christum surrexísse a mórtuis vere: tu nobis, victor Rex, miserére. Amen. Allelúia.

✠ Sequentia sancti Evangélíi secúndum Ioánnem.

Ioann. 20, 11-18

In illo témpore: María stabat ad monuméntum foris, plorans. Dum ergo fleret, inclinávit se, et prospéxit in monuméntum: et vidit duos Angelos in albis, sedéntes,

unum ad caput, et unum ad pedes, ubi pósito fúerat corpus Iesu. Dicunt ei illi: Múlier, quid ploras? Dicit eis: Quia tulérunt Dóminum meum: et nésco, ubi posuérunt eum. Hæc cum dixísset, convérta est retrórsum, et vidit Iesum stantem: et non sciébat quia Iesus est. Dicit ei Iesus: Múlier, quid ploras? quem quæris? Illa existimans quia hortulánuus esset, dicit ei: Dómine, si tu sustulísti eum, dícito mihi ubi posuísti eum: et ego eum tollam. Dicit ei Iesus: María. Convérta illa, dicit ei: Rabbóni (quod dícitur Magíster). Dicit ei Iesus: Noli me tángere, nondum enim ascénderé ad Patrem meum: vade autem ad fratres meos, et dic eis: Ascénderé ad Patrem meum, et Patrem vestrum, Deum meum, et Deum vestrum. Venit María Magdaléne annúntians discípulis: Quia vidi Dóminum, et hæc dixit mihi.

Credo.

Antiphona ad Offertorium Exodi 13, 5 In die solemnitátis vestræ, dicit Dóminus, indúcam vos in terram fluéntem lac et mel, allelúia.

Secreta

Súscipe, quæsumus, Dómine, múnera populórum tuórum propítius: ut confessióne tui nóminis et baptísmate renováti, sempitérnam beatitúdinem consequáncur. Per Dóminum.

Præfatio, Communicántes et Hanc igitur, **ut in die Paschæ.**

Antiphona ad Communionem 1 Petri 2, 9 Pópulus acquisitionis, annuntiáte virtútes eius, allelúia: qui vos de ténebris vocávit in admirábile lumen suum, allelúia.

Postcommunio

Exáudi, Dómine, preces nostras: ut redemptionis nostræ sacrosáncta commércia, et vitæ nobis cónferant præsentis auxílium, et gáudia sempitérna concílient. Per Dóminum.

FERIA VI INFRA OCTAVAM PASCHÆ

I classis

Statio ad S. Mariam ad Martyres

Antiphona ad Introitum

Ps. 77, 53

Edúxit eos Dóminus in spe, allelúia: et inimícos eórum opérui mare, allelúia, allelúia, allelúia. **Ps. ibid., 1** Atténdite, pópule meus, legem meam: inclináte aurem vestram in verba oris mei. **V.** Glória Patri.

Oratio

Omnípotens sempitérne Deus qui paschále sacraméntum in reconciliatiónis humánæ fódere contulisti: da méntibus nostris; ut, quod professióne celebrámus, imitémur efféctu. Per Dóminum.

Léctio Epístolæ beáti Petri Apóstoli.

1 Petri 3, 18-22

Caríssimi: Christus semel pro peccátis nostris mórtuus est, iustus pro iniústis, ut nos offérret Deo, mortificátus quidem carne, vivificátus autem spíritu. In quo et his, qui in cárcere erant, spíritibus véniens prædicávit: qui incréduli fúerant aliquándo, quando exspectábant Dei patientiam in diébus Noë, cum fabricarétur arca, in qua pauci, id est octo animæ salvæ factæ sunt per aquam. Quod et vos nunc símilis formæ salvos facit baptísma: non carnis depositio sórdium, sed consciéntiæ bonæ interrogátio in Deum per resurrectiõem Iesu Christi Dómini nostri, qui est in dextera Dei.

Graduale Ps. 117, 24 et 26-27 Hæc dies, quam fecit Dóminus: exsultémus, et lætémur in ea. **V.** Benedictus, qui venit in nómine Dómini: Deus Dóminus, et illúxit nobis.

Allelúia, allelúia. **V. Ps. 95, 10** Dícite in géntibus: quia Dóminus regnávit a ligno.

Sequentia

Víctimæ pascháli laudes immolent Christiáni.

Agnus redémit oves: Christus innocens Patri reconciliávit peccatóres.

Mors et vita duéllo conflixére mirándo: dux vitæ mórtuus, regnat vivus.

Dic nobis, María, quid vidísti in via?

Sepúlcrum Christi vivéntis: et glóriam vidi resurgéntis.

Angélicos testes, sudárium, et vestes.

Surréxit Christus spes mea: præcedet vos in Galiléam.

Scimus Christum surrexísse a mórtuis vere: tu nobis, victor Rex, miserére. Amen. Allelúia.

✠ Sequéntia sancti Evangélíi secúndum Matthæum.

Matth. 28, 16-20

In illo témpore: Undecim discípuli abiérunt in Galiléam, in montem, ubi constitúerat illis Iesus. Et vidéntes eum adoravérunt: quidam autem dubitavérunt. Et accédens Iesus locútus est eis, dicens: Data est mihi omnis potéstas in cælo, et in terra. Eúntes ergo, docéte omnes gentes, baptizántes eos in nómine Patris, et Filii, et Spíritus Sancti: docéntes eos serváre ómnia quæcúmque mandávi vobis. Et ecce, ego vobíscum sum ómnibus diébus, usque ad consummatiõem sáculi. Credo.

Antiphona ad Offertorium Exodi 12, 14 Erit vobis hæc dies memoriâ-
lis, allelúia: et diem festum cele-
brábitis solémnem Dómino in pro-
génies vestras: legítimum sempi-
térnum diem, allelúia, allelúia, alle-
lúia.

Secreta

Hóstias, quæsumus, Dómine,
placátus assúme: quas et pro
renatórum expiatióne peccáti defé-
rimus, et pro acceleratióne cæléstis
auxílii. Per Dóminum.

Præfatio, Communicantes et
Hanc igitur, **ut in die Paschæ.**

Antiphona ad Communionem
Matth. 28, 18-19 Data est mihi om-
nis potestas in cælo, et in terra,
allelúia: eúntes, docéte omnes gen-
tes, baptizántes eos in nómine Pa-
tris, et Fílii, et Spíritus Sancti, al-
lelúia, allelúia.

Postcommunio

Réspice, quæsumus, Dómine, pó-
pulum tuum: et quem ætérnis
dignátus es renováre mystériis, a
temporálibus culpis dignánte ab-
sólve. Per Dóminum.

SABBATO INFRA OCTAVAM PASCHÆ

I classis

Statio ad S. Ioannem in Laterano

Antiphona ad Introitum

Ps. 104, 43

Edúxit Dóminus pópulum suum
in exsultatióne, allelúia: et
eléctos suos in lætítia, alle-
lúia, allelúia. **Ps. ibid., 1** Confité-
mini Dómino, et invocáte nomen
eius: annuntiáte inter gentes ópera
eius. **V.** Glória Patri.

Oratio

Concede, quæsumus, omnípotens
Deus: ut, qui festa paschália
venerádo égimus, per hæc con-
tingere ad gáudia ætérna mereá-
mur. Per Dóminum.

Léctio Epístolæ beáti Petri Apóstoli.

1 Petri 2, 1-10

Caríssimi: Deponéntes igitur
omnem malítiam, et omnem
dolum, et simulatiónes, et invidias,
et omnes detractiões, sicut modo
géniti infántes, rationábile, sine
dolo lac concupíscite: ut in eo cre-
scátis in salútem: si tamen gu-
stástis, quóniam dulcis est Dómi-
nus. Ad quem accedéntes lápidem
vivum, ab homínibus quidem re-
probátum, a Deo autem eléctum,

et honorificátum: et ipsi tamquam
lápides vivi superædificámini, do-
mus spirituális, sacerdotium sanc-
tum, offerre spirituáles hóstias, ac-
ceptábiles Deo per Iesum Christum.
Propter quod cóntinet Scriptúra:
Ecce, pono in Sion lápidem sum-
mum angulárem, eléctum, pretiós-
sum: et qui credíderit in eum, non
confundétur. Vobis igitur honor cre-
déntibus: non credéntibus autem
lapis, quem reprobavérunt ædifi-
cántes, hic factus est in caput án-
guli, et lapis offensiónis, et petra
scándali his, qui offéndunt verbo,
nec credunt in quo et pósito sunt.
Vos autem genus eléctum, regále
sacerdotium, gens sancta, pópulus
acquisitiónis: ut virtútes annuntié-
tis eius, qui de ténebris vos vocávit
in admirábile lumen suum. Qui
aliquándo non pópulus, nunc autem
pópulus Dei: qui non consecúti mi-
sericórdiam, nunc autem miseri-
córdiam consecúti.

¶ **Ab hac die usque ad sabbatum**
Quatuor Temporum Pentecostes in-
clusive, in omnibus Missis, non dici-
tur graduale, sed quatuor Allelúia

cum duobus versibus, ordine infrascripto; in vigilia Pentecostes et post quamlibet lectionem in sabbato Quatuor Temporum eiusdem, unum Allelúia dicitur cum unico versu.

Allelúia, allelúia. **Ps. 117, 24**
Hæc dies, quam fecit Dóminus: exultémus, et lætémur in ea. Allelúia.
Ps. 112, 1 Laudáte, púeri, Dóminus, laudáte nomen Dómini.

Sequentia

Víctimæ pascháli laudes immolent Christiáni.

Agnus redémit oves: Christus innocens Patri reconciliávit peccatóres.

Mors et vita duéllo conflixére mirádo: dux vitæ mórtuus, regnat vivus.

Dic nobis, María, quid vidísti in via?

Sepúlcrum Christi vivéntis: et glóriam vidi resurgéntis.

Angélicos testes, sudárium, et vestes.

Surréxit Christus spes mea: præcedet vos in Galiléam.

Scimus Christum surrexísse a mórtuis vere: tu nobis, victor Rex, miserére. Amen. Allelúia.

✠ Sequéntia sancti Evangélíi scúndum Ioánnem.

Ioann. 20, 1-9

In illo témpore: Una sábbati, María Magdaléne venit mane, cum adhuc ténebræ essent, ad monuméntum: et vidit lápidem sublátum a monuménto. Cucúrrit ergo, et venit ad Simónem Petrum, et ad álium discípulum, quem amábat Iesus, et dicit illis: Tulérunt Dóminum de monuménto, et nescimus ubi posuérun eum. Exiit ergo Petrus, et ille álius discípulus, et

venérunt ad monuméntum. Currébant autem duo simul, et ille álius discípulus præcucúrrit cítius Petro, et venit primus ad monuméntum. Et cum se inclinásset, vidit pósita linteámina, non tamen introívit. Venit ergo Simon Petrus sequens eum, et introívit in monuméntum, et vidit linteámina pósita, et sudárium, quod fúerat super caput eius, non cum linteamínibus pósitum, sed separátim involútum in unum locum. Tunc ergo introívit et ille discípulus, qui vénerat primus ad monuméntum: et vidit, et crédidit: nondum enim sciébant Scriptúram, quia oportébat eum a mórtuis resúrgere.

Credo.

Antiphona ad Offertorium Ps. 117, 26-27 Benedíctus, qui venit in nómine Dómini: benedíximus vobis de domo Dómini: Deus Dóminus, et illúxit nobis, allelúia, allelúia.

Secreta

Concéde, quæsumus, Dómine, semper nos per hæc mystéria paschália gratulári: ut continúa nostræ reparatiónis operátio, perpétuæ nobis fiat causa lætítiæ. Per Dóminum.

Præfatio, Communicántes et
Hanc igitur, **ut in die Paschæ.**

Antiphona ad Communionem Gal. 3, 27 Omnes qui in Christo baptizáti estis, Christum induístis, allelúia.

Postcommunio

Redemptiόνis nostræ múnere vegetáti, quæsumus, Dómine: ut hoc perpétuæ salútis auxílio, fides semper vera proficiat. Per Dóminum.

DOMINICA IN ALBIS

IN OCTAVA PASCHÆ

I classis

Statio ad S. Pancratium

Antiphona ad Introitum

I Petri 2, 2

Quasi modo géniti infántes, allelúia: rationábile, sine dolo lac concupíscite, allelúia, allelúia, allelúia. **Ps. 80, 2** Exsultáte Deo adiutóri nostro: iubiláte Deo Iacob. **¶** Glória Patri.

¶ Dicitur Glória in excélsis in hac et sequentibus dominicis post Pascha etiam quando infra hebdomadam adhibetur Missa dominicæ præcedentis.

Oratio

Præsta, quæsumus, omnípotens Deus: ut, qui paschália festa perégimus, hæc, te largiénte, móribus et vita teneámus. Per Dóminum.

Léctio Epístolæ beáti Ioánnis Apóstoli.

I Ioann. 5, 4-10

Caríssimi: Omne, quod natum est ex Deo, vincit mundum: et hæc est victória, quæ vincit mundum, fides nostra. Quis est, qui vincit mundum, nisi qui credit, quóniam Iesus est Fílius Dei? Hic est qui venit per aquam, et sanguínem, Iesus Christus: non in aqua solum, sed in aqua et sanguine. Et Spíritus est, qui testificátur, quóniam Christus est véritas. Quóniam tres sunt, qui testimónium dant in cælo: Pater, Verbum, et Spíritus Sanctus: et hi tres unum sunt. Et tres sunt, qui testimónium dant in terra: Spíritus, et aqua, et sanguis:

et hi tres unum sunt. Si testimónium hóminum accípimus, testimónium Dei maius est: quóniam hoc est testimónium Dei, quod maius est: quóniam testificátus est de Fílio suo. Qui credit in Fílium Dei, habet testimónium Dei in se.

Allelúia, allelúia. **¶** **Matth. 28, 7** In die resurrectionis meæ, dicit Dóminus, præcedam vos in Galiléam. Allelúia. **¶** **Ioann. 20, 26** Post dies octo, iánuis clausis, stetit Iesus in médio discipulórum suórum, et dixit: Pax vobis. Allelúia.

✠ Sequéntia sancti Evangélíi secúndum Ioánnem.

Ioann. 20, 19-31

In illo témpore: Cum sero esset die illo, una sabbatórum, et fores essent clausæ, ubi erant discipuli congregáti propter metum Iudæórum: venit Iesus, et stetit in médio, et dixit eis: Pax vobis. Et cum hoc dixisset, osténdit eis manus, et latus. Gavísi sunt ergo discipuli, viso Dómino. Dixit ergo eis iterum: Pax vobis. Sicut misit me Pater, et ego mitto vos. Hæc cum dixisset, insufflavit: et dixit eis: Accípite Spíritum Sanctum: quorum remiséritis peccáta, remittúntur eis: et quorum retinuéritis, reténta sunt. Thomas autem unus ex duódecim, qui dicitur Dídymus, non erat cum eis, quando venit Iesus. Dixérunt ergo ei álíi discipuli: Vídimus Dóminum. Ille autem dixit eis: Nisi vídero in mánibus eius fixúram clavórum, et mittam dígitum meum

in locum clavórum, et mittam manum meam in latus eius, non credam. Et post dies octo, íterum erant discipuli eius intus, et Thomas cum eis. Venit Iesus iánuis clausis, et stetit in médio, et dixit: Pax vobis. Deínde dicit Thomæ: Infer dígitum tuum huc, et vide manus meas, et affer manum tuam, et mitte in latus meum: et noli esse incrédulus, sed fidélis. Respóndit Thomas, et dixit ei: Dóminus meus, et Deus meus. Dixit ei Iesus: Quia vidísti me, Thoma, credidísti: beáti, qui non vidérunt, et credidérunt. Multa quidem et ália signa fecit Iesus in conspéctu discipulórum suórum, quæ non sunt scripta in libro hoc. Hæc autem scripta sunt, ut credátis, quia Iesus est Christus Fílius Dei: et ut credéntes, vitam habeátis in nómine eius.

Credo.

Antiphona ad Offertorium Matth. 28, 2, 5 et 6 Angelus Dómini descéndit de cælo, et dixit muliéribus: Quem quæritis, surréxit sicut dixit, allelúia.

Secreta

Súscipe múnera, Dómine, quæsumus, exsultántis Ecclésiæ: et cui causam tanti gáudii præstitísti, perpétuæ fructum concéde lætítiæ. Per Dóminum.

Præfatio paschalis, in qua dicitur: in hoc potíssimum gloriósius prædicáre.

Antiphona ad Communionem Ioann. 20, 27 Mitte manum tuam, et cognósce loca clavórum, allelúia: et noli esse incrédulus, sed fidélis, allelúia, allelúia.

Postcommunio

Quæsumus, Dómine Deus noster: ut sacrosáncta mystéria, quæ pro reparatiónis nostræ munímine contulísti; et præsens nobis remédium esse fácias, et futúrum. Per Dóminum.

DOMINICA II POST PASCHA

II classis

Antiphona ad Introitum

Ps. 32, 5-6

Misericórdia Dómini plena est terra, allelúia: verbo Dómini cæli firmáti sunt, allelúia, allelúia. **Ps. ibid., 1** Exsultáte, iusti, in Dómino: rectos decet collaudátio. **V.** Glória Patri.

Oratio

Deus, qui in Fílii tui humilitáte iacéntem mundum erexísti: fidélibus tuis perpétuam concéde lætítiam; ut, quos perpétuæ mortis eripuísti cásibus, gáudiis fácias pérfrui sempitérnis. Per eúndem Dóminum.

Léctio Epístolæ beáti Petri Apóstoli.

1 Petri 2, 21-25

Caríssimi: Christus passus est pro nobis, vobis relínquens exéplum, ut sequámini vestígia eius. Qui peccátum non fecit, nec invéntus est dolus in ore eius: qui cum maledicerétur, non maledicébat: cum paterétur, non comminabátur: tradébat autem iudicánti se iniúste: qui peccáta nostra ipse pertulit in corpore suo super lignum: ut peccátis mórtui, iustítiæ vivámus: cuius livóre sanáti estis. Erátis enim sicut oves errántes, sed convérsi estis nunc ad pastórem et episcopum animárum vestrárum.

Allelúia, allelúia. **V. Luc. 24, 35** Cognovérunt discipuli Dóminum Iesum in fractiône panis. Allelúia. **V. Ioann. 10, 14** Ego sum pastor bonus: et cognósco oves meas, et cognóscunt me meæ. Allelúia.

✠ Sequéntia sancti Evangélíi secúndum Ioánnem.

Ioann. 10, 11-16

In illo témpore: Dixit Iesus pharisæis: Ego sum pastor bonus. Bonus pastor ánimam suam dat

pro óvibus suis. Mercenárius autem, et qui non est pastor, cuius non sunt oves própriae, videt lupum venientem, et dimittit oves, et fugit: et lupus rapit, et dispérgit oves: mercenárius autem fugit, quia mercenárius est, et non pértinet ad eum de óvibus. Ego sum pastor bonus: et cognósko meas, et cognóscunt me meæ. Sicut novit me Pater, et ego agnósko Patrem: et ánimam meam pono pro óvibus meis. Et álias oves hábeo, quæ non sunt ex hoc ovili: et illas opórtet me addúcere, et vocem meam áudient, et fiet unum ovile, et unus pastor.

Credo.

Antiphona ad Offertorium Ps. 62, 2 et 5 Deus, Deus meus, ad te de luce vígilo: et in nómine tuo levábo manus meas, allelúia.

Secreta

Benedictiónem nobis, Dómine, cónferat salutárem sacra semper oblátio: ut, quod agit mystério, virtúte perficiat. Per Dóminum.

Præfatio paschalis, in qua dicitur: in hoc potíssimum gloriósius prædicáre.

Antiphona ad Communionem Ioann. 10, 14 Ego sum pastor bonus, allelúia: et cognósko oves meas, et cognóscunt me meæ, allelúia, allelúia.

Postcommunio

Præsta nobis, quæsumus, omnipotens Deus: ut vivificatiónis tuæ grátiam consequéntes, in tuo semper múnere gloriémur. Per Dóminum.

DOMINICA III POST PASCHA

II classis

Antiphona ad Introitum

Ps. 65, 1-2

Iubiláte Deo, omnis terra, allelúia: psalmum dícite nómini eius, allelúia: date glóriam laudi

eius, allelúia, allelúia, allelúia. **Ps. ibid., 3** Dícite Deo, quam terribília sunt ópera tua, Dómine! in multitudine virtútis tuæ mentiéntur tibi inimíci tui. **V.** Glória Patri.

Oratio

Deus, qui errántibus, ut in viam possint redíre iustítiæ, veritátis tuæ lumen osténdis: da cunctis qui christiána professióne censéntur, et illa respúere, quæ huic inimíca sunt nómini; et ea quæ sunt apta, sectári. Per Dóminum.

Léctio Epístolæ beáti Petri Apóstoli.

I Petri 2, 11-19

Caríssimi: Obsecro vos tamquam ádvenas, et peregrínos abstinére vos a carnálibus desidériis, quæ militánt advérsus ánimam, conversatió nem vestram inter gentes habéntes bonam: ut in eo, quod detréctant de vobis tamquam de malefactóribus, ex bonis opéribus vos considerántes, gloríficent Deum in die visitatiónis. Subiécti igitur estóte omni humánæ creatúræ propter Deum: sive regi, quasi præcelénti: sive dúcibus, tamquam ab eo missis ad vindíctam malefactórum, laudem vero bonórum: quia sic est volúntas Dei, ut benefaciéntes obmutéscere faciátis imprudéntium hóminum ignorántiam: quasi líberi, et non quasi velámen habéntes malítiæ libertátem, sed sicut servi Dei. Omnes honoráte: fraternitátem diligite: Deum timéte: regem honorificáte. Servi, súbditi estóte in omni timóre dómínis, non tantum bonis, et modéstis, sed étiam dýscolis. Hæc est enim grátia: in Christo Iesu Dómino nostro.

Allelúia, allelúia. **V. Ps. 110, 9** Redemptiónem misit Dóminus pópulo suo. Allelúia. **V. Luc. 24, 46** Oportébat pati Christum, et resurgere a mórtuis: et ita intráre in glóriam suam. Allelúia.

✠ Sequéntia sancti Evangélíi secúndum Ioánnem.

Ioann. 16, 16-22

In illo témpore: Dixit Iesus discí-
pulis suis: Módicum, et iam non
vidébitis me: et íterum módicum,
et vidébitis me: quia vado ad Pa-
trem. Dixérunt ergo ex discí-
pulis eius ad ínvicem: Quid est hoc, quod
dicit nobis: Módicum, et non vidé-
bitis me: et íterum módicum, et
vidébitis me, et quia vado ad Pa-
trem? Dicébant ergo: Quid est hoc,
quod dicit: Módicum? nescímus,
quid lóquitur. Cognóvit autem Ie-
sus, quia volébant eum interrogáre,
et dixit eis: De hoc quáeritis inter
vos, quia dixi: Módicum, et non
vidébitis me: et íterum módicum,
et vidébitis me. Amen, amen dico
vobis: quia plorábitis, et flébitis
vos, mundus autem gaudébit: vos
autem contristabímíni, sed tristítia
vestra vertétur in gáudium. Múlier
cum parit, tristítiam habet, quia
venit hora eius: cum autem pepé-
rerit púerum, iam non mémínit
pressúræ propter gáudium, quia
natus est homo in mundum. Et vos
ígíter nunc quidem tristítiam habé-
tis, íterum autem vidébo vos, et
gaudébit cor vestrum: et gáudium
vestrum nemo tollet a vobis.

Credo.

Antiphona ad Offertorium Ps. 145,

2 Lauda, ánima mea, Dóminum:
laudábo Dóminum in vita mea:
psallam Deo meo, quámdui ero,
allelúia.

Secreta

His nobis, Dómine, mystériis
conferátur, quo terréna desi-
déria mitigántes, discámus amáre
cæléstia. Per Dóminum.

**Præfatio paschalis, in qua dici-
tur:** in hoc potíssimum gloriósius
prædicáre.

Antiphona ad Communionem
Ioann. 16, 16 Módicum, et non vidé-

bitis me, allelúia: íterum módicum,
et vidébitis me, quia vado ad Pa-
trem, allelúia. allelúia.

Postcommunio

Sacraménta quæ sumpsimus, quæ-
sumus, Dómine: et spirituálibus
nos instáurent aliméntis, et corpo-
rálibus tueántur auxíliis. Per Dó-
minum.

DOMINICA IV POST PASCHA

II classis

Antiphona ad Introitum

Ps. 97, 1 et 2

Cantáte Dómino cánticum no-
vum, allelúia: quia mira-
bília fecit Dóminus, alle-
lúia: ante conspéctum géntium re-
velávit iustítiam suam, allelúia, al-
lelúia, allelúia. **Ps. ibid., 1** Salvávit
sibi délixtera eius: et brácchium
sanctum eius. **V.** Glória Patri.

Oratio

Deus, qui fidélium mentes
uníus éfficis voluntátis: da pó-
pulis tuis id amáre quod præcipis,
id desideráre quod promíttis; ut
inter mundánas varietátes ibi no-
stra fixa sint corda, ubi vera sunt
gáudia. Per Dóminum.

Léctio Epístolæ beáti Iacóbi Apó-
stoli.

Iac. 1, 17-21

Caríssimi: Omne datum ópti-
mum, et omne donum perféc-
tum desúrsum est, descéndens a
Patre lúminum, apud quem non
est transmutátio, nec vicissitúdinis
obumbrátio. Voluntárie enim gé-
nuit nos verbo veritátis, ut simus
ínítium áliquod creatúræ eius. Sci-
tis, fratres mei dilectíssimi. Sit au-
tem omnis homo velox ad audién-
dum: tardus autem ad loquéndum,
et tardus ad iram. Ira enim viri,
iustítiam Dei non operátur. Propter
quod abiciéntes omnem immun-
dítiam, et abundántiam malítiæ,

in mansuetúdine suscípite ínsitum verbum, quod potest salváre ánimas vestras.

Allelúia, allelúia. **℣. Ps. 117, 16** Dextera Dómini fecit virtútem: dextera Dómini exaltávit me. Allelúia. **℣. Rom. 6, 9** Christus resúrgens ex mórtuis, iam non móritur: mors illi ultra non dominábitur. Allelúia.

✠ Sequéntia sancti Evangélíi secúndum Ioánnem.

Ioann. 16, 5-14

In illo témpore: Dixit Iesus discí-pulis suis: Vado ad eum, qui misit me: et nemo ex vobis intérrogat me: Quo vadis? Sed quia hæc locútus sum vobis, tristítia implévit cor vestrum. Sed ego veritátem dico vobis: expedit vobis ut ego vadam: si enim non abíero, Paráclitus non véniet ad vos: si autem abíero, mittam eum ad vos. Et cum vénerit ille, árguet mundum de peccáto, et de iustítia, et de iudício. De peccáto quidem, quia non credidérunt in me: de iustítia vero, quia ad Patrem vado, et iam non vidébitis me: de iudício autem, quia princeps huius mundi iam iudicátus est. Adhuc multa hábeo vobis dícere: sed non potéstis portáre modo. Cum autem vénerit ille Spíritus veritátis, docébit vos omnem veritátem. Non enim loquétur a semetípso: sed quacúmque áudiet, loquétur, et quæ ventúra sunt, annuntiábit vobis. Ille me clarificábit: quia de meo accípiet, et annuntiábit vobis. Credo.

Antiphona ad Offertorium Ps. 65, 1-2 et 16 Iubiláte Deo, unívsa terra, psalmum dícite nómini eius: veníte, et audíte, et narrábo vobis, omnes qui timétis Deum, quanta fecit Dóminus ánimæ meæ, allelúia.

Secreta

Deus, qui nos per huius sacrificii veneránda commércia, uníus

summæ divinitátis partícipes effecísti: præsta, quæsumus; ut, sicut tuam cognóscimus veritátem, sic eam dignis móribus assequámur. Per Dóminum.

Præfatio paschalis, in qua dicitur: in hoc potíssimum gloriósius prædicáre.

Antiphona ad Communionem Ioann. 16, 8 Cum vénerit Paráclitus Spíritus veritátis, ille árguet mundum de peccáto, et de iustítia, et de iudício, allelúia, allelúia.

Postcommunio

Adésto nobis, Dómine Deus noster: ut per hæc, quæ fidéliter sumpsimus, et purgémur a vítiis, et a perículis ómnibus eruámur. Per Dóminum.

DOMINICA V POST PASCHA

II classis

Antiphona ad Introitum

Isai. 48, 20

Vocem iucunditátis annuntiáte, et audiátur, allelúia: annuntiáte usque ad extrémum terræ: liberávit Dóminus pópulum suum, allelúia, allelúia. **Ps. 65, 1-2** Iubiláte Deo, omnis terra, psalmum dícite nómini eius: date glóriam laudi eius. **℣. Glória Patri.**

Oratio

Deus, a quo bona cuncta procedunt, largíre supplicibus tuis: ut cogitémus, te inspiránte, quæ recta sunt; et, te gubernánte, eadem faciámus. Per Dóminum.

Léctio Epístolæ beáti Iacóbi Apóstoli.

Iac. 1, 22-27

Caríssimi: Estóte factóres verbi, et non auditóres tantum: falléntes vosmetípsos. Quia si quis audítor est verbi, et non factor: hic comparábitur viro consideránti vultum nativitátis suæ in spéculo:

considerávit enim se, et ábiit, et statim oblítus est, qualis fúerit. Qui autem perspéxerit in legem perféctam libertátis, et permánserit in ea, non audítor obliviósus factus, sed factor óperis: hic beátus in facto suo erit. Si quis autem putat se religiósum esse, non refrénans linguam suam, sed sedúcens cor suum, huius vana est religio. Relígio munda, et immaculáta apud Deum et Patrem, hæc est: Visitáre pupíllas, et víduas in tribulatióne eórum et immaculátum se custodíre ab hoc sáculo.

Allelúia, allelúia. **V.** Surréxit Christus, et illúxit nobis, quos redémit ságuine suo. Allelúia. **V. Ioann. 16, 28** Exívi a Patre, et veni in mundum: íterum relínquo mundum, et vado ad Patrem. Allelúia.

✠ Sequéntia sancti Evangélíi secúndum Ioánnem.

Ioann. 16, 23-30

In illo témpore: Dixit Iesus discí-pulis suis: Amen, amen dico vobis: si quid petiéritis Patrem in nómine meo, dabit vobis. Usque modo non petístis quidquam in nómine meo: Pétite, et accipiétis, ut gáudium vestrum sit plenum. Hæc in provérbiis locútus sum vobis. Venit hora, cum iam non in provérbiis loquar vobis, sed palam de Patre annuntiábo vobis. In illo die in nómine meo petétis: et non dico vobis, quia ego rogábo Patrem de vobis: ipse enim Pater amat vos, quia vos me amástis, et credidístis, quia ego a Deo exívi. Exívi a Patre, et veni in mundum: íterum relínquo mundum, et vado ad Patrem. Dicunt ei discí-puli eius: Ecce, nunc palam lóqueris, et provérbiū nūllum dicis. Nunc scimus, quia scis ómnia, et non opus est tibi, ut quis te interróget: in hoc crédimus, quia a Deo exísti.

Credo.

Antiphona ad Offertorium Ps. 65, 8-9 et 20 Benedícite, gentes, Dóminum Deum nostrum, et obaudíte vocem laudis eius: qui pósuit ánimam meam ad vitam, et non dedit commovéri pedes meos: benedíctus Dóminus, qui non amóvit deprecatióem meam, et misericórdiam suam a me, allelúia.

Secreta

Súscipe, Dómine, fidélium preces cum oblatiόνibus hostiárum: ut per hæc piæ devotiónis officia, ad cæléstem glóriam transeámus. Per Dóminum.

Præfatio paschalis, in qua dicitur: in hoc potíssimum gloriósius prædicáre.

Antiphona ad Communionem Ps. 95, 2 Cantáte Dómino, allelúia: cantáte Dómino, et benedícite nomen eius: bene nuntiáte de die in diem salutáre eius, allelúia, allelúia.

Postcommunio

Tribue nobis, Dómine, cæléstis mensæ virtúte satiátis: et desideráre quæ recta sunt, et desideráta percípere. Per Dóminum.

IN LITANIIS MAIORIBUS ET MINORIBUS

Litaniæ maiores assignatæ sunt diei 25 aprilis; si vero eo die occurrat dominica Paschatis vel feria II post Pascha, transferuntur in sequentem feriam III.

Litaniæ minores seu Rogationes, per se, assignantur feriis II, III et IV ante festum Ascensionis Domini. Ordinariis autem locorum facultas tribuitur eas transferendi ad alios tres dies continuos magis opportunos, iuxta regionum diversitatem aut consuetudinem aut necessitatem.

In Litanis maioribus statio ad S. Petrum. Et in minoribus ante Ascensionem: feria II Rogationum, statio ad S. Mariam Maiorem; feria

III, statio ad S. Ioannem in Laterano; feria IV, statio ad S. Petrum.

Iuxta ecclesiarum et locorum consuetudines et condiciones, cuius rei iudex est Ordinarius loci, his diebus fit processio in qua dicuntur Litanie Sanctorum (quæ tamen non duplicantur) cum suis precibus.

Si autem processio fieri nequeat, locorum Ordinarii peculiare supplicationes instituant, in quibus dicantur Litanie Sanctorum et alie preces in processione fieri solite.

In Litanis tam maioribus quam minoribus, in ecclesiis in quibus fit processio vel, de mandato Ordinarii loci, peculiare celebrantur supplicationes, dicitur, tamquam votiva II classis, Missa de Rogationibus.

Missa Rogationum, vel Missa diei quæ locum tenet Missæ votivæ impeditæ, habetur tamquam pars totius actionis liturgicæ, et dicitur regulariter expleta processione. Convenit autem ut Missa de Rogationibus dicatur etiam post peculiare supplicationes, quæ locum tenent processionis, etsi horis vespertinis peragantur.

In Missa, quæ processionem vel alias supplicationes sequitur, omituntur psalmus Iudica me, Deus cum sua antiphona, necnon confessio cum absolutione, versibus sequentibus atque orationibus Aufer a nobis et Oramus te, Domine.

Sacerdos igitur cum ad altare accesserit, statim illud ascendit et osculatur in medio.

Alie Missæ de Rogationibus prohibentur.

Antiphona ad Introitum

Ps. 17, 7

Exaudivit de templo sancto suo vocem meam: et clamor meus in conspectu eius, introivit in aures eius. (T. P. Allelúia, allelúia.) Ps. ibid., 2-3 Diligam te, Domine,

virtus mea: Dominus firmamentum meum, et refugium meum, et liberator meus. V. Glória Patri.

¶ In hac Missa non dicitur Glória in excelsis.

Oratio

Præsta, quæsumus, omnipotens Deus: ut, qui in afflictione nostra de tua pietate confidimus, contra adversa omnia, tua semper protectione muniamur. Per Dominum.

Lectio Epistolæ beati Iacobi Apostoli.

Iac. 5, 16-20

Carissimi: Confitemini alterutrum peccata vestra, et orate pro invicem, ut salvemini: multum enim valet deprecatio iusti assidua. Elías homo erat similis nobis passibilis: et oratione oravit ut non plueret super terram, et non pluit annos tres, et menses sex. Et rursum oravit: et cælum dedit pluviam, et terra dedit fructum suum. Fratres mei, si quis ex vobis erraverit a veritate, et converterit quis eum: scire debet, quoniam qui converti fecerit peccatorem ab errore viæ suæ, salvabit animam eius a morte, et operiet multitudinem peccatorum.

Tempore paschali:

Allelúia, allelúia. V. Ps. 78, 9-10 Propitius esto, Domine, peccatis nostris: nequando dicant gentes: Ubi est Deus eorum? Allelúia. V. Ps. 30, 8 Exultabo et lætabor in misericordia tua, quoniam respexisti humilitatem meam: salvasti de necessitatibus animam meam. Allelúia.

Extra tempus paschale:

Graduale Ps. 43, 8-9 Liberasti nos, Domine, ex affligentibus nos: et eos, qui nos oderunt, confudisti. V. In Deo laudabimur tota die: et in nomine tuo confitebimur in sæcula.

Allelúia, allelúia. **V. Ps. 78, 9-10** Propítius esto, Dómine, peccátis nostris, nequándo dicant gentes: Ubi est Deus eórum? Allelúia.

Post Septuagesimam, omissis Allelúia, et versu sequenti, dicitur

Tractus Ps. 24, 17-18 et 1-4 De necessitatibus meis éripe me, Dómine: vide humilitátem meam, et labórem meum: et dimítte ómnia peccáta mea. **V.** Ad te, Dómine, levávi ánimam meam: Deus meus, in te confido, non erubéscam: neque irrídeant me inimíci mei. **V.** Etenim univérsi, qui te exspéctant, non confundéntur: confundántur omnes faciéntes vana.

✠ Sequéntia sancti Evangélíi secúndum Lucam.

Luc. 11, 5-13

In illo témpore: Dixit Iesus discí-pulis suis: Quis vestrum habébit amícum, et ibit ad illum média nocte, et dicet illi: Amíce, cómmoda mihi tres panes, quóniam amícus meus venit de via ad me, et non hábeo quod ponam ante illum: et ille deíntus respóndens, dicat: Noli mihi moléstus esse, iam óstium clausum est, et púeri mei mecum sunt in cubíli, non possum súr-gere, et dare tibi. Et si ille perseve-ráverit pulsans: dico vobis, etsi non dabit illi surgens, eo quod amícus eius sit, propter improbitátem ta-men eius surget, et dabit illi quot-quot habet necessários. Et ego dico vobis: Pétite, et dábitur vobis: quæ-rite, et inveniétis: pulsáte, et ape-riétur vobis. Omnis enim qui petit, áccipit: et qui quærit, ínvenit: et pulsánti aperiétur. Quis autem ex vobis patrem petit panem, numquid lápidem dabit illi? Aut piscem: numquid pro pisce serpéntem dabit illi? Aut si petíerit ovum: numquid pórriget illi scorpíonem? Si ergo vos cum sitis mali, nostis bona data dare filiis vestris: quanto magis

Pater vester de cælo dabit spíritum bonum peténtibus se?

Antiphona ad Offertorium Ps. 108, 30-31 Confitébor Dómino nimis in ore meo: et in médio multórum laudábo eum, qui ástitit a dextris páuperis: ut salvam fáceret a per-sequéntibus ánimam meam. **(T. P. Allelúia.)**

Secreta

Hæc múnera, quæsumus, Dómine, et víncula nostræ pravitátis absólvant, et tuæ nobis mi-sericórdiæ dona concílient. Per Dó-minum.

Antiphona ad Communionem Luc. 11, 9-10 Pétite, et accipiétis: quærite, et inveniétis: pulsáte, et aperiétur vobis: omnis enim qui petit, áccipit: et qui quærit, ínvenit: et pulsánti aperiétur. **(T. P. Allelúia.)**

Postcommunio

Vota nostra, quæsumus, Dómine, pio favóre proséquere: ut, dum dona tua in tribulatióne percípimus, de consolatióne nostra in tuo amóre crescámus. Per Dó-minum.

IN VIGILIA ASCENSIONIS

II classis

Antiphona ad Introitum

Isai. 48, 20

Vocem iucunditátis annuntiá-te, et audiátur, allelúia: an-nuntiáte usque ad extrémum terræ: liberávit Dóminus pópulum suum, allelúia, allelúia. **Ps. 65, 1-2** Iubiláte Deo, omnis terra, psalmum dicite nómini eius: date glóriam laudi eius. **V.** Glória Patri.

Et dicitur Glória in excélsis.

Oratio

Deus, a quo bona cuncta procé-dunt, largíre supplicibus tuis: ut cogitémus, te inspiránte, quæ recta sunt; et, te gubernánte, eádem faciámus. Per Dóminum.

Lectio Epistolæ beāti Pauli Apóstoli ad Ephésios.

Ephes. 4, 7-13

Fratres: Unicuique nostrum data est grátia secúndum mensúram donatiónis Christi. Propter quod dicit: Ascéndens in altum, captivam duxit captivitátem: dedit dona homínibus. Quod autem ascéndit, quid est, nisi quia et descéndit primum in inferiôres partes terræ? Qui descéndit, ipse est et qui ascéndit super omnes cælos, ut impléret ómnia. Et ipse dedit quosdam quidem apóstolos, quosdam autem prophétas, álios vero evangelístas, álios autem pastôres, et doctôres, ad consummatiónem sanctórum in opus ministérii, in ædificatióem cõporis Christi: donec occurrámus omnes in unitátem fidei, et agnitiónis Filii Dei, in virum perféctum, in mensúram ætátis plenitúdinis Christi.

Allelúia, allelúia. **V.** Surréxit Christus, et illúxit nobis, quos redémit ságuine suo. Allelúia. **V. Ioann. 16, 28** Exívi a Patre, et veni in mundum: íterum relínquo mundum, et vado ad Patrem. Allelúia.

✠ Sequéntia sancti Evangélíi secúndum Ioánnem.

Ioann. 17, 1-11

In illo témpore: Sublevátis Iesus óculis in cælum, dixit: Pater, venit hora, clarífica Fílium tuum, ut Fílius tuus claríficet te: sicut dedísti ei potestátem omnis carnis, ut omne, quod dedísti ei, det eis vitam ætérnam. Hæc est autem vita ætérna: ut cognóscant te, solum Deum verum, et quem misísti Iesum Christum. Ego te clarificávi super terram: opus consummávi, quod dedísti mihi ut fáciam: et nunc clarífica me tu, Pater, apud

temetípsum, claritáte, quam hábui priúsqum mundus esset, apud te. Manifestávi nomen tuum homínibus, quos dedísti mihi de mundo. Tui erant, et mihi eos dedísti: et sermónem tuum servavérunt. Nunc cognovérunt quia ómnia, quæ dedísti mihi, abs te sunt: quia verba, quæ dedísti mihi, dedi eis: et ipsi accepérunt, et cognovérunt vere quia a te exívi, et credidérunt quia tu me misísti. Ego pro eis rogo, non pro mundo rogo, sed pro his, quos dedísti mihi: quia tui sunt: et mea ómnia tua sunt, et tua mea sunt: et clarificátus sum in eis. Et iam non sum in mundo, et hi in mundo sunt, et ego ad te vénio.

Antiphona ad Offertorium Ps. 65, 8-9 et 20 Benedícite, gentes, Dóminum Deum nostrum, et obaudíte vocem laudis eius: qui pósuit ánimam meam ad vitam, et non dedit commovéri pedes meos: benedíctus Dóminus, qui non amóvit deprecationem meam, et misericórdiam suam a me, allelúia.

Secreta

Súscipe, Dómine, fidélium preces cum oblatiõibus hostiárum: ut per hæc piæ devotiõis offícia, ad cæléstem glóriam transeámus. Per Dóminum.

Præfatio paschalis.

Antiphona ad Communionem Ps. 95, 2 Cantáte Dómino, allelúia: cantáte Dómino, et benedícite nomen eius: bene nuntiáte de die in diem salutáre eius, allelúia, allelúia.

Postcommunio

Tríbue nobis, Dómine, cæléstis mensæ virtúte satiátis: et desideráre quæ recta sunt, et desideráta percípere. Per Dóminum.

TEMPUS ASCENSIONIS

IN ASCENSIONE DOMINI

I classis

Statio ad S. Petrum

Antiphona ad Introitum

Act. 1, 11

Viri Galilæi, quid admirámini aspiciéntes in cælum? allelúia: quemádmódum vidístis eum ascendéntem in cælum, ita véniet, allelúia, allelúia, allelúia. **Ps. 46, 2** Omnes gentes, pláudite mánibus: iubiláte Deo in voce exsultatiónis. **V.** Glória Patri.

Oratio

Concède, quásumus, omnípotens Deus: ut, qui hodiérna die Unigénitum tuum Redemptórem nostrum ad cælos ascendísse crédimus; ipsi quoque mente in cælestibus habitémus. Per eúndem Dóminum.

Léctio Actuum Apostolorum.

Act. 1, 1-11

Primum quidem sermónem feci de ómnibus, o Theóphile, quæ cœpit Iesus fácere et docére, usque in diem, qua, præcípiens Apóstolis per Spíritum Sanctum, quos elégit, assúptus est: quibus et præbuit seípsum vivum post passióem suam in multis arguméntis, per dies quadragínta appárens eis, et loquens de regno Dei. Et convéscens, præcépit eis ab Ierosólymis ne discéderent, sed exspectárent promissióem Patris, quam audístis (inquit) per os meum: quia Ioánnes quidem baptizávit aqua, vos autem baptizabímini Spíritu Sancto non post multos hos dies. Igitur qui convénierant, interrogábant eum, dicéntes: Dómine, si in témpore hoc

restítues regnum Israël? Dixit autem eis: Non est vestrum nosse témpora vel moménta, quæ Pater pósuit in sua potestáte: sed accipiéntis virtútem superveniéntis Spíritus Sancti in vos, et éritis mihi testes in Ierúsalem, et in omni Iudæa, et Samaría, et usque ad últimum terræ. Et cum hæc dixisset, vidéntibus illis, elevátus est, et nubes suscepit eum ab óculis eórum. Cumque intueréntur in cælum eúntem illum, ecce, duo viri astitérunt iuxta illos in véstibus albis, qui et dixerunt: Viri Galilæi, quid statis aspiciéntes in cælum? Hic Iesus, qui assúptus est a vobis in cælum, sic véniet, quemádmódum vidístis eum eúntem in cælum.

Allelúia, allelúia. **V. Ps. 46, 6** Ascéndit Deus in iubilatióne, et Dóminus in voce tubæ. Allelúia. **V. Ps. 67, 18-19** Dóminus in Sina in sancto, ascéndens in altum, captívam duxit captivitátem. Allelúia.

✠ Sequéntia sancti Evangélii secúndum Marcum.

Marc. 16, 14-20

In illo témpore: Recumbéntibus úndecim discípulis, appáruit illis Iesus: et exprobrávit incredulitátem eórum, et durítiam cordis: quia iis, qui víderant eum resurrexisse, non credidérunt. Et dixit eis: Eúntes in mundum univérsum, prædicáte Evangélium omni creatúræ. Qui crediderit, et baptizátus fuerit, salvus erit: qui vero non crediderit, condemnábitur. Signa autem eos, qui crediderint, hæc se-

quéntur: In nómine meo dæmónia eícient: linguis loquéntur novis: serpéntes tollent: et si mortíferum quid bíberint, non eis nocébit: super ægros manus impónent, et bene habébunt. Et Dóminus quidem Iesus, postquam locútus est eis, assúptus est in cælum, et sedet a dextris Dei. Illi autem profécti, prædicavérunt ubique, Dómino cooperánte, et sermónem confirmánte, sequéntibus signis.

¶ **Dicto Evangelio exstinguitur cereus paschalis.**
Credo.

Antiphona ad Offertorium Ps. 46, 6 Ascéndit Deus in iubilatióne, et Dóminus in voce tubæ, allelúia.

Secreta

Súscipe, Dómine, múnera, quæ pro Fílii tui gloriósa Ascensióne deférimus: et concéde propítius; ut a præsentibus periculis liberémur, et ad vitam perveniámus ætérnam. Per eúndem Dóminum.

Præfatio de Ascensione Domini, quæ dicitur tamquam propria in Missa de Ascensione Domini, et tamquam de Tempore a feria VI post Ascensionem usque ad feriam VI ante vigiliam Pentecostes, in Missis quæ præfatione propria carent.

Communicantes vero proprium de Ascensione Domini dicitur tantum in ipso die festo Ascensionis.

Antiphona ad Communionem Ps. 67, 33-34 Psállite Dómino, qui ascéndit super cælos cælórum ad Oriéntem, allelúia.

Postcommunio

Præsta nobis, quæsumus, omnipotens et miséricors Deus: ut, quæ visibílibus mystériis suménda percépimus, invisíbili consequámur effectū. Per Dóminum.

¶ **Diebus a feria VI post Ascensionem usque ad feriam VI ante**

vigiliam Pentecostes inclusive, dicitur Missa de festo Ascensionis, cum Glória et præfatione de Ascensione, sine Credo et Communicantes proprio.

DOMINICA POST ASCENSIONEM

II classis

Antiphona ad Introitum

Ps. 26, 7, 8 et 9

Exáudi, Dómine, vocem meam, qua clamávi ad te, allelúia: tibi dixit cor meum, quæsívi vultum tuum, vultum tuum, Dómine, requíram: ne avértas faciém tuam a me, allelúia, allelúia. **Ps. ibid., 1** Dóminus illuminátio mea, et salus mea: quem timébo? **Ÿ. Glória Patri.**

Oratio

Omnípotens sempitérne Deus: fac nos tibi semper et devótam gérere voluntátem, et maiestáti tuæ sincéro corde servíre. Per Dóminum.

Léctio Epístolæ beáti Petri Apóstoli.

1 Petr. 4, 7-11

Caríssimi: Estóte prudéntes, et vigiláte in oratió nibus. Ante ómnia autem, mútuam in vobismetípsis caritátem contínuam habéntes: quia caritas óperit multitudínem peccatórum. Hospitáles invicem sine murmuratióne: unusquisque, sicut accépit grátiam, in altérutrum illam administránte, sicut boni dispensatóres multifórmis grátia Dei. Si quis lóquitur, quasi sermónes Dei: si quis minístrat, tamquam ex virtúte, quam administrat Deus: ut in ómnibus honorificétur Deus per Iesum Christum Dóminum nostrum.

Allelúia, allelúia. **Ÿ. Ps. 46, 9** Regnávít Dóminus super omnes gentes: Deus sedet super sedem sanctam suam. Allelúia. **Ÿ. Ioann.**

14, 18 Non vos relinquam órphanos: vado, et vénio ad vos, et gaudébit cor vestrum. Allelúia.

✠ Sequéntia sancti Evangélii secúndum Ioánnem.

Ioann. 15, 26-27; 16, 1-4

In illo témpore: Dixit Iesus discipulis suis: Cum vénerit Paráclitus, quem ego mittam vobis a Patre, Spíritum veritátis, qui a Patre procedit, ille testimónium perhibébit de me: et vos testimónium perhibébitis, quia ab inítio mecum estis. Hæc locútus sum vobis, ut non scandalizémini. Absque synagógis fácient vos: sed venit hora, ut omnis, qui interficit vos, arbitrétur obséquium se præstare Deo. Et hæc fácient vobis, quia non novérunt Patrem, neque me. Sed hæc locútus sum vobis: ut, cum vénerit hora eórum, reminiscámini, quia ego dixi vobis.

Credo.

Antiphona ad Offertorium Ps. 46, 6 Ascéndit Deus in iubilatióne, et Dóminus in voce tubæ, allelúia.

Secreta

Sacrificia nos, Dómine, immaculáta puríficent: et méntibus nostris supérnæ grátiae dent vigórem. Per Dóminum.

Præfatio de Ascensione.

Antiphona ad Communionem Ioann. 17, 12-13 et 15 Pater, cum essem cum eis, ego servábam eos, quos dedísti mihi, allelúia: nunc autem ad te vénio: non rogo, ut tollas eos de mundo, sed ut serves eos a malo, allelúia, allelúia.

Postcommunio

Repléti, Dómine, munéribus sacris: da, quæsumus; ut in gratiárum semper actióne maneámus. Per Dóminum.

SABBATO IN VIGILIA PENTECOSTES

I classis

Statio ad S. Ioannem in Laterano

Antiphona ad Introitum

Ezech. 36, 23, 24 et 25-26

Cum sanctificátus fúero in vobis, congregábo vos de univérstis terris: et effúndam super vos aquam mundam, et mundabímmini ab ómnibus inquinaméntis vestris: et dabo vobis spíritum novum, allelúia, allelúia. **Ps. 33, 2** Benedícam Dóminum in omni témpore: semper laus eius in ore meo. **V.** Glória Patri.

Et dicitur Glória in excélsis.

Orémus.

Oratio

Præsta, quæsumus, omnípotens Deus: ut claritátis tuæ super nos splendor effúlgeat; et lux tuæ lucis corda eórum, qui per grátiam tuam renáti sunt, Sancti Spíritus illustratióne confirmet. Per Dóminum... in unitáte eiúsdem.

Léctio Actuum Apostolórum.

Act. 19, 1-8

In diébus illis: Factum est, cum Apóllo esset Corínthi, ut Paulus peragrátis superióribus pártibus veníret Ephesum, et inveníret quosdam discipulos: dixítque ad eos: Si Spíritum Sanctum accepístis credéntes? At illi dixérunt ad eum: Sed neque si Spíritus Sanctus est, audívimus. Ille vero ait: In quo ergo baptizáti estis? Qui dixérunt: In Ioánnis baptísmate. Dixit autem Paulus: Ioánnes baptizávit baptísmo pæniténtiæ pópulum, dicens: In eum, qui ventúrus esset post ipsum, ut créderent, hoc est, in Iesum. His audítis, baptizáti sunt in nómine Dómini Iesu. Et cum imposuísset illis manus Paulus, venit Spíritus Sanctus super eos, et loquebántur linguis, et prophe-

tábant. Erant autem omnes viri fere duódecim. Introgréssus autem synagógam, cum fidúcia loquebátur per tres menses, dísputans, et suádens de regno Dei.

Allelúia. **℣. Ps. 106, 1** Confitémini Dómino, quóniam bonus: quóniam in sáculum misericórdia eius.

Non repetitur Allelúia, sed immediate sequitur

Tractus Ps. 116, 1-2 Laudáte Dóminum, omnes gentes: et collaudáte eum, omnes pópuli. **℣.** Quóniam confirmáta est super nos misericórdia eius: et véritas Dómini manet in ætérnum.

✠ Sequéntia sancti Evangélíi secúndum Ioánnem.

Ioann. 14, 15-21

In illo témpore: Dixit Iesus discí-pulis suis: Si dilígitis me, mandáta mea serváte. Et ego rogábo Patrem, et álium Paráclitum dabit vobis, ut máneat vobíscum in ætérnum, Spíritum veritátis, quem mundus non potest accípere, quia non videt eum, nec scit eum. Vos autem cognoscétis eum; quia apud vos manébit, et in vobis erit. Non relínquam vos órphanos: véniam ad vos. Adhuc módicum: et mundus me iam non videt. Vos autem vidétis me, quia ego vivo, et vos vivétis. In illo die vos cognoscétis quia ego sum in Patre meo, et vos in me, et ego in vobis. Qui habet mandáta mea, et servat ea: ille est, qui diligit me. Qui autem diligit me, diligétur

a Patre meo; et ego dilígam eum, et manifestábo ei meípsum.

Non dicitur Credo.

Antiphona ad Offertorium Ps. 103, 30-31 Emítte Spíritum tuum, et creabúntur, et renovábis fáciem terræ: sit glória Dómini in sácula, allelúia.

Secreta

Múnera, quæsumus, Dómine, obláta sanctífica: et corda nostra Sancti Spíritus illustratióne emúnda. Per Dóminum... in unitáte eiúsdem.


¶ **Præfatio de Spiritu Sancto, quæ dicitur tamquam propria in Missis de Tempore a vigilia Pentecostes usque ad subsequens sabbatum inclusive, necnon in Missis votivis de Spiritu Sancto; et tamquam de Tempore in ceteris Missis quæ celebrantur eodem tempore et præfatione propria carent.**

Communicantes et Hanc igitur propria de Pentecoste: quæ dicuntur usque ad sabbatum sequens inclusive.

Antiphona ad Communionem Ioann. 7, 37-39 Ultimo festivitátis die dicébat Iesus: Qui in me credit, flúmina de ventre eius fluent aquæ vivæ: hoc autem dixit de Spíritu, quem acceptúri erant credéntes in eum, allelúia, allelúia.

Postcommunio

Sancti Spíritus, Dómine, corda nostra mundet infúsio: et sui roris íntima aspersione fecúndet. Per Dóminum... in unitáte eiúsdem.



DOMINICA PENTECOSTES

I classis cum octava I classis

Statio ad S. Petrum

Antiphona ad Introitum

Sap. 1, 7

Spíritus Dómini replévit orbem terrárum, allelúia: et hoc quod contémnet ómnia, sciéntiam habet vocis, allelúia, allelúia, allelúia. **Ps. 67, 2** Exsúrgat Deus, et dissipéntur inimíci eius: et fúgiant, qui odérunt eum, a fácie eius. **V.** Glória Patri.

Oratio

Deus, qui hodiérna die corda fidélium Sancti Spíritus illustratióne docuísti: da nobis in eódem Spíritu recta sápere; et de eius semper consolatióne gaudére. Per Dóminum... in unitáte eiúsdem.

Lectio Actuum Apostolorum.

Act. 2, I-II

Cum compleréntur dies Pentecóstes, erant omnes discipuli páriter in eódem loco: et factus est repénite de cælo sonus, tamquam adveniéntis spíritus veheméntis: et replévit totam domum ubi erant sedéntes. Et apparuérunt illis dispertítæ linguæ tamquam ignis, sedítque supra singulos eórum: et repléti sunt omnes Spíritu Sancto, et cœpérunt loqui váriis linguis, prout Spíritus Sanctus dabat éloqui illis. Erant autem in Ierúsalem habitántes Iudæi, viri religiósi ex omni natióne, quæ sub cælo est. Facta autem hac voce, convénit multitúdo, et mente confúsa est, quóniam audiébat unusquisque lingua sua illos loquéntes. Stupébant autem omnes, et mirabántur, dicéntes: Nonne ecce omnes isti, qui loquúntur, Galilæi sunt? Et

quómodo nos audívimus unusquisque linguam nostram, in qua nati sumus? Parthi, et Medi et Ælamítæ, et qui hábitant Mesopotámiam, Iudæam, et Cappadóciam, Pontum, et Asiam, Phrýgiam, et Pamphýliam, Ægýptum, et partes Líbyæ, quæ est circa Cyrénen, et ádvenæ Románi, Iudæi quoque, et Prosélyti, Cretes, et Arabes: audívimus eos loquéntes nostris linguis magnália Dei.

Allelúia, allelúia. **V. Ps. 103, 30** Emítte Spíritum tuum, et creabúntur: et renovábis fáciem terræ. Allelúia. **(Hic genuflectitur)** **V.** Veni, Sancte Spíritus, reple tuórum corda fidélium: et tui amóris in eis ignem accénde.

Sequentia

Veni, Sancte Spíritus, et emítte cælitus lucis tuæ rádium.

Veni, pater páuperum, veni, dator múnierum, veni, lumen córdium.

Consolátor óptime, dulcis hospes ánimæ, dulce refrigerium.

In labóre réquies, in æstu temperies, in fletu solátium.

O lux beatíssima, reple cordis íntima tuórum fidélium.

Sine tuo númine, nihil est in hómine, nihil est innóxium.

Lava quod est sórdidum, riga quod est áridum, sana quod est sáucium.

Flecte quod est rígidum, fove quod est frígidum, rege quod est dévium.

Da tuis fidélibus, in te confidéntibus, sacrum septenárium.

Da virtútis méritum, da salútis éxitum, da perénne gáudium.

Amen. Allelúia.

¶ **Et dicitur quotidie usque ad sequens sabbatum inclusive.**

✠ Sequéntia sancti Evangélíi secúndum Ioánnem.

Ioann. 14, 23-31

In illo témpore: Dixit Iesus discí- pulis suis: Si quis díligit me, sermónem meum servábit, et Pater meus díliget eum, et ad eum veniémus, et mansiónem apud eum faciémus. Qui non díligit me, sermónes meos non servat. Et sermónem quem audístis, non est meus: sed eius, qui misit me, Patris. Hæc locútus sum vobis, apud vos manens. Paráclitus autem Spíritus Sanctus, quem mittet Pater in nómine meo, ille vos docébit ómnia, et sùggetet vobis ómnia, quæcúmque díxero vobis. Pacem relínquo vobis, pacem meam do vobis: non quómodo mundus dat, ego do vobis. Non turbétur cor vestrum, neque formídet. Audístis quia ego dixi vobis: Vado, et vénio ad vos. Si díligerétis me, gauderétis útique, quia vado ad Patrem: quia Pater maior me est. Et nunc dixi vobis priúsqvam fiat: ut cum factum fúerit, credátis. Iam non multa loquar vobíscum. Venit enim princeps mundi huius, et in me non

habet quidquam. Sed ut cognóscat mundus, quia díligo Patrem, et sicut mandátum dedit mihi Pater, sic fácio.

Credo.

Antiphona ad Offertorium Ps. 67, 29-30 Confirma hoc, Deus, quod operátus es in nobis: a templo tuo, quod est in Ierúsalem, tibi ófferent reges múnera, allelúia.

Secreta

Múnera, quæsumus, Dómine, obláta sanctífica: et corda nostra Sancti Spíritus illustratióne emúnda. Per Dóminum... in unitáte eiúsdem.

Præfatio, Communicántes **et** Hanc igitur **propria.**

Antiphona ad Communionem Act. 2, 2 et 4 Factus est repénite de cælo sonus, tamquam adveniéntis spíritus veheméntis, ubi erant sedéntes, allelúia: et repléti sunt omnes Spíritu Sancto, loquéntes magnália Dei, allelúia, allelúia.

Postcommunio

Sancti Spíritus, Dómine, corda nostra mundet infúsió: et sui roris íntima aspersiÓne fecúndet. Per Dóminum... in unitáte eiúsdem.

FERIA SECUNDA INFRA OCTAVAM PENTECOSTES

I classis

Statio ad S. Petrum ad Vincula

Antiphona ad Introitum

Ps. 80, 17

Cibávit eos ex ádipe fruménti, allelúia: et de petra, melle saturávit eos, allelúia, allelúia. **Ps. ibid., 2** Exsultáte Deo adiutóri nostro: iubiláte Deo Iacob. **Y.** Glória Patri.

Oratio

Deus, qui Apóstolis tuis Sanctum dedísti Spíritum: concéde

plebi tuæ piæ petitiÓnis efféctum; ut, quibus dedísti fidem, largiáris et pacem. Per Dóminum... in unitáte eiúsdem.

Léctio Actuum Apostolórum.

Act. 10, 34 et 42-48

In diébus illis: Apériens Petrus os suum, dixit: Viri fratres, nobis præcépit Dóminus prædicáre pópulo et testificári, quia ipse est, qui constitútus est a Deo iudex vivórum

et mortuorum. Huic omnes prophætæ testimónium pérhibent, remissionem peccatorum accípere per nomen eius omnes, qui credunt in eum. Adhuc loquente Petro verba hæc, cecidit Spíritus Sanctus super omnes, qui audiébant verbum. Et obstupuérunt ex circumcisióne fidéles, qui vénerant cum Petro: quia et in natiónes grátia Spíritus Sancti effúsa est. Audiébant enim illos loquéntes linguis, et magnificántes Deum. Tunc respóndit Petrus: Numquid aquam quis prohibére potest, ut non baptizéntur hi, qui Spíritum Sanctum acceperunt sicut et nos? Et iussit eos baptizári in nómine Dómini Iesu Christi.

Allelúia, allelúia. **V. Act. 2, 4** Loquebántur váriis linguis Apóstoli magnália Dei. Allelúia. (**Hic genuflectitur**) **V.** Veni, Sancte Spíritus, reple tuorum corda fidélium: et tui amoris in eis ignem accénde.

Sequentia

Veni, Sancte Spíritus, et emítte cælitus lucis tuæ rádium.

Veni, pater páuperum, veni, dator múnorum, veni, lumen córdium.

Consolátor óptime, dulcis hospes ánimæ, dulce refrigerium.

In labóre réquies, in æstu temperies, in fletu solátium.

O lux beatíssima, reple cordis íntima tuorum fidélium.

Sine tuo númine, nihil est in hómine, nihil est innóxium.

Lava quod est sórdidum, riga quod est áridum, sana quod est sáucium.

Flecte quod est rígidum, fove quod est frígidum, rege quod est dévium.

Da tuis fidélibus, in te confidéntibus, sacrum septenárium.

Da virtútis méritum, da salútis éxitum, da perénne gáudium.

Amen. Allelúia.

✠ Sequéntia sancti Evangélii secúndum Ioánnem.

Ioann. 3, 16-21

In illo témpore: Dixit Iesus Nicodémo: Sic Deus diléxit mundum, ut Fílium suum unigénitum daret: ut omnis, qui credit in eum, non péreat, sed hábeat vitam ætérnam. Non enim misit Deus Fílium suum in mundum, ut iúdicet mundum, sed ut salvétur mundus per ipsum. Qui credit in eum, non iudicátur; qui autem non credit, iam iudicátus est: quia non credit in nómine unigéniti Fílii Dei. Hoc est autem iudícium: quia lux venit in mundum, et dilexérunt hómines magis ténebras, quam lucem: erant enim eórum mala ópera. Omnis enim qui male agit, odit lucem, et non venit ad lucem, ut non arguántur ópera eius: qui autem facit veritátem, venit ad lucem, ut manifesténtur ópera eius, quia in Deo sunt facta.

Credo.

Antiphona ad Offertorium Ps. 17, 14 et 16 Intónuit de cælo Dóminus, et Altíssimus dedit vocem suam: et apparuérunt fontes aquárum, allelúia.

Secreta

Propítius, Dómine, quæsumus, hæc dona sanctífica: et hóstiæ spiritalis oblatiône suscepta, nosmetipsos tibi pérfice munus ætérnum. Per Dóminum.

Præfatio, Communicántes et Hanc ígitur, **ut in die Pentecostes.**

Antiphona ad Communionem Ioann. 14, 26 Spíritus Sanctus docébit vos, allelúia: quæcúmque díxero vobis, allelúia, allelúia.

Postcommunio

Adésto, quæsumus, Dómine, pópulo tuo: et quem mystériis cælestibus imbuísti, ab hóstium furóre defénde. Per Dóminum.

FERIA TERTIA INFRA OCTAVAM PENTECOSTES

I classis

Statio ad S. Anastasiam

Antiphona ad Introitum

4 Esdr. 2, 36 et 37

Accípite iucunditatem glóriæ vestræ, allelúia: grátias ágéntes Deo, allelúia: qui vos ad cæléstia regna vocávit, allelúia, allelúia, allelúia. **Ps. 77, 1** Atténdite, pópule meus, legem meam: inclináte aurem vestram in verba oris mei. **℣.** Glória Patri.

Oratio

Adsit nobis, quæsumus, Dómine, virtus Spíritus Sancti: quæ et corda nostra cleménter expúrget, et ab ómnibus tueátur advérsis. Per Dóminum... in unitáte eiúsdem.

Lectio Actuum Apostolorum.

Act. 8, 14-17

In diébus illis: Cum audissent Apóstoli, qui erant Ierosólymis, quod recepisset Samaría verbum Dei, misérunt ad eos Petrum, et Ioánnem. Qui cum veníssent, oravérunt pro ipsis ut accíperent Spíritum Sanctum: nondum enim in quemquam illórum vénerat, sed baptizáti tantum erant in nómine Dómini Iesu. Tunc imponébant manus super illos, et accipiébant Spíritum Sanctum.

Allelúia, allelúia. **℣. Ioann. 14, 26** Spíritus Sanctus docébit vos quæcúmque díxero vobis. Allelúia. (**Hic genuflectitur**) **℣.** Veni, Sancte Spíritus, reple tuórum corda fidélium: et tui amóris in eis ignem accénde.

Sequentia

Veni, Sancte Spíritus, et emítte cælitus lucis tuæ rádiu.

Veni, pater páuperum, veni, dator múnere, veni, lumen córdium.

Consolátor óptime, dulcis hospes ánimæ, dulce refrigerium.

In labóre réquies, in æstu tempéries, in fletu solátium.

O lux beatíssima, reple cordis íntima tuórum fidélium.

Sine tuo númine, nihil est in hómine, nihil est innóxiu.

Lava quod est sórdidum, riga quod est áridum, sana quod est sáucium.

Flecte quod est rígidum, fove quod est frígidum, rege quod est dévium.

Da tuis fidélibus, in te confidéntibus, sacrum septenárium.

Da virtútis méritum, da salútis éxitum, da perénne gáudium.

Amen. Allelúia.

✠ Sequentia sancti Evangélii secúndum Ioánnem.

Ioann. 10, 1-10

In illo témpore: Dixit Iesus pharisæis: Amen, amen dico vobis: qui non intrat per óstium in ovíle óvium, sed ascéndit aliúnde, ille fur est, et latro. Qui autem intrat per óstium, pastor est óvium. Huic ostiárius áperit, et oves vocem eius ádiunt, et próprias oves vocat nominátim, et edúcit eas. Et cum próprias oves emíserit, ante eas vadit: et oves illum sequúntur, quia sciunt vocem eius. Aliénu autem non sequúntur, sed fúgiunt ab eo; quia non novérunt vocem alienórum. Hoc provérbium dixit eis Iesus. Illi autem non cognovérunt quid loquerétur eis. Dixit ergo eis íterum Iesus: Amen, amen dico vobis, quia ego sum óstium óvium. Omnes quotquot venérunt, fures sunt, et latrónes, et non audiérunt eos oves. Ego sum óstium. Per me si quis introíerit, salvábitur: et ingrediétur, et egrediétur, et pásqua

invéniet. Fur non venit nisi ut furé-
tur, et mactet, et perdat. Ego veni
ut vitam hábeant, et abundántius
hábeant.

Credo.

**Antiphona ad Offertorium Ps. 77,
23-25** Portas cæli apérui Dóminus:
et pluit illis manna, ut éderent:
panem cæli dedit eis, panem An-
gelórum manducávit homo, alle-
lúia.

Secreta

Puríficet nos, quásumus, Dómine,
múneris præsentis oblátio: et
dignos sacra participatióne efficiat.
Per Dóminum.

Præfatio, Communicántes **et**
Hanc ígitur, **ut in die Pentecostes.**

Antiphona ad Communionem
Ioann. 15, 26; 16, 14 Spíritus qui a
Patre procedit, allelúia: ille me cla-
rificábit, allelúia, allelúia.

Postcommunio

Mentes nostras, quásumus, Dó-
mine, Spíritus Sanctus diví-
nis réparet sacraméntis: quia ipse
est remíssio ómnium peccatórum.
Per Dóminum... in unitáte eiúsdem.

FERIA QUARTA QUATUOR TEMPORUM PENTECOSTES

I classis

Statio ad S. Mariam maiorem

Antiphona ad Introitum

Ps. 67, 8 et 9

Deus, dum egredereris coram
pópulo tuo, iter fáciens eis,
hábitans in illis, allelúia:
terra mota est, cæli distillavérunt,
allelúia, allelúia. **Ps. ibid. 2** Exsúr-
gat Deus, et dissipéntur inimíci
eius: et fúgiant, qui odérunt eum,
a fácie eius. **V.** Glória Patri.

Post Kýrie, eléison **dicitur** Oré-
mus, **sine** Flectámus génua.

Oratio

Mentes nostras, quásumus, Dó-
mine, Paráclitus, qui a te pro-
cédit, illúminet: et indúcat in om-
nem, sicut tuus promísit Fílius,
veritátem: Qui tecum vivit... in uni-
táte eiúsdem.

**Præcedens oratio sumitur ad
commemorandam feriam IV Qua-
tuor Temporum.**

Léctio Actuum Apostolórum

Act. 2, 14-21

In diébus illis: Stans Petrus cum
úndecim, levávit vocem suam,
et locútus est eis: Viri Iudæi, et qui
habitátis Ierúsalem univérsi, hoc

vobis notum sit, et áuribus percí-
píte verba mea. Non enim, sicut
vos æstimátis, hi ébrii sunt, cum
sit hora diéi tértia: sed hoc est,
quod dictum est per prophétam
Ioël: Et erit in novíssimis diébus
(dicit Dóminus) effúdam de Spí-
ritu meo super omnem carnem, et
prophetábunt filii vestri, et filiæ
vestræ, et iúvenes vestri visiónes
vidébunt, et senióres vestri sómnia
somniábunt. Et quidem super ser-
vos meos, et super ancillas meas
in diébus illis effúdam de Spíritu
meo, et prophetábunt: et dabo pro-
dígia in cælo sursum, et signa in
terra deórsum, sánguinem, et ignem,
et vapórem fumi. Sol convertétur
in ténebras, et luna in sánguinem,
ántequam véniat dies Dómini ma-
gnus et maniféstus. Et erit: omnis
quicúmque invocáverit nomen Dó-
mini, salvus erit.

Allelúia. **V. Ps. 32, 6** Verbo Dó-
mini cæli firmáti sunt, et Spíritu
oris eius omnis virtus eórum.

Hic dicitur Glória in excélsis
Deo, **et postea** Dóminus vobíscum.

Oratio

Præsta, quæsumus, omnipotens et miséricors Deus: ut Spíritus Sanctus advéniens, templum nos glóriæ suæ dignánter inhabitándo perficiat. Per Dóminum... in unitáte eiúsdem.

Et huic orationi additur altera commemoratio sub unica conclusione forte dicenda.

Lectio Actuum Apostolorum.

Act. 5, 12-16

In diébus illis: Per manus autem Apostolorum fiébant signa et prodigia multa in plebe. Et erant unánimiter omnes in pórticu Salomónis. Ceterórum autem nemo audébat se coniúngere illis: sed magnificábat eos pópulus. Magis autem augebátur credéntium in Dómino multitúdo virórum ac mulierum, ita ut in platéas eícerent infirmos, et pónerent in léctulis ac grabátis, ut, veniénte Petro, saltem umbra illíus obumbráret quemquam illórum, et liberaréntur ab infirmitátibus suis. Concurrébat autem et multitúdo vicinárum civitátum Ierúsalem, afferéntes ægros, et vexátos a spirítibus immúndis: qui curabántur omnes.

Allelúia, allelúia. (**Hic genuflectitur**) **V.** Veni, Sancte Spíritus, reple tuórum corda fidélium: et tui amoris in eis ignem accénde.

Sequentia

Veni, Sancte Spíritus, et emítte cælitus lucis tuæ rádium.

Veni, pater páuperum, veni, dator múnierum, veni, lumen córdium.

Consolátor óptime, dulcis hospes ánimæ, dulce refrigerium.

In labóre réquies, in æstu tem-péries, in fletu solátium.

O lux beatíssima, reple cordis íntima tuórum fidélium.

Sine tuo númine, nihil est in hómine, nihil est innóxium.

Lava quod est sórdidum, riga quod est áridum, sana quod est saucium.

Flecte quod est rígidum, fove quod est frígidum, rege quod est dévium.

Da tuis fidélibus, in te confidéntibus, sacrum septenárium.

Da virtútis méritum, da salutis éxitum, da perénne gáudium.

Amen. Allelúia.

✠ Sequéntia sancti Evangélii secúndum Ioánnem.

Ioann. 6, 44-52

In illo témpore: Dixit Iesus turbis Iudæórum: Nemo potest veníre ad me, nisi Pater, qui misit me, tráxerit eum: et ego resuscitábo eum in novíssimo die. Est scriptum in prophétis: Et erunt omnes docí-biles Dei. Omnis, qui audívit a Patre, et dídicit, venit ad me. Non quia Patrem vidit quisquam, nisi is, qui est a Deo, hic vidit Patrem. Amen, amen dico vobis: qui credit in me, habet vitam ætérrnam. Ego sum panis vitæ. Patres vestri manducavérunt manna in desérto, et mórtui sunt. Hic est panis de cælo descéndens: ut si quis ex ipso manducáverit, non moriátur. Ego sum panis vivus, qui de cælo descéndi. Si quis manducáverit ex hoc pane, vivet in ætérrnum: et panis, quem ego dabo, caro mea est pro mundi vita.

Credo.

Antiphona ad Offertorium Ps. 118, 47-48 Meditábor in mandátis tuis, quæ diléxi valde: et levábo manus meas ad mandáta tua, quæ diléxi, allelúia.

Secreta

Accipe, quæsumus, Dómine, munus oblátum: et dignánter operáre; ut, quod mystériis ágimus, piis efféctibus celebremus. Per Dóminum.

Præfatio, Communicantes et
Hanc igitur, **ut in die Pentecostes.**

Antiphona ad Communionem
Ioann. 14, 27 Pacem relinquo vobis,
allelúia: pacem meam do vobis,
allelúia, allelúia

Postcommunio

Suméntes, Dómine, cæléstia sacraménta, quæsumus cleméntiam tuam: ut, quod temporáliter gérimus, ætérnis gáudiis consequámur. Per Dóminum.

FERIA QUINTA INFRA OCTAVAM PENTECOSTES

I classis

Statio ad S. Laurentium extra muros

Antiphona ad Introitum

Sap. 1, 7

Spíritus Dómini replévit orbem terrárum, allelúia: et hoc quod cóntinet ómnia, sciéntiam habet vocis, allelúia, allelúia, allelúia.
Ps. 67, 2 Exsúrgat Deus, et dissipéntur inimíci eius: et fúgiant, qui odérunt eum, a fácie eius. **¶** Glória Patri.

Oratio

Deus, qui hodiérna die corda fidélium Sancti Spíritus illustratióne docuísti: da nobis in eódem Spíritu recta sápere; et de eius semper consolatióne gaudére. Per Dóminum... in unitáte eiúsdem.

Léctio Actuum Apostolórum.

Act. 8, 5-8

In diébus illis: Philíppus descéndens in civitátem Samariæ, prædicábat illis Christum. Intendébant autem turbæ his quæ a Philíppo dicebántur, unánimiter audiéntes, et vidéntes signa quæ faciébat. Multi enim eórum, qui habébant spíritus immúndos, clamántes voce magna, exíbant. Multi autem paralýtici, et claudi curáti sunt. Factum est ergo gáudium magnum in illa civitáte.

Allelúia, allelúia. **¶ Ps. 103, 30** Emítte Spíritum tuum, et creabúntur: et renovábis fáciem terræ. Allelúia. **(Hic genuflectitur)** **¶** Veni, Sancte Spíritus, reple tuórum corda fidélium: et tui amóris in eis ignem accénde.

Sequentia

Veni, Sancte Spíritus, et emítte cælitus lucis tuæ rádium.

Veni, pater páuperum, veni, dator múnorum, veni, lumen córdium.

Consolátor óptime, dulcis hospes ánimæ, dulce refrigérium.

In labóre réquies, in æstu tem-péries, in fletu solátium.

O lux beatíssima, reple cordis íntima tuórum fidélium.

Sine tuo númine, nihil est in hómine, nihil est innóxium.

Lava quod est sórdidum, riga quod est áridum, sana quod est sáucium.

Flecte quod est rígidum, fove quod est frígidum, rege quod est dévium.

Da tuis fidélibus, in te confidéntibus, sacrum septenárium.

Da virtútis méritum, da salútis éxitum, da perénne gáudium.

Amen. Allelúia.

✠ **Sequéntia sancti Evangélli se-cúndum Lucam.** **Luc. 9, 1-6**

In illo témpore: Convocátis Iesus duódecim Apóstolis, dedit illis virtútem, et potestátem super ómnia dæmónia, et ut languóres curárent. Et misit illos prædicáre regnum Dei, et sanáre infirmos. Et ait ad illos: Nihil tuléritis in via, neque virgam, neque peram, neque panem, neque pecúniam, neque duas túnicas habeátis. Et in quam-cúmque domum intravéritis, ibi manéte, et inde ne exeátis. Et qui-

cúmque non recéperint vos: exeúntes de civitáte illa, étiam púlverem pedum vestrórum excútite in testimoniúm supra illos. Egréssi autem circuíbant per castélla, evangeli-zántes, et curántes ubíque.

Credo.

Antiphona ad Offertorium Ps. 67, 29-30 Confirma hoc, Deus, quod operátus es in nobis: a templo tuo, quod est in Ierúsalem, tibi ófferent reges múnera, allelúia.

Secreta

Múnera, quásumus, Dómine, obláta sanctífica: et corda nostra Sancti Spíritus illustratióne

emúnda. Per Dóminum... in unitáte eiúsdem.

Præfatio, Communicántes et Hanc igitur, **ut in die Pentecostes.**

Antiphona ad Communionem Act. 2, 2 et 4 Factus est repénite de cælo sonus tamquam adveniéntis spíritus veheméntis, ubi erant sedéntes, allelúia: et repléti sunt omnes Spíritu Sancto, loquéntes magnália Dei, allelúia, allelúia.

Postcommunio

Sancti Spíritus, Dómine, corda nostra mundet infúsió: et suororís íntima aspersione fecúndet. Per Dóminum... in unitáte eiúsdem.

FERIA SEXTA QUATUOR TEMPORUM PENTECOSTES

I classis

Statio ad Ss. duodecim Apostolos

Antiphona ad Introitum

Ps. 70, 8 et 23

Repleátur os meum laude tua, allelúia: ut possim cantáre, allelúia: gaudébunt lábia mea, dum cantávero tibi, allelúia, allelúia. **Ps. ibid., 1-2** In te, Dómine, sperávi, non confúndar in ætérnum: in iustítia tua libera me, et éripe me. **V.** Glória Patri.

Oratio

Da, quásumus, Ecclésiæ tuæ, miséricors Deus: ut Sancto Spíritu congregáta, hostíli nullátenuis incursiône turbétur. Per Dóminum... in unitáte eiúsdem.

Lectio Ioélis Prophætæ.

Ioél. 2, 23-24 et 26-27

Hæc dicit Dóminus Deus: Exsultáte, filii Sion, et lætámini in Dómino Deo vestro: quia dedit vobis doctórem iustítiæ, et descéndere fáciat ad vos imbrem matutínium et serótinum, sicut in principio. Et implebúntur áreæ fruménto, et redundábunt torculária vino et óleo. Et comedétis vescéntes, et

saturabímmini, et laudábitis nomen Dómini Dei vestri, qui fecit mirabília vobíscum: et non confundétur pópulus meus in sempitérnum. Et sciétis quia in médio Israél ego sum: et ego Dóminus Deus vester, et non est ámplius: et non confundétur pópulus meus in ætérnum: ait Dóminus omnipotens.

Allelúia, allelúia. **V. Sap. 12, 1** O quam bonus et suávis est, Dómine, Spíritus tuus in nobis! Allelúia. **(Hic genuflectitur)** **V.** Veni, Sancte Spíritus, reple tuórum corda fidélium: et tui amóris in eis ignem accénde.

Sequentia

Veni, Sancte Spíritus, et emítte cælitus lucis tuæ rádium.

Veni, pater páuperum, veni, dator múnorum, veni, lumen córdium.

Consolátor óptime, dulcis hospes ánimæ, dulce refrigerium.

In labóre réquies, in æstu tem-péries, in fletu solátium.

O lux beatíssima, reple cordis íntima tuórum fidélium.

Sine tuo númine, nihil est in hómine, nihil est innóxium.

Lava quod est sordidum, riga quod est aridum, sana quod est saucium.

Flecte quod est rigidum, fove quod est frigidum, rege quod est devium.

Da tuis fidelibus, in te confidentibus, sacrum septenarium.

Da virtutis meritum, da salutis exitum, da perenne gaudium.

Amen. Allelúia.

✠ Sequéntia sancti Evangélíi secúndum Lucam. **Luc. 5, 17-26**

In illo témpore: Factum est in una diérum, et Iesus sedébat docens. Et erant pharisæi sedéntes, et legis doctóres, qui vénerant ex omni castélló Galilææ, et Iudææ et Ierúsalem: et virtus Dómini erat ad sanándum eos. Et ecce, viri portántes in lecto hóminem, qui erat paralyticus: et quærébant eum inférre, et pónere ante eum. Et non inveniéntes qua parte illum inférrent præ turba, ascendérunt supra tectum, et per tégulas summisérunt eum cum lecto in médium ante Iesum. Quorum fidem ut vidit, dixit: Homo, remittúntur tibi peccáta tua. Et cœpérunt cogitáre scribæ et pharisæi, dicéntes: Quis est hic, qui lóquitur blasphemias? Quis potest dimíttre peccáta, nisi solus Deus? Ut cognóvit autem Iesus cogitatiónes eórum, respóndens dixit ad illos: Quid cogitátis in córdibus vestris? Quid est facílius dícere: Dimittúntur tibi peccáta, an dícere: Surge, et ámbula? Ut autem

sciátis quia Fílius hóminis habet potestátem in terra dimitténdi peccáta (ait paralytico): Tibi dico, surge, tolle lectum tuum, et vade in domum tuam. Et conféstim consurgens coram illis, tulit lectum, in quo iacébat: et ábiit in domum suam, magníficans Deum. Et stupor apprehéndit omnes, et magnificábant Deum. Et repléti sunt timóre dicéntes: Quia vídimus mirabília hódie.

Credo.

Antiphona ad Offertorium Ps. 145,

2 Lauda, ánima mea, Dóminum: laudábo Dóminum in vita mea: psallam Deo meo quámdiu ero, allelúia.

Secreta

Sacrificia, Dómine, tuis oblata conspéctibus, ignis ille divínus absúmat, qui discipulórum Christi Fílii tui per Spíritum Sanctum corda succéndit. Per eúndem Dóminum... in unitáte eiúsdem.

Præfatio, Communicántes et
Hanc igitur, **ut in die Pentecostes.**

Antiphona ad Communionem
Ioann. 14, 18 Non vos relínquam órphanos: véniam ad vos íterum, allelúia: et gaudébit cor vestrum, allelúia.

Postcommunio

Súmpsimus, Dómine, sacri dona mystérii: humíliter deprecántes; ut, quæ in tui commemoratióne nos fácere præcepísti, in nostræ proficiant infirmitátis auxiliium. Qui vivis.

SABBATO QUATUOR TEMPORUM PENTECOSTES

I classis

Statio ad S. Petrum

Forma Missæ longior

Hæc forma adhibenda est in Missis conventualibus et in Missa, in qua Ordines conferuntur; in ceteris Missis adhiberi potest forma brevior, ut infra 347.

In sabbato Quatuor Temporum Missa, in qua Ordines conferuntur, dicenda est de sabbato, et in ea additur oratio ritualis « In collatione Ordinum » (63), sub unica conclusione cum oratione quæ

sequitur Pax vobis, et omittuntur omnes commemorationes.

Antiphona ad Introitum

Rom. 5, 5

Cáritas Dei diffúsa est in córdibus nostris, allelúia: per inhabitántem Spíritum eius in nobis, allelúia, allelúia. **Ps. 102, 1** Benedic, ánima mea, Dómino: et ómnia quæ intra me sunt, nómini sancto eius. **V.** Glória Patri.

Post Kýrie, eléison **dicitur** Orémus **tantum, sine** Flectámus génua, **et similiter ad orationes sequentes.**

Oratio

Méntibus nostris, quæsumus, Dómine, Spíritum Sanctum benígnus infúnde, cuius et sapiéntia cónditi sumus, et providéntia gubernámur. Per Dóminum... in unitáte eiúsdem.

Præcedens oratio sumitur ad commemorandum sabbatum Quatuor Temporum.

Léctio Ioélis Prophétæ.

Ioël. 2, 28-32

Hæc dicit Dóminus Deus: Effúndam Spíritum meum super omnem carnem: et prophetábunt filii vestri, et filiæ vestræ: senes vestri sómnia somniábunt, et iúvenes vestri visiones vidébunt. Sed et super servos meos, et ancillas in diébus illis effúndam Spíritum meum. Et dabo prodígia in cælo, et in terra, sánguinem, et ignem, et vapórem fumi. Sol convertétur in ténebras, et luna in sánguinem: ántequam véniat dies Dómini magnus, et horribilis. Et erit: omnis qui invocáverit nomen Dómini, salvus erit.

Allelúia. **V. Ioann. 6, 64** Spíritus est qui vivícat: caro autem non prodest quidquam.

Orémus.

Oratio

Illo nos igne, quæsumus, Dómine, Spíritus Sanctus inflámmet: quem Dóminus noster Iesus Chri-

stus misit in terram, et vóluit vehementer accénderi: Qui tecum... in unitáte eiúsdem.

Léctio libri Levítici.

Levit. 23, 9-11, 15-17 et 21

In diébus illis: Locútus est Dóminus ad Móysen, dicens: Lóquere filiis Israël, et dices ad eos: Cum ingressi fuéritis terram, quam ego dabo vobis, et messuéritis ségetem, ferétis manípulos spicárum, primitias messis vestræ ad sacerdotem: qui elevábit fascículum coram Dómino, ut acceptábile sit pro vobis, áltero die sábbati, et sanctificábit illum. Numerábitis ergo ab áltero die sábbati, in quo obtulistis manípulum primitiárum, septem hebdomadas plenas, usque ad álteram diem expletiónis hebdomadæ séptimæ, id est, quinquaginta dies: et sic offerétis sacrificium novum Dómino ex ómnibus habitáculis vestris, panes primitiárum duos de duábus décimis símilæ fermentátæ, quos coquétis in primitias Dómini. Et vocábitis hunc diem celebrírrimum atque sanctíssimum: omne opus servíle non faciétis in eo. Legítimum sempitérnum erit in cunctis habitáculis, et generatiónibus vestris: dicit Dóminus omnipotens.

Allelúia. **V. Iob. 26, 13** Spíritus eius ornávit cælos.

Orémus.

Oratio

Deus, qui ad animárum medélam, ieiúnii devotióne castigáre córpora præcepísti: concéde nobis propítius; et mente, et corpore tibi semper esse devótos. Per Dóminum.

Léctio libri Deuteronomii.

Deut. 26, 1-11

In diébus illis: Dixit Móyses filiis Israël: Audi, Israël, quæ ego præcípío tibi hódie. Cum intráveris terram, quam Dóminus Deus tuus

tibi daturus est possidendam, et obtinueris eam, atque habitaveris in ea: tolles de cunctis frugibus tuis primitias, et pones in cartallo, pergesque ad locum, quem Dominus Deus tuus elegerit, ut ibi invocetur nomen eius: accedesque ad sacerdotem, qui fuerit in diebus illis, et dices ad eum: Profiteor hodie coram Domino Deo tuo, qui exaudivit nos, et respexit humilitatem nostram, et laborem, atque angustiam: et eduxit nos de Ægypto in manu forti, et brachio extenso, in ingenti pavore, in signis atque portentis: et introduxit ad locum istum, et tradidit nobis terram lacte et melle manantem. Et idcirco nunc offero primitias frugum terræ, quam Dominus dedit mihi. Et dimittes eas in conspectu Domini Dei tui, et adorato Domino Deo tuo. Et epulaberis in omnibus bonis, quæ Dominus Deus tuus dederit tibi.

Allelúia. **V. Act. 2, 1** Cum complerentur dies Pentecostes, erant omnes pariter sedentes.

Orémus.

Oratio

Præsta, quæsumus, omnipotens Deus: ut salutariis ieiuniis eruditi, ab omnibus etiam vitiis abstinentes, propitiationem tuam facilius impetremus. Per Dominum.

Lectio libri Levítici.

Levit. 26, 3-12

In diebus illis: Dixit Dominus ad Móysen: Lóquere filiis Israël, et dices ad eos: Si in præceptis meis ambulaveritis, et mandata mea custodiéritis, et feceritis ea, dabo vobis plúvias temporibus suis, et terra gignet germen suum, et pomis arbores replebuntur. Apprehendet méssium tritúra vindémiam, et vindémia occupabit seméntem: et comedétis panem vestrum in saturitate, et absque pavore habitábitis in terra vestra. Dabo pacem in fini-

bus vestris: dormiétis, et non erit qui extérreat. Auferam malas bestias, et gladius non transíbit terminos vestros. Persequémini inimicos vestros, et corrúent coram vobis. Persequéntur quinque de vestris centum alienos, et centum de vobis decem milia: cadent inimici vestri gladio in conspectu vestro. Respiciam vos, et créscere faciam: multiplicabimini, et firmábo pactum meum vobiscum. Comedétis vetustissima veterum, et vetera novis superveniéntibus proiciétis. Ponam tabernáculum meum in médio vestri, et non abiciet vos ánima mea. Ambulábo inter vos, et ero Deus vester, vosque éritis pópulus meus: dicit Dominus omnipotens.

Allelúia. **(Hic genuflectitur) V.** Veni, Sancte Spíritus, reple tuórum corda fidélium: et tui amoris in eis ignem accénde.

Orémus.

Oratio

Præsta, quæsumus, omnipotens Deus: sic nos ab épulis carnalibus abstinére; ut a vítiis irruéntibus pariter ieiunémus. Per Dominum.

Lectio Daniélis Prophætæ.

Dan. 3, 47-51

In diebus illis: Angelus Domini descendit cum Azaría, et sóciis eius in fornacem: et excússit flammam ignis de fornace, et fecit médium fornacis quasi ventum roris flantem. Flamma autem effundebatur super fornacem cúbitis quadraginta novem: et erúpit, et incéndit quos réperit iuxta fornacem de Chaldæis ministros regis, qui eam incendebant. Et non tétigit eos omnino ignis, neque contristávit, nec quidquam moléstia intulit. Tunc hi tres quasi ex uno ore laudábant, et glorificábant, et benedicébant Deum in fornace, dicétes:

Hic non respondetur Deo grátias.

Allelúia. **V. Ibid., 52** Benedíctus es, Dómine Deus patrum nostrórum, et laudábilis in sácula.

Finito versu dicitur Glória in excélsis. **Deinde V.** Dóminus vobíscum. **R7.** Et cum spírítu tuo.

Orémus.

Oratio

Deus, qui tribus púeris mití-gásti flammās ignium: concéde propítius; ut nos fámulos tuos non exúrat flamma vitiórum. Per Dóminum.

Et huic orationi additur altera commemoratio sub unica conclusione forte dicenda.

Léctio Epístolæ beáti Pauli Apóstoli ad Romános.

Rom. 5, 1-5

Fratres: Iustificáti ex fide, pacem habeamus ad Deum per Dóminum nostrum Iesum Christum: per quem et habémus accéssum per fidem in grátiam istam, in qua stamus, et gloriámur in spe glóriæ filiórum Dei. Non solum autem, sed et gloriámur in tribulatióibus: sciéntes quod tribulatio patiéntiam operátur, patiéntia autem probatióem, probatio vero spem, spes autem non confúndit: quia caritas Dei diffúsa est in córdibus nostris per Spírítum Sanctum, qui datus est nobis.

Tractus Ps. 116, 1-2 Laudáte Dóminum, omnes gentes: et collaudáte eum, omnes pópuli. **V.** Quóniam confirmáta est super nos misericórdia eius: et véritas Dómini manet in ætérnum.

Sequentia

Veni, Sancte Spírítus, et emítte cælitus lucis tuæ rádium.

Veni, pater páuperum, veni, dator múnere, veni, lumen córdium.

Consolátor óptime, dulcis hospes ánimæ, dulce refrigerium.

In labóre réquies, in æstu tempéries, in fletu solátium.

O lux beatíssima, reple cordis íntima tuórum fidélium.

Sine tuo númine, nihil est in hómine, nihil est innóxium.

Lava quod est sórdidum, riga quod est áridum, sana quod est sáucium.

Flecte quod est rígídum, fove quod est frigidum, rege quod est dévium.

Da tuis fidélibus, in te confidéntibus, sacrum septenárium.

Da virtútis méritum, da salútis éxitum, da perénne gáudium.

Amen.

In fine non dicitur Allelúia.

✠ Sequentia sancti Evangélii secúndum Lucam.

Luc. 4, 38-44

In illo témpore: Surgens Iesus de synagóga, introívit in domum Simónis. Socrus autem Simónis tenebátur magnis fébribus: et rogavérunt illum pro ea. Et stans super illam, imperávit febrí: et dimísit illam. Et continuo surgens, ministrábat illis. Cum autem sol occidisset, omnes qui habébant infirmos váriis languóribus, ducébant illos ad eum. At ille singulis manus impónens, curábat eos. Exíbant autem dæmónia a multis clamántia, et dicéntia: Quia tu es Fílius Dei: et increpans non sinébat ea loqui, quia sciébant ipsum esse Christum. Facta autem die egréssus ibat in désertum locum, et turbæ requirébant eum, et venérunt usque ad ipsum: et detinébant illum ne discéderet ab eis. Quibus ille ait: Quia et áliis civitatibus opórtet me evangelizáre regnum Dei: quia ídeo missus sum. Et erat prædicans in synagógis Galiléæ.

Credo.

Antiphona ad Offertorium Ps. 87, 2-3 Dómine, Deus salútis meæ, in die clamávi et nocte coram te: intret orátio mea in conspéctu tuo, Dómine, allelúia.

Secreta

Ut accépta tibi sint, Dómine, nostra ieiúnia: præsta nobis, quæsumus; huius múnere sacraménti purificátum tibi pectus offerre. Per Dóminum.

Præfatio, Communicántes et Hanc igitur, ut in die Pentecostes.

Antiphona ad Communionem Ioann. 3, 8 Spíritus ubi vult spirat: et vocem eius audis, allelúia, allelúia: sed nescis unde véniat, aut quo vadat, allelúia, allelúia, allelúia.

Postcommunio

Præbeant nobis, Dómine, divinum tua sancta fervórem: quo eórum páriter et actu delectémur, et fructu. Per Dóminum.

Forma Missæ brevior

Hæc forma adhiberi potest extra Missam conventualem et Missam, in qua Ordines conferuntur.

Antiphona ad Introitum

Rom. 5, 5

Cáritas Dei diffúsa est in córdibus nostris, allelúia: per inhabitántem Spíritum eius in nobis, allelúia, allelúia. **Ps. 102, 1** Bénedic, ánima mea, Dómino: et ómnia quæ intra me sunt, nómini sancto eius. **V.** Glória Patri.

Post Kýrie, eléison dicitur Orémus tantum, sine Flectámus génua.

Oratio

Méntibus nostris, quæsumus, Dómine, Spíritum Sanctum benígnus infúnde, cuius et sapiéntia cónditi sumus, et providéntia gubernámur. Per Dóminum... in unitáte eiúsdem.

Præcedens oratio sumitur ad commemorandum sabbatum Quatuor Temporum.

Léctio Ioélis Prophætæ.

Ioël. 2, 28-32

Hæc dicit Dóminus Deus: Effúndam Spíritum meum super omnem carnem: et prophetábunt filii vestri, et filiæ vestræ: senes vestri sómnia somniábunt, et iúvenes vestri visiões vidébunt. Sed et super servos meos, et ancíllas in diébus illis effúndam Spíritum meum. Et dabo prodígia in cælo, et in terra, sánguinem, et ignem, et vapórem fumi. Sol convertétur in ténebras, et luna in sánguinem: ántequam véniat dies Dómini magnus, et horribilis. Et erit: omnis qui invocáverit nomen Dómini, salvus erit.

Allelúia. V. Ioann. 6, 64 Spíritus est qui vivíficat: caro autem non prodest quidquam.

Hic dicitur Glória in excélsis. Deinde V. Dóminus vobíscum. R. Et cum spíritu tuo.

Orémus.

Oratio

Illo nos igne, quæsumus, Dómine, Spíritus Sanctus inflámmet: quem Dóminus noster Iesus Christus misit in terram, et vóluit vehementer accénderi: Qui tecum... in unitáte eiúsdem.

Et huic orationi additur altera oratio sub unica conclusione forte dicenda.

Léctio Epístolæ beáti Pauli Apóstoli ad Romános.

Rom. 5, 1-5

Fratres: Iustificáti ex fide, pacem habeamus ad Deum per Dóminum nostrum Iesum Christum: per quem et habémus accéssum per fidem in grátiam istam, in qua stamus, et gloriámur in spe glóriæ filiórum Dei. Non solum autem, sed et gloriámur in tribulatióibus: sciéntes quod tribulátio patiéntiam operátur, patiéntia autem probatióem, probátio vero spem, spes

autem non confúndit: quia cáritas Dei diffúsa est in córdibus nostris per Spíritum Sanctum, qui datus est nobis.

Allelúia, allelúia. (Hic genuflectitur) **V.** Veni, Sancte Spíritus, reple tuórum corda fidélium: et tui amóris in eis ignem accénde.

Sequentia

Veni, Sancte Spíritus, et emítte cælitus lucis tuæ rádium.

Veni, pater páuperum, veni, dator múnerum, veni, lumen córdium.

Consolátor óptime, dulcis hospes ánimæ, dulce refrigerium.

In labóre réquies, in æstu tempéries, in fletu solátium.

O lux beatíssima, reple cordis íntima tuórum fidélium.

Sine tuo númine, nihil est in hómine, nihil est innóxium.

Lava quod est sórdidum, riga quod est áridum, sana quod est saucium.

Flecte quod est rígidum, fove quod est frígidum, rege quod est dévium.

Da tuis fidélibus, in te confidéntibus, sacrum septenárium.

Da virtútis méritum, da salútis éxitum, da perénne gáudium.

Amen. Allelúia.

✠ Sequéntia sancti Evangélii secúndum Lucam.

Luc. 4, 38-44

In illo témpore: Surgens Iesus de synagóga, introívit in domum Simónis. Socrus autem Simónis tenebátur magnis fébribus: et rogavérunt illum pro ea. Et stans super illam, imperávit febrí: et dimísit illam. Et contínuo surgens, ministrábat illis. Cum autem sol occidisset, omnes qui habébant infír-

mos váriis languóribus, ducébant illos ad eum. At ille síngulis manus impónens, curábat eos. Exíbant autem dæmónia a multis clamántia, et dicéntia: Quia tu es Fílius Dei: et increpans non sinébat ea loqui, quia sciébant ipsum esse Christum. Facta autem die egréssus ibat in désertum locum, et turbæ requirébant eum, et venérunt usque ad ipsum: et detinébant illum ne discéderet ab eis. Quibus ille ait: Quia et áliis civitátibus opórtet me evangelizáre regnum Dei: quia ídeo missus sum. Et erat prædicans in synagógis Galilææ.

Credo.

Antiphona ad Offertorium Ps. 87, 2-3 Dómine, Deus salútis meæ, in die clamávi et nocte coram te: intret orátio mea in conspéctu tuo, Dómine, allelúia.

Secreta

Ut accépta tibi sint, Dómine, nostra ieiúnia: præsta nobis, quæsumus; huius múnere sacraménti purificátum tibi pectus offérre. Per Dóminum.

Præfatio, Communicántes **et** Hanc igitur, **ut in die Pentecostes.**

Antiphona ad Communionem Ioann. 3, 8 Spíritus ubi vult spirat: et vocem eius audis, allelúia, allelúia: sed nescis unde véniat, aut quo vadat, allelúia, allelúia, allelúia.

Postcommunio

Præbeant nobis, Dómine, divínium tua sancta fervórem: quo eórum páriter et actu delectémur, et fructu. Per Dóminum.

¶ **Post Nonam expirat tempus paschale.**

TEMPUS PER ANNUM POST PENTECOSTEN
IN FESTO

SANCTISSIMÆ TRINITATIS

I classis

Antiphona ad Introitum

Tob. 12, 6

Benedicta sit sancta Trinitas, atque indivisa unitas: confitebimur ei, quia fecit nobiscum misericordiam suam. **Ps. 8, 2** Domine Dominus noster, quam admirabile est nomen tuum in universa terra! **V.** Glória Patri.

Oratio

Omnipotens sempiternus Deus, qui dedisti famulis tuis in confessione veræ fidei, æternæ Trinitatis glóriam agnoscere, et in potentia maiestatis adorare unitatem: quæsumus; ut eiusdem fidei firmitate, ab omnibus semper muniamur adversis. Per Dominum.

Et non fit commemoratio dominicæ.

Lectio Epistolæ beati Pauli Apostoli ad Romanos.

Rom. 11, 33-36

O altitudo divitiarum sapientiæ et scientiæ Dei: quam incomprehensibilia sunt iudicia eius, et investigabiles viæ eius! Quis enim cognovit sensum Domini? Aut quis consiliarius eius fuit? Aut quis prior dedit illi, et retribuetur ei? Quoniam ex ipso, et per ipsum, et in ipso sunt omnia: ipsi glória in sæcula. Amen.

Graduale Dan. 3, 55-56 Benedictus es, Domine, qui intuëris abyssos, et sedes super Chérubim. **V.** Benedictus es, Domine, in firmamento cæli: et laudabilis in sæcula.

Allelúia, allelúia. **V. Ibid., 52** Be-

nedictus es, Domine, Deus patrum nostrorum, et laudabilis in sæcula. Allelúia.

✠ Sequéntia sancti Evangélíi secúndum Matthæum.

Matth. 28, 18-20

In illo témpore: Dixit Iesus discipulis suis: Data est mihi omnis potestas in cælo, et in terra. Eúntes ergo docéte omnes gentes, baptizántes eos in nómine Patris, et Filii, et Spíritus Sancti: docétes eos serváre ómnia quæcúmque mandávi vobis. Et ecce, ego vobiscum sum ómnibus diébus, usque ad consummationem sæculi.

Credo.

Antiphona ad Offertorium Tob.

12, 6 Benedictus sit Deus Pater, unigenitusque Dei Filius, Sanctus quoque Spíritus: quia fecit nobiscum misericordiam suam.

Secreta

Sanctifica, quæsumus, Domine Deus noster, per tui sancti nominis invocationem, huius oblationis hóstiã: et per eam nosmetipsos tibi pèrfice munus ætèrnum. Per Dominum.

Et non fit commemoratio dominicæ.

Præfatio de Ssma Trinitate.

Antiphona ad Communionem

Tob. 12, 6 Benedicimus Deum cæli, et coram ómnibus vivéntibus confitebimur ei: quia fecit nobiscum misericordiam suam.

Postcommunio

Proficiat nobis ad salutem corporis et animæ, Dómine Deus noster, huius sacraménti susceptio: et sempiternæ sanctæ Trinitátis, eiusdemque individuæ unitátis confessio. Per Dóminum.

Et non fit commemoratio dominicæ.

MISSA DOMINICÆ I
POST PENTECOSTEN

Hæc Missa dicenda est diebus ferialibus huius hebdomadæ.

Antiphona ad Introitum

Ps. 12, 6

Dómine, in tua misericórdia sperávi: exsultávit cor meum in salutári tuo: cantábo Dómino, qui bona tríbuit mihi. **Ps. ibid., 1** Usquequo, Dómine, obliviscéris me in finem? úsquequo avértis faciém tuam a me? **V.** Glória Patri.

¶ Non dicitur Glória in excélsis.

Oratio

Deus, in te sperántium fortitúdo, adésto propítius invocatióibus nostris: et quia sine te nihil potest mortális infirmitas, præsta auxílium grátia tuæ; ut in exsequéndis mandátis tuis, et voluntáte tibi et actióne placeámus. Per Dóminum.

Léctio Epístolæ beáti Ioánnis Apóstoli. **1 Ioann. 4, 8-21**

Caríssimi: Deus caritas est. In hoc apparuit caritas Dei in nobis, quóniam Fílium suum unigénitum misit Deus in mundum, ut vivámus per eum. In hoc est caritas: non quasi nos dilexérimus Deum, sed quóniam ipse prior diléxit nos, et misit Fílium suum propitiatióem pro peccátis nostris. Caríssimi, si sic Deus diléxit nos: et nos debémus altérutrum diligere. Deum nemo vidit umquam.

Si diligámus ínvicem, Deus in nobis manet, et caritas eius in nobis perfecta est. In hoc cognóscimus, quóniam in eo manémus, et ipse in nobis: quóniam de Spíritu suo dedit nobis. Et nos vídimus, et testificámur, quóniam Pater misit Fílium suum Salvatórem mundi. Quisquis conféssus fúerit, quóniam Iesus est Fílius Dei, Deus in eo manet, et ipse in Deo. Et nos cognóvimus, et credídimus caritati, quam habet Deus in nobis. Deus caritas est: et qui manet in caritate, in Deo manet, et Deus in eo. In hoc perfecta est caritas Dei nobíscum, ut fidúciám habeámus in die iudicii: quia sicut ille est, et nos sumus in hoc mundo. Timor non est in caritate: sed perfecta caritas foras mittit timórem, quóniam timor pænam habet. Qui autem timet, non est perfectus in caritate. Nos ergo diligámus Deum, quóniam Deus prior diléxit nos. Si quis díxerit, quóniam díligo Deum, et fratrem suum óderit, mendax est. Qui enim non díligit fratrem suum quem videt, Deum, quem non videt, quómodo potest díligere? Et hoc mandátum habémus a Deo: ut qui díligit Deum, díligat et fratrem suum.

Graduale Ps. 40, 5 et 2 Ego dixi: Dómine, miserére mei: sana ánimam meam, quia peccávi tibi. **V.** Beátus qui intéllegit super egénium et páuperem: in die mala liberábit eum Dóminus.

Allelúia, allelúia. **V. Ps. 5, 2** Verba mea áuribus percípe, Dómine: intéllege clamórem meum. Allelúia.

✠ Sequéntia sancti Evangélíi secúndum Lucam. **Luc. 6, 36-42**

In illo témpore: Dixit Iesus discipulis suis: Estóte misericórdes, sicut et Pater vester miséricors est. Nolíte iudicáre, et non iudicabímini: nolíte condemnáre, et non

condemnabimini. Dimittite, et dimittimini. Date, et dabitur vobis: mensuram bonam, et confertam, et coagitatum, et supereffluentem dabunt in sinum vestrum. Eadem quippe mensura, qua mensi fueritis, remetiatur vobis. Dicebat autem illis et similitudinem: Numquid potest cæcus cæcum ducere? nonne ambo in foveam cadunt? Non est discipulus super magistrum: perfectus autem omnis erit, si sit sicut magister eius. Quid autem vides festucam in oculo fratris tui, trabem autem, quæ in oculo tuo est, non consideras? Aut quomodo potes dicere fratri tuo: Frater, sine, eiciam festucam de oculo tuo: ipse in oculo tuo trabem non videns? Hypocrita, ecce primum trabem de oculo tuo: et tunc perspicias, ut educas festucam de oculo fratris tui.

Non dicitur Credo.

Antiphona ad Offertorium Ps. 5, 3-4 Intende voci orationis meæ, Rex meus, et Deus meus: quoniam ad te orabo, Domine.

Secreta

Hóstias nostras, quæsumus, Domine, tibi dicatas placatus assúme: et ad perpétuum nobis tribue provenire subsidium. Per Dóminum.

Præfatio communis.

Antiphona ad Communionem Ps. 9, 2-3 Narrabo ómnia mirabilia tua: lætabor et exultabo in te: psallam nómini tuo, Altissime.

Postcommunio

Tantis, Domine, repléti munéribus: præsta, quæsumus; ut et salutaria dona capiámus, et a tua numquam laude cessémus. Per Dóminum.

Feria V post festum Ssmæ Trinitatis

IN FESTO

SANCTISSIMI CORPORIS CHRISTI

I classis

Antiphona ad Introitum

Ps. 80, 17

Cibavit eos ex ádipe fruménti, allelúia: et de petra, melle saturavit eos, allelúia, allelúia, allelúia. **Ps. ibid., 2** Exsultate Deo adiutori nostro: iubiláte Deo Iacob. **℣.** Glória Patri.

Oratio

Deus, qui nobis sub Sacraménto mirabili passiõnis tuæ memoriã reliquisti: tribue, quæsumus, ita nos Cõporis et Sanguinis tui sacra mystéria venerári; ut redemptionis tuæ fructum in nobis iúgiter sentiámus: Qui vivis.

Lectio Epistolæ beati Pauli Apóstoli ad Corínthios.

I Cor. II, 23-29

Fratres: Ego enim accépi a Dómino quod et tradidi vobis, quoniam Dóminus Iesus in qua nocte tradebátur, accépit panem, et grátias agens fregit, et dixit: Accípите, et manducáte: hoc est corpus meum, quod pro vobis tradétur: hoc fácite in meam commemoratiõnem. Simíliter et cálicem, postquam cenávit, dicens: Hic calix novum testaméntum est in meo sanguine. Hoc fácite quotiescúmque bibétis, in meam commemoratiõnem. Quotiescúmque enim

manducábitis panem hunc, et cálicem bibétis, mortem Dómini annuntiábitis, donec véniat. Itaque quicúmque manducáverit panem hunc, vel bíberit cálicem Dómini indígne, reus erit córporis et sanguinis Dómini. Probet autem se ípsium homo: et sic de pane illo edat, et de cálice bibat. Qui enim manducat, et bibit indígne, iudícium sibi manducat, et bibit: non diúdicans corpus Dómini.

Graduale Ps. 144, 15-16 Oculi ómnium in te sperant, Dómine: et tu das illis escam in témpore opportúno. **V.** Aperis tu manum tuam: et imples omne ánimam benedictióne.

Allelúia, allelúia. **V. Ioann. 6, 56-57** Caro mea vere est cibus, et sanguis meus vere est potus: qui manducat meam carnem, et bibit meum sanguínem, in me manet, et ego in eo.

Sequentia

Lauda, Sion, Salvatórem, lauda ducem et pastórem in hymnis et cánticis.

Quantum potes, tantum aude: quia maior omni laude, nec laudáre súfficis.

Laudis thema speciális, panis vivus et vitális hódie propónitur.

Quem in sacrae mensa cenae, turbae fratrum duodénæ datum non ambígitur.

Sit laus plena, sit sonóra, sit iucúnda, sit decóra mentis iubilátio.

Dies enim solémnis ágitur, in qua mensae prima recólitur huius institútio.

In hac mensa novi Regis, novum Pascha novae legis, Phase vetus términat.

Vetustátem nóvitas, umbram fugat veritas, noctem lux eliminat.

Quod in cena Christus gessit,

faciéndum hoc expréssit in sui memóriam.

Docti sacris institútis, panem, vinum in salutis consecrámus hóstiam.

Dogma datur Christiánis, quod in carnem transit panis, et vinum in sanguínem.

Quod non capis, quod non vides, animósa firmat fides, praeter rerum órđinem.

Sub divérsis speciébus, signis tantum, et non rebus, latent res exímiae.

Caro cibus, sanguis potus: manet tamen Christus totus, sub utrâque specie.

A suménte non concísus, non confráctus, non divísus: ínteger accípitur.

Sumit unus, sumunt mille: quantum isti, tantum ille: nec sumptus consúmitur.

Sumunt boni, sumunt mali: sorte tamen inaequáli, vitæ, vel intéritus.

Mors est malis, vita bonis: vide paris sumptiónis, quam sit dispar éxitus.

Fracto demum Sacraménto, ne vacílles, sed meménto, tantum esse sub fragménto, quantum toto tégitur.

Nulla rei fit scissúra: signi tantum fit fractúra: qua nec status, nec statúra signáti minúitur.

Ecce panis Angelórum, factus cibus viatórum: vere panis filiórum, non mitténdus cánibus.

In figúris praesignáatur, cum Isaac immoláatur: agnus paschæ deputáatur: datur manna pátribus.

Bone Pastor, Panis vere, Iesu, nostri miserére: tu nos pasce, nos tuére: tu nos bona fac vidére in terra vivéntium.

Tu, qui cuncta scis et vales: qui nos pascis hic mortáles: tuos ibi commensáles, coherédes et sodáles fac sanctorum cívium.

Amen. Allelúia.

✠ Sequéntia sancti Evangélii secúndum Ioánnem. **Ioann. 6, 56-59**

In illo témpore: Dixit Iesus turbis Iudæórum: Caro mea vere est cibus, et sanguis meus vere est potus. Qui mandúcat meam carnem, et bibit meum ságuinem, in me manet, et ego in illo. Sicut misit me vivens Pater, et ego vivo propter Patrem: et qui mandúcat me, et ipse vivet propter me. Hic est panis, qui de cælo descéndit. Non sicut manducavérunt patres vestri manna, et mórtui sunt. Qui mandúcat hunc panem, vivet in ætérnum.

Credo.

Antiphona ad Offertorium Levit. 21, 6 Sacerdótes Dómini incénsum et panes ófferunt Deo: et ídeo sancti erunt Deo suo, et non pólluent nomen eius, allelúia.

Secreta

Ecclésiæ tuæ, quæsumus, Dómine, unitátis et pacis propítius dona concéde: quæ sub oblátis munéribus mýstice designántur. Per Dóminum.

Antiphona ad Communionem I Cor. 11, 26-27 Quotiescúmque manducábitis panem hunc, et cálicem bibétis, mortem Dómini annuntiábitis, donec véniat: itaque quicúmque manducáverit panem, vel bíberit cálicem Dómini indígne, reus erit Córporis et Sanguinis Dómini, allelúia.

Postcommunio

Fac nos, quæsumus, Dómine, divinitátis tuæ sempitérna frui-tióne repléri: quam pretiósi Córporis et Sanguinis tui temporális percéptio præfigúrat: Qui vivis.

¶ **Septem sequentibus diebus, ubi fit processio, permittuntur duæ Missæ de Ss. Eucharistia (50), ad modum Missæ votivæ II classis.**

DOMINICA SECUNDA POST PENTECOSTEN

II classis

Antiphona ad Introitum

Ps. 17, 19-20

Factus est Dóminus protéctor meus, et edúxit me in latitúdinem: salvum me fecit, quóniam vóluit me. **Ps. ibid., 2-3** Díligam te, Dómine, virtus mea: Dóminus firmaméntum meum, et refúgium meum, et liberátor meus. **V. Glória Patri.**

Oratio

Sancti nóminis tui, Dómine, timórem páriter et amórem fac nos habére perpétuum: quia numquam tua gubernatióne destítuis, quos in soliditáte tuæ dilecti-
onis instítuis. Per Dóminum.

Dicitur Glória in excelsis in omnibus dominicis post Pentecosten; non dicitur autem in diebus feriabilibus quando adhibetur Missa dominicæ præcedentis.

Lectio Epístolæ beáti Ioánnis Apóstoli.

I Ioann. 3, 13-18

Caríssimi: Nolíte mirári, si odit vos mundus. Nos scimus, quóniam transláti sumus de morte ad vitam, quóniam diligimus fratres. Qui non diligit, manet in morte: omnis qui odit fratrem suum, homicída est. Et scitis quóniam omnis homicída non habet vitam ætérnam in semetípso manéntem. In hoc cognóvimus caritátem Dei, quóniam ille ánimam suam pro nobis pósuit: et nos debémus pro frátribus ánimas pónere. Qui habúerit substántiam huius mundi, et víderit fratrem suum necessitátem habére, et cláuserit víscera sua ab eo: quómodo caritas Dei manet in eo? Filíoli mei, non diligámus verbo, neque lingua, sed ópere, et veritáte.

Graduale Ps. 119, 1-2 Ad Dóminum cum tribulárer clamávi, et

exaudivit me. **V.** Dómine, libera ánimam meam a lábiis iníquis, et a lingua dolósa.

Allelúia, allelúia. **V. Ps. 7, 2** Dómine Deus meus, in te sperávi: salvum me fac ex ómnibus persecuéntibus me, et libera me. Allelúia.

Sic dicitur Allelúia cum suo versu post graduale in omnibus dominicis post Pentecosten, etiam si Missa dominicæ in feriis adhibetur.

✠ Sequéntia sancti Evangélíi secúndum Lucam.

Luc. 14, 16-24

In illo témpore: Dixit Iesus pharisæis parábolam hanc: Homo quidam fecit cenam magnam, et vocávit multos. Et misit servum suum hora cenæ dícere invitátis ut venírent, quia iam paráta sunt ómnia. Et cœpérunt simul omnes excusáre. Primus dixit ei: Villam emi, et necesse hábeo exíre, et vidére illam: rogo te, habe me excusátum. Et alter dixit: Iuga boum emi quinque, et eo probáre illa: rogo te, habe me excusátum. Et álius dixit: Uxórem duxi: et ídeo non possum veníre. Et revérsus servus nuntiávit hæc dómíno suo. Tunc irátus paterfamílias, dixit

servo suo: Exi cito in platéas et vicos civitátis: et páuperes, ac débiles, et cæcos, et claudos íntroduc huc. Et ait servus: Dómine, factum est ut imperásti, et adhuc locus est. Et ait dómínus servo: Exi in vias, et sepes: et compélle intráre, ut impleátur domus mea. Dico autem vobis, quod nemo virórum illórum, qui vocáti sunt, gustábit cenam meam.

Credo.

Antiphona ad Offertorium Ps. 6, 5 Dómine, convértere, et éripe ánimam meam: salvum me fac propter misericórdiam tuam.

Secreta

Oblátio nos, Dómine, tuo nómini dicánda puríficet: et de die in diem ad cæléstis vitæ tránsferat actiónem. Per Dóminum.

Præfatio de Ssma Trinitate.

Antiphona ad Communionem Ps. 12, 6 Cantábo Dómíno, qui bona tribuit mihi: et psallam nómini Dómini altíssimi.

Postcommunio

Sumptis munéribus sacris, quæsumus, Dómine: ut cum frequentatióne mystérii, crescat nostræ salútis efféctus. Per Dóminum.

Feria VI infra hebdomadam II post octavam Pentecostes

IN FESTO

SACRATISSIMI CORDIS IESU

I classis

Antiphona ad Introitum

Ps. 32, 11 et 19

Cogitationes Cordis eius in generatione et generationem: ut éruat a morte ánimas eórum et alat eos in fame.
Ps. ibid., 1 Exsultáte, iusti, in Dómino, rectos decet collaudátio.
V. Glória Patri.

Oratio

Deus, qui nobis in Corde Filii tui, nostris vulneráto peccátis, infinitos dilectiónis thesauros misericórditer largíri dignáris: concede, quásumus; ut illi devótum pietátis nostræ præstántes obséquium, dignæ quoque satisfactiónis exhibeámus officium. Per eúndem Dóminum.

Léctio Epístolæ beáti Pauli Apóstoli ad Ephésios.

Ephes. 3, 8-12 et 14-19

Fratres: Mihi ómnium sanctórum mínimo data est grátia hæc, in géntibus evangelizáre investigábiles divítias Christi: et illumináre omnes, quæ sit dispensátio sacraménti abscónditi a sæculis in Deo qui ómnia creávit: ut innotéscat principátibus et potestátibus in cæléstibus per Ecclesiám multifórmis sapiéntia Dei: secúndum præfinitiónem sæculórum quam fecit in Christo Iesu Dómino nostro, in quo habémus fidúciam et accéssum in confidéntia per fidem eius. Huius rei grátia flecto génua mea ad Patrem Dómini nostri Iesu Christi, ex quo omnis patérnitas in cælis et in terra nomináture: ut det vobis

secúndum divítias glóriæ suæ, virtúte corroborári per Spíritum eius in interiorem hóminem: Christum habitáre per fidem in córdibus vestris: in caritáte radicáti et fundáti: ut possítis comprehendere, cum ómnibus sanctis, quæ sit latitúdo, et longitúdo, et sublimitas, et profundum: scire étiam supereminéntem sciéntiæ caritátem Christi, ut impleámini in omnem plenitúdinem Dei.

Graduale Ps. 24, 8-9 Dulcis et rectus Dóminus, propter hoc legem dabit delinquentibus in via. **V.** Diriget mansuétos in iudicio, docébit mites vias suas.

Allelúia, allelúia. **V. Matth. 11, 29** Tóllite iugum meum super vos et discite a me, quia mitis sum et húmilis Corde, et inveniétis réquiem animábus vestris. Allelúia.

✠ Sequéntia sancti Evangélii secúndum Ioánnem.

Ioann. 19, 31-37

In illo témpore: Iudæi, quóniam Parascéve erat, ut non remanérent in cruce córpora sábbato, erat enim magnus dies ille sábbati, rogavérunt Pilátum ut frangeréntur eórum crura et tolleréntur. Venérunt ergo mílites, et primi quidem fregérunt crura et altérius qui crucifíxus est cum eo. Ad Iesum autem cum veníssent, ut vidérunt eum iam mórtuum, non fregérunt eius crura: sed unus militum lancea latus eius apérui, et continuo exívit sanguis et aqua. Et qui vidit testimoniúm perhíbuit: et verum est testimoniúm eius. Et ille scit quia

vera dicit, ut et vos credátis. Facta sunt enim hæc ut Scriptúra imple-rétur: Os non comminuétis ex eo. Et iterum ália Scriptúra dicit: Vi-débunt in quem transfixérunt.

Credo.

Antiphona ad Offertorium Ps. 68,
21 Improperium expectávit Cor meum et misériam, et sustínui qui simul mecum contristarétur et non fuit; consolántem me quæ-sívi et non invéni.

Secreta

Réspice, quæsumus, Dómine, ad ineffáblem Cordis dilécti Fí-lii tui caritátem: ut quod offérimus sit tibi munus accéptum et nostró-rum expiátio delictórum. Per eún-dem Dóminum.

Præfatio de sacratissimo Corde Iesu.

Antiphona ad Communionem
Ioann. 19, 34 Unus mílitum lancea latus eius apérui, et contínuo exívit sanguis et aqua.

Postcommunio

Præbeant nobis, Dómine Iesu, divínium tua sancta fervórem; quo dulcíssimi Cordis tui suavité percépta, discámus terréna despí-cere, et amáre cæléstia: Qui vivis.

DOMINICA TERTIA POST PENTECOSTEN

II classis

Antiphona ad Introitum

Ps. 24, 16 et 18

Réspice in me, et miserére mei, Dómine: quóniam únicus, et pauper sum ego: vide humi-litátem meam, et labórem meum: et dimítte ómnia peccáta mea, Deus meus. **Ps. ibid., 1-2** Ad te, Dómine, levávi ánimam meam: Deus meus, in te confido, non erubéscam.
V. Glória Patri.

Oratio

Protéctor in te sperántium, Deus, sine quo nihil est válidum, nihil sanctum: multiplíca super nos mi-sericórdiam tuam; ut, te rectóre, te duce, sic transeámus per bona temporália, ut non amittámus ætér-na. Per Dóminum.

Léctio Epístolæ beáti Petri Apóstoli.

I Petri 5, 6-11

Caríssimi: Humiliámini sub po-ténti manu Dei, ut vos exáltet in témpore visitatiónis: omnem sol-licitúdinem vestram proiciétes in eum, quóniam ipsi cura est de vobis. Sóbrii estóte, et vigiláte: quia adversárius vester diábolus tam-quam leo rúgiens circuit, quærens quem dévoret: cui resístite fortes in fide: sciétes eándem passiónem ei, quæ in mundo est, vestræ fra-ternitáti fieri. Deus autem omnis grátia, qui vocávit nos in ætérnam suam glóriam in Christo Iesu, mó-dicum passos ipse perficiet, con-firmábit, solidabítque. Ipsi glória, et impérium in sácula sæculórum. Amen.

Graduale Ps. 54, 23, 17 et 19 Iacta cogitátum tuum in Dómino: et ipse te enútriet. **V.** Dum clamárem ad Dóminum, exaudivit vocem meam ab his, qui appropínquant mihi.

Allelúia, allelúia. **V. Ps. 7, 12** Deus iudex iustus, fortis et pátiens, num-quid iráscitur per síngulos dies? Allelúia.

✠ Sequéntia sancti Evangélíi se-cúndum Lucam.

Luc. 15, 1-10

In illo témpore: Erant appropín-quántes ad Iesum publicáni et peccatóres, ut audírent illum. Et murmurábant pharisæi et scribæ, dicétes: Quia hic peccatóres réci-pit, et mandúcat cum illis. Et ait

ad illos parabolam istam, dicens: Quis ex vobis homo, qui habet centum oves: et si perdiderit unam ex illis, nonne dimittit nonagintanovem in deserto, et vadit ad illam, quæ perierat, donec invéniat eam? Et cum invenerit eam, impónit in húmeros suos gaudens: et véniens domum, cónvocat amícos et vicínos, dicens illis: Congratulámini mihi, quia invéni ovem meam, quæ perierat? Dico vobis quod ita gáudium erit in cælo super uno peccatóre pæniténtiam agente, quam super nonagintanóvem iustis, qui non índigent pæniténtia. Aut quæ múlter habens drachmas decem, si perdiderit drachmam unam, nonne accéndit lucérnam, et evérrit domum, et quærit diligénter, donec invéniat? Et cum invenerit, cónvocat amícas et vicínas dicens: Congratulámini mihi, quia invéni drachmam, quam perdíderam? Ita dico vobis: gáudium erit coram Angelis Dei super uno peccatóre pæniténtiam agente.

Credo.

Antiphona ad Offertorium Ps. 9, 11-12 et 13 Sperent in te omnes, qui novérunt nomen tuum, Dómine: quóniam non derelínquis quæréntes te: psállite Dómino, qui hábitat in Sion: quóniam non est oblítus oratióem páuperum.

Secreta

Réspice, Dómine, múnera supplicántis Ecclésiæ: et salúti credéntium perpétua sanctificatióne suménda concéde. Per Dóminum.

Præfatio de Ssma Trinitate.

Antiphona ad Communionem Luc. 15, 10 Dico vobis: gáudium est Angelis Dei super uno peccatóre pæniténtiam agente.

Postcommunio

Sancta tua nos, Dómine, sump-ta vivíficent: et misericórdiæ

sempitérnæ præparent expiátos. Per Dóminum.

DOMINICA QUARTA POST PENTECOSTEN

II classis

Antiphona ad Introitum

Ps. 26, 1 et 2

Dóminus illuminátio mea, et salus mea, quem timébo? Dóminus defénsor vitæ meæ, a quo trepidábo? qui tríbulant me inimíci mei, ipsi infirmáti sunt, et cecidérunt. **Ps. ibid., 3** Si consístant advérsus me castra: non timébit cor meum. **V.** Glória Patri.

Oratio

Da nobis, quæsumus, Dómine: ut et mundi cursus pacífice nobis tuo órđine dirigátur; et Ecclésia tua tranquílla devotióne lætétur. Per Dóminum.

Léctio Epístolæ beáti Pauli Apóstoli ad Romános.

Rom. 8, 18-23

Fratres: Existimo quod non sunt condígnæ passiones huius témporis ad futúram glóriam, quæ revelábitur in nobis. Nam exspectátio creatúræ, revelatióem filiórum Dei exspectat. Vanitáti enim creatúra subiécta est non volens, sed propter eum, qui subiécit eam in spe: quia et ipsa creatúra liberábitur a servitúte corruptiόνis, in libertátem glóriæ filiórum Dei. Scimus enim quod omnis creatúra ingemiscit, et párturit usque adhuc. Non solum autem illa, sed et nos ipsi primítias spíritus habéntes: et ipsi intra nos gémimus adoptiόνem filiórum Dei exspectántes, redemptiόνem córporis nostri: in Christo Iesu Dómino nostro.

Graduale Ps. 78, 9 et 10 Propítius esto, Dómine, peccátis nostris: ne quando dicant gentes: Ubi est Deus eórum? **V.** Adiuva nos, Deus salu-

táris noster: et propter honórem nóminis tui, Dómine, libera nos.

Allelúia, allelúia. **℣. Ps. 9, 5 et 10**
Deus, qui sedes super thronum, et iúdicas æquitátem: esto refúgium páuperum in tribulatióne. Allelúia.

✠ Sequéntia sancti Evangélíi secúndum Lucam.

Luc. 5, 1-11

In illo témpore: Cum turbæ irrúerent in Iesum, ut audírent verbum Dei, et ipse stabat secus stagnum Genésareth. Et vidit duas naves stantes secus stagnum: piscatóres autem descénderant, et lavábant rétia. Ascéndens autem in unam navim, quæ erat Simónis, rogávit eum a terra redúcere pusillum. Et sedens docébat de navícula turbas. Ut cessávit autem loqui, dixit ad Simónem: Duc in altum, et laxáte rétia vestra in captúram. Et respóndens Simon, dixit illi: Præcéptor, per totam noctem laborátes, nihil cépimus: in verbo autem tuo laxábo rete. Et cum hoc fecissent, conclusérunt píscium multitudínem copiósam: rumpebátur autem rete eórum. Et annuérunť sóciis, qui erant in ália navi, ut venírent, et adiuvárent eos. Et venérunt, et implevérunt ambas navículas, ita ut pene mergerénťur. Quod cum vidéret Simon Petrus, prócidit ad génua Iesu, dicens: Exi a me, quia homo peccátor sum, Dómine. Stupor enim circumdédérat eum, et omnes, qui cum illo erant, in captúra píscium, quam céperant: simíliter autem Iacóbum et Ioánnem, filios Zebedæi, qui erant sócii Simónis. Et ait ad Simónem Iesus: Noli timére: ex hoc iam hómines eris cápiens. Et subdúctis ad terram návibus, relíctis ómnibus, secúti sunt eum.

Credo.

Antiphona ad Offertorium Ps. 12, 4-5 Illúmina óculos meos, ne um-

quam obdórmiam in morte: ne quando dicat inimícus meus: Præválui advérsus eum.

Secreta

Oblatió nibus nostris, quæsumus, Dómine, placáre suscéptis: et ad te nostras étiam rebélles compélle propítius voluntátes. Per Dóminum.

Præfatio de Ssma Trinitate.

Antiphona ad Communionem Ps. 17, 3 Dóminus firmaméntum meum, et refúgium meum, et liberátor meus: Deus meus, adiutor meus.

Postcommunio

Mystéria nos, Dómine, quæsumus, sumpta purificent: et suo múnere tueántur. Per Dóminum.

DOMINICA QUINTA POST PENTECOSTEN

II classis

Antiphona ad Introitum

Ps. 26, 7 et 9

Exáudi, Dómine, vocem meam, qua clamávi ad te: adiutor meus esto, ne derelínquas me, neque despícias me, Deus salutaris meus. **Ps. ibid., 1** Dóminus illuminatio mea, et salus mea, quem timébo. **℣. Glória Patri.**

Oratio

Deus, qui diligéntibus te bona invisibília præparásti: infúnde córdibus nostris tui amóris afféctum; ut te in ómnibus et super ómnia diligéntes, promissiões tuas, quæ omne desidérium súperant, consequámur. Per Dóminum.

Léctio Epístolæ beáti Petri Apóstoli.

1 Petri 3, 8-15

Caríssimi: Omnes unánimes in oratióne estóte, compatiéntes,

fraternitátis amatóres, misericórdes, modésti, húmiles: non reddéntes malum pro malo, nec maledíctum pro maledícto, sed e contráριο benedicéntes: quia in hoc vocáti estis, ut benedictiónem hereditáte possideátis. Qui enim vult vitam dilígere, et dies vidére bonos, coérceat linguam suam a malo, et lábia eius ne loquántur dolum. Declínet a malo, et fáciat bonum: inquírat pacem, et sequátur eam. Quia óculi Dómini super iustos, et aures eius in preces eórum: vultus autem Dómini super faciéntes mala. Et quis est qui vobis nóceat, si boni æmulatóres fuéritis? Sed et si quid patímini propter iustítiam, beáti. Timórem autem eórum ne timuéritis: et non conturbémini. Dóminum autem Christum sanctificáte in córdibus vestris.

Graduale Ps. 83, 10 et 9 Protéctor noster áspice, Deus, et réspice super servos tuos. **℣.** Dómine Deus virtútum, exáudi preces servórum tuórum.

Allelúia, allelúia. **℣. Ps. 20, 1** Dómine, in virtúte tua lætábitur rex: et super salutáre tuum exsultábit veheménter. Allelúia.

✠ Sequéntia sancti Evangélíi secúndum Matthæum.

Matth. 5, 20-24

In illo témpore: Dixit Iesus discí-pulis suis: Nisi abundáverit iustítia vestra plus quam scribárum et pharisæórum, non intrábitis in regnum cælórum. Audístis, quia dictum est antíquis: Non occídes: qui autem occíderit, reus erit iudício. Ego autem dico vobis: quia omnis, qui iráscitur fratri suo, reus erit iudício. Qui autem díxerit fratri suo, raca: reus erit concílio. Qui autem díxerit, fátue: reus erit gehénnæ ignis. Si ergo offers munus tuum ad altáre, et ibi recordátus fúeris, quia frater tuus

habet áliquíd advérsus te: relínque ibi munus tuum ante altáre, et vade prius reconciliári fratri tuo: et tunc véniens ófferes munus tuum.

Credo.

Antiphona ad Offertorium Ps. 15, 7 et 8 Benedícam Dóminum, qui tríbuit mihi intelléctum: providébam Deum in conspéctu meo semper: quóniam a dextris est mihi, ne commóvear.

Secreta

Propitiáre, Dómine, supplicatió-nibus nostris: et has oblatiões famulórum famularúmque tuárum benígnus assúme; ut, quod sínguli obtulérunt ad honórem nóminis tui, cunctis proficiat ad salutem. Per Dóminum.

Præfatio de Ssma Trinitate.

Antiphona ad Communionem Ps. 26, 4 Unam pétii a Dómino, hanc requíram: ut inhábitem in domo Dómini ómnibus diébus vitæ meæ.

Postcommunio

Quos cælésti, Dómine, dono satiásti: præsta, quæsumus; ut a nostris mundémur occúltis, et ab hóstium liberémur insídiis. Per Dóminum.

**DOMINICA SEXTA
POST PENTECOSTEN**

II classis

Antiphona ad Introitum

Ps. 27, 8-9

Dóminus fortitúdo plebis suæ, et protéctor salutárium Christi sui est: salvum fac pópulum tuum, Dómine, et benedic hereditáti tuæ, et rege eos usque in sáculum. **Ps. ibid., 1** Ad te, Dómine, clamábo, Deus meus, ne sí-leas a me: ne quando táceas a me, et assimilábor descendéntibus in lacum. **℣.** Glória Patri.

Oratio

Deus virtútum, cuius est totum quod est óptimum: ínsere peccatóribus nostris amórem tui nóminis, et præsta in nobis religiónis augmentum; ut, quæ sunt bona, nútrias, ac pietátis stúdio, quæ sunt nutrita, custódias. Per Dóminum.

Léctio Epístolæ beáti Pauli Apóstoli ad Romános.

Rom. 6, 3-11

Fratres: Quicúmque baptizáti sumus in Christo Iesu, in morte ipsíus baptizáti sumus. Consepúlti enim sumus cum illo per baptismum in mortem: ut quómodo Christus surréxit a mórtuis per glóriam Patris, ita et nos in novitate vitæ ambulémus. Si enim complantáti facti sumus similitúdini mortis eius: simul et resurrectionis érimus. Hoc sciéntes, quia vetus homo noster simul crucifixus est: ut destruátur corpus peccáti, et ultra non serviámus peccáto. Qui enim mórtuus est, iustificátus est a peccáto. Si autem mórtui sumus cum Christo: crédimus quia simul étiam vivémus cum Christo: sciéntes quod Christus resúrgens ex mórtuis, iam non móritur, mors illi ultra non dominábitur. Quod enim mórtuus est peccáto, mórtuus est semel: quod autem vivit, vivit Deo. Ita et vos existimáte, vos mórtuos quidem esse peccáto, vivéntes autem Deo, in Christo Iesu Dómino nostro.

Graduale Ps. 89, 13 et 1 Convertere, Dómine, aliquántulum, et deprecáre super servos tuos. **¶** Dómine, refúgium factus es nobis, a generatióne et progénie.

Allelúia, allelúia. **¶** Ps. 30, 2-3 In te, Dómine, sperávi, non confúndar in ætérnum: in iustítia tua libera me, et éripe me: inclína ad me aurem tuam, accélera, ut erípias me. Allelúia.

✠ Sequéntia sancti Evangélii secúndum Marcum.

Marc. 8, 1-9

In illo témpore: Cum turba multa esset cum Iesu, nec habérent quod manducárent, convocátis discíplis, ait illis: Miséreor super turbam: quia ecce, iam tríduo sústinent me, nec habent quod mandúcent: et si dimísero eos ieiúnos in domum suam, deficient in via: quidam enim ex eis de longe venérunt. Et responderunt ei discípli sui: Unde illos quis póterit hic saturáre pánibus in solitúdine? Et interrogávit eos: Quot panes habétis? Qui dixerunt: Septem. Et præcépit turbæ discumbere super terram. Et accípiens septem panes, grátias agens fregit, et dabat discíplis suis, ut appónerent, et apposuérunt turbæ. Et habébant piscículos paucos: et ipsos benedíxit, et iussit appóni. Et manducavérunt, et saturáti sunt, et sustulérunt quod superáverat de fragméntis, septem sportas. Erant autem qui manducáverant, quasi quátuor mília: et dimísit eos.

Credo.

Antiphona ad Offertorium Ps. 16, 5 et 6-7 Pérfice gressus meos in sémitis tuis, ut non moveántur vestígia mea: inclína aurem tuam, et exáudi verba mea: mirífica misericórdias tuas, qui salvos facis sperántes in te, Dómine.

Secreta

Propitiáre, Dómine, supplicatió-nibus nostris, et has pópuli tui oblatiões benígnus assúme: et ut nullíus sit írritum votum, nullíus vácuá postulátio, præsta; ut, quod fidéliter pétimus, effícaciter consequámur. Per Dóminum.

Præfatio de Ssma Trinitate.

Antiphona ad Communionem Ps. 26, 6 Circuíbo, et immolábo in tabernáculo eius hóstiam iubila-

tiónis: cantábo, et psalmum dicam Dómino.

Postcommunio

Repléti sumus, Dómine, munéribus tuis: tríbe, quásumus; ut eórum et mundémur efféctu, et muniámur auxílio. Per Dóminum.

DOMINICA SEPTIMA POST PENTECOSTEN

II classis

Antiphona ad Introitum

Ps. 46, 2

Omnes gentes, pláudite má-nibus: iubiláte Deo in voce exsultatiónis. **Ps. ibid., 3** Quóniam Dóminus excélsus, terríbilis: Rex magnus super omnem terram. **V.** Glória Patri.

Oratio

Deus, cuius providéntia in sui dispositiône non fállitur: te súpplices exorámus; ut nóxia cuncta submóveas, et ómnia nobis profutúra concédas. Per Dóminum.

Léctio Epístolæ beáti Pauli Apóstoli ad Romános.

Rom. 6, 19-23

Fratres: Humánum dico, propter infirmitátem carnis vestræ: sicut enim exhibuístis membra vestra servíre immundítæ, et iniquitáti ad iniquitátem, ita nunc exhibéte membra vestra servíre iustítie in sanctificatióne. Cum enim servi essétis peccáti, liberi fuístis iustítie. Quem ergo fructum habuístis tunc in illis, in quibus nunc erubescitis? Nam finis illórum mors est. Nunc vero liberáti a peccáto, servi autem facti Deo, habétis fructum vestrum in sanctificatióne, finem vero vitam ætérnam. Stipéndia enim peccáti, mors. Grátia autem Dei, víta ætérna, in Christo Iesu Dómino nostro.

Graduale Ps. 33, 12 et 6 Veníte, filii, audíte me: timórem Dómini

docébo vos. **V.** Accédite ad eum, et illuminámini: et fácies vestræ non confundéntur.

Allelúia, allelúia. **V. Ps. 46, 2** Omnes gentes, pláudite mánibus: iubiláte Deo in voce exsultatiónis. Allelúia.

✠ Sequéntia sancti Evangélíi secúndum Matthæum.

Matth. 7, 15-21

In illo témpore: Dixit Iesus discí-pulis suis: Atténdite a falsis prophétis, qui véniunt ad vos in vestiméntis óvium, intrínsecus autem sunt lupi rapáces: a frúctibus eórum cognoscétis eos. Numquid cólligunt de spinis uvas, aut de tríbulis ficus? Sic omnis arbor bona fructus bonos facit: mala autem arbor malos fructus facit. Non potest arbor bona malos fructus fácere: neque arbor mala bonos fructus fácere. Omnis arbor, quæ non facit fructum bonum, excidé-tur, et in ignem mittétur. Igitur ex frúctibus eórum cognoscétis eos. Non omnis, qui dicit mihi, Dómine, Dómine, intrábit in regnum cælórum: sed qui facit voluntátem Patris mei, qui in cælis est, ipse intrábit in regnum cælórum.

Credo.

Antiphona ad Offertorium Dan.

3, 40 Sicut in holocáustis aríetum et taurórum, et sicut in mílibus agnórum pínguium: sic fiat sacrificium nostrum in conspéctu tuo hódie, ut pláceat tibi: quia non est confúsió confidéntibus in te, Dómine.

Secreta

Deus, qui legálium differéntiam hostiárum uníus sacrificii perfectiône sanxísti: áccipe sacrificium a devótis tibi fámulis, et pari benedictiône, sicut múnera Abel, sanctífica; ut, quod sínguli obtulérunt ad maiestátis tuæ honórem, cunctis proficiat ad salútem. Per Dóminum.

Præfatio de Ssma Trinitate.**Antiphona ad Communionem**

Ps. 30, 3 Inclína aurem tuam, accélera, ut erípias me.

Postcommunio

Tua nos, Dómine, medicinális operátio, et a nostris perversitatibus cleménter expédiat, et ad ea quæ sunt recta perdúcat. Per Dóminum.

**DOMINICA OCTAVA
POST PENTECOSTEN**

II classis**Antiphona ad Introitum**

Ps. 47, 10-11

Suscépmus, Deus, misericórdiam tuam in médio templi tui: secúndum nomen tuum, Deus, ita et laus tua in fines terræ: iustítia plena est délixtera tua. **Ps. ibid., 2** Magnus Dóminus, et laudábilis nimis: in civitáte Dei nostri, in monte sancto eius. **Ÿ. Glória Patri.**

Oratio

Largíre nobis, quæsumus, Dómine, semper spíritum cogitándi quæ recta sunt, propítius et agéndi: ut, qui sine te esse non póssumus, secúndum te vívere valeámus. Per Dóminum.

Léctio Epístolæ beáti Pauli Apóstoli ad Romános.

Rom. 8, 12-17

Fratres: Debitóres sumus non carni, ut secúndum carnem vivámus. Si enim secúndum carnem vixeritis, moriémini: si autem spíritu facta carnis mortificaveritis, vivétis. Quicúmque enim spíritu Dei agúntur, ii sunt filii Dei. Non enim accepístis spíritum servitútis íterum in timóre, sed accepístis spíritum adoptiónis filiórum, in quo clamámus: Abba (Pater). Ipse enim Spíritus testimónium reddit spíritui

nostro, quod sumus filii Dei. Si autem filii, et herédes: herédes quidem Dei, coherédes autem Christi.

Graduale Ps. 30, 3 Esto mihi in Deum protectórem, et in locum refúgii, ut salvum me fácias. **Ÿ. Ps. 70, 1** Deus, in te sperávi: Dómine, non confúndar in ætérnum.

Allelúia, allelúia. **Ÿ. Ps. 47, 2** Magnus Dóminus, et laudábilis valde, in civitáte Dei nostri, in monte sancto eius. Allelúia.

✠ Sequéntia sancti Evangélii secúndum Lucam.

Luc. 16, 1-9

In illo témpore: Dixit Iesus discipulis suis parábolam hanc: Homo quidam erat dives, qui habébat villicum: et hic diffamátus est apud illum, quasi dissipásset bona ipsíus. Et vocávit illum, et ait illi: Quid hoc áudio de te? redde ratió nem villicatió nis tuæ: Iam enim non póteris villicáre. Ait autem villicus intra se: Quid fáciam, quia dóminus meus aufert a me villicatió nem? fódere non váleo, mendicáre erubésco. Scio quid fáciam, ut, cum amó tus fúero a villicatió ne, recípiant me in domos suas. Convocátis ítaque síngulis debitóribus dómini sui, dicébat primo: Quantum debes dómينو meo? At ille dixit: Centum cados ólei. Dixítque illi: Accipe cautió nem tuam: et sede cito, scribe quinquagínta. Deínde álii dixit: Tu vero quantum debes? Qui ait: Centum coros trítici. Ait illi: Accipe líttas tuas, et scribe octogínta. Et laudávit dóminus villicum iniquitátis, quia prudénter fecísset: quia filii huius sǽculi prudentió res filiis lucis in generatió ne sua sunt. Et ego vobis dico: fácite vobis amícos de mammóna iniquitátis: ut, cum defecéritis, recípiant vos in ætérna tabernácula.

Credo.

Antiphona ad Offertorium Ps. 17, 28 et 32 Pópulum húmitem salvum fácies, Dómine, et óculos superbórum humiliábis: quóniam quis Deus præter te, Dómine?

Secreta

Súscipe, quæsumus, Dómine, múnera, quæ tibi de tua largitáte deférimus: ut hæc sacrosáncta mystéria, grátia tuæ operánte virtúte, et præsentis vitæ nos conversatióne sanctíficent, et ad gáudia sempitérna perdúcant. Per Dóminum.

Præfatio de Ssma Trinitate.

Antiphona ad Communionem Ps. 33, 9 Gustáte et vidéte, quóniam suávis est Dóminus: beátus vir, qui sperat in eo.

Postcommunio

Sit nobis, Dómine, reparátio mentis et córporis cæléste mystérium: ut, cuius exséquimur cultum, sentiámus efféctum. Per Dóminum.

**DOMINICA NONA
POST PENTECOSTEN**

II classis

Antiphona ad Introitum

Ps. 53, 6-7

Ecce, Deus ádiuvat me, et Dóminus suscéptor est animæ meæ: avérte mala inimícis meis, et in veritáte tua dispérde illos, protéctor meus, Dómine. **Ps. ibid., 3** Deus, in nómine tuo salvum me fac: et in virtúte tua libera me. **V.** Glória Patri.

Oratio

Páteant aures misericórdia tuæ, Dómine, précibus supplicántium: et, ut peténtibus desideráta concédas; fac eos, quæ tibi sunt plácita, postuláre. Per Dóminum.

Lectio Epístolæ beáti Pauli Apóstoli ad Corínthios.

I Cor. 10, 6-13

Fratres: Non simus concupiscéntes malórum, sicut et illi con-

cupiérunt. Neque idolólatræ efficiámini, sicut quidam ex ipsis: quemádmódum scriptum est: Sedit pópulus manducáre et bíbere, et surrexérunt lúdere. Neque fornicémur, sicut quidam ex ipsis fornicáti sunt, et cecidérunt una die vigínti tria mília. Neque tentémus Christum, sicut quidam eórum tentavérunt, et a serpéntibus periérunt. Neque murmuravéritis, sicut quidam eórum murmuravérunt, et periérunt ab exterminatóre. Hæc autem ómnia in figúra contingébant illis: scripta sunt autem ad correptionem nostram, in quos fines sæculórum devenérunt. Itaque qui se exístimat stare, vídeat ne cadat. Tentátio vos non apprehéndat, nisi humana: fidélis autem Deus est, qui non patiétur vos tentári supra id quod potéstis, sed fáciet étiam cum tentatióne provéntum, ut possítis sustinére.

Graduale Ps. 8, 2 Dómine Dóminus noster, quam admirábile est nomen tuum in univérsa terra! **V.** Quóniam eleváta est magnificéntia tua super cælos.

Allelúia, allelúia. **V. Ps. 58, 2** Eripe me de inimícis meis, Deus meus: et ab insurgéntibus in me libera me. Allelúia.

✠ Sequéntia sancti Evangélíi secúndum Lucam.

Luc. 19, 41-47

In illo témpore: Cum appropinquáret Iesus Ierúsalem, videns civitátem, flevit super illam, dicens: Quia si cognovísses et tu, et quidem in hac die tua, quæ ad pacem tibi, nunc autem abscondita sunt ab óculis tuis. Quia vénient dies in te: et circúmdabunt te inimíci tui vallo, et circúmdabunt te: et coangustábunt te úndique: et ad terram prostérnent te, et filios tuos, qui in te sunt, et non relínquent in te lápidem super lápidem:

eo quod non cognóveris tempus visitatiónis tuæ. Et ingressus in templum, cœpit eícere vendéntes in illo, et eméntes, dicens illis: Scriptum est: Quia domus mea domus oratiónis est. Vos autem fecístis illam spelúncam latrónum. Et erat docens quotidie in templo. Credo.

Antiphona ad Offertorium Ps. 18, 9, 10, 11 et 12 Iustítiæ Dómini rectæ, lætificántes corda, et iudícia eius dulcióra super mel et favum: nam et servus tuus custódit ea.

Secreta

Concède nobis, quæsumus, Dómine, hæc digne frequentáre mystéria: quia, quóties huius hóstiæ commemorátio celebrátur, opus nostræ redemptiόνis exercétur. Per Dóminum.

Præfatio de Ssma Trinitate.

Antiphona ad Communionem Ioann. 6, 57 Qui mandúcat meam carnem, et bibít meum sánguinem, in me manet, et ego in eo, dicit Dóminus.

Postcommunio

Tui nobis, quæsumus, Dómine, commúnio sacraménti, et purificatióne cónferat, et tríbuat unitátem. Per Dóminum.

DOMINICA DECIMA POST PENTECOSTEN

II classis

Antiphona ad Introitum

Ps. 54, 17, 18, 20 et 23

Cum clamárem ad Dóminum, exaudivít vocem meam, ab his, qui appropínquant mihi: et humiliávit eos qui est ante sæcula, et manet in ætérnum: iacta cogitátum tuum in Dómino, et ipse te enútriet. **Ps. ibid., 2** Exáudi, Deus, oratióne meam, et ne despéxeris

deprecatióne meam: inténde mihi, et exáudi me. **℣.** Glória Patri.

Oratio

Deus, qui omnipoténtiam tuam parcéndo máxime et miserándo manifestas: multiplica super nos misericórdiam tuam; ut ad tua promíssa curréntes, cæléstium bonórum fácias esse consórtes. Per Dóminum.

Léctio Epístolæ beáti Pauli Apóstoli ad Corínthios.

I Cor. 12, 2-11

Fratres: Scitis quóniam cum gentes essétis, ad simulácula muta prout ducebámini eúntes. Ideo notum vobis fácio, quod nemo in Spíritu Dei loquens, dicit anáthema Iesu. Et nemo potest dicere, Dóminus Iesus, nisi in Spíritu Sancto. Divisióne vero gratiárum sunt, idem autem Spíritus. Et divisióne ministratiónum sunt, idem autem Dóminus. Et divisióne operatiónum sunt, idem vero Deus, qui operátur ómnia in ómnibus. Unicuique autem datur manifestatio Spíritus ad utilitátem. Alii quidem per Spíritum datur sermo sapiéntiæ: álii autem sermo sciéntiæ secúndum eúndem Spíritum: álii fides in eódem Spíritu: álii grátia sanitátum in uno Spíritu: álii operatio virtútum, álii prophetía, álii discrétio spirítuum, álii génera linguárum, álii interpretatio sermonum. Hæc autem ómnia operátur unus atque idem Spíritus, dívindens singulis prout vult.

Graduale Ps. 16, 8 et 2 Custódi me, Dómine, ut pupíllam óculi: sub umbra alárum tuárum prótege me. **℣.** De vultu tuo iudícium meum pródeat: óculi tui vídeant æquitátem.

Allelúia, allelúia. **℣. Ps. 64, 2** Te decet hymnus, Deus, in Sion: et tibi reddétur votum in Ierúsalem. Allelúia.

✠ Sequéntia sancti Evangélíi secúndum Lucam.

Luc. 18, 9-14

In illo témpore: Dixit Iesus ad quosdam, qui in se confidébant tamquam iusti, et aspernabántur céteros, parábolam istam: Duo hómines ascendérunt in templum ut orárent; unus pharisæus, et alter publicánu. Pharisæus stans, hæc apud se orábat: Deus, grátias ago tibi, quia non sum sicut céteri hóminum: raptóres, iniústi, adúlteri: velut étiam hic publicánu. Ieiúno bis in sábbato: décimas do ómnium, quæ possídeo. Et publicánu a longe stans nolébat nec óculos ad cælum leváre: sed percutiébat pectus suum, dicens, Deus, propítius esto mihi peccatóri. Dico vobis: descéndit hic iustificátus in domum suam ab illo: quia omnis qui se exáltat, humiliábitur: et qui se humiliat, exaltábitur.

Credo.

Antiphona ad Offertorium Ps. 24, 1-3 Ad te, Dómine, levávi ánimam meam: Deus meus, in te confido, non erubéscam: neque irrídeant me inimíci mei: étenim univérsi, qui te expéctant, non confundéntur.

Secreta

Tibi, Dómine, sacrificia dicáta reddántur: quæ sic ad honórem nóminis tui deferénda tribuísti, ut éadem remédia fieri nostra præstáres. Per Dóminum.

Præfatio de Ssma Trinitate.

Antiphona ad Communionem Ps. 50, 21 Acceptábis sacrificium iustítiæ, oblatiónes, et holocáusta, super altáre tuum, Dómine.

Postcommunio

Quæsumus, Dómine Deus noster: ut, quos divínis reparáre non désinis sacraméntis, tuis non destítuas benígnus auxiliis. Per Dóminum.

DOMINICA UNDECIMA POST PENTECOSTEN

II classis

Antiphona ad Introitum

Ps. 67, 6-7 et 36

Deus in loco sancto suo: Deus qui inhabitáre facit unánimes in domo: ipse dabit virtútem, et fortitúdinem plebi suæ. **Ps. ibid., 2** Exsúrgat Deus, et dissipéntur inimíci eius: et fúgiant, qui odérunt eum, a fácie eius. **V.** Glória Patri.

Oratio

Omnípotens sempitérne Deus, qui abundántia pietátis tuæ, et mérita súpplícum excédis et vota: effúnde super nos misericórdiam tuam; ut dimíttas quæ consciéntia méruit, et adícias quod orátio non præsumit. Per Dóminum.

Léctio Epístolæ beáti Pauli Apóstoli ad Corínthios.

I Cor. 15, 1-10

Fratres: Notum vobis fácio Evangélium, quod prædicávi vobis, quod et accepístis, in quo et statis, per quod et salvámini: qua ratióne prædicáverim vobis, si tenétis, nisi frustra credidístis. Trádidí enim vobis in primis, quod et accépi: quóniam Christus mórtuus est pro peccátis nostris secúndum Scriptúras: et quia sepúltus est, et quia resurréxit tértia die secúndum Scriptúras: et quia visus est Cephæ, et post hoc úndecim. Deínde visus est plus quam quingéntis frátribus simul, ex quibus multi manent usque adhuc, quidam autem dormiérunt. Deínde visus est Iacóbo, deínde Apóstolis ómnibus: novíssime autem ómnium tamquam abortívo, visus est et mihi. Ego enim sum mínimus Apostolórum, qui non sum dignus vocári Apóstolus, quóniam persecútus sum Ecclésiám Dei. Grátia autem Dei sum id quod

sum, et grátia eius in me vácuá non fuit.

Graduale Ps. 27, 7 et 1 In Deo sperávit cor meum, et adiútus sum: et reflóruit caro mea, et ex voluntáte mea confitébor illi. **V.** Ad te, Dómine, clamávi: Deus meus, ne síleas, ne discédas a me.

Allelúia, allelúia. **V. Ps. 80, 2-3** Exsultáte Deo adiutóri nostro, iubiláte Deo Iacob: súmite psalmum iucúndum cum cíthara. Allelúia.

✠ Sequéntia sancti Evangélíi secúndum Marcum.

Marc. 7, 31-37

In illo témpore: Exiens Iesus de finibus Tyri, venit per Sidónem ad mare Galilææ, inter médios fines Decapóleos. Et addúcunt ei surdum et mutum, et deprecabántur eum, ut impónat illi manum. Et apprehéndens eum de turba seórsum, misit dígitos suos in aurículas eius: et éxspuens, tétigit linguam eius: et suspiciens in cælum, ingémuit, et ait illi: Ephpheta, quod est adaperíre. Et statim apértæ sunt aures eius, et solútum est vínculum linguæ eius, et loquebátur recte. Et præcépit illis, ne cui dicerent. Quanto autem eis præcipiébat, tanto magis plus prædicábant: et eo ámplius admirabántur, dicéntes: Bene ómnia fecit: et surdos fecit audíre, et mutos loqui.

Credo.

Antiphona ad Offertorium Ps. 29, 2-3 Exaltábo te, Dómine, quóniam suscepísti me, nec delectásti inimícos meos super me: Dómine, clamávi ad te, et sanásti me.

Secreta

Réspice, Dómine, quæsumus, nostram propítius servitútem: ut, quod offérimus, sit tibi munus accéptum, et sit nostræ fragilitátis subsídium. Per Dóminum.

Præfatio de Ssma Trinitate.

Antiphona ad Communionem
Prov. 3, 9-10 Honóra Dóminum de tua substántia, et de primítiis frugum tuárum: et implebúntur hórrea tua saturitáte, et vino torculária redundábunt.

Postcommunio

Sentiámus, quæsumus, Dómine, tui perceptióne sacraménti, subsidium mentis et córporis: ut in utróque salváti, cæléstis remédii plenitúdine gloriémur. Per Dóminum.

DOMINICA DUODECIMA POST PENTECOSTEN

II classis

Antiphona ad Introitum

Ps. 69, 2-3

Deus, in adiutórium meum inténde: Dómine, ad adiuvándum me festína: confundántur et reveréantur inimíci mei, qui quærunt ánimam meam. **Ps. ibid., 4** Avertántur retrórsim, et erubéscant: qui cógitant mihi mala. **V.** Glória Patri.

Oratio

Omnípotens et miséricors Deus, de cuius múnere venit, ut tibi a fidélibus tuis digne et laudabíliter serviátur: tríbe, quæsumus, nobis; ut ad promissiónes tuas sine offénsione currámus. Per Dóminum.

Léctio Epístolæ beáti Pauli Apóstoli ad Corínthios.

2 Cor. 3, 4-9

Fratres: Fidúciam talem habémus per Christum ad Deum: non quod sufficiéntes simus cogitare áliquid a nobis, quasi ex nobis: sed sufficiéntia nostra ex Deo est: qui et idóneos nos fecit minístros novi testaménti: non líttera, sed spírítu: líttera enim occídít, spírítus autem vivíficat. Quod si ministrátio mortis, lítteris deformáta in lapí-

dibus, fuit in glória; ita ut non possent intendere filii Israël in faciē Mōysi, propter glóriam vultus eius, quæ evacuatur: quomodo non magis ministratio Spíritus erit in glória? Nam si ministratio damnationis glória est: multo magis abundat ministerium iustitiæ in glória.

Graduale Ps. 33, 2-3 Benedicam Dóminum in omni tēpore: semper laus eius in ore meo. **V.** In Dómino laudabitur ánima mea: audiant mansuēti, et lætēntur.

Allelúia, allelúia. **V. Ps. 87, 2** Dómine Deus salutis meæ, in die clamavi et nocte coram te. Allelúia.

✠ Sequētia sancti Evangēlii secūndum Lucam.

Luc. 10, 23-37

In illo tēpore: Dixit Iesus discipulis suis: Beati óculi, qui vident quæ vos vidētis. Dico enim vobis, quod multi prophætæ et reges voluerunt vidēre quæ vos vidētis, et non viderunt: et audire quæ audītis, et non audierunt. Et ecce, quidam legisperitus surrēxit, tentans illum, et dicens: Magister, quid faciēdo vitam ætērnā possidēbo? At ille dixit ad eum: In lege quid scriptum est? quomodo legis? Ille respōdens, dixit: Dīliges Dóminum Deum tuum ex toto corde tuo, et ex tota ánima tua, et ex ómnibus víribus tuis, et ex omni mente tua: et próximum tuum sicut teípsum. Dixítque illi: Recte respondísti: hoc fac, et vives. Ille autem volens iustificāre seípsum, dixit ad Iesum: Et quis est meus próximus? Suscīpiens autem Iesus, dixit: Homo quidam descendēbat ab Ierúsalem in Iéricho, et incidit in latrōnes, qui étiam despoliavērunt eum: et plagis impōsitis abiērunt, semivívo relícto. Accidit autem ut sacerdos quidam descēderet eādē via: et viso illo præterívit. Simíliter

et levíta, cum esset secus locum et vidēret eum, pertrāsiit. Samaritānus autem quidam iter faciēns, venit secus eum: et videns eum, misericórdia motus est. Et appropians alligávit vúlnera eius, infūdens óleum et vinum: et impōnens illum in iumentum suum, duxit in stábulum, et curam eius egit. Et áltera die prótulit duos denários, et dedit stabulário, et ait: Curam illíus habe: et quodcúmque supererogáveris, ego cum rediero, reddam tibi. Quis horum trium vidētur tibi próximus fuisse illi, qui incidit in latrōnes? At ille dixit: Qui fecit misericórdiam in illum. Et ait illi Iesus: Vade, et tu fac simíliter.

Credo.

Antiphona ad Offertorium Exodi 32, 11, 13 et 14 Precátus est Mōyses in conspēctu Dómini Dei sui, et dixit: Quare, Dómine, irásceris in pópulo tuo? Parce iræ animæ tuæ: meménto Abraham, Isaac, et Iacob, quibus iurásti dare terram fluéntem lac et mel. Et placátus factus est Dóminus de malignitatē, quam dixit fácere pópulo suo.

Secreta

Hóstias, quæsumus, Dómine, propítius inténde, quas sacris altáribus exhibémus: ut nobis indulgéntiam largiēdo, tuo nómini dent honórem. Per Dóminum.

Præfatio de Ssma Trinitate.

Antiphona ad Communionem Ps. 103, 13 et 14-15 De fructu óperum tuórum, Dómine, satiábitur terra: ut edúcas panem de terra, et vinum lætíficet cor hómīnis: ut exhílalet faciē in óleo, et panis cor hómīnis confirmet.

Postcommunio

Vivíficet nos, quæsumus, Dómine, huius participatio sancta mystérii: et páriter nobis expiatiónem tríbuat, et munímen. Per Dóminum.

DOMINICA DECIMA TERTIA
POST PENTECOSTEN

II classis

Antiphona ad Introitum

Ps. 73, 20, 19 et 23

Réspice, Dómine, in testaméntum tuum, et ánimas páuperum tuórum ne derelínquas in finem: exsúrge, Dómine, et iúdica causam tuam, et ne obliviscáris voces quæréntium te. **Ps. ibid., 1** Ut quid, Deus, repulísti in finem: irátus est furor tuus super oves páscae tuæ? **V.** Glória Patri.

Oratio

Omnípotens sempitérne Deus, da nobis fidei, spei, et caritátis augméntum: et, ut mereámur ássequi quod promíttis, fac nos amáre quod præcipis. Per Dóminum.

Léctio Epístolæ beáti Pauli Apóstoli ad Gálatas.

Gal. 3, 16-22

Fratres: Abrahæ dictæ sunt promissiones, et sémini eius. Non dicit: Et semínibus, quasi in multis; sed quasi in uno: Et sémini tuo, qui est Christus. Hoc autem dico: testaméntum confirmátum a Deo, quæ post quadringéntos et tríginta annos facta est lex, non írritum facit ad evacuándam promissionem. Nam si ex lege heréditas, iam non ex promissione. Abrahæ autem per repromissionem donávit Deus. Quid igitur lex? Propter transgressionés pósita est donec veníret semen, cui promiserat, ordináta per Angelos in manu mediátoris. Mediátor autem unius non est: Deus autem unus est. Lex ergo advérsus promissa Dei? Absit. Si enim data esset lex, quæ posset vivificáre, vere ex lege esset iustítia. Sed conclúsit Scriptúra ómnia sub peccáto, ut promissio ex fide Iesu Christi darétur credéntibus.

Graduale Ps. 73, 20, 19 et 22 Réspice, Dómine, in testaméntum tuum: et ánimas páuperum tuórum ne obliviscáris in finem. **V.** Exsúrge, Dómine, et iúdica causam tuam: memor esto oppróbrii servórum tuórum.

Allelúia, allelúia. **V. Ps. 89, 1** Dómine, refúgium factus es nobis a generatióne, et progénie. Allelúia.

✠ Sequéntia sancti Evangélíi secúndum Lucam. **Luc. 17, 11-19**

In illo témpore: Dum iret Iesus in Ierúsalem, transíbat per médiam Samariám et Galilæam. Et cum ingrederétur quoddam castéllum, occurrérunt ei decem viri leprósi, qui stetérunt a longe et levavérunt vocem dicéntes: Iesu præcéptor, miserére nostri. Quos ut vidit, dixit: Ite, osténdite vos sacerdotibus. Et factum est, dum irent, mundáti sunt. Unus autem ex illis, ut vidit quia mundátus est, regréssus est, cum magna voce magníficans Deum, et cécidit in fáciem ante pedes eius, grátias agens: et hic erat Samaritánus. Respóndens autem Iesus, dixit: Nonne decem mundáti sunt? et novem ubi sunt? Non est invéntus qui redíret, et daret glóriam Deo, nisi hic alienígena. Et ait illi: Surge, vade: quia fides tua te salvum fecit.

Credo.

Antiphona ad Offertorium Ps. 30 15-16 In te sperávi, Dómine; dixi: Tu es Deus meus, in mánibus tuis témpora mea.

Secreta

Propitiáre, Dómine, pópulo tuo, propitiáre munéribus: ut hac oblatiône placátus, et indulgéntiam nobis tríbuas, et postuláta concédas. Per Dóminum.

Præfatío de Ssma Trinitate.

Antiphona ad Communionem Sap. 16, 20 Panem de cælo delísti

nobis, Dómine, habéntem omne delectaméntum et omnem sapórem suavitátis.

Postcommunio

Sumptis, Dómine, cæléstibus sacraméntis: ad redemptiónis æternæ, quæsumus, proficiámus augméntum. Per Dóminum.

DOMINICA DECIMA QUARTA POST PENTECOSTEN

II classis

Antiphona ad Introitum

Ps. 83, 10-11

Protéctor noster, áspice, Deus, et réspice in fáciem Christi tui: quia mélior est dies una in átriis tuis super mília. **Ps. ibid., 2-3** Quam dilécta tabernácula tua, Dómine virtútum! concupíscit, et déficit ánima mea in átria Dómini. **V.** Glória Patri.

Oratio

Custódi, Dómine, quæsumus, Ecclesiám tuam propitiatióne perpétua: et quia sine te lábitur humana mortálitás, tuis semper auxiliis et abstrahátur a nóxiis, et ad salutária dirigátur. Per Dóminum.

Léctio Epístolæ beáti Pauli Apóstoli ad Gálatas.

Gal. 5, 16-24

Fratres: Spíritu ambuláte, et desidéria carnis non perficiétis. Caro enim concupíscit advérsus spíritum, spíritus autem advérsus carnem: hæc enim sibi invicem adversántur, ut non quæcúmque vultis, illa faciátis. Quod si spíritu ducímmini, non estis sub lege. Manifesta sunt autem ópera carnis, quæ sunt fornicátio, immundítia, impudicítia, luxúria, idolórum sérvitus, veneficia, inimicítia, contentiónes, æmulatiónes, iræ, rixæ, dissensiónes, sectæ, invídiæ, homicidia, ebrietates, comessatiónes, et

his simília: quæ prædico vobis, sicut prædixi: quóniam, qui tália agunt, regnum Dei non consequéntur. Fructus autem spíritus est: caritas, gáudium, pax, patiéntia, benígnitas, bónitas, longanimitas, mansuetúdo, fides, modéstia, continéntia, cástitas. Advérsus huiúsmodi non est lex. Qui autem sunt Christi, carnem suam crucifixerunt cum vítiis et concupiscéntiis.

Graduale Ps. 117, 8-9 Bonum est confidere in Dómino, quam confidere in hómine. **V.** Bonum est speráre in Dómino, quam speráre in princípibus.

Allelúia, allelúia. **V. Ps. 94, 1** Veníte, exsultémus Dómino, iubilémus Deo salutári nostro. Allelúia.

✠ Sequéntia sancti Evangélíi secúndum Matthæum.

Matth. 6, 24-33

In illo témpore: Dixit Iesus discipulis suis: Nemo potest duóbus dómínis servíre: aut enim unum ódio habébit, et álterum díliget: aut unum sustinébit, et álterum contémnet. Non potéstis Deo servíre, et mammónæ. Ideo dico vobis, ne solliciti sitis ánimæ vestræ quid manducétis, neque córpori vestro quid induámini. Nonne ánima plus est quam esca: et corpus plus quam vestiméntum? Respícite volatília cæli, quóniam non serunt, neque metunt, neque cóngregant in hórrea: et Pater vester cæléstis pascit illa. Nonne vos magis pluris estis illis? Quis autem vestrum cógitans potest adícere ad statúram suam cúbitum unum? Et de vestiménto quid solliciti estis? Consideráte lília agri, quómodo crescunt: non labórant, neque nent. Dico autem vobis, quóniam nec Sálomon in omni glória sua coopértus est sicut unum ex istis. Si autem fenum agri, quod hódie est, et cras in clíbanum míttitur, Deus sic vestit:

quanto magis vos, módicæ fidei? Nolite ergo solliciti esse, dicentes: Quid manducábimus, aut quid bibémus, aut quo operiémur? Hæc enim ómnia gentes inquirunt. Scit enim Pater vester, quia his ómnibus indigétis. Quærite ergo primum regnum Dei, et iustítiam eius: et hæc ómnia adiciéntur vobis.

Credo.

Antiphona ad Offertorium Ps. 33, 8-9 Immittet Angelus Dómini in circúitu timéntium eum, et erípiet eos: gustáte, et vidéte, quóniam suávis est Dóminus.

Secreta

Concède nobis, Dómine, quæsumus, ut hæc hóstia salutáris, et nostrórum fiat purgátio delictórum, et tuæ propitiátio potestátis. Per Dóminum.

Præfatio de Ssma Trinitate.

Antiphona ad Communionem Matth. 6, 33 Primum quærite regnum Dei, et ómnia adiciéntur vobis, dicit Dóminus.

Postcommunio

Puríficent semper et múniant tua sacraménta nos, Deus: et ad perpétuæ ducant salvatiónis efféctum. Per Dóminum.

DOMINICA DECIMA QUINTA POST PENTECOSTEN

II classis

Antiphona ad Introitum

Ps. 85, 1 et 2-3

Inclína, Dómine, aurem tuam ad me, et exáudi me: salvum fac servum tuum, Deus meus, sperántem in te: miserére mihi, Dómine, quóniam ad te clamávi tota die. **Ps. ibid., 4** Lætífica ánimam servi tui: quia ad te, Dómine, ánimam meam levávi. **℣.** Glória Patri.

Oratio

Ecclésiám tuam, Dómine, miserátio continuáta mundet et múniat: et quia sine te non potest salva consístere, tuo semper múnere gubernétur. Per Dóminum.

Léctio Epístolæ beáti Pauli Apóstoli ad Gálatas.

Gal. 5, 25-26; 6, 1-10

Fratres: Si spíritu vívimus, spíritu et ambulémus. Non efficiámur inánis glóriæ cúpidi, invicem provocántes, invicem invidéntes. Fratres, et si præoccupátus fuerit homo in áliquo delícto, vos, qui spirituáles estis, huiúsmodi instrúite in spíritu lenitátis, considérans teípsum, ne et tu tentéris. Alter altérius ónera portáte, et sic adimplébitis legem Christi. Nam si quis exístimat se áliquid esse, cum nihil sit, ipse se sedúcit. Opus autem suum probet unusquisque, et sic in semetípso tantum glóriam habébit, et non in áltero. Unusquisque enim onus suum portábit. Commúnicet autem is, qui catechizátur verbo, ei, qui se catechizat, in ómnibus bonis. Nolíte erráre: Deus non irridétur. Quæ enim semináverit homo, hæc et metet. Quóniam qui séminat in carne sua, de carne et metet corruptiόνem: qui autem séminat in spíritu, de spíritu metet vitam ætérnam. Bonum autem faciéntes, non deficiámus: témpore enim suo metémus, non deficiéntes. Ergo dum tempus habémus, operémur bonum ad omnes, máxime autem ad domésticos fidei.

Graduale Ps. 91, 2-3 Bonum est confitéri Dómino: et psállere nómini tuo, Altíssime. **℣.** Ad annuntiándum mane misericórdiam tuam, et veritátem tuam per noctem.

Allelúia, allelúia. **℣. Ps. 94, 3** Quóniam Deus magnus Dóminus,

et Rex magnus super omnem terram. Allelúia.

✠ Sequéntia sancti Evangélíi secúndum Lucam.

Luc. 7, 11-16

In illo témpore: Ibat Iesus in civitatem, quæ vocátur Naim: et ibant cum eo discipuli eius, et turba copiósa. Cum autem appropinquáret portæ civitátis, ecce, defúctus efferebátur filius únicus matris suæ: et hæc vídua erat: et turba civitátis multa cum illa. Quam cum vidisset Dóminus, misericórdia motus super eam, dixit illi: Noli flere. Et accéssit, et tétigit lóculum. (Hi autem, qui portábant, stetérunt). Et ait: Aduléscens, tibi dico, surge. Et resédit qui erat mórtuus, et cœpit loqui. Et dedit illum matri suæ. Accépit autem omnes timor: et magnificábant Deum, dicéntes: Quia prophéta magnus surréxit in nobis: et quia Deus visitávit plebem suam. Credo.

Antiphona ad Offertorium Ps. 39, 2, 3 et 4 Exspéctans exspéctávi Dóminum, et respéxit me: et exaudívit deprecatióem meam: et immisit in os meum cánticum novum, hymnum Deo nostro.

Secreta

Tua nos, Dómine, sacraménta custódiat: et contra diabólicos semper tueántur incúrsus. Per Dóminum.

Præfatio de Ssma Trinitate.

Antiphona ad Communionem Ioann. 6, 52 Panis, quem ego dédero, caro mea est pro sæculi vita.

Postcommunio

Mentes nostras, et córpora posídeat, quæsumus, Dómine, doni cæléstis operátio: ut non noster sensus in nobis, sed iúgiter eius prævéniat efféctus. Per Dóminum.

DOMINICA DECIMA SEXTA POST PENTECOSTEN

II classis

Antiphona ad Introitum

Ps. 85, 3 et 5

Miserére mihi, Dómine, quóniam ad te clamávi tota die: quia tu, Dómine, suávis ac mitis es, et copiósus in misericórdia ómnibus invocántibus te. **Ps. ibid., 1** Inclína, Dómine, aurem tuam mihi, et exáudi me: quóniam inops, et pauper sum ego. **V.** Glória Patri.

Oratio

Tua nos, quæsumus, Dómine, grátia semper et prævéniat et sequátur: ac bonis opéribus iúgiter præstet esse inténtos. Per Dóminum.

Léctio Epístolæ beáti Pauli Apóstoli ad Ephésios.

Ephes. 3, 13-21

Fratres: Obsecro vos, ne deficiátis in tribulatióibus meis provobis: quæ est glória vestra. Huius rei grátia flecto génua mea ad Patrem Dómini nostri Iesu Christi, ex quo omnis patérnitas in cælis et in terra nomináitur, ut det vobis secúndum divítias glóriæ suæ, virtúte corroborári per Spíritum eius in interiorem hóminem, Christum habitáre per fidem in córdibus vestris: in caritate radicáti, et fundáti, ut possitis comprehendere cum ómnibus sanctis, quæ sit latitúdo, et longitúdo, et sublímitas, et profúndum: scire étiam supereminéntem sciéntiæ caritátem Christi, ut impleámini in omnem plenitúdinem Dei. Ei autem, qui potens est ómnia fácere superabundánte quam pétimus, aut intellégimus secúndum virtútem, quæ operátur in nobis: ipsi glória in Ecclésia, et in Christo Iesu, in omnes generatióes sæculi sæculórum. Amen.

Graduale Ps. 101, 16-17 Timébunt gentes nomen tuum, Dómine, et omnes reges terræ glóriam tuam. **V.** Quóniam ædificávit Dóminus Sion, et vidébitur in maiestáte sua.

Allelúia, allelúia. **V. Ps. 97, 1** Cantáte Dómino cánticum novum: quia mirabília fecit Dóminus. Allelúia.

✠ Sequéntia sancti Evangélíi secúndum Lucam.

Luc. 14, 1-11

In illo témpore: Cum intráret Iesus in domum cuiúsdam princípís pharisæórum sábbato manducáre panem, et ipsi observábant eum. Et ecce, homo quidam hydrópícus erat ante illum. Et respóndens Iesus dixit ad legisperítos et pharisæos, dicens: Si licet sábbato curáre? At illi tacuérunt. Ipse vero apprehénsum sanávit eum, ac dimísit. Et respóndens ad illos, dixit: Cuius vestrum ásinus, aut bos in púteum cadet, et non contínuo éxtrahet illum die sábbati? Et non póterant ad hæc respondére illi. Dicébat autem et ad invitátos parábolam, inténdens quómodo primos accúbítus elígerent, dicens ad illos: Cum invitátus fúeris ad núptias, non discúm-bas in primo loco, ne forte honorátior te sit invitátus ab illo, et véniens is, qui te, et illum vocávit, dicat tibi: Da huic locum: et tunc incípias cum rubóre novíssimum locum tenére. Sed cum vocátus fúeris, vade, recúmbe in novíssimo loco: ut, cum vénerit qui te invitávit, dicat tibi: Amíce, ascénde supérius. Tunc erit tibi glória coram simul discumbéntibus: quia omnis, qui se exáltat, humiliábitur: et qui se humiliat, exaltábitur.

Credo.

Antiphona ad Offertorium Ps. 39, 14 et 15 Dómine, in auxiliú meum réspice: confundántur et reve-reántur, qui quærunt ánimam meam,

ut áuferant eam: Dómine, in auxiliú meum réspice.

Secreta

Munda nos, quásumus, Dómine, sacrificií præsentis efféctu: et pérfice miserátus in nobis; ut eius mereámur esse partícipes. Per Dóminum.

Præfatio de Ssma Trinitate.

Antiphona ad Communionem Ps. 70, 16-17 et 18 Dómine, memorábor iustítiæ tuæ solíus: Deus, docuísti me a iuventúte mea: et usque in senéctam et sénium, Deus, ne derelínquas me.

Postcommunio

Purífica, quásumus, Dómine, mentes nostras benígnus, et rénova cæléstibus sacraméntis: ut consequénter et córporum præsens páriter, et futúrum capiámus auxiliú. Per Dóminum.

DOMINICA DECIMA SEPTIMA POST PENTECOSTEN

II classis

Antiphona ad Introitum

Ps. 118, 137 et 124

Iustus es, Dómine, et rectum iudícium tuum: fac cum servo tuo secúndum misericórdiam tuam. **Ps. ibid., 1** Beáti immaculáti in via: qui ámbulant in lege Dómini. **V.** Glória Patri.

Oratio

Da, quásumus, Dómine, pópulo tuo diabólica vitáre contágia: et te solum Deum pura mente sec-tári. Per Dóminum.

Léctio Epístolæ beáti Pauli Apóstoli ad Ephésios.

Ephes. 4, 1-6

Fratres: Obsecro vos ego vinctus in Dómino, ut digne ambulétis vocatióne, qua vocáti estis, cum omni humilitáte, et mansuetúdine,

cum paciéntia, supportántes ínvi-
cem in caritaté, solliciti serváre
unitátem spíritus in vínculo pacis.
Unum corpus, et unus spíritus, sicut
vocáti estis in una spe vocatiónis
vestræ. Unus Dóminus, una fides,
unum baptísma. Unus Deus, et
Pater ómnium, qui est super omnes,
et per ómnia, et in ómnibus nobis.
Qui est benedictus in sæcula sæcu-
lórum. Amen.

Graduale Ps. 32, 12 et 6 Beáta
gens, cuius est Dóminus Deus
eórum: pópulus, quem elégit Dó-
minus in hereditátem sibi. **V.** Verbo
Dómini cæli firmáti sunt: et spíritu
oris eius omnis virtus eórum.

Allelúia, allelúia. **V.** Ps. 101, 2
Dómine, exáudi oratióem meam,
et clamor meus ad te pervéniat.
Allelúia.

✠ Sequéntia sancti Evangélíi se-
cúndum Matthæum.

Matth. 22, 34-46

In illo témpore: Accessérunt ad
Iesum pharisæi: et interrogávit
eum unus ex eis legis doctor, ten-
tans eum: Magíster, quod est man-
dátum magnum in lege? Ait illi
Iesus: Díliges Dóminum Deum
tuum ex toto corde tuo, et in tota
ánima tua, et in tota mente tua.
Hoc est máximum et primum man-
dátum. Secúndum autem símile est
huic: Díliges próximum tuum, sicut
teípsum. In his duóbus mandátis
unívérſa lex pendet, et prophætæ.
Congregátis autem pharisæis, in-
terrogávit eos Iesus, dicens: Quid
vobis vidétur de Christo? cuius fi-
lius est? Dicunt ei: David. Ait illis:
Quómodo ergo David in spíritu
vocat eum Dóminum, dicens: Dixit
Dóminus Dómino meo, sede a dex-
tris meis, donec ponam inimícos
tuos scabéllum pedum tuórum? Si
ergo David vocat eum Dóminum,
quómodo filius eius est? Et nemo
póterat ei respondére verbum: ne-

que ausus fuit quisquam ex illa die
eum ámplius interrogáre.

Credo.

Antiphona ad Offertorium Dan. 9, 17, 18 et 19 Orávi Deum meum
ego Dániel, dicens: Exáudi, Dómi-
ne, preces servi tui: illúmina fáciem
tuam super sanctuárium tuum: et
propítius inténde pópulum istum,
super quem invocátum est nomen
tuum, Deus.

Secreta

Maiestátem tuam, Dómine, sup-
plíciter deprecámur: ut hæc
sancta, quæ gérimus, et a præteritis
nos delictis éxuant, et futúris. Per
Dóminum.

Præfatio de Ssma Trinitate.

Antiphona ad Communionem
Ps. 75, 12-13 Vovéte, et réddite Dó-
mino Deo vestro, omnes, qui in
circúitu eius affértis múnera: ter-
rúbili, et ei qui aufert spíritum prin-
cipum: terrúbili apud omnes reges
terræ.

Postcommunio

Sanctificatióibus tuis, omnípo-
tens Deus, et vítia nostra curén-
tur, et remédia nobis æténa pro-
véniant. Per Dóminum.

FERIA QUARTA QUATUOR TEMPORUM SEPTEMBRIS

II classis

Statio ad S. Mariam maiorem

Antiphona ad Introitum

Ps. 80, 2, 3, 4 et 5

Exsultáte Deo adiutóri nostro:
Iubiláte Deo Iacob: súmíte
psalmum iucúndum cum
cithara: cánite in inítio mensis tuba,
quia præcéptum in Israël est, et
iudícium Deo Iacob. **Ps. ibid., 6**
Testimónium in Ioseph pósuit illud,
cum exíret de terra Ægýpti: lin-
guam, quam non nóverat, audívit.
V. Glória Patri.

Post Kýrie, eléison, **dicitur:** Orémus. Flectámus génuā.

Leváte.

Oratio

Misericórdiæ tuæ remédiis, quæsumus, Dómine, fragilitas nostra subsístat: ut, quæ sua conditione attéritur, tua cleméntia reparétur. Per Dóminum.

Præcedens oratio sine Flectámus génuā **sumitur ad commemorandam feriam IV Quatuor Temporum.**

Léctio Amos Prophétæ.

Amos 9, 13-15

Hæc dicit Dóminus Deus: Ecce, dies véniunt: et comprehendet arátor messórem, et calcátor uvæ mitténtem semen: et stillábunt montes dulcédinem, et omnes colles culti erunt. Et convértam captivitátem pópuli mei Israël: et ædificábunt civitátes desértas, et inhabitábunt: et plantábunt véneas, et bibent vinum eárum: et fácient hortos, et cómedent fructus eórum. Et plantábo eos super humum suam: et non evéllam eos ultra de terra sua, quam dedi eis: dicit Dóminus Deus tuus.

Graduale Ps. 112, 5-7 Quis sicut Dóminus Deus noster, qui in altis hábitat, et humília réspicit in cælo, et in terra? **℣.** Súscitans a terra ínopem, et de stércore érigens páuperem.

Hic dicitur: **℣.** Dóminus vobiscum, **sine** Flectámus génuā.

Orémus.

Oratio

Præsta, quæsumus, Dómine, famíliæ tuæ supplicánti: ut, dum a cibis corporálibus se ábstinet, a vítiis quoque mente ieiúnet. Per Dóminum.

Et dicuntur aliæ orationes forte occurrentes.

Léctio libri Esdræ.

Neh. vel 2 Esdr. 8, 1-10

In diébus illis: Congregátus est omnis pópulus quasi vir unus

ad platéam, quæ est ante portam aquárum: et dixerunt Esdræ scribæ, ut afférret librum legis Móysi, quam præcéperat Dóminus Israël. Attulit ergo Esdras sacérdos legem coram multitúdine virórum et mulierum, cunctisque qui póterant intellégere, in die prima mensis séptimi. Et legit in eo apérte in platéa, quæ erat ante portam aquárum, de mane usque ad médiā diem, in conspéctu virórum, et mulierum, et sapiéntium: et aures omnis pópuli erant eréctæ ad librum. Stetit autem Esdras scriba super gradum ligneum, quem fécerat ad loquéndum. Et apérui librum coram omni pópulo: super univérsum quippe pópulum eminébat: et cum aperuísset eum, stetit omnis pópulus. Et benedíxit Esdras Dómino Deo magno: et respóndit omnis pópulus: Amen, Amen: elevans manus suas: et incurváti sunt, et adoravérunt Deum proni in terram. Porro levítæ siléntium faciébant in pópulo ad audiéndam legem: pópulus autem stabat in gradu suo. Et legérunt in libro legis Dei distíncte, et apérte ad intellegéndum: et intellexérunt cum legerétur. Dixit autem Nehemías, et Esdras sacérdos et scriba, et levítæ interpretántes univérso pópulo: Dies sanctificátus est Dómino Deo nostro, nolíte lugére, et nolíte flere. Et dixit eis: Íte, comédite pínguia, et bíbite mulsum, et mítite partes his, qui non præparavérunt sibi: quia sanctus dies Dómini est, et nolíte contristári: gáudium étenim Dómini est fortitúdo nostra.

Graduale Ps. 32, 12 et 6 Beáta gens, cuius est Dóminus Deus eórum: pópulus, quem elégit Dóminus in hereditátem sibi. **℣.** Verbo Dómini cæli firmáti sunt: et spíritu oris eius omnis virtus eórum.

✠ Sequéntia sancti Evangélíi secúndum Marcum.

Marc. 9, 16-28

In illo témpore: Respóndens unus de turba, dixit ad Iesum: Magíster, áttuli filium meum ad te, habéntem spíritum mutum: qui ubicúmque eum apprehénderit, alídit illum, et spumat, et stridet déntibus, et aréscit: et dixi discí-pulis tuis, ut eícerent illum, et non potuérunt. Qui respóndens eis, dixit: O generátio incrédula, quámdiu apud vos ero? quámdiu vos pátiar? Afférte illum ad me. Et attulérunt eum. Et cum vidísset eum, statim spíritus conturbávit illum: et elísus in terram, volutabátur spumans. Et interrogávit patrem eius: Quantum témporis est, ex quo ei hoc áccidit? At ille ait: Ab infántia: et fréquénter eum in ignem, et in aquas misit, ut eum pérderet. Sed si quid potes, ádiuva nos, misértus nostri. Iesus autem ait illi: Si potes crédere, ómnia possibília sunt credénti. Et contínuo exclámans pater púeri, cum lácrimis aíebat: Credo, Dómine: ádiuva incredulitátem meam. Et cum vidéret Iesus concurréntem turbam, comminátus est spíritui immúndo, dicens illi: Surde et mute spíritus, ego præcípio tibi, exi ab eo: et ámplius ne intróeas in eum. Et exclámans, et multum discérpens eum, éxiit ab eo, et factus est sicut mórtuus, ita ut multi dicerent: Quia mórtuus est. Iesus autem tenens manum eius, elevávit eum, et surréxit. Et cum introísset in domum, discí-puli eius secréto interrogábant eum: Quare nos non potúimus eícere eum? Et dixit illis: Hoc genus in nullo potest exíre, nisi in oratióne et ieiúnio.

Antiphona ad Offertorium Ps. 118, 47 et 48 Meditábor in mandátis tuis, quæ diléxi valde: et levábo manus meas ad mandáta tua, quæ diléxi.

Secreta

Hæc hóstia, Dómine, quæsumus, emúndet nostra delícta: et ad sacrificium celebrándum, subditórum tibi córpora, mentésque sanctíficet. Per Dóminum.

Antiphona ad Communionem 2 Esdr. 8, 10 Comédite pínguia, et bíbite mulsum, et míttite partes his, qui non præparavérunt sibi: sanctus enim dies Dómini est, nolíte contristári: gáudium étenim Dómini est fortitúdo nostra.

Postcommunio

Suméntes, Dómine, dona cæléstia, suppliciter deprecámur: ut, quæ sédula servitúte donánte te gérimus, dignis sénsibus tuo múnere capiámus. Per Dóminum.

FERIA SEXTA QUATUOR TEMPORUM SEPTEMBRIS

II classis

Statio ad Ss. duodecim Apostolos

Antiphona ad Introitum

Ps. 104, 3-4

Lætétur cor quæréntium Dóminum: quærite Dóminum, et confirmámini: quærite faciém eius semper. **Ps. ibid., 1** Confitémini Dómino, et invocáte nomen eius: annuntiáte inter gentes ópera eius. **V.** Glória Patri.

Oratio

Præsta, quæsumus, omnípotens Deus: ut observatiónes sacras ánnua devotióne recoléntes, et cór-pore tibi placeámus, et mente. Per Dóminum.

Léctio Osée Prophétæ.

Osee 14, 2-10

Hæc dicit Dóminus Deus: convertere, Israë! ad Dóminum Deum tuum: quóniam corruísti in iniquitáte tua. Tóllite vobíscum verba, et convertímini ad Dómi-

num et dícite ei: Omnem aufer iniquitátem, áccipe bonum: et redémus vítulos labiórurn nostrórum. Assur non salvábit nos, super equum non ascendémus, nec dicémus ultra: Dii nostri ópera mánuum nostrárum: quia eius, qui in te est, miseréberis pupilli. Sanábo contritiónes eórum, díligam eos spontáneae: quia avérsus est furor meus ab eis. Ero quasi ros, Israél germinábit sicut lílium, et erúmpet radix eius ut Líbani. Ibunt rami eius, et erit quasi olíva glória eius: et odor eius ut Líbani. Converténtur sedéntes in umbra eius: vivent trítico, et germinábunt quasi vínea: memoriále eius sicut vinum Líbani. Ephraím quid mihi ultra idóla? ego exáudiam, et dírigam eum ego ut abíetem viréntem: ex me fructus tuus invéntus est. Quis sápiens, et intélleget ista? intéllegens, et sciet hæc? Quia rectæ viæ Dómini, et iusti ambulábunt in eis: prævaricatóres vero córruent in eis.

Graduale Ps. 89, 13 et 1 Convértere, Dómine, aliquántulum, et deprecáre super servos tuos. **V.** Dómine, refúgium factus es nobis, a generatióne et progénie.

✠ **Sequéntia sancti Evangélíi secúndum Lucam.**

Luc. 7, 36-50

In illo témpore: Rogábat Iesum quidam de pharisæis, ut manducáret cum illo. Et ingressus domum pharisæi, discúbuit. Et ecce, múlíer, quæ erat in civitáte peccátrix, ut cognóvit, quod accubúisset in domo pharisæi, áttulit alabástrum unguénti: et stans retro secus pedes eius, lácrimis cœpit rigáre pedes eius, et capíllis cápítis sui tergébat, et osculabátur pedes eius, et unguénto ungébat. Videns autem pharisæus, qui vocáverat eum, ait intra se, dicens: Hic si esset prophéta, sciret útique, quæ

et qualis est múlíer, quæ tangit eum: quia peccátrix est. Et respóndens Iesus, dixit ad illum: Simon, hábeo tibi áliquíd dícere. At ille ait: Magíster, dic. Duo debítóres erant cuídám feneratóri: unus debébat denários quingéntos, et álius quinquagínta. Non habéntibus illis unde rédderent, donávit utrísque. Quis ergo eum plus díligit? Respóndens Simon, dixit: Æstimo quia is, cui plus donávit. At ille dixit ei: Recte iudicásti. Et convérsus ad mulíerem, dixit Simóni: Vides hanc mulíerem? Intrávi in domum tuam, aquam pédibus meis non dedísti: hæc autem lácrimis rigávit pedes meos, et capíllis suis tersit. Ósculum mihi non dedísti: hæc autem, ex quo intrávit, non cessávit osculári pedes meos. Oleo caput meum non unxísti: hæc autem unguénto unxit pedes meos. Propter quod dico tibi: Remittúntur ei peccáta multa, quóniam diléxit multum. Cui autem minus dimíttitur, minus díligit. Dixit autem ad illam: Remittúntur tibi peccáta. Et cœpérunt, qui simul accumbébant, dícere intra se: Quis est hic, qui étiam peccáta dimíttit? Dixit autem ad mulíerem: Fides tua te salvam fecit: vade in pace.

Antiphona ad Offertorium Ps. 102, 2 et 5 Bénedic, ánima mea, Dómino, et noli oblivísci omnes retributiónes eius: et renovábitur sicut áquilæ iuvéntus tua.

Secreta

Accépta tibi sint, Dómine, quæsumus, nostri dona ieiúnii: quæ et expiándo nos tua grátia dignos effícient, et ad sempitérna promíssa perdúcant. Per Dóminum.

Antiphona ad Communionem Ps. 118, 22 et 24 Aufer a me opprobrium et contéptum, quia mandáta tua exquisívi, Dómine: nam et testimónia tua meditátió mea est.

Postcommunio

Quæsumus, omnipotens Deus: ut de percéptis munéribus grátias exhibéntes, beneficia potióra sumámus. Per Dóminum,

SABBATO
QUATUOR TEMPORUM
SEPTEMBRIS

II classis

Statio ad S. Petrum

Forma Missæ longior

Hæc forma adhibenda est in Missis conventualibus et in Missa, in qua Ordines conferuntur; in ceteris Missis adhiberi potest forma brevior, ut infra 381.

In sabbato Quatuor Temporum Missa in qua Ordines conferuntur dicenda est de sabbato, etiam festo I vel II classis occurrente, et in ea additur oratio ritualis «In collatione Ordinum» (63), sub unica conclusione cum oratione quæ sequitur Dóminus vobíscum, et omittuntur omnes commemorationes, nisi sint privilegiatæ.

Antiphona ad Introitum

Ps. 94, 6-7

Veníte, adorémus Deum, et procidámus ante Dóminum, plorémus ante eum qui fecit nos: quia ipse est Dóminus Deus noster. **Ps. ibid., 1** Veníte, exsultémus Dómino: iubilémus Deo salutári nostro. **V.** Glória Patri.

Post Kýrie, eléison, **dicitur**: Orémus. Flectámus génua. Leváte.

Oratio

Omnipotens sempitérne Deus, qui per continéntiam salutárem corpóribus medéris et méntibus: maiestátem tuam súplices exorámus; ut pia ieiunántium deprecatione placátus, et præsentia nobis subsidia tríbuas, et futúra. Per Dóminum.

Præcedens oratio sine Flectámus

génua, sumitur ad commemorandum sabbatum Quatuor Temporum.

Léctio libri Levítici.

Levit. 23, 26-32

In diébus illis: Locútus est Dóminus ad Móysen, dicens: Décimo die mensis huius séptimi, dies expiatiónum erit celebrérrimus, et vocábitur sanctus, affligetisque ánimas vestras in eo, et offerétis holocáustum Dómino. Omne opus servíle non faciétis in témpore diéi huius: quia dies propitiatiónis est, ut propitiétur vobis Dóminus Deus vester. Omnis ánima, quæ afflicta non fúerit die hac, períbit de pópulis suis: et quæ óperis quídpian fécit, delébo eam de pópulo suo. Nihil ergo óperis faciétis in eo: legítimum sempitérnum erit vobis in cunctis generatióibus, et habitatióibus vestris. Sábbatum requietiónis est, et affligétis ánimas vestras die nono mensis: a véspera usque ad vésperam celebrábitis sábbata vestra: dicit Dóminus omnipotens.

Graduale Ps. 78, 9 et 10 Propítius esto, Dómine, peccátis nostris: ne quando dicant gentes: Ubi est Deus eórum? **V.** Adiuva nos, Deus salutáris noster: et propter honórem nóminis tui, Dómine, libera nos.

Orémus. Flectámus génua.

Leváte.

Oratio

Da nobis, quæsumus, omnipotens Deus: ut ieiunádo, tua grátia satiémur; et abstinédo, cunctis efficiámur hóstibus fortióres. Per Dóminum.

Léctio libri Levítici.

Levit. 23, 39-43

In diébus illis: Locútus est Dóminus ad Móysen, dicens: A quintodécimo die mensis séptimi, quando congregavéritis omnes fruc-

tus terræ vestræ, celebrábitis férias Dómini septem diébus: die primo et die octávo erit sábbatum, id est réquies. Sumetisque vobis die primo fructus árboris pulchérissimæ, spatuláque palmárum, et ramos ligni densárum fróndium, et sálices de torrén-te, et lætabímini coram Dómino Deo vestro. Celebrabitisque solemnitátem eius septem diébus per annum: legítimum sempitérnum erit in generatióibus vestris. Mense séptimo festa celebrábitis, et habitábitis in umbráculis septem diébus. Omnis, qui de gènere est Israël, manébit in tabernáculis: ut discant pósteri vestri, quod in tabernáculis habitáre fécerim filios Israël, cum edúcerem eos de terra Ægýpti. Ego Dóminus Deus vester.

Graduale Ps. 83, 10 et 9 Protéctor noster, aspice, Deus: et respice super servos tuos. **¶** Dómine Deus virtútum, exáudi preces servórum tuórum.

Orémus. Flectámus génua.

Leváte.

Oratio

Tuere, quæsumus, Dómine, familiam tuam: ut salutis æternæ remédia, quæ te inspiránte requírimus, te largién-te consequá-mur. Per Dóminum.

Léctio Michææ Prophétæ.

Mich. 7, 14, 16 et 18-20

Dómine Deus noster, pasce populum tuum in virga tua, gregem hereditátis tuæ, habitántes solos in saltu, iuxta dies antiquos. Vidébunt gentes, et confundéntur super omni fortitúdine sua. Quis Deus símilis tui, qui aufers iniquitátem, et transis peccátum reliquiárum hereditátis tuæ? Non imíttet ultra furórem suum, quóniam volens misericórdiam est. Revertétur, et miserébitur nostri:

depónet iniquitátes nostras, et proíciat in profúndum maris ómnia peccáta nostra. Dabis veritátem Iacob, misericórdiam Abraham: quæ iurásti pátribus nostris a diébus antíquis: Dómine Deus noster.

Graduale Ps. 89, 13 et 1 Convértere, Dómine, aliquántulum, et deprecáre super servos tuos. **¶** Dómine, refúgium factus es nobis, a generatióne et progénie.

Orémus. Flectámus génua.

Leváte.

Oratio

Præsta, quæsumus, Dómine, sic nos ab épulis abstinére carnálibus: ut a vítiis irruéntibus páriter ieiunémus. Per Dóminum.

Léctio Zachariæ Prophétæ.

Zach. 8, 14-19

In diébus illis: Factum est verbum Dómini ad me, dicens: Hæc dicit Dóminus exercítuum: Sicut cogitávi, ut afflígerem vos, cum ad iracúndiam provocássent patres vestri me, dicit Dóminus, et non sum misértus: sic convérsus cogitávi in diébus istis, ut benefáciam dómui Iuda et Ierúsalem: nolíte timére. Hæc sunt ergo verba, quæ faciétis: Loquimini veritátem, unusquisque cum próximo suo: veritátem, et iudícium pacis iudicáte in portis vestris. Et unusquisque malum contra amicum suum ne cogitétis in córdibus vestris: et iuraméntum mendax ne diligátis: ómnia enim hæc sunt, quæ odi, dicit Dóminus. Et factum est verbum Dómini exercítuum ad me, dicens: Hæc dicit Dóminus exercítuum: Ieiúnium quarti, et ieiúnium quinti, et ieiúnium séptimi, et ieiúnium décimi erit dómui Iuda in gáudium, et lætítiam, et in solemnitátes præcláras: veritátem tantum, et pacem diligite: dicit Dóminus exercítuum.

Graduale Ps. 140, 2 Dirigátur orátio mea sicut incénsus in con-

spéctu tuo, Dómine. **℣.** Elevátio mánuum meárum sacrificium vespertinum.

Orémus. Flectámus génua.
Leváte.

Oratio

Ut nobis, Dómine, tríbuis sólémne tibi deférre ieiúnium: sic nobis, quásumus, indulgéntiæ præsta subsidium. Per Dóminum.

Léctio Daniélis Prophétæ.

Dan. 3, 47-51

In diébus illis: Angelus Dómini descendit cum Azaría, et sóciis eius in fornácem: et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadraginta novem: et erúpit, et incéndit quos réperit iuxta fornácem de Chaldæis ministros regis, qui eam incendebant. Et non tétigit eos omníno ignis, neque contristávit, nec quidquam moléstiae íntulit. Tunc hi tres quasi ex uno ore laudábant, et glorificábant, et benedicébant Deum in fornáce, dicéntes:

Hic non respondetur Deo grátias.

Hymnus

Dan. ibid., 52-56

Benedíctus es, Dómine Deus patrum nostrórum. Et laudábilis, et gloriósus in sácula.

Et benedíctum nomen glóriæ tuæ, quod est sanctum. Et laudábile, et gloriósum in sácula.

Benedíctus es in templo sancto glóriæ tuæ. Et laudábilis, et gloriósus in sácula.

Benedíctus es super thronum sanctum regni tui. Et laudábilis, et gloriósus in sácula.

Benedíctus es super sceptrum divinitátis tuæ. Et laudábilis, et gloriósus in sácula.

Benedíctus es qui sedes super Chérubim, íntuens abyssos. Et laudábilis, et gloriósus in sácula.

Benedíctus es qui ámbulas super pennas ventórum, et super undas maris. Et laudábilis, et gloriósus in sácula.

Benedícant te omnes Angeli, et Sancti tui. Et laudent te, et gloríficent in sácula.

Benedícant te cæli, terra, mare, et ómnia quæ in eis sunt. Et laudent te, et gloríficent in sácula.

Glória Patri, et Fílio, et Spirítui Sancto. Et laudábili, et glorióso in sácula.

Sicut erat in princípio, et nunc, et semper: et in sácula sæculórum. Amen. Et laudábili, et glorióso in sácula.

Benedíctus es, Dómine Deus patrum nostrórum. Et laudábilis, et gloriósus in sácula.

Hic dicitur ℣. Dóminus vobíscum, **sine** Flectámus génua.

Orémus.

Oratio

Deus, qui tribus púeris mitigásti flammam ignium: concéde propítius; ut nos fámulos tuos non exúrat flamma vitiórum. Per Dóminum.

Et dicuntur aliæ orationes forte occurrentes.

Léctio Epístolæ beáti Pauli Apóstoli ad Hebræos.

Hebr. 9, 2-12

Fratres: Tabernáculum factum est primum, in quo erant candelábra, et mensa, et propositio panum, quæ dicitur Sancta. Post velaméntum autem secúndum, tabernáculum, quod dicitur Sancta sanctorum: áureum habens thuríbulum, et arcam testaménti circumtétam ex omni parte auro, in qua urna áurea habens manna, et virga Aaron, quæ frondúerat, et tábulae testaménti, superque eam erant Chérubim glóriæ obumbrántia propitiatórium: de quibus non est modo dicéndum per síngula. His vero ita compósitis; in prióri

quidem tabernáculo semper introibant sacerdotes, sacrificiorum officia consummantes: in secundo autem semel in anno solus pontifex, non sine sanguine, quem offert pro sua et populi ignorantia: hoc significante Spiritu Sancto, nondum propalatum esse sanctorum viam, adhuc priore tabernáculo habente statum. Quæ parabola est temporis instantis: iuxta quam munera, et hostiæ offeruntur, quæ non possunt iuxta conscientiam perfectum facere serviентem, solummodo in cibis, et in potibus, et variis baptismatibus, et iustitiis carnis usque ad tempus correctionis impositis. Christus autem assistens pontifex futurorum bonorum, per amplius et perfectius tabernaculum non manufactum, id est, non huius creationis; neque per sanguinem hircorum aut vitulorum, sed per proprium Sanguinem introivit semel in Sancta æterna redemptione inventa.

Tractus Ps. 116, 1-2 Laudate Dominum, omnes gentes: et collaudate eum, omnes populi. **V.** Quoniam confirmata est super nos misericordia eius: et veritas Domini manet in æternum.

✠ **Sequētia sancti Evangelii secundum Lucam.**

Luc. 13, 6-17

In illo tempore: Dicebat Iesus turbis hanc similitudinem: Arbo-rem fici habebat quidam plantatam in vinea sua, et venit quærens fructum in illa, et non invenit. Dixit autem ad cultorem vineæ: Ecce, anni tres sunt ex quo venio quærens fructum in ficulnea hac, et non invenio: succide ergo illam: ut quid etiam terram occupat? At ille respondens, dicit illi: Domine, dimitte illam et hoc anno, usque dum fodiam circa illam, et mittam

stercora: et si quidem fecerit fructum: sin autem, in futurum succides eam. Erat autem docens in synagoga eorum sabbatis. Et ecce, mulier, quæ habebat spiritum infirmitatis annis decem et octo: et erat inclinata, nec omnino poterat sursum respicere. Quam cum videret Iesus, vocavit eam ad se, et ait illi: Mulier, dimissa es ab infirmitate tua. Et imposuit illi manus, et confestim erecta est, et glorificabat Deum. Respondens autem archisynagogus, indignans quia sabbato curasset Iesus, dicebat turbæ: Sex dies sunt, in quibus oportet operari: in his ergo venite, et curamini, et non in die sabbati. Respondens autem ad illum Dominus, dixit: Hypocritæ, unusquisque vestrum sabbato non solvit bovem suum, aut asinum a præsepio, et ducit adaquare? Hanc autem filiam Abraham, quam alligavit satanas, ecce decem et octo annis, non oportuit solvi a vinculo isto die sabbati? Et cum hæc diceret, erubescabant omnes adversarii eius: et omnis populus gaudibat in universis, quæ gloriose fiebant ab eo.

Antiphona ad Offertorium Ps. 87, 2-3 Domine Deus salutis meæ, in die clamavi, et nocte coram te: intret oratio mea in conspectu tuo, Domine.

Secreta

Concede, quæsumus, omnipotens Deus: ut oculis tuæ maiestatis munus oblatum, et gratiam nobis devotionis obtineat, et effectum beatæ perennitatis acquirat. Per Dominum.

Antiphona ad Communionem Levit. 23, 41 et 43 Mense septimo festa celebrabitis, cum in tabernaculis habitare fecerim filios Israël, cum educerem eos de terra Ægypti, ego Dominus Deus vester.

Postcommunio

Perficiant in nobis, Dómine, quæsumus, tua sacraménta quod cónitent: ut, quæ nunc spécie gérimus, rerum veritate capiámus. Per Dóminum.

Forma Missæ brevior

Hæc forma adhiberi potest extra Missam conventualem et Missam in qua Ordines conferuntur.

Antiphona ad Introitum

Ps. 94, 6-7

Veníte, adorémus Deum, et procidámus ante Dóminum, plorémus ante eum qui fecit nos: quia ipse est Dóminus Deus noster. **Ps. ibid., 1** Veníte, exsultémus Dómino: iubilémus Deo salutári nostro. **¶** Glória Patri.

Post Kýrie, eléison, dicitur: Orémus. Flectámus génua.

Leváte.

Oratio

Omnípotens sempitérne Deus, qui per continéntiam salutárem corpóribus medéris et méntibus: maiestátem tuam súpplīces exorámus; ut pia ieiunántium deprecaciónē placátus, et præséntia nobis subsidia tríbuas, et futúra. Per Dóminum.

Præcedens oratio sine Flectámus génua **sumitur ad commemorandum sabbatum Quatuor Temporum.**

Léctio libri Levítici.

Levit. 23, 26-32

In diébus illis: Locútus est Dóminus ad Móysen, dicens: Décimo die mensis huius séptimi, dies expiatiónum erit celebrérrimus, et vocábitur sanctus, affligetisque ánimas vestras in eo, et offerétis holocáustum Dómino. Omne opus ser-

vile non faciétis in témpore diéi huius: quia dies propitiatiónis est, ut propitiétur vobis Dóminus Deus vester. Omnis ánima, quæ afflícta non fúerit die hac, períbit de pópulis suis: et quæ óperis quídpīam fécerit, delébo eam de pópulo suo. Nihil ergo óperis faciétis in eo: legítimum sempitérnum erit vobis in cunctis generatióibus, et habitatióibus vestris. Sábbatum requiatiónis est, et affligétis ánimas vestras die nono mensis: a véspera usque ad vésperam celebrábitis sábbata vestra: dicit Dóminus omnípotens.

Graduale Ps. 78, 9 et 10 Propítius esto, Dómine, peccátis nostris: ne quando dicant gentes: Ubi est Deus eórum? **¶** Aduva nos, Deus salutáris noster: et propter honórem nóminis tui, Dómine, libera nos.

Hic dicitur Dóminus vobíscum, **sine** Flectámus génua.

Oratio

Da nobis, quæsumus, omnípotens Deus: ut ieiunádo, tua grátia satiémur; et abstinédo, cunctis efficiámur hóstibus fortióres. Per Dóminum.

Et dicuntur aliæ orationes forte occurrentes.

Léctio Epístolæ beáti Pauli Apóstoli ad Hebræos.

Hebr. 9, 2-12

Fratres: Tabernáculum factum est primum, in quo erant candelábra, et mensa, et propositio panum, quæ dicitur Sancta. Post velaméntum autem secúndum, tabernáculum, quod dicitur Sancta sanctórum: áureum habens thuríbulum, et arcam testaménti circumtéctam ex omni parte auro, in qua urna áurea habens manna, et virga Aaron, quæ frondúerat, et tábulæ testaménti, supérque eam erant Chérubim glóriæ obumbrán-

tia propitiatorium: de quibus non est modo dicendum per singula. His vero ita compositis; in priori quidem tabernaculo semper introibant sacerdotes, sacrificiorum officia consummantes: in secundo autem semel in anno solus pontifex, non sine sanguine, quem offert pro sua et populi ignorantia: hoc significante Spiritu Sancto, nondum propalatum esse sanctorum viam, adhuc priore tabernaculo habente statum. Quæ parabola est temporis instantis: iuxta quam munera, et hostiæ offeruntur, quæ non possunt iuxta conscientiam perfectum facere servientem, solummodo in cibis, et in potibus, et variis baptismatibus, et iustitiis carnis usque ad tempus correctionis impositis. Christus autem assistens pontifex futurorum bonorum, per amplius et perfectius tabernaculum non manufactum, id est, non huius creationis; neque per sanguinem hircorum aut vitulorum, sed per proprium Sanguinem introivit semel in Sancta, æterna redemptione inventa.

Tractus Ps. 116, 1-2 Laudate Dominum, omnes gentes: et collaudate eum, omnes populi. **V.** Quoniam confirmata est super nos misericordia eius: et veritas Domini manet in æternum.

✠ Sequentia sancti Evangelii secundum Lucam.

Luc. 13, 6-17

In illo tempore: Dicebat Iesus turbis hanc similitudinem: Arbo-rem fici habebat quidam plantatam in vinea sua, et venit quærens fructum in illa, et non invenit. Dixit autem ad cultorem vineæ: Ecce, anni tres sunt ex quo venio quærens fructum in ficulnea hac, et non invenio: succide ergo illam: ut quid etiam terram occupat? At ille respondens, dicit illi: Domine, di-

mitte illam et hoc anno, usque dum fodiam circa illam, et mittam stercora: et si quidem fecerit fructum: sin autem, in futurum succides eam. Erat autem docens in synagoga eorum sabbatis. Et ecce, mulier, quæ habebat spiritum infirmitatis annis decem et octo: et erat inclinata, nec omnino poterat sursum respicere. Quam cum videt Iesus, vocavit eam ad se, et ait illi: Mulier, dimissa es ab infirmitate tua. Et imposuit illi manus, et confestim erecta est, et glorificabat Deum. Respondens autem archisynagogus, indignans quia sabbato curasset Iesus, dicebat turbæ: Sex dies sunt, in quibus oportet operari: in his ergo venite, et curamini, et non in die sabbati. Respondens autem ad illum Dominus dixit: Hypocritæ, unusquisque vestrum sabbato non solvit bovem suum, aut asinum a præsepio, et ducit adequare? Hanc autem filiam Abraham, quam alligavit satanas, ecce decem et octo annis, non oportuit solvi a vinculo isto die sabbati? Et cum hæc diceret, erubescabant omnes adversarii eius: et omnis populus gaudibat in universis, quæ gloriose fiebant ab eo.

Antiphona ad Offertorium Ps. 87, 2-3 Domine Deus salutis meæ, in die clamavi, et nocte coram te: intret oratio mea in conspectu tuo, Domine.

Secreta

Concede, quæsumus, omnipotens Deus: ut oculis tuæ maiestatis munus oblatum, et gratiam nobis devotionis obtineat, et effectum beatæ perennitatis acquirat. Per Dominum.

Antiphona ad Communionem Levit. 23, 41 et 43 Mense septimo festa celebrabitis, cum in tabernaculis habitare fecerim filios Israël,

cum edúcerem eos de terra Ægýpti, ego Dóminus Deus vester.

Postcommunio

Perficiant in nobis, Dómine, quæsumus, tua sacraménta quod cónitent: ut, quæ nunc spécie géri-mus, rerum veritáte capiámus. Per Dóminum.

DOMINICA DECIMA OCTAVA POST PENTECOSTEN

II classis

Antiphona ad Introitum

Eccli 36, 18

Da pacem, Dómine, sustinén-tibus te, ut prophétæ tui fidéles inveniántur: exáudi preces servi tui, et plebis tuæ Israëli. **Ps. 121, 1** Lætátus sum in his, quæ dicta sunt mihi: in domum Dómini íbimus. **V.** Glória Patri.

Oratio

Dírigat corda nostra, quæsumus, Dómine, tuæ miseratiónis operátio: quia tibi sine te placére non póssumus. Per Dóminum.

Lectio Epístolæ beáti Pauli Apóstoli ad Corínthios.

1 Cor. 1, 4-8

Fratres: Grátias ago Deo meo semper pro vobis in grátia Dei, quæ data est vobis in Christo Iesu: quod in ómnibus dívites facti estis in illo, in omni verbo, et in omni sciéntia: sicut testimónium Christi confirmátum est in vobis: ita ut nihil vobis desit in ulla grátia, expectántibus revelatiónem Dómini nostri Iesu Christi, qui et confirmábit vos usque in finem sine crímine, in die advéntus Dómini nostri Iesu Christi.

Graduale Ps. 121, 1 et 7 Lætátus sum in his, quæ dicta sunt mihi: in domum Dómini íbimus. **V.** Fiat

pax in virtúte tua: et abundántia in túrribus tuis.

Allelúia, allelúia. **V. Ps. 101, 16** Timébunt gentes nomen tuum, Dómine, et omnes reges terræ glóriam tuam. Allelúia.

✠ Sequéntia sancti Evangélii se-cúndum Matthæum.

Matth. 9, 1-8

In illo témpore: Ascéndens Iesus in navículam, transfretávit, et venit in civitátem suam. Et ecce, offerébant ei paralytícum iacéntem in lecto. Et videns Iesus fidem illórum, dixit paralytico: Confide, fili, remittúntur tibi peccáta tua. Et ecce, quidam de scribis dixerunt intra se: Hic blasphemát. Et cum vidísset Iesus cogitatiónes eórum, dixit: Ut quid cogitátis mala in córdibus vestris? Quid est facílius dí-cere: Dimittúntur tibi peccáta tua; an dícere: Surge, et ámbula? Ut autem sciátis, quia Fílius hóminis habet potestátem in terra dimittén-di peccáta, tunc ait paralytico: Surge, tolle lectum tuum, et vade in domum tuam. Et surréxit, et ábiit in domum suam. Vidéntes autem turbæ timuérunt, et glorificavérunt Deum, qui dedit potestátem talem homínibus.

Credo.

Antiphona ad Offertorium Exodi

24, 4 et 5 Sanctificávit Móyses altáre Dómino, ófferens super illud holocáusta, et ímmolans víctimas: fecit sacrificium vespertínium in odórem suavitátis Dómino Deo, in conspéctu filiórum Israëli.

Secreta

Deus, qui nos per huius sacrificii veneránda commércia, unius summæ divinitátis partícipes éffici-s: præsta, quæsumus; ut, sicut tuam cognóscimus veritátem, sic eam dignis móribus assequámur. Per Dóminum.

Præfatio de Ssma Trinitate.

Antiphona ad Communionem
Ps. 95, 8-9 Tóllite hóstias, et introíte in átria eius: adoráte Dóminum in aula sancta eius.

Postcommunio

Gratias tibi reférimus, Dómine, sacro múnere vegetáti: tuam misericórdiam deprecántes; ut dignos nos eius participatióne perficiamus. Per Dóminum.

DOMINICA DECIMA NONA
POST PENTECOSTEN

II classis

Antiphona ad Introitum

Salus pópuli ego sum, dicit Dóminus: de quacúmque tribulatióne clamáverint ad me, exáudiam eos: et ero illórum Dóminus in perpétuum. Ps. 77, 1 Atténdite, pópule meus, legem meam: inclináte aurem vestram in verba oris mei. V. Glória Patri.

Oratio

Omnípotens et miséricors Deus, univérſa nobis adversántia propitiátus exclúde: ut mente et corpore páriter expediti, quæ tua sunt, liberis méntibus exsequámur. Per Dóminum.

Lectio Epístolæ beáti Pauli Apóstoli ad Ephésios.

Ephes. 4, 23-28

Fratres: Renovámini spíritu mentis vestræ, et induíte novum hóminem, qui secúndum Deum creátus est in iustítia, et sanctitáte veritátis. Propter quod deponéntes mendácium, loquímmini veritatem unusquisque cum próximo suo: quóniam sumus invicem membra. Irascímmini, et nolíte peccáre: sol non occidat super iracúndiam vestram. Nolíte locum dare diabolo; qui furabátur, iam non furétur; magis autem labóret, operádo má-

nibus suis, quod bonum est, ut hábeat unde tríbuat necessitátem patiénti.

Graduale Ps. 140, 2 Dirigátur orátio mea, sicut incénsum in conspéctu tuo, Dómine. V. Elevátio mánuum meárum sacrificium vespertínium.

Allelúia, allelúia. V. Ps. 104, 1 Confitémini Dómino, et invocáte nomen eius: annuntiáte inter gentes ópera eius. Allelúia.

✠ Sequéntia sancti Evangélíi secúndum Matthæum.

Matth. 22, 1-14

In illo témpore: Loquebátur Iesus princípibus sacerdotum et pharisæis in parábolis, dicens: Símile factum est regnum cælórum hómini regi, qui fecit núptias filio suo. Et misit servos suos vocáre invitátos ad núptias, et nolébant veníre. Iterum misit álios servos, dicens: Dícite invitátis: Ecce, prándium meum parávi, tauri mei et altília occisa sunt, et ómnia paráta: veníte ad núptias. Illi autem neglexérunt: et abiérunt, álius in villam suam, álius vero ad negotiatiónem suam: reliqui vero tenuérunt servos eius, et contuméliis afféctos occidérunt. Rex autem cum audísset, irátus est: et missis exercíbus suis, pérdidit homicidas illos, et civitátem illórum succéndit. Tunc ait servis suis: Núptiæ quidem parátæ sunt, sed qui invitáti erant, non fuérunt digni. Ite ergo ad éxitus viárum, et quoscúmque invenéritis, vocáte ad núptias. Et egréssi servi eius in vias, congregavérunt omnes, quos invenérunt, malos et bonos, et implétæ sunt núptiæ discumbéntium. Intrávit autem rex, ut vidéret discumbéntes, et vidit ibi hóminem non vestítum veste nuptiáli. Et ait illi: Amíce, quómodo huc intrásti non habens vestem nuptiálem? At ille obmútit. Tunc

dixit rex ministris: Ligátis mánibus et pédibus eius, míttite eum in ténebras exterióres: ibi erit fletus, et stridor déntium. Multi enim sunt vocáti, pauci vero elécti.

Credo.

Antiphona ad Offertorium Ps. 137,
7 Si ambulávero in médio tribulatiónis, vivificábis me, Dómine: et super iram inimicórum meórum exténdes manum tuam, et salvum me fáciet délixtera tua.

Secreta

Hæc múnera, quásumus, Dómine, quæ óculis tuæ maiestátis offérimus, salutária nobis esse concéde. Per Dóminum.

Præfatio de Ssma Trinitate.

Antiphona ad Communionem
Ps. 118, 4-5 Tu mandásti mandáta tua custodíri nimis: útinam dirigántur viæ meæ, ad custodiéndas iustificatiónes tuas.

Postcommunio

Tua nos, Dómine, medicinális operátio, et a nostris perversitatibus cleménter expédiat, et tuis semper fáciat inhærére mandátis. Per Dóminum.

DOMINICA VIGESIMA
POST PENTECOSTEN

II classis

Antiphona ad Introitum

Dan. 3, 31, 29 et 35

Omnia, quæ fecísti nobis, Dómine, in vero iudício fecísti, quia peccávimus tibi, et mandátis tuis non obedívimus: sed da glóriam nómini tuo, et fac nobíscum secúndum multitudinem misericórdiæ tuæ. **Ps. 118,**
1 Beáti immaculáti in via: qui ámbulant in lege Dómini. **V.** Glória Patri.

Oratio

Largíre, quásumus, Dómine, fidelibus tuis indulgéntiam pla-

cátus et pacem: ut páriter ab ómnibus mundéntur offénsis, et secúra tibi mente desérviant. Per Dóminum.

Lectio Epístolæ beáti Pauli Apóstoli ad Ephésios.

Ephes. 5, 15-21

Fratres: Vidéte quómodo caute ambulétis: non quasi insipiéntes, sed ut sapiéntes, rediméntes tempus, quóniam dies mali sunt. Proptérea nolíte fieri imprudéntes, sed intellegéntes, quæ sit volúntas Dei. Et nolíte inebriári vino, in quo est luxúria: sed implémini Spíritu Sancto, loquéntes vobismetípsis in psalmis, et hymnis, et cánticis spirituálibus, cantántes, et psalléntes in córdibus vestris Dómino: grátias ágéntes semper pro ómnibus, in nómine Dómini nostri Iesu Christi, Deo et Patri. Subiécti invicem in timóre Christi.

Graduale Ps. 144, 15-16 Oculi ómnium in te sperant, Dómine: et tu das illis escam in témpore opportúno. **V.** Aperis tu manum tuam: et imples omne ánimál benedictióne.

Allelúia, allelúia. **V. Ps. 107, 2** Parátum cor meum, Deus, parátum cor meum: cantábo, et psallam tibi, glória mea. Allelúia.

✠ **Sequéntia sancti Evangélíi secúndum Ioánnem.**

Ioann. 4, 46-53

In illo témpore: Erat quidam régulus, cuius filius infirmabátur Caphárnaum. Hic cum audísset, quia Iesus adveníret a Iudæa in Galiléam, ábiit ad eum et rogábat eum ut descénderet, et sanáret filium eius: incipiébat enim mori. Dixit ergo Iesus ad eum: Nisi signa et prodígia vidéritis, non créditis. Dicit ad eum régulus: Dómine, descénde priúsqum moriátur filius meus. Dicit ei Iesus: Vade, filius

tuus vivit. Crédidit homo sermóni, quem dixit ei Iesus, et ibat. Iam autem eo descendente, servi occurrerunt ei, et nuntiaverunt dicentes, quia filius eius viveret. Interrogabat ergo horam ab eis, in qua melius habuerit. Et dixerunt ei: Quia heri hora séptima reliquit eum febris. Cognovit ergo pater, quia illa hora erat, in qua dixit ei Iesus: Filius tuus vivit: et credidit ipse, et domus eius tota.

Credo.

Antiphona ad Offertorium Ps. 136, 1 Super flúmina Babylónis illic sedimus, et flévimus: dum recordáremur tui, Sion.

Secreta

Caeléstem nobis præbeant hæc mystéria, quæsumus, Dómine, medicínam: et vítia nostri cordis expúrgent. Per Dóminum.

Præfatio de Ssma Trinitate.

Antiphona ad Communionem Ps. 118, 49-50 Meménto verbi tui servo tuo, Dómine, in quo mihi spem dedísti: hæc me consoláta est in humilitáte mea.

Postcommunio

Ut sacris, Dómine, reddámur digni munéribus: fac nos, quæsumus, tuis semper obedire mandátis. Per Dóminum.

DOMINICA VIGESIMA PRIMA POST PENTECOSTEN

II classis

Antiphona ad Introitum

Esth. 13, 9 et 10-11

In voluntáte tua, Dómine, univérſa sunt pósita, et non est qui possit resistere voluntáti tuæ: tu enim fecísti ómnia, cælum et terram, et univérſa quæ cæli ámbitu continéntur: Dóminus univérſorum tu es. **Ps. 118, 1** Beáti immaculáti in via: qui ámbulant in lege Dómini. **V.** Glória Patri.

Oratio

Famíliam tuam, quæsumus, Dómine, contínua pietáte custódi: ut a cunctis adversitátibus, te protegente, sit líbera; et in bonis áctibus tuo nómini sit devóta. Per Dóminum.

Léctio Epístolæ beáti Pauli Apóstoli ad Ephésios.

Ephes. 6, 10-17

Fratres: Confortámini in Dómino, et in poténtia virtútis eius. Indúite vos armatúram Dei, ut possitis stare advérsus insídias diaboli. Quóniam non est nobis colluctátio advérsus carnem et sánguinem: sed advérsus príncipes, et potestátes, advérsus mundi rectóres tenebrárum harum, contra spirituália nequitiæ, in cæléstibus. Proptérea accípите armatúram Dei, ut possitis resistere in die malo, et in ómnibus perfécti stare. State ergo succíncti lumbos vestros in veritáte, et indúti lorícam iustítiæ, et calceáti pedes in præparatióne Evangélíi pacis: in ómnibus suméntes scutum fidei, in quo possitis ómnia tela nequíssimi ígnea exstinguere: et gáleam salútis assúmíte: et gládium spíritus, quod est verbum Dei.

Graduale Ps. 89, 1-2 Dómine, refúgium factus es nobis, a generatióne et progénie. **V.** Priúsqvam montes fierent, aut formarétur terra et orbis: a sáculo, et usque in sáculum tu es Deus.

Allelúia, allelúia. **V. Ps. 113, 1** In éxitu Israél de Ægýpto, domus Iacob de pópulo bárbaro. Allelúia.

✠ Sequéntia sancti Evangélíi secúndum Matthæum.

Matth. 18, 23-35

In illo témpore: Dixit Iesus discipulis suis parábolam hanc: Assimilátum est regnum cælórum hómini regi, qui vóluit ratiónem pónere cum servis suis. Et cum

cœpisset ratiónem pónere, oblátus est ei unus, qui debébat ei decem mília talénta. Cum autem non habéret unde rédderet, iussit eum dóminus eius verúmdari, et uxórem eius, et filios, et ómnia, quæ habébat, et reddi. Prócidentem autem servus ille, orábat eum, dicens: Patiéntiam habe in me, et ómnia reddam tibi. Misértus autem dóminus servi illíus, dimísit eum, et débitum dimísit ei. Egréssus autem servus ille, invénit unum de consérvis suis, qui debébat ei centum denários: et tenens suffocábat eum, dicens: Redde quod debes. Et prócidentem consérvus eius, rogábat eum, dicens: Patiéntiam habe in me, et ómnia reddam tibi. Ille autem nóluit: sed ábiit, et misit eum in cárcerem donec rédderet débitum. Vidéntes autem consérvi eius quæ fiébant, contristáti sunt valde: et venérunt, et narravérunt dómino suo ómnia, quæ facta fúerant. Tunc vocávit illum dóminus suus: et ait illi: Serve nequam, omne débitum dimísi tibi, quóniam rogásti me: nonne ergo opórtuit et te miseréri consérvi tui, sicut et ego tui misértus sum? Et irátus dóminus eius, trádidit eum tortóribus, quoadúsque rédderet univérsum débitum. Sic et Pater meus cæléstis fáciet vobis, si non remiséritis unusquísque fratri suo de córdibus vestris.

Credo.

Antiphona ad Offertorium Iob 1
Vir erat in terra Hus, nómine Iob: simplex et rectus, ac timens Deum: quem Satan pétiiit, ut tentáret: et data est ei potéstas a Dómino in facultátes, et in carnem eius: perdidítque omnem substántiam ipsíus, et filios: carnem quoque eius gravi úlcere vulnerávit.

Secreta

Súscipe, Dómine, propítius hostias: quibus et te placári voluísti, et nobis salútem poténti pietáte restítui. Per Dóminum.

Præfatio de Ssma Trinitate.

Antiphona ad Communionem
Ps. 118, 81, 84 et 86 In salutári tuo ánima mea, et in verbum tuum sperávi: quando fácies de persecúentibus me iudícium? iníqui persecúti sunt me, ádiuva me, Dómine Deus meus.

Postcommunio

Immortalitátis alimóniam consecúti, quæsumus, Dómine: ut, quod ore percépimus, pura mente sectémur. Per Dóminum.

DOMINICA VIGESIMA SECUNDA POST PENTECOSTEN

II classis

Antiphona ad Introitum

Ps. 129, 3-4

Si iniquitátes observáveris, Dómine, Dómine, quis sustinébit? quia apud te propitiátio est, Deus Israél. **Ps. ibid., 1-2** De profúndis clamávi ad te, Dómine: Dómine, exáudi vocem meam.
Y. Glória Patri.

Oratio

Deus, refúgium nostrum, et virtus: adésto piis Ecclésiæ tuæ précibus, auctor ipse pietátis, et præsta: ut, quod fidéliter pétimus, effícaciter consequámur. Per Dóminum.

Léctio Epístolæ beáti Pauli Apóstoli ad Philippéenses.

Philipp. 1, 6-11

Fratres: Confidimus in Dómino Iesu, quia qui cœpit in vobis opus bonum, perfíciet usque in diem Christi Iesu. Sicut est mihi iustum hoc sentíre pro ómnibus vobis: eo quod hábeam vos in corde, et in vínculis meis, et in defensióne, et confirmatióne Evangélii, sócios gáudii mei omnes vos esse. Testis enim mihi est Deus, quómodo cúpiam omnes vos in viscéribus Iesu

Christi. Et hoc oro ut caritas vestra magis ac magis abundet in scientia, et in omni sensu: ut probetis potiora, ut sitis sinceri, et sine offensa in diem Christi, replenti fructu iustitiae per Iesum Christum, in gloriam et laudem Dei.

Graduale Ps. 132, 1-2 Ecce quam bonum, et quam iucundum, habitare fratres in unum. **V.** Sicut unguentum in capite, quod descendit in barbam, barbam Aaron.

Allelúia, allelúia. **V. Ps. 113, 11** Qui timent Dóminum sperent in eo: adiutor et protector eorum est. Allelúia.

✠ Sequéntia sancti Evangélíi secúndum Mattháum.

Matth. 22, 15-21

In illo témpore: Abeúntes pharisæi consílium iniérunt ut cáperent Iesum in sermóne. Et mittunt ei discipulos suos cum Herodiánis, dicéntes: Magíster, scimus quia verax es, et viam Dei in veritate doces, et non est tibi cura de aliquo: non enim respicis persónam hóminum: dic ergo nobis quid tibi vidétur, licet census dare Cásari, an non? Cógnota autem Iesus nequítia eórum, ait: Quid me tentátis, hypócritæ? Osténdite mihi numísma census. At illi obtulérunt ei denárium. Et ait illis Iesus: Cuius est imágo hæc, et superscriptio? Dicunt ei: Cásaris. Tunc ait illis: Réddite ergo quæ sunt Cásaris, Cásari; et quæ sunt Dei, Deo.

Credo.

Antiphona ad Offertorium Esth. 14, 12 et 13 Recordáre mei, Dómine, omni potentátui dóminans: et da sermónem rectum in os meum, ut pláceant verba mea in conspéctu princípis.

Secreta

Da, miséricors Deus: ut hæc salutáris oblátio et a pró-

priis nos reátibus indesinénter expédiat, et ab ómnibus tueátur advérsis. Per Dóminum.

Præfatio de Ssma Trinitate.

Antiphona ad Communionem Ps. 16, 6 Ego clamávi, quóniam exaudísti me, Deus: inclína aurem tuam, et exáudi verba mea.

Postcommunio

Súmpsimus, Dómine, sacri dona mystérii, humíliter deprecántes: ut quæ in tui commemoratióne nos fácere præcepísti, in nostræ proficiant infirmitátis auxílium: Qui vivis.

**DOMINICA VIGESIMA TERTIA
POST PENTECOSTEN**

II classis

¶ Si hæc dominica a superveniente dominica ultima post Pentecosten impediatur, omittitur.

Antiphona ad Introitum

Ierem. 29, 11, 12 et 14

Dicit Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis. **Ps. 84, 2** Benedixísti, Dómine, terram tuam: avertísti captivitátem Iacob. **V.** Glória Patri.

Oratio

Absólve, quæsumus, Dómine, tuórum delícta populórum: ut a peccatórum nexibus, quæ pro nostra fragilitáte contráximus, tua benignitáte liberémur. Per Dóminum.

Léctio Epístolæ beáti Pauli Apóstoli ad Philippéenses.

Philipp. 3, 17-21; 4, 1-3

Fratres: Imitatóres mei estóte, et observáte eos qui ita ám-

bulant, sicut habétis formam nostram. Multi enim ámbulant, quos sæpe dicébam vobis (nunc autem et flens dico) inimícos crucis Christi: quorum finis intéritus: quorum Deus venter est: et glória in confusióne ipsórum, qui terréna sapiunt. Nostra autem conversatio in cælis est: unde étiam Salvatórem exspectámus Dóminum nostrum Iesum Christum, qui reformábit corpus humilitátis nostræ configurátum cörperi claritátis suæ, secúndum operatióem, qua étiam possit subícere sibi ómnia. Itaque, fratres mei caríssimi, et desideratíssimi, gáudium meum, et coróna mea: sic state in Dómino, caríssimi. Evódiam rogo, et Sýntychen déprecor idípsum sápere in Dómino. Étiam rogo et te, germáne compar, ádiuva illas, quæ mecum laboravérunt in Evangélio cum Clemente, et céteris adiutóribus meis, quorum nómina sunt in libro vitæ.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. **V.** In Deo laudábimur tota die, et in nómine tuo confitébimur in sácula.

Allelúia, allelúia. **V. Ps. 129, 1-2** De profúndis clamávi ad te, Dómine: Dómine, exáudi oratióem meam. Allelúia.

✠ Sequéntia sancti Evangélíi secúndum Matthæum.

Matth. 9, 18-26

In illo témpore: Loquente Iesu ad turbas, ecce, princeps unus accéssit, et adorábat eum, dicens: Dómine, filia mea modo defúncta est: sed veni, impóne manum tuam super eam, et vivet. Et surgens Iesus sequebátur eum, et discípuli eius. Et ecce, múlter, quæ ságuinis fluxum patiebátur duódecim annis, accéssit retro, et tétigit fimbriam vestiménti eius. Dicébat enim intra

se: Si tetígero tantum vestiméntum eius, salva ero. At Iesus convérsus, et videns eam, dixit: Confíde, filia, fides tua te salvam fecit. Et salva facta est múlter ex illa hora. Et cum venísset Iesus in domum principis, et vidísset tibícines, et turbam tumultuántem, dicébat: Recédite: non est enim mórtua puélla, sed dormit. Et deridébant eum. Et cum eiécta esset turba, intrávit, et tenuit manum eius. Et surréxit puélla. Et éxiit fama hæc in univérsam terram illam.

Credo.

Antiphona ad Offertorium Ps. 129, 1-2 De profúndis clamávi ad te, Dómine: Dómine, exáudi oratióem meam: de profúndis clamávi ad te, Dómine.

Secreta

Pro nostræ servitútis augménto sacrificium tibi, Dómine, laudis offérimus: ut, quod imméritis contulísti, propítius exsequáris. Per Dóminum.

Præfatio de Ssma Trinitate.

Antiphona ad Communionem Marc. 11, 24 Amen dico vobis, quidquid orántes pétitis, créдите quia accipiétis, et fiet vobis.

Postcommunio

Quæsumus, omnípotens Deus: ut, quos divína tríbuis participatióne gaudére, humánis non sinas subiacére perículis. Per Dóminum.

¶ Si dominicæ post Pentecosten fuerint plures quam XXIV, tunc post XXIII resumuntur Missæ dominicarum, quæ superfuerunt post Epiphaniam, ut infra habentur, iuxta ordinem qui in rubricis invenitur. Et ultimo loco semper ponitur Missa dominicæ XXIV, ut infra 394.

DOMINICA TERTIA
QUÆ SUPERFUIT
POST EPIPHANIAM

II classis

Antiphona ad Introitum

Ierem. 29, 11, 12 et 14

Dicit Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis. **Ps. 84, 2** Benedixísti, Dómine, terram tuam: avertísti captivitátem Iacob. **V.** Glória Patri.

Oratio

Omnípotens sempitérne Deus, infirmitátem nostram propítius réspice: atque ad protegéndum nos, dexteram tuæ maiestátis exténde. Per Dóminum.

Léctio Epístolæ beáti Pauli Apóstoli ad Romános.

Rom. 12, 16-21

Fratres: Nolíte esse prudéntes apud vosmetípsos: nulli malum pro malo reddéntes: providéntes bona non tantum coram Deo, sed étiam coram ómnibus homínibus. Si fieri potest, quod ex vobis est, cum ómnibus homínibus pacem habéntes: Non vosmetípsos defendéntes, caríssimi, sed date locum iræ. Scriptum est enim: Mihi vindícta: ego retríbuam, dicit Dóminus. Sed si esuríerit inimícus tuus, ciba illum: si sitit, potum da illi: hoc enim fáciens, carbónes ignis cóngeres super caput eius. Noli vinci a malo, sed vince in bono malum.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. **V.** In Deo laudábimur tota die, et in nómine tuo confitébimur in sácula.

Allelúia, allelúia. **V. Ps. 129, 1-2** De profúndis clamávi ad te, Dó-

mine: Dómine, exáudi oratiónem meam. Allelúia.

✠ Sequéntia sancti Evangélíi secúndum Mattháum.

Matth. 8, 1-13

In illo témpore: Cum descendísset Iesus de monte, secútæ sunt eum turbæ multæ: et ecce, leprósus véniens adorábat eum, dicens: Dómine, si vis, potes me mundáre. Et exténdens Iesus manum, tétigit eum, dicens: Volo. Mundáre. Et conféstim mundáta est lepra eius. Et ait illi Iesus: Vide, némini díxeris: sed vade, osténde te sacerdoti, et offer munus, quod præcépit Móyses, in testimónium illis. Cum autem introísset Caphárnaum, accéssit ad eum centúrio, rogans eum, et dicens: Dómine, puer meus iacet in domo paralýticus, et male torquétur. Et ait illi Iesus: Ego véniam, et curábo eum. Et respóndens centúrio, ait: Dómine, non sum dignus, ut intres sub tectum meum: sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites, et dico huic: Vade, et vadit; et álíi: Veni, et venit; et servo meo: Fac hoc, et facit. Audiens autem Iesus, mirátus est, et sequéntibus se dixit: Amen dico vobis, non invéni tantam fidem in Israël. Dico autem vobis, quod multi ab Oriénte et Occidénte vénient, et recumbent cum Abraham, et Isaac, et Iacob in regno cælórum: filii autem regni eiciéntur in ténebras exterióres: ibi erit fletus, et stridor déntium. Et dixit Iesus centurióni: Vade, et sicut credidísti, fiat tibi. Et sanátus est puer in illa hora.

Credo.

Antiphona ad Offertorium Ps. 129, 1-2 De profúndis clamávi ad te, Dómine: Dómine, exáudi oratiónem meam: de profúndis clamávi ad te, Dómine.

Secreta

Hæc hóstia, Dómine, quæsumus, emúndet nostra delícta: et ad sacrificium celebrándum, subditórum tibi córpora, mentésque sanctíficet. Per Dóminum.

Præfatio de Ssma Trinitate.

Antiphona ad Communionem
Marc. 1, 24 Amen dico vobis, quidquid orántes pétitis, créдите quia accipiétis, et fiet vobis.

Postcommunio

Quos tantis, Dómine, largíris uti mystériis: quæsumus; ut effectibus nos eórum veráciter aptáre dignéris. Per Dóminum.

**DOMINICA QUARTA
QUÆ SUPERFUIT
POST EPIPHANIAM**

II classis**Antiphona ad Introitum**

Ierem. 29, 11, 12 et 14

Dicit Dóminus: Ego cógito cógitatiónes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis. **Ps. 84, 2** Benedixísti, Dómine, terram tuam: avertísti captivitátem Iacob. **V.** Glória Patri.

Oratio

Deus, qui nos in tantis perículis constitútos, pro humana scis fragilitáte non posse subsistere: da nobis salútem mentis et córporis; ut ea, quæ pro peccátis nostris pátimur, te adiuvánte vincámus. Per Dóminum.

Léctio Epístolæ beáti Pauli Apóstoli ad Romános.

Rom. 13, 8-10

Fratres: Némíni quidquam de-beátis, nisi ut ínvicem diligá-tis: qui enim díligit próximum, legem implévit. Nam: Non adul-

terábis: Non occídes: Non furá-beris: Non falsum testimónium dí-ces: Non concupísces: et si quod est áliud mandátum, in hoc verbo in-staurátur: Díliges próximum tuum sicut teípsum. Diléctio próximi ma-lum non operátur. Plenitúdo ergo legis est diléctio.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. **V.** In Deo laudábimur tota die, et in nómine tuo confitébimur in sácula.

Allelúia, allelúia. **V. Ps. 129, 1-2** De profúndis clamávi ad te, Dómine: Dómine, exáudi oratió-nem meam. Allelúia.

✠ Sequéntia sancti Evangélii se-cúndum Matthæum.

Matth. 8, 23-27

In illo témpore: Ascendénte Iesu in navículam, secúti sunt eum discípuli eius: et ecce, motus magnus factus est in mari, ita ut naví-cula operirétur flúctibus, ipse vero dormiébat. Et accessérunt ad eum discípuli eius, et suscitavérunt eum, dicéntes: Dómine, salva nos, perímus. Et dicit eis Iesus: Quid tímidi estis, módicæ fidei? Tunc surgens, imperávit ventis et mari, et facta est tranquíllitas magna. Porro hómínes miráti sunt, dicén-tes: Qualis est hic, quia venti et mare óbédiunt ei?

Credo.

Antiphona ad Offertorium Ps. 129, 1-2 De profúndis clamávi ad te, Dómine: Dómine, exáudi oratió-nem meam: de profúndis clamávi ad te, Dómine.

Secreta

Concéde, quæsumus, omnípotens Deus: ut huius sacrificii munus oblátum, fragilitátem nostram ab omni malo purget semper, et múniat. Per Dóminum.

Præfatio de Ssma Trinitate.

Antiphona ad Communionem
Marc. 11, 24 Amen dico vobis, quidquid orantes pétitis, créдите quia accipiétis, et fiet vobis.

Postcommunio

Múnera tua nos, Deus, a delectatióibus terrénis expédiant: et cæléstibus semper instáurent aliméntis. Per Dóminum.

DOMINICA QUINTA
 QUÆ SUPERFUIT
 POST EPIPHANIAM

II classis

Antiphona ad Introitum

Ierem. 29, 11, 12 et 14

Dicit Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcám captivitátem vestram de cunctis locis. **Ps. 84, 2** Benedixísti, Dómine, terram tuam: avertísti captivitátem Iacob. **V.** Glória Patri.

Oratio

Famíliam tuam, quæsumus, Dómine, continúa pietáte custódi: ut, quæ in sola spe grátiae cæléstis innítitur, tua semper protectióne muniátur. Per Dóminum.

Léctio Epístolæ beáti Pauli Apóstoli ad Colossénses.

Col. 3, 12-17

Fratres: Indúite vos sicut elécti Dei, sancti, et dilécti, víscera misericórdiæ, benignitátem, humilitátem, modéstiam, patiéntiam: supportántes ínvicem, et donántes vobismetípsis, si quis advérsus áliquem habet querélam: sicut et Dóminus donávit vobis, ita et vos. Super ómnia autem hæc, caritátem habéte, quod est vínculo perfectiónis: et pax Christi exsúltet in córdibus vestris, in qua et vocáti estis in uno córpore: et grati estóte. Verbum Christi hábitet in vobis

abundánter, in omni sapiéntia, docétes, et commonétes vosmetípsos psalmis, hymnis, et cánticis spirituálibus, in grátia cantántes in córdibus vestris Deo. Omne quodcúmque fácitis in verbo aut in ópere, ómnia in nómine Dómini Iesu Christi, grátias agétes Deo et Patri per Iesum Christum Dóminum nostrum.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. **V.** In Deo laudábimur tota die, et in nómine tuo confitébimur in sácula.

Allelúia, allelúia. **V. Ps. 129, 1-2** De profúndis clamávi ad te, Dómine: Dómine, exáudi oratióem meam. Allelúia.

✠ Sequéntia sancti Evangélíi secúndum Matthæum.

Matth. 13, 24-30

In illo témpore: Dixit Iesus turbis parábolam hanc: Símile factum est regnum cælórum hómini, qui seminávit bonum semen in agro suo. Cum autem dormírent hómines, venit inimícus eius, et superseminávit zizánia in médio trítici, et ábiit. Cum autem crevísset herba, et fructum fecísset, tunc apparuérunt et zizánia. Accedéntes autem servi patrisfamílias, dixerunt ei: Dómine, nonne bonum semen seminásti in agro tuo? Unde ergo habet zizánia? Et ait illis: Inimícus homo hoc fecit. Servi autem dixerunt ei: Vis, imus, et collígimus ea? Et ait: Non: ne forte colligéntes zizánia, eradicétis simul cum eis et tríticum. Sínite útraque créscere usque ad messem, et in témpore messis dicam messóribus: Collígite primum zizánia, et alligáte ea in fascículos ad comburéndum, tríticum autem congregáte in hórreum meum.

Credo.

Antiphona ad Offertorium Ps. 129, 1-2 De profúndis clamávi ad te,

Dómine: Dómine, exáudi oratió-
nem meam: de profúndis clamávi
ad te, Dómine.

Secreta

Hóstias tibi, Dómine, placatió-
nis offérimus: ut et delicta
nostra miserátus absólvas, et nu-
tántia corda tu dírigas. Per Dómi-
num nostrum Iesum Christum, Fí-
lium tuum, qui tecum vivit et re-
gnat in unitáte Spíritus Sancti,
Deus, per ómnia sácula sæculórum.
Amen.

Præfatio de Ssma Trinitate.

Antiphona ad Communionem
Marc. 11, 24 Amen dico vobis, quid-
quid orántes pétitis, créдите quia
accipiétis, et fiet vobis.

Postcommunio

Quæsumus, omnipotens Deus:
ut illius salutáris capiámus
efféctum, cuius per hæc mystéria
pignus accépimus. Per Dóminum
nostrum Iesum Christum, Fílium
tuum, qui tecum vivit et regnat
in unitáte Spíritus Sancti, Deus,
per ómnia sácula sæculórum.
Amen.

DOMINICA SEXTA QUÆ SUPERFUIT PÓST EPIPHANIAM

II classis

Antiphona ad Introitum

Ierem. 29, 11, 12 et 14

Dicit Dóminus: Ego cógito
cogitatiónes pacis, et non
afflictiónis: invocábitis me,
et ego exáudiam vos: et redúcam
captivitátem vestram de cunctis
locis. **Ps. 84, 2** Benedixísti, Dómine,
terram tuam: avertísti captivitá-
tem Iacob. **V.** Glória Patri.

Oratio

Præsta, quæsumus, omnipotens
Deus: ut semper rationabília
meditántes, quæ tibi sunt plácita,

et dictis exsequámur, et factis. Per
Dóminum nostrum Iesum Chri-
stum, Fílium tuum, qui tecum
vivit et regnat in unitáte Spíritus
Sancti, Deus, per ómnia sácula
sæculórum. Amen.

**Léctio Epístolæ beáti Pauli Apóstoli
ad Thessalonicénses.**

I Thess. 1, 2-10

Fratres: Grátias ágimus Deo sem-
per pro ómnibus vobis, memó-
riam vestri faciéntes in oratióibus
nostris sine intermissiône, mémores
óperis fidei vestræ, et labóris, et
caritátis, et sustinéntiæ spei Dómini
nostri Iesu Christi, ante Deum et
Patrem nostrum: sciéntes, fratres,
dilécti a Deo, electiõem vestram:
quia Evangélium nostrum non fuit
ad vos in sermóne tantum, sed et in
virtúte, et in Spíritu Sancto, et in
plenitúdine multa, sicut scitis qua-
les fuérimus in vobis propter vos.
Et vos imitatóres nostri facti estis,
et Dómini, excipiéntes verbum in
tribulatióne multa, cum gáudio
Spíritus Sancti: ita ut facti sitis
forma ómnibus credéntibus in Ma-
cedónia, et in Acháia. A vobis enim
diffamátus est sermo Dómini, non
solum in Macedónia, et in Acháia,
sed et in omni loco fides vestra,
quæ est ad Deum, profécta est,
ita ut non sit nobis necesse quid-
quam loqui. Ipsi enim de nobis
annúntiant qualem intróitum ha-
buérimus ad vos: et quómodo con-
vérsi estis ad Deum a simulácris,
servíre Deo vivo, et vero, et exspec-
táre Fílium eius de cælis (quem
suscitávit ex mórtuis) Iesum, qui
erípuít nos ab ira ventúra.

Graduale Ps. 43, 8-9 Liberásti
nos, Dómine, ex affligéntibus nos:
et eos, qui nos odérunt, confudísti.
V. In Deo laudábimur tota die, et
in nómine tuo confitébimur in sá-
cula.

Allelúia, allelúia. **℣. Ps. 129, 1-2**
De profúndis clamávi ad te, Dómine: Dómine, exáudi oratióem meam. Allelúia.

✠ Sequéntia sancti Evangélíi secúndum Matthæum.

Matth. 13, 31-35

In illo témpore: Dixit Iesus turbis parábolam hanc: Símile est regnum cælórum grano sinápis, quod accípiens homo seminávit in agro suo: quod mínimum quidem est ómnibus semínibus: cum autem créverit, maius est ómnibus oléribus, et fit arbor, ita ut vólucres cæli véniant, et hábitent in ramis eius. Aliam parábolam locútus est eis: Símile est regnum cælórum fermento, quod accéptum múlter abscondit in farínæ satis tribus, donec fermentátum est totum. Hæc ómnia locútus est Iesus in parábolis ad turbas: et sine parábolis non loquebátur eis: ut implerétur quod dictum erat per Prophétam dicéntem: Apériam in parábolis os meum, eructábo abscondita a constitutióne mundi.

Credo.

Antiphona ad Offertorium Ps. 129, 1-2 De profúndis clamávi ad te, Dómine: Dómine, exáudi oratióem meam: de profúndis clamávi ad te, Dómine.

Secreta

Hæc nos oblátio, Deus, mundet, quæsumus, et rénovet, gubernet, et próteget. Per Dóminum nostrum Iesum Christum, Fílium tuum, qui tecum vivit et regnat in unitáte Spíritus Sancti, Deus, per ómnia sæcula sæculórum. Amen.

Præfatio de Ssma Trinitate.

Antiphona ad Communionem Marc. 11, 24 Amen dico vobis, quid-

quid orántes pétitis, créдите quia accipiétis, et fiet vobis.

Postcommunio

Cæléstibus, Dómine, pasti delíciis: quæsumus; ut semper eadem, per quæ veráciter vivimus, appetámus. Per Dóminum nostrum Iesum Christum, Fílium tuum, qui tecum vivit et regnat in unitáte Spíritus Sancti, Deus, per ómnia sæcula sæculórum. Amen.

**DOMINICA VIGESIMA QUARTA
ET ULTIMA
POST PENTECOSTEN**

II classis

Antiphona ad Introitum

Ierem. 29, 11, 12 et 14

Dicit Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis. **Ps. 84, 2** Benedixísti, Dómine, terram tuam: avertísti captivitátem Iacob. **℣. Glória Patri.**

Oratio

Excita, quæsumus, Dómine, tuórum fidélium voluntátes: ut divíni óperis fructum propénsius exsequéntes, pietátis tuæ remédia maióra percípiant. Per Dóminum nostrum Iesum Christum, Fílium tuum, qui tecum vivit et regnat in unitáte Spíritus Sancti, Deus, per ómnia sæcula sæculórum. Amen.

Lectio Epístolæ beáti Pauli Apóstoli ad Colossénses.

Col. 1, 9-14

Fratres: Non cessámus pro vobis orántes, et postulántes ut impleámini agnitióne voluntátis Dei, in omni sapiéntia et intelléctu spiritali: ut ambulétis digne Deo per ómnia placéntes: in omni ópere bono fructificántes, et crescéntes in

sciéntia Dei: in omni virtúte confortáti secúndum poténtiam claritátis eius in omni patiéntia, et longanimitáte cum gáudio, grátias ágéntes Deo Patri, qui dignos nos fecit in partem sortis sanctórum in lúmine: qui erípuit nos de potestate tenebrárum, et tránstulit in regnum Fílii dilectiónis suæ, in quo habémus redemptiónem per sanguinem eius, remissionem peccatórum.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. **V.** In Deo laudábimur tota die, et in nómine tuo confitébimur in sæcula.

Allelúia, allelúia. **V. Ps. 129, 1-2** De profúndis clamávi ad te, Dómine: Dómine, exáudi oratiómem meam. Allelúia.

✠ Sequéntia sancti Evangélíi secúndum Matthæum. **Matth. 24, 15-35**

In illo témpore: Dixit Iesus discipulis suis: Cum vidéritis abominatiómem desolatiónis, quæ dicta est a Daniéle prophéta, stantem in loco sancto: qui legit, intéllegat: tunc qui in Iudæa sunt, fúgiant ad montes: et qui in tecto, non descéndat tóllere áliquíd de domo sua: et qui in agro, non revertátur tóllere túnica suam. Væ autem prægnantibus, et nutriéntibus in illis diébus. Oráte autem, ut non fiat fuga vestra in hieme, vel sábbato. Erit enim tunc tribulatio magna, qualis non fuit ab inítio mundi usque modo, neque fiet. Et nisi breviáti fuissent dies illi, non fieret salva omnis caro: sed propter eléctos breviantur dies illi. Tunc si quis vobis díxerit: Ecce, hic est Christus, aut illic: nolíte credere. Surgent enim pseudochrísti, et pseudoprophætæ: et dabunt signa magna, et prodígia, ita ut in errórem inducántur (si fieri potest) étiam elécti. Ecce, præ-

díxi vobis. Si ergo díxerint vobis: Ecce, in desérto est, nolíte exíre: ecce, in penetrálibus, nolíte credere. Sicut enim fulgur exit ab Oriénte, et paret usque in Occidéntem: ita erit et advéntus Fílii hóminis. Ubicúmque fúerit corpus, illic congregabúntur et áquilæ. Statim autem post tribulatiómem diérum illórum sol obscurábitur, et luna non dabit lumen suum, et stellæ cadent de cælo, et virtútes cælórum commovebúntur: et tunc parébit signum Fílii hóminis in cælo: et tunc plangent omnes tribus terræ: et videbunt Fílium hóminis veniéntem in núbibus cæli cum virtúte multa, et maiestáte. Et mittet Angelos suos cum tuba, et voce magna: et congregabunt eléctos eius a quátuor ventis, a summis cælórum usque ad términos eórum. Ab árbore autem fici díscite parábolam: cum iam ramus eius tener fúerit, et fólía nata, scitis quia prope est æstas: ita et vos cum vidéritis hæc ómnia, scitóte quia prope est in iánuis. Amen dico vobis, quia non præteríbit generátio hæc, donec ómnia hæc fiant. Cælum et terra transíbunt, verba autem mea non præteríbunt. Credo.

Antiphona ad Offertorium Ps. 129, 1-2 De profúndis clamávi ad te, Dómine: Dómine, exáudi oratiómem meam: de profúndis clamávi ad te, Dómine.

Secreta

Propítius esto, Dómine, supplicatióibus nostris: et pópuli tui oblatiúnibus, precibúque suscéptis, ómnium nostrum ad te corda convérte; ut a terrénis cupiditatibus liberáti, ad cælestia desidéria transéamus. Per Dóminum nostrum Iesum Christum, Fílium tuum, qui tecum vivit et regnat in unitáte Spíritus Sancti, Deus, per ómnia sæcula sæculórum. Amen.

Præfatio de Ssma Trinitate.

Antiphona ad Communionem

Marc. 11, 24 Amen dico vobis, quidquid orantes pétitis, créдите quia accipiétis, et fiet vobis.

Postcommunio

Concéde nobis, quæsumus, Dómine: ut per hæc sacraménta

quæ sumpsimus, quidquid in nostra mente vitiósum est, ipsórum medicatiónis dono curétur. Per Dóminum nostrum Iesum Christum, Fílium tuum, qui tecum vivit et regnat in unitáte Spíritus Sancti, Deus, per ómnia sǽcula sǽculórum. Amen.

TABULA ORATIONUM

Pro commemoratione feriæ Adventus:

HEBDOMADA I ADVENTUS

Oratio

Excita, quæsumus, Dómine, potentiam tuam, et veni: ut ab imminéntibus peccatórum nostrórum periculis, te mereámur protegente éripi, te liberánte salvári: Qui vivis.

Secreta

Hæc sacra nos, Dómine, poténti virtúte mundátos, ad suum fáciant purióres veníre princípium. Per Dóminum.

Postcommunio

Suscipiámus, Dómine, misericórdiam tuam in médio templi tui: ut reparatiónis nostræ ventúra solémnia cóngruis honóribus præcedámus. Per Dóminum.

HEBDOMADA II ADVENTUS

Oratio

Excita, Dómine, corda nostra ad præparándas Unigéniti tui vias: ut per eius advéntum, purificátis tibi méntibus servíre mereámur: Qui tecum vivit.

Secreta

Placáre, quæsumus, Dómine, humilitátis nostræ précibus et hóstiis: et ubi nulla súppetunt suffrágia meritórum, tuis nobis succurre præsídiis. Per Dóminum.

Postcommunio

Repléti cibo spirituális alimóniæ, súpplices te, Dómine, deprecámur: ut huius participatióne mystérii, dóceas nos terréna despícere et amáre cæléstia. Per Dóminum.

HEBDOMADA III ADVENTUS

Oratio

Aurem tuam, quæsumus, Dómine, précibus nostris accómmoda: et mentis nostræ ténebras, grátia tuæ visitatiónis illústra: Qui vivis.

Secreta

Devotiónis nostræ tibi, quæsumus, Dómine, hóstia iúgiter immolétur: quæ et sacri péragat institúta mystérii, et salutáre tuum in nobis mirabíliter operétur. Per Dóminum.

Postcommunio

Implorámus, Dómine, cleméntiam tuam: ut hæc divína subsidia, a vítiis expiátos, ad festa ventúra nos præparent. Per Dóminum.

HEBDOMADA IV ADVENTUS

Oratio

Excita, quæsumus, Dómine, potentiam tuam, et veni: et magna nobis virtúte succurre; ut per auxílium gratiæ tuæ, quod nostra peccáta præpédiunt, indulgéntia tuæ propitiatiónis accéleret: Qui vivis.

Secreta

Sacrificiis præsentibus, quæsumus, Dómine, placátus inténde: ut et devotióni nostræ proficiant, et salúti. Per Dóminum.

Postcommunio

Sumptis munéribus, quæsumus, Dómine: ut cum frequentatióne mystérii, crescat nostræ salútis efectus. Per Dóminum.

DE SPIRITU SANCTO

Oratio

Deus, qui corda fidélium Sancti Spíritus illustratióne docuísti: da nobis in eódem Spíritu recta sápere; et de eius semper consolatióne gaudére. Per Dóminum... in unitáte eiúsdem.

Secreta

Múnera, quásumus, Dómine, obláta sanctífica: et corda nostra Sancti Spíritus illustratióne emúnda. Per Dóminum... in unitáte eiúsdem.

Postcommunio

Sancti Spíritus, Dómine, corda nostra mundet infúsió: et sui roris íntima aspersione fecúndet. Per Dóminum... in unitáte eiúsdem.

DE SMO SACRAMENTO

Oratio

Deus, qui nobis sub Sacraménto mirábili passiónis tuæ memóriam reliquísti: tríbue, quásumus, ita nos Córporis et Sanguinis tui sacra mystéria venerári; ut redemptionis tuæ fructum in nobis iúgiter sentiámus: Qui vivis.

Secreta

Ecclésiæ tuæ, quásumus, Dómine, unitátis et pacis propítius dona concéde: quæ sub oblátis munéribus mystice designántur. Per Dóminum.

Postcommunio

Fac nos, quásumus, Dómine, divinitátis tuæ sempiterna fruitiône repléri: quam pretiósí Córporis et Sanguinis tui temporális percéptio præfigúrat: Qui vivis.

PRO FIDEI PROPAGATIONE

Oratio

Deus, qui omnes hómines vis salvos fieri, et ad agnitióem veritátis veníre: mitte, quásumus, operários in messem tuam, et da eis cum omni fidúcia loqui verbum tuum; ut sermo tuus currat et clarificétur, et omnes gentes cognóscant te solum Deum verum, et quem misísti Iesum Christum Fílium tuum, Dóminum nostrum: Qui tecum vivit.

Secreta

Protéctor noster aspice, Deus, et respice in fáciem Christi tui, qui dedit redemptionem semetípsum pro ómnibus: et fac; ut ab ortu solis usque ad occásu magnificétur nomen tuum in géntibus, ac in omni loco sacrificétur et offerátur nómini tuo oblátio munda. Per eúndem Dóminum.

Postcommunio

Redemptionis nostræ múnere vegetáti: quásumus, Dómine; ut, hoc perpétuæ salutis auxílio, fides semper vera proficiat. Per Dóminum.

PROPRIUM SANCTORUM

Missæ, quæ de singulis festis in hoc Proprio habentur, exceptis tamen Missis de peculiaribus Mysteriis Domini aut de festis beatæ Mariæ Virginis pro quibus specialis non habeatur indicatio, necnon Missis de S. Ioseph ac de Ss. Petro et Paulo App., dicuntur etiam ut votivæ; sed in eis, nisi aliter suis locis habeatur, post Epistolam sumitur graduale cum versu sequenti aut cum suo tractu, vel, tempore paschali, Allelúia cum suis versibus, quæ desint, de respectivo Communi. Pro Martyribus autem, tempore paschali, dicitur Missa Protexísti vel Sancti tui, prout casus ferat, et in ea dicuntur partes propriæ, si habeantur. In singulis tamen orationibus omittuntur verba hodierna die, ánnua et similia, ubicumque habentur, et immutantur voces natális, natalícium, festívitás in commemorátio, memória. Itemque, loco antiphonæ ad Introitum Gaudeámus, dicitur antiphona e respectivo Communi. Extra tempus paschale omittuntur Allelúia quæ in antiphona ad Introitum forte inveniuntur. Allelúia autem quæ aliquando exstat in antiphonis ad Offertorium et ad Communionem, omittitur tantum a Septuagesima ad Pascha.

FESTA NOVEMBRIS

Die 29 novembris

S. SATURNINI MARTYRIS

Commemoratio

Missa Lætábitur, de Communi unius Martyris 4 loco (6), cum orationibus ut infra:

Oratio

Deus, qui nos beáti Saturníni Mártiris tui concédis natalí-

cio pérfrui: eius nos tríbue méritis adiuvári. Per Dóminum.

Secreta

P

Múnera, Dómine, tibi dicáta sanctífica: et, intercedénte beáto Saturníno Mártire tuo, per hæc éadem nos placátus inténde. Per Dóminum.

Postcommunio

P

Sanctíficet nos, quæsumus, Dómine, tui percéptio sacraménti: et intercessióne Sanctórum tuórum tibi reddat accéptos. Per Dóminum.

Die 30 novembris

S. ANDREÆ APOSTOLI

II classis

Antiphona ad Introitum

Ps. 138, 17

Mihi autem nimis honoráti sunt amíci tui, Deus: nimis confortátus est principátus eórum. Ps. *ibid.*, 1-2 Dómine, probásti me, et cognovísti me: tu cognovísti sessiónem meam, et re-

surrectiónem meam. *Ÿ.* Glória Patri.

Oratio

Maiestátem tuam, Dómine, supplíciter exorámus: ut, sicut Ecclésiæ tuæ beátus Andréas Apóstolus éxstitit prædicátor et rector; ita apud te sit pro nobis perpétuus intercëssor. Per Dóminum.

Et, in Adventu, fit commemoratio feriae 397.

Lectio Epistolae beati Pauli Apostoli ad Romanos.

Rom. 10, 10-18

Fratres: Corde enim creditur ad iustitiam: ore autem confessio fit ad salutem. Dicit enim Scriptura: Omnis, qui credit in illum, non confundetur. Non enim est distinctio Iudaei, et Graeci: nam idem Dominus omnium, dives in omnes, qui invocant illum. Omnis enim, quicumque invocaverit nomen Domini, salvus erit. Quomodo ergo invocabunt, in quem non crediderunt? Aut quomodo credent ei, quem non audierunt? Quomodo autem audient sine praedicante? Quomodo vero praedicabunt, nisi mittantur? sicut scriptum est: Quam speciosi pedes evangelizantium pacem, evangelizantium bona! Sed non omnes obediunt Evangelio. Isaias enim dicit: Domine, quis credidit auditui nostro? Ergo fides ex auditu, auditus autem per verbum Christi. Sed dico: Numquid non audierunt? Et quidem in omnem terram exivit sonus eorum, et in fines orbis terrae verba eorum.

Graduale Ps. 44, 17-18 Constitues eos principes super omnem terram: memores erunt nominis tui, Domine. **V.** Pro patribus tuis nati sunt tibi filii: propterea populi confitebuntur tibi.

Allelúia, allelúia. **V.** Diléxit Andréam Dominus in odorem suavitatis. Allelúia.

✠ Sequéntia sancti Evangelii secundum Matthaeum.

Matth. 4, 18-22

In illo tempore: Ambulans Iesus iuxta mare Galilaeae, vidit duos fratres, Simónem, qui vocatur Petrus, et Andréam fratrem eius, mittentes rete in mare (erant enim

piscatores), et ait illis: Venite post me, et faciam vos fieri piscatores hominum. At illi continuo, relictis retibus, secuti sunt eum. Et procedens inde, vidit alios duos fratres, Iacobum Zebedaei, et Ioannem fratrem eius in navi cum Zebedaeo patre eorum, reficientes retia sua: et vocavit eos. Illi autem statim, relictis retibus et patre, secuti sunt eum.

Credo.

Antiphona ad Offertorium Ps. 138, 17 Mihi autem nimis honorati sunt amici tui, Deus: nimis confortatus est principatus eorum.

Secreta

Sacrificium nostrum tibi, Domine, quaesumus, beati Andreae Apostoli precatio sancta conciliet: ut, in cuius honore solemniter exhibetur, eius meritis efficiatur acceptum. Per Dominum.

Et, in Adventu, fit commemoratio feriae 397.

Præfatio de Apostolis.

Antiphona ad Communionem Matth. 4, 19-20 Venite post me: faciam vos fieri piscatores hominum: at illi continuo, relictis retibus, secuti sunt Dominum.

Postcommunio

Sumpsimus, Domine, divina mysteria, beati Andreae Apostoli festivitate laetantes: quæ, sicut tuis Sanctis ad gloriam, ita nobis, quaesumus, ad veniam prodèsse perficias. Per Dominum.

Et, in Adventu, fit commemoratio feriae 397.

¶ **In Missis votivis post Septuagesimam omnia dicuntur ut supra, sed post graduale, omissis Allelúia, et versu sequenti, dicitur tractus Desiderium ex Missa Stautuit, de Communi unius Martyris i loco (4).**

Tempore autem paschali, antiphonæ ad Introitum et ad Offertorium sumuntur ex Missa Protexisti, de Communi Martyrum 1 loco (12), reliqua dicuntur ut supra; sed post Epistolam omititur graduale, et eius loco dicitur:

Allelúia, allelúia. **V.** Diléxit Andréam Dóminus in odórem suavitátis. Allelúia. **V.** Ps. 20, 4 Posuisti, Dómine, super caput eius coronam de lapide pretioso. Allelúia.

FESTA DECEMBRIS

Die 2 decembris

S. BIBIANÆ VIRG. ET MART.

III classis

Missa Me exspectavérunt, de Communi Virginum 2 loco (25), cum orationibus ut infra:

Oratio

Deus, ómnium largítor bonórum, qui in fámula tua Bibiána cum virginitátis flore martyrii palmam coniunxisti: mentes nostras eius intercessióne tibi caritate coniúge; ut, amótis perículis, præmia consequámur æténa. Per Dóminum.

Et, in Adventu, fit commemoratio feriæ 397.

Secreta

Hóstias tibi, Dómine, beátæ Bibiánæ Virginitatis et Mátyris tuæ dicátas méritis, benígnus assúme: et ad perpétuum nobis tríbue proveníre subsidium. Per Dóminum.

Et, in Adventu, fit commemoratio feriæ 397.

Postcommunio

Divíni múnere largitáte satiáti, quásumus, Dómine Deus noster: ut, intercedente beáta Bibiána Virgine et Mátyre tua, in eius sem-

per participatióne vivámus. Per Dóminum.

Et, in Adventu, fit commemoratio feriæ 397.

Die 3 decembris

S. FRANCISCI XAVERII CONF.

III classis

Antiphona ad Introitum

Ps. 118, 46-47

Loquebar de testimoniis tuis in conspéctu regum, et non confundébar: et meditábar in mandátis tuis, quæ diléxi nimis. Ps. 116, 1-2 Laudáte Dóminum, omnes gentes, laudáte eum, omnes pópuli: quóniam confirmáta est super nos misericórdia eius, et veritas Dómini manet in ætérnum. **V.** Glória Patri.

Oratio

Deus, qui Indiárum gentes beáti Francisci prædicatióne et miraculis Ecclésiæ tuæ aggregáre voluisti: concéde propítius; ut, cuius gloriósa mérita venerámur, virtutum quoque imitémur exémpa. Per Dóminum.

Et fit commemoratio feriæ 397.

Léctio Epístolæ beáti Pauli Apóstoli ad Romános.

Rom. 10, 10-18

Fratres: Corde enim créditur ad iustítiam: ore autem confessio fit ad salútem. Dicit enim Scriptúra: Omnis, qui credit in illum, non confundétur. Non enim est distíctio Iudæi, et Græci: nam idem Dóminus ómnium, dives in omnes, qui invocant illum. Omnis enim, quicumque invocáverit nomen Dómini, salvus erit. Quómodo ergo invocábunt, in quem non crediderunt? Aut quómodo credent ei, quem non audierunt? Quómodo autem áudient sine prædicánte? Quómodo vero prædicábunt, nisi

mittantur? sicut scriptum est: Quam speciosi pedes evangelizantium pacem, evangelizantium bona! Sed non omnes obediunt Evangelio. Isaías enim dicit: Dómine, quis credidit auditui nostro? Ergo fides ex auditu, auditus autem per verbum Christi. Sed dico: Numquid non audierunt? Et quidem in omnem terram exivit sonus eorum, et in fines orbis terræ verba eorum.

Graduale Ps. 91, 13 et 14 Iustus ut palma florébit: sicut cedrus Libani multiplicabitur in domo Dómini. **V. Ibid., 3** Ad annuntiandum mane misericórdiam tuam, et veritatem tuam per noctem.

Allelúia, allelúia. **V. Iac. 1, 12** Beátus vir, qui suffert tentationem: quóniam cum probátus fúerit, accipiet corónam vitæ. Allelúia.

✠ Sequéntia sancti Evangélíi secúndum Marcum.

Marc. 16, 15-18

In illo témpore: Dixit Iesus discipulis suis: Eúntes in mundum univérsum, prædicáte Evangelium omni creatúræ. Qui crediderit, et baptizátus fúerit, salvus erit: qui vero non crediderit, condemnábitur. Signa autem eos, qui crediderint, hæc sequéntur: In nómine meo dæmónia eicient: linguis loquéntur novis: serpéntes tollent: et si mortíferum quid bíberint, non eis nocébit: super ægros manus impónent, et bene habébunt.

Antiphona ad Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu eius.

Secreta

Præsta nobis, quæsumus, omnipotens Deus: ut nostræ humilitátis oblátio, et pro tuórum tibi grata sit honóre Sanctorum, et nos corpore páriter et mente puríficet. Per Dóminum.

Et fit commemoratio feriæ 397.

Antiphona ad Communionem Matth. 24, 46-47 Beátus servus, quem, cum vénerit Dóminus, invenerit vigilátem: amen dico vobis, super ómnia bona sua constituet eum.

Postcommunio

Quæsumus, omnipotens Deus: ut, qui cælestia aliménta percépimus, intercedente beáto Francisco Confessóre tuo, per hæc contra ómnia advérsa muniámur. Per Dóminum.

Et fit commemoratio feriæ 397.

Die 4 decembris

S. PETRI CHRYSOLOGI
EP., CONF. ET ECCL. DOCT.

III classis

Antiphona ad Introitum

Eccli 15, 5

In médio Ecclésiæ aperuit os eius: et implévit eum Dóminus spíritu sapiéntiæ et intelléctus: stolam glóriæ induit eum. **Ps. 91, 2** Bonum est confitéri Dómino: et psállere nómini tuo, Altíssime. **V. Glória Patri.**

Oratio

Deus, qui beátum Petrum Chrysologum Doctórem egrégium, divínitus præmonstrátum, ad regéndam et instruéndam Ecclésiám tuam éligi voluísti: præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Et fit commemoratio feriæ 397.

Deinde commemoratio S. Barbaræ Virg. et Mart.:

Oratio

C

Deus, qui inter cétera poténtiæ tuæ miracula étiam in sexu fragili victóriam martýrii contulísti: concéde propítius; ut, qui

beátæ Bárbaræ Vírginis et Mártyris tuæ natalícia cólimus, per eius ad te exémpa gradiámur. Per Dóminum.

Léctio Epístolæ beáti Pauli Apóstoli ad Timótheum.

2 Tim. 4, 1-8

Carissime: Testíficor coram Deo, et Iesu Christo, qui iudicatúrus est vivos et mórtuos, per advéntum ipsíus, et regnum eius: prædica verbum, insta opportúne, importúne: árgue, óbseca, increpa in omni paciéntia, et doctrína. Érit enim tempus cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritate quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim iam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustitiæ, quam reddet mihi Dóminus in illa die, iustus iudex: non solum autem mihi, sed et iis, qui diligunt advéntum eius.

Graduale Eccli. 44, 16 Ecce sacerdos magnus, qui in diébus suis plácuit Deo. **V. Ibid., 20** Non est invéntus símilis illi, qui conserváret legem Excélsi.

Allelúia, allelúia. **V. Ps. 109, 4** Tu es sacerdos in ætérnum, secúndum órđinem Melchisedech. Allelúia.

✠ Sequéntia sancti Evangélíi secúndum Mattháeum.

Matth. 5, 13-19

In illo témpore: Dixit Iesus discipulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur

ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvere legem, aut prophétas: non veni sólvere, sed adimplére. Amen quippe dico vobis, donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium Ps. 91, 13 Iustus ut palma florébit: sicut cedrus, quæ in Líbano est, multiplicábitur.

Secreta

Sancti Petri Chrysólogi Pontíficis tui atque Doctóris nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtíneat. Per Dóminum.

Et fit commemoratio feriæ 397.

Pro S. Barbara

Secreta

C

Súscipe, Dómine, múnera, quæ in beátæ Bárbaræ Vírginis et Mártyris tuæ solemnitáte deférimus: cuius nos confidimus patrocínio liberári. Per Dóminum.

Antiphona ad Communionem Matth. 25, 20 et 21 Dómine, quinque talénta tradidísti mihi: ecce, ália quinque superlucrátus sum. Euge, serve bone, et fidélis, quia in pauca fuísti fidélis, supra multa te constitúam, intra in gáudium Dómini tui.

Postcommunio

Ut nobis, Dómine, tua sacrificia dent salutem: beátus Petrus Chrysólogus Póntifex tuus et Doctor egrégius, quæsumus, precátor accédât. Per Dóminum.

Et fit commemoratio feriæ 397.

Pro S. Barbara

Postcommunio C

Auxiliéntur nobis, Dómine, sumpta mystéria: et, intercedente beáta Bárbara Vírgine et Mártire tua, sempitérna fácient protectióne gaudére. Per Dóminum.

Eodem die 4 decembris

S. BARBARÆ VIRG. ET MART.

Commemoratio

Missa Loquébar, de Communi Virinum i loco (24).

Oratio C

Deus, qui inter cétera poténtiæ tuæ mirácula étiam in sexu frágili victóriam martýrii contulisti: concéde propítius; ut, qui beátæ Bárbaræ Vírginis et Mártiris tuæ natalícia cólimus, per eius ad te exémpa gradiámur. Per Dóminum.

Secreta C

Súscipe, Dómine, múnera, quæ in beátæ Bárbaræ Vírginis et Mártiris tuæ solemnitate deférimus: cuius nos confidimus patrocínio liberári. Per Dóminum.

Postcommunio C

Auxiliéntur nobis, Dómine, sumpta mystéria: et, intercedente beáta Bárbara Vírgine et Mártire tua, sempitérna fácient protectióne gaudére. Per Dóminum.

Die 5 decembris

S. SABBÆ ABBATIS

Commemoratio

Missa Os iusti, de Communi Abbatum (23), cum orationibus ut infra:

Oratio C

Intercéssio nos, quæsumus, Dómine, beáti Sabbæ Abbátis comméndet: ut, quod nostris méritis non valémus, eius patrocínio assequámur. Per Dóminum.

Secreta P

Sacris altáribus, Dómine, hóstias superpósitas sanctus Sabbas, quæsumus, in salutem nobis proveníre depóscat. Per Dóminum.

Postcommunio P

Próteget nos, Dómine, cum tui perceptióne sacraménti beátus Sabbas pro nobis intercedendo: ut et conversatiónis eius experiámur insígnia, et intercessiόνis percipiámus suffrágia. Per Dóminum.

Die 6 decembris

S. NICOLAI EP. ET CONF.

III classis

Antiphona ad Introitum

Eccli. 45, 30

Státuit ei Dóminus testaméntum pacis, et princípem fecit eum: ut sit illi sacerdotii dignitas in ætérnum. **Ps. 131, 1** Meménto, Dómine, David: et omnis mansuetudinis eius. **V.** Glória Patri.

Oratio

Deus, qui beátum Nicoláum Pontíficem innúmeris deco-rásti miráculis: tríbue, quæsumus; ut eius méritis et précibus a gehénnae incéndiis liberémur. Per Dóminum.

Et fit commemoratio feriæ 397.

Lectio Epistolæ beati Pauli Apostoli ad Hebræos. **Hebr. 13, 7-17**

Fratres: Mementôte præpositórum vestrórum, qui vobis locúti sunt verbum Dei: quorum intuéntes éxitum conversatiónis, imitámini fidem. Iesus Christus heri, et hódie: ipse et in sácula. Doctrínis váriis et peregrínis nolíte abdúci. Optimum est enim grátia stabilíre cor, non escis, quæ non profuérunt ambulántibus in eis. Habémus altáre, de quo édere non habent potestátem, qui tabernáculo deserviunt. Quorum enim animálium infértur sanguis pro peccáto in Sancta per pontíficem, horum córpora cremántur extra castra. Propter quod et Iesus, ut sanctificáret per suum sánguinem pópulum, extra portam passus est. Exeámus ígitur ad eum extra castra, impropérium eius portántes. Non enim habémus hic manéntem civitátem, sed futúram inquírimus. Per ipsum ergo offerámus hóstiam laudis semper Deo, id est, fructum labiórum confiténtium nómini eius. Beneficéntiæ autem, et communiónis nolíte oblivísci: tálibus enim hóstiis promerétur Deus. Obedíte præpósitis vestris, et subiacéte eis. Ipsi enim pervigilant, quasi ratióne pro animábus vestris redditúri.

Graduale Ps. 88, 21-23 Invéni David servum meum, óleo sancto meo unxi eum: manus enim mea auxiliábitur ei, et bráccium meum confortábit eum. **V.** Nihil proficiet inimícus in eo, et filius iniquitátis non nocébit ei.

Allelúia, allelúia. **V. Ps. 91, 13** Iustus ut palma florébit: sicut cedrus Líbani multiplicábitur. Allelúia.

✠ Sequéntia sancti Evangélíi secúndum Matthæum.

Matth. 25, 14-23

In illo témpore: Dixit Iesus discí-pulis suis parábolam hanc: homo

pégre proficiscens vocávit servos suos, et trádedit illis bona sua. Et uni dedit quinque talénta, álíi autem duo, álíi vero unum, unicuíque secúndum própriam virtútem, et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Simíliter et qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniám dómini sui. Post multum vero témporis venit dóminus servórum illórum, et pósuit ratióne cum eis. Et accédens qui quinque talénta accéperat, obtulit ália quinque talénta, dicens: Dómine, quinque talénta tradidísti mihi, ecce, ália quinque superlucrátus sum. Ait illi dóminus eius: Euge, serve bone, et fidélis, quia super pauca fuísti fidélis, super multa te constítuam: intra in gáudium dómini tui. Accéssit autem et qui duo talénta accéperat, et ait: Dómine, duo talénta tradidísti mihi, ecce, ália duo lucrátus sum. Ait illi dóminus eius: Euge, serve bone, et fidélis, quia super pauca fuísti fidélis, super multa te constítuam: intra in gáudium dómini tui.

Antiphona ad Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu eius.

Secreta

Sanctífica, quásumus, Dómine Deus, hæc múnera, quæ in solemnitáte sancti Antístitis tui Nicolái offerimus: ut per ea vita nostra inter advérsa et próspera ubique dirigáture. Per Dóminum.

Et fit commemoratio feriae 397.

Antiphona ad Communionem

Ps. 88, 36-38 Semel iurávi in sancto meo: semen eius in ætérnum manébit, et sedes eius sicut sol in conspéctu meo, et sicut luna perfécta in ætérnum, et testis in cælo fidélis.

Postcommunio

Sacrificia, quæ sumpsimus, Dómine, pro solemnitáte sancti Pontificis tui Nicolái, sempitérna nos protectióne consérvent. Per Dóminum.

Et fit commemoratio feriæ 397.

Die 7 decembris

S. AMBROSII
EP., CONF. ET ECCL. DOCT.

III classis**Antiphona ad Introitum**

Eccli. 15, 5

In médio Ecclésiæ apéruit os eius: et implévit eum Dóminus spírítu sapiéntiæ et intelléctus: stolam glóriæ índuit eum. **Ps. 91, 2** Bonum est confitéri Dómino: et psállere nómini tuo, Altíssime. **V. Glória Patri.**

Oratio

Deus, qui pópulo tuo æternæ salútis beátum Ambrósium mínistrum tribuísti: præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Et fit commemoratio feriæ 397.

Léctio Epístolæ beáti Pauli Apóstoli ad Timótheum. **2Tim. 4, 1-8**

Caríssime: Testíficor coram Deo, et Iesu Christo, qui iudicatúrus est vivos et mórtuos, per advéntum ipsíus, et regnum eius: prædica verbum, insta opportúne, importúne: árgue, óbseca, increpa in omni patiéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritáte quidem audítum avértent, ad fábulas autem converténtur. Tu vero vígila, in ómnibus labóra, opus fac Evangélistæ, ministérium tuum

imple. Sóbrius esto. Ego enim iam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiæ, quam reddet mihi Dóminus in illa die, iustus iudex: non solum autem mihi, sed et iis, qui díligunt advéntum eius.

Graduale Eccli. 44, 16 Ecce sacerdos magnus, qui in diébus suis plácuit Deo. **V. Ibid., 20** Non est invéntus símilis illi, qui conserváret legem Excélsi.

Allelúia, allelúia. **V. Ps. 109, 4** Iurávit Dóminus, et non pænitébit eum: Tu es sacerdos in ætérnum, secúndum órđinem Melchisedech. Allelúia.

✠ **Sequéntia sancti Evangélíi secúndum Matthæum.**

Matth. 5, 13-19

In illo témpore: Dixit Iesus discí-pulis suis: Vos estis sal terræ. Quod si sal evanúerit, in quo salié-tur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest cívitas abscóndi supra montem pósita. Neque accéndunt lucérnam, et ponunt eam sub mó-dio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvere legem, aut prophétas: non veni sólvere, sed adimplére. Amen quippe dico vobis, donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómínes, mínimus vocábitur in regno cæló-rum: qui autem fécerit, et docúerit, hic magnus vocábitur in regno cæ-lórum.

Antiphona ad Offertorium Ps. 88,
25 Véritas mea, et misericórdia mea
 cum ipso: et in nómine meo exal-
 tábitur cornu eius.

Secreta

Omnípotens sempitérne Deus,
 múnera tuæ maiestáti obláta,
 per intercessiónem beáti Ambrósii
 Confessóris tui atque Pontíficis, ad
 perpétuam nobis fac proveníre sa-
 lútem. Per Dóminum.

Et fit commemoratio feriae 397.

Antiphona ad Communionem

Ps. 88, 36-38 Semel iurávi in sancto
 meo: semen eius in ætérnum ma-
 nébit, et sedes eius sicut sol in con-
 spéctu meo, et sicut luna perfécta
 in ætérnum, et testis in cælo fidélis.

Postcommunio

Sacraménta salútis nostræ susci-
 piéntes, concéde, quæsumus,
 omnípotens Deus: ut beáti Am-
 brósii Confessóris tui atque Pon-
 tíficis, nos ubique orátio ádiuvet;
 in cuius veneratióne hæc tuæ obtú-
 limus maiestáti. Per Dóminum.

Et fit commemoratio feriae 397.

Die 8 decembris

IN CONCEPTIONE IMMACULATA BEATÆ Mariæ Virginis

I classis

Antiphona ad Introitum

Isai. 61, 10

Gaudens gaudébo in Dómino,
 et exultábit ánima mea in
 Deo meo: quia índuit me
 vestiméntis salútis: et induménto
 iustítiæ circúmdedit me, quasi
 sponsam ornátam monílibus suis.
Ps. 29, 2 Exaltábo te, Dómine, quó-
 niam suscepísti me: nec delectásti
 inimícos meos super me. **¶** Glória
 Patri.

Oratio

Deus, qui per immaculátam Vír-
 ginis Conceptionem dignum
 Fílio tuo habitáculum præparásti:
 quæsumus; ut, qui ex morte eiús-
 dem Fílii tui prævísa, eam ab omni
 labe præservásti, nos quoque mun-
 dos eius intercessióne ad te perve-
 níre concédas. Per eúndem Dómi-
 num.

Et fit commemoratio feriae 397.

Lectio libri Sapientíæ.

Prov. 8, 22-35

Dóminus possédit me in inítio
 viárum suárum, ántequam
 quidquam fáceret a princípío. Ab

ætérno ordináta sum, et ex antíquis,
 ántequam terra fieret. Nondum
 erant abyssi, et ego iam concépta
 eram: necdum fontes aquárum erú-
 perant: necdum montes gravi mole
 constiterant: ante colles ego partu-
 riébar: adhuc terram non fécerat,
 et flúmina, et cárdines orbis terræ.
 Quando præparábat cælos, áderam:
 quando certa lege et gyro vallábat
 abyssos: quando æthera firmábat
 sursum, et librábat fontes aquá-
 rum: quando circúmdabat mari tér-
 minum suum, et legem ponébat
 aquis, ne transírent fines suos:
 quando appendébat fundaménta
 terræ. Cum eo eram cuncta com-
 pónens: et delectábar per singulos
 dies, ludens coram eo omni témpo-
 re: ludens in orbe terrárum: et
 deliciæ meæ esse cum fíliis hómi-
 num. Nunc ergo, filii, audíte me:
 Beáti, qui custódiunt vias meas.
 Audíte disciplínam, et estóte sa-
 piéntes, et nolíte abícere eam. Beá-
 tus homo, qui audit me, et qui
 vigilat ad fores meas quotidie, et
 obsérvat ad postes óstii mei. Qui
 me invénerit, invéniet vitam, et
 háuriet salútem a Dómino.

Graduale Iudith 13, 23 Benedícta es tu, Virgo María, a Dómino Deo excélso, præ ómnibus muliéribus super terram. **V. Ibid. 15, 10** Tu glória Ierúsalem, tu lætítia Israël, tu honorificéntia pópuli nostri.

Allelúia, allelúia. **V. Cant. 4, 7** Tota pulchra es, María: et mácula originális non est in te. Allelúia.

¶ **In Missis votivis post Septuagesimam, omissis Allelúia, et versu sequenti, dicitur**

Tractus Ps. 86, 1-2 Fundaménta eius in móntibus sanctis: díligit Dóminus portas Sion super ómnia tabernácula Iacob. **V. Ibid., 3** Gloriósa dicta sunt de te, cívitas Dei. **V. Ibid., 5** Homo natus est in ea, et ipse fundávit eam Altís-simus.

Tempore autem paschali omit-titur graduale, et eius loco dicitur:

Allelúia, allelúia. **V. Iudith 15, 10** Tu glória Ierúsalem, tu lætítia Israël, tu honorificéntia pópuli nostri. Allelúia. **V. Cant. 4, 7** Tota pulchra es, María: et mácula originális non est in te. Allelúia.

✠ **Sequéntia sancti Evangélíi se-cúndum Lucam.**

Luc. 1, 26-28

In illo témpore: Missus est Angelus Gábriel a Deo in civitátem Galilææ, cui nomen Názareth, ad Virginem desponsátam viro, cui nomen erat Ioseph, de domo David, et nomen Virgínis María. Et ingressus Angelus ad eam, dixit: Ave, grátia plena: Dóminus tecum: benedícta tu in muliéribus.

Credo.

¶ **In Missis votivis post Septuagesimam, in fine sequentis antiphonæ Allelúia omittitur.**

Antiphona ad Offertorium Luc. 1, 28 Ave, María, grátia plena: Dóminus tecum: benedícta tu in muliéribus, allelúia.

Secreta

Salutárem hóstiam, quam in solemnitáte immaculátæ Conceptionis beátæ Virgínis Mariæ tibi, Dómine, offérimus, súscipe et præsta: ut, sicut illam tua grátia præveniente ab omni labe immúnem profitémur; ita eius intercessióne a culpis ómnibus liberémur. Per Dóminum.

Et fit commemoratio feriæ 397.

¶ **Præfatio de B. Maria Virg** Et te in Conceptione immaculáta.

Antiphona ad Communionem Gloriósa dicta sunt de te, María: quia fecit tibi magna qui potens est.

Postcommunio

Sacraménta quæ súmpsimus, Dómine Deus noster, illíus in nobis culpæ vúlnera réparent; a qua immaculátam beátæ Mariæ Conceptionem singuláriter præservásti. Per Dóminum.

Et fit commemoratio feriæ 397.

Die 10 decembris

S. MELCHIADIS PAPÆ ET MART.

Commemoratio

Missa Si díligis me, de Communi unius aut plurium Summorum Pontificum (1).

Oratio C I

Gregem tuum, Pastor ætérne, placátus inténde: et per beátum Melchiádem Mártyrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Secreta C I

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubique succéssus, et grati fiant nómini tuo, te gubernánte, pastóres. Per Dóminum.

Postcommunio C I

Refectiōne sancta enutrītā guberna, quāsumus, Dōmine, tuam placātus Ecclēsiā: ut potēti moderatiōne dirēcta, et incrementa libertātis accipiat; et in religiōnis integritate persistat. Per Dōminum.

Die 11 decembris

S. DAMASI I PAPÆ ET CONF.

III classis

Missa Si dīligis me, **de Communi unius aut plurium Summorum Pontificum** (1).

Oratio C I

Gregem tuum, Pastor ætérne, placātus intēde: et per beatum Dāmasum Summum Pontificem perpētua protectiōne custōdi: quem totius Ecclēsiæ præstitisti esse pastōrem. Per Dōminum.

Et fit commemoratio feriæ 397.

Secreta C I

Oblātis munéribus, quāsumus, Dōmine, Ecclēsiā tuam benīgus illūmina: ut, et gregis tui proficiat ubique succēsus, et grati fiant nōmini tuo, te gubernānte, pastōres. Per Dōminum.

Et fit commemoratio feriæ 397.

Postcommunio C I

Refectiōne sancta enutrītā guberna, quāsumus, Dōmine, tuam placātus Ecclēsiā, ut potēti moderatiōne dirēcta, et incrementa libertātis accipiat; et in religiōnis integritate persistat. Per Dōminum.

Et fit commemoratio feriæ 397.

Die 13 decembris

S. LUCIÆ VIRG. ET MART.

III classis**Antiphona ad Introitum**

Ps. 44, 8

Dilexisti iustitiam, et odisti iniquitatem: propterea unxit te Deus, Deus tuus, oleo

lætitiæ præ consórtibus tuis. **Ps. ibid., 2** Eructavit cor meum verbum bonum: dico ego ópera mea Regi. **V.** Glória Patri.

Oratio

Exaudi nos, Deus, salutáris noster: ut, sicut de beatæ Lúciæ Virgīnis et Mátyris tuæ festivitáte gaudēmus; ita piæ devotiōnis erudiāmur affēctu. Per Dōminum.

Et fit commemoratio feriæ 397.

Lectio Epístolæ beāti Pauli Apóstoli ad Corínthios.

2 Cor. 10, 17-18; 11, 1-2

Fratres: Qui gloriátur, in Dōmino gloriétur. Non enim qui seipsum commēdat, ille probátus est: sed quem Deus commēdat. Utinam sustinerétis módicum quid insipiētiæ meæ, sed et supportáte me: æmulor enim vos Dei æmulatione. Despōndi enim vos uni viro virgīnem castam exhibére Christo.

Graduale Ps. 44, 8 Dilexisti iustitiam, et odisti iniquitatem. **V.** Propterea unxit te Deus, Deus tuus, oleo lætitiæ.

Allelúia, allelúia. **V.** **Ibid., 3** Diffúsa est grátia in lábiis tuis: propterea benedíxit te Deus in ætérnum. Allelúia.

¶ In Missis votivis, post Septuagesimam tractus, et tempore paschali Allelúia cum suis versibus, ex Missa Dilexisti, de Comuni Virginum 3 loco (28).

✠ Sequéntia sancti Evangélii secúndum Matthæum.

Matth. 13, 44-52

In illo témpore: Dixit Iesus discipulis suis parábolam hanc: Símile est regnum cælórum thesauro abscóndito in agro: quem qui invénit homo, abscóndit, et præ gáudio illius vadit, et vendit univérsa, quæ habet, et emit agrum illum. Iterum símile est regnum cælórum

hómini negotiatóri, quærénti bonas margarítas. Invénta autem una pretiósa margaríta, ábiit, et vëndidit ómnia, quæ hábuit, et emit eam. Iterum símile est regnum cælórum sagénæ missæ in mare, et ex omni génere píscium congregánti. Quam, cum impléta esset, educétes, et secus littus sedéntes, elegérunt bonos in vasa, malos autem foras misérunt. Sic erit in consummatione sáculi: exíbunt Angeli, et separábunt malos de médio iustórum, et mittent eos in camínium ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scribe doctus in regno cælórum símilis est hómini patrifamílias, qui profert de thesáuro suo nova et vétera.

Antiphona ad Offertorium Ps. 44, 15 et 16 Afferéntur Regi vírgines post eam: próximæ eius afferéntur tibi in lætítia, et exsultatióne: adducéntur in templum Regi Dómino.

Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliúm. Per Dóminum.

Et fit commemoratio feriæ 397.

Antiphona ad Communionem Ps. 118, 161-162 Príncipes persecúti sunt me gratis, et a verbis tuis formidávit cor meum: lætábor ego

super elóquia tua, quasi qui invénit spólia multa.

Postcommunio

Satiásti, Dómine, famíliam tuam munéribus sacris: eius quæsumus, semper interventióne nos réfove, cuius solémnia celebrámus. Per Dóminum.

Et fit commemoratio feriæ 397.

Die 16 decembris

S. EUSEBII EP. ET MART.

III classis

Missa Sacerdótes Dei, **de Comuni unius Martyris 2 loco (4).**

Oratio

C

Deus, qui nos beáti Eusépii Mátyris tui atque Pontíficis ánnua solemnitáte lætíficas: concede propítius; ut, cuius natalícia cólimus, de eiúsdem étiam protectióne gaudeámus. Per Dóminum.

Et fit commemoratio feriæ 397.

Secreta

C

Múnera tibi, Dómine, dicáta sanctífica: et, intercedénte beáto Eusébio Mátyre tuo atque Pontífice, per éadem nos placátus inténde. Per Dóminum.

Et fit commemoratio feriæ 397.

Postcommunio

C

Hæc nos commúnio, Dómine, purget a crimine: et, intercedénte beáto Eusébio Mátyre tuo atque Pontífice, cæléstis remédii fáciat esse consórtes. Per Dóminum.

Et fit commemoratio feriæ 397.

Die 21 decembris

S. THOMÆ APOSTOLI

II classis

Antiphona ad Introitum

Ps. 138, 17

Mihi autem nimis honorāti sunt amici tui, Deus: nimis confortātus est principātus eórum. **Ps. ibid., 1-2** Dómine, probásti me, et cognovísti me: tu cognovísti sessiōnem meam, et resurrectionem meam. **℣.** Glória Patri.

Oratio

Da nobis, quæsumus, Dómine, beāti Apóstoli tui Thomæ solemnitatibus gloriári: ut eius semper et patrocíniis sublevémur; et fidem cōgrua devotiōne sectémur. Per Dóminum.

Et fit commemoratio feriae 397.

Lectio Epístolæ beāti Pauli Apóstoli ad Ephésios.

Ephes. 2, 19-22

Fratres: Iam non estis hóspites, et ádvenæ: sed estis cives sanctorum, et doméstici Dei: superædificāti super fundaméntum Apostolorum, et Prophetarum, ipso summo angulári lápide Christo Iesu: in quo omnis ædificatio constrúcta crescit in templum sanctum in Dómino, in quo et vos coædificámini in habitáculum Dei in Spíritu.

Graduale Ps. 138, 17-18 Nimis honorāti sunt amici tui, Deus: nimis confortātus est principātus eórum. **℣.** Dinumerábo eos, et super arénam multiplicabúntur.

Allelúia, allelúia. **℣. Ps. 32, 1** Gaudeíte, iusti, in Dómino: rectos decet collaudátio. Allelúia.

✠ Sequéntia sancti Evangélii secundum Ioánnem.

Ioann. 20, 24-29

In illo témpore: Thomas, unus ex duódecim, qui dicitur Dídy-mus, non erat cum eis, quando venit Iesus. Dixérunt ergo ei álii discípuli: Vídimus Dóminum. Ille autem dixit eis: Nisi vídero in má-nibus eius fixúram clavórum, et mittam dígitum meum in locum clavórum, et mittam manum meam in latus eius, non credam. Et post dies octo, íterum erant discípuli eius intus, et Thomas cum eis. Venit Iesus iánuis clausis, et stetit in médio, et dixit: Pax vobis. Deínde dicit Thomæ: Infer dígitum tuum huc, et vide manus meas, et affer manum tuam, et mitte in latus meum: et noli esse incrédulus, sed fidélis. Respóndit Thomas, et dixit ei: Dóminus meus, et Deus meus. Dixit ei Iesus: Quia vidísti me, Thoma, credidísti: beāti qui non vidérunt, et credidérunt.

Credo.

Antiphona ad Offertorium Ps. 18,

5 In omnem terram exívit sonus eórum: et in fines orbis terræ verba eórum.

Secreta

Débitum tibi, Dómine, nostræ réddimus servitútis, suppliciter exorántes: ut, suffrágiis beāti Thomæ Apóstoli, in nobis tua múnera tueáris, cuius honoránda confessiōne laudis tibi hóstias immolámus. Per Dóminum.

Et fit commemoratio feriae 397.

Præfatio de Apostolis.

Antiphona ad Communionem
Ioann. 20, 27 Mitte manum tuam,
 et cognosce loca clavórum: et noli
 esse incrédulus, sed fidélis.

Postcommunio

Adésto nobis, miséricors Deus:
 et intercedénte pro nobis
 beáto Thoma Apóstolo, tua circa
 nos propitiátus dona custódi. Per
 Dóminum.

Et fit commemoratio feriæ 397.

¶ In Missis votivis post Sep-
tuagesimam omnia dicuntur ut
supra, sed post graduale, omis-
sis Allelúia, et versu sequenti,
dicatur tractus Desidérium, ex
Missa Státuit, de Communi unius
Martyris 1 loco (4).

Tempore autem paschali an-
tiphonæ ad Introitum et ad Offer-
torium sumuntur ex Missa Pro-
texísti, de Communi Martyrum
1 loco (12), reliqua dicuntur ut
supra, sed post Epistolam omit-
titur graduale, et eius loco dici-
tur:

Allelúia, allelúia. V. Ps. 32, 1
Gaudéte, iusti, in Dómino: rectos
deceat collaudátio. Allelúia. V. Ps.
88, 6 Confitebúntur cæli mirabília
 tua, Dómine: étenim veritátem
 tuam in ecclésia sanctórum. Alle-
 lúia.

FESTA IANUARI

post tempus Epiphaniæ
occurentia

Die 14 ianuarii

S. HILARII

EP., CONF. ET ECCL. DOCT.

III classis

Missa In médio, de Communi
Doctorum (19).

Oratio

C

Deus, qui pópulo tuo æternæ
 salútis beátum Hilárium mi-
 nístrum tribuísti: præsta, quæsu-

mus; ut, quem Doctórem vitæ ha-
 búimus in terris, intercessórem
 habére mereámur in cælis. Per Dó-
 minum.

Et fit commemoratio S. Felicis
Presbyteri et Mart.:

Oratio

P

Concède, quæsumus, omnípo-
 tens Deus: ut ad meliorem
 vitam Sanctórum tuórum exem-
 pla nos próvocent; quátenus, quo-
 rum solémnia ágimus, étiam
 actus imitémur. Per Dóminum.

Secreta

C 1

Sancti Hiláarii Pontíficis tui atque
 Doctóris nobis, Dómine, pia non
 desit orátio: quæ et múnera nostra
 concíliet; et tuam nobis indulgén-
 tiam semper obtíneat. Per Dómi-
 num.

Pro S. Felice

Secreta

P

Hóstias tibi, Dómine, beáti
 Felícis Mártyris tui dicátas
 méritis, benígnus assúme: et ad
 perpétuum nobis tribue prove-
 níre subsidium. Per Dóminum.

Postcommunio

C 1

Ut nobis, Dómine, tua sacrificia
 dent salútem: beátus Hilárius
 Póntifex tuus et Doctor egrégius,
 quæsumus, precátor accédát. Per
 Dóminum.

Pro S. Felice

Postcommunio

P

Quæsumus, Dómine, salutári-
 bus repléti mystériis: ut,
 beáti Felícis Mártyris tui, cuius
 solémnia celebrámus, oratióni-
 bus adiuvémur. Per Dóminum.

Eodem die 14 ianuarii

S. FELICIS

PRESBYTERI ET MARTYRIS

Commemoratio

Missa Lætábitur, de Communi
unius Martyris 4 loco (6), cum
orationibus ut infra:

Oratio

Concède, quæsumus, omnipotens Deus: ut ad meliorem vitam Sanctorum tuorum exempla nos provocent; quatenus, quorum sollemnia ágimus, étiam actus imitémur. Per Dóminum.

Secreta

Hóstias tibi, Dómine, beáti Felícis Mártiris tui dicátas méritis, benígnus assúme: et ad perpétuum nobis tríbue proveníre subsidium. Per Dóminum.

Postcommunio

Quæsumus, Dómine, salutáribus repléti mystériis: ut, beáti Felícis Mártiris tui, cuius sollemnia celebrámus, oratióibus adiuvémur. Per Dóminum.

Die 15 ianuarii

S. PAULI PRIMI EREMITÆ,
CONFESSORIS

III classis

Antiphona ad Introitum

Ps. 91, 13-14

Iustus ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. **Ps. ibid., 2** Bonum est confitéri Dómino: et psállere nómini tuo, Altíssime. **V.** Glória Patri.

Oratio

Deus, qui nos beáti Pauli Confessoris tui ánnua solemnitate lætíficas: concède propítius; ut, cuius natalícia cólimus, étiam actiões imitémur. Per Dóminum.

Et fit commemoratio S. Mauri Abbatis:

Oratio

Intercéssio nos, quæsumus, Dómine, beáti Mauri Abbátis comméndet: ut, quod nostris méritis non valémus, eius patrocínio assequámur. Per Dóminum.

Léctio Epístolæ beáti Pauli Apóstoli ad Philippenses.

Philipp. 3, 7-12

Fratres: Quæ mihi fuérunt lucra, hæc arbitrátus sum propter Christum detriménta. Verúmtamen exístimo ómnia detriméntum esse, propter eminentem sciéntiam Iesu Christi Dómini mei: propter quem ómnia detriméntum feci, et árbitror ut stércora, ut Christum lucrifáciam, et invéniam in illo, non habens meam iustítiam, quæ ex lege est, sed illam, quæ ex fide est Christi Iesu: quæ ex Deo est iustítia in fide, ad cognoscéndum illum, et virtútem resurrectionis eius, et societátem passiónum illíus: configurátus morti eius: si quo modo occurrám ad resurrectionem, quæ est ex mórtuis. Non quod iam accéperim, aut iam perféctus sim: sequor autem, si quo modo comprehendám, in quo et comprehénsus sum a Christo Iesu.

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **V. Osee 14, 6** Iustus germinábit sicut lílium: et florébit in ætérnum ante Dóminum. Allelúia.

✠ Sequéntia sancti Evangélíi secúndum Matthæum.

Matth. 11, 25-30

In illo témpore: Respóndens Iesus, dixit: Confíteor tibi, Pater, Dómine cæli et terræ, quia abscondísti hæc a sapiéntibus et prudentibus, et revelásti ea párvulis. Ita Pater: quóniam sic fuit plácitum ante te. Omnia mihi trádita sunt a Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me, omnes, qui

laborátis, et oneráti estis, et ego reficiam vos. Tóllite iugum meum super vos, et díscite a me, quia mitis sum, et húmilis corde: et inveniétis réquiem animábus vestris. Iugum enim meum suáve est, et onus meum leve.

Antiphona ad Offertorium Ps. 20, 2-3 In virtúte tua, Dómine, lætábitur iustus, et super salutáre tuum exsultábit veheménter: desidérium ánimæ eius tribuísti ei.

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus, et futúris. Per Dóminum.

Pro S. Mauro

Secreta

C

Sacris altáribus, Dómine, hóstias superpósitas sanctus Maurus Abbas, quæsumus, in salutem nobis proveníre depóscat. Per Dóminum.

Antiphona ad Communionem Ps. 63, 11 Lætábitur iustus in Dómino, et sperábit in eo: et laudabúntur omnes recti corde.

Postcommunio

Refécti cibo potúque cælésti, Deus noster, te súpplīces exorámus: ut, in cuius hęc commemoratióne percépimus, eius muniámur et précibus. Per Dóminum.

Pro S. Mauro

Postcommunio

C

Próteget nos, Dómine, cum tui perceptiόne sacraménti beátus Maurus Abbas, pro nobis intercedéndo: ut et conversatiόnis eius experiámur insígnia, et intercessiόnis percipiámus suffrágia. Per Dóminum.

Eodem die 15 ianuarii

S. MAURI ABBATIS

Commemoratio

Missa Os iusti, **de Communi Abbatum** (23).

Oratio

C

Intercéssio nos, quæsumus, Dómine, beáti Mauri Abbátis comméndet: ut, quod nostris méritis non valémus, eius patrocínio assequámur. Per Dóminum.

Secreta

C

Sacris altáribus, Dómine, hóstias superpósitas sanctus Maurus Abbas, quæsumus, in salutem nobis proveníre depóscat. Per Dóminum.

Postcommunio

C

Próteget nos, Dómine, cum tui perceptiόne sacraménti beátus Maurus Abbas, pro nobis intercedéndo: ut et conversatiόnis eius experiámur insígnia, et intercessiόnis percipiámus suffrágia. Per Dóminum.

Die 16 ianuarii

S. MARCELLI I PAPÆ ET MART.

III classis

Missa Si díligis me, **de Communi unius aut plurium Summorum Pontificum** (1), **cum orationibus ut infra:**

Oratio

P

Preces pópuli tui, quæsumus, Dómine, cleménter exáudi: ut beáti Marcélli Mártyris tui atque Pontíficis méritis adiuvémur, cuius passiόne lætámur. Per Dóminum.

Secreta

C 1

Oblátis munéribus, quæsumus, Dómine, Ecclésiám tuám benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio C I

Refectiōne sancta enutrītā guberna, quāsumus, Dōmine, tuam placātus Ecclēsiā: ut potēti moderatiōne dirēcta, et incrementa libertātis accipiat; et in religiōnis integritate persistat. Per Dōminum.

Die 17 ianuarii

S. ANTONII ABBATIS

III classis**Antiphona ad Introitum****Ps. 36, 30 et 31**

Os iusti meditābitur sapiētiā, et lingua eius loquētur iudiciū: lex Dei eius in corde ipsius. **Ps. ibid., 1** Noli æmulāri in malignātibz: neque zelāveris faciētes iniquitatem. **V. Glōria Patri.**

Oratio

Intercēssio nos, quāsumus, Dōmine, beāti Antōnii Abbātis commēdet: ut quod nostris mēritis non valēmus, eius patrocīnio assequāmur. Per Dōminum.

Lectio libri Sapiētiæ.

Eccli. 45, 1-6

Dilēctus Deo et hominibus, cuius memōria in benedictiōne est. Sīmilem illum fecit in glōria sanctorum, et magnificāvit eum in timōre inimicōrum, et in verbis suis monstra placāvit. Glorificāvit illum in conspēctu regum, et iussit illi coram pōpulo suo, et ostēdit illi glōriā suā. In fide et lenitate ipsius sanctum fecit illum, et elegit eum ex omni carne. Audīvit enim eum et vocem ipsius, et indūxit illum in nubem. Et dedit illi coram præcepta, et legem vitæ et disciplinæ.

Graduale Ps. 20, 4-5 Dōmine, prævenisti eum in benedictionibus dulcedinis: posuisti in capite eius

coronam de lapide pretioso. **V. Vitam petiit a te, et tribuisti ei longitūdinem dierum in sæculum sæculi.**

Allelūia, allelūia. V. Ps. 91, 13 Iustus ut palma florēbit: sicut cedrus Libani multiplicābitur. **Allelūia.**

✠ Sequēntia sancti Evangēlii secundum Lucam.

Luc. 12, 35-40

In illo tēpore: Dixit Iesus discipulis suis: Sint lumbi vestri præcincti, et lucernæ ardētes in manibus vestris, et vos sīmiles hominibus expectantibus dōminum suum, quando revertātur a nūptiis: ut, cum vēnerit, et pulsāverit, confestim apēriant ei. Beāti servi illi, quos, cum vēnerit dōminus, invēnerit vigilātes: amen dico vobis, quod præcinget se, et faciet illos discumbere, et trāsiens ministrābit illis. Et si vēnerit in secūda vigilia, et si in tertia vigilia vēnerit, et ita invēnerit, beāti sunt servi illi. Hoc autem scitōte, quōniam si sciret paterfamilias, qua hora fur veniret, vigilāret utique, et non sīneret perfodi domum suā. Et vos, estōte parāti: quia qua hora non putātis, Filius hominis veniet.

Antiphona ad Offertorium Ps. 20, 3 et 4 Desiderium animæ eius tribuisti ei, Dōmine, et voluntate labiorum eius non fraudasti eum: posuisti in capite eius coronam de lapide pretioso.

Secreta

Sacris altaribus, Dōmine, hōstias superpōsitas sanctus Antōnius Abbas, quāsumus, in salutem nobis provenire depōscat. Per Dōminum.

Antiphona ad Communionem Luc. 12, 42 Fidēlis servus et prudens, quem constituit Dōminus super familiam suā: ut det illis in tēpore tritici mensuram.

Postcommunio

Prótegat nos, Dómine, cum tui perceptiōne sacraménti beátus Antónius Abbas, pro nobis intercedéndo: ut et conversatiōnis eius experiámur insígnia, et intercessiōnis percipiámus suffrágia. Per Dóminum.

Die 18 ianuarii

S. PRISCÆ VIRG. ET MART.

Commemoratio

Missa Me expectavérunt, **de Communi Virginum 2 loco** (25), cum orationibus ut infra:

Oratio

P

Da, quæsumus, omnípotens Deus: ut, qui beátæ Priscæ Virginitis et Mártiris tuæ natalícia cólimus; et ánnua solemnitáte lætémur, et tantæ fidei proficiámus exémplo. Per Dóminum.

Secreta

P

Hæc hóstia, quæsumus, Dómine, quam Sanctórum tuórum natalícia recenséntes offérimus, et víncula nostræ pravitatís absólvat, et tuæ nobis misericórdiæ dona concíliet. Per Dóminum.

Postcommunio

P

Quæsumus, Dómine, salutáribus repléti mystériis: ut, cuius solémnia celebrámus, eius oratiōnibus adiuvémur. Per Dóminum.

Die 19 ianuarii

SS. MARII, MARTHÆ,
AUDIFACIS ET ABACHUM
MARTYRUM

Commemoratio

Antiphona ad Introitum

Ps. 67, 4

Iusti epuléntur, et exsúltent in conspéctu Dei, et delecténtur in lætítia. **Ps. ibid., 2** Exsúrgat Deus, et dissipéntur inimíci eius: et fúgiant qui odérunt eum, a fácie eius. **℣.** Glória Patri.

Oratio

Exáudi, Dómine, pópulum tuum cum Sanctórum tuórum patrocinio supplicátem: ut et temporális vitæ nos tríbuas pace gaudére, et æternæ reperíre subsidium. Per Dóminum.

Deinde commemoratio S. Canuti Regis, Martyris:

Oratio

P

Deus, qui ad illustrándam Ecclésiám tuam beátum Canútum regem martýrii palma et gloriósis miráculis decoráre dignátus es: concéde propítius; ut, sicut ipse Domínicæ passiōnis imitátor fuit, ita nos per eius vestigia gradiétes, ad gáudia sempitérna perveníre mereámur. Per eúndem Dóminum.

Léctio Epístolæ beáti Pauli Apóstoli ad Hebræos.

Hebr. 10, 32-38

Fratres: Rememorámini prístinos dies, in quibus illumináti, magnum certámen sustinuístis passiōnum: et in áltero quidem opprobriis, et tribulatiōnibus spectáculum facti: in áltero autem sócii táliter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliorem, et manéntem substántiam. Nolíte itaque amittere confidéntiam vestram, quæ magnam habet remuneratiōnem. Patiéntia enim vobis necessária est: ut voluntátem Dei faciéntes, reportétis promissiōnem. Adhuc enim módicum aliquántulum, qui ventúrus est, véniet, et non tardábit. Iustus autem meus ex fide vivit.

Graduale Sap. 3, 1, 2 et 3 Iustórum animæ in manu Dei sunt: et non tanget illos torméntum malitiæ. **℣.** Visi sunt óculis insipiéntium mori: illi autem sunt in pace.

Allelúia, allelúia. **℣.** Ps. 67, 36

Mirabilis Deus noster in sanctis suis. Allelúia.

Post Septuagesimam, omissis Allelúia, et versu sequenti, dicitur

Tractus Ps. 125, 5-6 Qui séminant in lácrimis, in gáudio metent. **V.** Eúntes ibant, et flebant, mitténtes sémina sua. **V.** Veniéntes autem vénient cum exsultatióne, portántes manípulos suos.

✠ **Sequéntia sancti Evangélíi secúndum Mattháeum.**

Matth. 24, 3-13

In illo témpore: Sedénte Iesu super montem Olivéti, accessérunt ad eum discípuli secréto, dicéntes: Dic nobis, quando hæc erunt? et quod signum advéntus tui, et consummationis sáculi? Et respóndens Iesus, dixit eis: Vidéte, ne quis vos sedúcat. Multi enim vénient in nómine meo, dicéntes: Ego sum Christus: et multos sedúcent. Auditóri enim estis prælia, et opiniónes præliórum. Vidéte, ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum, et erunt pestiléntiæ, et fames, et terræmótus per loca. Hæc autem ómnia, inítia sunt dolórum. Tunc tradent vos in tribulatióne, et occídent vos: et éritis ódio ómnibus géntibus propter nomen meum. Et tunc scandalizabúntur multi, et ínvicem tradent, et ódio habébunt ínvicem. Et multi pseudoprophétæ surgent, et sedúcent multos. Et quóniam abundávit iníquitas, refrigescet caritas multórum. Qui autem perseveráverit usque in finem, hic salvus erit.

Antiphona ad Offertorium Ps. 123, 7 Anima nostra, sicut passer, erépta est de láqueo venántium: láqueus contrítus est, et nos liberáti sumus.

Secreta

Preces, Dómine, tuórum réspice, oblationésque fidélium: ut et

tibi gratæ sint pro tuórum festivitáte Sanctórum, et nobis cónferant tuæ propitiatiónis auxiliúm. Per Dóminum.

Deinde pro S. Canuto

Secreta **P**

Accépta sit in conspéctu tuo, Dómine, nostra devótio: et eius nobis fiat supplicatióne salutáris, pro cuius solemnitate defértur. Per Dóminum.

Antiphona ad Communionem

Luc. 12, 4 Dico autem vobis amícis meis: Ne terreámini ab his, qui vos persecúntur.

Postcommunio

Sanctórum tuórum, Dómine, intercessióne placátus: præsta, quæsumus; ut, quæ temporáli celebrámus actióne, perpétua salvatióne capiámus. Per Dóminum.

Deinde pro S. Canuto

Postcommunio **P**

Refécti participatióne múnieris sacri, quæsumus, Dómine Deus noster: ut, cuius exséquimur cultum, intercedénte beáto Canúto Mártire tuo, sentiámus efféctum. Per Dóminum.

Eodem die 19 ianuarii

S. CANUTI REGIS MARTYRIS

Commemoratio

Missa In virtúte, **de Communi unius Martyris 3 loco (5), cum orationibus ut infra:**

Oratio **P**

Deus, qui ad illustrándam Ecclésiám tuam beátum Canútum regem martýrii palma et gloriósis miraculis decoráre dignátus es: concede propítius; ut, sicut ipse Dóminicæ passiónis imitátor fuit, ita nos per eius vestigia gradiétes, ad gáudia sempitérna perveníre mereámur. Per eúndem Dóminum.

Secreta

Accépta sit in conspéctu tuo, Dómine, nostra devótio: et eius nobis fiat supplicatióne salutáris, pro cuius solemnitáte defértur. Per Dóminum.

Postcommunio

Refécti participatióne múnieris sacri, quásumus, Dómine Deus noster: ut, cuius exséquimur cultum, intercedente beáto Canúto Mártire tuo, sentiámus efféctum. Per Dóminum.

Die 20 ianuarii

SS. FABIANI PAPÆ ET
SEBASTIANI MARTYRUM

III classis**Antiphona ad Introitum**

Ps. 78, 11, 12 et 10

Intret in conspéctu tuo, Dómine, gémitus compeditórum: redde vicinis nostris séptuplum in sinu eórum: víndica sánguinem sanctórum tuórum, qui effúsus est. **Ps. ibid., 1** Deus, venérunt gentes in hereditátem tuam: polluérunt templum sanctum tuum: posuérunt Ierúsalem in pomórum custódiam. **V. Glória Patri.**

Oratio

Infirmítatem nostram réspice, omnípotens Deus: et, quia pondus próprie actiúnis gravat, beatórum Mátyrum tuórum Fabiáni et Sebastiani intercésio gloriósa nos prótegat. Per Dóminum.

Léctio Epístolæ beáti Pauli Apóstoli ad Hebræos.

Hebr. 11, 33-39

Fratres: Sancti per fidem vicérunt regna, operáti sunt iustítiam, adépti sunt repromissiónes, obturavérunt ora leónum, exstinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra

vertérunt exterórum: acceperunt mulieres de resurrectione mórtuos suos: álii autem disténti sunt, non suscipiéntes redemptionem, ut meliorem invenírent resurrectionem: álii vero ludíbria, et vérbera expérti, insuper et víncula, et cárceres: lapidáti sunt, secti sunt, tentáti sunt, in occisióne gládii mórtui sunt: circuíerunt in melótis, in péllibus caprínis, egéntes, angustiáti, afflícti: quibus dignus non erat mundus: in solitudínibus errántes, in món-tibus, et spelúncis, et in cavérnis terræ. Et hi omnes testimónio fidei probáti, invénti sunt in Christo Iesu Dómino nostro.

Graduale Exodi 15, 11 Gloriósus Deus in sanctis suis: mirábilis in maiestáte, fáciens prodígia. **V. Ibid. 6** Dextera tua, Dómine, gloriificáta est in virtúte: dextera manus tua confrégit inimícos.

Allelúia, allelúia. **V. Ps. 144, 10-11** Sancti tui, Dómine, benedícunt te: glóriam regni tui dicent. Allelúia.

Post Septuagesimam, omissis Allelúia, et versu sequenti, dicitur

Tractus Ps. 125, 5-6 Qui séminant in lácrimis, in gáudio metent. **V. Eúntes ibant et flebant, mitténtes sémina sua. V. Veniéntes autem vénient cum exsultatióne, portántes manípulos suos.**

✠ Sequéntia sancti Evangélíi secúndum Lucam.

Luc. 6, 17-23

In illo témpore: Descéndens Iesus de monte, stetit in loco campéstri, et turba discipulórum eius, et multitúdo copiósa plebis ab omni Iudæa, et Ierúsalem, et marítima, et Tyri, et Sidónis, qui vénerant ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quærébat eum tângere: quia virtus de illo exíbat, et

sanábat omnes. Et ipse elevátiſ óculis in diſcípulos ſuos, dicébat: Beáti páuperes: quia veſtrum eſt regnum Dei. Beáti, qui nunc eſurítis: quia ſaturabímmini. Beáti, qui nunc fletis: quia ridébitis. Beáti éritis cum voſ óderint hómines, et cum ſeparáverint voſ, et exprobráverint, et eiécerint nomen veſtrum tamquam malum propter Filium hóminis. Gaudéte in illa die, et exſultáte: ecce enim, merces veſtra multa eſt in cælo.

Antiphona ad Offertorium Ps. 31.
II Lætámmini in Dómino, et exſultáte, iuſti: et gloriámmini, omnes recti corde.

Secreta

Hóſtias tibi, Dómine, beatórum Mártyrum tuórum Fabiáni et Sebaſtiáni dicátas méritis, benígnus aſſúme: et ad perpétuum nobis tríbue proveníre ſubſídium. Per Dóminum.

Antiphona ad Communionem
Luc. 6, 18 et 19 Multitúdo languéntium, et qui vexabántur a ſpirítibus immúndis, veniébant ad eum: quia virtus de illo exíbat, et ſanábat omnes.

Postcommunio

Refécti participatióne múnſeris ſacri, quáſumus, Dómine Deus noſter: ut, cuius exſéquimur cultum, intercedéntibus ſanctis Martýribus tuis Fabiáno et Sebaſtiáno, ſentiámus efféctum. Per Dóminum.

Die 21 ianuarii

S. AGNETIS VIRG. ET MART.

III classis

Antiphona ad Introitum
Ps. 118, 95-96

Me exſpectavérunt peccátoreſ, ut pérderent me: testimoniónia tua, Dómine, intellexi: omnis conſummatiónis vidi

finem: latum mandátum tuum nimis. **Ps. ibid., 1** Beáti immaculáti in via: qui ámbulant in lege Dómini. **V.** Glória Patri.

Oratio

Omnípotens ſempitérne Deus, qui infirma mundi éligis, ut fórtia quæque confúndas: concéde propítius, ut, qui beátæ Agnétis Vírginis et Mártyris tuæ ſolémnia cólimus, eius apud te patrocínia ſentiámus. Per Dóminum.

Léctio libri Sapiéntiæ.

Eccli. 51, 1-8 et 12

Confitébor tibi, Dómine rex, et collaudábo te Deum ſalvatórem meum. Confitébor nómini tuo: quóniam adiútor, et protéctor factus es mihi, et liberáſti corpus meum a perditiónē, a láqueo linguae iníquæ, et a lábiis operántium mendácium, et in conſpéctu aſtántium factus es mihi adiútor. Et liberáſti me ſecúndum multitudínem miſericórdiæ nóminis tui a rugiéntibus, præparátis ad escam, de mánibus quæréntium ánimam meam, et de portis tribulatiónum, quæ circumdedérunt me: a preſſúra flammæ, quæ circúmdedit me, et in médio ignis non ſum æſtuáta: de altitúdine ventris ínferi, et a lingua coinquináta, et a verbo mendácii, a rege iníquo, et a lingua iniúſta: laudábit uſque ad mortem ánima mea Dóminum: quóniam éruis ſuſtinéntes te, et líberas eos de mánibus géntium, Dómine Deus noſter.

Graduale Ps. 44, 3 Diffúſa eſt grátia in lábiis tuis: proptérea benedíxit te Deus in ætérnum. **V. Ibid., 5** Propter veritátem, et manſuetúdinem, et iuſtítiam: et dedúcet te mirabíliter délixtera tua.

Allelúia, allelúia. V. Matth. 25, 4 et 6 Quinque prudéntes vírgines accepérunt óleum in vasis ſuis cum lampádibus: média autem nocte

clamor factus est: Ecce, sponsus venit: exíte óbviā Christo Dómino. Allelúia.

Post Septuagesimam, omissis Allelúia, et versu sequenti, dicitur

Tractus Veni, sponsa Christi, áccipe corónam, quam tibi Dóminus præparávit in ætérnum: pro cuius amóre sánguinem tuum fudísti. **V. Ps. 44, 8** Dilexísti iustítiam, et odísti iniquitátem, propterea unxit te Deus, Deus tuus, óleo lætitiæ præ consórtibus tuis. **V. Ibid., 5** Spécie tua, et pulchritúdine tua inténde, prospere procéde, et regna.

✠ Sequéntia sancti Evangélíi secúndum Matthæum.

Matth. 25, 1-13

In illo témpore: Dixit Iesus discí-pulis suis parábolam hanc: Sí-mile erit regnum cælórum decem virgínibus: quæ accipiéntes lám-pades suas, exiérunt óbviā sponso et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lám-pádibus, non sumpsérunt óleum secum: prudéntes vero accepérunt óleum in vasis suis cum lám-pádibus. Moram autem faciénte sponso, dormitavérunt omnes, et dormiérunt. Média autem nocte clamor factus est: Ecce, sponsus venit, exíte óbviā ei. Tunc surrexérunt omnes vírgines illæ, et ornavérunt lám-pades suas. Fátuæ autem sapiéntibus dixerunt: Date nobis de óleo vestro: quia lám-pades nostræ exstinguúntur. Respondérunt prudéntes, dicéntes: Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est iánua. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio

vos. Vigiláte itaque, quia nescítis diem, neque horam.

Antiphona ad Offertorium Ps. 44, 15 et 16 Afferéntur Regi vírgines post eam: próximæ eius afferéntur tibi in lætítia, et exsultatióne: adducéntur in templum Regi Dómino.

Secreta

Hóstias, Dómine, quas tibi offérimus, propítius súscipe: et intercedénte beáta Agnéte Vírgine et Mártire tua, víncula peccatórum nostrórum absólve. Per Dóminum.

Antiphona ad Communionem Matth. 25, 4 et 6 Quinque prudéntes vírgines accepérunt óleum in vasis suis cum lám-pádibus: média autem nocte clamor factus est: Ecce, sponsus venit: exíte óbviā Christo Dómino.

Postcommunio

Refécti cibo potúque cælésti, Deus noster, te súpplices exorámus: ut, in cuius hæc commemoratióne percépimus, eius muniamur et précibus. Per Dóminum.

Die 22 ianuarii

SS. VINCENTII ET ANASTASII MARTYRUM

III classis

Missa Intret, de Comuni plurimorum Martyrum i loco (8), cum orationibus ut infra:

Oratio

P

Adésto, Dómine, supplicatióibus nostris: ut, qui ex iniquitáte nostra reos nos esse cognóscimus, beatórum Mártirum tuórum Vincéntii et Anastásii intercessióne liberémur. Per Dóminum.

Secreta

P

Múnera tibi, Dómine, nostræ devotiónis offérimus: quæ et pro tuórum tibi grata sint honóre iustórum, et nobis salutária, te

miseránte, reddántur. Per Dóminum.

Postcommunio P

Quæsumus, omnipotens Deus: ut, qui cæléstia aliménta percépimus, intercedéntibus beátis Martýribus tuis Vincéntio et Anastásio, per hæc contra ómnia adversa muniámur. Per Dóminum.

Die 23 ianuarii

**S. RAYMUNDI DE PENAFORT
CONFESSORIS**

III classis

Missa Os iusti, **de Communi Confessoris non Pontificis 1 loco** (20), **cum orationibus ut infra:**

Oratio P

Deus, qui beátum Raymúndum pæniténtiæ sacraménti insignem minístrum elegísti, et per maris undas mirábiliter traduxísti: concéde; ut eius intercessióne dignos pæniténtiæ fructus fácere, et ad æternæ salútis portum perveníre valeámus. Per Dóminum.

Et fit commemoratio S. Emerentianæ Virg. et Mart.:

Oratio C

Indulgéntiam nobis, quæsumus, Dómine, beáta Emerentiána Virgo et Martyr implóret: quæ tibi grata semper éxstitit, et mérito castitátis, et tuæ professióne virtútis. Per Dóminum.

Secreta C

Laudis tibi, Dómine, hóstias immolámus in tuórum commemoratióne Sanctórum: quibus nos et præséntibus éxui malis confidimus, et futúris. Per Dóminum.

Pro S. Emerentiana

Secreta C

Hóstias tibi, Dómine, beátæ Emerentiánæ Vírginis et Mártiris tuæ dicátas méritis,

benígnus assúme: et ad perpétuum nobis tríbue proveníre subsidium. Per Dóminum.

Postcommunio C

Refécti cibo potúque cælésti, Deus noster, te súpplīces exorámus: ut, in cuius hæc commemoratióne percépimus, eius muniámur et précibus. Per Dóminum.

Pro S. Emerentiana

Postcommunio C

Divíni múnēris largitáte satiáti, quæsumus, Dómine Deus noster: ut, intercedēte beáta Emerentiána Vírgine et Mártire tua, in eius semper participatióne vivámus. Per Dóminum.

Eodem die 23 ianuarii

**S. EMERENTIANÆ
VIRGINIS ET MARTYRIS**

Missa Me exspectavérunt, **de Communi Virginum 2 loco** (25).

Oratio C

Indulgéntiam nobis, quæsumus, Dómine, beáta Emerentiána Virgo et Martyr implóret: quæ tibi grata semper éxstitit, et mérito castitátis, et tuæ professióne virtútis. Per Dóminum.

Secreta C

Hóstias tibi, Dómine, beátæ Emerentiánæ Vírginis et Mártiris tuæ dicátas méritis, benígnus assúme: et ad perpétuum nobis tríbue proveníre subsidium. Per Dóminum.

Postcommunio C

Divíni múnēris largitáte satiáti, quæsumus, Dómine Deus noster: ut, intercedēte beáta Emerentiána Vírgine et Mártire tua, in eius semper participatióne vivámus. Per Dóminum.

Die 24 ianuarii

S. TIMOTHEI EP. ET MART.

III classis

Antiphona ad Introitum

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdotií dígntas in ætérnum. **Ps. 131, 1** Meménto, Dómine, David: et omnis mansuetúdinis eius. **V.** Glória Patri.

Oratio

Infirmitátem nostram réspice, omnípotens Deus: et, quia pondus propriæ actióis gravat, beáti Timóthei Mártyris tui atque Pontíficis intercéssio gloriósa nos próteget. Per Dóminum.

Léctio Epístolæ beáti Pauli Apóstoli ad Timótheum.

1 Tim. 6, 11-16

Caríssime: Sectáre iustítiam, pietátem, fidem, caritátem, paciéntiam, mansuetúdinem. Certa bonum certámen fidei, apprehénde vitam ætérnam, in qua vocátus es, et conféssus bonam confessiónem coram multis téstibus. Præcípio tibi coram Deo, qui vivíficat ómnia, et Christo Iesu, qui testimónium réddidit sub Póntio Piláto, bonam confessiónem: ut serves mandátum sine mácula, irreprehensíbile usque in advéntum Dómini nostri Iesu Christi, quem suis tempóribus osténdet beátus, et solus potens, Rex regum, et Dóminus dominántium: qui solus habet immortalitátem, et lucem inhábitat inacces-síbilem: quem nullus hóminum vidit, sed nec vidére potest: cui honor, et impérium sempitérnum. Amen.

Graduale Ps. 88, 21-23 Invéni David servum meum, óleo sancto meo unxi eum: manus enim mea auxiliábitur ei, et bráccium meum

confortábit eum. **V.** Nihil proficiet inimícus in eo, et filius iniquitátis non nocébit ei.

Allelúia, allelúia. **V. Ps. 109, 4** Tu es sacérdos in ætérnum, secúndum órđinem Melchisedech. Allelúia.

Post Septuagesimam, omissis Allelúia, et versu sequenti, dicitur

Tractus Ps. 20, 3-4 Desidérium animæ eius tribuísti ei: et voluntáte labiórurn eius non fraudásti eum. **V.** Quóniam prævenísti eum in benedictiónibus dulcédinis. **V.** Posuísti in cápite eius coronam de lápide pretiósó.

✠ Sequéntia sancti Evangélii secúndum Lucam.

Luc. 14, 26-33

In illo témpore: Dixit Iesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et animam suam, non potest meus esse discípus. Et qui non báiulat crucem suam, et venit post me, non potest meus esse discípus. Quis enim ex vobis, volens turrim ædificáre, non prius sedens cómputat sumptus, qui necessarij sunt, si hábeat ad perficiéndum; ne, posteáquam posúerit fundaméntum, et non potúerit perficere, omnes, qui vident, incípiant illúdere ei, dicéntes: Quia hic homo cœpit ædificáre, et non pótuit consummáre? Aut quis rex íturus committere bellum advérsus álium regem, non sedens prius cógitat, si possit cum decem mílibus occúrrere ei, qui cum vigínti mílibus venit ad se? Alióquin, adhuc illo longe agénte, legatiónem mittens, rogat ea, quæ pacis sunt. Sic ergo omnis ex vobis, qui non renúnciat ómnibus, quæ póssidet, non potest meus esse discípus.

Antiphona ad Offertorium Ps. 88, 25 Véritas mea, et misericórdia mea

cum ipso: et in nómine meo exaltábitur cornu eius.

Secreta

Hóstias tibi, Dómine, beáti Timóthei Mártiris tui atque Pontíficis dicátas méritis, benígnus assúme: et ad perpétuum nobis tribue proveníre subsidium. Per Dóminum.

Antiphona ad Communionem
Ps. 88, 36 et 37-38 Semel iurávi in sancto meo: Semen eius in ætérnum manébit: et sedes eius sicut sol in conspéctu meo, et sicut luna perfectá in ætérnum, et testis in cælo fidélis.

Postcommunio

Refécti participatióne múnieris sacri, quæsumus, Dómine Deus noster: ut, cuius exséquimur cultum, intercedénte beáto Timótheo Mártire tuo atque Pontífice, sentiámus efféctum. Per Dóminum.

Die 25 ianuarii

IN CONVERSIONE S. PAULI AP.

III classis

Antiphona ad Introitum

2 Tim. 1, 12

Scio cui crédidi, et certus sum, quia potens est depósitum meum serváre in illum diem, iustus iudex. Ps. 138, 1-2 Dómine, probásti me, et cognovísti me: tu cognovísti sessiónem meam, et resurrectionem meam. V. Glória Patri.

Oratio

Deus, qui univérsum mundum beáti Pauli Apóstoli prædicatione docuísti: da nobis, quæsumus; ut, qui eius hódie Conversiónem cólimus, per eius ad te exémp-la gradiámur.

Et fit commemoratio S. Petri Ap. sub unica conclusione:

Oratio

Deus, qui beáto Petro Apóstolo tuo, collátis clávibus regni cælestis, ligándi atque solvéndi pontificium tradidísti: concéde; ut, intercessiónis eius auxílio, a peccatórum nostrórum néxibus liberémur. Qui vivis.

Lectio Actuum Apostolorum.

Act. 9, 1-22

In diébus illis: Saulus adhuc spirans minárum, et cædis in discipulos Dómini, accéssit ad príncipem sacerdotum, et pétiiit ab eo epístolas in Damáscum ad synagógas: ut si quos invenísset huius viæ viros, ac mulieres, vinctos perduceret in Ierúsalem. Et cum iter fáceret, cóntigit, ut appropinquáret Damáscum: et súbito circumfúlsit eum lux de cælo. Et cadens in terram, audívit vocem dicéntem sibi: Saule, Saule, quid me perséqueris? Qui dixit: Quis es, Dómine? Et ille: Ego sum Iesus, quem tu perséqueris: durum est tibi contra stímulum calcitráre. Et tremens, ac stupens, dixit: Dómine, quid me vis fácere? Et Dóminus ad eum: Surge, et ingrédere civitátem, et ibi dicétur tibi quid te opórteat fácere. Viri autem illi, qui comitabántur cum eo, stabant stupefácti, audiéntes quidem vocem, néminem autem vidéntes. Surréxit autem Saulus de terra, apertisque óculis nihil vidébat. Ad manus autem illum trahéntes, introduxérunt Damáscum. Et erat ibi tribus diébus non videns, et non manducávit, neque bibit. Erat autem quidam discipulus Damásci, nómine Ananías: et dixit ad illum in visu Dóminus: Ananía. At ille ait: Ecce ego, Dómine. Et Dóminus ad eum: Surge, et vade in vicum qui vocátur Rectus: et quære in domo Iudæ Saulum nómine Tarsénsem: ecce enim, orat. (Et vidit virum, Ananíam nó-

mine, introëuntem, et imponentem sibi manus, ut visum recipiat). Respondit autem Ananías: Dómine, audivi a multis de viro hoc, quanta mala fécerit sanctis tuis in Ierúsalem: et hic habet potestatem a princípibus sacerdotum alligandi omnes, qui invocant nomen tuum. Dixit autem ad eum Dóminus: Vade, quóniam vas electiónis est mihi iste, ut portet nomen meum coram gentibus, et régibus, et filiis Israël. Ego enim ostendam illi, quanta opóreat eum pro nómine meo pati. Et ábiit Ananías, et introívit in domum: et impónens ei manus, dixit: Saule frater, Dóminus misit me Iesus, qui apparuit tibi in via, qua veniébas, ut vídeas, et impleáris Spíritu Sancto. Et confestim ceciderunt ab óculis eius tamquam squamæ, et visum recépit: et surgens baptizátus est. Et cum accepisset cibum, confortátus est. Fuit autem cum discipulis, qui erant Damásci, per dies áliquot. Et contínuo in synagógis prædicábat Iesum, quóniam hic est Fílius Dei. Stupébant autem omnes, qui audiebant, et dicebant: Nonne hic est, qui expugnábat in Ierúsalem eos, qui invocábant nomen istud: et huc ad hoc venit, ut vinctos illos dúceret ad príncipes sacerdotum? Saulus autem multo magis convalescébat, et confundébat Iudæos, qui habitábant Damásci, affírmans quóniam hic est Christus.

Graduale Gal. 2, 8 et 9 Qui operátus est Petro in apostolátum, operátus est et mihi inter gentes: et cognovérunt grátiam Dei, quæ data est mihi. **℣.** Grátia Dei in me vácuá non fuit: sed grátia eius semper in me manet.

Allelúia, allelúia. **℣.** Magnus sanctus Paulus, vas electiónis, vere digne est glorificándus, qui et mérui thronum duodécimum possidére. Allelúia.

Post Septuagesimam, omissis Allelúia, et versu sequenti, dicitur

Tractus Tu es vas electiónis, sancte Paule Apóstole: vere digne es glorificándus. **℣.** Prædicátor veritátis, et doctor gentium in fide et veritate. **℣.** Per te omnes gentes cognovérunt grátiam Dei. **℣.** Intercede pro nobis ad Deum, qui te elégit.

✠ Sequéntia sancti Evangélíi secúndum Matthæum.

Matth. 19, 27-29

In illo témpore: Dixit Petrus ad Iesum: Ecce, nos relíquimus ómnia, et secúti sumus te: quid ergo erit nobis? Iesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede maiestátis suæ, sedébitis et vos super sedes duódecim, iudicántes duódecim tribus Israël. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, cénuplum accípiet, et vitam ætérnam possidébit.

Antiphona ad Offertorium Ps. 138, 17 Mihi autem nimis honórati sunt amíci tui, Deus: nimis confortátus est principátus eórum.

Secreta

Apóstoli tui Pauli précibus, Dómine, plebis tuæ dona sanctífica: ut, quæ tibi tuo grata sunt institúto, gratióra fiant patrocínio supplicántis.

Et fit commemoratio S. Petri Ap. sub unica conclusione:

Secreta

Ecclésiæ tuæ, quæsumus, Dómine, preces et hóstias beáti Petri Apóstoli comméndet orátio: ut, quod pro illíus glória celebrámus, nobis prosit ad véniam. Per Dóminum.

Præfatio de Apostolis.

Antiphona ad Communionem
Matth. 19, 28 et 29 Amen dico vobis: quod vos, qui reliquistis omnia, et secuti estis me, centuplum accipietis, et vitam æternam possidebitis.

Postcommunio

Sanctificati, Domine, salutari mysterio: quæsumus; ut nobis eius non desit oratio, cuius nos donasti patrocinio gubernari.

Et fit commemoratio S. Petri Ap. sub unica conclusione:

Postcommunio

Lætificet nos, Domine, munus oblatum: ut, sicut in Apostolo tuo Petro te mirabilem prædicamus; sic per illum tuæ sumamus indulgentiæ largitatem. Per Dominum.

Die 26 ianuarii

S. POLYCARPI EP. ET MART.

III classis**Antiphona ad Introitum**

Dan. 3, 84 et 87

Sacerdotes Dei, benedicite Dominum: sancti, et humiles corde, laudate Deum. **Ibid., 57** Benedicite, omnia opera Domini, Domino: laudate et superexaltate eum in sæcula. **V.** Glória Patri.

Oratio

Deus, qui nos beati Polycarpi Martyris tui atque Pontificis annua solemnitáte lætificas: concede propitius; ut, cuius natalicia colimus, de eiusdem etiam protectione gaudeamus. Per Dominum.

Lectio Epistolæ beati Ioannis Apostoli.

I Ioann. 3, 10-16

Carissimi: Omnis qui non est iustus, non est ex Deo, et qui non diligit fratrem suum: quoniam hæc est annuntiatio, quam audistis

ab initio, ut diligatis alterutrum. Non sicut Cain, qui ex maligno erat, et occidit fratrem suum. Et propter quid occidit eum? Quoniam opera eius maligna erant: fratris autem eius iusta. Nolite mirari, fratres, si odit vos mundus. Nos scimus quoniam translati sumus de morte ad vitam, quoniam diligimus fratres. Qui non diligit, manet in morte: omnis qui odit fratrem suum, homicida est. Et scitis, quoniam omnis homicida non habet vitam æternam in semetipso manentem. In hoc cognovimus caritatem Dei, quoniam ille animam suam pro nobis posuit: et nos debemus pro fratribus animas ponere.

Graduale Ps. 8, 6-7 Glória et honore coronasti eum. **V.** Et constituisti eum super opera manuum tuarum, Domine.

Allelúia, allelúia. V. Hic est sacerdos, quem coronavit Dominus. **Allelúia.**

Post Septuagesimam, omissis Allelúia, et versu sequenti, dicitur

Tractus Ps. III, 1-3 Beatus vir, qui timet Dominum: in mandatis eius cupit nimis. **V.** Potens in terra erit semen eius: generatio rectorum benedicetur. **V.** Glória et divitiæ in domo eius: et iustitia eius manet in sæculum sæculi.

✠ Sequentia sancti Evangelii secundum Matthæum.

Matth. 10, 26-32

In illo tempore: Dixit Iesus discipulis suis: Nihil est opertum, quod non revelabitur; et occultum, quod non sciatur. Quod dico vobis in tenebris, dicite in lumine: et quod in aure auditis, prædicite super tecta. Et nolite timere eos, qui occidunt corpus, animam autem non possunt occidere; sed potius timeate eum, qui potest et animam et corpus perdere in

gehénnam. Nonne duo pásseres
asse véneunt: et unus ex illis non
cadet super terram sine Patre
vestro? Vestri autem capilli cápitis
omnes numeráti sunt. Nolíte ergo
timére: multis passéribus meliôres
estis vos. Omnis ergo, qui confité-
bitur me coram homínibus, con-
fitébor et ego eum coram Patre
meo, qui in cælis est.

**Antiphona ad Offertorium Ps. 88,
21-22** Invéni David servum meum,
óleo sancto meo unxi eum: manus
enim mea auxiliábitur ei, et brác-
chium meum confortábit eum.

Secreta

Múnera tibi, Dómine, dicáta
sanctífica: et, intercedénte
beáto Polycárpo Mártire tuo atque
Pontífice, per éadem nos placátus
inténde. Per Dóminum.

**Antiphona ad Communionem
Ps. 20, 4** Posuísti, Dómine, in cápite
eius corónam de lápide pretiósio.

Postcommunio

Refécti participatióne mún-
eris sacri, quásumus, Dómine
Deus noster: ut, cuius exséquimur
cultum, intercedénte beáto Poly-
cárpo Mártire tuo atque Pontífice,
sentiámus efféctum. Per Dóminum.

Die 27 ianuarii

S. IOANNIS CHRYSOSTOMI
EP., CONF. ET ECCL. DOCT.

III classis

Antiphona ad Introitum

Eccli. 15, 5

In médio Ecclésiæ apérui os eius:
et implévit eum Dóminus spí-
ritu sapiéntiæ et intelléctus: sto-
lam glóriæ índuit eum. **Ps. 91, 2**
Bonum est confitéri Dómino: et
psállere nómini tuo, Altíssime.
V. Glória Patri.

Oratio

Ecclésiā tuā, quāsumus, Dó-
mine, grátia cæléstis amplifi-
cet: quam beáti Ioánnis Chrysósto-
mi Confessóris tui atque Pontíficis
illustrāre voluísti gloriósis méritis,
et doctrínis. Per Dóminum.

Léctio Epístolæ beáti Pauli Apóstoli
ad Timótheum.

2 Tim. 4, 1-8

Caríssime: Testíficor coram Deo,
et Iesu Christo, qui iudicatúrus
est vivos et mórtuos, per advéntum
ipsíus, et regnum eius: prädica
verbum, insta opportúne, impor-
túne: árgue, óbseca, íncrepa in
omni patiéntia, et doctrína. Erit
enim tempus, cum sanā doctrí-
nam non sustinébunt, sed ad sua
desidéria coacervábunt sibi ma-
gístros, pruriéntes áuribus, et a
veritaté quidem audítum avértent,
ad fábulas autem converténtur. Tu
vero vígila, in ómnibus labóra, opus
fac Evangelístæ, ministériū tuū
imple. Sóbrius esto. Ego enim iam
delíbor et tempus resolutiōnis meæ
instat. Bonum certámen certávi,
cursum consummávi, fidem ser-
vávi. In réliquo repósita est mihi
coróna iustitiæ, quam reddet mihi
Dóminus in illa die, iustus iudex:
non solum autem mihi, sed et iis,
qui díligunt advéntum eius.

Graduale Eccli. 44, 16 Ecce
sacérdos magnus, qui in diébus
suis plácuít Deo. **V. Ibid., 20**
Non est invéntus símilis illi, qui
conserváret legem Excélsi.

Allelúia, allelúia. **V. Iac. 1, 12**
Beátus vir, qui suffert tentatió-
nem: quóniam cum probátus fúerit, accí-
piet corónam vitæ. Allelúia.

**Post Septuagesimam, omissis
Allelúia, et versu sequenti, dicitur**

Tractus Ps. 111, 1-3 Beátus vir,
qui timet Dóminum: in mandátis
eius cupit nimis. **V.** Potens in terra

erit semen eius: generatio rectórum benedicétur. **V.** Glória et divítiae in domo eius: et iustítia eius manet in sáculum sáculi.

¶ In Missis votivis tempore paschali omittitur graduale, et eius loco dicuntur Allelúia cum suis versibus, ex Missa Os iusti, de Communi Confessoris non Pontificis 1 loco (21).

✠ Sequéntia sancti Evangélíi secúndum Mattháeum.

Matth. 5, 13-19

In illo témpore: Dixit Iesus discipulis suis: Vos estis sal terræ. Quod si sal evanúerit, in quo salíetur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolite putáre, quóniam veni sólvere legem, aut prophétas: non veni sólvere, sed adimplére. Amen quippe dico vobis, donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium Ps. 91, 13 Iustus ut palma florébit: sicut cedrus, quæ in Líbano est, multiplicábitur.

Secreta

Sancti Ioánnis Chrysóstomi Pontíficis tui atque Doctóris nobis, Dómine, pia non desit orátio: quæ

et múnera nostra concíliet; et tuam nobis indulgéntiam semper obtíneat. Per Dóminum.

Antiphona ad Communionem
Luc. 12, 42 Fidélis servus, et prudens, quem constituit dóminus super familiam suam: ut det illis in témpore trítici mensúram.

Postcommunio

Ut nobis, Dómine, tua sacrificia dent salútem: beátus Ioánnes Chrysóstomus Póntifex tuus et Doctor egrégíus, quæsumus, precátor accédatur. Per Dóminum.

Die 28 ianuarii

S. PETRI NOLASCI CONF.

III classis

Missa Iustus, de Communi Confessoris non Pontificis 2 loco (22), cum orationibus ut infra:

Oratio

P

Deus, qui in tuæ caritátis exémplo, ad fidélium redemptiónem sanctum Petrum Ecclésiám tuam nova prole fecundáre divínitus docuísti: ipsíus nobis intercessióne concéde; a peccáti servitúte solútis, in cælésti pátria perpétua libertáte gaudére: Qui vivis.

Et fit commemoratio S. Agnetis Virg. et Mart., secundo:

Oratio

P

Deus, qui nos ánnua beátæ Agnetis Virginitis et Mátyris tuæ solemnitáte lætíficas: da, quæsumus; ut, quam venerámur officio, étiam piæ conversatiónis sequámur exémplo. Per Dóminum.

Secreta

P

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus, et futúris. Per Dóminum.

**Pro S. Agnete
Secreta**

P

Super has, quæsumus, Dómine, hóstias benedictio copiósa descéndat: quæ et sanctificatió-nem nobis cleménter operétur, et de Mártyrum nos solemnitáte lætíficet. Per Dóminum.

Postcommunio

P

Refécti cibo potúque cælesti, Deus noster, te súpplīces exorámus: ut, in cuius hæc commemoratióne percépimus, eius muniámur et précibus. Per Dóminum.

**Pro S. Agnete
Postcommunio**

P

Súmptimus, Dómine, celebritátis ánnuæ votíva sacraménta: præsta, quæsumus; ut et temporális vitæ nobis remédia præbeant, et æternæ. Per Dóminum.

Eodem die 28 ianuarii

S. AGNETIS VIRG. ET MART.

secundo

Commemoratio

Antiphona ad Introitum

Ps. 44, 13, 15 et 16

Vultum tuum deprecabúntur omnes dívites plebis: adducéntur Regi vírgines post eam: próximæ eius adducéntur tibi in lætítia et exsultatióne. **Ps. ibid., 2** Eructávit cor meum verbum bonum: dico ego ópera mea Regi. **V. Glória Patri.**

Oratio

Deus, qui nos ánnua beátæ Agnétis Vírginis et Mártyris tuæ solemnitáte lætíficas: da, quæsumus; ut, quam venerámur officio, étiam piæ conversatiónis sequámur exémplo. Per Dóminum.

Léctio Epístolæ beáti Pauli Apóstoli ad Corínthios.

2 Cor. 10, 17-18; 11, 1-2

Fratres: Qui gloriátur, in Dómino gloriétur. Non enim qui seíp-

sum comméndat, ille probátus est: sed quem Deus comméndat. Utinam sustinerétis módicum quid insipiéntiæ meæ, sed et supportáte me: æmulor enim vos Dei æmulatióne. Despóndi enim vos uni viro vírginem castam exhibére Christo.

Graduale Ps. 44, 5 Spécie tua, et pulchritúdine tua inténde, prospere procéde, et regna. **V.** Propter veritátem, et mansuetúdinem, et iustítiam: et dedúcet te mirabíliter dextera tua.

Allelúia, allelúia. **V. Ibid., 15 et 16** Adducéntur Regi vírgines post eam: próximæ eius afferéntur tibi in lætítia. Allelúia.

Post Septuagesimam, omissis Allelúia, et versu sequenti, dicitur

Tractus Ps. 44, 11 et 12 Audi, filia, et vide, et inclína aurem tuam: quia concupívit Rex spéciem tuam. **V. Ibid., 13 et 10** Vultum tuum deprecabúntur omnes dívites plebis: filiæ regum in honóre tuo. **V. Ibid., 15 et 16** Adducéntur Regi vírgines post eam: próximæ eius afferéntur tibi. **V.** Afferéntur in lætítia, et exsultatióne: adducéntur in templum Regis.

✠ Sequéntia sancti Evangélīi secúndum Matthæum.

Matth. 13, 44-52

In illo témpore: Dixit Iesus discipulis suis parábolam hanc: Símile est regnum cælórum thesauro abscóndito in agro: quem qui invénit homo, abscóndit, et præ gáudio illíus vadit, et vendit unívērša, quæ habet, et emit agrum illum. Iterum símile est regnum cælórum hómini negotiatóri, quærénti bonas margarítas. Invénta autem una pretiósa margaríta, ábiit, et vendidit ómnia, quæ hábuit, et emit eam. Iterum símile est regnum cælórum sagénæ missæ in mare, et ex omni gènere píscium congregánti. Quam, cum impléta esset,

educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sáculi: exhibunt Angeli, et separábunt malos de médio iustórum, et mittent eos in caminum ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scribe doctus in regno cælórum símilis est hómini patrifamílias, qui profert de thesauro suo nova et vétera.

Antiphona ad Offertorium Ps. 44, 3 Diffusa est grátia in lábiis tuis, propterea benedíxit te Deus in ætérnum, et in sáculum sáculi.

Secreta

Super has, quæsumus, Dómine, hóstias benedictio copiósa descéndat: quæ et sanctificationem nobis cleménter operétur, et de Mártyrum nos solemnitáte lætíficet. Per Dóminum.

Antiphona ad Communionem Matth. 13, 45-46 Símile est regnum cælórum hómini negotiátóri, quærénti bonas margarítas: invénta autem una pretiósa margaríta, dedit ómnia sua, et comparávit eam.

Postcommunio

Súmpsimus, Dómine, celebritátis ánnuæ votíva sacraménta: præsta, quæsumus; ut et temporális vitæ nobis remédia præbeant, et ætérnæ. Per Dóminum.

Die 29 ianuarii

S. FRANCISCI SALESII
EP., CONF. ET ECCL. DOCT.

III classis

Missa In médio, **de Communi Doctorum** (19), **cum orationibus ut infra:**

Oratio

P

Deus, qui ad animárum salutem beátum Francíscum Confes-

sórem tuum atque Pontíficem ómnibus ómnia factum esse voluísti: concéde propítius; ut caritátis tuæ dulcédine perfúsi, eius dirigéntibus mónitis ac suffragántibus méritis, ætérna gáudia consequámur. Per Dóminum.

Secreta

C I

Sancti Francísci Pontíficis tui atque Doctóris nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtíneat. Per Dóminum.

Postcommunio

C I

Ut nobis, Dómine, tua sacrificia dent salutem: beátus Francíscus Póntifex tuus et Doctor egrégus, quæsumus, precátor accédât. Per Dóminum.

Die 30 ianuarii

S. MARTINÆ VIRG. ET MART.

III classis

Missa Loquébar, **de Communi Virginum I loco** (24).

Oratio

C

Deus, qui inter cétera poténtiæ tuæ mirácula étiam in sexu frágili victóriam martyrii contulísti: concéde propítius; ut, qui beátæ Martinæ Virgínis et Mártyris tuæ natalícia cólimus, per eius ad te exémpa gradiámur. Per Dóminum.

Secreta

C

Súscipe, Dómine, múnera quæ in beátæ Martinæ Virgínis et Mártyris tuæ solemnitáte deférimus: cuius nos confidimus patrocínio liberári. Per Dóminum.

Postcommunio

C

Auxiliéntur nobis, Dómine, sumpta mystéria: et, intercedente beáta Martina Virgine et Mártyre tua, sempitérna fácient protectióne gaudere. Per Dóminum.

Die 31 ianuarii

S. IOANNIS BOSCO CONF.

III classis

Antiphona ad Introitum

3 Reg. 4, 29

Dedit illi Deus sapiéntiam et prudéntiam multam nimis, et latitúdinem cordis quasi arénam, quæ est in líttore maris. **Ps. 112, 1** Laudáte, púeri, Dóminum: laudáte nomen Dómini. **V.** Glória Patri.

Oratio

Deus, qui sanctum Ioánnem Confessórem tuum adulescéntium patrem et magístrum excitásti, ac per eum, auxiliatrice Vírgine María, novas in Ecclésia tua famílias floréscere voluísti: concéde, quæsumus; ut eódem caritátis igne succénsi, ánimas quærere, tibi-que soli servíre valeámus. Per Dóminum.

Léctio Epístolæ beáti Pauli Apóstoli ad Philippéenses.

Philipp. 4, 4-9

Fratres: Gaudéte in Dómino semper: iterum dico, gaudéte. Modéstia vestra nota sit ómnibus homínibus: Dóminus prope est. Nihil solliciti sitis: sed in omni oratióne, et obsecratióne, cum gratiárum actione, petitiónes vestræ innotescant apud Deum. Et pax Dei, quæ exsúperat omnem sensum, custódiat corda vestra et intellegéntias vestras, in Christo Iesu. De cétero, fratres, quæcúmque sunt vera, quæcúmque pudíca, quæcúmque iusta, quæcúmque sancta, quæcúmque amabilia, quæcúmque bonæ famæ, si qua virtus, si qua laus disciplínæ, hæc cogitáte. Quæ et didicístis, et accepístis, et audístis, et vidístis in me, hæc ágite: et Deus pacis erit vobíscum.

Graduale Ps. 36, 3-5 Spera in

Dómino et fac bonitátem et inhábita terram et pascéris in divítiis eius. **V.** Delectáre in Dómino, et dabit tibi petitiónes cordis tui; revéla Dómino viam tuam et spera in eum, et ipse fáciet.

Allelúia, allelúia. **V. Ps. 73, 21** Pauper et inops laudábunt nomen tuum. Allelúia.

Post Septuagesimam, omissis Allelúia, et versu sequenti, dicitur

Tractus Ps. 60, 4-6 Factus es spes mea, Dómine: turris fortitúdinis a fácie inimíci. **V.** Inhabitábo in tabernáculo tuo in sácula: prótegar in velaménto alárum tuárum. **V.** Quóniam tu, Deus, exaudísti oratióne meam: dedísti hereditátem timéntibus nomen tuum.

¶ In Missis votivis tempore paschali omittitur graduale, et eius loco dicitur:

Allelúia, allelúia. **V. Ps. 73, 21** Pauper et inops laudábunt nomen tuum. Allelúia. **V. Ps. 35, 9** Inebriabúntur ab ubertáte domus tuæ: et torrénate voluptátis tuæ potábis eos. Allelúia.

✠ Sequéntia sancti Evangélíi secúndum Matthæum.

Matth. 18, 1-5

In illo témpore: Accessérunt discipuli ad Iesum, dicéntes: Quis, putas, maior est in regno cælórum? Et ádvocans Iesus párvulum, státuit eum in médio eórum, et dixit: Amen dico vobis, nisi conversi fuéritis, et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est maior in regno cælórum. Et qui suscepit unum párvulum talem in nómine meo, me súscipit.

Antiphona ad Offertorium Ps. 33, 12 Veníte, filii, audíte me: timórem Dómini docébo vos.

Secreta

Suscipe, Dómine, oblatiónem mundam salutáris Hóstiæ et præsta; ut, te in ómnibus et super ómnia diligéntes, in glóriæ tuæ laudem vívere mereámur. Per Dóminum.

Antiphona ad Communionem
Rom. 4, 18 Contra spem in spem crédidit, ut fieret pater multárum géntium, secúndum quod dictum est ei.

Postcommunio

Córpore et Sánguine tui, Dómine, mystério satiátis, concede, quæsumus; ut, intercedénte sancto Ioánnē Confessóre, in gratiárum semper actióne maneámus. Qui vivis.

FESTA FEBRUARII**Die 1 februarii**

S. IGNATII EP. ET MART.

III classis**Antiphona ad Introitum**

Gal. 6, 14

Mihi autem absit gloriári nisi in Cruce Dómini nostri Iesu Christi, per quem mihi mundus crucifixus est, et ego mundo. **Ps. 131, 1** Meménto, Dómine, David: et omnis mansuetúdinis eius. **V. Glória Patri.**

Oratio

Infirmítatem nostram réspice, omnípotens Deus: et, quia pondus propriæ actiónis gravat, beáti Ignátii Mártiris tui atque Pontíficis intercésio gloriósa nos próteget. Per Dóminum.

Léctio Epístolæ beáti Pauli Apóstoli ad Romános.

Rom. 8, 35-39

Fratres: Quis nos separábit a caritáte Christi: tribulátio, an angústia, an fames, an núditas, an

perículum, an persecútio, an gládius? (sicut scriptum est: Quia propter te mortificámur tota die: æstimáti sumus sicut oves occisiónis). Sed in his ómnibus superámus propter eum, qui diléxit nos. Certus sum enim, quia neque mors, neque vita, neque ángeli, neque principátus, neque virtútes, neque instántia, neque futúra, neque fortitúdo, neque altitúdo, neque profúndum, neque creatúra ália póterit nos separáre a caritáte Dei, quæ est in Christo Iesu Dómino nostro.

Graduale Eccli. 44, 16 Ecce sacerdos magnus, qui in diébus suis plácuit Deo. **V. Ibid., 20** Non est invéntus símilis illi, qui conserváret legem Excélsi.

Allelúia, allelúia. V. Gal. 2, 19-20 Christo confixus sum Cruci: vivo ego, iam non ego, vivit vero in me Christus. **Allelúia.**

Post Septuagesimam, omissis Allelúia, et versu sequenti, dicitur

Tractus Ps. 20, 3-4 Desidérium animæ eius tribuísti ei: et voluntáte labiórum eius non fraudásti eum. **V. Quóniam prævenísti eum in benedictiónibus dulcédinis. V. Posuísti in cápite eius corónam de lápide pretióso.**

¶ In Missis votivis tempore paschali omittitur graduale, et eius loco dicitur:

Allelúia, allelúia. V. Gal. 2, 19-20 Christo confixus sum Cruci: vivo ego, iam non ego, vivit vero in me Christus. **Allelúia. V. Ps. 20, 4** Posuísti, Dómine, super caput eius corónam de lápide pretióso. **Allelúia.**

✠ Sequéntia sancti Evangélii secúndum Ioánnem.

Ioann. 12, 24-26

In illo témpore: Dixit Iesus discipulis suis: Amen, amen dico vobis, nisi granum fruménti cadens

in terram, mórtuum fúerit, ipsum solum manet: si autem mórtuum fúerit, multum fructum affert. Qui amat ánimam suam, perdet eam: et qui odit ánimam suam in hoc mundo, in vitam ætérnam custódit eam. Si quis mihi minístrat, me sequátur: et ubi sum ego, illic et miníster meus erit. Si quis mihi ministráverit, honorificábit eum Pater meus.

Antiphona ad Offertorium Ps. 8, 6-7 Glória et honóre coronásti eum: et constituísti eum super ópera mánuum tuárum, Dómine.

Secreta

Hóstias tibi, Dómine, beáti Ignátii Mártiris tui atque

Pontíficis dicátas méritis, benígnus assúme: et ad perpétuum nobis tríbe proveníre subsidium. Per Dóminum

Antiphona ad Communionem

Fruméntum Christi sum: déntibus bestiárum molar, ut panis mundus invéníar.

Postcommunio

Refécti participatióne múnus sacri, quæsumus, Dómine Deus noster: ut, cuius exséquimur cultum, intercedénte beáto Ignátio Mártire tuo atque Pontifice, sentiámus efféctum. Per Dóminum.

Die 2 februarii

IN PURIFICATIONE B. M. V.

II classis

¶ **Festum Purificationis B. Mariæ Virg. habetur tamquam festum Domini.**

DE BENEDICTIONE CANDELARUM

¶ **Sacerdos indutus pluviali albo, vel sine casula, cum ministris similiter indutis, procedit ad benedicendas candelas, in medio ante altare vel ad latus Epistolæ positas, et ipse ibidem stans versus ad altare, dicit manibus iunctis in tono feriali:**

V. Dóminus vobíscum.

R. Et cum spíritu tuo.

Orémus.

Oratio

Dómine, sancte Pater, omnípotens ætérne Deus, qui ómnia ex níhilo creásti, et iussu tuo per ópera apum, hunc liquórem ad perfectiónem cérei veníre fecísti: et qui hodiérna die petitióem iusti Simeónis implésti: te humíliter deprecámur; ut has candélas ad usus hóminum, et sanitátem córporum et animárum, sive

in terra, sive in aquis, per invocatióem tui sanctíssimi nóminis, et per intercessiónem beátæ Mariæ semper Virgínis, cuius hódie festa devóte celebrántur, et per preces ómnium Sanctórum tuórum, benedicere, et sancti **✠** ficáre dignéris: et huius plebis tuæ, quæ illas honorífice in mánibus desíderat portáre, teque cantádo laudáre, exáudias voces de cælo sancto tuo, et de sede maiestátis tuæ: et propítius sis ómnibus clamántibus ad te, quos redemísti pretiósó ságuine Fílii tui: Qui tecum vivit et regnat in sæcula sæculórum. **R.** Amen.

Orémus.

Oratio

Omnípotens sempitérne Deus, qui hodiérna die Unigénitum tuum ulnis sancti Simeónis in templo sancto tuo suscipiéndum præsentásti: tuam súpplices deprecámur cleméntiam; ut has candélas, quas nos fámuli tui, in tui nóminis magnificéntiam suscipiéntes, gestáre cúpimus luce accénsas, bene-

✠ dicere, et sancti ✠ ficare, atque lumine supérnæ benedictionis accendere digneris: quatenus eas tibi Dómino Deo nostro offerendo digni, et sancto igne dulcissimæ caritátis tuæ succénsi, in templo sancto glóriæ tuæ repræsentári mereámur. Per eúndem Christum Dóminum nostrum. **R7.** Amen.

Orémus.

Oratio

Dómine Iesu Christe, lux vera, quæ illúminas omnem hóminem veniéntem in hunc mundum: effúnde bene ✠ dictionem tuam super hos céreos, et sancti ✠ fica eos lumine grátia tuæ, et concède propítius; ut, sicut hæc luminária igne visíbili accénsa noctúrnas depéllunt ténebras; ita corda nostra invisíbili igne, id est, Sancti Spíritus splendóre illustráta, ómnium vitiórum cæcitate cáreant: ut, purgáto mentis óculo, ea cernere possimus, quæ tibi sunt plácita, et nostræ salúti utilia; quatenus post huius sæculi caliginósa discrímína, ad lucem indeficiéntem pervenire mereámur. Per te, Christe Iesu, Salvátor mundi, qui in Trinitáte perfécta vivis et regnas Deus, in sæcula sæculórum. **R7.** Amen.

Orémus.

Oratio

Omnípotens sempitérne Deus, qui per Móysen fámulum tuum puríssimum ólei liquórem ad luminária ante conspéctum tuum iúgiter concinnánda præparári iussisti: bene ✠ dictionis tuæ grátiam super hos céreos benígnus infúnde; quatenus sic adminístrent lumen extérius, ut, te donánte, lumen Spíritus tui nostris non desit méntibus intérius. Per Christum Dóminum nostrum. **R7.** Amen.

Orémus.

Oratio

Dómine Iesu Christe, qui hodiérna die in nostræ carnis substántia inter hómines appárens, a paréntibus in templo es præsentátus: quem Símeon venerábilis senex, lumine Spíritus tui irradiá-

tus, agnóvit, suscepit, et benedíxit: præsta propítius; ut eiúsdem Spíritus Sancti grátia illumináti, atque edócti, te veráciter agnoscámus, et fidéliter diligámus: Qui vivis et regnas in sæcula sæculórum.

R7. Amen.

¶ **Finitis orationibus, celebrans ponit incensum in thuribulum: deinde ter aspergit candelas aqua benedicta, dicendo antiphonam Aspérge me, sine cantu, et sine psalmo: et ter adolet incenso.**

DE DISTRIBUTIONE CANDELARUM

Tum dignior ex clero accedit ad altare, et ab eo celebrans accipit candelam, non genuflectens. Postea celebrans stans in medio ante altare, versus ad populum, distribuit candelas, primum digniori, a quo ipse acceperat; deinde diacono et subdiacono paratis, et aliis clericis singulatim per ordinem, ultimo laicis: omnibus genuflectentibus, exceptis Prælati, si adsint. Et cum inceperit distribuere candelas, a choro cantatur

Antiphona Luc. 2, 32 Lumen ad revelatióem géntium: et glóriam plebis tuæ Israël.

Cantic. ibid., 29-31 Nunc dimíttis servum tuum, Dómine, * secúndum verbum tuum in pace.

Et repetitur antiphona Lumen ad revelatióem géntium: et glóriam plebis tuæ Israël.

Quia vidérunt óculi mei * salutare tuum.

Et repetitur antiphona Lumen ad revelatióem géntium: et glóriam plebis tuæ Israël.

Quod parásti * ante fáciem ómnium populórum.

Et repetitur antiphona Lumen ad revelatióem géntium: et glóriam plebis tuæ Israël.

Quæ si non sufficiant, repetantur quousque distributio finiatur; et clauditur cum

Glória Patri, et Filio, * et Spirítui Sancto.

Et repetitur antiphona Lumen ad revelatióem géntium: et glóriam plebis tuæ Israël.

Sicut erat in princípio, et nunc, et semper, * et in sæcula sæculórum. Amen.

Et repetitur antiphona Lumen ad revelatióem géntium: et glóriam plebis tuæ Israël.

His expletis, sacerdos dicit:

V. Dóminus vobíscum.

R. Et cum spírítu tuo.

Orémus.

Oratio

Exáudi, quæsumus, Dómine, plebem tuam: et, quæ extrínsecus ánnua tríbuís devotióne venerári, intérius ássequi grátia tuæ luce concéde. Per Christum Dóminum nostrum. **R.** Amen.

DE PROCESSIONE

¶ Primo celebrans ponit incensum in thuribulum: postea diaconus vertens se ad populum, dicit: Procedámus in pace. Et chorus respondet: In nómine Christi. Amen.

Præcedit thuriferarius cum thuribulo fumigante: deinde subdiaconus paratus, deferens crucem, medius inter duos acolythos cum candelabris accensis: sequitur celerus per ordinem, ultimo celebrans cum diacono a sinistris, omnes cum candelis accensis in manibus: et cantantur antiphonæ sequentes:

Antiph. Adórna thálamum tuum, Sion, et súscipe Regem Christum: ampléctere Mariám, quæ est cæléstis porta: ipsa enim portat Regem glóriæ novi lúminis: subsístit Virgo, addúcens mánibus Fílium ante lucíferum génitum: quem accípiens Símeon in ulnas suas, prædicávit pópulis, Dóminum eum esse vitæ et mortis, et Salvatórem mundi.

Alia antiph. Luc. 2, 26, 27 et 28-29 Respónsum accépit Símeon a Spí-

ritu Sancto, non visúrum se mortem, nisi vidéret Christum Dómini: et cum indúcerent púerum in templum, accépit eum in ulnas suas, et benedíxit Deum, et dixit: Nunc dimíttis servum tuum, Dómine, in pace. **V.** Cum indúcerent púerum Iesum paréntes eius, ut fácerent secúndum consuetúdinem legis pro eo, ipse accépit eum in ulnas suas.

Et ingrediendo ecclesiam, cantatur:

R. Obtulérunt pro eo Dómino par túrturum, aut duos pullos columbárum: * Sicut scriptum est in lege Dómini. **V.** Postquam impléti sunt dies purgatiónis Mariæ, secúndum legem Móysi, tulérunt Iesum in Ierúsalem, ut sístèrent eum Dómino. Sicut scriptum est in lege Dómini. **V.** Glória Patri, et Filio, et Spirítui Sancto. Sicut scriptum est in lege Dómini.

Si candelarum benedictio et processio, ob defectum ministrorum sacrorum, forma solemniori fieri nequeat, licet formam simplicem adhibere, etiam absque cantu, dummodo tres saltem ministrantes celebranti inserviant.

DE MISSA

Finita processione, celebrans et ministri accipiunt paramenta pro Missa. In Missa quæ benedictionem candelarum sequitur, omittuntur psalmus Iúdica me, Deus cum sua antiphona, necnon confessio cum absolutione, versibus sequentibus atque orationibus Aufer a nobis et Orámus te, Dómine. Sacerdos igitur cum ad altare accesserit, statim illud ascendit et osculatur in medio. Candelæ in manibus tenentur ad Evangelium et toto Canone.

Antiphona ad Introitum

Ps. 47, 10-11

Suscépimus, Deus, misericórdiam tuam in médio templi tui: secúndum nomen tuum, Deus, ita et laus tua in fines terræ:

iustitia plena est dextera tua. **Ps. ibid., 2** Magnus Dominus, et laudabilis nimis: in civitate Dei nostri, in monte sancto eius. **V.** Glória Patri.

Oratio

Omnípotens sempitérne Deus, maiestatem tuam supplices exoramus: ut, sicut unigénitus Fílius tuus hodiérna die cum nostræ carnis substantia in templo est præsentátus; ita nos fácias purificátis tibi méntibus præsentári. Per eúndem Dóminum.

Lectio Malachíæ Prophétæ.

Malach. 3, 1-4

Hæc dicit Dominus Deus: Ecce, ego mitto Angelum meum, et præparábit viam ante faciém meam. Et statim véniet ad templum suum Dominátor, quem vos quæritis, et Angelus testaménti, quem vos vultis. Ecce, venit, dicit Dominus exercítuum: et quis póterit cogitare diem advéntus eius, et quis stabit ad vidéndum eum? Ipse enim quasi ignis conflans, et quasi herba fullónum: et sedébit conflans, et emúndans argéntum, et purgábit filios Levi et colábit eos quasi aurum et quasi argéntum: et erunt Dómino offeréntes sacrificia in iustitia. Et placébit Dómino sacrificium Iuda, et Ierúsalem, sicut dies sæculi, et sicut anni antíqui: dicit Dominus omnípotens.

Graduale Ps. 47, 10-11 et 9 Suscépimus, Deus, misericórdiam tuam in médio templi tui: secúndum nomen tuum, Deus, ita et laus tua in fines terræ. **V.** Sicut audívimus, ita et vídimus in civitate Dei nostri, in monte sancto eius.

Allelúia, allelúia. **V.** Senex puerum portábat: puer autem senem regébat. Allelúia.

Post Septuagesimam, omissis Allelúia, et versu sequenti, dicitur

Tractus Luc. 2, 29-32 Nunc dimittis servum tuum, Dómine, secúndum verbum tuum in pace. **V.** Quia

vidérunt óculi mei salutáre tuum. **V.** Quod parásti ante faciém ómnium populórum. **V.** Lumen ad revelatióem géntium, et glóriam plebis tuæ Israël.

✠ Sequéntia sancti Evangélíi secúndum Lucam. **Luc. 2, 22-32**

In illo témpore: Postquam impléti sunt dies purgatióis Mariæ, secúndum legem Móysi, tulérunt Iesum in Ierúsalem, ut sístèrent eum Dómino, sicut scriptum est in lege Dómini: Quia omne masculínium adapériens vulvam sanctum Dómino vocábitur. Et ut darent hóstiam secúndum quod dictum est in lege Dómini, par túrturum, aut duos pullos columbárum. Et ecce, homo erat in Ierúsalem, cui nomen Símeon, et homo iste iustus et timorátus, expéctans consolatióem Israël, et Spíritus Sanctus erat in eo. Et respónsum accéperat a Spíritu Sancto, non visúrum se mortem, nisi prius vidéret Christum Dómini. Et venit in spíritu in templum. Et cum indúcerent púerum Iesum paréntes eius, ut fácerent secúndum consuetúdinem legis pro eo: et ipse accépit eum in ulnas suas, et benedíxit Deum, et dixit: Nunc dimíttis servum tuum, Dómine, secúndum verbum tuum in pace: Quia vidérunt óculi mei salutáre tuum: Quod parásti ante faciém ómnium populórum: Lumen ad revelatióem géntium, et glóriam plebis tuæ Israël.

Credo.

Antiphona ad Offertorium Ps. 44, 3 Diffúsa est grátia in lábiis tuis: proptérea benedíxit te Deus in ætérnum, et in sáculum sáculi.

Secreta

Exáudi, Dómine, preces nostras: et, ut digna sint múnera, quæ óculis tuæ maiestátis offérimus, subsidium nobis tuæ pietátis impénde. Per Dóminum.

Præfatio de Nativitate.

Antiphona ad Communionem
Luc. 2, 26 Respónsum accépit Símeon a Spíritu Sancto, non visúrum se mortem, nisi vidéret Christum Dómini.

Postcommunio

Quæsumus, Dómine Deus noster: ut sacrosáncta mystéria, quæ pro reparatiónis nostræ munimine contulisti, intercedente beáta María semper Vírgine, et præsens nobis remédium esse fácias, et futúrum. Per Dóminum.

Die 3 februarii

S. BLASII EP. ET MART.

Commemoratio

Missa Sacerdótes Dei, de **Communi unius Martyris 2 loco** (4).

Oratio

Deus, qui nos beáti Blásii Mártyris tui atque Pontíficis ánnua solemnitáte lætíficas: concéde propítius; ut, cuius natalícia cólimus, de eiúsdem étiam protectióne gaudeámus. Per Dóminum.

Secreta

Múnera tibi, Dómine, dicáta sanctífica: et, intercedente beáto Blásio Mártyre tuo atque Pontífice, per éadem nos placátus inténde. Per Dóminum.

Postcommunio

Hæc nos commúnio, Dómine, purget a crimine: et, intercedente beáto Blásio Mártyre tuo atque Pontífice, cæléstis remédii fáciat esse consórtes. Per Dóminum.

Die 4 februarii

S. ANDREÆ CORSINI
EPISCOPI ET CONFESSORIS

III classis

Missa Státuit, de **Communi Confessoris Pontificis 1 loco** (16), **cum orationibus ut infra:**

Oratio

P

Deus, qui in Ecclésia tua nova semper instáuras exémpla virtútum: da pópulo tuo beáti Andréæ Confessoris tui atque Pontíficis ita sequi vestígia; ut assequátur et præmia. Per Dóminum.

Secreta

C

Sancti tui, quæsumus, Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum.

Postcommunio

C

Præsta, quæsumus, omnípotens Deus: ut, de percéptis munéribus grátias exhibéntes, intercedente beáto Andréa Confessore tuo atque Pontífice, beneficia potióra sumámus. Per Dóminum.

Die 5 februarii

S. AGATHÆ VIRG. ET MART.

III classis

Antiphona ad Introitum

Gaudeámus omnes in Dómino, diem festum celebrántes sub honóre beátæ Agathæ Virgínis et Mártyris: de cuius passióne gaudent Angeli, et colláudant Fílium Dei. **Ps. 44, 2** Eructávit cor meum verbum bonum: dico ego ópera mea Regi. **V.** Glória Patri.

Oratio

Deus, qui inter cétera poténtiæ tuæ mirácula étiam in sexu frágili victóriam martýrii contulisti: concéde propítius; ut, qui beátæ Agathæ Virgínis et Mártyris tuæ natalícia cólimus, per eius ad te exémpla gradiámur. Per Dóminum.

Léctio Epístolæ beáti Pauli Apóstoli ad Corínthios. **1 Cor. 1, 26-31**

Fratres: Vidéte vocatióem vestram, quia non multi sapiéntes secúndum carnem, non multi poténtes, non multi nóbiles: sed quæ stulta sunt mundi elégit Deus, ut

confúndat sapiéntes: et infirma mundi elégit Deus, ut confúndat fórtia: et ignobília mundi, et contemptibília elégit Deus, et ea quæ non sunt, ut ea quæ sunt destrúeret: ut non gloriétur omnis caro in conspéctu eius. Ex ipso autem vos estis in Christo Iesu, qui factus est nobis sapiéntia a Deo, et iustítia, et sanctificátio, et redemptio: ut quemádmódum scriptum est: Qui gloriátur, in Dómino gloriétur.

Graduale Ps. 45, 6 Adiuvábit eam Deus vultu suo: Deus in médio eius, non commovébitur. **V. Ibid., 5** Flúminis ímpetus lætíficat civitátem Dei: sanctificávit tabernáculum suum Altíssimus.

Allelúia, allelúia. **V. Ps. 118, 46** Loquébar de testimoniis tuis in conspéctu regum, et non confundébar. Allelúia.

Post Septuagesimam, omissis Allelúia, et versu sequenti, dicitur

Tractus Ps. 125, 5-6 Qui séminant in lácrimis, in gáudio metent. **V.** Eúntes ibant et flebant, mitténtes sémina sua. **V.** Veniéntes autem vénient cum exultatióne, portántes manípulos suos.

✠ Sequéntia sancti Evangélíi secúndum Matthæum. **Matth. 19, 3-12**

In illo témpore: Accessérunt ad Iesum pharisæi tentántes eum, et dicéntes: Si licet hómini dimíttere uxórem suam quacúmque ex causa? Qui respóndens, ait eis: Non legístis, quia, qui fecit hóminem ab inítio, másculum et féminam fecit eos? et dixit: Propter hoc dimíttet homo patrem, et matrem, et adhærébit uxóri suæ, et erunt duo in carne una. Itaque iam non sunt duo, sed una caro. Quod ergo Deus coniúnxit, homo non séparet. Dicunt illi: Quid ergo Móyses mandávit dare libéllum repúdií, et dimíttere? Ait illis: Quóniam Móyses ad durítiam cordis vestri permísit vobis dimíttere uxóres ve-

stras: ab inítio autem non fuit sic. Dico autem vobis, quia quicúmque dimíserit uxórem suam, nisi ob fornicatióem, et áliam dúxerit, mœchátur: et qui dimíssam dúxerit, mœchátur. Dicunt ei discípuli eius: Si ita est causa hóminis cum uxóre, non éxpedit núbere. Qui dixit illis: Non omnes cápiunt verbum istud, sed quibus datum est. Sunt enim eunúchi, qui de matris útero sic nati sunt: et sunt eunúchi, qui facti sunt ab homínibus: et sunt eunúchi, qui seípsos castravérunt propter regnum cælórum. Qui potest cápere, cápiat.

Antiphona ad Offertorium Ps. 44, 15 Afferéntur Regi vírgines post eam: próximæ eius afferéntur tibi.

Secreta

Súscipe, Dómine, múnera, quæ in beátæ Agathæ Vírginis et Mártiris tuæ solemnitáte deférimus: cuius nos confidimus patrocínio liberári. Per Dóminum.

Antiphona ad Communionem Qui me dignátus est ab omni plaga curáre, et mamíllam meam meo péctori restituere, ipsum ínvocho Deum vivum.

Postcommunio

Auxiliéntur nobis, Dómine, sumpta mystéria: et, intercedénte beáta Agatha Vírgine et Mártire tua, sempitérna protectióne confirment. Per Dóminum.

Die 6 februarii

S. TITI EP. ET CONF.

III classis

Antiphona ad Introitum

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdotíi dígnitas in ætérnum. **Ps. 131, 1** Meménto, Dómine, David: et omnis mansuetúdinis eius. **V.** Glória Patri.

Oratio

Deus, qui beátum Titum Confessórem tuum atque Pontíficem apostólicis virtútibus decorásti: eius méritis et intercessióne concéde; ut iuste et pie vivéntes in hoc sáculo, ad cæléstem pátriam perveníre mereámur. Per Dóminum.

Et fit commemoratio S. Dorotheæ Virg. et Mart.:

Oratio

C

Indulgéntiam nobis, quæsumus, Dómine, beáta Doróthea Virgo et Martyr implóret: quæ tibi grata semper éxstitit, et mérito castitátis, et tuæ professióne virtútis. Per Dóminum.

Léctio libri Sapiéntiæ.

Eccli. 44, 16-27; 45, 3-20

Ecce sacérdos magnus, qui in diebus suis plácuít Deo, et invéntus est iustus: et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo iureiurándo fecit illum Dóminus crésce in plebem suam. Benedictiónem ómnium géntium dedit illi, et testaméntum suum confirmávit super caput eius. Agnóvit eum in benedictiónibus suis: conservávit illi misericórdiam suam et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsíus: et offérre illi incénsu dignum in odórem suavitátis.

Graduale Eccli. 44, 16 Ecce sacérdos magnus, qui in diébus suis plácuít Deo. **V. Ibid., 20** Non est invéntus símilis illi, qui conserváret legem Excélsi.

Allelúia, allelúia. **V. Ps. 109, 4**

Tu es sacérdos in ætérnum, secúndum órđinem Melchisedech. Allelúia.

Post Septuagesimam, omissis Allelúia, et versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítia in domo eius: et iustítia eius manet in sáculum sáculi.

✠ Sequéntia sancti Evangélíi secúndum Lucam.

Luc. 10, 1-9

In illo témpore: Designávit Dóminus et álios septuagínta duos: et misit illos binos ante faciém suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut maittat operários in messem suam. Ite: ecce, ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit filius pacis, requiécet super illum pax vestra: sin autem, ad vos revertétur. In eádem autem domo manéte, edéntes, et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quæ apponúntur vobis: et curáte infirmos, qui in illa sunt, et dícite illis: Appropinquávit in vos regnum Dei.

Antiphona ad Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta

Sancti tui, quæsumus, Dómine, nos ubique lætificent: ut, dum eórum mérita recólimus, patrocínia sentiámus. Per Dóminum.

Pro S. Dorothea**Secreta**

C

Hóstias tibi, Dómine, beátæ Dorótheæ Vírginis et Mártiris tuæ dicátas méritis, benígnus assúme: et ad perpétuum nobis tríbue proveníre subsidium. Per Dóminum.

Antiphona ad Communionem

Luc. 12, 42 Fidélis servus, et prudens, quem constituit dóminus super familiam suam: ut det illis in témpore trítici mensúram.

Postcommunio

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Tito Confessóre tuo atque Pontífice, beneficia potióra sumámus. Per Dóminum.

Pro S. Dorothea**Postcommunio**

C

Divíni múnere largitáte satiáti, quæsumus, Dómine Deus noster: ut, intercedénte beáta Doróthea Vírgine et Mártire tua, in eius semper participatióne vivámus. Per Dóminum.

Eodem die 6 februarii

S. DOROTHEÆ VIRG. ET MART.

Commemoratio

Missa Me expectavérunt, **de Communi Virginum 2 loco** (25).

Oratio

C

Indulgéntiam nobis, quæsumus, Dómine, beáta Doróthea Virgo et Martyr implóret: quæ tibi grata semper éxstitit, et mérito castitátis, et tuæ professióne virtútis. Per Dóminum.

Secreta

C

Hóstias tibi, Dómine, beátæ Dorótheæ Vírginis et Mártiris tuæ dicátas méritis, benígnus assúme: et ad perpétuum nobis tríbue proveníre subsidium. Per Dóminum.

Postcommunio

C

Divíni múnere largitáte satiáti, quæsumus, Dómine Deus noster: ut, intercedénte beáta Doróthea Vírgine et Mártire tua, in eius semper participatióne vivámus. Per Dóminum.

Die 7 februarii

S. ROMUALDI ABBATIS

III classis

Missa Os iusti, **de Communi Abbatum** (23).

Oratio

C

Intercéssio nos, quæsumus, Dómine, beáti Romuáldi Abbátis comméndet: ut, quod nostris méritis non valémus, eius patrocínio assequámur. Per Dóminum.

Secreta

C

Sacris altáribus, Dómine, hóstias superpósitas sanctus Romuáldus Abbas, quæsumus, in salútem nobis proveníre depóscat. Per Dóminum.

Postcommunio

C

Próteget nos, Dómine, cum tui perceptiόne sacraménti beátus Romuáldus Abbas, pro nobis intercedéndo: ut et conversatiόnis eius experiámur insígnia, et intercessiόnis percipiámus suffrágia. Per Dóminum.

Die 8 februarii

S. IOANNIS DE MATHA CONF.

III classis

Missa Os iusti, **de Communi Confessoris non Pontificis 1 loco** (20), **cum orationibus ut infra:**

Oratio**P**

Deus, qui per sanctum Ioánnem órđinem sanctíssimæ Trinitátis ad rediméndum de potestáte Saracenórum captivos cælitus institúere dignátus es: præsta, quæsumus; ut, eius suffragántibus méritis, a captivitate córporis et ánimæ, te adiuvánte, liberémur. Per Dóminum.

Secreta**C**

Laudis tibi, Dómine, hóstias immolámus in tuórum commemoratióne Sanctorum: quibus nos et præsentibus éxui malis confidimus, et futúris. Per Dóminum.

Postcommunio**C**

Refécti cibo potúque cælesti, Deus noster, te súplices exorámus: ut, in cuius hæc commemoratióne percépimus, eius muniámur et précibus. Per Dóminum.

Die 9 februarii

S. CYRILLI EP. ALEXANDRINI,
CONF. ET ECCL. DOCT.

III classis

Missa In médio, de **Communi Doctorum** (19), cum orationibus ut infra:

Oratio**P**

Deus, qui beátum Cyrillum Confessórem tuum atque Pontíficem divínæ maternitátis beatíssimæ Virgínis Mariæ assertórem invíctum effecísti: concéde, ipso intercedénte; ut, qui vere eam Genetrícem Dei crédimus, materna eiúsdem protectiône salvémur. Per eúndem Dóminum.

Et fit commemoratio S. Apolloniæ Virg. et Mart.:

Oratio**C**

Deus, qui inter cétera poténtiæ tuæ mirácula, étiam in sexu frágili victóriam martýrii

contulísti: concéde propítius; ut, qui beátæ Apollóniæ Virgínis et Mártýris tuæ natalícia cólimus, per eius ad te exémpła gradiámur. Per Dóminum.

Secreta**P**

Múnera nostra, omnipotens Deus, benígnus réspice: et, intercedénte beáto Cyrillo, præsta; ut unigénitum tuum Iesum Christum Dóminum nostrum in tua tecum glória coætérnum, in córdibus nostris digne suscipere mereámur: Qui tecum vivit.

Pro S. Apollonia**Secreta****C**

Súscipe, Dómine, múnera, quæ in beátæ Apollóniæ Virgínis et Mártýris tuæ solemnitate deférimus: cuius nos confidimus patrocínio liberári. Per Dóminum.

Postcommunio**P**

Divínis, Dómine, refécti mystériis, te súplices deprecámur: ut exémples et méritis beáti Cyrilli Pontíficis adiúti, sanctíssimæ Genetríci Unigéniti tui digne famulári valeámus: Qui tecum vivit.

Pro S. Apollonia**Postcommunio****C**

Auxiliéntur nobis, Dómine, sumpta mystéria: et, intercedénte beáta Apollónia Virgine et Mártýre tua, sempitérna fáciant protectiône gaudére. Per Dóminum.

Eodem die 9 februarii

S. APOLLONLÆ VIRG. ET MART.

Commemoratio

Missa Loquébar, de **Communi Virginum** i loco (24).

Oratio**C**

Deus, qui inter cétera poténtiæ tuæ mirácula, étiam in sexu

frágili victóriam martýrii contu-
listi: concéde propítius; ut, qui
beátæ Apollóniæ Virginitis et Már-
tyris tuæ natalícia cólimus, per eius
ad te exémpa gradiámur. Per Dó-
minum.

Secreta

C

Súscipe, Dómine, múnera, quæ in
beátæ Apollóniæ Virginitis et
Mártiris tuæ solemnitáte deféri-
mus: cuius nos confidimus patro-
cínio liberári. Per Dóminum.

Postcommunio

C

Auxiliéntur nobis, Dómine,
sumpta mystéria: et, interce-
dente beáta Apollónia Virgine et
Mártire tua, sempitérna fácient
protectióne gaudére. Per Dóminum.

Die 10 februarii

S. SCHOLASTICÆ VIRGINIS

III classis

Missa Dilexísti, **de Comuni**
Virginum 3 loco (27), cum oratio-
nibus ut infra:

Oratio

P

Deus, qui ánimam beátæ Vir-
ginis tuæ Scholásticæ ad
ostendéndam innocentíæ viam in
colúmbæ spécie cælum penetráre
fecísti: da nobis eius méritis et pré-
cibus ita innocentér vivere; ut ad
ætérra mereámur gáudia perveníre.
Per Dóminum.

Secreta

C

Accépta tibi sit, Dómine, sacrátæ
plebis oblátio pro tuórum ho-
nóre Sanctórum: quorum se méritis
de tribulatióne percepísse cognóscit
auxílium. Per Dóminum.

Postcommunio

C

Satiásti, Dómine, famíliam tuam
munéribus sacris: eius, quæsu-
mus, semper interventióne nos
réfove, cuius solémnia celebrámus.
Per Dóminum.

Die 11 februarii

IN APPARITIONE

B. MARLÆ VIRG. IMMACULATÆ

III classis

Antiphona ad Introitum

Apoc. 21, 2

Vidi civitátem sanctam, Ierú-
salem novam, descendéntem
de cælo a Deo, parátam sicut
sponsam ornátam viro suo. **Ps. 44,**
2 Eructávit cor meum verbum bo-
num: dico ego ópera mea Regi.
V. Glória Patri.

Oratio

Deus, qui per immaculátam
Virginitis Conceptionem di-
gnum Filio tuo habitáculum præ-
parásti: súplices a te quæsumus;
ut eiúsdem Virginitis Apparitióne
celebrántes, salútem mentis et cór-
poris consequámur. Per eúndem
Dóminum.

Léctio libri Apocalýpsis beáti Ioán-
nis Apóstoli.

Apoc. 11, 19; 12, 1 et 10

Apértum est templum Dei in
cælo: et visa est arca testa-
ménti eius in templo eius, et facta
sunt fúlgura, et voces, et terrémó-
tus, et grando magna. Et signum
magnum appáruit in cælo: Múlier
amícta sole, et luna sub pédibus
eius, et in cápite eius coróna stellá-
rum duódecim. Et audívi vocem
magnam in cælo dicéntem: Nunc
facta est salus, et virtus, et regnum
Dei nostri, et potéstas Christi eius.

Graduale Cant. 2, 12

Flores
apparuérunt in terra nostra, tem-
pus putatiónis advénit, vox túrturis
audíta est in terra nostra. **V. Ibid.,**
10 et 14 Surge, amíca mea, speciósá
mea, et veni: colúmba mea in forá-
mínibus petræ, in cavérna macériæ.

Allelúia, allelúia. **V.** Osténde
mihi faciém tuam, sonet vox tua
in áuribus meis: vox enim tua
dulcis, et fácies tua decóra. Allelúia.

Post Septuagesimam, omissis Allelúia, et versu sequenti, dicitur

Tractus Iudith 15, 10 Tu glória Ierúsalem, tu lætítia Israë!l, tu honorificéntia pópuli nostri. V. Cant. 4, 7 Tota pulchra es, María: et mácula originális non est in te. V. Felix es, sacra Virgo María, et omni laude digníssima, quæ serpéntis caput virgíneo pede contrivísti.

In Missis votivis tempore paschali omittitur graduale, et eius loco dicitur:

Allelúia, allelúia. V. Iudith 15, 10 Tu glória Ierúsalem, tu lætítia Israë!l, tu honorificéntia pópuli nostri. Allelúia. V. Cant. 4, 7 Tota pulchra es, María: et mácula originális non est in te. Allelúia.

✠ Sequéntia sancti Evangélíi secúndum Lucam.

Luc. 1, 26-31

In illo témpore: Missus est Angelus Gábriel a Deo in civitátem Galilææ, cui nomen Náza-reth, ad Virgí-nem desponsátam viro, cui nomen erat Ioseph, de domo David, et nomen Virgínis María. Et ingréssus Angelus ad eam dixit: Ave, grátia plena: Dóminus tecum: benedícta tu in muliéribus. Quæ cum audísset, turbáta est in sermóne eius, et cogitábat qualis esset ista salutátio. Et ait Angelus ei: Ne tí-meas, María, invenísti enim grátiam apud Deum: ecce, concípies in útero, et páries fílium, et vocábis nomen eius Iesum.

Antiphona ad Offertorium Luc. 1, 28 Ave, grátia plena: Dóminus tecum: benedícta tu in muliéribus.

Secreta

Hóstia laudis, quam tibi, Dómine, per mérita gloriósæ et immaculátæ Virgínis offérimus, sit tibi in odórem suavitátis, et nobis optátam cónferat cörperis et ánimæ sanitátem. Per Dóminum.

Præfatio de B. Maria Virg. Et te in Conceptione immaculáta.

Antiphona ad Communionem Ps. 64, 10 Visitásti terram et inebriásti eam, multiplicásti locupletáre eam.

Postcommunio

Quos cælésti, Dómine, aliménto satiásti, súblevet délixtera Genetrícis tuæ immaculátæ: ut ad ætérnam pátriam, ipsa adiuvánte, perveníre mereámur: Qui vivis.

Die 12 februarii

SS. SEPTEM FUNDATORUM
ORDINIS SERVORUM B. M. V.
CONFESSORUM

III classis

Antiphona ad Introitum

Sap. 10, 20-21

Iusti decantavérunt, Dómine, nomen sanctum tuum, et victrícem manum tuam laudavérunt páriter: quóniam sapiéntia apéruit os mutum, et linguas infántium fecit disértas. Ps. 8, 2 Dómine Dóminus noster, quam admirá-bile est nomen tuum in univér-sa terra! V. Glória Patri.

Oratio

Dómine Iesu Christe, qui ad recólendam memóriam dolórum sanctíssimæ Genetrícis tuæ, per septem beátos Patres nova Servórum eius família Ecclésiám tuam fecundásti: concéde propítius; ita nos eórum consociári flétibus, ut perfruámur et gáudiis: Qui vivis.

Léctio libri Sapiéntiæ.

Eccli. 44, 1-15

Laudémus viros gloriósos, et paréntes nostros in generatíone sua. Multam glóriam fecit Dóminus magnificéntia sua a sæculo. Dominántes in potestátibus

suis, hómines magni virtúte, et prudéntia sua præditi, nuntiántes in prophétis dignitátem prophetárum, et imperántes in præsénti pópulo, et virtúte prudéntiæ pópulis sanctíssima verba. In perítia sua requiréntes modos músicos, et narrántes cármina scripturárum. Hómines dívites in virtúte, pulchritúdinis stúdiu habéntes: pacificántes in dómibus suis. Omnes isti in generatió nibus gentis suæ glóriam adépti sunt, et in diébus suis habéntur in láudibus. Qui de illis nati sunt, reliquérunt nomen narrándi laudes eórum. Et sunt quorum non est memó ria: periérunt quasi qui non fúerint: et nati sunt, quasi non nati, et filii ipsórum cum ipsis. Sed illi viri misericórdiæ sunt, quorum pietátes non defuérunt: cum sémine eórum pérmanent bona, heréditas sancta nepótes eórum, et in testaméntis stetit semen eórum: et filii eórum propter illos usque in ætérnum manent: semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatió nem et generatió nem. Sapiéntiam ipsórum narrent pópuli, et laudem eórum núntiet Ecclésia.

Graduale Isai. 65, 23 Elécti mei non laborábunt frustra, neque germinábunt in conturbatió ne: quia semen benedictórum Dómini est, et nepótes eórum cum eis. **V. Eccli. 44, 14** Córpora ipsórum in pace sepúlta sunt, et nomen eórum vivit in generatió nem et generatió nem.

Allelúia, allelúia. **V. Ibid., 15** Sapiéntiam ipsórum narrent pópuli, et laudem eórum núntiet Ecclésia. Allelúia.

Post Septuagesimam, omissis Allelúia, et versu sequenti, dicitur

Tractus Ps. 125, 5-6 Qui séminant in lácrimis, in exsultatió ne metent. **V.** Eúntes ibant et flebant, mitténtes sémína sua. **V.** Veniéntes autem

veníent cum exsultatió ne, portántes manípulos suos.

¶ In Missis votivis tempore paschali omittitur graduale, et eius loco dicitur:

Allelúia, allelúia. **V. Eccli. 44, 15** Sapiéntiam ipsórum narrent pópuli, et laudem eórum núntiet ecclésia. Allelúia. **V. Ps. 36, 28** Non derelinquet Dóminus sanctos suos: in ætérnum conservabúntur. Allelúia.

✠ Sequéntia sancti Evangélii secúndum Matthæum.

Matth. 19, 27-29

In illo témpore: Dixit Petrus ad Iesum: Ecce, nos relíquimus ómnia, et secúti sumus te: quid ergo erit nobis? Iesus autem dixit illis: Amen dico vobis, quod vos, qui secúti estis me, in regeneratió ne, cum séderit Fílius hóminis in sede maiestátis suæ, sedébitis et vos super sedes duódecim, iudicántes duódecim tribus Israël. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, cénuplum accípiet, et vitam ætérnam possidébit.

Antiphona ad Offertorium Isai. 56, 7 Addúcam eos in montem sanctum meum, et lætificábo eos in domo oratió nis meæ: holocáusta eórum, et víctimæ eórum placébunt mihi super altáre meum.

Secreta

Accipe, quæsumus, Dómine, hostias quas tibi offérimus: et præsta; ut, intercedéntibus Sanctis tuis, líbera tibi mente serviámus, et perdoléntis Vírginis Genetrícis Fílii tui amóre inflammémur. Per eúndem Dóminum.

Antiphona ad Communionem Ioann. 15, 16 Ego vos elégi de mundo, ut eátis, et fructum afferátis: et fructus vester máneat.

Postcommunio

Cæléstibus refécti mystériis te, Dómine, deprecámur: ut quorum festa percólimus imitánte exempla; iuxta crucem Iesu cum María Matre eius fidéliter adstémus, et eiúsdem redemptionis fructum percípere mereámur. Per eúndem Dóminum.

Die 14 februarii

S. VALENTINI PRESB. ET MART.

Commemoratio

Missa In virtúte, de **Communi unius Martyris 3 loco** (5), cum orationibus ut infra:

Oratio

P

Præsta, quæsumus, omnipotens Deus: ut, qui beáti Valentíni Mártiris tui natalícia cólimus, a cunctis malis imminéntibus, eius intercessióne, liberémur. Per Dóminum.

Secreta

P

Súscipe, quæsumus, Dómine, múnera dignánte obláta: et beáti Valentíni Mártiris tui suffragántibus méritis, ad nostræ salutis auxiliúm proveníre concéde. Per Dóminum.

Postcommunio

P

Sit nobis, Dómine, reparátio mentis et córporis cæléste mystérium: ut, cuius exséquimur actiónem, intercedénte beáto Valentíno Mártire tuo, sentiámus efféctum. Per Dóminum.

Die 15 februarii

SS. FAUSTINI ET IOVITÆ MM.

Commemoratio

Missa Salus autem, de **Communi plurimorum Martyrum 3 loco** (10), cum orationibus ut infra:

Oratio

C

Deus, qui nos ánnua sanctorum Mártirum tuorum Faustíni et

Iovítæ solemnitate lætíficas: concéde propítius; ut, quorum gaudémus méritis, accendámur exémpis. Per Dóminum.

Secreta

P

Adésto, Dómine, supplicatióibus nostris, quas in Sanctorum tuorum commemoratióne deférimus: ut, qui nostræ iustitiæ fidúciám non habémus, eorum qui tibi placuérunt, méritis adiuvémur. Per Dóminum.

Postcommunio

P

Quæsumus, Dómine, salutáribus repléti mystériis: ut, quorum solénnia celebrámus, eorum oratióibus adiuvémur. Per Dóminum.

Die 18 februarii

S. SIMEONIS EP. ET MART.

Commemoratio

Missa Státuit, de **Communi unius Martyris 1 loco** (3).

Oratio

C

Infirmítatem nostram réspice, omnipotens Deus: et, quia pondus próprie actiós gravat, beáti Simeónis Mártiris tui atque Pontíficis intercésio gloriósa nos próteget. Per Dóminum.

Secreta

C

Hóstias tibi, Dómine, beáti Simeónis Mártiris tui atque Pontíficis dicátas méritis, benígnus assúme: et ad perpétuum nobis tríbue proveníre subsídium. Per Dóminum.

Postcommunio

C

Refécti participatióne múnis sacri, quæsumus, Dómine Deus noster: ut, cuius exséquimur cultum, intercedénte beáto Simeóne Mártire tuo atque Pontífice, sentiámus efféctum. Per Dóminum.

Die 22 februarii

CATHEDRÆ S. PETRI APOSTOLI

II classis

Antiphona ad Introitum

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdotií dignitas in ætérnum. **Ps. 131, 1** Meménto, Dómine, David: et omnis mansuetúdinis eius. **℣.** Glória Patri.

Oratio

Deus, qui beáto Petro Apóstolo tuo, collátis clávisbus regni cæléstis, ligándi atque solvéndi pontificium tradidisti: concéde; ut, intercessiónis eius auxílio, a peccatórum nostrórum néxibus liberémur.

Et fit commemoratio S. Pauli Ap. sub unica conclusione:

Oratio

Deus, qui multitudínem génitium beáti Pauli Apóstoli prædicatióne docuísti: da nobis, quæsumus; ut, cuius commemoratiónem cólimus, eius apud te patrocínia sentiámus. Per Dóminum.

Deinde, tempore quadragesimali, fit commemoratio feriæ.

Léctio Epístolæ beáti Petri Apóstoli.

1 Petri 1, 1-7

Petrus Apóstolus Iesu Christi, eléctis ádvenis dispersiónis Ponti, Galátiae, Cappadóciae, Asiæ et Bithýniæ secúndum præsciéntiam Dei Patris, in santificatiónem Spíritus, in obediéntiam, et aspersiónem ságuinis Iesu Christi: grátia vobis, et pax multiplicétur. Benedíctus Deus, et Pater Dómini nostri Iesu Christi, qui secúndum misericórdiam suam magnam regenerávit nos in spem vivam, per

resurrectiόνem Iesu Christi ex mórtuis, in hereditátem incorruptíblem, et incontaminátam, et immarcescibilem, conservátam in cælis in vobis, qui in virtúte Dei custodímini per fidem in salútem, parátam revelári in témpore novíssimo. In quo exsultábitis, módicum nunc si opórtet contristári in váriis tentatióibus: ut probátio vestræ fidei multo pretiósior auro (quod per ignem probátur) inveniátur in laudem, et glóriam, et honórem, in revelatióne Iesu Christi Dómini nostri.

Graduale Ps. 106, 32 et 31 Exáltent eum in ecclésia plebis: et in cáthedra seniórum laudent eum. **℣.** Confiteántur Dómino misericórdiæ eius, et mirabília eius filiis hóminum.

Tractus Matth. 16, 18-19 Tu es Petrus, et super hanc petram ædificábo Ecclésiám meam. **℣.** Et portæ inferi non prævalébunt advérsus eam: et tibi dabo claves regni cælórum. **℣.** Quodcúmque ligáveris super terram, erit ligátum et in cælis. **℣.** Et quodcúmque sólveris super terram, erit solútum et in cælis.

¶ In Missis votivis, ante Septuagesimam vel post Pentecosten, graduale ut supra, sed omissio tractu, dicitur:

Allelúia, allelúia. **℣. Matth. 16, 18** Tu es Petrus, et super hanc petram ædificábo Ecclésiám meam. Allelúia.

Tempore autem paschali, omis-sis graduale et tractu, dicitur:

Allelúia, allelúia. **V. Ps. 106, 15**
 Confiteántur Dómino misericórdiæ eius, et mirabília eius filiis hóminum. Allelúia. **V. Matth. 16, 18** Tu es Petrus, et super hanc petram ædificábo Ecclésiám meam. Allelúia.

✠ Sequéntia sancti Evangélíi secúndum Matthæum.

Matth. 16, 13-19

In illo témpore: Venit Iesus in partes Cæsaréæ Philíppi, et interrogábat discípulos suos, dicens: Quem dicunt hómines esse Fílium hóminis? At illi dixerunt: Alii Ioánnem Baptístam, álii autem Elíam, álii vero Ieremíam, aut unum ex prophétis. Dicit illis Iesus: Vos autem quem me esse dicitis? Respóndens Simón Petrus, dixit: Tu es Christus, Fílius Dei vivi. Respóndens autem Iesus, dixit ei: Beátus es, Simón Bar Iona: quia caro et sanguis non revelávit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam. Et tibi dabo claves regni cælórum. Et quodcúmque ligáveris super terram, erit ligátum et in cælis: et quodcúmque sólveris super terram, erit solútum et in cælis.

Credo.

Antiphona ad Offertorium Matth. 16, 18-19 Tu es Petrus, et super hanc petram ædificábo Ecclésiám meam: et portæ inferi non prævalébunt advérsus eam: et tibi dabo claves regni cælórum.

Secreta

Ecclésiæ tuæ, quæsumus, Dómine, preces et hóstias beáti Petri Apóstoli comméndet orátio: ut, quod pro illius glória celebrámus, nobis prosit ad véniam.

Et fit commemoratio S. Pauli Ap. sub unica conclusione:

Secreta

Apóstoli tui Pauli précibus, Dómine, plebis tuæ dona sanctífica: ut, quæ tibi tuo grata sunt institúto, gratióra fiant patrocínio supplicántis. Per Dóminum.

Deinde, tempore quadragesimali, fit commemoratio feriæ.

Præfatio de Apostolis.

Antiphona ad Communionem Matth. 16, 18 Tu es Petrus, et super hanc petram ædificábo Ecclésiám meam.

Postcommunio

Lætíficet nos, Dómine, munus oblátum: ut, sicut in Apóstolo tuo Petro te mirábilem prædicámus; sic per illum tuæ sumámus indulgéntiæ largitátem.

Et fit commemoratio S. Pauli Ap. sub unica conclusione:

Postcommunio

Sanctificáti, Dómine, salutári mystério: quæsumus; ut nobis eius non desit orátio, cuius nos donásti patrocínio gubernári. Per Dóminum.

Deinde, tempore quadragesimali, fit commemoratio feriæ.

Die 23 februaryi

**S. PETRI DAMIANI
 EP., CONF. ET ECCL. DOCT.**

III classis

Missa In médio, de Comuni Doctorum (19), cum orationibus ut infra:

Oratio

P

Concède nos, quæsumus, omnipotens Deus: beáti Petri Confessoris tui atque Pontíficis mónita et exémpa sectári; ut per terrestrium rerum contéptum æterna gáudia consequámur. Per Dóminum.

Secreta

C I

Sancti Petri Pontíficis tui atque Doctóris nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtíneat. Per Dóminum.

Postcommunio

C I

Ut nobis, Dómine, tua sacrificia dent salútem: beátus Petrus Póntifex tuus et Doctor egrégius, quæsumus, precátor accédât. Per Dóminum.

Die 24 vel 25 februarii

S. MATTHIÆ APOSTOLI

II classis

Antiphona ad Introitum

Ps. 138, 17

Mihi autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2** Dómine, probásti me, et cognovísti me: tu cognovísti sessiónem meam, et resurrectionem meam. **V.** Glória Patri.

Oratio

Deus, qui beátum Matthíam Apostolorum tuórum collégio sociásti: tríbue, quæsumus; ut eius interventióne, tuæ circa nos pietátis semper víscera sentiámus. Per Dóminum.

Et, tempore quadragesimali, fit commemoratio feriæ.

Lectio Actuum Apostolorum.

Act. 1, 15-26

In diébus illis exsúrgens Petrus in médio fratrum, dixit (erat autem turba hóminum simul, fere centum vigínti): Viri fratres, opórtet impléri Scriptúram, quam prædíxit Spíritus Sanctus per os David de Iuda, qui fuit dux eórum, qui comprehendérunt Iesum: qui connumerátus erat in nobis, et sortítus est sortem ministérii huius. Et hic quidem possédit agrum de mercéde iniquitátis, et suspénsus crepuit médius: et diffúsa sunt ómnia víscera eius. Et notum factum est ómnibus habitántibus Ierúsa-

lem, ita ut appellarétur ager ille, lingua eórum, Hacéldama, hoc est, ager sánguinis. Scriptum est enim in libro Psalmórum: Fiat commorátio eórum desérta, et non sit qui inhábitet in ea: et episcopátum eius accípiat alter. Opórtet ergo ex his viris, qui nobíscum sunt congregáti in omni témpore, quo intrávit et exívit inter nos Dóminus Iesus, incípiens a baptísmate Ioánnis usque in diem, qua assúptus est a nobis, testem resurrectionis eius nobíscum fieri unum ex istis. Et statuérunt duos, Ioseph qui vocabátur Bársabas, qui cognominátus est Iustus, et Matthíam. Et orántes dixerunt: Tu, Dómine, qui corda nosti ómnium, osténde, quem elégeris ex his duóbus unum, accípere locum ministérii huius, et apostolátus, de quo prævaricátus est Iudas, ut abíret in locum suum. Et dedérunt sortes eis, et cecidit sors super Matthíam, et annumerátus est cum úndecim Apóstolis.

Graduale Ps. 138, 17-18 Nimis honoráti sunt amíci tui, Deus: nimis confortátus est principátus eórum. **V.** Dinumerábo eos, et super arénam multiplicabúntur.

Tractus Ps. 20, 3-4 Desidérium animæ eius tribuísti ei: et voluntáte labiórum eius non fraudásti eum. **V.** Quóniam prævenísti eum in benedictiónibus dulcedinis. **V.** Posuísti in cápite eius corónam de lápide pretióso.

✠ Sequéntia sancti Evangélíi secúndum Matthæum.

Matth. 11, 25-30

In illo témpore: Respóndens Iesus, dixit: Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis. Ita Pater: quóniam sic fuit plácitum ante te. Omnia mihi trádicta sunt a Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me, omnes, qui laborátis, et oneráti estis, et ego reficiam vos. Tóllite iugum meum super vos, et discite a me, quia mitis sum, et húmilis corde et inveniétis réquiem animábus vestris. Iugum enim meum suáve est, et onus meum leve.

Credo.

Antiphona ad Offertorium Ps. 44, 17-18 Constitues eos príncipes super omnem terram: mémores erunt nóminis tui, Dómine, in omni progénie et generatióne.

Secreta

Hóstias tibi, Dómine, quas nómini tuo sacrádas offérimus, sancti Matthíæ Apóstoli tui prosecuátur orátio: per quam nos expiári fácias, et deféndi. Per Dóminum.

Et, tempore quadragesimali, fit commemoratio feriæ.

Præfatio de Apostolis.

Antiphona ad Communionem Matth. 19, 28 Vos, qui secúti estis me, sedébitis super sedes, iudicántes duódecim tribus Israël.

Postcommunio

Præsta, quæsumus, omnípotens Deus: ut per hæc sancta, quæ sumpsimus, interveniénte beáto Matthía Apóstolo tuo, véniam consequámur, et pacem. Per Dóminum.

Et, tempore quadragesimali, fit commemoratio feriæ.

¶ In Missis votivis ante Septuagesimam vel post Pentecosten, omisso tractu, post graduale, dicitur:

Allelúia, allelúia. **V. Ps. 32, 1** Gaudéte, iusti, in Dómino; rectos decet collaudátio. Allelúia.

Tempore autem paschali, antiphona ad Introitum, Allelúia cum suis versibus post Epistolam, necnon antiphonæ ad Offertorium et ad Communionem sumuntur ex Missa Protexísti, de Comuni Martyrum 1 loco (12), reliqua dicuntur ut supra.

Die 27 vel 28 februarii

**S. GABRIELIS
A VIRGINE PERDOLENTE CONF.**

III classis

Antiphona ad Introitum

Eccli. 11, 13

Oculus Dei respéxit illum in bono, et eréxit eum ab humilitáte ipsíus, et exaltávit caput eius: et miráti sunt in illo multi, et honoravérunt Deum. **Ps. 72, 1** Quam bonus Israël Deus his, qui recto sunt corde! **V. Glória Patri.**

Oratio

Deus, qui beátum Gabriélem dulcíssimæ Matris tuæ dolóres assidue recólere docuísti ac per illam sanctitátis et miraculórum glória sublimásti: da nobis, eius intercessióne et exémplo; ita Genetrícis tuæ consociári flétibus, ut matrerna eiúsdem protectióne salvémur: Qui vivis.

Léctio Epístolæ beáti Ioánnis Apóstoli.

1 Ioann. 2, 14-17

Caríssimi: Scribo vobis, iúvenes, quóniam fortes estis, et ver-

bum Dei manet in vobis, et vicístis malignum. Nolíte diligere mundum, neque ea quæ in mundo sunt. Si quis diligit mundum, non est caritas Patris in eo: quóniam omne quod est in mundo, concupiscéntia carnis est, et concupiscéntia oculórum, et supérbia vitæ: quæ non est ex Patre, sed ex mundo est. Et mundus transit et concupiscéntia eius. Qui autem facit voluntátem Dei, manet in ætérnum.

Graduale Ps. 30, 20 Quam magna multitúdo dulcédinis tuæ, Dómine, quam abscondísti timéntibus te! **V.** Perfecísti eis, qui sperant in te, in conspéctu filiórum hóminum.

Tractus Ps. 83, 6-7, 11 et 13 Beátus vir, cuius est auxiliúm abs te: ascensiónes in corde suo dispósuit, in valle lacrimárum, in loco quem pósuit. **V.** Elégi abiéctus esse in domo Dei mei: magis quam habitáre in tabernáculis peccatórum. **V.** Non privábit bonis eos, qui ámbulant in innocéntia: Dómine virtútum, beátus homo, qui sperat in te.

¶ In Missis votivis ante Septuagesimam vel post Pentecosten, graduale, ut supra, sed omissio tractu, dicitur:

Allelúia, allelúia. **V. Ps. 8, 6-7** Minuísti eum, Dómine, paulo minus ab Angelis, glória et honóre coronásti eum: et constituísti eum super ópera mánuum tuárum. Allelúia.

Tempore autem paschali, omis-sis graduali et tractu, dicitur:

Allelúia, allelúia. **V. Ps. 8, 6-7** Minuísti eum, Dómine, paulo minus ab Angelis, glória et honóre coronásti eum: et constituísti eum super ópera mánuum tuárum. Allelúia. **V. Eccli. 11, 24** Benedíctio Dei in mercédem iusti

festínat, et in hora velóci procés-sus illíus fructíficat. Allelúia.

✠ **Sequéntia sancti Evangélíi secúndum Marcum.**

Marc. 10, 13-21

In illo témpore: Offerébant Iesu párvulos ut tangeret illos. Discípuli autem comminabántur offeréntibus. Quos cum vidéret Iesus, indigne tulit, et ait illis: Sínite párvulos veníre ad me, et ne prohibuéritis eos: tálíum enim est regnum Dei. Amen dico vobis: Quisquis non recéperit regnum Dei velut párvulus, non intrábit in illud. Et compléxans eos, et impónens manus super illos, benedicébat eos. Et cum egréssus esset in viam, procúrrens quidam genu flexo ante eum, rogábat eum: Magíster bone, quid fáciám ut vitam ætérnam percípíam? Iesus autem dixit ei: Quid me dicis bonum? Nemo bonus, nisi unus Deus. Præcépta nosti: Ne adúlteres, Ne occídas, Ne furéris, Ne falsum testimónium díxeris, Ne fraudem féceris. Honóra patrem tuum et matrem. At ille respóndens, ait illi: Magíster, hæc ómnia observávi a iuventúte mea. Iesus autem intúitus eum, diléxit eum, et dixit ei: Unum tibi deest: vade, quæcúmque habes vende, et da paupéríbus, et habébis thesáurum in cælo: et veni, séquere me.

Antiphona ad Offertorium Ps. 115, 16-17 O Dómine, quia ego servus tuus, et filius ancillæ tuæ: dirupísti víncula mea, tibi sacrificábo hóstiam laudis.

Secreta

Salutárem hóstiam in memóriam sancti Gabriélis tibi, Dómine, offeréntes, fac nos sacrificium mortis tuæ rite recólere: ac, méritis perdoléntis Vírginis, eiúsdem sacrificii fructum copióse percípere: Qui vivis.

Antiphona ad Communionem
Apoc. 3, 20 Ecce, sto ad ostium, et pulso: si quis audierit vocem meam, et aperuerit mihi ianuam, intrabo ad illum, et cenabo cum illo, et ipse mecum.

Postcommunio

Quas tibi, Dómine, in festivitáte sancti Gabriélis Confessoris tui, pro collátis donis grátias ágimus: súscipe propítius per manus gloriósæ semper Vírginis Mariæ; ex qua carnem illam assumpsisti, cuius in hoc salutári convívio merúimus gustáre dulcédinem. Qui vivis.

FESTA MARTII

Die 4 martii

S. CASIMIRI CONFESSORIS

III classis

Missa Os iusti, **de Communi Confessoris non Pontificis 1 loco** (20), **cum orationibus ut infra:**

Oratio **P**

Deus, qui inter regáles delicias et mundi illécebras, sanctum Casimírum virtúte constántiæ roborásti: quæsumus; ut eius intercessióne fidéles tui terréna despiciant, et ad cæléstia semper aspírent. Per Dóminum.

Et fit Commemoratio S. Lucii I Papæ et Mart.:

Oratio **C I**

Gregem tuum, Pastor ætérne, placátus inténde: et per beátum Lúcium Mártyrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Secreta **C**

Laudis tibi, Dómine, hóstias immolámus in tuórum com-

memoratióne Sanctórum: quibus nos et præsentibus éxui malis confidimus, et futúris. Per Dóminum.

Pro S. Lucio

Secreta **C I**

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio **C**

Refecti cibo potúque cælésti, Deus noster, te súpplíces exorámus: ut, in cuius hæc commemoratióne percépimus, eius muniamur et précibus. Per Dóminum.

Pro S. Lucio

Postcommunio **C I**

Refectiône sancta enutritam gubérna, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat; et in religiónis integritáte persístat. Per Dóminum.

Eodem die 4 martii

S. LUCII I PAPÆ ET MART.

Commemoratio

Missa Si díligis me, **de Communi unius aut plurium Summorum Pontificum** (1).

Oratio **C I**

Gregem tuum, Pastor ætérne, placátus inténde: et per beátum Lúcium Mártyrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Secreta **C I**

Oblátis munéribus, quæsumus, Dómine, Ecclésiám tuam

benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio C 1

Refectióne sancta enutrítam guberná, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat; et in religiónis integritáte persístat. Per Dóminum.

Die 6 martii

SS. PERPETUÆ ET FELICITATIS
MARTYRUM

III classis

Missa Me exspectavérunt, **de Communi non Virginum 1 loco** (30), **cum orationibus ut infra:**

Oratio C 2

Da nobis, quæsumus, Dómine Deus noster, sanctárum Mártyrum tuárum Perpétuæ et Felicitátis palmas incessábili devotióne venerári: ut, quas digna mente non póssumus celebráre, humílibus saltem frequentémus obséquiiis. Per Dóminum.

Secreta C 2

Inténde, quæsumus, Dómine, múnera altáribus tuis pro sanctárum Mártyrum tuárum Perpétuæ et Felicitátis festivitáte propósita: ut, sicut per hæc beáta mystéria illis glóriam contulísti; ita nobis indulgéntiam largiáris. Per Dóminum.

Postcommunio P

Mýsticis, Dómine, repléti sumus votis et gáudiis: præsta, quæsumus; ut intercessiόνibus sanctárum Mártyrum tuárum Perpétuæ et Felicitátis, quæ temporáliter ágimus, spirituáliter consequámur. Per Dóminum.

Die 7 martii

S. THOMÆ DE AQUINO
CONF. ET ECCL. DOCT.

III classis

Antiphona ad Introitum

Eccli. 15, 5

In médio Ecclésiæ apéruit os eius: et implévit eum Dóminus spírítu sapiéntiæ et intelléctus: stolam glóriæ induit eum. **Ps. 91, 2** Bonum est confitéri Dómino: et psállere nómini tuo, Altíssime. **℣.** Glória Patri.

Oratio

Deus, qui Ecclésiám tuam beáti Thomæ Confessóris tui mira eruditióné claríficas, et sancta operatióne fecúndas: da nobis, quæsumus; et quæ dócuit, intelléctu conspícere, et quæ egit, imitatióne complére. Per Dóminum.

Léctio libri Sapiéntiæ.

Sap. 7, 7-14

Optávi, et datus est mihi sensus: et invocávi, et venit in me spírítus sapiéntiæ: et præpósui illam regnis et sédibus, et divítias nihil esse duxi in comparatióne illíus: nec comparávi illi lápidem pretiósus: quóniam omne aurum in comparatióne illíus, aréna est exígua, et tamquam lutum æstimábitur argéntum in conspéctu illíus. Super salútem et spéciem diléxi illam, et propósui pro luce habére illam: quóniam inextinguibile est lumen illíus. Venérunt autem mihi ómnia bona páriter cum illa, et innumerábilis honéstas per manus illíus, et lætátus sum in ómnibus: quóniam antecedébat me ista sapiéntia, et ignorábam quóniam horum ómnium mater est. Quam sine fictiόne dídici, et sine invídia commúnico, et honestátem illíus non abscóndo. Infínitus enim thesáurus est homínibus: quo qui

usi sunt, partícipes facti sunt amicitiae Dei, propter disciplinæ dona commendati.

Graduale Ps. 36, 30-31 Os iusti meditabitur sapiéntiam, et lingua eius loquétur iudícium. **¶** Lex Dei eius in corde ipsíus: et non supplantabúntur gressus eius.

Tractus Ps. III, 1-3 Beátus vir, qui timet Dóminum: in mandátis eius cupit nimis. **¶** Potens in terra erit semen eius: generatio rectórum benedicétur. **¶** Glória et divítiæ in domo eius: et iustítia eius manet in sáculum sáculi.

✠ Sequéntia sancti Evangélíi secúndum Matthæum.

Matth. 5, 13-19

In illo témpore: Dixit Iesus discipulis suis: Vos estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvere legem, aut prophétas: non veni sólvere, sed adimplére. Amen quippe dico vobis, donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium Ps. 91 13 Iustus ut palma florébit: sicut cedrus, quæ in Líbano est, multiplicábitur.

Secreta

Sancti Thomæ Confessóris tui atque Doctóris nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtíneat. Per Dóminum.

Antiphona ad Communionem Luc. 12, 42 Fidélis servus et prudens, quem constituit Dóminus super familiam suam: ut det illis in témpore trítici mensúram.

Postcommunio

Ut nobis, Dómine, tua sacrificia dent salútem: beátus Thomas Confessor tuus et Doctor egrégíus, quásumus, precátor accédát. Per Dóminum.

Die 8 martii

S. IOANNIS A DEO CONF.

III classis

Antiphona ad Introitum

Ps. 36, 30-31

Os iusti meditabitur sapiéntiam, et lingua eius loquétur iudícium: lex Dei eius in corde ipsíus. **Ps. ibid., 1** Noli æmulári in malignántibus: neque zeláveris faciéntes iniquitatem. **¶** Glória Patri.

Oratio

Deus, qui beátum Ioánnem, tuo amore succénsum, inter flammamas innóxiúm incédere fecísti, et per eum Ecclésiám tuam nova prole fecundásti: præsta, ipsíus suffragántibus méritis; ut igne caritátis tuæ vítia nostra curéntur, et remédia nobis ætéRNA provéniant. Per Dóminum.

Léctio libri Sapiéntiæ.

Eccli. 31, 8-11

Beátus vir, qui invéntus est sine mácula, et qui post aurum non

abiit, nec speravit in pecunia et thesauris. Quis est hic, et laudabimus eum? fecit enim mirabilia in vita sua. Qui probatus est in illo, et perfectus est, erit illi gloria æterna: qui potuit transgredi, et non est transgressus: facere mala, et non fecit: ideo stabilita sunt bona illius in Domino, et eleemosynas illius enarrabit omnis ecclesia sanctorum.

Graduale Ps. 91, 13 et 14 Iustus ut palma florabit: sicut cedrus Libani multiplicabitur in domo Domini. **V. Ibid., 3** Ad annuntiandum mane misericordiam tuam, et veritatem tuam per noctem.

Tractus Ps. 111, 1-3 Beatus vir, qui timet Dominum: in mandatis eius cupit nimis. **V.** Potens in terra erit semen eius: generatio rectorum benedicetur. **V.** Gloria et divitiæ in domo eius: et iustitia eius manet in sæculum sæculi.

✠ Sequentia sancti Evangelii secundum Matthæum.

Matth. 22, 34-46

In illo tempore: Accesserunt ad Iesum pharisæi: et interrogavit eum unus ex eis legis doctor, tentans eum: Magister, quod est mandatum magnum in lege? Ait illi Iesus: Diliges Dominum Deum tuum ex toto corde tuo, et in tota anima tua, et in tota mente tua. Hoc est maximum, et primum mandatum. Secundum autem simile est huic: Diliges proximum tuum, sicut teipsum. In his duobus mandatis universa lex pendet, et prophætæ. Congregatis autem pharisæis, interrogavit eos Iesus, dicens: Quid vobis videtur de Christo? cuius filius est? Dicunt ei: David. Ait illis: Quomodo ergo David in spiritu vocat eum Dominum, dicens: Dixit Dominus Domino meo: sede a dextris meis, donec

ponam inimicos tuos scabellum pedum tuorum? Si ergo David vocat eum Dominum, quomodo filius eius est? Et nemo poterat ei respondere verbum: neque ausus fuit quisquam ex illa die eum amplius interrogare.

Antiphona ad Offertorium Ps. 88, 25 Veritas mea, et misericordia mea cum ipso: et in nomine meo exaltabitur cornu eius.

Secreta

Laudis tibi, Domine, hostias immolamus in tuorum commemoratione Sanctorum: quibus nos et presentibus exui malis confidimus, et futuris. Per Dominum.

Antiphona ad Communionem Matth. 24, 46-47 Beatus servus, quem, cum venerit Dominus, invenerit vigilantem: amen dico vobis, super omnia bona sua constituet eum.

Postcommunio

Refecti cibo potuque cælesti, Deus noster, te supplices exoramus: ut, in cuius hac commemoratione percipimus, eius muniamur et precibus. Per Dominum.

Die 9 martii

S. FRANCISCÆ ROMANÆ VIDUÆ

III classis

Missa Cognovi, de Communion Virginum 2 loco (31), cum orationibus ut infra:

Oratio P

Deus, qui beatam Franciscam famulam tuam, inter cetera gratiæ tuæ dona, familiari Angeli consuetudine decorasti: concede, quæsumus; ut intercessionis eius auxilio, Angelorum consortium consequi mereamur. Per Dominum.

Secreta

Accépta tibi sit, Dómine, sacratæ plebis oblátio, pro tuórum honóre Sanctórum: quorum se méritis de tribulatióne percepisse cognóscit auxiliúm. Per Dóminum.

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

Die 10 martii**SS. QUADRAGINTA MARTYRUM****III classis****Antiphona ad Introitum****Ps. 33, 18**

Clamavérunt iusti, et Dóminus exaudivit eos: et ex ómnibus tribulatióibus eórum liberávit eos. **Ps. ibid., 2** Benedicam Dóminum in omni témpore: semper laus eius in ore meo. **V.** Glória Patri.

Oratio

Præsta, quæsumus, omnípotens Deus: ut, qui gloriósos Mártyres fortes in sua confessióne cognóvimus, pios apud te in nostra intercessióne sentiámus. Per Dóminum.

Léctio Epístolæ beáti Pauli Apóstoli ad Hebræos. **Hebr. 11, 33-39**

Fratres: Sancti per fidem vicérunt regna, operáti sunt iustítiam, adépti sunt repromissiões, obturavérunt ora leónum, exstinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra vertérunt exterórum: acceperunt mulieres de resurrectione mórtuos suos: álii autem disténti sunt, non suscipiéntes redemptionem, ut meliorem invenírent resurrectionem: álii vero ludíbria, et vérbera expérti, ínsuper et víncula, et cárceres: lapidáti sunt, secti sunt, tentáti sunt, in

occisióne gládii mórtui sunt: circuiérunt in melótis, in péllibus caprínis, egéntes, angustiáti, afflícti: quibus dignus non erat mundus: in solitudínibus errántes, in mónitibus, et spelúncis, et in cavérnis terræ. Et hi omnes testimonio fidei probáti, invénti sunt in Christo Iesu Dómino nostro.

Graduale Ps. 132, 1-2 Ecce quam bonum, et quam iucúndum, habitáre fratres in unum! **V.** Sicut unguéntum in cápite, quod descendit in barbam, barbam Aaron.

Tractus Ps. 125, 5-6 Qui séminant in lácrimis, in gáudio metent. **V.** Eúntes ibant et flebant, mitténtes sémina sua. **V.** Veniéntes autem vénient cum exsultatióne, portántes manípulos suos.

✠ Sequéntia sancti Evangélíi secúndum Lucam. **Luc. 6, 17-23**

In illo témpore: Descéndens Iesus de monte, stetit in loco campéstri, et turba discipulórum eius, et multitúdo copiósa plebis ab omni Iudæa, et Ierúsalem, et marítima, et Tyri, et Sidónis, qui vénerant, ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quærébat eum tángere: quia virtus de illo exíbat, et sanábat omnes. Et ipse elevátis óculis in discípulos suos, dicebat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et eiécerint nomen vestrum tamquam malum propter Fílium hóminis. Gaudéte in illa die, et exsultáte: ecce enim, merces vestra multa est in cælo.

Antiphona ad Offertorium Ps. 31, 11 Lætámini in Dómino, et exsultáte, iusti: et gloriámini, omnes recti corde.

Secreta

Preces, Dómine, tuórum rēspice oblationésque fidélium: ut et tibi gratae sint pro tuórum festivitāte Sanctorum, et nobis cōferant tuā propitiatiōnis auxiliū. Per Dóminum.

Antiphona ad Communionem Matth. 12, 50 Quicumque fecerit voluntatem Patris mei, qui in caelis est: ipse meus frater, et soror, et mater est, dicit Dóminus.

Postcommunio

Sanctorum tuorum, Dómine, intercessiōne placātus: prāsta, quāsumus; ut, quā temporālī celebrāmus actiōne, perpētua salvariōne capiāmus. Per Dóminum.

Die 12 martii

S. GREGORII I
PAPÆ, CONF. ET ECCL. DOCT.

III classis

Missa Si diligis me, de Communi unius aut plurium Summorum Pontificum (1), cum orationibus ut infra:

Oratio**P**

Deus, qui animæ famuli tui Gregórii æternæ beatitudinis præmia contulisti: concède propitius; ut, qui peccatorum nostrorum pondere premimur, eius apud te precibus sublevemur. Per Dóminum.

Secreta**P**

Annue nobis, quāsumus, Dómine: ut intercessiōne beati Gregórii hæc nobis prosit oblatio, quam immolādo totius mundi tribuisti relaxari delicta. Per Dóminum.

Postcommunio**P**

Deus, qui beatum Gregorium Pontificem Sanctorum tuorum meritis coequasti: concède propitius; ut, qui commemoratiōnis eius festa percolumus, vitæ quo-

que imitemur exempla. Per Dóminum.

Die 17 martii

S. PATRICII EP. ET CONF.

III classis

Missa Stáuit, de Communi Confessoris Pontificis 1 loco (16), cum orationibus ut infra:

Oratio**P**

Deus, qui ad prædicandam gentibus glóriam tuam beatum Patricium Confessorem atque Pontificem mittere dignatus es: eius meritis et intercessiōne concède; ut, quæ nobis agēda præcipis, te miserante, adimplere possimus. Per Dóminum.

Secreta**C**

Sancti tui, quāsumus, Dómine, nos ubique lætificent: ut, dum eorum mérita recolumus, patrocínia sentiāmus. Per Dóminum.

Postcommunio**C**

Præsta, quāsumus, omnipotens Deus: ut, de percéptis munéribus grátias exhibentes, intercedente beato Patrício Confessore tuo atque Pontífice, beneficia potióra sumamus. Per Dóminum.

Die 18 martii

S. CYRILLI
EPISCOPI HIEROSOLYMITANI,
CONF. ET ECCL. DOCT.

III classis**Antiphona ad Introitum****Eccli. 15, 5**

In médio Ecclésiæ aperuit os eius: et implévit eum Dóminus spíritu sapiéntiæ et intellectus: stolam glóriæ induit eum. (T. P. Allelúia, allelúia.) **Ps. 91, 2** Bonum est confiteri Dómino: et psallere nómini tuo, Altíssime. **V.** Glória Patri.

Oratio

Da nobis, quæsumus, omnipotens Deus, beáto Cyríllō Pontífice intercedente: te solum verum Deum, et quem misísti Iesum Christum ita cognóscere; ut inter oves, quæ vocem eius áudiunt, perpétuo connumerári mereámur. Per eúndem Dóminum.

Léctio libri Sapiéntiæ.

Eccli. 39, 6-14

Iustus cor suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delíctis suis deprecábitur. Si enim Dóminus magnus volúerit, spírítu intellegéntiæ replébit illum: et ipse tamquam imbres mittet elóquia sapiéntiæ suæ, et in oratióne confitébitur Dómino: et ipse díriget consílium eius et disciplínam, et in absconditis suis consiliábitur. Ipse palam faciet disciplínam doctrínæ suæ, et in lege testaménti Dómini gloriábitur. Collaudábunt multi sapiéntiam eius, et usque in sáculum non delébitur. Non recédet memória eius, et nomen eius requirétur a generatióne in generatióne. Sapiéntiam eius enarrábunt gentes, et laudem eius enuntiábit ecclésia.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplantabúntur gressus eius.

Tractus Ps. III, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generatio rectórum benedicétur. **V.** Glória et divítiæ in domo eius: et iustítia eius manet in sáculum sáculi.

Tempore paschali, omissis graduali et tractu, dicitur:

Allelúia, allelúia. **V.** **Eccli. 45, 9**

Amávit eum Dóminus, et ornávit eum: stolam glóriæ induit eum. Allelúia. **V.** **Osee 14, 6** Iustus germinábit sicut lílium: et florébit in ætérnum ante Dóminum. Allelúia.

✠ Sequéntia sancti Evangélíi secúndum Matthæum.

Matth. 10, 23-28

In illo témpore: Dixit Iesus discipulis suis: Cum persequéntur vos in civitáte ista, fúgite in áliam. Amen dico vobis, non consummábitis civitátes Israël, donec véniat Fílius hóminis. Non est discipulus super magístrum, nec servus super dóminum suum. Súfficit discipulo, ut sit sicut magíster eius: et servo, sicut dóminus eius. Si patremfamilias Beélzebub vocavérunt; quanto magis domésticos eius? Ne ergo timuéritis eos. Nihil enim est opértum, quod non revelábitur: et occúltum, quod non sciétur. Quod dico vobis in ténebris, dícite in lúmine: et quod in aure audítis, prædicáte super tecta. Et nolite timére eos, qui occídunt corpus, ánimam autem non possunt occidere: sed pótius timéte eum, qui potest et ánimam et corpus pérdere in gehénna.

Antiphona ad Offertorium Ps. 91, 13 Iustus ut palma florébit: sicut cedrus, quæ in Líbano est, multiplicábitur. **(T. P. Allelúia.)**

Secreta

Réspice, Dómine, immaculátam hóstiám, quam tibi offérimus: et præsta; ut méritis beáti Pontíficis et Confessóris tui Cyrílli, eam mundo corde suscípere studeámus. Per Dóminum.

Antiphona ad Communionem Luc. 12, 42 Fidélis servus et prudens, quem constituit dóminus super familiam suam: ut det illis in tém-

pore tritici mensuram. (T. P. Allelúia.)

Postcommunio

Sacramenta corporis et sanguinis tui, quæ sumpsimus, Domine

Iesu Christe, beati Cyrilli Pontificis precibus, mentes et corda nostra sanctificent: ut divinæ consortes naturæ effici mereamur: Qui vivis.

Die 19 martii

S. IOSEPH SPONSI B. MARIE V. CONFESSORIS ET ECCLESIE UNIVERSÆ PATRONI

I classis

Antiphona ad Introitum

Ps. 91, 13-14

Iustus ut palma florébit: sicut cedrus Libani multiplicabitur: plantatus in domo Domini: in atriis domus Dei nostri. (T. P. Allelúia, allelúia.) Ps. *ibid.*, 2 Bonum est confiteri Domino: et psallere nomini tuo, Altissime. V. Glória Patri.

Oratio

Sanctissimæ Genetrícis tuæ Sponsi, quæsumus, Domine, méritis adiuvémur: ut, quod possibilitas nostra non obtinet, eius nobis intercessióne donétur: Qui vivis.

Et, tempore quadragesimali, fit commemoratio feriæ.

Lectio libri Sapiéntiæ.

Eccli. 45, 1-6

Dilèctus Deo et homínibus, cuius memória in benedictióne est. Símilem illum fecit in glória sanctorum, et magnificávit eum in timóre inimicorum, et in verbis suis monstra placávit. Glorificávit illum in conspèctu regum, et iussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Audívit enim eum, et vocem ipsíus, et indúxit illum in nubem. Et dedit illi coram præcépta, et legem vitæ et disciplinæ.

Graduale Ps. 20, 4-5 Domine, prævenísti eum in benedictiónibus dulcédinis: posuísti in cápite eius corónam de lápide pretiósó. V. Vitam pétiiit a te, et tribuísti ei longitúdinem diérum in sáculum sæculi.

Tractus Ps. 111, 1-3 Beátus vir, qui timet Dóminum: in mandátis eius cupit nimis. V. Potens in terra erit semen eius: generátio rectórum benedicétur. V. Glória et divítiæ in domo eius: et iustítia eius manet in sáculum sæculi.

Tempore paschali, omissis gradualibus et tractu, dicitur:

Allelúia, allelúia. V. Eccli. 45, 9 Amávit eum Dóminus, et ornávit eum: stolam glóriæ índuit eum. Allelúia. V. Osee 14, 6 Iustus germinábit sicut lílium: et florébit in ætérnum ante Dóminum. Allelúia.

✠ Sequéntia sancti Evangélíi secúndum Matthæum.

Matth. 1, 18-21

Cum esset desponsáta mater Iesu María Ioseph, ántequam convenírent, invénta est in útero habens de Spíritu Sancto. Ioseph autem vir eius, cum esset iustus, et nollet eam tradúcere, vóluit occúlte dimítttere eam. Hæc autem eo cogitánte, ecce, Angelus Dómini appáruit in somnis ei, dicens: Ioseph, fili David, noli timére accípere Mariám cóniugem tuam: quod enim in ea natum est,

de Spíritu Sancto est. Páriet autem filium: et vocábis nomen eius Iesum: ipse enim salvum fáciat pópulum suum a peccátis eórum.

Credo.

Antiphona ad Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu eius. (T. P. Allelúia.)

Secreta

Débitum tibi, Dómine, nostræ reddimus servitútis, suppliciter exorántes: ut, suffrágiis beáti Ioseph, Sponsi Genetrícis Fílii tui Iesu Christi Dómini nostri, in nobis tua múnera tueáris, ob cuius venerándam festivitátem laudis tibi hóstias immolámus. Per eúndem Dóminum.

Et, tempore quadragesimali, fit commemoratio feriæ.

Præfatio de S. Ioseph Et te in Festivitáte.

Antiphona ad Communionem Matth. 1, 20 Ioseph, fili David, noli timére accíperere Mariám cóniugem tuam: quod enim in ea natum est, de Spíritu Sancto est. (T. P. Allelúia.)

Postcommunio

Adéstó nobis, quæsumus, miséricors Deus: et, intercedénte pro nobis beáto Ioseph Confessóre, tua circa nos propitiátus dona custódi. Per Dóminum.

Et, tempore quadragesimali, fit commemoratio feriæ.

¶ **Pro votiva de S. Ioseph** dicitur Missa Adiutor, quæ habetur inter Missas votivas circa finem Missalis (44).

Die 21 martii

S. BENEDICTI ABBATIS

III classis

Missa Os iusti, de **Communi Abbatum** (23).

Oratio

C

Intercéssio nos, quæsumus, Dómine, beáti Benedicti Abbátis comméndet: ut, quod nostris méritis non valémus, eius patrocínio assequámur. Per Dóminum.

Secreta

C

Sacris altáribus, Dómine, hóstias superpósitas sanctus Benedictus Abbas, quæsumus, in salútem nobis proveníre depóscat. Per Dóminum.

Postcommunio

C

Próteget nos, Dómine, cum tui perceptióne sacraménti beátus Benedictus Abbas, pro nobis intercedéndo: ut et conversatiónis eius experiámur insígnia, et intercessiósni percipiámus suffrágia. Per Dóminum.

Die 24 martii

S. GABRIELIS ARCHANGELI

III classis

Antiphona ad Introitum

Ps. 102, 20

Benedícite Dóminum, omnes Angeli eius: poténtes virtúte, qui fáciunt verbum eius ad audiéndam vocem sermónum eius. (T. P. Allelúia, allelúia.) **Ps. ibid., 1** Bénedic, ánima mea, Dómino: et ómnia, quæ intra me sunt, nómini sancto eius. **V.** Glória Patri.

Oratio

Deus, qui inter céteros Angelos, ad annuntiándum Incarnatiónis tuæ mystérium, Gabriélem Archángelum elegísti: concéde propitiús; ut, qui festum (commemóratióne) eius celebrámus in terris, ipsíus patrocínium sentiámus in cælis: Qui vivis.

Léctio Daniélis Prophétæ.

Dan. 9, 21-26

In diébus illis: Ecce, vir Gábriel, quem víderam in visiósne a princípío, cito volans tétigit me in tém-

pore sacrificii vespertini. Et dócuit me, et locútus est mihi, dixítque: Dániel, nunc egréssus sum ut docérem te, et intellégeres. Ab exórdio precum tuárum egréssus est sermo: ego autem veni ut indicárem tibi, quia vir desideriórum es: tu ergo animadvérte sermónem, et intéllige visiónem. Septuagínta hebdómades abbreviátæ sunt super pópulum tuum, et super urbem sanctam tuam ut consummémur prævaricatio, et finem accípiat peccátum, et deleátur iníquitas, et adducátur iustítia sempitérna, et impleátur visio, et prophetía, et ungátur Sanctus sanctorum. Scito ergo, et animadvérte: Ab éxitu sermónis, ut íterum ædificétur Ierúsalem, usque ad Christum ducem, hebdómades septem, et hebdómades sexagínta duæ erunt: et rursum ædificábitur platéa, et muri in angústia téporum. Et post hebdómades sexagínta duas occidétur Christus: et non erit eius pópulus, qui eum negatúrus est. Et civitátem, et sanctuárium dissipábit pópulus cum duce ventúro: et finis eius vástitas, et post finem belli statúta desolátio.

Graduale Ps. 102, 20 et 1 Benedícite Dóminum, omnes Angeli eius: poténtes virtúte, qui fácitis verbum eius. **V.** Bénedic, ánima mea, Dóminum, et ómnia interióra mea nomen sanctum eius.

Tractus Luc. 1, 28, 42, 31 et 35 Ave, María, grátia plena: Dóminus tecum. **V.** Benedícta tu in muliéribus: et benedíctus fructus ventris tui. **V.** Ecce, concípies, et páries Fílium, et vocábis nomen eius Emmánuel. **V.** Spíritus Sanctus supervéniet in te, et virtus Altíssimi obumbrábit tibi. **V.** Ideóque et quod nascétur ex te Sanctum, vocábitur Fílius Dei.

Tempore paschali, omissis graduali et tractu, dicitur:

Allelúia, allelúia. **V.** Ps. 103, 4

Qui facit Angelos suos spíritus et minístros suos flammam ignis. Allelúia. **V.** Luc. 1, 28 Ave, María, grátia plena: Dóminus tecum: benedícta tu in muliéribus. Allelúia.

¶ In Missis votivis ante Septuagesimam vel post Pentecosten, graduale ut supra, sed, omissio tractu, dicitur:

Allelúia, allelúia. **V.** Ps. 102, 21 Benedícite Dómino, omnes virtútes eius: minístri eius, qui fácitis voluntátem eius. Allelúia.

✠ Sequéntia sancti Evangélíi secúndum Lucam.

Luc. 1, 26-38

In illo témpore: Missus est Angelus Gábriel a Deo in civitátem Galilææ, cui nomen Názareth, ad Vírginem desponsátam viro, cui nomen erat Ioseph, de domo David, et nomen Vírginis María. Et ingressus Angelus ad eam, dixit: Ave, grátia plena: Dóminus tecum: benedícta tu in muliéribus. Quæ cum audísset, turbáta est in sermóne eius: et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce, concípies in útero, et páries fílium, et vocábis nomen eius Iesum. Hic erit magnus, et Fílius Altíssimi vocábitur, et dabit illi Dóminus Deus sedem David patris eius: et regnábit in domo Iacob in ætérnum, et regni eius non erit finis. Dixit autem María ad Angelum: Quómodo fiet istud, quóniam virum non cognósco? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce, Elísabeth cognáta tua, et ipsa concépit fílium in senectúte sua: et híc mensis sextus est illi, quæ vocátur stérilis: quia non erit impossíbile apud Deum

omne verbum. Dixit autem María: Ecce ancilla Dómini, fiat mihi secúndum verbum tuum.

Antiphona ad Offertorium Apoc. 8, 3 et 4 Stetit Angelus iuxta aram templi habens thuríbulum áureum in manu sua, et data sunt ei incénsa multa: et ascéndit fumus arómatum in conspéctu Dei. (T. P. Allelúia).

Secreta

Accéptum fiat in conspéctu tuo, Dómine, nostræ servitútis munus, et beáti Archángeli Gabriélis orátio: ut, qui a nobis venerátur

in terris, sit apud te pro nobis advocátus in cælis. Per Dóminum.

Antiphona ad Communionem Dan. 3, 58 Benedícite, omnes Angeli Dómini, Dóminum: hymnum dícite, et superexaltáte eum in sæcula. (T. P. Allelúia).

Postcommunio

Córpore tui et sánguine sumptis mystériis, tuam, Dómine Deus noster, deprecámur cleméntiam: ut, sicut Gabriéle nuntiánte, incarnatióem tuam cognóvimus; ita, ipso adiuvánte, incarnatióis eiúdem benefícia consequámur: Qui vivis.

Die 25 martii

IN ANNUNTIATIONE B. MARIÆ VIRG.

I classis

Antiphona ad Introitum

Ps. 44, 13, 15 et 16

Vultum tuum deprecabúntur omnes dívites plebis: adducéntur Regi vírgines post eam: próximæ eius adducéntur tibi in lætítia et exsultatióne. (T. P. Allelúia, allelúia.) **Ps. ibid., 2** Eructávit cor meum verbum bonum: dico ego ópera mea Regi. **V.** Glória Patri.

Oratio

Deus, qui de beátæ Mariæ Vírginis útero Verbum tuum, Angelo nuntiánte, carnem suscipere voluísti: præsta supplicibus tuis; ut, qui vere eam Genetrícem Dei crédimus, eius apud te intercessiόνibus adiuvémur. Per eúndem Dóminum.

Et, tempore quadragesimali, fit commemoratio feriæ.

Léctio Isaíæ Prophétæ.

Isai. 7, 10-15

In diébus illis: Locútus est Dóminus ad Achaz, dicens: Pete tibi signum a Dómino Deo tuo in pro-

fúndum inférni, sive in excélsum supra. Et dixit Achaz: Non petam, et non tentábo Dóminum. Et dixit: Audíte ergo, domus David: Numquid parum vobis est, moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce, virgo concípíet, et páriet filium, et vocábitur nomen eius Emmánuel. Butýrum et mel cómedet, ut sciat reprobáre malum, et eligere bonum.

Graduale Ps. 44, 3 et 5 Diffúsa est grátia in lábiis tuis: proptérea benedíxit te Deus in ætérnum. **V.** Propter veritátem, et mansuetúdinem, et iustítiam: et dedúcet te mirábiliter dextera tua.

Tractus Ibid., 11 et 12 Audi, filia, et vide, et inclína aurem tuam: quia concupívit Rex spéciem tuam. **V. Ibid., 13 et 10** Vultum tuum deprecabúntur omnes dívites plebis: filíæ regum in honóre tuo. **V. Ibid., 15-16** Adducéntur Regi vírgines post eam: próximæ eius afferéntur tibi. **V.** Adducéntur in lætítia, et

exsultatione: adducéntur in templum Regis.

Tempore paschali, omissis graduali et tractu, dicitur:

Allelúia, allelúia. **℣. Luc. 1, 28** Ave, María, grátia plena: Dóminus tecum: benedícta tu in muliéribus. Allelúia. **℣. Num. 17, 8** Virga Iesse flóruit: Virgo Deum et hóminem genuit: pacem Deus réddidit, in se reconcílians ima summis. Allelúia.

✠ Sequéntia sancti Evangélíi secúndum Lucam. **Luc. 1, 26-38**

In illo témpore: Missus est Angelus Gábriel a Deo in civitátem Galiléæ, cui nomen Náza-reth, ad Vírginem desponsátam viro, cui nomen erat Ioseph, de domo David, et nomen Vírginis María. Et ingríssus Angelus ad eam, dixit: Ave, grátia plena: Dóminus tecum: benedícta tu in muliéribus. Quæ cum audísset, turbáta est in sermóne eius, et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce, concípies in útero, et páries filium, et vocábis nomen eius Iesum. Hic erit magnus, et Fílius Altíssimi vocábitur, et dabit illi Dóminus Deus sedem David patris eius: et regnábít in domo Iacob in ætérnum, et regni eius non erit finis. Dixit autem María ad Angelum: Quómodo fiet istud, quóniam virum non cognósko? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce, Elísabeth cognáta tua, et ipsa concépit filium in senectúte sua: et hic mensis sextus est illi, quæ vocátur stérilis: quia non erit impossíbile apud Deum omne verbum. Dixit autem María: Ecce ancílla Dómini, fiat mihi secúndum verbum tuum.

Credo.

Antiphona ad Offertorium Luc. 1, 28 et 42 Ave, María, grátia plena: Dóminus tecum: benedícta tu in muliéribus, et benedíctus fructus ventris tui. **(T. P. Allelúia.)**

Secreta

In méntibus nostris, quásumus, Dómine, veræ fidei sacraménta confirma: ut, qui concéptum de Vírgine Deum verum et hóminem confitémur; per eius salutíferæ resurrectionis poténtiam, ad ætérnam mereámur perveníre lætítiam. Per eúndem Dóminum.

Et, tempore quadragesimali, fit commemoratio feriæ.

Præfatio de B. Maria Virg. Et te in Annuntiatióne.

Antiphona ad Communionem Isai. 7, 14 Ecce, virgo concípiet, et páriet Fílium: et vocábitur nomen eius Emmánuel. **(T. P. Allelúia.)**

Postcommunio

Grátiam tuam, quásumus, Dómine, méntibus nostris infúnde: ut qui, Angelo nuntiánte, Christi Filii tui incarnationem cognóvimus; per passióem eius et Crucem, ad resurrectionis glóriam perducámur. Per eúndem Dóminum.

Et, tempore quadragesimali, fit commemoratio feriæ.

Die 27 martii

**S. IOANNIS DAMASCENI
CONF. ET ECCL. DOCT.**

III classis

Antiphona ad Introitum

Ps. 72, 24

Tenuísti manum dexteram meam: et in voluntáte tua deduxísti me, et cum glória suscepísti me. **(T. P. Allelúia, allelúia.) Ps. ibid., 1** Quam bonus Israël Deus his, qui recto sunt corde! **℣. Glória Patri.**

Oratio

Omnípotens sempitérne Deus, qui ad cultum sacrárum imáginum asseréndum, beátum Ioánnem cælésti doctrína et admirábili spíritus fortitúdine imbuísti: concéde nobis eius intercessióne et exémplo; ut, quorum cólimus imáginés, virtútes imitémur et patrocinia sentiámus. Per Dóminum.

Léctio libri Sapiéntiæ.

Sap. 10, 10-17

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctórum, honestávit illum in labóribus, et complévit labóres illíus. In fraude circumveniéntium illum áffuit illi, et honéstum fecit illum. Custodívit illum ab inimícis, et a seductóribus tutávit illum, et certámen forte dedit illi, ut vínceret, et sciret, quóniam ómnium poténtior est sapiéntia. Hæc vénditum iustum non derelíquit, sed a peccatóribus liberávit eum descendítque cum illo in fóveam et in vínculis non derelíquit illum, donec afférret illi sceptrum regni, et poténtiam advérsus eos, qui eum deprimébant: et mendáces osténdit, qui maculavérunt illum, et dedit illi claritátem ætérnam. Hæc pópulum iustum, et semen sine queréla liberávit a natió nibus, quæ illum deprimébant. Intrávit in ánimam servi Dei, et stetit contra reges horré ndos in porténtis et signis. Et réddidit iustis mercédem labórum suórum.

Graduale Ps. 17, 33 et 35 Deus, qui præcínxit me virtúte: et pósuit immaculátam viam meam. **¶** Qui docet manus meas ad prælium: et posuísti, ut arcum áreum, bráccia mea.

Tractus Ibid., 38, 39 et 50 Pérsequar inimícos meos, et comprehéndam illos. **¶** Confríngam illos, nec póterunt stare: cadent subtus pedes meos. **¶** Proptérea confitébor in

natió nibus, Dómine, et nómini tuo psalmum dicam.

Tempore paschali, omissis graduali et tractu, dicitur:

Allelúia, allelúia. **¶** **1 Reg. 25, 26 et 28** Dóminus salvávit manum tuam tibi: quia prælia Dómini tu præliáris. Allelúia. **¶** **Ps. 143, 1** Benedíctus Dóminus Deus meus, qui docet manus meas ad prælium, et dígitos meos ad bellum. Allelúia.

¶ In Missis votivis ante Septuagesimam vel post Pentecosten, graduale ut supra, sed, omisso tractu, dicitur:

Allelúia, allelúia. **¶** Dedísti mihi protectionem salutis tuæ: et dextera tua suscépit me. Allelúia.

✠ Sequéntia sancti Evangélíi secúndum Lucam. Luc. 6, 6-11

In illo témpore: Factum est et in álio sábbato, ut intráret Iesus in synagógam, et docéret. Et erat ibi homo, et manus eius dextera erat árida. Observábant autem scribæ et pharisæi, si in sábbato curáret: ut invenírent unde accusárent eum. Ipse vero sciébat cogitatiónes eórum, et ait hómini, qui habébat manum áridam: Surge, et sta in médium. Et surgens stetit. Ait autem ad illos Iesus: Interrogo vos si licet sábbatis benefácere, an male: ánimam salvam fácere, an pérdere? Et circumspéctis ómnibus dixit hómini: Exténde manum tuam. Et exténdit: et restitúta est manus eius. Ipsi autem repléti sunt insipiéntia, et colloquebántur ad ínvicem, quidnam fácerent Iesu.

Antiphona ad Offertorium Iob 14, 7 Lignum habet spem, si præcisum fúerit, rursum viréscit, et rami eius púllulant. **(T. P. Allelúia.)**

Secreta

Ut, quæ tibi, Dómine, offérimus, dona tuo sint digna conspéctu: beáti Ioánnis et Sanctórum, quos eius ópera expósitos in templis cóli-

mus, pia suffragatio conspiret. Per Dóminum.

Antiphona ad Communionem
Ps. 36, 17 Bráccia peccatórum conteréntur, confirmat autem iustos Dóminus. (T. P. Allelúia.)

Postcommunio

Sumpta nos, quásumus, Dómine, dona cæléstibus armis tueántur: et beáti Ioánnis patrocínia circúmdent Sanctórum unánimi suffrágio cumuláta; quorum imágines evícit in Ecclesiá esse venerándas. Per Dóminum.

Die 28 martii

S. IOANNIS DE CAPISTRANO
CONFESSORIS

III classis

Antiphona ad Introitum

Habac. 3, 18-19

Ego autem in Dómino gaudébo: et exsultábo in Deo Iesu meo: Deus Dóminus fortitúdo mea. (T. P. Allelúia, allelúia.) Ps. 80, 2 Exsultáte Deo adiutóri nostro, iubiláte Deo Iacob. V. Glória Patri.

Oratio

Deus, qui per beátum Ioánnem fídeles tuos in virtúte sanctíssimi nóminis Iesu de crucis inimícis triumpháre fecísti: præsta, quásumus; ut, spirituálium hóstium, eius intercessióne, superátis insídiis, corónam iustítiæ a te accíperere mereámur. Per eúndem Dóminum.

Léctio libri Sapiéntiæ.

Sap. 10, 10-14

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctórum: honestávit illum in labóribus, et complévit labóres illíus. In fraude

circumveniéntium illum áffuit illi, et honéstum fecit illum. Custodívit illum ab inimícis, et a seductóribus tutávit illum, et certámen forte dedit illi, ut vínceret et sciret, quóniam ómnium poténtior est sapiéntia. Hæc vénditum iustum non derelíquit, sed a peccatóribus liberávit eum: descendítque cum illo in fóveam, et in vínculis non derelíquit illum.

Graduale Ps. 21, 24-25 Qui timétis Dóminum, laudáte eum: univérsum semen Iacob, glorificáte eum. V. Tímeat eum omne semen Israél: quóniam non sprexit, neque despéxit deprecatióem páuperis.

Tractus Exodi 15, 2 et 3 Fortitúdo mea, et laus mea Dóminus, et factus est mihi in salútem: iste Deus meus, et glorificábo eum. V. Dóminus quasi vir pugnátor, omnípotens nomen eius. V. **Iudith 16, 3** Dóminus cónterens bella: Dóminus nomen est illi.

Tempore paschali, omissis graduali et tractu, dicitur:

Allelúia, allelúia. V. Ps. 58, 17 Ego autem cantábo fortitúdinem tuam: et exsultábo mane misericórdiam tuam. Allelúia. V. Quia factus es suscéptor meus, et refúgium meum in die tribulatiónis meæ. Allelúia.

¶ **In Missis votivis ante Septuagesimam vel post Pentecosten, graduale ut supra, sed, omissio tractu, dicitur:**

Allelúia, allelúia. V. Ps. 58, 17 Ego autem cantábo fortitúdinem tuam: et exsultábo mane misericórdiam tuam. Allelúia.

✠ **Sequéntia sancti Evangélíi secúndum Lucam.** Luc. 9, 1-6

In illo témpore: Convocatís Iesus duódecim Apóstolis, dedit illis

virtutem et potestatem super omnia dæmónia, et ut languóres curarent. Et misit illos prædicare regnum Dei, et sanare infirmos. Et ait ad illos: Nihil tuléritis in via, neque virgam, neque peram, neque panem, neque pecuniam, neque duas tunicas habeátis. Et in quamcúmque domum intravéritis, ibi manéte, et inde ne exeátis. Et quicumque non recéperint vos: exeúntes de civitate illa, étiam púlverem pedum vestrórum excútite in testimónium supra illos. Egréssi autem circuíbant per castélla, evangelizántes, et curántes ubique.

Antiphona ad Offertorium Eccli. 46, 6 Invocávit Altíssimum poténtem in oppugnándo inimicos úndique, et audívit illum magnus et sanctus Deus. (T. P. Allelúia.)

Secreta

Sacrificium, Dómine, quod immolámus, placátus inténde: ut, intercedénte beáto Ioánnē Confessóre tuo, ad conteréndas inimicórum insídias nos in tuæ protectiónis securitate constituat. Per Dóminum.

Antiphona ad Communionem Sap. 10, 20 Decantavérunt, Dómine, nomen sanctum tuum, et victrícem manum tuam laudavérunt. (T. P. Allelúia.)

Postcommunio

Repléti alimónia cælésti et spirituáli póculo recreáti, quæsumus, omnipotens Deus: ut, intercedénte beáto Ioánnē Confessóre tuo, nos ab hoste maligno deféndas, et Ecclésiám tuam perpétua pace custódias. Per Dóminum.

Feria sexta post dominicam I Passionis

SEPTEM DOLORUM B. Mariæ Virginis

Commemoratio

¶ **Hodie, ubi peculiaria pietatis exercitia in honorem B. Mariæ Virg. Matris dolorosæ peraguntur, permittuntur duæ Missæ festivæ de septem doloribus B. Mariæ Virg.**

Antiphona ad Introitum

Ioann. 19, 25

Stabant iuxta crucem Iesu mater eius, et soror matris eius María Cléophæ, et Salóme, et María Magdaléne. **Ibid., 26-27** Múlier, ecce filius tuus: dixit Iesus; ad discipulum autem: Ecce mater tua. **V.** Glória Patri.

Oratio

Deus, in cuius passióne, secundum Simeónis prophetíam, dulcíssimam ánimam gloriósæ Virginis et Matris Mariæ dolóris gládus pertransívit: concéde propítius; ut, qui transfixiónem eius et passióne venerádo recólimus, gloriósis méritis et précibus ómnium Sanctórum Cruci fidéliter astántium intercedéntibus, passiónis tuæ efféctum felicem consequámur: Qui vivis.

Léctio libri Iudith.

Iudith 13, 22 et 23-25

Benedíxit te Dóminus in virtute sua, quia per te ad níhilum redégit inimicos nostros. Benedícta es tu, filia, a Dómino Deo excélso, præ ómnibus muliéribus super terram. Benedíctus Dóminus, qui creávit cælum et terram: quia hódie nomen tuum ita magnificávit, ut non recédat laus tua de ore hóminum, qui mémore fúerint virtútis Dómini in ætérnum, pro qui-

bus non pepercisti ánimæ tuæ propter angústias et tribulatióem géneris tui, sed subvenisti ruínæ ante conspéctum Dei nostri.

Graduale Dolorósa et lacrimábilis es, Virgo María, stans iuxta Crucem Dómini Iesu Fílii tui Redemptóris. **V.** Virgo Dei Génetrix, quem totus non capit orbis, hoc Crucis fert supplicium, auctor vitæ factus homo.

Tractus Stabat sancta María, cæli Regína, et mundi Dómina, iuxta Crucem Dómini nostri Iesu Christi dolorósa. **V. Thren. 1, 12** O vos omnes, qui transítis per viam, at-téndite, et vidéte, si est dolor sicut dolor meus.

Sequentia

Stabat Mater dolorósa
Iuxta Crucem lacrimósa,
Dum pendébat Fílius.

Cuius ánimam geméntem,
Contristátam et doléntem,
Pertransívit gládius.

O quam tristis et afflícta
Fuit illa benedícta
Mater Unigéniti!

Quæ mærébat, et dolébat,
Pia Mater, dum vidébat
Nati pænas íncliti.

Quis est homo, qui non fleret,
Matrem Christi si vidéret
In tanto supplicio?

Quis non posset contristári,
Christi Matrem contemplári
Doléntem cum Fílio?

Pro peccátis suæ gentis
Vidit Iesum in torméntis,
Et flagéllis súbditum.

Vidit suum dulcem natum
Moriéndo desolátum,
Dum emísit spíritum.

Eia Mater, fons amóris,
Me sentíre vim dolóris
Fac, ut tecum lúgeam.

30 MISSALE ROM.

Fac, ut árdeat cor meum
In amándo Christum Deum,
Ut sibi compláceam.

Sancta Mater, istud agas,
Crucifixi fige plagas
Cordi meo válide.

Tui nati vulneráti,
Tam dignáti pro me pati,
Pænas mecum dívide.

Fac me tecum pie flere,
Crucifixo condolére,
Donec ego víxero.

Iuxta Crucem tecum stare,
Et me tibi sociáre
In planctu desídero.

Virgo vírginum præclára,
Mihi iam non sis amára:
Fac me tecum plángere.

Fac, ut portem Christi mortem,
Passiónis fac consórtem,
Et plagas recólere.

Fac me plagis vulnerári,
Fac me Cruce inebriári,
Et cruóre Fílii.

Flammis ne urar succénsus,
Per te, Virgo, sim defénsus
In die iudícii.

Christe, cum sit hinc exíre,
Da per Matrem me veníre
Ad palmam victóriæ.

Quando corpus moriétur,
Fac, ut ánimæ donétur
Paradísi glória. Amen.

✠ Sequentia sancti Evangélii se-cúndum Ioánnem.

Ioann. 19, 25-27

In illo témpore: Stabant iuxta cru-cem Iesu mater eius, et soror matris eius María Cléophæ et María Magdaléne. Cum vidísset ergo Iesus matrem, et discípulum stantem, quem diligébat, dicit matri suæ: Múlier, ecce filius tuus. Deinde dicit discípulo: Ecce mater tua. Et ex illa hora accépit eam discípulus in sua.

Antiphona ad Offertorium Ierem.
18, 20 Recordáre, Virgo Mater Dei,
dum stéteris in conspéctu Dómini,
ut loquáris pro nobis bona, et ut
avértat indignatióem suam a no-
bis.

Secreta

Offerimus tibi preces et hóstias,
Dómine Iesu Christe humí-
liter supplicántes: ut, qui Transfi-
xióem dulcíssimi spíritus beátæ
Mariæ Matris tuæ précibus recen-
sémus; suo, suorumque sub Cruce
Sanctorum consórtium multipli-
cáto piíssimo intervéntu, méritis
mortis tuæ, méritum cum beátis
habeámus: Qui vivis.

Præfatio de B. Maria Virg. Et te
in Transfixiõe.

Antiphona ad Communionem
Felices sensus beátæ Mariæ Vir-
ginis, qui sine morte meruerunt
martýrii palmam sub Cruce Dó-
mini.

Postcommunio

Sacrificia, quæ sumpsimus, Dó-
mine Iesu Christe, Transfixiõ-
nem Matris tuæ et Virginitis devôte
celebrántes: nobis ímpetrent apud
cleméntiam tuam omnis boni salu-
táris efféctum: Qui vivis.

FESTA APRILIS

Die 2 aprilis

S. FRANCISCI DE PAULA CONF.

III classis

Antiphona ad Introitum

Ps. 91, 13-14

Iustus ut palma florébit: sicut
cedrus Líbani multiplicábitur:
plantátus in domo Dómini: in
átriis domus Dei nostri. (T. P. Al-
lelúia, allelúia.) Ps. ibid., 2 Bonum

est confitéri Dómino: et psállere
nómini tuo, Altíssime. V. Glória
Patri

Oratio

Deus, humílium celsitúdo, qui
beátum Francíscum Confes-
sórem Sanctorum tuorum glória
sublimásti: tríbue, quæsumus; ut,
eius méritis et imitatiõe, promíssa
humílibus præmia felíciter conse-
quámur. Per Dóminum.

Lectio Epístolæ beáti Pauli Apóstoli
ad Philippenses.

Philipp. 3, 7-12

Fratres: Quæ mihi fuérunt lucra,
hæc arbitrátus sum propter
Christum detriménta. Verúmtamen
exístimo ómnia detriméntum esse
propter eminentem sciéntiam Iesu
Christi Dómini mei: propter quem
ómnia detriméntum feci, et árbi-
tror ut stércora, ut Christum lucrí-
fíciám, et invéniam in illo, non ha-
bens meam iustítiam, quæ ex lege
est, sed illam, quæ ex fide est
Christi Iesu: quæ ex Deo est iustítia
in fide, ad cognoscéndum illum, et
virtútem resurrectionis eius, et
societátem passiõnum illius: con-
figurátus morti eius: si quo modo
occúrram ad resurrectionem, quæ
est ex mórtuis: non quod iam accé-
perim, aut iam perféctus sim: se-
quor autem, si quo modo compre-
héndam, in quo et comprehénsus
sum a Christo Iesu.

Tempore paschali:

Allelúia, allelúia. V. Ps. 111, 1
Beátus vir, qui timet Dóminum: in
mandátis eius cupit nimis. Allelúia.
V. Osee 14, 6 Iustus germinábit
sicut lílium: et florébit in ætérnum
ante Dóminum. Allelúia.

Extra tempus paschale:

Graduale Ps. 36, 30-31 Os iusti
meditábitur sapiéntiam, et lingua

eius loquétur iudícium. **V.** Lex Dei eius in corde ipsíus: et non supplantábuntur gressus eius.

Tractus Ps. III, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiæ in domo eius: et iustítia eius manet in sáculum sáculi.

✠ Sequéntia sancti Evangélíi secúndum Lucam.

Luc. 12, 32-34

In illo témpore: Dixit Iesus discí-pulis suis: Nolíte timére, pusíl-lus grex, quia complácuít Patri vestro dare vobis regnum. Véndite quæ possidétis, et date eleemósy-nam. Fácite vobis sácculos, qui non veteráscunt, thesáurum non defi-ciéntem in cælis: quo fur non ap-própiat, neque tinea corrúmpit. Ubi enim thesáurus vester est, ibi et cor vestrum erit.

Antiphona ad Offertorium Ps. 20, 2-3 In virtúte tua, Dómine, lætábitur iustus, et super salutáre tuum exsul-tábit veheménter: desidérium áni-mæ eius tribuísti ei. (T. P. Allelúia.)

Secreta

Hæc dona devótæ plebis, Dó-mine, quibus tua cumulámus altária, beáti Francísci méritis tibi grata, nobisque salutária, te mise-ránte, reddántur. Per Dóminum.

Antiphona ad Communionem Matth. 19, 28 et 29 Amen dico vobis: quod vos, qui reliquístis óm-nia, et secúti estis me, céntuplum accipiétis, et vitam ætérnam possi-débitis. (T. P. Allelúia.)

Postcommunio

Sumpta, Dómine, sacraménta cæ-léstia: beáto Francíscó Confes-sóre tuo intercedénte, precámur; ut et temporális vitæ subsídia nobis cónferant, et ætérnæ. Per Dómi-num.

Die 4 aprilis

S. ISIDORI

EP., CONF. ET ECCL. DOCT.

III classis

Missa In médio, de **Communi Doctorum** (19).

Oratio

C

Deus, qui pópulo tuo ætérnæ salútis beátum Isidórum mi-nístrum tribuísti: præsta, quæsu-mus; ut, quem Doctórem vitæ ha-búimus in terris, intercessórem habére mereámur in cælis. Per Dó-minum.

Secreta

C I

Sancti Isidóri Pontíficis tui atque Doctóris nobis, Dómine, pia non desit orátio: quæ et múnera nostra concíliet; et tuam nobis indulgén-tiam semper obtíneat. Per Dómi-num.

Postcommunio

C I

Ut nobis, Dómine, tua sacrificia dent salútem: beátus Isidórus Póntifex tuus et Doctor egrégíus, quæsumus, precátor accédát. Per Dóminum.

Die 5 aprilis

S. VINCENTII FERRERII CONF.

III classis

Missa Os iusti, de **Communi Confessoris non Pontificis I loco** (20), **cum orationibus ut infra:**

Oratio

P

Deus, qui Ecclésiám tuam beáti Vincéntii Confessóris tui mé-ritis et prædicatióne illustráre di-gnátus es: concéde nobis fámulis tuis; ut et ipsíus instruámur exem-plis, et ab ómnibus eius patrocínio liberémur advérsis. Per Dóminum.

Secreta

C

Laudis tibi, Dómine, hóstias **L**immolámus in tuórum com-memoratióne Sanctórum: quibus nos et præsentibus éxui malis con-fidimus, et futúris. Per Dóminum.

Postcommunio C

Refecti cibo potúque cælesti, Deus noster, te súpplices exorámus: ut, in cuius hæc commemoratione percépimus, eius muniámur et précibus. Per Dóminum.

Die 11 aprilis

S. LEONIS I
PAPÆ, CONF. ET ECCL. DOCT.

III classis

Missa Si díligis me, **de Comuni**
unius aut plurium Summorum
Pontificum (1).

Oratio C I

Gregem tuum, Pastor ætérne, placátus inténde: et per beátum Leónem Summum Pontíficem, perpétua protectióne custódi: quem totíus Ecclésiæ præstitísti esse pastórem. Per Dóminum.

Secreta C I

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et gráti fiant nómini tuo, te gubernánte, pastóres. Per Dóminum.

Postcommunio C I

Refectióne sancta enutrítam guberná, quæsumus, Dómine, tuam placátus Ecclésiám: ut poténti moderatióne dirécta, et increménta libertátis accípiat: et in religiónis integritáte persístat. Per Dóminum.

Die 13 aprilis

S. HERMENEGILDI MART.

III classis**Tempore paschali****Antiphona ad Introitum****Ps. 63, 3**

Protexisti me, Deus, a convéntu malignántium, allelúia: a multitudíne operántium ini-

quitátem, allelúia, allelúia. **Ps. ibid., 2** Exáudi, Deus, oratióem meam cum déprecor: a timóre inimíci éripe ánimam meam. **Ÿ.** Glória Patri.

Oratio

Deus, qui beátum Hermenegíldum Mártirem tuum cælesti regno terrénium postpónere docuísti: da, quæsumus, nobis; eius exémplo cadúca despícere, atque ætérna sectári. Per Dóminum.

Léctio libri Sapiéntiæ.**Sap. 5, 1-5**

Stabunt iusti in magna constántia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salútis, dicéntes intra se, pæniténtiam agéntes, et præ angústia spíritus geméntes: Hi sunt, quos habúimus aliquándó in derísu, et in similitúdinem improperíi. Nos insensáti vitam illórum æstimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est.

Allelúia, allelúia. **Ÿ. Ps. 88, 6** Confitebúntur cæli mirabília tua, Dómine: étenim veritátem tuam in ecclésiá sanctórum. Allelúia. **Ÿ. Ps. 20, 4** Posuísti, Dómine, super caput eius corónam de lápide pretiósó. Allelúia.

✠ Sequéntia sancti Evangélii secúndum Lucam.

Luc. 14, 26-33

In illo témpore: Dixit Iesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discípulus. Et qui non báiulat crucem suam, et venit

post me, non potest meus esse discipulus. Quis enim ex vobis volens turrim ædificāre, non prius sedens cōputat sumptus, qui necessarij sunt, si hābeat ad perficiendum; ne, posteaquam posuerit fundamētum, et non potuerit perficere, omnes, qui vident, incipiant illudere ei, dicentes: Quia hic homo cœpit ædificāre, et non pōtuit consummare? Aut quis rex iturus committere bellum adversus alium regem, non sedens prius cōgitat, si possit cum decem milibus occurrere ei, qui cum viginti milibus venit ad se? Alioquin, adhuc illo longe agente, legationem mittens, rogat ea, quæ pacis sunt. Sic ergo omnis ex vobis, qui non renūtiat omnibus, quæ pōssidet, non potest meus esse discipulus.

Antiphona ad Offertorium Ps. 88, 6 Confitebuntur cæli mirabilia tua, Dōmine: et veritatem tuam in ecclesia sanctorum, allelūia, allelūia.

Secreta

Muneribus nostris, quæsumus, Dōmine, precibusque susceptis: et cælestibus nos munda mysteriis, et clementer exaudi. Per Dōminum.

Antiphona ad Communionem Ps. 63, 11 Lætabitur iustus in Dōmino, et sperabit in eo: et laudabuntur omnes recti corde, allelūia, allelūia.

Postcommunio

Da, quæsumus, Dōmine Deus noster: ut, sicut tuorum commemoratiōe Sanctorum temporali gratulamur officio; ita perpetuo lætemur aspēctu. Per Dōminum.

Extra tempus paschale

Missa In virtute, de Communionis Martyris III loco (5), præter orationem et Evangelium ut in Missa præcedenti.

Die 14 aprilis

S. IUSTINI MARTYRIS

III classis

Antiphona ad Introitum

Ps. 118, 85 et 46

Narraverunt mihi iniqui fabulationes, sed non ut lex tua: ego autem loquebar de testimoniis tuis in conspectu regum et non confundabar. (T. P. Allelūia, allelūia). Ps. ibid., 1 Beati immaculati in via, qui ambulant in lege Dōmini. V. Glória Patri.

Oratio

Deus, qui per stultitiam crucis eminentem Iesu Christi scientiam beatum Iustinum Martyrem mirabiliter docuisti: eius nobis intercessiōe concede; ut, errorum circumventiōe depulsa, fidei firmitatem consequamur. Per eundem Dōminum.

Et fit commemoratio Ss. Tiburtii, Valeriani et Maximi Martyrum:

Oratio

P

Præsta, quæsumus, omnipotens Deus: ut, qui sanctorum Martyrum tuorum Tiburtii, Valeriani et Maximi solémnia cōlimus; eorum etiam virtutes imitemur. Per Dōminum.

Lectio Epistolæ beati Pauli Apostoli ad Corinthios.

1 Cor. 1, 18-25 et 30

Fratres: Verbum crucis pereuntibus quidem stultitia est: iis autem, qui salvi fiunt, id est nobis, Dei virtus est. Scriptum est enim: Perdam sapientiam sapientium, et prudentiam prudentium reprobabo. Ubi sapiens? ubi scriba? ubi conquisitor huius sæculi? Nonne stultam fecit Deus sapientiam huius mundi? Nam quia in Dei sapientia non cognovit mundus per sapien-

tiam Deum: plácuít Deo per stultítiam prædicatiónis salvos fácere credéntes. Quóniam et Iudæi signa petunt, et Græci sapiéntiam quærunt: nos autem prædicámus Christum crucifixum: Iudæis quidem scándalum, géntibus autem stultitiam, ipsis autem vocátis Iudæis, atque Græcis, Christum Dei virtútem, et Dei sapiéntiam: quia quod stultum est Dei, sapiéntius est homínibus: et quod infirmum est Dei, fórtius est homínibus. Ex ipso autem vos estis in Christo Iesu, qui factus est nobis sapiéntia a Deo, et iustítia, et sanctificátio, et redemptio.

Tempore paschali:

Allelúia, allelúia. **V. 1 Cor. 3, 19 et 20** Sapiéntia huius mundi stultítia est apud Deum, scriptum est enim: Dóminus novit cogitatiónes sapiéntium, quóniam vanæ sunt. Allelúia. **V. Philipp. 3, 8** Verúmtamen exístimo ómnia detriméntum esse propter eminéntem sciéntiam Iesu Christi Dómini mei. Allelúia.

Extra tempus paschale:

Graduale 1 Cor. 3, 19 et 20 Sapiéntia huius mundi stultítia est apud Deum, scriptum est enim: Dóminus novit cogitatiónes sapiéntium, quóniam vanæ sunt. **V. Ibid. 1, 19** Perdam sapiéntiam sapiéntium, et prudéntiam prudéntium reprobábo.

Tractus 1 Cor. 2, 2 et 7-8 Non iudicávi me scire áliquid inter vos, nisi Iesum Christum, et hunc crucifixum. **V.** Lóquimur Dei sapiéntiam in mystério, quæ abscondita est, quam prædestinávit Deus ante sácula in glóriam nostram. **V.** Quam nemo princípum huius sáculi cognóvit. Si enim cognovissent, numquam Dóminum glóriæ crucifixissent.

¶ **In Missis votivis ante Septuagesimam, vel post Penteco-**

sten, graduale dicitur ut supra, sed, omisso tractu, additur:

Allelúia, allelúia. **V. Philipp. 3, 8** Verúmtamen exístimo ómnia detriméntum esse propter eminéntem sciéntiam Iesu Christi Dómini mei. Allelúia.

✠ **Sequéntia sancti Evangélíi secúndum Lucam.**

Luc. 12, 2-8

In illo témpore: Dixit Iesus discipulis suis: Nihil opértum est, quod non revelétur: neque absconditum, quod non sciátur. Quóniam quæ in ténebris dixístis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne terreámini ab his qui occidunt corpus, et post hæc non habent ámplius quid fácient. Osténdam autem vobis quem timeátis: timéte eum, qui, postquam occiderit, habet potestátem mittere in gehénnam; ita dico vobis, hunc timéte. Nonne quinque pásseres véneunt dipóndio, et unus ex illis non est in obliuióné coram Deo? sed et capílli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis, quicúmque conféssus fúerit me coram homínibus, et Fílius hóminis confitébitur illum coram Angelis Dei.

Antiphona ad Offertorium 1 Cor. 2, 2 Non enim iudicávi me scire áliquid inter vos, nisi Iesum Christum, et hunc crucifixum. **(T. P. Allelúia.)**

Secreta

Múnera nostra, Dómine Deus, benígnus súscipe: quorum mirábile mystérium sanctus Martyr Iustínus advérsus impiórum calúmnnias strénue deféndit. Per Dóminum.

Pro Ss. Tiburtio,
Valeriano et Maximo

Secreta P

Hæc hóstia, quæsumus, Dómine, quam sanctórum Mártyrum tuórum natalícia recenséntes offérimus: et víncula nostræ pravitátis absólvat, et tuæ nobis misericórdiæ dona concíliet. Per Dóminum.

Antiphona ad Communionem

2 Tim. 4, 8 Repósita est mihi coróna iustítiæ, quam reddet mihi Dóminus in illa die iustus iudex. (T. P. Allelúia.)

Postcommunio

Cælésti alimónia refécti súpplīces te, Dómine, deprecámur: ut, beáti Iustíni Mártyris tui mónitis, de accéptis donis semper in gratiárum actióne maneámus. Per Dóminum.

Pro Ss. Tiburtio,
Valeriano et Maximo

Postcommunio P

Sacro múnere satiáti, súpplīces te, Dómine, deprecámur: ut, quod débitæ servitútis celebrámus officio, salvatiónis tuæ sentiámus augméntum. Per Dóminum.

Eodem die 14 aprilis

SS. TIBURTII, VALERIANI ET
MAXIMI MARTYRUM

Commemoratio

Tempore paschali, Missa Sancti tui, de Communi Martyrum 2 loco (14), cum Epistola et Evangelio e Missa Protexísti, de Communi Martyrum 1 loco (13), et cum orationibus ut infra.

Extra tempus paschale, Missa Sapiéntiam, de Communi plurimorum Martyrum 2 loco (9), cum orationibus pariter ut infra.

Oratio P

Præsta, quæsumus, omnípotens Deus: ut, qui sanctórum Mártyrum tuórum Tibúrtii, Valeriáni et Máximi solémnia cólimus; eórum étiam virtútes imitémur. Per Dóminum.

Secreta P

Hæc hóstia, quæsumus, Dómine, quam sanctórum Mártyrum tuórum natalícia recenséntes offérimus: et víncula nostræ pravitátis absólvat, et tuæ nobis misericórdiæ dona concíliet. Per Dóminum.

Postcommunio P

Sacro múnere satiáti, súpplīces te, Dómine, deprecámur: ut, quod débitæ servitútis celebrámus officio, salvatiónis tuæ sentiámus augméntum. Per Dóminum.

Die 17 aprilis

S. ANICETI PAPÆ ET MART.

Commemoratio

Missa Si diligis me, de Communi unius aut plurium Summorum Pontificum (1).

Oratio C I

Gregem tuum, Pastor ætérne, placátus inténde: et per beátum Anicétum Mártyrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Secreta C I

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio C I

Refectióne sancta enutrítam guberná, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat; et in religiónis integritáte persístat. Per Dóminum.

Die 21 aprilis

S. ANSELMII
EP., CONF. ET ECCL. DOCT.

III classis

Missa In médio, de Communi
Doctorum (19).

Oratio C I

Deus, qui pópulo tuo æternæ
salútis beátum Ansélmum
minístrum tribuísti: præsta, quæ-
sumus; ut, quem Doctórem vitæ
habúimus in terris, intercessórem
habére mereámur in cælis. Per Dó-
minum.

Secreta C I

Sancti Ansélmi Pontíficis tui atque
Doctóris nobis, Dómine, pia non
desit orátio: quæ et múnera nostra
concíliet; et tuam nobis indulgén-
tiam semper obtíneat. Per Dómi-
num.

Postcommunio C I

Ut nobis, Dómine, tua sacrificia
dent salútem: beátus Ansél-
mus Póntifex tuus et Doctor egré-
gius, quæsumus, precátor accédât.
Per Dóminum.

Die 22 aprilis

SS. SOTERIS ET CAII
SUMMORUM PONTIFICUM
ET MARTYRUM

III classis

Missa Si diligis me, de Com-
muni unius aut plurium Summo-
rum Pontificum (1).

Oratio C I

Gregem tuum, Pastor æterne,
placátus inténde: et per beá-
tos Sotérem et Caium Mártýres
tuos atque Summos Pontífices, per-
pétua protectióne custódi; quos
totíus Ecclésiæ præstitísti esse
pastóres. Per Dóminum.

Secreta C I

Oblátis munéribus, quæsumus,
Dómine, Ecclésiám tuam be-

nígnus illúmina: ut, et gregis tui
proficiat ubíque succéssus, et grati
fiant nómini tuo, te gubernánte,
pastóres. Per Dóminum.

Postcommunio C I

Refectióne sancta enutritam gu-
bérna, quæsumus, Dómine,
tuam placátus Ecclésiám: ut po-
ténti moderatióne dirécta, et incre-
ménta libertátis accípiat; et in reli-
giónis integritáte persístat. Per Dó-
minum.

Die 23 aprilis

S. GEORGII MARTYRIS

Commemoratio

Antiphona ad Introitum

Ps. 63, 3

Protexísti me, Deus, a convéntu
malignántium, allelúia: a
multitúdine operántium ini-
quitátem, allelúia, allelúia. **Ps. ibid.,**
2 Exáudi, Deus, oratiómem meam
cum déprecór: a timóre inimíci
éripe ánimam meam. **V.** Glória
Patri.

Oratio

Deus, qui nos beáti Geórgii
Mártýris tui méritis et inter-
cessióne lætíficas: concéde propí-
tius; ut, qui tua per eum beneficia
póscimus, dono tuæ grátiae conse-
quámur. Per Dóminum.

Léctio Epístolæ beáti Pauli Apóstoli
ad Timótheum.

2 Tim. 2, 8-10; 3, 10-12

Caríssime: Memor esto Dómi-
num Iesum Christum resur-
rexísse a mórtuis ex sémine David,
secúndum Evangélium meum, in
quo labóro usque ad víncula, quasi
male óperans: sed verbum Dei non
est alligátum. Ideo ómnia sustíneo
propter eléctos, ut et ipsi salútem
consequántur, quæ est in Christo

Iesu, cum glória cælésti. Tu autem assecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passionem: quælia mihi facta sunt Antiochiæ, Iconii, et Lystris: quales persecutiones sustinui, et ex omnibus eripuit me Dominus. Et omnes, qui pie volunt vivere in Christo Iesu, persecutionem patientur.

Allelúia, allelúia. **Ps. 88, 6** Confitebuntur cæli mirabilia tua, Dómine: etenim veritatem tuam in ecclesia sanctorum. Allelúia. **Ps. 20, 4** Posuisti, Dómine, super caput eius coronam de lapide pretioso. Allelúia.

✠ Sequéntia sancti Evangélii secúndum Ioánnem.

Ioann. 15, 1-7

In illo témpore: Dixit Iesus discipulis suis: Ego sum vitis vera: et Pater meus agricola est. Omnem pálmitem in me non ferentem fructum, tollet eum: et omnem, qui fert fructum, purgábit eum, ut fructum plus áfferat. Iam vos mundi estis propter sermónem, quem locutus sum vobis. Manéte in me: et ego in vobis. Sicut palmes non potest ferre fructum a semetípso, nisi mánserit in vite: sic nec vos, nisi in me manseritis. Ego sum vitis, vos pálmities: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit: mittétur foras sicut palmes, et aréscet, et cólligent eum, et in ignem mittent, et ardet. Si manseritis in me, et verba mea in vobis mánserint: quodcúmque volúeritis petétis, et fiet vobis.

Antiphona ad Offertorium Ps. 88, 6 Confitebuntur cæli mirabilia tua, Dómine: et veritatem tuam in ecclesia sanctorum, allelúia, allelúia.

Secreta

Múnera, Dómine, oblata sanctífica, et, intercedente beáto Geórgio Mártire tuo, nos per hæc a peccatorum nostrorum máculis emúnda. Per Dóminum.

Antiphona ad Communionem Ps. 63, 11 Lætábitur iustus in Dómino, et sperábit in eo: et laudabúntur omnes recti corde, allelúia, allelúia.

Postcommunio

Súpplices te rogámus, omnipotens Deus: ut, quos tuis réficis sacraméntis, intercedente beáto Geórgio Mártire tuo, tibi étiam plácitis móribus dignánte tríbuas deservíre. Per Dóminum.

¶ **Pro votiva extra tempus paschale, Missa In virtúte, de Comuni unius Martyris 3 loco (5), cum orationibus ut supra.**

Die 24 aprilis

S. FIDELIS DE SIGMARINGA MARTYRIS

III classis

Missa Protexísti, de Comuni Martyrum tempore paschali 1 loco (12), cum orationibus ut infra:

Oratio P

Deus, qui beátum Fidélem, seráphico spíritus ardóre succénsum, in veræ fidei propagatióne martýrii palma et gloriósis miráculis decoráre dignátus es: eius, quæsumus, méritis et intercessióne, ita nos per grátiam tuam in fide et caritáte confírma; ut in servítio tuo fidéles usque ad mortem inveníri mereámur. Per Dóminum.

Secreta C 3

Munéribus nostris, quæsumus, Dómine, precibúque susceptis: et cælestibus nos munda mystériis, et cleménter exáudi. Per Dóminum.

Postcommunio C 3

Da, quæsumus, Dómine Deus noster: ut, sicut tuórum commemoratióne Sanctórum, temporáli gratulámur officio; ita perpétuo lætémur aspéctu. Per Dóminum.

¶ Pro votiva extra tempus paschale, Missa In virtúte, de Comuni unius Martyris 3 loco (5), cum orationibus ut supra.

Die 25 aprilis

S. MARCI EVANGELISTÆ

II classis

LITANIE MAIORES

Statio ad S. Petrum

¶ Ad processionem dicitur Missa de Rogationibus, ut habetur suo loco in Proprio de Tempore 328, et, si contingat transferri festum S. Marci, non tamen transfertur processio, nisi quando prædictum festum dominica Paschatis vel feria II post Pascha occurrit; tunc enim in feriam III sequentem transfertur.

Antiphona ad Introitum

Ps. 63, 3

Protexisti me, Deus, a convéntu malignántium, allelúia: a multitudíne operántium iniquitátem, allelúia, allelúia. Ps. *ibid.*, 2 Exáudi, Deus, oratióne meam cum deprecór: a timóre inimíci éripe ánimam meam. V. Glória Patri.

Oratio

Deus, qui beátum Marcum Evangelístam tuum evangélicæ prædicatiónis grátia sublimásti: trí-bue, quæsumus; eius nos semper et eruditiónem proficere, et oratióne deféndi. Per Dóminum.

Et fit commemoratio Rogationum:

Oratio

Præsta, quæsumus, omnípotens Deus: ut, qui in afflictiónem nostram de tua pietáte confidimus; contra advérsa ómnia, tua semper protectiõe muniámur. Per Dóminum.

Lectio Ezechiélis Prophætæ.

Ezech. 1, 10-14

Similitúdo vultus quátuor animálium: fácies hóminis, et fácies leónis a dextris ipsórum quátuor: fácies autem bovis a sinístris ipsórum quátuor, et fácies áquilæ désuper ipsórum quátuor. Fácies eórum, et pennæ eórum exténtæ désuper: duæ pennæ singulórum iungebántur, et duæ tegébant córpora eórum: et unumquódque eórum coram fácie sua ambulábat: ubi erat ímpetus spíritus, illuc gradiebántur, nec revertébantur cum ambulárent. Et similitúdo animálium, aspéctus eórum quasi carbónum ignis ardéntium, et quasi aspéctus lampadárum. Hæc erat visio discúrrens in médio animálium, splendor ignis, et de igne fulgur egrédiens. Et animália ibant, et revertébantur in similitúdinem fúlgoris coruscántis.

Allelúia, allelúia. V. Ps. 88, 6 Confitebúntur cæli mirabília tua, Dómine: étenim veritátem tuam in ecclésia sanctórum. Allelúia. V. Ps. 20, 4 Posuísti, Dómine, super caput eius corónam de lápide pretióso. Allelúia.

✠ Sequéntia sancti Evangélii secúndum Lucam.

Luc. 10, 1-9

In illo témpore: Designávit Dóminus et álios septuagínta duos et misit illos binos ante fáciem

suam in omnem civitatem et locum, quo erat ipse venturus. Et dicebat illis: Messis quidem multa, operarii autem pauci. Rogate ergo dominum messis ut mittat operarios in messem suam. Ite: ecce, ego mitto vos sicut agnos inter lupos. Nolite portare sacculum, neque peram, neque calceamenta, et neminem per viam salutaveritis. In quamcumque domum intraveritis, primum dicite: Pax huic domui: et si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete, edentes et bibentes quae apud illos sunt: dignus est enim operarius mercede sua. Nolite transire de domo in domum. Et in quamcumque civitatem intraveritis, et susceperint vos, manducate quae apponuntur vobis: et curate infirmos, qui in illa sunt, et dicite illis: Appropinquavit in vos regnum Dei. Credo.

Antiphona ad Offertorium Ps. 88,
6 Confitebuntur caeli mirabilia tua, Domine: et veritatem tuam in ecclesia sanctorum, alleluia, alleluia.

Secreta

Beati Marci Evangelistae tui solemnitatem, tibi munera deferentes, quaesumus, Domine: ut, sicut illum praedicatio evangelica fecit gloriosum; ita nos eius intercessio, et verbo et opere, tibi reddat acceptos. Per Dominum.

Pro Rogationibus

Secreta

Haec munera, quaesumus, Domine, et vincula nostrae pravitatis absolvant, et tuae nobis misericordiae dona concilient. Per Dominum.

Præfatio de Apostolis.

Antiphona ad Communionem
Ps. 63, 11 Laetabitur iustus in Dó-

mino, et sperabit in eo: et laudabuntur omnes recti corde, alleluia, alleluia.

Postcommunio

Tribuant nobis, quaesumus, Domine, continuum tua sancta praesidium: quo, beati Marci Evangelistae tui precibus, nos ab omnibus semper tueantur adversis. Per Dominum.

Pro Rogationibus

Postcommunio

Vota nostra, quaesumus, Domine, pio favore proséquere: ut, dum dona tua in tribulatione percipimus, de consolatione nostra in tuo amore crescamus. Per Dominum.

¶ **Pro votiva extra tempus paschale, Missa ut in festo S. Lucae Evangelistae, die 18 octobris, cum orationibus et Epistola ut supra.**

Die 26 aprilis

SS. CLETI ET MARCELLINI
SUMMORUM PONTIFICUM
ET MARTYRUM

III classis

Missa Si diligis me, de **Communi unius aut plurium Summorum Pontificum** (1).

Oratio

C I

Gregem tuum, Pastor aeternae, placatus intende: et per beatos Cletum et Marcellinum Martyres tuos atque Summos Pontifices, perpetua protectione custodi; quos totius Ecclesiae praestitisti esse pastores. Per Dominum.

Secreta

C I

Oblatis muneribus, quaesumus, Domine, Ecclesiam tuam benignus illumina: ut, et gregis tui proficiat ubique succensus, et grati fiant nomini tuo, te gubernante, pastores. Per Dominum.

Postcommunio C 1

Refectiōne sancta enutrītā guberna, quāsumus, Dōmine, tuam placātus Ecclēsiā: ut potēti moderatiōne dirēcta, et incrementa libertātis accīpiat; et in religiōnis integritate persīstat. Per Dōminum.

Die 27 aprilis

S. PETRI CANISII
CONF. ET ECCL. DOCT.

III classis

Missa In medio, de **Communi Doctorum** (19), cum orationibus ut infra:

Oratio

P

Deus, qui ad tuēdam catholīcam fidem beātum Petrum Confessōrem tuum virtūte et doctrīna roborāsti: concēde propītius; ut eius exēmplis et mōnitis errāntes ad salutem resipiscant, et fidēles in veritātis confessiōne perseverent. Per Dōminum.

Secreta

C 2

Sancti Petri Confessōris tui atque Doctōris nobis, Dōmine, pia non desit oratio: quā et mūnera nostra concīliet; et tuam nobis indulgētiā semper obtīneat. Per Dōminum.

Postcommunio C 2

Ut nobis, Dōmine, tua sacrificia dent salutem: beātus Petrus Confessor tuus et Doctor egrēgius, quāsumus, precātor accēdat. Per Dōminum.

Die 28 aprilis

S. PAULI A CRUCE CONF.

III classis**Antiphona ad Introitum**

Gal. 2, 19-20

Christo confixus sum Cruci: vivo autem, iam non ego: vivit vero in me Christus:

in fide vivo Fīlii Dei, qui dilēxit me, et trādīdit semetīpsū pro me. (T. P. Allelūia, allelūia.) **Ps. 40, 2** Beātus qui intēlegit super egēnum et pāuperem: in die mala liberābit eum Dōminus. **Ÿ.** Glōria Patri.

Oratio

Dōmine Iesu Christe, qui ad mystērium Crucis prādicāndum, sanctum Paulum singulāri caritāte donāsti, et per eum novam in Ecclēsia famīliā florēscere voluīsti: ipsīus nobis intercessiōne concēde; ut passiōnem tuam iūgiter recolētes in terris, eiūsdem fructum cōsequi mereāmur in cēlis. Qui vivis.

Lēctio Epīstolæ beāti Pauli Apōstoli ad Corīnthios.

I Cor. 1, 17-25

Fratres: Non misit me Christus baptizāre, sed evangelizāre: non in sapiētiā verbi, ut non evacuētur crux Christi. Verbum enim crucis pereūntibus quidem stultītia est: iis autem, qui salvi fiunt, id est nobis, Dei virtus est. Scriptum est enim: Perdam sapiētiā sapiētiū, et prudētiā prudētiū reprobābo. Ubi sapiens? ubi scriba? ubi conquisitor huius sēculi? Nonne stultam fecit Deus sapiētiā huius mundi? Nam quia in Dei sapiētiā non cognōvit mundus per sapiētiā Deum: placuit Deo per stultītiā prādicatiōnis salvos facere credētes. Quōniam et Iudæi signa petunt, et Græci sapiētiā quærunt: nos autem prādicāmus Christum crucifixum: Iudæis quidem scādalum, gēntibus autem stultītiā, ipsis autem vocātis Iudæis, atque Græcis, Christum Dei virtūtem, et Dei sapiētiā: quia quod stultum est Dei, sapiētius est homīnibus: et

quod infirmum est Dei, fórtius est homínibus.

Tempore paschali:

Allelúia, allelúia. **V. 2 Cor. 5, 15** Pro ómnibus mórtuus est Christus: ut, et qui vivunt, iam non sibi vivunt, sed ei, qui pro ipsis mórtuus est, et resurrexit. Allelúia. **V. Rom. 8, 17** Si filii, et herédes: herédes quidem Dei, coherédes autem Christi: si tamen compátimur, ut et conglorificémur. Allelúia.

¶ In Missis votivis extra tempus paschale, dicitur

Graduale Gal. 6, 14 Mihi autem absit gloriári, nisi in Cruce Dómini nostri Iesu Christi: per quem mihi mundus crucifixus est, et ego mundo. **V. 1 Cor. 2, 2** Non iudicávi me scire áliquíd inter vos, nisi Iesum Christum, et hunc crucifixum.

Allelúia, allelúia. **V. 1 Petr. 2, 21** Christus passus est pro nobis, vobis relínquens exémplum ut sequámini vestígia eius. Allelúia.

Post Septuagesimam, omissis Allelúia, et versu sequenti, dicitur

Tractus 1 Petr. 4, 1 Christo ígitur passo in carne, et vos eádem cogitatióne armámini: quia qui passus est in carne, désiit a peccátis. **V. 2 Cor. 4, 10** Semper mortificatióne Iesu in córpore nostro circumferéntes, ut et vita Iesu manifestétur in corpóribus nostris. **V. Hebr. 12, 2** Aspiciéntes in auctórem fidei et consummatórem Iesum, qui propósito sibi gáudio sustínuit Crucem, confusióne contémpsa, atque in dextera sedis Dei sedet.

✠ Sequéntia sancti Evangélii secúndum Lucam.

Luc. 10, 1-9

In illo témpore: Designávit Dóminus et álios septuagínta duos: et misit illos binos ante faciém suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo dómimum messis, ut mittat operários in messem suam. Ite: ecce, ego mitto vos sicut agnos inter lupos. Nolite portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dicite: Pax huic dómui: et si ibi fúerit filius pacis, requiéscet super illum pax vestra: sin autem, ad vos revertétur. In eádem autem domo manéte, edéntes, et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quæ apponúntur vobis: et curáte infirmos, qui in illa sunt, et dicite illis: Appropinquávit in vos regnum Dei.

Antiphona ad Offertorium Ephes. 5, 2 Ambuláte in dilectióne, sicut et Christus diléxit nos, et trádidit semetípsum pro nobis oblatiόnem, et hóstiam Deo in odórem suavitátis. (T. P. Allelúia.)

Secreta

Cæléstem nobis, Dómine, præbeant mystéria hæc passiόnis et mortis tuæ fervórem: quo sanctus Paulus, ea offeréndo, corpus suum hóstiam vivéntem, sanctam, tibi-que placéntem exhibuit: Qui vivis.

Antiphona ad Communionem 1 Petr. 4, 13 Communicántes Christi passiόnibus gaudéte, ut in revelatiόne glóriæ eius gaudeátis exultántes. (T. P. Allelúia.)

Postcommunio

Súmpsimus, Dómine, divínium sacraméntum, imménsæ caritátis tuæ memoriále perpétuum: tríbue, quæsumus; ut, sancti Pauli méritis et imitatióne aquam de fóntibus tuis hauriámus in vitam ætérnam salientem, et tuam sacratíssimam passióem córdibus nostris impréssam móribus et vita teneámus: Qui vivis.

Die 29 aprilis**S. PETRI MARTYRIS****III classis****Antiphona ad Introitum****Ps. 63, 3**

Protexisti me, Deus, a convéntu malignántium, allelúia: a multitudíne operántium iniquitátem, allelúia, allelúia. **Ps. ibid., 2** Exáudi, Deus, oratióem meam cum déprecor: a timóre inimíci éripe ánimam meam. **V.** Glória Patri.

Oratio

Præsta, quæsumus, omnípotens Deus: ut beáti Petri Mártiris tui fidem cóngrua devotióne sectémur; qui, pro eiúsdem fidei dilatatíone, martýrii palmam méruiť obtinére. Per Dóminum.

Léctio Epístolæ beáti Pauli Apóstoli ad Timótheum.

2 Tim. 2, 8-10; 3, 10-12

Caríssime: Memor esto Dómini Iesum Christum resurrexisse a mórtuis ex sémine David, secúndum Evangélium meum, in quo labóro usque ad víncula, quasi male óperans: sed verbum Dei non est alligátum. Ideo ómnia sustíneo propter eléctos, ut et ipsi salútem

consequántur, quæ est in Christo Iesu, cum glória cælésti. Tu autem assecútus es meam doctrínam, institutióem, propósitum, fidem, longanimitátem, dilectiόem, paciéntiam, persecutiόes, passiόes: quália mihi facta sunt Antiochiæ, Icónii, et Lystris: quales persecutiόes sustínui, et ex ómnibus erípuít me Dóminus. Et omnes, qui pie volunt vívere in Christo Iesu, persecutiόem paciéntur.

Allelúia, allelúia. **V. Ps. 88, 6** Confitebúntur cæli mirabília tua, Dómine: étenim veritátem tuam in ecclésia sanctórum. Allelúia. **V. Ps. 20, 4** Posuísti, Dómine, super caput eius corónam de lápide pretiόso. Allelúia.

✠ Sequéntia sancti Evangélii secúndum Ioánnem.

Ioann. 15, 1-7

In illo témpore: Dixit Iesus discí-pulis suis: Ego sum vitis vera: et Pater meus agrícola est. Omnem pálmitem in me non feréntem fructum, tollet eum: et omnem, qui fert fructum, purgábit eum, ut fructum plus áfferat. Iam vos mundi estis propter sermónem, quem locúsus sum vobis. Manéte in me: et ego in vobis. Sicut palmes non potest ferre fructum a semetípso, nisi mánserit in vite: sic nec vos, nisi in me manséritis. Ego sum vitis, vos pálmities: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint: quodcúmque voluéritis petétis, et fiet vobis.

Antiphona ad Offertorium Ps. 88, 6 Confitebúntur cæli mirabília tua, Dómine: et veritátem tuam in ec-

clésia sanctórum, allelúia, allelúia.

Secreta

Preces, quas tibi, Dómine, offérimus, intercedénte beáto Petro Mártire tuo, cleménte inténde: et propugnatóres fidei sub tua protectióne custódi. Per Dóminum.

Antiphona ad Communionem

Ps. 63, 11 Lætábitur iustus in Dómino, et sperábit in eo: et laudabúntur omnes recti corde, allelúia, allelúia.

Postcommunio

Fidéles tuos, Dómine, custódiant sacraménta quæ sumpsimus: et, intercedénte beáto Petro Mártire tuo, contra omnes advérsos tueántur incúrsus. Per Dóminum.

¶ **Pro votiva extra tempus paschale, Missa** Lætábitur, **de Communi unius Martyris 4 loco** (6), **cum orationibus ut supra.**

Die 30 aprilis

S. CATHARINÆ SENENSIS VIRG.

III classis

Missa Dilexísti, **de Communi Virginum 3 loco** (27), **cum orationibus ut infra:**

Oratio

P

Da, quæsumus, omnipotens Deus: ut, qui beátæ Catharínæ Vírginis tuæ natalícia cólimus; et ánnua solemnitáte lætémur, et tantæ virtútis proficiámus exémplo. Per Dóminum.

Secreta

P

Ascéndant ad te, Dómine, quas in beátæ Catharínæ solemnitáte offérimus, preces, et hóstia salutáris, virgíneo fragrans odóre. Per Dóminum.

Postcommunio

P

Aternitátem nobis, Dómine, cónferat, qua pasti sumus, mensa cæléstis: quæ beátæ Catharínæ Vírginis vitam étiam áluit temporálem. Per Dóminum.

FESTA MAII

Die 1 maii

S. IOSEPH OPIFICIS

SPONSI BEATÆ MARIE VIRGINIS, CONFESSORIS

I classis

Antiphona ad Introitum

Sap. 10, 17

Sapiéntia réddidit iustis mercedem labórum suórum, et dedúxit illos in via mirábili, et fuit illis in velaménto diéi et in luce stellárum per noctem. (**T. P.** Allelúia, allelúia.) **Ps. 126, 1** Nisi Dóminus ædificáverit domum, in vanum labórant qui ædíficant eam. **V.** Glória Patri.

Oratio

Rerum cónditor Deus, qui legem labóris humáno géneri statuí-

sti: concéde propítius; ut sancti Ioseph exémplo et patrocínio, ópera perficiámus quæ præcipis, et præmia consequámur quæ promíttis. Per Dóminum.

Léctio Epístolæ beáti Pauli Apóstoli ad Colossénses.

Col. 3, 14-15, 17, 23-24

Fratres: Caritátem habéte, quod est vínculum perfectiónis, et pax Christi exsúltet in córdibus vestris, in qua et vocáti estis in uno córpore, et grati estóte. Omne quod-

cúmque fácitis in verbo aut in ópere, ómnia in nómine Dómini Iesu Christi, grátias ágéntes Deo et Patri per ipsum. Quodcúmque fácitis, ex ánimo operámini sicut Dómino, et non homínibus, sciéntes quod a Dómino accipiétis retributióne hereditátis. Dómino Christo servíte.

Tempore paschali:

Allelúia, allelúia. **V.** De quacúmque tribulatióne clamáverint ad me, exáudiam eos, et ero protéctor eórum semper. Allelúia. **V.** Fac nos innócuam, Ioseph, decúrre vitam: sitque tuo semper tuta patrocínio. Allelúia.

In Missis votivis extra tempus paschale dicitur:

Graduale Ps. 127, 1-2 Beátus quicúmque times Dóminum, qui ámbulas in viis eius. **V.** Labórem mánuum tuárum manducábis et bene tibi erit.

Allelúia, allelúia. **V.** Fac nos innócuam, Ioseph, decúrre vitam: sitque tuo semper tuta patrocínio. Allelúia.

Post Septuagesimam, omissis Allelúia, et versu sequenti, dicitur

Tractus Ps. 111, 1-3 Beátus vir qui timet Dóminum, qui mandátis eius delectátur multum. **V.** Potens in terra erit semen eius; generatióni rectórum benedicétur. **V.** Opes et divítiæ erunt in domo eius, et munificéntia eius manébit semper.

✠ Sequéntia sancti Evangélíi secúndum Mattháum.

Matth. 13, 54-58

In illo témpore: Véniens Iesus in pátriam suam, docébat eos in synagógis eórum, ita ut miraréntur et dicerent: « Unde huic sapiéntia hæc et virtútes? Nonne hic est fabri filius? Nonne mater eius dicitur

María, et fratres eius Iacóbus et Ioseph et Simon et Iudas? Et soróres eius nonne omnes apud nos sunt? Unde ergo huic ómnia ista? » Et scandalizabántur in eo. Iesus autem dixit eis: « Non est prophéta sine honóre nisi in pátria sua et in domo sua ». Et non fecit ibi virtútes multas propter incredulitátem illórum. Credo.

Antiphona ad Offertorium Ps. 89, 17 Bónitas Dómini Dei nostri sit super nos, et opus mánuum nostrárum secúnda nobis, et opus mánuum nostrárum secúnda. **(T. P. Allelúia.)**

Secreta

Quas tibi, Dómine, de opéribus mánuum nostrárum offéri-mus hóstias, sancti Ioseph interpósito suffrágio, pignus fácias nobis unitátis et pacis. Per Dóminum.

Præfatio de S. Ioseph Et te in Solemnitáte.

Antiphona ad Communionem Matth. 13, 54, 55 Unde huic sapiéntia hæc et virtútes? Nonne hic est fabri filius? Nonne mater eius dicitur María? **(T. P. Allelúia.)**

Postcommunio

Hæc sancta quæ sumpsimus, Dómine: per intercessiόνem beáti Ioseph; et operatióne nostram cómpleant, et præmia confirmet. Per Dóminum.

Die 2 maii

S. ATHANASII

EP., CONF. ET ECCL. DOCT.

III classis

Antiphona ad Introitum

Eccli. 15, 5

In médio Ecclésiæ apéruit os eius: et implévit eum Dóminus spíritu sapiéntiæ et intellectus: stolam glóriæ induit eum. **(T. P. Allelúia, allelúia.) Ps. 91, 2**

Bonum est confitéri Dómino: et psállere nómini tuo, Altíssime.
 V. Glória Patri.

Oratio

Exáudi, quæsumus, Dómine, preces nostras, quas in beáti Athanasii Confessóris tui atque Pontificis solemnitáte deférimus: et, qui tibi digne méruit famulári, eius intercedéntibus méritis, ab ómnibus nos absólve peccátis. Per Dóminum.

Léctio Epístolæ beáti Pauli Apóstoli ad Corínthios.

2 Cor. 4, 5-14

Fratres: Non nosmetípsos prædicámus, sed Iesum Christum Dóminum nostrum: nos autem servos vestros per Iesum: quóniam Deus, qui dixit de ténebris lucem splendescere, ipse illúxit in córdibus nostris ad illuminatióem sciéntiæ claritátis Dei, in fácie Christi Iesu. Habémus autem thesáurum istum in vasis fictilibus: ut sublímitas sit virtútis Dei, et non ex nobis. In ómnibus tribulatióem pátimur, sed non angustiamur: aporiamur, sed non destituimur: persecutióem pátimur, sed non derelinquimur: deícimur, sed non perimus: semper mortificatióem Iesu in corpore nostro circumferéntes, ut et vita Iesu manifestétur in corpóribus nostris. Semper enim nos, qui vivimus, in mortem tradimur propter Iesum: ut et vita Iesu manifestétur in carne nostra mortáli. Ergo mors in nobis operátur, vita autem in vobis. Habéntes autem eúndem spíritum fidei, sicut scriptum est: Crédidi, propter quod locútus sum: et nos crédimus, propter quod et lóquimur: sciéntes, quóniam qui suscitávit Iesum, et nos cum Iesu suscitábit, et constituet vobíscum.

Tempore paschali:

Allelúia, allelúia. V. Ps. 109, 4 Tu es sacerdos in ætérnum, secúndum órđinem Melchisedech. Allelúia.

31 MISSALE ROM.

V. Iac. 1, 12 Beátus vir, qui suffert tentatióem: quóniam cum probátus fúerit, accípiet corónam vitæ. Allelúia.

¶ In Missis votivis extra tempus paschale, dicitur

Graduale Eccli. 44, 16 Ecce sacerdos magnus, qui in diébus suis plácuit Deo. V. Ibid., 20 Non est invéntus símilis illi, qui conserváret legem Excélsi.

Allelúia, allelúia. V. Iac. 1, 12 Beátus vir, qui suffert tentatióem: quóniam cum probátus fúerit, accípiet corónam vitæ. Allelúia.

✠ Sequéntia sancti Evangélíi secúndum Matthæum.

Matth. 10, 23-28

In illo témpore: Dixit Iesus discipulis suis: Cum persequéntur vos in civitate ista, fúgite in áliam. Amen dico vobis, non consummábitis civitates Israél, donec véniat Fílius hóminis. Non est discipulus super magístrum, nec servus super dóminum suum. Súfficit discipulo, ut sit sicut magíster eius: et servo, sicut dóminus eius. Si patremfamilias Beélzebub vocavérunt: quanto magis domésticos eius? Ne ergo timuéritis eos. Nihil enim est opértum, quod non revelábitur: et occúltum, quod non sciétur. Quod dico vobis in ténebris, dícite in lúmine: et quod in aure audítis, prædicáte super tecta. Et nolíte timére eos, qui occídunt corpus, ánimam autem non possunt occídere: sed pótius timéte eum, qui potest et ánimam et corpus pérdere in gehénam.

Antiphona ad Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum. (T. P. Allelúia.)

Secreta

Sancti Athanásii Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum.

Antiphona ad Communionem
Matth. 10, 27 Quod dico vobis in ténebris, dícite in lúmine, dicit Dóminus: et quod in aure audítis, prædicáte super tecta. (T. P. Allelúia.)

Postcommunio

Deus, fidélium remunerátor animárum: præsta; ut beáti Athanásii Confessóris tui atque Pontíficis, cuius venerándam celebrámus festivitátem, précibus indulgéntiam consequámur. Per Dóminum.

Die 3 maii

SS. ALEXANDRI,
EVENTII ET THEODULI
MARTYRUM
AC IUVENALIS EP. ET CONF.

Commemoratio

Missa Sancti tui, de Comuni Martyrum tempore paschali 2 loco (14), cum orationibus ut infra:

Oratio

P

Præsta, quæsumus, omnípotens Deus: ut, qui sanctorum tuorum Alexandri, Eventii, Theoduli, atque Iuvenalis natalícia cólimus; a cunctis malis imminéntibus, eórum intercessiόνibus, liberémur. Per Dóminum.

Secreta

P

Super has hóstias, quæsumus, Dómine, benedíctio copiósa descéndat: quæ et sanctificatióne nobis cleménter operétur, et de Sanctorum nos solemnitáte lætíficet. Per Dóminum.

Postcommunio

P

Refécti participatióne múnieris sacri, quæsumus, Dómine Deus noster: ut, cuius exséquimur cultum, intercedéntibus sanctis tuis Alexandro, Eventio, Theodúlo et Iuvenále sentiámus efféctum. Per Dóminum.

Pro votiva extra tempus paschale, Missa Sapiéntiam, de Comuni plurimorum Martyrum 2 loco (9), cum orationibus ut supra.

Die 4 maii

S. MONICÆ VIDUÆ

III classis

Antiphona ad Introitum

Ps. 118, 75 et 120

Cognóvi, Dómine, quia æquitas iudícia tua, et in veritáte tua humiliásti me: confige timóre tuo carnes meas, a mandátis tuis tímui. (T. P. Allelúia, allelúia.)
Ps. ibid., 1 Beáti immaculáti in via; qui ámbulant in lege Dómini.
V. Glória Patri.

Oratio

Deus, mæréntium consolátor et in te sperántium salus, qui beátæ Mónica pias lácrimas in conversiόne filii sui Augustíni misericórditer suscepísti: da nobis utriúsque intervéntu; peccáta nostra deploráre, et grátia tuæ indulgéntiam inveníre. Per Dóminum.

Léctio Epístolæ beáti Pauli Apóstoli ad Timótheum. 1 Tim. 5, 3-10

Caríssime: Víduas honóra, quæ vere víduæ sunt. Si qua autem vídua filios, aut nepótes habet: discat primum domum suam régere, et mútuam vicem réddere paréntibus: hoc enim accéptum est coram Deo. Quæ autem vere vídua est, et desoláta, speret in Deum, et instet obsecratióne, et oratióne nocte ac die. Nam quæ in delíciis est, vivens mórtua est. Et hoc præcipe ut irreprehensíbles sint.

Si quis autem suorum, et maxime domesticorum curam non habet, fidem negavit, et est infideli deterior. Vidua eligatur non minus sexaginta annorum, quæ fuerit unius viri uxor, in operibus bonis testimonium habens, si filios educavit, si hospitio recepit, si sanctorum pedes lavit, si tribulationem patientibus subministravit, si omne opus bonum subsecuta est.

Tempore paschali:

Allelúia, allelúia. **V. Ps. 44, 5** Spécie tua, et pulchritudine tua inténde, prospere procéde, et regna. Allelúia. **V.** Propter veritatem, et mansuetudinem, et iustitiam: et dedúcet te mirabiliter dextera tua. Allelúia.

✠ Sequéntia sancti Evangélíi secúndum Lucam. **Luc. 7, 11-16**

In illo témpore: Ibat Iesus in civitatem, quæ vocátur Naïm: et ibant cum eo discipuli eius, et turba copiósa. Cum autem appropinquáret portæ civitátis, ecce, defúctus efferebátur filius únicus matris suæ: et hæc vídua erat, et turba civitátis multa cum illa. Quam cum vidísset Dóminus, misericórdia motus super eam, dixit illi: Noli flere. Et accéssit, et tétigit lóculum. (Hí autem, qui portábant, stetérunt). Et ait: Adulescens, tibi dico, surge. Et resédit qui erat mórtuus, et cœpit loqui. Et dedit illum matri suæ. Accépit autem omnes timor: et magnificábant Deum, dicéntes: Quia prophéta magnus surréxit in nobis: et quia Deus visitávit plebem suam.

Antiphona ad Offertorium Ps. 44, 3 Diffúsa est grátia in lábiis tuis: propterea benedíxit te Deus in ætérnum, et in sáculum sáculi. (T. P. Allelúia.)

Secreta

Accépta tibi sit, Dómine, sacratæ plebis oblátio pro tuorum honóre Sanctorum: quorum

se méritis de tribulatióne percepísse cognóscit auxílium. Per Dóminum.

Antiphona ad Communionem Ps. 44, 8 Dilexísti iustitiam, et odísti iniquitatem: propterea unxit te Deus, Deus tuus, óleo lætitiæ præ consórtibus tuis. (T. P. Allelúia.)

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

Die 5 maii

S. PII V PAPÆ ET CONF.

III classis

Missa Si diligis me, de Comuni unius aut plurium Summorum Pontificum (I), cum orationibus ut infra:

Oratio

P

Deus, qui ad conteréndos Ecclésiæ tuæ hostes, et ad divinum cultum reparándum, beátum Pium Pontíficem Máximum eligere dignátus es: fac nos ipsíus deféndi præsídiis, et ita tuis inhærere obséquiiis; ut, ómnium hóstium superáttis insídiis, perpétua pace lætémur. Per Dóminum.

Secreta

C I

Oblátis munéribus, quæsumus, Dómine, Ecclésiám tuam benignus illúmina: ut, et gregis tui proficiat ubique succéssus, et grati fiant nómini tuo, te gubernánte, pastóres. Per Dóminum.

Postcommunio

C I

Refectióne sancta enutrítam guberná, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat; et in religiónis integritáte persístat. Per Dóminum.

Die 7 maii

S. STANISLAI EP. ET MART.

III classis

Missa Protexísti, de **Communi Martyrum tempore paschali 1 loco** (12), **cum orationibus ut infra:**

Oratio

P

Deus, pro cuius honóre glóri-
sus Póntifex Stanisláus gládiis
impiórum occúbuit: præsta, quæ-
sumus; ut omnes, qui eius im-
plórant auxílium, petitiónis suæ
salutárem consequántur efféctum.
Per Dóminum.

Secreta

C 2

Múnera tibi, Dómine, dicáta
sanctífica: et, intercedénte
beáto Stanisláo Mártire tuo atque
Pontífice, per éadem nos placátus
inténde. Per Dóminum.

Postcommunio

C 2

Hæc nos commúnio, Dómine,
purget a crímine: et, inter-
cedénte beáto Stanisláo Mártire tuo
atque Pontífice, cæléstis remédii
fáciat esse consórtes. Per Dóminum.

¶ **Pro votiva extra tempus paschale, Missa** Sacerdótes Dei, **de Communi unius Martyris 2 loco** (4), **cum orationibus ut supra.**

Die 9 maii

S. GREGORII NAZIANZENI
EP., CONF. ET ECCL. DOCT.

III classis

Antiphona ad Introitum

Eccli. 15, 5

In médio Ecclésiæ apéruit os
eius: et implévit eum Dóminus
spíritu sapiéntiæ et intelléctus:
stolam glóriæ índuit eum. (T. P.
Allelúia, allelúia.) Ps. 91, 2 Bonum
est confitéri Dómino: et psállere
nómini tuo, Altíssime. V. Glória
Patri.

Oratio

Deus, qui pópulo tuo æternæ
salútis beátum Gregórium
minístrum tribuísti: præsta, quæ-
sumus; ut, quem Doctórem vitæ
habúimus in terris, intercessórem
habére mereámur in cælis. Per Dó-
minum.

Léctio libri Sapiéntiæ.

Eccli. 39, 6-14

Iustus cor suum tradet ad vigi-
lándum dilúculo ad Dóminum,
qui fecit illum, et in conspéctu Al-
tíssimi deprecábitur. Apériet os
suum in oratióne, et pro delictis
suis deprecábitur. Si enim Dómi-
nus magnus volúerit, spíritu intel-
legéntiæ replébit illum: et ipse tam-
quam imbres mittet elóquia sapién-
tiæ suæ, et in oratióne confitébitur
Dómino: et ipse díriget consílium
eius et disciplínam, et in abscón-
ditis suis consiliábitur. Ipse palam
fáciat disciplínam doctrínæ suæ, et
in lege testaménti Dómini gloriá-
bitur. Collaudábunt multi sapién-
tiam eius, et usque in sáculum non
delébitur. Non recédet memória
eius, et nomen eius requirétur a
generatióne in generatióem. Sa-
piéntiam eius enarrábunt gentes, et
laudem eius enuntiábit eccllésia.

Tempore paschali:

Allelúia, allelúia. V. Eccli. 45, 9
Amávit eum Dóminus, et ornávit
eum: stolam glóriæ índuit eum.
Allelúia. V. Osee 14, 6 Iustus ger-
minábit sicut lílium: et florébit in
æternum ante Dóminum. Allelúia.

Extra tempus paschale:

Graduale Ps. 36, 30-31 Os iusti
meditábitur sapiéntiam, et lingua
eius loquétur iudícium. V. Lex Dei
eius in corde ipsíus: et non sup-
plantabúntur gressus eius.

Allelúia, allelúia. V. Eccli. 45, 9
Amávit eum Dóminus, et ornávit
eum: stolam glóriæ índuit eum.
Allelúia.

¶ In Missis votivis post Septuagesimam, omissis Allelúia, et versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis eius cupit nimis. V. Potens in terra erit semen eius: generatio rectórum benedicétur. V. Glória et divítiæ in domo eius: et iustítia eius manet in sáculum sáculi.

✠ Sequéntia sancti Evangélíi secúndum Matthæum.

Matth. 5, 13-19

In illo témpore: Dixit Iesus discipulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra móntem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvere legem, aut prophétas: non veni sólvere, sed adimplére. Amen quippe dico vobis, donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium Ps. 91, 13 Iustus ut palma florébit: sicut cedrus, quæ in Líbano est, multiplicábitur. (T. P. Allelúia.)

Secreta

Sancti Gregórii Pontíficis tui atque Doctóris nobis, Dómine, pia

non desit orátio: quæ, et múnera nostra concíliet; et tuam nobis indulgéntiam semper obtíneat. Per Dóminum.

Antiphona ad Communionem Luc. 12, 42 Fidélis servus et prudens, quem constituit dóminus super familiam suam: ut det illis in témpore trítici mensúram. (T. P. Allelúia.)

Postcommunio

Ut nobis, Dómine, tua sacrificia dent salútem: beátus Gregórius Póntifex tuus et Doctor egrégíus, quæsumus, precátor accédát. Per Dóminum.

Die 10 maii

S. ANTONINI EP. ET CONF.

III classis

Missa Státuit, de Comuni Confessoris Pontificis 1 loco (16), cum orationibus ut infra:

Oratio P

Sancti Antoníni, Dómine, Confessoris tui atque Pontificis méritis adiuvémur: ut, sicut te in illo mirábilem prædicámus, ita in nos misericórdem fuisse gloriémur. Per Dóminum.

Et fit commemoratio Ss. Gordiani et Epimachi Mm.

Oratio P

Da, quæsumus, omnípotens Deus: ut, qui beatórum Mártyrum tuórum Gordiáni et Epímachi solémnia cólimus, eórum apud te intercessiónibus adiuvémur. Per Dóminum.

Secreta C

Sancti tui, quæsumus, Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum.

Pro Ss. Gordiano et Epimacho

Secreta

P

Hóstias tibi, Dómine, beatórum Mártyrum tuórum Gordiáni et Epímachi dicátas méritis, benígnus assúme: et ad perpétuum nobis tríbue proveníre subsidium. Per Dóminum.

Postcommunio

C

Præsta, quæsumus, omnipotens Deus: ut, de percéptis munéribus grátias exhibéntes, intercedénte beáto Antoníno Confessóre tuo atque Pontífice, beneficia potióra sumámus. Per Dóminum.

Pro Ss. Gordiano et Epimacho

Postcommunio

P

Quæsumus, omnipotens Deus: ut, qui cæléstia aliménta percépimus, intercedéntibus sanctis Martíribus tuis Gordiáno et Epímacho, per hæc contra ómnia advérta muniámur. Per Dóminum.

Eodem die 10 maii

SS. GORDIANI ET EPIMACHI
MARTYRUM

Commemoratio

Antiphona ad Introitum

Ps. 144, 10-11

Sancti tui, Dómine, benedícant te: glóriam regni tui dicent, allelúia, allelúia. **Ps. ibid., 1** Exaltábo te, Deus meus Rex: et benedícam nómini tuo in sáculum, et in sáculum sáculi. **V.** Glória Patri.

Oratio

Da, quæsumus, omnipotens Deus: ut, qui beatórum Mártyrum tuórum Gordiáni et Epímachi solémnia cólimus, eórum apud te intercessiónibus adiuvémur. Per Dóminum.

Léctio libri Apocalýpsis beáti Ioánnis Apóstoli.

Apoc. 19, 1-9

In diébus illis: Post hæc ego Ioánnes audívi quasi vocem turbárum multárum in cælo, dicéntium: Allelúia: salus, et glória, et virtus Deo nostro est: quia vera et iusta iudícia sunt eius, qui iudicávit de meretríce magna, quæ corrúpit terram in prostitutióne sua, et vindicávit sánguinem servórum suórum de mánibus eius. Et íterum dixerunt: Allelúia. Et fumus eius ascéndit in sácula sæculórum. Et ceciderunt senióres vigintiquátuor, et quátuor animália, et adoravérunt Deum sedéntem super thronum, dicéntes: Amen: Allelúia. Et vox de throno exívit, dicens: Laudem dícite Deo nostro, omnes servi eius; et qui timétis eum, pusilli et magni. Et audívi quasi vocem turbæ magnæ, et sicut vocem aquárum multárum, et sicut vocem tonitruórum magnórum, dicéntium: Allelúia: quóniam regnávit Dóminus Deus noster omnipotens. Gaudeámus, et exultémus, et demus glóriam ei: quia venérunt núptiæ Agni, et uxor eius præparávit se. Et datum est illi ut coopériat se býssino splendénti, et cándido. Býssinum enim iustificatiónes sunt Sanctórum. Et dixit mihi: Scribe: Beáti, qui ad cenam nuptiárum Agni vocáti sunt.

Allelúia, allelúia. **V.** Sancti tui, Dómine, florébunt sicut lílium: et sicut odor bálsami erunt ante te. Allelúia. **V. Ps. 115, 15** Pretiósá in conspéctu Dómini mors sanctórum eius. Allelúia.

✠ Sequéntia sancti Evangélíi secúndum Ioánnem.

Ioann. 15, 5-11

In illo témpore: Dixit Iesus discí-pulis suis: Ego sum vitis, vos pálmities: qui manet in me, et ego

in eo, hic fert fructum multum: quia sine me nihil potestis facere. Si quis in me non manserit, mittetur foras sicut palmes, et arescet, et colligent eum, et in ignem mittent, et ardet. Si manseritis in me, et verba mea in vobis manserint: quodcumque volueritis petetis, et fiet vobis. In hoc clarificatus est Pater meus, ut fructum plurimum afferatis, et efficiamini mei discipuli. Sicut dilexit me Pater, et ego dilexi vos. Manete in dilectione mea. Si praecepta mea servaveritis, manebitis in dilectione mea, sicut et ego Patris mei praecepta servavi, et maneo in eius dilectione. Hæc locutus sum vobis: ut gaudium meum in vobis sit, et gaudium vestrum impleatur.

Antiphona ad Offertorium Ps. 31, 11 Lætāmini in Dōmino, et exultate, iusti: et gloriāmini, omnes recti corde, allelūia, allelūia.

Secreta

Hóstias tibi, Dómine, beatórum Mártyrum tuórum Gordiáni et Epímachi dicátas méritis, benígnus assúme: et ad perpétuum nobis tríbue proveníre subsidium. Per Dóminum.

Antiphona ad Communionem Ps. 32, 1 Gaudéte, iusti, in Dómino, allelūia: rectos decet collaudatio, allelūia.

Postcommunio

Quæsumus, omnipotens Deus: ut, qui cælestia aliménta percépimus, intercedéntibus sanctis Martýribus tuis Gordiáno et Epímacho, per hæc contra ómnia adversa muniámur. Per Dóminum.

Extra tempus paschale, Missa Sapientiam, de Comuni plurimorum Martyrum 2 loco (9), cum orationibus ut supra.

Die 11 maii

SS. PHILIPPI ET IACOBI APOSTOLORUM

II classis

Tempore paschali

Antiphona ad Introitum

Neh. vel 2 Esdr. 9, 27

Clamaverunt ad te, Dómine, in témpore afflictiónis suæ, et tu de cælo exaudísti eos, allelūia, allelūia. **Ps. 32, 1** Exsultate, iusti, in Dómino: rectos decet collaudatio. **℣.** Glória Patri.

Oratio

Deus, qui nos ánnua Apostólorum tuórum Philíppi et Iacóbi solemnitate lætíficas: præsta, quæsumus; ut, quorum gaudémus méritis, instruámur exémpis. Per Dóminum.

Lectio libri Sapientiae.

Sap. 5, 1-5

Stabunt iusti in magna constantia adversus eos, qui se angustiaverunt, et qui abstulerunt labores eorum. Videntes turbabuntur timóre horribili, et mirabuntur in subitacione insperatæ salutis, dicentes intra se, pænitentiam agentes, et præ angustia spíritus geméntes: Hi sunt, quos habuimus aliquando in derisum, et in similitudinem impropérii. Nos insensati vitam illórum æstimabamus insaniam, et finem illórum sine honóre: ecce quómodo computati sunt inter filios Dei, et inter sanctos sors illórum est.

Allelúia, allelúia. **V. Ps. 88, 6** Confitebúntur cæli mirabilia tua, Dómine: étenim veritatem tuam in ecclésia sanctorum. Allelúia. **V. Ioann. 14, 9** Tanto tempore vobiscum sum, et non cognovistis me? Philíppe, qui videt me, videt et Patrem meum. Allelúia.

✠ Sequéntia sancti Evangélíi secúndum Ioánnem.

Ioann. 14, 1-13

In illo tempore: Dixit Iesus discipulis suis: Non turbetur cor vestrum. Créditis in Deum, et in me credite. In domo Patris mei mansiones multæ sunt. Si quo minus dixissem vobis: Quia vado parare vobis locum. Et si abiero, et præparávero vobis locum: iterum venio, et accipiam vos ad meipsum, ut ubi sum ego, et vos sitis. Et quo ego vado scitis, et viam scitis. Dicit ei Thomas: Dómine, nescimus quo vadis: et quomodo possumus viam scire? Dicit ei Iesus: Ego sum via, et veritas, et vita. Nemo venit ad Patrem, nisi per me. Si cognovissetis me, et Patrem meum utique cognovissetis: et ámodo cognoscetis eum, et vidistis eum. Dicit ei Philíppus: Dómine, ostende nobis Patrem, et sufficit nobis. Dicit ei Iesus: Tanto tempore vobiscum sum, et non cognovistis me? Philíppe, qui videt me, videt et Patrem. Quomodo tu dicis: Ostende nobis Patrem? Non creditis quia ego in Patre, et Pater in me est? Verba, quæ ego loquor vobis, a meipso non loquor. Pater autem in me manens, ipse facit ópera. Non creditis quia ego in Patre, et Pater in me est? Alióquin propter ópera ipsa credite. Amen, amen dico vobis, qui credit in me, ópera, quæ ego fácio, et ipse faciet, et maióra horum faciet: quia ego ad Patrem vado. Et quodcúmque petieritis Patrem in nómine meo, hoc fáciam.

Credo.

Antiphona ad Offertorium Ps. 88, 6 Confitebúntur cæli mirabilia tua, Dómine: et veritatem tuam in ecclésia sanctorum, allelúia, allelúia.

Secreta

Múnera, Dómine, quæ pro Apostolorum tuorum Philíppi et Iacóbi solemnitate deférimus, propítius súscipe: et mala ómnia, quæ merémur, avérte. Per Dóminum.

Præfatio de Apostolis.

Antiphona ad Communionem Ioann. 14, 9 et 10 Tanto tempore vobiscum sum, et non cognovistis me? Philíppe, qui videt me, videt et Patrem meum, allelúia: non credis, quia ego in Patre, et Pater in me est? Allelúia, allelúia.

Postcommunio

Quæsumus, Dómine, salutáribus repléti mystériis: ut, quorum solémnia celebrámus, eórum orationibus adiuvémur. Per Dóminum.

Extra tempus paschale

Antiphona ad Introitum

Neh. 9, 27

Clamavérunt ad te, Dómine, in tempore afflictiónis suæ et tu de cælo exaudisti eos. **Ps. 32, 1** Exsultáte, iusti, in Dómino: rectos decet collaudátio. **V. Glória Patri.**

Oratio

Deus, qui nos ánnua Apostolorum tuorum Philíppi et Iacóbi solemnitate lætíficas: præsta, quæsumus, ut, quorum gaudémus méritis, instruámur exémpis. Per Dóminum.

Léctio Epístolæ beáti Pauli Apóstoli ad Ephésios.

Ephes. 4, 7-13

Fratres: Unicuique nostrum data est grátia secúndum mensúram donatiónis Christi. Propter quod

dicit: Ascéndens in altum captívam duxit captivitátem: dedit dona homínibus. Quod autem ascéndit, quid est, nisi quia et descéndit primum in inferiôres partes terræ? Qui descéndit, ipse est et qui ascéndit super omnes cælos, ut impléret ómnia. Et ipse dedit quosdam quidem apóstolos, quosdam autem prophétas, álios vero evangelístas, álios autem pastôres, et doctôres, ad consummatiónem sanctórum in opus ministérii, in ædificatióem còrporis Christi: donec occurrámus omnes in unitátem fidei, et agnitiónis Fílii Dei, in virum perféctum, in mensúram ætátis plenitúdinis Christi.

Graduale Ps. 44, 17-18 Constítues eos príncipes super omnem terram: mémores erunt nóminis tui, Dómine. **V.** Pro pátribus tuis nati sunt tibi filii, proptérea pópuli confitebúntur tibi.

Allelúia, allelúia. **V. Ioann. 14, 9** Tanto témpore vobiscum sum, et non cognovístis me? Philíppe, qui videt me, videt et Patrem meum. Allelúia.

¶ **In Missis votivis post Septuagesimam, omissis Allelúia, et versu sequenti, dicitur**

Tractus Ps. 125, 5-6 Qui sémant in lácrimis, in gáudio mentent. **V.** Eúntes ibant, et flebant, mitténtes sémina sua. **V.** Veniéntes autem vénient cum exultatióne, portántes manípulos suos.

✠ **Sequéntia sancti Evangélíi secúndum Ioánnem.**

Ioann. 14, 1-13

In illo témpore: Dixit Iesus discí-pulis suis: Non turbétur cor vestrum. Créditis in Deum, et in me créдите. In domo Patris mei mansiones multæ sunt. Si quo minus dixissem vobis: Quia vado paráre vobis locum. Et si abíero, et præ-

parávero vobis locum: íterum vénio, et accípiam vos ad meípsum, ut ubi sum ego, et vos sitis. Et quo ego vado scitis, et viam scitis. Dicit ei Thomas: Dómine, nescímus quo vadis: et quómodo póssumus viam scire? Dicit ei Iesus: Ego sum via, et véritas, et vita. Nemo venit ad Patrem, nisi per me. Si cognovissétis me, et Patrem meum útique cognovissétis: et ámodo cognoscétis eum, et vidístis eum. Dicit ei Philíppus: Dómine, osténde nobis Patrem, et súfficit nobis. Dicit ei Iesus: Tanto témpore vobiscum sum, et non cognovístis me? Philíppe, qui videt me, videt et Patrem. Quómodo tu dicis: Osténde nobis Patrem? Non créditis quia ego in Patre, et Pater in me est? Verba, quæ ego loquor vobis, a meípso non loquor. Pater autem in me manens, ipse facit ópera. Non créditis quia ego in Patre, et Pater in me est? Alióquin propter ópera ipsa créдите. Amen, amen dico vobis, qui credit in me, ópera, quæ ego fácio, et ipse fáciat, et maióra horum fáciat: quia ego ad Patrem vado. Et quodcúmque petiéritis Patrem in nómine meo, hoc fáciam.

Credo.

Antiphona ad Offertorium Ps. 18, 15 In omnem terram exivit sonus eórum, et in fines orbis terræ verba eórum.

Secreta

Múnera, Dómine, quæ pro Apostolórum tuórum Philíppi et Iacóbi solemnitáte deférimus, propítius súscipe: et mala ómnia, quæ merémur, avérte. Per Dóminum.

Antiphona ad Communionem Ioann. 14, 9 et 10 Tanto témpore vobiscum sum, et non cognovístis me? Philíppe, qui videt me, videt et Patrem meum: non credis, quia ego in Patre, et Pater in me est?

Postcommunio

Quæsumus, Dómine, salutáribus repléti mystériis: ut, quorum solémnia celebrámus, eórum oratióibus adiuvémur. Per Dóminum.

Die 12 maii

SS. NEREI, ACHILLEI
ET DOMITILLÆ VIRG.
ATQUE PANC RATII MARTYRUM

III classis**Tempore paschali****Antiphona ad Introitum**

Ps. 32, 18, 19 et 20

Ecce, óculi Dómini super timéntes eum, sperántes in misericórdia eius, allelúia: ut erípiat a morte ánimas eórum: quóniam adiutor, et protéctor noster est, allelúia, allelúia. **Ps. ibid., 1** Exultáte, iusti, in Dómino: rectos decet collaudátio. **V.** Glória Patri.

Oratio

Semper nos, Dómine, Mártyrum tuórum Nérei, Achílle, Domitíllæ atque Pancratíi fóveat, quæsumus, beáta solémnitas: et tuo dignos reddat obséquio. Per Dóminum.

Léctio libri Sapiéntiæ.

Sap. 5, 1-5

Stabant iusti in magna constántia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitátione insperátæ salútis, dicéntes intra se, pæniténtiam agéntes, et præ angústia spíritus geméntes: Hi sunt, quos habúimus aliquándo in derisum, et in similitúdinem impropérii. Nos insensáti vitam illórum æstimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est.

Allelúia, allelúia. **V.** Hæc est vera

fratérnitas, quæ vicit mundi crimina: Christum secúta est, ínclita tenens regna cæléstia. Allelúia. **V.** Te Mártyrum candidátus laudat exercitus, Dómine. Allelúia.

✠ Sequéntia sancti Evangélii secúndum Ioánnem.

Ioann. 4, 46-53

In illo témpore: Erat quidam régulus, cuius filius infirmabátur Caphárnaum. Hic cum audísset, quia Iesus adveníret a Iudæa in Galiléam, ábiit ad eum, et rogábat eum ut descénderet, et sanáret filium eius: incipiébat enim mori. Dixit ergo Iesus ad eum: Nisi signa et prodígia vidéritis, non créditis. Dicit ad eum régulus: Dómine, descénde priúsqum moriátur filius meus. Dicit ei Iesus: Vade, filius tuus vivit. Crédidit homo sermóni, quem dixit ei Iesus, et ibat. Iam autem eo descendénte, servi occurrérunt ei, et nuntiavérunt dicéntes, quia filius eius víveret. Interrogábat ergo horam ab eis, in qua mélius habúerit. Et dixerunt ei: Quia heri hora séptima relíquit eum febris. Cognóvit ergo pater, quia illa hora erat, in qua dixit ei Iesus: Filius tuus vivit: et crédidit ipse, et domus eius tota.

Antiphona ad Offertorium Ps. 88, 6 Confitebúntur cæli mirabília tua, Dómine: et veritátem tuam in ecclésia sanctórum, allelúia, allelúia.

Secreta

Sanctórum Mártyrum tuórum, quæsumus, Dómine, Nérei, Achílle, Domitíllæ atque Pancratíi sit tibi grata conféssio: quæ et múnera nostra comméndet, et tuam nobis indulgéntiam semper implóret. Per Dóminum.

Antiphona ad Communionem Ps. 32, 1 Gaudéte, iusti, in Dómino, allelúia: rectos decet collaudátio, allelúia.

Postcommunio

Quæsumus, Dómine: ut beatórum Mártyrum tuórum Nérei, Achillei, Domitillæ atque Pancrátii deprecationibus, sacraménta sancta, quæ sumpsimus, ad tuæ nobis proficiant placatiónis augméntum. Per Dóminum.

Extra tempus paschale
Antiphona ad Introitum

Ps. 36, 39

Salus autem iustórum a Dómino: et protéctor eórum est in témpore tribulatiónis. **Ps. ibid., 1** Noli æmulári in malignántibus: neque zeláveris faciéntes iniquitátem. **V.** Glória Patri.

Oratio

Semper nos, Dómine, Mártyrum tuórum Nérei, Achillei, Domitillæ atque Pancrátii fóveat, quæsumus, beáta solémnitas: et tuo dignos reddat obséquio. Per Dóminum.

Léctio Epístolæ beáti Petri Apóstoli.

1 Petri 4, 13-19

Caríssimi: Communicántes Christi passióibus gaudéte, ut et in revelatióne glóriæ eius gaudeátis exsultántes. Si exprobrámini in nómine Christi, beáti éritis: quóniam quod est honóris, glóriæ, et virtútis Dei, et qui est eius Spíritus, super vos requiescit. Nemo autem vestrum patiátur ut homicída, aut fur, aut malédicus, aut alienórum appetitor. Si autem ut christiánus, non erubéscat: gloríficet autem Deum in isto nómine. Quóniam tempus est, ut incípiat iudícium a domo Dei. Si autem primum a nobis: quis finis eórum qui non credunt Dei Evangélio? Et si iustus vix salvábitur, impius et peccátor ubi parébunt? Itaque et hi, qui patiúntur secúndum voluntátem Dei, fidéli Creatóri comméndent ánimas suas in benefáctis.

Graduale Exodi 15, 11 Gloriósus Deus in sanctis suis: mirábilis in maiestáte, fáciens prodigia. **V. Ibid., 6** Dextera tua, Dómine, glorificáta est in virtúte: dextera manus tua confrégit inimícos.

Allelúia, allelúia. **V.** Hæc est vera fraternitas, quæ vicit mundi crimina: Christum secúta est, ínclita tenens regna cæléstia. Allelúia.

✠ Sequéntia sancti Evangélii secúndum Ioánnem.

Ioann. 4, 46-53

In illo témpore: Erat quidam régulus, cuius filius infirmabátur Caphárnaum. Hic cum audísset, quia Iesus adveníret a Iudæa in Galilæam, ábiit ad eum, et rogábat eum ut descénderet, et sanáret filium eius: incipiébat enim mori. Dixit ergo Iesus ad eum: Nisi signa et prodigia vidéritis, non créditis. Dicit ad eum régulus: Dómine, descénde priúsqum moriátur filius meus. Dicit ei Iesus: Vade, filius tuus vivit. Crédidit homo sermóni, quem dixit ei Iesus, et ibat. Iam autem eo descendénte, servi occurrérunt ei, et nuntiavérunt dicéntes, quia filius eius víveret. Interrogábat ergo horam ab eis, in qua mélius habúerit. Et dixerunt ei: Quia heri hora séptima relíquit eum febris. Cognóvit ergo pater, quia illa hora erat, in qua dixit ei Iesus: Fílius tuus vivit: et crédidit ipse, et domus eius tota.

Antiphona ad Offertorium Ps. 123, 7 Anima nostra sicut passer erépta est de láqueo venántium: láqueus contrítus est, et nos liberáti sumus.

Secreta

Sanctórum Mártyrum tuórum, quæsumus, Dómine, Nérei, Achillei, Domitillæ atque Pancrátii sit tibi grata conféssio: quæ et múnera nostra comméndet, et tuam nobis indulgéntiam semper implóret. Per Dóminum.

Antiphona ad Communionem
Matth. 25, 40 et 34 Amen dico vobis: quod uni ex mínimis meis fecístis, mihi fecístis: veníte, benedícti Patris mei, possidéte parátum vobis regnum ab iníitio sǎculi.

Postcommunio

Quǎsumus, Dómine: ut beatórum Mártyrum tuórum Nérei, Achílleí, Domitíllæ atque Pancratíi deprecaciónibus, sacraménta sancta, quæ sumpsimus, ad tuæ nobis proficiant placatiónis augmentum. Per Dóminum.

Die 13 maii

S. ROBERTI BELLARMINO
 EP., CONF. ET ECCL. DOCT.

III classis

Antiphona ad Introitum

Eccli. 15, 5

In médio Ecclésiæ apérui os eius: et implévit eum Dóminus spiritu sapiéntiæ et intellectus: stolam glóriæ induit eum. (T. P. Allelúia, allelúia.) **Ps. 91, 2** Bonum est confitéri Dómino: et psállere nómini tuo, Altíssime. **V.** Glória Patri.

Oratio

Deus, qui ad errórum insídias repelléndas et Apostólicæ Sedis iura propugnánda, beatum Robértum Pontíficem tuum atque Doctórem mira eruditíone et virtúte decorásti: eius méritis et intercessióne concéde; ut nos in veritátis amore crescámus, et errántium corda ad Ecclésiæ tuæ rédeant unitátem. Per Dóminum.

Léctio libri Sapiéntiæ.

Sap. 7, 7-14

Optávi, et datus est mihi sensus: et invocávi, et venit in me spíritus sapiéntiæ: et præpósui

illam regnis et sédibus, et divítias nihil esse duxi in comparatióne illíus: nec comparávi illi lápidem pretiósum: quóniam omne aurum in comparatióne illíus, aréna est exígua, et tamquam lutum æstimábitur argéntum in conspéctu illíus. Super salútem et spéciem diléxi illam, et propósui pro luce habére illam: quóniam inextinguíbile est lumen illíus. Venérunt autem mihi ómnia bona páriter cum illa, et innumerábilis honéstas per manus illíus, et lætátus sum in ómnibus: quóniam antecedébat me ista sapiéntia, et ignorábam quóniam horum ómnium mater est. Quam sine fictióne dídici, et sine invídia commúnico, et honestátem illíus non abscóndo. Infínitus enim thesáurus est homínibus: quo qui usi sunt, partícipes facti sunt amicítiæ Dei, propter disciplínæ dona commendáti.

Tempore paschali:

Allelúia, allelúia. **V. Dan. 12, 3** Qui docti fúerint, fulgébunt quasi splendor firmaménti. Allelúia. **V. Ibid.** Qui ad iustítiam erúdiunt multos, quasi stellæ in perpétuas æternitátes. Allelúia.

Extra tempus paschale:

Graduale Eccli. 44, 16 Ecce sacerdos magnus, qui in diébus suis plácuit Deo et invéntus est iustus. **V. Ibid., 20** Non est invéntus símilis illi, qui conserváret legem Excélsi.

Allelúia, allelúia. **V. Dan. 12, 3** Qui docti fúerint, fulgébunt quasi splendor firmaménti. Allelúia.

¶ **In Missis votivis post Septuagesimam, omissis Allelúia, et versu sequenti, dicitur**

Tractus Ps. 91, 2-5 Bonum est confitéri Dómino et psállere nómini tuo, Altíssime. **V.** Ad annuntiándum mane misericórdiam tuam, et veritátem tuam per

noctem. **V.** Quia delectásti me, Dómine, in factúra tua, et in opéribus mánuum tuárum exultábo.

✠ Sequéntia sancti Evangélíi secúndum Mattháeum.

Matth. 5, 13-19

In illo témpore: Dixit Iesus discí-pulis suis: Vos estis sal terræ. Quod si sal evanúerit, in quo salié-tur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest cívitas abscondi supra montem pósita. Neque accéndunt lucérnam, et ponunt eam sub mó-dio, sed super candelábrum, ut lú-ceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvere legem, aut prophétas: non veni sólvere, sed adimplére. Amen quippe dico vobis, donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo sól-verit unum de mandátis istis míni-mis, et docúerit sic hómines, mí-nimus vocábitur in regno cælórum: qui autem fécerit, et docúerit, hic magnus vocábitur in regno cæló-rum.

Antiphona ad Offertorium Ps. 72, 28 Mihi autem adhærere Deo bonum est, pónere in Dómino Deo spem meam: ut annúntiem omnes prædicatiónes tuas in portis filiæ Sion. (T. P. Allelúia.)

Secreta

Hóstias tibi, Dómine, in odórem suavitátis offérimus: et præ-sta, ut beáti Robérti mónitis et exémpis edócti, per sémitam man-datórum tuórum dilatáto corde cur-rámus. Per Dóminum.

Antiphona ad Communionem Matth. 5, 14 et 16 Vos estis lux mundi: sic lúceat lux vestra coram homínibus, ut vídeant ópera vestra bona, et gloríficent Patrem vestrum qui in cælis est. (T. P. Allelúia.)

Postcommunio

Sacraménta, quæ sumpsimus, Dómine Deus noster, in nobis foveant caritátis ardórem: quo beátus Robértus veheménter accénsus, pro Ecclésia tua se iúgiter impen-débat. Per Dóminum.

Die 14 maii

S. BONIFATII MARTYRIS

Commemoratio

Tempore paschali Missa Pro-
texísti, de Communi Martyrum
1 loco (12), cum orationibus ut
infra.

Extra tempus paschale Missa In
virtúte, de Communi unius Mar-
tyris 3 loco (5), item cum orationi-
bus ut infra:

Oratio

P

Da, quæsumus, omnípotens Deus: ut, qui beáti Bonifátii Mártyris tui solémnia cólimus, eius apud te intercessiόνibus adiuvémur. Per Dóminum.

Secreta

C 3

Munéribus nostris, quæsumus, Dómine, precibúque suscep-tis: et cæléstibus nos munda mysté-riis, et cleménter exáudi. Per Dó-minum.

Postcommunio

C 4

Refécti participatióne múnieris sacri, quæsumus, Dómine Deus noster: ut, cuius exséquimur cultum, intercedénte beáto Boni-fátio Mártyre tuo, sentiámus efféc-tum. Per Dóminum.

Die 15 maii

S. IOANNIS BAPTISTÆ
DE LA SALLE
CONFESSORIS

III classis

Antiphona ad Introitum

Ps. 36, 30-31

Os iusti meditabitur sapiéntiam, et lingua eius loquétur iudícium: lex Dei eius in corde ipsíus. (T. P. Allelúia, allelúia.) Ps. *ibid.*, 1 Noli æmulári in malignántibus: neque zeláveris faciéntes iniquitátem. V. Glória Patri.

Oratio

Deus, qui ad christiánam páuperum eruditiónem, et ad iuvéntam in via veritátis firmándam, sanctum Ioánnem Baptistam Confessórem excitásti, et novam per eum in Ecclesia familiam collegísti: concéde propítius; ut eius intercessióne et exémplo, stúdio glóriæ tuæ in animárum salúte fervéntes, eius in cælis coronæ partícipes fieri valeámus. Per Dóminum.

Léctio libri Sapiéntiæ.

Eccli. 31, 8-11

Beátus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirábilia in vita sua. Qui probátus est in illo, et perféctus est, erit illi glória æténa: qui pótuít tránsgrédi, et non est tránsgréssus: fácere mala, et non fecit: ideo stabilíta sunt bona illíus in Dómino, et eleemósynas illíus enarrábit omnis ecclésia sanctórum.

Tempore paschali:

Allelúia, allelúia. V. Iac. 1, 12 Beátus vir, qui suffert tentatióem: quóniam cum probátus fúerit, accípiet coronam vitæ. Allelúia. V. Eccli.

45, 9 Amávit eum Dóminus, et ornávit eum: stolam glóriæ induit eum. Allelúia.

Extra tempus paschale:

Graduale Ps. 20, 4-5 Dómine, prævenísti eum in benedictiónibus dulcédinis: posuísti in cápite eius coronam de lápide pretiósó. V. Vitam pétiit a te, et tribuísti ei longitúdinem diérum in sáculum sáculi.

Allelúia, allelúia. V. Ps. 91, 13 Iustus ut palma florébit: sicut cedrus Líbani multiplicábitur. Allelúia.

✠ Sequéntia sancti Evangélii secúndum Matthæum.

Matth. 18, 1-5

In illo témpore: Accessérunt discí-puli ad Iesum, dicéntes: Quis, putas, maior est in regno cælórum? Et ádvocans Iesus párvulum, státuit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est maior in regno cælórum. Et qui suscepit unum párvulum talem in nómine meo, me súscipit.

Antiphona ad Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu eius. (T. P. Allelúia.)

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præséntibus éxui malis confidimus, et futúris. Per Dóminum.

Antiphona ad Communionem Matth. 24, 46-47 Beátus servus, quem, cum vénerit Dóminus, invénerit vigilántem: amen dico vobis, super ómnia bona sua constituet eum. (T. P. Allelúia.)

Postcommunio

Refecti cibo potúque cælesti, Deus noster, te súplices exorámus: ut, in cuius hæc commemoratióne percépimus, eius muniámur et précibus. Per Dóminum.

Die 16 maii

S. UBALDI EP. ET CONF.

III classis

Missa Státuit, de Communi Confessoris Pontificis 1 loco (16), cum orationibus ut infra:

Oratio P

Auxílium tuum nobis, Dómine, quæsumus, placátus impénde: et, intercessióne beáti Ubáldi Confessoris tui atque Pontificis, contra omnes diaboli nequítias dexteram super nos tuæ propitiatiónis extén-de. Per Dóminum.

Secreta C

Sancti tui, quæsumus, Dómine, nos ubíque lætificent: ut, dum eórum mérita recólimus, patrocínia sentiámus. Per Dóminum.

Postcommunio C

Præsta, quæsumus, omnípotens Deus: ut, de percéptis munéribus grátias exhibéntes, intercedén-te beáto Ubáldo Confessóre tuo atque Pontífice, beneficia potióra sumá-mus. Per Dóminum.

Die 17 maii

S. PASCHALIS BAYLON CONF.

III classis

Missa Os iusti, de Communi Confessoris non Pontificis 1 loco (20), cum orationibus ut infra:

Oratio P

Deus, qui beátum Paschálem Confessórem tuum mirífica erga córporis et ságuinis tui sacra mystéria dilectióne decorásti: concéde propítius; ut, quam ille ex

hoc divíno convívio spíritus percé-pit pinguédinem, eándem et nos percípere mereámur: Qui vivis.

Secreta C

Laudis tibi, Dómine, hóstias im-molámus in tuórum comme-moratióne Sanctórum: quibus nos et præsentibus éxui malis confidi-mus, et futúris. Per Dóminum.

Postcommunio C

Refecti cibo potúque cælesti, Deus noster, te súplices exorámus: ut, in cuius hæc commemoratióne percépimus, eius muniámur et précibus. Per Dómi-num.

Die 18 maii

S. VENANTII MARTYRIS

III classis

Tempore paschali Missa Pro-texísti, de Communi Martyrum 1 loco (12), cum orationibus ut infra.

Extra tempus paschale Missa In virtúte, de Communi unius Mar-tyris 3 loco (5), item cum orationi-bus ut infra:

Oratio P

Deus, qui hunc diem beáti Venántii Mártyris tui tri-úmpho consecrásti: exáudi preces pópuli tui, et præsta; ut, qui eius mérita venerámur, fidei constán-tiam imitémur. Per Dóminum.

Secreta P

Hanc oblatiόνem, omnípotens Deus, beáti Venántii mérita tibi reddant accéptam: ut, ipsíus subsidiis adiúti, glóriæ eius con-sórtes efficiámur. Per Dóminum.

Postcommunio P

Súmpsimus, Dómine, æternæ vitæ sacraménta, te humíliter depre-cántes: ut, beáto Venántio Mártyre tuo pro nobis deprecán-te, véniam nobis concílient, et grátiam. Per Dóminum.

Die 19 maii

S. PETRI CÆLESTINI
PAPÆ ET CONFESSORIS

III classis

Missa Si dīligis me, de Comuni unius aut plurium Summorum Pontificum (1), cum orationibus ut infra:

Oratio

P

Deus, qui beātum Petrum Cælestinum ad summi pontificātus apicem sublimāsti, quique illum humilitāti postpōnere docuisti: concede propitius; ut eius exēplo cuncta mundi despīcere, et ad promissa humilibus prēmia pervenire feliciter mereāmur. Per Dōminum.

Et fit commemoratio S. Pudentianæ Virg.:

Oratio

C

Exāudi nos, Deus salutāris noster: ut, sicut de beātæ Pudentiānæ Virginitis tuæ festivitāte gaudēmus; ita piæ devotiōnis erudiāmur affēctu. Per Dōminum.

Secreta

C I

Oblātis munēribus, quāsumus, Dōmine, Ecclesiā tuā benignus illūmina: ut, et gregis tui proficiat ubique succēssus, et grati fiant nōmini tuo, te gubernānte, pastōres. Per Dōminum.

Pro S. Pudentiana

Secreta

C

Accēpta tibi sit, Dōmine, sacratæ plebis oblātio, pro tuorum honōre Sanctōrum: quorum se mēritis de tribulatiōne percepisse cognōscit auxiliū. Per Dōminum.

Postcommunio

C I

Refectiōne sancta enutrītā guberna, quāsumus, Dōmine, tuā placātus Ecclesiā: ut potēti moderatiōne directā, et incrementa libertātis accīpiat; et in religiōnis integritāte persīstat. Per Dōminum.

Pro S. Pudentiana

Postcommunio

C

Satiāsti, Dōmine, familiā tuā munēribus sacris: eius, quāsumus, semper interventiōne nos réfove, cuius solēmnia celebrāmus. Per Dōminum.

Eodem die 19 maii

S. PUDENTIANÆ VIRG.

Commemoratio

Missa Dilexisti, de Comuni Virginum 3 loco (27).

Oratio

C

Exāudi nos, Deus salutāris noster: ut, sicut de beātæ Pudentiānæ Virginitis tuæ festivitāte gaudēmus, ita piæ devotiōnis erudiāmur affēctu. Per Dōminum.

Secreta

C

Accēpta tibi sit, Dōmine, sacratæ plebis oblātio, pro tuorum honōre Sanctōrum: quorum se mēritis de tribulatiōne percepisse cognōscit auxiliū. Per Dōminum.

Postcommunio

C

Satiāsti, Dōmine, familiā tuā munēribus sacris: eius, quāsumus, semper interventiōne nos réfove, cuius solēmnia celebrāmus. Per Dōminum.

Die 20 maii

S. BERNARDINI SENENSIS CONF

III classis

Antiphona ad Introitum

Ps. 36, 30-31

Os iusti meditābitur sapiētiā, et lingua eius loquētur iudiciū: lex Dei eius in corde ipsius. (T. P. Allelūia, allelūia.) Ps. ibid., 1 Noli æmulāri in malignāntibus: neque zelāveris faciētes iniquitatem. V. Glória Patri.

Oratio

Dómine Iesu, qui beáto Bernar-
dino Confessóri tuo exímium
sancti nóminis tui amórem tribuí-
sti: eius, quæsumus, méritis et
intercessióne, spíritum nobis tuæ
dilectiónis benígnus infúnde: Qui
vivis.

Léctio libri Sapiéntiæ.

Eccli. 31, 8-11

Beátus vir, qui invéntus est sine
mácula, et qui post aurum non
ábiit, nec sperávit in pecúnia et
thesáuris. Quis est hic, et laudábi-
mus eum? fecit enim mirabília in
vita sua. Qui probátus est in illo, et
perféctus est, erit illi glória æterna:
qui pótuit tránsgridi, et non est
transgréssus: fácere mala, et non
fecit: ideo stabilíta sunt bona
illius in Dómino, et eleemósynas
illius enarrábit omnis ecclésia sanc-
tórum.

Tempore paschali:

Allelúia, allelúia. **V. Iac. 1, 12**
Beátus vir, qui suffert tentatió-
nem: quóniam cum probátus fúerit, accí-
piet corónam vitæ. Allelúia. **V. Eccli.**
45, 9 Amávit eum Dóminus, et orná-
vit eum: stolam glóriæ índuit eum.
Allelúia.

Extra tempus paschale:

Graduale Ps. 91, 13 et 14 Iustus
ut palma florébit: sicut cedrus Lí-
bani multiplicábitur in domo Dó-
mini. **V. Ibid., 3** Ad annuntiándum
mane misericórdiam tuam, et veri-
tatem tuam per noctem.

Allelúia, allelúia. **V. Iac. 1, 12**
Beátus vir, qui suffert tentatió-
nem: quóniam cum probátus fúerit,
accípiet corónam vitæ. Allelúia.

✠ Sequéntia sancti Evangélíi se-
cúndum Matthæum.

Matth. 19, 27-29

In illo témpore: Dixit Petrus ad
Iesum: Ecce, nos relíquimus

32 MISSALE ROM.

ómnia, et secúti sumus te: quid
ergo erit nobis? Iesus autem dixit
illis: Amen dico vobis, quod vos,
qui secúti estis me, in regenera-
tióne, cum séderit Fílius hóminis
in sede maiestátis suæ, sedébitis
et vos super sedes duódecim, iudi-
cántes duódecim tribus Israël. Et
omnis, qui reliquerit domum, vel
fratres, aut soróres, aut patrem,
aut matrem, aut uxórem, aut filios,
aut agros, propter nomen meum,
céntuplum accípiet, et vitam ætér-
nam possidébit.

Antiphona ad Offertorium Ps. 88,
25 Véritas mea, et misericórdia mea
cum ipso: et in nómine meo exal-
tábitur cornu eius. (**T. P. Allelúia.**)

Secreta

Laudis tibi, Dómine, hóstias im-
molámus in tuórum com-
memoratióne Sanctórum: quibus nos
et præséntibus éxui malis confidi-
mus, et futúris. Per Dóminum.

Antiphona ad Communionem
Matth. 24, 46-47 Beátus servus,
quem, cum vénerit dóminus, invé-
nerit vigilántem: amen dico vobis,
super ómnia bona sua constituet
eum. (**T. P. Allelúia.**)

Postcommunio

Refécti cibo potúque cælésti,
Deus noster, te súplices
exorámus: ut, in cuius hæc com-
memoratióne percépimus, eius
muniámur et précibus. Per Dómi-
num.

Die 25 maii

**S. GREGORII VII
PAPÆ ET CONFESSORIS**

III classis

**Missa Si diligis me, de Com-
muni unius aut plurium Summo-
rum Pontificum (1), cum orationi-
bus ut infra:**

Oratio

Deus, in te sperantium fortitúdo, qui beátum Gregórium Confessórem tuum atque Pontíficem, pro tuénda Ecclésiæ libertáte, virtúte constántiæ roborásti: da nobis, eius exémplo et intercessióne, ómnia adversántia fórtiter superáre. Per Dóminum.

Et fit commemoratio S. Urbani I Papæ et Mart.:

Oratio

C 2

Deus, qui Ecclésiám tuam in apostólicæ petræ soliditáte fundátam, ab infernárum éruis terróre portárum: præsta, quæsumus; ut, intercedénte beáto Urbáno Mártire tuo atque Summo Pontífice, in tua veritáte persístens, contínua securitáte muniátur. Per Dóminum.

Secreta

C 1

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Pro S. Urbano

Secreta

C 2

Múnera, quæ tibi, Dómine, lætántes offérimus, súscipe benígnus, et præsta: ut, intercedénte beáto Urbáno, Ecclésia tua et fidei integritáte lætétur, et témporum tranquillitáte semper exsúltet. Per Dóminum.

Postcommunio

C 1

Refectióne sancta enutrítam guberná, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat; et in religiónis integritáte persístat. Per Dóminum.

Pro S. Urbano

Postcommunio

C 2

Múltiplica, quæsumus, Dómine, in Ecclésia tua spíri-

tum grátia, quem dedísti: ut beáti Urbáni Mártiris tui atque Summi Pontíficis deprecatióne, nec pastóri obediéntia gregis nec gregi desit cura pastóris. Per Dóminum.

Eodem die 25 maii

S. URBANI I PAPÆ ET MART.

Commemoratio

Missa Si diligis me, de Comuni unius aut plurium Summorum Pontificum (I).

Oratio

C 2

Deus, qui Ecclésiám tuam in apostólicæ petræ soliditáte fundátam, ab infernárum éruis terróre portárum: præsta, quæsumus; ut, intercedénte beáto Urbáno Mártire tuo atque Summo Pontífice, in tua veritáte persístens, contínua securitáte muniátur. Per Dóminum.

Secreta

C 2

Múnera, quæ tibi, Dómine, lætántes offérimus, súscipe benígnus, et præsta: ut, intercedénte beáto Urbáno, Ecclésia tua et fidei integritáte lætétur, et témporum tranquillitáte semper exsúltet. Per Dóminum.

Postcommunio

C 2

Múltiplica, quæsumus, Dómine, in Ecclésia tua spíritum grátia, quem dedísti: ut beáti Urbáni Mártiris tui atque Summi Pontíficis deprecatióne, nec pastóri obediéntia gregis nec gregi desit cura pastóris. Per Dóminum.

Die 26 maii

S. PHILIPPI NERII CONF.

III classis

Antiphona ad Introitum

Rom. 5, 5

Cáritas Dei diffúsa est in córdibus nostris per inhabitántem Spíritum eius in nobis. (T. P. Allelúia, allelúia.) Ps.

102, 1 Bénedic, ánima mea, Dómino: et ómnia quæ intra me sunt, nómini sancto eius. V. Glória Patri.

Oratio

Deus, qui beátum Philíppum Confessórem tuum Sanctórum tuórum glória sublimásti: concéde propítius; ut, cuius solemnitáte lætámur, eius virtútum proficiámus exémplo. Per Dóminum.

Et fit commemoratio S. Eleutherii Papæ et Mart.:

Oratio

C I

Gregem tuum, Pastor ætérne, placátus inténde: et per beátum Eleuthérium Mártyrem tuum atque Summum Pontificem, perpétua protectióne custódi; quem totíus Ecclésiæ præstitísti esse pastórem. Per Dóminum.

Lectio libri Sapiéntiæ.

Sap. 7, 7-14

Optávi, et datus est mihi sensus: et invocávi, et venit in me spíritus sapiéntiæ: et præpósui illam regnis et sédibus, et divítias nihil esse duxi in comparatióne illíus: nec comparávi illi lápidem pretiósum: quóniam omne aurum in comparatióne illíus, aréna est exígua, et tamquam lutum æstimábitur argéntum in conspéctu illíus. Super salútem et spéciem diléxi illam, et propósui pro luce habére illam: quóniam inextinguíbile est lumen illíus. Venérunt autem mihi ómnia bona páriter cum illa, et innumerábilis honéstas per manus illíus, et lætátus sum in ómnibus: quóniam antecedébat me ista sapiéntia, et ignorábam quóniam horum ómnium mater est. Quam sine fictiône dídici, et sine invidia commúnico, et honestátem illius non abscondo. Infínitus enim thesáurus est homínibus: quo qui usi

sunt, partícipes facti sunt amicítiæ Dei, propter disciplínæ dona commendáti.

Tempore paschali:

Allelúia, allelúia. V. Thren. 1, 13 De excélso misit ignem in óssibus meis, et erudívit me. Allelúia. V. Ps. 38, 4 Concáluit cor meum intra me: et in meditatióne mea exardéscet ignis. Allelúia.

Extra tempus paschale:

Graduale Ps. 33, 12 et 6 Veníte, filii, audíte me: timórem Dómini docébo vos. V. Accédite ad eum, et illuminámini: et fácies vestræ non confundéntur.

Allelúia, allelúia. V. Thren. 1, 13 De excélso misit ignem in óssibus meis, et erudívit me. Allelúia.

✠ Sequéntia sancti Evangélii secúndum Lucam.

Luc. 12, 35-40

In illo témpore: Dixit Iesus discí-pulis suis: Sint lumbi vestri præcíncti, et lucérnæ ardéntes in má-nibus vestris, et vos símiles homínibus exspectántibus dóminum suum, quando revertátur a núptiis: ut, cum vénerit, et pulsáverit, conféstim apériant ei. Beáti servi illi, quos, cum vénerit dóminus, invénerit vigilántes: amen dico vobis, quod præcínget se, et fáciet illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non síneret pérfodi domum suam. Et vos estóte paráti: quia qua hora non putátis, Fílius hóminis véniet.

Antiphona ad Offertorium Ps. 118, 32 Viam mandatórum tuórum cucúrri, cum dilatásti cor meum. (T. P. Allelúia.)

Secreta

Sacrificiis præséntibus, quæsumus, Dómine, inténde placátus: et præsta; ut illo nos igne Spíritus Sanctus inflámmet, quo beáti Philíppi cor mirabíliter penetrávit. Per Dóminum... in unitáte eiúsdem.

Pro S. Eleutherio**Secreta**

C I

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Antiphona ad Communionem

Ps. 83, 3 Cor meum, et caro mea exsultavérunt in Deum vivum. (T. P. Allelúia.)

Postcommunio

Cæléstibus, Dómine, pasti delíciis: quæsumus; ut beáti Philíppi Confessóris tui méritis et imitatóne, semper éadem, per quæ veráciter vivimus, appetámus. Per Dóminum.

Pro S. Eleutherio**Postcommunio**

C I

Refectióne sancta enutrítam gubérna, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat; et in religiónis integritáte persístat. Per Dóminum.

Eodem die 26 maii

S. ELEUTHERII PAPÆ ET MART.

Commemoratio

Missa Si díligis me, de **Communi unius aut plurium Summorum Pontificum** (1).

Oratio

C I

Gregem tuum, Pastor ætérne, placátus inténde: et per beá-

tum Eleuthérium Mártyrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Secreta

C I

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C I

Refectióne sancta enutrítam gubérna, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat; et in religiónis integritáte persístat. Per Dóminum.

Die 27 maii

**S. BEDÆ VENERABILIS
CONF. ET ECCL. DOCT.**

III classis

Missa In médio, de **Communi Doctorum** (19), cum orationibus ut infra:

Oratio

P

Deus, qui Ecclésiám tuam beáti Bedæ Confessóris tui atque Doctóris eruditóne claríficas: concéde propítius fámulis tuis; eius semper illustrári sapiéntia et méritis adiuvári. Per Dóminum.

Et fit commemoratio S. Ioannis I Papæ et Mart.:

Oratio

C I

Gregem tuum, Pastor ætérne, placátus inténde: et per beátum Ioánnem Mártyrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Secreta

C 2

Sancti Bedæ Confessóris tui atque Doctóris nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtíneat. Per Dóminum.

Pro S. Ioanne

Secreta

C 1

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C 2

Ut nobis, Dómine, tua sacrificia dent salútem: beátus Beda Conféssor tuus et Doctor egrégius, quæsumus, precátor accédât. Per Dóminum.

Pro S. Ioanne

Postcommunio

C 1

Refectióne sancta enutrítam guberná, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat; et in religiónis integritáte persístat. Per Dóminum.

Eodem die 27 maii

S. IOANNIS I PAPÆ ET MART.

Commemoratio

Missa Si diligis me, de Communi unius aut plurium Summorum Pontificum (1).

Oratio

C 1

Gregem tuum, Pastor ætérne, placátus inténde: et per beátum Ioánnem Mártirem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Secreta

C 1

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C 1

Refectióne sancta enutrítam guberná, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat; et in religiónis integritáte persístat. Per Dóminum.

Die 28 maii

S. AUGUSTINI EP. ET CONF.

III classis

Antiphona ad Introitum

Ps. 131, 9-10

Sacerdótes tui, Dómine, induant iustítiam, et sancti tui exsúltent: propter David servum tuum, non avértas fáciem Christi tui. (T. P. Allelúia, allelúia.) Ps. *ibid.*, 1 Meménto, Dómine, David: et omnis mansuetúdinis eius. V. Glória Patri.

Oratio

Deus, qui Anglórum gentes, prædicatióne et miráculis beáti Augustíni Confessóris tui atque Pontíficis, veræ fidei luce illustráre dignátus es: concéde; ut, ipso interveniénte, errántium corda ad veritátis tuæ rédeant unitátem, et nos in tua simus voluntáte concórdes. Per Dóminum.

Léctio Epístolæ beáti Pauli Apóstoli ad Thessalonicénses.

1 Thess. 2, 2-9

Fratres: Fidúciam habúimus in Deo nostro loqui ad vos Evangelium Dei in multa sollicitúdine. Exhortátio enim nostra non de erróre, neque de immundítia, neque

in dolo, sed sicut probáti sumus a Deo, ut crederétur nobis Evangé-
lium: ita lóquimur, non quasi
homínibus placéntes, sed Deo, qui
probat corda nostra. Neque enim
aliquándó fúimus in sermóne adu-
latiónis, sicut scitis: neque in occa-
sióne avarítiæ: Deus testis est: nec
quæréntes ab homínibus glóriam,
neque a vobis, neque ab áliis; cum
possémus vobis óneri esse ut
Christi Apóstoli: sed facti sumus
párvuli in médio vestrum, tam-
quam si nutrix fóveat filios suos.
Ita desiderántes vos, cúpide vole-
bámus trádere vobis non solum
Evangélium Dei, sed étiam ánimas
nostras: quóniam caríssimi nobis
facti estis. Mémoires enim estis,
fratres, labóris nostri, et fatigatió-
nis: nocte ac die operántes, ne quem
vestrum gravarémus, prædicávimus
in vobis Evangélium Dei.

Tempore paschali:

Allelúia, allelúia. **V. Ps. 109, 4**
Iurávit Dóminus, et non pæni-
tébit eum: Tu es sacérdos in ætér-
num, secúndum órđinem Melchí-
sedech. Allelúia. **V. Eccli. 45, 9** Amá-
vit eum Dóminus, et ornávit eum:
stolam glóriæ índuit eum. Allelúia.

Extra tempus paschale:

Graduale Ps. 131, 16-17 Sacerdótes
eius índuam salutári: et sancti eius
exsultatióne exsultábunt. **V.** Illuc
prodúcam cornu David: parávi lu-
cérnam Christo meo.

Allelúia, allelúia. **V. Ps. 109, 4**
Iurávit Dóminus, et non pænitébit
eum: Tu es sacérdos in ætérnum,
secúndum órđinem Melchisedech.
Allelúia.

✠ Sequéntia sancti Evangélii se-
cúndum Lucam.

Luc. 10, 1-9

In illo témpore: Designávit Dómi-
nus et álios septuagínta duos: et
misit illos binos ante fáciem suam

in omnem civitátem et locum, quo
erat ipse ventúrus. Et dicébat illis:
Messis quidem multa, operárii au-
tem pauci. Rogáte ergo Dóminum
messis, ut mittat operários in mes-
sem suam. Ite: ecce, ego mitto vos
sicut agnos inter lupos. Nolíte por-
táre sácculum, neque peram, neque
calceaménta; et néminem per viam
salutavéritis. In quamcúmque do-
mum intravéritis, primum dícite:
Pax huic dómui: et si ibi fúerit fi-
lius pacis, requiécet super illum
pax vestra: sin autem, ad vos rever-
tétur. In eádem autem domo ma-
néte, edéntes, et bibéntes quæ apud
illos sunt: dignus est enim operá-
rius mercéde sua. Nolíte transíre
de domo in domum. Et in quam-
cúmque civitátem intravéritis, et
suscéperint vos, manducáte quæ ap-
ponúntur vobis: et curáte infirmos,
qui in illa sunt, et dícite illis: Ap-
propinquávit in vos regnum Dei.

Antiphona ad Offertorium Ps. 88,
25 Véritas mea, et misericórdia mea
cum ipso: et in nómine meo exal-
tábitur cornu eius. **(T. P. Allelúia.)**

Secreta

Sacrificium tibi offérimus, Dó-
mine, in solemnitáte beáti
Augustíni Pontíficis et Confes-
sóris tui, humíliter deprecántes:
ut oves, quæ perierunt, ad unum
ovíle revérsæ, hoc salutári pábulo
nutriántur. Per Dóminum.

Antiphona ad Communionem
Matth. 24, 46-47 Beátus servus,
quem, cum vénerit dóminus, invé-
nerit vigilántem: amen dico vobis,
super ómnia bona sua constítuet
eum. **(T. P. Allelúia.)**

Postcommunio

Hóstia salutári refécti: te, Dó-
mine, súpplíces exorámus; ut
éadem, beáti Augustíni interve-
niénite suffrágio, in omni loco nó-
mini tuo iúgiter immolétur. Per
Dóminum.

Die 29 maii

S. MARIE MAGDALENÆ
DE PAZZIS VIRGINIS

III classis

Missa Dilexisti, de Communi
Virginum 3 loco (27), cum orationibus
ut infra:

Oratio

P

Deus, virginitatis amator, qui
beátam Mariám Magdalénam
Virginem, tuo amore succénsam,
cæléstibus donis decorásti: da; ut,
quam festíva celebritáte venerá-
mur, puritáte et caritáte imitémur.
Per Dóminum.

Secreta

C

Accépta tibi sit, Dómine, sacrátæ
plebis oblátio pro tuórum ho-
nóre Sanctórum: quorum se méritis
de tribulatióne percepisse co-
gnóscit auxiliúm. Per Dóminum.

Postcommunio

C

Satiásti, Dómine, famíliam tuam
munéribus sacris: eius, quásumus,
semper interventióne nos ré-
fove, cuius solémnia celebrámus.
Per Dóminum.

Die 30 maii

S. FELICIS I PAPÆ ET MART.

Commemoratio

Missa Si diligis me, de Com-
muni unius aut plurium Summo-
rum Pontificum (1).

Oratio

C I

Gregem tuum, Pastor ætérne,
placátus inténde: et per beá-
tum Felicem Mártirem tuum atque
Summum Pontíficem, perpétua
protectiόne custódi; quem totíus
Ecclésiæ præstitisti esse pastórem.
Per Dóminum.

Secreta

C I

Oblátis munéribus, quásumus,
Dómine, Ecclésiám tuam be-
nignus illúmina: ut, et gregis tui
proficiat ubíque succéssus, et grati
fiant nómini tuo, te gubernánte,
pastóres. Per Dóminum.

Postcommunio

C I

Refectiόne sancta enutrítam gu-
bérna, quásumus, Dómine,
tuam placátus Ecclésiám: ut po-
ténti moderatiόne dirécta, et incre-
ménta libertátis accípiat; et in reli-
giónis integritáte persístat. Per Dó-
minum.

Die 31 maii

B. MARIE VIRGINIS REGINÆ

II classis

Antiphona ad Introitum

Gaudeámus omnes in Dó-
mino, diem festum cele-
brántes sub honóre beátæ
Mariæ Virgínis Regínæ: de cuius
solemnitáte gaudent Angeli, et col-
láudant Fílium Dei. (T. P. Allelúia,
allelúia.) Ps. 44, 2 Effúndit cor
meum verbum bonum: dico ego
carmen meum Regi. V. Glória Pa-
tri.

¶ In Missis votivis:

Antiphona ad Introitum
Sedulius**S**alve, sancta parens, eníxa
puérpera Regem: qui cæ-
lum, terrámque regit in
sæcula sæculórum. (T. P. Alle-
lúia, allelúia.) Ps. 44, 2 Eructávit
cor meum verbum bonum: dico
ego ópera mea Regi. V. Glória
Patri.

Oratio

Concède nobis, quæsumus, Dómine: ut, qui solemnitatem beátæ Mariæ Vírginis Regínæ nostræ celebrámus; eius muníti præsidio, pacem in præsénti et glóriam in futúro cónsequi mereámur. Per Dóminum.

Et fit commemoratio S. Petronillæ Virg.:

Oratio**C**

Exáudi nos, Deus salutáris noster: ut, sicut de beátæ Petroníllæ Vírginis tuæ festivitáte gaudémus; ita piæ devotiónis erudiámur afféctu. Per Dóminum.

Léctio libri Sapiéntiæ.

Eccli. 24, 5 et 7, 9-11, 30-31

Ego ex ore Altíssimi prodívi, primogénita ante omnem creatúram; ego in altíssimis habitávi, et thronus meus in colúmna nubis. In omni terra steti et in omni pópulo, et in omni gente primátum hábui, et ómnium excelléntium et humílium corda virtúte calcávi. Qui audit me, non confundétur, et qui operántur in me, non peccábunt; qui elúcidant me, vitam ætérnam habébunt.

Tempore paschali:

Allelúia, allelúia. **V.** Beáta es, Virgo María, quæ sub cruce Dómini sustinuísti. Allelúia. **V.** Nunc cum eo regnas in ætérnum. Allelúia.

Extra tempus paschale:

Graduale Apoc. 19, 16 Ipse habet in vestiménto et in fémore suo scriptum: Rex regum, et Dóminus dominántium. **V. Ps. 44, 10** Regína adstat ad dexteram eius, ornáta auro ex Ophir.

Allelúia, allelúia. **V.** Salve, Re-

gína misericórdiæ, tu nos ab hoste prótege, et mortis hora súscipe. Allelúia

¶ In Missis votivis post Septuagesimam, omissis Allelúia, et versu sequenti, dicitur

Tractus Gaude, María Virgo, cunctas háereses sola interemísti. **V.** Quæ Gabriélis Archángeli dictis credidísti. **V.** Dum Virgo Deum et hóminem genuísti: et post partum, Virgo, invioláta permansísti. **V.** Dei Génatrix, intercede pro nobis.

✠ Sequéntia sancti Evangélíi secúndum Lucam.

Luc. 1, 26-33

In illo témpore: Missus est Angelus Gábriel a Deo in civitátem Galilææ, cui nomen Názareth, ad Vírginem desponsátam viro, cui nomen erat Ioseph, de domo David, et nomen Vírginis María. Et ingressus Angelus ad eam, dixit: Ave, grátia plena: Dóminus tecum: benedícta tu in muliéribus. Quæ cum audísset, turbáta est in sermóne eius: et cogitábat, qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries filium, et vocábis nomen eius Iesum. Hic erit magnus, et Fílius Altíssimi vocábitur, et dabit illi Dóminus Deus sedem David patris eius: et regnábít in domo Iacob in ætérnum, et regni eius non erit finis.

Credo.

Antiphona ad Offertorium Regáli ex progénie Mariá exórtá refúlget; cuius précibus nos adiuvári, mente et spírítu devotíssime póscimus. **(T. P. Allelúia.)**

Secreta

Accipe, quæsumus, Dómine, múnera lætántis Ecclésiæ,

et beátæ Virgínis Mariæ Regínæ suffragántibus méritis, ad nostræ salútis auxiliúm proveníre concéde. Per Dóminum.

Pro S. Petronilla

Secreta

C

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliúm. Per Dóminum.

Præfatio de B. Maria Virg. Et te in Festivitate.

Antiphona ad Communionem

Regína mundi digníssima, Mariá Virgo perpétua, intercède pro nostra pace et salúte, quæ genuísti Christum Dóminum, Salvatórem ómnium. (T. P. Allelúia.)

Postcommunio

Celebrátis solémniis, Dómine, quæ pro sanctæ Mariæ, Regínæ nostræ, festivité perégimus: eius, quæsumus, nobis intercessióne fiant salutária; in cuius honóre sunt exsultánte impléta. Per Dóminum.

Pro S. Petronilla

Postcommunio

C

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

Eodem die 31 maii

S. PETRONILLÆ VIRGINIS

Commemoratio

Missa Vultum tuum, de Communi Virginum 4 loco (28).

Oratio

C

Exáudi nos, Deus salutáris noster: ut, sicut de beátæ Petroníllæ Virgínis tuæ festivité gaudémus;

ita piæ devotiónis erudiámur afféctu. Per Dóminum.

Secreta

C

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliúm. Per Dóminum.

Postcommunio

C

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

FESTA IUNII

Die 1 iunii

S. ANGELÆ MERICLÆ VIRGINIS

III classis

Missa Dilexísti, de Communi Virginum 3 loco (27), cum orationibus ut infra:

Oratio

P

Deus, qui novum per beátam Angelam sacrárum Virgínium collégium in Ecclésia tua floréscere voluísti: da nobis, eius intercessióne, angélicis móribus vívere; ut, terrénis ómnibus abdicátis, gáudiis pérfrui mereámur ætérnis. Per Dóminum.

Secreta

P

Hóstia, Dómine, quam tibi beátæ Angelæ memóriam recoléntes offérimus, et nostræ pravitatís véniam implóret, et grátiae tuæ nobis dona concíliet. Per Dóminum.

Postcommunio

P

Cælésti alimónia refécti, súpplices te, Dómine, deprecámur: ut beátæ Angelæ précibus et exémplo, ab omni labe mundáti, et córpore tibi placeámus, et mente. Per Dóminum.

Die 2 iunii

SS. MARCELLINI, PETRI ATQUE
ERASMI EP., MARTYRUM

Commemoratio

Extra tempus paschale:

Antiphona ad Introitum

Ps. 33, 18

Clamavérunt iusti, et Dóminus exaudivit eos: et ex ómnibus tribulatióibus eórum liberávit eos. **Ps. ibid., 2** Benedícam Dóminum in omni témpore: semper laus eius in ore meo. **V.** Glória Patri.

Oratio

Deus, qui nos ánnua beatórum Mártyrum tuórum Marcellíni, Petri atque Erásmi solemnitate lætíficas: præsta, quæsumus; ut, quorum gaudémus méritis, accendámur exémpis. Per Dóminum.

Lectio Epístolæ beáti Pauli Apóstoli
ad Romános.

Rom. 8, 18-23

Fratres: Existimo quod non sunt condígnæ passióes huius témporis ad futúram glóriam, quæ revelábitur in nobis. Nam expectátio creatúre revelatióem filiórum Dei exspectat. Vanitati enim creatúra subiecta est non volens, sed propter eum, qui subiécit eam in spe, quia et ipsa creatúra liberábitur a servitute corruptiōnis, in libertatem glóriæ filiórum Dei. Scimus enim, quod omnis creatúra ingemíscit, et párturit usque adhuc. Non solum autem illa, sed et nos ipsi primitias spíritus habéntes: et ipsi intra nos gémimus adoptiōnem filiórum Dei exspectántes, redemptiōnem córporis nostri: in Christo Iesu Dómino nostro.

Graduale Ps. 33, 18-19 Clamavérunt iusti, et Dóminus exaudivit eos: et ex ómnibus tribulatióibus eórum liberávit eos. **V.** Iuxta est

Dóminus his, qui tribuláto sunt corde: et húmiles spíritu salvábit.

Allelúia, allelúia. **V. Ioann. 15, 16** Ego vos elégi de mundo, ut eátis, et fructum afferátis; et fructus vester máneat. Allelúia.

✠ Sequéntia sancti Evangélíi secúndum Lucam.

Luc. 21, 9-19

In illo témpore: Dixit Iesus discí-pulis suis: Cum audiéritis prælia et seditiōes, nolite terréri: opórtet primum hæc fieri, sed nondum statim finis. Tunc dicébat illis: Surget gens contra gentem, et regnum advérsus regnum. Et terræmótus magni erunt per loca, et pestiléntiæ, et fames, terrorésque de cælo, et signa magna erunt. Sed ante hæc ómnia inícient vobis manus suas, et persequéntur tradéntes in synagógas et custódias, trahéntes ad reges et præsides propter nomen meum: contínget autem vobis in testimónium. Pónite ergo in córdibus vestris non præmeditári quemádmodum respondeátis. Ego enim dabo vobis os, et sapiéntiam, cui non póterunt resistere, et contradícere omnes adversárii vestri. Tradémini autem a paréntibus, et frátribus, et cognátis, et amícis, et morte afficient ex vobis: et éritis ódio ómnibus propter nomen meum: et capíllus de cápíte vestro non períbit. In paciéntia vestra possidébitis ánimas vestras.

Antiphona ad Offertorium Ps. 31, 11 Lætámini in Dómino, et exultáte, iusti: et gloriámini, omnes recti corde.

Secreta

Hæc hóstia, quæsumus, Dómine, quam sanctórum Mártyrum tuórum natalícia recenséntes offérimus: et víncula nostræ pravitatís absólvat, et tuæ nobis misericórdiæ dona concíliet. Per Dóminum.

Antiphona ad Communionem
Sap. 3, 1, 2 et 3 Iustorum animæ in manu Dei sunt, et non tanget illos tormentum malitiæ: visi sunt oculis insipientium mori: illi autem sunt in pace.

Postcommunio

Sacro múnere satiáti, súpplīces te, Dómine, deprecámur: ut, quod débitæ servitútis celebrámus officio, salvatiónis tuæ sentiámus augmentum. Per Dóminum.

¶ **Tempore paschali Missa Sancti tui, de Communi Martyrum 2 loco (14), cum orationibus et Epistola ut in Missa præcedenti, et post Epistolam dicitur:**

Allelúia, allelúia. **V. Ioann. 15, 16** Ego vos elégi de mundo, ut eátis, et fructum afferátis; et fructus vester máneat. Allelúia. **V. Ps. 115, 15** Pretiósā in conspéctu Dómini mors Sanctórum eius. Allelúia.

Die 4 iunii

**S. FRANCISCI CARACCIOLO
 CONFESSORIS**

III classis

Antiphona ad Introitum

Ps. 21, 15; 68, 10

Factum est cor meum tamquam cera liquéscens in médio ventris mei: quóniam zelus domus tuæ comédit me. (**T. P.** Allelúia, allelúia.) **Ps. 72, 1** Quam bonus Israël Deus: his, qui recto sunt corde! **V.** Glória Patri.

Oratio

Deus, qui beátum Francíscum, novi órdis institutórem, orándi stúdio et pæniténtiæ amóre decorásti: da fámulis tuis in eius imitatióne ita profícere; ut, semper orántes et corpus in servitútem redigéntes, ad cæléstem glóriam perveníre mereántur. Per Dóminum.

Léctio libri Sapiéntiæ.

Sap. 4, 7-14

Iustus, si morte præoccupátus fuerit, in refrigério erit. Senéctus enim venerábilis est non diutúrna, neque annórum número computáta: canī autem sunt sensus hóminis, et ætas senectútis vita immaculáta. Placens Deo factus est diléctus, et vivens inter peccatóres translátus est. Raptus est, ne malítiā mutáret intelléctum eius, aut ne fictio deciperet ánimam illius. Fascinatio enim nugacitátis obscurat bona, et inconstántia concupiscéntiæ transvértit sensum sine malítiā. Consummátus in brevi explévit témpora multa, plácita enim erat Deo ánimā illius: propter hoc properávit edúcere illum de médio iniquitátum.

Graduale Ps. 41, 2 Quemádmódum desíderat cervus ad fontes aquárum: ita desíderat ánimā mea ad te, Deus. **V. Ps. ibid., 3** Sitívit ánimā mea ad Deum fortem vivum.

Allelúia, allelúia. **V. Ps. 72, 26** Defécit caro mea, et cor meum: Deus cordis mei, et pars mea Deus in ætérnum. Allelúia.

Tempore paschali omittitur graduale, et eius loco dicitur:

Allelúia, allelúia. **V. Ps. 64, 5** Beátus quem elegísti, et assumpsísti: inhabitávit in átriis tuis. Allelúia. **V. Ps. 111, 9** Dispérsit, dedit paupéribus: iustítia eius manet in sáeculum sáeculi. Allelúia.

✠ **Sequéntia sancti Evangélīi secúndum Lucam.**

Luc. 12, 35-40

In illo témpore: Dixit Iesus discípulis suis: Sint lumbi vestri præcíncti, et lucérnæ ardéntes in mánibus vestris, et vos símiles homínibus exspectántibus dóminum suum, quando revertátur a núpitiis: ut, cum vénerit, et pulsáverit, con-

féstim apériant ei. Beáti servi illi, quos, cum vénerit dóminus, invénerit vigilántes: amen dico vobis, quod præcinget se, et fáciat illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non síneret pérfodi domum suam. Et vos estóte paráti: quia qua hora non putátis, Fílius hóminis véniet.

Antiphona ad Offertorium Ps. 91, 13 Iustus ut palma florébit: sicut cedrus Líbaní multiplicábitur. (T. P. Allelúia.)

Secreta

Da nobis, clementíssime Iesu: ut præclára beáti Francísci mérita recoléntes, eódem nos, ac ille, caritátis igne succénsi, digne in circúitu sacræ huius mensæ tuæ esse valeámus: Qui vivis.

Antiphona ad Communionem Ps. 30, 20 Quam magna multitúdo dulcédinis tuæ, Dómine, quam abscondísti timéntibus te! (T. P. Allelúia.)

Postcommunio

Sacrosáncti sacrificii, quæsumus, Dómine, quod hódie in solemnitáte beáti Francísci tuæ obtúlimus maiestáti, grata semper in méntibus nostris memória persevéret, et fructus. Per Dóminum.

Die 5 iunii

S. BONIFATII EP. ET MART.

III classis

Antiphona ad Introitum

Isai. 65, 19 et 23

Exultábo in Ierúsalem, et gaudébo in pópulo meo: et non audiétur in eo ultra vox fletus et vox clamóris. Elécti mei

non laborábunt frustra, neque generábunt in conturbatióne: quia semen benedictórum Dómini est, et nepótes eórum cum eis. (T. P. Allelúia, allelúia.) **Ps. 43, 2** Deus, áuribus nostris audívimus: patres nostri narravérunt opus, quod operátus es in diébus eórum. **V.** Glória Patri.

Oratio

Deus, qui multitudínem pópulorum, beáti Bonifátii Mártiris tui atque Pontíficis zelo, ad agnitiónem tui nóminis vocáre dignátus es: concéde propítius; ut, cuius solémnia cólimus, étiam patrocínia sentiámus. Per Dóminum.

Léctio libri Sapiéntiæ.

Eccli. 44, 1-15

Laudémus viros gloriósos, et párentes nostros in generatióne sua. Multam glóriam fecit Dóminus magnificéntia sua a sáculo. Dominántes in potestátibus suis, hómines magni virtúte, et prudéntia sua præditi, nuntiántes in prophétis dignitátem prophetárum, et imperántes in præsénti pópulo, et virtúte prudéntiæ pópulis sanctíssima verba. In perítia sua requiréntes modos músicos, et narrántes cármina scripturárum. Hómines dívites in virtúte, pulchritúdinis stúdiu habéntes: pacificántes in dómibus suis. Omnes isti in generatióne gentis suæ glóriam adépti sunt, et in diébus suis habéntur in láudibus. Qui de illis nati sunt, reliquérent nomen narrándi laudes eórum. Et sunt quorum non est memória: periérunt, quasi qui non fúerint: et nati sunt, quasi non nati, et filii ipsórum cum ipsis. Sed illi viri misericórdiæ sunt, quorum pietátes non defuérunt: cum sémine eórum pérmanent bona, heréditas sancta nepótes eórum, et in testaméntis stetit semen eórum: et filii eórum propter illos usque in ætérnum manent: semen eórum et gló-

ria eórum non derelinquétur. Corpora ipsórum in pace sepulta sunt, et nomen eórum vivit in generatióne et generatióne. Sapientiam ipsórum narrent pópuli, et laudem eórum nuntiet Ecclésia.

Graduale 1 Petri 4, 13-14 Comunicantes Christi passióibus gaudéte, ut in revelatióne glóriæ eius gaudeátis exsultantes. **V.** Si exprobrámini in nómine Christi, beáti éritis: quóniam quod est honoris, glóriæ, et virtútis Dei, et qui est eius Spíritus, super vos requiescet.

Allelúia, allelúia. **V. Isai. 66, 12** Declinábo super eum quasi flúvium pacis, et quasi torréntem inundántem glóriam. Allelúia.

Tempore paschali omittitur graduale, et eius loco dicitur:

Allelúia, allelúia. **V. Isai. 66, 10 et 14** Lætámini cum Ierúsalem, et exsultáte in ea, omnes, qui diligitis Dóminum. Allelúia. **V.** Vidébitis, et gaudébit cor vestrum: cognoscétur manus Dómini servis eius. Allelúia.

✠ Sequéntia sancti Evangélíi secúndum Matthæum.

Matth. 5, 1-12

In illo témpore: Videns Iesus turbas, ascendit in montem, et cum sedisset, accessérunt ad eum discipuli eius, et apériens os suum, docebat eos, dicens: Beáti páuperes spíritu: quóniam ipsórum est regnum cælórum. Beáti mites: quóniam ipsi possidébunt terram. Beáti qui lugent: quóniam ipsi consolabúntur. Beáti qui esúriunt et sítiunt iustítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti qui persecutióne patiúntur propter iustítiam: quóniam ipsórum est regnum cælórum. Beáti estis cum

maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte, et exsultáte, quóniam merces vestra copiósa est in cælis.

Antiphona ad Offertorium Ps. 15, 7 et 8 Benedicam Dóminum, qui tribuit mihi intelléctum: providébam Deum in conspéctu meo semper, quóniam a dextris est mihi ne commóvear. **(T. P. Allelúia.)**

Secreta

Super has hóstias, Dómine, quæsumus, benedictio copiósa descéndat: quæ et sanctificatióne nostram misericórditer operétur; et de sancti Bonifátii Mártiris tui atque Pontíficis fáciat solemnitate gaudére. Per Dóminum.

Antiphona ad Communionem Apoc. 3, 21 Qui vicerit, dabo ei sedére mecum in throno meo: sicut et ego vici, et sedi cum Patre meo in throno eius. **(T. P. Allelúia.)**

Postcommunio

Sanctificáti, Dómine, salutári mystério: quæsumus; ut nobis sancti Bonifátii Mártiris tui atque Pontíficis pia non desit orátio, cuius nos donásti patrocínio gubernári. Per Dóminum.

Die 6 iunii

S. NORBERTI EP. ET CONF.

III classis

Missa Státuit, de Communi Confessoris Pontificis 1 loco (16), cum orationibus ut infra:

Oratio

P

Deus, qui beátum Norbértum Confessórem tuum atque Pontíficem, verbi tui præcónem exímium effecísti, et per eum Ecclesiám tuam nova prole fecundásti: præsta, quæsumus; ut, eiúsdem suffragántibus méritis, quod ore simul et ópere dócuit, te adiuvánte, exercére valeámus. Per Dóminum.

Secreta C

Sancti tui, quæsumus, Dómine, nos ubique lætificent: ut, dum eórum mérita recólimus, patrocínia sentiámus. Per Dóminum.

Postcommunio C

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Norbérto Confessóre tuo atque Pontífice, beneficia potióra sumámus. Per Dóminum.

Die 9 iunii

SS. PRIMI ET FELICIANI MM.

Commemoratio

Extra tempus paschale:

Antiphona ad Introitum

Eccli. 44, 15 et 14

Sapiéntiam sanctórum narrent pópuli, et laudes eórum nún-tiet ecclésia: nómina autem eórum vivent in sáculum sáculi. **Ps. 32, 1** Exsultáte, iusti, in Dómino: rectos decet collaudátio. **V.** Glória Patri.

Oratio

Fac nos, quæsumus, Dómine, sanctórum Mártyrum tuórum Primi et Feliciáni semper festa sectári: quorum suffrágiis protec-tiónis tuæ dona sentiámus. Per Dóminum.

Léctio libri Sapiéntiæ.

Sap. 5, 16-20

Iusti autem in perpétuum vivent, et apud Dóminum est merces eórum, et cogitátio illórum apud Altíssimum. Ideo accípient regnum decóris, et diadéma speciéi de manu Dómini: quóniam délixera sua teget eos, et bráccchio sancto suo deféndet illos. Accípient armatúram zelus illíus, et armábit creatúram ad ul-tiónem inimicórum. Induet pro thoráce iustítiam, et accípient pro

gálea iudícium certum. Sumet scu-tum inexpugnábile, æquitátem.

Graduale Ps. 88, 6 et 2 Confite-búntur cæli mirabília tua, Dómine: étenim veritátem tuam in ecclésia sanctórum. **V.** Misericórdias tuas, Dómine, in ætérnum cantábo: in generatióne et progénie.

Allelúia, allelúia. **V.** Hæc est vera fraternitas, quæ vicit mundi crímina: Christum secúta est, ínclita tenens regna cæléstia. Allelúia.

✠ Sequéntia sancti Evangélíi se-cúndum Matthæum.

Matth. 11, 25-30

In illo témpore: Respóndens Iesus, dixit: Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis. Ita, Pater: quóniam sic fuit plácitum ante te. Omnia mihi trádicta sunt a Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me, omnes, qui laborátis, et oneráti estis, et ego reficiam vos. Tóllite iugum meum super vos, et discite a me, quia mitis sum, et húmilis corde: et inveniétis réquiem animábus vestris. Iugum enim meum suáve est, et onus meum leve.

Antiphona ad Offertorium Ps. 67, 36 Mirábilis Deus in sanctis suis: Deus Israél, ipse dabit virtútem, et fortitúdinem plebi suæ: benedictus Deus, allelúia.

Secreta

Fiat tibi, quæsumus, Dómine, hóstia sacránda placábilis, pretiósí celebritáte martýrii: quæ et peccáta nostra puríficet, et tuórum tibi vota concíliet famulórum. Per Dóminum.

Antiphona ad Communionem Ioann. 15, 16 Ego vos elégi de mun-

do, ut eátis, et fructum afferátis; et fructus vester máneat.

Postcommunio

Quásumus, omnipotens Deus: ut sanctórum Mártyrum tuórum Primi et Feliciáni cæléstibus mystériis celebráta solémnitas, indulgéntiam nobis tuæ propitiatiónis acquírat. Per Dóminum.

¶ **Tempore paschali Missa Sancti tui, de Communi Martyrum 2 loco (14), cum orationibus et Evangelio ut in Missa præcedenti, et post Epistolam dicitur:**

Allelúia, allelúia. V. Hæc est vera fraternitas, quæ vicit mundi crimina: Christum secúta est, ínclita tenens regna cæléstia. Allelúia. V. Te Mártyrum candidátus laudat exercitus, Dómine. Allelúia.

Die 10 iunii

S. MARGARITÆ REGINÆ, VID.

III classis

Missa Cognóvi, de Communi non Virginum 2 loco (31), cum orationibus ut infra:

Oratio

Deus, qui beátam Margarítam regínam exímia in páuperes caritate mirábilem effecísti: da; ut eius intercessióne et exémplo, tua in córdibus nostris caritas iúgiter augeátur. Per Dóminum.

Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliúm. Per Dóminum.

Postcommunio

Satiásti, Dómine, famíliam tuam munéribus sacris: eius quásumus, semper interventióne nos réfove, cuius solémnia celebrámus. Per Dóminum.

Die 11 iunii

S. BARNABÆ APOSTOLI

III classis

Extra tempus paschale:

Antiphona ad Introitum

Ps. 138, 17

Mihi autem nimis honorátí sunt amíci tui, Deus: nimis confortátus est principátus eórum. **Ps. ibid., 1-2** Dómine, probásti me, et cognovísti me: tu cognovísti sessiόνem meam, et resurrectionem meam. V. Glória Patri.

Oratio

Deus, qui nos beátí Bárnabæ Apóstoli tui méritis et intercessióne lætíficas: concéde propítius; ut, qui tua per eum beneficia póscimus, dono tuæ grátiae consequámur. Per Dóminum.

Léctio Actuum Apostolorum.

Act. 11, 21-26; 13, 1-3

In diébus illis: Multus númerus credéntium Antiochiæ convérsus est ad Dóminum. Pervénit autem sermo ad aures ecclésiæ, quæ erat Ierosólymis, super istis: et misérunt Bárnabam usque ad Antiochiám. Qui cum pervenísset, et vidísset grátiam Dei, gavísus est: et hortabátur omnes in propósito cordis permanére in Dómino: quia erat vir bonus, et plenus Spíritu Sancto, et fide. Et appósita est multa turba Dómino. Proféctus est autem Bárnabas Tarsum, ut quæreretur Saulum: quem cum invenísset, perduxit Antiochiám. Et annum totum conversáti sunt ibi in ecclésia: et docuérunt turbam multam, ita ut cognominaréntur primum Antiochiæ discípuli, Christiáni. Erant autem in ecclésia, quæ erat Antiochiæ, prophétæ et doctóres, in quibus Bárnabas, et Simon, qui vocabátur Niger, et Lúcius Cyre-

nénsis, et Mánahen, qui erat Heródis Tetrárchæ collectáneus, et Saulus. Ministrántibus autem illis Dómino, et ieiunántibus, dixit illis Spíritus Sanctus: Segregáte mihi Saulum, et Bárnabam in opus, ad quod assúmpsi eos. Tunc ieiunántes, et orántes, imponentésque eis manus, dimiserunt illos.

Graduale Ps. 18, 5 et 2 In omnem terram exívit sonus eórum: et in fines orbis terræ verba eórum. **Y.** Cæli enarrant glóriam Dei: et ópera mánuum eius annúntiat firmaméntum.

Allelúia, allelúia. **Y. Ioann. 15, 16** Ego vos elégi de mundo, ut eátis, et fructum afferátis: et fructus vester máneat. Allelúia.

✠ Sequéntia sancti Evangélíi secúndum Matthæum.

Matth. 10, 16-22

In illo témpore: Dixit Iesus discipulis suis: Ecce, ego mitto vos sicut oves in médio lupórum. Estóte ergo prudéntes sicut serpéntes, et simplices sicut colúmbæ. Cavéte autem ab homínibus. Tradent enim vos in concíliis, et in synagógis suis flagellábunt vos: et ad præsides, et ad reges ducémíni propter me in testimónium illis, et géntibus. Cum autem tradent vos, nolíte cogitare quómodo, aut quid loquámini: dábitur enim vobis in illa hora quid loquámini. Non enim vos estis qui loquímini, sed Spíritus Patris vestri, qui lóquitur in vobis. Tradet autem frater fratrem in mortem, et pater filium: et insúrgent filii in paréntes, et morte eos afficient: et éritis ódio ómnibus propter nomen meum: qui autem perseveráverit usque in finem, hic salvus erit.

Credo.

Antiphona ad Offertorium Ps. 44, 17-18 Constitues eos príncipes super omnem terram: mémoires erunt

nóminis tui, Dómine, in omni progénie et generatióne.

Secreta

Múnera, Dómine, obláta sanctífica: et intercedénte beáto Bárnaba Apóstolo tuo, nos per hæc a peccatórum nostrórum máculis emúnda. Per Dóminum.

Præfatio de Apostolis.

Antiphona ad Communionem Matth. 19, 28 Vos, qui secúti estis me, sedébitis super sedes, iudicántes duódecim tribus Israël.

Postcommunio

Súpplíces te rogámus, omnípotens Deus: ut, quos tuis réficis sacraméntis, intercedénte beáto Bárnaba Apóstolo tuo, tibi étiam plácitis móribus dignánte tríbuas deservíre. Per Dóminum.

¶ **Tempore paschali Missa** Protexísti, **de Communi Martyrum 1 loco (12), cum orationibus, Epistola et Evangelio, ut in Missa præcedenti.**

Die 12 iunii

S. IOANNIS A S. FACUNDO CONFESSORIS

III classis

Missa Os iusti, **de Communi Confessoris non Pontificis 1 loco (20), cum orationibus ut infra:**

Oratio

P

Deus, auctor pacis et amátor caritátis, qui beátum Ioánnem Confessórem tuum mirífica dissidentes componéndi grátia decorásti: eius méritis et intercessióne concéde; ut, in tua caritáte firmáti, nullis a te tentatióibus separémur. Per Dóminum.

Et fit commemoratio Ss. Basilidis, Cyrini, Naboris et Nazarii Mm.:

Oratio

P

Sanctorum Martyrum tuorum Basilidis, Cyrini, Naboris atque Nazarii, quæsumus, Domine, natalicia nobis votiva resplendeant: et, quod illis contulit excellentia sempiterna, fructibus nostræ devotionis accrescat. Per Dominum.

Secreta

C

Laudis tibi, Domine, hostias immolamus in tuorum commemoratione Sanctorum: quibus nos et presentibus exui malis confidimus, et futuris. Per Dominum.

Pro Ss. Martyribus

Secreta

P

Pro sanctorum tuorum Basilidis, Cyrini, Naboris atque Nazarii sanguine venerando, hostias tibi, Domine, sollemniter immolamus, tua mirabilia pertractantes: per quem talis est perfecta victoria. Per Dominum.

Postcommunio

C

Refecti cibo potuque cælesti, Deus noster, te supplices exoramus: ut, in cuius hæc commemoratione percipimus, eius muniamur et precibus. Per Dominum.

Pro Ss. Martyribus

Postcommunio

P

Semper, Domine, sanctorum Martyrum tuorum Basilidis, Cyrini, Naboris atque Nazarii sollemnia celebrantes: præsta, quæsumus; ut eorum patrocinia iugiter sentiamus. Per Dominum.

Eodem die 12 iunii

SS. BASILIDIS, CYRINI,
NABORIS ET NAZARII
MARTYRUM

Commemoratio

Antiphona ad Introitum

Ps. 78, 11, 12 et 10

Intret in conspectu tuo, Domine, gemitus compeditorum: redde vicinis nostris septuplum in

sinu eorum: vindica sanguinem sanctorum tuorum, qui effusus est. **Ps. ibid., 1** Deus, venerunt gentes in hereditatem tuam: polluérunt templum sanctum tuum: posuerunt Ierusalem in pomorum custodiam. **V.** Glória Patri.

Oratio

Sanctorum Martyrum tuorum Basilidis, Cyrini, Naboris atque Nazarii, quæsumus, Domine, natalicia nobis votiva resplendeant: et quod illis contulit excellentia sempiterna, fructibus nostræ devotionis accrescat. Per Dominum.

Lectio Epistolæ beati Pauli Apostoli ad Hebræos.

Hebr. 10, 32-38

Fratres: Rememoramini pristinos dies, in quibus illuminati, magnum certamen sustinuistis passionum: et in altero quidem opprobriis, et tribulationibus spectaculum facti: in altero autem socii taliter conversantium effecti. Nam et vinctis compassi estis, et rapinam bonorum vestrorum cum gaudio suscepistis, cognoscetes vos habere meliorem, et manentem substantiam. Nolite itaque amittere confidentiam vestram, quæ magnam habet remunerationem. Patientia enim vobis necessaria est: ut voluntatem Dei facientes, reportetis promissionem. Adhuc enim modicum aliquantulum, qui venturus est, veniet, et non tardabit. Iustus autem meus ex fide vivit.

Graduale Ps. 78, 10 et 2 Vindica, Domine, sanguinem sanctorum tuorum, qui effusus est. **V.** Posuerunt mortalia servorum tuorum escas volatilibus cæli: carnes sanctorum tuorum bestiis terræ.

Allelúia, allelúia. **V. Eccli. 44, 14** Corpora sanctorum in pace sepulta sunt: et nomina eorum vivent in generationem et generationem. Allelúia.

✠ Sequéntia sancti Evangélíi secúndum Mattháeum.

Matth. 24, 3-13

In illo témpore: Sedénte Iesu super montem Olivéti, accessérunt ad eum discípli secréto, dicétes: Dic nobis, quando hæc erunt? et quod signum advéntus tui, et consummationis sáculi? Et respóndens Iesus, dixit eis: Vidéte ne quis vos sedúcat. Multi enim vénient in nómine meo, dicétes: Ego sum Christus: et multos sedúcent. Auditóri enim estis prælia, et opiniónes præliórum. Vidéte ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum, et erunt pestiléntiæ, et fames, et terræmótus per loca. Hæc autem ómnia, inítia sunt dolórum. Tunc tradent vos in tribulationem, et occídent vos: et éritis ódio ómnibus géntibus propter nomen meum. Et tunc scandalizabúntur multi, et ínvicem tradent, et ódio habébunt ínvicem. Et multi pseudoprophétæ surgent, et sedúcent multos. Et quóniam abundávit iníquitas, refrigéscet caritas multórum. Qui autem perseveráverit usque in finem, hic salvus erit.

Antiphona ad Offertorium Ps. 149, 5-6 Exsultábunt sancti in glória, lætabúntur in cubílibus suis: exaltatiónes Dei in fáucibus eórum.

Secreta

Pro sanctórum tuórum Basílidis, Cyríni, Náboris atque Nazárii ságuine venerádo, hóstias tibi, Dómine, solémniter immolámus, tua mirábília pertractátes: per quem talis est perfécta victória. Per Dóminum.

Antiphona ad Communionem Ps. 78, 2 et 11 Posuérunt mortália servórum tuórum, Dómine, escas volatílibus cæli, carnes sanctórum tuórum béstiis terræ: secúndum

magnitúdinem bráccii tui pósside filios morte punitórum.

Postcommunio

Semper, Dómine, sanctórum Mártyrum tuórum Basílidis, Cyríni, Náboris atque Nazárii solémnia celebrátes: præsta, quæsumus; ut eórum patrocínia iúgiter sentiámus. Per Dóminum.

Die 13 iunii

S. ANTONII DE PADUA
CONF. ET ECCL. DOCT.

III classis

Missa In médio, de **Communi Doctorum** (19), cum orationibus ut infra:

Oratio

P

Ecclésiám tuam, Deus, beáti Antónii Confessóris tui atque Doctóris solémnitas votíva lætíficet: ut spirituálibus semper muniátur auxiliis, et gáudiis pérfrui mereátur ætérnis. Per Dóminum.

Secreta

P

Præsens oblátio fiat, Dómine,ópulo tuo salutáris: pro quo dignátus es Patri tuo te vivéntem hóstiam immoláre: Qui cum eódem Deo Patre, et Spíritu Sancto vivis et regnas Deus, per ómnia sácula sæculórum.

Postcommunio

P

Divínis, Dómine, munéribus satiáti: quæsumus; ut beáti Antónii Confessóris tui atque Doctóris méritis et intercessióne, salutáris sacrificii sentiámus effectum. Per Dóminum.

Die 14 iunii

S. BASILII MAGNI
EP., CONF. ET ECCL. DOCT.

III classis

Antiphona ad Introitum

Eccli. 15, 5

In médio Ecclésiæ apérui os eius: et implévit eum Dóminus spírítu sapiéntiæ, et intelléctus:

stolam glóriæ induit eum. **Ps. 91, 2** Bonum est confiteri Dómino: et psállere nómini tuo, Altissime. **℣.** Glória Patri.

Oratio

Exáudi, quæsumus, Dómine, preces nostras, quas in beáti Basilíi Confessóris tui atque Pontíficis solemnitate deférimus: et, qui tibi digne méruit famulári, eius intercedéntibus méritis, ab ómnibus nos absólve peccátis. Per Dóminum.

Léctio Epístolæ beáti Pauli Apóstoli ad Timótheum.

2 Tim. 4, 1-8

Caríssime: Testíficor coram Deo, et Iesu Christo, qui iudicatúrus est vivos et mórtuos, per advéntum ipsíus, et regnum eius: prædica verbum, insta opportúne, importúne: árgue, óbseca, increpa in omni paciéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritate quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim iam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiæ, quam reddet mihi Dóminus in illa die, iustus iudex: non solum autem mihi, sed et iis, qui díligunt advéntum eius.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **℣.** Lex Dei eius in corde ipsíus, et non supplantábuntur gressus eius.

Allelúia, allelúia. **℣. Ps. 88, 21** Invéni David servum meum: óleo sancto meo unxi eum. Allelúia.

✠ Sequéntia sancti Evangélii secúndum Lucam.

Luc. 14, 26-35

In illo témpore: Dixit Iesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discípulus. Et qui non báiulat crucem suam, et venit post me, non potest meus esse discípulus. Quis enim ex vobis volens turrim ædificáre, non prius sedens cómputat sumptus, qui necessarií sunt, si hábeat ad perficiéndum; ne, posteáquam posúerit fundaméntum, et non potúerit perficere, omnes, qui vident, incípian illúdere ei, dicéntes: Quia hic homo cœpit ædificáre, et non pótuit consummáre? Aut quis rex itúrus commíttere bellum advérsus álium regem, non sedens prius cógitat, si possit cum decem mílibus occurrere ei, qui cum vigínti mílibus venit ad se? Alióquin, adhuc illo longe agén-te, legatiónem mittens, rogat ea, quæ pacis sunt. Sic ergo omnis ex vobis, qui non renúnciat ómnibus quæ póssidet, non potest meus esse discípulus. Bonum est sal. Si autem sal evanúerit, in quo condiétur? Neque in terram, neque in sterquilínium útile est, sed foras mittétur. Qui habet aures audiéndi, áudiat.

Antiphona ad Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu eius.

Secreta

Sancti Basilíi Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut per hæc piæ placatiónis offícia, et illum beáta retribútio comitétur, et nobis grátia tuæ dona concíliet. Per Dóminum.

Antiphona ad Communionem
Luc. 12, 42 Fídelis servus et prudens,
 quem constituit Dóminus super famíliam suam: ut det illis in témpore trítici mensúram.

Postcommunio

Deus fídelium remunerátor animárum: præsta; ut beáti Basilíi Confessóris tui atque Pontíficis, cuius venerándam celebrámus festivitátem, précibus indulgéntiam consequámur. Per Dóminum.

Die 15 iunii

SS. VITI, MODESTI
 ATQUE CRESCENTIÆ MM.

Commemoratio

Antiphona ad Introitum

Ps. 33, 20-21

Multæ tribulatiónes iustórum, et de his ómnibus liberávit eos Dóminus: Dóminus custódit ómnia ossa eórum: unum ex his non conterétur. **Ps. ibid., 2** Benedícam Dóminum in omni témpore: semper laus eius in ore meo. **V.** Glória Patri.

Oratio

Da Ecclesiæ tuæ, quæsumus, Dómine, sanctis Martýribus tuis Vito, Modésto atque Crescéntia intercedéntibus, supérbe non sápere, sed tibi plácita humilitáte proficere: ut, prava despíciens, quæcúmque recta sunt, libera exérceat caritáte. Per Dóminum.

Léctio libri Sapiéntiæ.

Sap. 3, 1-8

Iustórum animæ in manu Dei sunt, et non tanget illos torméntum mortis. Visi sunt óculis insipíentium mori: et æstimáta est afflíctio éxitus illórum: et quod a nobis est iter, exterminium: illi autem sunt in pace. Et si coram homínibus torménta passi sunt, spes illórum immortalitáte plena est. In paucis vexáti, in multis bene

disponéntur: quóniam Deus tentávit eos, et invénit illos dignos se. Tamquam aurum in fornáce probávit illos, et quasi holocáusti hóstiam accépit illos, et in témpore erit respéctus illórum. Fulgébunt iusti, et tamquam scintíllæ in arundinétó discúrrunt. Iudicábunt natiónes, et dominabúntur pópulis, et regnabit Dóminus illórum in perpétuum.

Graduale Ps. 149, 5 et 1 Exsultábunt sancti in glória: lætabúntur in cubílibus suis. **V.** Cantáte Dómino cánticum novum: laus eius in ecclésia sanctórum.

Allelúia, allelúia. **V. Ps. 144, 10-11** Sancti tui, Dómine, benedícen te: glóriam regni tui dicent. Allelúia.

✠ Sequéntia sancti Evangélíi secúndum Lucam.

Luc. 10, 16-20

In illo témpore: Dixit Iesus discí-pulis suis: Qui vos audit, me audit: et qui vos spernit, me spernit. Qui autem me spernit, spernit eum, qui misit me. Revérsi sunt autem septuagínta duo cum gáudio, dicétes: Dómine, étiam dæmónia subiciúntur nobis in nómine tuo. Et ait illis: Vidébam sátanam sicut fulgur de cælo cadéntem. Ecce, dedi vobis potestátem calcáandi supra serpéntes et scorpíones, et super omnem virtútem inimíci: et nihil vobis nocébit. Verúntamen in hoc nolíte gaudére, quia spíritus vobis subiciúntur: gaudéte autem, quod nómina vestra scripta sunt in cælis.

Antiphona ad Offertorium Ps. 67, 36 Mirábilis Deus in sanctis suis: Deus Israél ipse dabit virtútem, et fortitúdinem plebi suæ: benedíctus Deus.

Secreta

Sicut glóriam divínæ poténtiæ múnera pro Sanctis obláta testántur: sic nobis efféctum, Dó-

mine, tuæ salvatiónis impéndant.
Per Dóminum.

Antiphona ad Communionem
Sap. 3, 1-2 et 3 Iustórum ánimæ in manu Dei sunt, et non tanget illos torméntum malítiæ: visi sunt óculis insipiéntium mori: illi autem sunt in pace.

Postcommunio

Repléti, Dómine, benedictióne solémni: quæsumus; ut per intercessiόνem sanctórum Mártyrum tuórum Viti, Modésti et Crescentiæ, medicína sacraménti et corpóribus nostris prosit, et méntibus. Per Dóminum.

Die 17 iunii

S. GREGORII BARBADICI
EPISCOPI ET CONFESSORIS

III classis

Missa Státuit, **de Communi Conf. Pont. 1 loco** (16), **cum orationibus ut infra:**

Oratio

P

Deus, qui beátum Gregórium Confessórem tuum atque Pontíficem pastoráli sollicitúdine, et páuperum miseratióne claréscere voluísti: concéde propítius; ut, cuius mérita celebrámus, caritátis imitémur exéempla. Per Dóminum.

Secreta

C

Sancti tui, quæsumus, Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum.

Postcommunio

C

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Gregório Confessore tuo atque Pontífice, beneficia potióra sumámus. Per Dóminum.

Die 18 iunii

S. EPHRÆM SYRI
DIAC., CONF. ET ECCL. DOCT.

III classis

Missa In médio, **de Communi Doctorum** (19), **cum orationibus ut infra:**

Oratio

P

Deus, qui Ecclésiám tuam beáti Ephræm Confessóris tui et Doctóris mira eruditiónem et præcláris vitæ méritis illustráre voluísti: te súpplīces exorámus; ut, ipso intercedénte, eam advérsus erróris et pravitatís insídiās perénni tua virtúte deféndas. Per Dóminum.

Et fit commemoratio Ss. Marci et Marcelliani Mm.:

Oratio

P

Præsta, quæsumus, omnípotens Deus: ut, qui sanctórum Mártyrum tuórum Marci et Marcelliani natalícia cólimus; a cunctis malis imminéntibus, eórum intercessiόνibus liberémur. Per Dóminum.

Secreta

C 2

Sancti Ephræm Confessóris tui atque Doctóris nobis, Dómine, pia non desit orátio: quæ et múnere nostra concíliet; et tuam nobis indulgéntiam semper obtíneat. Per Dóminum.

Pro Ss. Martyribus

Secreta

P

Múnere tibi, Dómine, dicáta sanctífica: et, intercedéntibus sanctis Martýribus tuis Marco et Marcelliano, per éadem nos placátus inténde. Per Dóminum.

Postcommunio

C 2

Ut nobis, Dómine, tua sacrificia dent salútem: beátus Ephræm Confessor tuus et Doctor egrégius, quæsumus, precátor accédát. Per Dóminum.

Pro Ss. Martyribus**Postcommunio P**

Salutáris tui, Dómine, múnere satiáti, súpplīces exorámus: ut, cuius lætámur gustu, intercedéntibus sanctis Martýribus tuis Marco et Marcelliáno, renovémur efféctu. Per Dóminum.

Eodem die 18 iunii**SS. MARCI ET MARCELLIANI
MARTYRUM****Commemoratio****Antiphona ad Introitum****Ps. 36, 39**

Salus autem iustórum a Dómino: et protéctor eórum est in témpore tribulatiónis. **Ps. ibid., 1** Noli æmulári in malignántibus: neque zeláveris faciéntes iniquitátem. **V.** Glória Patri.

Oratio

Præsta, quæsumus, omnípotens Deus: ut, qui sanctórum Mártyrum tuórum Marci et Marcelliáni natalícia cólimus; a cunctis malis imminéntibus, eórum intercessiόνibus liberémur. Per Dóminum.

Léctio Epístolæ beáti Pauli Apóstoli ad Romános.

Rom. 5, 1-5

Fratres: Iustificáti ex fide, pacem habeamus ad Deum per Dóminum nostrum Iesum Christum: per quem et habémus accéssum per fidem in grátiam istam, in qua stamus, et gloriámur in spe glóriæ filiórum Dei. Non solum autem, sed et gloriámur in tribulatió nibus: sciéntes quod tribulátio patiéntiam operátur, patiéntia autem probatió nem, probátio vero spem, spes autem non confúndit: quia caritas Dei diffúsa est in córdibus nostris per Spíritum Sanctum, qui datus est nobis.

Graduale Sap. 3, 1-2 et 3 Iustórum animæ in manu Dei sunt, et non tanget illos torméntum malitiæ. **V.** Visi sunt óculis insipiéntium mori: illi autem sunt in pace.

Allelúia, allelúia. **V.** Hæc est vera fratérnitas, quæ numquam pótu it violári certámīne: qui, effúso sá nguine, secúti sunt Dóminum. Allelúia.

✠ Sequéntia sancti Evangélii secúndum Lucam.

Luc. 11, 47-51

In illo témpore: Dicébat Iesus scribis et pharisæis: Væ vobis, qui ædificátis monuménta prophetárum: patres autem vestri occidérunt illos. Profécto testificámini quod consentitis opéribus patrum vestrórum: quóniam ipsi quidem eos occidérunt, vos autem ædificátis eórum sepúlcrā. Proptérea et sapiéntia Dei dixit: Mittam ad illos prophétas et apóstolos, et ex illis occident, et persequéntur: ut inquirátur sanguis ómnium prophetárum, qui effúsus est a constitutióne mundi a generatióne ista, a sá nguine Abel usque ad sá nguinem Zachariæ, qui périit inter altáre et ædem. Ita dico vobis, requirétur ab hac generatióne.

Antiphona ad Offertorium Ps. 123, 7 Anima nostra, sicut passer, erépta est de láqueo venántium: láqueus contrítus est, et nos liberáti sumus.

Secreta

Múnera tibi, Dómine, dicáta sanctífica: et, intercedéntibus sanctis Martýribus tuis Marco et Marcelliáno, per éadem nos placátus inténde. Per Dóminum.

Antiphona ad Communionem Matth. 25, 40 et 34 Amen dico vobis, quod uni ex mínimis meis fecístis, mihi fecístis: veníte, benedícti Patris mei, possidéte parátum vobis regnum ab iníitio sǎculi.

Postcommunio

Salutáris tui, Dómine, múnere satiáti, súpplīces exorámus: ut, cuius lætámur gustu, intercedéntibus sanctis Martýribus tuis Marco et Marcelliáno, renovémur efféctu. Per Dóminum.

Die 19 iunii

**S. IULIANÆ DE FALCONERIIS
VIRGINIS**

III classis

Missa Dilexísti, de **Communi Virginum 3 loco** (27), **cum orationibus ut infra:**

Oratio**P**

Deus, qui beátam Iuliánam Virginem tuam extrémō morbo laborántem, pretiósō Fílii tui corpore mirabíliter recreáre dignátus es: concéde, quæsumus; ut, eius intercedéntibus méritis, nos quoque eódem in mortis agóne refécti ac roborátī, ad cæléstem pátriam perducámur. Per eúndem Dóminum.

Et fit commemoratio Ss. Gervasii et Protasii Mm.:

Oratio**C**

Deus, qui nos ánnua sanctórum Mártyrum tuórum Gervásii et Protásii solemnitáte lætíficas: concéde propítius; ut, quorum gaudémus méritis, accendámur exémpis. Per Dóminum.

Secreta**C**

Accépta tibi sit, Dómine, sacrætæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxílium. Per Dóminum.

Pro Ss. Gervasio et Protasio

Secreta**C**

Oblátis, quæsumus, Dómine, placáre munéribus: et, intercedéntibus sanctis Martýribus tuis, a cunctis nos defénde perículis. Per Dóminum.

Postcommunio**C**

Satiásti, Dómine, famíliam tuam munéribus sacris: eius quæsumus, semper interventióne nos réfove, cuius solémnia celebrámus. Per Dóminum.

Pro Ss. Gervasio et Protasio

Postcommunio**C**

Hæc nos commúnio, Dómine, purget a crímīne: et, intercedéntibus sanctis Martýribus tuis Gervásio et Protásio, cæléstis remédii fáciat esse consórtes. Per Dóminum.

Eodem die 19 iunii

**SS. GERVASII ET PROTASII
MARTYRUM**

Commemoratio**Antiphona ad Introitum**

Ps. 84, 9

Loquétur Dóminus pacem in plebem suam: et super sanctos suos, et in eos, qui convertúntur ad ipsum. **Ps. ibid., 2** Benedixísti, Dómine, terram tuam, avertísti captivitátem Iacob. **V.** Glória Patri.

Oratio

Deus, qui nos ánnua sanctórum Mártyrum tuórum Gervásii et Protásii solemnitáte lætíficas: concéde propítius; ut, quorum gaudémus méritis, accendámur exémpis. Per Dóminum.

Lectio Epístolæ beáti Petri Apóstoli.

I Petri 4, 13-19

Caríssimi: Communicántes Christi passióibus gaudéte, ut et in revelatióne glóriæ eius gaudeátis exsultántes. Si exprobrámini in nómine Christi, beáti éritis: quóniam quod est honóris, glóriæ, et virtútis Dei, et qui est eius Spíritus, super vos requiéscit. Nemo autem vestrum patiátur ut homicída, aut fur, aut malédicus, aut alienórum

appetitor. Si autem ut christiānus, non erubescat: glorificet autem Deum in isto nōmine. Quōniam tempus est, ut incipiat iudicium a domo Dei. Si autem primum a nobis: quis finis eōrum, qui non credunt Dei Evangēlio? Et si iustus vix salvabitur, impius et peccator ubi parēbunt? Itaque et hi, qui patiūntur secūndum voluntātem Dei, fidēli Creatōri commēdent ānimas suas in benefāctis.

Graduale Exodi 15, 11 Gloriosus Deus in sanctis suis: mirābilis in maiestāte, faciēns prodigia. **¶. Ibid., 6** Dēxtera tua, Dōmine, glorificāta est in virtūte: dēxtera manus tua confrēgit inimicos.

Allelūia, allelūia. **¶.** Hēc est vera fraternitas, quæ vicit mundi crimina: Christum secūta est, inclita tenens regna cælēstia. Allelūia.

✠ Sequēntia sancti Evangēlii secūndum Lucam.

Luc. 6, 17-23

In illo tēpore: Descēdens Iesus de monte, stetit in loco campēstri, et turba discipulōrum eius, et multitūdo copiōsa plebis ab omni Iudæa, et Ierūsalem, et maritima, et Tyri, et Sidōnis, qui vēnerant ut audirent eum, et sanarēntur a languōribus suis. Et qui vexabāntur a spirītibus immūndis, curabāntur. Et omnis turbæ quærēbat eum tangerē: quia virtus de illo exibat, et sanābat omnes. Et ipse elevātis oculis in discipulos suos, dicēbat: Beāti pāuperes: quia vestrum est regnum Dei. Beāti, qui nunc esurītis: quia saturabimini. Beāti, qui nunc fletis: quia ridēbitis. Beāti ēritis cum vos oderint hōmines, et cum separāverint vos, et exprobrāverint, et eiēcerint nomen vestrum tamquam malum propter Filium hōminis. Gaudēte in illa die, et exsultāte: ecce enim, merces vestra multa est in cælo.

Antiphona ad Offertorium Ps. 31, 11 Lætāmini in Dōmino, et exsultāte, iusti: et gloriāmini, omnes recti corde.

Secreta

Oblātis, quæsumus, Dōmine, placāre munēribus: et, intercedētibz sanctis Martýribz tuis, a cunctis nos defēde periculis. Per Dōminum.

Antiphona ad Communionem Ps. 78, 2 et 11 Posuerunt mortālia servōrum tuōrum, Dōmine, escas volatilibz cæli, carnes sanctōrum tuōrum bēstiis terræ: secūndum magnitudinem brācchii tui pōsside filios morte punitōrum.

Postcommunio

Hēc nos commūnio, Dōmine, purget a crimine: et, intercedētibz sanctis Martýribz tuis Gervāsio et Protāsio, cælēstis remēdii faciāt esse consōrtes. Per Dōminum.

Die 20 iunii

S. SILVERII PAPÆ ET MART.

Commemoratio

Missa Si diligis me, de **Communi unius aut plurium Summorum Pontificum (I).**

Oratio

C I

Gregem tuum, Pastor ætérne, placātus intēde: et per beātum Silvérium Mártyrem tuum atque Summum Pontíficem, perpétua protectióne custódi; quem totíus Ecclēsiæ præstitisti esse pastorem. Per Dōminum.

Secreta

C I

Oblātis munēribz, quæsumus, Dōmine, Ecclēsiā tuā benignus illūmina: ut, et gregis tui proficiat ubique succēssus, et grati fiant nōmini tuo, te gubernānte, pastōres. Per Dōminum.

Postcommunio C I

Refectiōne sancta enutrītā guberna, quāsumus, Dōmine, tuam placātus Ecclēsiā: ut potēti moderatiōne dirēcta, et incrementa libertātis accīpiat; et in religiōnis integritate persīstat. Per Dōminum.

Die 21 iunii

S. ALOISII GONZAGÆ CONF.

III classis**Antiphona ad Introitum**

Ps. 8, 6

Minuisti eum paulo minus ab Angelis: glōria et honore coronasti eum. **Ps. 148, 2** Laudate Dōminum, omnes Angeli eius: laudate eum, omnes virtutes eius. **℣.** Glōria Patri.

Oratio

Caelēstium donōrum distributor, Deus, qui in angēlico iūvene Aloisio miram vitæ innocentiam pari cum pænitiētia sociasti: eius mēritis et prēcibus concēde; ut, innocentem non secūti, pænitentem imitemur. Per Dōminum.

Lectio libri Sapiētiæ.**Eccli. 31, 8-11**

Beātus vir, qui invēntus est sine macula: et qui post aurum non abiit, nec sperāvit in pecūnia et thesauris. Quis est hic, et laudābimus eum? fecit enim mirabilia in vita sua. Qui probātus est in illo, et perfectus est, erit illi glōria æterna: qui pōtuit transgredi, et non est transgressus: facere mala, et non fecit: ideo stabilita sunt bona illius in Dōmino.

Graduale Ps. 70, 5-6 Dōmine, spes mea a iuventute mea: in te confirmātus sum ex utero: de ventre matris meæ tu es protector meus. **℣. Ps. 40, 13** Me autem propter innocentiam suscepisti, et confirmasti me in conspectu tuo in æternum.

Allelūia, allelūia. **℣. Ps. 64, 5** Beātus quem elegisti, et assumpsisti: inhabitabit in atriis tuis. Allelūia.

¶ In Missis votivis tempore paschali omittitur graduale, et eius loco dicitur:

Allelūia, allelūia. **℣. Ps. 64, 5** Beātus quem elegisti, et assumpsisti: inhabitabit in atriis tuis. Allelūia. **℣. Ps. 70, 18** Deus, docuisti me a iuventute mea: et usque nunc pronuntiābo mirabilia tua. Allelūia.

✠ Sequētia sancti Evangēlii secundum Matthæum.

Matth. 22, 29-40

In illo tempore: Respondens Iesus, ait sadducæis: Erratis, nescientes Scriptūras, neque virtutem Dei. In resurrectione enim neque nubent, neque nubentur: sed erunt sicut Angeli Dei in cælo. De resurrectione autem mortuorum non legistis quod dictum est a Deo, dicente vobis: Ego sum Deus Abraham, et Deus Isaac, et Deus Iacob? Non est Deus mortuorum, sed viventium. Et audientes turbæ, mirabantur in doctrina eius. Pharisei autem audientes quod silentium imposuisset sadducæis, convenērunt in unum: et interrogāvit eum unus ex eis legis doctor, tentans eum: Magister, quod est mandatum magnum in lege? Ait illi Iesus: Dīliges Dōminum Deum tuum ex toto corde tuo, et in tota anima tua, et in tota mente tua. Hoc est maximum, et primum mandatum. Secundum autem simile est huic: Dīliges proximum tuum, sicut teipsum. In his duobus mandatis universa lex pendet, et prophætæ.

Antiphona ad Offertorium Ps. 23, 3-4 Quis ascēdet in montem Dōmini, aut quis stabit in loco sancto eius? Innocens manibus, et mundo corde.

Secreta

Cælésti convívio fac nos, Dómine, nuptiáli veste indútos accúmbere: quam beáti Aloísii pia præparátio, et iuges lácrimæ in-æstimábilibus ornábant margarítis. Per Dóminum.

Antiphona ad Communionem
Ps. 77, 24-25 Panem cæli dedit eis: panem Angelórum manducávit homo.

Postcommunio

Angelórum esca nutritos, angélicis étiam, Dómine, da móribus vívere: et eius, quem hódie cólimus, exémplo, in gratiárum semper actióne manére. Per Dóminum.

Die 22 iunii

S. PAULINI EP. ET CONF.

III classis**Antiphona ad Introitum**

Ps. 131, 9-10

Sacerdótes tui, Dómine, induant iustítiam, et sancti tui exsúltent: propter David servum tuum, non avértas fáciem Christi tui. **Ps. ibid., 1** Meménto, Dómine, David: et omnis mansuetúdinis eius. **V.** Glória Patri.

Oratio

Deus, qui ómnia pro te in hoc sáculo relinquéntibus, cén-
tuplum in futúro et vitam ætérnam promísisti: concéde propítius; ut, sancti Pontíficis Paulíni vestígiis inhæréntes, valeámus terréna despícere, et sola cæléstia desideráre. Qui vivis.

Léctio Epístolæ beáti Pauli Apóstoli ad Corínthios.

2 Cor. 8, 9-15

Fratres: Scitis grátiam Dómini nostri Iesu Christi, quóniam propter vos egénus factus est, cum

esset dives, ut illius inópia vos dívites essétis. Et consílium in hoc do: hoc enim vobis útile est, qui non solum fácere, sed et velle cœpístis ab anno prióre: nunc vero et facto perfícite: ut quemádmódum promptus est ánimus voluntátis, ita sit et perficiéndi ex eo quod habétis. Si enim volúntas prompta est, secúndum id quod habet, accépta est, non secúndum id quod non habet. Non enim ut áliis sit remíssio, vobis autem tribulátio, sed ex æqualitáte. In præsénti témpore vestra abundántia illórum inópiam súppleat: ut et illórum abundántia vestræ inópiæ sit suppléméntum, ut fiat æquálitas, sicut scriptum est: Qui multum, non abundávit: et qui módicum, non minorávit.

Graduale Eccli. 44, 16 Ecce sacerdos magnus, qui in diébus suis plá-
cuit Deo. **V. Ibid., 20** Non est invén-
tus símilis illi, qui conserváret le-
gem Excélsi.

Allelúia, allelúia. **V. Ps. 109, 4**
 Tu es sacerdos in ætérnum, secún-
dum órđinem Melchisedech. Alle-
lúia.

✠ Sequéntia sancti Evangélíi se-
cúndum Lucam.

Luc. 12, 32-34

In illo témpore: Dixit Iesus discí-
pulis suis: Nolite timére, pusíl-
lus grex, quia complácuit Patri
vestro dare vobis regnum. Véndite
quæ possidéti, et date eleemósy-
nam. Fácite vobis sácculos, qui non
veteráscunt, thesáurum non defi-
ciéntem in cælis: quo fur non ap-
própiat, neque tínea corrúmpit. Ubi
enim thesáurus vester est, ibi et cor
vestrum erit.

Antiphona ad Offertorium Ps. 88,
21-22 Invéni David servum meum,
 óleo sancto meo unxi eum: manus
 enim mea auxiliábitur ei, et brác-
 chium meum confortábit eum.

Secreta

Da nobis, Dómine, perféctæ caritátis sacrificium, exemplo sancti Pontíficis Paulíni, cum altáris oblatióne coniungere: et beneficéntiæ stúdio sempitérnam misericórdiam promeréri. Per Dóminum.

Antiphona ad Communionem

Luc. 12, 42 Fidélis servus et prudens, quem constituit Dóminus super fa-

míliam suam: ut det illis in tēpore trítici mensúram.

Postcommunio

Tribue nobis per hæc sancta, Dómine, illum pietátis et humilitátis afféctum, quem ex hoc divíno fonte hausit sanctus Póntifex tuus Paulínus: et, ipsíus intercessióne, in omnes, qui te deprecántur, grátia tuæ divítias benígnus effúnde. Per Dóminum.

Die 23 iunii

IN VIGILIA NATIVITATIS S. IOANNIS BAPTISTÆ

II classis

Antiphona ad Introitum

Luc. 1, 13, 15 et 14

Ne tíneas, Zacharía, exaudíta est orátio tua: et Elísabeth uxor tua páriet tibi filium, et vocábis nomen eius Ioánnem: et erit magnus coram Dómino: et Spíritu Sancto replébitur adhuc ex útero matris suæ: et multi in nativitate eius gaudébunt. **Ps. 20, 2** Dómine, in virtúte tua lætábitur rex: et super salutáre tuum exsultábit veheménter. **V.** Glória Patri.

Non dicitur Glória in excélsis.

Oratio

Præsta, quæsumus, omnípotens Deus: ut família tua per viam salutis incédât; et, beáti Ioánnis Præcursóris hortaménta sectándo, ad eum quem prædíxit, secúra pervéniat, Dóminum nostrum Iesum Christum Fílium tuum: Qui tecum vivit.

Léctio Ieremíæ Prophétæ.

Ierem. 1, 4-10

In diébus illis: Factum est verbum Dómini ad me, dicens: Priúsquam te formárem in útero, novi te: et ántequam exíres de vulva, sanctificávi te, et prophétam in gén-

tibus dedi te. Et dixi: A a a, Dómine Deus: ecce, nescio loqui, quia puer ego sum. Et dixit Dóminus ad me: Noli dícere: Puer sum: quóniam ad ómnia, quæ mittam te, ibis: et univérsa, quæcúmque mandávero tibi, loquéris. Ne tíneas a fácie eórum: quia tecum ego sum, ut éruam te, dicit Dóminus. Et misit Dóminus manum suam, et tétigit os meum: et dixit Dóminus ad me: Ecce, dedi verba mea in ore tuo: ecce, constitui te hódie super gentes, et super regna, ut evéllas et déstruas, et dispérdas, et dissipes, et ædífices, et plantes: dicit Dóminus omnípotens.

Graduale Ioann. 1, 6-7 Fuit homo missus a Deo, cui nomen erat Ioánnes. **V.** Hic venit ut testimónium perhibéret de lúmine, paráre Dómino plebem perféctam.

✠ Inítium sancti Evangélíi secúndum Lucam.

Luc. 1, 5-17

Fuit in diébus Heródis regis Iudææ, sacerdos quidam nómine Zacharías, de vice Abía, et uxor illíus de filiábus Aaron, et nomen eius Elísabeth. Erant autem iusti ambo ante Deum, incedéntes in

ómnibus mandátis et iustificatió-nibus Dómini sine queréla, et non erat illis filius, eo quod esset Elísabeth stérilis, et ambo processissent in diébus suis. Factum est autem, cum sacerdótio fungerétur in ór-dine vicis suæ ante Deum, secúndum consuetúdinem sacerdótii, sorte éxiit ut incénsum póneret, in-gréssus in templum Dómini: et omnis multitúdo pópuli erat orans foris hora incénsi. Appáruit autem illi Angelus Dómini, stans a dextris altáris incénsi. Et Zachariás turbátus est videns, et timor irrui-t super eum. Ait autem ad illum Angelus: Ne tíneas, Zacharía, quóniam exaudíta est deprecátio tua: et uxor tua Elísabeth páriet tibi filium, et vocábis nomen eius Ioán-nem, et erit gáudium tibi, et exsul-tátio, et multi in nativitáte eius gaudébunt: erit enim magnus co-ram Dómino: et vinum, et síceram non bibet, et Spíritu Sancto replé-bitur adhuc ex útero matris suæ: et multos filiór-um Israél convértet ad Dóminum Deum ipsórum: et ipse præcédet ante illum in spíritu,

et virtúte Eliæ: ut convértat corda patrum in filios, et incrédulos ad prudéntiam iustórum, paráre Dó-mino plebem perféctam.

Antiphona ad Offertorium Ps. 8, 6-7 Glória et honóre coronásti eum: et constituísti eum super ópera mánuum tuárum, Dómine.

Secreta

Múnera, Dómine, obláta sanctí-fica: et, intercedénte beáto Ioá-nne Baptísta, nos per hæc a peccatórum nostrórum máculis emúnda. Per Dóminum.

Antiphona ad Communionem Ps. 20, 6 Magna est glória eius in salutári tuo: glóriam et magnum decórem impónes super eum, Dómine.

Postcommunio

Beáti Ioánnis Baptístæ nos, Dómine, præclára comitétur orátio: et quem ventúrum esse prædí-xit, poscat nobis fore placátum, Dóminum nostrum Iesum Chri-stum Fílium tuum: Qui tecum vivit.

Die 24 iunii

IN NATIVITATE S. IOANNIS BAPTISTÆ

I classis

Antiphona ad Introitum

Isai. 49, 1 et 2

De ventre matris meæ vocávit me Dóminus nómine meo: et pósuit os meum ut gládium acútum: sub teguménto ma-nus suæ protéxit me, et pósuit me quasi sagíttam eléctam. **Ps. 91, 2** Bonum est confitéri Dómino: et psállere nómini tuo, Altíssime. **V.** Glória Patri.

Oratio

Deus, qui præsentem diem ho-norábilem nobis in beáti Ioán-nis nativitáte fecísti: da pópulis

tuis spirituálium grátiam gaudió-rum; et ómnium fidélium mentes dirige in viam salutis æternæ. Per Dóminum.

Léctio Isaíæ Prophétæ.

Isai. 49, 1-3, 5, 6 et 7

Audíte, ínsulæ, et atténdite, pó-puli de longe: Dóminus ab útero vocávit me, de ventre matris meæ recordátus est nóminis mei. Et pósuit os meum quasi gládium acútum: in umbra manus suæ pro-téxit me, et pósuit me sicut sa-gíttam eléctam: in pháretra sua abscondit me. Et dixit mihi: Ser-

vus meus es tu, Israël, quia in te gloriabor. Et nunc dicit Dóminus, formans me ex útero servum sibi: Ecce, dedi te in lucem géntium, ut sis salus mea usque ad extrémum terræ. Reges vidébunt, et consúrgent príncipes, et adorábunt propter Dóminum, et sanctum Israël, qui elégit te.

Graduale Ierem. 1, 5 et 9 Priúsqvam te formárem in útero, novi te: et ántequam exíres de ventre, sanctificávi te. **V.** Misit Dóminus manum suam, et tétigit os meum, et dixit mihi.

Allelúia, allelúia. **V. Luc. 1, 76** Tu, puer, prophéta Altíssimi vocáberis: præíbis ante Dóminum paráre vias eius. Allelúia.

✠ Sequéntia sancti Evangélíi secúndum Lucam.

Luc. 1, 57-68

Elísabeth implétum est tempus pariéndi, et péperit filium. Et audiérunt vicíni et cognáti eius, quia magnificávit Dóminus misericórdiam suam cum illa, et congratulabántur ei. Et factum est in die octávo, venérunt circumcídere púerum, et vocábant eum nómine patris sui Zachariám. Et respóndens mater eius, dixit: Nequáquam, sed vocábitur Ioánnes. Et dixerunt ad illam: Quia nemo est in cognatióne tua, qui vocétur hoc nómine. Innuébant autem patri eius, quem vellet vocári eum. Et póstulans pugillárem, scripsit, dicens: Ioánnes est nomen eius. Et miráti sunt univérsi. Apértum est autem illico os eius, et lingua eius, et loquebátur benedícens Deum. Et factus est timor super omnes vicínos eórum: et super ómnia montána Iudææ divulgabántur ómnia verba hæc: et posuérunť omnes, qui audierant in corde suo, dicéntes: Quis, putas, puer iste erit? Etenim manus Dómini erat cum illo. Et Zachariás

pater eius replétus est Spíritu Sancto, et prophetávit, dicens: Benedictus Dóminus Deus Israël, quia visitávit, et fecit redemptiónem plebis suæ.

Credo.

Antiphona ad Offertorium Ps. 91, 13 Iustus ut palma florébit: sicut cedrus, quæ in Líbano est, multiplicábitur.

Secreta

Tua, Dómine, munéribus altária cumulámus: illíus nativitátem honóre débito celebrántes, qui Salvatórem mundi et cécinit adfutúrum, et adesse monstrávit, Dóminum nostrum Iesum Christum Fílium tuum: Qui tecum vivit.

Antiphona ad Communionem Luc. 1, 76 Tu, puer, prophéta Altíssimi vocáberis: præíbis enim ante faciém Dómini paráre vias eius.

Postcommunio

Sumat Ecclésia tua, Deus, beáti Ioánnis Baptistæ generatióne lætítiam: per quem suæ regeneratiónis cognóvit auctórem, Dóminum nostrum Iesum Christum Fílium tuum: Qui tecum vivit.

¶ **In Missis votivis omnia dicuntur ut supra, cum orationibus tamen de vigilia; et post Septuagesimam, omissis Allelúia, et versu sequenti, dicitur tractus Desidérium, ex Missa Státuit, de Comuni unius Martyris 1 loco (4).**

Tempore autem paschali omititur graduale, et eius loco dicitur:

Allelúia, allelúia. **V. Luc. 1, 76** Tu, puer, prophéta Altíssimi vocáberis: præíbis ante Dóminum paráre vias eius. Allelúia. **V. Osee 14, 6** Iustus germinábit sicut lílium, et florébit in ætérnum ante Dóminum. Allelúia.

Die 25 iunii

S. GULIELMI ABBATIS

III classis

Missa Os iusti, de **Communi Abbatum** (23), cum orationibus ut infra:

Oratio

P

Deus, qui infirmitati nostræ ad terendam salutis viam in Sanctis tuis exemplum et præsidium collocasti: da nobis, ita beati Gulielmi Abbatis merita venerari; ut eiusdem excipiamus suffragia, et vestigia prosequamur. Per Dóminum.

Secreta

C

Sacris altaribus, Dómine, hostias superpositas sanctus Gulielmus Abbas, quæsumus, in salutem nobis provenire deposcat. Per Dóminum.

Postcommunio

C

Próteget nos, Dómine, cum tui perceptione sacramenti beatus Gulielmus Abbas, pro nobis intercedendo: ut et conversationis eius experiámur insígnia, et intercessionis percipiámus suffragia. Per Dóminum.

Die 26 iunii

SS. IOANNIS ET PAULI
MARTYRUM

III classis

Antiphona ad Introitum

Ps. 33, 20-21

Multæ tribulationes iustorum, et de his omnibus liberávit eos Dóminus: Dóminus custódit ómnia ossa eórum: unum ex his non conterétur. **Ps. ibid., 2** Benedícam Dóminum in omni témpore: semper laus eius in ore meo. **V.** Glória Patri.

Oratio

Quæsumus, omnipotens Deus: ut nos geminata lætítia ho-

diárnæ festivitátis excípiat, quæ de beatórum Ioánnis et Pauli glorificatióne procedit; quos éadem fides et pássio vere fecit esse germános. Per Dóminum.

Léctio libri Sapiéntiæ.

Eccli. 44, 10-15

Hí viri misericórdiæ sunt, quorum pietates non defuérunt: cum sémine eórum pérmanent bona, heréditas sancta nepótes eórum, et in testaméntis stetit semen eórum: et filii eórum propter illos usque in ætérnum manent: semen eórum, et glória eórum non derelinquétur. Córpora ipsórum in pace sepúlta sunt, et nomen eórum vivit in generatióem et generatióem. Sapiéntiam ipsórum narrent pópuli, et laudem eórum nuntiet Ecclésia.

Graduale Ps. 132, 1-2 Ecce quam bonum, et quam iucúndum, habitáre fratres in unum. **V.** Sicut unguéntum in cápite, quod descendit in barbam, barbam Aaron.

Allelúia, allelúia. **V.** Hæc est vera fraternitas, quæ vicit mundi crimina: Christum secúta est, ínclita tenens regna cæléstia. Allelúia.

✠ Sequéntia sancti Evangélíi secúndum Lucam.

Luc. 12, 1-8

In illo témpore: Dixit Iesus discipulis suis: Atténdite a fermento pharisæórum, quod est hypócrisis. Nihil autem opértum est, quod non revelétur: neque absconditum, quod non sciátur. Quóniam, quæ in ténebris dixístis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne teréamini ab his, qui occídunt corpus, et post hæc non habent ámplius quid fácient. Osténdam autem vobis quem timeátis: timéte eum, qui postquam occíderit, habet potestátem mittere in gehénnam. Ita

dico vobis: hunc timéte. Nonne quinque pásseres véneunt dipóndio, et unus ex illis non est in obliuione coram Deo? Sed et capilli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis quicúmque conféssus fúerit me coram homínibus, et Fílius hominis confitébitur illum coram Angelis Dei.

Antiphona ad Offertorium Ps. 5, 12-13 Gloriabúntur in te omnes, qui díligunt nomen tuum, quóniam tu, Dómine, benedíces iusto: Dómine, ut scuto bonæ voluntátis tuæ coronásti nos.

Secreta

Hóstias tibi, Dómine, sanctórum Mártýrum tuórum Ioánnis et

Pauli dicátas méritis, benígnus assúme: et ad perpétuum nobis tribue proveníre subsídium. Per Dóminum.

Antiphona ad Communionem Sap. 3, 4, 5 et 6 Et si coram homínibus torménta passi sunt, Deus tentávit eos: tamquam aurum in fornáce probávit eos, et quasi holocáusta accépit eos.

Postcommunio

Súmpsimus, Dómine, sanctórum Mártýrum tuórum Ioánnis et Pauli solémnia celebrántes, sacraménta cæléstia: præsta, quæsumus; ut, quod temporáliter gérimus, ætérnis gáudiis consequámur. Per Dóminum.

Die 28 iunii

IN VIGILIA SS. PETRI ET PAULI APP.

II classis

Antiphona ad Introitum

Ioann. 21, 18-19

Dicit Dóminus Petro: Cum esses iúnior, cingébas te, et ambulábas ubi volébas: cum autem senúeris, exténdes manus tuas, et álius te cinget, et ducet quo tu non vis: hoc autem dixit, significans qua morte clarificatúrus esset Deum. **Ps. 18, 1** Cæli enárrant glóriam Dei: et ópera mánuum eius annúntiat firmaméntum. **Ÿ.** Glória Patri.

Non dicitur Glória in excélsis.

Oratio

Præsta, quæsumus, omnípotens Deus: ut nullis nos permíttas perturbatió nibus cóncuti: quos in apostólicæ confessi ónis petra solidásti. Per Dóminum.

Léctio Actuum Apostolórum

Act. 3, 1-10

In diébus illis: Petrus et Ioánnes ascendébant in templum ad ho-

ram orati ónis nonam. Et quidam vir, qui erat claudus ex útero matris suæ, baiulabátur: quem ponébant quotidie ad portam templi quæ díci-tur Speci ósa, ut péteret eleemósynam ab introëúntibus in templum. Is cum vidísset Petrum et Ioánnem incipiéntes introíre in templum, rogábat, ut eleemósynam accíperet. Intuens autem in eum Petrus cum Ioánnem, dixit: Réspice in nos. At ille intendébat in eos, sperans se áliquid acceptúrum ab eis. Petrus autem dixit: Argéntum et aurum non est mihi: quod autem hábeo, hoc tibi do: In nómine Iesu Christi Nazaréni surge, et ámbula. Et apprehénsa manu eius délixtera, allevávit eum, et prótinus consolidátæ sunt bases eius, et plantæ. Et exsíliens stetit, et ambulábat: et intrávit cum illis in templum, ámbulans, et exsíliens, et laudans Deum. Et vidit omnis pópulus eum ambulántem, et laudántem Deum. Cognoscébant autem illum

quod ipse erat, qui ad eleemósynam sedébat ad Speciósam portam templi: et impléti sunt stupóre et éxstasi in eo, quod contígerat illi.

Graduale Ps. 18, 5 et 2 In omnem terram exívit sonus eórum: et in fines orbis terræ verba eórum. **℣.** Cæli enarrant glóriam Dei: et ópera mánuum eius annúntiat firmaméntum.

✠ Sequéntia sancti Evangélíi secúndum Ioánnem.

Ioann. 21, 15-19

In illo témpore: Dixit Iesus Simóni Petro: Simon Ioánnis, díligis me plus his? Dicit ei: Etiam, Dómine, tu scis quia amo te. Dicit ei: Pasce agnos meos. Dicit ei íterum: Simon Ioánnis, díligis me? Ait illi: Etiam, Dómine, tu scis quia amo te. Dicit ei: Pasce agnos meos. Dicit ei tértio: Simon Ioánnis, amas me? Contristátus est Petrus, quia dixit ei tértio, Amas me? et dixit ei: Dómine, tu ómnia nosti: tu scis quia amo te. Dixit ei: Pasce oves meas. Amen, amen dico tibi: cum esses iúnior,

cingébas te, et ambulábas ubi volébas: cum autem senúeris, exténder manus tuas, et álius te cinget, et ducet quo tu non vis. Hoc autem dixit, significans qua morte clarificatúrus esset Deum.

Antiphona ad Offertorium Ps. 138, 17 Mihi autem nimis honoráti sunt amíci tui, Deus: nimis confortátus est principátus eórum.

Secreta

Munus pópuli tui, quásumus, Dómine, apostólica intercessióne sanctífica: nosque a peccatórum nostrórum máculis emúnda. Per Dóminum.

Præfatio communis.

Antiphona ad Communionem Ioann. 21, 15 et 17 Simon Ioánnis, díligis me plus his? Dómine, tu ómnia nosti: tu scis, Dómine, quia amo te.

Postcommunio

Quos cælésti, Dómine, alimento satiásti: apostólicis intercessiónibus ab omni adversitaté custódi. Per Dóminum.

Die 29 iunii

SS. PETRI ET PAULI APOSTOLORUM

I classis

Antiphona ad Introitum

Act. 12, 11

Nunc scio vere, quia misit Dóminus Angelum suum: et erípuit me de manu Heródís, et de omni exspectatióne plebis Iudæórum. **Ps. 138, 1-2** Dómine, probásti me, et cognovísti me: tu cognovísti sessiónem meam, et resurrectiónem meam. **℣.** Glória Patri.

Oratio

Deus, qui hodiérnam diem Apostolorum tuórum Petri et Pauli martýrio consecrásti: da Ec-

clésiæ tuæ, eórum in ómnibus sequi præcéptum; per quos religiónis sumpsit exórdium. Per Dóminum.

Léctio Actuum Apostolorum.

Act. 12, 1-11

In diébus illis: Misit Heródes rex manus, ut afflígeret quosdam de ecclésia. Occídit autem Iacóbum fratrem Ioánnis gládio. Videns autem quia placéret Iudæis, appósuit ut apprehénderet et Petrum. Erant autem dies Azymórum. Quem cum apprehendísset, misit in cárcerem, tradens quátuor quaterniónibus mí-

litum custodiendum, volens post Pascha producere eum populo. Et Petrus quidem servabatur in carcere. Oratio autem fiebat sine intermissione ab ecclesia ad Deum pro eo. Cum autem producturus eum esset Herodes, in ipsa nocte erat Petrus dormiens inter duos milites, vinctus catenis duabus: et custodes ante ostium custodiebant carcerem. Et ecce, Angelus Domini astitit: et lumen refulsit in habitaculo: percussitque latere Petri, excitavit eum, dicens: Surge velociter. Et ceciderunt catenae de manibus eius. Dixit autem Angelus ad eum: Praecingere, et calcea te caligas tuas. Et fecit sic. Et dixit illi: Circumdanda tibi vestimentum tuum, et sequere me. Et exiens sequebatur eum, et nesciebat quia verum est, quod fiebat per Angelum: existimabat autem se visum videre. Transeuntes autem primam et secundam custodiam, venerunt ad portam ferream, quae ducit ad civitatem: quae ultro aperta est eis. Et exeuntes processerunt vicum unum: et continuo discessit Angelus ab eo. Et Petrus ad se reversus, dixit: Nunc scio vere, quia misit Dominus Angelum suum, et eripuit me de manu Herodis, et de omni expectatione plebis Iudaeorum.

Graduale Ps. 44, 17-18 Constitues eos principes super omnem terram: memores erunt nominis tui, Domine. **V.** Pro patribus tuis nati sunt tibi filii: propterea populi confitebuntur tibi.

Allelúia, allelúia. **V. Matth. 16, 18** Tu es Petrus, et super hanc petram aedificabo Ecclesiam meam. Allelúia.

✠ Sequéntia sancti Evangélíi secúndum Mattháum.

Matth. 16, 13-19

In illo tempore: Venit Iesus in partes Caesarae Philippi, et inter-

rogabat discipulos suos, dicens: Quem dicunt homines esse Filium hominis? At illi dixerunt: Alii Ioannem Baptistam, alii autem Eliam, alii vero Ieremiam, aut unum ex prophetis. Dicit illis Iesus: Vos autem quem me esse dicitis? Respondens Simon Petrus, dixit: Tu es Christus, Filius Dei vivi. Respondens autem Iesus, dixit ei: Beatus es, Simon Bar Iona: quia caro et sanguis non revelavit tibi, sed Pater meus, qui in caelis est. Et ego dico tibi, quia tu es Petrus, et super hanc petram aedificabo Ecclesiam meam, et portae inferi non praevalébunt adversus eam. Et tibi dabo claves regni caelorum. Et quodcúmque ligáveris super terram, erit ligátum et in caelis: et quodcúmque sólveris super terram, erit solútum et in caelis.

Credo.

Antiphona ad Offertorium Ps. 44, 17-18 Constitues eos principes super omnem terram: memores erunt nominis tui, Domine, in omni progénie et generatióne.

Secreta

Hóstias, Domine, quas nómini tuo sacrándas offerimus, apostólica prosequátur oratio: per quam nos expiári tríbuas, et defendi. Per Dóminum.

Praefatio de Apostolis.

Antiphona ad Communionem Matth. 16, 18 Tu es Petrus, et super hanc petram aedificabo Ecclesiam meam.

Postcommunio

Quos caelésti, Domine, alimento satiásti: apostólicis intercessionibus ab omni adversitate custódi. Per Dóminum.

¶ **Pro votiva Ss. Petri et Pauli sumitur Missa** Mihi autem, quae habetur inter votivas (45). **Tempore autem paschali dicitur Missa** Protexísti, **ut ibidem notatur** (46).

MISSA VOTIVA DE S. PETRO APOSTOLO

seorsim dicenda a S. Paulo Ap.

Extra tempus paschale:

Antiphona ad Introitum

Ps. 138, 17

Mihi autem nimis honorati sunt amici tui, Deus: nimis confortatus est principatus eorum. **Ps. ibid., 1-2** Domine, probasti me, et cognovisti me: tu cognovisti sessionem meam, et resurrectionem meam. **V.** Glória Patri.

Tempore paschali:

Antiphona ad Introitum

Ps. 63, 3

Protextisti me, Deus, a conventu malignantium, allelúia: a multitúdine operantium iniquitatem, allelúia, allelúia. **Ps. ibid., 2** Exaudi, Deus, orationem meam cum deprecor: a timore inimici eripe animam meam. **V.** Glória Patri.

Oratio

Præsta, quæsumus, omnipotens Deus: ut nullis nos permittas perturbatiõibus concuti; quos in apostolicæ confessiõis petra solidasti.

Et fit commemoratio S. Pauli Ap. sub unica conclusione:

Oratio

Deus, qui multitúdinem gentium beati Pauli Apóstoli prædicatione docuisti: da nobis, quæsumus; ut, cuius commemoratiõnem colimus, eius apud te patrocinia sentiámus. Per Dóminum.

Epistola et graduale, ut supra in festo Ss. Petri et Pauli 528.

Post Septuagesimam, omissis Allelúia, et versu sequenti, dicitur

Tractus Matth. 16, 18-19 Tu es Petrus, et super hanc petram ædificábo Ecclésiám meam. **V.** Et portæ

infernæ non prævalébunt adversus eam: et tibi dabo claves regni cælórum. **V.** Quodcúmque ligáveris super terram, erit ligátum et in cælis. **V.** Et quodcúmque sólveris super terram, erit solútum et in cælis.

Tempore autem paschali, omititur graduale, et eius loco dicitur:

Allelúia, allelúia. **V.** Ps. 106, 8 Confiteántur Dómino misericórdiæ eius, et mirabilia eius filiis hóminum. Allelúia. **V.** Matth. 16, 18 Tu es Petrus, et super hanc petram ædificábo Ecclésiám meam. Allelúia.

Evangelium, ut supra in festo Ss. Petri et Pauli 529.

Antiphona ad Offertorium Ps. 44, 17-18 Constitues eos principes super omnem terram: memores erunt nóminis tui, Domine, in omni progénie et generatiõne. (T. P. Allelúia.)

Secreta

Munus pópuli tui, quæsumus, Domine, apostólica intercessiõne sanctifica: nosque a peccatórum nostrórum máculis emúnda.

Et fit commemoratio S. Pauli Ap. sub unica conclusione:

Secreta

Apóstoli tui Pauli précibus, Domine, plebis tuæ dona sanctifica: ut, quæ tibi tuo grata sunt institúto, gratióra fiant patrocinio supplicántis. Per Dóminum.

Præfatio de Apostolis.

Antiphona ad Communionem Matth. 16, 18 Tu es Petrus, et super hanc petram ædificábo Ecclésiám meam. (T. P. Allelúia.)

Postcommunio

Quos cælesti, Domine, alimento satiásti: apostólicis intercessiõnibus ab omni adversitate custódi.

**Et fit commemoratio S. Pauli Ap.
sub unica conclusione:**

Postcommunio

Perceptis, Dómine, sacraméntis: beáto Paulo Apóstolo tuo interueniente, deprecámur; ut, quæ pro illius celebráta sunt glória, nobis proficiant ad medélam. Per Dóminum.

¶ **Item pro votiva de S. Paulo sumitur Missa ut in sequenti die, cum commemoratione S. Petri, sub unica conclusione.**

Die 30 iunii

**IN COMMEMORATIONE
S. PAULI APOSTOLI**

III classis

Antiphona ad Introitum

2 Tim. 1, 12

Scio cui crédidi, et certus sum, quia potens est depósitum meum serváre in illum diem, iustus iudex. **Ps. 138, 1-2** Dómine, probásti me, et cognovísti me: tu cognovísti sessiónem meam, et resurrectiónem meam. **℣.** Glória Patri.

Oratio

Deus, qui multitudínem génitium beáti Pauli Apóstoli prædicatióne docuísti: da nobis, quæsumus; ut, cuius natalícia cólimus, eius apud te patrocínia sentiámus.

**Et fit commemoratio S. Petri Ap.
sub unica conclusione:**

Oratio

Deus, qui beáto Petro Apóstolo tuo, collátis clávibus regni cæléstis, ligándi atque solvéndi pontificium tradidísti: concéde; ut, intercessiónis eius auxílio, a peccatórum nostrórum nexibus liberémur. Qui vivis.

Léctio Epístolæ beáti Pauli Apóstoli ad Gálatas. **Gal. 1, 11-20**

Fratres: Notum vobis fácio Evangelium, quod evangelizátum est

a me, quia non est secúndum hóminem: neque enim ego ab hómine accépi illud, neque dídici, sed per revelatióem Iesu Christi. Audístis enim conversatióem meam aliquándo in Iudaísmo: quóniam supra modum persequébar Ecclésiám Dei, et expugnábam illam, et proficiébam in Iudaísmo supra multos coætáneos meos in género meo, abundántius æmulátor exsistens paternárum meárum traditiónum. Cum autem plácuít ei, qui me segregávit ex útero matris meæ, et vocávit per grátiam suam, ut reveláret Fílium suum in me, ut evangelizárem illum in géntibus: contínuo non acquiévi carni et sanguini, neque veni Ierosólymam ad antecessóres meos Apóstolos: sed ábii in Arábiam: et íterum revérsus sum Damáscum: deínde post annos tres veni Ierosólymam vidére Petrum, et mansi apud eum diébus quíndecim: álium autem Apostolórum vidi néminem, nisi Iacóbum fratrem Dómini. Quæ autem scribo vobis, ecce coram Deo, quia non méntior.

Graduale Gal. 2, 8-9 Qui operátus est Petro in apostolátum, operátus est et mihi inter gentes: et cognovérunt grátiam Dei, quæ data est mihi. **℣. 1 Cor. 15, 10** Grátia Dei in me vácuá non fuit: sed grátia eius semper in me manet.

Allelúia, allelúia. **℣.** Sancte Paule Apóstole, prædicátor veritátis, et doctor géntium, intercède pro nobis. Allelúia.

¶ **In Missis votivis post Septuagesimam, omissis Allelúia, et versu sequenti, dicitur**

Tractus Tu es vas electiόνis, sancte Paule Apóstole: vere digne es glorificándus. **℣.** Prædicátor veritátis, et doctor géntium in fide et veritáte. **℣.** Per te omnes gentes cognovérunt grátiam Dei. **℣.** Intercède pro nobis ad Deum, qui te elégit.

**Tempore autem paschali omit-
titur graduale, et eius loco dici-
tur:**

Allelúia, allelúia. **℣. Ps. 106, 8**
Confiteántur Dómino misericór-
diæ eius, et mirabilia eius filiis
hóminum. Allelúia. **℣. Sancte**
Paule, prædicátor veritátis, et
doctor géntium, intercède pro
nobis. Allelúia.

✠ Sequéntia sancti Evangélíi se-
cúndum Matthæum.

Matth. 10, 16-22

In illo témpore: Dixit Iesus discí-
pulis suis: Ecce, ego mitto vos
sicut oves in médio lupórum. Estóte
ergo prudéntes sicut serpéntes, et
símplices sicut colúmbæ. Cavéte
autem ab homínibus. Tradent enim
vos in concíliis, et in synagógis
suis flagellábunt vos: et ad præsidés,
et ad reges ducémíni propter me in
testimónium illis, et géntibus. Cum
autem tradent vos, nolíte cogitáre
quómodo, aut quid loquámini: dá-
bitur enim vobis in illa hora quid
loquámini. Non enim vos estis qui
loquímini, sed Spíritus Patris vestri,
qui lóquitur in vobis. Tradet autem
frater fratrem in mortem, et pater
filiu: et insúrgent filii in paréntes,
et morte eos affícient: et éritis ódio
ómnibus propter nomen meum: qui
autem perseveráverit usque in fi-
nem, hic salvus erit.

Antiphona ad Offertorium Ps. 138,
17 Mihi autem nimis honoráti sunt
amíci tui, Deus: nimis confortátus
est principátus eórum.

Secreta

Apóstoli tui Pauli précibus, Dó-
mine, plebis tuæ dona sanctí-
fica: ut, quæ tibi tuo grata sunt
institúto, gratióra fiant patrocínio
supplicántis.

**Et fit commemoratio S. Petri Ap.
sub unica conclusione:**

Secreta

Ecclésiæ tuæ, quæsumus, Dómine,
preces et hóstias beáti Petri
Apóstoli comméndet orátio; ut,
quod pro illíus glória celebrámus,
nobis prosit ad véniam. Per Dómi-
num.

Præfatio de Apostolis.

Antiphona ad Communionem
Matth. 19, 28 et 29 Amen dico vobis:
quod vos, qui reliquistis ómnia, et
secúti estis me, céntuplum accipié-
tis, et vitam ætérnam possidébitis.

Postcommunio

Percéptis, Dómine, sacraméntis:
beáto Paulo Apóstolo tuo inter-
veniéntem, deprecámur; ut, quæ pro
illíus celebráta sunt glória, nobis
proficiant ad medélam.

**Et fit commemoratio S. Petri Ap.
sub unica conclusione:**

Postcommunio

Lætíficet nos, Dómine, munus
oblátum: ut, sicut in Apóstolo
tuo Petro te mirábilem prædicá-
mus; sic per illum tuæ sumámus
indulgéntiæ largitátem. Per Dómi-
num.

FESTA IULII

Die 1 iulii

PRETIOSISSIMI SANGUINIS D. N. IESU CHRISTI

I classis

Antiphona ad Introitum

Apoc. 5, 9-10

Redemísti nos, Dómine, in sánguine tuo, ex omni tribu, et lingua, et pópulo, et natióne: et fecisti nos Deo nostro regnum. **Ps. 88, 2** Misericórdias Dómini in ætérnum cantábo: in generatióne et generatióne annuntiábo veritátem tuam in ore meo. **℣.** Glória Patri.

Oratio

Omnípotens sempitérne Deus, qui unigénitum Fílium tuum mundi Redemptórem constituísti, ac eius Sáanguine placári voluísti: concéde, quásumus, salútis nostræ prætium solémni cultu ita venerári, atque a præséntis vitæ malis eius virtúte deféndi in terris; ut fructu perpétuo lætémur in cælis. Per eúndem Dóminum.

¶ **In Missis votivis omittantur verba** solémni cultu.

Léctio Epístolæ beáti Pauli Apóstoli ad Hebræos.

Hebr. 9, 11-15

Fratres: Christus assístens pón-tifex futurórum bonórum, per ámplius et perféctius tabernáculum non manufáctum, id est, non huius creatiόνis; neque per sánguinem hircórum, aut vitulórum, sed per próprium sánguinem introívit semel in sancta, ætérna redemptiône invénta. Si enim sanguis hircórum et taurórum, et cinis vítulæ aspér-sus, inquinátos sanctificat ad emundatióne[m] carnis: quanto magis sanguis Christi, qui per Spíritum Sanc-

tum semetípsum obtulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti? Et ídeo novi testaménti mediátor est: ut morte intercedénte, in redemptiόνem eárum prævaricatiónum, quæ erant sub prióri testaménto, repositiόνem accípiant, qui vocáti sunt ætérnæ hereditátis: in Christo Iesu Dómino nostro.

Graduale 1 Ioann. 5, 6 et 7-8

Hic est qui venit per aquam et sánguinem, Iesus Christus: non in aqua solum, sed in aqua et sáanguine. **℣.** Tres sunt, qui testimónium dant in cælo: Pater, Verbum, et Spíritus Sanctus: et hi tres unum sunt. Et tres sunt, qui testimónium dant in terra: Spíritus, aqua, et sanguis: et hi tres unum sunt.

Allelúia, allelúia. **℣. Ibid., 9** Si testimónium hóminum accípiamus, testimónium Dei maius est. Allelúia.

¶ **In Missis votivis post Septuagesimam, omissis Allelúia, et versu sequenti, dicitur**

Tractus Ephes. 1, 6-8 Gratificávit nos Deus in dilécto Fílio suo, in quo habémus redemptiόνem per sánguinem eius. **℣.** Remissiόνem peccatórum, secúndum divítias grátiae eius, quæ superabundávit in nobis. **℣. Rom. 3, 24-25** Iustificáti gratis per grátiam ipsíus, per redemptiόνem, quæ est in Christo Iesu. **℣.** Quem propósuit Deus propitiatióne[m] per fidem in sáanguine ipsíus.

**Tempore autem paschali, omit-
titur graduale, et eius loco dici-
tur:**

Allelúia, allelúia. **V. Apoc. 5,
9** Dignus es, Dómine, accípere
librum, et aperíre signácula eius:
quóniam occísus es, et redemísti
nos Deo in ságuine tuo. Alle-
lúia. **V. Exodi 12, 13** Erit autem
sanguis vobis in signum: et vi-
débo ságuinem, et transíbo vos:
nec erit in vobis plaga dispérens.
Allelúia.

✠ Sequéntia sancti Evangélíi se-
cúndum Ioánnem.

Ioann. 19, 30-35

In illo témpore: Cum accepísset
Iesus acétum, dixit: Consummá-
tum est. Et inclináto cápíte trádidit
spíritum. Iudæi ergo (quóniam pa-
rascéve erat) ut non remanérent in
cruce córpora sábbato (erat enim
magnus dies ille sábbati), rogavé-
runt Pilátum, ut frangeréntur
eórum crura, et tolleréntur. Ve-
nérunt ergo mílites: et primi qui-
dem fregérunt crura, et altérius,
qui crucifíxus est cum eo. Ad Iesum
autem cum veníssent, ut vidérunt
eum iam mórtuum, non fregérunt
eius crura, sed unus mílitum láncea
latus eius apéruit, et contínuo exívit

sanguis, et aqua. Et qui vidit, testi-
mónium perhíbuit: et verum est
testimónium eius.

Credo.

**Antiphona ad Offertorium 1 Cor.
10, 16** Calix benedictiónis, cui bene-
dícimus, nonne comunicátio sán-
guinis Christi est? et panis, quem
frángimus, nonne participátio cór-
poris Dómini est?

Secreta

Per hæc divína mystéria, ad novi,
quæsumus, testaménti media-
torem Iesum accedámus: et super
altária tua, Dómine virtútum,
aspersiónem ságuinis mélius lo-
quéntem, quam Abel, innovémus.
Per eúndem Dóminum.

Præfatio de S. Cruce.

Antiphona ad Communionem
Hebr. 9, 28 Christus semel oblátus
est ad multórum exhauriéndam pec-
cáta: secúndo sine peccáto apparé-
bit exspectántibus se in salutem.

Postcommunio

Ad sacram, Dómine, mensam
admissi, háusimus aquas in
gáudio de fóntibus Salvatóris: san-
guis eius fiat nobis, quæsumus, fons
aquæ in vitam ætérnam salientis.
Qui tecum vivit.

Die 2 iulii

IN VISITATIONE B. MARIE VIRGINIS

II classis

Antiphona ad Introitum
Sedulius

Salve, sancta parens, eníxa puér-
pera Regem: qui cælum, ter-
rámque regit in sácula sæcu-
lórum. **Ps. 44, 2** Eructávit cor meum
verbum bonum: dico ego ópera mea
Regi. **V. Glória Patri.**

Oratio

Fámulis tuis, quæsumus, Dó-
mine, cæléstis grátiae munus

impertíre: ut, quibus beátæ Vírginis
partus éxstitit salutis exórdium;
Visitatiónis eius votíva solémnitas,
pacis tríbuat increméntum. Per Dó-
minum.

**Et fit commemoratio Ss. Pro-
cessi et Martiniani Mm.:**

Oratio

Deus, qui nos sanctórum
Mártýrum tuórum Procéssi
et Martiniáni gloriósis confessió-

nibus circúmdas et prótegis: da nobis, et eórum imitatione proficere, et intercessióne gaudere. Per Dóminum.

Lectio libri Sapiéntiæ.

Cant. 2, 8-14

Ecce, iste venit sáliens in móntibus, transíliens colles: símilis est diléctus meus cáprea, hinnulóque cervórum. En, ipse stat post paríetem nostrum, respíciens per fenéstas, prospíciens per cancellos. En, diléctus meus lóquitur mihi: Surge, próperea, amíca mea, colúmba mea, formósa mea, et veni. Iam enim hiems tránsiit, imber ábiit, et recéssit. Flores apparuérunt in terra nostra, tempus putatiónis advénit: vox túrturis audíta est in terra nostra: ficus prótulit grossos suos: vineæ floréntes dedérunt odórem suum. Surge, amíca mea, speciósa mea, et veni: colúmba mea, in foramínibus petræ, in cavérna macéria, osténde mihi fáciem tuam, sonet vox tua in áuribus meis: vox enim tua dulcis, et fácies tua decóra.

Graduale Benedícta et venerábilis es, Virgo María: quæ sine tactu pudóris invénta es mater Salvatóris. **V.** Virgo Dei Génetríx, quem totus non capit orbis, in tua se clausit víscera factus homo.

Allelúia, allelúia. **V.** Felix es, sacra Virgo María, et omni laude digníssima: quia ex te ortus est sol iustítiæ Christus Deus noster. Allelúia.

✠ Sequéntia sancti Evangélíi secúndum Lucam.

Luc. 1, 39-47

In illo témpore: Exsúrgens María, ábiit in montána cum festinatóne in civitátem Iuda: et intrávit in domum Zachariæ, et salutávit Elísabeth. Et factum est, ut audívit salutatióne Mariæ Elísabeth, ex-

sultávit infans in útero eius: et repléta est Spíritu Sancto Elísabeth: et exclamávit voce magna, et dixit: Benedícta tu inter mulíeres, et benedíctus fructus ventris tui. Et unde hoc mihi, ut véniat Mater Dómini mei ad me? Ecce enim, ut facta est vox salutatiónis tuæ in áuribus meis, exsultávit in gáudio infans in útero meo. Et beáta quæ credidísti, quóniam perficiéntur ea, quæ dicta sunt tibi a Dómino. Et ait María: Magníficat ánima mea Dóminum: et exsultávit spíritus meus in Deo salutári

Credo.

Antiphona ad Offertorium Beáta es, Virgo María, quæ ómnium portásti Creatórem: genuísti qui te fecit, et in ætérnum pérmanes virgo.

Secreta

Unigéniti tui, Dómine, nobis succúrrat humánitas: ut, qui natus de Vírgine, matris integritátem non mínuit, sed sacrávit; in Visitatiónis eius solémniis, nostris nos piáculis éxuens, oblatiόnem nostram tibi fáciat accéptam Iesus Christus Dóminus noster: Qui tecum vivit.

Pro Ss. Processo et Martiniano

Secreta

Súscipe, Dómine, preces et múnera, quæ ut tuo sint digna conspéctu, Sanctórum tuórum précibus adiuvémur. Per Dóminum.

Præfatio de B. Maria Virg. Et te in Visitatióne.

Antiphona ad Communionem Beáta víscera Mariæ Vírginis, quæ portavérunt ætérni Patris Fílium.

Postcommunio

Súmpsimus, Dómine, celebritátis ánnuæ votíva sacraménta: præsta, quæsumus; ut et temporális vitæ nobis remédia præbeant, et ætérnæ. Per Dóminum.

Pro Ss. Processo et Martiniano
Postcommunio

Córpore sacri, et pretiósí sán-
guinis repléti libámine, quæ-
sumus, Dómine Deus noster: ut,
quod pia devotióne gérimus, certa
redemptiÓne capiámus. Per eún-
dem Dóminum.

Eodem die 2 iulii

SS. PROCESSI ET MARTINIANI
MARTYRUM

Commemoratio

Antiphona ad Introitum

Eccli. 44, 15 et 14

Sapiéntiam sanctórum narrent
pópuli, et laudes eórum nún-
tiet ecclésia: nómina autem
eórum vivent in sáculum sáculi.
Ps. 32, 1 Exsultáte, iusti, in Dómino:
rectos decet collaudátio. **V.** Glória
Patri.

Oratio

Deus, qui nos sanctórum Már-
tyrum tuórum Procéssi et
Martiniáni gloriósis confessiÓnibus
circúmdas et prótegis: da nobis, et
eórum imitatiÓne proficere, et in-
tercessiÓne gaudére. Per Dóminum.

Léctio Epístolæ beáti Pauli Apóstoli
ad Hebráeos. **Hebr. 10, 32-38**

Fratres: Rememorámini prístinos
dies, in quibus illumináti, ma-
gnum certámen sustinuístis pas-
siÓnum: et in áltero quidem oppró-
briis, et tribulatiÓnibus spectácu-
lum facti: in áltero autem sócii
táliter conversántium effécti. Nam
et vinctis compássi estis, et rapínam
bonórum vestrórum cum gáudio
suscepístis, cognoscéntes vos ha-
bére meliÓrem, et manéntem sub-
stántiam. Nolíte itaque amíttere
confidéntiam vestram, quæ ma-
gnam habet remuneratiÓnem. Pa-
tiéntia enim vobis necessariá est:
ut voluntátem Dei faciéntes, repor-
tétis promissiÓnem. Adhuc enim
módicum aliquántulum, qui ven-

túrus est, véniet, et non tardábit.
Iustus autem meus ex fide vivit.

Graduale Ps. 123, 7-8 Anima no-
stra, sicut passer, erépta est de
láqueo venántium. **V.** Láqueus con-
trítus est, et nos liberáti sumus:
adiutórium nostrum in nómine Dó-
mini, qui fecit cælum et terram.

Allelúia, allelúia. **V. Ps. 67, 4** Iusti
epuléntur, et exsúltent in conspéctu
Dei: et delecténtur in lætítia. Alle-
lúia.

✠ Sequéntia sancti Evangélíi se-
cúndum Matthæum.

Matth. 16, 24-27

In illo témpore: Dixit Iesus disci-
pulis suis: Si quis vult post me
veníre, ábneget semetípsum, et tol-
lat crucem suam, et sequátur me.
Qui enim volúerit ánimam suam
salvam fácere, perdet eam: qui
autem perdíderit ánimam suam
propter me, invéniet eam. Quid
enim prodest hómíni, si mundum
univérsum lucrétur, ánimæ vero
sux detriméntum patiátur? Aut
quam dabit homo commutatiÓnem
pro ánima sua? Fílius enim hómínis
ventúrus est in glória Patris sui
cum Angelis suis: et tunc reddet
unicuique secúndum ópera eius.

Antiphona ad Offertorium Ps. 149,
5-6 Exsultábunt sancti in glória,
lætabúntur in cubílibus suis: exal-
tatiÓnes Dei in fáucibus eórum,
allelúia.

Secreta

Súscipe, Dómine, preces et mú-
nera: quæ ut tuo sint digna
conspéctu, Sanctórum tuórum pré-
cibus adiuvémur. Per Dóminum.

Antiphona ad Communionem
Luc. 12, 4 Dico autem vobis amícis
meis: Ne terreámini ab his, qui vos
persequúntur.

Postcommunio

Córpore sacri, et pretiósí sán-
guinis repléti libámine, quæ-

sumus, Dómine Deus noster: ut, quod pia devotióne gérimus, certa redemptiódne capiámus. Per eúndem Dóminum.

Die 3 iulii

S. IRENÆI EP. ET MART.

III classis

Antiphona ad Introitum

Malach. 2, 6

Lex veritátis fuit in ore eius, et iníquitas non est invénta in lábiis eius: in pace, et in æquitáte ambulávit mecum, et multos avértit ab iniquitáte. **Ps. 77, 1** Atténdite, pópule meus, legem meam: inclináte aurem vestram in verba oris mei. **V.** Glória Patri.

Oratio

Deus, qui beáto Irenæo Mártýri tuo atque Pontífici tribuísti, ut et veritáte doctrinæ expugnáret hæreses, et pacem Ecclésiæ feliciter confirmáret: da, quæsumus, plebi tuæ in sancta religiódne constántiam; et pacem tuam nostris concede tempóribus. Per Dóminum.

Léctio Epístolæ beáti Pauli Apóstoli ad Timótheum.

2 Tim. 3, 14-17; 4, 1-5

Caríssime: Pérmáne in iis, quæ didicísti, et crédita sunt tibi: sciens a quo didiceris: et quia ab infántia sacras líttas nosti, quæ te possunt instrúere ad salútem, per fidem, quæ est in Christo Iesu. Omnis Scriptúra divínitus inspiráta útilis est ad docéndum, ad arguéndum, ad corripiéndum, ad erudiéndum in iustítia: ut perféctus sit homo Dei, ad omne opus bonum instrúctus. Testíficor coram Deo, et Iesu Christo, qui iudicatúrus est vivos et mórtuos, per advéntum ipsíus, et regnum eius: prædica verbum, insta opportúne, importúne: árgue, óbsecra, íncrepa in omni paciéntia, et doctrína. Erit enim

tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritáte quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístæ, ministérium tuum imple.

Graduale Ps. 121, 8 Propter fratres meos, et próximos meos loquébar pacem de te. **V. Ps. 36, 37** Custódi innocéntiam, et vide æquitáte: quóniam sunt reliquiæ hómini pacífico.

Allelúia, allelúia. **V. Eccli. 6, 35** In multitúdine presbyterórum prudéntium sta, et sapiéntiæ illórum ex corde coniúngere, ut omnem narratiódne Dei possis audíre. Allelúia.

¶ **In Missis votivis post Septuagesimam, omissis Allelúia, et versu sequenti, dicitur**

Tractus Ps. 36, 23 et 30-31 Apud Dóminum gressus hóminis diríguntur: et viam eius volet. **V.** Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplantabúntur gressus eius.

Tempore autem paschali omititur graduale, et eius loco dicitur:

Allelúia, allelúia. **V. Ps. 36, 37** Custódi innocéntiam, et vide æquitáte: quóniam sunt reliquiæ hómini pacífico. Allelúia. **V. Eccli. 6, 35** In multitúdine presbyterórum prudéntium sta, et sapiéntiæ illórum ex corde coniúngere, ut omnem narratiódne Dei possis audíre. Allelúia.

✠ **Sequéntia sancti Evangélíi secúndum Mattháum.**

Matth. 10, 28-33

In illo témpore: Dixit Iesus discí-pulis suis: Nolíte timére eos, qui occídunt corpus, ánimam autem

non possunt occidere; sed pótius timéte eum, qui potest et ánimam et corpus pérdere in gehénnam. Nonne duo pásseres asse véneunt: et unus ex illis non cadet super terram sine Patre vestro? Vestri autem capílli cápitis omnes numeráti sunt. Nolíte ergo timére: multis passéribus meliôres estis vos. Omnis ergo, qui confitébitur me coram homínibus, confitébor et ego eum coram Patre meo, qui in cælis est. Qui autem negáverit me coram homínibus, negábo et ego eum coram Patre meo, qui in cælis est.

Antiphona ad Offertorium Eccli.

24, 44 Doctrínam quasi antelucánium illúmino ómnibus, et enarrábo illam usque ad longínquum.

Secreta

Deus, qui credéntes in te pópulos nullis sinis cóncuti terróribus: dignáre preces et hóstias dicátæ tibi plebis suscipere; ut pax a tua pietáte concéssa, christianórum fines ab omni hoste fáciat esse secúros. Per Dóminum.

Antiphona ad Communionem Eccli. 24, 47 Vidéte quóniam non soli mihi laborávi, sed ómnibus exquiréntibus veritátem.

Postcommunio

Deus, auctor pacis et amátor, quem nosse, vívere, cui servíre, regnáre est: prótege ab ómnibus impugnatióibus súpplices tuos; ut, qui in defensióne tua confidimus, beáti Irenæi Mártyris tui atque Pontíficis intercessióne, nullíus hostilitátis arma timeámus. Per Dóminum.

Die 5 iulii

S. ANTONII MARLÆ ZACCARIA CONFESSORIS

III classis

Antiphona ad Introitum

1 Cor. 2, 4

Sermo meus, et prædicatio mea non in persuasibilibus humanæ sapiéntiæ verbis, sed in

ostensióne spíritus et virtútis. **Ps. 110, 1** Confitébor tibi, Dómine, in toto corde meo, in consílio iustórum et congregatióne. **¶** Glória Patri.

Oratio

Fac nos, Dómine Deus, supereminéntem Iesu Christi sciéntiam, spíritu Pauli Apóstoli ediscere: qua beátus Antónius María mirábiliter eruditus, novas in Ecclésia tua clericórum et vírginum famílias congregávit. Per eúndem Dóminum.

Lectio Epístolæ beáti Pauli Apóstoli ad Timótheum.

1 Tim. 4, 8-16

Caríssime: Píetas ad ómnia útilis est: promissióem habens vitæ, quæ nunc est, et futúre. Fidélis sermo, et omni acceptiόne dignus. In hoc enim laborámus, et maledicimur, quia sperámus in Deum vívum, qui est Salvátor ómnium hóminum, máxime fidélium. Præcipe hæc, et doce. Nemo adulescéntiam tuam contémnat: sed exémplum esto fidélium in verbo, in conversatiόne, in caritáte, in fide, in castitáte. Dum vénio, atténde lectiόni, exhortatiόni, et doctrínæ. Noli negligere grátiam, quæ in te est, quæ data est tibi per prophetíam, cum impositiόne mánuum presbyterii. Hæc meditáre, in his esto: ut profectus tuus manifestus sit ómnibus. Atténde tibi, et doctrínæ: insta in illis. Hoc enim fáciens, et teípsum salvum fácies, et eos qui te áudiunt.

Graduale Philipp. 1, 8-9 Testis mihi est Deus, quo modo cúpiam omnes vos in viscéribus Iesu Christi. Et hoc oro, ut caritas vestra magis ac magis abúndet in sciéntia, et in omni sensu. **¶** **Ibid., 10** Ut probétis potióra, ut sitis sincéri, et sine offénsa in diem Christi.

Allelúia, allelúia. ¶ Ibid., 11 Repléti fructu iustítiæ per Iesum

Christum, in glóriam et laudem Dei. Allelúia.

¶ In Missis votivis post Septuagesimam, omissis Allelúia, et versu sequenti, dicitur

Tractus 2 Cor. 10, 17-18 Qui gloriátur, in Dómino gloriétur: non enim qui seípsum comméndat, ille probátus est: sed quem Deus comméndat. **V. Gal. 6, 14** Mihi autem absit gloriári, nisi in Cruce Dómini nostri Iesu Christi: per quem mihi mundus crucifixus est, et ego mundo. **V. Philipp. 1, 21** Mihi vívere Christus est, et mori lucrum.

Tempore autem paschali omititur graduale, et eius loco dicitur:

Allelúia, allelúia. **V. 2 Cor. 7, 4** Replétus sum consolatióne, superabúndo gáudio in omni tribulatióne nostra. Allelúia. **V. Ibid., 6, 13** Tamquam filiis dico: dilatámini et vos. Allelúia.

✠ Sequéntia sancti Evangélíi secúndum Marcum.

Marc. 10, 15-21

In illo témpore: Dixit Iesus discipulis suis: Quisquis non recéperit regnum Dei velut párvulus, non intrábit in illud. Et compléxans párvulos, et impónens manus super illos, benedicébat eos. Et cum egréssus esset in viam, procúrrens quidam, genu flexo ante eum, rogábat eum: Magíster bone, quid fáciam ut vitam ætérnam percípiam? Iesus autem dixit ei: Quid me dicis bonum? Nemo bonus, nisi unus Deus. Præcépta nosti: Ne adúlteres, ne occídas, ne furéris, ne falsum testimoniúm díxeris, ne fraudem féceris, honóra patrem tuum et matrem. At ille respóndens, ait illi: Magíster, hæc ómnia observávi a iuventúte mea. Iesus autem intúitus eum, diléxit eum, et dixit ei: Unum

tibi deest: vade, quæcúmque habes vende, et da paupéribus, et habébis thesáurum in cælo: et veni, séquere me.

Antiphona ad Offertorium Ps. 137, 1-2 In conspéctu Angelórum psallam tibi: adorábo ad templum sanctum tuum, et confitébor nómini tuo.

Secreta

Ad mensam cælestis convívii fac nos, Dómine, eam mentis et córporis puritátem afférre, qua beátus Antónius María, hanc sacratíssimam hóstiam ófferens, mífice ornátus enítuit. Per Dóminum.

Antiphona ad Communionem Philipp. 3, 17 Imitatóres mei estóte, fratres, et observáte eos, qui ita ámbulant, sicut habétis formam nostram.

Postcommunio

Cælesti dape qua pasti sumus, Dómine Iesu Christe, eo corda nostra caritátis igne flamméscant: quo beátus Antónius María salutaris hóstiæ vexillum, contra Ecclésiæ tuæ hostes, éxtulit ad victóriam: Qui vivis.

Die 7 iulii

SS. CYRILLI ET METHODII
EPISCOPORUM
ET CONFESSORUM

III classis

Antiphona ad Introitum

Ps. 131, 9-10

Sacerdótes tui, Dómine, induant iustítiam, et sancti tui exsúltent: propter David servum tuum, non avértas fáciem Christi tui. **Ps. ibid., 1** Meménto, Dómine, David: et omnis mansuetúdinis eius. **V. Glória Patri.**

Oratio

Omnípotens sempitérne Deus, qui Slavóniæ gentes per beátos Confessóres tuos atque Pontífices Cyrillum et Methódium ad agnitió-nem tui nóminis veníre tribuísti: præsta: ut, quorum festivitáte glo-riámur, eórum consórtio copulé-mur. Per Dóminum.

Léctio Epístolæ beáti Pauli Apóstoli ad Hebræos.

Hebr. 7, 23-27

Fratres: Plures facti sunt sacer-dótes, idcirco quod morte pro-hiberéntur permanére: Iesus autem eo quod máneat in ætérnum, sem-pitérnum habet sacerdotium. Unde et salváre in perpétuum potest acce-déntes per semetípsum ad Deum: semper vivens ad interpellándum pro nobis. Talis enim decébat, ut nobis esset pón-tifex, sanctus, ínno-cens, impollútus, segregátus a pec-catóribus, et excélsior cælis factus: qui non habet necessitátem quotí-die, quemádmódum sacerdótes, prius pro suis delíctis hóstias offérre, deínde pro pópuli: hoc enim fecit semel, seípsum offeréndo, Iesus Christus Dóminus noster.

Graduale Ps. 131, 16-17 Sacerdótes eius índuam salutári: et sancti eius exsultatióne exsultábunt. **V.** Illuc producám cornu David: parávi lucérnam Christo meo.

Allelúia, allelúia. **V.** Ps. 109, 4 Iurávit Dóminus, et non pænitébit eum: Tu es sacerdos in ætérnum, secúndum ór-dinem Melchisedech. Allelúia.

¶ In Missis votivis post Sep-tuagesimam, omissis Allelúia, et versu sequenti, dicitur

Tractus Ps. 131, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória

et divítiæ in domo eius: et iustítia eius manet in sáculum sáculi.

Tempore autem paschali omit-titur graduale, et eius loco dici-tur:

Allelúia, allelúia. **V.** Ps. 109, 4 Iurávit Dóminus, et non pænitébit eum: Tu es sacerdos in ætérnum, secúndum ór-dinem Mel-chisedech. Allelúia. **V.** Eccli. 45, 9 Amávit eum Dóminus, et ornávit eum: stolam glóriæ índuit eum. Allelúia.

✠ Sequéntia sancti Evangélii se-cúndum Lucam.

Luc. 10, 1-9

In illo témpore: Designávit Dómi-nus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii au-tem pauci. Rogáte ergo dóminum messis ut mittat operários in mes-sem suam. Ite: ecce, ego mitto vos sicut agnos inter lupos. Nolíte por-táre sácculum, neque peram, neque calceaménta, et néminem per viam salutavéritis. In quamcúmque do-mum intravéritis, primum dícite: Pax huic dómui: et si ibi fúerit fílius pacis, requiescet super illum pax vestra: sin autem, ad vos revertétur. In eádem autem domo manéte, edéntes, et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúm-que civitátem intravéritis, et suscé-perint vos, manducáte quæ appo-núntur vobis: et curáte infirmos, qui in illa sunt, et dícite illis: Ap-propinquávit in vos regnum Dei.

Antiphona ad Offertorium Ps. 67, 36 Mirábilis Deus in sanctis suis: Deus Israél, ipse dabit virtútem, et fortitúdinem plebi suæ: benedíctus Deus.

Secreta

Preces nostras, quæsumus, Dómine, et tuórum réspice oblatiões fidélium: ut tibi gratae sint in tuórum festivitáte Sanctórum, et nobis cónferant tuæ propitiatiónis auxílium. Per Dóminum.

Antiphona ad Communionem
Matth. 10, 27 Quod dico vobis in ténebris, dicite in lúmine, dicit Dóminus: et quod in aure audítis, prædicáte super tecta.

Postcommunio

Quæsumus, omnípotens Deus: ut, qui nobis múnera dignáris præbère cæléstia, intercedéntibus sanctis tuis Cyrillo et Methódio, despícere terréna concédas. Per Dóminum.

Die 8 iulii

S. ELISABETH REGINÆ, VIDUÆ

III classis

Missa Cognóvi, de Communi non Virginum 2 loco (31), cum orationibus ut infra:

Oratio

Clementíssime Deus, qui beátam Elísabeth reginam, inter céteras egrégias dotes, bélici furóris sedándi prærogatíva decorásti: da nobis, eius intercessióne; post mortális vitæ, quam suppliciter pétimus, pacem, ad æténa gáudia pervenire. Per Dóminum.

Secreta

Accépta tibi sit, Dómine, sacrátæ plebis oblátio, pro tuórum honóre Sanctórum: quorum se méritis de tribulatióne percepísse cognóscit auxílium. Per Dóminum.

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

Die 10 iulii

SS. SEPTEM FRATRUM MART.
 AC RUFINÆ ET SECUNDÆ
 VIRGINUM ET MARTYRUM

III classis**Antiphona ad Introitum**

Ps. 112, 1 et 9

Laudáte, púeri, Dóminum, laudáte nomen Dómini: qui habitáre facit stérilem in domo, matrem filiórum lætántem.
Ps. ibid., 2 Sit nomen Dómini benedíctum: ex hoc nunc, et usque in sáculum. **V.** Glória Patri.

Oratio

Præsta, quæsumus, omnípotens Deus: ut, qui gloriósos Mártynes fortes in sua confessióne cognóvimus, pios apud te in nostra intercessióne sentiámus. Per Dóminum.

Lectio libri Sapiéntiæ.

Prov. 31, 10-31

Mulierem fortem quis invéniet? Procul et de últimis finibus pretíum eius. Confidit in ea cor viri sui, et spóliis non indigébit. Reddet ei bonum, et non malum ómnibus diébus vitæ suæ. Quæsívit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surréxit, deditque prædam domésticis suis, et cibária ancillis suis. Considerávit agrum, et emit eum: de fructu mánuum suárum plantávit véneam. Accínxit fortitúdine lumbos suos, et roborávit bráchium suum. Gustávit, et vidit quia bona est negotiátio eius: non exstinguétur in nocte lucérna eius. Manum suam misit ad fórtia, et dígitus eius apprehendérunt fusum. Manum suam apéruit inopi, et palmas suas exténdit ad páuperem. Non timébit dómui suæ a frigóribus

nivis: omnes enim domestici eius vestiti sunt duplicibus. Stragulatam vestem fecit sibi: byssus, et purpura indumentum eius. Nobilis in portis vir eius, quando sederit cum senatoribus terræ. Sindonem fecit, et vendidit, et cingulum tradidit Chananeo. Fortitudo et decor indumentum eius, et ridebit in die novissimo. Os suum aperuit sapientiæ, et lex clementiæ in lingua eius. Consideravit semitas domus suæ, et panem otiosa non comedit. Surrexerunt filii eius, et beatissimam predicaverunt: vir eius, et laudavit eam. Multæ filiæ congregaverunt divitias: tu supergressa es universas. Fallax gratia, et vana est pulchritudo: mulier timens Dominum, ipsa laudabitur. Date ei de fructu manuum suarum: et laudent eam in portis opera eius.

Graduale Ps. 123, 7-8 Anima nostra, sicut passer, erepta est de laqueo venantium. **V.** Laqueus contritus est, et nos liberati sumus: adiutorium nostrum in nomine Domini, qui fecit cælum et terram.

Allelúia, allelúia. **V.** Hæc est vera fraternitas, quæ vicit mundi crimina: Christum secuta est, inclita tenens regna cælestia. Allelúia.

¶ In Missis votivis tempore paschali omittitur graduale, et eius loco dicitur:

Allelúia, allelúia. **V.** Hæc est vera fraternitas, quæ vicit mundi crimina: Christum secuta est, inclita tenens regna cælestia. Allelúia. **V.** Te Mártyrum candidatus laudat exercitus, Domine. Allelúia.

✠ Sequéntia sancti Evangélíi secundum Matthæum.

Matth. 12, 46-50

In illo tempore: Loquente Iesu ad turbas, ecce, mater eius, et fratres stabant foris, quærentes lo-

qui ei. Dixit autem ei quidam: Ecce, mater tua, et fratres tui foris stant quærentes te. At ipse respondens dicenti sibi, ait: Quæ est mater mea, et qui sunt fratres mei? Et extendens manum in discipulos suos, dixit: Ecce mater mea, et fratres mei. Quicumque enim fecerit voluntatem Patris mei, qui in cælis est: ipse meus frater, et soror, et mater est.

Antiphona ad Offertorium Ps. 123, 7 Anima nostra, sicut passer, erepta est de laqueo venantium: laqueus contritus est, et nos liberati sumus.

Secreta

Sacrificiis præsentibus, quæsumus, Domine, intende placatus: et, intercedentibus Sanctis tuis, devotioni nostræ proficiant, et salutí. Per Dominum.

Antiphona ad Communionem Matth. 12, 50 Quicumque fecerit voluntatem Patris mei, qui in cælis est: ipse meus frater, et soror, et mater est, dicit Dominus.

Postcommunio

Quæsumus, omnipotens Deus: ut intercedentibus Sanctis tuis, illius salutaris capiamus effectum; cuius per hæc mystéria pignus accipimus. Per Dominum.

Die 11 iulii

S. PII I PAPÆ ET MART.

Commemoratio

Missa Si diligis me, de Comuni unius aut plurium Summorum Pontificum (1).

Oratio

C 1

Gregem tuum, Pastor æternæ, placatus intende: et per beatum Pium Mártyrem tuum atque Summum Pontíficem, perpétua

protectiōne custōdi; quem totius Ecclésiæ præstitisti esse pastorem. Per Dōminum.

Secreta

C I

Oblātis munéribus, quæsumus, Dómine, Ecclésiā tuā benignus illūmina: ut, et gregis tui proficiat ubique succēssus, et grati fiant nōmini tuo, te gubernānte, pastōres. Per Dōminum.

Postcommunio

C I

Refectiōne sancta enutrītā guberna, quæsumus, Dómine, tuā placātus Ecclēsiā: ut potēti moderatiōne directā, et incrementa libertātis accīpiat; et in religiōnis integritate persīstat. Per Dōminum.

Die 12 iulii

S. IOANNIS GUALBERTI ABB.

III classis**Antiphona ad Introitum****Ps. 36, 30-31**

Os iusti meditābitur sapiētiā, et lingua eius loquētur iudiciū: lex Dei eius in corde ipsius. **Ps. ibid., 1** Noli æmulāri in malignātib; neque zelāveris faciētes iniquitatem. **V.** Glória Patri.

Oratio

Intercēssio nos, quæsumus, Dómine, beāti Ioānnis Abbātis commēdet: ut, quod nostris mēritis non valēmus, eius patrocīnio assequāmur. Per Dōminum.

Et fit commemoratio Ss. Naboris et Felicis Martyrum:

Oratio

P

Præsta, quæsumus, Dómine: ut, sicut nos sanctōrum Mártyrum tuōrum Naboris et Felicis natalicia celebrāda non deserunt; ita iūgiter suffrāgiis comitēntur. Per Dōminum.

Lectio libri Sapiētiæ.**Eccli. 45, 1-6**

Dilēctus Deo et hominibus, cuius memōria in benedictiōne est. Símilem illum fecit in glória sanctōrum, et magnificāvit eum in timóre inimicōrum, et in verbis suis monstra placāvit. Glorificāvit illum in conspēctu regum, et iussit illi coram pópulo suo, et ostēndit illi glóriam suā. In fide et lenitate ipsius sanctum fecit illum, et elégit eum ex omni carne. Audívit enim eum, et vocem ipsius, et indúxit illum in nubem. Et dedit illi coram præcépta, et legem vitæ, et disciplinæ.

Graduale Ps. 20, 4-5 Dómine, prævenísti eum in benedictiōnibus dulcedinis: posuísti in cápite eius coronā de lapide pretiōso. **V.** Vitā petiit a te, et tribuísti ei longitūdinem diērum in sæculum sæculi.

Allelúia, allelúia. **V. Ps. 91, 13** Iustus ut palma florébit: sicut cedrus Líbani multiplicābitur. Allelúia.

✠ Sequēntia sancti Evangélii secundum Matthæum.

Matth. 5, 43-48

In illo témpore: Dixit Iesus discipulis suis: Audístis quia dictum est: Díliges próximum tuum, et odio habébis inimicum tuum. Ego autem dico vobis: Dilígite inimicos vestros, benefácite his, qui odérunt vos: et oráte pro persecutētib; et calumniātib; vos: ut sitis filii Patris vestri, qui in cælis est: qui solem suum oriri facit super bonos et malos: et pluit super iustos et iniustos. Si enim dilígitis eos, qui vos dilígunt, quam mercēdem habébitis? nonne et publicāni hoc faciunt? Et si salutavéritis fratres vestros tantum, quid ámplius faciatis? nonne et éthnici hoc faciunt?

Estóte ergo vos perfecti, sicut et Pater vester cælestis perfectus est.

Antiphona ad Offertorium Ps. 20, 3 et 4 Desiderium animæ eius tribuisti ei, Dómine, et voluntate labiõrum eius non fraudasti eum: posuisti in capite eius coronam de lapide pretioso.

Secreta

Sacris altaribus, Dómine, hostias superpositas sanctus Ioánnes Abbas, quæsumus, in salutem nobis provenire deprecatur. Per Dóminum.

Pro Ss. Martyribus

Secreta

P

Múnera plebis tuæ, quæsumus, Dómine, sanctorum Martyrum tuorum Náboris et Felícis fiant grata suffragiis: et quorum triumphis tuo nomini offeruntur, ipsorum digna perficiantur et meritis. Per Dóminum.

Antiphona ad Communionem Luc. 12, 42 Fidelis servus et prudens, quem constituit Dóminus super familiam suam: ut det illis in tempore tritici mensuram.

Postcommunio

Protegat nos, Dómine, cum tui perceptione sacramenti beatus Ioánnes Abbas, pro nobis intercedendo: ut et conversationis eius experiamur insignia, et intercessionis percipiamus suffragia. Per Dóminum.

Pro Ss. Martyribus

Postcommunio

P

Nataliciis Sanctorum tuorum, quæsumus, Dómine: ut, sacramenti munere vegetati, bonis, quibus per tuam gratiam nunc fovemur, perfruamur æternis. Per Dóminum.

Eodem die 12 iulii

SS. NABORIS ET FELICIS MM.

Commemoratio

Missa Salus autem, **de Communi plurimorum Martyrum 3 loco** (10), **cum orationibus ut infra:**

Oratio

P

Præsta, quæsumus, Dómine: ut, sicut nos sanctorum Martyrum tuorum Náboris et Felícis natalicia celebranda non deserunt; ita iugiter suffragiis comitentur. Per Dóminum.

Secreta

P

Múnera plebis tuæ, quæsumus, Dómine, sanctorum Martyrum tuorum Náboris et Felícis fiant grata suffragiis: et quorum triumphis tuo nomini offeruntur, ipsorum digna perficiantur et meritis. Per Dóminum.

Postcommunio

P

Nataliciis Sanctorum tuorum, quæsumus, Dómine: ut, sacramenti munere vegetati, bonis, quibus per tuam gratiam nunc fovemur, perfruamur æternis. Per Dóminum.

Die 14 iulii

S. BONAVENTURÆ

EP., CONF. ET ECCL. DOCT.

III classis

Antiphona ad Introitum

Eccli. 15, 5

In medio Ecclesiæ aperuit os eius: et implevit eum Dóminus spiritu sapientiæ et intellectus: stolam gloriæ induit eum. **Ps. 91, 2** Bonum est confiteri Dómino: et psallere nomini tuo, Altissime. **V.** Glória Patri.

Oratio

Deus, qui populo tuo æternæ salutis beatum Bonaventuram ministrum tribuisti: præsta, quæ-

sumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Léctio Epístolæ beáti Pauli Apóstoli ad Timótheum.

2 Tim. 4, 1-8

Carissime: Testíficor coram Deo, et Iesu Christo, qui iudicatúrus est vivos et mórtuos, per advéntum ipsíus, et regnum eius: prædica verbum, insta opportúne, importúne: árgue, óbseca, increpa in omni patiéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritate quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim iam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiæ, quam reddet mihi Dóminus in illa die, iustus iudex: non solum autem mihi, sed et iis, qui díligunt advéntum eius.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplantábuntur gressus eius.

Allelúia, allelúia. **V. Ps. 109, 4** Iurávit Dóminus, et non pænitébit eum: Tu es sacerdos in ætérnum, secúndum órđinem Melchisedech. Allelúia.

✠ Sequéntia sancti Evangélíi secúndum Matthæum.

Matth. 5, 13-19

In illo témpore: Dixit Iesus discipulis suis: Vos estis sal terræ. Quod si sal evanúerit, in quo saliétur? Ad níhilum valet ultra, nisi

35 MISSALE ROM.

ut mittátur foras, et conculcétur ab homínibus. Vos estis lux mundi. Non potest cívitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvere legem, aut prophétas: non veni sólvere, sed adimplére. Amen quippe dico vobis, donec transeat cælum et terra, iota unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium Ps. 88, 25 Veritas mea, et misericórdia mea cum ipso: et in nómine meo exaltábitur cornu eius.

Secreta

Sancti Bonaventúre Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum.

Antiphona ad Communionem Luc. 12, 42 Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

Deus, fidélium remunerátor animárum, præsta: ut beáti Bonaventúre Confessóris tui atque Pontíficis, cuius venerándam celebrámus festivitátem, précibus indulgéntiam consequámur. Per Dóminum.

Die 15 iulii**S. HENRICI IMPERATORIS,
CONFESSORIS****III classis**

Missa Os iusti, de Communi
Confessoris non Pontificis 1 loco
(20), præter orationem sequentem:

Oratio**P**

Deus, qui hodierna die beatum
Henricum Confessorem tuum
e terræni cûlmine impérii ad re-
gnum ætérnum transtulisti: te súp-
plices exorámus; ut, sicut illum,
gratiæ tuæ ubertate præventum,
illécebras sæculi superare fecisti,
ita nos fácias, eius imitatióne,
mundi huius blandiménta vitare,
et ad te puris méntibus pervenire.
Per Dóminum.

Secreta**C**

Laudis tibi, Dómine, hóstias im-
molámus in tuórum comme-
moratióne Sanctórum: quibus nos
et præsentibus éxui malis confidi-
mus, et futúris. Per Dóminum.

Postcommunio**C**

Refecti cibo potúque cælésti,
Deus noster, te súpplikes exo-
rámus: ut, in cuius hæc commemo-
ratióne percépimus, eius muniámur
et précibus. Per Dóminum.

Die 16 iulii**BEATÆ MARIÆ VIRGINIS
DE MONTE CARMELO****Commemoratio**

¶ **Si commemoratio B. Mariæ
Virg. de Monte Carmelo venerit in
sabbato, Missa dici potest aut de
sancta Maria in sabbato, aut pro-
pria de commemoratione B. Mariæ
Virg. de Monte Carmelo.**

Antiphona ad Introitum

Gaudeámus omnes in Dómino,
diem festum celebrántes
sub honóre beátæ Mariæ
Víriginis: de cuius solemnitáte gau-

dent Angeli, et colláudant Fílium
Dei. **Ps. 44, 2** Eructávit cor meum
verbum bonum: dico ego ópera mea
Regi. **Ÿ.** Glória Patri.

¶ **In Missis votivis:**

Antiphona ad Introitum**Sedulius**

Salve, sancta parens, eníxa
puérpera Regem: qui cæ-
lum terrámque regit in sá-
cula sæculórum. (**T. P.** Allelúia,
allelúia.) **Ps. 44, 2** Eructávit cor
meum verbum bonum: dico ego
ópera mea Regi. **Ÿ.** Glória Patri.

Oratio

Deus, qui beatíssimæ semper
Víriginis et Genetrícis tuæ
Mariæ singulári título Carméli
órdinem decorásti: concéde propí-
tius; ut, cuius hódie Commemora-
tióne solémni celebrámus officio,
eius muníti præsídiis, ad gáudia
sempitérna pervenire mereámur:
Qui vivis.

Léctio libri Sapiéntiæ.**Eccli. 24, 23-31**

Ego quasi vitis fructificávi suavi-
tatem odóris: et flores mei fruc-
tus honóris et honestátis. Ego mater
pulchræ dilectiónis, et timóris, et
agnitiónis, et sanctæ spei. In me
omnis omnis viæ et veritátis, in me
omnis spes vitæ et virtútis. Transíte
ad me, omnes, qui concupíscitis
me, et a generatióibus meis im-
plémini. Spíritus enim meus super
mel dulcis, et heréditas mea super
mel et favum. Memória mea in
generatióes sæculórum. Qui edunt
me, adhuc esúrient: et qui bibunt
me, adhuc sítient. Qui audit me,
non confundétur: et qui operántur
in me, non peccábunt. Qui elúci-
dant me, vitam ætérnam habébunt.

Graduale Benedícta et venerábilis
es, Virgo María: quæ sine tactu
pudóris invénta es mater Salvató-
ris. **Ÿ.** Virgo Dei Génetríx, quem

totus non capit orbis, in tua se clausit viscera factus homo.

Allelúia, allelúia. **V.** Per te, Dei Génatrix, nobis est vita pérdata: quæ de cælo suscepisti prolem, et mundo genuisti Salvátorem. Allelúia.

¶ In Missis votivis post Septuagesimam, omissis Allelúia, et versu sequenti, dicitur

Tractus Gaude, María Virgo, cunctas hèreses sola interemisti. **V.** Quæ Gabriélis Archángeli dictis credidisti. **V.** Dum Virgo Deum et hóminem genuisti: et post partum, Virgo, invioláta permansisti. **V.** Dei Génatrix, intercède pro nobis.

Tempore autem paschali, omititur graduale, et eius loco dicitur:

Allelúia, allelúia. **V.** Num. 17, 8 Virga Iesse flóruit: Virgo Deum et hóminem génuit: pacem Deus réddidit, in se reconcilians ima summis. Allelúia. **V.** Luc. 1, 28 Ave, María, grátia plena: Dóminus tecum: benedícta tu in muliéribus. Allelúia.

✠ Sequéntia sancti Evangélíi secúndum Lucam.

Luc. 11, 27-28

In illo témpore: Loquente Iesu ad turbas, extóllens vocem quædam múlíer de turba, dixit illi: Beátus venter, qui te portávit, et úbera, quæ suxísti. At ille dixit: Quinímmo beáti, qui áudiunt verbum Dei, et custódiunt illud.

Antiphona ad Offertorium Ierem. 18, 20 Recordáre, Virgo mater, in conspéctu Dei, ut loquáris pro nobis bona, et ut avértat indignatióem suam a nobis.

Secreta

Sanctífica, Dómine, quæsumus, obláta libámina: et beátæ Dei Genetrícis Mariæ salubérrima in-

tercessióne, nobis salutária fore concéde. Per eúndem Dóminum.

Præfatio de B. Maria Virg. Et te in Commemoratióne.

Antiphona ad Communionem Regína mundi digníssima, María Virgo perpétua, intercède pro nostra pace et salúte, quæ genuisti Christum Dóminum Salvátorem ómnium.

Postcommunio

Adiuvet nos, quæsumus, Dómine, gloriósæ tuæ Genetrícis, semperque Vírginis Mariæ intercèssio veneránda: ut, quos perpétuis cumulávit beneficiis, a cunctis periculis absolútos, sua fáciat pietáte concórdes: Qui vivis.

Die 17 iulii

S. ALEXII CONFESSORIS

Commemoratio

Antiphona ad Introitum

Ps. 36, 30-31

Os iusti meditábitur sapiéntiam, et lingua eius loqué-tur iudícium: lex Dei eius in corde ipsíus. **Ps. ibid., 1** Noli æmulári in malignántibus: neque zeláveris faciéntes iniquitátem. **V.** Glória Patri.

Oratio

Deus, qui nos beáti Aléxii Confessoris tui ánnua solemnitáte lætíficas: concéde propítius; ut, cuius natalícia cólimus, étiam actiões imitémur. Per Dóminum.

Léctio Epístolæ beáti Pauli Apóstoli ad Timótheum.

1 Tim. 6, 6-12

Caríssime: Est quæstus magnus píetas cum sufficiéntia. Nihil enim intúlimus in hunc mundum: haud dúbium quod nec auférre quid póssumus. Habéntes autem aliménta, et quibus tegámur, his con-

ténti simus. Nam qui volunt dívi-tes fieri, incidunt in tentatióem et in láqueum diáboli, et desidéria multa inútilia, et nocíva, quæ mergunt hómines in intéritum, et perditionem. Radix enim ómnium malórum est cupíditas: quam quidam appeténtes, erravérunt a fide, et inseruérunt se dolóribus multis. Tu autem, o homo Dei, hæc fuge: sectáre vero iustítiam, pietátem, fidem, caritátem, patiéntiam, mansuetúdinem. Certa bonum certámen fidei, apprehénde vitam ætérnam.

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **V. Iac. 1, 12** Beátus vir, qui suffert tentatióem: quóniam cum probátus fúerit, accípiet corónam vitæ. Allelúia.

✠ Sequéntia sancti Evangélíi secúndum Matthæum.

Matth. 19, 27-29

In illo témpore: Dixit Petrus ad Iesum: Ecce, nos relíquimus ómnia, et secúti sumus te: quid ergo erit nobis? Iesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede maiestátis suæ, sedébitis et vos super sedes duódecim, iudicántes duódecim tribus Israél. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, cén-
tuplum accípiet, et vitam ætérnam possidébit.

Antiphona ad Offertorium Ps. 88, 25 Veritas mea, et misericórdia mea cum ipso: et in nómine meo exaltábitur cornu eius.

Secreta

Laudis tibi, Dómine, hóstias im-molámus in tuórum comme-moratióne Sanctórum: quibus nos et præsentibus éxui malis confidimus, et futúris. Per Dóminum.

Antiphona ad Communionem Matth. 24, 46-47 Beátus servus, quem, cum vénerit dóminus, invénerit vigilántem: amen dico vobis, super ómnia bona sua constitúet eum.

Postcommunio

Refécti cibo potúque cælésti, Deus noster, te súpplíces exorámus: ut, in cuius hæc commemo-ratióne percépimus, eius muniámur et précibus. Per Dóminum.

Die 18 iulii

S. CAMILLI DE LELLIS CONF.

III classis

Antiphona ad Introitum

Ioann. 15, 13

Maiórem hac dilectiόnem nemo habet, ut ánimam suam ponat quis pro amí-
cis suis. **Ps. 40, 2** Beátus qui intél-legit super egénum, et páuperem: in die mala liberábit eum Dómi-nus. **V. Glória Patri.**

Oratio

Deus, qui sanctum Camíllum, ad animárum in extrémó agóne luctántium subsídium, sín-gulári caritátis prærogatíva deco-rásti: eius, quæsumus, méritis, spí-ritum nobis tuæ dilectiόnis infúnde; ut in hora éxitus nostri hostem vín-cere, et ad cæléstem mereámur co-rónam perveníre. Per Dóminum.

Et fit commemoratio Ss. Sym-phorosæ et septem filiorum eius Martyrum:

Oratio

C

Deus, qui nos concédis sanctó-rum Mártyrum tuórum

Symphorósæ et filiórum eius natalícia cólere: da nobis in æténa beatitúdine de eórum societáte gaudére. Per Dóminum.

Léctio Epístolæ beáti Ioánnis Apóstoli.

I Ioann. 3, 13-18

Caríssimi: Nolíte mirári, si odit vos mundus. Nos scimus, quóniam transláti sumus de morte ad vitam, quóniam diligimus fratres. Qui non diligit, manet in morte: omnis qui odit fratrem suum, homicída est. Et scitis, quóniam omnis homicída non habet vitam æternam in semetípso manéntem. In hoc cognóvimus caritátem Dei, quóniam ille ánimam suam pro nobis pósuit: et nos debémus pro fratribus ánimas pónere. Qui habúerit substantiam huius mundi, et víderit fratrem suum necessitátem habére, et cláuserit víscera sua ab eo: quómo caritas Dei manet in eo? Filíoli mei, non diligámus verbo, neque lingua, sed ópere et veritáte.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplantabúntur gressus eius.

Allelúia, allelúia. **V. Ps. 111, 1** Beátus vir, qui timet Dóminum: in mandátis eius cupit nimis. Allelúia.

✠ Sequéntia sancti Evangélíi secúndum Ioánnem.

Ioann. 15, 12-16

In illo témpore: Dixit Iesus discí-pulis suis: Hoc est præcéptum meum, ut diligátis invicem, sicut diléxi vos. Maiórem hac dilectiónem nemo habet, ut ánimam suam ponat quis pro amícis suis. Vos amíci mei estis, si fecéritis quæ ego præcípio vobis. Iam non dicam vos servos: quia servus nescit quid fáciat dóminus eius. Vos

autem dixi amícos: quia ómnia quæcúmque audívi a Patre meo, nota feci vobis. Non vos me elegístis: sed ego elégi vos, et pósui vos, ut eátis, et fructum afferátis: et fructus vester máneat: ut quodcúmque petiéritis Patrem in nómine meo, det vobis.

Antiphona ad Offertorium Ps. 20, 2-3 In virtúte tua, Dómine, lætábitur iustus, et super salutáre tuum exsultábit veheménter: desidérium ánimæ eius tribuísti ei.

Secreta

Hóstia immaculáta, qua illud Dómini nostri Iesu Christi imménsæ caritátis opus renová-mus, sit, Deus Pater omnípotens, sancto Camílllo intercedénte, contra omnes córporis et ánimæ infirmitátes salutáre remédium, et in extrémó agóne solátium et tuléla. Per eúndem Dóminum.

Pro Ss. Martyribus

Secreta

C

Múnera tibi, Dómine, nostræ devotiónis offérimus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

Antiphona ad Communionem Matth. 25, 36 et 40 Infirmus fui, et visitástis me. Amen, amen dico vobis: Quámdu fecístis uni ex his fratribus meis mínimis, mihi fecístis.

Postcommunio

Per hæc cæléstia aliménta, quæ sancti Camílli Confessóris tui solémnia celebrántes, pia devotióne suscepimus: da, quæsumus, Dómine; ut in hora mortis nostræ sacraméntis refécti, et culpis ómnibus expiáti, in sinum misericórdiæ tuæ læti súscipi mereámur: Qui vivis.

Pro Ss. Martyribus**Postcommunio** C

Præsta nobis, quæsumus, Dómine: intercedéntibus sanctis Martýribus tuis Symphorósa et filiis eius; ut, quod ore contíngimus, pura mente capiámus. Per Dóminum.

Eodem die 18 iulii

**SS. SYMPHOROSÆ ET
SEPTEM FILIORUM EIUS
MARTYRUM**

Commemoratio

Missa ut in festo Ss. duodecim Fratrum Martyrum, die 1 septembris, cum orationibus ut in Missa præcedenti.

Die 19 iulii**S. VINCENTII A PAULO CONF.****III classis****Antiphona ad Introitum****Ps. 91, 13-14**

Iustus ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. **Ps. ibid., 2** Bonum est confitéri Dómino: et psállere nómini tuo, Altíssime. **V.** Glória Patri.

Oratio

Deus, qui ad evangelizándum paupéribus et ecclesiástici ordinis decórem promovéndum, beátum Vincéntium apostólica virtúte roborásti: præsta, quæsumus; ut, cuius pia mérita venerámur, virtútum quoque instruámur exémplicis. Per Dóminum.

Lectio Epístolæ beáti Pauli Apóstoli ad Corínthios.

1 Cor. 4, 9-14

Fratres: Spectáculum facti sumus mundo, et Angelis, et homínibus. Nos stulti propter Christum,

vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurímus, et sitímus, et nudi sumus, et cólaphis cádimur, et instábiles sumus, et laborámus operántes mánibus nostris: maledícimur, et benedícimus: persecutióne pátimur, et sustinémus: blasphemámur, et obsecrámus: tamquam purgaménta huius mundi facti sumus, ómnium peripséma usque adhuc. Non ut confúndam vos, hæc scribo, sed ut filios meos caríssimos móneo: in Christo Iesu Dómino nostro.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplantábuntur gressus eius.

Allelúia, allelúia. V. Ps. 111, 1 Beátus vir, qui timet Dóminum: in mandátis eius cupit nimis. **Allelúia.**

✠ Sequéntia sancti Evangélíi secúndum Lucam.

Luc. 10, 1-9

In illo témpore: Designávit Dóminus et álíos septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis, ut mittat operários in messem suam. **Ite:** ecce, ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit filius pacis, requiécet super illum pax vestra: sin autem, ad vos revertétur. In eádem autem domo manéte, edéntes, et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúm-

que civitatem intraveritis, et susceperint vos, manducate quae apponuntur vobis: et curate infirmos, qui in illa sunt, et dicite illis: Appropinquavit in vos regnum Dei.

Antiphona ad Offertorium Ps. 20, 2-3 In virtute tua, Domine, letabitur iustus: et super salutare tuum exsultabit vehementer: desiderium animae eius tribuisti ei.

Secreta

Praesta nobis, quaesumus, omnipotens Deus: ut nostrae humilitatis oblatio et pro tuorum tibi grata sit honore Sanctorum, et nos corpore pariter et mente purificet. Per Dominum.

Antiphona ad Communionem Matth. 19, 28 et 29 Amen dico vobis: quod vos, qui reliquistis omnia, et secuti estis me, centuplum accipietis, et vitam aeternam possidebitis.

Postcommunio

Quaesumus, omnipotens Deus: ut, qui caelestia alimenta percipimus, intercedente beato Vincentio Confessore tuo, per haec contra omnia adversa muniamur. Per Dominum.

Die 20 iulii

S. HIERONYMI ÆMILIANI
CONFESSORIS

III classis

Antiphona ad Introitum

Thren. 2, 11

Effusum est in terra iecur meum super contritione filiae populi mei, cum deficeret parvulus et lactens in plateis oppidi. **Ps. 112, 1** Laudate, pueri, Dominum: laudate nomen Domini. **V.** Gloria Patri.

Oratio

Deus, misericordiarum pater, per merita et intercessionem beati Hieronymi, quem orphanis adiutorem et patrem esse voluisti: con-

cede; ut spiritum adoptionis, quo filii tui nominamur et sumus, fideliter custodiamus. Per Dominum.

Et fit commemoratio S. Margaritae Virg. et Mart.:

Oratio

C

Indulgentiam nobis, quaesumus, Domine, beata Margarita Virgo et Martyr impleret: quae tibi grata semper exstitit et merito castitatis, et tuae professione virtutis. Per Dominum.

Lectio Isaiae Prophetae.

Isai. 58, 7-11

Haec dicit Dominus: Frange esurienti panem tuum, et egenos, vagosque induc in domum tuam: cum videris nudum, operi eum, et carnem tuam ne despexeris. Tunc erumpet quasi mane lumen tuum, et sanitas tua citius oriatur, et anteibit faciem tuam iustitia tua, et gloria Domini colliget te. Tunc invocabis, et Dominus exaudiet: clamabis, et dicet: Ecce, adsum; si abstuleris de medio tui catenam, et desieris extendere digitum, et loqui quod non prodest. Cum effuderis esurienti animam tuam, et animam afflictam repleris, oriatur in tenebris lux tua, et tenebrae tuae erunt sicut meridies. Et requiem tibi dabit Dominus semper, et implebit splendoribus animam tuam, et ossa tua liberabit, et eris quasi hortus irriguus, et sicut fons aquarum, cuius non deficient aquae.

Graduale Prov. 5, 16 Deriventur fontes tui foras, et in plateis aquas tuas divide. **V. Ps. 111, 5-6** Iucundus homo, qui miseretur, et commodat: disponet sermones suos in iudicio, quia in aeternum non commovabitur.

Alleluia, alleluia. **V. Ibid., 9** Dispersionem dedit pauperibus: iustitia eius manet in saeculum saeculi. Alleluia.

¶ In Missis votivis tempore paschali omittitur graduale, et eius loco dicitur:

Allelúia, allelúia. **¶ Ps. III, 1** Beátus vir qui timet Dóminum, in mandátis eius cupit nimis. Allelúia. **¶ Ibid., 9** Dispérsit, dedit paupéribus: iustítia eius manet in sáculum sáculi. Allelúia.

✠ Sequéntia sancti Evangélíi secúndum Mattháeum.

Matth. 19, 13-21

In illo témpore: Obláti sunt Iesu párvuli, ut manus eis impóneret, et oráret. Discípuli autem increpábant eos. Iesus vero ait eis: Sínite párvulos, et nolíte eos prohibére ad me veníre: tálium est enim regnum cælórum. Et cum imposuísset eis manus, ábiit inde. Et ecce, unus accédens, ait illi: Magíster bone, quid boni fáciam ut hábeam vitam ætérrnam? Qui dixit ei: Quid me intérrogas de bono? Unus est bonus, Deus. Si autem vis ad vitam íngredi, serva mandáta. Dicit illi: Quæ? Iesus autem dixit: Non homicídium fácies: Non adulterábis: Non fácies furtum: Non falsum testimónium dices: Honóra patrem tuum, et matrem tuam, et díliges próximum tuum sicut teípsum. Dicit illi aduléscens: Omnia hæc custodívi a iuventúte mea: quid adhuc mihi deest? Ait illi Iesus: Si vis perféctus esse, vade, vende quæ habes, et da paupéribus, et habébis thesáurum in cælo: et veni, séquere me.

Antiphona ad Offertorium Tob. 12, 12 Quando orábas cum lácrimis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos: ego óbtuli oratióner tuam Dómino.

Secreta

Clementíssime Deus, qui, véteri hómine consúmpo, novum secúndum te in beáto Hierónymo créare dignátus es: da, per mérita ipsíus; ut nos páriter renováti, hanc placatióner hóstiam in odórem tibi suavíssimum offerámus. Per Dóminum.

Pro S. Margarita
Secreta

CHóstias tibi, Dómine, beáta Margarítæ Vírginis et Mártiris tuæ dicátas méritis, benígnus assúme: et ad perpétuum nobis tríbue proveníre subsidium. Per Dóminum.

Antiphona ad Communionem Iac. 1, 27 Relígio munda et immaculáta apud Deum et Patrem, hæc est: Visitáre pupílos, et víduas in tribulatióner eórum, et immaculátum se custodíre ab hoc sáculo.

Postcommunio

Angelórum pane refécti te, Dómine, suppliciter deprecámur: ut, qui ánnuam beáti Hierónymi Confessóris tui memóriam celebráre gaudémus; eiúsdem étiam et exémplum imitémur, et amplíssimum in regno tuo prámium obtinére valeámus. Per Dóminum.

Pro S. Margarita

Postcommunio

Divíni múnemis largitáte satiáti, quæsumus, Dómine Deus noster: ut, intercedénte beáta Margaríta Vírgine et Mártire tua, in eius semper participatióne vivámus. Per Dóminum.

Eodem die 20 iulii

S. MARGARITÆ VIRG. ET MART.

Commemoratio

Missa Me expectavérunt, **de Communi Virginum 2 loco** (25).

Oratio

Indulgéntiam nobis, quæsumus, Dómine, beáta Margaríta Virgo

et Martyr implóret: quæ tibi grata semper éxstitit et mérito castitátis, et tuæ professione virtútis. Per Dóminum.

Secreta

C

Hóstias tibi, Dómine, beátæ Margarítæ Vírginis et Mártýris tuæ dicátas méritis, benígnus assúme: et ad perpétuum nobis tríbue proveníre subsídium. Per Dóminum.

Postcommunio

C

Divíni múnieris largitáte satiáti, quæsumus, Dómine Deus noster: ut, intercedente beáta Margaríta Vírgine et Mártýre tua, in eius semper participatióne vivámus. Per Dóminum.

Die 21 iulii

S. LAURENTII DE BRUNDUSIO
CONF. ET ECCL. DOCT.

III classis**Antiphona ad Introitum****Eccli. 15, 5**

In médio Ecclésiæ apérui os eius: et implévit eum Dóminus spírítu sapiéntiæ et intelléctus: stolam glóriæ índuit eum. **Ps. 91, 2** Bonum est confitéri Dómino: et psállere nómini tuo, Altíssime. **V.** Glória Patri.

Oratio

Deus, qui ad árdua quæque pro nóminis tui glória et animárum salúte beáto Lauréntio Confessóri tuo atque Doctóri spírítum sapiéntiæ et fortitúdinis contulísti: da nobis in eódem spírítu et agénda cognóscere; et cógnita, eius intercessióne, perfícere. Per Dóminum.

Et fit commemoratio S. Praxedis Virginis:

Oratio

C

Exáudi nos, Deus salutáris noster: ut, sicut de beátæ Praxedis Vírginis tuæ festivitáte

gaudémus; ita piæ devotiónis erudiámur afféctu. Per Dóminum.

Léctio Epístolæ beáti Pauli Apóstoli
ad Timótheum.

2 Tim. 4, 1-8

Caríssime: Testíficor coram Deo, et Iesu Christo, qui iudicáturus est vivos et mórtuos, per advéntum ipsíus, et regnum eius: prædica verbum, insta opportúne, importúne: árgue, óbseca, increpa in omni paciéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritáte quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim iam delíbor, et tempus resolutiόνis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiæ, quam reddet mihi Dóminus in illa die, iustus iudex: non solum autem mihi, sed et iis, qui díligunt advéntum eius.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplantábuntur gressus eius.

Allelúia, allelúia. **V. Eccli. 45, 9** Amávit eum Dóminus, et ornávit eum: stolam glóriæ índuit eum. Allelúia.

✠ Sequéntia sancti Evangélíi secúndum Matthæum.

Matth. 5, 13-19

In illo témpore: Dixit Iesus discí-pulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest cívitas abscondi supra

montem p̄sita. Neque accēdunt lucēnam, et ponunt eam sub mōdio, sed super candelābrum, ut lūceat omnibus qui in domo sunt. Sic lūceat lux vestra coram hominibus, ut vīdeant ōpera vestra bona, et glorificent Patrem vestrum, qui in cēlis est. Nolite putāre, quōniam veni sōlvēre legem, aut prophētas: non veni sōlvēre, sed adimplēre. Amen quippe dico vobis, donec trānseat cēlum et terra, iota unum, aut unus apex non prāteribit a lege, donec ōmnia fiant. Qui ergo sōlverit unum de mandātis istis minimis, et docūerit sic hōmines, minimus vocābitur in regno cēlorum: qui autem fēcerit, et docūerit, hic magnus vocābitur in regno cēlorum.

Antiphona ad Offertorium Ps. 91, 13 Iustus ut palma florēbit: sicut cedrus, quā in Lībano est, multiplicābitur.

Secreta

Sancti Laurēntii Confessōris tui atque Doctōris nobis, Dōmine, pia non desit oratio: quā et mūnera nostra concīliet; et tuam nobis indulgētiā semper obtīneat. Per Dōminum.

Pro S. Praxede

Secreta

C

Accēpta tibi sit, Dōmine, sacratē plebis oblātio, pro tuōrum honōre Sanctōrum: quorum se mēritis de tribulatiōne percepisse cognōscit auxiliū. Per Dōminum.

Antiphona ad Communionem Luc. 12, 42 Fidēlis servus et prudens, quem constituit dōminus super familiā suā: ut det illis in tēpore tritici mensurā.

Postcommunio

Ut nobis, Dōmine, tua sacrificia dent salutē: beātus Laurēntius Confessor tuus et Doctor egrē-

gius, quāsumus, precātor accēdat. Per Dōminum.

Pro S. Praxede

Postcommunio

C

Satiāsti, Dōmine, familiā tuā munēribus sacris: eius, quāsumus, semper interventiōne nos réfove, cuius solēnnia celebrāmus. Per Dōminum.

Eodem die 21 iulii

S. PRAXEDIS VIRGINIS

Commemoratio

Antiphona ad Introitum

Ps. 118, 46-47

Loquēbar de testimoniis tuis in conspēctu regum, et non confundēbar: et meditābar in mandātis tuis, quā dilēxi nimis. **Ps. ibid., 1** Beāti immaculāti in via: qui āmbulant in lege Dōmini. **V.** Glória Patri.

Oratio

Exāudi nos, Deus salutāris noster: ut, sicut de beātē Praxēdis Virginituē festivitāte gaudēmus; ita piā devotiōnis erudiāmur affēctu. Per Dōminum.

Lectio Epistolae beāti Pauli Apóstoli ad Corínthios.

1 Cor. 7, 25-34

Fratres: De virgínibus prāceptum Dōmini non hábeo: consílium autem do, tamquam misericórdiam consecútus a Dōmino, ut sim fidēlis. Existimo ergo hoc bonum esse propter instāntem necessitātem, quōniam bonum est hōmini sic esse. Alligátus es uxóri? noli quāerere solutiōnem. Solútus es ab uxóre? noli quāerere uxórem. Si autem accēperis uxórem, non peccāsti. Et si nūpserit virgo, non peccāvit: tribulatiōnem tamen carnis habēbunt huiúsmodi. Ego autem vobis parco. Hoc itaque dico, fratres: Tempus breve est: reliquum est, ut et qui

habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudentes: et qui emunt, tamquam non possidentes: et qui utúntur hoc mundo, tamquam non utántur: præterit enim figura huius mundi. Volo autem vos sine sollicitúdine esse. Qui sine uxóre est, sollicitus est, quæ Dómini sunt, quómodo pláceat Deo. Qui autem cum uxóre est, sollicitus est, quæ sunt mundi, quómodo pláceat uxóri, et divisus est. Et múlter in-núpta, et virgo cógitat quæ Dómini sunt, ut sit sancta corpore, et spírítu: in Christo Iesu Dómino nostro.

Graduale Ps. 44, 8 Dilexísti iustítiam, et odísti iniquitátem. **V.** Proptérea unxit te Deus, Deus tuus, óleo lætítiæ.

Allelúia, allelúia. **V. Ibid., 5** Spécie tua, et pulchritúdine tua inténde, prospere procéde, et regna. Allelúia.

✠ Sequéntia sancti Evangélíi secúndum Mattháeum.

Matth. 13, 44-52

In illo témpore: Dixit Iesus discí-pulis suis parábolam hanc: Sí-mile est regnum cælórum thesaúro abscondito in agro: quem qui invénit homo, abscondit, et præ gáudio illíus vadit, et vendit unívérsa, quæ habet, et emit agrum illum. Iterum símile est regnum cælórum hómini negotiatóri, quærénti bonas margarítas. Invénta autem una pretiósa margaríta, ábiit, et véndidit ómnia, quæ hábuit, et emit eam. Iterum símile est regnum cælórum sagénæ missæ in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sæculi: exibunt Angeli, et separábunt malos de médio iustórum, et mittent eos

in camínus ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno cælórum símilis est hómini patrifamílias, qui profert de thesaúro suo nova et vétera.

Antiphona ad Offertorium Ps. 44, 3 Diffusa est grátia in lábiis tuis, proptérea benedíxit te Deus in ætérnum, et in sáculum sáculi.

Secreta

Accépta tibi sit, Dómine, sacratæ plebis oblátio, pro tuórum honóre Sanctórum: quorum se méritis de tribulatione percepisse cognóscit auxílium. Per Dóminum.

Antiphona ad Communionem Matth. 13, 45-46 Símile est regnum cælórum hómini negotiatóri, quærénti bonas margarítas: invénta autem una pretiósa margaríta, dedit ómnia sua, et comparávit eam.

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

Die 22 iulii

**S. MARIE MAGDALENÆ
PÆNITENTIS**

III classis

Antiphona ad Introitum

Ps. 118, 95-96

Me exspectavérunt peccatóres, ut pérderent me: testimónia tua, Dómine, intelléxi: omnis consummationis vidi finem: latum mandátum tuum nimis. **Ps. ibid., 1** Beáti immaculáti in via: qui ámbulant in lege Dómini. **V.** Glória Patri.

Oratio

Beátæ Mariæ Magdalénæ, quæsumus, Dómine, suffrágiis adiuvémur: cuius précibus exorátus, quatríduánum fratrem Lázarum vivum ab ínferis resuscitásti: Qui vivis.

Léctio libri Sapiéntiæ.

Cant. 3, 2-5; 8, 6-7

Surgam, et circuibo civitatem: per vicos et platéas quæram quem diligit ánima mea: quæsívi illum, et non invéni. Invenérunt me vígiles, qui custódiunt civitatem: Num quem diligit ánima mea, vidístis? Páululum cum pertransíssem eos, invéni quem diligit ánima mea: ténui eum, nec dimíttam donec introdúcam illum in domum matris meæ, et in cubículum genetrícis meæ. Adiúro vos, filiæ Ierúsalem, per cápreas, cervósque campórum, ne suscitétis, neque evigiláre faciátis diléctam donec ipsa velit. Pone me ut signáculum super cor tuum, ut signáculum super bráccium tuum: quia fortis est ut mors diléctio, dura sicut inférnus æmulátio: lámpades eius lámpades ignis atque flammárum. Aquæ multæ non potuérunt exstinguere caritátem, nec flúmina óbruent illam: si déderit homo omnem substántiam domus suæ pro dilectióne, quasi nihil despíciat eam.

Graduale Ps. 44, 8 Dilexísti iustítiam, et odísti iniquitátem. **V.** Proptérea unxit te Deus, Deus tuus, óleo lætítiæ.

Allelúia, allelúia. **V. Ibid., 3** Diffúsa est grátia in lábiis tuis: proptérea benedíxit te Deus in ætérnum. Allelúia.

✠ Sequéntia sancti Evangélíi secúndum Lucam.

Luc. 7, 36-50

In illo témpore: Rogábat Iesum quidam de pharisæis, ut man-

ducáret cum illo. Et ingræssus domum pharisæi, discúbuit. Et ecce, múlter, quæ erat in civitáte peccátrix, ut cognóvit, quod accubuísset in domo pharisæi, áttulit alabástrum unguénti: et stans retro secus pedes eius, lácrimis cœpit rigáre pedes eius, et capíllis cápitis sui tergébat, et osculabátur pedes eius, et unguénto ungébat. Videns autem pharisæus, qui vocáverat eum, ait intra se, dicens: Hic si esset prophéta, sciret útique, quæ et qualis est múlter, quæ tangit eum: quia peccátrix est. Et respóndens Iesus, dixit ad illum: Simon, hábeo tibi áliquíd dícere. At ille ait: Magíster, dic. Duo debitóres erant cuídám feneratori: unus debébat denários quingéntos, et álius quinquagínta. Non habéntibus illis unde rédderent, donávit utrísque. Quis ergo eum plus diligit? Respóndens Simon, dixit: Æstimo quia is, cui plus donávit. At ille dixit ei: Recte iudicásti. Et convérsus ad mulíerem, dixit Simóni: Vides hanc mulíerem? Intrávi in domum tuam, aquam pédibus meis non dedísti: hæc autem lácrimis rigávit pedes meos, et capíllis suis tersit. Osculum mihi non dedísti: hæc autem, ex quo intrávit, non cessávit osculári pedes meos. Oleo caput meum non unxísti: hæc autem unguénto unxit pedes meos. Propter quod dico tibi: Remittúntur ei peccáta multa, quóniam diléxit multum. Cui autem minus dimíttitur, minus diligit. Dixit autem ad illam: Remittúntur tibi peccáta. Et cœpérunt, qui simul accumbébant, dícere intra se: Quis est hic, qui étiam peccáta dimíttit? Dixit autem ad mulíerem: Fides tua te salvam fecit: vade in pace.

Antiphona ad Offertorium Ps. 44, 10 Fíliæ regum in honóre tuo: ástitit regína a dextris tuis in vestítu deauráto, circúmdata varietáte.

Secreta

Múnera nostra, quæsumus, Dómine, beátæ Mariæ Magdalénæ gloriósa mérita tibi reddant accepta: cuius oblatiónis obséquium unigénitus Fílius tuus cleménter suscepit impénsum: Qui tecum vivit.

Antiphona ad Communionem
Ps. 118, 121, 122 et 128 Feci iudícium, et iustítiam, Dómine, non calumniéntur mihi supérbi: ad ómnia mandáta tua dirigébar, omnem viam iniquitátis ódio hábui.

Postcommunio

Sumpto, quæsumus, Dómine, único ac salutári remédio, corpore et ságuine tuo pretióso: ab ómnibus malis, sanctæ Mariæ Magdalénæ patrocíniis, eruámur: Qui vivis.

Die 23 iulii

S. APOLLINARIS EP. ET MART.

III classis**Antiphona ad Introitum**

Dan. 3, 84 et 87

Sacerdótes Dei, benedícite Dóminum: sancti, et húmiles corde, laudáte Deum. **Ibid., 57** Benedícite, ómnia ópera Dómini, Dómino: laudáte et superexaltáte eum in sǎcula. **V.** Glória Patri.

Oratio

Deus, fidélium remunerátor animárum, qui hunc diem beáti Apollináris Sacerdótis tui martýrio consecrásti: tríbue nobis, quæsumus, fámulis tuis; ut, cuius venerándam celebrámus festivitátem, précibus eius indulgéntiam consequámur. Per Dóminum.

Et fit commemoratio S. Liborii Ep. et Conf.:

Oratio

C

Da, quæsumus, omnipotens Deus: ut beáti Libórii Con-

fessoris tui atque Pontíficis venerándam solémnitatem, et devotióne nobis áugeat, et salutem. Per Dóminum.

Léctio Epístolæ beáti Petri Apóstoli.

I Petri 5, 1-11

Caríssimi: Senióres, qui in vobis sunt, óbsecro consénior et testis Christi passiónum, qui et eius, quæ in futúro revelánda est, glóriæ communicátor: páscite qui in vobis est gregem Dei, providéntes non coácte, sed spontáneae secúndum Deum, neque turpis lucri grátia, sed voluntárie; neque ut dominántes in cleris, sed forma facti gregis ex ánimo. Et cum apparúerit princeps pastórum, percipiétis immarcescibilem glóriæ corónam. Simíliter adulescéntes, súbditi estóte seniórius. Omnes autem ínvicem humilitátem insinuáte: quia Deus supérbis resístit, húmilibus autem dat grátiam. Humiliámini ígitur sub poténti manu Dei, ut vos exáltet in témpore visitatiónis: omnem sollicitúdinem vestram proiciéntes in eum, quóniam ipsi cura est de vobis. Sóbrii estóte, et vigiláte: quia adversárius vester diábolus tamquam leo rúgiens circuit, quærens quem devoret: cui resístite fortes in fide: sciéntes eándem passióne ei, quæ in mundo est, vestræ fraternitáti fieri. Deus autem omnis grátia, qui vocávit nos in ætérnam suam glóriam in Christo Iesu, módicum passos ipse perficiet, confirmábit solidabítque. Ipsi glória, et impérium in sǎcula sǎculórum. Amen.

Graduale Ps. 88, 21-23 Invéni David servum meum, óleo sancto meo unxi eum: manus enim mea auxiliábitur ei, et bráccium meum confortábit eum. **V.** Nihil proficiet inimícus in eo, et fílius iniquitátis non nocébit ei.

Allelúia, allelúia. **V. Ps. 109, 4**
Iurávit Dóminus, et non pænitébit
eum: tu es sacérdos in ætérnum,
secúndum órđinem Melchisedech.
Allelúia.

✠ Sequéntia sancti Evangélíi se-
cúndum Lucam.

Luc. 22, 24-30

In illo témpore: Facta est conténtio
inter discípulos, quis eórum vi-
derétur esse maior. Dixit autem
eis Iesus: Reges géntium dominán-
tur eórum: et qui potestátem
habent super eos, benéfici vocántur.
Vos autem non sic: sed qui maior
est in vobis, fiat sicut minor: et qui
præcëssor est, sicut ministrátor.
Nam quis maior est, qui recúmbit,
an qui ministrat? nonne qui recúm-
bit? Ego autem in médio vestrum
sum, sicut qui mínistrat. Vos autem
estis, qui permansístis mecum in
tentatiónibus meis: et ego dispóno
vobis, sicut dispósuit mihi Pater
meus regnum, ut edátis, et bibátis
super mensam meam in regno meo:
et sedeátis super thronos, iudicán-
tes duódecim tribus Israél.

Antiphona ad Offertorium Ps. 88,
25 Véritas mea, et misericórdia mea
cum ipso: et in nómine meo exaltá-
bitur cornu eius.

Secreta

Réspice, Dómine, propítius super
hæc múnera: quæ pro beáti
Sacerdótis et Mártiris tui Apolliná-
ris commemoratióne deférimus, et
pro nostris offensióibus immolá-
mus. Per Dóminum.

Pro S. Liborio

Secreta

C

Sancti tui, quæsumus, Dómine,
nos ubique lætíficent: ut, dum
eórum mérita recólimus, patro-
cínia sentiámus. Per Dóminum.

Antiphona ad Communionem
Matth. 25, 20 et 21 Dómine, quinque
talénta tradidísti mihi, ecce, ália

quinque superlucrátus sum. Euge,
serve bone, et fidélis, quia in pauca
fuísti fidélis, supra multa te consti-
tuam: intra in gáudium dómini tui.

Postcommunio

Tua sancta suméntes, quæsumus,
Dómine, ut beáti Apollináris
nos fóveant continuáta præsidia:
quia non désinis propítius intuéri,
quos talibus auxiliis concesseris ad-
iuvári. Per Dóminum.

Pro S. Liborio

Postcommunio

C

Præsta, quæsumus, omnípotens
Deus: ut, de percéptis muné-
ribus grátias exhibéntes, inter-
cedente beáto Libório Confessóre
tuo atque Pontífice, beneficia po-
tióra sumámus. Per Dóminum.

Eodem die 23 iulii

S. LIBORII

EPISCOPI ET CONFESSORIS

Commemoratio

Missa Státuit, de Communi Con-
fessoris Pontificis 1 loco (16).

Oratio

C

Da, quæsumus, omnípotens
Deus: ut beáti Libórii Con-
fessóris tui atque Pontíficis vene-
ránda solémnitas, et devotióne
nobis áugeat, et salútem. Per Dó-
minum.

Secreta

C

Sancti tui, quæsumus, Dómine,
nos ubique lætíficent: ut, dum
eórum mérita recólimus, patro-
cínia sentiámus. Per Dóminum.

Postcommunio

C

Præsta, quæsumus, omnípotens
Deus: ut, de percéptis munéri-
bus grátias exhibéntes, intercedente
beáto Libório Confessóre tuo atque
Pontífice, beneficia potióra sumá-
mus. Per Dóminum.

Die 24 iulii

S. CHRISTINÆ
VIRGINIS ET MARTYRIS

Commemoratio

Missa Me expectavérunt, **de**
Communi Virginum 2 loco (25).

Oratio

C

Indulgéntiam nobis, quæsumus,
Dómine, beáta Christína Virgo
et Martyr implóret: quæ tibi grata
semper éxstitit, et mérito castitátis,
et tuæ professióne virtútis. Per Dó-
minum.

Secreta

C

Hóstias tibi, Dómine, beátæ
Christínæ Vírginis et Mártiris
tuæ dicátas méritis, benígnus assú-
me: et ad perpétuum nobis tribue
proveníre subsidium. Per Dómi-
num.

Postcommunio

C

Divíni múnneris largitáte satiáti,
quæsumus, Dómine Deus no-
ster: ut, intercedénte beáta Chri-
stína Vírgine et Mártire tua, in eius
semper participatióne vivámus. Per
Dóminum.

Die 25 iulii

S. IACOBI APOSTOLI

II classis

Antiphona ad Introitum

Ps. 138, 17

Mihi autem nimis honoráti
sunt amíci tui, Deus: nimis
confortátus est principátus
eórum. **Ps. ibid., 1-2** Dómine, pro-
básti me, et cognovísti me: tu co-
gnovísti sessiόνem meam, et resur-
rectiόνem meam. **℣.** Glória Patri.

Oratio

Esto, Dómine, plebi tuæ sanctifi-
cátor et custos: ut, Apóstoli tui
Iacóbi muníta præsídiis, et conver-
satióne tibi pláceat, et secúra mente
desérviat. Per Dóminum.**Et fit commemoratio S. Chri-
stophori Martyris:**

Oratio

C

Præsta, quæsumus, omnípotens
Deus: ut, qui beáti Christó-
phori Mártiris tui natalícia cóli-
mus, intercessióne eius in tui
nóminis amóre roborémur. Per
Dóminum.Léctio Epístolæ beáti Pauli Apóstoli
ad Corínthios. **1 Cor. 4, 9-15****F**ratres: Puto, quod Deus nos
Apóstolos novíssimos ostén-
dit, tamquam morti destinátos:quia spectáculum facti sumus
mundo, et Angelis, et homíni-
bus. Nos stulti propter Christum,
vos autem prudéntes in Christo:
nos infirmi, vos autem fortes: vos
nóbiles, nos autem ignóbiles. Usque
in hanc horam et esurímus, et siti-
mus, et nudi sumus, et cólaphis
cædimur, et instábiles sumus, et
laborámus operántes mánibus no-
stris: maledícimur, et benedícimus:
persecutióne pátimur, et susti-
némus: blasphemámur, et obsecrá-
mus: tamquam purgaménta huius
mundi facti sumus, ómnium peri-
pséma usque adhuc. Non ut con-
fúdam vos, hæc scribo, sed ut
filios meos caríssimos móneo. Nam
si decem mília pædagogórum ha-
beátis in Christo: sed non multos
patres. Nam in Christo Iesu per
Evangélium ego vos genui.**Graduale Ps. 44, 17-18** Constitues
eos príncipes super omnem terram:
mémores erunt nóminis tui, Dó-
mine. **℣.** Pro pátribus tuis nati sunt
tibi filii: proptérea pópuli confite-
búntur tibi.Allelúia, allelúia. **℣. Ioann. 15, 16**
Ego vos elégi de mundo, ut eátis, et
fructum afferátis: et fructus vester
máneat. Allelúia.

✠ Sequéntia sancti Evangélíi secúndum Mattháeum.

Matth. 20, 20-23

In illo témpore: Accéssit ad Iesum mater filiórum Zebedái cum filiis suis, adórans, et petens áliquid ab eo. Qui dixit ei: Quid vis? Ait illi: Dic ut sédeant hi duo filii mei, unus ad dexteram tuam, et unus ad sinistram in regno tuo. Respóndens autem Iesus, dixit: Nescítis quid petátis. Potéstis bíbere cálicem, quem ego bibitúrus sum? Dicunt ei: Póssumus. Ait illis: Cálicem quidem meum bibétis: sedére autem ad dexteram meam, vel sinistram, non est meum dare vobis, sed quibus parátum est a Patre meo.

Credo.

Antiphona ad Offertorium Ps. 18, 5 In omnem terram exívit sonus eórum: et in fines orbis terræ verba eórum.

Secreta

Oblatiónes pópuli tui, quásumus, Dómine, beáti Iacóbi Apóstoli pássio beáta concíliet: et quæ nostris non aptæ sunt méritis, fiant tibi plácitæ eius deprecatione. Per Dóminum.

Pro S. Christophoro

Secreta

C

Muneribus nostris, quásumus, Dómine, precibúsque susceptis: et cælestibus nos munda mystériis, et cleménter exáudi. Per Dóminum.

Præfatio de Apostolis.

Antiphona ad Communionem Matth. 19, 28 Vos, qui secúti estis me, sedébitis super sedes, iudicántes duódecim tribus Israël.

Postcommunio

Beáti Apóstoli tui Iacóbi, quásumus, Dómine, intercessióne

nos ádiuva: pro cuius festivitáte percépimus tua sancta lætántes. Per Dóminum.

Pro S. Christophoro

Postcommunio

C

Da, quásumus, Dómine Deus noster: ut, sicut tuórum commemoratióne Sanctórum temporáli gratulámur officio; ita perpétuo lætémur aspéctu. Per Dóminum.

¶ **In Missis votivis omnia dicuntur ut supra, sed post Septuagesimam, omissis Allelúia, et versu sequenti, dicitur tractus Desidérium, ex Missa Státuit, de Communi unius Martyris 1 loco (4).**

¶ **Tempore autem paschali, Missa Protexísti, de Communi Martyrum 1 loco (12), cum orationibus, Epistola et Evangelio ut supra; sed post Epistolam dicitur:**

Allelúia, allelúia. V. Ioann. 15, 16 Ego vos elégi de mundo, ut eátis, et fructum afferátis; et fructus vester máneat. Allelúia. **V. Ps. 88, 6** Confitebúntur cæli mirabilia tua, Dómine: étenim veritátem tuam in ecclésia sanctórum. Allelúia.

Eodem die 25 iulii

CHRISTOPHORI MARTYRIS

Commemoratio

Missa In virtúte, de Communi unius Martyris 3 loco (5).

Oratio

C

Præsta, quásumus, omnípotens Deus: ut, qui beáti Christóphori Mártyris tui natalícia cólimus, intercessióne eius in tui nóminis amóre roborémur. Per Dóminum.

Secreta

C

Munéribus nostris, quæsumus, Dómine, precibúsque suscep-tis: et cæléstibus nos munda my-stériis, et cleménter exáudi. Per Dóminum.

Postcommunio

C

Da, quæsumus, Dómine Deus noster: ut, sicut tuórum com-memoratióne Sanctórum temporáli gratulámur offício; ita perpétuo læ-témur aspéctu. Per Dóminum.

Die 26 iulii

S. ANNÆ MATRIS B. M. V.

II classis

Antiphona ad Introitum

Gaudeámus omnes in Dómi-no, diem festum celebrántes sub honóre beátæ Annæ: de cuius solemnitáte gaudent Angeli, et colláudant Fílium Dei. **Ps. 44, 2** Eructávit cor meum verbum bo-num: dico ego ópera mea Regi. **V.** Glória Patri.

Oratio

Deus, qui beátæ Annæ grátiam conférre dignátus es, ut Gene-trícis unigéniti Fílii tui mater éffici mererétur: concéde propítius; ut, cuius solémnia celebrámus, eius apud te patrocíniis adiuvémur. Per eúndem Dóminum.

Lectio libri Sapiéntiæ.

Prov. 31, 10-31

Mulierem fortem quis invéniet? Procul, et de últimis finibus prétium eius. Confidit in ea cor viri sui, et spóliis non indigébit. Reddet ei bonum, et non malum, ómnibus diébus vitæ suæ. Quæsívit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surréxit, dedítque prædam domésticis suis, et cibária ancíllis suis. Considerávit agrum, et emit eum: de fructu mánuum suárum plantávit véneam. Accínxit fortitúdine lumbos suos, et roborávit bráccium suum. Gustávit, et vidit quia bona est nego-

tiátio eius: non exstinguétur in nocte lucérna eius. Manum suam misit ad fórtia, et dígití eius apprehendérunt fusum. Manum suam apérui inópi, et palmas suas extén-dit ad páuperem. Non timébit dó-mui suæ a frigóribus nivis: omnes enim doméstici eius vestíti sunt duplícibus. Stragulátam vestem fecit sibi: byssus, et púrpura indu-méntum eius. Nóbilis in portis vir eius, quando séderit cum senatóri-bus terræ. Síndonem fecit, et vén-didit, et cingulum trádidit Chana-næo. Fortitúdo et decor indumén-tum eius, et ridébit in die novís-simo. Os suum apérui sapiéntiæ, et lex cleméntiæ in lingua eius. Con-siderávit sémitas domus suæ, et panem otíosa non comédit. Surre-xérunt filii eius, et beatíssimam prædicavérunt: vir eius, et laudávit eam. Multæ filiæ congregavérunt divítias: tu supergréssa es univér-sas. Fallax grátia, et vana est pul-chritúdo: múlter timens Dóminum, ipsa laudábitur. Date ei de fructu mánuum suárum: et laudent eam in portis ópera eius.

Graduale Ps. 44, 8 Dilexísti iustí-tiam, et odísti iniquitátem. **V.** Prop-térea unxit te Deus, Deus tuus, óleo lætítiæ.

Allelúia, allelúia. **V. Ibid., 3** Diffúsa est grátia in lábiis tuis: proptérea benedíxit te Deus in ætérnum. Allelúia.

✠ Sequéntia sancti Evangélíi secúndum Matthæum.

Matth. 13, 44-52

In illo témpore: Dixit Iesus discí-
pulis suis parábolam hanc: Sí-
mile est regnum cælórum thesáuro
abscóndito in agro: quem qui in-
venit homo, abscóndit, et præ gáu-
dio illíus vadit, et vendit univérsa,
quæ habet, et emit agrum illum.
Iterum símile est regnum cælórum
hómini negotiátóri, quærénti bonas
margarítas. Invénta autem una pre-
tíosa margaríta, ábiit, et véndidit
ómnia, quæ hábuit, et emit eam.
Iterum símile est regnum cælórum
sagénæ missæ in mare, et ex omni
génere píscium congregánti. Quam,
cum impléta esset, educéntes, et
secus littus sedéntes, elegérunt bo-
nos in vasa, malos autem foras
misérunt. Sic erit in consummatio-
ne sáculi: exíbunt Angeli, et sepa-
rábunt malos de médio iustórum,
et mittent eos in camínium ignis:
ibi erit fletus, et stridor déntium.
Intellexístis hæc ómnia? Dicunt ei:
Etiam. Ait illis: Ideo omnis scribe
doctus in regno cælórum símilis est
hómini patrifamílias, qui profert
de thesáuro suo nova et vétera.

Antiphona ad Offertorium Ps. 44,
10 Fíliæ regum in honóre tuo, ástitit
regína a dextris tuis in vestítu
deauráto, circúmdata varietáte.

Secreta

Sacrificiis præsentibus, quæsumus,
Dómine, placátus inténde: ut
per intercessiónem beátæ Annæ,
quæ Genetrícis Fílii tui Dómini
nostri Iesu Christi mater éxstitit,
et devotióni nostræ proficiant, et
salúti. Per eúndem Dóminum.

Antiphona ad Communionem
Ps. 44, 3 Diffúsa est grátia in lábiis
tuis: propterea benedíxit te Deus
in ætérnum, et in sáculum sáculi.

Postcommunio

Cæléstibus sacraméntis vegetáti,
quæsumus, Dómine Deus no-
ster: ut, intercessióne beátæ Annæ,
quam Genetrícis Fílii tui matrem
esse voluísti, ad ætérnam salútem
perveníre mereámur. Per eúndem
Dóminum.

¶ **In Missis votivis antiphona**
ad Introitum sumitur ex Missa
Cognóvi, de Communi non Vir-
ginum 2 loco (31), et ex ea post
Septuagesimam sumitur etiam
graduale cum tractu; tempore
autem paschali omittitur gra-
duale, et eius loco dicitur:

Allelúia, allelúia. **V. Ps. 44, 3**
Diffúsa est grátia in lábiis tuis:
propterea benedíxit te Deus in
ætérnum. Allelúia. **V. Ibid., 5**
Spécie tua, et pulchritúde tua
inténde, prospere procéde, et
regna. Allelúia.

Die 27 iulii

S. PANTALEONIS MARTYRIS

Commemoratio

Missa Lætábitur, de Communi
unius Martyris 4 loco (6).

Oratio **C**

Præsta, quæsumus, omnípotens
Deus: ut, intercedénte beáto
Pantaleóne Mártire tuo, et a cunctis
adversitátibus liberémur in córpo-
re, et a pravis cogitatióibus mun-
démur in mente. Per Dóminum.

Secreta **C**

Accépta sit in conspéctu tuo,
Dómine, nostra devótio: et
eius nobis fiat supplicatióne salu-
táris, pro cuius solemnitáte de-
fértur. Per Dóminum.

Postcommunio **C**

Refécti participatióne mún-
eris sacri, quæsumus, Dómine
Deus noster: ut, cuius exséquimur
cultum, intercedénte beáto Panta-
leóne Mártire tuo, sentiámus ef-
féctum. Per Dóminum.

Die 28 iulii

SS. NAZARII ET CELSI MM.,
VICTORIS I PAPÆ ET MARTYRIS
AC INNOCENTII I
PAPÆ ET CONF.

III classis

Antiphona ad Introitum

Ps. 78, 11, 12 et 10

Intret in conspectu tuo, Dómine, gémitus compeditórum: redde vicinis nostris séptuplum in sinu eórum: víndica sánguinem sanctórum tuórum, qui effusus est.

Ps. *ibid.*, 1 Deus, venérunt gentes in hereditátem tuam: polluérunt templum sanctum tuum: posué-runt Ierúsalem in pomórum custó-diam. *℣.* Glória Patri.

Oratio

Sanctórum tuórum nos, Dómine, Nazárii, Celsi, Victóris et Inno-céntii conféssio beáta commúniat: et fragilitáti nostræ subsídium di-gnánter exóret. Per Dóminum.

Lectio libri Sapiéntiæ.

Sap. 10, 17-20

Réddidit Deus iustis mercédem labórum suórum et dedúxit illos in via mirábili: et fuit illis in velaménto diéi, et in luce stellárum per noctem: tránstulit illos per Mare Rubrum, et transvéxit illos per aquam nímiám. Inimícos autem illórum demérsit in mare, et ab altitúdine inferórum edúxit illos. Ideo iusti tulérunt spólia impiórum, et decantavérunt, Dómine, nomen sanctum tuum, et victrícem manum tuam laudavérunt páriter, Dómine Deus noster.

Graduale Exodi 15, 11 Gloriósus Deus in sanctis suis: mirábilis in maiestáte, fáciens prodigia. *℣. Ibid.*, 6 Dómine, glorificáta est in virtúte: dextera manus tua confrégit inimícos.

Allelúia, allelúia. *℣. Eccli. 44, 14* Córpora sanctórum in pace sepúlta

sunt: et nómina eórum vivent in generatiónem et generatiónem. Allelúia.

✠ Sequéntia sancti Evangélíi se-cúndum Lucam. **Luc. 21, 9-19**

In illo témpore: Dixit Iesus discí-pulis suis: Cum audiéritis prælia et seditiões, nolíte terréri: opórtet primum hæc fieri, sed nondum statim finis. Tunc dicébat illis: Surget gens contra gentem, et regnum ad-vérsus regnum. Et terræmótus magni erunt per loca, et pestilén-tiæ, et fames, terrorésque de cælo, et signa magna erunt. Sed ante hæc ómnia iníciant vobis manus suas, et persequéntur tradéntes in syna-gógas et custódias, trahéntes ad reges et præsides propter nomen meum: contínget autem vobis in testimónium. Pónite ergo in córdi-bus vestris non præmeditári quem-ádmódum respondeátis. Ego enim dabo vobis os, et sapiéntiam, cui non póterunt resístere, et contradí-cere omnes adversárii vestri. Tra-démini autem a paréntibus, et frá-tribus, et cognátis, et amícis, et morte affíciant ex vobis: et éritis ódio ómnibus propter nomen meum: et capíllus de cápíte vestro non períbit. In paciéntia vestra pos-sidébitis ánimas vestras.

In Missis votivis post Septua-gesimam, in fine sequentis anti-phonæ Allelúia omittitur.

Antiphona ad Offertorium Ps. 67, 36 Mirábilis Deus in sanctis suis: Deus Israél, ipse dabit virtútem, et fortitúdinem plebi suæ: benedíctus Deus, allelúia.

Secreta

Concéde nobis, omnípotens Deus: ut his munéribus, quæ in sanc-tórum tuórum Nazárii, Celsi, Victó-ris et Innocéntii honóre deférimus, et te placémus exhibitis, et nos vivi-ficémur accéptis. Per Dóminum.

Antiphona ad Communionem
Sap. 3, 4, 5 et 6 Et si coram hominibus tormenta passi sunt, Deus tentavit eos: tamquam aurum in fornace probavit eos, et quasi holocausta accepit eos.

Postcommunio

Sanctorum Nazarii, Celsi, Victoris et Innocentii, Domine, intercessionem placatus: presta, quaesumus; ut, quod temporali celebramus actione, perpetua salvatione capiamus. Per Dominum.

Die 29 iulii

S. MARTHÆ VIRG.

III classis

Antiphona ad Introitum

Ps. 44, 8

Dilexisti iustitiam, et odisti iniquitatem: propterea unxit te Deus, Deus tuus, oleo lætitiæ præ consortibus tuis. **Ps. ibid., 2** Eructavit cor meum verbum bonum: dico ego opera mea Regi. **V.** Glória Patri.

Oratio

Exaudi nos, Deus salutaris noster: ut, sicut de beatæ Marthæ Virginis tuæ festivitate gaudemus; ita pia devotionis erudiamur affectu. Per Dominum.

Et fit commemoratio Ss. Felicis, Simplicii, Faustini et Beatricis Martyrum:

Oratio

P

Presta, quaesumus, Domine: ut, sicut populus christianus Martyrum tuorum Felicis, Simplicii, Faustini et Beatricis temporali solemnitate congruet, ita perfruatur æterna; et, quod votis celebrat, comprehendat effectum. Per Dominum.

Lectio Epistolæ beati Pauli Apostoli ad Corinthios.

2 Cor. 10, 17-18; 11, 1-2

Fratres: Qui gloriatur, in Domino gloriatur. Non enim qui seipsum commendat, ille probatus est: sed quem Deus commendat. Utinam sustineretis modicum quid insipientiæ meæ, sed et supportate me: æmulor enim vos Dei æmulatione. Respondi enim vos uni viro virginem castam exhibere Christo.

Graduale Ps. 44, 5 Spécie tua, et pulchritudine tua intende, prospere procede, et regna. **V.** Propter veritatem, et mansuetudinem, et iustitiam: et deducet te mirabiliter dextera tua.

Allelúia, allelúia. **V. Ibid., 15 et 16** Adducéntur Regi vírgines post eam: próximæ eius afferéntur tibi in lætítia. Allelúia.

✠ Sequéntia sancti Evangélíi secúndum Lucam.

Luc. 10, 38-42

In illo témpore: Intrávit Iesus in quoddam castéllum: et múlier quædam Martha nómine, excépit illum in domum suam: et huic erat soror nómine María, quæ étiam sedens secus pedes Dómini, audiébat verbum illíus. Martha autem satagébat circa frequens ministérium: quæ stetit, et ait: Dómine, non est tibi curæ quod soror mea relíquit me solam ministráre? Dic ergo illi, ut me ádiuvet. Et respóndens, dixit illi Dóminus: Martha, Martha, solícita es, et turbáris erga plúrima: porro unum est necessárium. María óptimam partem elégit, quæ non auferétur ab ea.

Antiphona ad Offertorium Ps. 44, 10 Fíliæ regum in honóre tuo, ástitit regína a dextris tuis in vestítu deauráto, circúmdata varietáte.

Secreta

Accépta tibi sit, Domine, sacrátæ plebis oblátio, pro tuorum ho-

nóre Sanctórum: quorum se méritis de tribulatióne percepísse cognóscit auxílium. Per Dóminum.

Pro Ss. Martyribus

Secreta

P

Hóstias tibi, Dómine, pro sanctórum Mártyrum tuórum Felícis, Simplicii, Faustíni et Beatrícis commemoratióne deférimus: suppliciter deprecántes; ut indulgéntiam nobis páriter cónferant, et salútem. Per Dóminum.

Antiphona ad Communionem
Matth. 25, 4 et 6 Quinque prudentes vírgines acceperunt óleum in vasis suis cum lampádibus: média autem nocte clamor factus est: Ecce, sponsus venit: exíte óbviám Christo Dómino.

Postcommunio

Satiásti, Dómine, famíliam tuam munéribus sacris: eius, quásumus, semper interventióne vos réfove, cuius solémnia celebrámus. Per Dóminum.

Pro Ss. Martyribus

Postcommunio

P

Præsta, quásumus, omnípotens Deus: ut sanctórum Mártyrum tuórum Felícis, Simplicii, Faustíni et Beatrícis cæléstibus mystériis celebráta solémnitas, indulgéntiam nobis tuæ propitiatiónis acquírat. Per Dóminum.

Eodem die 29 iulii

**SS. FELICIS, SIMPLICII,
FAUSTINI ET BEATRICES MART.**

Commemoratio

Missa Sapiéntiam, **de Comuni plurimorum Martyrum 2 loco** (9), **cum orationibus ut infra:**

Oratio

P

Præsta, quásumus, Dómine: ut, sicut pópulus christiánus Mártyrum tuórum Felícis, Simplicii,

Faustíni et Beatrícis temporáli solemnitáte congáudet, ita perfruátur æténa; et, quod votis célebrat, comprehéndat efféctu. Per Dóminum.

Secreta

P

Hóstias tibi, Dómine, pro sanctórum Mártyrum tuórum Felícis, Simplicii, Faustíni et Beatrícis commemoratióne deférimus: suppliciter deprecántes; ut indulgéntiam nobis páriter cónferant, et salútem. Per Dóminum.

Postcommunio

P

Præsta, quásumus, omnípotens Deus: ut sanctórum Mártyrum tuórum Felícis, Simplicii, Faustíni et Beatrícis cæléstibus mystériis celebráta solémnitas, indulgéntiam nobis tuæ propitiatiónis acquírat. Per Dóminum.

Die 30 iulii

**SS. ABDON ET SENNEN
MARTYRUM**

Commemoratio

Antiphona ad Introitum

Ps. 78, 11, 12 et 10

Intret in conspéctu tuo, Dómine, gémitus compeditórum: redde vicínis nostris séptuplum in sinu eórum: víndica sánguinem sanctórum tuórum, qui effúsus est. **Ps. ibid., 1** Deus, venérunt gentes in hereditátem tuam, polluérunt templum sanctum tuum: posuérunt Ierúsalem in pomórum custódiam. **V.** Glória Patri.

Oratio

Deus, qui sanctis tuis Abdon et Sennen ad hanc glóriam veniéndi copiósum munus grátiae contulisti: da fámulis tuis suórum véniam peccatórum; ut, Sanctórum tuórum intercedéntibus méritis, ab ómnibus mereántur adversitátibus liberári. Per Dóminum.

Lectio Epistolæ beati Pauli Apóstoli
ad Corínthios.

2 Cor. 6, 4-10

Fratres: Exhibeámus nosmetipsos sicut Dei ministros in multa patientia, in tribulationibus, in necessitatibus, in angustis, in plagis, in carceribus, in seditionibus, in laboribus, in vigiliis, in ieiuniis, in castitate, in scientia, in longanimitate, in suavitate, in Spiritu Sancto, in caritate non ficta, in verbo veritatis, in virtute Dei, per arma iustitiæ a dextris, et a sinistris: per gloriā, et ignobilitatem: per infamiam, et bonam famam: ut seductores, et veraces: sicut qui ignoti, et cogniti: quasi morientes, et ecce, vivimus: ut castigati, et non mortificati: quasi tristes, semper autem gaudentes: sicut egentes, multos autem locupletantes: tamquam nihil habentes, et omnia possidentes.

Graduale Exodi 15, 11 Gloriosus Deus in sanctis suis: mirabilis in maiestate, faciens prodigia. **Ps. Ibid., 6** Dextera tua, Domine, glorificata est in virtute: dextera manus tua confrégit inimicos.

Allelúia, allelúia. **Ps. Sap. 3, 1** Iustorum animæ in manu Dei sunt, et non tanget illos tormentum malitiæ. Allelúia.

✠ Sequéntia sancti Evangelii secundum Matthæum.

Matth. 5, 1-12

In illo tempore: Videns Iesus turbas, ascendit in montem, et cum sedisset, accesserunt ad eum discipuli eius, et apériens os suum, docébat eos, dicens: Beati pauperes spiritu: quoniam ipsorum est regnum cælorum. Beati mites: quoniam ipsi possidebunt terram. Beati qui lugent: quoniam ipsi consolabuntur. Beati qui esuriunt et sitiunt iustitiam: quoniam ipsi saturabuntur. Beati misericordes: quoniam

ipsi misericordiam consequentur. Beati mundo corde: quoniam ipsi Deum videbunt. Beati pacifici: quoniam filii Dei vocabuntur. Beati qui persecutionem patiuntur propter iustitiam: quoniam ipsorum est regnum cælorum. Beati estis cum maledixerint vobis, et persecuti vos fuerint, et dixerint omne malum adversum vos, mentientes, propter me: gaudete, et exultate, quoniam merces vestra copiosa est in cælis.

Antiphona ad Offertorium Ps. 67,

36 Mirabilis Deus in sanctis suis: Deus Israël ipse dabit virtutem, et fortitudinem plebi suæ: benedictus Deus.

Secreta

Hæc hostia, quæsumus, Domine, quam sanctorum Martyrum tuorum natalicia recensentes offerimus: et vincula nostræ pravitatis absolvat, et tuæ nobis misericordiæ dona concíliet. Per Dóminum.

Antiphona ad Communionem

Ps. 78, 2 et 11 Posuerunt mortalia servorum tuorum, Domine, escas volatilibus cæli, carnes sanctorum tuorum bestiis terræ: secundum magnitudinem brachii tui posside filios morte punitorum.

Postcommunio

Per huius, Domine, operationem mystérii, et vitia nostra purgantur: et, intercedentibus sanctis Martyribus tuis Abdon et Sennen, iusta desideria compleantur. Per Dóminum.

Die 31 iulii

S. IGNATII CONFESSORIS

III classis

Antiphona ad Introitum

Philipp. 2, 10-11

In nómine Iesu omne genu flectatur, cælestium, terrestrium, et infernorum: et omnis lingua

confiteatur, quia Dóminus Iesus Christus in glória est Dei Patris.

Ps. 5, 12-13 Gloriabúntur in te omnes, qui diligunt nomen tuum: quóniam tu benedíces iusto. **℣.** Glória Patri.

Oratio

Deus, qui ad maiórem tui nóminis glóriam propagándam, novo per beátum Ignátium subsidio militántem Ecclésiám roborásti: concéde; ut, eius auxílio et imitatione certántes in terris, coronári cum ipso mereámur in cælis. Per Dóminum.

Léctio Epístolæ beáti Pauli Apóstoli ad Timótheum.

2 Tim. 2, 8-10; 3, 10-12

Caríssime: Memor esto, Dóminum Iesum Christum resurrexisse a mórtuis ex sémine David, secúndum Evangélium meum, in quo labóro usque ad víncula, quasi male óperans: sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Iesu, cum glória cælesti. Tu autem assecútus es meam doctrínam, institutionem, propósitum, fidem, longanimitátem, dilectionem, patientiam, persecutiónes, passiones: quália mihi facta sunt Antiochiæ, Iconii, et Lystris: quales persecutiónes sustinui, et ex ómnibus eripuit me Dóminus. Et omnes, qui pie volunt vivere in Christo Iesu, persecutiónem patiéntur.

Graduale Ps. 91, 13 et 14 Iustus ut palma florébit: sicut cedrus Libani multiplicábitur in domo Dómini. **℣. Ibid., 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **℣. Iac. 1, 12** Beátus vir, qui suffert tentatióem: quóniam cum probátus fúerit, accípiet corónam vitæ. Allelúia.

✠ Sequéntia sancti Evangélii secúndum Lucam.

Luc. 10, 1-9

In illo témpore: Designávit Dóminus et álios septuagínta duos: et misit illos binos ante faciém suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce, ego mitto vos sicut agnos inter lupos. Nolíte portáre sácculum, neque peram, neque calceaménta; et néminem per viam salutavéritis. In quamcúmque domum intravéritis, primum dicite: Pax huic dómui: et si ibi fúerit filius pacis, requiescet super illum pax vestra: sin autem, ad vos revertétur. In eádem autem domo manéte, edéntes, et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quæ apponúntur vobis: et curáte infirmos, qui in illa sunt, et dicite illis: Appropinquávit in vos regnum Dei.

Antiphona ad Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu eius.

Secreta

Adsint, Dómine Deus, oblatiónibus nostris sancti Ignátii benígna suffrágia: ut sacrosáncta mysteria, in quibus omnis sanctitátis fontem constituísti, nos quoque in veritáte sanctificent. Per Dóminum.

Antiphona ad Communionem Luc. 12, 49 Ignem veni mittere in terram: et quid volo, nisi ut accendátur?

Postcommunio

Laudis hóstia, Dómine, quam pro sancto Ignátio grátias ágéntes obtúlimus: ad perpétuam nos maiestátis tuæ laudatiónem, eius intercessióne, perdúcat. Per Dóminum.

FESTA AUGUSTI**Die 1 augusti**

SS. MACHABÆORUM MART.

Commemoratio**Antiphona ad Introitum**

33, 18

Clamavérunt iusti, et Dóminus exaudivit eos: et ex ómnibus tribulatióibus eórum liberávit eos. **Ps. ibid., 2** Benedicam Dóminum in omni témpore: semper laus eius in ore meo. **℣.** Glória Patri.

Oratio

Fratérna nos, Dómine, Mártyrum tuórum coróna lætíficet: quæ et fidei nostræ præbeat increménta virtútum: et múltiplici nos suffrágio consolétur. Per Dóminum.

Léctio Epístolæ beáti Pauli Apóstoli ad Hebræos.

Hebr. 11, 33-39

Fratres: Sancti per fidem vicérunt regna, operáti sunt iustítiam, adépti sunt repromissiões, obturavérunt ora leónum, exstinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra vertérunt exterórum: acceperunt mulieres de resurrectione mórtuos suos: álii autem disténti sunt, non suscipiéntes redemptionem, ut meliorem invenírent resurrectionem: álii vero ludíbria, et vérbera expérti, ínsuper et víncula, et cárceres: lapidáti sunt, secti sunt, tentáti sunt, in occisióne gládii mórtui sunt: circuíerunt in melótis, in

péllibus caprínis, egéntes, angustíati, afflícti: quibus dignus non erat mundus: in solitudínibus errántes, in móntibus, et spelúncis, et in cavérnis terræ. Et hi omnes testimónio fidei probáti, invénti sunt in Christo Iesu Dómino nostro.

Graduale Ps. 132, 1-2 Ecce quam bonum, et quam iucúndum habitáre fratres in unum! **℣.** Sicut unguéntum in cápite, quod descendit in barbam, barbam Aaron.

Allelúia, allelúia. **℣.** Hæc est vera fratérnitas, quæ vicit mundi crimina: Christum secúta est, ínclita tenens regna cæléstia. Allelúia.

✠ Sequéntia sancti Evangélíi secúndum Lucam.

Luc. 12, 1-8

In illo témpore: Dixit Iesus discipulis suis: Atténdite a ferménto pharisæórum, quod est hypócrisis. Nihil autem opértum est, quod non revelétur: neque absconditum, quod non sciátur. Quóniam quæ in ténebris dixístis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne teréamini ab his, qui occídunt corpus, et post hæc non habent ámplius quid fácient. Osténdam autem vobis quem timeátis: timéte eum, qui postquam occíderit, habet potestátem mittere in gehénnam. Ita dico vobis, hunc timéte. Nonne quinque pásseres véneunt dipóndio, et unus ex illis non est in oblivióne coram Deo? Sed et capílli cápitis vestri omnes numeráti sunt. Nolíte ergo timére: multis passeribus pluris estis vos. Dico autem vobis: Omnis quicumque conféssus fúerit me coram hóminibus, et Fílius hóminis confitébitur illum coram Angelis Dei.

In Missis votivis post Septuagesimam in fine sequentis antiphonæ Allelúia omittitur.

Antiphona ad Offertorium Ps. 149, 5-6 Exsultábunt sancti in glória, lætabúntur in cubilibus suis: exaltatiónes Dei in fáucibus eórum, allelúia.

Secreta

Mystéria tua, Dómine, pro sanctorum Mártýrum tuórum honóre, devóta mente tractémus: quibus et præsidium nobis crescat, et gáudium. Per Dóminum.

Antiphona ad Communionem Luc. 12, 4 Dico autem vobis amícis meis: Ne terreámini ab his, qui vos persequúntur.

Postcommunio

Præsta, quæsumus, omnípotens Deus: ut, quorum memóriam sacraménti participatióne recólimus, fidem quoque proficiéndo secémur. Per Dóminum.

Die 2 augusti

S. ALFONSI MARLÆ DE LIGORIO
EP., CONF. ET ECCL. DOCT.

III classis

Antiphona ad Introitum

Luc. 4, 18

Spíritus Dómini super me: propter quod unxit me: evangeli-záre paupéribus misit me, sanáre contrítos corde. **Ps. 77, 1** Atténdite, pópule meus, legem meam: inclináte aurem vestram in verba oris mei. **V.** Glória Patri.

Oratio

Deus, qui per beátum Alfónsum Mariám Confessórem tuum atque Pontíficem, animárum zelo succénsum, Ecclésiám tuam nova prole fecundásti: quæsumus; ut, eius salutáribus mónitis edócti et exémplis roboráti, ad te perveníre feliciter valeámus. Per Dóminum.

Et fit commemoratio S. Stephani I Papæ et Mart.:

Oratio

C 1

Gregem tuum, Pastor ætérne, placátus inténde: et per beátum Stéphanum Mártýrem tuum atque Summum Pontíficem perpétua protectiόne custódi; quem totíus Ecclésiæ præstitísti esse pastórem. Per Dóminum.

Léctio Epístolæ beáti Pauli Apóstoli ad Timótheum.

2 Tim. 2, 1-7

Caríssime: Confortáre in grátia, quæ est in Christo Iesu, et quæ audísti a me per multos testes, hæc comménda fidélibus homínibus, qui idónei erunt et álios docére. Labóra sicut bonus miles Christi Iesu. Nemo militans Deo ímplicat se negótiis sæculáribus: ut ei pláceat, cui se probávit. Nam et qui certat in agóne, non coronátur, nisi legítime certáverit. Laborántem agricolam opórtet primum de frúctibus percípere. Intéllege quæ dico: dabit enim tibi Dóminus in ómnibus intelléctum.

Graduale Ps. 118, 52-53 Memor fui iudiciórum tuórum a sáculo, Dómine, et consolátus sum: deféctio ténuít me pro peccatóribus derelinquéntibus legem tuam. **V. Ps. 39, 11** Iustítiam tuam non abscondi in corde meo: veritátem tuam, et salutáre tuum dixi.

Allelúia, allelúia. **V. Eccli. 49, 3-4** Ipse est diréctus divínitus in pæniténtiam gentis, et tulit abominatiónes impietátis: et gubernávit ad Dóminum cor ipsíus: et in diébus peccatórum corroborávit pietátem. Allelúia.

¶ **In Missis votivis, post Septuagesimam, omissis Allelúia, et versu sequenti, dicitur**

Tractus Ps. 34, 13 Ego autem cum mihi molésti essent, induébar cilício: humiliábam in ieiúnió ánimam meam: et orátio mea in sinu meo convertétur. **V. Ps. 22, 5** Parásti in conspéctu meo mensam advérsus eos, qui tríbulant me: impinguásti in óleo caput meum, et calix meus iné-brians quam præclárus est! **V. 1 Cor. 9, 22** Factus sum infirmis infirmus, ut infirmos lucrifácerem.

Tempore autem paschali omit-titur graduale, et eius loco dicitur:

Allelúia, allelúia. **V. Ps. 132, 1-2** Ecce quam bonum, et quam iucúndum habitáre fratres in unum: sicut unguéntum in cá-pite, quod descéndit in barbam, barbam Aaron. Allelúia. **V. Io-ann. 15, 16** Pósui vos, ut eátis, et fructum afferátis: et fructus vester máneat. Allelúia.

✠ Sequéntia sancti Evangélíi se-cúndum Lucam.

Luc. 10, 1-9

In illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis ut mittat operá-rios in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta, et né-minem per viam salutavéritis. In quamcúmque domum intravéritis, primum dicite: Pax huic dómui: et si ibi fúerit filius pacis, requiescet super illum pax vestra: sin autem, ad vos revertétur. In eádem autem domo manéte, edéntes, et bibéntes quæ apud illos sunt: dignus est

enim operárius mercéde sua. Nolíte transíre de domo in domum. Et in quamcúmque civitátem intravé-ritis, et suscepérint vos, manducáte quæ apponúntur vobis: et curáte infirmos, qui in illa sunt, et dicite illis: Appropinquávit in vos regnum Dei.

Antiphona ad Offertorium Prov. 3, 9 et 27 Honóra Dóminum de tua substántia, et de primítiis ómnium frugum tuárum da ei. Noli prohibére benefácere eum, qui potest: si vales, et ipse benefac.

Secreta

Cælésti, Dómine Iesu Christe, sacrificii igne corda nostra in odórem suavitátis exúre: qui beáto Alfónso Mariæ tribuísti et hæc mystéria celebráre, et per eádem hóstiam tibi sanctam se-ípsam exhibére: Qui vivis.

Pro S. Stephano

Secreta

C I

Oblátis munéribus, quæsu-mus, Dómine, Ecclésiám tuam benígnus illúmina: ut, et gregis tui proficiat ubíque suc-céssus, et grati fiant nómini tuo, te gubernánte, pastóres. Per Dó-minum.

Antiphona ad Communionem Eccli. 50, 1 et 9 Sacerdos magnus, qui in vita sua suffúlsit domum, et in diébus suis corroborávit tem-plum, quasi ignis effúlgens, et thus ardens in igne.

Postcommunio

Deus, qui beátum Alfónsum Ma-riám Confessórem tuum atque Pontíficem, fidélem divíni mystérii dispensatórem et præcónem effe-císti: eius méritis, precibúque con-céde; ut fidéles tui et frequénter percípiant, et percipiéndó sine fine colláudent. Per Dóminum.

Pro S. Stephano**Postcommunio** C I

Refectiōne sancta enutritam gubernā, quāsumus, Dōmine, tuam placātus Ecclēsiā: ut potēti moderatiōne dirēcta, et incrementa libertātis accīpiat; et in religiōnis integritate persīstat. Per Dōminum.

Eodem die 2 augusti**S. STEPHANI I
PAPÆ ET MARTYRIS****Commemoratio**

Missa Si dīligis me, de comuni unius aut plurium Summorum Pontificum (1).

Oratio C I

Gregem tuum, Pastor ætérne, placātus intēde: et per beātum Stēphanum Mártyrem tuum atque Summum Pontíficem perpétua protectiōne custōdi; quem totius Ecclēsiæ præstitisti esse pastorem. Per Dōminum.

Secreta C I

Oblātis munéribus, quāsumus, Dōmine, Ecclēsiā tuā benīgnus illūmina: ut, et gregis tui proficiat ubique succēssus, et grati fiant nōmini tuo, te gubernānte, pastōres. Per Dōminum.

Postcommunio C I

Refectiōne sancta enutritam gubernā, quāsumus, Dōmine, tuam placātus Ecclēsiā: ut potēti moderatiōne dirēcta, et incrementa libertātis accīpiat; et in religiōnis integritate persīstat. Per Dōminum.

Die 4 augusti**S. DOMINICI CONFESSORIS****III classis****Antiphona ad Introitum****Ps. 36, 30-31**

Os iusti meditābitur sapiētiā, et lingua eius loquētur iudīcium: lex Dei eius in corde ipsius. **Ps. ibid., 1** Noli

æmulāri in malignāntibus: neque zelāveris faciētes iniquitatem. **Ÿ. Glória Patri.**

Oratio

Deus, qui Ecclēsiā tuā beāti Domīnici Confessoris tui illumināre dignātus es mēritis et doctrīnis: concēde; ut eius intercessiōne temporālibus non destituātur auxiliis, et spirituālibus semper proficiat incrementis. Per Dōminum

Lēctio Epīstolæ beāti Pauli Apōstoli ad Timótheum.

2 Tim. 4, 1-8

Carissime: Testificor coram Deo, et Iesu Christo, qui iudicatūrus est vivos et mórtoos, per advēntum ipsius, et regnum eius: prædica verbum, insta opportūne, importūne: argue, óbseca, increpa in omni paciētia, et doctrīna. Erit enim tempus, cum sanā doctrīnam non sustinēbunt, sed ad sua desidēria coacervābunt sibi magīstros, pruriētes áuribus, et a veritate quidem audītum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministériū tuū imple. Sóbrius esto. Ego enim iam delíbor, et tempus resolutiōnis meæ instat. Bonum certāmen certāvi, cursum consummāvi, fidem servāvi. In réliquo repósita est mihi coróna iustitiæ, quam reddet mihi Dōminus in illa die, iustus iudex: non solum autem mihi, sed et iis, qui dīligunt advēntum eius.

Graduale Ps. 91, 13 et 14 Iustus ut palma florébit: sicut cedrus Líbani multiplicābitur in domo Dōmini. **Ÿ. Ibid., 3** Ad annuntiāndum mane misericórdiam tuā, et veritatem tuā per noctem.

Allelúia, allelúia. **Ÿ. Osee 14, 6** Iustus germinābit sicut lílium: et florébit in ætérnum ante Dōminum. Allelúia.

✠ Sequéntia sancti Evangélii secúndum Lucam.

Luc. 12, 35-40

In illo témpore: Dixit Iesus discipulis suis: Sint lumbi vestri præcincti, et lucernæ ardentes in mánibus vestris, et vos símiles homínibus exspectántibus dóminum suum, quando revertátur a núptiis: ut, cum vénerit, et pulsáverit, confestim apériant ei. Beáti servi illi, quos, cum vénerit dóminus, invénerit vigilántes: amen dico vobis, quod præcinget se, et fáciat illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non síneret pérfodi domum suam. Et vos estóte paráti: quia qua hora non putátis, Fílius hóminis véniet.

Antiphona ad Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu eius.

Secreta

Múnera tibi, Dómine, dicáta sanctífica: ut, méritis beáti Domínici Confessóris tui, nobis proficiant ad medélam. Per Dóminum.

Antiphona ad Communionem Luc. 12, 42 Fidélis servus et prudens, quem constituit Dóminus super familiam suam: ut det illis in témpore trítici mensúram.

Postcommunio

Concéde, quæsumus, omnípotens Deus: ut, qui peccatórum nostrórum póndere prémimur, beáti Domínici Confessóris tui patrocínio sublevémur. Per Dóminum.

Die 5 augusti

**IN DEDICATIONE
S. MARLÆ AD NIVES**

III classis

Missa Salve, sancta parens, de **Communi festorum B. Mariæ Virginis** (35). **Et non dicitur** Credo.

Præfatio de B. Maria Virgine Et te in Festivitate.

Oratio

C

Concéde nos fámulos tuos, quæsumus, Dómine Deus, perpétua mentis et córporis sanitate gaudere: et, gloriósa beátæ Mariæ semper Vírginis intercessióne, a præsénti liberári tristítia, et æténa pérfrui lætítia. Per Dóminum.

Secreta

C

Tua, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Postcommunio

C

Sumptis, Dómine, salutis nostræ subsidiis: da, quæsumus, beátæ Mariæ semper Vírginis patrocíniis nos ubique prótegi; in cuius veneratione hæc tuæ obtúlimus maiestati. Per Dóminum.

Die 6 augusti

IN TRANSFIGURATIONE D. N. IESU CHRISTI

II classis

Antiphona ad Introitum

Ps. 76, 19

Illuxérunt coruscationes tuæ orbi terræ: commota est, et contrémuit terra. **Ps. 83, 2-3** Quam dilécta tabernacula tua, Dómine virtutum! concupiscit, et déficit ánima mea in átria Dómini. **V.** Glória Patri.

Oratio

Deus, qui fidei sacramenta in Unigéniti tui gloriósa Transfiguratione patrum testimonio roborásti, et adoptionem filiorum perfectam, voce delápsa in nube lúcida, mirabiliter præsignásti: concede propítius; ut ipsíus Regis glóriæ nos coherédes efficias, et eiúsdem glóriæ tríbuas esse consórtes. Per eúndem Dóminum.

Et fit commemoratio Ss. Xysti II Papæ, Felicissimi et Agapiti Martyrum:

Oratio

Deus, qui nos concédís sanctórum Mártyrum tuórum Xysti, Felicissimi et Agapíti natalícia cólere: da nobis in æterna beatitúdine de eórum societáte gaudére. Per Dóminum.

Lectio Epístolæ beáti Petri Apóstoli.

2 Petri 1, 16-19

Caríssimi: Non doctas fábulas secúti notam fécimus vobis Dómini nostri Iesu Christi virtutem et præsentiam: sed speculatóres facti illíus magnitúdinis. Accípiens enim a Deo Patre honórem et glóriam, voce delápsa ad eum huiuscémodi a magnífica glória: Hic est Filius meus diléctus, in quo mihi complácuí, ipsum audíte. Et hanc vocem nos audívimus de cælo allátam, cum essémus cum ipso in

monte sancto. Et habémus firmiorem prophéticum sermónem: cui bene fácitis attendéntes, quasi lucernæ lucénti in caliginóso loco, donec dies elucéscat, et lúcifer oriátur in córdibus vestris.

Graduale Ps. 44, 3 et 2 Speciósus forma præ filiis hóminum: diffúsa est grátia in lábiis tuis. **V.** Eructávit cor meum verbum bonum: dico ego ópera mea Regi.

Allelúia, allelúia. **V. Sap. 7, 26** Candor est lucis æternæ, spéculum sine mácula, et imágo bonitátis illíus. Allelúia.

✠ Sequéntia sancti Evangélíi secúndum Matthæum.

Matth. 17, 1-9

In illo témpore: Assúmpsit Iesus Petrum, et Iacóbum, et Ioánnem fratrem eius, et duxit illos in montem excélsum seórsum: et transfigurátus est ante eos. Et resplénduit fácies eius sicut sol: vestiménta autem eius facta sunt alba sicut nix. Et ecce, apparuérunt illis Móyses et Elías cum eo loquéntes. Respóndens autem Petrus, dixit ad Iesum: Dómine, bonum est nos hic esse: si vis, faciámus hic tria tabernacula, tibi unum, Móysi unum, et Elíæ unum. Adhuc eo loquente, ecce, nubes lúcida obumbrávit eos. Et ecce vox de nube, dicens: Hic est Filius meus diléctus, in quo mihi bene complácuí: ipsum audíte. Et audiéntes discípuli, cecidérunt in faciém suam, et timuérunt valde. Et accéssit Iesus, et tétigit eos, dixitque eis: Súrgite, et nolite timére. Levántes autem óculos suos, néminem vidérunt, nisi solum Iesum. Et descendéntibus illis de monte, præcépit eis Iesus, dicens: Némini

dixeritis visionem, donec Filius hominis a mortuis resurgat.

Credo.

Antiphona ad Offertorium Ps. III,

3 Glória, et divitiæ in domo eius: et iustitia eius manet in sæculum sæculi, allelúia.

Secreta

Oblata, quæsumus, Dómine, múnera gloriósa Unigéniti tui Transfiguratióne sanctifica: nosque a peccatorum máculis, splendóribus ipsíus illustratiónis emúnda. Per eúndem Dóminum.

Pro Ss. Martyribus

Secreta

C

Múnera tibi, Dómine, nostræ devotiónis offérimus: quæ et pro tuorum tibi grata sint honóre iustorum, et nobis salutária, te miseránte, reddántur. Per Dóminum.

Antiphona ad Communionem

Matth. 17, 9 Visionem quam vidístis, némini dixeritis, donec a mortuis resurgat Filius hominis.

Postcommunio

Præsta, quæsumus, omnipotens Deus: ut sacrosáncta Fílii tui Transfiguratiónis mystéria, quæ solémni celebrámus officio, purificatæ mentis intellegéntia consequámur. Per eúndem Dóminum.

Pro Ss. Martyribus

Postcommunio

C

Præsta nobis, quæsumus, Dómine: intercedéntibus sanctis Martýribus tuis Xysto, Felicíssimo et Agapíto; ut, quod ore contíngimus, pura mente capiámus. Per Dóminum.

Eodem die 6 augusti

**SS. XYSTI II PAPÆ,
FELICISSIMI ET AGAPITI
MARTYRUM**

Commemoratio

**Missa Sapiéntiam, de Communi
plurimorum Martyrum 2 loco (9).**

Oratio

C

Deus, qui nos concédís sanctórum Mártyrum tuórum Xysti, Felicíssimi et Agapíti natalícia cólere: da nobis in æténa beatitúdine de eórum societáte gaudére. Per Dóminum.

Secreta

C

Múnera tibi, Dómine, nostræ devotiónis offérimus: quæ et pro tuorum tibi grata sint honóre iustorum, et nobis salutária, te miseránte, reddántur. Per Dóminum.

Postcommunio

C

Præsta nobis, quæsumus, Dómine: intercedéntibus sanctis Martýribus tuis Xysto, Felicíssimo et Agapíto; ut, quod ore contíngimus, pura mente capiámus. Per Dóminum.

Die 7 augusti

S. CAIETANI CONFESSORIS

III classis

Antiphona ad Introitum

Ps. 36, 30-31

Os iusti meditábitur sapiéntiam, et lingua eius loqué-tur iudícium: lex Dei eius in corde ipsíus. **Ps. ibid., 1** Noli æmulári in malignántibus: neque zeláveris faciéntes iniquitátem. **V. Glória Patri.**

Oratio

Deus, qui beáto Caietáno Confessóri tuo apostólicam vivéndi formam imitári tribuísti: da nobis, eius intercessióne et exémplo, in te semper confidere, et sola cæléstia desideráre. Per Dóminum.

**Et fit commemoratio S. Donati
Ep. et Mart.:**

Oratio

P

Deus, tuorum glória sacerdotum: præsta, quæsumus; ut sancti Mártyris tui et Epíscopi Donáti, cuius festa gérimus, sentiámus auxílium. Per Dóminum.

Lectio libri Sapiéntiæ.

Eccli. 31, 8-11

Beátus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua. Qui probátus est in illo, et perféctus est, erit illi glória ætérna: qui pótuit tránsgrédi, et non est tránsgréssus: fácere mala, et non fecit: ideo stabilíta sunt bona illíus in Dómino, et eleemósynas illíus enarrábit omnis ecclésia sanctórum.

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **V. Iac. 1, 12** Beátus vir, qui suffert tentatióem: quóniam cum probátus fúerit, accipiet coronam vitæ. Allelúia.

✠ Sequéntia sancti Evangélii secúndum Matthæum.

Matth. 6, 24-33

In illo témpore: Dixit Iesus discí-pulis suis: Nemo potest duóbus dóminis servíre: aut enim unum ódio habébit, et álterum díliget: aut unum sustinébit, et álterum contémnet. Non potéstis Deo servíre, et mammónæ. Ideo dico vobis, ne sollíciti sitis ánimæ vestræ quid manducétis, neque córpori vestro quid induámini. Nonne ánima plus est quam esca: et corpus plus quam vestiméntum? Respícite volatília cæli, quóniam non serunt, neque metunt, neque cóngregant in hórrea: et Pater vester cæléstis pascit illa. Nonne vos magis pluris estis illis? Quis autem vestrum cógitans potest adícere ad statúram suam cúbitum unum? Et de vestiménto quid sollíciti estis? Consideráte lília

agri quómodo crescunt: non labórant, neque nent. Dico autem vobis, quóniam nec Sálomon in omni glória sua coopértus est sicut unum ex istis. Si autem fenum agri, quod hódie est, et cras in clíbanum mítitur, Deus sic vestit: quanto magis vos, módicæ fidei? Nolíte ergo sollíciti esse, dicéntes: Quid manducábimus, aut quid bibémus, aut quo operiémur? Hæc enim ómnia gentes inquírent. Scit enim Pater vester, quia his ómnibus indigétis. Quærite ergo primum regnum Dei, et iustítiam eius: et hæc ómnia adiciéntur vobis.

Antiphona ad Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu eius.

Secreta

Præsta nobis, quæsumus, omnipotens Deus: ut nostræ humilitátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Pro S. Donato**Secreta****P**

Præsta, quæsumus, Dómine: ut sancti Mártyris tui et Epíscopi Donáti intercessióne, quem ad laudem nóminis tui dicátis munéribus honorámus, piæ nobis fructus devotiónis accréscat. Per Dóminum.

Antiphona ad Communionem Matth. 24, 46-47 Beátus servus, quem, cum vénerit dóminus, invénerit vigilántem: amen dico vobis, super ómnia bona sua constituet eum.

Postcommunio

Quæsumus, omnipotens Deus: ut, qui cæléstia aliménta percépimus, intercedénte beáto Caetanó Confessóre tuo, per hæc contra ómnia advérsa muniámur. Per Dóminum.

Pro S. Donato

Postcommunio P

Omnípotens et miséricors Deus, qui nos sacramentorum tuorum et participes efficiis, et ministros: præsta, quæsumus; ut, intercedente beato Donato Mártire tuo atque Pontífice, eiusdem proficiamus et fidei consortio, et digno servitio. Per Dóminum.

Eodem die 7 augusti

S. DONATI
EPISCOPI ET MARTYRIS

Commemoratio

Antiphona ad Introitum

Dan. 3, 84 et 87

Sacerdotes Dei, benedicite Dóminum: sancti, et húmiles corde, laudáte Deum. *Ibid.*, 57 Benedicite, ómnia ópera Dómini, Dómino: laudáte et superexaltáte eum in sácula. *V.* Glória Patri.

Oratio

Deus, tuorum glória sacerdotum: præsta, quæsumus; ut sancti Mátyris tui et Epíscopi Donati, cuius festa gérimus, sentiámus auxílium. Per Dóminum.

Léctio Epístolæ beáti Iacóbi Apóstoli.

Iac. 1, 2-12

Caríssimi: Omne gáudium existimate, cum in tentatiónes várias incidéritis: sciéntes quod probatio fidei vestræ patiéntiam operátur. Patiéntia autem opus perféctum habet: ut sitis perfécti et íntegri in nullo deficientes. Si quis autem vestrum indiget sapiéntia, póstulet a Deo, qui dat ómnibus affluénter, et non impróperat: et dábitur ei. Póstulet autem in fide nihil hásitans: qui enim hássitat, símilis est flúctui maris, qui a vento movétur et circumfértur. Non ergo aestimet

homo ille quod accípiat áliquíd a Dómino. Vir duplex ánimo incónstans est in ómnibus viis suis. Gloriétur autem frater húmilis in exaltatióne sua; dives autem in humilitáte sua, quóniam sicut flos feni transíbit. Exórtus est enim sol cum ardóre, et arefécit fenum, et flos eius décidit, et decor vultus eius depériit: ita et dives in itinéribus suis marcéscet. Beátus vir, qui suffert tentatiónem: quóniam cum probátus fúerit, accípiet corónam vitæ, quam repromísit Deus diligéntibus se.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. *V.* Lex Dei eius in corde ipsíus: et non supplantábuntur gressus eius.

Allelúia, allelúia. *V.* Iustus non conturbábitur, quia Dóminus firmat manum eius. Allelúia.

✠ Sequéntia sancti Evangélíi secúndum Marcum.

Marc. 13, 33-37

In illo témpore: Dixit Iesus discipulis suis: Vidéte, vigiláte, et oráte: nescítis enim quando tempus sit. Sicut homo, qui péregre proféctus relíquit domum suam, et dedit servis suis potestátem cuiúsque óperis et ianitóri præcépit ut vígilet. Vigiláte ergo, (nescítis enim quando dóminus domus véniat: sero, an média nocte, an galli cantu, an mane) ne cum vénerit repénite, invéniat vos dormiéntes. Quod autem vobis dico, ómnibus dico: Vigiláte.

Antiphona ad Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta

Præsta, quæsumus, Dómine: ut sancti Mátyris tui et Epíscopi Donati intercessióne, quem ad lau-

dem nóminis tui dicátis munéribus honorámus, piæ nobis fructus devotiõnis accréscať. Per Dóminum.

Antiphona ad Communionem
Luc. 12, 42 Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio
Omnípotens et miséricors Deus, qui nos sacramentórum tuórum et partícipes éfficis, et minístros: præsta, quæsumus; ut, intercedénte beáto Donáto Mártire tuo atque Pontífice, eiúsdem proficiámus et fidei consórtio, et digno servítio. Per Dóminum.

Die 8 augusti

S. IOANNIS MARIE VIANNEY
 CONFESSORIS

III classis

Missa Os iusti, **de Communi Confessoris non Pontificis i loco** (20), **præter orationem sequentem:**

Oratio P
Omnípotens et miséricors Deus, qui sanctum Ioánnem Mariám pastoráli stúdio et iugi oratiõnis ac pæniténtiæ ardóre mirábilem effecísti: da, quæsumus, ut eius exémplo et intercessiõne, ánimas fratrum lucrári Christo, et cum eis ætérrnam glóriam cónsequi valeámus. Per eúndem Dóminum.

Et fit commemoratio Ss. Cyriaci, Largi et Smaragdi Martyrum:

Oratio P
Deus, qui nos ánnua sanctórum Mátyrum tuórum Cyriaci, Largi et Smarágdi solemnitáte lætíficas: concéde propítius; ut, quorum natalícia cólimus, virtútem quoque passiõnis imitémur. Per Dóminum.

37 MISSALE ROM.

Secreta C

Laudis tibi, Dómine, hóstias immolámus in tuórum commemoratiõne Sanctórum: quibus nos et præsentibus éxui malis confidimus, et futúris. Per Dóminum.

Pro Ss. Martyribus

Secreta P

Accépta sit in conspéctu tuo, Dómine, nostra devótiõ: et eórum nobis fiat supplicatiõne salutáris, pro quorum solemnitáte defértur. Per Dóminum.

Postcommunio C

Refécti cibo potúque cælesti, Deus noster, te súpplīces exorámus: ut, in cuius hæc commemoratiõne percépimus, eius muniámur et précibus. Per Dóminum.

Pro Ss. Martyribus

Postcommunio P

Refécti participatiõne múnēris sacri, quæsumus, Dómine Deus noster: ut, cuius exséquimur cultum, intercedéntibus sanctis Mátyribus tuis Cyriaco, Largo et Smarágdo, sentiámus efféctum. Per Dóminum.

Eodem die 8 augusti

SS. CYRIACI, LARGI
 ET SMARAGDI MARTYRUM

Commemoratio

Antiphona ad Introitum

Ps. 33, 10-11

Timéte Dóminum, omnes sancti eius, quóniam nihil deest timéntibus eum: dívites eguérunt, et esuriérunt: inquirentes autem Dóminum non deficiunt omni bono. **Ps. ibid., 2** Benedícam Dóminum in omni témpore: semper laus eius in ore meo. **V.** Glória Patri.

Oratio

Deus, qui nos ánnua sanctórum Mártýrum tuórum Cyríaci, Largi et Smarágdi solemnitate lætíficas: concéde propítius; ut, quorum natalícia cólimus, virtútem quoque passiónis imitémur. Per Dóminum.

Lectio Epístolæ beáti Pauli Apóstoli ad Thessalonicenses.

1 Thess. 2. 13-16

Fratres: Grátias ágimus Deo sine intermissiône: quóniam cum accepissétis a nobis verbum audítus Dei, accepístis illud, non ut verbum hóminum, sed (sicut est vere) verbum Dei, qui operátur in vobis, qui credidístis. Vos enim imitatóres facti estis, fratres, ecclesiárum Dei, quæ sunt in Iudæa in Christo Iesu: quia éadem passi estis et vos a contribúlibus vestris, sicut et ipsi a Iudæis: qui et Dóminum occidérunt Iesum, et prophétas: et nos persecúti sunt, et Deo non placent, et ómnibus homínibus adversántur, prohibéntes nos géntibus loqui, ut salvæ fiant, ut ímpleant peccáta sua semper: pervénit enim ira Dei super illos usque in finem.

Graduale Ps. 33, 10 et 11 Timéte Dóminum, omnes sancti eius: quóniam nihil deest timéntibus eum. **V.** Inquiréntes autem Dóminum, non deficient omni bono.

Allelúia, allelúia. **V. Sap. 3, 7** Fulgébunt iusti, et tamquam scintillæ in arundinéto discúrrant in ætérnum. Allelúia.

¶ In Missis votivis tempore paschali omittitur graduale, et eius loco dicitur:

Allelúia, allelúia. **V. Sap. 3, 7** Fulgébunt iusti, et tamquam scintillæ in arundinéto discúrrant in ætérnum. Allelúia. **V. Ps. 88, 6** Confitebúntur cæli mirabília tua, Dómine: étenim veritátem tuam in ecclésia sanctórum. Allelúia.

✠ Sequéntia sancti Evangélíi secúndum Marcum. **Marc. 16, 15-18**

In illo témpore: Dixit Iesus discí-pulis suis: Eúntes in mundum univérsum, prædicáte Evangélíum omni creatúræ. Qui credíderit, et baptizátus fúerit, salvus erit: qui vero non credíderit, condemnábitur. Signa autem eos, qui credíderint, hæc sequéntur: In nómine meo dæmónia eícient: linguis loquéntur novis: serpéntes tollent: et si mortíferum quid bíberint, non eis nocébit: super ægros manus impónent, et bene habébunt.

Antiphona ad Offertorium Ps. 31,

11 Lætámini in Dómino, et exultáte, iusti: et gloriámini, omnes recti corde.

Secreta

Accépta sit in conspéctu tuo, Dómine, nostra devótio: et eórum nobis fiat supplicatióne salutaris, pro quorum solemnitate defértur. Per Dóminum.

Antiphona ad Communionem Marc. 16, 17 et 18 Signa autem eos, qui in me credunt, hæc sequéntur: dæmónia eícient: super ægros manus impónent, et bene habébunt.

Postcommunio

Refécti participatióne múnieris sacri, quæsumus, Dómine Deus noster: ut, cuius exséquimur cultum, intercedéntibus sanctis Mártýribus tuis Cyríaco, Largo et Smarágdo, sentiámus efféctum. Per Dóminum.

Die 9 augusti

IN VIGILIA S. LAURENTII
MARTYRIS

III classis

Antiphona ad Introitum

Ps. 111, 9

Dispérsit, dedit paupéribus: iustítia eius manet in sæculum sæculi: cornu eius

exaltábitur in glória. **Ps. ibid., 1**
Beátus vir, qui timet Dóminum: in
mandátis eius cupit nimis. **V.** Glória
Patri.

Non dicitur Glória in excélsis.

Oratio

Adésto, Dómine, supplicatióibus
nostris: et intercessióne beáti
Lauréntii Mártyris tui, cuius præ-
venimus festivitátem; perpétuam
nobis misericórdiam benígnus im-
pénde. Per Dóminum.

**Et fit commemoratio S. Roma-
ni Martyris:**

Oratio

Præsta, quæsumus, omnípotens
Deus: ut, intercedénte beáto
Románo Mártyre tuo, et a cunctis
adversitatibus liberémur in cór-
pore, et a pravis cogitatióibus
mundémur in mente. Per Dómi-
num.

Léctio libri Sapiéntiæ.

Eccli. 51, 1-8 et 12

Confitébor tibi, Dómine Rex, et
collaudábo te Deum Salvató-
rem meum. Confitébor nómini tuo:
quóniam adiutor, et protéctor
factus es mihi, et liberásti corpus
meum a perditíone, a láqueo linguæ
iníquæ, et a lábiis operántium men-
dácium, et in conspéctu astántium
factus es mihi adiutor. Et liberásti
me secúndum multitudinem mise-
ricórdiæ nóminis tui a rugiéntibus,
præparátis ad escam, de mánibus
quæréntium ánimam meam, et de
portis tribulatiónum, quæ circum-
dedérunt me: a pressúra flammæ,
quæ circúmdedit me, et in médio
ignis non sum æstuátus: de altitú-
dine ventris inferi, et a lingua coin-
quináta, et a verbo mendácii, a
rege iníquo et a lingua iniústa:
laudábit usque ad mortem ánima
mea Dóminum: quóniam éruis
sustinéntes te, et líberas eos de
mánibus géntium, Dómine Deus
noster.

Graduale Ps. 111, 9 et 2 Dispérsit,
dedit paupéribus: iustítia eius
manet in sæculum sæculi. **V.** Potens
in terra erit semen eius: generatio
rectórum benedicétur.

✠ Sequéntia sancti Evangélii se-
cúndum Matthæum.

Matth. 16, 24-27

In illo témpore: Dixit Iesus discí-
pulis suis: Si quis vult post me
veníre, ábneget semetípsum, et tol-
lat crucem suam, et sequátur me.
Qui enim volúerit ánimam suam
salvam fácere, perdet eam: qui
autem perdíderit ánimam suam
propter me, invéniet eam. Quid
enim prodest hómini, si mundum
univérsum lucrétur, ánimæ vero
sue detriméntum patiátur? Aut
quam dabit homo commutatióem
pro ánima sua? Fílius enim hómi-
nis ventúrus est in glória Patris
sui cum Angelis suis: et tunc
reddet unicuíque secúndum ópera
eius.

**Antiphona ad Offertorium Iob 16,
20** Orátio mea munda est: et ideo
peto, ut detur locus voci meæ in
cælo: quia ibi est iudex meus, et
cónscius meus in excélsis: ascéndat
ad Dóminum deprecátio mea.

Secreta

Hóstias, Dómine, quas tibi offé-
rimus, propítius súscipe: et,
intercedénte beáto Lauréntio Már-
tyre tuo, víncula peccatórum no-
strórum absólve. Per Dóminum.

Pro S. Romano

Secreta

Munéribus nostris, quæsumus,
Dómine, precibúque sus-
céptis: et cæléstibus nos munda
mystériis, et cleménter exáudi.
Per Dóminum.

Antiphona ad Communionem
Matth. 16, 24 Qui vult veníre post
me, ábneget semetípsum et tollat
crucem suam, et sequátur me.

Postcommunio

Da, quæsumus, Dómine Deus noster: ut, sicut beáti Lauréntii Mártiris tui commemoratióne, temporáli gratulámur officio; ita perpétuo lætémur aspéctu. Per Dóminum.

Pro S. Romano**Postcommunio P**

Quæsumus, omnipotens Deus: ut, qui cæléstia aliménta

percépimus, intercedénte beáto Románo Mártire tuo, per hæc contra ómnia advérsa muniámur. Per Dóminum.

Eodem die 9 augusti**S. ROMANI MARTYRIS****Commemoratio**

Missa Lætábitur, **de Communi unius Martyris 4 loco (6), cum orationibus ut in Missa præcedenti.**

Die 10 augusti**S. LAURENTII MARTYRIS****II classis****Antiphona ad Introitum****Ps. 95, 6**

Confessio et pulchritúdo in conspéctu eius: sánctitas, et magnificéntia in sanctificatióne eius. **Ps. ibid., 1** Cantáte Dómino cánticum novum: cantáte Dómino, omnis terra. **¶** Glória Patri.

Oratio

Da nobis, quæsumus, omnípotens Deus: vitiórum nostrórum flammæ exstinguere; qui beáto Lauréntio tribuísti tormentórum suórum incéndia superáre. Per Dóminum.

Léctio Epístolæ beáti Pauli Apóstoli ad Corínthios.

2 Cor. 9, 6-10

Fratres: Qui parce séminat, parce et metet: et qui séminat in benedictiónibus, de benedictiónibus et metet. Unusquisque prout destinávit in corde suo, non ex tristítia, aut ex necessitáte: hílarem enim datórem díligit Deus. Potens est autem Deus omnem grátiam abundáre fácere in vobis, ut in ómnibus

semper omnem sufficiéntiam habéntes, abundétis in omne opus bonum, sicut scriptum est: Dispérsit, dedit paupéribus: iustítia eius manet in sáculum sáculi. Qui autem adminístrat semen seminánti: et panem ad manducándum præstábit, et multiplicábit semen vestrum, et augébit increménta frugum iustítiæ vestræ.

Graduale Ps. 16, 3 Probásti, Dómine, cor meum, et visitásti nocte. **¶** Igne me examinásti, et non est invénta in me iníquitas.

Allelúia, allelúia. **¶** Levíta Lauréntius bonum opus operátus est: qui per signum crucis cæcos illuminávit. Allelúia.

✠ Sequéntia sancti Evangélíi secúndum Ioánnem.

Ioann. 12, 24-26

In illo témpore: Dixit Iesus discipulis suis: Amen, amen dico vobis, nisi granum fruménti cadens in terram, mórtuum fúerit, ipsum solum manet: si autem mórtuum fúerit, multum fructum affert. Qui amat ánimam suam, perdet eam:

et qui odit ánimam suam in hoc mundo, in vitam ætérnam custódit eam. Si quis mihi minístrat, me sequátur: et ubi sum ego, illic et miníster meus erit. Si quis mihi ministráverit, honorificábit eum Pater meus.

Antiphona ad Offertorium Ps. 95, 6 Conféssio et pulchritúdo in conspéctu eius: sánctitas et magnificéntia in sanctificatióne eius.

Secreta

Accipe, quæsumus, Dómine, múnere dignánte obláta: et beáti Lauréntii suffragántibus méritis, ad nostræ salútis auxílium proveníre concéde. Per Dóminum.

Antiphona ad Communionem Ioann. 12, 26 Qui mihi minístrat, me sequátur: et ubi ego sum, illic et miníster meus erit.

Postcommunio

Sacro múnere satiáti, súpplīces te, Dómine, deprecámur: ut, quod débitæ servitútis celebrámus offīcio, intercedénte beáto Lauréntio Mártyre tuo, salvatiónis tuæ sentiámus augméntum. Per Dóminum.

¶ **In Missis votivis omnia dicuntur ut supra, sed post Septuagesimam, omissis Allelúia, et versu sequenti, dicitur tractus Desidérium, ex Missa Státuit, de Communi unius Martyris 1 loco (4).**

Tempore autem paschali omititur graduale, et eius loco dicitur:

Allelúia, allelúia. **℣.** Levíta Lauréntius bonum opus operátus est: qui per signum crucis cæcos illuminávit. Allelúia. **℣.** Ps. 20, 4 Posuisti, Dómine, super caput eius corónam de lápide pretiósio. Allelúia.

Die 11 augusti

SS. TIBURTII ET SUSANNÆ
VIRGINIS, MARTYRUM

Commemoratio

Antiphona ad Introitum

Ps. 36, 39

Salus autem iustórum a Dómino: et protéctor eórum est in témpore tribulatiónis. **Ps. ibid., 1** Noli æmulári in malignántibus: neque zeláveris faciéntes iniquitátem. **℣.** Glória Patri.

Oratio

Sanctórum Mártyrum tuórum Tibúrtii et Susánnæ nos, Dómine, fóveant continuáta præsídia: quia non désinis propítius intuéri; quos talibus auxíliis concésseris adiuvári. Per Dóminum.

Léctio Epístolæ beáti Pauli Apóstoli ad Hebráos.

Hebr. 11, 33-39

Fratres: Sancti per fidem vicérunt regna, operáti sunt iustítiam, adépti sunt repromissiónes, obturavérunt ora leónum, exstinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra vertérunt exterórum: acceperunt mulieres de resurrectione mórtuos suos: álii autem disténti sunt, non suscipiéntes redemptionem, ut meliorem invenírent resurrectionem: álii vero ludíbria, et vérbera expérti, ínsuper et víncula, et cárceres: lapidáti sunt, secti sunt, tentáti sunt, in occisióne gládii mórtui sunt: circuiérunt in melótis, in pél-libus caprínis, egéntes, angustiáti, afflícti: quibus dignus non erat mundus: in solitudínibus errántes, in móntibus, et spelúncis, et in cavérnis terræ. Et hi omnes testimonió fidei probáti, invénti sunt in Christo Iesu Dómino nostro.

Graduale Ps. 33, 18-19 Clamarunt iusti, et Dóminus exaudivit eos: et ex ómnibus tribulatióibus eórum liberávit eos. **V.** Iuxta est Dóminus his, qui tribuláto sunt corde: et húmiles spíritu salvábit.

Allelúia, allelúia. **V.** Te Mártyrum candidátus laudat exércitus, Dómine. Allelúia.

✠ Sequéntia sancti Evangélíi secúndum Lucam. **Luc. 12, 1-8**

In illo témpore: Dixit Iesus discipulis suis: Atténdite a ferménto pharisæórum, quod est hypócrisis. Nihil autem opértum est, quod non revelétur: neque absconditum, quod non sciátur. Quóniam, quæ in ténebris dixístis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne terreámini ab his, qui occídunt corpus, et post hæc non habent ámplius quid fáciant. Osténdam autem vobis quem timeátis: timéte eum, qui postquam occíderit, habet potestátem mittere in gehénnam. Ita dico vobis: hunc timéte. Nonne quinque pásseres véneunt dipóndio, et unus ex illis non est in oblivióne coram Deo? Sed et capílli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis quicúmque conféssus fúerit me coram homínibus, et Fílius hóminis confitébitur illum coram Angelis Dei.

In Missis votivis post Septuagesimam, in fine sequentis antiphonæ Allelúia omittitur.

Antiphona ad Offertorium Sap. 3, 1-2 et 3 Iustórum ánimæ in manu Dei sunt, et non tanget illos torméntum malítiæ: visi sunt óculis insipientium mori: illi autem sunt in pace, allelúia.

Secreta

Adésto, Dómine, précibus pópuli tui, adésto munéribus: ut, quæ

sacris sunt obláta mystériis, tuórum tibi pláceant intercessióne Sanctórum. Per Dóminum.

Antiphona ad Communionem Matth. 10, 27 Quod dico vobis in ténebris, dícite in lúmine, dicit Dóminus: et quod in aure audítis, prædicáte super tecta.

Postcommunio

Súmpsimus, Dómine, pignus redemptionis æternæ: quod sit nobis, quæsumus, interveniéntibus sanctis Martýribus tuis, vitæ præsentis auxílium páriter et futúra. Per Dóminum.

Die 12 augusti

S. CLARÆ VIRGINIS

III classis

Missa Dilexísti, de Communi Virginum 3 loco (27).

Oratio

C

Exáudi nos, Deus salutáris noster: ut, sicut de beátæ Claræ Virginituæ festivitáte gaudémus; ita piæ devotióinis erudiámur afféctu. Per Dóminum.

Secreta

C

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxílium. Per Dóminum.

Postcommunio

C

Satiásti, Dómine, famíliam tuam munéribus sacris: eius quæsumus, semper interventióne nos réfove, cuius solémnia celebrámus. Per Dóminum.

Die 13 augusti

**SS. HIPPOLYTI ET CASSIANI
MARTYRUM**

Commemoratio

Missa Salus autem, de Communi plurimorum Martyrum 3 loco (10), cum orationibus ut infra:

Oratio

Da, quæsumus, omnipotens Deus: ut beatórum Mártýrum tuórum Hippólyti et Cassiáni veneránda solémnitas, et devotióne nobis áugeat, et salútem. Per Dóminum.

Secreta

Réspice, Dómine, múnera pópuli tui, Sanctórum festivitáte vo-

tiva: et tuæ testificatio veritátis nobis proficiat ad salútem. Per Dóminum.

Postcommunio

Sacramentórum tuórum, Dómine, commúnio sumpta nos salvet, et in tuæ veritátis luce confirmet. Per Dóminum.

Die 14 augusti

IN VIGILIA ASSUMPTIONIS BEATÆ MARIÆ VIRGINIS

II classis

Antiphona ad Introitum

Ps. 44, 13 et 15-16

Vultum tuum deprecabúntur omnes dívites plebis: adducéntur Regi vírgines post eam: próximæ eius adducéntur tibi in lætítia, et exsultatióne. **Ps. ibid., 2** Eructávit cor meum verbum bonum: dico ego ópera mea Regi. **V.** Glória Patri.

Non dicitur Glória in excélsis.

Oratio

Deus, qui virginálem aulam beátæ Mariæ, in qua habitátes, eligere dignátus es: da, quæsumus; ut, sua nos defensióne munítos, iucúndos fácias suæ interéssē festivitáti: Qui vivis.

Et fit commemoratio S. Eusebii Confessoris:

Oratio

Deus, qui nos beáti Eusépii Confessóris tui ánnua solémnitáte lætíficas: concéde propítius; ut, cuius natalícia cólimus, per eius ad te exémpa gradiámur. Per Dóminum.

Léctio libri Sapiéntiæ.

Eccli. 24, 23-31

Ego quasi vitis fructificávi suavitátem odóris: et flores mei fructus honóris et honestátis. Ego mater pulchræ dilectiúnis, et timóris, et

agnitiúnis, et sanctæ spei. In me grátia omnis viæ et veritátis, in me omnis spes vitæ, et virtútis. Transíte ad me, omnes, qui concupiscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

Graduale Benedícta et venerábilis es, Virgo María: quæ sine tactu pudóris invénta es mater Salvatóris. **V.** Virgo Dei Génetríx, quem totus non capit orbis, in tua se clausit viscera factus homo.

✠ Sequéntia sancti Evangélíi secúndum Lucam.

Luc. 11, 27-28

In illo témpore: Loquente Iesu ad turbas, extóllens vocem quædam mulier de turba, dixit illi: Beátus venter, qui te portávit, et úbera, quæ suxísti. At ille dixit: Quinímmo beáti, qui áudiunt verbum Dei, et custódiunt illud.

Antiphona ad Offertorium Beáta es, Virgo María, quæ ómnium portásti Creatórem: genuísti qui te fecit, et in ætérnum pérmanes virgo.

Secreta

Múnera nostra, Dómine, apud cleméntiam tuam Dei Genetrícis comméndet orátio: quam idcirco de præsénti sáculo transtulísti; ut pro peccátis nostris apud te fiduciáliter intercédât. Per eúndem Dóminum.

Pro S. Eusebio**Secreta**

C

Laudis tibi, Dómine, hóstias immolámus in tuórum commemoratióne Sanctórum: quibus nos et præséntibus éxui malis confidimus, et futúris. Per Dóminum.

Præfatio communis.

Antiphona ad Communionem

Beáta víscera Mariæ Vírginis, quæ portavérunt ætéрни Patris Fílium.

Postcommunio

Concéde, miséricors Deus, fragilitáti nostræ præsidium: ut,

qui sanctæ Dei Genetrícis festivitátem prævenímus, intercessiόνis eius auxílio, a nostris iniquitátibus resurgámus. Per eúndem Dóminum.

Pro S. Eusebio**Postcommunio**

C


Refécti cibo potúque cælésti, Deus noster, te súplices exorámus: ut, in cuius hæc commemoratióne percépimus, eius muniámur et précibus. Per Dóminum.

Eodem die 14 augusti

S. EUSEBII CONFESSORIS

Commemoratio

Missa Iustus, ut in festo S. Pauli primi Eremitæ, die 15 ianuarii 413, præter orationem ut in Missa præcedenti.



Assumpta est Maria in coelum:
Gaudent Angeli, collaudantes
benedicunt Dominum. - (Offert. Miss.)

Die 15 augusti

IN ASSUMPTIONE BEATÆ MARIÆ VIRGINIS

I classis

Antiphona ad Introitum

Apoc. 12, 1

Signum magnum apparuit in cælo: mulier amicta sole, et luna sub pedibus eius, et in capite eius corona stellarum duodecim. Ps. 97, 1 Cantate Domino canticum novum: quia mirabilia fecit. V. Gloria Patri.

Oratio

Omnipotens sempiternus Deus, qui Immaculatam Virginem Mariam, Filii tui Genetricem, corpore et anima ad caelestem gloriam assumpsisti: concede, quaesumus; ut ad superna semper intenti, ipsius gloriæ mereamur esse consortes. Per eundem Dominum.

Lectio libri Iudith.

Iudith 13, 22-25; 15, 10

Benedixit te Dominus in virtute sua, quia per te ad nihilum redegit inimicos nostros. Benedicta es tu, filia, a Domino Deo excelsa, praeter omnibus mulieribus super terram. Benedictus Dominus, qui creavit caelum et terram, qui te direxit in vulnera capitis principis inimicorum nostrorum; quia hodie nomen tuum ita magnificavit, ut non recedat laus tua de ore hominum, qui memores fuerint virtutis Domini in aeternum, pro quibus non pepercisti animæ tuæ propter angustias et tribulationem generis tui, sed subvenisti ruinæ ante conspectum Dei nostri. Tu gloria Ierusalem, tu lætitia Israël, tu honorificentia populi nostri.

Graduale Ps. 44, 11-12 et 14 Audi, filia, et vide, et inclina aurem tuam, et concupiscet rex pulchritudinem tuam. V. Tota decora ingreditur filia regis, texturæ aureæ sunt amictus eius.

Allelúia, allelúia. V. Assumpta est Maria in caelum: gaudet exercitus Angelorum. Allelúia.

✠ Sequentia sancti Evangelii secundum Lucam.

Luc. 1, 41-50

In illo tempore: Repleta est Spiritu Sancto Elisabeth et exclamavit voce magna, et dixit: Benedicta tu inter mulieres, et benedictus fructus ventris tui. Et unde hoc mihi ut veniat mater Domini mei ad me? Ecce enim, ut facta est vox salutationis tuæ in auribus meis, exsultavit in gaudio infans in utero meo. Et beata, quæ credidisti, quoniam perficiuntur ea, quæ dicta sunt tibi a Domino. Et ait Maria: Magnificat anima mea Dominum; et exsultavit spiritus meus in Deo salutari meo; quia respexit humilitatem ancillæ suæ, ecce enim, ex hoc beatam me dicent omnes generationes. Quia fecit mihi magna qui potens est, et sanctum nomen eius, et misericordia eius a progenie in progenies timéntibus eum.

Credo.

Antiphona ad Offertorium Gen. 3, 15 Inimicitias ponam inter te et Mulierem, et semen tuum et Semen illius.

Secreta

Ascéndat ad te, Dómine, nostræ devotiōnis oblátio, et, beatíssima Vírgine Mariá in cælum assúpta intercedente, corda nostra, caritátis igne succénsa, ad te iúgiter adspírent. Per Dóminum.

Præfatio de B. Maria Virg. Et te in Assumptiōne.

Antiphona ad Communionem

Luc. 1, 48-49 Beátam me dicent omnes generatiōnes, quia fecit mihi magna qui potens est.

Postcommunio

Sumptis, Dómine, salutáribus sacraméntis, da, quæsumus: ut, méritis et intercessiōne beátæ Vírginis Mariæ in cælum assúptæ, ad resurrectiōnis glóriam perducámur. Per Dóminum.

Die 16 augusti**S. IOACHIM PATRIS B. MARLÆ VIRGINIS CONFESSORIS****II classis****Antiphona ad Introitum**

Ps. 111, 9

Dispérsit, dedit paupéribus: iustítia eius manet in sæculum sæculi: cornu eius exaltábitur in glória. **Ps. ibid., 1** Beátus vir, qui timet Dóminum: in mandátis eius cupit nimis. **V.** Glória Patri.

Oratio

Deus, qui præ ómnibus Sanctis tuis beátum Ióachim Genetrícis Fílii tui patrem esse voluísti: concéde, quæsumus; ut, cuius festa venerámur, eius quoque perpétuo patrocínia sentiámus. Per eúndem Dóminum.

Lectio libri Sapiéntiæ.

Eccli. 31, 8-11

Beátus vir, qui invéntus est sine mácula: et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabília in vita sua. Qui probátus est in illo, et perféctus est, erit illi glória æténa: qui pótuit transgredi, et non est transgréssus: fácere mala, et non fecit: ideo stabilita sunt bona illius in Dómino, et eleemósynas illius

enarrábit omnis ecclésia sanctórum.

Graduale Ps. 111, 9 et 2 Dispérsit, dedit paupéribus: iustítia eius manet in sæculum sæculi. **V.** Potens in terra erit semen eius: generatio rectórum benedicétur.

Allelúia, allelúia. **V.** O Ióachim, sanctæ coniux Annæ, pater almæ Vírginis, hic fámulis ferto salutis opem. Allelúia.

¶ In Missis votivis post Septuagesimam, omissis Allelúia, et versu sequenti, dicitur

Tractus Ps. 20, 3-4 Desidérium animæ eius tribuísti ei: et voluntate labiórum eius non fraudásti eum. **V.** Quóniam prævenísti eum in benedictiōnibus dulcédinis. **V.** Posuísti in cápite eius corónam de lápide pretióso.

Tempore autem paschali omititur graduale, et eius loco dicitur:

Allelúia, allelúia. **V.** **Ps. 111, 2** Potens in terra erit semen eius: generatio rectórum benedicétur. Allelúia. **V.** O Ióachim, sanctæ coniux Annæ, pater almæ Vírginis, hic fámulis ferto salutis opem. Allelúia.

✠ **Initium sancti Evangelii secundum Matthaeum.**

Matth. 1, 1-16

Liber generatiōnis Iesu Christi filii David, filii Abraham. Abraham genuit Isaac. Isaac autem genuit Iacob. Iacob autem genuit Iudam, et fratres eius. Iudas autem genuit Phares, et Zaram de Thamar. Phares autem genuit Esron. Esron autem genuit Aram. Aram autem genuit Aminadab. Aminadab autem genuit Naasson. Naasson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Iesse. Iesse autem genuit David regem. David autem rex genuit Salomonem ex ea, quæ fuit Uriæ. Salomon autem genuit Roboam. Roboam autem genuit Abiam. Abias autem genuit Asa. Asa autem genuit Iosaphat. Iosaphat autem genuit Ioram. Ioram autem genuit Oziam. Ozias autem genuit Ioatham. Ioatham autem genuit Achaz. Achaz autem genuit Ezechiam. Ezechias autem genuit Manassen. Manasses autem genuit Amon. Amon autem genuit Iosias. Iosias autem genuit Iechoniam, et fratres eius in transmigratiōne Babylōnis. Et post transmigratiōnem Babylōnis: Iechonias genuit Salathiel. Salathiel autem genuit Zorobabel. Zorobabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleazar. Eleazar autem genuit Mathan. Mathan autem genuit Iacob. Iacob autem genuit Ioseph virum Mariæ, de qua natus est Iesus, qui vocatur Christus.

Antiphona ad Offertorium Ps. 8, 6-7 Glória et honóre coronásti eum: et constituísti eum super ópera mánuum tuárum, Dómine.

Secreta

Súscipe, clementíssime Deus, sacrificium in honórem sancti Patriárchæ Ioachim, patris Mariæ Vírginis, maiestáti tuæ oblátum: ut, ipso cum cóniuge sua, et beatíssima prole intercedente, perféctam cónsequi mereámur remissiōnem peccatórum, et glóriam sempitérnam. Per Dóminum.

Antiphona ad Communionem

Luc. 12, 42 Fidélis servus et prudens, quem constituit Dóminus super familiam suam: ut det illis in tēpore trítici mensúram.

Postcommunio

Quæsumus, omnipotens Deus: ut per hæc sacramenta, quæ sumpsimus, intercedéntibus méritis et précibus beáti Ioachim patris Genetrícis dilécti Fílii tui Dómini nostri Iesu Christi, tuæ grátiae in præsénti, et æternæ glóriæ in futúro partícipes esse mereámur. Per eúndem Dóminum.

Die 17 augusti

S. HYACINTHI CONFESSORIS

III classis

Missa Os iusti, de Communi Confessoris non Pontificis 1 loco (20).

Oratio

C

Deus, qui nos beáti Hyacínthi Confessóris tui ánnua solemnitate lætíficas: concéde propítius; ut, cuius natalícia cólimus, étiam actiōnes imitémur. Per Dóminum.

Secreta

C

Laudis tibi, Dómine, hóstias immolámus in tuórum commemoratiōne Sanctórum: quibus nos et præséntibus éxui malis confidimus, et futúris. Per Dóminum.

Postcommunio C

Refecti cibo potúque cælesti, Deus noster, te súpplīces exorámus: ut, in cuius hæc commemoratióne percépimus, eius muniámur et précibus. Per Dóminum.

Die 18 augusti

S. AGAPITI MARTYRIS

Commemoratio

Missa Lætábitur, **de Communi unius Martyris 4 loco** (6), **cum orationibus et Evangelio ut infra:**

Oratio P

Lætétur Ecclésia tua, Deus, beáti Agapíti Mártiris tui confīsa suffrágiis: atque eius précibus gloriósis, et devóta permáneat, et secúra consístat. Per Dóminum.

✠ Sequéntia sancti Evangélīi secúndum Ioánnem.

Ioann. 12, 24-26

In illo témpore: Dixit Iesus discí-pulis suis: Amen, amen dico vobis, nisi granum fruménti cadens in terram, mórtuum fúerit, ipsum solum manet: si autem mórtuum fúerit, multum fructum affert. Qui amat ánimam suam, perdet eam: et qui odit ánimam suam in hoc mundo, in vitam ætérnam custódit eam. Si quis mihi minístrat, me sequátur: et ubi sum ego, illic et miníster meus erit. Si quis mihi ministráverit, honorificábit eum Pater meus.

Secreta P

Súscipe, Dómine, múnera, quæ in eius tibi solemnitáte deférimus, cuius nos confídīmus patrocínio liberári. Per Dóminum.

Postcommunio P

Satiásti, Dómine, famíliam tuam munérībus sacris: eius, quæsumus, semper interventióne nos réfove, cuius solémnia celebrámus. Per Dóminum.

Die 19 augusti

S. IOANNIS EUDES CONF.

III classis

Missa Os iusti, **de Communi Confessoris non Pontificis 1 loco** (20), **præter orationem sequentem:**

Oratio P

Deus, qui beátum Ioánnem Confessórem tuum, ad cultum sacrórum Córdium Iesu et Mariæ rite promovéndum, mirabíliter inflammásti, et per eum novas in Ecclésia tua famílias congregáre voluísti: præsta, quæsumus; ut cuius pia mérita venerámur, virtútum quoque instruámur exémpis. Per eúndem Dóminum.

Secreta C

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus, et futúris. Per Dóminum.

Postcommunio C

Refecti cibo potúque cælesti, Deus noster, te súpplīces exorámus: ut, in cuius hæc commemoratióne percépimus, eius muniámur et précibus. Per Dóminum.

Die 20 augustiS. BERNARDI
ABBATIS ET ECCLESIAE
DOCTORIS**III classis****Antiphona ad Introitum**
Eccli. 15, 5

In médio Ecclésiæ apéruit os eius: et implévit eum Dóminus spírītu sapiéntiæ, et intelléctus: stolam glóriæ índuit eum. **Ps. 91, 2** Bonum est confitéri Dómino: et psállere nómini tuo, Altíssime. **Ÿ. Glória Patri.**

Oratio

Deus, qui pópulo tuo ætérnæ salútis beátum Bernárdum

ministrum tribuisti: præsta, quæsumus; ut, quem Doctorem vitæ habuimus in terris, intercessorem habere mereamur in cælis. Per Dóminum.

Lectio libri Sapiéntiæ.

Eccli. 39, 6-14

Iustus cor suum tradet ad vigilandum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratione, et pro delíctis suis deprecábitur. Si enim Dóminus magnus volúerit, spíritu intellegéntiæ replébit illum: et ipse tamquam imbres mittet elóquia sapiéntiæ suæ, et in oratione confitébitur Dómino: et ipse diriget consílium eius et disciplinam, et in absconditis suis consiliábitur. Ipse palam fáciat disciplinam doctrínæ suæ, et in lege testaménti Dómini gloriábitur. Colaudábunt multi sapiéntiam eius, et usque in sáculum non delébitur. Non recédet memória eius, et nomen eius requirétur a generatione in generationem. Sapiéntiam eius enarrábunt gentes, et laudem eius enuntiábit ecclésia.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus, et non supplantabúntur gressus eius.

Allelúia, allelúia. **V. Eccli. 45, 9** Amávit eum Dóminus, et ornávit eum: stolam glóriæ induit eum. Allelúia.

✠ Sequéntia sancti Evangélíi secúndum Matthæum.

Matth. 5, 13-19

In illo témpore: Dixit Iesus discipulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra

montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvere legem, aut prophétas: non veni sólvere, sed adimplére. Amen quippe dico vobis, donec tránseat cælum et terra, iota unum, aut unus apex non præteríbit a lege, donec ómnia fiant. Qui ergo solverit unum de mandátis istis mínimis, et docúerit sic homines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium Ps. 91, 13 Iustus ut palma florébit: sicut cedrus, quæ in Líbano est, multipli-cábitur.

Secreta

Sancti Bernárdi Confessoris tui atque Doctóris nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtíneat. Per Dóminum.

Antiphona ad Communionem Luc. 12, 42 Fidélis servus et prudens, quem constituit Dóminus super familiam suam: ut det illis in témpore trítici mensúram.

Postcommunio

Ut nobis, Dómine, tua sacrificia dent salútem: beátus Bernárdus Conféssor tuus et Doctor egregius, quæsumus, precátor accédât. Per Dóminum.

Die 21 augusti

S. IOANNÆ FRANCISCÆ
FREMIOT DE CHANTAL VIDUÆ

III classis

Missa Cognóvi, de Comuni non Virginum 2 loco (31), cum orationibus ut infra:

Oratio

P

Omnípotens et miséricors Deus, qui beatam Ioánnam Franciscam tuo amore succensam, admirabili spíritus fortitudine per omnes vitæ sémitas in via perfectiónis donásti, quique per illam illustrare Ecclesiám tuam nova prole voluísti: eius méritis et précibus concéde; ut, qui infirmitátis nostræ cónsccii de tua virtúte confidimus, cæléstis grátia auxílio cuncta nobis adversántia vincámus. Per Dóminum.

Secreta

P

Illo nos amoris igne, quæsumus, Dómine, hæc hóstia salutáris inflámmet: quo beatæ Ioánnæ Franciscæ cor vehementer incéndit, et flammis adússit ætérnæ caritátis. Per Dóminum.

Postcommunio

P

Spíritum nobis, Dómine, tuæ caritátis infúnde: ut, quos cæléstis panis virtúte satiásti, beatá Ioánná Franciscá intercedente, fácias terréna despícere, et te solum Deum pura mente sectári. Per Dóminum... in unitáte eiúsdem.

Die 22 augusti

IMMACULATI CORDIS BEATÆ MARIÆ VIRGINIS

II classis

Antiphona ad Introitum

Hebr. 4, 16

Adeámus cum fidúcia ad thronum grátia, ut misericórdiam consequámur, et grátiam inveniámus in auxílio opportúno. **Ps. 44, 2** Eructávit cor meum verbum bonum: dico ego ópera mea Regi. **V.** Glória Patri.

Oratio

Omnípotens sempitérne Deus, qui in corde beatæ Mariæ Virginis dignum Spíritus Sancti habitáculum præparásti: concéde propítius; ut eiúsdem immaculáti Cordis festivitátem devóta mente recoléntes, secúndum Cor tuum vívere valeámus. Per Dóminum... in unitáte eiúsdem.

Et fit commemoratio Ss. Timothei, Hippolyti et Symphoriani Martyrum:

Oratio

P

Auxílium tuum nobis, Dómine, quæsumus, placátus impénde: et, intercedéntibus beáteis Martýribus tuis Timótheo, Hippolyto et Symphoriáno, dexteram

super nos tuæ propitiatiónis exténde. Per Dóminum.

Léctio libri Sapiéntiæ.

Eccli. 24, 23-31

Ego quasi vitis fructificávi suavitátem odóris: et flores mei, fructus honóris et honestátis. Ego mater pulchræ dilectiόνis, et timóris, et agnitiόνis, et sanctæ spei. In me grátia omnis viæ et veritátis: in me omnis spes vitæ et virtútis. Transíte ad me, omnes, qui concupiscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

Graduale Ps. 12, 6 Exsultábit cor meum in salutári tuo: cantábo Dómino, qui bona tríbuit mihi: et psallam nómini Dómini altíssimi. **V. Ps. 44, 18** Mémoires erunt nóminis tui in omni generatióne et genera-

tionem: propterea populi confitebuntur tibi in ætérnum.

Allelúia, allelúia. **V. Luc. 1, 46-47** Magnificat ánima mea Dóminum: et exsultávit spíritus meus in Deo salutári meo. Allelúia.

¶ **In Missis votivis post Septuagesimam, omissis Allelúia, et versu sequenti, dicitur**

Tractus Prov. 8, 32, 35 Nunc ergo, filii, audíte me: Beáti, qui custódiunt vias meas. Audíte disciplínam et estóte sapiéntes, et nolíte abícere eam. **V.** Beátus homo qui audit me, et qui vígilat ad fores meas quotidie, et obsérvat ad postes óstii mei. **V.** Qui me invénerit, invéniet vitam, et háuriet salútem a Dómino.

Tempore autem paschali omititur graduale, et eius loco dicitur:

Allelúia, allelúia. **V. Luc. 1, 46-47** Magnificat ánima mea Dóminum: et exsultávit spíritus meus in Deo salutári meo. Allelúia. **V.** Beátam me dicent omnes generatiónes, quia ancíllam húmílem respéxit Deus. Allelúia.

✠ **Sequéntia sancti Evangélíi secúndum Ioánnem.**

Ioann. 19, 25-27

In illo témpore: Stabant iuxta crucem Iesu mater eius, et soror matris eius, María Cléophæ, et María Magdaléne. Cum vidísset ergo Iesus matrem, et discípulum stantem, quem diligébat, dicit matri suæ: Múlier, ecce filius tuus. Deínde dicit discípulo: Ecce mater tua. Et ex illa hora accépit eam discípulus in sua.

Credo.

Antiphona ad Offertorium Luc. 1, 47, 49 Exsultávit spíritus meus in

Deo salutári meo; quia fecit mihi magna qui potens est, et sanctum nomen eius.

Secreta

Maiestáti tuæ, Dómine, Agnum immaculátum offeréntes, quæsumus: ut corda nostra ignis ille divínus accéndat, qui Cor beátæ Maríæ Vírginis ineffábiliter inflam-mávit. Per eúndem Dóminum.

Pro Ss. Martyribus

Secreta

P

Accépta tibi sit, Dómine, sacrá-tæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxílium. Per Dóminum.

Præfatio de B. Maria Virg. Et te in Festivitate.

Antiphona ad Communionem

Ioann. 19, 27 Dixit Iesus matri suæ: Múlier, ecce filius tuus: deínde dixit discípulo: Ecce mater tua. Et ex illa hora accépit eam discípulus in sua.

Postcommunio

Divínis refécti munéribus te, Dómine, suppliciter exorámus: ut beátæ Maríæ Vírginis intercessi-óne, cuius immaculáti Cordis solémnia venerádo égimus, a præ-séntibus perículis liberáti, æternæ vitæ gáudia consequámur. Per Dóminum.

Pro Ss. Martyribus

Postcommunio

P

Divíni múnere largitáte satiáti, quæsumus, Dómine Deus noster: ut, intercedéntibus sanctis Martýribus tuis Timótheo, Hippólyto et Symphoriáno, in eius semper participatióne vivámus. Per Dóminum.

Eodem die 22 augusti

SS. TIMOTHEI, HIPPOLYTI
ET SYMPHORIANI MARTYRUM

Commemoratio

Missa Salus autem, de Communi plurimorum Martyrum 3 loco (10), cum orationibus ut infra:

Oratio

P

Auxílium tuum nobis, Dómine, quæsumus, placátus impénde: et, intercedéntibus beáteis Martýribus tuis Timótheo, Hippólyto et Symphoriáno, dexteram super nos tuæ propitiatiónis exténde. Per Dóminum.

Secreta

P

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxílium. Per Dóminum.

Postcommunio

P

Divíni múnere largitáte satiáti, quæsumus, Dómine Deus noster: ut, intercedéntibus sanctis Martýribus tuis Timótheo, Hippólyto et Symphoriáno, in eius semper participatióne vivámus. Per Dóminum.

Die 23 augusti

S. PHILIPPI BENITII CONF.

III classis

Missa Iustus, de Communi Confessoris non Pontificis 2 loco (22), præter orationem sequentem:

Oratio

P

Deus, qui per beátum Philípum Confessórem tuum exímium nobis humilitátis exéplum tribuísti: da fámulis tuis próspera mundi ex eius imitatióne despícere, et cæléstia semper inquírerere. Per Dóminum.

Secreta

C

Præsta nobis, quæsumus, omnipotens Deus: ut nostræ humilitátis oblátio, et pro tuórum tibi grata sit honóre Sanctórum, et nos corpore páriter et mente puríficet. Per Dóminum.

Postcommunio

C

Quæsumus, omnipotens Deus: ut, qui cæléstia aliménta percépimus, intercedénte beáto Philíppe Confessóre tuo, per hæc contra ómnia advérse muniámur. Per Dóminum.

Die 24 augusti

S. BARTHOLOMÆI APOSTOLI

II classis

Antiphona ad Introitum

Ps. 138, 17

Mihi autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2** Dómine, probásti me, et cognovísti me: tu cognovísti sessiónem meam, et resurrectionem meam. **¶** Glória Patri.

Oratio

Omnípotens sempitérne Deus, qui huius diéi venerándam

sanctámque lætítiam in beáti Apóstoli tui Bartholomæi festivitáte tribuísti: da Ecclesiæ tuæ, quæsumus; et amáre quod crédidit, et prædicáre quod dócuit. Per Dóminum.

Léctio Epístolæ beáti Pauli Apóstoli ad Corínthios.

I Cor. 12, 27-31**F**ratres: Vos estis corpus Christi, et membra de membro. Et quosdam quidem pósuit Deus in Ecclesiá

primum apóstolos, secúndo prophétas, tértio doctóres, deínde virtútes, exínde grátias curatiónum, opitulatiónes, gubernatiónes, génera linguárum, interpretatiónes sermónum. Numquid omnes apóstoli? numquid omnes prophétæ? numquid omnes doctóres? numquid omnes virtútes? numquid omnes grátiam habent curatiónum? numquid omnes linguis loquúntur? numquid omnes interpretántur? Æmulámini autem charísmata melióra.

Graduale Ps. 44, 17-18 Constitúes eos príncipes super omnem terram: mémoires erunt nóminis tui, Dómine. **℣.** Pro pátribus tuis nati sunt tibi filii: proptérea pópuli confitebúntur tibi.

Allelúia, allelúia. **℣.** Te gloriósus Apostolorum chorus laudat, Dómine. Allelúia.

✠ Sequéntia sancti Evangélíi secúndum Lucam.

Luc. 6, 12-19

In illo témpore: Exiit Iesus in montem oráre, et erat pernóctans in oratióne Dei. Et cum dies factus esset, vocávit discipulos suos, et elégit duódecim ex ipsis (quos et Apóstolos nominávit): Simónem, quem cognominávit Petrum, et Andréam fratrem eius, Iacóbum et Ioánnem, Philíppum et Bartholomáeum, Mattháeum et Thomam, Iacóbum Alphæi et Simónem, qui vocátur Zelótes, et Iudam Iacóbi, et Iudam Iscariótem, qui fuit próditor. Et descéndens cum illis, stetit in loco campéstri, et turba discipulorum eius, et multitúdo copiósa plebis ab omni Iudæa, et Ierúsalem, et marítima, et Tyri, et Sidónis, qui vénerant, ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba

quarébat eum tángere, quia virtus de illo exíbat, et sanábat omnes.

Credo.

Antiphona ad Offertorium Ps. 138,

17 Mihi autem nimis honoráti sunt amíci tui, Deus: nimis confortátus est principátus eórum.

Secreta

Beáti Apóstoli tui Bartholomæi solémnia recenséntes, quæsumus, Dómine: ut eius auxílio tua benefícia capiámus, pro quo tibi laudis hóstias immolámus. Per Dóminum.

Præfatio de Apostolis.

Antiphona ad Communionem

Matth. 19, 28 Vos, qui secúti estis me, sedébitis super sedes, iudicántes duódecim tribus Israël, dicit Dóminus.

Postcommunio

Sumptum, Dómine, pignus redemptionis æternæ: sit nobis, quæsumus; interveniénte beáto Bartholomæo Apóstolo tuo, vitæ præsentis auxílium páriter et futuræ. Per Dóminum.

¶ **In Missis votivis post Septuagesimam, omnia dicuntur ut supra, sed post graduale, omissis Allelúia, et versu sequenti, dicitur**

Tractus Ps. 20, 3-4 Desidérium animæ eius tribuísti ei: et voluntate labiórur eius non fraudásti eum. **℣.** Quóniam prævenísti eum in benedictiónibus dulcédinis. **℣.** Posuísti in cápite eius corónam de lápide pretiósio.

¶ **Tempore autem paschali** Missa Protexísti, de Comuni Martyrum 1 loco (12), cum orationibus, Epistola et Evangelio ut supra.

Die 25 augusti

S. LUDOVICI REGIS, CONF.

III classis

Antiphona ad Introitum

Ps. 36, 30-31

Os iusti meditabitur sapientiam, et lingua eius loquetur iudicium: lex Dei eius in corde ipsius. **Ps. ibid., 1** Noli æmulari in malignantibus: neque zelaveris facientes iniquitatem. **V.** Glória Patri.

Oratio

Deus, qui beatum Ludovicum Confessorem tuum de terreno regno ad cælestis regni glóriam transtulisti: eius, quæsumus, meritis et intercessiõne, Regis regum Iesu Christi Filii tui facias nos esse consortes: Qui tecum vivit.

Lectio libri Sapientiæ.

Sap. 10, 10-14

Iustum deduxit Dominus per vias rectas, et ostendit illi regnum Dei, et dedit illi scientiam sanctorum: honestavit illum in laboribus, et complavit labores illius. In fraude circumvenientium illum affuit illi, et honestum fecit illum. Custodivit illum ab inimicis, et a seductoribus tutavit illum, et certamen forte dedit illi, ut vinceret, et sciret, quoniam omnium potentior est sapientia. Hæc venditum iustum non dereliquit, sed a peccatoribus liberavit eum: descenditque cum illo in foveam, et in vinculis non dereliquit illum, donec afferret illi sceptrum regni, et potentiam adversus eos, qui eum deprimebant: et mendaces ostendit, qui maculaverunt illum, et dedit illi claritatem æternam, Dominus Deus noster.

Graduale Ps. 91, 13 et 14 Iustus ut palma florabit: sicut cedrus Libani multiplicabitur in domo Domini. **V. Ibid., 3** Ad annuntiandum

mane misericordiam tuam, et veritatem tuam per noctem.

Allelúia, allelúia. **V. Iac. 1, 12** Beatus vir, qui suffert tentationem: quoniam cum probatus fuerit, accipiet coronam vitæ. Allelúia.

✠ Sequentia sancti Evangelii secundum Lucam.

Luc. 19, 12-26

In illo tempore: Dixit Iesus discipulis suis parabolam hanc: Homo quidam nobilis abiit in regionem longinquam accipere sibi regnum, et reverti. Vocatis autem decem servis suis, dedit eis decem mnas, et ait ad illos: Negotiamini dum venio. Cives autem eius oderant eum: et miserunt legationem post illum, dicentes: Nolumus hunc regnare super nos. Et factum est, ut rediret accepto regno: et iussit vocari servos, quibus dedit pecuniam, ut sciret quantum quisque negotiatus esset. Venit autem primus, dicens: Domine, mna tua decem mnas acquisivit. Et ait illi: Euge, bone serve, quia in modico fuisti fidelis, eris potestatem habens super decem civitates. Et alter venit, dicens: Domine, mna tua fecit quinque mnas. Et huic ait: Et tu esto super quinque civitates. Et alter venit, dicens: Domine, ecce mna tua, quam habui repositam in sudario: timui enim te, quia homo austerus es: tollis quod non posuisti, et metis quod non seminasti. Dicit ei: De ore tuo te iudico, serve nequam. Sciebas quod ego homo austerus sum, tollens quod non posui, et metens quod non seminavi: et quare non dedisti pecuniam meam ad mensam, ut ego veniens, cum usuris utique exegissem illam? Et astantibus dixit: Auferte ab illo mnam, et date illi, qui decem mnas habet. Et dixerunt ei: Domine, habet decem mnas. Dico autem vobis: Quia omni habenti dabitur,

et abundabit: ab eo autem, qui non habet, et quod habet, auferetur ab eo.

Antiphona ad Offertorium Ps. 88, 25 Veritas mea et misericordia mea cum ipso: et in nomine meo exaltabitur cornu eius.

Secreta

Præsta, quæsumus, omnipotens Deus: ut, sicut beatus Ludovicus Confessor tuus, spretis mundi oblectamentis, soli Regi Christo placere studeat, ita eius oratio nos tibi reddat acceptos. Per eundem Dominum.

Antiphona ad Communionem Matth. 24, 46-47 Beatus servus, quem, cum venerit Dominus, invenerit vigilantem: amen dico vobis, super omnia bona sua constituet eum.

Postcommunio

Deus, qui beatum Confessorem tuum Ludovicum mirificasti in terris, et gloriosum in cælis fecisti: eundem, quæsumus, Ecclesiæ tuæ constitue defensorem. Per Dominum.

Die 26 augusti

S. ZEPHYRINI PAPÆ ET MART.

Commemoratio

Missa Si diligis me, de **Communione unius aut plurium Summorum Pontificum** (1).

Oratio C I

Gregem tuum, Pastor æternæ, placatus intende: et per beatum Zephyrinum Martyrem tuum atque Summum Pontificem, perpetua protectione custodi; quem totius Ecclesiæ prestitisti esse pastorem. Per Dominum.

Secreta C I

Oblatis muneribus, quæsumus, Domine, Ecclesiam tuam benignus illumina: ut, et gregis tui

proficiat ubique succensus, et grati fiant nomini tuo, te gubernante, pastores. Per Dominum.

Postcommunio C I

Refectione sancta enutritam gubernam, quæsumus, Domine, tuam placatus Ecclesiam: ut potenti moderatione directa, et incrementa libertatis accipiat; et in religionis integritate persistat. Per Dominum.

Die 27 augusti

S. IOSEPHI CALASANTII CONF.

III classis

Antiphona ad Introitum

Ps. 33, 12

Venite, filii, audite me: timorem Domini docebo vos. **Ps. ibid., 2** Benedicam Dominum in omni tempore: semper laus eius in ore meo. **V.** Glória Patri.

Oratio

Deus, qui per sanctum Iosephum Confessorem tuum, ad erudiendam spiritum intelligentiæ ac pietatis iuventutem, novum Ecclesiæ tuæ subsidium providere dignatus es: præsta, quæsumus; nos, eius exemplo et intercessione, ita facere et docere, ut præmia consequamur æterna. Per Dominum.

Lectio libri Sapientiæ.

Sap. 10, 10-14

Iustum deduxit Dominus per vias rectas, et ostendit illi regnum Dei, et dedit illi scientiam sanctorum: honestavit illum in laboribus, et complavit labores illius. In fraude circumvenientium illum affuit illi, et honestum fecit illum. Custodivit illum ab inimicis, et a seductoribus tutavit illum, et certamen forte dedit illi, ut vinceret, et sciret, quoniam omnium potentior est sapientia. Hæc venditum iustum non dereliquit, sed a peccatoribus libe-

rávit eum: descendítque cum illo in fóveam, et in vínculis non derelíquit illum, donec afférret illi sceptrum regni, et poténtiam advérsus eos, qui eum deprimébant: et mendáces osténdit qui maculavérunt illum, et dedit illi claritátem ætérnam, Dóminus Deus noster.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **¶** Lex Dei eius in corde ipsíus: et non supplantábuntur gressus eius.

Allelúia, allelúia. **¶** **Iac. 1, 12** Beátus vir, qui suffert tentatióem: quóniam cum probátus fúerit, accípiet coronam vitæ. Allelúia.

✠ Sequéntia sancti Evangélíi secúndum Matthæum,

Matth. 18, 1-5

In illo témpore: Accessérunt discí-puli ad Iesum, dicéntes: Quis putas, maior est in regno cælórum? Et ádvocans Iesus párvulum, státuit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est maior in regno cælórum. Et qui suscepit unum párvulum talem in nómine meo, me súscipit.

Antiphona ad Offertorium Ps. 9, 17 Desidérium páuperum exaudivít Dóminus: præparatióem cordis eórum audivít auris tua.

Secreta

Altáre tuum, Dómine, munéribus cumulámus oblátis: ut eius nobis fiant supplicatióne propítia, cuius nos donásti patrocínio adiuvári. Per Dóminum.

Antiphona ad Communionem Marc. 10, 14 Sínite párvulos veníre ad me, et ne prohibuéritis eos: tálium est enim regnum Dei.

Postcommunio

Sanctificáti, Dómine, salutári mystério: quæsumus, ut, intercedénte sancto Iosépho Confessóre tuo, ad maius semper proficiámus pietátis increméntum. Per Dóminum.

Die 28 augusti

S. AUGUSTINI

EP., CONF. ET ECCL. DOCT.

III classis

Antiphona ad Introitum

Eccli. 15, 5

In médio Ecclésiæ apérui os eius: et implévit eum Dóminus spíritu sapiéntiæ et intelléctus: stolam glóriæ induit eum. **Ps. 91, 2** Bonum est confitéri Dómino: et psállere nómini tuo, Altíssime. **¶** Glória Patri.

Oratio

Adésto supplicatióibus nostris, omnipotens Deus: et, quibus fidúciám sperándæ pietátis indúlges, intercedénte beáto Augustíno Confessóre tuo atque Pontífice, consuetæ misericórdiæ tríbeue benígnus effectum. Per Dóminum.

Et fit commemoratio S. Hermetis Martyris:

Oratio

P

Deus, qui beátum Hermétem Mátyrem tuum virtúte constantiæ in passióne roborásti: ex eius nobis imitatióne tríbeue, pro amóre tuo próspera mundi despicere, et nulla eius advérsa formidáre. Per Dóminum.

Léctio Epístolæ beáti Pauli Apóstoli ad Timótheum.

2 Tim. 4, 1-8

Caríssime: Testíficor coram Deo, et Iesu Christo, qui iudicatúrus est vivos et mórtuos, per advéntum ipsíus, et regnum eius: prædica verbum, insta opportúne, importúne:

árgue, óbseca, íncrepa in omni patiéntia, et doctrína. Érit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritáte quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim iam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiæ, quam reddet mihi Dóminus in illa die, iustus iudex: non solum autem mihi, sed et iis, qui díligunt advéntum eius.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplantabúntur gressus eius.

Allelúia, allelúia. **V. Ps. 88, 21** Invéni David servum meum, óleo sancto meo unxi eum. Allelúia.

✠ Sequéntia sancti Evangélíi secúndum Matthæum.

Matth. 5, 13-19

In illo témpore: Dixit Iesus discí-pulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvare legem, aut prophétas: non veni sólvare, sed adimplére. Amen quippe dico vobis, donec tránseat cælum et terra, iota unum

aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium Ps. 91, 13 Iustus ut palma florébit: sicut cedrus, quæ in Líbano est, multiplicábitur.

Secreta

Sancti Augustíni Pontíficis tui atque Doctóris nobis, Dómine, pia non desit orátio: quæ, et múnera nostra concíliet, et tuam nobis indulgéntiam semper obtíneat. Per Dóminum.

Pro S. Hermete

Secreta

P

Sacrificium tibi, Dómine, laudis offérimus in tuórum commemoratióne Sanctórum: da, quæsumus; ut, quod illis cóntulit glóriam, nobis prosit ad salútem. Per Dóminum.

Antiphona ad Communionem Luc. 12, 42 Fidélis servus et prudens, quem constituit dóminus super familiam suam: ut det illis in témpore trítici mensúram.

Postcommunio

Ut nobis, Dómine, tua sacrificia dent salútem: beátus Augustínus Póntifex tuus et Doctor egrégus, quæsumus, precátor accédát. Per Dóminum.

Pro S. Hermete

Postcommunio

P

Repléti, Dómine, benedictióne cælésti, quæsumus cleméntiam tuam: ut, intercedénte beáto Herméte Mártire tuo, quæ humíliter gérimus, salúriter sentiámus. Per Dóminum.

Eodem die 28 augusti

S. HERMETIS MARTYRIS

Commemoratio

Missa Lætábitur, de **Communi unius Martyris 4 loco** (6), cum orationibus ut infra:

Oratio

P

Deus, qui beátum Hermétem Mártýrem tuum virtúte constantiæ in passióne roborásti: ex eius nobis imitatióne tríbue, pro amóre tuo próspera mundi despícere, et nulla eius advérsa formidáre. Per Dóminum.

Secreta

P

Sacrificium tibi, Dómine, laudis offérimus in tuórum commemoratióne Sanctorum: da, quásumus; ut, quod illis cóntulit glóriam, nobis prosit ad salútem. Per Dóminum.

Postcommunio

P

Repléti, Dómine, benedictióne cælésti, quásumus cleméntiam tuam: ut, intercedénte beáto Herméte Mártýre tuo, quæ humíliter gérimus, salúbriter sentiámus. Per Dóminum.

Die 29 augusti

IN DECOLLATIONE
S. IOANNIS BAPTISTÆ

III classis

Antiphona ad Introitum

Ps. 118, 46-47

Loquebar de testimoniis tuis in conspéctu regum, et non confundébar: et meditábar in mandátis tuis, quæ diléxi nimis. **Ps. 91, 2** Bonum est confitéri Dómino: et psállere nómini tuo, Altíssime. **V.** Glória Patri.

Oratio

Sancti Ioánnis Baptistæ Præcursoris et Mártýris tui, quásumus, Dómine, veneránda festívitās: salutáris auxilií nobis præstet efféctum: Qui vivis.

Et fit commemoratio S. Sabinae
Martyris:

Oratio

C

Deus, qui inter cétera poténtiæ tuæ mirácula étiam in sexu frágili victóriam martýrii contulisti: concéde propítius; ut, qui beátæ Sabinae Mártýris tuæ natalícia cólimus, per eius ad te exémp-la gradiámur. Per Dóminum.

Léctio Ieremiæ Prophætæ.

Ierem. 1, 17-19

In diébus illis: Factum est verbum Dómini ad me, dicens: Accínge lumbos tuos, et surge, et lóquere ad Iuda ómnia, quæ ego præcípíio tibi. Ne formídes a fácie eórum: nec enim timére te fáciam vultum eórum. Ego quippe dedi te hódie in civitátem munítam, et in colúnam férream, et in murum áereum, super omnem terram, régibus Iuda, princípibus eius, et sacerdotibus, et pópulo terræ. Et bellábunt advérsus te, et non prævalébunt: quia ego tecum sum, ait Dóminus, ut liberem te.

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **V. Osee 14, 6** Iustus germinábit sicut lílium: et florébit in ætérnum ante Dóminum. Allelúia.

✠ Sequéntia sancti Evangélíi secúndum Marcum.

Marc. 6, 17-29

In illo témpore: Misit Heródes, ac tenuit Ioánnem, et vinxit eum in cárcere propter Herodiádem uxórem Philíppi fratris sui, quia dúxerat eam. Dicébat enim Ioánnes Heródi: Non licet tibi habére uxórem fratris tui. Heródias autem insidia-

bátur illi, et volébat occidere eum, nec póterat. Heródes enim metuébat Ioánnem, sciens eum virum iustum et sanctum: et custodiébat eum, et audíto eo multa faciébat, et libénter eum audiébat. Et cum dies opportunus accidísset, Heródes natális sui cenam fecit princípibus, et tribúnis, et primis Galilææ. Cumque introísset filia ipsíus Herodíadis, et saltásset, et placuísset Heródi, simúlque recumbéntibus; rex ait puéllæ: Pete a me quod vis, et dabo tibi. Et iurávit illi: Quia quidquid petíeris dabo tibi, licet dimídiū regni mei. Quæ cum exísset, dixit matri suæ: Quid petam? At illa dixit: Caput Ioánnis Baptístæ. Cumque introísset statim cum festinatióne ad regem, petívit, dicens: Volo ut prótinus des mihi in disco caput Ioánnis Baptístæ. Et contristátus est rex: propter iusiurándum, et propter simul discumbéntes nóluit eam contristáre: sed misso spiculatóre, præcépit afférri caput eius in disco. Et decollávit eum in cárcere. Et áttulit caput eius in disco: et dedit illud puéllæ, et puélla dedit matri suæ. Quo audíto, discípuli eius venérunt, et tulérunt corpus eius: et posuérunt illud in monuménto.

Antiphona ad Offertorium Ps. 20, 2-3 In virtúte tua, Dómine, lætábitur iustus, et super salutáre tuum exsultábit veheménter: desidérium ánimæ eius tribuísti ei.

Secreta

Múnera, quæ tibi, Dómine, pro sancti Mártiris tui Ioánnis Baptístæ passióne deférimus: quæsumus; ut eius obténtu nobis proficiant ad salutem. Per Dóminum.

Pro S. Sabina

Secreta

Hóstias tibi, Dómine, beátæ Sabínæ Mártiris tuæ dicátas méritis, benígnus assúme: et

ad perpétuum nobis tríbue proveníre subsidium. Per Dóminum.

Antiphona ad Communionem

Ps. 20, 4 Posuísti, Dómine, in cápite eius corónam de lápide pretiósio.

Postcommunio

Cónferat nobis, Dómine, sancti Ioánnis Baptístæ solémnitas: ut et magnífica sacraménta, quæ sumpsimus, significáta venerémur, et in nobis pótius édita gaudeámus. Per Dóminum.

Pro S. Sabina

Postcommunio P

Divíni múnere largitáte satiáti, quæsumus, Dómine Deus noster: ut, intercedénte beáta Sabína Mártire tua, in eius semper participatióne vivámus. Per Dóminum.

Eodem die 29 augusti

S. SABINÆ MARTYRIS

Commemoratio

Missa Me exspectavérunt, de Communi non Virginum I loco (30), cum orationibus ut infra:

Oratio C

Deus, qui inter cétera poténtiæ tuæ mirácula étiam in sexu fragili victóriam martýrii contulísti: concéde propítius; ut, qui beátæ Sabínæ Mártiris tuæ natalícia cólimus, per eius ad te exémp-la gradiámur. Per Dóminum.

Secreta P

Hóstias tibi, Dómine, beátæ Sabínæ Mártiris tuæ dicátas méritis, benígnus assúme: et ad perpétuum nobis tríbue proveníre subsidium. Per Dóminum.

Postcommunio P

Divíni múnere largitáte satiáti, quæsumus, Dómine Deus noster: ut, intercedénte beáta Sabína Mártire tua, in eius semper participatióne vivámus. Per Dóminum.

Die 30 augusti

S. ROSÆ LIMANÆ VIRGINIS

III classis

Missa Dilexisti, de Communi Virginum 3 loco (27), præter orationem sequentem:

Oratio

P

Bonorum omnium largitor, omnipotens Deus, qui beatam Rosam, cælestis gratiæ rore præventam, virginitatis et patientiæ decore Indis florêscere voluisti: da nobis famulis tuis; ut in odorem suavitatis eius currentes, Christi bonus odor effici mereamur: Qui tecum vivit.

Et fit commemoratio Ss. Felicis et Adaucti Martyrum:

Oratio

P

Maiestatem tuam, Domine, supplices exoramus: ut, sicut nos iugiter Sanctorum tuorum commemoratione lætificas: ita semper supplicatione defendas. Per Dominum.

Secreta

C

Accēpta tibi sit, Domine, sacratæ plebis oblatio pro tuorum honore Sanctorum: quorum se meritis de tribulatione percepisse cognoscit auxilium. Per Dominum.

Pro Ss. Felice et Adaucto

Secreta

P

Hóstias, Domine, tuæ plebis intēde: et, quas in honore Sanctorum tuorum devota mente celebrat, proficere sibi sentiat ad salutem. Per Dominum.

Postcommunio

C

Satiasti, Domine, familiam tuam munéribus sacris: eius, quæsumus, semper interventióne nos réfove, cuius solémnia celebramus. Per Dominum.

Pro Ss. Felice et Adaucto

Postcommunio P

Replēti, Domine, munéribus sacris: quæsumus; ut, intercedéntibus Sanctis tuis, in gratiarum semper actióne maneamus. Per Dominum.

Eodem die 30 augusti

SS. FELICIS ET ADAUCTI
MARTYRUM

Commemoratio

Antiphona ad Introitum

Eccli. 44, 15 et 14

Sapiéntiam sanctorum narrent populi, et laudes eorum nuntiet ecclesia: nómína autem eorum vivent in sæculum sæculi. **Ps. 32, 1** Exsultate, iusti, in Domino: rectos decet collaudatio. **V.** Glória Patri.

Oratio

Maiestatem tuam, Domine, supplices exoramus: ut, sicut nos iugiter Sanctorum tuorum commemoratione lætificas, ita semper supplicatione defendas. Per Dominum.

Lectio libri Sapiéntiæ.

Sap. 10, 17-20

Réddidit Deus iustis mercédem labórum suorum, et deduxit illos in via mirabili: et fuit illis in velamento diéi, et in luce stellarum per noctem: transtulit illos per Mare Rubrum, et transvéxit illos per aquam nímiā. Inimicos autem illorum demérsit in mare, et ab altitúdine inferórum eduxit illos. Ideo iusti tulérunt spólia impiórum, et decantavérunt, Domine, nomen sanctum tuum, et victricem manum tuam laudavérunt páriter, Domine Deus noster.

Graduale Sap. 3, 1-2 et 3 Iustórum animæ in manu Dei sunt, et non tanget illos torméntum malitiæ.

V. Visi sunt óculis insipiéntium mori: illi autem sunt in pace.

Allelúia, allelúia. **V. Sap. 3, 7** Fulgébunt iusti, et tamquam scintillæ in arundinéto discúrrunt in ætérnum. Allelúia.

✠ Sequéntia sancti Evangélíi secúndum Lucam.

Luc. 10, 16-20

In illo témpore: Dixit Iesus discí-pulis suis: Qui vos audit, me audit, et qui vos spernit, me spernit. Qui autem me spernit, spernit eum, qui misit me. Révéri sunt autem septuagínta duo cum gáudio, dicétes: Dómine, étiam dæmónia subiciúntur nobis in nómine tuo. Et ait illis: Vidébam sátanam sicut fulgur de cælo cadéntem. Ecce, dedi vobis potestátem calcáandi supra serpéntes et scorpiónes, et super omnem virtútem inimíci: et nihil vobis nocébit. Verúmtamen in hoc nolíte gaudére quia spíritus vobis subiciúntur: gaudéte autem, quod nómina vestra scripta sunt in cælis.

Antiphona ad Offertorium Ps. 31, 11 Lætámini in Dómino, et exultáte, iusti: et gloriámini, omnes recti corde.

Secreta

Hóstias, Dómine, tuæ plebis inténde: et, quas in honóre Sanctórum tuórum devóta mente célebrat, proficere sibi séntiat ad salutem. Per Dóminum.

Antiphona ad Communionem Matth. 10, 27 Quod dico vobis in ténebris, dícite in lúmine, dicit Dóminus: et quod in aure audítis, prædicáte super tecta.

Postcommunio

Repléti, Dómine, munéribus sacris: quásumus; ut, intercedéntibus Sanctis tuis, in gratiárum semper actióne maneámus. Per Dóminum.

Die 31 augusti

S. RAYMUNDI NONNATI CONF.

III classis

Missa Os iusti, de **Communi Confessoris non Pontificis 1 loco** (20), **præter orationem sequentem:**

Oratio

P

Deus, qui in liberándis fidélibus tuis ab impiórum captivité beátum Raymúndum Confessórem tuum mirábilem effecísti: eius nobis intercessióne concéde; ut, a peccatórum vínculis absolúti, quæ tibi sunt plácita, liberis méntibus exsequámur. Per Dóminum.

Secreta

C

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus, et futúris. Per Dóminum.

Postcommunio

C

Refécti cibo potúque cælesti, Deus noster, te súpplíces exorámus: ut, in cuius hæc commemoratióne percépimus, eius muniamur et précibus. Per Dóminum.

FESTA SEPTEMBRIS

Die 1 septembris

S. ÆGIDII ABBATIS

Commemoratio

Missa Os iusti, de **Communi Abbatum** (23).

Oratio

C

Intercéssio nos, quásumus, Dómine, beáti Ægídii Abbátis coméndet: ut, quod nostris méritis non valémus, eius patrocínio assequámur. (Per Dóminum.)

Deinde commemoratio Ss. duodecim Fratrum Martyrum:

Oratio

P

Fratérna nos, Dómine, Mártyrum tuórum coróna lætíficet: quæ et fidei nostræ præbeat incrementa virtútum, et múltiplici nos suffrágio consolétur. Per Dóminum.

Secreta

C

Sacris altáribus, Dómine, hóstias superpósitas sanctus Ægídius Abbas, quæsumus, in salútem nobis proveníre depóscat. (Per Dóminum.)

Pro Ss. duodecim Fratribus

Secreta

P

Mystéria tua, Dómine, pro sanctórum Mártyrum tuórum commemoratióne devóta mente tractémus: quibus nobis et præsidium crescat, et gáudium. Per Dóminum.

Postcommunio

C

Próteget nos, Dómine, cum tui perceptiône sacraménti beátus Ægídius Abbas, pro nobis intercedéndo: ut et conversatiónis eius experiámur insígnia, et intercessiósni percipiámus suffrágia. (Per Dóminum.)

Pro Ss. duodecim Fratribus

Postcommunio

P

Præsta, quæsumus, omnípotens Deus: ut, quorum memóriam sacraménti participatióne recólimus, fidem quoque proficiéndo sectémur. Per Dóminum.

Eodem die 1 septembris
SS. DUODECIM FRATRUM
MARTYRUM

Commemoratio

Antiphona ad Introitum

Ps. 33, 18

Clamavérunt iusti, et Dóminus exaudivit eos: et ex ómnibus tribulatióibus eórum liberávit eos. **Ps. ibid., 2** Benedícam Dóminum in omni témpore: semper laus eius in ore meo. **V.** Glória Patri.

Oratio

Fratérna nos, Dómine, Mártyrum tuórum coróna lætíficet: quæ et fidei nostræ præbeat incrementa virtútum, et múltiplici nos suffrágio consolétur. Per Dóminum.

Léctio Epístolæ beáti Pauli Apóstoli ad Hebræos.

Hebr. 11, 33-39

Fratres: Sancti per fidem vicérunt regna, operáti sunt iustítiam, adépti sunt repromissiósnes, obturavérunt ora leónum, exstinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra vertérunt exterórum: accepérunt mulíeres de resurrectione mórtuos suos: álii autem disténti sunt, non suscipiéntes redemptionem, ut meliorem invenírent resurrectionem: álii vero ludíbria, et vérbera expérti, ínsuper et víncula, et cárceres: lapidáti sunt, secti sunt, tentáti sunt, in occisióne gládii mórtui sunt: circuiérunt in melóti, in péllibus caprínis, egéntes, angustiáti, afflícti: quibus dignus non erat mundus: in solitudínibus errántes, in mónitibus, et spelúncis, et in cavérnis terræ. Et hi omnes testimónio fidei probáti, invénti sunt in Christo Iesu Dómino nostro.

Graduale Ps. 132, 1-2 Ecce quam bonum, et quam iucúndum, habitáre fratres in unum! **V.** Sicut unguéntum in cápite, quod descendit in barbam, barbam Aaron.

Allelúia, allelúia. **V.** Hæc est vera fraternitas, quæ vicit mundi crimína: Christum secúta est, ínclita tenens regna cæléstia. Allelúia.

✠ Sequéntia sancti Evangélíi secúndum Lucam.

Luc. 12, 1-8

In illo témpore: Dixit Iesus discípulis suis: Atténdite a ferménto

pharisæorum, quod est hypócrisis. Nihil autem opértum est, quod non revelétur: neque absconditum, quod non sciátur. Quóniam quæ in ténebris dixístis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne terreámini ab his, qui occídunt corpus, et post hæc non habent ámplius quid fácient. Osténdam autem vobis quem timeátis: timéte eum, qui postquam occíderit, habet potestátem mittere in gehénnam. Ita dico vobis, hunc timéte. Nonne quinque pásseres véneunt dipóndio, et unus ex illis non est in obliuione coram Deo? Sed et capílli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis quicumque conféssus fúerit me coram hóminibus, et Fílius hóminis confitébitur illum coram Angelis Dei.

Antiphona ad Offertorium Ps. 31, 11 Lætámini in Dómino, et exultáte, iusti: et gloriámini, omnes recti corde.

Secreta

Mystéria tua, Dómine, pro sanctorum Mártirum tuorum commemoratióne devóta mente tractémus: quibus nobis et præsidium crescat, et gáudium. Per Dóminum.

Antiphona ad Communionem Matth. 12, 50 Quicumque fécerit voluntátem Patris mei, qui in cælis est: ipse meus frater, et soror, et mater est, dicit Dóminus.

Postcommunio

Præsta, quæsumus, omnípotens Deus: ut, quorum memóriam sacraménti participatióne recólimus, fidem quoque proficiéndo secémur. Per Dóminum.

Die 2 septembris

S. STEPHANI REGIS, CONF.

III classis

Antiphona ad Introitum

Ps. 36, 30-31

Os iusti meditábitur sapiéntiam, et lingua eius loquétur iudícium: lex Dei eius in corde ipsíus. **Ps. ibid., 1** Noli æmulári in malignántibus: neque zeláveris faciéntes iniquitátem. **V.** Glória Patri.

Oratio

Concède, quæsumus, Ecclésiæ tuæ, omnípotens Deus: ut beátum Stéphanum Confessórem tuum, quem regnántem in terris propagatórem hábuit, propugnatórem habére mereáture gloriósum in cælis. Per Dóminum.

Lectio libri Sapiéntiæ.

Eccli. 31, 8-11

Beátus vir, qui invéntus est sine mácula: et qui post aurum non ábiit, nec sperávit in pecúnia et thesáuris. Quis est hic, et laudábitur eum? fecit enim mirabília in vita sua. Qui probátus est in illo, et perféctus est, erit illi glória æténa: qui pótuít tránsgridi, et non est transgréssus: fácere mala, et non fecit: ideo stabílitá sunt bona illíus in Dómino, et elemósynas illíus enarrábit omnis ecclésiá sanctorum.

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **V. Iac. 1, 12** Beátus vir, qui suffert tentatióne: quóniam cum probátus fúerit, accípiet coronam vitæ. Allelúia.

✠ Sequéntia sancti Evangélíi secúndum Lucam.

Luc. 19, 12-26

In illo témpore: Dixit Iesus discí-
pulis suis parábolam hanc: Ho-
mo quidam nóbilis ábiit in regi-
onem longínquam accípere sibi re-
gnum, et revérte. Vocáti autem
decem servis suis, dedit eis decem
mnas, et ait ad illos: Negotiámini
dum vénio. Cives autem eius óde-
rant eum: et misérunt legatióem
post illum, dicéntes: Nólumus hunc
regnáre super nos. Et factum est,
ut redíret accépto regno: et iussit
vocári servos, quibus dedit pecú-
niam, ut sciret quantum quisque
negotiátus esset. Venit autem pri-
mus, dicens: Dómine, mna tua de-
cem mnas acquisívit. Et ait illi:
Euge, bone serve, quia in módico
fuísti fidélis, eris potestátem habens
super decem civitátes. Et alter venit,
dicens: Dómine, mna tua fecit quin-
que mnas. Et huic ait: Et tu esto
super quinque civitátes. Et alter
venit, dicens: Dómine, ecce mna
tua, quam hábui repósitam in su-
dário: tímui enim te, quia homo
austérus es: tollis quod non posuísti,
et metis quod non seminásti. Dicit
ei: De ore tuo te iú dico, serve ne-
quam. Sciébas quod ego homo
austérus sum, tollens quod non
pósui, et metens quod non semi-
návi: et quare non dedísti pecúniam
meam ad mensam, ut ego véniens,
cum usúris útique exegíssem illam?
Et astántibus dixit: Auférte ab illo
mnam, et date illi, qui decem
mnas habet. Et dixerunt ei: Dó-
mine, habet decem mnas. Dico
autem vobis: Quia omni habénti
dábatur, et abundábit: ab eo autem,
qui non habet, et quod habet, au-
ferétur ab eo.

Antiphona ad Offertorium Ps. 88,
25 Véritas mea, et misericórdia mea
cum ipso: et in nómine meo exal-
tábitur cornu eius.

Secreta

Réspice, quas offérimus, hóstias,
omnípotens Deus: et præsta;
ut, qui passiónis Domínicæ my-
stéria celebrámus, imitémur quod
ágimus. Per eúndem Dóminum.

Antiphona ad Communionem
Matth. 24, 46-47 Beátus servus,
quem, cum vénerit dóminus, invé-
nerit vigilántem: amen dico vobis,
super ómnia bona sua constituet
eum.

Postcommunio

Præsta, quæsumus, omnípotens
Deus: ut beáti Stépiani Con-
fessoris tui fidem cóngrua devoti-
one sectémur; qui pro eiúsdem fidei
dilatati-
one, de terréno regno ad
cæléstis regni glóriam méruit per-
veníre. Per Dóminum.

Die 3 septembris

S. PII X
PAPÆ ET CONFESSORIS

III classis

Antiphona ad Introitum

Ps. 88, 20-22

Extuli eléctum de pópulo, óleo
sancto meo unxi eum: ut
manus mea sit semper cum
eo, et brácchium meum confirmet
eum. **℣. Ibid., 2** Grátias Dómini in
ætérnum cantábo: per omnes ge-
nerati-
ones annuntiábo fidelitátem
tuam ore meo. **℣. Glória Patri.**

Oratio

Deus, qui ad tuéndam cathóli-
cam fidem, et univér-
sa in Christo instauránda sanctum Pium,
Summum Pontíficem, cælésti sa-
piéntia et apostólica fortitú-
dine replevísti: concéde propítius; ut,
eius institúta et exé-
mpla sectántes,
præmia consequámur æté-
rna. Per
eúndem Dóminum.

Lectio Epistolæ beati Pauli Apostoli
ad Thessalonicenses.

1 Thess. 2, 2-8

Fratres: Fiduciam habuimus in Deo nostro loqui ad vos evangelium Dei in multa sollicitudine. Exhortatio enim nostra non de errore neque de immunditia neque in dolo; sed, sicut probati sumus a Deo ut crederetur nobis evangelium, ita loquimur; non quasi hominibus placentes, sed Deo qui probat corda nostra. Neque enim aliquando fuimus in sermone adulationis, sicut scitis, neque in occasione avaritiæ, Deus testis est, nec querentes ab hominibus gloriam neque a vobis neque ab aliis. Cum possemus vobis oneri esse ut Christi apostoli, sed facti sumus parvuli in medio vestrum, tamquam si nutrix foveat filios suos. Ita desiderantes vos cupide volebamus tradere vobis non solum evangelium Dei, sed etiam animas nostras, quoniam carissimi nobis facti estis.

Graduale Ps. 39, 10-11 Annuntiavi iustitiam in cœtu magno; ecce labia mea non cohibui: Domine, tu nosti.

V. Iustitiam tuam non abscondi in corde meo; fidelitatem tuam et auxilium tuum narraui.

Allelúia, allelúia. **V. Ps. 22, 5-6** Paras mihi mensam, inungis oleo caput meum, calix meus uberrimus est. Allelúia.

¶ In Missis votivis post Septuagesimam, omissis Allelúia, et versu sequenti, dicitur

Tractus Ps. 131, 16-18 Sacerdotes eius induam salutem, et sancti eius exultantes exultabunt.

V. Illic David suscitabo cornu, parabo lucernam uncto meo.

V. Inimicos eius induam confusione, super ipsum autem fulgebit diadema meum.

**Tempore autem paschali omit-
titur graduale, et eius loco dicitur:**

Allelúia, allelúia. **V. Ps. 22, 5-6** Paras mihi mensam, inungis oleo caput meum, calix meus uberrimus est. Allelúia. **V. Ps. 25, 8** Domine, diligo habitaculum domus tuæ et locum tabernaculi gloriæ tuæ. Allelúia.

✠ Sequentia sancti Evangelii secundum Ioannem.

Ioann. 21, 15-17

In illo tempore: Dixit Iesus Simoni Petro: Simon Ioannis, diligis me plus his? Dicit ei: Etiam, Domine, tu scis quia amo te. Dicit ei: Pasce agnos meos. Dicit ei iterum: Simon Ioannis, diligis me? Ait illi: Etiam, Domine, tu scis quia amo te. Dicit ei: Pasce agnos meos. Dicit ei tertio: Simon Ioannis, amas me? Contristatus est Petrus, quia dixit ei tertio: Amas me? et dixit ei: Domine, tu omnia nosti; tu scis quia amo te. Dixit ei: Pasce oves meas.

Antiphona ad Offertorium Ps. 33, 12 Venite, filii, audite me; timorem Domini docebo vos.

Secreta

Oblationibus nostris, quaesumus, Domine, benigne susceptis, da nobis: ut hæc divina mysteria, sancto Pio Summo Pontifice intercedente, sinceris tractemus obsequiis et fidei mente sumamus. Per Dominum.

Antiphona ad Communionem Ioann. 6, 56-57 Caro mea vere est cibus, et sanguis meus vere est potus. Qui manducat meam carnem et bibit meum sanguinem, in me manet et ego in illo.

Postcommunio

Mensæ cælestis virtute refecti, quaesumus, Domine Deus noster: ut, interveniente sancto Pio Summo Pontifice; fortes efficiamur in fide, et in tua simus caritate concordēs. Per Dominum.

Die 5 septembris

S. LAURENTII IUSTINIANI
EPISCOPI ET CONFESSORIS

III classis

Missa Státuit, de Comuni Confessoris Pontificis i loco (16).

Oratio

C

Da, quásumus, omnipotens Deus: ut beáti Lauréntii Confessoris tui atque Pontificis veneránda solémnitas, et devotiónem

nobis áugeat, et salútem. Per Dóminum.

Secreta

C

Sancti tui, quásumus, Dómine, nos ubíque lætíficent: ut, dum eórum mérita recólimus, patrocínia sentiámus. Per Dóminum.

Postcommunio

C

Præsta, quásumus, omnipotens Deus: ut, de percéptis munéribus grátias exhibéntes, intercedénte beáto Lauréntio Confessóre tuo atque Pontífice, benefícia potióra sumámus. Per Dóminum.

Die 8 septembris

IN NATIVITATE B. MARLÆ VIRG.

II classis

Antiphona ad Introitum

Sedulius

Salve, sancta parens, eníxa puérpera Regem: qui cælum, terrámque regit in sæcula sæculórum. **Ps. 44, 2** Eructávit cor meum verbum bonum: dico ego ópera mea Regi. **V.** Glória Patri.

Oratio

Fámulis tuis, quásumus, Dómine, cæléstis grátiae munus imperítire: ut, quibus beátæ Vírginis partus éxstitit salútis exórdium; Nativitátis eius votíva solémnitas pacis tríbuat increméntum. Per Dóminum.

Et fit commemoratio S. Hadriani Martyris:

Oratio

C

Præsta, quásumus, omnipotens Deus: ut, qui beáti Hadriáni Mártyris tui natalícia cólimus, intercessióne eius, in tui nóminis amóre roborémur. Per Dóminum.

Lectio libri Sapiéntiæ.

Prov. 8, 22-35

Dóminus possédit me in inítio viárum suárum, ántequam

quidquam fáceret a princípío. Ab ætérno ordináta sum, et ex antíquis, ántequam terra fieret. Nondum erant abyssi, et ego iam concépta eram: necdum fontes aquárum erúperant: necdum montes gravi mole constítierant: ante colles ego parturiébar: adhuc terram non fécerat, et flúmina, et cárdines orbis terræ. Quando præparábat cælos, áderam: quando certa lege et gyro vallábat abyssos: quando æthera firmábat sursum, et librábat fontes aquárum: quando circúmdabat mari términum suum, et legem ponébat aquis, ne transírent fines suos: quando appendébat fundaménta terræ. Cum eo eram cuncta compónens: et delectábar per singulos dies, ludens coram eo omni témpore: ludens in orbe terrárum: et delíciæ meæ esse cum filiis hóminum. Nunc ergo, filii, audíte me: Beáti, qui custódiunt vias meas. Audíte disciplínam, et estóte sapiéntes, et nolíte abícere eam. Beátus homo, qui audit me, et qui vígilat ad fores meas quotidie, et obsérvat ad postes óstii mei. Qui me invénerit, invéniet vitam, et háuriet salútem a Dómino.

Graduale Benedícta et venerábilis es, Virgo María: quæ sine tactu pudóris invénta es mater Salvatóris. **V.** Virgo Dei Génatrix, quem totus non capit orbis, in tua se clausit víscera factus homo.

Allelúia, allelúia. **V.** Felix es, sacra Virgo María, et omni laude digníssima: quia ex te ortus est sol iustítiæ Christus Deus noster. Allelúia.

✠ Inítium sancti Evangélíi secúndum Matthæum.

Matth. I, 1-16

Liber generatiónis Iesu Christi filii David, filii Abraham. Abraham genuit Isaac. Isaac autem genuit Iacob. Iacob autem genuit Iudam, et fratres eius. Iudas autem genuit Phares, et Zaram de Thamar. Phares autem genuit Esron. Esron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Iesse. Iesse autem genuit David regem. David autem rex genuit Salomónem ex ea, quæ fuit Uríæ. Sálomon autem genuit Róboam. Róboam autem genuit Abíam. Abías autem genuit Asa. Asa autem genuit Iósaphat. Iósaphat autem genuit Ioram. Ioram autem genuit Ozíam. Ozías autem genuit Ióatham. Ióatham autem genuit Achaz. Achaz autem genuit Ezechíam. Ezechías autem genuit Manás-sen. Manás-sen autem genuit Amon. Amon autem genuit Iosíam. Iosías autem genuit Iechoníam, et fratres eius in transmigratióne Babylónis. Et post transmigratióne Babylónis: Iechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliácim. Eliácim autem genuit Azor. Azor autem genuit Sadoc. Sadoc autem genuit

Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Iacob. Iacob autem genuit Ioseph virum Mariæ, de qua natus est Iesus, qui vocátur Christus.

Credo.

Antiphona ad Offertorium Beáta es, Virgo María, quæ ómnium portásti Creatórem: genuísti qui te fecit, et in ætérnum pérmanes Virgo.

Secreta

Unigéniti tui, Dómine, nobis succúrrat humánitas: ut, qui natus de Vírgine, matris integritátem non mínuit, sed sacrávit; in Nativitátis eius solémniis, nostris nos piáculis éxuens, oblatiόνem nostram tibi fáciat accéptam Iesus Christus Dóminus noster: Qui tecum vivit.

Pro S. Hadriano

Secreta

C

Munéribus nostris, quæsumus, Dómine, precibúque susceptis: et cæléstibus nos munda mystériis, et cleménter exáudi. Per Dóminum.

Præfatio de B. Maria Virg. Et te in Nativitáte.

Antiphona ad Communionem

Beáta víscera Mariæ Vírginis, quæ portavérunt ætérni Patris Fílium.

Postcommunio

Súmptimus, Dómine, celebritátis ánnuæ votíva sacraménta: præsta, quæsumus; ut et temporális vitæ nobis remédia præbeant, et ætérnæ. Per Dóminum.

Pro S. Hadriano

Postcommunio

C

Da, quæsumus, Dómine Deus noster: ut, sicut tuórum commemoratióne Sanctórum, temporáli gratulámur officio; ita perpétuo lætémur aspéctu. Per Dóminum.

Eodem die 8 septembris**S. HADRIANI MARTYRIS****Commemoratio**

Missa In virtúte, de **Communi unius Martyris 3 loco** (5).

Oratio C

Præsta, quæsumus, omnipotens Deus: ut, qui beáti Hadriáni Mártiris tui natalícia cólimus, intercessióne eius, in tui nóminis amóre roborémur. Per Dóminum.

Secreta C

Munéribus nostris, quæsumus, Dómine, precibúsque suscep-tis: et cæléstibus nos munda mysté-riis, et cleménter exáudi. Per Dó-minum.

Postcommunio C

Da, quæsumus, Dómine Deus noster: ut, sicut tuórum commemoratióne Sanctórum, tem-poráli gratulámur officio; ita per-pétuo lætémur aspéctu. Per Dómi-num.

Die 9 septembris**S. GORGONII MARTYRIS****Commemoratio**

Missa Lætábitur, de **Communi unius Martyris 4 loco** (6), **cum orationibus ut infra:**

Oratio P

Sanctus tuus, Dómine, Gorgó-nius sua nos intercessióne lætí-ficet: et pia fáciat solemnitáte gau-dére. Per Dóminum.

Secreta P

Grata tibi sit, Dómine, nostræ servitútis oblátio: pro qua sanctus Gorgónius Martyr inter-véntor exsístat. Per Dóminum.

Postcommunio P

Famíliam tuam, Deus, suávitás quæ in Mártire tuo Gorgónio Chri-sti Fílii tui bono iúgiter odóre pas-cátur: Qui tecum vivit.

Die 10 septembris**S. NICOLAI DE TOLENTINO CONFESSORIS****III classis**

Missa Iustus, de **Communi Con-fessoris non Pontificis 2 loco** (22).

Oratio C

Adésto, Dómine, supplicatióni-bus nostris, quas in beáti Ni-colái Confessóris tui solemnitáte deférimus: ut, qui nostræ iustítiæ fidúciám non habémus, eius, qui tibi plácuit, précibus adiuvémur. Per Dóminum.

Secreta C

Præsta nobis, quæsumus, omní-potens Deus: ut nostræ humili-tátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Postcommunio C

Quæsumus, omnipotens Deus: ut, qui cæléstia aliménta per-cépimus, intercedénte beáto Nico-láo Confessóre tuo, per hæc contra ómnia advérsa muniámur. Per Dó-minum.

Die 11 septembris**SS. PROTI ET HYACINTHI MARTYRUM****Commemoratio**

Missa Salus autem, de **Communi plurimorum Martyrum 3 loco** (10), **cum orationibus ut infra:**

Oratio P

Beatórum Mártyrum tuórum Proti et Hyacínthi nos, Dómi-ne, fóveat pretiósá conféssio: et pia iúgiter intercésio tueátur. Per Dó-minum.

Secreta P

Pro sanctórum Mártyrum tuórum Proti et Hyacínthi commemo-ratióne, múnera tibi, Dómine, quæ

debémus, exsolvimus: præsta, quæsumus; ut remedium nobis perpétuæ salutis operentur. Per Dóminum.

Postcommunio P

Ut percépta nos, Dómine, tua sancta purificent: beatórum Mártyrum tuórum Proti et Hyacinthi, quæsumus, implóret oratio. Per Dóminum.

Die 12 septembris

SSMI NOMINIS MARLÆ

III classis

Antiphona ad Introitum

Ps. 44, 13, 15 et 16

Vultum tuum deprecabúntur omnes dívites plebis: adducéntur Regi vírgines post eam: próximæ eius adducéntur tibi in lætítia et exsultatióne. **Ps. ibid., 2** Eructávit cor meum verbum bonum: dico ego ópera mea Regi. **V.** Glória Patri.

Oratio

Concède, quæsumus, omnípotens Deus: ut fidéles tui, qui sub sanctíssimæ Vírginis Mariæ Nómīne et protectiōne lætántur; eius pia intercessiōne, a cunctis malis liberéntur in terris, et ad gáudia ætérna perveníre mereántur in cælis. Per Dóminum.

Lectio libri Sapiéntiæ.

Eccli. 24, 23-31

Ego quasi vitis fructificávi suavitátem odóris: et flores mei, fructus honóris et honestátis. Ego mater pulchræ dilectiōnis, et timóris, et agnitiónis, et sanctæ spei. In me grátia omnis viæ et veritátis: in me omnis spes vitæ et virtútis. Transíte ad me, omnes, qui concupíscitis me, et a generatiōnibus meis implémini. Spíritus enim meus super

mel dulcis, et heréditas mea super mel et favum. Memória mea in generatiōnes sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

Graduale Benedícta et venerábilis es, Virgo María: quæ sine tactu pudóris invénta es mater Salvatóris. **V.** Virgo Dei Génatrix, quem totus non capit orbis, in tua se clausit víscera factus homo.

Allelúia, allelúia. **V.** Post partum Virgo invioláta permansísti: Dei Génatrix, intercède pro nobis. Allelúia.

¶ In Missis votivis tempore Adventus, loco versus præcedentis, dicitur:

Allelúia, allelúia. **V.** **Luc. 1, 28** Ave, María, grátia plena: Dóminus tecum: benedícta tu in muliéribus. Allelúia.

Post Septuagesimam autem, omissis Allelúia. et versu sequenti, dicitur

Tractus Gaude, María Virgo, cunctas háereses sola interemísti. **V.** Quæ Gabriélis Archángeli dictis credidísti. **V.** Dum Virgo Deum et hóminem genuísti: et post partum, Virgo, invioláta permansísti. **V.** Dei Génatrix, intercède pro nobis.

Tempore vero paschali, omititur graduale, et eius loco dicitur:

Allelúia, allelúia. **V.** **Num. 17, 8** Virga Iesse flóruit: Virgo Deum et hóminem genuit: pacem Deus reddidit, in se reconcilians ima summis. Allelúia. **V.** **Luc. 1, 28** Ave, María, grátia plena: Dóminus tecum: benedícta tu in muliéribus. Allelúia.

✠ Sequéntia sancti Evangélíi secúndum Lucam.

Luc. 1, 26-38

In illo témpore: Missus est Angelus Gábriel a Deo in civitátem Galilææ, cui nomen Názareth, ad Virginem desponsátam viro, cui nomen erat Ioseph, de domo David, et nomen Virginis Maríæ. Et ingressus Angelus ad eam, dixit: Ave, grátia plena: Dóminus tecum: benedícta tu in muliéribus. Quæ cum audisset, turbáta est in sermóne eius, et cogitábat qualis esset ista salutátio. Et ait Angelus ei: Ne tímeas, Maríæ, invenísti enim grátiam apud Deum: ecce, concípies in útero, et páries filium, et vocábis nomen eius Iesum. Hic erit magnus, et Fílius Altíssimi vocábitur, et dabit illi Dóminus Deus sedem David patris eius: et regnábit in domo Iacob in ætérnum, et regni eius non erit finis. Dixit autem Maríæ ad Angelum: Quómodo fiet istud, quóniam virum non cognóscó? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce, Elísabeth cognáta tua, et ipsa concépit filium in

senectúte sua: et hic mensis sextus est illi, quæ vocátur stérilis: quia non erit impossíbile apud Deum omne verbum. Dixit autem Maríæ: Ecce ancilla Dómini, fiat mihi secúndum verbum tuum.

Antiphona ad Offertorium Luc. 1, 28 et 42 Ave, Maríæ, grátia plena: Dóminus tecum: benedícta tu in muliéribus, et benedíctus fructus ventris tui.

Secreta

Tua, Dómine, propitiatióne, et beátæ Maríæ semper Virginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio de B. Maria Virg. Et te in Festivité.

Antiphona ad Communionem Beáta víscera Maríæ Virginis, quæ portavérunt ætérni Patris Fílium.

Postcommunio

Sumptis, Dómine, salutis nostræ subsidiis: da, quæsumus, beátæ Maríæ semper Virginis patrocíniis nos ubique prótegi; in cuius veneratióne hæc tuæ obtúlimus maiestáti. Per Dóminum.

Die 14 septembris

IN EXALTATIONE S. CRUCIS

II classis

Antiphona ad Introitum

Gal. 6, 14

Nos autem gloriári opórtet in Cruce Dómini nostri Iesu Christi: in quo est salus, vita, et resurréctio nostra: per quem salváti, et liberáti sumus. **Ps. 66, 2** Deus misereátur nostri, et benedícat nobis: illúminet vultum suum

super nos, et misereátur nostri. **Y.** Glória Patri.

Oratio

Deus, qui nos hodiérna die Exaltatiónis sanctæ Crucis ánnua solemnitáte lætíficas: præsta, quæsumus; ut, cuius mystérium in terra cognóvimus, eius redemptiúnis præmia in cælo mereámur. Per eúndem Dóminum.

Lectio Epistolæ beati Pauli Apostoli ad Philippenses.

Philipp. 2, 5-11

Fratres: Hoc enim sentite in vobis, quod et in Christo Iesu: qui cum in forma Dei esset, non rapinam arbitratus est esse se æqualem Deo: sed semetipsum exinavit formam servi accipiens, in similitudinem hominum factus, et habitu inventus ut homo. Humiliavit semetipsum, factus obediens usque ad mortem, mortem autem crucis. Propter quod et Deus exaltavit illum: et donavit illi nomen, quod est super omne nomen: (**hic genuflectitur**) ut in nomine Iesu omne genu flectatur cælestium, terrestrium, et infernorum: et omnis lingua confiteatur, quia Dominus Iesus Christus in gloria est Dei Patris.

Graduale Ibid., 8-9 Christus factus est pro nobis obediens usque ad mortem, mortem autem crucis. **V.** Propter quod et Deus exaltavit illum, et dedit illi nomen, quod est super omne nomen.

Allelúia, allelúia. **V.** Dulce lignum, dulces clavos, dulcia ferens pondera: quæ sola fuisti digna sustinere Regem cælorum et Dominum. Allelúia.

✠ Sequéntia sancti Evangélíi secundum Ioánnem.

Ioann. 12, 31-36

In illo tempore: Dixit Iesus turbis Iudæorum: Nunc iudicium est mundi: nunc princeps huius mundi eicietur foras. Et ego si exaltatus fuero a terra, omnia traham ad meipsum. (Hoc autem dicebat, significans qua morte esset moriturus). Respondit ei turba: Nos audí-

vimus ex lege, quia Christus manet in ætérnum: et quómodo tu dicis: Opórtet exaltári Fílium hóminis? Quis est iste Fílius hóminis? Dixit ergo eis Iesus: Adhuc módicum lumen in vobis est. Ambuláte dum lucem habétis, ut non vos ténebræ comprehéndant: et qui ámbulat in ténebris, nescit quo vadat. Dum lucem habétis, créдите in lucem, ut filii lucis sitis.

Credo.

Antiphona ad Offertorium Prótege, Dómine, plebem tuam per signum sanctæ Crucis, ab ómnibus insídiis inimicórum ómnium: ut tibi gratam exhibeámus servitútem, et acceptábile fiat sacrificium nostrum, allelúia.

Secreta

Iesu Christi Dómini nostri corpore et Ságuine saginándi, per quem Crucis est sanctificátum vexíllum: quæsumus, Dómine Deus noster; ut, sicut illud adoráre merúimus, ita perénniter eius glóriæ salutáris potiámur efféctu. Per eúndem Dóminum.

Præfatio de sancta Cruce.

Antiphona ad Communionem Per signum Crucis de inimícis nostris líbera nos, Deus noster.

Postcommunio

Adésto nobis, Dómine Deus noster: et quos sanctæ Crucis lætári facis honóre, eius quoque perpétuis defénde subsidiis. Per Dóminum

¶ **Pro Missa votiva de S. Cruce sumitur Missa** Nos autem, quæ habetur inter votivas circa finem Missalis (53).

Die 15 septembris

SEPTEM DOLORUM B. MARIE VIRGINIS

II classis

Antiphona ad Introitum

Ioann. 19, 25

Stabant iuxta crucem Iesu mater eius, et soror matris eius, María Cléophæ, et Salóme, et María Magdaléne. **Ibid., 26-27** Múlier, ecce filius tuus: dixit Iesus; ad discipulum autem: Ecce mater tua. **℣.** Glória Patri.

Oratio

Deus, in cuius passióne, secúndum Simeónis prophetiam, dulcíssimam ánimam gloriósæ Virgini et Matris Mariæ dolóris gládus pertransívit: concéde propítius; ut, qui dolóres eius venerádo recólimus, passiónis tuæ efféctum felicem consequámur. Qui vivis.

Et fit commemoratio S. Nicomedis Martyris:

Oratio

P

Adésto, Dómine, pópulo tuo: ut, beáti Nicomédis Mártiris tui mérita præclára suscípiens, ad impetrándam misericórdiam tuam semper eius patrocíniis adiuvétur. Per Dóminum.

In Missis votivis dicitur sequens

Oratio

Intervéniat pro nobis, quæsumus, Dómine Iesu Christe: nunc, et in hora mortis nostræ, apud tuam cleméntiam beáta Virgo María Mater tua; cuius sacratíssimam ánimam in hora tuæ passiónis dolóris gládus pertransívit: Qui vivis.

Léctio libri Iudith.

Iudith 13, 22 et 23-25

Benedíxit te Dóminus in virtúte sua, quia per te ad níhilum

redégit inimícos nostros. Benedícta es tu, filia, a Dómino Deo excélso, præ ómnibus muliéribus super terram. Benedíctus Dóminus, qui creávit cælum et terram: quia hódie nomen tuum ita magnificávit, ut non recédat laus tua de ore hóminum, qui mémore fúerint virtútis Dómini in ætérnum, pro quibus non pepercísti ánimæ tuæ propter angústias et tribulatióem géneris tui, sed subvenísti ruínæ ante conspéctum Dei nostri.

Graduale Dolorósa et lacrimábilis es, Virgo María, stans iuxta Crucem Dómini Iesu Fílii tui Redemptóris. **℣.** Virgo Dei Génatrix, quem totus non capit orbis, hoc Crucis fert supplícium, auctor vitæ factus homo.

Allelúia, allelúia. **℣.** Stabat sancta María, cæli Regína, et mundi Dómina, iuxta Crucem Dómini nostri Iesu Christi dolorósa.

¶ In Missis votivis additur Allelúia.

Post Septuagesimam autem, omissis Allelúia, et versu sequenti, dicitur

Tractus Stabat sancta María, cæli Regína, et mundi Dómina, iuxta Crucem Dómini nostri Iesu Christi dolorósa. **℣. Thren. 1, 12** O vos omnes, qui transítis per viam, atténdite, et vidéte, si est dolor sicut dolor meus.

Tempore vero paschali omititur graduale, et eius loco dicitur:

Allelúia, allelúia. **℣.** Stabat sancta María, cæli Regína, et mundi Dómina, iuxta Crucem Dómini nostri Iesu Christi do-

lorósa. Allelúia. **V. Thren. 1, 12**
O vos omnes, qui transítis per
viam, atténdite, et vidéte, si est
dolor sicut dolor meus. Allelúia.

Sequentia

(in Missis votivis omittenda)

Stabat Mater dolorósa
Iuxta Crucem lacrimósa,
Dum pendébat Fílius.

Cuius ánimam geméntem,
Contristátam et doléntem,
Pertransívit gládius.

O quam tristis et afflícta
Fuit illa benedícta
Mater Unigéniti!

Quæ mærébat, et dolébat,
Pia Mater, dum vidébat
Nati pænas íncliti.

Quis est homo, qui non fleret,
Matrem Christi si vidéret
In tanto supplicio?

Quis non posset contristári,
Christi Matrem contemplári
Doléntem cum Filio?

Pro peccátis suæ gentis
Vidit Iesum in torméntis,
Et flagéllis súbditum.

Vidit suum dulcem natum
Moriéndo desolátum,
Dum emísit spíritum.

Eia Mater, fons amóris,
Me sentíre vim dolóris
Fac, ut tecum lúgeam.

Fac, ut árdeat cor meum
In amándo Christum Deum,
Ut sibi compláceam.

Sancta Mater, istud agas,
Crucifixi fige plagas
Cordi meo válide.

Tui nati vulneráti,
Tam dignáti pro me pati,
Pænas mecum dívide.

Fac me tecum pie flere,
Crucifixo condolére,
Donec ego víxero.

Iuxta Crucem tecum stare,
Et me tibi sociáre
In planctu desídero.

Virgo vírginum præclára,
Mihi iam non sis amára:
Fac me tecum plángere.

Fac, ut portem Christi mortem,
Passiónis fac consórtem,
Et plagas recólere.

Fac me plagis vulnerári,
Fac me Cruce inebriári,
Et cruóre Fílii.

Flammis ne urar succénsus,
Per te, Virgo, sim defénsus
In die iudícii.

Christe, cum sit hinc exíre,
Da per Matrem me veníre
Ad palmam victóriæ.

Quando corpus moriétur,
Fac, ut ánimæ donétur
Paradísi glória. Amen. Allelúia.

✠ Sequéntia sancti Evangélíi se-
cúndum Ioánnem.

Ioann. 19, 25-27

In illo témpore: Stabant iuxta cru-
cem Iesu mater eius, et soror
matris eius María Cléophæ, et
María Magdaléne. Cum vidísset
ergo Iesus matrem, et discípulum
stantem, quem diligébat, dicit ma-
tri suæ: Múlier, ecce Fílius tuus.
Deínde dicit discípulo: Ecce mater
tua. Et ex illa hora accépit eam
discípulus in sua.

Credo.

Antiphona ad Offertorium Ierem.
18, 20 Recordáre, Virgo Mater Dei,
dum stéteris in conspéctu Dómini,
ut loquáris pro nobis bona, et ut
avértat indignatióem suam a
nobis.

Secreta

Offerimus tibi preces et hóstias,
Dómine Iesu Christe, humí-
liter supplicántes: ut, qui Transfi-
xióem dulcíssimi spíritus beátæ
Maríæ Matris tuæ précibus recen-
sémus; suo, suorumque sub Cruce
Sanctorum consórtium multiplicá-
to piíssimo intervéntu, méritis mor-
tis tuæ, méritum cum beátis habeá-
mus: Qui vivis.

Pro S. Nicomede

Secreta

P

Súscipe, Dómine, múnera propítius obláta: quæ maiestáti tuæ beáti Nicomédís Mártiris comméndet orátio. Per Dóminum.

Præfatio de B. Maria Virg. Et te in Transfixióne.

Antiphona ad Communionem

Felices sensus beátæ Mariæ Virginis, qui sine morte meruerunt martýrii palmam sub Cruce Dómini.

Postcommunio

Sacrificia, quæ sumpsimus, Dómine Iesu Christe, Transfixiónem Matris tuæ et Virginis devóte celebrántes: nobis impetrent apud cleméntiam tuam omnis boni salutaris effectum: Qui vivis.

Pro S. Nicomede

Postcommunio

P

Puríficent nos, Dómine, sacraménta quæ sumpsimus: et, intercedente beáto Nicoméde Mártire tuo, a cunctis efficiant vítiis absólutos. Per Dóminum.

Eodem die 15 septembris

S. NICOMEDIS MARTYRIS

Commemoratio

Missa In virtúte, de Communi unius Martyris 3 loco (5), cum orationibus ut infra:

Oratio

P

Adésto, Dómine, pópulo tuo: ut, beáti Nicomédís Mártiris tui mérita præclára suscipiens, ad impetrándam misericórdiam tuam semper eius patrocíniis adiuvétur. Per Dóminum.

Secreta

P

Súscipe, Dómine, múnera propítius obláta: quæ maiestáti tuæ beáti Nicomédís Mártiris comméndet orátio. Per Dóminum.

Postcommunio

P

Puríficent nos, Dómine, sacraménta quæ sumpsimus: et, intercedente beáto Nicoméde Mártire tuo, a cunctis efficiant vítiis absólutos. Per Dóminum.

Die 16 septembris

SS. CORNELII PAPÆ
ET CYPRIANI EPISCOPI,
MARTYRUM

III classis

Missa Intret, de Communi plurimorum Martyrum 1 loco (8).

Oratio

C

Beatórum Mátyrum paritérque Pontíficum Cornélii et Cypriani nos, quæsumus, Dómine, festa tueántur: et eórum comméndet orátio veneránda. Per Dóminum.

Et fit commemoratio Ss. Euphemie Virg., Lucie et Geminiani Martyrum:

Oratio

P

Præsta, Dómine, precibus nostris cum exultatióne provéntum: ut sanctórum Mátyrum Euphémie, Lúcie et Geminiani, quorum diem passiónis ánnua devotióne recólimus, étiam fidei constántiam subsequámur. Per Dóminum.

Secreta

C

Adésto, Dómine, supplicatiónebus nostris, quas in Sanctórum tuórum commemoratióne deférimus: ut, qui nostræ iustítiæ fidúciam non habémus, eórum qui tibi placuérunt, méritis adiuvémur. Per Dóminum.

Pro Ss. Euphemia et Soc.

Secreta

P

Vota pópuli tui, quæsumus, Dómine, propítius inténde: et, quorum nos tribuis solémnia celebráre, fac gaudere suffrágiis. Per Dóminum.

Postcommunio C

Quæsumus, Dómine, salutáribus repléti mystériis: ut, quorum solémnia celebrámus, eórum oratióibus adiuvémur. Per Dóminum.

Pro Ss. Euphemia et Soc.**Postcommunio P**

Exáudi, Dómine, preces nostras: et sanctórum Mártyrum tuórum Euphémiae, Lúciae et Geminiáni, quorum festa solémniter celebrámus, contínuis foveámur auxiliis. Per Dóminum.

Eodem die 16 septembris

**S. EUPHEMIAE VIRGINIS,
LUCIAE ET GEMINIANI
MARTYRUM**

Commemoratio

Missa Intret, de Comuni plurimorum Martyrum 1 loco (8), cum orationibus ut infra, et Evangelio Descendens Iesus, de eodem Comuni 2 loco (10).

Oratio P

Præsta, Dómine, précibus nostris cum exsultatióne provéntum: ut sanctórum Mártyrum Euphémiae, Lúciae et Geminiáni, quorum diem passiónis ánnua devotióne recólimus, étiam fidei constantiam subsequámur. Per Dóminum.

Secreta P

Vota pópuli tui, quæsumus, Dómine, propítius inténde: et, quorum nos tribuis solémnia celebráre, fac gaudere suffrágiis. Per Dóminum.

Postcommunio P

Exáudi, Dómine, preces nostras: et sanctórum Mártyrum tuórum, Euphémiae, Lúciae et Geminiáni, quorum festa solémniter celebrámus, contínuis foveámur auxiliis. Per Dóminum.

Die 17 septembris

**COMMEMORATIO
IMPRESSIONIS
SS. STIGMATUM S. FRANCISCI
CONFESSORIS**

Commemoratio**Antiphona ad Introitum**

Gal. 6, 14

Mihi autem absit gloriári, nisi in Cruce Dómini nostri Iesu Christi: per quem mihi mundus crucifixus est, et ego mundo. **Ps. 141, 2** Voce mea ad Dóminum clamávi: voce mea ad Dóminum deprecátus sum. **¶** Glória Patri.

Oratio

Dómine Iesu Christe, qui, frígescénte mundo, ad inflammandum corda nostra tui amoris igne, in carne beatissimi Francísci passióis tuæ sacra Stigmata renovásti: concéde propítius; ut eius méritis et précibus crucem iúgiter ferámus, et dignos fructus pæniténtiæ faciámus: Qui vivis.

Lectio Epístolæ beáti Pauli Apóstoli ad Gálatas.

Gal. 6, 14-18

Fratres: Mihi autem absit gloriári, nisi in cruce Dómini nostri Iesu Christi: per quem mihi mundus crucifixus est, et ego mundo. In Christo enim Iesu neque circumcisio áliquid valet, neque præpútium, sed nova creatúra. Et quicumque hanc régulam secúti fúerint, pax super illos, et misericórdia, et super Israél Dei. De cétero nemo mihi moléstus sit: ego enim stigmata Dómini Iesu in corpore meo porto. Grátia Dómini nostri Iesu Christi cum spíritu vestro, fratres. Amen.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **¶** Lex Dei eius in corde ipsíus: et non supplantábuntur gressus eius.

Allelúia, allelúia. **℣.** Francíscus pauper et húmilis, cælum dives ingréditur, hymnis cælestibus honorátur. Allelúia.

✠ Sequéntia sancti Evangélíi secúndum Matthæum.

Matth. 16, 24-27

In illo témpore: Dixit Iesus discipulis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómíni, si mundum univérsum lucrétur, ánimæ vero suæ detriméntum patiátur? Aut quam dabit homo commutatióem pro ánima sua? Fílius enim hómínis ventúrus est in glória Patris sui cum Angelis suis: et tunc reddet unicuique secúndum ópera eius.

Antiphona ad Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu eius.

Secreta

Múnera tibi, Dómine, dicáta sanctífica: et, intercedénte beáto Francíscó, ab omni nos culpárum labe purifica. Per Dóminum.

Antiphona ad Communionem Luc. 12, 42 Fidélis servus et prudens, quem constituit dóminus super familiam suam: ut det illis in témpore trítici mensúram.

Postcommunio

Deus, qui mira Crucis mystéria in beáto Francíscó Confessóre tuo multifórmiter demonstrásti: da nobis, quæsumus; devotiónis suæ semper exémpła sectári, et assídua eiúsdem Crucis meditatióne muníri. Per Dóminum.

Die 18 septembris

S. IOSEPHI DE CUPERTINO CONFESSORIS

III classis

Antiphona ad Introitum

Eccli. 1, 14-15

Diléctio Dei honorábilis sapiéntia: quibus autem apparúerit in visu, díligunt eam in visióne, et in agnitióne magnálium suórum. **Ps. 83, 2** Quam dilécta tabernácula tua, Dómine virtútum! concupíscit, et déficit ánima mea in átria Dómini. **℣.** Glória Patri.

Oratio

Deus, qui ad unigénitum Fílium tuum exaltátum a terra ómnia tráhere disposuísti: pérfice propítius; ut, méritis et exémplo séráphici Confessóris tui Ioséphi, supra terrénas omnes cupiditátes eleváti, ad eum perveníre mereámur: Qui tecum vivit.

Léctio Epístolæ beáti Pauli Apóstoli ad Corínthios.

1 Cor. 13, 1-8

Fratres: Si linguis hómínium loquar, et Angelórum, caritátem autem non hábeam, factus sum velut æs sonans, aut cýmbalum tíniens. Et si habúero prophetíam, et nóverim mystéria ómnia, et omnem sciéntiam: et si habúero omnem fidem, ita ut montes tránsferam, caritátem autem non habúero, nihil sum. Et si distribúero in cibos páuperum omnes facultátes meas, et si tradídero corpus meum, ita ut árdeam, caritátem autem non habúero, nihil mihi prodest. Cáritas pátiens est, benígna est: Cáritas non æmuláitur, non agit pérperam, non inflátur, non est ambitiósa, non quærit quæ sua sunt,

non irritátur, non cógitat malum, non gaudet super iniquitáte, congáudet autem veritáti: ómnia suffert, ómnia credit, ómnia sperat, ómnia sústinet. Cáritas numquam éxcidit: sive prophetiæ evacuabúntur, sive linguæ cessábunt, sive sciéntia destruétur.

Graduale Ps. 20, 4-5. Dómine, prævenísti eum in benedictiónibus dulcedínis: posuísti in cápite eius corónam de lápide pretiósó. **V.** Vitam pétiit a te, et tribuísti ei longitúdinem diérum in sáculum, et in sáculum sáculi.

Allelúia, allelúia. **V. Eccli. 11, 13** Oculus Dei respéxit illum in bono, et eréxit eum ab humilitáte ipsíus, et exaltávit caput eius. Allelúia.

¶ In Missis votivis tempore paschali omittitur graduale, et eius loco dicitur:

Allelúia, allelúia. **V. Eccli. 11, 13** Oculus Dei respéxit illum in bono, et eréxit eum ab humilitáte ipsíus, et exaltávit caput eius. Allelúia. **V. Eccli. 45, 9** Amávit eum Dóminus, et ornávit eum: stolam glóriæ induit eum. Allelúia.

✠ Sequéntia sancti Evangélíi secúndum Matthæum.

Matth. 22, 1-14

In illo témpore: Loquebátur Iesus princípibus sacerdotum et pharisæis in parábolis, dicens: Símile factum est regnum cælórum hómíni regi, qui fecit nuptias filio suo. Et misit servos suos vocáre invitátos ad nuptias, et nolébant veníre. Iterum misit álios servos, dicens: Dícite invitátis: Ecce, prándium meum parávi, tauri mei, et altília occisa sunt, et ómnia paráta: veníte ad nuptias. Illi autem neglexérunt: et abiérunt, álius in villam suam, álius vero ad negotiatióem suam: reliqui vero tenuérunt servos eius,

et contuméliis afféctos occidérunt. Rex autem cum audísset, irátus est: et missis exercítibus suis, pèrdidit homicidas illos, et civitátem illórum succéndit. Tunc ait servis suis: Nuptiæ quidem parátæ sunt, sed qui invitáti erant, non fuérunt digni. Ite ergo ad éxitus viárum, et quoscúmque invenérítis, vocáte ad nuptias. Et egréssi servi eius in vias, congregavérunt omnes, quos invenérunt, malos et bonos, et implétæ sunt nuptiæ discumbéntium. Intrávit autem rex, ut vidéret discumbéntes, et vidit ibi hómínem non vestítum veste nuptiáli. Et ait illi: Amíce, quómodo huc intrásti non habens vestem nuptiálem? At ille obmútuít. Tunc dixit rex minístris: Ligátis mánibus et pédibus eius, míttite eum in ténebras exterióres: ibi erit fletus, et stridor déntium. Multi enim sunt vocáti, pauci vero elécti.

Antiphona ad Offertorium Ps. 34, 13 Ego autem, cum mihi moléstí essent, induébar cilício. Humiliábam in ieiúnio ánimam meam: et orátio mea in sinu meo convertétur.

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præséntibus éxui malis confidimus, et futúris. Per Dóminum.

Antiphona ad Communionem Ps. 68, 30-31 Ego sum pauper, et dolens: salus tua, Deus, suscepit me. Laudábo nomen Dei cum cántico: et magnificábo eum in laude.

Postcommunio

Refécti cibo potúque cælesti, Deus noster, te súplices exorámus: ut, in cuius hæc commemoratióne percépimus, eius muniámur et précibus. Per Dóminum.

Die 19 septembris

SS. IANUARIi EPISCOPI
ET SOCIORUM MARTYRUM

III classis

Antiphona ad Introitum

Ps. 36, 39

Salus autem iustorum a Domino: et protector eorum est in tempore tribulationis. **Ps. ibid., 1** Noli æmulari in malignantibus: neque zelaveris facientes iniquitatem. **V.** Glória Patri.

Oratio

Deus, qui nos annua sanctorum Martyrum tuorum Ianuarii et Sociorum eius solemnitate lætificas: concede propitius; ut, quorum gaudemus meritis, accendāmur exemplis. Per Dominum.

Lectio Epistolæ beati Pauli Apostoli ad Hebræos. **Hebr. 10, 32-38**

Fratres: Rememorāmini pristinos dies, in quibus illumināti, magnum certāmen sustinuistis passionum: et in altero quidem opprobriis, et tribulationibus spectāculum facti: in altero autem socii taliter conversantium effecti. Nam et vinctis compāssi estis, et rapinam bonorum vestrorum cum gaudio suscepistis, cognoscētes vos habere meliorem, et manentem substantiam. Nolite itaque amittere confidentiam vestram, quæ magnam habet remunerationem. Patientia enim vobis necessaria est: ut voluntatem Dei facientes, reportētis promissionem. Adhuc enim modicum aliquāntulum, qui venturus est, veniet, et non tardabit. Iustus autem meus ex fide vivit.

Graduale Ps. 33, 18-19 Clamaverunt iusti, et Dominus exaudivit eos: et ex omnibus tribulationibus eorum liberavit eos. **V.** Iuxta est Dominus his, qui tribulato sunt corde: et humiles spiritu salvabit.

Allelúia, allelúia. **V.** Te Mártyrum candidatus laudat exercitus, Dómine. Allelúia.

✠ Sequētia sancti Evangelii secundum Matthæum. **Matth. 24, 3-13**

In illo tempore: Sedente Iesu super montem Oliveti, accesserunt ad eum discipuli secreto, dicētes: Dic nobis, quando hæc erunt? et quod signum adventus tui, et consummationis sæculi? Et respondens Iesus, dixit eis: Videte ne quis vos seducat. Multi enim venient in nomine meo, dicētes: Ego sum Christus: et multos seducēt. Audituri enim estis prælia, et opiniones præliorum. Videte ne turbemini. Opórtet enim hæc fieri, sed nondum est finis. Consurget enim gens in gentem, et regnum in regnum, et erunt pestilentiæ, et fames, et terramotus per loca. Hæc autem omnia iníitia sunt dolorum. Tunc tradent vos in tribulationem, et occident vos: et éritis odio omnibus gentibus propter nomen meum. Et tunc scandalizabuntur multi, et invicem tradent, et odio habebunt invicem. Et multi pseudoprophætæ surgent, et seducēt multos. Et quoniam abundavit iniquitas, refrigescet caritas multorum. Qui autem perseveraverit usque in finem, hic salvus erit.

In Missis votivis post Septuagesimam, in fine sequentis antiphonæ Allelúia omittitur.

Antiphona ad Offertorium Sap. 3, 1, 2 et 3 Iustorum animæ in manu Dei sunt, et non tanget illos tormentum malitiæ: visi sunt oculis insipientium mori: illi autem sunt in pace, allelúia.

Secreta

Oblatis, quæsumus, Dómine, placare munéribus: et, intercedéntibus sanctis Martýribus tuis Ianuario et Sociis eius, a cunctis nos defēde periculis. Per Dominum.

Antiphona ad Communionem

Matth. 10, 27 Quod dico vobis in ténébris, dícite in lúmine, dicit Dóminus: et quod in aure audítis, prædicáte super tecta.

Postcommunio

Hæc nos commúnio, Dómine, purget a crímine: et, intercedéntibus sanctis Martýribus tuis Ianuário et Sóciis eius, cæléstis remédii fáciat esse consórtes. Per Dóminum.

Die 20 septembris

SS. EUSTACHII ET SOCIORUM MARTYRUM

Commemoratio

Missa Sapiéntiam, de Communi plurimorum Martyrum 2 loco (9).

Oratio

C

Deus, qui nos concédís sanctórum Mártyrum tuórum Eustáchii et Sociórum eius natalícia cólere: da nobis in æténa beatitúdine de eórum societáte gaudére. Per Dóminum.

Secreta

C

Múnera tibi, Dómine, nostræ devotiónis offérimus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

Postcommunio

C

Præsta nobis, quæsumus, Dómine: intercedéntibus sanctis Martýribus tuis Eustáchio et Sóciis eius; ut, quod ore contíngimus, pura mente capiámus. Per Dóminum.

Die 21 septembris

S. MATTHÆI APOSTOLI ET EVANGELISTÆ

II classis**Antiphona ad Introitum**

Ps. 36, 30-31

Os iusti meditábitur sapiéntiam, et lingua eius loqué-tur iudícium: lex Dei eius in corde ipsíus. **Ps. ibid., 1** Noli æmulári in malignántibus: neque zeláveris faciéntes iniquitátem. **V.** Glória Patri.

Oratio

Beáti Apóstoli et Evangelistæ Matthæi, Dómine, précibus adiuvémur: ut, quod possibílitas nostra non óbtinet, eius nobis intercessiône donétur. Per Dóminum.

Et, in Quatuor Temporibus, fit commemoratio feriæ.

Léctio Ezechiélis Prophétæ.

Ezech. 1, 10-14

Similitúdo vultus quátuor animálium: fácies hóminis, et fácies leónis a dextris ipsórum

quátuor: fácies autem bovis a sinístris ipsórum quátuor, et fácies áquilæ désuper ipsórum quátuor. Fácies eórum, et pennæ eórum exténtæ désuper: duæ pennæ singulórum iungebántur, et duæ tegébant córpora eórum: et unumquódque eórum coram fácie sua ambulábat: ubi erat ímpetus spíritus, illuc gradiebántur, nec revertébántur cum ambulárent. Et similitúdo animálium, aspéctus eórum quasi carbónum ignis ardéntium, et quasi aspéctus lampadárum. Hæc erat visio discúrrens in médio animálium, splendor ignis, et de igne fulgur egrédiens. Et animália ibant, et revertébántur in similitúdinem fúlgoris coruscántis.

Graduale Ps. 111, 1-2 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur.

Allelúia, allelúia. **V.** Te gloriósus Apostolorum chorus laudat, Dómine. Allelúia.

✠ Sequéntia sancti Evangélíi secúndum Mattháeum.

Matth. 9, 9-13

In illo témpore: Vidit Iesus hóminem sedéntem in telónio, Mattháeum nómine. Et ait illi: Séquere me. Et surgens, secútus est eum. Et factum est, discumbénte eo in domo, ecce, multi publicáni, et peccatóres veniéntes, discumbébant cum Iesu, et discípulis eius. Et vidéntes pharisæi, dicébant discípulis eius: Quare cum publicánis, et peccatóribus mandúcat Magíster vester? At Iesus áudiens, ait: Non est opus valéntibus médicus, sed male habéntibus. Eúntes autem díscite quid est: Misericórdiam volo, et non sacrificium. Non enim veni vocáre iustos, sed peccatóres.

Credo.

In Missis votivis post Septuagesimam in fine sequentis antiphonæ Allelúia omittitur.

Antiphona ad Offertorium Ps. 20, 4-5 Posuisti, Dómine, in cápite eius corónam de lápide pretióso: vitam pétiit a te, et tribuísti ei, allelúia.

Secreta

Supplicatióibus beáti Matthæi Apóstoli et Evangelístæ, quásumus, Dómine, Ecclésiæ tuæ commendétur oblátio: cuius magníficis prædicatióibus erudítur. Per Dóminum.

Et, in Quatuor Temporibus, fit commemoratio feriæ.

Præfatio de Apostolis.

Antiphona ad Communionem Ps. 20, 6 Magna est glória eius in salutári tuo: glóriam et magnum decórem impónes super eum, Dómine.

Postcommunio

Percéptis, Dómine, sacraméntis, beáto Matthæo Apóstolo tuo et Evangelísta interveniéntem, deprecámur: ut, quæ pro eius celebráta sunt glória, nobis proficiant ad medélam. Per Dóminum.

Et, in Quatuor Temporibus, fit commemoratio feriæ.

¶ **In Missis votivis post Septuagesimam omnia dicuntur ut supra, sed post graduale, omissis Allelúia, et versu sequenti, dicitur tractus Desidérium, ex Missa Státuit, de Communi unius Martyris 1 loco (4).**

Tempore autem paschali Missa Protexísti, de Communi Martyrum 1 loco (12), cum orationibus, Epistola et Evangelio ut supra.

Die 22 septembris

**S. THOMÆ DE VILLANOVA
EPISCOPI ET CONFESSORIS**

III classis

Missa Státuit, de Communi Confessoris Pontificis 1 loco (16), cum orationibus ut infra:

Oratio P

Deus, qui beátum Thomam Pontíficem insígnis in páuperes misericórdiæ virtúte decorásti: quásumus; ut, eius intercessióne, in omnes, qui te deprecántur, divítias misericórdiæ tuæ benígnus effúndas. Per Dóminum.

Et fit commemoratio Ss. Maurítii et Sociorum Martyrum:

Oratio P

Annue, quásumus, omnípotens Deus: ut sanctórum Mártýrum tuórum Maurítii et Sociórum eius nos lætíficet festíva solémnitas; ut, quorum suffrágiis nítimur, eórum natalíciis gloriémur. Per Dóminum.

Secreta**P**

Sancti Thomæ Confessoris tui atque Pontificis, quæsumus, Dómine, ánnua solémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum.

Pro Ss. Mauritio et Sociis**Secreta****P**

Réspice, quæsumus, Dómine, múnera, quæ in sanctórum Mártyrum tuórum Maurítii et Sociórum eius commemoratióne deférimus: et præsta; ut, quorum honóre sunt grata, eórum nobis fiant intercessióne perpétua. Per Dóminum.

Postcommunio**P**

Deus, fidélium remunerátor animárum: præsta; ut beáti Thomæ Confessoris tui atque Pontificis, cuius venerándam celebrámus festivitátem, précibus indulgéntiam consequámur. Per Dóminum.

Pro Ss. Mauritio et Sociis**Postcommunio****P**

Cæléstibus refécti sacraméntis et gáudiis: súpplīces te rogámus, Dómine; ut, quorum gloriámur triúmphis, protegámur auxiliis. Per Dóminum.

Eodem die 22 septembris**SS. MAURITII ET SOCIORUM MARTYRUM****Commemoratio**

Missa Intret, de Communi plurimorum Martyrum 1 loco (8), cum orationibus et Epistola ut infra:

Oratio**P**

Annue, quæsumus, omnípotens Deus: ut sanctórum Mártyrum tuórum Maurítii et Sociórum eius

nos lætíficet festíva solémnitas; ut, quorum suffrágiis nítimur, eórum natalíciis gloriémur. Per Dóminum.

Léctio libri Apocalýpsis beáti Ioánnis Apóstoli.

Apoc. 7, 13-17

In diébus illis: Respóndit unus de senióribus, et dixit mihi: Hi, qui amícti sunt stolis albis, qui sunt? et unde venérunt? Et dixi illi: Dómine mi, tu scis. Et dixit mihi: Hi sunt, qui venérunt de tribulatióne magna, et lavérunt stolas suas, et dealbavérunt eas in ságuine Agni. Ideo sunt ante thronum Dei, et sérviant ei die ac nocte in templo eius: et qui sedet in throno, habitábit super illos: non esúrient, neque sítient ámplius, nec cadet super illos sol, neque ullus æstus: quóniam Agnus, qui in médio throni est, reget illos, et dedúcet eos ad vitæ fontes aquárum: et abstérget Deus omnem lácrimam ab óculis eórum.

Secreta**P**

Réspice, quæsumus, Dómine, múnera, quæ in sanctórum Mártyrum tuórum Maurítii et Sociórum eius commemoratióne deférimus: et præsta; ut, quorum honóre sunt grata, eórum nobis fiant intercessióne perpétua. Per Dóminum.

Postcommunio**P**

Cæléstibus refécti sacraméntis et gáudiis: súpplīces te rogámus, Dómine; ut, quorum gloriámur triúmphis, protegámur auxiliis. Per Dóminum.

Die 23 septembris**S. LINI PAPÆ ET MARTYRIS****III classis**

Missa Si díligis me, de Communi unius aut plurium Summorum Pontificum (1).

Oratio C I

Gregem tuum, Pastor ætérne, placátus inténde: et per beátum Línium Mártýrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Et fit commemoratio S. Theclæ Virg. et Mart.:

Oratio P

Da, quæsumus, omnípotens Deus: ut, qui beátæ Theclæ Vírginis et Mártýris tuæ natalícia cólimus; et ánnua solemnitáte lætémur, et tantæ fidei proficiámus exémplo. Per Dóminum.

Secreta C I

Oblátis munéribus, quæsumus, Dómine, Ecclésiám tuam benignus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Pro S. Thecla

Secreta C

Súscipe, Dómine, múnera, quæ in beátæ Theclæ Vírginis et Mártýris tuæ solemnitáte deférimus: cuius nos confidimus patrocinio liberári. Per Dóminum.

Postcommunio C I

Refectióne sancta enutrítam guberná, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat; et in religiónis integritáte persístat. Per Dóminum.

Pro S. Thecla

Postcommunio C

Auxiliéntur nobis, Dómine, sumpta mystéria: et, intercedénte beáta Thecla Vírgine et Mártýre tua, sempitérna fácient protectióne gaudére. Per Dóminum.

Eodem die 23 septembris

S. THECLÆ VIRG. ET MART.

Commemoratio

Missa Loquébar, de Communi Virginum i loco (24), præter orationem sequentem:

Oratio P

Da, quæsumus, omnípotens Deus: ut, qui beátæ Theclæ Vírginis et Mártýris tuæ natalícia cólimus; et ánnua solemnitáte lætémur, et tantæ fidei proficiámus exémplo. Per Dóminum.

Secreta C

Súscipe, Dómine, múnera, quæ in beátæ Theclæ Vírginis et Mártýris tuæ solemnitáte deférimus: cuius nos confidimus patrocinio liberári. Per Dóminum.

Postcommunio C

Auxiliéntur nobis, Dómine, sumpta mystéria: et, intercedénte beáta Thecla Vírgine et Mártýre tua, sempitérna fácient protectióne gaudére. Per Dóminum.

Die 24 septembris

**B. MARIÆ VIRGINIS
A MERCEDE**

Commemoratio

Missa Salve, de Communi festorum B. Mariæ Virg. (35), præter orationem sequentem:

Et non dicitur Credo.

Oratio P

Deus, qui per gloriosíssimam Fílii tui Matrem, ad liberándos Christifidéles a potestáte paganórum, nova Ecclésiám tuam prole amplificáre dignátus es: præsta, quæsumus; ut, quam pie venerámur tanti óperis institutricem, eius páriter méritis et intercessióne, a peccátis ómnibus et captivitate dámo-

nis liberémur. Per eúndem Dóminum.

Secreta C

Tua, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio de B. Maria Virg. Et te in Festivitate.

Postcommunio C

Sumptis, Dómine, salútis nostræ subsidiis: da, quæsumus, beátæ Mariæ semper Vírginis patrocíniis nos ubique prótegi; in cuius veneratióne hæc tuæ obtúlimus maiestati. Per Dóminum.

Die 26 septembris

SS. CYPRIANI ET IUSTINÆ VIRG. MARTYRUM

Commemoratio

Missa Salus autem, de **Communi plurimorum Martyrum 3 loco** (10), cum orationibus ut infra:

Oratio P

Beatórum Mártyrum Cypriáni et Iustínæ nos, Dómine, foveant continuáta præsidia: quia non désinis propítius intuéri, quos talibus auxiliis concesseris adiuvári. Per Dóminum.

Secreta P

Múnera tibi, Dómine, nostræ devotiónis offérimus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

Postcommunio P

Præsta nobis, quæsumus, Dómine: intercedéntibus sanctis Martýribus tuis Cypriáno et Iustína; ut, quod ore contíngimus, pura mente capiámus. Per Dóminum.

Die 27 septembris

SS. COSMÆ ET DAMIANI MARTYRUM

III classis

Antiphona ad Introitum

Eccli. 44, 15 et 14

Sapiéntiam sanctórum narrent pópuli, et laudes eórum nuntiet ecclésia: nómina autem eórum vivent in sáculum sáculi. **Ps. 32, 1** Exsultáte, iusti, in Dómino: rectos decet collaudátio. **V.** Glória Patri.

Oratio

Præsta, quæsumus, omnipotens Deus: ut, qui sanctórum Mártyrum tuórum Cosmæ et Damiáni natalícia cólimus, a cunctis malis imminéntibus, eórum intercessiόνibus, liberémur. Per Dóminum.

Léctio libri Sapiéntiæ.

Sap. 5, 16-20

Iusti autem in perpétuum vivent, et apud Dóminum est merces eórum, et cogitatio illórum apud Altíssimum. Ideo accipient regnum decóris, et diadéma speciéi de manu Dómini: quóniam dextera sua teget eos, et brácchio sancto suo deféndet illos. Accípiet armatúram zelus illius, et armábit creatúram ad uliónem inimicórum. Induet pro thoráce iustítiam, et accípiet pro gálea iudícium certum. Sumet scutum inexpugnábile, æquitátem.

Graduale Ps. 33, 18-19 Clamavérunt iusti, et Dóminus exaudivit eos: et ex ómnibus tribulatió nibus eórum liberávit eos. **V.** Iuxta est Dóminus his, qui tribuláto sunt corde: et húmiles spíritu salvábit.

Allelúia, allelúia. **V.** Hæc est vera fraternitas, quæ vicit mundi crímina: Christum secúta est, ínclita tenens regna cæléstia. Allelúia.

✠ Sequéntia sancti Evangélíi secúndum Lucam.

Luc. 6, 17-23

In illo témpore: Descéndens Iesus de monte, stetit in loco campéstri, et turba discipulórum eius, et multitúdo copiósá plebis ab omni Iudæa, et Ierúsalem, et marítima, et Tyri, et Sidónis, qui vénerant, ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quærébat eum tângere: quia virtus de illo exíbat, et sanábat omnes. Et ipse, elevátis óculis in discípulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et eiécerint nomen vestrum tamquam malum, propter Fílium hóminis. Gaudéte in illa die, et exsultáte: ecce enim, merces vestra multa est in cælo.

Antiphona ad Offertorium Ps. 5, 12-13 Gloriabúntur in te omnes, qui díligunt nomen tuum: quóniam tu, Dómine, benedíces iusto: Dómine, ut scuto bonæ voluntátis tuæ coronásti nos.

Secreta

Sanctórum tuórum nobis, Dómine, pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum.

Antiphona ad Communionem Ps. 78, 2 et 11 Posué runt mortália

servórum tuórum, Dómine, escas volatílibus cæli, carnes sanctórum tuórum béstiis terræ: secúndum magnitúdinem bráccii tui pösside filios morte punitórum.

Postcommunio

Prótegat, quæsumus, Dómine, pópulum tuum et participátio cælestis indúlta convívii, et deprecátio colláta sanctórum. Per Dóminum.

Die 28 septembris

S. WENCESLAI DUCIS, MART.

III classis

Missa In virtúte, **de Communi unius Martyris 3 loco (5), præter orationem sequentem:**

Oratio

P

Deus, qui beátum Wencesláum per martýrii palmam a terreno principátu ad cælestem glóriam transtulisti: eius précibus nos ab omni adversitáte custódi; et eiusdem tríbue gaudére consórtio. Per Dóminum.

Secreta

C

Munéribus nostris, quæsumus, Dómine, precibúque susceptis: et cælestibus nos munda mystériis, et cleménte exáudi. Per Dóminum.

Postcommunio

C

Da, quæsumus, Dómine Deus noster: ut, sicut tuórum commemoratióne Sanctórum temporáli gratulamur officio; ita perpétuo lætémur aspéctu. Per Dóminum.

Die 29 septembris

IN DEDICATIONE S. MICHAËLIS ARCHANGELI

I classis

Antiphona ad Introitum

Ps. 102, 20

Benedícite Dóminum, omnes Angeli eius: poténtes virtúte, qui fácitis verbum eius, ad audiéndam vocem sermónum eius. (T. P. Allelúia, allelúia.) Ps. *ibid.*, 1 Benedíc, ánima mea, Dómino: et ómnia, quæ intra me sunt, nómini sancto eius. V. Glória Patri.

Oratio

Deus, qui miro órđine Angelórum ministéria hominúmque dispénsas: concéde propítius; ut, a quibus tibi ministrántibus in cælo semper assístitur, ab his in terra vita nostra muniátur. Per Dóminum.

Léctio libri Apocalýpsis beáti Ioánnis Apóstoli.

Apoc. 1, 1-5

In diébus illis: Significávit Deus quæ opórtet fieri cito, mittens per Angelum suum servo suo Ioánni, qui testimónium perhíbuit verbo Dei, et testimónium Iesu Christi, quacúmque vidit. Beátus qui legit, et audit verba prophetiæ huius: et servat ea, quæ in ea scripta sunt: tempus enim prope est. Ioánnes septem ecclésiis, quæ sunt in Asia. Grátia vobis, et pax ab eo, qui est, et qui erat, et qui ventúrus est: et a septem spirítibus, qui in conspéctu throni eius sunt: et a Iesu Christo, qui est testis fidélis, primogénitus mortuórum, et princeps regum terræ, qui diléxit nos, et lavit nos a peccátis nostris in ságuine suo.

Graduale Ps. 102, 20 et 1 Benedícite Dóminum, omnes Angeli eius: poténtes virtúte, qui fácitis

verbum eius. V. Benedíc, ánima mea, Dóminum, et ómnia interióra mea, nomen sanctum eius.

Allelúia, allelúia. V. Sancte Míchaël Archángele, defénde nos in prælio: ut non pereámus in treméndo iudício. Allelúia.

✠ Sequéntia sancti Evangélii secúndum Matthæum.

Matth. 18, 1-10

In illo témpore: Accessérunt discípuli ad Iesum, dicéntes: Quis, putas, maior est in regno cælórum? Et ádvocans Iesus párvulum, stáruit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est maior in regno cælórum. Et qui suscepérit unum párvulum talem in nómine meo, me súscipit. Qui autem scandalizáverit unum de pusíllis istis, qui in me credunt, expedit ei, ut suspendátur mola asinária in collo eius, et demergátur in profúndum maris. Væ mundo a scándalis. Necesse est enim ut véniant scándala: verúmtamen væ hómini illi, per quem scándalum venit. Si autem manus tua, vel pes tuus scandalizat te, abscíde eum, et próice abs te: bonum tibi est ad vitam ingredi débilem, vel claudum, quam duas manus, vel duos pedes habéntem mitti in ignem ætérnum. Et si óculus tuus scandalizat te, érue eum, et próice abs te: bonum tibi est cum uno óculo in vitam intráre, quam duos óculos habéntem mitti in gehénnam ignis. Vidéte ne contem-

nátis unum ex his pusíllis: dico enim vobis, quia Angeli eórum in cælis semper vident fáciem Patris mei, qui in cælis est.

Credo.

¶ In Missis votivis post Septuagesimam, in fine sequentis antiphonæ Allelúia omittitur.

Antiphona ad Offertorium Apoc. 8, 3 et 4 Stetit Angelus iuxta aram templi, habens thuríbulum áureum in manu sua, et data sunt ei incénsa multa: et ascéndit fumus arómatum in conspéctu Dei, allelúia.

Secreta

Hóstias tibi, Dómine, laudis offérimus, suppliciter deprecántes: ut eásdem, angélico pro nobis interveniénte suffrágio, et placátus accípias, et ad salútem nostram proveníre concédas. Per Dóminum.

Antiphona ad Communionem Dan. 3, 58 Benedícite, omnes Angeli Dómini, Dóminum: hymnum dícite, et superexaltáte eum in sácula. (T. P. Allelúia.)

Postcommunio

Beáti Archángeli tui Michaélis intercessióne suffúlti: súpplícite, Dómine, deprecámur; ut, quod ore proséquimur, contingámus et mente. Per Dóminum.

¶ In Missis votivis omnia dicuntur ut supra, sed post Septuagesimam dicitur

Graduale Ps. 148, 1-2 Laudáte Dóminum de cælis: laudáte eum in excélsis. ¶ Laudáte eum, omnes Angeli eius: laudáte eum, omnes virtútes eius.

Tractus Ps. 102, 20 Benedícite Dóminum, omnes Angeli eius: poténtes virtúte, qui fácitis verbum eius. ¶ **Ibid., 21-22** Benedícite Dómino, omnes virtútes eius: minístri eius qui fácitis vo-

luntátem eius. ¶ Benedícite Dómino, ómnia ópera eius: in omni loco dominatiónis eius, benedic, ánima mea, Dómino.

Tempore autem paschali omittitur graduale, et eius loco dicitur:

Allelúia, allelúia. ¶ Sancte Míchaél Archángele, defénde nos in prálio: ut non pereámus in treméndo iudício. Allelúia. ¶ Concússum est mare, et contrémuit terra, ubi Archángelus Míchaél descéndit de cælo. Allelúia.

Die 30 septembris

S. HIERONYMI PRESB.,
CONF. ET ECCL. DOCT.

III classis

Missa In médio, de **Communi Doctorum** (19), cum orationibus ut infra:

Oratio

P

Deus, qui Ecclésiæ tuæ in exponéndis sacris Scriptúris beátum Hierónymum Confessórem tuum, Doctórem máximum providére dignátus es: præsta, quæsumus; ut, eius suffragántibus méritis, quod ore simul et ópere dócuit, te adiuvánte, exercére valeámus. Per Dóminum.

Secreta

P

Donis cæléstibus da nobis, quæsumus, Dómine, líbera tibi mente servíre: ut múnera quæ deférimus, interveniénte beáto Hierónymo Confessóre tuo, et medélam nobis operéntur, et glóriam. Per Dóminum.

Postcommunio

P

Repléti alimónia cælésti, quæsumus, Dómine: ut, interveniénte beáto Hierónymo Confessóre tuo, misericórdiæ tuæ grátiam consequi mereámur. Per Dóminum.

FESTA OCTOBRI

Die 1 octobris

S. REMIGII EP. ET CONF.

Commemoratio

Missa Státuit, de Comuni Confessoris Pontificis 1 loco (16).

Oratio

C

Da, quæsumus, omnipotens Deus: ut beáti Remígií Confessoris tui atque Pontificis veneranda solémnitas, et devotióne nobis áugeat, et salútem. Per Dóminum.

Secreta

C

Sancti tui, quæsumus, Dómine, nos ubíque lætificent: ut, dum eórum mérita recólimus, patrocínia sentiámus. Per Dóminum.

Postcommunio

C

Præsta, quæsumus, omnipotens Deus: ut, de percéptis munéribus grátias exhibéntes, intercedente beáto Remígio Confessore tuo atque Pontífice, beneficia potióra sumámus. Per Dóminum.

Die 2 octobris

SS. ANGELORUM CUSTODUM

III classis

Antiphona ad Introitum

Ps. 102, 20

Benedícite Dóminum, omnes Angeli eius: poténtes virtúte, qui fácitis verbum eius, ad audiéndam vocem sermónum eius. **Ps. ibid., 1** Bénedic, ánima mea, Dómino: et ómnia, quæ intra me sunt, nómini sancto eius. **V.** Glória Patri.

Oratio

Deus, qui ineffábili providéntia sanctos Angelos tuos ad nostram custódiám mittere dignáris: largíre supplicibus tuis; et eórum semper protectiõe deféndi, et æténa societáte gaudére. Per Dóminum.

Léctio libri Exodi.

Exodi 23, 20-23

Hæc dicit Dóminus Deus: Ecce, ego mittam Angelum meum, qui præcedat te, et custódiat in via, et introdúcat in locum, quem parávi. Obsérva eum, et audi vocem eius, nec contemnéndum putes: quia non dimíttet cum peccáveris, et est nomen meum in illo. Quod si audieris vocem eius, et féceris ómnia, quæ loquor, inimícus ero inimícis tuis, et affligam affligéntes te: præcedétque te Angelus meus.

Graduale Ps. 90, 11-12 Angelis suis Deus mandávit de te, ut custódiant te in ómnibus viis tuis. **V.** In mánibus portábunt te, ne umquam offéndas ad lápidem pedem tuum.

Allelúia, allelúia. **V. Ps. 102, 21** Benedícite Dómino, omnes virtútes eius: minístri eius, qui fácitis voluntátem eius. Allelúia.

¶ In Missis votivis post Septuagesimam, omissis Allelúia, et versu sequenti, dicitur

Tractus Ps. 102, 20 Benedícite Dóminum, omnes Angeli eius: poténtes virtúte, qui fácitis verbum eius. **V. Ibid., 21, 22** Benedícite Dómino, omnes virtútes eius: minístri eius, qui fácitis voluntátem eius. **V.** Benedícite Dómino, ómnia ópera eius: in omni loco dominatiónis eius, benedic, ánima mea, Dómino.

Tempore autem paschali omititur graduale, et eius loco dicitur:

Allelúia, allelúia. **V. Ps. 137, 1-2** In conspéctu Angelórum psallam tibi: adorábo ad templum sanctum tuum, et confitébor nómini tuo. Allelúia. **V. Matth. 28, 2** Angelus Dómini descendit de cælo, et accédens revólvit lápidem, et sedébat super eum. Allelúia.

✠ Sequéntia sancti Evangélíi secúndum Matthæum. **Matth. 18, 1-10**

In illo témpore: Accessérunt discipuli ad Iesum, dicéntes: Quis, putas, maior est in regno cælórum? Et ádvocans Iesus párvulum, stáruit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est maior in regno cælórum. Et qui suscepérit unum párvulum talem in nómine meo, me súscipit. Qui autem scandalizáverit unum de pusillis istis, qui in me credunt, expedit ei, ut suspendátur mola asinária in collo eius, et demergátur in profúndum maris. Væ mundo a scándalis. Nécesse est enim ut véniant scándala: verúmtamen væ hómini illi, per quem scándalum venit. Si autem manus tua, vel pes tuus scandalizat te, abscíde eum, et próice abs te: bonum tibi est ad vitam íngredi débilem, vel claudum, quam duas manus, vel duos pedes habéntem mitti in ignem ætérnum. Et si óculus tuus scandalizat te, érue eum, et próice abs te: bonum tibi est cum uno óculo in vitam intráre, quam duos óculos habéntem mitti in gehénnam ignis. Vidéte ne contemnátis unum ex his pusillis: dico enim vobis, quia Angeli eórum in cælis semper vident fáciem Patris mei, qui in cælis est.

Antiphona ad Offertorium Ps. 102, 20 et 21 Benedícite Dóminum, omnes Angeli eius: minístri eius, qui fácitis verbum eius, ad audiéndam vocem sermónum eius.

Secreta

Súscipe, Dómine, múnera, quæ pro sanctórum Angelórum tuórum veneratióne deférimus: et concéde propítius; ut, perpétuis eórum præsídiis, a præsentibus periculis liberémur, et ad vitam perveniámus ætérnam. Per Dóminum.

Antiphona ad Communionem Dan. 3, 58 Benedícite, omnes Angeli Dómini, Dóminum: hymnum dícite, et superexaltáte eum in sæcula.

Postcommunio

Súmpsimus, Dómine, divína mystéria, sanctórum Angelórum tuórum festivitáte lætántes: quæsumus; ut eórum protectiône ab hóstium iúgiter liberémur insídiis, et contra ómnia advérsa muniámur. Per Dóminum.

Die 3 octobris

S. TERESIÆ A IESU INFANTE VIRGINIS

III classis

Antiphona ad Introitum

Cant. 4, 8 et 9

Veni de Líbano, sponsa mea, veni de Líbano, veni: vulnerásti cor meum, soror mea sponsa, vulnerásti cor meum. **Ps. 112, 1** Laudáte, púeri, Dóminum: laudáte nomen Dómini. **V.** Glória Patri.

Oratio

Dómine, qui dixísti: Nisi efficiámini sicut párvuli, non intrábitis in regnum cælórum: da nobis, quæsumus; ita sanctæ Teresiæ Virginis in humilitáte et simplicitáte cordis vestígia sectári, ut præmia consequámur ætérna: Qui vivis.

Léctio Isaíæ Prophétæ.

Isai. 66, 12-14

Hæc dicit Dóminus: Ecce, ego declinábo super eam quasi flúvium pacis, et quasi torréntem inundántem glóriam géntium, quam sugétis: ad úbera portabímini, et super génua blandiéntur vobis. Quómodo si cui mater blandiátur, ita ego consolábor vos, et in Ierúsalem consolabímini. Vidébitis, et gaudébit cor vestrum, et ossa vestra quasi herba germinábunt, et

cognoscétur manus Dómini servis eius.

Graduale Matth. 11, 25 Confíteor tibi, Pater, Dómine cæli et terræ, quia abscondísti hæc a sapiéntibus, et prudéntibus, et revelásti ea párvulis. **V. Ps. 70, 5** Dómine, spes mea a iuventúte mea.

Allelúia, allelúia. **V. Eccli. 39, 17-19** Quasi rosa plantáta super rivos aquárum fructificáte: quasi Líbanus odórem suavitátis habéte: floréte, flores, quasi lílium, et date odórem, et frondéte in grátiam, et collaudáte cánticum, et benedicíte Dóminum in opéribus suis. Allelúia.

¶ **In Missis votivis post Septuagesimam, omissis Allelúia, et versu sequenti, dicitur**

Tractus Cant. 2, 11-12 Iam hiems tránsiit, imber ábiit, et recéssit. **V.** Flores apparuérunt in terra nostra, tempus putatiónis advénit: vox túrturis audíta est in terra nostra. **V. Ierem. 31, 3** In caritaté perpétua diléxi te: ideo attráxi te, míserans tui.

Tempore autem paschali omititur graduale, et eius loco dicitur:

Allelúia, allelúia. **V. Eccli. 39, 17-19** Quasi rosa plantáta super rivos aquárum fructificáte: quasi Líbanus odórem suavitátis habéte: floréte, flores, quasi lílium, et date odórem, et frondéte in grátiam, et collaudáte cánticum, et benedicíte Dóminum in opéribus suis. Allelúia. **V. Ps. 33, 9; 99, 5** Gustáte, et vidéte quóniam suávis est Dóminus: in ætérnum misericórdia eius. Allelúia.

✠ Sequéntia sancti Evangélíi secúndum Matthæum.

Matth. 18, 1-4

In illo témpore: Accessérunt discípuli ad Iesum, dicéntes: Quis, putas, maior est in regno cælórum? Et ádvocans Iesus párvulum, státuit

eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est maior in regno cælórum.

Antiphona ad Offertorium Luc. 1, 46-48 et 49 Magnícat ánima mea Dóminum: et exsultávit spíritus meus in Deo salutári meo: quia respéxit humilitátem ancillæ suæ: fecit mihi magna qui potens est.

Secreta

Sacrificium nostrum tibi, Dómine, quæsumus, sanctæ Terésia Virginis tuæ precátio sancta concíliet: ut in cuius honóre solémniter exhibétur, eius méritis efficiátur accéptum. Per Dóminum.

Antiphona ad Communionem Deut. 32, 10-12 Circumdúxit eam, et dócuít: et custodívit quasi pupíllam óculi sui. Sicut áquila expándit alas suas, et assúmpsit eam, atque portávit in húmeris suis. Dóminus solus dux eius fuit.

Postcommunio

Illo nos, Dómine, amóris igne cæléste mystérium inflámmet: quo sancta Terésia Virgo tua se tibi pro homínibus caritátis víctimam devóvit. Per Dóminum.

Die 4 octobris

S. FRANCISCI CONF.

III classis

Antiphona ad Introitum

Gal. 6, 14

Mihi autem absit gloriári, nisi in Cruce Dómini nostri Iesu Christi: per quem mihi mundus crucifixus est, et ego mundo. **Ps. 141, 2** Voce mea ad Dóminum clamávi: voce mea ad Dóminum deprecátus sum. **V.** Glória Patri.

Oratio

Deus, qui Ecclesiā tuam, beāti Francisci méritis, fetu novæ prolis amplíficas: tríbue nobis; ex eius imitatione, terréna despícere, et cæléstium donórum semper participatione gaudére. Per Dóminum.

Léctio Epístolæ beāti Pauli Apóstoli ad Gálatas. **Gal. 6, 14-18**

Fratres: Mihi autem absit gloriári, nisi in cruce Dómini nostri Iesu Christi: per quem mihi mundus crucifíxus est, et ego mundo. In Christo enim Iesu neque circumcísio áliquid valet, neque præpútium, sed nova creatúra. Et quicumque hanc régulam secúti fuerint, pax super illos, et misericórdia, et super Israël Dei. De cétero nemo mihi moléstus sit: ego enim stigmata Dómini Iesu in corpore meo porto. Grátia Dómini nostri Iesu Christi cum spíritu vestro, fratres. Amen.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplantábuntur gressus eius.

Allelúia, allelúia. **V.** Franciscus pauper et húmilis, cælum dives ingréditur, hymnis cæléstibus honorátur. Allelúia.

¶ In Missis votivis tempore paschali omittitur graduale, et eius loco dicitur:

Allelúia, allelúia. **V.** Franciscus pauper et húmilis, cælum dives ingréditur, hymnis cæléstibus honorátur. Allelúia. **V. Ps. III, 1** Beátus vir, qui timet Dóminum: in mandátis eius cupit nimis. Allelúia.

✠ Sequéntia sancti Evangélíi secúndum Matthæum.

Matth. II, 25-30

In illo témpore: Respóndens Iesus dixit: Confíteor tibi, Pater, Dó-

mine cæli et terræ, quia abscondísti hæc a sapiéntibus et prudéntibus, et revelásti ea párvulis. Ita, Pater: quóniam sic fuit plácitum ante te. Omnia mihi trádicta sunt a Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me, omnes, qui laborátis, et onerátí estis, et ego reficiam vos. Tóllite iugum meum super vos, et discite a me, quia mitis sum, et húmilis corde: et inveniétis réquiem animábus vestris. Iugum enim meum suáve est, et onus meum leve.

Antiphona ad Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu eius.

Secreta

Múnera tibi, Dómine, dicáta sanctífica: et, intercedénte beáto Francisco, ab omni nos culpárum labe purífica. Per Dóminum.

Antiphona ad Communionem Luc. 12, 42 Fidélis servus et prudens, quem constituit Dóminus super familiam suam: ut det illis in témpore trítici mensúram.

Postcommunio

Ecclésiā tuam, quæsumus, Dómine, grátia cæléstis amplíficet: quam beāti Francisci Confessóris tui illumináre voluísti gloriósis méritis, et exémpis. Per Dóminum.

Die 5 octobris

SS. PLACIDI ET SOCIORUM MARTYRUM

Commemoratio

Missa Salus autem, **de Communi plurimorum Martyrum 3 loco** (10), **cum orationibus ut infra:**

Oratio

P

Deus, qui nos concédís sanctórum Mártyrum tuórum Plá-

cidi et Sociórum eius natalícia cólere: da nobis in ætérna beatitúdine de eórum societáte gaudére. Per Dóminum.

Secreta

Múnera tibi, Dómine, nostræ devotiónis offérimus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

Postcommunio P

Præsta nobis, quæsumus, Dómine: intercedéntibus sanctis Martýribus tuis Plácido et Sóciis eius; ut, quod ore contíngimus, pura mente capiámus. Per Dóminum.

Die 6 octobris

S. BRUNONIS CONFESSORIS

III classis

Missa Os iusti, **de Communi Con-**

fessoris non Pontificis 1 loco (20), **cum orationibus ut infra:**

Oratio P

Sancti Brunónis Confessóris tui, quæsumus, Dómine, intercessiõnibus adiuvémur: ut, qui maiestátem tuam gráviter delinquendo offéndimus, eius méritis et précibus, nostrórum delictórum véniam consequámur. Per Dóminum.

Secreta C

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus, et futúris. Per Dóminum.

Postcommunio P

Quæsumus, omnípotens Deus: ut, qui cæléstia aliménta percépimus, intercedénte beáto Brunóne Confessóre tuo, per hæc contra ómnia advérsa muniámur. Per Dóminum.

Die 7 octobris

B. MARIE VIRGINIS A ROSARIO

II classis

Antiphona ad Introitum

Gaudeámus omnes in Dómino, diem festum celebrántes sub honóre beátæ Mariæ Vírginis: de cuius solemnitáte gaudent Angeli, et colláudant Fílium Dei. **Ps. 44, 2** Eructávit cor meum verbum bonum: dico ego ópera mea Regi. **¶** Glória Patri.

¶ In Missis votivis:

Antiphona ad Introitum Sedulus

Salve, sancta parens, eníxa puérpera Regem: qui cælum, terrámque regit in sæcula sæculórum. **Ps. 44, 2** Eructávit cor meum verbum bonum: dico ego ópera mea Regi. **¶** Glória Patri.

Oratio

Deus, cuius Unigénitus per vitam, mortem et resurrectiõnem suam nobis salutis æternæ præmia comparávit: concéde, quæsumus; ut, hæc mystéria sacratíssimo beátæ Mariæ Vírginis Rosario recoléntes, et imitémur quod cónitent, et quod promíttunt, assequámur. Per eúndem Dóminum.

Et fit commemoratio S. Marci Papæ et Confessoris:

Oratio C I

Gregem tuum, Pastor æterne, placátus inténde: et per beátum Marcum Summum Pontíficem, perpétua protectiõe custódi; quem totíus Ecclésiæ præstitisti esse pastórem. Per Dóminum.

Lectio libri Sapiéntiæ.

Prov. 8, 22-24 et 32-35

Dóminus possédit me in inítio viárum suárum, ántequam quidquam fáceret a princípio. Ab ætérno ordináta sum, et ex antíquis, ántequam terra fieret. Nondum erant abyssi, et ego iam concépta eram. Nunc ergo, filii, audíte me: Beáti, qui custódiunt vias meas. Audíte disciplinam, et estóte sapiéntes, et nolíte abícere eam. Beátus homo, qui audit me, et qui vígilat ad fores meas quotidie, et obsérvat ad postes óstii mei. Qui me invénerit, invéniet vitam, et háuriet salútem a Dómino.

Graduale Ps. 44, 5, 11 et 12 Propter veritátem, et mansuetúdinem, et iustítiam: et dedúcet te mirábiliter dextera tua. **V.** Audi, filia, et vide, et inclína aurem tuam, quia concupívit Rex spéciem tuam.

Allelúia, allelúia. **V.** Solémnitas gloriósæ Vírginis Mariæ ex sémine Abrahæ, ortæ de tribu Iuda, clara ex stirpe David. Allelúia.

¶ In Missis votivis post Septuagesimam, omissis Allelúia, et versu sequenti, dicitur

Tractus Gaude, María Virgo, cunctas háereses sola interemísti. **V.** Quæ Gabriélis Archángeli dictis credidísti. **V.** Dum Virgo Deum et hóminem genuísti: et post partum, Virgo, invioláta permansísti. **V.** Dei Génetrix, intercède pro nobis.

Tempore autem paschali omititur graduale, et eius loco dicitur:

Allelúia, allelúia. **V. Num. 17, 8** Virga Iesse flóruit: Virgo Deum et hóminem génuít: pacem Deus réddidit, in se reconcilians ima summis. Allelúia. **V. Luc. 1, 28** Ave, María, grátia plena: Dóminus tecum: benedícta tu in muliéribus. Allelúia.

✠ Sequéntia sancti Evangélii secúndum Lucam.

Luc. 1, 26-38

In illo témpore: Missus est Angelus Gábriel a Deo in civitátem Galiléæ, cui nomen Názareth, ad Vírginem desponsátam viro, cui nomen erat Ioseph, de domo David, et nomen Vírginis Mariá. Et ingrêssus Angelus ad eam, dixit: Ave, grátia plena: Dóminus tecum: benedícta tu in muliéribus. Quæ cum audísset, turbáta est in sermóne eius, et cogitábat qualis esset ista salutátio. Et ait Angelus ei: Ne tímeas, Mariá, invenísti enim grátiam apud Deum: ecce, concípies in útero, et páries filium, et vocábis nomen eius Iesum. Hic erit magnus, et Fílius Altíssimi vocábitur, et dabit illi Dóminus Deus sedem David patris eius: et regnábit in domo Iacob in ætérnum, et regni eius non erit finis. Dixit autem Mariá ad Angelum: Quómodo fiet istud, quóniam virum non cognósco? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce, Elísabeth cognáta tua, et ipsa concépit filium in senectúte sua: et hic mensis sextus est illi, quæ vocátur stérilis: quia non erit impossibile apud Deum omne verbum. Dixit autem Mariá: Ecce ancílla Dómini, fiat mihi secúndum verbum tuum.

Credo.

Antiphona ad Offertorium Eccli. 24, 25; 39, 17 In me grátia omnis viæ et veritátis, in me omnis spes vitæ et virtútis: ego quasi rosa plantáta super rivos aquárum fructificávi.

Secreta

Fac nos, quæsumus, Dómine, his munéribus offeréndis conveniénter aptári: et per sacratíssimi

Rosárii mystéria sic vitam, passió-
nem et glóriam Unigéniti tui recó-
lere; ut eius digni promissionibus
efficiámur: Qui tecum vivit.

Pro S. Marco

Secreta C I

Oblátis munéribus, quásumus,
Dómine, Ecclesiám
tuam benígnus illúmina: ut, et
gregis tui proficiat ubíque suc-
cessus, et grati fiant nómini tuo,
te gubernánte, pastóres. Per
Dóminum.

Præfatio de B. Maria Virg. Et te
in Festivitate.

Antiphona ad Communionem
Eccli. 39, 19 Floréte, flores, quasi
lílium, et date odórem, et frondéte
in grátiam, collaudáte cánticum, et
benedícite Dóminum in opéribus
suis.

Postcommunio

Santíssimæ Genetrícis tuæ, cuius
Rosárium celebrámus, quásumus,
Dómine, précibus adiuvémur:
ut et mysteriórum, quæ cólimus,
virtus percipiátur, et sacramentó-
rum, quæ sumpsimus, obtineátur
efféctus: Qui vivis.

Pro S. Marco

Postcommunio C I

Refectióne sancta enutrítam
gubérna, quásumus, Dó-
mine, tuam placátus Ecclesiám:
ut poténti moderatióne dirécta,
et incrementa libertátis accípiat;
et in religiónis integritáte per-
sístat. Per Dóminum.

Eodem die 7 octobris

S. MARCI PAPÆ ET CONF.

Commemoratio

Missa Si diligis me, de Communi
unius aut plurium Summorum Pon-
tificum (1).

Oratio C I

Gregem tuum, Pastor ætérne,
placátus inténde: et per beá-
tum Marcum Summum Pontíficem,
perpétua protectióne custódi; quem
totíus Ecclesiæ præstitisti esse pa-
stórem. Per Dóminum.

Secreta C I

Oblátis munéribus, quásumus,
Dómine, Ecclesiám tuam
benígnus illúmina: ut, et gregis tui
proficiat ubíque succensus, et grati
fiant nómini tuo, te gubernánte,
pastóres. Per Dóminum.

Postcommunio C I

Refectióne sancta enutrítam gu-
bérna, quásumus, Dómine,
tuam placátus Ecclesiám: ut po-
ténti moderatióne dirécta, et incre-
ménta libertátis accípiat; et in reli-
giónis integritáte persístat. Per Dó-
minum.

Die 8 octobris

S. BIRGITTÆ VIDUÆ

III classis

Antiphona ad Introitum

Ps. 118, 75 et 120

Cognóvi, Dómine, quia æquitas
iudícia tua, et in veritate
tua humiliásti me: confige
timóre tuo carnes meas, a mandátis
tuis tímui. **Ps. ibid., 1** Beáti imma-
culáti in via: qui ámbulant in lege
Dómini. **V.** Glória Patri.

Oratio

Dómine Deus noster, qui beátæ
Birgittæ per Fílium tuum uni-
génitum secréta cæléstia revelásti:
ipsíus pia intercessióne da nobis
fámulis tuis; in revelatióne sempi-
térnæ glóriæ tuæ gaudére lætántes.
Per eúndem Dóminum.

**Et fit commemoratio Ss. Sergii,
Bacchi, Marcelli et Apulei Marty-
rum:**

Oratio

P

Sanctorum Martyrum tuorum nos, Domine, Sergii, Bacchi, Marcelli et Apuleii beata merita prosequantur: et tuo semper faciant amore ferventes. Per Dominum.

Lectio Epistolae beati Pauli Apostoli ad Timotheum.

1 Tim. 5, 3-10

Carissime: Viduas honora, quae vere viduae sunt. Si qua autem vidua filios, aut nepotes habet: discat primum domum suam regere, et mutuam vicem reddere parentibus: hoc enim acceptum est coram Deo. Quae autem vere vidua est, et desolata, speret in Deum, et instet obsecrationibus, et orationibus nocte ac die. Nam quae in deliciis est, vivens mortua est. Et hoc praecepe, ut irreprehensibiles sint. Si quis autem suorum, et maxime domesticorum curam non habet, fidem negavit, et est infideli deterior. Vidua eligatur non minus sexaginta annorum, quae fuerit unius viri uxor, in operibus bonis testimonium habens, si filios educavit, si hospitio recepit, si sanctorum pedes lavit, si tribulationem patientibus ministravit, si omne opus bonum subsecuta est.

Graduale Ps. 44, 3 et 5 Diffusa est gratia in labiis tuis: propterea benedixit te Deus in aeternum. **V.** Propter veritatem, et mansuetudinem, et iustitiam: et deducet te mirabiliter dextera tua.

Alleluia, alleluia. **V. Ibid., 5** Specie tua, et pulchritudine tua intende, prospere procede, et regna. Alleluia.

✠ Sequentia sancti Evangelii secundum Matthaeum.

Matth. 13, 44-52

In illo tempore: Dixit Iesus discipulis suis parabolam hanc: Simile est regnum caelorum thesauro

abscondito in agro: quem qui invenit homo, abscondit, et prae gaudio illius vadit et vendit universa, quae habet, et emit agrum illum. Iterum simile est regnum caelorum homini negotiatori, quaerenti bonas margaritas. Inventa autem una pretiosa margarita, abiit, et vendidit omnia, quae habuit, et emit eam. Iterum simile est regnum caelorum sagena missa in mare, et ex omni genere piscium congreganti. Quam, cum impleta esset, educentes, et secus littus sedentes, elegerunt bonos in vasa, malos autem foras miserunt. Sic erit in consummatione saeculi: exibunt Angeli, et separabunt malos de medio iustorum, et mittent eos in caminum ignis: ibi erit fletus, et stridor dentium. Intellexistis haec omnia? Dicunt ei: Etiam. Ait illis: Ideo omnis scribe doctus in regno caelorum similis est homini patrifamilias, qui profert de thesauro suo nova et vetera.

Antiphona ad Offertorium Ps. 44,

3 Diffusa est gratia in labiis tuis: propterea benedixit te Deus in aeternum, et in saeculum saeculi.

Secreta

Accpta tibi sit, Domine, sacratae plebis oblatio pro tuorum honore Sanctorum: quorum se meritis de tribulatione percepisse cognoscit auxilium. Per Dominum.

Pro Ss. Sergio,

Baccho, Marcello et Apuleio

Secreta

P

Maiestatem tuam nobis, Domine, quaesumus, haec hostia reddat immolanda placatam, tuorum digna postulatione Sanctorum. Per Dominum.

Antiphona ad Communionem

Ps. 44, 8 Dilexisti iustitiam, et odisti iniquitatem: propterea unxit te Deus, Deus tuus, oleo laetitiae prae consortibus tuis.

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

Pro Ss. Sergio,
Baccho, Marcello et Apuleio

Postcommunio P

Sacraméntis, Dómine, muniámur accéptis: et sanctórum Mártyrum tuórum Sérgii, Bacchi, Marcelli et Apuléii intercessióne, contra omnes nequítias irruéntes, armis cæléstibus protegámur. Per Dóminum.

Eodem die 8 octobris

SS. SERGII, BACCHI,
MARCELLI ET APULEII
MARTYRUM

Commemoratio

Missa Sapiéntiam, de Communi plurimorum Martyrum 2 loco (9), cum orationibus ut infra:

Oratio P

Sanctórum Mártyrum tuórum nos, Dómine, Sérgii, Bacchi, Marcelli et Apuléii beáta mérita prosequántur: et tuo semper fácient amóre fervéntes. Per Dóminum.

Secreta P

Maiestátem tuam nobis, Dómine, quæsumus, hæc hóstia reddat immolánda placátam, tuórum digna postulatióne Sanctórum. Per Dóminum.

Postcommunio P

Sacraméntis, Dómine, muniámur accéptis: et sanctórum Mártyrum tuórum Sérgii, Bacchi, Marcelli et Apuléii intercessióne, contra omnes nequítias irruéntes, armis cæléstibus protegámur. Per Dóminum.

Die 9 octobris

S. IOANNIS LEONARDI CONF.

III classis

Antiphona ad Introitum

Eccli. 42, 15-16

In sermónibus Dómini ópera eius: sol illúminans per ómnia respéxit, et glória Dómini plenum est opus eius. **Ps. 95, 1** Cantáte Dómino cánticum novum: cantáte Dómino, omnis terra. **℣.** Glória Patri.

Oratio

Deus, qui beátum Ioánnem Confessórem tuum ad fidem in géntibus propagándam mirabiliter excitáre dignátus es, ac per eum in erudiéndis fidélibus novam in Ecclésia tua famíliam congregásti: da nobis fámulis tuis, ita eius institútis proficere; ut præmia consequámur æténa. Per Dóminum.

Et fit commemoratio Ss. Dionysii Ep., Rustici et Eleutherii Martyrum:

Oratio P

Deus, qui hodiérna die beátum Dionýsium Mártyrem tuum atque Pontíficem, virtúte constántiæ in passióne roborásti, quique illi, ad prædicándum géntibus glóriam tuam, Rústicum et Eleuthérium sociáre dignátus es: tríbe nobis, quæsumus; eórum imitatióne, pro amóre tuo próspéra mundi despícere, et nulla eius advérsa formidáre. Per Dóminum.

Léctio Epístolæ beáti Pauli Apóstoli ad Corínthios.

2 Cor. 4, 1-6 et 15-18

Fratres: Habéntes administratió-nem iuxta quod misericórdiam consecúti sumus, non defícimus, sed abdicámus occúlta dedécoris, non ambulántes in astútia, neque adulterántes verbum Dei, sed in mani-

festatióne veritátis commendántes nosmetípsos ad omnem consciéntiam hóminum coram Deo. Quod si étiam opértum est Evangélium nostrum: in iis, qui péreunt, est opértum: in quibus Deus huius sáculi excécávit mentes infidélium, ut non fúlgeat illis illuminátio Evangélii glóriæ Christi, qui est imágo Dei. Non enim nosmetípsos prædicámus, sed Iesum Christum, Dóminum nostrum: nos autem servos vestros per Iesum: quóniam Deus, qui dixit de ténebris lucem splendescere, ipse illúxit in córdibus nostris ad illuminatióem sciéntiæ claritátis Dei, in fácie Christi Iesu. Omnia enim propter vos: ut grátia abúndans, per multos in gratiárum actióne, abúndet in glóriam Dei. Propter quod non defícimus: sed licet is, qui foris est, noster homo corrumpátur: tamen is, qui intus est, renovátur de die in diem. Id enim, quod in præsénti est momentáneum et leve tribulatióis nostræ, supra modum in sublimitáte ætérnum glóriæ pondus operátur in nobis, non contemplántibus nobis, quæ vidéntur, sed quæ non vidéntur. Quæ enim vidéntur, temporália sunt: quæ autem non vidéntur, ætérna sunt.

Graduale Ps. 72, 21; 68, 10 Inflammátum est cor meum, et renes mei commutáti sunt: zelus domus tuæ comédit me. **V. Isai. 49, 2** Pósuit os meum quasi gládium acútum: in umbra manus suæ protéxit me, et pósuit me sicut sagíttam eléctam.

Allelúia, allelúia. **V. Ps. 70, 7** Tamquam prodígium factus sum multis: et tu adiútor fortis. Allelúia.

¶ **In Missis votivis post Septuagesimam, omissis Allelúia, et versu sequenti, dicitur**

Tractus Ps. 54, 3-4 et 17 Contristátus sum in exercitatióne mea: et conturbátus sum a voce inimíci et a tribulatióne pecca-

tóris. **V.** Quóniam declinavérunt in me iniquitátes: et in ira molésti erant mihi. **V.** Ego autem ad Deum clamávi: et Dóminus salvábit me.

Tempore autem paschali omititur graduale, et eius loco dicitur:

Allelúia, allelúia. **V. Ps. 51, 10** Sicut olíva fructífera in domo Dei, sperávi in misericórdia Dei in ætérnum: et in sáculum sáculi. Allelúia. **V. Ps. 61, 8** In Deo salutáre meum et glória mea: Deus auxilií mei, et spes mea in Deo est. Allelúia.

✠ **Sequéntia sancti Evangélii secúndum Lucam.**

Luc. 10, 1-9

In illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce, ego mitto vos sicut agnos inter lupos. Nolíte portáre sácculum, neque peram, neque calceaménta; et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit filius pacis, requiescet super illum pax vestra: sin autem, ad vos revertétur. In eadém autem domo manéte, edéntes, et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quæ apponúntur vobis: et curáte infirmos, qui in illa sunt, et dícite illis: Appropinquávit in vos regnum Dei.

Antiphona ad Offertorium Col. 1, 25 Christi factus sum ego mínister

secúndum dispensatióem Dei, quæ data est mihi, ut ímpleam verbum Dómini.

Secreta

Súscipe, Dómine, oblatiōem mundam salutáris hóstiæ: et præsta; ut, intercedente beáto Ioá-ne Confessóre tuo, ubique géntium iúgiter offerátur. Per Dóminum.

Pro Ss. Martyribus

Secreta

P

Obláta tibi, Dómine, múnera pópuli tui, pro tuórum honóre Sanctórum, súscipe propítius, quæsumus: et eórum nos intercessiōe sanctífica. Per Dóminum.

Antiphona ad Communionem Philipp. 3, 7 Quæ mihi fuérunt lucra, hæc arbitrátus sum propter Christum detriménta.

Postcommunio

Pretiósi Córporis et Sanguinis tui sacris refécti mystériis, Dómine, adprecámur: ut, beáti Ioánnis Confessóris tui exémplo, studeámus confitéri quod crédidit, et ópere exercére quod dócuit: Qui vivis.

Pro Ss. Martyribus

Postcommunio

P

Sumptis, Dómine, sacraméntis, quæsumus: ut, intercedéntibus beátis Martýribus tuis Dionýsio, Rústico et Eleuthério, ad redemptiōis æternæ proficiámus augméntum. Per Dóminum.

Eodem die 9 octobris

SS. DIONYSII EPISCOPI,
RUSTICI ET ELEUTHERII MM.

Commemoratio

Antiphona ad Introitum

Eccli. 44, 15 et 14

Sapiéntiam sanctórum narrent pópuli, et laudes eórum nún-tiet ecclésia: nómina autem

eórum vivent in sáculum sáculi. **Ps. 32, 1** Exsultáte, iusti, in Dómino: rectos decet collaudátio. **V.** Glória Patri.

Oratio

Deus, qui hodiérna die beátum Dionýsium Mártirem tuum atque Pontíficem, virtúte constántiæ in passiōe roborásti, quique illi, ad prædicándum géntibus glóriam tuam, Rústicum et Eleuthérium sociáre dignátus es: tribue nobis, quæsumus; eórum imitatiōne, pro amóre tuo próspera mundi despícere, et nulla eius advérsa formidáre. Per Dóminum.

Léctio Actuum Apostolórum.

Act. 17, 22-34

In diébus illis: Stans Paulus in médio Areopági, ait: Viri Athenienses, per ómnia quasi superstiosiores vos vídeo. Prætériens enim, et videns simulácra vestra, invéni et aram, in qua scriptum erat: Ignóto Deo. Quod ergo ignorántes cólitis, hoc ego annúntio vobis. Deus, qui fecit mundum, et ómnia, quæ in eo sunt, hic cæli et terræ cum sit Dóminus, non in manu-fáctis templis hábitat, nec mánibus húmanis cólitur indigens áliquo, cum ipse det ómnibus vitam, et inspiratiōem, et ómnia: fecítque ex uno omne genus hóminum inhabitáre super univérsam faciém terræ, definiens statúta témpora, et téminos habitatiōis eórum, quæ-rere Deum, si forte attréctent eum, aut invéniant, quamvis non longe sit ab unoquóque nostrum. In ipso enim vívimus et movémur, et sumus: sicut et quidam vestrórum poëtárum dixerunt: Ipsíus enim et genus sumus. Genus ergo cum simus Dei, non debémus æstimáre auro, aut argénto, aut lápidi, sculp-turæ artis et cogitatiōis hóminis, Divínium esse símile. Et témpora quidem huius ignorántiæ despiciens

Deus, nunc annúnciat homínibus ut omnes ubíque pæniténtiam agant, eo quod státuit diem, in quo iudicáturus est orbem in æquitáte, in viro, in quo státuit, fidem præbens ómnibus, súscitans eum a mórtuis. Cum audíssent autem resurrectiõnem mortuórum, quidam quidem irridébant, quidam vero dixerunt: Audiémus te de hoc íterum. Sic Paulus exívit de médio eórum. Quidam vero viri adhæréntes ei, credidérunt: in quibus et Dionýsius Areopagíta, et múlter nómine Dámaris, et álíi cum eis.

Graduale Ps. 123, 7-8 Anima nostra, sicut passer, erépta est de láqueo venántium. **V.** Láqueus contrítus est, et nos liberátí sumus: adiutórium nostrum in nómine Dómini, qui fecit cælum et terram.

Allelúia, allelúia. **V. Ps. 67, 4** Iusti epuléntur, et exsúltent in conspéctu Dei: et delecténtur in lætítia. Allelúia.

✠ Sequéntia sancti Evangélíi secúndum Lucam. **Luc. 12, 1-8**

In illo témpore: Dixit Iesus discipulis suis: Atténdite a ferménto pharisæórum, quod est hypócrisis. Nihil autem opértum est, quod non revelétur: neque abscónditum, quod non sciátur. Quóniam quæ in ténebris dixístis, in lúmine dicéntur: et quod in aurem locúti estis in cubiculis, prædicábitur in tectis. Dico autem vobis amícis meis: Ne terreámini ab his, qui occídunt corpus, et post hæc non habent ámplius quid fáciant. Osténdam autem vobis quem timeátis: timéte eum, qui postquam occiderit, habet potestátem mittere in gehénnam. Ita dico vobis, hunc timéte. Nonne quinque pásseres véneunt dipóndio, et unus ex illis non est in oblivióne coram Deo? Sed et capílli cápitis vestri omnes numerátí sunt. Nolíte ergo timére: multis passéribus plu-

ris estis vos. Dico autem vobis: Omnis quicúmque conféssus fúerit me coram homínibus, et Fílius hóminis confitébitur illum coram Angelis Dei.

In Missis votivis post Septuagesimam, in fine sequentis antiphonæ Allelúia omittitur.

Antiphona ad Offertorium Ps. 149, 5-6 Exsultábunt Sancti in glória, lætabúntur in cubilibus suis: exaltatiónes Dei in fáucibus eórum, allelúia.

Secreta

Obláta tibi, Dómine, múnera pópuli tui pro tuórum honóre Sanctórum, súscipe propítius, quæsumus: et eórum nos intercessióne sanctífica. Per Dóminum.

Antiphona ad Communionem Luc. 12, 4 Dico autem vobis amícis meis: ne terreámini ab his, qui vos persequúntur.

Postcommunio

Sumptis, Dómine, sacraméntis, quæsumus: ut, intercedéntibus beátis Martýribus tuis Dionýsio, Rústico et Eleuthério, ad redemptionis æternæ proficiámus augmentum. Per Dóminum.

Die 10 octobris

S. FRANCISCI BORGLÆ CONF.

III classis

Missa Os iusti, de **Communi Abbatum** (20), **cum orationibus ut infra:**

Oratio

P

Dómine Iesu Christe, veræ humilitátis et exémples et præmium: quæsumus; ut, sicut beátum Franciscum in terréni honóris contemptu imitatórem tui gloriósum effecísti, ita nos eiúsdem imitatio-nis et glóriæ tríbuas esse consórtes: Qui vivis.

Secreta

P

Sacris altáribus, Dómine, hóstias superpósitas sanctus Franciscus,

quæsumus, in salutem nobis provenire depóscat. Per Dóminum.

Postcommunio

Próteget nos, Dómine, cum tui perceptione sacraménti beátus

Francíscus, pro nobis intercedéndo: ut et conversatiónis eius experiámur insígnia, et intercessiόνis percipiámus suffrágia. Per Dóminum.

Die 11 octobris

MATERNITATIS B. MARIE VIRGINIS

II classis

Antiphona ad Introitum

Isai. 7, 14

Ecce, Virgo concípiet, et páriet filium, et vocábitur nomen eius Emmánuel. **Ps. 97, 1** Cantáte Dómino cánticum novum, quia mirabilia fecit. **V.** Glória Patri.

Oratio

Deus, qui de beátæ Mariæ Virginis útero Verbum tuum, Angelo nuntiánte, carnem suscipere voluísti: præsta supplicibus tuis; ut, qui vere eam Genetrícem Dei credimus, eius apud te intercessiόνibus adiuvémur. Per eúndem Dóminum.

Léctio libri Sapiéntiæ.

Eccli. 24, 23-31

Ego quasi vitis fructificávi suavitátem odóris: et flores mei, fructus honóris et honestátis. Ego mater pulchræ dilectiόνis, et timóris, et agnitiόνis, et sanctæ spei. In me grátia omnis viæ et veritátis: in me omnis spes vitæ et virtútis. Transíte ad me, omnes, qui concupiscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

Graduale Isai. 11, 1-2 Egrediétur virga de radíce Iesse, et flos de radíce eius ascéndet. **V.** Et requiescet super eum Spíritus Dómini.

Allelúia, allelúia. **V.** Virgo Dei Génatrix, quem totus non capit orbis, in tua se clausit víscera factus homo. Allelúia.

¶ In Missis votivis post Septuagesimam, omissis Allelúia, et versu sequenti, dicitur

Tractus Gaude, María Virgo, cunctas háereses sola interemísti. **V.** Quæ Gabriélis Archángeli dictis credidísti. **V.** Dum Virgo Deum et hóminem genuísti: et post partum, Virgo, invioláta permansísti. **V.** Dei Génatrix, intercéde pro nobis.

Tempore autem paschali omititur graduale, et eius loco dicitur

Allelúia, allelúia. **V. Num. 17, 8** Virga Iesse flóruit: Virgo Deum et hóminem genuit: pacem Deus réddidit, in se reconcílians ima summis. Allelúia. **V. Luc., 1 28** Ave, María, grátia plena: Dóminus tecum: benedícta tu in muliéribus. Allelúia.

✠ Sequéntia sancti Evangélíi secúndum Lucam.

Luc. 2, 43-51

In illo témpore: Cum redírent, remánsit puer Iesus in Ierúsalem, et non cognovérunt paréntes eius. Existimántes autem illum esse in

comitatu, venérunt iter diéi, et requirébant eum inter cognátos, et notos. Et non inveniéntes, regréssi sunt in Ierúsalem, requiréntes eum. Et factum est, post tríduum invénérunt illum in templo sedéntem in médio doctórum, audiéntem illos, et interrogántem eos. Stupébant autem omnes, qui eum audiébant, super prudéntia et respónsis eius. Et vidéntes admiráti sunt. Et dixit mater eius ad illum: Fili, quid fecísti nobis sic? ecce, pater tuus, et ego doléntes quærebámus te. Et ait ad illos: Quid est quod me quærebátis? nesciebátis quia in his, quæ Patris mei sunt, opórtet me esse? Et ipsi non intellexérunt verbum quod locútus est ad eos. Et descéndit cum eis, et venit Náza-reth: et erat súbditus illis.

Credo.

Antiphona ad Offertorium Matth. 1, 18 Cum esset desponsáta mater eius María Ioseph, invénta est in útero habens de Spíritu Sancto.

Secreta

Tua, Dómine, propitiatióne, et beátæ Mariæ semper Vírginis Unigéniti tui Matris intercessióne, ad perpétuam atque præsentem hæc oblátio nobis proficiat prosperitátem, et pacem. Per eúndem Dóminum.

Præfatio de B. Maria Virg. Et te in Festivitate.

Antiphona ad Communionem Beáta viscera Mariæ Vírginis, quæ portavérunt ætérni Patris Filium.

Postcommunio

Hæc nos commúnio, Dómine, purget a crímine: et, intercedente beáta Vírgine Dei Genetríce María, cæléstis remédii fáciat esse consórtes. Per eúndem Dóminum.

Die 13 octobris

S. EDUARDI REGIS, CONF.

III classis

Missa Os iusti, de **Communi Confessoris non Pontificis 1 loco** (20), præter orationem sequentem:

Oratio

P

Deus, qui beátum regem Eduárdum Confessórem tuum, æternitátis glória coronásti: fac nos, quæsumus; ita eum venerári in terris, ut cum eo regnáre possimus in cælis. Per Dóminum.

Secreta

C

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus, et futúris. Per Dóminum.

Postcommunio

C

Refécti cibo potúque cælésti, Deus noster, te súplices exorámus: ut, in cuius hæc commemoratióne percépimus, eius muniamur et précibus. Per Dóminum.

Die 14 octobris

S. CALLISTI I PAPÆ ET MART.

III classis

Missa Si díligis me, de **Communi unius aut plurium Summorum Pontificum** (1), cum orationibus ut infra:

Oratio

P

Deus, qui nos cónspicis ex nostra infirmitáte deficere: ad amórem tuum nos misericórditer per Sanctórum tuórum exémpa restáura. Per Dóminum.

Secreta

P

Mýstica nobis, Dómine, prosit oblátio: quæ nos et a reátibus nostris expédiat, et perpétua salvatióne confirmet. Per Dóminum.

Postcommunio P

Quæsumus, omnipotens Deus: ut reatus nostros múnera sacrata purificent, et recte vivendi nobis operentur effectum. Per Dóminum.

Die 15 octobris**S. TERESIÆ VIRGINIS****III classis**

Missa Dilexisti, **de Communi Virginum 3 loco** (27), **præter orationem sequentem:**

Oratio P

Exáudi nos, Deus salutáris noster: ut, sicut de beatæ Teresiæ Virginis tuæ festivitáte gaudémus; ita cælestis eius doctrínæ pábulo nutriámur, et piæ devotiõnis erudiámur afféctu. Per Dóminum.

Secreta C

Accépta tibi sit, Dómine, sacratæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxílium. Per Dóminum.

Postcommunio C

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

Die 16 octobris**S. HEDWIGIS VIDUÆ****III classis**

Missa Cognóvi, **de Communi non Virginum 2 loco** (31), **præter orationem sequentem:**

Oratio P

Deus, qui beatam Hedwígem a sæculi pompa ad húmílem tuæ crucis sequélam toto corde transíre docuísti: concéde; ut eius méritis et exémplo discámus peritúras mundi calcáre delicias, et in am-

pléxu tuæ Crucis ómnia nobis adversántia superáre: Qui vivis.

Secreta C

Accépta tibi sit, Dómine, sacratæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxílium. Per Dóminum.

Postcommunio C

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

Die 17 octobris**S. MARGARITÆ MARIÆ ALACQUE VIRGINIS****III classis****Antiphona ad Introitum****Cant. 2, 3**

Sub umbra illius quem desideráveram sedi: et fructus eius dulcis gútturi meo. **Ps. 83, 2-3** Quam dilécta tabernácula tua, Dómine virtútum: concupíscit et déficit ánima mea in átria Dómini. **Y.** Glória Patri.

Oratio

Dómine Iesu Christe, qui investigábiles divítias Cordis tui beatæ Margaritæ Mariæ Virgini mirabíliter revelásti: da nobis eius méritis et imitatióne; ut te in ómnibus, et super ómnia diligétes, iugem in eódem Corde tuo mansiónem habére mereámur. Qui vivis.

Léctio Epístolæ beáti Pauli Apóstoli ad Ephésios.

Ephes. 3, 8-9 et 14-19

Fratres: Mihi ómnium sanctórum mínimo data est grátia hæc, in géntibus evangelizáre investigábiles divítias Christi, et illumináre omnes, quæ sit dispensátio sacraménti absconditi a sæculis in Deo,

qui ómnia creávit. Huius rei grátia flecto génua mea ad Patrem Dómini nostri Iesu Christi, ex quo omnis patrénitas in cælis, et in terra nominátur, ut det vobis secúndum divítias glóriæ suæ, virtúte corroborári per Spíritum eius in interiorem hóminem: Christum habitáre per fidem in córdibus vestris: in caritaté radicáti, et fundáti, ut possítis comprehendere cum ómnibus sanctis, quæ sit latitúdo, et longitúdo, et sublímítás, et profúndum: scire étiam supereminéntem sciéntiæ caritatém Christi, ut impleámini in omnem plenitúdinem Dei.

Graduale Cant. 8, 7 Aquæ multæ non potuérunt exstinguere caritatem, nec flúmina óbruent illam. **¶ Ps. 72, 26** Defécit caro mea, et cor meum: Deus cordis mei, et pars mea Deus in ætérnum.

Allelúia, allelúia. **¶ Cant. 7, 10** Ego dilécto meo, et ad me convérsio eius. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Ps. 83, 3-4 Cor meum et caro mea exsultavérunt in Deum vivum. **¶** Etenim passer invénit sibi domum: et turtur nidum sibi, ubi ponat pullos suos. **¶** Altária tua, Dómine virtútum: Rex meus, et Deus meus.

Tempore autem paschali omititur graduale, et eius loco dicitur:

Allelúia, allelúia. **¶ Prov. 9, 5** Veníte, comédite panem meum, et bíbite vinum quod míscui vobis. Allelúia. **¶ Ps. 30, 20** Quam magna multitúdo dulcédinis tuæ, Dómine, quam abscondísti timéntibus te. Allelúia.

✠ Sequéntia sancti Evangélii secúndum Matthæum.

Matth. 11, 25-30

In illo témpore: Respóndens Iesus, dixit: Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis. Ita, Pater: quóniam sic fuit plácitum ante te. Omnia mihi trádicta sunt a Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me, omnes, qui laborátis, et oneráti estis, et ego reficiam vos. Tóllite iugum meum super vos, et díscite a me, quia mitis sum, et húmilis corde: et inveniétis réquiem animábus vestris. Iugum enim meum suáve est, et onus meum leve.

Antiphona ad Offertorium Zach. 9, 17 Quid bonum eius est, et quid pulchrum eius, nisi fruméntum electórum, et vinum gérmínans vírgines?

Secreta

Accépta tibi sint, Dómine, plebis tuæ múnera: et concéde; ut ignis ille divínus nos inflámmet, quo de Corde Fílii tui emísso, beáta Margaríta María veheménter æstuávit. Per eúndem Dóminum.

Antiphona ad Communionem Cant. 6, 2 Ego dilécto meo, et diléctus meus mihi, qui páscitur inter lília.

Postcommunio

Córpore et Sanguinis tui, Dómine Iesu, sumptis mystériis: concéde nobis, quæsumus, beáta Margaríta María Vírgine intercedente; ut, supérbis sáculi vanitátibus exútis, mansuetúdinem et humilitátem Cordis tui indúere mereámur: Qui vivis.

Die 18 octobris

S. LUCÆ EVANGELISTÆ

II classis

Antiphona ad Introitum

Ps. 138, 17

Mihi autem nimis honorāti sunt amici tui, Deus: nimis confortātus est principātus eórum. **Ps. ibid., 1-2** Dómine, probásti me, et cognovísti me: tu cognovísti sessiónem meam, et resurrectionem meam. **℣.** Glória Patri.

Oratio

Intervéniat pro nobis, quæsumus, Dómine, sanctus tuus Lucas Evangelísta, qui crucis mortificationem iúgiter in suo corpore, pro tui nóminis honóre, portávit. Per Dóminum.

Léctio Epístolæ beāti Pauli Apóstoli ad Corínthios.

2 Cor. 8, 16-24

Fratres: Grátias ago Deo, qui dedit eándem sollicitúdinem pro vobis in corde Titi, quóniam exhortationem quidem suscepit: sed cum sollicitior esset, sua voluntáte profectus est ad vos. Mísimus étiam cum illo fratrem, cuius laus est in Evangélio per omnes ecclésiās: non solum autem, sed et ordinātus est ab ecclésiis comes peregrinationis nostræ in hanc grátiam, quæ ministrátur a nobis ad Dómini glóriam, et destinátam voluntátem nostram: devitántes hoc, ne quis nos vitúperet in hac plenitúdine, quæ ministrátur a nobis. Providémus enim bona non solum coram Deo, sed étiam coram homínibus. Mísimus autem cum illis et fratrem nostrum, quem probávimus in multis sæpe sollicitum esse: nunc autem multo sollicitiorem, confidéntia multa in vos, sive pro Tito, qui est sócius meus, et in vos adiútor, sive

fratres nostri, Apóstoli ecclesiárum, glória Christi. Ostensiónem ergo, quæ est caritátis vestræ, et nostræ glóriæ pro vobis, in illos osténdite in faciém ecclesiárum.

Graduale Ps. 18, 5 et 2 In omnem terram exívit sonus eórum: et in fines orbis terræ verba eórum. **℣.** Cæli enarrant glóriam Dei: et ópera mánuum eius annúntiat firmaméntum.

Allelúia, allelúia. **℣. Ioann. 15, 16** Ego vos elégi de mundo, ut eátis, et fructum afferátis, et fructus vester máneat. Allelúia.

✠ Sequéntia sancti Evangélii secúndum Lucam.

Luc. 10, 1-9

In illo témpore: Designávit Dóminus et álios septuagínta duos: et misit illos binos ante faciém suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce, ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit filius pacis, requiescet super illum pax vestra: sin autem, ad vos revertétur. In eadém autem domo manéte, edéntes, et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quæ apponúntur

vobis: et curáte infirmos, qui in illa sunt, et dícite illis: Appropinquávit in vos regnum Dei.

Credo.

Antiphona ad Offertorium Ps. 138, 17 Mihi autem nimis honoráti sunt amíci tui, Deus: nimis confortátus est principátus eórum.

Secreta

Donis cæléstibus da nobis, quæsumus, Dómine, libera tibi mente servíre: ut múnera quæ deférimus, interveniente beáto Evangelísta tuo Luca, et medélam nobis operéntur, et glóriam. Per Dóminum.

Præfatio de Apostolis.

Antiphona ad Communionem Matth. 19, 28 Vos, qui secúti estis me, sedébitis super sedes, iudicántes duódecim tribus Israël.

Postcommunio

Præsta, quæsumus, omnipotens Deus: ut, quod de sancto altári tuo accépmus, précibus beáti Evangelístæ tui Lucæ sanctíficet ánimas nostras, per quod tuti esse possimus. Per Dóminum.

¶ **In Missis votivis post Septuagesimam, omnia dicuntur ut supra, sed post graduale, omissis Allelúia, et versu sequenti, dicitur**

Tractus Ps. 20, 3-4 Desidérium ánimæ eius tribuísti ei: et voluntáte labiórum eius non fraudásti eum. **V.** Quóniam prævenísti eum in benedictiónibus dulcédinis. **V.** Posuísti in cápite eius corónam de lápide pretióso.

Tempore autem paschali Missa Protexísti, de Communi Martyrum 1 loco (12), præter orationes, Epistolam et Evangelium ut supra.

Die 19 octobris

S. PETRI DE ALCANTARA CONF.

III classis

Antiphona ad Introitum

Ps. 91, 13-14

Iustus ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. **Ps. ibid., 2** Bonum est confitéri Dómino: et psállere nómini tuo, Altíssime. **V.** Glória Patri.

Oratio

Deus, qui beátum Petrum Confessórem tuum admirábilis pæniténtiæ et altíssimæ contemplatiónis múnere illustráre dignátus es: da nobis, quæsumus; ut, eius suffragántibus méritis, carne mortificáti, facílius cæléstia capiámus. Per Dóminum.

Léctio Epístolæ beáti Pauli Apóstoli ad Philippéenses.

Philipp. 3, 7-12

Fratres: Quæ mihi fuérunt lucra, hæc arbitrátus sum propter Christum detriménta. Verúmtamen exístimo ómnia detriméntum esse propter eminentem sciéntiam Iesu Christi Dómini mei: propter quem ómnia detriméntum feci, et árbitror ut stércora, ut Christum lucrifáciam, et invéniam in illo, non habens meam iustítiam, quæ ex lege est, sed illam, quæ ex fide est Christi Iesu: quæ ex Deo est iustítia in fide, ad cognoscéndum illum, et virtútem resurrectiósni eius, et societátem passiósni illius: configurátus morti eius: si quo modo occurrám ad resurrectiósni, quæ est ex mórtuis: non quod iam accéperim, aut iam perféctus sim: sequor autem, si quo modo comprehéndam, in quo et comprehénsus sum a Christo Iesu.

Graduale Ps. 36, 30-31 Os iusti meditabitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplantabúntur gressus eius.

Allelúia, allelúia. **V. Ps. III, 1** Beátus vir, qui timet Dóminum: in mandátis eius cupit nimis. Allelúia.

✠ **Sequéntia sancti Evangélíi secúndum Lucam.**

Luc. 12, 32-34

In illo témpore: Dixit Iesus discí-pulis suis: Nolíte timére, pusíllus grex, quia compláuit Patri vestro dare vobis regnum. Véndite quæ possidéti, et date eleemósy-nam. Fácite vobis sácculos, qui non veteráscunt, thesáurum non defi-ciéntem in cælis: quo fur non ap-própiat, neque tinea corrúmpit. Ubi enim thesáurus vester est, ibi et cor vestrum erit.

Antiphona ad Offertorium Ps. 20, 2-3 In virtúte tua, Dómine, lætábitur iustus, et super salutáre tuum exsultábit veheménter: desidé-rium ánimæ eius tribuísti ei.

Secreta

Præsta nobis, quæsumus, omní-potens Deus: ut nostræ humi-litátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Antiphona ad Communionem Matth. 19, 28 et 29 Amen dico vobis: quod vos, qui reliquístis ómnia, et secúti estis me, céntuplum accipiéti, et vitam ætérnam possidébíti.

Postcommunio

Quæsumus, omnípotens Deus: ut, qui cæléstia aliménta percépimus, intercedénte beáto Petro Confessóre tuo, per hæc contra ómnia advérsa muniámur. Per Dómi-num.

Die 20 octobris

S. IOANNIS CANTII CONF.

III classis

Antiphona ad Introitum

Eccli. 18, 12-13

Miserátio hóminis circa pró-ximum: misericórdia au-tem Dei super omnem carnem. Qui misericórdiam habet, docet, et érudit quasi pastor gregem suum. **Ps. 1, 1** Beátus vir, qui non ábiit in consílio impiórum, et in via peccatórum non stetit, et in cáthe-dra pestiléntiæ non sedit. **V.** Glória Patri.

Oratio

Da, quæsumus, omnípotens Deus: ut, sancti Ioánnis Con-fessóris exémplo in sciéntia Sanc-tórum proficiétes, atque áliis mi-sericórdiam exhibétes; eius mériti, indulgéntiam apud te conse-quámur. Per Dóminum.

Léctio Epístolæ beáti Iacóbi Apó-stoli.

Iac. 2, 12-17

Caríssimi: Sic loquímíni, et sic fácite sicut per legem libertátis incipiétes iudicári. Iudícium enim sine misericórdia illi, qui non fecit misericórdiam: superexáltat autem misericórdia iudícium. Quid próderit, fratres mei, si fidem quis dicat se habére, ópera autem non hábeat? Numquid póterit fides salváre eum? Si autem frater, et soror nudi sint, et indígeant victu quotidiano, dicat autem áliquis ex vobis illis: Ite in pace, calefacímíni, et saturámíni: non dedéritis autem eis, quæ neces-sária sunt córpori, quid próderit? Sic et fides, si non hábeat ópera, mórtua est in semetípsa.

Graduale Ps. 106, 8-9 Confiteántur Dómino misericórdiæ eius: et mi-rabília eius filiis hóminum. **V.** Quia satiávit ánimam inánem: et áni-mam esuriéntem satiávit bonis.

Allelúia, allelúia. **V. Prov. 31, 20** Manum suam aperuit inopi: et palmas suas extendit ad páuperem. Allelúia.

¶ In Missis votivis tempore paschali omittitur graduale, et eius loco dicitur:

Allelúia, allelúia. **V. Prov. 31, 20** Manum suam aperuit inopi: et palmas suas extendit ad páuperem. Allelúia. **V. Ps. III, 1** Beátus vir, qui timet Dóminum: in mandátis eius cupit nimis. Allelúia.

✠ Sequéntia sancti Evangélíi secúndum Lucam.

Luc. 12, 35-40

In illo témpore: Dixit Iesus discipulis suis: Sint lumbi vestri præcincti, et lucernæ ardentes in mánibus vestris, et vos símiles homínibus exspectántibus dóminum suum, quando revertátur a núptiis: ut, cum vénerit, et pulsáverit, conféstim apériant ei. Beáti servi illi, quos, cum vénerit dóminus, invénerit vigilántes: amen dico vobis, quod præcínget se, et fáciat illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non síneret pérfodi domum suam. Et vos estóte paráti: quia qua hora non putátis, Fílius hóminis véniet.

Antiphona ad Offertorium Iob 29, 14-16 Iustítia indútus sum, et vestívi me, sicut vestiménto et diadémate, iudício meo. Oculus fui cæco, et pes claudó: pater eram páuperum.

Secreta

Has, quæsumus, Dómine, hóstias sancti Ioánnis Confessóris tui méritis benígnus assúme: et præsta; ut te super ómnia, et omnes propter

te diligéntes, corde tibi et ópere placeámus. Per Dóminum.

Antiphona ad Communionem
Luc. 6, 38 Date, et dábitur vobis: mensúram bonam, et confértam, et coagitátam, et supereffluéntem dabunt in sinum vestrum.

Postcommunio

Pretiósi córporis et ságuinis tui, Dómine, pasti delíciis, tuam súpplices deprecámur cleméntiam: ut, sancti Ioánnis Confessóris tui méritis et exémpis, eiúsdem caritátis imitatóres effécti, consórtes simus et glóriæ: Qui vivis.

Die 21 octobris

S. HILARIONIS ABBATIS

Commemoratio

Missa Os iusti, **de Communi Abbatum** (23).

Oratio **C**

Intercéssio nos, quæsumus, Dómine, beáti Hilariónis Abbátis comméndet: ut, quod nostris méritis non valémus, eius patrocínio assequámur. (Per Dóminum.)

Deinde commemoratio Ss. Ursulæ et Sociarum Virginum et Martyrum:

Oratio **P**

Da nobis, quæsumus, Dómine Deus noster, sanctárum Virgínium et Mártyrum tuárum Ursulæ et Sociárum eius palmas incessábili devotióne venerári: ut, quas digna mente non póssumus celebráre, humílibus saltem frequentémus obséquiiis. Per Dóminum.

Secreta **C**

Sacris altáribus, Dómine, hóstias superpósitas sanctus Hilárion Abbas, quæsumus, in salútem nobis proveníre depóscat. (Per Dóminum.)

Pro Ss. Ursula et Soc.**Secreta****P**

Inténde, quæsumus, Dómine, múnera altáribus tuis pro sanctárum Vírginum et Mártýrum tuárum Ursulæ et Sociárum eius festivitáte propósita: ut, sicut per hæc beáta mystéria illis glóriam contulisti; ita nobis indulgéntiam largiáris. Per Dóminum.

Postcommunio**C**

Próteget nos, Dómine, cum tui perceptiône sacraménti beátus Hiláron Abbas, pro nobis intercedéndo: ut, et conversatiónis eius experiámur insígnia, et intercessiόνis percipiámus suffrágia. (Per Dóminum.)

Pro Ss. Ursula et Soc.**Postcommunio****P**

Præsta nobis, quæsumus, Dómine: intercedéntibus sanctis Virgínibus et Martýribus tuis Ursula et Sociábus eius; ut, quod ore contíngimus, pura mente capiámus. Per Dóminum.

Eodem die 21 octobris**SS. URSULÆ ET SOCIARUM VIRGINUM ET MARTYRUM****Commemoratio**

Missa Loquébar, **de Communi Virginum 1 loco** (24), **cum orationibus ut infra:**

Oratio**P**

Da nobis, quæsumus, Dómine Deus noster, sanctárum Virgínium et Mártýrum tuárum Ursulæ et Sociárum eius palmas incessábili devotiône venerári: ut, quas digna mente non póssumus celebráre, humílibus saltem frequentémus obséquii. Per Dóminum.

Secreta**P**

Inténde, quæsumus, Dómine, múnera altáribus tuis pro sanctárum Virgínium et Mártýrum tuárum

Ursulæ et Sociárum eius festivitáte propósita: ut, sicut per hæc beáta mystéria illis glóriam contulisti; ita nobis indulgéntiam largiáris. Per Dóminum.

Postcommunio**P**

Præsta nobis, quæsumus, Dómine: intercedéntibus sanctis Virgínibus et Martýribus tuis Ursula et Sociábus eius; ut, quod ore contíngimus, pura mente capiámus. Per Dóminum.

Die 23 octobris**S. ANTONII MARIE CLARET EPISCOPI ET CONFESSORIS****III classis**

Missa Sacerdótes tui, **de Communi Conf. Pont. 2 loco** (17), **præter orationem sequentem:**

Oratio**P**

Deus, qui beátum Antónium Mariám Confessórem tuum atque Pontíficem, apostólicis virtútibus sublimásti, et per eum novas in Ecclésia clericórum ac vírginum famílias collegísti: concéde, quæsumus; ut, eius dirigéntibus mónitis ac suffragántibus méritis, animárum salútem quærere iúgiter studeámus. Per Dóminum.

Secreta**C**

Sancti Antónii Mariæ Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum.

Postcommunio**C**

Deus, fidélium remunerátor animárum: præsta; ut beáti Antónii Mariæ Confessóris tui atque Pontíficis, cuius venerándam celebrámus festivitátem, précibus indulgéntiam consequámur. Per Dóminum.

Die 24 octobris

S. RAPHAELIS ARCHANGELI

III classis

Antiphona ad Introitum

Ps. 102, 20

Benedícite Dóminum, omnes Angeli eius: poténtes virtúte, qui fácitis verbum eius, ad audiéndam vocem sermónum eius. Ps. *ibid.*, 1 Benedic, ánima mea, Dómino: et ómnia, quæ intra me sunt, nómini sancto eius. V. Glória Patri.

Oratio

Deus, qui beátum Raphaélem Archángelum Tobíæ fámulo tuo cómitem dedísti in via: concéde nobis fámulis tuis; ut eiúsdem semper protegámur custódia, et muniámur auxilió. Per Dóminum.

Lectio libri Tobíæ

Tob. 12, 7-15

In diébus illis: Dixit Angelus Ráphaél ad Tobíam: Sacraméntum regis abscondere bonum est: ópera autem Dei reveláre et confitéri honoríficum est. Bona est orátio cum ieiúnio, et eleemósyna magis quam thesáuros auri recóndere: quóniam eleemósyna a morte liberat, et ipsa est, quæ purgat peccáta, et facit inveníre misericórdiam et vitam ætérnam. Qui autem faciunt peccátum, et iniquitátem, hostes sunt ánimæ suæ. Manifesto ergo vobis veritátem, et non abscondam a vobis occúltum sermónem. Quando orábas cum lácrimis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego obtuli oratióem tuam Dómino. Et quia accéptus eras Deo, necesse fuit ut tentátio probáret te. Et nunc misit me Dóminus ut curárem te, et Saram uxórem filii tui a dæmónio liberárem. Ego enim sum Ráphaél

Angelus, unus ex septem, qui astámus ante Dóminum.

Graduale Tob. 8, 3 Angelus Dómini Ráphaél apprehéndit, et ligávit dæmonem. V. Ps. 146, 5 Magnus Dóminus noster, et magna virtus eius.

Allelúia, allelúia. V. Ps. 137, 1-2 In conspéctu Angelórum psallam tibi: adorábo ad templum sanctum tuum, et confitébor nómini tuo, Dómine. Allelúia.

¶ In Missis votivis post Septuagesimam, omissis Allelúia, et versu sequenti, dicitur

Tractus Ps. 148, 2 Laudáte Dóminum, omnes Angeli eius: laudáte eum, omnes virtútes eius. V. Ps. 102, 21 Benedícite Dóminum, omnes virtútes eius: ministri eius, qui fácitis voluntátem eius.

Tempore autem paschali omititur graduale, et eius loco dicitur:

Allelúia, allelúia. V. Ps. 102, 1 Benedic, ánima mea, Dóminum: et, ómnia interióra mea, nomen sanctum eius. Allelúia. V. Tob. 3, 25; 5, 11 Missus est Angelus Dómini sanctus Ráphaél a Deo ad Tobíam, et salutávit eum, et dixit: Gáudium sit tibi semper. Allelúia.

✠ Sequéntia sancti Evangélli secúndum Ioánnem.

Ioann. 5, 1-4

In illo témpore: Erat dies festus Iudæórum, et ascéndit Iesus Ierosólymam. Est autem Ierosólymis Probática piscína, quæ cognominátur hebráice Bethsáida, quinque pórticus habens. In his iacébat multitúdo magna languéntium, cæcórum, claudórum, aridórum, exspectántium aquæ motum. Angelus autem Dómini descendébat secúndum tempus in piscínam, et movebátur aqua. Et qui prior descendísset in

piscinam post motiōnem aquæ, sanus fiēbat a quacūmq; detinebatur infirmitate.

Antiphona ad Offertorium Apoc. 8, 3 et 4 Stetit Angelus iuxta aram templi, habens thuribulum aureum in manu sua, et data sunt ei incensa multa: et ascendit fumus aromatum in conspectu Dei.

Secreta

Hóstias tibi, Dómine, laudis offerimus, suppliciter deprecantes: ut eásdem, angélico pro nobis interveniēte suffragio, et placatus

accípias, et ad salutem nostram proveníre concédas. Per Dóminum.

Antiphona ad Communionem Dan. 3, 58 Benedícite, omnes Angeli Dómini, Dóminum: hymnum dícite, et superexaltáte eum in sǎcula.

Postcommunio

Dirígere dignáre, Dómine Deus, in adiutórium nostrum sanctum Raphaélem Archángelum: et, quem tuæ maiestáti semper assistere crédimus, tibi nostras exiguas preces benedicéndas assígnat. Per Dóminum.

Dominica ultima octobris

D. N. IESU CHRISTI REGIS

I classis

Antiphona ad Introitum

Apoc. 5, 12; 1, 6

Dignus est Agnus, qui occisus est, accipere virtutem, et divinitatem, et sapientiam, et fortitudinem, et honorem. Ipsi glória, et impérium in sǎcula sæculórum. **Ps. 71, 1** Deus, iudícium tuum Regi da: et iustítiam tuam Fílio Regis. **V.** Glória Patri.

Oratio

Omnípotens sempitérne Deus, qui in dilécto Fílio tuo, universórum Rege, ómnia instauráre voluísti: concéde propítius; ut cunctæ familiæ géntium, peccáti vulnere disgregátæ, eius suavíssimo subdántur império: Qui tecum.

Et non fit commemoratio dominicæ.

Léctio Epístolæ beáti Pauli Apóstoli ad Colossénses.

Coloss. 1, 12-20

Fratres: Grátias ágimus Deo Patri, qui dignos nos fecit in partem sortis sanctórum in lúmīne, qui eripuit nos de potestáte tene-

brárum, et tránstulit in regnum Fílii dilectiōnis suæ, in quo habemus redemptionem per Sanguinem eius, remissionem peccatórum: qui est imágo Dei invisibilis, primogénitus omnis creatúræ: quóniam in ipso cóndita sunt univérſa in cælis, et in terra, visibília, et invisibília, sive throni, sive dominatiōnes, sive principátus, sive potestates: ómnia per ipsum et in ipso creáta sunt: et ipse est ante omnes, et ómnia in ipso constant. Et ipse est caput córporis Ecclésiæ, qui est princípium, primogénitus ex mórtuis: ut sit in ómnibus ipse primátum tenens: quia in ipso compláuit omnem plenitúdinem inhabitáre: et per eum reconciliáre ómnia in ipsum, pacíficans per Sanguinem crucis eius, sive quæ in terris, sive quæ in cælis sunt, in Christo Iesu Dómino nostro.

Graduale Ps. 71, 8 et 11 Dominábitur a mari usque ad mare: et a flúmine usque ad términos orbis terrárum. **V.** Et adorábunt eum omnes reges terræ: omnes gentes sérvient ei.

Allelúia, allelúia. **V. Dan. 7, 14** Potestas eius, potestas æterna, quæ non auferetur: et regnum eius, quod non corrumpetur. Allelúia.

¶ In Missis votivis post Septuagesimam, omissis Allelúia, et versu sequenti, dicitur

Tractus Ps. 88, 27-28 et 30 Ipse invocabit me: Pater meus es tu: Deus meus, et suscceptor salutis meæ. **V. Et ego primogénitum ponam illum, excelsum præ régibus terræ. V. Et ponam in sæculum sæculi semen eius: et thronum eius sicut dies cæli.**

Tempore autem paschali omititur graduale, et eius loco dicitur:

Allelúia, allelúia. **V. Dan. 7, 14** Potestas eius, potestas æterna, quæ non auferetur: et regnum eius, quod non corrumpetur. Allelúia. **V. Apoc. 19, 16** Habet in vestiménto et in fémore suo scriptum: Rex regum, et Dóminus dominántium. Allelúia.

✠ Sequéntia sancti Evangélíi secúndum Ioánnem.

Ioann. 18, 33-37

In illo témpore: Dixit Pilátus ad Iesum: Tu es Rex Iudæórum? Respóndit Iesus: A temetípso hoc dicis, an álíi dixerunt tibi de me? Respóndit Pilátus: Numquid ego Iudæus sum? Gens tua, et pontífices tradidérunt te mihi: quid fecísti? Respóndit Iesus: Regnum meum non est de hoc mundo. Si ex hoc mundo esset regnum meum, ministri mei útique decertárent, ut non tráderer Iudæis: nunc autem regnum meum non est hinc. Dixit itaque ei Pilátus: Ergo Rex es tu? Respóndit Iesus: Tu dicis, quia Rex sum ego. Ego in hoc natus sum, et ad hoc veni in mundum, ut testimoniúm perhíbeam veritáti: omnis qui est ex veritáte, audit vocem meam.

Credo.

Antiphona ad Offertorium Ps. 2, 8 Póstula a me, et dabo tibi gentes hereditátem tuam, et possessióem tuam términos terræ.

Secreta

Hóstiam tibi, Dómine, humánæ reconciliatiónis offérimus: præsta, quæsumus; ut quem sacrificiis præsentibus immolámus, ipse cunctis géntibus unitátis et pacis dona concédatur, Iesus Christus Fílius tuus Dóminus noster: Qui tecum vivit.

Et non fit commemoratio dominicæ.

Præfatio propria.

Antiphona ad Communionem Ps. 28, 10 et 11 Sedébit Dóminus Rex in ætérnum: Dóminus benedícet pópulo suo in pace.

Postcommunio

Immortalitátis alimóniam consecúti, quæsumus, Dómine: ut, qui sub Christi Regis vexíllis militáre gloriámur, cum ipso, in cælésti sede, iúgiter regnáre possímus: Qui tecum vivit.

Et non fit commemoratio dominicæ.

Die 25 octobris

**SS. CHRYSANTHI ET DARLÆ
MARTYRUM**

Commemoratio

Antiphona ad Introitum

Ps. 78, 11, 12 et 10

Intret in conspéctu tuo, Dómine, gémitus compeditórum: redde vicínis nostris séptuplum in sinu eórum: víndica sánguinem sanctórum tuórum, qui effúsus est. **Ps. ibid., 1** Deus, venérunt gentes in hereditátem tuam: polluérun templum sanctum tuum: posuérun Ierúsalem in pomórum custódiam. **V. Glória Patri.**

Oratio

Beatórum Mártyrum tuórum, Dómine, Chrysánthi et Daríæ, quæsumus, adsit nobis oratio: ut, quos venerámur obséquo, eórum pium iúgiter experiámur auxílium. Per Dóminum.

Léctio Epístolæ beáti Pauli Apóstoli ad Corínthios. **2 Cor. 6, 4-10**

Fratres: Exhibeámus nosmetípsos sicut Dei minístros in multa patiéntia, in tribulatió nibus, in necessitatibus, in angúst iis, in plagis, in carcér ibus, in sediti ó nibus, in labó ribus, in vigí liis, in ieiú niis, in castitáte, in sciéntia, in longanimitáte, in suavitate, in Spír itui Sancto, in caritaté non ficta, in verbo veritatís, in virtú te Dei, per arma iustíti æ a dextris, et a siní stris: per glóriam, et ignobilitátem: per infám iam, et bonam famam: ut seductó res, et verá ces: sicut qui ignó ti, et có gniti: quasi morié ntes, et ecce, ví vimus: ut castigá ti, et non mortificá ti: quasi tristes, semper autem gaudé ntes: sicut egé ntes, multos autem locupletá ntes: tamquam nihil habé ntes, et ó mnia posidé ntes.

Graduale Exodi 15, 11 Gloriósus Deus in sanctis suis: mirá bilis in maiestáte, fá ciens prodí gia. **V. Ibid., 6** Déxtera tua, Dómine, glorificá ta est in virtú te: déxtera manus tua confré git inimícos.

Allelúia, allelúia. **V. Eccli. 44, 14** Córpora sanctórum in pace sepúl ta sunt, et nó mina eórum vivent in generatió nem et generatió nem. Allelúia.

✠ Sequéntia sancti Evangé lii secú ndum Lucam. **Luc. 11, 47-51**

In illo témpore: Dicébat Iesus scribis et pharisæis: Væ vobis, qui ædificá tis monuménta prophetárum: patres autem vestri occidérunt illos. Profécto testificámini quod consentí tis opé ribus patrum vestró-

rum: quóniam ipsi quidem eos occidérunt, vos autem ædificá tis eórum sepúl cra. Proptérea et sapiéntia Dei dixit: Mittam ad illos prophetas et apóstolos, et ex illis occidént, et persequéntur: ut inquirátur sanguis ó mni um prophetárum, qui efúsus est a constitutió ne mundi a generatió ne ista, a sá nguine Abel usque ad sá nguinem Zachariæ, qui pé riit inter altá re et ædem. Ita dico vobis, requirétur ab hac generatió ne.

In Missis votivis post Septuagesimam, in fine sequentis antiphonæ Allelúia omittitur.

Antiphona ad Offertorium Ps. 67, 36 Mirá bilis Deus in sanctis suis: Deus Israél, ipse dabit virtú tem, et fortitú dinem plebi suæ: benedí ctus Deus, allelúia.

Secreta

Pópuli tui, quæsumus, Dómine, tibi grata sit hó stia, quæ in natalí ciis sanctórum Mártyrum tuórum Chrysánthi et Daríæ solém niter immolátur. Per Dóminum.

Antiphona ad Communionem Sap. 3, 4, 5 et 6 Et si coram homí nibus torménta passi sunt, Deus tentá vit eos: tamquam aurum in forná ce probá vit eos, et quasi holo cáusta accé pit eos.

Postcommunio

Mýsticis, Dómine, repléti sumus votis et gáudiis: præsta, quæsumus; ut intercessi ó nibus sanctórum Mártyrum tuórum Chrysánthi et Daríæ, quæ temporá liter ágimus, spirituá liter consequá mur. Per Dóminum.

Die 26 octobris

S. EVARISTI

PAPÆ ET MARTYRIS

Commemoratio

Missa Si dí ligis me, **de Communi unius aut plurium Summorum Pontificum** (I).

Oratio

C I

Gregem tuum, Pastor ætérne, placátus inténde: et per beátum Évarístum Mártyrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Secreta

C I

Oblátis munéribus, quæsumus, Dómine, Ecclésiám tuam benígnus illúmina: ut, et gregis tui

proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C I

Refectióne sancta enutrítam gubérna, quæsumus, Dómine, tuam placátus Ecclésiám: ut poténti moderatióne dirécta, et increménta libertátis accípiat; et in religiónis integritáte persístat. Per Dóminum.

Die 28 octobris

SS. SIMONIS ET IUDÆ APOSTOLORUM

II classis

Antiphona ad Introitum

Ps. 138, 17

Mihi autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2** Dómine, probásti me, et cognovísti me: tu cognovísti sessiόνem meam, et resurrectiόνem meam. **V.** Glória Patri.

Oratio

Deus, qui nos per beátos Apóstolos tuos Simónem et Iudam, ad agnitióem tui nóminis veníre tribuísti: da nobis eórum glóriam sempitérnam et proficiéndo celebráre, et celebrándo proficere. Per Dóminum.

Léctio Epístolæ beáti Pauli Apóstoli ad Ephésios.

Ephes. 4, 7-13

Fratres: Unicuíque nostrum data est grátia secúndum mensúram donatióis Christi. Propter quod dicit: Ascéndens in altum, capti-

vam duxit captivitátem: dedit dona homínibus. Quod autem ascéndit, quid est, nisi quia et descéndit primum in inferióres partes terræ? Qui descéndit, ipse est et qui ascéndit super omnes cælos, ut impléret ómnia. Et ipse dedit quosdam quidem apóstolos, quosdam autem prophétas, álios vero evangelistas, álios autem pastóres, et doctóres, ad consummatiόνem sanctórum in opus ministérii, in ædificatióem córporis Christi: donec occurrámus omnes in unitátem fidei, et agnitióis Filii Dei, in virum perféctum, in mensúram ætátis plenitúdinis Christi.

Graduale Ps. 44, 17-18 Constítues eos príncipes super omnem terram: mémoires erunt nóminis tui, Dómine. **V.** Pro pátribus tuis nati sunt tibi filii: proptérea pópuli confitebúntur tibi.

Allelúia, allelúia. **V. Ps. 138, 17** Nimis honoráti sunt amíci tui, Deus: nimis confortátus est principátus eórum. Allelúia.

✠ Sequéntia sancti Evangélii secúndum Ioánnem.

Ioann. 15, 17-25

In illo témpore: Dixit Iesus discí-
pulis suis: Hæc mando vobis, ut
diligátis ínvicem. Si mundus vos
odit: scitóte quia me priórem vobis
ódio hábuit. Si de mundo fuissétis:
mundus quod suum erat dilígeret:
quia vero de mundo non estis, sed
ego elégi vos de mundo, proptérea
odit vos mundus. Mementóte ser-
mónis mei, quem ego dixi vobis:
Non est servus maior dómīno suo.
Si me persecúti sunt, et vos perse-
quéntur: si sermónem meum serva-
vérunt, et vestrum servábunt. Sed
hæc ómnia fácient vobis propter
nomen meum: quia nésciunt eum,
qui misit me. Si non veníssem, et
locútus fuíssem eis, peccátum non
habérent: nunc autem excusatió-
nem non habent de peccáto suo.
Qui me odit: et Patrem meum odit.
Si ópera non fecíssem in eis, quæ
nemo álius fecit, peccátum non
habérent: nunc autem et vidérunt,
et odérunt et me, et Patrem meum.
Sed ut adimpleátur sermo, qui in
lege eórum scriptus est: Quia odio
habuérunt me gratis.

Credo.

Antiphona ad Offertorium Ps. 18,

5 In omnem terram exívit sonus
eórum: et in fines orbis terræ verba
eórum.

Secreta

Gloriam, Dómine, sanctorum
Apostolorum tuorum Simónis
et Iudæ perpétuam venerantes:
quæsumus; ut eam, sacris mystériis
expiáti, dígnius celebrémus. Per Dó-
minum.

Præfatio de Apostolis.

Antiphona ad Communionem

Matth. 19, 28 Vos, qui secúti estis
me, sedébitis super sedes, iudicán-
tes duódecim tribus Israël.

Postcommunio

Percéptis, Dómine, sacraméntis,
supplíciter exorámus: ut, in-
tercedéntibus beátis Apóstolis tuis
Simóne et Iuda, quæ pro illórum
veneránda gérimus passióne, nobis
proficiant ad medélam. Per Dómi-
num.

¶ In Missis votivis omnia di-
cuntur ut supra, sed post Septua-
gesimam, omissis Allelúia, et
versu sequenti, dicitur

Tractus Ps. 125, 5-6 Qui sémi-
nant in lácrimis, in gáudio me-
tent. V. Eúntes ibant et flebant,
mitténtes sémina sua. V. Venié-
ntes autem vénient cum exsulta-
tióne, portántes manípulos suos.

Tempore autem paschali Missa
Sancti tui, de Comuni Marty-
rum 2 loco (14), cum orationibus,
Epistola et Evangelio ut supra.

FESTA NOVEMBRIS

Die 1 novembris

IN FESTO
OMNIUM SANCTORUM

I classis

Antiphona ad Introitum

Gaudeamus omnes in Dómino, diem festum celebrantes sub honóre Sanctórum ómnium: de quorum solemnitate gaudent Angeli, et collaudant Fílium Dei. **Ps. 32, 1** Exsultáte, iusti, in Dómino: rectos decet collaudátio. **Ÿ.** Glória Patri.

Oratio

Omnípotens sempitérne Deus, qui nos ómnium Sanctórum tuórum mérita sub una tribuísti celebritáte venerári: quæsumus; ut desiderátam nobis tuæ propitiatiónis abundantiam, multiplicátis intercessóribus, largiáris. Per Dóminum.

Léctio libri Apocalýpsis beáti Ioánnis Apóstoli.

Apoc. 7, 2-12

In diébus illis: Ecce, ego Ioánnes vidi álterum Angelum ascendéntem ab ortu solis, habéntem signum Dei vivi: et clamávit voce magna quátuor Angelis, quibus datum est nocére terræ, et mari, dicens: Nolíte nocére terræ, et mari, neque arbóribus, quoadúsque signémus servos Dei nostri in fróntibus eórum. Et audívi númerum signatórum, centum quadragínta quátuor mília signáti, ex omni tribu filiórum Israël. Ex tribu Iuda duódecim mília signáti. Ex tribu Ruben duódecim mília signáti. Ex tribu Gad

duódecim mília signáti. Ex tribu Aser duódecim mília signáti. Ex tribu Néphtali duódecim mília signáti. Ex tribu Manásse duódecim mília signáti. Ex tribu Símeon duódecim mília signáti. Ex tribu Levi duódecim mília signáti. Ex tribu Issachar duódecim mília signáti. Ex tribu Zábulon duódecim mília signáti. Ex tribu Ioseph duódecim mília signáti. Ex tribu Béniamin duódecim mília signáti. Post hæc vidi turbam magnam, quam dinumeráre nemo póterat, ex ómnibus géntibus, et tríbubus, et pópulis, et linguis: stantes ante thronum, et in conspéctu Agni, amícti stolis albis, et palmæ in mánibus eórum: et clamábant voce magna, dicéntes: Salus Deo nostro, qui sedet super thronum, et Agno. Et omnes Angeli stabant in circúitu throni, et seniórurum, et quátuor animálium: et ceciderunt in conspéctu throni in fácies suas, et adoravérunt Deum, dicéntes: Amen. Benedíctio, et cláritas, et sapiéntia, et gratiárum áctio, honor, et virtus, et fortitúdo Deo nostro in sæcula sæculórum. Amen.

Graduale Ps. 33, 10 et 11 Timéte Dóminum, omnes sancti eius: quóniam nihil deest timéntibus eum. **Ÿ.** Inquiréntes autem Dóminum, non deficient omni bono.

Allelúia, allelúia. **Ÿ. Matth. 11, 28** Veníte ad me, omnes, qui laborátis, et oneráti estis: et ego reficiam vos. Allelúia.

✠ Sequéntia sancti Evangélíi secúndum Matthæum.

Matth. 5, 1-12

In illo témpore: Videns Iesus turbas, ascendit in montem, et cum sedísset, accessérunt ad eum discipuli eius, et apériens os suum, docébat eos, dicens: Beáti páuperes spíritu: quóniam ipsórum est regnum cælórum. Beáti mites: quóniam ipsi possidébunt terram. Beáti qui lugent: quóniam ipsi consolabúntur. Beáti qui esúriunt et sítiunt iustítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti qui persecutióem patiúntur propter iustítiam: quóniam ipsórum est regnum cælórum. Beáti estis cum maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte, et exsultáte, quóniam merces vestra copiósa est in cælis. Credo.

Antiphona ad Offertorium Sap. 3, 1-2 et 3 Iustórum ánimæ in manu Dei sunt, et non tanget illos tormentum malítiæ: visi sunt óculis insipientium mori: illi autem sunt in pace, allelúia.

Secreta

Múnera tibi, Dómine, nostræ devotiónis offérimus: quæ et pro cunctórum tibi grata sint honóre iustórum, et nobis salutária, te miseránte, reddántur. Per Dóminum.

Antiphona ad Communionem Matth. 5, 8-10 Beáti mundo corde, quóniam ipsi Deum vidébunt: beáti pacífici, quóniam filii Dei vocabúntur: beáti qui persecutióem patiúntur propter iustítiam, quóniam ipsórum est regnum cælórum.

Postcommunio

Da, quæsumus, Dómine, fidélibus pópulis ómnium Sanctórum semper veneratióne lætári: et eórum perpétua supplicatióne muníri. Per Dóminum.

MISSA

VOTIVA DE OMNIBUS SANCTIS

Extra tempus paschale:

Antiphona ad Introitum

Sap. 3, 8

Iudicant sancti gentes, et dominantur pópulis: et regnabit Dóminus Deus illórum in perpétuum. **Ps. 32, 1** Exsultáte, iusti, in Dómino: rectos decet collaudátio. **V.** Glória Patri.

Vel, tempore paschali:

Antiphona ad Introitum

Ps. 144, 10-11

Sancti tui, Dómine, benedícant te: glóriam regni tui dicent, allelúia, allelúia. **Ps. ibid., 1** Exaltábo te, Deus meus Rex: et benedícam nómini tuo in sáculum, et in sáculum sáculi. **V.** Glória Patri.

Oratio

Concéde, quæsumus, omnípotens Deus: ut intercéssio sanctæ Dei Genetrícis Mariæ, sanctorúmque ómnium Apostolórum, Mártyrum, Confessórum atque Vírginum et ómnium electórum tuórum, nos ubíque lætíficet; ut, dum eórum mérita recólimus, patrocínia sentiámus. Per eúndem Dóminum.

Epistola ut in festo 654.

Graduale Ps. 33, 10 et 11 Timéte Dóminum, omnes sancti eius: quóniam nihil deest timéntibus eum. **V.** Inquiréntes autem Dóminum non deficiunt omni bono.

Allelúia, allelúia. **V. Matth. 11, 28** Veníte ad me, omnes, qui laborátis, et oneráti estis: et ego reficiam vos. Allelúia.

Post Septuagesimam, omissis Allelúia, et versu sequenti, dicitur

Tractus Ps. 125, 5-6 Qui séminant in lácrimis, in gáudio metent. V. Eúntes ibant et flebant, mitténtes sémina sua. V. Veniéntes autem vénient cum exsultatióne, portántes manípulos suos.

Tempore autem paschali omititur graduale, et eius loco dicitur:

Allelúia, allelúia. V. Sancti tui, Dómine, florébunt sicut lílium: et sicut odor bálsami erunt ante te. Allelúia. V. Ps. 115, 15 Pretiósá in conspéctu Dómini mors sanctórum eius. Allelúia.

Evangelium ut in festo 655.

¶ Post Septuagesimam, in fine sequentis antiphonæ Allelúia omititur.

Antiphona ad Offertorium Sap. 3, 1-2 et 3 Iustórum ánimæ in manu Dei sunt, et non tanget illos torméntum malítiæ: visi sunt óculis insipiéntium mori: illi autem sunt in pace, allelúia.

Tempore paschali dicitur sequens Antiphona ad Offertorium Ps. 31, 11 Lætámini in Dómino, et exsul-

táte, iusti: et gloriámini, omnes recti corde, allelúia, allelúia.

Secreta

Oblátis, Dómine, placáre munéribus: et, intercedénte beáta María semper Vírgine, cum ómnibus Sanctis tuis, a cunctis nos defénde perículis. Per Dóminum.

Antiphona ad Communionem Matth. 5, 8-10 Beáti mundo corde, quóniam ipsi Deum vidébunt: beáti pacífici, quóniam filii Dei vocabúntur: beáti qui persecutiónem patiúntur propter iustítiam, quóniam ipsórum est regnum cælórum.

Tempore paschali dicitur sequens

Antiphona ad Communionem Ps. 32, 1 Gaudéte, iusti, in Dómino, allelúia: rectos decet collaudátio, allelúia.

Postcommunio

Súmpsimus, Dómine, beátæ Maríæ semper Vírginis et ómnium Sanctórum tuórum memóriam recoléntes, sacraménta cæléstia: præsta, quæsumus; ut, quod temporáliter gérimus, ætéris gáudiis consequámur. Per Dóminum.

Die 2 novembris
vel, si in dominicam inciderit, die 3 sequenti

IN COMMEMORATIONE OMNIUM FIDELIUM DEFUNCTORUM

I classis

Hoc die quivis sacerdos tres Missas celebrare potest. De agendis, si sacerdos eodem die duas vel tres Missas celebret, vide Ritum servandum in celebratione Missæ, tit. XIV.

Qui unam dumtaxat Missam celebrat, primam legit: eandem adhibet qui Missam cum cantu celebrat, facta ei potestate anticipandæ secundæ ac tertiæ. Cum quis tres Missas sine intermissione celebrat, sequentiam dicere debet tantum in Missa principali, secus in prima Missa; in ceteris Missis, nisi sint in cantu, eam omittere potest.

AD PRIMAM MISSAM

Antiphona ad Introitum

4 Esdr. 2, 34 et 35

Réquiem æternam dona eis, Dómine: et lux perpétua luceat eis. **Ps. 64, 2-3** Te decet hymnus, Deus, in Sion, et tibi reddétur votum in Ierúsalem: exáudi orationem meam, ad te omnis caro véniet.

Deinde absolute repetitur Réquiem æternam usque ad psalmum.

Oratio

Fidélium, Deus, ómnium cón-
ditor et redemptor: animábus
famulórum, famularúmque tuárum
remissionem cunctórum tríbue pec-
cátórum; ut indulgéntiam, quam
semper optavérunt, piis supplica-
tiónibus consequántur: Qui vivis.

Léctio Epístolæ beáti Pauli Apóstoli
ad Corínthios.

1 Cor. 15, 51-57

Fratres: Ecce, mystérium vobis
dico: Omnes quidem resurgé-
mus, sed non omnes immutábimur.
In moménto, in ictu óculi, in novís-
sima tuba: canet enim tuba, et
mórtui resúrgent incorrúpti: et nos

immutábimur. Opórtet enim cor-
ruptíbile hoc indúere incorrupti-
onem: et mortále hoc indúere im-
mortalitátem. Cum autem mortále
hoc indúerit immortalitátem, tunc
fiet sermo, qui scriptus est: Absór-
pta est mors in victória. Ubi est,
mors, victória tua? ubi est, mors,
stímulus tuus? Stímulus autem
mortis peccátum est: virtus vero
peccáti lex. Deo autem grátias, qui
dedit nobis victóriam per Dómi-
num nostrum Iesum Christum.

Graduale 4 Esdr. 2, 34 et 35 Ré-
quiem æternam dona eis, Dómine:
et lux perpétua luceat eis. **V. Ps.**
III, 7 In memória æterna erit
iustus: ab auditióne mala non timé-
bit.

Tractus Absólve, Dómine, áni-
mas ómnium Fidélium defunctó-
rum ab omni vínculo delictórum.
V. Et grátia tua illis succurrénte,
mereántur evádere iudícium ultió-
nis. **V.** Et lucis æternæ beatitúdine
pérfrui.

Sequentia

Dies iræ, dies illa,
Solvat sæclum in favilla:
Teste David cum Sibýlla.

Quantus tremor est futurus,
Quando iudex est venturus,
Cuncta stricte discussurus!

Tuba mirum spargens sonum
Per sepúlcras regiónum,
Coget omnes ante thronum.

Mors stupebit, et natura,
Cum resúrget creatúra,
Iudicánti responsúra.

Liber scriptus proferétur,
In quo totum continétur,
Unde mundus iudicétur.

Iudex ergo cum sedébit,
Quidquid latet, apparébit:
Nil inúltum remanébit.

Quid sum miser tunc dictúrus?
Quem patrónum rogáturus,
Cum vix iustus sit secúrus?

Rex treméndæ maiestátis,
Qui salvándos salvat gratis,
Salva me, fons pietátis.

Recordáre, Iesu pie,
Quod sum causa tuæ viæ:
Ne me perdas illa die.

Quærens me, sedísti lassus:
Redemísti Crucem passus:
Tantus labor non sit cassus.

Iuste iudex ultiónis,
Donum fac remissiónis
Ante diem ratiónis.

Ingemísco, tamquam reus:
Culpa rubet vultus meus:
Supplicánti parce, Deus.

Qui Mariám absolvísti,
Et latrónem exaudísti,
Mihi quoque spem dedísti.

Preces meæ non sunt dignæ:
Sed tu bonus fac benígne,
Ne perénni cremer igne.

Inter oves locum præsta,
Et ab hædis me sequéstra,
Státuens in parte dextra.

Confutátis maledíctis,
Flammis ácribus addíctis:
Voca me cum benedíctis.

Oro supplex, et acclínis,
Cor contrítum quasi cinis:
Gere curam mei finis.

Lacrimósa dies illa,
Qua resúrget ex favílla,
Iudicándus homo reus.

Huic ergo parce, Deus:
Pie Iesu Dómine,
Dona eis réquiem. Amen.

✠ Sequéntia sancti Evangélíi se-
cúndum Ioánnem.

Ioann. 5, 25-29

In illo témpore: Dixit Iesus turbis
Iudæórum: Amen, amen dico
vobis, quia venit hora, et nunc est,
quando mórtui áudient vocem Fílii
Dei: et qui audierint, vivent. Sicut
enim Pater habet vitam in semet-
ípso, sic dedit et Fílio habére vitam
in semetípso: et potestátem dedit
ei iudícium fácere, quia Fílius hó-
minis est. Nolíte mirári hoc, quia
venit hora, in qua omnes, qui in
monuméntis sunt, áudient vocem
Fílii Dei: et procèdent, qui bona
fecérunt, in resurrectionem vitæ:
qui vero mala egérunt, in resur-
rectionem iudícii.

Responsorium ad Offertorium

Dómine Iesu Christe, Rex glóriæ,
líbera ánimas ómnium Fidélium
defunctorum de pænis inférni, et
de profúndo lacu: líbera eas de
ore leónis, ne absorbent eas tártarus,
ne cadant in obscúrum: sed sígnifer
sanctus Michaél repræséntet eas in
lucem sanctam: * Quam olim Abra-
hæ promisísti, et sémini eius.
¶ Hóstias et preces tibi, Dómine,
laudis offérimus: tu súscipe pro
animábus illis, quarum hódie me-
móriam fácimus: fac eas, Dómine,
de morte transíre ad vitam. Quam
olim Abrahæ promisísti, et sémini
eius.

Secreta

Hóstias, quæsumus, Dómine,
quas tibi pro animábus famu-
lórum, famularúmque tuárum of-
férimus, propitiátus inténde: ut,
quibus fidei christiánæ méritum
contulísti, dones et præmium. Per
Dóminum.

Præfatio defunctorum.

Responsorium ad Communionem
4 Esdr. 2, 35 et 34 Lux ætérna lúceat eis, Dómine: * Cum Sanctis tuis in ætérnum: quia pius es. **℣.** Réquiem ætérnam dona eis, Dómine: et lux perpétua lúceat eis. **Cum Sanctis** tuis in ætérnum: quia pius es.

Postcommunio

Animábus, quæsumus, Dómine, famulórum, famularúmque tuárum orátio proficiat supplicántium: ut eas et a peccátis ómnibus

éxuas, et tuæ redemptionis fácias esse partícipes: Qui vivis.

¶ **Debet sacerdos ante sequentes Missas confessionem dicere. In fine autem cuiuslibet Missæ, dicto Dóminus vobíscum, dicitur:** Requiescant in pace. **R.** Amen.

¶ **Et non datur benedictio: sed dicto secreto** Pláceat tibi, sancta Trínitas, etc., et osculato altari, **legitur Evangelium S. Ioannis** In principio erat Verbum, etc., **ut moris est.**

AD SECUNDAM MISSAM

Antiphona ad Introitum

4 Esdr. 2, 34 et 35

Réquiem ætérnam dona eis, Dómine: et lux perpétua lúceat eis. **Ps. 64, 2-3** Te decet hymnus, Deus, in Sion, et tibi reddétur votum in Ierúsalem: exáudi oratióem meam, ad te omnis caro véniet. **R.** Réquiem ætérnam.

Oratio

Deus, indulgentiárum Dómine: da animábus famulórum, famularúmque tuárum refrigerií sedem, quiétis beatitúdinem, et lúminis claritátem. Per Dóminum.

Léctio libri Machabæórum.

2 Mach. 12, 43-46

In diébus illis: Vir fortíssimus Iudas, facta collatióne, duódecim mília drachmas argénti misit Ierosólymam, offérri pro peccátis mortuórum sacrificium, bene et religiósse de resurrectione cógitans (nisi enim eos, qui cecíderant, resurrectúros speráret, supérfluum viderétur, et vanum oráre pro mórtuis): et quia considerábat quod hi, qui cum pietáte dormitióem accéperant, óptimam habérent repósitam grátiam. Sancta ergo, et salúbris est cogitátio pro defúctis exoráre, ut a peccátis solvántur.

Graduale 4 Esdr. 2, 34 et 35 Réquiem ætérnam dona eis, Dómine: et lux perpétua lúceat eis. **℣. Ps. 111, 7** In memória ætérna erit iustus: ab auditióne mala non timébit.

Tractus Absólve, Dómine, ánimas ómnium Fidélium defunctórum ab omni vínculo delictórum. **℣.** Et grátia tua illis succurrénte, mereántur evádere iudiciú ultiónis. **℣.** Et lucis ætérnæ beatitúdine pérfrui.

Sequentia

Dies iræ, dies illa,
 Solvet sæclum in favilla:
 Teste David cum Sibýlla.

Quantus tremor est futúrus,
 Quando iudex est ventúrus,
 Cuncta stricte discussúrus!

Tuba mirum spargens sonum
 Per sepúlcrá regiónum,
 Coget omnes ante thrónum.

Mors stupébit, et natúra,
 Cum resúrget creatúra,
 Iudicánti responsúra.

Liber scriptus proferétur,
 In quo totum continétur,
 Unde mundus iudicétur.

Iudex ergo cum sedébit,
 Quidquid latet, apparebit:
 Nil inúltum remanébit.

Quid sum miser tunc dictúrus?
 Quem patrónum rogatúrus,
 Cum vix iustus sit secúrus?

Rex treméndæ maiestátis,
Qui salvándos salvas gratis,
Salva me, fons pietátis.

Recordáre, Iesu pie,
Quod sum causa tuæ viæ:
Ne me perdas illa die.

Quærens me, sedísti lassus:
Redemísti Crucem passus:
Tantus labor non sit cassus.

Iuste iudex ultiónis,
Donum fac remissionis
Ante diem ratiónis.

Ingemísco, tamquam reus:
Culpa rubet vultus meus:
Supplicánti parce, Deus.

Qui Mariám absolvísti,
Et latrónem exaudísti,
Mihi quoque spem dedísti.

Preces meæ non sunt dignæ:
Sed tu bonus fac benígne,
Ne perénni cremer igne.

Inter oves locum præsta,
Et ab hædis me sequéstra,
Státuens in parte dextra.

Confutátis maledíctis,
Flammis ácribus addíctis:
Voca me cum benedíctis.

Oro supplex, et acclínis,
Cor contrítum quasi cinis:
Gere curam mei finis.

Lacrimósa dies illa,
Qua resúrget ex favílla,
Iudicándus homo reus.

Huic ergo parce, Deus:
Pie Iesu Dómine,
Dona eis réquiem. Amen.

✠ Sequéntia sancti Evangélíi se-
cúndum Ioánnem.

Ioann. 6, 37-40

In illo témpore: Dixit Iesus turbis
Iudæórum: Omne, quod dat mihi
Pater, ad me véniet: et eum, qui
venit ad me, non eíciam foras: quia
descénderi de cælo, non ut fáciam
voluntátem meam, sed voluntátem
eius, qui misit me. Hæc est autem
volúntas eius, qui misit me, Patris:

ut omne, quod dedit mihi, non per-
dam ex eo, sed resúscitem illud in
novíssimo die. Hæc est autem vo-
lúntas Patris mei, qui misit me: ut
omnis, qui videt Fílium, et credit
in eum, hábeat vitam ætérnam, et
ego resuscitábo eum in novíssimo
die.

Responsorium ad Offertorium

Dómine Iesu Christe, Rex glóriæ,
libera ánimas ómnium Fidélium
defunctórum de pænis inférni, et
de profúndo lacu: libera eas de ore
leónis, ne absórbeat eas tártarus,
ne cadant in obscúrum: sed sígnifer
sanctus Míchaël repræséntet eas in
lucem sanctam: * Quam olim Abra-
hæ promisísti, et sémini eius.
¶ Hóstias et preces tibi, Dómine,
laudis offérimus: tu súscipe pro
animábus illis, quarum hódie me-
móriam fácimus: fac eas, Dómine,
de morte transíre ad vitam. Quam
olim Abrahæ promisísti, et sémini
eius.

Secreta

Propitiáre, Dómine, supplicatió-
nibus nostris, pro animábus fa-
mulórum, famularúmque tuárum,
pro quibus tibi offérimus sacrifi-
cium laudis: ut eas Sanctórum tuó-
rum consórtio sociáre dignéris. Per
Dóminum.

Præfatio defunctorum.

Responsorium ad Communionem

4 Esdr. 2, 35 et 34 Lux æténa lúceat
eis, Dómine: * Cum Sanctis tuis in
ætérnum: quia pius es. ¶ Réquiem
ætérnam dona eis, Dómine: et lux
perpétua lúceat eis. Cum Sanctis
tuis in ætérnum: quia pius es.

Postcommunio

Præsta, quæsumus, Dómine: ut
ánimæ famulórum, famula-
rúmque tuárum, his purgátæ sacri-
ficiis, indulgéntiam páriter et ré-
quiem cápíant sempitérnam. Per
Dóminum.

AD TERTIAM MISSAM

Antiphona ad Introitum

4 Esdr. 2, 34 et 35

Réquiem ætérnam dona eis,
Dómine: et lux perpétua lú-
ceat eis. **Ps. 64, 2-3** Te decet
hymnus, Deus, in Sion, et tibi red-
détur votum in Ierúsalem: exáudi
oratióem meam, ad te omnis caro
véniat. **Réquiem ætérnam.**

Oratio

Deus, vénia largítor, et humánæ
salútis amátor: quæsumus clem-
éntiam tuam; ut ánimas famuló-
rum, famularúmque tuárum, quæ
ex hoc sæculo transiérunt, beáta
María semper Vírgine intercedénte
cum ómnibus Sanctis tuis, ad per-
pétuæ beatitúdinis consórtium per-
veníre concédas. Per Dóminum.

Léctio libri Apocalýpsis beáti Ioán-
nis Apóstoli.

Apoc. 14, 13

In diébus illis: Audívi vocem de
cælo, dicéntem mihi: Scribe:
Beáti mórtui, qui in Dómino mo-
riúntur. Amodo iam dicit Spíritus,
ut requiéscent a labóribus suis:
ópera enim illórum sequúntur illos.

Graduale 4 Esdr. 2, 34 et 35 Ré-
quiem ætérnam dona eis, Dómine:
et lux perpétua lúceat eis. **V. Ps. III,**
7 In memória ætérna erit iustus: ab
auditióne mala non timébit.

Tractus Absólve, Dómine, ánimas
ómnium Fidélium defunctorum ab
omni vínculo delictórum. **V.** Et grá-
tia tua illis succurrénte, mereántur
evádere iudícium uliónis. **V.** Et
lucis ætérnæ beatitúdine pérfrui.

Sequentia

Dies iræ, dies illa,
Solvat sæclum in favílla:
Teste David cum Sibýlla.

Quantus tremor est futúrus,
Quando iudex est ventúrus,
Cuncta stricte discussúrus!

Tuba mirum spargens sonum
Per sepúlcræ regiónum,
Coget omnes ante thrónum.

Mors stupébit, et natúra,
Cum resúrget creatúra,
Iudicánti responsúra.

Liber scriptus proferétur,
In quo totum continétur,
Unde mundus iudicétur.

Iudex ergo cum sedébit,
Quidquid latet, apparébit:
Nil inúltum remanébit.

Quid sum miser tunc dictúrus?
Quem patrónum rogáturus,
Cum vix iustus sit secúrus?

Rex treméndæ maiestátis,
Qui salvándos salvat gratis,
Salva me, fons pietátis.

Recordáre, Iesu pie,
Quod sum causa tuæ viæ:
Ne me perdas illa die.

Quærens me, sedísti lassus:
Redemísti Crucem passus:
Tantus labor non sit cassus.

Iuste iudex uliónis,
Donum fac remissiόνis
Ante diem ratiónis.

Ingemísco, tamquam reus:
Culpa rubet vultus meus:
Supplicánti parce, Deus.

Qui Mariám absolvísti,
Et latrónem exaudísti,
Mihi quoque spem dedísti.

Preces meæ non sunt dignæ:
Sed tu bonus fac benigne,
Ne perénni cremer igne.

Inter oves locum præsta,
Et ab hædis me sequéstra,
Státuens in parte dextra.

Confutátis maledíctis,
Flammis ácribus addíctis:
Voca me cum benedíctis.

Oro supplex, et acclínis,
Cor contrítum quasi cinis:
Gere curam mei finis.

Lacrimósa dies illa,
Qua resúrget ex favílla,
Iudicándus homo reus.

Huic ergo parce, Deus:
Pie Iesu Dómine,
Dona eis réquiem. Amen.

✠ Sequéntia sancti Evangélii se-
cúndum Ioánnem.

Ioann. 6, 51-55

In illo témpore: Dixit Iesus turbis Iudæórum: Ego sum panis vivus, qui de cælo descéndi. Si quis manducáverit ex hoc pane, vivet in ætérnum: et panis, quem ego dabo, caro mea est pro mundi vita. Litigábant ergo Iudæi ad ínvicem, dicétes: Quómodo potest hic nobis carnem suam dare ad manducándum? Dixit ergo eis Iesus: Amen, amen dico vobis: nisi manducavéritis carnem Fílii hóminis, et bibéritis eius ságuinem, non habébitis vitam in vobis. Qui mandúcat meam carnem, et bibit meum ságuinem, habet vitam ætérnam: et ego resuscitábo eum in novíssimo die.

Responsorium ad Offertorium
Dómine Iesu Christe, Rex glóriæ, líbera ánimas ómnium Fidélium defunctorum de pænis inférni, et de profúndo lacu: líbera eas de ore leónis, ne absórbeat eas tártarus, ne cadant in obscúrum: sed sígnifer sanctus Míchaël repræséntet eas in lucem sanctam: * Quam olim Abrahæ promísisti, et sémini eius. **V.** Hóstias et preces tibi, Dómine, laudis offérimus: tu súscepe pro animábus illis, quarum hódie memóriam fácimus: fac eas, Dómine, de morte transíre ad vitam. **Q**uam olim Abrahæ promísisti, et sémini eius.

Secreta

Deus, cuius misericórdiæ non est númerus, súscepe propítius preces humilitátis nostræ: et animábus ómnium Fidélium defunctorum, quibus tui nóminis dedísti confessiónem, per hæc sacraménta salútis nostræ, cunctórum remissió-

nem tríbue peccatórum. Per Dóminum.

Præfatio defunctorum.

Responsorium ad Communionem
4 Esdr. 2, 35 et 34 Lux ætérna lúceat eis, Dómine: * Cum Sanctis tuis in ætérnum: quia pius es. **V.** Réquiem ætérnam dona eis, Dómine: et lux perpétua lúceat eis. **Cum Sanctis** tuis in ætérnum: quia pius es.

Postcommunio

Præsta, quæsumus, omnípotens et miséricors Deus: ut ánimæ famulórum, famularúmque tuárum, pro quibus hoc sacrificium laudis tuæ obtúlimus maiestáti; per huius virtútem sacraménti a peccátis ómnibus expiátæ, lucis perpétuæ, te miseránte, recípiant beatitúdinem. Per Dóminum.

Die 4 novembris

S. CAROLI EP. ET CONF.

III classis

Missa Státuit, de Communi Confessoris Pontificis i loco (16), præter orationem sequentem:

Oratio **P**

Ecclésiám tuam, Dómine, sancti Cároli Confessoris tui atque Pontíficis contínua protectióne custódi: ut, sicut illum pastorális sollicitúdo gloriósum réddidit; ita nos eius intercéssio in tuo semper fáciat amóre fervétes. Per Dóminum.

Et fit commemoratio Ss. Vitalis et Agricolæ Martyrum:

Oratio **P**

Præsta, quæsumus, omnípotens Deus: ut, qui sanctorum Mártyrum tuórum Vitális et Agricolæ solémnia cólimus, eórum apud te intercessiónibus adiuvémur. Per Dóminum.

Secreta

C

Sancti tui, quæsumus, Dómine, nos ubique lætificent: ut, dum eórum mérita recólimus, patrocínia sentiámus. Per Dóminum.

Pro Ss. Vitale et Agricola**Secreta**

C

Oblátis, quæsumus, Dómine, placáre munéribus: et, intercedéntibus sanctis Martýribus tuis Vitále et Agrícola, a cunctis nos defénde perículis. Per Dóminum.

Postcommunio

C

Præsta, quæsumus, omnípotens Deus, ut, de percéptis munéribus grátias exhibéntes, intercedénte beáto Cárolo Confessóre tuo atque Pontífice, beneficia potióra sumámus. Per Dóminum.

Pro Ss. Vitale et Agricola**Postcommunio**

C

Hæc nos commúnio, Dómine, purget a crimine: et, intercedéntibus sanctis Martýribus tuis Vitále et Agrícola, cæléstis remédii fáciat esse consórtes. Per Dóminum.

Eodem die 4 novembris**SS. VITALIS ET AGRICOLÆ
MARTYRUM****Commemoratio****Antiphona ad Introitum****Eccli. 44, 15 et 14**

Sapiéntiam sanctórum narrent pópuli, et laudes eórum nún-tiet ecclésia: nómina autem eórum vivent in sáculum sáculi. **Ps. 32, 1** Exsultáte, iusti, in Dómino: rectos decet collaudátio. **V.** Glória Patri.

Oratio

Præsta, quæsumus, omnípotens Deus: ut, qui sanctórum Mártyrum tuórum Vitális et Agricolæ solémnia cólimus, eórum apud te

intercessiόνibus adiuvémur. Per Dóminum.

Léctio Epístolæ beáti Pauli Apóstoli ad Hebræos.

Hebr. 10, 32-38

Fratres: Rememorámini prístinos dies, in quibus illumináti, magnum certámen sustinuístis passiόνum: et in áltero quidem oppróbriis, et tribulatiόνibus spectáculum facti: in áltero autem sócii tá-liter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliorem, et manéntem substántiam. Nolíte itaque amíttere confidéntiam vestram, quæ magnam habet remuneratióne. Patiéntia enim vobis necessária est: ut voluntátem Dei faciéntes, reportétis promissióne. Adhuc enim módicum aliquántulum, qui ventúrus est, véniet, et non tardábit. Iustus autem meus ex fide vivit.

Graduale Ps. 123, 7-8 Anima nostra, sicut passer, erépta est de láqueo venántium. **V.** Láqueus contrítus est, et nos liberáti sumus: adiutórium nostrum in nómine Dómini, qui fecit cælum et terram.

Allelúia, allelúia. **V. Ps. 67, 4** Iusti epuléntur, et exsúltent in conspéctu Dei: et delecténtur in lætítia. Allelúia.

✠ Sequéntia sancti Evangélii secúndum Matthæum.

Matth. 16, 24-27

In illo témpore: Dixit Iesus discí-pulis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómíni, si mundum univérsum lucrétur, ánimæ vero

suæ detriméntum patiátur? Aut quam dabit homo commutatióem pro ánima sua? Fílius enim hóminis ventúrus est in glória Patris sui cum Angelis suis: et tunc reddet unicuíque secúndum ópera eius.

In Missis votivis post Septuagesimam, in fine sequentis antiphonæ Allelúia omittitur.

Antiphona ad Offertorium Ps. 149, 5-6 Exsultábunt sancti in glória, lætabúntur in cubílibus suis: exaltatióes Dei in fáucibus eórum, allelúia.

Secreta

Coblátis, quæsumus, Dómine, placáre munéribus: et, intercedéntibus sanctis Martýribus tuis Vitále et Agrícola, a cunctis nos defénde perículis. Per Dóminum.

Antiphona ad Communionem Luc. 12, 4 Dico autem vobis amícis meis: Ne terreámini ab his, qui vos persecúntur.

Postcommunio

CHæc nos commúnio, Dómine, purget a crímine: et, intercedéntibus sanctis Martýribus tuis Vitále et Agrícola, cæléstis remédii fáciat esse consórtes. Per Dóminum.

Die 8 novembris

SS. QUATUOR CORONATORUM MARTYRUM

Commemoratio

Antiphona ad Introitum

Ps. 78, 11, 12 et 10

Intret in conspéctu tuo, Dómine, gémitus compeditórum: redde vicínis nostris séptuplum in sinu eórum: víndica sánguinem sanctórum tuórum, qui effúsus est.

Ps. ibid., 1 Deus, venérunt gentes in hereditátem tuam, polluérunt templum sanctum tuum: posuérunt Ierúsalem in pomórum custódiam. **V.** Glória Patri.

Oratio

Præsta, quæsumus, omnipotens Deus: ut, qui gloriósos Mártyres fortes in sua confessióne cognóvimus, pios apud te in nostra intercessióne sentiámus. Per Dóminum.

Lectio Epístolæ beati Pauli Apóstoli ad Hebræos. Hebr. 11, 33-39

Fratres: Sancti per fidem vicérunt regna, operáti sunt iustítiam, adépti sunt repromissióes, obturavérunt ora leónum, exstinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra vertérunt exterórum: accepérunt mulieres de resurrectione mórtuos suos: álii autem disténti sunt, non suscipiéntes redemptionem, ut meliorem invenírent resurrectionem: álii vero ludíbria, et vérbera expérti, ínsuper et víncula, et cárceres: lapidáti sunt, secti sunt, tentáti sunt, in occisióne gládii mórtui sunt: circuiérunt in melótis, in pél-libus caprínis, egéntes, angustiáti, afflícti: quibus dignus non erat mundus: in solitudínibus errántes, in móntibus, et spelúncis, et in cavérnis terræ. Et hi omnes testimónio fidei probáti, invénti sunt in Christo Iesu Dómino nostro.

Graduale Exodi 15, 11 Gloriósus Deus in sanctis suis: mirábilis in maiestáte, fáciens prodígia. **V. Ibid., 6** Délixtera tua, Dómine, glorificáta est in virtúte: dexτέρα manus tua confrégit inimícos.

Allelúia, allelúia. V. Eccli. 44, 14 Córpora sanctórum in pace sepúlta sunt, et nómina eórum vivent in generatióem et generatióem. **Allelúia.**

✠ Sequéntia sancti Evangélíi secúndum Matthæum.

Matth. 5, 1-12

In illo témpore: Videns Iesus turbas, ascéndit in montem, et cum

sedisset, accesserunt ad eum discipuli eius, et aperiens os suum, docebat eos, dicens: Beati pauperes spiritu: quoniam ipsorum est regnum celorum. Beati mites: quoniam ipsi possidebunt terram. Beati qui lugent: quoniam ipsi consolabuntur. Beati qui esuriunt et sitiunt iustitiam: quoniam ipsi saturabuntur. Beati misericordes: quoniam ipsi misericordiam consequentur. Beati mundo corde: quoniam ipsi Deum videbunt. Beati pacifici: quoniam filii Dei vocabuntur. Beati qui persecutionem patiuntur propter iustitiam: quoniam ipsorum est regnum celorum. Beati estis cum maledixerint vobis, et persecuti vos fuerint, et dixerint omne malum adversum vos, mentientes, propter me: gaudete, et exultate, quoniam merces vestra copiosa est in caelis.

In Missis votivis post Septuagesimam in fine sequentis antiphonæ Allelúia omittitur.

Antiphona ad Offertorium Ps. 67, 36 Mirabilis Deus in sanctis suis: Deus Israël, ipse dabit virtutem, et fortitudinem plebi suæ: benedictus Deus, allelúia.

Secreta

Benedictio tua, Dómine, larga descendat: quæ et múnера nostra, deprecántibus sanctis Mártýribus tuis, tibi reddat accépta, et nobis sacraméntum redemptionis efficiat. Per Dóminum.

Antiphona ad Communionem Sap. 3, 4, 5 et 6 Et si corám homínibus tormenta passi sunt, Deus tentávit eos: tamquam aurum in fornáce probávit eos, et quasi holocausta accépit eos.

Postcommunio

Cæléstibus refécti sacraméntis et gáudiis: súpplíces te, Dómine, deprecámur; ut quorum gloriámur triúmphis, protegámur auxiliis. Per Dóminum.

Die 9 novembris

IN DEDICATIONE ARCHIBASILICÆ SSMI SALVATORIS

II classis

Missa Terríbilis, de Communi Dedicationis ecclesiæ (33). Et fit commemoratio S. Theodori Mart., ut in Missa sequenti; ac dicitur Credo.

Eodem die 9 novembris
S. THEODORI MARTYRIS

Commemoratio

Missa Lætábitur, de Communi unius Martyris 4 loco (6), cum orationibus ut infra:

Oratio

P

Deus, qui nos beáti Theodóri Mártýris tui confessióne gloriósa circúmdas et prótegis: præsta nobis ex eius imitatioe proficere, et oratioe fulcír. Per Dóminum.

Secreta

P

Súscipe, Dómine, fidélium preces cum oblatiónibus hostiárum: et, intercedente beáto Theodóro Mártýre tuo, per hæc piæ devotiósni officia ad cæléstem glóriam transeámus. Per Dóminum.

Postcommunio

P

Præsta nobis, quæsumus, Dómine: intercedente beáto Theodóro Mártýre tuo; ut, quod ore contíngimus, pura mente capiámus. Per Dóminum.

Die 10 novembris

S. ANDREÆ AVELLINI CONF.

III classis

Missa Os iusti, de Communi Confessoris non Pontificis 1 loco (20), præter orationem sequentem:

Oratio

P

Deus, qui in corde beāti Andréæ Confessoris tui, per arduum quotidie in virtutibus proficiendi votum, admirabiles ad te ascensiones disposuisti: concède nobis, ipsius méritis et intercessiōne, ita eiusdem grátiae partícipes fieri; ut, perfectiōra semper exsequentes, ad glóriæ tuæ fastigium felíciter perducámur. Per Dóminum.

Et fit commemoratio Ss. Tryphonis, Respicii et Nymphæ Virginis, Martyrum:

Oratio

P

Fac nos, quæsumus, Dómine, sanctórum Mártyrum tuórum Tryphónis, Respicii et Nymphæ semper festa sectári: quorum suffrágiis, protectiōnis tuæ dona sentiámus. Per Dóminum.

Secreta

C

Laudis tibi, Dómine, hóstias immolámus in tuórum commemoratiōne Sanctórum: quibus nos et præsentibus éxui malis confidimus, et futúris. Per Dóminum.

Pro Ss. Tryphone, Respicio et Nympha

Secreta

C

Múnera tibi, Dómine, nostræ devotiōnis offérimus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

Postcommunio

C

Refécti cibo potúque cælésti, Deus noster, te súpplīces exorámus: ut, in cuius hæc commemoratiōne percépimus, eius muniamur et précibus. Per Dóminum.

Pro Ss. Tryphone, Respicio et Nympha
Postcommunio

C

Præsta nobis, quæsumus, Dómine: intercedéntibus sanctis Martýribus tuis Tryphóne, Respicio et Nympha; ut, quod ore contíngimus, pura mente capiámus. Per Dóminum.

Eodem die 10 novembris

SS. TRYPHONIS, RESPICII
ET NYMPHÆ VIRGINIS,
MARTYRUM

Commemoratio

Antiphona ad Introitum

Ps. 33, 18

Clamavérunt iusti, et Dóminus exaudivit eos: et ex ómnibus tribulatiōnibus eórum liberávit eos. **Ps. ibid., 2** Benedícám Dóminum in omni témpore: semper laus eius in ore meo. **V.** Glória Patri.

Oratio

Fac nos, quæsumus, Dómine, sanctórum Mártyrum tuórum Tryphónis, Respicii et Nymphæ semper festa sectári: quorum suffrágiis, protectiōnis tuæ dona sentiámus. Per Dóminum.

Léctio Epístolæ beāti Pauli Apóstoli ad Romános.

Rom. 8, 18-23

Fratres: Exístimo quod non sunt condígnæ passiōes huius témporis ad futúram glóriam, quæ revelábitur in nobis. Nam exspectatio creatúre, revelatiōnem filiórum Dei exspéctat. Vanitati enim creatúra subiecta est non volens, sed propter eum, qui subiécit eam in spe: quia et ipsa creatúra liberábitur a servitute corruptiōnis, in libertátem glóriæ filiórum Dei. Scimus enim quod omnis creatúra ingemiscit, et párturit usque adhuc. Non solum

autem illa, sed et nos ipsi primitias spiritus habentes: et ipsi intra nos gemimus adoptionem filiorum Dei expectantes, redemptionem corporis nostri: in Christo Iesu Domino nostro.

Graduale Ps. 78, 10 et 2 Vindica, Domine, sanguinem sanctorum tuorum, qui effusus est. **V.** Posuerunt mortalia servorum tuorum escas volatilibus caeli: carnes sanctorum tuorum bestiis terrae.

Allelúia, allelúia. **V. Ps. 115, 15** Pretiosa in conspectu Domini mors sanctorum eius. Allelúia.

✠ Sequéntia sancti Evangélíi secúndum Lucam.

Luc. 12, 1-8

In illo témpore: Dixit Iesus discipulis suis: Atténdite a ferménto pharisæórum, quod est hypócrisis. Nihil autem opértum est, quod non revelétur: neque abscónditum, quod non sciátur. Quóniam, quæ in ténebris dixistis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne terreámini ab his, qui occidunt corpus, et post hæc non habent ámplius quid fácient. Osténdam autem vobis quem timeátis: timéte eum, qui postquam occiderit, habet potestátem mittere in gehénnam. Ita dico vobis: hunc timéte. Nonne quinque pásseres véneunt dipóndio, et unus ex illis non est in oblivióne coram Deo? Sed et capílli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis quicumque conféssus fúerit me coram homínibus, et Fílius hóminis confitébitur illum coram Angelis Dei.

Antiphona ad Offertorium Ps. 31, 11 Lætámini in Domino, et exultáte, iusti: et gloriámini, omnes recti corde.

Secreta

Múnera tibi, Domine, nostræ devotiõnis offérimus: quæ et pro tuorum tibi grata sint honóre iustorum, et nobis salutária, te miseránte, reddántur. Per Dóminum.

Antiphona ad Communionem Matth. 12, 50 Quicumque fecerit voluntátem Patris mei, qui in cælis est: ipse meus frater, et soror, et mater est, dicit Dóminus.

Postcommunio

Præsta nobis, quæsumus, Domine: intercedéntibus sanctis Martýribus tuis Tryphóne, Respício et Nympha; ut, quod ore contíngimus, pura mente capiámus. Per Dóminum.

Die 11 novembris

S. MARTINI EP. ET CONF.

III classis

Antiphona ad Introitum

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdotii dígnitas in ætérnum. **Ps. 131, 1** Meménto, Domine, David: et omnis mansuetúdinis eius. **V.** Glória Patri.

Oratio

Deus, qui cónspicis, quia ex nulla nostra virtúte subsístimus: concéde propítius; ut, intercessióne beáti Martíni Confessóris tui atque Pontíficis, contra ómnia advérsa muniámur. Per Dóminum.

Et fit commemoratio S. Mennæ Martyris:

Oratio

C

Præsta, quæsumus, omnipotens Deus: ut, qui beáti Mennæ Mártyris tui natalícia cólimus, intercessióne eius, in tui nóminis amóre roborémur. Per Dóminum.

Lectio libri Sapiéntiæ.

Eccli. 44, 16-27; 45, 3-20

Ecce sacerdos magnus, qui in diébus suis plácuít Deo, et invéntus est iustus: et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo iureiurádo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput eius. Agnóvit eum in benedictiónibus suis: conservávit illi misericórdiam suam et invénit grátiam coram óculis Dómini. Magnificávit eum in conspéctu regum: et dedit illi coronam glóriæ. Státuit illi testaméntum ætérnum, et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsíus, et offérre illi incénsum dignum in odórem suavitátis.

Graduale Eccli. 44, 16 Ecce sacerdos magnus, qui in diébus suis plácuít Deo. **V. Ibid., 20** Non est invéntus símilis illi, qui conserváret legem Excélsi.

Allelúia, allelúia. **V.** Beátus vir, sanctus Martínus, urbis Turónis Epíscopus, requiévít: quem suscepérunt Angeli atque Archángeli, Throni, Dominationes et Virtútes. Allelúia.

¶ In Missis votivis tempore paschali omittitur graduale, et eius loco dicitur:

Allelúia, allelúia. **V.** Beátus vir, sanctus Martínus, urbis Turónis Epíscopus, requiévít: quem suscepérunt Angeli atque Archángeli, Throni, Dominationes et Virtútes. Allelúia. **V.** Hic est sacerdos, quem coronávit Dóminus. Allelúia.

✠ Sequéntia sancti Evangélíi secúndum Lucam. **Luc. 11, 33-36**

In illo témpore: Dixit Iesus discipulis suis: Nemo lucérnam

accéndit, et in abscóndito ponit, neque sub módio: sed supra candelábrum, ut qui ingrediúntur, lumen vídeant. Lucérna córporis tui est óculus tuus. Si óculus tuus fúerit simplex, totum corpus tuum lícidum erit: si autem nequam fúerit, étiam corpus tuum tenebrósum erit. Vide ergo, ne lumen, quod in te est, ténebræ sint. Si ergo corpus tuum totum lícidum fúerit, non habens áliquam partem tenebrárum, erit lícidum totum, et sicut lucérna fulgóris illuminábit te.

Antiphona ad Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu eius.

Secreta

Sanctífica, quásumus, Dómine Deus, hæc múnera, quæ in solemnitate sancti Antístitis tui Martíni offérimus: ut per ea, vita nostra inter advérsa et próspéra ubíque dirigátur. Per Dóminum.

Pro S. Menna**Secreta****C**

Munéribus nostris, quásumus, Dómine, precibúsque suscepátis: et cæléstibus nos munda mystériis, et cleménter exáudi. Per Dóminum.

Antiphona ad Communionem Matth. 24, 46-47 Beátus servus, quem, cum vénerit dóminus, invénierit vigilántem: amen dico vobis, super ómnia bona sua constituet eum.

Postcommunio

Præsta, quásumus, Dómine Deus noster: ut, quorum festivitate votíva sunt sacraménta, eórum intercessióne salutária nobis reddántur. Per Dóminum.

Pro S. Menna**Postcommunio****C**

Da, quásumus, Dómine Deus noster: ut, sicut tuórum

commemoratione Sanctórum
temporáli gratulámur officio; ita
perpétuo lætémur aspéctu. Per
Dóminum.

Eodem die 11 novembris

S. MENNÆ MARTYRIS

Commemoratio

Missa Lætábitur, **de Communi
unius Martyris 4 loco** (6), **cum
orationibus ut infra:**

Oratio C

Præsta, quæsumus, omnipotens
Deus: ut, qui beáti Mennæ Már-
tyris tui natalícia cólimus, inter-
cessióne eius, in tui nóminis amóre
roborémur. Per Dóminum.

Secreta C

Munéribus nostris, quæsumus,
Dómine, precibúsque suscep-
tis: et cæléstibus nos munda mysté-
riis, et cleménter exáudi. Per Dó-
minum.

Postcommunio C

Da, quæsumus, Dómine Deus
noster: ut, sicut tuórum com-
memoratione Sanctórum temporáli
gratulámur officio; ita perpétuo læ-
témur aspéctu. Per Dóminum.

Die 12 novembris

S. MARTINI I PAPÆ ET MART.

III classis

Missa Si díligis me, **de Communi
unius aut plurium Summorum Pon-
tificum** (1).

Oratio C I

Gregem tuum, Pastor ætérne,
placátus inténde: et per beá-
tum Martínum Mártyrem tuum at-
que Summum Pontíficem, perpétua
protectióne custódi; quem totíus
Ecclésiæ præstitisti esse pastórem.
Per Dóminum.

Secreta C I

Oblátis munéribus, quæsumus,
Dómine, Ecclésiám tuam
benígnus illúmina: ut, et gregis tui
proficiat ubique succéssus, et grati
fiant nómini tuo, te gubernánte,
pastóres. Per Dóminum.

Postcommunio C I

Refectióne sancta enutrítam gu-
bérna, quæsumus, Dómine,
tuam placátus Ecclésiám: ut po-
ténti moderatióne dirécta, et incre-
ménta libertátis accípiat; et in reli-
giónis integritáte persístat. Per Dó-
minum.

Die 13 novembris

S. DIDACI CONFESSORIS

III classis

Missa Iustus, **de Communi Con-
fessoris non Pontificis 2 loco** (22),
præter orationem sequentem:

Oratio P

Omnípotens sempitérne Deus,
qui dispositióne mirábili in-
firma mundi éligis, ut fórtia quæque
confúndas: concéde propítius humi-
litáti nostræ; ut, piis beáti Dídaci
Confessóris tui précibus, ad perén-
nem in cælis glóriam sublimári
mereámur. Per Dóminum.

Secreta C

Præsta nobis, quæsumus, omní-
potens Deus: ut nostræ humi-
litátis oblátio, et pro tuórum tibi
grata sit honóre Sanctórum, et nos
córpoze páriter et mente puríficet.
Per Dóminum.

Postcommunio C

Quæsumus, omnipotens Deus:
ut, qui cæléstia aliménta per-
cépimus, intercedénte beáto Dídaco
Confessóre tuo, per hæc contra óm-
nia advérta muniámur. Per Dó-
minum.

Die 14 novembris

S. IOSAPHAT EP. ET MART.

III classis

Antiphona ad Introitum

Gaudeamus omnes in Dómino, diem festum celebrantes sub honóre beáti Iósaphat Mártiris: de cuius passióne gaudent Angeli, et collaudant Fílium Dei. **Ps. 32, 1** Exsultáte, iusti, in Dómino: rectos decet collaudátio. **V.** Glória Patri.

Oratio

Excita, quæsumus, Dómine, in Ecclesia tua Spíritum, quo replétus beátus Iósaphat Martyr et Póntifex tuus ánimam suam pro óvibus pósuit: ut, eo intercedente, nos quoque eódem Spíritu moti ac roboráti, ánimam nostram pro fratribus pónere non vereámur. Per Dóminum... in unitáte eiúsdem.

Léctio Epístolæ beáti Pauli Apóstoli ad Hebræos.

Hebr. 5, 1-6

Fratres: Omnis póntifex ex homínibus assúptus, pro homínibus constitúitur in iis, quæ sunt ad Deum, ut offerat dona, et sacrificia pro peccátis: qui condolere possit iis, qui ignórant, et errant: quóniam et ipse circúmdatus est infirmitáte: et propterea debet, quemádmódum pro pópulo, ita étiam et pro semetípso offerre pro peccátis. Nec quisquam sumit sibi honórem, sed qui vocátur a Deo, tamquam Aaron. Sic et Christus non semetípsum clarificávit ut póntifex fieret: sed qui locútus est ad eum: Fílius meus es tu, ego hódie génui te. Quemádmódum et in álío loco dicit: Tu es sacerdos in ætérnum, secúndum órđinem Melchisedech.

Graduale Ps. 88, 21-23 Invéní David servum meum, óleo sancto meo unxi eum: manus enim mea

auxiliábitur ei, et bráccium meum confortábit eum. **V.** Nihil proficiet inimícus in eo, et filius iniquitátis non nocébit ei.

Allelúia, allelúia. **V.** Hic est sacerdos, quem coronávit Dóminus. Allelúia.

✠ Sequéntia sancti Evangélíi secúndum Ioánnem.

Ioann. 10, 11-16

In illo témpore: Dixit Iesus pharisæis: Ego sum pastor bonus. Bonus pastor ánimam suam dat pro óvibus suis. Mercenárius autem, et qui non est pastor, cuius non sunt oves propriæ, videt lupum veniéntem, et dimíttit oves, et fugit: et lupus rapit, et dispérgit oves: mercenárius autem fugit, quia mercenárius est, et non pértinet ad eum de óvibus. Ego sum pastor bonus: et cognósco meas, et cognóscunt me meæ. Sicut novit me Pater, et ego agnósco Patrem: et ánimam meam pono pro óvibus meis. Et álias oves hábeo, quæ non sunt ex hoc ovíli: et illas opórtet me addúcere, et vocem meam áudient, et fiet unum ovíle, et unus pastor.

Antiphona ad Offertorium Ioann. 15, 13 Maiórem caritátem nemo habet, ut ánimam suam ponat quis pro amícis suis.

Secreta

Clementíssime Deus, múnera hæc tua benedictióne perfúnde, et nos in fide confirma: quam sanctus Iósaphat Martyr et Póntifex tuus, effúso ságuine, assérui. Per Dóminum.

Antiphona ad Communionem Ioann. 10, 14 Ego sum pastor bonus, et cognósco oves meas, et cognóscunt me meæ.

Postcommunio

Spíritum, Dómine, fortitúdinis hæc nobis tríbuat mensa cælé-

stis: quæ sancti Iósaphat Mártyris tui atque Pontíficis vitam pro Ecclesiæ honóre iúgiter áluit ad victóriam. Per Dóminum.

¶ In Missis votivis omnia dicuntur ut supra, cum antiphona ad Introitum tamen, et post Septuagesimam tractu Desidérium, e Missa Státuit, de Communi unius Martyris 1 loco (3); tempore autem paschali omnia item ut supra, sed cum antiphona ad Introitum et Allelúia cum suis versibus post Epistolam e Missa Protexísti, de Communi Martyrum 1 loco (12).

Die 15 novembris

S. ALBERTI MAGNI
EP., CONF. ET ECCL. DOCT.

III classis

Missa In médio, de Communi Doctorum (19), cum orationibus ut infra:

Oratio P

Deus, qui beátum Albértum Pontíficem tuum atque Doctórem, in humana sapiéntia divínæ fidei subiciéndam magnum effecísti: da nobis, quæsumus, ita eius magistérii inhærere vestígiis, ut luce perfectá fruámur in cælis. Per Dóminum.

Secreta P

Sacrificiis præséntibus, Dómine, quæsumus, inténde placátus: ut quod Passiónis Fílii tui Dómini nostri mystério gérimus, beáti Albérti intercessióne et exémplo, pio consequámur afféctu. Per eúndem Dóminum.

Postcommunio P

Per hæc sancta quæ sumpsimus, ab hóstium nos, Dómine, impugnatione defénde: et, intercedente beáto Albérto Confessóre tuo atque Pontífice, perpétua pace respiráre concéde. Per Dóminum.

Die 16 novembris

S. GERTRUDIS VIRGINIS

III classis

Missa Dilexísti, de Communi Virginum 3 loco (27), præter orationem sequentem:

Oratio P

Deus, qui in corde beátæ Gertrúdis Vírginis iucúndam tibi mansiónem præparásti: ipsius méritis et intercessióne; cordis nostri máculas cleménter abstérge, et eiúsdem tribue gaudére consórtio. Per Dóminum.

Secreta C

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatione percepisse cognóscit auxílium. Per Dóminum.

Postcommunio C

Satiásti, Dómine, famíliam tuam munéribus sacris: eius quæsumus, semper interventióne nos réfove, cuius solémnia celebrámus. Per Dóminum.

Die 17 novembris

S. GREGORII THAUMATURGI
EPISCOPI ET CONFESSORIS

III classis

Antiphona ad Introitum

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdotii dígnitas in ætérnum. Ps. 131, 1 Meménto, Dómine, David: et omnis mansuetúdinis eius. V. Glória Patri.

Oratio

Da, quæsumus, omnípotens Deus: ut beáti Gregórii Confessóris tui atque Pontíficis veneránda solémnitas, et devotióne nobis áugeat, et salútem. Per Dóminum.

Lectio libri Sapiéntiæ.

Eccli. 44, 16-27; 45, 3-20

Ecce sacerdos magnus, qui in diébus suis plácuít Deo, et invéntus est iustus: et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo iureiurándo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput eius. Agnóvit eum in benedictiónibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsíus, et offerre illi incénsum dignum in odórem suavitátis.

Graduale Eccli. 44, 16 Ecce sacerdos magnus, qui in diébus suis plácuít Deo. **V. Ibid., 20** Non est invéntus símilis illi, qui conserváret legem Excélsi.

Allelúia, allelúia. **V. Ps. 109, 4** Tu es sacerdos in ætérnum, secúndum órđinem Melchisedech. Allelúia.

✠ Sequéntia sancti Evangélii secúndum Marcum.

Marc. 11, 22-24

In illo témpore: Respóndens Iesus discíplis suis, ait illis: Habéte fidem Dei. Amen dico vobis, quia quicúmque díxerit huic monti: Tóllere, et mittere in mare, et non hæsítáverit in corde suo, sed crediderit, quia quodcúmque díxerit, fiat, fiet ei. Proptérea dico vobis: Omnia quæcúmque orántes pétitis, créдите quia accipiétis, et evénient vobis.

Antiphona ad Offertorium Ps. 88, 21-22 Invéni David servum meum, óleo sancto meo unxi eum: manus

enim mea auxiliábitur ei, et bráchium meum confortábit eum.

Secreta

Sancti tui, quæsumus, Dómine, nos ubíque lætíficent: ut, dum eórum mérita recólimus, patrocínia sentiámus. Per Dóminum.

Antiphona ad Communionem Luc. 12, 42 Fidélis servus et prudens, quem constituit dóminus super familiam suam: ut det illis in témpore trítici mensúram.

Postcommunio

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Gregório Confessóre tuo atque Pontífice, benefícia potióra sumámus. Per Dóminum.

Die 18 novembris

IN DEDICATIONE BASILICARUM
SS. PETRI ET PAULI APOST.

III classis

Missa Terríbilis, de Communi Dedicationis ecclesiæ (33). Et non dicitur Credo.

Die 19 novembris

S. ELISABETH VIDUÆ

III classis

Missa Cognóvi, de Communi non Virginum 2 loco (31), præter orationem sequentem:

Oratio

Tuórum corda fidélium, Deus miserátor, illústra: et, beátæ Elísabeth précibus gloriósis; fac nos próspéra mundi despícere, et cælésti semper consolatióne gaudére. Per Dóminum.

Et fit commemoratio S. Pontiani Papæ et Martyris:

Oratio

C I

Gregem tuum, Pastor ætérne, placátus inténde: et per beátum Pontíanum Mártyrem

tuum atque Summum Pontificem, perpétua protectione custodi; quem totius Ecclesiæ præstitisti esse pastorem. Per Dóminum.

Secreta C

Accépta tibi sit, Dómine, sacráta plebis oblátio pro tuórum honóre Sanctórum: quorum se méritis de tribulatione percepisse cognóscit auxílium. Per Dóminum.

Pro S. Pontiano Secreta C I

Oblátis munéribus, quæsumus, Dómine, Ecclesiam tuam benígnus illúmina: ut, et gregis tui proficiat ubique succéssus, et grati fiant nómini tuo, te gubernánte, pastóres. Per Dóminum.

Postcommunio C

Satiásti, Dómine, famíliam tuam munéribus sacris: eius quæsumus, semper interventióne nos réfove, cuius solémnia celebrámus. Per Dóminum.

Pro S. Pontiano

Postcommunio C I

Refectióne sancta enutrítam gubérna, quæsumus, Dómine, tuam placátus Ecclesiam: ut poténti moderatióne dirécta, et incrementa libertátis accípiat; et in religiónis integritáte persístat. Per Dóminum.

Eodem die 19 novembris

S. PONTIANI
PAPÆ ET MARTYRIS

Commemoratio

Missa Si díligis me, **de Communi unius aut plurium Summorum Pontificum** (1).

Oratio C I

Gregem tuum, Pastor ætérne, placátus inténde: et per beátum Pontíanum Mártirem tuum atque Summum Pontificem, perpétua protectione custodi; quem

totius Ecclesiæ præstitisti esse pastorem. Per Dóminum.

Secreta C I

Oblátis munéribus, quæsumus, Dómine, Ecclesiam tuam benígnus illúmina: ut, et gregis tui proficiat ubique succéssus, et grati fiant nómini tuo, te gubernánte, pastóres, Per Dóminum.

Postcommunio C I

Refectióne sancta enutrítam gubérna, quæsumus, Dómine, tuam placátus Ecclesiam: ut poténti moderatióne dirécta, et incrementa libertátis accípiat; et in religiónis integritáte persístat. Per Dóminum.

Die 20 novembris

S. FELICIS DE VALOIS CONF.

III classis

Missa Iustus, **de Communi Confessoris non Pontificis 2 loco** (22), **præter orationem sequentem:**

Oratio P

Deus, qui beátum Felícem Confessórem tuum ex erémo ad munus rediméndi captívos cælitus vocáre dignátus es: præsta, quæsumus; ut, per grátiam tuam ex peccatórum nostrórum captivitate, eius intercessióne, liberáti, ad cælestem pátriam perducámur. Per Dóminum.

Secreta C

Præsta nobis, quæsumus, omnipotens Deus: ut nostræ humilitátis oblátio, et pro tuórum tibi grata sit honóre Sanctórum, et nos corpore páriter et mente puríficet. Per Dóminum.

Postcommunio C

Quæsumus, omnipotens Deus: ut, qui cælestia aliménta percépimus, intercedénte beáto Felíce Confessóre tuo, per hæc contra ómnia advérsa muniámur. Per Dóminum.

Die 21 novembris

IN PRÆSENTATIONE
BEATÆ MARIE VIRGINIS

III classis

Missa Salve, sancta parens, de
Communi festorum B. Mariæ Virg.
(35), præter orationem sequentem.
Et non dicitur Credo.

Oratio

P

Deus, qui beatam Mariam semper Virginem, Spíritus Sancti habitáculum, hodiérna die in templo præsentári voluísti: præsta, quæsumus; ut, eius intercessióne, in templo glóriæ tuæ præsentári mereámur. Per Dóminum... in unitáte eiúsdem.

Secreta

C

Tua, Dómine, propitiatióne, et beatæ Mariæ semper Virginis intercessióne, ad perpétuam, atque præsentem hæc oblátio nobis proficiat prosperitátem, et pacem. Per Dóminum.

Præfatio de B. Maria Virg. Et te in Præsentatióne.

Postcommunio

C

Sumptis, Dómine, salutis nostræ subsidiis: da, quæsumus, beatæ Mariæ semper Virginis patrocíniis nos ubique prótegi, in cuius veneratióne hæc tuæ obtúlimus maiestáti. Per Dóminum.

Die 22 novembris

S. CÆCILIE VIRG. ET MART.

III classis

Antiphona ad Introitum

Ps. 118, 46-47

Loquébar de testimoniis tuis in conspéctu regum, et non confundébar: et meditábar in mandátis tuis, quæ diléxi nimis. **Ps. ibid., 1** Beáti immaculáti in via: qui ámbulant in lege Dómini. **V.** Glória Patri.

Oratio

Deus, qui nos ánnua beátæ Cæciliæ Virginis et Mátyris tuæ solemnitáte lætíficas: da, ut quam venerámur officio, étiam piæ conversatiónis sequámur exémplo. Per Dóminum.

Léctio libri Sapiéntiæ.

Eccli. 51, 13-17

Dómine Deus meus, exaltásti super terram habitatiónem meam, et pro morte defluente deprecáta sum. Invocávi Dóminum patrem Dómini mei, ut non derelínquat me in die tribulatiónis meæ, et in témpore superbórum sine adiutório. Laudábo nomen tuum assidue, et collaudábo illud in confessióne, et exaudíta est orátio mea. Et liberásti me de perditiónem, et eripuísti me de témpore iníquo. Propterea confitébor, et laudem dicam tibi, Dómine Deus noster.

Graduale Ps. 44, 11 et 12 Audi, filia, et vide, et inclína aurem tuam: quia concupívit Rex spéciem tuam. **V. Ibid., 5** Spécie tua, et pulchritúdine tua inténde, prospere procéde, et regna.

Allelúia, allelúia. **V. Matth. 25, 4 et 6** Quinque prudentes vírgines accepérunt óleum in vasis suis cum lampádibus: média autem nocte clamor factus est: Ecce, sponsus venit: exíte óbviám Christo Dómino. Allelúia.

✠ Sequéntia sancti Evangélii secúndum Matthæum.

Matth. 25, 1-13

In illo témpore: Dixit Iesus discipulis suis parábolam hanc: Símile erit regnum cælórum decem vírginibus: quæ accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudentes: sed quinque fátuæ, accéptis lampádi-

bus, non sumpsérunt óleum secum prudentes vero accepérunt óleum in vasis suis cum lampádibus. Moram autem faciēte sponso, dormitavérunt omnes, et dormiérunt. Média autem nocte clamor factus est: Ecce, sponsus venit, exíte óbviā ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixerunt: Date nobis de óleo vestro: quia lámpades nostræ exstinguúntur. Respondérunt prudentes, dicētes: Ne forte non sufficiat nobis, et vobis, ite pótius ad vendētes, et émite vobis. Dum autem irent émere, venit sponsus: et quæ parátæ erant intravérunt cum eo ad nuptias, et clausa est iánua. Novíssime vero véniunt et réliquæ vírgines, dicētes: Dómine, Dómine, áperi nobis. At ille respóndens, ait: Amen dico vobis, nescio vos. Vigilate ítaque, quia nescitis diem, neque horam.

Antiphona ad Offertorium Ps. 44, 15 et 16 Afferéntur Regi vírgines post eam: próximæ eius afferéntur tibi in lætítia, et exsultatíone: adducéntur in templum Regi Dómino.

Secreta

Hæc hóstia, Dómine, placatiónis et laudis, quæsumus: ut, intercedēte beáta Cæcília Vírgine et Mártire tua, nos propitiatióne tua dignos semper efficiat. Per Dóminum.

Antiphona ad Communionem Ps. 118, 78 et 80 Confundántur supérbi, quia iniúste iniquitátem fecérunt in me: ego autem in mandátis tuis exercébor, in tuis iustificatióibus, ut non confúndar.

Postcommunio

Satiásti, Dómine, famíliam tuam munéribus sacris: eius, quæsumus, semper interventíone nos réfove, cuius solémnia celebrámus. Per Dóminum.

Die 23 novembris

S. CLEMENTIS I PAPÆ ET MART.

III classis

Antiphona ad Introitum

Isai. 59, 21; 56, 7

Dicit Dóminus: Sermónes mei, quos dedi in os tuum, non deficient de ore tuo: et múnera tua accépta erunt super altáre meum. **Ps. 111, 1** Beátus vir, qui timet Dóminum: in mandátis eius cupit nimis. **V.** Glória Patri.

Oratio

Gregem tuum, Pastor ætérne, placátus inténde: et per beátum Cleméntem Mártirem tuum atque Summum Pontíficem, perpétua protectiόne custódi; quem totius Ecclésiæ præstitísti esse pastórem. Per Dóminum.

Et fit commemoratio S. Felicitatis Martyris:

Oratio

P

Præsta, quæsumus, omnípotens Deus: ut, beátæ Felicitátis Mártiris tuæ solémnia recensētes, méritis ipsíus protegámur et précibus. Per Dóminum.

Léctio Epístolæ beáti Pauli Apóstoli ad Philippénes.

Philipp. 3, 17-21; 4, 1-3

Fratres: Imitatóres mei estóte, et observáte eos qui ita ámbulant, sicut habétis formam nostram. Multi enim ámbulant, quos sæpe dicébam vobis (nunc autem et flens dico) inimicos crucis Christi: quorum finis intéritus: quorum Deus venter est: et glória in confusiόne ipsórum, qui terréna sápiunt. Nostra autem conversatio in cælis est: unde étiam Salvatórem exspectámus Dóminum nostrum Iesum Christum, qui reformábit corpus humilitátis nostræ, configurátum córpori claritátis suæ, secúndum

operatióem, qua étiam possit subícere sibi ómnia. Itaque, fratres mei caríssimi, et desideratíssimi, gáudium meum, et coróna mea: sic state in Dómino, caríssimi. Evódiam rogo, et Sýntychen déprecór idípsum sápere in Dómino. Etiam rogo et te, germáne compar, ádiuva illas, quæ mecum laboravérunt in Evangélio cum Cleménte, et céteris adiutóribus meis, quorum nómina sunt in libro vitæ.

Graduale Ps. 106, 32, 31 Exáltent eum in Ecclésia plebis: et in cáthedra seniórum laudent eum. **V.** Confiteántur Dómino misericórdiæ eius; et mirábilia eius filiis hóminum.

Allelúia, allelúia. **V. Matth. 16, 18** Tu es Petrus, et super hanc petram ædificábo Ecclésiam meam. Allelúia.

✠ Sequéntia sancti Evangélii secúndum Matthæum.

Matth. 16, 13-19

In illo témpore: Venit Iesus in partes Cæsaráe Philíppi, et interrogábat discípulos suos, dicens: Quem dicunt hómines esse Fílium hóminis? At illi dixérunt: Alii Ioánnem Baptístam, álii autem Elíam, álii vero Ieremíam, aut unum ex prophétis. Dicit illis Iesus: Vos autem quem me esse dicitis? Respóndens Simon Petrus, dixit: Tu es Christus, Fílius Dei vivi. Respóndens autem Iesus, dixit ei: Beátus es, Simon Bar Iona: quia caro et sanguis non revelávit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificábo Ecclésiam meam, et portæ ínferi non prævalébunt advérsus eam. Et tibi dabo claves regni cælórum. Et quodcúmque ligáveris super terram, erit ligátum et in cælis: et quodcúmque sólveris super terram, erit solútum et in cælis.

Antiphona ad Offertorium Ierem.

1, 9-10 Ecce, dedi verba mea in ore tuo: ecce, constitui te super gentes et super regna, ut evéllas et déstruas, et ædífices et plantas.

Secreta

Oblátis munéribus, quæsumus, Dómine, Ecclésiam tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Pro S. Felicitate

Secreta

P

Vota pópuli tui, Dómine, propitiátus inténde: et, cuius nos tríbuis solémnia celebráre fac gaudére suffrágiis. Per Dóminum.

Antiphona ad Communionem

Matth. 16, 18 Tu es Petrus, et super hanc petram ædificábo Ecclésiam meam.

Postcommunio

Refectióne sancta enutrítam gubérna, quæsumus, Dómine, tuam placátus Ecclésiam: ut poténti moderatióne dirécta, et incrementa libertátis accípiat; et in religiónis integritáte persístat. Per Dóminum.

Pro S. Felicitate

Postcommunio

P

Súpplices te rogámus, omnipotens Deus: ut, intercedéntibus Sanctis tuis, et tua in nobis dona múltiplices, et témpora nostra dispónas. Per Dóminum.

Eodem die 23 novembris

S. FELICITATIS MARTYRIS

Commemoratio

Missa Me exspectavérunt, **de Comuni non Virginum 1 loco (30), cum orationibus ut infra:**

Oratio

Præsta, quæsumus, omnipotens Deus: ut, beatæ Felicitatis Mártyris tuæ solémnia recenséntes, méritis ipsius protegámur et précibus. Per Dóminum.

Secreta

Vota pópuli tui, Dómine, propitiátus inténde: et, cuius nos tribuis solémnia celebráre, fac gaudére suffrágiis. Per Dóminum.

Postcommunio

Súpplices te rogámus, omnipotens Deus: ut, intercedéntibus Sanctis tuis, et tua in nobis dona múltiplices, et témpora nostra dispónas. Per Dóminum.

Die 24 novembris

S. IOANNIS A CRUCE
CONF. ET ECCL. DOCT.

III classis**Antiphona ad Introitum**

Eccli. 15, 5

In médio Ecclésiæ apérui os eius: et implévit eum Dóminus spírítu sapiéntiæ et intelléctus: stolam glóriæ índuit eum. Allelúia, allelúia. **Ps. 91, 2** Bonum est confitéri Dómino: et psállere nómini tuo, Altíssime. **V.** Glória Patri.

Oratio

Deus, qui sanctum Ioánnem Confessórem tuum atque Doctórem perféctæ sui abnegatiónis, et Crucis amatórem exímium effecísti: concéde; ut, eius imitatióni iúgiter inhæréntes, glóriam assequámur ætérnam. Per Dóminum.

Et fit commemoratio S. Chrysogoni Martyris:

Oratio

Adésto, Dómine, supplicatióibus nostris: ut, qui ex iniquitáte nostra reos nos esse cognóscimus, beáti Chrysogoni Mártyris tui intercessióne liberémur. Per Dóminum.

Léctio Epístolæ beáti Pauli Apóstoli ad Timótheum.

2 Tim. 4, 1-8

Caríssime: Testíficor coram Deo, et Iesu Christo, qui iudicáturus est vivos et mórtuos, per advéntum ipsíus, et regnum eius: prædica verbum, insta opportúne, importúne: árgue, óbseca, increpa in omni paciéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magistros, pruriéntes áuribus, et a veritáte quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim iam delíbor, et tempus resolutiósni meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiæ, quam reddet mihi Dóminus in illa die, iustus iudex: non solum autem mihi, sed et iis, qui díligunt advéntum eius.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplantabúntur gressus eius.

Allelúia, allelúia. **V.** **Eccli. 45, 9** Amávit eum Dóminus, et ornávit eum: stolam glóriæ índuit eum. Allelúia.

¶ In Missis votivis post Septuagesimam, omissis Allelúia, et versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generatio rectórum benedicétur. **V.** Glória et divítiæ in domo eius: et iustítia eius manet in sáculum sáculi.

Tempore autem paschali omititur graduale, et eius loco dicitur:

Allelúia, allelúia. **V. Eccli. 45, 9**
Amávit eum Dóminus, et ornávit
eum: stolam glóriæ índuit eum.
Allelúia. **V. Osee 14, 6** Iustus ger-
minábit sicut lílium: et florébit
in ætérnum ante Dóminum. Alle-
lúia.

✠ Sequéntia sancti Evangélíi secún-
dum Matthæum. **Matth. 5, 13-19**

In illo témpore: Dixit Iesus discí-
pulis suis: Vos estis sal terræ.
Quod si sal evanúerit, in quo saliétur?
Ad níhilum valet ultra, nisi ut
mittátur foras, et conculcétur ab
homínibus. Vos estis lux mundi.
Non potest cívitas abscóndi supra
montem pósita. Neque accéndunt
lucérnam, et ponunt eam sub mó-
dio, sed super candelábrum, ut lú-
ceat ómnibus qui in domo sunt. Sic
lúceat lux vestra coram homínibus,
ut vídeant ópera vestra bona, et
gloríficent Patrem vestrum, qui in
cælis est. Nolíte putáre, quóniam
veni sólvere legem, aut prophétas:
non veni sólvere, sed adimplére.
Amen quippe dico vobis, donec
tránseat cælum et terra, ióta unum,
aut unus apex non præteríbit a lege,
donec ómnia fiant. Qui ergo sólverit
unum de mandátis istis mínimis,
et docúerit sic hómines, mínimus
vocábitur in regno cælórum: qui
autem fécerit, et docúerit, hic ma-
gnus vocábitur in regno cælórum.

Antiphona ad Offertorium Ps. 91,
13 Iustus ut palma florébit: sicut
cedrus, quæ in Líbano est, multi-
plicábitur.

Secreta

Sancti Ioánnis Confessóris tui
atque Doctóris nobis, Dómine,
pia non desit orátio: quæ et múnera
nostra concíliet; et tuam nobis in-
dulgéntiam semper obtíneat. Per
Dóminum.

Pro S. Chrysogono

Secreta

Oblátis, quæsumus, Dómine,
placáre munéribus: et, in-

tercedénte beáto Chrysógono
Mártyre tuo, a cunctis nos de-
fénde perículis. Per Dóminum.

Antiphona ad Communionem
Luc. 12, 42 Fidélis servus, et pru-
dens, quem constituit Dóminus
super familiam suam: ut det illis
in témpore trítici mensúram.

Postcommunio

Ut nobis, Dómine, tua sacrificia
dent salútem: beátus Ioánnes
Conféssor tuus et Doctor egrégíus,
quæsumus, precátor accédát. Per
Dóminum.

Pro S. Chrysogono

Postcommunio P

Tui, Dómine, perceptióne sa-
craménti, et a nostris mun-
démur occúltis, et ab hóstium
liberémur insídiis. Per Dóminum.

Eodem die 24 novembris

S. CHRYSOGONI MARTYRIS

Commemoratio

Missa In virtúte, **de Communi**
unius Martyris 3 loco (5), cum
orationibus ut infra:

Oratio P

Adésto, Dómine, supplicatióni-
bus nostris: ut, qui ex iniqui-
táte nostra reos nos esse cognósci-
mus, beáti Chrysógoni Mártyris tui
intercessióne liberémur. Per Dómi-
num.

Secreta P

Oblátis, quæsumus, Dómine,
placáre munéribus: et, in-
tercedénte beáto Chrysógono Már-
tyre tuo, a cunctis nos defénde perí-
culis. Per Dóminum.

Postcommunio P

Tui, Dómine, perceptióne sacra-
ménti, et a nostris mundémur
occúltis, et ab hóstium liberémur
insídiis. Per Dóminum.

Die 25 novembris

S. CATHARINÆ

VIRGINIS ET MARTYRIS

III classis

Missa Loquébar, de Communi Virginum, i loco (24), præter orationem sequentem:

Oratio P

Deus, qui dedisti legem Móysi in summitate montis Sínai, et in eódem loco per sanctos Angelos tuos corpus beátæ Catharínæ Virginitis et Mátyris tuæ mirabiliter collocásti: præsta, quæsumus; ut, eius méritis et intercessióne, ad montem, qui Christus est, pervenire valeámus: Qui tecum.

Secreta C

Súscipe, Dómine, múnera, quæ in beátæ Catharínæ Virginitis et Mátyris tuæ solemnitáte deférimus: cuius nos confidimus patrocinio liberári. Per Dóminum.

Postcommunio C

Auxiliéntur nobis, Dómine, sumpta mystéria: et, intercedente beáta Catharína Virgine et Mátyre tua, sempitérna fácient protectióne gaudere. Per Dóminum.

Die 26 novembris

S. SILVESTRI ABBATIS

III classis

Missa Os iusti, de Communi Abbatum (23), cum orationibus ut infra:

Oratio P

Clementíssime Deus, qui sanctum Silvéstrum Abbátem, sæculi huius vanitatem in apérto tumulto pie meditántem, ad erémum vocáre, et præcláris vitæ méritis decoráre dignátus es: te súplices

exorámus; ut, eius exémplo terréna despiciéntes, tui consórtio perfruámur ætérno. Per Dóminum.

Et fit commemoratio S. Petri Alexandrini Episcopi et Martyris:

Oratio C

Infirmítatem nostram réspice, omnípotens Deus: et, quia pondus própriæ actiónis gravat, beáti Petri Mátyris tui atque Pontíficis intercésio gloriósa nos próteget. Per Dóminum.

Secreta P

Quæsumus, Dómine: ut, dum hæc múnera divínæ maiestáti tuæ reverénter offérimus, pia mentis præparatióne et cordis puritáte, beáti Silvéstri Abbátis imitatóres effécti, corpus et ságuinem Filii tui sancte percípere mereámur: Qui tecum vivit.

Pro S. Petro

Secreta C

Hóstias tibi, Dómine, beáti Petri Mátyris tui atque Pontíficis dicátas méritis, benígnus assúme: et ad perpétuum nobis tríbue provenire subsidium. Per Dóminum.

Postcommunio P

Divína dape reféctis tríbue, quæsumus, Dómine: sancti Silvéstri Abbátis vestígiis ita inhærere; ut copiósam mercédem in regno glóriæ tuæ cum Sanctis habeamus. Per Dóminum.

Pro S. Petro

Postcommunio C

Refécti participatióne múnneris sacri, quæsumus, Dómine Deus noster: ut, cuius exséquimur cultum, intercedente beáto Petro Mátyre tuo atque Pontífice, sentiámus efféctum. Per Dóminum.

Eodem die 26 novembris

Secreta

C

S. PETRI ALEXANDRINI
EPISCOPI ET MARTYRIS

Commemoratio

Missa Státuit, de Communi unius
Martyris 1 loco (3).

Oratio

C

Infirmítatem nostram réspice, om-
nípotens Deus: et, quia pondus
própriæ actióis gravat, beáti Petri
Mártyris tui atque Pontíficis inter-
césio gloriósa nos próteget. Per
Dóminum.

Hóstias tibi, Dómine, beáti Petri
Mártyris tui atque Pontíficis
dicátas méritis, benígnus assúme:
et ad perpétuum nobis tríbue pro-
veníre subsidium. Per Dóminum.

Postcommunio

C

Refécti participatióne mún-
eris sacri, quæsumus, Dómine Deus
noster: ut, cuius exséquimur cul-
tum, intercedénte beáto Petro Már-
tyre tuo atque Pontífice, sentiámus
efféctum. Per Dóminum.

COMMUNE SANCTORUM

¶ In singulis Communibus, Epistolæ et Evangelia quæ habentur, sive in ipsis Missis, sive ad calcem totius Communis, sumi possunt in qualibet Missa de eodem Communi, dummodo tamen certa Missa, dicenda in casu prouti iacet, vel certa Epistola aut certum Evangelium in Missali non fuerint assignata.

¶ Pro Communi unius aut plurium Summorum Pontificum, Confessorum Pontificum et non Pontificum, Doctorum, Abbatum, Virginum et non Virginum, Dedicationis ecclesiæ, et festorum beatæ Mariæ Virginis, necnon in omnibus Missis votivis, nisi aliter suo loco notetur, tempore paschali omnia dicuntur ut reliquo anni tempore, addito tamen duplici Allelúia antiphonæ ad Introitum et uno Allelúia antiphonis ad Offertorium et ad Communionem, ubi non habetur. Post Epistolam vero omittitur graduale, et eius loco dicuntur Allelúia cum suis versibus, ut singulis locis notatur.

COMMUNE UNIUS AUT PLURIUM SUMMORUM PONTIFICUM

Antiphona ad Introitum

Ioann. 21, 15-17

Si diligis me, Simon Petre, pasce agnos meos, pasce oves meas. (T. P. Allelúia, allelúia.) Ps. 29, 1 Exaltábo te, Dómine, quóniam suscepisti me, nec delectásti inimícos meos super me. V. Glória Patri.

Pro uno summo Pontifice:

1 Oratio

Gregem tuum, Pastor ætérne, placátus inténde: et per beátum N. (Mártirem tuum atque) Summum Pontíficem, perpétua protectione custódi; quem totius Ecclésiæ præstitisti esse pastórem. Per Dóminum.

Eadem oratio in plurali:

Oratio

Gregem tuum, Pastor ætérne, placátus inténde: et per beátos N. et N. (Mártires tuos atque) Summos Pontífices, perpétua protectione custódi; quos totius Ecclé-

siæ præstitisti esse pastóres. Per Dóminum.

2 Oratio

Si agenda sit commemoratio alterius Summi Pontificis:

Deus, qui Ecclésiám tuam in apostólicæ petræ soliditáte fundátam, ab infernárum éruis terróre portárum: præsta, quæsumus; ut, intercedente beáto N. (Mártire tuo atque) Summo Pontífice, in tua veritáte persístens, continúa securitáte muniátur. Per Dóminum.

Eadem oratio in plurali:

Oratio

Deus, qui Ecclésiám tuam, in apostólicæ petræ soliditáte fundátam, ab infernárum éruis terróre portárum: præsta, quæsumus; ut, intercedéntibus beátis N. et N. (Mártýribus tuis atque) Summis Pontíficibus, in tua veritáte persístens, continúa securitáte muniátur. Per Dóminum.

Lectio Epistolæ beati Petri Apostoli.

1 Petri 5, 1-4 et 10-11

Carissimi: Seniores, qui in vobis sunt, obsecro consenior et testis Christi passionum, qui et eius, quæ in futuro revelanda est, gloriæ communicator: pascite qui in vobis est gregem Dei, providentes non coacte, sed spontanee secundum Deum, neque turpis lucri gratia, sed voluntarie; neque ut dominantes in cleris, sed forma facti gregis ex animo. Et, cum apparuerit princeps pastorum, percipietis immarcescibilem gloriæ coronam. Deus autem omnis gratiæ, qui vocavit nos in æternam suam gloriam in Christo Iesu, modicum passus ipse perficiet, confirmabit solidabitque. Ipsi gloria et imperium in sæcula sæculorum. Amen.

Graduale Ps. 106, 32, 31 Exaltent eum in Ecclesia plebis: et in cathedra seniorum laudent eum. **V.** Confiteantur Domino misericordiæ eius; et mirabilia eius filiis hominum.

Allelúia, allelúia. **Matth. 16, 18** Tu es Petrus, et super hanc petram ædificabo Ecclesiam meam. Allelúia.

Post Septuagesimam, omissis Allelúia, et versu sequenti, dicitur

Tractus Ps. 39, 10-11 Annuntiavi iustitiam tuam in ecclesia magna, ecce, labia mea non prohibebo: Domine, tu scisti. **V.** Iustitiam tuam non abscondi in corde meo: veritatem tuam et salutare tuum dixi. **V.** Non abscondi misericordiam tuam, et veritatem tuam a concilio multo.

Tempore autem paschali omittitur graduale, et eius loco dicitur:

Allelúia, allelúia. **V.** **Matth. 16, 18** Tu es Petrus, et super hanc petram ædificabo Ecclesiam meam. Allelúia. **Ps. 44, 17, 18** Constitues

eos principes super omnem terram: memores erunt nominis tui, Domine. Allelúia.

✠ Sequentia sancti Evangelii secundum Matthæum.

Matth. 16, 13-19

In illo tempore: Venit Iesus in partes Cæsariæ Philippi, et interrogabat discipulos suos, dicens: Quem dicunt homines esse Filium hominis? At illi dixerunt: Alii Iohannem Baptistam, alii autem Eliam, alii vero Ieremiam, aut unum ex prophetis. Dicit illis Iesus: Vos autem quem me esse dicitis? Respondens Simon Petrus, dixit: Tu es Christus, Filius Dei vivi. Respondens autem Iesus, dixit ei: Beatus es, Simon Bar Iona: quia caro et sanguis non revelavit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificabo Ecclesiam meam, et portæ inferi non prævalébunt adversus eam. Et tibi dabo claves regni cælorum. Et quodcúmque ligáveris super terram, erit ligátum et in cælis: et quodcúmque solveris super terram, erit solútum et in cælis.

Antiphona ad Offertorium Ierem.

1, 9-10 Ecce, dedi verba mea in ore tuo: ecce, constitui te super gentes et super regna, ut evéllas et déstruas, et ædifices et plantes. **(T. P. Allelúia.)**

1 Secreta

Oblátis munéribus, quæsumus, Domine, Ecclesiam tuam benígnus illúmina: ut, et gregis tui proficiat ubique succéssus, et grati fiant nómini tuo, te gubernánte, pastóres. Per Dóminum.

2 Alia secreta

Pro commemoratione alterius vel aliorum Summorum Pontificum:

Múnera, quæ tibi, Domine, lætántes offérimus, súscipe be-

nígnus, et præsta: ut, intercedente beato N., (intercedéntibus beátis N. et N.) Ecclésia tua et fidei integritate lætetur, et témporum tranquillitate semper exsúltet. Per Dóminum.

Antiphona ad Communionem
Matth. 16, 18 Tu es Petrus, et super hanc petram ædificábo Ecclésiám meam. (T. P. Allelúia.)

I Postcommunio

Refectiône sancta enutrítam gubérna, quæsumus, Dómine, tuam placátus Ecclésiám: ut poténti moderatióne dirécta, et incrementa libertátis accípiat; et in religiónis integritate persístat. Per Dóminum.

2 Alia Postcommunio

Pro commemoratione alterius Summi Pontificis:

Multiplica, quæsumus, Dómine, in Ecclésia tua spíritum grátiæ, quem dedísti: ut beáti N. (Martyris tui atque) Summi Pontificis deprecatióne, nec pastóri obediéntia gregis nec gregi desit cura pastóris. Per Dóminum.

Eadem postcommunio in plurali:
Postcommunio

Multiplica, quæsumus, Dómine, in Ecclésia tua spíritum grátiæ, quem dedísti: ut beatórum N. et N. (Martyrum tuórum atque) Summórum Pontíficum deprecatióne, nec pastóri obediéntia gregis nec gregi desit cura pastóris. Per Dóminum.

COMMUNE UNIUS MARTYRIS EXTRA TEMPUS PASCHALE

I

PRO MARTYRE PONTIFICE

Antiphona ad Introitum

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdotii dígnitas in ætérnum. Ps. 131, 1 Meménto, Dómine, David: et omnis mansuetúdinis eius. V. Glória Patri.

Oratio

Infirmitátem nostram réspice, omnípotens Deus: et, quia pondus propriæ actiónis gravat, beáti N. Mártyris tui atque Pontificis intercessio gloriósa nos próteget. Per Dóminum.

Léctio Epístolæ beáti Iacóbi Apóstoli.

Iac. 1, 12-18

Caríssimi: Beátus vir, qui suffert tentatióem: quóniam cum probátus fúerit, accípiet corónam

vitaë, quam repromísit Deus diligéntibus se. Nemo cum tentátur, dicat, quóniam a Deo tentátur: Deus enim intentátor malórum est: ipse autem néminem tentat. Unusquisque vero tentátur a concupiscéntia sau abstráctus, et illéctus. Deínde concupiscéntia cum concéperit, parit peccátum: peccátum vero cum consummátum fúerit, génerat mortem. Nolite itaque erráre, fratres mei dilectíssimi. Omne datum óptimum, et omne donum perfectum desúrsum est, descéndens a patre lúminum, apud quem non est transmutátió, nec vicissitúdinis obumbrátió. Voluntárie enim genuit nos verbo veritátis, ut simus inítium áliquod creatúræ eius.

Graduale Ps. 88, 21-23 Invéni David servum meum: óleo sancto meo unxi eum: manus enim mea auxiliábitur ei, et bráccium meum confortábit eum. V. Nihil proficiet inimícus in eo, et filius iniquitátis non nocébit ei.

Allelúia, allelúia. **℣. Ps. 109, 4** Tu es sacérdos in ætérnum, secundum órđinem Melchisedech. Allelúia.

Post Septuagesimam, omissis Allelúia, et versu sequenti, dicitur

Tractus Ps. 20, 3-4 Desidérĳum ánimæ eius tribuísti ei: et voluntáte labiórĳum eius non fraudásti eum. **℣.** Quónĳam prævenísti eum in benedictiórĳibus dulcédinis. **℣.** Posuísti in cápĳte eius corónam de lápide pretiósĳo.

✠ Sequéntia sancti Evangélĳi secúndum Lucam. **Luc. 14, 26-33**

In illo témpore: Dixit Iesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discípulus. Et qui non báĳulat crucem suam, et venit post me, non potest meus esse discípulus. Quis enim ex vobis volens turrim ædificáre, non prius sedens cómputat sumptus, qui necessariĳi sunt, si hábeat ad perficiéndum; ne, posteáquam posúerit fundaméntum, et non potúerit perficere, omnes, qui vident, incípĳant illúdere ei, dicéntes: Quia hic homo cœpit ædificáre, et non pótuĳt consummáre? Aut quis rex itúrus commíttere bellum advérsus álium regem, non sedens prius cógitat, si possit cum decem mílibus occúrrere ei, qui cum vigínti mílibus venit ad se? Alióquin, adhuc illo longe ágente, legatiórĳem mittens rogat ea, quæ pacis sunt. Sic ergo omnis ex vobis, qui non renúntiat ómnibus, quæ póssidet, non potest meus esse discípulus.

Antiphona ad Offertorium Ps. 88, 25 VÉRĳtas mea, et misericórdia mea cum ipso: et in nómine meo exaltábitur cornu eius.

Secreta

Hóstias tibi, Dómine, beáti **N.** Mártĳris tui atque Pontíficis

dicátas méritis, benígnus assúme: et ad perpétuum nobis tríbue proveníre subsídium. Per Dóminum.

Antiphona ad Communionem Ps. 88, 36 et 37-38 Semel iurávi in sancto meo: semen eius in ætérnum manébit: et sedes eius sicut sol in conspéctu meo, et sicut luna perfectá in ætérnum, et testis in cælo fidélis.

Postcommunio

Refécti participatiórĳe múnĳeris sacri, quæsumus, Dómine Deus noster: ut, cuius exséquimur cultum, intercedénte beáto **N.** Mártĳre tuo atque Pontífice, sentiámus efféctum. Per Dóminum.

II

PRO MARTYRE PONTIFICE

Altera Missa

Antiphona ad Introitum

Dan. 3, 84 et 87

Sacerdótes Dei, benedicite Dóminum: sancti et húmiles corde, laudáte Deum. **Ibid., 57** Benedicite, ómnia ópera Dómini, Dómino: laudáte et superexaltáte eum in sácula. **℣.** Glória Patri.

Oratio

Deus, qui nos beáti **N.** Mártĳris tui atque Pontíficis ánnua solemnitate lætíficas: concéde propítius; ut, cuius natalícia cólimus, de eiúsdem étĳam protectiórĳe gaudeámus. Per Dóminum.

Léctio Epístolæ beáti Pauli Apóstoli ad Corínthios. **2 Cor. 1, 3-7**

Fratres: Benedictus Deus et Pater Dómini nostri Iesu Christi, Pater misericordiárum, et Deus totiús consolatiórĳis, qui consolátur nos in omni tribulatiórĳe nostra: ut possímus et ipsi consolári eos, qui in omni pressúra sunt, per exhortatiórĳem, qua exhortámur et ipsi a Deo. Quónĳam sicut abúndant passiórĳes Christi in nobis: ita et per

Christum abundat consolatio nostra. Sive autem tribulamur pro vestra exhortatione et salute, sive consolamur pro vestra consolatione, sive exhortamur pro vestra exhortatione et salute, quæ operatur tolerantiam earundem passionum, quas et nos patimur: ut spes nostra firma sit pro vobis: scientes quod sicut socii passionum estis, sic eritis et consolationis: in Christo Iesu Domino nostro.

Graduale Ps. 8, 6-7 Glória et honore coronasti eum. **V.** Et constituisti eum super opera manuum tuarum, Domine.

Allelúia, allelúia. **V.** Hic est sacerdos, quem coronavit Dominus. Allelúia.

Post Septuagesimam, omissis Allelúia, et versu sequenti, dicitur

Tractus Ps. III, 1-3 Beatus vir, qui timet Dominum: in mandatis eius cupit nimis. **V.** Potens in terra erit semen eius: generatio rectorum benedicetur. **V.** Glória et divitiæ in domo eius: et iustitia eius manet in sæculum sæculi.

✠ Sequentia sancti Evangelii secundum Matthæum.

Matth. 16, 24-27

In illo tempore: Dixit Iesus discipulis suis: Si quis vult post me venire, abneget semetipsum, et tollat crucem suam, et sequatur me. Qui enim voluerit animam suam salvam facere, perdet eam: qui autem perdiderit animam suam propter me, inveniet eam. Quid enim prodest homini, si mundum universum lucratur, animæ vero suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: et tunc reddet unicuique secundum opera eius.

Antiphona ad Offertorium Ps. 88, 21-22 Inveni David servum meum,

oleo sancto meo unxi eum: manus enim mea auxiliabitur ei, et brachium meum confortabit eum.

Secreta

Múnere tibi, Domine, dicata sanctifica: et, intercedente beato **N.** Mártire tuo atque Pontífice, per eadem nos placatus intende. Per Dominum.

Antiphona ad Communionem Ps. 20, 4 Posuisti, Domine, in capite eius coronam de lapide pretioso.

Postcommunio

Hæc nos commúnio, Domine, purget a crimine: et, intercedente beato **N.** Mártire tuo atque Pontífice, cælestis remédii faciat esse consortes. Per Dominum.

III

PRO MARTYRE NON PONTIFICE

Antiphona ad Introitum

Ps. 20, 2-3

In virtute tua, Domine, lætabitur iustus: et super salutare tuum exsultabit vehementer: desiderium animæ eius tribuisti ei. **Ps. ibid., 4** Quoniam prævenisti eum in benedictionibus dulcedinis: posuisti in capite eius coronam de lapide pretioso. **V.** Glória Patri.

Oratio

Præsta, quæsumus, omnipotens Deus: ut, qui beati **N.** Mártiris tui natalicia colimus, intercessionem eius in tui nominis amore roborémur. Per Dominum.

Lectio libri Sapiéntiæ.

Sap. 10, 10-14

Iustum deduxit Dominus per vias rectas, et ostendit illi regnum Dei, et dedit illi scientiam sanctorum: honestavit illum in laboribus, et complévit labores illius. In fraude circumveniéntium illum affuit illi, et honestum fecit illum. Custodívit illum ab inimicis, et a seductóribus tutávit illum, et certámen forte

dedit illi, ut vinceret, et sciret, quóniam ómnium poténtior est sapientia. Hæc vénditum iustum non dereliquit, sed a peccatóribus liberávit eum: descendítque cum illo in fóveam, et in vínculis non dereliquit illum, donec afférret illi sceptrum regni, et poténtiam advérsus eos, qui eum deprimébant: et mendáces osténdit, qui maculavérunt illum, et dedit illi claritátem æternam, Dóminus Deus noster.

Graduale Ps. III, 1-2 Beátus vir, qui timet Dóminum: in mandátis eius cupit nimis. **¶** Potens in terra erit semen eius: generátio rectórum benedicétur.

Allelúia, allelúia. ¶ Ps. 20, 4 Posuísti, Dómine, super caput eius coronam de lápide pretiósó. Allelúia.

Post Septuagesimam, omissis Allelúia, et versu sequenti, dicitur

Tractus Ps. 20, 3-4 Desidérium animæ eius tribuísti ei: et voluntáte labiórum eius non fraudásti eum. **¶** Quóniam prævenísti eum in benedictiónibus dulcédinis. **¶** Posuísti in cápite eius coronam de lápide pretiósó.

✠ **Sequéntia sancti Evangélíi secúndum Matthæum.**

Matth. 10, 34-42

In illo témpore: Dixit Iesus discipulis suis: Nolíte arbitrári quia pacem vénerim mittere in terram: non veni pacem mittere, sed gládium. Veni enim separáre hóminem advérsus patrem suum, et filiam advérsus matrem suam, et nurum advérsus socrum suam: et inimíci hóminis, doméstici eius. Qui amat patrem aut matrem plus quam me, non est me dignus: et qui amat filium aut filiam super me, non est me dignus. Et qui non áccipit crucem suam, et séquitur me, non est me dignus. Qui invénit ánimam suam, perdet illam: et qui per-

perdíderit ánimam suam propter me, invéniet eam. Qui récipit vos, me récipit: et qui me récipit, récipit eum, qui me misit. Qui récipit prophétam in nómine prophétæ, mercédem prophétæ accípiet: et qui récipit iustum in nómine iusti, mercédem iusti accípiet. Et quicúmque potum déderit uni ex mínimis istis cálicem aquæ frigidæ tantum in nómine discipuli: amen dico vobis, non perdet mercédem suam.

Antiphona ad Offertorium Ps. 8, 6-7 Glória et honóre coronásti eum: et constituísti eum super ópera mánuum tuárum, Dómine.

Secreta

Munéribus nostris, quæsumus, Dómine, precibúque suscep-tis: et cæléstibus nos munda mystériis, et cleménter exáudi. Per Dóm.

Antiphona ad Communionem Matth. 16, 24 Qui vult veníre post me, ábneget semetípsum, et tollat crucem suam, et sequáthur me.

Postcommunio

Da, quæsumus, Dómine Deus noster: ut, sicut tuórum commemoratióne Sanctórum temporáli gratulámur offício; ita perpétuo lætémur aspéctu. Per Dóminum.

IV

PRO MARTYRE NON PONTIFICE

Altera Missa

Antiphona ad Introitum

Ps. 63, 11

Lætábitur iustus in Dómino, et sperábit in eo: et laudabúntur omnes recti corde. **Ps. ibid., 2.** Exáudi, Deus, oratióem meam cum déprecor: a timóre inimíci éripe ánimam meam. **¶** Glória Patri.

Oratio

Præsta, quæsumus, omnípotens Deus: ut, intercedénte beáto **N.** Mártire tuo, et a cunctis adversitátibus liberémur in córpore, et a

pravis cogitatióibus mundémur in mente. Per Dóminum.

Léctio Epístolæ beáti Pauli Apóstoli ad Timótheum.

2 Tim. 2, 8-10; 3, 10-12

Carissime: Memor esto, Dóminum Iesum Christum resurrexisse a mórtuis ex sémine David, secúndum Evangélium meum, in quo labóro usque ad víncula, quasi male óperans: sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Iesu, cum glória cælésti. Tu autem assecútus es meam doctrínam, institutióem, propósitum, fidem, longanimitátem, dilectiόem, paciéntiam, persecutiόes, passiόes: quália mihi facta sunt Antiochiæ, Icónii, et Lystris: quales persecutiόes sustínui, et ex ómnibus erípuít me Dóminus. Et omnes, qui pie volunt vívere in Christo Iesu, persecutiόem patiéntur.

Graduale Ps. 36, 24 Iustus cum ceciderit, non collidétur: quia Dóminus supponit manum suam. **V. Ibid., 26** Tota die miserétur, et cōmodat: et semen eius in benedictiōe erit.

Allelúia, allelúia. **V. Ioann. 8, 12** Qui séquitur me, non ámbulat in ténebris: sed habébit lumen vitæ æternæ. Allelúia.

Post Septuagesimam, omissis Allelúia, et versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generatió rectórum benedicétur. **V.** Glória et divítiæ in domo eius: et iustítia eius manet in sáeculum sáeculi.

✠ Sequéntia sancti Evangélii secúndum Matthæum.

Matth. 10, 26-32

In illo témpore: Dixit Iesus discí-pulis suis: Nihil est opértum,

quod non revelábitur: et occúltum, quod non sciétur. Quod dico vobis in ténebris, dícite in lúmine: et quod in aure audítis, prædicáte super tecta. Et nolíte timére eos, qui occídunt corpus, ánimam autem non possunt occídere: sed pótius timéte eum, qui potest et ánimam et corpus pérdere in gehénnam. Nonne duo pásseres asse véneunt: et unus ex illis non cadet super terram sine Patre vestro? Vestri autem capílli cápitis omnes numeráti sunt. Nolíte ergo timére: multis passéribus meliόres estis vos. Omnis ergo, qui confitébitur me coram homínibus: confitébor et ego eum coram Patre meo, qui in cælis est.

Post Septuagesimam in fine sequentis antiphonæ Allelúia omittitur.

Antiphona ad Offertorium Ps. 20, 4-5 Posuísti, Dómine, in cápite eius corónam de lápide pretiόso: vitam pétiit a te, et tribuísti ei, allelúia.

Secreta

Accépta sit in conspéctu tuo, Dómine, nostra devótiō: et eius nobis fiat supplicatiōe salutáris, pro cuius solemnitáte defértur. Per Dóminum.

Antiphona ad Communionem Ioann. 12, 26 Qui mihi ministrat, me sequátur: et ubi sum ego, illic et mínister meus erit.

Postcommunio

Refécti participatiōe múnieris sacri, quásumus, Dómine, Deus noster: ut, cuius exséquimur cultum, intercedénte beáto **N.** Mártire tuo, sentiámus efféctum. Per Dóm.

¶ **Item aliæ Epistolæ et aliud Evangelium de Comuni unius Martyris extra tempus paschale:**

Léctio Epístolæ beáti Iacóbi Apóstoli. **Iac. 1, 2-12**

Carissimi: Omne gáudium exístimate, cum in tentatióes

várias incidéritis: sciéntes, quod probátio fidei vestráe patiéntiam operátur. Patiéntia autem opus perfectum habet: ut sitis perfecti et integri, in nullo deficientes. Si quis autem vestrum indiget sapiéntia, póstulet a Deo, qui dat ómnibus affluénter, et non impróperat: et dábitur ei. Póstulet autem in fide nihil háesitans: qui enim háesitat, símilis est flúctui maris, qui a vento movétur et circumfértur. Non ergo aestimet homo ille, quod accípiat áliquid a Dómino. Vir duplex ánimo incónstans est in ómnibus viis suis. Gloriétur autem frater húmilis in exaltatióne sua: dives autem in hu-

militáte sua, quóniam sicut flos fæni transíbit: exórtus est enim sol cum ardóre, et arefécit fænum, et flos eius décidit, et decor vultus eius depériit: ita et dives in itinéribus suis marcéscet. Beátus vir, qui suffert tentatiónem: quóniam cum probátus fúerit, accípiet coronam vitæ, quam repromísit Deus diligentibus se.

Epistola Communicántes Christi passióibus, **ut pro Ss. Gervasio et Protasio Mm. habetur, die 19 iunii.**

Evangelium Nisi granum fruménti, **ut in festo S. Laurentii Martyris, die 10 augusti.**

COMMUNE PLURIMORUM MARTYRUM EXTRA TEMPUS PASCHALE

I

PRO PLURIBUS MARTYRIBUS

Antiphona ad Introitum

Ps. 78, 11, 12 et 10

Intret in conspéctu tuo, Dómine, gémitus compeditórum: redde vicinis nostris séptuplum in sinu eórum: víndica sánguinem sanctórum tuórum, qui effúsus est. **Ps. ibid., 1** Deus, venérunt gentes in hereditátem tuam, polluérunt templum sanctum tuum: posué-runt Ierúsalem in pomórum custó-diam. **¶. Glória Patri.**

Oratio

Beatórum Mártyrum paritérque Pontíficum **N.** et **N.** nos, quæsumus, Dómine, festa tueántur: et eórum comméndet orátio veneránda. Per Dóminum.

¶ Si non fuerint Pontifices, dicatur oratio ut in sequenti Missa.

Léctio libri Sapiéntiæ.

Sap. 3, 1-8

Iustórum animæ in manu Dei sunt, et non tanget illos torméntum mortis. Visi sunt óculis insipién-

tium mori: et æstimáta est afflictió éxitus illórum: et quod a nobis est iter, exterminium: illi autem sunt in pace. Et si coram homínibus tormenta passi sunt, spes illórum immortalitáte plena est. In paucis vexáti, in multis bene disponéntur: quóniam Deus tentávit eos, et invénit illos dignos se. Tamquam aurum in fornáce probávit illos, et quasi holocáusti hóstiam accépit illos, et in témpore erit respéctus illórum. Fulgébunt iusti, et tamquam scintíllæ in arundinétó discúrrunt. Iudicábunt natiónes, et dominabúntur pópulis, et regnabit Dóminus illórum in perpétuum.

Graduale Exodi 15, 11 Gloriósus Deus in sanctis suis: mirábilis in maiestáte, fáciens prodigia. **¶. Ibid., 6** Dextera tua, Dómine, glori ficáta est in virtúte: dextera manus tua confrégit inimícos.

Allelúia, allelúia. **¶. Eccli. 44, 14** Córpora sanctórum in pace sepúlta sunt, et nómina eórum vivent in generatiónem et generatiónem. Allelúia.

Post Septuagesimam, omissis Allelúia, et versu sequenti, dicitur

Tractus Ps. 125, 5-6 Qui séminant in lácrimis, in gáudio metent. **¶** Eúntes ibant et flebant, mitténtes sémina sua. **¶** Veniéntes autem vénient cum exsultatióne, portántes manípulos suos.

✠ **Sequéntia sancti Evangélíi secúndum Lucam.**

Luc. 21, 9-19

In illo témpore: Dixit Iesus discí-pulis suis: Cum audiéritis prælia et seditiões, nolíte terréri: opórtet primum hæc fieri, sed nondum statim finis. Tunc dicébat illis: Surget gens contra gentem, et regnum advérsus regnum. Et terræmótus magni erunt per loca, et pestiléntiæ, et fames, terrorésque de cælo, et signa magna erunt. Sed ante hæc ómnia incipient vobis manus suas, et persequéntur, tradéntes in synagógas et custódias, trahéntes ad reges et præsides propter nomen meum: contínget autem vobis in testimónium. Pónite ergo in córdibus vestris non præmeditári quemádmódum respondeátis. Ego enim dabo vobis os, et sapiéntiam, cui non póterunt résistere, et contradícere omnes adversárii vestri. Tradémini autem a paréntibus, et frátribus, et cognátis, et amícis, et morte afficient ex vobis: et éritis ódio ómnibus propter nomen meum: et capíllus de cápíte vestro non períbit. In patiéntia vestra possidébitis ánimas vestras.

Post Septuagesimam in fine sequentis antiphonæ Allelúia omittitur.

Antiphona ad Offertorium Ps. 67, 36 Mirábilis Deus in sanctis suis: Deus Israël, ipse dabit virtútem, et fortitúdinem plebi suæ: benedíctus Deus, allelúia.

Secreta

Adésto, Dómine, supplicatióibus nostris, quas in Sanctórum

tuórum commemoratióne deférimus: ut, qui nostræ iustítiæ fidúciám non habémus, eórum qui tibi placuérunt, méritis adiuvémur. Per Dóminum.

Antiphona ad Communionem Sap. 3, 4, 5 et 6 Et si coram homínibus torménta passi sunt, Deus tentávit eos: tamquam aurum in fornáce probávit eos, et quasi holocáusta accépit eos.

Postcommunio

Quæsumus, Dómine, salutáribus repléti mystériis: ut, quorum solémnia celebrámus, eórum oratióibus adiuvémur. Per Dóminum.

II

PRO PLURIBUS MARTYRIBUS

Altera Missa

Antiphona ad Introitum

Eccli. 44, 15 et 14

Sapiéntiam sanctórum narrent pópuli, et laudes eórum nuntiet ecclésia: nómina autem eórum vivent in sáculum sáculi **Ps. 32, 1** Exsultáte, iusti, in Dómino: rectos decet collaudátio. **¶** Glória Patri.

Oratio

Deus, qui nos concédis sanctórum Mártyrum tuórum **N.** et **N.** natalícia cólere: da nobis in æténa beatitúdine de eórum societáte gaudére. Per Dóminum.

¶ **Si fuerint Pontifices, dicatur oratio præcedentis Missæ; quod et in sequentibus servetur.**

Léctio libri Sapiéntiæ.

Sap. 5, 16-20

Iusti autem in perpétuum vivent, et apud Dóminum est merces eórum, et cogitatio illórum apud Altíssimum. Ideo accipient regnum decóris, et diadéma speciéi de manu Dómini: quóniam dextera sua teget eos, et brácchio sancto suo deféndet illos. Accípiet armatúram zelus illius, et armábit creatúram ad ul-

tióne inimicórum. Induet pro thoráce iustítiam, et accípiet pro gálea iudícium certum. Sumet scutum inexpugnábile, æquitatem.

Graduale Ps. 123, 7-8 Anima nostra, sicut passer, erépta est de láqueo venántium. **¶** Láqueus contrítus est, et nos liberáti sumus: adiutórium nostrum in nómine Dómini, qui fecit cælum et terram.

Allelúia, allelúia. **¶ Ps. 67, 4** Iusti epuléntur, et exsúltent in conspéctu Dei: et delecténtur in lætítia. Allelúia.

Post Septuagesimam, omissis Allelúia, et versu sequenti, dicitur

Tractus Ps. 125, 5-6 Qui sémant in lácrimis, in gáudio metent. **¶** Eúntes ibant et flebant, mitténtes sémina sua. **¶** Veniéntes autem vénient cum exsultatióne, portántes manípulos suos.

✠ Sequéntia sancti Evangélíi secúndum Lucam. **Luc. 6, 17-23**

In illo témpore: Descéndens Iesus de monte, stetit in loco campéstri, et turba discipulórum eius, et multitúdo copiósa plebis ab omni Iudæa, et Ierúsalem, et marítima, et Tyri, et Sidónis, qui vénerant ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quærébat eum tângere: quia virtus de illo exíbat, et sanábat omnes. Et ipse elevátis óculis in discípulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et eiécerint nomen vestrum tamquam malum propter Fílium hóminis. Gaudéte in illa die, et exsultáte: ecce enim, merces vestra multa est in cælo.

Post Septuagesimam in fine se-

quentis antiphonæ Allelúia omit-
titur.

Antiphona ad Offertorium Ps. 149, 5-6 Exsultábunt sancti in glória, lætabúntur in cubílibus suis: exaltatiónes Dei in fáucibus eórum, allelúia.

Secreta

Múnera tibi, Dómine, nostræ devotiónis offérimus: quæ et pro tuórum tibi grata sint honóre iustórum, et nobis salutária, te miseránte, reddántur. Per Dóminum.

Antiphona ad Communionem Luc. 12, 4 Dico autem vobis amícis meis: Ne terreámini ab his, qui vos persecúntur.

Postcommunio

Præsta nobis, quæsumus, Dómine, intercedéntibus sanctis Mártýribus tuis **N.** et **N.**; ut, quod ore contíngimus, pura mente capiámus. Per Dóminum.

III

PRO PLURIBUS MARTYRIBUS

Tertia Missa

Antiphona ad Introitum

Ps. 36, 39

Salus autem iustórum a Dómino: et protéctor eórum est in témpore tribulatiónis. **Ps. ibid., 1** Noli æmulári in malignántibus: neque zeláveris faciéntes iniquitatem. **¶** Glória Patri.

Oratio

Deus, qui nos ánnua sanctórum Mártýrum tuórum **N.** et **N.** solemnitáte lætíficas: concéde propítius; ut, quorum gaudémus méritis, accendámur exémpis. Per Dóminum.

Léctio Epístolæ beáti Pauli Apóstoli ad Hebræos.

Hebr. 10, 32-38

Fratres: Rememorámini prístinos dies, in quibus illumináti, magnum certámen sustinuístis pas-

siónum: et in áltero quidem opprobriis, et tribulatióibus spectáculum facti: in áltero autem sócii táliter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliorem, et manéntem substántiam. Nolíte itaque amittere confidéntiam vestram, quæ magnam habet remuneratióem. Patiéntia enim vobis necessária est: ut voluntátem Dei faciéntes, reportétis promissióem. Adhuc enim módicum aliquántulum, qui ventúrus est, véniet, et non tardábit. Iustus autem meus ex fide vivit.

Graduale Ps. 33, 18-19 Clamavérunt iusti, et Dóminus exaudivit eos: et ex ómnibus tribulatióibus eórum liberávit eos. **¶** Iuxta est Dóminus his, qui tribuláto sunt corde: et húmiles spírиту salvábit.

Allelúia, allelúia. **¶** Te Mártyrum candidátus laudat exércitus, Dómine. Allelúia.

Post Septuagesimam, omissis Allelúia, et versu sequenti, dicitur

Tractus Ps. 125, 5-6 Qui séminant in lácrimis, in gáudio metent. **¶** Eúntes ibant et flebant, mitténtes sémina sua. **¶** Veniéntes autem vénient cum exsultatióne, portántes manípulos suos.

✠ Sequéntia sancti Evangélii secúndum Lucam. **Luc. 12, 1-8**

In illo témpore: Dixit Iesus discí-pulis suis: Atténdite a ferménto pharisæórum, quod est hypócrisis. Nihil autem opértum est, quod non revelétur: neque absconditum, quod non sciátur. Quóniam quæ in ténebris dixístis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne terreámini ab his, qui occidunt corpus, et post hæc non habent ámplius quid fáciant. Osténdam autem vobis quem timeátis: timéte eum, qui

postquam occíderit, habet potestátem mittere in gehénnam. Ita dico vobis, hunc timéte. Nonne quinque pásseres véneunt dipóndio, et unus ex illis non est in oblivióne coram Deo? Sed et capílli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis quicúmque conféssus fúerit me coram hóminibus, et Fílius hóminis confitébitur illum coram Angelis Dei.

Post Septuagesimam in fine sequentis antiphonæ Allelúia omittitur.

Antiphona ad Offertorium Sap. 3, 1, 2 et 3 Iustórum ánimæ in manu Dei sunt, et non tanget illos torméntum malítiæ: visi sunt óculis insipiéntium mori: illi autem sunt in pace, allelúia.

Secreta

Oblátis, quæsumus, Dómine, placáre munéribus: et, intercedéntibus sanctis Martýribus tuis **N.** et **N.**, a cunctis nos defénde perículis. Per Dóminum.

Antiphona ad Communionem Matth. 10, 27 Quod dico vobis in ténebris, dicite in lúmine, dicit Dóminus: et quod in aure audítis, prædicáte super tecta.

Postcommunio

Hæc nos commúnio, Dómine, purget a crímine: et, intercedéntibus sanctis Martýribus tuis **N.** et **N.**, cæléstis remédii fáciat esse consórtes. Per Dóminum.

¶ **Item aliæ Epistolæ et alia Evangelia pro pluribus Martyribus:**

Epistola Réddidit Deus iustis mercédem labórum suórum, **ut in Festo Ss. Nazarii et Sociorum Mm., die 28 iulii.**

Epistola Iustificáti ex fide, **ut pro Ss. Marco et Marcelliano Martyribus habetur, die 18 iunii.**

Epistola Exístimo quod non sunt

condignæ passiones, **ut pro Ss. Tryphone et Sociis Martyribus habetur, die 10 novembris.**

Epistola Exhibeāmus nosmetipsos, **ut pro Ss. Abdon et Sennen Mm., die 30 iulii.**

Epistola Sancti per fidem, **ut in festo Ss. Fabiani Papæ et Sebastiani Mm., die 20 ianuarii.**

Epistola Respōdit unus de senioribus, **ut pro Ss. Mauritio et Sociis Martyribus habetur, die 22 septembris.**

✠ **Sequētia sancti Evangēlii secundum Matthæum.**

Matth. 24, 3-13

In illo tēpore: Sedēte Iesu super montem Olivēti, accesserunt ad eum discipuli secrēto, dicētes: Dic nobis, quando hæc erunt? et quod signum advētus tui, et consummationis sēculi? Et respōdens Iesus, dixit eis: Vidēte ne quis vos seducat. Multi enim vēnient in nōmine meo, dicētes: Ego sum Christus: et multos sedūcent. Auditūri enim estis prālia, et opiniōes praeliōrum. Vidēte ne turbēmini. Opōr-
tet enim hæc fieri, sed nondum est

finis. Consūrget enim gens in gentem, et regnum in regnum, et erunt pestilētiæ, et fames, et terrāmōtus per loca. Hæc autem omnia, inītia sunt dolōrum. Tunc tradent vos in tribulatiōnem, et occident vos: et éritis ódio ómnibus gētibus propter nomen meum. Et tunc scandalizabúntur multi, et invicem tradent, et ódio habébunt invicem. Et multi pseudoprophētæ surgent, et sedúcent multos. Et quóniam abundávit iníquitas, refrigēscet caritas multórum. Qui autem perseveráverit usque in finem, hic salvus erit.

Evangeliū Videns Iesus turbas, ascendit, **ut in festo omnium Sanctorum, die 1 novembris.**

Evangeliū Confíteor tibi, Pater, **ut in festo S. Francisci Conf., die 4 octobris.**

Evangeliū Væ vobis, qui ædificátis, **ut pro Ss. Marco et Marceliano Martyribus habetur, die 18 iunii.**

Evangeliū Qui vos audit, me audit, **ut pro Ss. Vito et Sociis Mm., die 15 iunii.**

COMMUNE MARTYRUM

TEMPORE PASCHALI

I

PRO UNO MARTYRE

Antiphona ad Introitum

Ps. 63, 3

Protexisti me, Deus, a convēntu malignántium, allelúia: a multitudīne operántium iniquitatem, allelúia, allelúia. **Ps. ibid., 2** Exáudi, Deus, oratiōnem meam cum déprecor: a timóre inimíci éripe ánimam meam. **Ÿ. Glória Patri.**

I Pro Martyre Pontifice

Oratio

Infirmatētem nostram respice, omnípotens Deus: et, quia

pondus propriæ actiōnis gravat, beáti **N.** Mártyris tui atque Pontíficis intercēssio gloriósa nos próteget. Per Dóminum.

2 Item alia oratio

Deus, qui nos beáti **N.** Mártyris tui atque Pontíficis ánnua solemnitate lætíficas: concéde propítius; ut, cuius natalícia cólimus, de eiúsdem étiam protectiōne gaudeámus. Per Dóminum.

3 Pro Martyre tantum

Oratio

Præsta, quæsumus, omnípotens Deus: ut, qui beáti **N.** Mártyris

tui natalícia cólimus, intercessióne eius, in tui nóminis amóre roborémur. Per Dóminum.

4 Item alia oratio

Præsta, quæsumus, omnípotens Deus: ut, intercedente beáto **N.** Mártire tuo, et a cunctis adversitátibus liberémur in córpore, et a pravis cogitátionibus mundémur in mente. Per Dóminum.

Léctio libri Sapiéntiæ.

Sap. 5, 1-5

Stabunt iusti in magna constántia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitátione insperátæ salútis, dicéntes intra se, pæniténtiam agéntes, et præ angústia spíritus geméntes: Hi sunt, quos habúimus aliquándo in derísum, et in similitúdinem impropérii. Nos insensáti vitam illórum æstimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est.

Vel Epistola beati Pauli Apostoli ad Timotheum Memor esto, ut in Missa Lætábitur, de **Communi unius Martyris IV loco** (7).

Allelúia, allelúia. **Ps. 88, 6** Confitebúntur cæli mirabília tua, Dómine: étenim veritátem tuam in ecclésia sanctórum. Allelúia. **Ps. 20, 4** Posuísti, Dómine, super caput eius corónam de lápide pretióso. Allelúia.

✠ Sequéntia sancti Evangélíi secúndum Ioánnem. **Ioann. 15, 1-7**

In illo témpore: Dixit Iesus discipulis suis: Ego sum vitis vera: et Pater meus agrícola est. Omnem pálmitem in me non feréntem fructum, tollet eum: et omnem, qui fert fructum purgábit eum, ut fructum plus áfferat. Iam vos mundi estis propter sermónem, quem lo-

cútus sum vobis. Manéte in me: et ego in vobis. Sicut palmes non potest ferre fructum a semetípso, nisi mánserit in vite: sic nec vos, nisi in me manséritis. Ego sum vitis, vos pálmities: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint: quodcúmque voluéritis, petétis, et fiet vobis.

Antiphona ad Offertorium Ps. 88, 6 Confitebúntur cæli mirabília tua, Dómine: et veritátem tuam in ecclésia sanctórum, allelúia, allelúia.

1 Pro Martyre Pontifice Secreta

Hóstias tibi, Dómine, beáti **N.** Mártiris tui atque Pontíficis dicátas méritis, benígnus assúme: et ad perpétuum nobis tríbue proveníre subsidium. Per Dóminum.

2 Item alia secreta

Múnera tibi, Dómine, dicáta sanctífica: et, intercedente beáto **N.** Mártire tuo atque Pontífice, per éadem nos placátus inténde. Per Dóminum.

3 Pro Martyre tantum Secreta

Munéribus nostris, quæsumus, Dómine, precibúque suscep-tis: et cæléstibus nos munda mystériis, et cleménter exáudi. Per Dóminum.

4 Item alia secreta

Accépta sit in conspéctu tuo, Dómine, nostra devótio: et eius nobis fiat supplicatióne salutáris, pro cuius solemnitáte defér-tur. Per Dóminum.

Antiphona ad Communionem Ps. 63, 11 Lætábitur iustus in Dómino, et sperábit in eo: et laudabúntur omnes recti corde, allelúia, allelúia.

I Pro Martyre Pontifice
Postcommunio

Refecti participatióne múnieris sacri, quásumus, Dómine Deus noster: ut, cuius exséquimur cultum, intercedente beáto **N.** Mártire tuo atque Pontífice, sentiámus effectum. Per Dóminum.

2 Item alia postcommunio

Hæc nos commúnio, Dómine, purget a crímine: et, intercedente beáto **N.** Mártire tuo atque Pontífice, cæléstis remédii fáciat esse consórtes. Per Dóminum.

3 Pro Martyre tantum
Postcommunio

Da, quásumus, Dómine Deus noster: ut, sicut tuórum commemoratióne Sanctórum temporáli gratulámur officio, ita perpétuo lætémur aspéctu. Per Dóminum.

4 Item alia postcommunio

Refecti participatióne múnieris sacri, quásumus, Dómine Deus noster: ut, cuius exséquimur cultum, intercedente beáto **N.** Mártire tuo, sentiámus effectum. Per Dóminum.

¶ **Epistola prima et Evangelium, quæ pro uno Martyre tempore paschali habentur, dici possunt etiam pro pluribus Martyribus, et vicissim; dummodo tamen certa Missa vel certa Epistola aut Evangelium in Missali non fuerint assignata.**

II

PRO PLURIBUS MARTYRIBUS

Antiphona ad Introitum

Ps. 144, 10-11

Sancti tui, Dómine, benedícunt te: glóriam regni tui dicent, allelúia, allelúia. **Ps. ibid., 1** Exaltábo te, Deus meus Rex: et benedícam nómini tuo in sáculum, et in sáculum sáculi. **V.** Glória Patri.

Pro pluribus
Martyribus Pontificibus
Oratio

Beatórum Mártýrum paritérque Pontíficum **N.** et **N.** nos, quásumus, Dómine, festa tueántur: et eórum comméndet orátio veneránda. Per Dóminum.

2 Pro pluribus
Martyribus tantum
Oratio

Deus, qui nos concédís sanctórum Mártýrum tuórum **N.** et **N.** natalícia cólere: da nobis in ætéRNA beatitúdine de eórum societáte gaudére. Per Dóminum.

3 Item alia oratio

Deus, qui nos ánnua sanctórum Mártýrum tuórum **N.** et **N.** solemnitáte lætíficas: concéde propítius; ut, quorum gaudémus méritis, accendámur exémpis. Per Dóminum.

Léctio Epístolæ beáti Petri Apóstoli.

1 Petri 1, 3-7

Benedíctus Deus, et Pater Dómini nostri Iesu Christi, qui secúndum misericórdiam suam magnam regenerávit nos in spem vivam, per resurrectionem Iesu Christi ex mórtuis, in hereditátem incorruptíblem, et incontaminátam, et immarcescibilem, conservátam in cælis in vobis, qui in virtúte Dei custodímini per fidem in salutem, parátam revelári in témpore novíssimo. In quo exultábitis, módicum nunc si opórtet contristári in váriis tentatió nibus: ut probátio vestræ fidei multo pretiósior auro (quod per ignem probátur) inveniátur in laudem, et glóriam, et honórem, in revelatióne Iesu Christi Dómini nostri.

Allelúia, allelúia. **V.** Sancti tui, Dómine, florébunt sicut lílium: et sicut odor bálsami erunt ante te. Allelúia. **V.** **Ps. 115, 15** Pretiósia in

conspéctu Dómini mors sanctórum eius. Allelúia.

✠ Sequéntia sancti Evangélíi secúndum Ioánnem.

Ioann. 15, 5-11

In illo témpore: Dixit Iesus discí-
pulis suis: Ego sum vitis, vos
pálmites: qui manet in me, et ego
in eo, hic fert fructum multum:
quia sine me nihil potéstis fácere.
Si quis in me non mánserit, mit-
tétur foras sicut palmes, et aréscet,
et cólligent eum, et in ignem mit-
tent, et ardet. Si manséritis in me,
et verba mea in vobis mánserint:
quodcúmque voluérítis petétis, et
fiet vobis. In hoc clarificátus est
Pater meus, ut fructum plúrimum
afferátis, et efficiámini mei discípuli.
Sicut diléxit me Pater, et ego diléxi
vos. Manéte in dilectióne mea. Si
præcépta mea servavérítis, mané-
bitis in dilectióne mea, sicut et ego
Patris mei præcépta servávi, et má-
neo in eius dilectióne. Hæc locútus
sum vobis: ut gáudium meum in
vobis sit, et gáudium vestrum im-
pleátur.

**Antiphona ad Offertorium Ps. 31,
11** Lætámini in Dómino, et exsul-
táte, iusti: et gloriámini, omnes
recti corde, allelúia, allelúia.

**1 Pro pluribus
Martyribus Pontificibus**

Secreta

Adésto, Dómine, supplicatióibus
nostris, quas in Sanctórum tuó-
rum commemoratióne deférimus:
ut, qui nostræ iustítiæ fidúciám non
habémus, eórum qui tibi placué-
runt, méritis adiuvémur. Per Dó-
minum.

**2 Pro pluribus
Martyribus tantum**

Secreta

Múnera tibi, Dómine, nostræ
devotiónis offérimus: quæ et
pro tuórum tibi grata sint honóre

iustórum, et nobis salutária, te mi-
seránte, reddántur. Per Dóminum.

3 Item alia secreta

Oblátis, quæsumus, Dómine,
placáre munéríbus: et, inter-
cedéntibus sanctis Martýribus tuis
N. et **N.**, a cunctis nos defénde pe-
rículis. Per Dóminum.

**Antiphona ad Communionem
Ps. 32, 1** Gaudéte, iusti, in Dómino,
allelúia: rectos decet collaudátio,
allelúia.

**1 Pro pluribus
Martyribus Pontificibus
Postcommunio**

Quæsumus, Dómine, salutáribus
repléti mystériis: ut, quorum
solémnia celebrámus, eórum ora-
tiónibus adiuvémur. Per Dóminum.

**2 Pro pluribus
Martyribus tantum
Postcommunio**

Præsta nobis, quæsumus, Dómine:
intercedéntibus sanctis Martý-
ribus tuis **N.** et **N.**; ut, quod ore
contingimus, pura mente capiámus.
Per Dóminum.

3 Item alia postcommunio

Hæc nos commúnio, Dómine,
purget a crímíne: et, interce-
déntibus sanctis Martýribus tuis **N.**
et **N.**, cæléstis remédii fáciat esse
consórtes. Per Dóminum.

**¶ In Communi Martyrum tem-
pore paschali, alia Epistola et aliud
Evangelium:**

Epistola Post hæc ego Ioánnes,
ut in festo Ss. Gordiani et Epimachi
Mm., die 10 maii.

✠ Sequéntia sancti Evangélíi se-
cúndum Ioánnem.

Ioann. 16, 20-22

In illo témpore: Dixit Iesus discí-
pulis suis: Amen, amen dico vo-
bis: quia plorábitis, et flébitis vos,
mundus autem gaudébit: vos vero
contristabímíni, sed tristítia vestra

vertétur in gáudium. Múlier cum parit, tristítiam habet, quia venit hora eius: cum autem pepérerit púerum, iam non méminit pressúræ propter gáudium: quia natus est

homo in mundum. Et vos igitur nunc quidem tristítiam habétis, íterum autem vidébo vos, et gaudébit cor vestrum: et gáudium vestrum nemo tollet a vobis.

COMMUNE CONFESSORIS PONTIFICIS

I

PRO CONFESSORE PONTIFICE

Antiphona ad Introitum

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdotii díginitas in ætérnum. (T. P. Allelúia, allelúia.) Ps. 131, 1 Meménto, Dómine, David: et omnis mansuetúdinis eius. V. Glória Patri.

Oratio

Da, quæsumus, omnípotens Deus: ut beáti N. Confessoris tui atque Pontíficis veneránda solémnitas, et devotióne nobis áugeat, et salútem. Per Dóminum.

Léctio libri Sapiéntiæ.

Eccli. 44, 16-27; 45, 3-20

Ecce sacerdos magnus, qui in diébus suis plácuít Deo, et invéntus est iustus: et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo iureiurádo fecit illum Dóminus créscere in plebem suam. Benedictiódinem ómnium géntium dedit illi, et testaméntum suum confirmávit super caput eius. Agnóvit eum in benedictiódinibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdotium magnum: et beatificávit illum in glória. Fungi sacerdotio, et habére laudem in nó-

mine ipsíus, et offérre illi incénsum dignum in odórem suavitátis.

Graduale Eccli. 44, 16 Ecce sacerdos magnus, qui in diébus suis plácuít Deo. V. Ibid., 20 Non est invéntus símilis illi, qui conserváret legem Excélsi.

Allelúia, allelúia. V. Ps. 109, 4 Tu es sacerdos in ætérnum, secúndum órđinem Melchisedech. Allelúia.

Post Septuagesimam, omissis Allelúia, et versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis eius cupit nimis. V. Potens in terra erit semen eius: generátio rectórum benedicétur. V. Glória et divítiæ in domo eius: et iustítia eius manet in sáculum sáculi.

Tempore autem paschali omittitur graduale, et eius loco dicitur:

Allelúia, allelúia. V. Ps. 109, 4 Tu es sacerdos in ætérnum, secúndum órđinem Melchisedech. Allelúia. V. Hic est sacerdos, quem coronávit Dóminus. Allelúia.

✠ Sequéntia sancti Evangélíi secúndum Matthæum.

Matth. 25, 14-23

In illo témpore: Dixit Iesus discí-pulis suis parábolam hanc: Homo péregre proficíscens, vocávit servos suos, et trádidit illis bona sua. Et uni dedit quinque talénta, álii autem duo, álii vero unum, unicúque secúndum própriam virtútem, et proféctus est statim. Abiit autem qui quinque talénta accéperat, et operátus est in eis, et

lucratus est alia quinque. Similiter et qui duo accéperat, lucratus est alia duo. Qui autem unum accéperat, ábiens fodit in terram, et abscondit pecuniam dómini sui. Post multum vero témporis venit dóminus servórum illórum, et pósuit ratiónem cum eis. Et accédens qui quinque talénta accéperat, obtulit alia quinque talénta, dicens: Dómine, quinque talénta tradidisti mihi, ecce, alia quinque superlucratus sum. Ait illi dóminus eius: Euge, serve bone, et fidélis, quia super pauca fuísti fidélis, super multa te constituam: intra in gáudium dómini tui. Accéssit autem et qui duo talénta accéperat, et ait: Dómine, duo talénta tradidisti mihi, ecce, alia duo lucratus sum. Ait illi dóminus eius: Euge, serve bone, et fidélis, quia super pauca fuísti fidélis, super multa te constituam: intra in gáudium dómini tui.

Antiphona ad Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum. (T. P. Allelúia.)

Secreta

Sancti tui, quásumus, Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum.

Antiphona ad Communionem Luc. 12, 42 Fidélis servus et prudens, quem constituit dóminus super familiam suam: ut det illis in témpore trítici mensúram. (T. P. Allelúia.)

Postcommunio

Præsta, quásumus, omnípotens Deus: ut, de percéptis munéribus grátias exhibéntes, intercedénte beáto N. Confessóre tuo atque Pontífice, benefícia potióra sumámus. Per Dóminum.

B MISSALE ROM.

II

PRO CONFESSORE PONTIFICE

Altera Missa

Antiphona ad Introitum

Ps. 131, 9-10

Sacerdotes tui, Dómine, induant iustítiam, et sancti tui exsultent: propter David servum tuum, non avértas fáciem Christi tui. (T. P. Allelúia, allelúia.) Ps. *ibid.*, 1 Meménto, Dómine, David: et omnis mansuetúdinis eius. V. Glória Patri.

Oratio

Exáudi, quásumus, Dómine, preces nostras, quas in beáti N. Confessoris tui atque Pontificis solemnitate deférimus: et, qui tibi digne méruit famulári, eius intercedéntibus méritis, ab ómnibus nos absólve peccátis. Per Dóminum.

Léctio Epístolæ beáti Pauli Apóstoli ad Hebræos.

Hebr. 7, 23-27

Fratres: Plures facti sunt sacerdotes, idcirco quod morte prohiberéntur permanére: Iesus autem eo quod máneat in ætérnum, sempitérnum habet sacerdotium. Unde et salváre in perpétuum potest accedéntes per semetípsum ad Deum: semper vivens ad interpellándum pro nobis. Talis enim decébat, ut nobis esset pöntifex, sanctus, innocens, impollútus, segregátus a peccatóribus, et excélsior cælis factus: qui non habet necessitátem quotidie, quemádmódum sacerdotes, prius pro suis delíctis hóstias offerre, deínde pro pópuli: hoc enim fecit semel, seípsum offeréndo, Iesus Christus Dóminus noster.

Graduale Ps. 131, 16-17 Sacerdotes eius induam salutári: et sancti eius exsultatióne exsultábunt. V. Illuc producam cornu David: parávi lucérnam Christo meo.

Allelúia, allelúia. **V. Ps. 109, 4** Iurávit Dóminus, et non pænitébit eum: Tu es sacérdos in ætérnum, secúndum órđinem Melchisedech. Allelúia.

Post Septuagesimam, omissis Allelúia, et versu sequenti, dicitur

Tractus Ps. III, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiae in domo eius: et iustítia eius manet in sáculum sáculi.

Tempore autem paschali omit-titur graduale, et eius loco dicitur:

Allelúia, allelúia. **V. Ps. 109, 4** Iurávit Dóminus, et non pænitébit eum: Tu es sacérdos in ætérnum, secúndum órđinem Melchisedech. Allelúia. **V. Eccli. 45, 9** Amávit eum Dóminus, et ornávit eum: stolam glóriæ índuit eum. Allelúia.

✠ **Sequéntia sancti Evangélíi se-cúndum Matthæum.**

Matth. 24, 42-47

In illo témpore: Dixit Iesus discí-pulis suis: Vigilate, quia nescítis qua hora Dóminus vester ventúrus sit. Illud autem scitóte, quóniam si sciret paterfamílias, qua hora fur ventúrus esset, vigiláret útique, et non síneret pérfodi domum suam. Ideo et vos, estóte paráti: quia qua nescítis hora, Filius hóminis ven-túrus est. Quis, putas, est fidélis servus, et prudens, quem constituit dóminus suus super famíliam suam, ut det illis cibum in témpore? Beátus ille servus, quem, cum vé-nerit dóminus eius, invénerit sic faciéntem. Amen dico vobis, quóniam super ómnia bona sua constítuet eum.

Antiphona ad Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu eius. **(T. P. Allelúia.)**

Secreta

Sancti **N.** Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grá-tiæ tuæ dona concíliet. Per Dómi-num.

Antiphona ad Communionem Matth. 24, 46-47 Beátus servus, quem, cum vénerit Dóminus, in-vénerit vigilántem: amen dico vo-bis, super ómnia bona sua constí-tuet eum. **(T. P. Allelúia.)**

Postcommunio

Deus, fidélium remunerátor ani-márum: præsta; ut beáti **N.** Confessóris tui atque Pontíficis, cuius venerándam celebrámus festi-vitátem, précibus indulgéntiam consequámur. Per Dóminum.

¶ **Item aliæ Epistolæ et alia Evan-gelia pro Confessore Pontifice:**

Epistola Omnis póntifex, **ut in anniversario Episcopi** (63).

Epistola Mementóte præpositó-rum, **ut in festo S. Nicolai Ep. et Conf., die 6 decembris.**

Evangelium Nemo lucérnam ac-céndit, **ut in festo S. Martini Ep. et Conf., die 11 novembris.**

Evangelium Vidéte, vigiláte, et oráte, **ut in anniversario Episcopi** (63).

COMMUNE DOCTORUM

Antiphona ad Introitum**Eccli. 15, 5**

In médio Ecclésiæ apérui os eius: et implévit eum Dóminus spiritu sapiéntiæ et intelléctus: stolam glóriæ induit eum. (T. P. Allelúia, allelúia.) **Ps. 91, 2** Bonum est confitéri Dómino: et psállere nómini tuo, Altíssime. **V.** Glória Patri.

Oratio

Deus, qui pópulo tuo æternæ salutis beátum **N.** místrum tribuísti: præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Léctio Epístolæ beáti Pauli Apóstoli ad Timótheum.

2 Tim. 4, 1-8

Caríssime: Testíficor coram Deo, et Iesu Christo, qui iudicáturus est vivos et mórtuos, per advéntum ipsíus, et regnum eius: prædica verbum, insta opportúne, importúne: árgue, óbsecra, increpa in omni patiéntia, et doctrína. Erit enim tempus, cum sanam doctrinam non sustinébunt, sed ad sua desidéria coacervábunt sibi magístros, pruriéntes áuribus, et a veritate quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim iam delíbor, et tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiæ, quam reddet mihi Dóminus in illa die, iustus iudex: non solum autem mihi, sed et iis, qui díligunt advéntum eius.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei

eius in corde ipsíus: et non supplantabúntur gressus eius.

Allelúia, allelúia. **V. Eccli. 45, 9** Amávit eum Dóminus, et ornávit eum: stolam glóriæ induit eum. Allelúia.

Post Septuagesimam, omissis Allelúia, et versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiæ in domo eius: et iustítia eius manet in sáculum sáculi.

Tempore autem paschali omititur graduale, et eius loco dicitur:

Allelúia, allelúia. **V. Eccli. 45, 9** Amávit eum Dóminus, et ornávit eum: stolam glóriæ induit eum. Allelúia. **V. Osee 14, 6** Iustus germinábit sicut lílium: et florébit in ætérnum ante Dóminum. Allelúia.

✠ Sequéntia sancti Evangélii scúndum Matthæum.

Matth. 5, 13-19

In illo témpore: Dixit Iesus discí-pulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvare legem, aut prophétas: non veni sólvare, sed adimplére. Amen quippe dico vobis, donec tránseat cælum et terra, ióta unum, aut unus apex non præteríbit a lege,

donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium Ps. 91, 13 Iustus ut palma florébit: sicut cedrus, quæ in Líbano est, multiplicábitur. (T. P. Allelúia.)

Pro Doctore Pontifice
Secreta

Sancti **N.** Pontíficis tui atque Doctóris nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtíneat. Per Dóminum.

2 Pro Doctore non Pontifice
Secreta

Sancti **N.** Confessóris tui atque Doctóris nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtíneat. Per Dóminum.

Antiphona ad Communionem
Luc. 12, 42 Fidélis servus, et prudens, quem constituit Dóminus super familiam suam: ut det illis in témpore trítici mensúram. (T. P. Allelúia.)

1 Pro Doctore Pontifice
Postcommunio

Ut nobis, Dómine, tua sacrificia dent salútem: beátus **N.** Pón-

tifex tuus et Doctor egrégicus, quæsumus, precátor accédatur. Per Dóminum.

2 Pro Doctore non Pontifice
Postcommunio

Ut nobis, Dómine, tua sacrificia dent salútem: beátus **N.** Confessor tuus et Doctor egrégicus, quæsumus, precátor accédatur. Per Dóminum.

¶ **Item alia Epistola pro Doctoribus:**

Léctio libri Sapiéntiæ.

Eccli. 39, 6-14

Iustus cor suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delictis suis deprecábitur. Si enim Dóminus magnus volúerit, spíritu intellegéntiæ replébit illum: et ipse tamquam imbres mittet elóquia sapiéntiæ suæ, et in oratióne confitébitur Dómino: et ipse díriget consílium eius et disciplínam, et in absconditis suis consiliábitur. Ipse palam faciet disciplínam doctrínæ suæ, et in lege testaménti Dómini gloriábitur. Colaudábunt multi sapiéntiam eius, et usque in sáculum non delébitur. Non recédet memória eius, et nomen eius requirétur a generatióne in generatióne. Sapiéntiam eius enarrábunt gentes, et laudem eius enuntiábit ecclésia.

COMMUNE CONFESSORIS NON PONTIFICIS

I
PRO
CONFESSORE NON PONTIFICE

Antiphona ad Introitum

Ps. 36, 30-31

Os iusti meditábitur sapiéntiam, et lingua eius loquétur iudícium: lex Dei eius in corde ipsíus. (T. P. Allelúia, al-

lelúia.) **Ps. ibid., 1** Noli æmulári in malignántibus: neque zeláveris faciéntes iniquitatem. **V.** Glória Patri.

Oratio

Deus, qui nos beáti **N.** Confessoris tui ánnua solemnitáte lætíficas: concéde propítius; ut, cuius natalícia cólimus, étiam actiões imitémur. Per Dóminum.

Lectio libri Sapiéntiæ.

Eccli. 31, 8-11

Beátus vir, qui invéntus est sine mácula: et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirábilia in vita sua. Qui probátus est in illo, et perféctus est, erit illi glória ætérna: qui pótuit tránsgridi, et non est transgréssus: fácere mala, et non fecit: ideo stabilíta sunt bona illíus in Dómino, et eleemósynas illíus enarrábit omnis ecclésia sanc-tórum.

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **V. Iac. 1, 12** Beátus vir, qui suffert tentatióem: quóniam cum probátus fúerit, accípiet corónam vitæ. Allelúia.

Post Septuagesimam, omissis Allelúia, et versu sequenti, dicitur.

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiae in domo eius: et iustítia eius manet in sáculum sáculi.

Tempore autem paschali omit-titur graduale, et eius loco dicitur:

Allelúia, allelúia. **V. Iac. 1, 12** Beátus vir, qui suffert tentatióem: quóniam cum probátus fúerit, accípiet corónam vitæ. Allelúia. **V. Eccli. 45, 9** Amávit eum Dóminus, et ornávit eum: stolam glóriæ induit eum. Allelúia.

✠ Sequéntia sancti Evangélíi secúndum Lucam. **Luc. 12, 35-40**

In illo témpore: Dixit Iesus discí-pulis suis: Sint lumbi vestri præcíncti, et lucérnæ ardéntes in máni-bus vestris, et vos símiles homíni-bus exspectántibus dóminum suum, quando revertátur a núptiis: ut, cum vénerit, et pulsáverit, conféstim apériant ei. Beáti servi illi, quos, cum vénerit dóminus, invénerit vigilántes: amen dico vobis, quod præcínget se, et fáciet illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non síneret pérfodi domum suam. Et vos estóte paráti: quia qua hora non putátis, Fílius hóminis véniet.

Antiphona ad Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu eius. **(T. P. Allelúia.)**

Secreta

Laudis tibi, Dómine, hóstias immolámus in tuórum comemoratióne Sanctórum: quibus nos et præsentibus éxui malis confidimus, et futúris. Per Dóminum.

Antiphona ad Communionem Matth. 24, 46-47 Beátus servus, quem, cum vénerit Dóminus, invénerit vigilántem: amen dico vobis, super ómnia bona sua constituet eum. **(T. P. Allelúia.)**

Postcommunio

Refécti cibo potúque cælésti, Deus noster, te súplices exorámus: ut, in cuius hæc commemoratióne percépimus, eius muniámur et précibus. Per Dóminum.

II
PRO
CONFESSORE NON PONTIFICE

Altera Missa
Antiphona ad Introitum

Ps. 91, 13-14

Iustus ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. (T. P. Allelúia, allelúia) Ps. *ibid.*, 2 Bonum est confitéri Dómino: et psállere nómini tuo, Altíssime. V. Glória Patri.

Oratio

Adésto, Dómine, supplicatióibus nostris, quas in beáti N. Confessoris tui solemnitáte deférimus: ut, qui nostræ iustítiæ fidúciā non habémus, eius, qui tibi plácuīt, precibus adiuvémur. Per Dóminum. Lécitio Epístolæ beáti Pauli Apóstoli ad Corínthios.

1 Cor. 4, 9-14

Fratres: Spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurímus, et sitímus, et nudi sumus, et cólaphis cédimur, et instábiles sumus, et laborámus operántes mánibus nostris: maledícimur, et benedícimus: persecutióem pátimur, et sustinémus: blasphemámur, et obsecrámus: tamquam purgaménta huius mundi facti sumus, ómnium peripséma usque adhuc. Non ut confúndam vos, hæc scribo, sed ut filios meos caríssimos móneo: in Christo Iesu Dómino nostro.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. V. Lex Dei eius in corde ipsíus: et non supplantabúntur gressus eius.

Allelúia, allelúia. V. Ps. *III*, 1 Beátus vir, qui timet Dóminum: in mandátis eius cupit nimis. Allelúia.

Post Septuagesimam, omissis Allelúia. et versu sequenti, dicitur

Tractus Ps. *III*, 1-3 Beátus vir, qui timet Dóminum: in mandátis eius cupit nimis. V. Potens in terra erit semen eius: generátio rectórum benedicétur. V. Glória et divítiæ in domo eius: et iustítia eius manet in sáculum sáculi.

Tempore autem paschali omititur graduale, et eius loco dicitur:

Allelúia, allelúia. V. Ps. *III*, 1 Beátus vir, qui timet Dóminum: in mandátis eius cupit nimis. Allelúia. V. Osee 14, 6 Iustus germinábit sicut lílium: et florébit in ætérnum ante Dóminum. Allelúia.

✠ **Sequéntia sancti Evangélíi secúndum Lucam.** Luc. 12, 32-34

In illo témpore: Dixit Iesus discipulis suis: Nolíte timére, pusíllus grex, quia complácuīt Patri vestro dare vobis regnum. Véndite quæ possidéitis, et date eleemósynam. Fácite vobis sácculos, qui non veteráscunt, thesáurum non deficiéntem in cælis: quo fur non apprópiat, neque tínea corrúmpit. Ubi enim thesáurus vester est, ibi et cor vestrum erit.

Antiphona ad Offertorium Ps. 20, 2-3 In virtúte tua, Dómine, lætábitur iustus, et super salutáre tuum exsultábit veheménter: desidérium animæ eius tribuísti ei. (T. P. Allelúia.)

Secreta

Præsta nobis, quæsumus, omnipotens Deus: ut nostræ humilitátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Antiphona ad Communionem Matth. 19, 28 et 29 Amen dico vobis, quod vos, qui reliquistis ómnia, et secúti estis me, céntuplum accipiétis, et vitam ætérnam possidébítis. (T. P. Allelúia.)

Postcommunio

Quæsumus, omnipotens Deus: ut, qui cælestia aliménta percépimus; intercedente beáto **N.** Confessore tuo, per hæc contra ómnia advérsa muniámur. Per Dnum.

¶ **Item alia Epistola et aliud**

Evangelium pro Conf. non Pont.:

Epistola Quæ mihi fuérunt lucra, ut in festo **S. Francisci de Paula Conf.**, die 2 aprilis.

Evangelium Homo quidam nobilis, ut in festo **S. Ludovici Conf.**, die 25 augusti.

COMMUNE ABBATUM

Antiphona ad Introitum

Ps. 36, 30-31

Os iusti meditábitur sapiéntiam, et lingua eius loquétur iudícium: lex Dei eius in corde ipsius. (**T. P.** Allelúia, allelúia.) **Ps. ibid., 1** Noli æmulári in malignántibus: neque zeláveris faciéntes iniquitátem. **V.** Glória Patri.

Oratio

Intercéssio nos, quæsumus, Dómine, beáti **N.** Abbátis comméndet: ut, quod nostris méritis non valémus, eius patrocínio assequámur. Per Dóminum.

Lectio libri Sapiéntiæ.

Eccli. 45, 1-6

Diléctus Deo et homínibus, cuius memória in benedictióne est. Símilem illum fecit in glória sanctórum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et iussit illi coram pópulo suo, et osténdit illi glóriam suam. In fide et lenitáte ipsius sanctum fecit illum, et elégit eum ex omni carne. Audívit enim eum, et vocem ipsius, et indúxit illum in nubem. Et dedit illi coram præcépta, et legem vitæ et disciplínæ.

Graduale Ps. 20, 4-5 Dómine, prævenísti eum in benedictiónibus dulcédinis: posuísti in cápite eius corónam de lápide pretióso. **V.** Vitam pétiit a te, et tribuísti ei longitúdinem diérum in sáculum sæculi.

Allelúia, allelúia. **V. Ps. 91, 13**

Iustus ut palma florébit: sicut cedrus Líbani multiplicábitur. Allelúia.

Post Septuagesimam, omissis Allelúia, et versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiae in domo eius: et iustítia eius manet in sáculum sæculi.

Tempore autem paschali omititur graduale, et eius loco dicitur:

Allelúia, allelúia. **V. Ps. 91, 13** Iustus ut palma florébit: sicut cedrus Líbani multiplicábitur. Allelúia. **V. Osee 14, 6** Iustus germinábit sicut lílium: et florébit in ætérnum ante Dóminum. Allelúia.

✠ **Sequéntia sancti Evangélíi secúndum Matthæum. Matth. 19, 27-29**

In illo témpore: Dixit Petrus ad Iesum: Ecce, nos relíquimus ómnia, et secúti sumus te: quid ergo erit nobis? Iesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede maiestátis suæ, sedébitis et vos super sedes duódecim, iudicántes duódecim tribus Israél. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípíet, et vitam ætérnam possidébit.

Antiphona ad Offertorium Ps. 20, 3 et 4 Desidérium ánimæ eius tribuísti ei, Dómine, et voluntáte la-

biórum eius non fraudásti eum: posuísti in cápite eius corónam de lápide pretiósó. (T. P. Allelúia.)

Secreta

Sacris altáribus, Dómine, hóstias superpósitas sanctus **N.** Abbas, quæsumus, in salútem nobis proveníre depóscat. Per Dóminum.

Antiphona ad Communionem
Luc. 12, 42 Fidélis servus et prudens,

quem constitúit Dóminus super familiam suam: ut det illis in témpore trítici mensúram. (T. P. Allelúia.)

Postcommunio

Prótegat nos, Dómine, cum tui perceptióne sacraménti beátus **N.** Abbas, pro nobis intercedéndo: ut et conversatiónis eius experiámur insígnia, et intercessiónis percipiámus suffrágia. Per Dóminum.

COMMUNE VIRGINUM

I

PRO VIRGINE ET MARTYRE

Antiphona ad Introitum

Ps. 118, 46-47

Loquébar de testimoniis tuis in conspéctu regum, et non confundébar: et meditábar in mandátis tuis, quæ diléxi nimis. (T. P. Allelúia, allelúia.) **Ps. ibid., 1** Beáti immaculáti in via: qui ámbulant in lege Dómini. **V.** Glória Patri.

Oratio

Deus, qui inter cétera poténtiæ tuæ mirácula étiam in sexu frágili victóriam martýrii contulísti: concéde propítius; ut, qui beátæ **N.** Virgínis et Mártyris tuæ natalícia cólimus, per eius ad te exémpa gradiámur. Per Dóminum.

Léctio libri Sapiéntiæ.

Eccli. 51, 1-8 et 12

Confitébor tibi, Dómine rex, et collaudábo te Deum salvatórem meum: confitébor nómini tuo: quóniam adiútor, et protéctor factus es mihi, et liberásti corpus meum a perditíone, a láqueo linguæ iníquæ, et a lábiis operántium mendácium, et in conspéctu astántium factus es mihi adiútor. Et liberásti me secúndum multitudinem misericórdiæ nóminis tui a rugiéntibus, præparátis ad escam, de mánibus quæréntium ánimam

meam, et de portis tribulatiónum, quæ circumdedérunt me: a pressúra flammæ, quæ circumdedit me, et in médio ignis non sum æstuáta: de altitúdine ventris ínferi, et a lingua coínquináta, et a verbo mendáci, a rege iníquo, et a lingua iniústa: laudábit usque ad mortem ánima mea Dóminum: quóniam éruis sustinéntes te, et liberas eos de mánibus géntium, Dómine Deus noster.

Graduale Ps. 44, 8 Dilexísti iustítiam, et odísti iniquitátem. **V.** Proptérea unxit te Deus, Deus tuus, óleo lætítiæ.

Allelúia, allelúia. **V.** **Ibid., 15 et 16** Adducéntur Regi vírgines post eam: próximæ eius afferéntur tibi in lætítia. Allelúia.

Post Septuagesimam, omissis Allelúia, et versu sequenti, dicitur

Tractus Veni, sponsa Christi, áccipe corónam, quam tibi Dóminus præparávit in ætérnum: pro cuius amóre sánguinem tuum fudísti. **V.** **Ps. 44, 8 et 5** Dilexísti iustítiam, et odísti iniquitátem: proptérea unxit te Deus, Deus tuus, óleo lætítiæ præ consórtibus tuis. **V.** Spécie tua, et pulchritúdine tua inténde, prospere procéde, et regna.

Tempore autem paschali omititur graduale, et eius loco dicitur:

Allelúia, allelúia. **V.** **Ps. 44, 15 et 16** Adducéntur Regi vírgines post

eam: próximæ eius afferéntur tibi in lætítia. Allelúia. **V. Ibid., 5** Spécie tua, et pulchritúdine tua inténde, prósperè procéde, et regna. Allelúia.

✠ Sequéntia sancti Evangélíi secúndum Matthæum.

Matth. 25, 1-13

In illo témpore: Dixit Iesus discí-
pulis suis parábolam hanc: Sí-
mile erit regnum cælórum decem
virgínibus: quæ accipiéntes lámpa-
des suas exiérunt óbviā sponso et
sponsæ. Quinque autem ex eis erant
fátuæ, et quinque prudéntes: sed
quinque fátuæ, accéptis lampádi-
bus, non sumpsérunt óleum secum:
prudéntes vero accepérunt óleum
in vasis suis cum lampádibus. Mo-
ram autem fáciente sponso, dormi-
tavérunt omnes, et dormiérunt.
Média autem nocte clamor factus
est: Ecce, sponsus venit, exíte ób-
viā ei. Tunc surrexérunt omnes
vírgines illæ, et ornavérunt lámpa-
des suas. Fátuæ autem sapiéntibus
dixérunt: Date nobis de óleo vestro:
quia lámpades nostræ exstinguún-
tur. Respondérunt prudéntes, di-
céntes: Ne forte non suffíciat nobis,
et vobis, ite pótius ad vendéntes, et
émite vobis. Dum autem irent
émere, venit sponsus: et quæ
parátæ erant, intravérunt cum
eo ad núptias, et clausa est iánua.
Novíssime vero véniunt et réliquæ
vírgines, dicéntes: Dómine, Dómi-
ne, áperi nobis. At ille respóndens,
ait: Amen dico vobis, nescio vos.
Vigiláte itaque, quia nescítis diem,
neque horam.

**Antiphona ad Offertorium Ps. 44,
15 et 16** Afferéntur Regi vírgines
post eam: próximæ eius afferéntur
tibi in lætítia et exsultatióne:
adducéntur in templum Regi
Dómino. (T. P. Allelúia.)

Secreta

Súscipe, Dómine, múnera quæ in
beátæ **N.** Vírginis et Mártýris
tuæ solemnitáte deférimus: cuius

nos confídimus patrocínio liberári.
Per Dóminum.

**Antiphona ad Communionem
Ps. 118, 78 et 80** Confundántur su-
pérbi, quia iniúste iniquitátem fe-
cérunt in me: ego autem in man-
dátis tuis exercébor, in tuis iusti-
ficiatióibus, ut non confúndar. (T.
P. Allelúia.)

Postcommunio

Auxiliéntur nobis, Dómine,
sumpta mystéria: et, interce-
dente beáta **N.** Vírgine et Mártýre
tua, sempitérna fáciant protectióne
gaudére. Per Dóminum.

II

PRO VIRGINE ET MARTYRE

Altera Missa

Antiphona ad Introitum

Ps. 118, 95-96

Me exspectavérunt peccatós-
res, ut pérderent me: te-
stimónia tua, Dómine, in-
telléxi: omnis consummationis vidi
finem: latum mandátum tuum ni-
mis. (T. P. Allelúia, allelúia.) **Ps.
ibid., 1** Beáti immaculáti in via: qui
ámbulant in lege Dómini. **V.** Glória
Patri.

Oratio

Indulgéntiam nobis, quæsumus,
Dómine, beáta **N.** Virgo et Mar-
tyr implóret: quæ tibi grata semper
éxstitit, et mérito castitátis, et tuæ
professione virtútis. Per Dóminum.

Léctio libri Sapiéntiæ.

Eccli. 51, 13-17

Dómine Deus meus, exaltásti
super terram habitatióem
meam, et pro morte defluente
deprecáta sum. Invocávi Dóminum
patrem Dómini mei, ut non dere-
línguat me in die tribulatióis meæ,
et in témpore superbórum sine ad-
iutório. Laudábo nomen tuum as-
sidue, et collaudábo illud in con-
fessióne, et exaudíta est oratio mea.

Et liberásti me de perditíone, et eripuísti me de témpore iníquo. Proptérea confitébor, et laudem dicam tibi, Dómine Deus noster.

Graduale Ps. 45, 6 et 5 Adiuvábit eam Deus vultu suo: Deus in médio eius, non commovébitur. **V.** Flúminis ímpetus lætíficat civitátem Dei: sanctificávit tabernáculum suum Altíssimus.

Allelúia, allelúia. **V.** Hæc est virgo sápiens, et una de número prudéntum. Allelúia.

Post Septuagesimam, omissis Allelúia, et versu sequenti, dicitur

Tractus Veni, sponsa Christi, áccipe corónam, quam tibi Dóminus præparávit in ætérnum: pro cuius amóre sánguinem tuum fudísti. **V. Ps. 44, 8 et 5** Dilexisti iustítiam, et odísti iniquitátem: proptérea unxit te Deus, Deus tuus, óleo lætítiæ præ consórtibus tuis. **V.** Spécie tua, et pulchritúdine tua inténde, prospere procéde, et regna.

Tempore autem paschali omititur graduale, et eius loco dicitur:

Allelúia, allelúia. **V.** Hæc est virgo sápiens, et una de número prudéntum. Allelúia. **V. Sap. 4, 1** O quam pulchra est casta generátio cum claritáte! Allelúia.

✠ Sequéntia sancti Evangélíi secúndum Matthæum.

Matth. 13, 44-52

In illo témpore: Dixit Iesus discí-pulis suis parábolam hanc: Sí-mile est regnum cælórum thesauro abscóndito in agro: quem qui invénit homo, abscóndit, et præ gáudio illíus vadit, et vendit univér-sa, quæ habet, et emit agrum illum. Iterum símile est regnum cælórum hómini negotiátóri, quærénti bonas margarítas. Invénta autem una pretiós-a margaríta, ábiit, et véndidit ómnia, quæ hábiit, et emit eam. Iterum símile est regnum cælórum sagénæ missæ in mare, et ex omni génere

píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sæculi: exíbunt Angeli, et separábunt malos de médio iustórum, et mittent eos in camínium ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scribe doctus in regno cælórum símilis est hómini patri-famílias, qui profert de thesauro suo nova et vétera.

Antiphona ad Offertorium Ps. 44, 3 Diffúsa est grátia in lábiis tuis, proptérea benedíxit te Deus in ætérnum, et in sáculum sæculi. **(T. P. Allelúia.)**

Secreta

Hóstias tibi, Dómine, beátæ **N.** Vírginis et Mártiris tuæ dicá-tas méritis, benígnus assúme: et ad perpétuum nobis tríbue prove-níre subsidium. Per Dóminum.

Antiphona ad Communionem Ps. 118, 121, 122 et 128 Feci iudícium et iustítiam, Dómine, non calum-niéntur mihi supérbi: ad ómnia mandáta tua dirigébar, omnem viam iniquitátis ódio hábui. **(T. P. Allelúia.)**

Postcommunio

Divíni mún-eris largitáte satiáti, quæsumus, Dómine Deus no-ster: ut, intercedénte beáta **N.** Vírgine et Mártire tua, in eius semper participatióne vivámus. Per Dóminum.

¶ **Item aliud Evangelium:**

✠ Sequéntia sancti Evangélíi secúndum Matthæum.

Matt. 19, 3-12

In illo témpore: Accessérunt ad Iesum pharisæi tentántes eum, et dicéntes: Si licet hómini dimíttere uxórem suam quacúmque ex causa? Qui respóndens, ait eis: Non

legístis, quia, qui fecit hóminem ab inítio, másculum et féminam fecit eos? et dixit: Propter hoc dimittet homo patrem, et matrem, et adhærébit uxóri suæ, et erunt duo in carne una. Itaque iam non sunt duo, sed una caro. Quod ergo Deus coniúnxit, homo non séparet. Dicunt illi: Quid ergo Móyses mandávit dare libéllum repúdií, et dimittere? Ait illis: Quóniam Móyses ad durítiam cordis vestri permísit vobis dimittere uxóres vestras: ab inítio autem non fuit sic. Dico autem vobis, quia quicúmque dimiserit uxórem suam, nisi ob fornicatiónem, et áliam dúxerit, mœchátur: et qui dimíssam dúxerit, mœchátur. Dicunt ei discípuli eius: Si ita est causa hóminis cum uxóre, non éxpedít núbere. Qui dixit illis: Non omnes cápiunt verbum istud, sed quibus datum est. Sunt enim eunúchi, qui de matris útero sic nati sunt: et sunt eunúchi, qui facti sunt ab homínibus: et sunt eunúchi, qui seípsos castravérunt propter regnum cælórum. Qui potest cápere, cápiat.

¶ **PRO PLURIBUS VIRGINIBUS MARTYRIBUS** Missa dicitur ut supra, cum Epístola De virgínibus ex Missa Vultum tuum, de Comuni Virginum IV loco (28), et orationibus, ut infra:

Oratio

Da nobis, quæsumus, Dómine Deus noster, sanctárum Vírginum et Mártyrum tuárum **N.** et **N.** palmas incessábili devotíone venerári: ut, quas digna mente non possumus celebráre, humílibus saltem frequentémus obséquíis. Per Dóminum.

Secreta

Inténde, quæsumus, Dómine, múnera altáribus tuis pro sanctárum Vírginum et Mártyrum tuárum **N.** et **N.** festivitáte propósita:

ut, sicut per hæc beáta mystéria illis glóriam contulísti; ita nobis indulgéntiam largiáris. Per Dóminum.

Postcommunio

Præsta nobis, quæsumus, Dómine, intercedéntibus sanctis Virgínibus et Martýribus tuis **N.** et **N.:** ut, quod ore contíngimus, pura mente capiámus. Per Dóminum.

III

PRO VIRGINE TANTUM

Antiphona ad Introitum

Ps. 44, 8

Dilexísti iustítiam, et odísti iniquitátem: propterea unxit te Deus, Deus tuus, óleo lætítiæ præ consórtibus tuis. (**T. P.** Allelúia, allelúia.) **Ps. ibid., 2** Eructávit cor meum verbum bonum: dico ego ópera mea Regi. **℣.** Glória Patri.

Oratio

Exáudi nos, Deus salutáris noster: ut, sicut de beátæ **N.** Vírginis tuæ festivitáte gaudémus; ita piæ devotíonis erudiámur afféctu. Per Dóminum.

Léctio Epístolæ beáti Pauli Apóstoli ad Corínthios.

2 Cor. 10, 17-18; 11, 1-2

Fratres: Qui gloriátur, in Dómino gloriétur. Non enim qui seípsum comméndat, ille probátus est: sed quem Deus comméndat. Utinam sustinerétis módicum quid insipiéntiæ meæ, sed et supportáte me: æmulor enim vos Dei æmulatíone. Despóndi enim vos uni viro vírginem castam exhibére Christo.

Graduale Ps. 44, 5 Spécie tua, et pulchritúdine tua inténde, prospere procéde, et regna. **℣.** Propter veritátem, et mansuetúdinem, et iustítiam: et dedúcet te mirabíliter dextera tua.

Allelúia, allelúia. **℣. Ibid., 15 et 16** Adducéntur Regi vírgines post eam:

proximæ eius afferentur tibi in lætitia. Allelúia.

Post Septuagesimam, omissis Allelúia, et versu sequenti, dicitur

Tractus Ps. 44, 11 et 12 Audi, filia, et vide, et inclína aurem tuam: quia concupívit Rex spéciem tuam. **V. Ibid., 13 et 10** Vultum tuum deprecabúntur omnes dívites plebis: filia regum in honóre tuo. **V. Ibid., 15 et 16** Adducéntur Regi vírgines post eam: proximæ eius afferentur tibi. **V.** Afferentur in lætitia, et exultatióne: adducéntur in templum Regis.

Tempore autem paschali omititur graduale, et eius loco dicitur:

Allelúia, allelúia. **V. Ps. 44, 15 et 16** Adducéntur Regi vírgines post eam: proximæ eius afferentur tibi in lætitia. Allelúia. **V. Ibid., 5** Spécie tua, et pulchritúdine tua inténde, prospere procéde, et regna. Allelúia.

✠ Sequéntia sancti Evangélíi secúndum Matthæum.

Matth. 25, 1-13

In illo témpore: Dixit Iesus discipulis suis parábolam hanc: Símile erit regnum cælórum decem virgínibus: quæ accipiéntes lámpades suas, exiérunt óbviā sponso et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lámpadibus, non sumpsérunt óleum secum: prudéntes vero accepérunt óleum in vasis suis cum lámpadibus. Moram autem faciéntē sponso, dormitavérunt omnes, et dormiérunt. Média autem nocte clamor factus est: Ecce, sponsus venit, exíte óbviā ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixerunt: Date nobis de óleo vestro: quia lámpades nostræ exstinguúntur. Respondérunt prudéntes, dicéntes: Ne forte non suffíciat nobis, et vobis, ite pótius ad vendéntes, et émite vobis. Dum

autem irent émere, venit sponsus: et quæ parátæ erant, intravérunt cum eo ad núptias, et clausa est iánua. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen dico vobis, nésccio vos. Vigiláte ítaque, quia nescítis diem, neque horam.

Antiphona ad Offertorium Ps. 44, 10 Filia regum in honóre tuo, ástitit regína a dextris tuis in vestítu deauráto, circúmdata varietáte. **(T. P. Allelúia.)**

Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxílium. Per Dóminum.

Antiphona ad Communionem Matth. 25, 4 et 6 Quinque prudéntes vírgines accepérunt óleum in vasis suis cum lámpadibus: média autem nocte clamor factus est: Ecce, sponsus venit: exíte óbviā Christo Dómino. **(T. P. Allelúia.)**

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

IV

PRO VIRGINE TANTUM

Altera Missa

Antiphona ad Introitum

Ps. 44, 13, 15 et 16

Vultum tuum deprecabúntur omnes dívites plebis: adducéntur Regi vírgines post eam: proximæ eius adducéntur tibi in lætitia et exultatióne. **(T. P. Allelúia, allelúia.) Ps. ibid., 2** Eructávit cor meum verbum bonum: dico ego ópera mea Regi. **V.** Glória Patri.

Oratio

Exáudi nos, Deus salutáris noster: ut, sicut de beátæ **N.** Virginis tuæ festivitáte gaudémus; ita piæ devotiónis erudiámur afféctu. Per Dóminum.

Léctio Epístolæ beáti Pauli Apóstoli ad Corínthios. **1 Cor. 7, 25-34**

Fratres: De virgínibus præcéptum Dómini non hábeo: consílium autem do, tamquam misericórdiam consecútus a Dómino, ut sim fidélis. Exístimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? noli quærere solutiónem. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit: tribulatiónem tamen carnis habébunt huiúsmodi. Ego autem vobis parco. Hoc itaque dico, fratres: Tempus breve est: réliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudentes: et qui emunt, tamquam non possidentes: et qui utúntur hoc mundo, tamquam non utántur: præterit enim figúra huius mundi. Volo autem vos sine sollicitúdine esse. Qui sine uxóre est, sollicitus est, quæ Dómini sunt, quómodo pláceat Deo. Qui autem cum uxóre est, sollicitus est, quæ sunt mundi, quómodo pláceat uxóri, et divísus est. Et múlter in-núpta, et virgo cógitat quæ Dómini sunt, ut sit sancta córpore, et spíritu: in Christo Iesu Dómino nostro.

Graduale Ps. 44, 12 Concupívit Rex decórem tuum, quóniam ipse est Dóminus Deus tuus. **V. Ibid., 11** Audi, filia, et vide, et inclína aurem tuam.

Allelúia, allelúia. **V.** Hæc est virgo sápiens, et una de número prudéntum. Allelúia.

Post Septuagesimam, omissis Allelúia, et versu sequenti, dicitur

Tractus Ps. 44, 12, 13 et 10 Quia concupívit Rex spéciem tuam. **V.** Vultum tuum deprecabúntur omnes dívites plebis: filiæ regum in honóre tuo. **V. Ibid., 15-16** Adducéntur Regi vírgines post eam: próximæ eius afferéntur tibi. **V.** Afferéntur in lætítia, et exsultatióne: adducéntur in templum Regis.

Tempore autem paschali omit-titur graduale, et eius loco dicitur:

Allelúia, allelúia. **V.** Hæc est virgo sápiens, et una de número prudéntum. Allelúia. **V. Sap. 4, 1** O quam pulchra est casta generatio cum claritáte! Allelúia.

Evangelium Símile est regnum cælórum thesáuro abscondito, **ut infra** (30), **vel Evangelium** Símile erit regnum cælórum decem virgínibus, **ut supra** (28).

Antiphona ad Offertorium Ps. 44, 15-16 Afferéntur Regi vírgines post eam, próximæ eius afferéntur tibi in lætítia et exsultatióne: adducéntur in templum Regi Dómino. **(T. P. Allelúia.)**

Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxílium. Per Dóminum.

Antiphona ad Communionem Matth. 13, 45-46 Símile est regnum cælórum hómini negotiatóri, quærénti bonas margarítas: invénta autem una pretiósa margaríta, dedit ómnia sua, et comparávit eam. **(T. P. Allelúia.)**

Postcommunio

Satiásti, Dómine, famíliam tuam munéribus sacris: eius, quæsumus, semper interventióne nos réfove, cuius solémnia celebrámus. Per Dóminum.

COMMUNE NON VIRGINUM

I

PRO MARTYRE NON VIRGINE

Antiphona ad Introitum

Ps. 118, 95-96

Me exspectavérunt peccatóres, ut pérderent me: testimónia tua, Dómine, intelléxi: omnis consummationis vidi finem: latum mandátum tuum nimis. (T. P. Allelúia, allelúia.) Ps. *ibid.*, 1 Beáti immaculáti in via: qui ámbulant in lege Dómini. V. Glória Patri.

Oratio

Deus, qui inter cétera poténtiæ tuæ miracula étiam in sexu frágili victóriam martýrii contulisti: concéde propítius; ut, qui beátæ N. Mártýris tuæ natalícia cólimus, per eius ad te exémpa gradiámur. Per Dóminum.

Lectio libri Sapiéntiæ.

Eccli. 51, 1-8 et 12

Confitébor tibi, Dómine rex, et collaudábo te Deum salvatórem meum. Confitébor nómini tuo: quóniam adiutor, et protéctor factus es mihi, et liberásti corpus meum a perditione, a láqueo linguæ iníquæ, et a lábiis operántium mendácium, et in conspéctu astántium factus es mihi adiutor. Et liberásti me secúndum multitudinem misericórdiæ nóminis tui a rugiéntibus, præparátis ad escam, de mánibus quæréntium ánimam meam, et de portis tribulationum, quæ circumdederunt me: a pressúra flammæ, quæ circumdedit me, et in médio ignis non sum æstuáta: de altitúdine ventris ínferi, et a lingua coinquináta, et a verbo mendáccii, a rege iníquo, et a lingua iniústa: laudábit usque ad mortem ánima mea Dóminum, quóniam éruis sustinéntes

te, et líberas eos de mánibus géntium, Dómine Deus noster.

Graduale Ps. 44, 8 Dilexísti iustítiam, et odísti iniquitátem. V. Proptérea unxit te Deus, Deus tuus, óleo lætítiæ.

Allelúia, allelúia. V. *Ibid.*, 5 Spécie tua, et pulchritúdine tua inténde, próspere procéde, et regna. Allelúia.

Post Septuagesimam, omissis Allelúia, et versu sequenti, dicitur

Tractus Veni, sponsa Christi, áccipe coronam, quam tibi Dóminus præparávit in ætérnum: pro cuius amóre sánguinem tuum fudísti. V. Ps. 44, 8 et 5 Dilexísti iustítiam, et odísti iniquitátem: proptérea unxit te Deus, Deus tuus, óleo lætítiæ præ consórtibus tuis. V. Spécie tua, et pulchritúdine tua inténde, próspere procéde, et regna.

Tempore autem paschali omittitur graduale, et eius loco dicitur:

Allelúia, allelúia. V. Ps. 44, 5 Spécie tua, et pulchritúdine tua inténde, próspere procéde, et regna. Allelúia. V. Propter veritátem, et mansuetúdinem, et iustítiam: et dedúcet te mirábíliter dextera tua. Allelúia.

✠ **Sequéntia sancti Evangélii secúndum Matthæum.**

Matth. 13, 44-52

In illo témpore: Dixit Iesus discíulis suis parábolam hanc: Símile est regnum cælórum thesáuro abscondito in agro: quem qui invénit homo, abscondit, et præ gáudio illíus vadit, et vendit univérsa, quæ habet, et emit agrum illum. Iterum símile est regnum cælórum hómini negotiatóri, quærénti bonas margarítas. Invénta autem una pretíosa margaríta, ábiit, et véndidit ómnia, quæ hábuit, et emit eam. Iterum símile est regnum cælórum

sagénæ missæ in mare, et ex omni genere piscium congreganti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, et separábunt malos de médio iustórum, et mittent eos in camínium ignis; ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scribe doctus in regno cælórum, símilis est hómini patrifamílias, qui profert de thesauro suo nova et vétera.

Antiphona ad Offertorium Ps. 44,
3 Diffúsa est grátia in lábiis tuis: proptérea benedíxit te Deus in ætérnum, et in sæculum sæculi. (T. P. Allelúia.)

Secreta

Súscipe, Dómine, múnera, quæ in beátæ N. Mártiris tuæ solemnitáte deférimus: cuius nos confidimus patrocínio liberári. Per Dóminum.

Antiphona ad Communionem Ps. 118, 161-162 Príncipes persecúti sunt me gratis, et a verbis tuis formidávit cor meum: lætabor ego super elóquia tua, quasi qui invénit spólia multa. (T. P. Allelúia.)

Postcommunio

Auxiliéntur nobis, Dómine, sumpta mystéria: et, intercedénte beáta N. Mártire tua, sempitérna fácient protectióne gaudére. Per Dóminum.

¶ **PRO PLURIBUS MARTYRIBUS, quæ non sint Virgines, dicatur Missa ut supra, cum orationibus, ut infra:**

Oratio

Da nobis, quæsumus, Dómine Deus noster, sanctárum Mártirum tuárum N. et N. palmas incessábili devotióne venerári: ut, quas digna mente non póssumus celebráre, humílibus saltem fre-

quentémus obséquiiis. Per Dóminum.

Secreta

Inténde, quæsumus, Dómine, múnera altáribus tuis pro sanctárum Mártirum tuárum N. et N. festivitáte propósita: ut, sicut per hæc beáta mystéria illis glóriam contulísti; ita nobis indulgéntiam largiáris. Per Dóminum.

Postcommunio

Præsta nobis, quæsumus, Dómine, intercedéntibus sanctis Mártiribus tuis N. et N.: ut, quod ore contíngimus, pura mente capiámus. Per Dóminum.

II

PRO NEC VIRGINE NEC MARTYRE

Antiphona ad Introitum

Ps. 118, 75 et 120

Cognóvi, Dómine, quia æquitas iudícia tua, et in veritate tua humiliásti me: confíge timóre tuo carnes meas, a mandátis tuis tímui. (T. P. Allelúia, allelúia.)
Ps. *ibid.*, 1 Beáti immaculáti in via: qui ámbulant in lege Dómini.
V. Glória Patri.

Oratio

Exáudi nos, Deus salutáris noster: ut, sicut de beátæ N. festivitáte gaudémus; ita piæ devotiónis erudiámur afféctu. Per Dóminum.

Léctio libri Sapiéntiæ.

Prov. 31, 10-31

Mulíerem fortem quis invéniet? Procul, et de últimis finibus prétium eius. Confídit in ea cor viri sui, et spóliis non indigébit. Reddet ei bonum, et non malum, ómnibus diébus vitæ suæ. Quæsívit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surréxit, dedítque prædam domésticis suis,

et cibária ancillis suis. Considerávit agrum, et emit eum: de fructu mánuum suárum plantávit víneam. Accínxit fortitúdine lumbos suos, et roborávit bráccium suum. Gustávit, et vidit quia bona est negotiatio eius: non exstinguétur in nocte lucérna eius. Manum suam misit ad fórtia, et dígití eius apprehendérunt fusum. Manum suam apéruiť inopi, et palmas suas exténdit ad páuperem. Non timébit dómui suæ a frigóribus nivis: omnes enim doméstici eius vestíti sunt duplicibus. Stragulátam vestem fecit sibi: byssus, et púrpura indumentum eius. Nóbilis in portis vir eius, quando séderit cum senatóribus terræ. Síndonem fecit, et véndidit, et cingulum trádídít Chanaáo. Fortitúdo et decor indumentum eius, et ridébit in die novíssimo. Os suum apéruiť sapiéntiæ, et lex cleméntiæ in lingua eius. Considerávit sémitas domus suæ, et panem otíosa non comédít. Surrexérunt filii eius, et beatíssimam prædicavérunt: vir eius, et laudávit eam. Multæ filiæ congregavérunt divítias: tu supergréssa es univérsas. Fallax grátia, et vana est pulchritúdo: múlíer timens Dóminum, ipsa laudábitur. Date ei de fructu mánuum suárum: et laudent eam in portis ópera eius.

Graduale Ps. 44, 3 et 5 Diffúsa est grátia in lábiis tuis: proptérea benedíxit te Deus in ætérnum. **V.** Propter veritátem, et mansuetúdinem, et iustítiam: et dedúcet te mirabíliter délixtera tua.

Allelúia, allelúia. **V. Ibid., 5** Spécie tua, et pulchritúdine tua inténde, prospere procéde, et regna. Allelúia.

Post Septuagesimam, omissis Allelúia, **et versu sequenti, dicitur**

Tractus Veni, sponsa Christi, áccipe corónam, quam tibi Dóminus

præparávit in ætérnum. **V. Ps. 44, 8 et 5** Dilexísti iustítiam, et odísti iniquitátem: proptérea unxit te Deus, Deus tuus, óleo lætítiæ præ consórtibus tuis. **V.** Spécie tua, et pulchritúdine tua inténde, prospere procéde, et regna.

Tempore autem paschali omititur graduale, et eius loco dicitur:

Allelúia, allelúia. **V. Ps. 44, 5** Spécie tua, et pulchritúdine tua inténde, prospere procéde, et regna. Allelúia. **V.** Propter veritátem et mansuetúdinem, et iustítiam: et dedúcet te mirabíliter délixtera tua. Allelúia.

✠ Sequéntia sancti Evangélii secúndum Mattháeum.

Matth. 13, 44-52

In illo témpore: Dixit Iesus discí-pulis suis parábolam hanc: Sí-míle est regnum cælórum thesáuro abscóndito in agro: quem qui invénit homo, abscóndit, et præ gáudio illíus vadit, et vendit univérsa, quæ habet, et emit agrum illum. Iterum sí-míle est regnum cælórum hómini negotiatóri, quærénti bonas margarítas. Invénta autem una pretiósá margaríta, ábiit, et véndidit ómnia, quæ hábuit, et emit eam. Iterum sí-míle est regnum cælórum sagénæ missæ in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatíone sáculi: exíbunt Angeli, et separábunt malos de médio iustórum, et mittent eos in camínium ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno cælórum, sí-mílis est hómini patri-famílias, qui profert de thesáuro suo nova et vétera.

Antiphona ad Offertorium Ps. 44,
3 Diffusa est grátia in lábiis tuis:
 propterea benedíxit te Deus in ætér-
 num, et in sáculum sáculi. (T. P.
 Allelúia.)

Secreta

Accépta tibi sit, Dómine, sacrátæ
 plebis oblátio, pro tuórum ho-
 nóre Sanctórum: quorum se méritis
 de tribulatióne percepísse cognóscit
 auxílium. Per Dóminum.

Antiphona ad Communionem
Ps. 44, 8 Dilexísti iustítiam, et odísti
 iniquitátem: propterea unxit te
 Deus, Deus tuus, óleo lætítiæ præ
 consórtibus tuis. (T. P. Allelúia.)

Postcommunio

Satiásti, Dómine, famíliam tuam
 munéribus sacris: eius, quæsu-
 mus, semper interventióne nos ré-
 fove, cuius solémnia celebrámus.
 Per Dóminum.

¶ **Item alia Epistola pro Vidua:**

Léctio Epístolæ beáti Pauli Apóstoli
 ad Timótheum. **1 Tim. 5, 3-10**

Caríssime: Víduas honóra, quæ
 vere víduæ sunt. Si qua autem
 vídua fílios, aut nepótes habet: dis-
 cat primum domum suam régere
 et mútuam vicem réddere parénti-
 bus: hoc enim accéptum est coram
 Deo. Quæ autem vere vídua est, et
 desoláta, speret in Deum, et instet
 obsecratióibus, et oratióibus
 nocte ac die. Nam quæ in delíciis
 est, vivens mórtua est. Et hoc præ-
 cipe ut irreprehensibiles sint. Si
 quis autem suórum et máxime do-
 mesticórum curam non habet, fi-
 dem négavit, et est infidéli detérior.
 Vídua eligátur non minus sexagínta
 annórum, quæ fúerit uníus viri
 uxor, in opéribus bonis téstimo-
 nium habens, si fílios educávit, si
 hospítio recépit, si sanctórum pedes
 lavit, si tribulatióem patiéntibus
 subministrávit, si omne opus bo-
 num subsecúta est.

COMMUNE DEDICATIONIS ECCLESIAE

¶ **Festum Dedicationis ecclesiae est festum Domini**

Antiphona ad Introitum

Gen. 28, 17

Terríbilis est locus iste: hic
 domus Dei est, et porta cæli:
 et vocábitur aula Dei. (T.
 P. Allelúia, allelúia.) **Ps. 83, 2-3**
 Quam dilécta tabernácula tua, Dó-
 mine virtútum! concupíscit, et dé-
 ficit ánima mea in átria Dómini.
 ¶ **Glória Patri.**

1 In anniversario Dedicationis
Oratio

Deus, qui nobis per singulos an-
 nos huius sancti templi tui
 consecratiónis réparas diem, et sa-
 cris semper mystériis repræséntas
 incólumes: exáudi preces pópuli tui,
 et præsta; ut quisquis hoc templum
 beneficia petitúrus ingréditur, cunc-
 ta se impetrásse lætétur. Per Dó-
 minum.

C MISSALE ROM.

2 In ipso die Dedicationis

Oratio

Deus, qui invisibíliter ómnia
 cóntines et tamen pro salúte
 géneris humáni signa tuæ poténtiæ
 visibíliter osténdis: templum hoc
 poténtia tuæ inhabitatióis illústra,
 et concéde; ut omnes, qui huc
 deprecáturi convéniunt, ex quacúm-
 que tribulatióne ad te clamáverint,
 consolatióis tuæ benefícia conse-
 quántur. Per Dóminum.

Léctio libri Apocalýpsis beáti Ioán-
 nis Apóstoli. **Apoc. 21, 2-5**

In diébus illis: Vidi sanctam civi-
 tátém Ierúsalem novam descen-
 déntem de cælo a Deo, parátam
 sicut sponsam ornátam viro suo.
 Et audívi vocem magnam de thro-
 no dicéntem: Ecce tabernáculum
 Dei cum homínibus, et habitábit

cum eis. Et ipsi pópulus eius erunt, et ipse Deus cum eis erit eórum Deus: et abstérget Deus omnem lá-crimam ab óculis eórum: et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno: Ecce, nova fácio ómnia.

Graduale Locus iste a Deo factus est, inæstimábile sacraméntum, ir-reprehensíbilis est. **V.** Deus, cui astat Angelórum chorus, exáudi preces servórum tuórum.

Allelúia, allelúia. **V.** Ps. 137, 2 Adorábo ad templum sanctum tuum: et confitébor nómini tuo. Allelúia.

Post Septuagesimam, omissis Allelúia, et versu sequenti, dicitur

Tractus Ps. 124, 1-2 Qui confidunt in Dómino, sicut mons Sion: non commovébitur in ætérnum, qui hábitat in Iérusalem. **V.** Montes in circúitu eius, et Dóminus in circúitu pópuli sui, ex hoc nunc, et usque in sáculum.

Tempore autem paschali omit-titur graduale, et eius loco dicitur:

Allelúia, allelúia. **V.** Ps. 137, 2 Adorábo ad templum sanctum tuum: et confitébor nómini tuo. Allelúia. **V.** Bene fundáta est domus Dómini supra firmam petram. Allelúia.

✠ Sequéntia sancti Evangélíi se-cúndum Lucam. **Luc. 19, 1-10**

In illo témpore: Ingréssus Iesus perambulábat Iéricho. Et ecce vir nómine Zacháus: et hic princeps erat publicanórum, et ipse dives: et quærébat vidére Iesum, quis es-set: et non póterat præ turba, quia statúra pusíllus erat. Et præcúrrens ascéndit in árborem sycómorum, ut vidéret eum; quia inde erat transitúrus. Et cum venísset ad lo-cum, suspíciens Iesus vidit illum, et dixit ad eum: Zacháee, festínans descénde; quia hódie in domo tua opórtet me manére. Et festínans

descéndit, et excépit illum gaudens. Et cum vidérent omnes, murmu-rábant, dicéntes, quod ad hómínem peccatórem divertísset. Stans au-tem Zacháus, dixit ad Dóminum: Ecce, dimídium bonórum meórum, Dómine, do paupéribus: et si quid áliquem defraudávi, reddo quádruplum. Ait Iesus ad eum: Quia hódie salus dómui huic facta est: eo quod et ipse filius sit Abrahæ. Venit enim filius hómínis quærere, et salvum fácere, quod perierat.

Credo, quoties festum gradu I vel II classis celebretur.

Post Septuagesimam, in fine se-quentis antiphonæ Allelúia omit-titur.

Antiphona ad Offertorium 1 Pa-ral. 29, 17 et 18 Dómine Deus, in simplicitáte cordis mei lætus óbtuli univérsa; et pópulum tuum, qui repértus est, vidi cum ingénti gáu-dio: Deus Israël, custódi hanc vo-luntátem, allelúia.

**1 In anniversario Dedicationis
In ecclesia ipsa dedicata**

Secreta

Annue, quæsumus, Dómine, pré-cibus nostris: ut quicúmque intra templi huius, cuius anniver-sárium Dedicatiónis diem celebrá-mus, ámbitum continémur, plena tibi, atque perfécta córporis et áni-mæ devotíone placeámus; ut, dum hæc vota præsentia réddimus, ad ætérna præmia, te adiuvánte, per-veníre mereámur. Per Dóminum.

Extra ecclesiam ipsam dedicatam

Secreta

Annue, quæsumus, Dómine, pré-cibus nostris: ut, dum hæc vota præsentia réddimus, ad ætérna præ-mia, te adiuvánte, perveníre me-reámur. Per Dóminum.

2 In ipso die Dedicationis

Secreta

Deus, qui sacrandórum tibi auc-tor es múnorum, effúnde super hanc oratiónis domum benedictió-

nem tuam: ut ab ómnibus in ea invocántibus nomen tuum, defensiónis tuæ auxiliúm sentiátur. Per Dóminum.

Antiphona ad Communionem
Matth. 21, 13 Domus mea, domus oratiónis vocábitur, dicit Dóminus: in ea omnis, qui petit, áccipit: et qui quærit, ínvenit, et pulsánti aperiétur. (T. P. Allelúia.)

1 In anniversario Dedicationis
Postcommunio

Deus, qui de vivis et eléctis lapídibus ætérnum maiestáti tuæ præparas habitáculum: auxiliáre pópulo tuo supplicánti; ut, quod Ecclésiæ tuæ corporálibus próficit spátiis, spirituálibus amplificétur augméntis. Per Dóminum.

2 In ipso die Dedicationis
Postcommunio

Quæsumus, omnípotens Deus: ut in hoc loco, quem nómini tuo indígni dedicávimus, cunctis peténtibus aures tuæ pietátis accómmodes. Per Dóminum.

¶ **Missa de Dedicatione in actu consecrationis ecclesiæ vel oratorii est pars totius ritus consecrationis; proinde celebrari debet quoties ecclesia vel oratorium consecratur, etiam diebus quibus reliquæ Missæ votivæ I classis prohibentur.**

¶ **In Missa de Dedicatione in actu consecrationis ecclesiæ additur, sub unica conclusione, oratio de Mystério vel Sancto in cuius honorem ecclesia vel oratorium est consecratum, et nulla alia admittitur commemoratio, ne privilegiata quidem.**

¶ **Aliæ Missæ quæ in ecclesia vel oratorio, die consecrationis, expleto ritu, celebrantur, dici possunt de Dedicatione, tamquam votivæ I classis.**

¶ **In solempni benedictione ecclesiæ vel oratorii, et in consecratione altaris, expleto ritu, dicitur, tamquam votiva II classis, Missa de Mystério vel Sancto in cuius honorem ecclesia vel oratorium est benedictum, vel altare est consecratum.**

COMMUNE FESTORUM B. MARIE VIRGINIS

Antiphona ad Introitum
Sedulius

Salve, sancta parens, eníxa puérpera Regem: qui cælum, terrámque regit in sácula sæculórum. (T. P. Allelúia, allelúia) **Ps. 44, 2** Eructávit cor meum verbum bonum: dico ego ópera mea Regi. **V.** Glória Patri.

Oratio

Concède nos fámulos tuos, quæsumus, Dómine Deus, perpétua mentis et córporis sanitáte gaudere: et, gloriósa beátæ Mariæ semper Vírginis intercessióne, a præsénti liberári tristítia, et ætérna pérfrui lætítia. Per Dóminum.

Lectio libri Sapiéntiæ.
Eccli. 24, 14-16

Ab inítio, et ante sácula creáta sum, et usque ad futúrum sæculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta simíliter requiévi, et in Ierúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

Graduale Benedícta et venerábilis es, Virgo María: quæ sine tactu pudóris invénta es mater Salvatóris. **V.** Virgo Dei Génetríx, quem totus non capit orbis, in tua se clausit víscera factus homo.

Allelúia, allelúia. **V.** Post partum, Virgo, invioláta permansísti: Dei Génatrix, intercède pro nobis. Allelúia.

¶ **In Adventu, loco versus præcedentis dicitur:**

Allelúia, allelúia. **V.** Luc. 1, 28 Ave, Maríá, grátia plena: Dóminus tecum: benedícta tu in muliéribus. Allelúia.

Post Septuagesimam, omissis Allelúia, et versu sequenti, dicitur

Tractus Gaude, Maríá Virgo, cunctas háereses sola interemísti. **V.** Quæ Gabriélis Archángeli dictis credidísti. **V.** Dum Virgo Deum et hóminem genuísti: et post partum, Virgo, invioláta permansísti. **V.** Dei Génatrix, intercède pro nobis.

Tempore autem paschali, omititur graduale, et eius loco dicitur:

Allelúia, allelúia. **V.** Num. 17, 8 Virga Iesse flóruit: Virgo Deum et hóminem genuit: pacem Deus réddidit, in se reconcílians ima summis. Allelúia. **V.** Luc. 1, 28 Ave, Maríá, grátia plena: Dóminus tecum: benedícta tu in muliéribus. Allelúia.

✠ **Sequéntia sancti Evangélíi secúndum Lucam.**

Luc. 11, 27-28

In illo témpore: Loquente Iesu ad turbas, extóllens vocem quædam

múlter de turba, dixit illi: Beátus venter, qui te portávit, et úbera, quæ suxísti. At ille dixit: Quiním-mo beáti, qui áaudiunt verbum Dei, et custódiunt illud.

Credo, quoties festum gradu I vel II classis celebretur.

Antiphona ad Offertorium Luc. 1, 28 et 42 Ave, Maríá, grátia plena: Dóminus tecum: benedícta tu in muliéribus, et benedíctus fructus ventris tui. (T. P. Allelúia.)

Secreta

Tua, Dómine, propitiatióne, et beátæ Mariæ semper Vírginis intercessióne, ad perpétuam, atque præsentem hæc oblátio nobis proficiat prosperitátem, et pacem. Per Dóminum.

Præfatio de B. Maria Virgine Et te in Festivitate.

Antiphona ad Communionem Beáta víscera Mariæ Vírginis, quæ portavérunt ætérni Patris Fílium. (T. P. Allelúia.)

Postcommunio

Sumptis, Dómine, salútis nostræ subsidiis: da, quæsumus, beátæ Mariæ semper Vírginis patrocíniis nos ubique prótegi; in cuius veneratióne hæc tuæ obtúlimus maiestáti. Per Dóminum.

MISSÆ DE S. MARIA IN SABBATO
**QUÆ DICI ETIAM POSSUNT ALIIS DIEBUS UT VOTIVÆ
 DE B. MARIA VIRGINE, IUXTA RUBRICAS VEL, EX
 INDULTO, PRO TEMPORUM DIVERSITATE**

I

TEMPORE ADVENTUS

Antiphona ad Introitum

Isai. 45, 8

Roráte, cæli, désuper, et nubes pluant iustum: aperiátur terra, et gérmínet Salvatórem. **Ps. 84, 2** Benedixísti, Dómine, terram tuam: avertísti captivitátem Iacob. **V. Glória Patri.**

Et in sabbato dicitur Glória in excélsis.

Oratio

Deus, qui de beátæ Mariæ Vírginis útero Verbum tuum, Angelo nuntiánte, carnem suscipere voluísti: præsta supplícibus tuis; ut, qui vere eam Genetrícem Dei crédimus, eius apud te intercessiónibus adiuvémur. Per eúndem Dóminum.

Léctio Isaíæ Prophétæ.

Isai. 7, 10-15

In diébus illis: Locútus est Dóminus ad Achaz, dicens: Pete tibi signum a Dómino Deo tuo in profundum inférni, sive in excélsu supra. Et dixit Achaz: Non petam, et non tentábo Dóminum. Et dixit: Audíte ergo, domus David: Numquid parum vobis est, moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce, virgo concípíet, et páriet filium, et vocábitur nomen eius Emmánuel. Butýrum et mel cómedet, ut sciat reprobare malum, et eligere bonum.

Graduale Ps. 23, 7 Tóllite portas, príncipes, vestras: et elevámini, portæ æternáles: et introíbit Rex glóriæ. **V. Ibid., 3-4** Quis ascéndet

in montem Dómini? aut quis stabit in loco sancto eius? Innocens má-nibus, et mundo corde.

Allelúia, allelúia. **V. Luc. 1, 28** Ave, María, grátia plena: Dóminus tecum: benedícta tu in muliéribus Allelúia.

✠ Sequéntia sancti Evangélíi secúndum Lucam. **Luc. 1, 26-38**

In illo témpore: Missus est Angelus Gábriel a Deo in civitátem Galiléæ, cui nomen Názareth, ad Vírginem desponsátam viro, cui nomen erat Ioseph, de domo David, et nomen Vírginis María. Et ingressus Angelus ad eam, dixit: Ave, grátia plena: Dóminus tecum: benedícta tu in muliéribus. Quæ cum audísset, turbáta est in sermóne eius, et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce, concípies in útero, et páries filium, et vocábis nomen eius Iesum. Hic erit magnus, et Fílius Altíssimi vocábitur, et dabit illi Dóminus Deus sedem David patris eius: et regnábit in domo Iacob in ætérnum, et regni eius non erit finis. Dixit autem María ad Angelum: Quómodo fiet istud, quóniam virum non cognósco? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua et ipsa concépit filium in senectúte sua: et hic mensis sextus est illi, quæ vocátur stérilis: quia non erit impossíbile apud Deum omne verbum. Dixit autem María: Ecce ancílla Dómini, fiat mihi secúndum verbum tuum.

Antiphona ad Offertorium Luc.
1, 28 et 42 Ave, María, grátia plena:
 Dóminus tecum: benedícta tu in
 muliéribus, et benedíctus fructus
 ventris tui.

Secreta

In méntibus nostris, quæsumus,
 Dómine, veræ fidei sacraménta
 confirma: ut, qui concéptum de
 Vírgine Deum verum et hóminem
 confitémur; per eius salutíferæ re-
 surrectiónis poténtiam, ad ætérnam
 mereámur pervenire lætítiam. Per
 eúndem Dóminum.

Præfatio de B. Maria Virgine Et
 te in Veneratióne.

Antiphona ad Communionem
Isai. 7, 14 Ecce, Virgo concípiet, et
 páriet filium: et vocábitur nomen
 eius Emmánuel.

Postcommunio

Grátiam tuam, quæsumus, Dó-
 mine, méntibus nostris infún-
 de: ut qui, Angelo nuntiánte, Christi
 Fílii tui incarnatióem cognóvi-
 mus; per passióem eius et crucem,
 ad resurrectiós glóriam perducá-
 mur. Per eúndem Dóminum.

II

A NATIVITATE DOMINI USQUE AD PURIFICATIONEM

Antiphona ad Introitum

Ps. 44, 13, 15 et 16

Vultum tuum deprecabúntur
 omnes dívites plebis: addu-
 céntur Regi vírgines post
 eam: próximæ eius adducéntur tibi
 in lætítia et exsultatióne. **Ps. ibid., 2**
 Eructávit cor meum verbum bo-
 num: dico ego ópera mea Regi.
¶ Glória Patri.

Et in sabbato dicitur Glória in
 excélsis.

Oratio

Deus, qui salutis ætérnæ, beátæ
 Mariæ virginitáte fecúnda, hu-

máno géneri præmia præstitísti: trí-
 bue, quæsumus; ut ipsam pro nobis
 intercédere sentiámus, per quam
 merúimus auctórem vitæ suscipere,
 Dóminum nostrum Jesum Chri-
 stum Fílium tuum: Qui tecum vivit.

Léctio Epístolæ beáti Pauli Apóstoli
 ad Titum. **Tit. 3, 4-7**

Caríssime: Appáruit benígnitas
 et humánitas Salvatóris nostri
 Dei: non ex opéribus iustítiæ, quæ
 fécimus nos, sed secúndum suam
 misericórdiam salvos nos fecit per
 lavácrum regeneratiós et renova-
 tiós Spíritus Sancti, quem effúdit
 in nos abúnde per Iesum Christum
 Salvátorem nostrum: ut iustificáti
 grátia ipsíus, herédes simus secún-
 dum spem vitæ ætérnæ: in Christo
 Iesu Dómino nostro.

Graduale Ps. 44, 3 Speciósus for-
 ma præ filiis hóminum: diffúsa est
 grátia in lábiis tuis. **¶ Ibid., 2** Eruc-
 távit cor meum verbum bonum:
 dico ego ópera mea Regi: lingua
 mea cálamus scribæ velóciter scri-
 béntis.

Allelúia, allelúia. **¶** Post partum,
 Virgo, invioláta permansísti: Dei
 Génatrix, intercède pro nobis. Al-
 lelúia.

Post Septuagesimam, omissis Al-
lelúia, et versu sequenti, dicitur

Tractus Gaude, María Virgo,
 cunctas háereses sola interemísti.
¶ Quæ Gabriélis Archángeli dictis
 credidísti. **¶** Dum Virgo Deum et
 hóminem genuísti: et post partum,
 Virgo, invioláta permansísti. **¶** Dei
 Génatrix, intercède pro nobis.

✠ Sequéntia sancti Evangélíi se-
 cúndum Lucam. **Luc. 2, 15-20**

In illo témpore: Pastóres loque-
 bántur ad invicem: Transeámus
 usque Béthlehem, et videámus hoc
 verbum, quod factum est, quod
 Dóminus osténdit nobis. Et vené-
 runt festinántes: et invenérunt Ma-
 ríam, et Ioseph, et infántem pési-

tum in præsep̃io. Videntes autem cognoverunt de verbo, quod dictum erat illis de puero hoc. Et omnes, qui audierunt, mirati sunt: et de his, quæ dicta erant a pastöribus ad ipsos. Mariá autem conservabat omnia verba hæc, cónferens in corde suo. Et reversi sunt pastöres glorificantes, et laudantes Deum in omnibus, quæ audierant, et viderant, sicut dictum est ad illos.

Antiphona ad Offertorium Felix namque es, sacra Virgo Mariá, et omni laude digníssima: quia ex te ortus est sol iustitiæ, Christus Deus noster.

Secreta

Tua, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio de B. Maria Virgine Et te in Veneratióne.

Antiphona ad Communionem Beáta viscera Mariæ Vírginis, quæ portaverunt æterni Patris Fílium.

Postcommunio

Hæc nos commúnio, Dómine, purget a crimine: et, intercedente beáta Virgine Dei Genetrice Mariá, cælestis remédii fáciat esse consórtes. Per eúndem Dóminum.

III

A DIE 3 FEBRUARII
USQUE AD FERIAM IV
HEBDOMADÆ SANCTÆ

Antiphona ad Introitum

Sedulius

Salve, sancta parens, eníxa puérpera Regem: qui cælum terrámque regit in sæcula sæculórum. **Ps. 44, 2** Eructávit cor meum verbum bonum: dico ego ópera mea Regi. **V.** Glória Patri.

Et in sabbato dicitur Glória in excélsis.

Oratio

Concède nos fámulos tuos, quæsumus, Dómine Deus, perpétua mentis et córporis sanitáte gaudere: et, gloriósa beátæ Mariæ semper Vírginis intercessióne, a præsentí liberári tristítia, et æténa pérfrui lætítia. Per Dóminum.

Léctio libri Sapiéntiæ.

Eccli. 24, 14-16

Ab inítio, et ante sæcula creáta sum, et usque ad futúrum sæculum non désinam, et in habitatione sancta coram ipso ministrávi. Et sic in Sion firmáta sum, et in civitate sanctificáta simíliter requiévi, et in Ierúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

Graduale Benedícta et venerábilis es, Virgo Mariá: quæ sine tactu pudóris invénta es mater Salvatóris. **V.** Virgo Dei Génetrix, quem totus non capit orbis, in tua se clausit viscera factus homo.

Allelúia, allelúia. **V. Num. 17, 8** Virga Iesse flóruit: Virgo Deum et hóminem genuit: pacem Deus reddidit, in se reconcilians ima summis. Allelúia.

Post Septuagesimam, omissis Allelúia, et versu sequenti, dicitur

Tractus Gaude, Mariá Virgo, cunctas hæreses sola interemísti. **V.** Quæ Gabriélis Archángeli dictis credidísti. **V.** Dum Virgo Deum et hóminem genuísti: et post partum, Virgo, invioláta permansísti. **V.** Dei Génetrix, intercède pro nobis.

✠ Sequéntia sancti Evangélíi secúndum Lucam. **Luc. 11, 27-28**

In illo témpore: Loquente Iesu ad turbas, extóllens vocem quædam mulier de turba, dixit illi: Beátus venter, qui te portávit, et úbera, quæ suxísti. At ille dixit: Quinímó beáti, qui áaudiunt verbum Dei, et custódiunt illud.

Antiphona ad Offertorium Felix namque es, sacra Virgo María, et omni laude digníssima: quia ex te ortus est sol iustitiæ, Christus Deus noster.

Secreta

Tua, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitatem et pacem. Per Dóminum.

Præfatio de B. Maria Virgine Et te in Veneratióne.

Antiphona ad Communionem Beáta víscera Mariæ Vírginis, quæ portavérunt ætérni Patris Fílium.

Postcommunio

Sumptis, Dómine, salútis nostræ subsidiis: da, quæsumus, beátæ Mariæ semper Vírginis patrocíniis nos ubique prótegi; in cuius veneratióne hæc tuæ obtúlimus maiestáti. Per Dóminum.

IV

TEMPORE PASCHALI

Antiphona ad Introitum

Sedulius

Salve, sancta parens, eníxa puérpera Regem: qui cælum, terrámque regit in sácula sæculórum, allelúia, allelúia. **Ps. 44, 2** Eructávit cor meum verbum bonum: dico ego ópera mea Regi. **Ÿ. Glória Patri.**

Et in sabbato dicitur Glória in excélsis.

Oratio

Concède nos fámulos tuos, quæsumus, Dómine Deus, perpétua mentis et córporis sanitáte gaudere: et, gloriósa beátæ Mariæ semper Vírginis intercessióne, a præsentí liberári tristítia, et ætérna pérfrui lætítia. Per Dóminum.

Lectio libri Sapiéntiæ.

Eccli. 24, 14-16

Ab inítio, et ante sácula creáta sum, et usque ad futúrum sá-

culum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta simíliter requiévi, et in Ierúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

Allelúia, allelúia. **Ÿ. Num. 17, 8** Virga Iesse flóruit: Virgo Deum et hóminem génuit: pacem Deus réddidit, in se reconcilians ima summis. Allelúia. **Ÿ. Luc. 1, 28** Ave, María, grátia plena: Dóminus tecum: benedícta tu in muliéribus. Allelúia.

✠ Sequéntia sancti Evangélii secúndum Ioánnem.

Ioann. 19, 25-27

In illo témpore: Stabant iuxta crucem Iesu mater eius, et soror matris eius María Cléophæ, et María Magdaléne. Cum vidísset ergo Iesus matrem, et discípulum stantem, quem diligébat, dicit matri suæ: Múlier, ecce fílius tuus. Deínde dicit discípulo: Ecce mater tua. Et ex illa hora accépit eam discípulus in sua.

Antiphona ad Offertorium Beáta es, Virgo María, quæ ómnium portásti Creatórem: genuísti qui te fecit, et in ætérnum pérmanes Virgo, allelúia.

Secreta

Tua, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitatem et pacem. Per Dóminum.

Præfatio de B. Maria Virgine Et te in Veneratióne.

Antiphona ad Communionem Beáta víscera Mariæ Vírginis, quæ portavérunt ætérni Patris Fílium, allelúia.

Postcommunio

Sumptis, Dómine, salutis nostræ subsidiis: da, quæsumus, beatæ Mariæ semper Virginis patrocinis nos ubique protegi; in cuius veneratione hæc tuæ obtulimus maiestati. Per Dóminum.

V

A FESTO SSMÆ TRINITATIS
USQUE AD SABBATUM
ANTE DOMINICAM I ADVENTUS

Antiphona ad Introitum
Sedulius

Salve, sancta parens, enixa puérpera Regem: qui cælum, terramque regit in sæcula sæculorum. **Ps. 44, 2** Eructavit cor meum verbum bonum: dico ego ópera mea Regi. **V.** Glória Patri.

Et in sabbato dicitur Glória in excelsis.

Oratio

Concede nos fámulos tuos, quæsumus, Dómine Deus, perpétua mentis et corpóris sanitate gaudere: et, gloriósa beatæ Mariæ semper Virginis intercessióne, a præsenti liberári tristitia, et æterna pérfrui lætitia. Per Dóminum.

Léctio libri Sapiéntiæ.

Eccli. 24, 14-16

Ab iníto, et ante sæcula creáta sum, et usque ad futúrum sæculum non désinam, et in habitatione sancta coram ipso ministravi. Et sic in Sion firmáta sum, et in civitate sanctificáta simíliter requievi, et in Ierúsalem potestas mea. Et radicavi in pópulo honorificáto, et in parte Dei mei heréditas illius, et in plenitúdine sanctórum deténtio mea.

Graduale Benedícta et venerábilis es, Virgo María: quæ sine tactu pudóris invénta es mater Salvatóris. **V.** Virgo Dei Génatrix, quem totus non capit orbis, in tua se clausit víscera factus homo.

Allelúia, allelúia. **V.** Post partum, Virgo, invioláta permansísti: Dei Génatrix, intercède pro nobis. Allelúia.

✠ Sequéntia sancti Evangélii secúndum Lucam. **Luc. 11, 27-28**

In illo témpore: Loquente Iesu ad turbas, extóllens vocem quædam mulier de turba, dixit illi: Beátus venter, qui te portávit, et úbera, quæ suxísti. At ille dixit: Quinímmo beáti, qui áudiunt verbum Dei, et custódiunt illud.

Antiphona ad Offertorium **Luc. 1, 28 et 42** Ave, María, grátia plena: Dóminus tecum: benedícta tu in mulieribus, et benedíctus fructus ventris tui.

Secreta

Tua, Dómine, propitiatio, et beatæ Mariæ semper Virginis intercessióne, ad perpétuam atque præsentem hæc oblátio nobis proficiat prosperitatem et pacem. Per Dóminum.

Præfatio de B. Maria Virgine Et te in Veneratione.

Antiphona ad Communionem Beáta víscera Mariæ Virginis, quæ portavérunt æterni Patris Fílium.

Postcommunio

Sumptis, Dómine, salutis nostræ subsidiis: da, quæsumus, beatæ Mariæ semper Virginis patrocinis nos ubique protegi; in cuius veneratione hæc tuæ obtulimus maiestati. Per Dóminum.

MISSÆ VOTIVÆ

I

MISSÆ VOTIVÆ

DE MYSTERIIS DOMINI AUT DE ANGELIS VEL SANCTIS
SINGULIS HEBDOMADÆ DIEBUS DISPOSITÆ

¶ Sequentes Missæ votivæ, quamquam omnibus hebdomadæ diebus non impeditis dici possunt, convenienter tamen, saltem in choro, dicuntur die assignato.

Feria II

MISSA DE SSMA TRINITATE

Antiphona ad Introitum

Tob. 12, 6

Benedicta sit sancta Trinitas, atque indivisa unitas: confitebimur ei, quia fecit nobiscum misericordiam suam. (T. P. Allelúia, allelúia.) Ps. 8, 2 Dómine Dóminus noster: quam admirabile est nomen tuum in univérſa terra! V. Glória Patri.

Oratio

Omnípotens sempitérne Deus, qui dedisti fámulis tuis in confessione veræ fidei, æternæ Trinitátis glóriam agnóscere, et in potentia maiestátis adoráre unitátem: quæsumus; ut eiúſdem fidei firmitáte, ab ómnibus semper muniámur advérsis. Per Dóminum.

Léctio Epístolæ beáti Pauli Apóstoli ad Corínthios.

2 Cor. 13, 11 et 13

Fratres: Gaudéte, perfécti estóte, exhortámini, idem sápite, pacem habéte, et Deus pacis et dilectionis erit vobiscum. Grátia Dómini nostri Iesu Christi, et caritas Dei, et communicatio Sancti Spíritus sit cum ómnibus vobis. Amen.

Graduale Dan. 3, 55-56 Benedíc-

tus es, Dómine, qui intuéris abyſſos, et sedes super Chérubim. V. Benedíctus es, Dómine, in firmaménto cæli, et laudábilis in sácula.

Allelúia, allelúia. V. Ibid., 52 Benedíctus es, Dómine Deus patrum nostrórum, et laudábilis in sácula. Allelúia.

Post Septuagesimam, omissis Allelúia, et versu sequenti, dicitur

Tractus Te Deum Patrem ingénitum, te Fílium unigénitum, te Spíritum Sanctum Paráclitum, sanctam et indivíduam Trinitátem, toto corde confitemur, laudámus, atque benedicimus. V. Quóniam magnus es tu, et fáciens mirabília: tu es Deus solus. V. Tibi laus, tibi glória, tibi gratiárum áctio in sácula sempitérna, o beáta Trinitas.

Tempore autem paschali omit-titur graduale, et eius loco dicitur:

Allelúia, allelúia. V. Dan. 3, 52 Benedíctus es, Dómine Deus patrum nostrórum, et laudábilis in sácula. Allelúia. V. Benedicámus Patrem, et Fílium, cum Sancto Spíritu. Allelúia.

✠ Sequéntia sancti Evangélii secúndum Ioánnem.

Ioann. 15, 26-27; 16, 1-4

In illo témpore: Dixit Iesus discipulis suis: Cum vénerit Parácli-

tus, quem ego mittam vobis a Patre, Spíritum veritátis, qui a Patre procedit, ille testimónium perhibébit de me et vos testimónium perhibébitis, quia ab iníto mecum estis. Hæc locútus sum vobis, ut non scandalizémmini. Absque synagógis fácient vos: sed venit hora, ut omnis, qui interficit vos, arbitrétur obséquium se præstare Deo. Et hæc fácient vobis, quia non novérunt Patrem neque me. Sed hæc locútus sum vobis, ut, cum vénerit hora eórum, reminiscámini, quia ego dixi vobis.

Antiphona ad Offertorium Tob. 12, 6 Benedíctus sit Deus Pater, unigenítusque Dei Fílius, Sanctus quoque Spíritus: quia fecit nobiscum misericórdiam suam. (T. P. Allelúia.)

Secreta

Sanctífica, quæsumus, Dómine Deus noster, per tui sancti nóminis invocatióem, huius oblatiõnis hóstiam: et per eam nosmetipsos tibi pérface munus ætérnum. Per Dóminum.

Præfatio de sanctissima Trinitate.

Antiphona ad Communionem Tob. 12, 6 Benedícimus Deum cæli, et coram ómnibus vivéntibus confitébimur ei: quia fecit nobiscum misericórdiam suam. (T. P. Allelúia.)

Postcommunio

Proficiat nobis ad salútem córporis et animæ, Dómine Deus noster, huius sacraménti suscèptio: et sempitérnæ sanctæ Trinitátis, eiusdémque individuæ unitátis conféssio. Per Dóminum.

Feria III

MISSA DE ANGELIS

Antiphona ad Introitum

Ps. 102, 20

Benedícite Dóminum, omnes Angeli eius: poténtes virtúte, qui fácitis verbum eius, ad

audiéndam vocem sermónum eius. (T. P. Allelúia, allelúia.) **Ps. ibid., 1** Bénedic, ánima mea, Dómino: et ómnia, quæ intra me sunt, nómini sancto eius. **V.** Glória Patri.

Et semper dicitur Glória in excélsis.

Oratio

Deus, qui, miro órdine, Angelórum ministéria hominúmque dispénsas: concéde propítius; ut, a quíbus tibi ministrántibus in cælo semper assístitur, ab his in terra vita nostra muniátur. Per Dóminum.

Léctio libri Apocalýpsis beáti Ioánnis Apóstoli.

Apoc. 5, 11-14

In diébus illis: Audívi vocem Angelórum multórum in circúitu throni, et animálium, et seniórum: et erat númerus eórum mília mílium, dicéntium voce magna: Dignus est Agnus, qui occísus est, accípere virtútem, et divinitátem, et sapiéntiam, et fortitúdinem, et honórem, et glóriam, et benedictiõnem. Et omnem creatúram, quæ in cælo est, et super terram, et sub terra, et quæ sunt in mari, et quæ in eo: omnes audívi dicétes: Sedénti in throno, et Agno: benedictio, et honor, et glória, et potéstas in sæcula sæculórum. Et quátuor animália dicébant: Amen. Et vigintiquátuor senióres cecidérunt in fácies suas: et adoravérunt vivéntem in sæcula sæculórum.

Graduale Ps. 148, 1-2 Laudáte Dóminum de cælis: laudáte eum in excélsis. **V.** Laudáte eum, omnes Angeli eius: laudáte eum, omnes virtútes eius.

Allelúia, allelúia. **V. Ps. 137, 1-2** In conspéctu Angelórum psallam tibi: adorábo ad templum sanctum tuum, et confitébor nómini tuo. Allelúia.

Post Septuagesimam, omissis Allelúia, et versu sequenti, dicitur

Tractus Ps. 102, 20 Benedícite Dóminum, omnes Angeli eius: poténtes virtúte, qui fácitis verbum eius. **V. Ibid., 21-22** Benedícite Dómino, omnes virtútes eius: ministri eius qui fácitis voluntátem eius. **V.** Benedícite Dómino, ómnia ópera eius: in omni loco dominatiónis eius, benedic, ánima mea, Dómino.

Tempore autem paschali omititur graduale, et eius loco dicitur:

Allelúia, allelúia. **V. Ps. 137, 1-2** In conspéctu Angelórum psallam tibi: adorábo ad templum sanctum tuum, et confitébor nómini tuo. Allelúia. **V. Matth. 28, 2** Angelus Dómini descéndit de cælo, et accédens revólvit lápidem, et sedébat super eum. Allelúia.

✠ Sequéntia sancti Evangélíi secúndum Ioánnem.

Ioann. 1, 47-51

In illo témpore: Vidit Iesus Nathánaël veniéntem ad se, et dicit de eo: Ecce vere Israélíta, in quo dolus non est. Dicit ei Nathánaël: Unde me nosti? Respóndit Iesus, et dixit ei: Priúsqvam te Philíppus vocáret, cum esses sub ficu, vidi te. Respóndit ei Nathánaël, et ait: Rabbi, tu es Fílius Dei, tu es Rex Israël. Respóndit Iesus, et dixit ei: Quia dixi tibi: Vidi te sub ficu, credis: maius his vidébis. Et dicit ei: Amen, amen dico vobis, vidébitis cælum apértum, et Angelos Dei ascendéntes, et descendéntes supra Fílium hómínis.

Antiphona ad Offertorium Apoc. 8, 3 et 4 Stetit Angelus iuxta aram templi, habens thuríbulum áureum in manu sua: et data sunt ei incénsa multa: et ascéndit fumes arómatum in conspéctu Dei. **(T. P. Allelúia.)**

Secreta

Hóstias tibi, Dómine, laudis offerimus, suppliciter deprecánte: ut eásdem, angélico pro nobis

interveniénte suffrágio, et placátus accípias, et ad salutem nostram provenire concédas. Per Dóminum.

Antiphona ad Communionem

Angeli, Archángeli, Throni, et Dominationes, Principátus, et Potestates, Virtútes cælórum, Chérubim, atque Séraphim, Dóminum benedícite in ætérnum. **(T. P. Allelúia.)**

Postcommunio

Repléti, Dómine, benedictióne cælésti, suppliciter implorámus: ut, quod frágili celebrámus officio, sanctórum Angelórum atque Archangelórum nobis pródesse sentiámus auxílio. Per Dóminum.

Feria IV

MISSA DE S. IOSEPH

Antiphona ad Introitum

Ps. 32, 20-21

Adiutor, et protector noster est Dóminus: in eo lætábitur cor nostrum, et in nómine sancto eius sperávimus. **(T. P. Allelúia, allelúia.) Ps. 79, 2** Qui regis Israël, inténde: qui dedúcis, velut ovem, Ioseph. **V. Glória Patri.**

Oratio

Deus, qui ineffábili providéntia beátum Ioseph sanctíssimæ Genetrícis tuæ sponsum elígere dignátus es: præsta, quæsumus; ut, quem protectórem venerámur in terris, intercessórem habére mereámur in cælis: Qui vivis.

Léctio libri Génesis.

Gen. 49, 22-26

Fílius accrésceus Ioseph, filius accrésceus, et decórus aspéctu: filiæ discurrérunt super murum. Sed exasperavérunt eum, et iurgáti sunt, inviderúntque illi habéntes iácula. Sedit in forti arcus eius, et dissolúta sunt víncula brachiórum, et mánuum illíus per manus poténtis Iacob: inde pastor egréssus est, lapis Israël. Deus patris tui

erit adiutor tuus, et Omnipotens benedictet tibi benedictionibus cæli desuper, benedictionibus abyssi iacentis deorsum, benedictionibus uberum et vulvæ. Benedictiones patris tui confortatæ sunt benedictionibus patrum eius, donec veniret desiderium collium æternorum: fiant in capite Ioseph, et in vertice Nazaræi inter fratres suos.

Graduale Ps. 20, 4-5 Dómine, prævenisti eum in benedictionibus dulcedinis: posuisti in capite eius coronam de lapide pretioso. **V.** Vitam petiit a te, et tribuisti ei longitúdinem dierum in sæculum sæculi.

Allelúia, allelúia. **V.** Fac nos innocuam, Ioseph, decurrere vitam: sitque tuo semper tuta patrocinio. Allelúia.

Post Septuagesimam, omissis Allelúia, et versu sequenti, dicitur

Tractus Ps. 111, 1-3 Beátus vir, qui timet Dóminum: in mandatis eius cupit nimis. **V.** Potens in terra erit semen eius: generatio rectórum benedicetur. **V.** Glória et divitiæ in domo eius: et iustitia eius manet in sæculum sæculi.

Tempore autem paschali omititur graduale, et eius loco dicitur:

Allelúia, allelúia. **V.** De quacúmque tribulatione clamáverint ad me, exáudiam eos, et ero protector eórum semper. Allelúia. **V.** Fac nos innocuam, Ioseph, decurrere vitam: sitque tuo semper tuta patrocinio. Allelúia.

✠ Sequéntia sancti Evangélii secúndum Lucam. **Luc. 3, 21-23**

In illo témpore: Factum est autem cum baptizaretur omnis pópulus, et Iesu baptizáto, et oránte, apértum est cælum: et descendit Spíritus Sanctus corporáli spécie sicut columba in ipsum: et vox de cælo facta est: Tu es Fílius meus

diléctus, in te complácu mihi. Et ipse Iesus erat incípiens quasi annórum trigínta, ut putabátur, fílius Ioseph.

Antiphona ad Offertorium Ps. 147, 12 et 13 Lauda, Ierúsalem, Dóminus: quóniam confortávit seras portárum tuárum, benedixit filiis tuis in te. **(T. P. Allelúia.)**

Secreta

Sanctíssimæ Genetrícis tuæ sponsi patrocinio suffúlti, rogámus, Dómine, cleméntiam tuam: ut corda nostra fácias terréna cuncta despícere, ac te verum Deum perfécta caritate diligere: Qui vivis.

Præfatio de S. Ioseph Et te in Veneratióne.

Antiphona ad Communionem Matth. 1, 16 Iacob autem genuit Ioseph virum Mariæ, de qua natus est Iesus, qui vocátur Christus. **(T. P. Allelúia.)**

Postcommunio

Divini múnieris fonte refécti, quæsumus, Dómine Deus noster: ut, sicut nos facis beáti Ioseph protectione gaudere; ita, eius méritis et intercessióne, cæléstis glóriæ fácias esse partícipes. Per Dóminum.

Item feria IV

MISSA DE SS. PETRO ET PAULO

Apostolis

Extra tempus paschale

Antiphona ad Introitum

Ps. 138, 17

Mihi autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2** Dómine, probásti me, et cognovísti me: tu cognovísti sessiónem meam, et resurrectionem meam. **V.** Glória Patri.

Oratio

Deus, cuius dextera beátum Petrum ambulátem in flúctibus, ne mergerétur, eréxit, et coapóstolum eius Paulum, tértio naufragátem, de profúndo pélagi liberávit: exáudi nos propítius, et concéde; ut, ambórum méritis, æternitátis glóriam consequámur: Qui vivis.

Léctio Actuum Apostolórum.

Act. 5, 12-16

In diébus illis: Per manus Apostolórum fiébant signa, et prodígia multa in plebe. Et erant unánimíter omnes in pórticu Salomónis. Ceterórum autem nemo audébat se coniúngere illis: sed magnificábat eos pópulus. Magis autem augebátur credéntium in Dómino multitúdo virórum, ac mulierum, ita ut in platéas eícerent infirmos, et pónerent in léctulis ac grabátis, ut, veniénte Petro, saltem umbra illius obumbráret quemquam illórum, et liberaréntur ab infirmitátibus suis. Concurrébat autem et multitúdo vicinárum civitátum Ierúsalem, afferéntes ægros, et vexátos a spirítibus immúndis: qui curabántur omnes.

Graduale Ps. 44, 17-18 Constítues eos príncipes super omnem terram: mémoires erunt nóminis tui, Dómine. **V.** Pro pátribus tuis nati sunt tibi filii: proptérea pópuli confitebúntur tibi.

Allelúia, allelúia. **V. Ps. 138, 17** Nimis honoráti sunt amíci tui, Deus: nimis confortátus est principátus eórum. Allelúia.

Post Septuagesimam, omissis Allelúia, et versu sequenti, dicitur

Tractus Ps. 125, 5-6 Qui séminant in lácrimis, in gáudio metent. **V.** Eúntes ibant et flebant, mitténtes sémina sua. **V.** Veniéntes autem vénient cum exultatióne, portántes manípulos suos.

✠ Sequéntia sancti Evangélii secúndum Matthæum.

Matth. 19, 27-29

In illo témpore: Dixit Petrus ad Iesum: Ecce, nos relíquimus ómnia et secúti sumus te: quid ergo erit nobis? Iesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede maiestátis suæ, sedébitis et vos super sedes duódecim, iudicántes duódecim tribus Israël. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam ætérnam possidébit.

Antiphona ad Offertorium Ps. 18,

5 In omnem terram exívit sonus eórum: et in fines orbis terræ verba eórum.

Secreta

Offerimus tibi, Dómine, preces et múnera: quæ ut tuo sint digna conspéctu, Apostolórum tuórum Petri et Pauli précibus adiuvémur. Per Dóminum.

Præfatio de Apostolis.

Antiphona ad Communionem Matth. 19, 28 Vos, qui secúti estis me, sedébitis super sedes, iudicántes duódecim tribus Israël.

Postcommunio

Prótege, Dómine, pópulum tuum: et Apostolórum tuórum Petri et Pauli patrocínio confidéntem, perpétua defensióne consérva. Per Dóminum.

Tempore paschali

Missa ut supra (45), præter sequentia:

Antiphona ad Introitum Ps. 63, 3

Protexísti me, Deus, a convéntu malignántium, allelúia: a multitúdiine operántium iniquitátem, allelúia, allelúia. **Ps. ibid., 2**

Exáudi, Deus, oratióem meam cum déprecor: a timóre inimíci éripe ánimam meam. **℣.** Glória Patri.

Post Epistolam: Allelúia, allelúia. **℣. Ps. 88, 6** Confitebúntur cæli mirabília tua, Dómine: étenim veritátem tuam in ecclésia sanctórum. Allelúia. **℣. Ps. 20, 4** Posuísti, Dómine, super caput eius corónam de lápide pretióso. Allelúia.

Antiphona ad Offertorium Ps. 88, 6 Confitebúntur cæli mirabília tua, Dómine: et veritátem tuam in ecclésia sanctórum, allelúia, allelúia.

Antiphona ad Communionem Ps. 63, 11 Lætábitur iustus in Dómino, et sperábit in eo: et laudabúntur omnes recti corde, allelúia, allelúia.

Similiter feria IV

MISSA DE OMNIBUS SS. APOSTOLIS

Extra tempus paschale

Antiphona ad Introitum

Ps. 138, 17

Mihi autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2** Dómine, probásti me, et cognovísti me: tu cognovísti sessiódinem meam, et resurrectiódinem meam. **℣.** Glória Patri.

Oratio

Deus, qui nos per beátos Apóstolos tuos ad agnitiódinem tui nóminis veníre tribuísti: da nobis; eórum glóriam sempitérnam et proficiéndo celebráre, et celebrándo proficere. Per Dóminum.

Léctio Epístolæ beáti Pauli Apóstoli ad Ephésios.

Ephes. 4, 7-13

Fratres: Unicuique nostrum data est grátia secúndum mensúram donatiónis Christi. Propter quod dicit: Ascéndens in altum captívam

duxit captivitátem: dedit dona homínibus. Quod autem ascéndit, quid est, nisi quia et descéndit primum in inferiós partes terræ? Qui descéndit, ipse est et qui ascéndit super omnes cælos, ut impléret ómnia. Et ipse dedit quosdam quidem apóstolos, quosdam autem prophétas, álios vero evangelistas, álios autem pastóres, et doctóres ad consummatiódinem sanctórum in opus ministérii, in ædificatiódinem córporis Christi: donec occurrámus omnes in unitátem fidei, et agnitiónis Filii Dei, in virum perfectum, in mensúram ætátis plenitúdinis Christi.

Graduale Ps. 44, 17 et 18 Constítues eos príncipes super omnem terram: mémores erunt nóminis tui, Dómine. **℣.** Pro pátribus tuis nati sunt tibi filii: proptérea pópuli confitebúntur tibi.

Allelúia, allelúia. **℣. Ps. 138, 17** Nimis honoráti sunt amíci tui, Deus: nimis confortátus est principátus eórum. Allelúia.

Post Septuagesimam, omissis Allelúia, et versu sequenti, dicitur

Tractus Ps. 125, 5-6 Qui sémant in lácrimis, in gáudio metent. **℣.** Eúntes ibant, et flebant, mitténtes sémina sua. **℣.** Veniéntes autem vénient cum exsultatióne, portántes manípulos suos.

✠ Sequéntia sancti Evangélii secúndum Matthæum.

Matth. 19, 27-29

In illo témpore: Dixit Petrus ad Iesum: Ecce, nos reliquimus ómnia, et secúti sumus te: quid ergo erit nobis? Iesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede maiestátis suæ, sedébitis et vos super sedes duódecim, iudicántes duódecim tribus Israël. Et omnis, qui reliquerit domum, vel fratres, aut

soróres, aut patrem, aut matrem, aut uxórem, aut filios, aut agros propter nomen meum, céntuplum accípiet, et vitam ætérnam possidébit.

Antiphona ad Offertorium Ps. 18, 5 In omnem terram exívit sonus eórum: et in fines orbis terræ verba eórum.

Secreta

Glóriam, Dómine, sanctórum Apostolórum tuórum perpétuam venerántes: quæsumus; ut eam, sacris mystériis expiáti, dignius celebrémus. Per Dóminum.

Præfatio de Apostolis.

Antiphona ad Communionem Matth. 19, 28 Vos, qui secúti estis me, sedébitis super sedes, iudicántes duódecim tribus Israël.

Postcommunio

Percéptis, Dómine, sacraméntis, suppliciter exorámus: ut, intercedéntibus beátis Apóstolis tuis; quæ pro illórum veneránda gérimus passióne, nobis proficiant ad medélam. Per Dóminum.

Tempore paschali

Missa ut supra, præter sequentia:

Antiphona ad Introitum

Ps. 63, 3

Protexisti me, Deus, a convéntu malignántium, allelúia: a multitudíne operántium iniquitátem, allelúia, allelúia. **Ps. ibid., 2** Exáudi, Deus, oratióne meam cum déprecor: a timóre inimíci éripe ánimam meam. **V.** Glória Patri.

Post Epistolam: Allelúia, allelúia. **V.** **Ps. 88, 6** Confitebúntur cæli mirabília tua, Dómine: étenim veritátem tuam in ecclésia sanctórum. Allelúia. **V.** **Ioann. 15, 16** Ego vos elégi de mundo, ut eátis, et fructum afferátis, et fructus vester máneat. Allelúia.

Antiphona ad Offertorium Ps. 44,

17-18 Constítues eos príncipes super omnem terram: mémores erunt nóminis tui, Dómine, in omni progénie et generatióne, allelúia, allelúia.

Antiphona ad Communionem Ps. 18, 5 In omnem terram exívit sonus eórum: et in fines orbis terræ verba eórum, allelúia, allelúia.

¶ **Præcedentes Missæ, tum intra, tum extra tempus paschale, sumi etiam possunt pro votiva alicuius sancti Apostoli, de quo in Missali non habeatur Missa propria: orationes autem, in casu, dicuntur ut sequitur:**

Oratio

Maiestátem tuam, Dómine, suppliciter exorámus: ut, sicut Ecclésiæ tuæ beátus **N.** Apóstolus éxstitit prædicátor et rector; ita apud te sit pro nobis perpétuus intercéssor. Per Dóminum.

Secreta

Sacrificium nostrum tibi, Dómine, quæsumus, beáti **N.** Apóstoli precátio sancta concíliet: ut, in cuius honóre solémniter exhibétur, eius méritis efficiátur accéptum. Per Dóminum.

Postcommunio

Súmpsimus, Domine, divína mystéria, beáti **N.** Apóstoli memória lætántes: quæ, sicut tuis Sanctis ad glóriam, ita nobis, quæsumus, ad véniam prodésse perficias. Per Dóminum.

Feria V

MISSA DE SPIRITU SANCTO

Antiphona ad Introitum

Sap. 1, 7

Spíritus Dómini replévit orbem terrárum: et hoc, quod cón-tinet ómnia, sciéntiam habet vocis. (**T. P.** Allelúia, allelúia.) **Ps. 67, 2** Exsúrgat Deus, et dissipéntur inimíci eius: et fúgiant, qui odé-

runt eum, a fácie eius. **℣.** Glória Patri.

Oratio

Deus, qui corda fidélium Sancti Spíritus illustratióne docuísti: da nobis in eódem Spíritu recta sápere; et de eius semper consolatíone gaudére. Per Dóminum... in unitáte eiúsdem Spíritus Sancti.

Ad postulandam gratiam Spiritus Sancti:

Oratio

Deus, cui omne cor patet, et quem nullum latet secrétum: purifica per infusiónem Sancti Spíritus cogitatiónes cordis nostri; ut te perfécte diligere, et digne laudáre mereámur. Per Dóminum... in unitáte eiúsdem Spíritus Sancti.

Léctio Actuum Apostolorum.

Act. 8, 14-17

In diébus illis: Cum audíssent Apóstoli, qui erant Ierosólymis, quod recepíssent Samaría verbum Dei, misérunt ad eos Petrum, et Ioánnem. Qui cum veníssent, oravérunt pro ipsis ut accíperent Spíritum Sanctum: nondum enim in quemquam illórum vénerat, sed baptizáti tantum erant in nómine Dómini Iesu. Tunc imponébant manus super illos, et accipiébant Spíritum Sanctum.

Graduale Ps. 32, 12 et 6 Beáta gens, cuius est Dóminus Deus eórum: pópulus, quem elégit Dóminus in hereditátem sibi. **℣.** Verbo Dómini cæli firmáti sunt: et Spíritu oris eius omnis virtus eórum.

Allelúia, allelúia. **(Hic genuflectitur) ℣.** Veni, Sancte Spíritus, reple tuórum corda fidélium: et tui amóris in eis ignem accénde. Allelúia.

Post Septuagesimam, omissis Allelúia, et versu sequenti, dicitur

Tractus Ps. 103, 30 Emítte Spíritum tuum, et creabúntur: et reno-

vábis fáciem terræ. **℣.** O quam bonus et suávis est, Dómine, Spíritus tuus in nobis! **(Hic genuflectitur) ℣.** Veni, Sancte Spíritus, reple tuórum corda fidélium: et tui amóris in eis ignem accénde.

Tempore autem paschali omititur graduale, et eius loco dicitur:

Allelúia, allelúia. **℣. Ps. 103, 30** Emítte Spíritum tuum, et creabúntur: et renovábis fáciem terræ. Allelúia. **(Hic genuflectitur) ℣.** Veni, Sancte Spíritus, reple tuórum corda fidélium: et tui amóris in eis ignem accénde. Allelúia.

✠ Sequéntia sancti Evangélíi secúndum Ioánnem.

Ioann. 14, 23-31

In illo témpore: Dixit Iesus discipulis suis: Si quis diligit me, sermónem meum servábit, et Pater meus diliget eum, et ad eum veniémus, et mansiónem apud eum faciémus. Qui non diligit me, sermónes meos non servat. Et sermónem quem audístis, non est meus: sed eius, qui misit me, Patris. Hæc locútus sum vobis, apud vos manens. Paráclitus autem Spíritus Sanctus, quem mittet Pater in nómine meo, ille vos docébit ómnia, et sùggeret vobis ómnia, quæcúmque díxero vobis. Pacem relínquo vobis, pacem meam do vobis: non quómodo mundus dat, ego do vobis. Non turbétur cor vestrum, neque formídet. Audístis quia ego dixi vobis: Vado, et vénio ad vos. Si diligerétis me, gauderétis útique, quia vado ad Patrem: quia Pater maior me est. Et nunc dixi vobis priúsqvam fiat: ut cum factum fúerit, credátis. Iam non multa loquar vobíscum. Venit enim princeps mundi huius, et in me non habet quidquam. Sed ut cognóscat mundus, quia díligo Patrem, et sicut mandátum dedit mihi Pater, sic fácio.

Post Septuagesimam in fine sequentis antiphonæ Allelúia omititur.

Antiphona ad Offertorium Ps. 67, 29-30 Confirma hoc, Deus, quod operátus es in nobis: a templo tuo, quod est in Ierúsalem, tibi offerent reges múnera, allelúia.

Secreta

Múnera, quæsumus, Dómine, oblata sanctifica: et corda nostra Sancti Spíritus illustratióne emúnda. Per Dóminum... in unitate eiúsdem Spíritus Sancti.

Ad postulandam gratiam Spiritus Sancti:

Secreta

Hæc oblatio, quæsumus, Dómine, cordis nostri máculas emúndet: ut Sancti Spíritus digna efficiátur habitatio. Per Dóminum... in unitate eiúsdem Spíritus Sancti.

Præfatio de Spiritu Sancto.

Post Septuagesimam in fine sequentis antiphonæ Allelúia omititur.

Antiphona ad Communionem Act. 2, 2 et 4 Factus est repente de cælo sonus, tamquam adveniéntis spíritus veheméntis, ubierant sedéntes: et repléti sunt omnes Spíritu Sancto, loquéntes magnália Dei, allelúia.

Postcommunio

Sancti Spíritus, Dómine, corda nostra mundet infúsió: et sui roris íntima aspersione fecúndet. Per Dóminum... in unitate eiúsdem Spíritus Sancti.

Ad postulandam gratiam Spiritus Sancti:

Postcommunio

Concéde, quæsumus, omnípotens Deus, Sanctum nos Spíritum votis promeréri sédulis: quátenus, eius grátia, et ab ómnibus liberémur tentatióibus, et peccatórum nostrórum indulgéntiam percípere

mereámur. Per Dóminum... in unitate eiúsdem Spíritus Sancti.

Item feria V

MISSA DE SANCTISSIMO EUCHARISTIÆ SACRAMENTO

Antiphona ad Introitum

Ps. 80, 17

Cibávit eos ex ádipe fruménti: et de petra, melle saturávit eos. (T. P. Allelúia, allelúia.) Ps. *ibid.*, 2 Exsultáte Deo adiutóri nostro: iubiláte Deo Iacob. V. Glória Patri.

Oratio

Deus, qui nobis sub Sacraménto mirábili passiónis tuæ memóriam reliquisti: tríbue, quæsumus, ita nos Córporis et Sanguinis tui sacra mystéria venerári; ut redemptionis tuæ fructum in nobis iúgiter sentiámus: Qui vivis.

Lectio Epístolæ beáti Pauli Apóstoli ad Corínthios. I Cor. 11, 23-29

Fratres: Ego enim accépi a Dómino quod et trádidí vobis, quóniam Dóminus Iesus in qua nocte tradebátur, accépit panem, et grátias agens fregit, et dixit: Accípíte, et manducáte: hoc est corpus meum, quod pro vobis tradétur: hoc fácite in meam commemoratiónem. Simíliter et cálicem, postquam cenávit, dicens: Hic calix novum testaméntum est in meo sanguine. Hoc fácite, quotiescúmque bibétis, in meam commemoratiónem. Quotiescúmque enim manducábitis panem hunc, et cálicem bibétis, mortem Dómini annuntiábitis, donec véniat. Itaque quicúmque manducáverit panem hunc, vel bíberit cálicem Dómini indígne, reus erit córporis et sanguinis Dómini. Probet autem seípsum homo: et sic de pane illo edat, et de cálice bibat. Qui enim mandúcat, et bibit indígne, iudí-

cium sibi manducat, et bibit: non diiudicans corpus Dómini.

Graduale Ps. 144, 15-16 Oculi ómnium in te sperant, Dómine: et tu das illis escam in témpore opportúno. **V.** Aperis tu manum tuam: et imples omne ánimál benedictióne.

Allelúia, allelúia. **V. Ioann. 6, 56-57** Caro mea vere est cibus, et sanguis meus vere est potus: qui manducat meam carnem, et bibit meum ságuinem, in me manet, et ego in eo. Allelúia.

Post Septuagesimam, omissis Allelúia, et versu sequenti, dicitur

Tractus Malach. 1, 11 Ab ortu solis usque ad occásum, magnum est nomen meum in géntibus. **V.** Et in omni loco sacrificátur, et offértur nómini meo oblátio munda: quia magnum est nomen meum in géntibus. **V. Prov. 9, 5** Veníte, comédite panem meum: et bíbite vinum, quod míscui vobis.

Tempore autem paschali omititur graduale, et eius loco dicitur:

Allelúia, allelúia. **V. Luc. 24, 35** Cognovérunt discípuli Dóminum Iesum in fractióne panis. Allelúia. **V. Ioann. 6, 56-57** Caro mea vere est cibus, et sanguis meus vere est potus: qui manducat meam carnem, et bibit meum ságuinem, in me manet, et ego in eo. Allelúia.

✠ Sequéntia sancti Evangélíi secúndum Ioánnem.

Ioann. 6, 56-59

In illo témpore: Dixit Iesus turbis Iudæórum: Caro mea vere est cibus, et sanguis meus vere est potus. Qui manducat meam carnem, et bibit meum ságuinem, in me manet, et ego in illo. Sicut misit me vivens Pater, et ego vivo propter Patrem: et qui manducat me, et ipse vivet propter me. Hic est panis, qui de cælo descéndit. Non sicut manducavérunt patres vestri manna, et mórtui sunt. Qui manducat hunc panem, vivet in ætérnum.

Antiphona ad Offertorium Levit. 21, 6 Sacerdótes Dómini incénsum et panes offerunt Deo: et ideo sancti erunt Deo suo, et non pólluent nomen eius. **(T. P. Allelúia.)**

Secreta

Ecclésiæ tuæ, quæsumus, Dómine, unitátis et pacis propítius dona concéde: quæ sub oblátis munéribus mýstice designántur. Per Dóminum.

Antiphona ad Communionem I Cor. 11, 26-27 Quotiescúmque manducábitis panem hunc, et cálicem bibétis, mortem Dómini annuntiábitis, donec véniat: itaque quicúmque manducáverit panem, vel bíberit cálicem Dómini indigne, reus erit córporis et ságuinis Dómini. **(T. P. Allelúia.)**

Postcommunio

Fac nos, quæsumus, Dómine, divinitátis tuæ sempitérna fructióne repléri: quam pretiósi córporis et ságuinis tui temporális perceptio præfigúrat: Qui vivis.

Similiter feria V

MISSA DE D. N. IESU CHRISTO
SUMMO ET ÆTERNO
SACERDOTE

Antiphona ad Introitum

Ps. 109, 4

Iurávit Dóminus, et non pænitébit eum: Tu es sacerdos in ætérnum secúndum órđinem Melchisedech. **(T. P. Allelúia, allelúia.) Ps. ibid., 1** Dixit Dóminus Dómino meo: Sede a dextris meis. **V. Glória Patri.**

Oratio

Deus, qui ad maiestátis tuæ glóriam et géneris humáni salutem, Unigénitum tuum summum atque ætérnum constituísti Sacerdótem: præsta; ut, quos ministros et mysteriórum suórum dispensatóres elégit, in accépto ministério adimpléndo fidéles inveniántur. Per eúndem Dóminum.

Léctio Epístolæ beāti Pauli Apóstoli ad Hebræos. **Hebr. 5, 1-11**

Fratres: Omnis pón-tifex ex homínibus assúmp-tus, pro homínibus constitúitur in iis, quæ sunt ad Deum, ut ófferat dona, et sacrificia pro peccátis: qui condolere possit iis, qui ignórant, et errant: quóniam et ipse circúmdatus est infirmitáte: et proptérea debet, quemádmódum pro pópulo, ita étiam et pro semetípso offérre pro peccátis. Nec quisquam sumit sibi honórem, sed qui vocátur a Deo, tamquam Aaron. Sic et Christus non semetípsum clarificávit ut pón-tifex fieret, sed qui locútus est ad eum: Fílius meus es tu; ego hódie génui te. Quemádmódum et in álio loco dicit: Tu es sacérdos in ætérnum secúndum ór-dinem Melchíse-dech. Qui in diébus carnis suæ preces supplicationésque ad eum, qui possit illum salvum fácere a morte, cum clamóre válido et lácrimis ófferens, exaudítus est pro sua reveréntia. Et quidem, cum esset Fílius Dei, dídidit ex iis, quæ passus est, obediéntiam: et consummátus, factus est ómnibus obtemperántibus sibi, causa salútis ætérnæ, appellátus a Deo pón-tifex iuxta ór-dinem Melchísedech. De quo nobis grandis sermo, et ininterpretábilis ad dicéndum.

Graduale Luc. 4, 18 Spíritus Dómini super me, propter quod unxit me. **V.** Evangelizáre paupéribus misit me, sanáre contrítos corde.

Allelúia, allelúia. **V. Hebr. 7, 24** Iesus autem eo quod máneat in ætérnum, sempitérnum habet sacerdotíum. Allelúia.

Post Septuagesimam, omissis Allelúia, et versu sequenti, dicitur

Tractus Ps. 9, 34-36 Exsúrge, Dómine Deus, exaltétur manus tua: ne obliviscáris páuperum. **V.** Vide quóniam tu labórem et dolórem consíderas. **V.** Tibi derelíctus est pauper: órphano tu eris adiútor.

Tempore autem paschali omit-titur graduale, et eius loco dicitur:

Allelúia, allelúia. **V. Hebr. 7, 24** Iesus autem eo quod máneat in ætérnum, sempitérnum habet sacerdotíum. Allelúia. **V. Luc. 4, 18** Spíritus Dómini super me; propter quod unxit me, evangelizáre paupéribus misit me, sanáre contrítos corde. Allelúia.

✠ **Sequéntia sancti Evangélíi secúndum Lucam. Luc. 22, 14-20**

In illo témpore: Discúbuit Iesus, et duódecim Apóstoli cum eo. Et ait illis: Desidério desiderávi hoc Pascha manducáre vobíscum, ántequam pátiar. Dico enim vobis, quia ex hoc non manducábo illud, donec impleátur in regno Dei. Et accépto cálice, grátias egit, et dixit: Accípite, et dividite inter vos. Dico enim vobis quod non bibam de generatióne vitis, donec regnum Dei véniat. Et accépto pane, grátias egit, et fregit, et dedit eis, dicens: Hoc est Corpus meum, quod pro vobis datur: hoc fácite in meam commemoratió-nem. Simíliter et cálicem, postquam cenávit, dicens: Hic est calix novum testaméntum in sán-guine meo, qui pro vobis fundétur.

Antiphona ad Offertorium Hebr. 10, 12-14 Christus unam pro peccátis ófferens hóstiam, in sempitérnum sedet in délixtera Dei: una enim oblati-one consummávit in ætérnum sanctificátos. **(T. P. Allelúia.)**

Secreta

Hæc mún-er-a, Dómine, mediátor noster Iesus Christus tibi reddat accépta: et nos, una secum, hóstias tibi gratas exhíbeat: Qui tecum vivit.

Antiphona ad Communionem I Cor. 11, 24-25 Hoc corpus, quod pro vobis tradétur: hic calix novi testaménti est in meo sán-guine,

dicat Dóminus: hoc fácite, quotiescúmque súmitis, in meam commemoratióem. (T. P. Allelúia)

Postcommunio

Vivíficet nos, quásumus, Dómine, divína quam obtúlimus et sumpsimus hóstia: ut perpétua tibi caritate coniúcti, fructum, qui semper máneat, afferámus. Per Dóminum.

Feria VI

MISSA DE SANCTA CRUCE

Antiphona ad Introitum

Gal. 6, 14

Nos autem gloriári opórtet in Cruce Dómini nostri Iesu Christi: in quo est salus, vita, et resurréctio nostra: per quem salváti, et liberáti sumus. (T. P. Allelúia, allelúia.) Ps. 66, 2 Deus misereátur nostri, et benedícat nobis: illúminet vultum suum super nos, et misereátur nostri. V. Glória Patri.

Extra tempus paschale

Oratio

Deus, qui unigéniti Fílii tui pretiósó sáanguine, vivíficæ Crucis vexillum sanctificáre voluísti: concéde, quásumus; eos, qui eiúsdem sanctæ Crucis gaudent honóre, tua quoque ubique protectióne gaudére. Per eúndem Dóminum.

Tempore paschali

Oratio

Deus, qui pro nobis Fílium tuum Crucis patíbulum subire voluísti, ut inimíci a nobis expélleres potestátem: concéde nobis, fámulis tuis; ut resurrectiósni grátiam consequámur. Per eúndem Dóminum.

Léctio Epístolæ beáti Pauli Apóstoli ad Philippénses.

Philipp. 2, 8-11

Fratres: Christus factus est pro nobis obédiens usque ad mortem, mortem autem crucis. Propter quod et Deus exaltávit illum, et

donávit illi nomen, quod est super omne nomen: (hic genuflectitur) ut in nómine Iesu omne genu flectátur cæléstium, terréstrium, et infernórum, et omnis lingua confiteátur, quia Dóminus Iesus Christus in glória est Dei Patris.

Graduale Ibid., 8-9 Christus factus est pro nobis obédiens usque ad mortem, mortem autem crucis. V. Propter quod et Deus exaltávit illum, et dedit illi nomen, quod est super omne nomen.

Allelúia, allelúia. V. Dulce lignum, dulces clavos, dúlcia ferens póndera: quæ sola fuísti digna sustinére Regem cælórum, et Dóminum. Allelúia.

Post Septuagesimam, omissis Allelúia, et versu sequenti, dicitur

Tractus Adorámus te, Christe, et benedícimus tibi: quia per Crucem tuam redemísti mundum. V. Tuam Crucem adorámus, Dómine, tuam gloriósam recólimus passióem: miserére nostri, qui passus es pro nobis. V. O Crux benedícta, quæ sola fuísti digna portáre Regem cælórum, et Dóminum.

Tempore autem paschali omittitur graduale, et eius loco dicitur:

Allelúia, allelúia. V. Ps. 95, 10 Dícite in géntibus, quia Dóminus regnávit a ligno. Allelúia. V. Dulce lignum, dulces clavos, dúlcia ferens póndera: quæ sola fuísti digna sustinére Regem cælórum, et Dóminum. Allelúia.

✠ Sequéntia sancti Evangélii secúndum Matthæum.

Matth. 20, 17-19

In illo témpore: Assúmpsit Iesus duódecim discípulos secréto, et ait illis: Ecce, ascéndimus Ierosólymam, et Fílius hóminis tradétur princípibus sacerdotum, et scribis, et condemnábunt eum morte, et tradent eum géntibus ad illudéndum, et flagellándum, et crucifigéndum, et tértia die resúrget.

Antiphona ad Offertorium Prôtege, Dómine, plebem tuam, per signum sanctæ Crucis ab ómnibus insídiis inimicórum ómnium: ut tibi gratam exhibeámus servitútem, et acceptábile fiat sacrificium nostrum. (T. P. Allelúia)

Secreta

Hæc oblátio, Dómine, quæsumus, ab ómnibus nos purget offénsis: quæ in ara Crucis étiam totíus mundi tulit offénsam. Per eúndem Dóminum.

Præfatio de sancta Cruce.

Antiphona ad Communionem
Per signum Crucis de inimícis nostris libera nos, Deus noster. (T. P. Allelúia.)

Postcommunio

Adéstó nobis, Dómine Deus noster, et quos sanctæ Crucis lætári facis honóre, eius quoque perpétuis defénde subsídiis. Per Dóminum.

Item feria VI

MISSA DE PASSIONE DOMINI

Antiphona ad Introitum

Philipp. 2, 8-9

Humiliávit semetípsum Dóminus Iesus Christus usque ad mortem, mortem autem Crucis: propter quod et Deus exaltávit illum, et donávit illi nomen, quod est super omne nomen. (T. P. Allelúia, allelúia.) **Ps. 88, 2** Misericórdias Dómini in ætérnum cantábo: in generatióem et generatióem. **V.** Glória Patri.

Oratio

Dómine Iesu Christe, qui de cælis ad terram de sinu Patris descendísti, et sánguinem tuum pretiósum in remissióem peccatórum nostrórum fudísti: te humíliter deprecámur; ut in die iudícii, ad dexteram tuam audíre mereámur: Veníte, benedícti: Qui cum eódem

Deo Patre et Spíritu Sancto vivis et regnas Deus, per ómnia sácula sæculórum.

Léctio Zachariæ Prophætæ.

Zach. 12, 10-11; 13, 6-7

Hæc dicit Dóminus: Effúndam super domum David, et super habitatóres Ierúsalem spíritum grátiae et precum: et aspicient ad me, quem confixerunt: et plangent eum planctu quasi super unigénitum, et dolébunt super eum, ut doléri solet in morte primogéniti. In die illa magnus erit planctus in Ierúsalem, et dicétur: Quid sunt plagæ istæ in médio mánuum tuárum? Et dicet: His plagátus sum in domo eórum, qui diligébant me. Frámea, suscitáre super pastórem meum, et super virum cohæréntem mihi, dicit Dóminus exercítuum: pércute pastórem, et dispergéntur oves: ait Dóminus omnípotens.

Graduale Ps. 68, 21-22 Improperium exspectávit cor meum, et miseriam: et sustínui, qui simul mecum contristarétur, et non fuit: consolántem me quæsívi, et non invéni. **V.** Dedérunt in escam meam fel, et in siti mea potavérunt me acéto.

Allelúia, allelúia. **V.** Ave, Rex noster: tu solus nostros es miserátus erróres: Patri obédiens, ductus es ad crucifigéndum, ut agnus mansuétus ad occisióem. Allelúia.

Post Septuagesimam, omissis Allelúia, et versu sequenti, dicitur

Tractus Isai. 53, 4-5 Vere languóres nostros ipse tulit, et dolóres nostros ipse portávit. **V.** Et nos putávimus eum quasi leprósum, et percússum a Deo, et humiliátum. **V.** Ipse autem vulnerátus est propter iniquitátes nostras, attrítus est propter scélera nostra. **V.** Disciplína pacis nostræ super eum: et livóre eius sanáti sumus.

Tempore autem paschali omititur graduale, et eius loco dicitur:

Allelúia, allelúia. **V.** Ave, Rex noster: tu solus nostros es miserátus erróres: Patri obédiens, ductus es ad crucifigéndum, ut agnus mansuétus ad occisiónem. Allelúia. **V.** Tibi glória, hosánna: tibi triúmpus et victória: tibi summæ laudis et honóris coróna. Allelúia.

✠ Sequéntia sancti Evangélíi secúndum Ioánnem.

Ioann. 19, 28-35

In illo témpore: Sciens Iesus quia ómnia consummáta sunt, ut consummarétur Scriptúra, dixit: Sítio. Vas ergo erat pósitum acéto plenum. Illi autem spóngiam plenam acéto, hyssópo circumponéntes, obtulérunt ori eius. Cum ergo accepisset Iesus acétum, dixit: Consummátum est. Et inclináto cápite trádidit spíritum. Iudæi ergo (quóniam Parascéve erat) ut non remanérent in cruce córpora sábbato (erat enim magnus dies ille sábbati) rogavérunt Pilátum, ut frangeréntur eórum crura, et tolleréntur. Venérunt ergo mílites: et primi quidem fregérunt crura, et altérius, qui crucifixus est cum eo. Ad Iesum autem cum venissent, ut vidérunt eum iam mórtuum, non fregérunt eius crura, sed unus mílitum láncea latus eius apérui, et contínuo exívit sanguis, et aqua. Et qui vidit, testimoniúm perhíbuit: et verum est testimoniúm eius.

Antiphona ad Offertorium Insurrexérunt in me viri iníqui: absque misericórdia quæsiérunt me interficere: et non pepercérunt in fáciem meam spúere: lánceis suis vulneravérunt me, et concússa sunt ómnia ossa mea. (T. P. Allelúia.)

Secreta

Oblátum tibi, Dómine, sacrificium intercedénte unigéniti Fílii tui passióne, vivíficet nos semper, et múniat: Qui tecum vivit.

Præfatio de sancta Cruce.

Antiphona ad Communionem
Ps. 21, 17-18 Fodérunt manus meas, et pedes meos: dinumeravérunt ómnia ossa mea. (T. P. Allelúia)

Postcommunio

Dómine Iesu Christe, Fili Dei vivi, qui hora sexta pro redemptione mundi Crucis patíbulo ascendísti, et ságuinem tuum pretiósum in remissionem peccatórum nostrórum fudísti: te humíliter deprecámur; ut post óbitum nostrum, paradísi iánuas nos gaudentér introíre concédas: Qui vivis.

Similiter feria VI

MISSA DE SACRATISSIMO
CORDE IESU

Antiphona ad Introitum

Ps. 32, 11 et 19

Cogitationes Cordis eius in generatione et generationem: ut éruat a morte ánimas eórum et alat eos in fame. **Ps. ibid., 1** Exsultáte, iusti, in Dómino, rectos decet collaudátio. **V.** Glória Patri.

Oratio

Deus, qui nobis in Corde Fílii tui, nostris vulneráto peccátis, infínitos dilectiónis thesaúros misericórditer largíri dignáris: concéde, quæsumus; ut illi devótum pietátis nostræ præstantes obséquium, dignæ quoque satisfactiónis exhibeamus officium. Per eúndem Dóminum.

Léctio Epístolæ beáti Pauli Apóstoli ad Ephésios.

Ephes. 3, 8-12 et 14-19

Fratres: Mihi ómnium sanctórum mínimo data est grátia hæc, in géntibus evangelizáre investigábiles divítias Christi: et illumináre omnes, quæ sit dispensátio sacraménti absconditi a sæculis in Deo qui ómnia creávit: ut innotéscat principátibus et potestátibus in cæléstibus per Ecclésiam multifórmis

sapiéntia Dei: secúndum præfinitionem sæculórum quam fecit in Christo Iesu Dómino nostro, in quo habémus fidúciam et accéssum in confidéntia per fidem eius. Huius rei grátia flecto génua mea ad Patrem Dómini nostri Iesu Christi, ex quo omnis patérnitas in cælis et in terra nominátur: ut det vobis secúndum divítias glóriæ suæ, virtúte corroborári per Spíritum eius in interiorem hóminem: Christum habitáre per fidem in córdibus vestris: in caritate radicáti et fundáti: ut possítis comprehéndere, cum ómnibus sanctis, quæ sit latitúdo, et longitúdo, et sublimitas, et profúndum: scire étiam supereminéntem sciéntiæ caritátem Christi, ut impleámini in omnem plenitúdinem Dei.

Graduale Ps. 24, 8-9 Dulcis et rectus Dóminus, propter hoc legem dabit delinquéntibus in via. **V.** Diriget mansuétos in iudício, docébit mites vias suas.

Allelúia, allelúia. **V. Matth. 11, 29** Tóllite iugum meum super vos et discite a me, quia mitis sum et húmilis Corde, et inveniétis réquiem animábus vestris. Allelúia.

Post Septuagesimam, omissis Allelúia, et versu sequenti, dicitur

Tractus Ps. 102, 8-10 Miséricors et miserátor Dóminus, longánimis et multum miséricors. **V.** Non in perpétuum irascétur, neque in ætérnum comminábitur. **V.** Non secúndum peccáta nostra fecit nobis, neque secúndum iniquitátes nostras retribuit nobis.

Tempore autem paschali, omititur graduale, et eius loco dicitur:

Allelúia, allelúia. **V. Matth. 11, 29 et 28** Tóllite iugum meum super

vos et discite a me, quia mitis sum et húmilis Corde, et inveniétis réquiem animábus vestris. Allelúia. **V.** Veníte ad me, omnes qui laborátis et oneráti estis, et ego reficiam vos. Allelúia.

✠ **Sequéntia sancti Evangélíi secúndum Ioánnem.**

Ioann. 19, 31-37

In illo témpore: Iudæi, quóniam Parascéve erat, ut non remanérant in cruce córpora sábbato, erat enim magnus dies ille sábbati, rogavérunt Pilátum ut frangeréntur eórum crura et tolleréntur. Venérunt ergo mílites, et primi quidem fregérunt crura et altérius qui crucifixus est cum eo. Ad Iesum autem cum veníssent, ut vidérunt eum iam mórtuum, non fregérunt eius crura: sed unus mílitum lancea latus eius apérui, et contínuo exívit sanguis et aqua. Et qui vidit testimoniúm perhibuit: et verum est testimoniúm eius. Et ille scit quia vera dicit, ut et vos credátis. Facta sunt enim hæc ut Scriptúra imple-rétur: Os non comminuétis ex eo. Et iterum ália Scriptúra dicit: Vidébunt in quem transfixérunt.

Extra tempus paschale:

Antiphona ad Offertorium Ps. 68, 21 Impropérium exspectávit Cor meum et misériam, et sustínui qui simul mecum contristarétur et non fuit; consolántem me quæ-sívi et non invéni.

Tempore paschali:

Antiphona ad Offertorium Ps. 39, 7-9 Holocáustum et pro peccáto non postulásti; tunc dixi: Ecce, vénio. In cápíte libri scriptum est de me ut fácerem voluntátem tuam: Deus meus, vólui et legem tuam in médio Cordis mei. Allelúia.

Secreta

Réspice, quæsumus, Dómine, ad ineffáblem Cordis dilécti Fílii tui caritátem: ut quod offérimus sit tibi munus accéptum et nostrórum expiátio delictórum. Per eúndem Dóminum.

Præfatio de sacratissimo Corde Iesu.

Extra tempus paschale:

Antiphona ad Communionem
Ioann. 19, 34 Unus militum lancea

latus eius apérui, et contínuo exívit sanguis et aqua.

Tempore paschali:

Antiphona ad Communionem
Ioann. 7, 37 Si quis sitit, véniat ad me et bibat. Allelúia, allelúia.

Postcommunio

Præbeant nobis, Dómine Iesu, divínium tua sancta fervórem; quo dulcíssimi Cordis tui suavitate percépta, discámus terréna despícere, et amáre cæléstia: Qui vivis.

¶ In sabbato dicitur Missa de sancta Maria, ut supra post Commune festorum eiusdem B. Mariæ Virginis habetur (37)-(41).

¶ Quolibet die a rubricis non impedito dici possunt, cum in chorum extra chorum, etiam aliæ Missæ quæ, iuxta rubricas, tamquam votivæ permittuntur.

II

MISSÆ VOTIVÆ AD DIVERSA

I. PRO
ELIGENDO SUMMO PONTIFICE

Dicitur Missa de Spiritu Sancto, ut supra (48), vel ut sequitur:

Antiphona ad Introitum

1 Reg. 2, 35

Suscitábo mihi sacerdótem fidélem, qui iuxta cor meum, et ánimam meam fáciat: et ædificábo ei domum fidélem, et ambulábit coram Christo meo cunctis diébus. (T. P. Allelúia, allelúia.)

Ps. 131, 1 Meménto, Dómine, David: et omnis mansuetúdinis eius. **V.** Glória Patri.

Oratio

Súpplici, Dómine, humilitáte depóscimus: ut sacrosáncetæ Románæ Ecclesiæ concédatur Pontíficem illum tua imménsa píetas; qui et pio in nos stúdio semper tibi plácitus, et tuo pópulo pro salúbri regímine sit assíduè ad glóriam tui nóminis reveréndus. Per Dóminum.

Léctio Epístolæ beáti Pauli Apóstoli ad Hebræos.

Hebr. 4, 16; 5, 1-7

Fratres: Adeámus cum fidúcia ad thronum grátiae, ut misericórdiam consequámur, et grátiam invenámus in auxílio opportúno. Omnis namque pónlífex ex homínibus assúptus, pro homínibus constitúitur in iis, quæ sunt ad Deum, ut ófferat dona, et sacrificia pro peccátis: qui condolére possit iis, qui ignórant, et errant: quóniam et ipse circúmdatus est infirmitáte: et propterea debet, quemádmódum pro pópulo, ita étiam et pro semetípso offérre pro peccátis. Nec quisquam sumit sibi honórem, sed qui

vocátur a Deo, tamquam Aaron. Sic et Christus non semetípsum clarificávit, ut pónlífex fieret, sed qui locútus est ad eum: Fílius meus es tu, ego hódie génui te. Quemádmódum et in álío loco dicit: Tu es sacérdos in ætérnum, secúndum ór-dinem Melchisedech. Qui in diébus carnis suæ preces, supplicationés-que ad eum, qui possit illum salvum fácere a morte, cum clamóre válido et lácrimis ófferens, exaudítus est pro sua reveréntia.

Graduale Levit. 21, 10 Pónlífex sacérdos magnus inter fratres suos, super cuius caput fusum est unctionis óleum, et cuius manus in sacerdótio consecrætæ sunt, vestítusque est sanctis véstibus: débuit per ómnia frátribus similári. **V. Hebr. 2, 17** Ut miséricors fieret, et fidélis pónlífex ad Deum: ut repropitiáret delícta pópuli.

Allelúia, allelúia. **V. Levit. 21, 8** Sacérdos sit sanctus, sicut et ego sanctus sum, Dóminus qui sanctífico vos. Allelúia.

Post Septuagesimam, omissis Allelúia, et versu sequenti, dicitur

Tractus Ps. 131, 8-10 Surge, Dómine, in réquiem tuam: tu et arca sanctificationis tuæ. **V.** Sacerdótes tui induántur iustítiam, et sancti tui exsúltent. **V.** Propter David servum tuum, non avértas fáciem Christi tui.

Tempore autem paschali omit-titur graduale, et eius loco dicitur:

Allelúia, allelúia. **V. Levit. 21, 8** Sacérdos sit sanctus, sicut et ego sanctus sum, Dóminus qui sanctífico vos. Allelúia. **V. Ioann. 10, 14** Ego sum pastor bonus: et cognósco oves meas, et cognóscunt me meæ. Allelúia.

✠ Sequéntia sancti Evangélíi secúndum Ioánnem.

Ioann. 14, 15-21

In illo témpore: Dixit Iesus discí-
pulis suis: Si dilígitis me, man-
dáta mea serváte. Et ego rogábo
Patrem, et álium Paráclitum dabit
vobis, ut máneat vobíscum in ætér-
num, Spíritum veritátis, quem
mundus non potest accípere, quia
non videt eum, nec scit eum. Vos
autem cognoscétis eum; quia apud
vos manébit, et in vobis erit. Non
relínquam vos órphanos: véniam
ad vos. Adhuc módicum, et mundus
me iam non videt. Vos autem vidétis
me, quia ego vivo, et vos vivétis.
In illo die vos cognoscétis quia ego
sum in Patre meo, et vos in me, et
ego in vobis. Qui habet mandáta
mea, et servat ea: ille est, qui díligit
me. Qui autem díligit me, dilígétur
a Patre meo; et ego díligam eum,
et manifestábo ei meípsum.

**Antiphona ad Offertorium 3 Es-
drae 5, 40** Non participéntur sancta,
donec exsúrgat póntifex in ostensió-
nem, et veritátem. (T. P. Allelúia)

Secreta

Tuæ nobis, Dómine, abundántia
pietátis indúlgeat: ut per sacra
múnera, quæ tibi reverénter offé-
rimus, gratum maiestáti tuæ Pon-
tíficem sanctæ matris Ecclésiæ re-
gímíni præesse gaudeámus. Per Dó-
minum.

**Antiphona ad Communionem
Exodi 29, 29-30** Veste sancta utétur
póntifex, qui fúerit constitútus, et
ingrediétur tabernáculum testimóni-
ii, ut minístret in sanctuário. (T.
P. Allelúia.)

Postcommunio

Pretiósi Córporis et Sánguini tui
nos, Dómine, sacraménto re-
féc tos, mirífica tuæ maiestátis grá-
tia de illíus summi Pontíficis con-
cessióne lætíficet: qui et plebem
tuam virtútibus ínstruat, et fidé-

lium mentes spirituálium aróma-
tum odóre perfúndat: Qui vivis.

2. **IN DIE
CORONATIONIS PAPÆ
ET IN EIUS ANNIVERSARIO**

¶ **In die coronationis Papæ et in
eius anniversario, pro Missa con-
ventuali, in ecclesiis cathedralibus
et collegiatis dicitur, tamquam vo-
tiva II classis, sequens Missa.**

**Præterea una Missa permittitur,
de consensu Ordinarii loci, tam-
quam votiva II classis, in singulis
ecclesiis, die quo peculiares aguntur
celebrationes in honorem Summi
Pontificis.**

Antiphona ad Introitum

Eccli. 45, 30

Státuit ei Dóminus testamén-
tum pacis, et príncipem fecit
eum: ut sit illi sacerdotíi dí-
gnitas in ætérnum. (T. P. Allelúia,
allelúia.) **Ps. 131, 1** Meménto, Dó-
mine, David: et omnis mansuetú-
dinis eius. **V. Glória Patri.**

Et dicitur Glória in excélsis.

Oratio

Deus, ómnium fidélium pastor
et rector, fámulum tuum **N.**,
quem pastórem Ecclésiæ tuæ præ-
esse voluísti, propítius réspice: da
ei, quæsumus, verbo et exémplo,
quibus præest, proficere; ut ad vi-
tam, una cum grege sibi crédito,
pervéniat sempitérnam. Per Dómi-
num.

Léctio Epístolæ beáti Petri Apóstoli.

1 Petri 1, 1-7

Petrus Apóstolus Iesu Christi,
eléc tis ádvenis dispersiónis
Ponti, Galátia, Cappadóciæ, Asiæ,
et Bithýniæ, secúndum præscién-
tiam Dei Patris, in sanctificatióne
Spíritus, in obediéntiam, et asper-
sióne sánguini Iesu Christi: grá-
tia vobis, et pax multiplicétur. Be-
nedíctus Deus, et Pater Dómini no-
stri Iesu Christi, qui secúndum mi-

sericórdiam suam magnam regenerávit nos in spem vivam, per resurrectionem Iesu Christi ex mórtuis, in hereditátem incorruptibilem, et incontaminátam, et immarcescibilem, conservátam in cælis in vobis, qui in virtúte Dei custodimini per fidem in salútem, parátam revelári in témpore novíssimo. In quo exsultábitis, módicum nunc si opórtet contristári in váriis tentatiónibus: ut probátio vestræ fidei multo pretiósior auro (quod per ignem probátur) inveniátur in laudem, et glóriam, et honórem, in revelatióne Iesu Christi Dómini nostri.

Graduale Ps. 106, 32 et 31 Exáltent eum in ecclésia plebis: et in cáthedra seniórum laudent eum. **V.** Confiteántur Dómino misericórdiæ eius, et mirabília eius filiis hóminum.

Allelúia, allelúia. **V. Matth. 16, 18** Tu es Petrus, et super hanc petram ædificábo Ecclésiám meam. Allelúia.

Post Septuagesimam, omissis Allelúia, et versu sequenti, dicitur

Tractus Matth. 16, 18-19 Tu es Petrus, et super hanc petram ædificábo Ecclésiám meam. **V.** Et portæ ínferi non prævalébunt advérsus eam: et tibi dabo claves regni cælórum. **V.** Quodcúmque ligáveris super terram, erit ligátum et in cælis. **V.** Et quodcúmque sólveris super terram, erit solútum et in cælis.

Tempore autem paschali omititur graduale, et eius loco dicitur:

Allelúia, allelúia. **V. Ps. 106, 8** Confiteántur Dómino misericórdiæ eius, et mirabília eius filiis hóminum. Allelúia. **V. Matth. 16, 18** Tu es Petrus, et super hanc petram ædificábo Ecclésiám meam. Allelúia.

✠ Sequéntia sancti Evangélii secúndum Matthæum.

Matth. 16, 13-19

In illo témpore: Venit Iesus in partes Cæsaréæ Philíppi, et interrogábat discipulos suos, dicens: Quem dicunt hómines esse Fílium hóminis? At illi dixerunt: Alii Ioánnem Baptístam, álii autem Elíam, álii vero Ieremíam, aut unum ex prophétis. Dicit illis Iesus: Vos autem quem me esse dicitis? Respóndens Simon Petrus, dixit: Tu es Christus Fílius Dei vivi. Respóndens autem Iesus, dixit ei: Beátus es, Simon Bar Iona: quia caro et sanguis non revelávit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificábo Ecclésiám meam, et portæ ínferi non prævalébunt advérsus eam. Et tibi dabo claves regni cælórum. Et quodcúmque ligáveris super terram, erit ligátum et in cælis: et quodcúmque sólveris super terram, erit solútum et in cælis.

Antiphona ad Offertorium Matth. 16, 18-19 Tu es Petrus et super hanc petram ædificábo Ecclésiám meam: et portæ ínferi non prævalébunt advérsus eam: et tibi dabo claves regni cælórum. **(T. P. Allelúia.)**

Secreta

Oblátis, quæsumus, Dómine, placáre munéribus: et fámulum tuum **N**, quem pastórem Ecclésiæ tuæ præesse voluísti, assídua protectiõe gubérna. Per Dóminum.

Antiphona ad Communionem Matth. 16, 18 Tu es Petrus, et super hanc petram ædificábo Ecclésiám meam. **(T. P. Allelúia.)**

Postcommunio

Hæc nos, quæsumus, Dómine, divíni sacraménti percéptio

próteget: et fámulum tuum **N.**, quem pastórem Ecclésiæ tuæ præ-esse voluisti; una cum commisso sibi grege, salvet semper, et múniat. Per Dóminum.

3. IN CONSECRATIONE EPISCOPI

¶ **Missa dicitur de Officio diei, sed sub unica conclusione cum 1ª oratione adduntur sequentes orationes; aliæ commemorationes, præter privilegiatas, excluduntur; infra Actionem dicitur Hanc igitur ut infra.**

Oratio

Adesto supplicationibus nostris, omnipotens Deus: ut, quod humilitatis nostræ gerendum est ministério, tuæ virtutis impleatur effectū. Per Dóminum.

Secreta

Consecrator dicit:

Súscipe, Dómine, múnera, quæ tibi offérimus pro hoc fámulo tuo: ut propítius in eo tua dona custódias. Per Dóminum.

Consecratus dicit:

Súscipe, Dómine, múnera, quæ tibi offérimus pro me fámulo tuo: ut propítius in me tua dona custódias. Per Dóminum.

Infra Actionem

Consecrator

manus expansas super oblata tenens, dicit:

Hanc igitur oblationem servitútis nostræ, sed et cunctæ famíliæ tuæ, quam tibi offérimus étiam pro hoc fámulo tuo, quem ad Episcopátus órđinem promovére dignátus es, quæsumus, Dómine, ut placátus accípias, et propítius in eo tua dona custódias: ut, quod divíno múnere consecútus est, divínis effectibus exsequátur: diésque nostros in tua pace dispónas, atque ab

ætérna damnatióne nos éripi, et in electórum tuórum iúbeas grege numerári. **Iungit manus.** Per Christum Dóminum nostrum. Amen.

Si vero plures Episcopi sint consecrandi, dicit:

Hanc igitur oblationem servitútis nostræ, sed et cunctæ famíliæ tuæ, quam tibi offérimus, étiam pro his fámulis tuis, quos ad Episcopátus órđinem promovére dignátus es, quæsumus, Dómine, ut placátus accípias, et propítius in eis tua dona custódias: ut quod divíno múnere consecúti sunt, divínis effectibus exsequántur; diésque nostros in tua pace dispónas, atque ab ætérna damnatióne nos éripi, et in electórum tuórum iúbeas grege numerári. **Iungit manus.** Per Christum Dóminum nostrum. **R.** Amen.

Consecratus vero dicit:

(vel si plures sint, singuli dicunt):

Hanc igitur oblationem servitútis nostræ, sed et cunctæ famíliæ tuæ, quam tibi offérimus étiam pro me fámulo tuo, quem ad Episcopátus órđinem promovére dignátus es, quæsumus, Dómine, ut placátus accípias, et propítius in me tua dona custódias: ut, quod divíno múnere consecútus sum, divínis effectibus éxsequar: diésque nostros in tua pace dispónas, atque ab ætérna damnatióne nos éripi, et in electórum tuórum iúbeas grege numerári. **Iungit manus.** Per Christum Dóminum nostrum. Amen.

Infra Actionem

**in solemnitate et per octavam
Paschatis vel Pentecostes**

Consecrator

manus expansas super oblata tenens, dicit:

Hanc igitur oblationem servitútis nostræ, sed et cunctæ famíliæ tuæ, quam tibi offérimus pro his

quoque, quos regenerare dignatus es ex aqua et Spiritu Sancto, tribuens eis remissionem omnium peccatorum, ac etiam pro hoc famulo tuo, quem ad Episcopatus ordinem promovere dignatus es, quæsumus, Domine, ut placatus accipias, et propitius in eo tua dona custodias: ut, quod divino munere consecutus est, divinis effectibus exsequatur: diesque nostros in tua pace disponas, atque ab æterna damnatione nos eripi, et in electorum tuorum iubeas grege numerari. **Iungit manus.** Per Christum Dominum nostrum. Amen.

**Si vero plures Episcopi
sint consecrandi, dicit:**

Hanc igitur oblationem servitutis nostræ, sed et cunctæ familiæ tuæ, quam tibi offerimus pro his quoque, quos regenerare dignatus es ex aqua et Spiritu Sancto, tribuens eis remissionem omnium peccatorum, ac etiam pro his famulis tuis, quos ad Episcopatus ordinem promovere dignatus es, quæsumus, Domine, ut placatus accipias, et propitius in eis tua dona custodias: ut, quod divino munere consecuti sunt, divinis effectibus exsequantur: diesque nostros in tua pace disponas, atque ab æterna damnatione nos eripi, et in electorum tuorum iubeas grege numerari. **Iungit manus.** Per Christum Dominum nostrum. Amen.

**Consecratus vero dicit
(vel, si plures sint, singuli dicunt):**

Hanc igitur oblationem servitutis nostræ, sed et cunctæ familiæ tuæ, quam tibi offerimus pro his quoque, quos regenerare dignatus es ex aqua et Spiritu Sancto, tribuens eis remissionem omnium peccatorum, ac etiam pro me famulo tuo, quem ad Episcopatus ordinem promovere dignatus es, quæsumus, Domine, ut placatus

accipias, et propitius in me tua dona custodias: ut, quod divino munere consecutus sum, divinis effectibus exsequar: diesque nostros in tua pace disponas, atque ab æterna damnatione nos eripi, et in electorum tuorum iubeas grege numerari. **Iungit manus.** Per Christum Dominum nostrum. Amen.

Postcommunio

Plenum, quæsumus, Domine, in nobis remedium tuæ miserationis operare: ac tales nos esse perfice propitius, et sic fovéri; ut tibi in omnibus placere valeamus. Per Dominum.

4. IN ANNIVERSARIO EPISCOPI

¶ In anniversario aut electionis aut consecrationis aut translationis Episcopi diœcesani (semel scilicet, die ab Episcopo eligendo), pro Missa conventuali, in ecclesiis cathedralibus et collegiatis dicitur, tamquam votiva II classis, sequens Missa.

Antiphona ad Introitum

Ps. 131, 9-10

Sacerdotes tui, Domine, induant iustitiam, et sancti tui exsultent: propter David servum tuum, non avertas faciem Christi tui. (T. P. Allelúia, allelúia.) **Ps. ibid., 1** Meménto, Domine, David: et omnis mansuetudinis eius. **Ÿ.** Glória Patri.

Et dicitur Glória in excelsis.

Oratio

Deus, omnium fidélium pastor et rector, famulum tuum **N.**, quem pastorem Ecclesiæ **N.** præesse voluisti, propitius respice: da ei, quæsumus, verbo et exemplo, quibus præest, proficere; ut ad vitam, una cum grege sibi crédito, perveniat sempiternam. Per Dominum.

Lectio Epistolæ beāti Pauli Apóstoli ad Hebræos.

Hebr. 5, 1-4

Fratres: Omnis pónlifex ex homínibus assúptus, pro homínibus constitúitur in iis, quæ sunt ad Deum, ut ófferat dona, et sacrificia pro peccátis: qui condolére possit iis, qui ignórant, et errant: quóniam et ipse circúmdatus est infirmitáte: et propterea debet, quemádmódum pro pópulo, ita étiam et pro semet-ípso offérre pro peccátis. Nec quisquam sumit sibi honórem, sed qui vocátur a Deo, tamquam Aaron.

Graduale Ps. 131, 16-17 Sacerdótes eius índuam salutári: et sancti eius exsultatíone exsultábunt. **V.** Il-luc prodúcam cornu David: parávi lucérnam Christo meo.

Allelúia, allelúia. **V. Ps. 109, 4** Iurávit Dóminus, et non pænitébit eum: Tu es sacérdos in ætérnum, secúndum órđinem Melchisedech. Allelúia.

Post Septuagesimam, omissis Allelúia, et versu sequenti, dicitur

Tractus Ps. 131, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiae in domo eius: et iustítia eius manet in sáculum sáculi.

Tempore autem paschali omit-titur graduale, et eius loco dicitur:

Allelúia, allelúia. **V. Ps. 109, 4** Iurávit Dóminus, et non pænitébit eum: Tu es sacérdos in ætérnum, secúndum órđinem Melchisedech. Allelúia. **V. Eccli. 45, 9** Amávit eum Dóminus, et ornávit eum: stolam glóriæ índuit eum. Allelúia.

✠ Sequéntia sancti Evangélii se-cúndum Marcum.

Marc. 13, 33-37

In illo témpore: Dixit Iesus discí-pulis suis: Vidéte, vigiláte, et

oráte: nescítis enim quando tem-pus sit. Sicut homo, qui péregre proféctus relíquit domum suam, et dedit servis suis potestátem cuiús-que óperis, et ianitóri præcépit ut vígilet. Vigiláte ergo, (nescítis enim quando dóminus domus véniat: se-ro, an média nocte, an galli cantu, an mane) ne cum vénerit repén-te, invéniat vos dormiéntes. Quod au-tem vobis dico, ómnibus dico: Vi-giláte.

Antiphona ad Offertorium Ps. 88, 25 Vérítas mea, et misericórdia mea cum ipso: et in nómine meo exal-tábitur cornu eius. **(T. P. Allelúia)**

Secreta

Oblátis, quæsumus, Dómine, placáre munéribus: et fámu-lum tuum **N.**, quem pastórem Ecclé-siæ **N.** præesse voluísti, assídua pro-tectione gubérna. Per Dóminum.

Antiphona ad Communionem Matth. 24, 46-47 Beátus servus, quem, cum vénerit dóminus, in-vénerit vigilántem: amen dico vo-bis, super ómnia bona sua constí-tuet eum. **(T. P. Allelúia)**

Postcommunio

Hæc nos, quæsumus, Dómine, divíni sacraménti percéptio próte-gat: et fámulum tuum **N.** quem pastórem Ecclésiæ **N.** præ-esse voluísti; una cum commisso sibi grege, salvet semper, et mú-niat. Per Dóminum.

5. IN COLLATIONE ORDINUM

¶ **In sabbatis Quatuor Temporum et in sabbato infra hebdomadam IV Quadragesimæ, Missa dicitur de sabbato, in reliquis diebus de Officio diei; sed sub unica conclusione cum 1ª oratione adduntur sequentes orationes; aliæ commemorationes, præter privilegiatas, excluduntur.**

Oratio

Exáudi, quæsumus, Dómine, supplicum preces, et devóto tibi pectore famulánte, perpétua defensione custódi: ut nullis perturbaciónibus impediti, liberam servitutem tuis semper exhibeamus officiis. Per Dóminum.

Secreta

Tuis, quæsumus, Dómine, operare mystériis: ut hæc tibi múnera dignis méntibus offeramus. Per Dóminum.

Postcommunio

Quos tuis, Dómine, réficis sacraméntis, contínuis attólle benígnus auxiliis: ut tuæ redemptiónis efféctum, et mystériis capiamus, et móribus: Qui vivis.

6. IN BENEDICTIONE ABBATIS

¶ **Missa dicitur de Officio diei, sed sub unica conclusione cum 1ª oratione adduntur sequentes orationes; aliæ commemorationes, præter privilegiatas, excluduntur.**

Oratio

Pontifex dicit:

Concède, quæsumus, Dómine, huic fámulo tuo, ut prædicándo, et exercéndo quæ recta sunt, per exéplum bonórum óperum ánimos suórum ínstruat subiectórum; et æternæ remuneratiónis mercédem a te piíssimo Pastóre percípiat. Per Dóminum.

Electus dicit:

Concède, quæsumus, Dómine, mihi fámulo tuo, ut prædicándo, et exercéndo quæ recta sunt, per exéplum bonórum óperum ánimos meórum ínstruam subiectórum; et æternæ remuneratiónis mercédem a te piíssimo Pastóre percípíam. Per Dóminum.

Secreta

Pontifex dicit:

Múnera nostra, quæsumus, Dómine, súscipe placátus; et hunc fámulum tuum semper et ubique misericórditer prótege. Per Dóminum.

Abbas dicit:

Múnera nostra, quæsumus, Dómine, súscipe placátus; et me fámulum tuum semper et ubique misericórditer prótege. Per Dóminum.

Postcommunio

Pontifex dicit:

Hæc nos commúnio, Dómine, purget a crimine; et hunc fámulum tuum benígna pietáte consérvet. Per Dóminum.

Abbas dicit:

Hæc nos commúnio, Dómine, purget a crimine; et me fámulum tuum benígna pietáte consérvet. Per Dóminum.

7. IN BENEDICTIONE ABBATISSÆ

¶ **Missa dicitur de Officio diei, sed sub unica conclusione cum 1ª oratione adduntur sequentes orationes; aliæ commemorationes, præter privilegiatas, excluduntur.**

Oratio

Da, quæsumus, Dómine, huic fámulæ tuæ, quam virginitátis honóre dignátus es decoráre, inchoáti óperis consummátum efféctum, et ut perféctam tibi ófferat plenitúdinem, inítia sua perdúcere mereátur ad finem. Per Dóminum.

Secreta

Oblátis hóstiis, quæsumus, Dómine, præsénti fámulæ tuæ perseverántiam perpétuæ virginitátis accómmoda; ut, apértis iánuis, summi Regis advéntu, regnum cæléste cum lætítia mereátur intráre. Per Dóminum.

Postcommunio

Réspice, Dómine, fámulæ tuæ tibi débitam servitútem, ut inter humanæ fragilitátis incérta, nullis adversitatibus opprimáture, quæ de tua protectióne confidit. Per Dóminum.

8. IN BENEDICTIONE ET CONSECRATIONE VIRGINUM

¶ Missa dicitur de Officio diei, sed sub unica conclusione cum 1^a oratione adduntur sequentes orationes; aliæ commemorationes, præter privilegiatas, excluduntur.

Pro pluribus Virginibus

Oratio

Da, quæsumus, Dómine, his famulábus tuis, quas virginitátis honóre dignátus es decoráre, inchoáti óperis consummátum efféctum; et, ut perféctam tibi offerant plenitudinem, inítia sua perducere mereántur ad finem. Per Dóminum.

Secreta

Oblátis hóstiis, quæsumus, Dómine, præsentibus famulábus tuis perseverántiam perpétuæ virginitátis accómmoda; ut, apértis iánuis, summi Regis advéntu, regnum cæléste cum lætítia mereántur intráre. Per Dóminum.

Postcommunio

Deus, qui habitáculum tuum in corde pudíco fundásti, réspice super has fámulas tuas, et quæ castigatióibus assídus póstulant, tua consolatíone percípiant. Per Dóminum.

Pro una Virgine

Oratio

Da, quæsumus, Dómine, huic fámulæ tuæ, quam virginitátis honóre dignátus es decoráre, inchoáti óperis consummátum efféctum: et, ut perféctam tibi offerat

E MISSALE ROM.

plenitudinem, inítia sua perducere mereátur ad finem. Per Dóminum.

Secreta

Oblátis hóstiis, quæsumus, Dómine, præsentí fámulæ tuæ perseverántiam perpétuæ virginitátis accómmoda: ut, apértis iánuis, summi Regis advéntu, regnum cæléste cum lætítia mereátur intráre. Per Dóminum.

Postcommunio

Deus, qui habitáculum tuum in corde pudíco fundásti: réspice super hanc fámulam tuam; et, quæ castigatióibus assídus póstulat, tua consolatíone percípiat. Per Dóminum.

IN BENEDICTIONE CÆMETERII

¶ Missa dicitur de Officio diei, sed sub unica conclusione cum 1^a oratione adduntur sequentes orationes; aliæ commemorationes, præter privilegiatas, excluduntur.

Oratio

Deus, cuius miseratióne ánimæ fidélium requiescunt, huic cœmetério, quæsumus, Dómine, Angelum tuum sanctum députa custódem; et quorum quarúmque cörpera hic sepeliúntur, ánimas eórum ab ómnibus absólve vínculis delictórum, ut in te semper cum Sanctis tuis sine fine læténtur. Per Dóminum.

Secreta

Múnera, Dómine, obláta sanctífica, et qui te ipsum in sepúlcro poni voluísti, et exéplum resurgéndi fidélibus tuis largíri dignátus es: da, quæsumus, fidélium tuórum animábus hic in te quiescéntium, véniam peccatórum; ut hæc salutáris hóstia sit remédium et réquies animárum eórum, et cörperum: Qui vivis.

Postcommunio

Muneribus sacris satiáti, quásumus, Dómine Deus noster, ut plebs tua, quæ in futúro a morte córporis resurrectúra créditur, te miseránte, a morte ánimæ resúrgere mereátur. Per Dóminum.

10. IN RECONCILIATIONE
ECCLESIAE ET CÆMETERII

¶ Missa dicitur de Officio diei, sed sub unica conclusione cum 1ª oratione adduntur sequentes orationes; aliæ commemorationes, præter privilegiatas, excluduntur.

Oratio

Deus, qui dixísti: Domus mea domus oratiónis vocábitur, domum istam infidélium spurcitiis contaminátam mundáre, et sanctificáre dignéris, et ómnium preces et vota hoc in loco ad te clamántium cleménter exáudias, et benígnus suscípias. Per Dóminum.

Secreta

Hæc hóstia, quásumus, Dómine, et locum istum ab ómnibus immundítiis expúrget, et supplicatiónes nostras semper et ubique reddat tibi accéptas. Per Dóminum.

Postcommunio

Percipiéntes, Dómine, múnera salutis æternæ, súpplīces exorá-mus, ut templum hoc et cæmetérium ab infidélium inquinaméntis emundátum, benedictióne tua má-neat sanctificátum, et péc-tora nostra ab omni sorde vitiórum aliená-ta, tibique devóta semper exsistant. Per Dóminum.

11. PRO SPONSIS

¶ Si solemnis benedictio nuptiarum, intra Missam, facienda sit die dominico vel die I classis, dicitur Missa de Officio occurrenti, cum commemoratione sequentis Missæ pro sponsis, sub unica conclusione,

etiam diebus in quibus commemoratio Missæ votivæ impeditæ prohibetur; et in ea datur benedictio nuptialis more solito.

Si autem solemnis benedictio nuptiarum, intra Missam, facienda sit aliis diebus, dicitur sequens Missa votiva pro sponsis.

In Commemoratione omnium Fidelium defunctorum et Triduo sacro prohibetur sive Missa votiva, sive eius commemoratio in Missa diei, sive benedictio nuptialis infra Missam.

Cum vero tam Missa pro sponsis quam benedictio nuptialis prohibetur, Missa una cum benedictione transferri potest in opportuniorem diem non impeditum, post celebratum matrimonium.

Antiphona ad Introitum

Tob. 7, 15; 8, 19

Deus Israël coniúngat vos: et ipse sit vobíscum, qui misértus est duóbus únícis: et nunc, Dómine, fac eos plénius benedícere te. (T. P. Allelúia, allelúia.) Ps. 127, 1 Beáti omnes qui timent Dóminum: qui ámbulant in viis eius. V. Glória Patri.

Et dicitur Glória in excélsis.

Oratio

Exáudi nos, omnípotens et miséricors Deus: ut, quod nostro ministrátur officio, tua benedictióne pótius impleátur. Per Dóminum.

Léctio Epístolæ beáti Pauli Apóstoli ad Ephésios.

Ephes. 5, 22-33

Fratres: Mulieres viris suis súbditæ sint, sicut Dómino: quóniam vir caput est mulieris: sicut Christus caput est Ecclesiæ: Ipse, salvátor córporis eius. Sed sicut Ecclesia subiecta est Christo, ita et mulieres viris suis in ómnibus. Viri, dilígite uxóres vestras, sicut et

Christus diléxit Ecclésiám, et se-ípsum trádidit pro ea, ut illam sanctificáret, mundans lavácro aquæ in verbo vitæ, ut exhibéret ipse sibi gloriósam Ecclésiám, non habéntem máculam, aut rugam, aut áliquíd huiúsmodi, sed ut sit sancta et immaculáta. Ita et viri debent dilígere uxóres suas, ut córpora sua. Qui suam uxórem díligit, seípsum díligit. Nemo enim umquam carnem suam ódio hábuit: sed nutrit, et fovet eam, sicut et Christus Ecclésiám: quia membra sumus córporis eius, de carne eius, et de óssibus eius. Propter hoc relínquet homo patrem et matrem suam, et adhærébit uxóri suæ: et erunt duo in carne una. Sacraméntum hoc magnum est, ego autem dico in Christo, et in Ecclésia. Verúmtamen et vos sínguli, unusquisque uxórem suam, sicut seípsum díligat: uxor autem tímeat virum suum.

Graduale Ps. 127, 3 Uxor tua sicut vitis abúndans in latéribus domus tuæ. **V.** Fílii tui sicut novéllæ olivárum in circúitu mensæ tuæ.

Allelúia, allelúia. **V. Ps. 19, 3** Mittat vobis Dóminus auxílium de sancto: et de Sion tueátur vos. Allelúia.

Post Septuagesimam, omissis Allelúia, et versu sequenti, dicitur

Tractus Ps. 127, 4-6 Ecce, sic benedicétur omnis homo, qui timet Dóminum. **V.** Benedícat tibi Dóminus ex Sion: et vídeas bona Ierúsalem ómnibus diébus vitæ tuæ. **V.** Et vídeas fílios filiórum tuórum: pax super Israël.

Tempore autem paschali omit-titur graduale, et eius loco dicitur:

Allelúia, allelúia. **V. Ps. 19, 3** Mittat vobis Dóminus auxílium de sancto: et de Sion tueátur vos. Allelúia. **V. Ps. 133, 3** Benedícat vobis Dóminus ex Sion: qui fecit cælum et terram. Allelúia.

✠ Sequéntia sancti Evangélíi secúndum Matthæum.

Matth. 19, 3-6

In illo témpore: Accessérunt ad Iesum pharisæi tentántes eum, et dicéntes: Si licet hómini dimíttere uxórem suam quacúmque ex causa? Qui respóndens, ait eis: Non legístis, quia qui fecit hóminem ab inítio, másculum et féminam fecit eos? et dixit: Propter hoc dimíttet homo patrem, et matrem, et adhærébit uxóri suæ, et erunt duo in carne una. Itaque iam non sunt duo, sed una caro. Quod ergo Deus coniúnxit, homo non séparet.

Antiphona ad Offertorium Ps. 30, 15-16 In te sperávi, Dómine: dixi: Tu es Deus meus: in mánibus tuis témpora mea. **(T. P. Allelúia.)**

Secreta

Súscipe, quæsumus, Dómine, pro sacra connúbii lege munus oblátum: et, cuius largítor es óperis, esto dispósitor. Per Dóminum.

¶ **Dicto Pater noster, sacerdos antequam dicat** Libera nos, quæsumus, Dómine, **stans in cornu Epistolæ versus sponsum et sponsam ante altare genuflexos, dicit super eos sequentes orationes:**

Orémus.

Oratio

Propitiáre, Dómine, supplicatió-nibus nostris, et institútis tuis, quibus propagatiónem húmáni géneris ordinásti, benígnus assíste: ut, quod te auctóre iúngitur, te auxiliánte servétur. Per Dóminum.

Orémus.

Deus, qui potestáte virtútis tuæ de níhilo cuncta fecísti: qui dispósitis universitátis exórdiis, hómini ad imáginem Dei facto, ídeo inseparábile mulieris adiutórium condidísti, ut femíneo córpori de viríli dares carne princípium, docens quod ex uno placuísset instítui, numquam licére disiúngi: Deus, qui tam excellénti mystério coniugálem cópulam consecrásti, ut Christi

et Ecclesiæ sacramentum præsignâtes in fœdere nuptiarum: Deus, per quem mulier iungitur viro, et societas principaliter ordinata, ea benedictione donatur, quæ sola nec per originalis peccati pœnam, nec per diluvii est ablata sententiam: respice propitius super hanc famulam tuam, quæ maritali iungenda consortio, tua se expetit protectione muniri: sit in ea iugum dilectionis, et pacis: fidelis et casta nubat in Christo, imitatrixque sanctarum permaneat feminarum: sit amabilis viro suo, ut Rachel: sapiens, ut Rebécca: longæva et fidelis, ut Sara: nihil in ea ex actibus suis ille auctor prævaricationis usurpet: nexa fidei, mandatisque permaneat: uni thoro iuncta, contactus illicitos fugiat: muniat infirmitatem suam robore disciplinæ: sit verecundia gravis, pudore venerabilis, doctrinis cælestibus erudita: sit fecunda in sóbole, sit probata et innocens: et ad beatorum requiem, atque ad cælestia regna perveniat: et videant ambo filios filiorum suorum, usque in tertiam et quartam generationem, et ad optatam perveniant senectutem. Per eundem Dóminum.

¶ Tunc sacerdos reversus ad medium altaris dicat **Libera nos, quæsumus, Dómine, et reliqua more solito; et postquam sumpserit Sanguinem, communicet sponso: et prosequatur Missam.**

Antiphona ad Communionem
Ps. 127, 4 et 6 Ecce, sic benedicetur omnis homo, qui timet Dóminum: et videas filios filiorum tuorum: pax super Israël. (T. P. Allelúia.)

Postcommunio

Quæsumus, omnipotens Deus: instituta providentiæ tuæ pio favore comitare; ut, quos legitima societate connectis, longæva pace custodias. Per Dóminum.

¶ Dicto **Ite, Missa est, sacerdos antequam populo benedicat, conversus ad sponsum et sponsam, dicat:**

Deus Abraham, Deus Isaac et Deus Iacob sit vobiscum: et ipse adimpleat benedictionem suam in vobis: ut videatis filios filiorum vestrorum usque ad tertiam et quartam generationem, et postea vitam æternam habeatis sine fine: adiuvante Dómino nostro Iesu Christo, qui cum Patre et Spíritu Sancto vivit et regnat Deus, per omnia sæcula sæculorum **R7. Amen.**

¶ **Moneat eos sacerdos gravi sermone ut, in Dei timore manentes et alterutrum diligentes, mutuam fidem et conjugalem castitatem servant, atque prolem catholica religione sedulo instituant. Postea eos aspergat aqua benedicta, et dicto Pláceat tibi, sancta Trínitas, det benedictionem; et legat, ut solitum est, initium Evangelii secundum Iohannem.**

12. IN 25º et 50º ANNIVERSARIO A CELEBRATIONE MATRIMONII

Pro gratiarum actione in 25º et 50º anniversario a celebratione matrimonii, dici potest, ut votiva II classis, Missa aut de Ssma Trinitate aut de B. Maria Virg., addita oratione pro gratiarum actione sub unica conclusione cum prima.

Diebus I classis et dominicis hæc Missa votiva prohibetur; tunc enim oratio pro gratiarum actione addi potest Missæ diei, modo ne occurrant festa Nativitatis et Epiphaniæ Domini, Triduum sacrum, dominica Resurrectionis, festum Ascensionis Domini, dominica Pentecostes, festa Ss. Trinitatis, Corporis Christi, Cordis Iesu et Christi Regis, necnon Commemoratio omnium Fidelium defunctorum.

Missa finita, super coniuges dicuntur preces quæ inveniuntur in Rituali romano.

13. IN DIE PROFESSIONIS RELIGIOSORUM

¶ Sequens Missa, unica pro singulis occasionibus, est votiva II classis, et celebratur aut de mandato aut de consensu respectivi Ordinarii; in ea adhibetur color albus.

Antiphona ad Introitum

Ps. 39, 8-9

In cápite libri scriptum est de me ut fácerem voluntátem tuam, Deus meus, vólui, et legem tuam in médio cordis mei. (T. P. Allelúia, allelúia). Ps. *ibid.*, 2 Exspéctans exspectávi Dóminum, et inténdit mihi. V. Glória Patri.

Et dicitur Glória in excélsis.

Oratio

Omnípotens sempitérne Deus, qui fámulos tuos a mundi perículis eréptos, ad plénius sectánda Fílii tui vestígia vocáre dignátus es: præsta, quæsumus; ut propósitam sibi evangélicam perfectiónem consequántur. Per eúndem Dóminum.

Léctio Epístolæ beáti Pauli Apóstoli ad Philippéenses. Phil. 3, 7-14

Fratres: Quæ mihi fuérunt lucra, hæc arbitrátus sum propter Christum detriménta. Verúmtamen existimo ómnia detriméntum esse, propter eminéntem sciéntiam Iesu Christi Dómini mei; propter quem ómnia detriméntum feci, et árbitor ut stércora, ut Christum lucrifáciam, et invéniam in illo, non habens meam iustítiam, quæ ex lege est, sed illam, quæ ex fide est Christi Iesu; quæ ex Deo est iustítia in fide; ad cognoscéndum illum, et virtútem resurrectionis eius, et societátem passiónum illius; configurátus morti eius; si quo modo occúrram ad resurrectionem, quæ est ex mórtuis. Non quod iam ac-

céperim, aut iam perféctus sim; sequor autem, si quo modo comprehéndam, in quo et comprehénsus sum a Christo Iesu. Fratres, ego me non árbitor comprehéndisse. Unum autem, quæ quidem retro sunt obliviscens, ad ea vero quæ sunt prióra exténdens meípsum, ad destinátum pérsequor, ad bravíum supérnæ vocatiónis Dei in Christo Iesu Dómino nostro.

Graduale Ps. 65, 13-14 Introibo in domum tuam in holocáustis, reddam tibi vota mea, quæ distinxérunt lábia mea. V. *Ibid.*, 16 Veníte, audíte, et narrábo, omnes qui tímētis Deum, quanta fecit ánimæ meæ.

Allelúia, allelúia. V. Gal. 6, 14 Mihi absit gloriári, nisi in Cruce Dómini mei Iesu Christi, per quem mihi mundus crucifíxus est, et ego mundo. Allelúia.

Post Septuagesimam, omissis Allelúia et versu sequenti, dicitur

Tractus Ps. 62, 2 Deus, Deus meus, ad te de luce vígilo. V. Sitívit in te ánima mea, quam multiplíciter tibi caro mea. V. Ps. 50, 12 Cor mundum crea in me, Deus, et spíritum rectum ínnova in viscéribus meis.

Tempore autem paschali omittitur graduale, et eius loco dicitur:

Allelúia, allelúia. V. Gal. 6, 14 Mihi absit gloriári nisi in Cruce Dómini nostri Iesu Christi, per quem mihi mundus crucifíxus est, et ego mundo. Allelúia. V. Ps. 132 Ecce quam bonum et quam iucúndum, habitáre fratres in unum. Allelúia.

✠ Sequéntia sancti Evangélíi secúndum Marcum.

Marc. 10, 17-21

In illo témpore: Cum egréssus esset Iesus in viam, procúrrens quidam, genu flexo ante eum, rogábat eum: Magíster bone, quid fáciam ut vitam ætérrnam percípiam? Iesus autem dixit ei: Quid me dicis bonum? Nemo bonus, nisi unus

Deus. Præcepta nosti: Ne adulteres, ne occidas, ne furéris, ne falsum testimonium dixeris, ne fraudem féceris, honóra patrem tuum et matrem. At ille respóndens, ait illi: Magíster, hæc ómnia observávi a iuventúte mea. Iesus autem intúitus eum, diléxit eum, et dixit ei: Unum tibi deest: vade, quacúmque habes vende, et da paupéribus, et habébis thesáurum in cælo, et veni, séquere me.

Antiphona ad Offertorium I Par.
29, 17-18 Dómine Deus, in simplicitate cordis mei lætus óbtuli universa: Deus Israël, custódi hanc voluntátem. (T. P. Allelúia).

Secreta

Famulórum tuórum, Dómine, sacrificium benígnus accípias; et tibi paupertátem, castitátem et obediéntiam vovéntes, tua caritáte confirmes. Per Dóminum.

Antiphona ad Communionem
Ps. 33, 9 Gustáte et vidéte, quóniam suávis est Dóminus; beátus vir qui sperat in eo. (T. P. Allelúia).

Postcommunio

Pretióso corpore et sángine Fílii tui refécti, te, Dómine, deprecámur; ut qui sacra vota te inspiránte emisérunt, éadem te adiuvánte custódiant. Per eúndem Dóminum.

14. IN DIE PROFESSIONIS RELIGIOSARUM

¶ **Sequens Missa, unica pro singulis occasionibus, est votiva II classis, et celebratur aut de mandato aut de consensu respectivi Ordinarii; in ea adhibetur color albus.**

Antiphona ad Introitum

Ps. 44, 11-12

Audi, fília, et vide, et inclína aurem tuam, et oblivíscere pópulum tuum et domum patris tui; et concupíscet Rex decórem tuum. (T. P. Allelúia, allelúia).

Ps. ibid.. 2 Eructávit cor meum verbum bonum: dico ego ópera mea Regi. **V.** Glória Patri.

Et dicitur Glória in excélsis.

Oratio

Deus, qui has fámulas tuas, a sáculi vanitáte convérsas, ad supérnæ vocatiónis bravíum accén-dis: grátiam tuam eis infúnde; ut, professiόνis suæ mémores, quæ te inspiránte promíttunt, te auxiliánte perfícient. Per Dóminum.

Léctio Epístolæ beáti Pauli Apóstoli ad Corínthios.

I Cor. 7, 6-8; 25, 29-32, 34

Fratres: Hoc dico secúndum indulgéntiam, non secúndum impérium. Volo enim omnes vos esse sicut meípsum; sed unusquisque próprium donum habet ex Deo, álius quidem sic, álius vero sic. Dico autem non nuptis, et víduis: Bonum est illis si sic permáneant, sicut et ego. De virgínibus autem præcéptum Dómini non hábeo; consílium autem do, tamquam misericórdiam consecútus a Dómino, ut sim fidélis. Hoc itaque dico, fratres: Tempus breve est; réliquum est, ut et qui habent uxóres, tamquam non habéntes sint; et qui flent, tamquam non flentes: et qui gaudent, tamquam non gaudéntes: et qui emunt, tamquam non possidéntes: et qui utúntur hoc mundo, tamquam non utántur: præterit enim figúra huius mundi. Volo autem vos sine sollicitúde esse. Et múlier innúpta, et virgo cógitat quæ Dómini sunt, ut sit sancta corpore, et spírиту: in Christo Iesu Dómino nostro.

Graduale Regnum mundi et omnem ornátum sáculi contémpsi, propter amórem Dómini mei Iesu Christi: quem vidi, quem amávi, in quem crédidi, quem diléxi. **Ps. 44, 2** Eructávit cor meum verbum bonum, dico ego ópera mea Regi.

Allelúia, allelúia. **℣. Cant. 2, 16** Diléctus meus mihi, et ego illi, qui páscitur inter lília. Allelúia.

Post Septuagesimam, omissis Allelúia et versu sequenti, dicitur

Tractus Ps. 26, 7-8 Exáudi, Dómine, vocem meam, qua clamávi ad te; miserére mei et exáudi me. **℣.** Tibi dixit cor meum, exquisívit te fácies mea, fáciem tuam, Dómine, requíram. **℣.** Adiútor meus esto; ne derelínquas me, neque despicias me, Deus salutáris meus.

Tempore autem paschali omittitur graduale, et eius loco dicitur:

Allelúia, allelúia. **℣. Cant. 2, 16** Diléctus meus mihi, et ego illi, qui páscitur inter lília. Allelúia. **℣. Ps. 83, 5** Beáti qui hábitant in domo tua, Dómine; in sácula sæculórum laudábunt te. Allelúia.

✠ Sequéntia sancti Evangélíi secúndum Matthæum.

Matth. 25, 1-13

In illo témpore: Dixit Iesus discí-pulis suis parábolam hanc: Sí-mile erit regnum cælórum decem virgínibus: quæ accipiéntes lám-pades suas, exiérunt óbviám sponso, et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampá-dibus, non sumpsérunt óleum se-cum: prudéntes vero accepérunt óleum in vasis suis cum lampádi-bus. Moram autem faciénte sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illæ, et ornavérunt lám-pades suas. Fátuæ autem sapiénti-bus dixerunt: Date nobis de óleo vestro: quia lám-pades nostræ ex-stinguúntur. Respondérunt prudén-tes, dicéntes: Ne forte non suffíciat nobis, et vobis, ite pótius ad ven-déntes, et émite vobis. Dum autem irent émere, venit sponsus: et quæ

parátæ erant, intravérunt cum eo ad núptias, et clausa est iánua. Novíssime vero véniunt et réliquæ vírgines, dicéntes: Dómine, Dómi-ne, áperi nobis. At ille respóndens, ait: Amen dico vobis, nescio vos. Vigiláte itaque, quia nescítis diem, neque horam.

Antiphona ad Offertorium Ps. 115, 16-17 Dirupísti, Dómine, víncula mea; tibi sacrificábo hóstiam lau-dis, et nomen Dómini invocábo. (T. P. Allelúia.)

Secreta

Súscipe, quæsumus, Dómine, obla-tiónem nostram; et has fámulas tuas, quæ se maiestáti tuæ in pau-pertáte, castitáte, obediéntia dévo-vent, benígnus áspice, et ad præmia futúra dispóne. Per Dóminum.

Antiphona ad Communionem Ps. 72, 28 Mihi autem adhærére Deo bonum est, pónere in Dómino Deo spem meam. (T. P. Allelúia.)

Postcommunio

Deus, qui ómnia pro te in hoc sáculo relinquentibus ætér-num in cælis præparashabitáculum: confirma corda famulárum tuárum, et concéde; ut ad cælestes Agni núptias perveníre mereántur. Per Dóminum.

15. AD VOCATIONES ECCLESIASTICAS PETENDAS

In hac Missa adhibetur color albus.

Antiphona ad Introitum

Matth. 4, 18-19

Dóminus secus mare Galilææ vidit duos fratres, Petrum et Andréam, et vocávit eos: Veníte post me: fáciám vos fieri piscatóres hóminum. (T. P. Allelúia, allelúia). **Ps. 18, 2** Cæli enár-rant glóriam Dei: et ópera mánuum eius annúntiat firmaméntum. **℣.** Glória Patri.

Oratio

Mitte, quæsumus, Dómine, operários in messem tuam; ut Unigéniti Fílii tui et præcepta iúgiter servéntur et ubíque sacrificium innovétur: Qui tecum.

Léctio libri Regum.

I Reg. 3, 1-10

In diébus illis: Ministrábat puer Sámuel Dómino coram Heli, et sermo Dómini erat pretiósus in diébus illis: non erat visio manifésta. Factum est ergo in die quadam, Heli iacébat in loco suo, et óculi eius caligáverant, nec póterat videre: lucérna Dei ántequam exstinguerétur, Sámuel dormiébat in templo Dómini, ubi erat arca Dei. Et vocávit Dóminus Sámuel. Qui respóndens, ait: Ecce ego. Et cucúrrit ad Heli, et dixit: Ecce ego; vocásti enim me. Qui dixit: Non vocávi; revértere, et dormi. Et ábiit, et dormívit. Et adiécit Dóminus rursum vocáre Samuélem. Consurgénsque Sámuel, ábiit ad Heli, et dixit: Ecce ego, quia vocásti me. Qui respóndit: Non vocávi te, fili mī; revértere, et dormi. Porro Sámuel necdum sciébat Dóminum, neque revelátus fúerat ei sermo Dómini. Et adiécit Dóminus, et vocávit adhuc Samuélem tértio. Qui consurgens, ábiit ad Heli, et ait: Ecce ego, quia vocásti me. Intelléxit ergo Heli quia Dóminus vocáret púerum, et ait ad Samuélem: Vade, et dormi; et si deinceps vocáverit te, dices: Lóquere, Dómine, quia audit servus tuus. Abiit ergo Sámuel, et dormívit in loco suo. Et venit Dóminus, et stetit; et vocávit, sicut vocáverat secúndo: Sámuel, Sámuel! Et ait Sámuel: Lóquere, Dómine, quia audit servus tuus.

Graduale Ps. 26, 4 Unam pétii a Dómino, hanc requíram, ut inhábitem in domo Dómini ómnibus diébus vitæ meæ. **V.** Ut vídeam

voluptátem Dómini, et vísitem templum eius.

Allelúia, allelúia. **V. Ps. 83, 5** Beáti qui hábitant in domo tua, Dómine: in sácula sæculórum laudábunt te. Allelúia.

Post Septuagesimam, omissis Allelúia, et versu sequenti, dicitur.

Tractus Ps. 83, 2-4 Quam dilécta tabernácula tua, Dómine virtútum! Concupiscit et déficit ánima mea in átria Dómini. **V.** Cor meum et caro mea exsultavérunt in Deum vivum. **V.** Etenim passer invénit sibi domum, et turtur nidum sibi, ubi ponat pullos suos: altária tua, Dómine virtútum, rex meus et Deus meus.

Tempore autem paschali omittitur graduale, et eius loco dicitur:

Allelúia, allelúia. **V. Ps. 83, 5** Beáti qui hábitant in domo tua, Dómine: in sácula sæculórum laudábunt te. Allelúia. **V. Eccli. 39, 19** Floréte flores quasi lílium, et date odórem et frondéte in grátiam, collaudáte cánticum, et benedicite Dóminum in opéribus suis. Allelúia.

✠ **Sequéntia sancti Evangélíi secúndum Ioánnem.**

Ioann. 1, 35-51

In illo témpore: Stabat Ioánnes, et ex discípulis eius duo. Et respiciens Iesum ambulántem, dicit: Ecce Agnus Dei. Et audiérunt eum duo discípuli loquéntem, et secúti sunt Iesum. Convérsus autem Iesus, et videns eos sequéntes se, dicit eis: Quid quæritis? Qui dixerunt ei: Rabbi (quod dicitur interpretátum Magíster), ubi hábitas? Dicit eis: Veníte, et vidéte. Venérunt, et vidérunt ubi manéret, et apud eum mansérunt die illo; hora autem erat quasi décima. Erat autem Andréas frater Simónis Petri unus ex duóbus, qui audierant a Ioánnem, et secúti fúerant eum. Invénit hic primum fratrem suum Simónem,

et dicit ei: Invénimus Messíam (quod est interpretátum Christus). Et addúxit eum ad Iesum. Intúitus autem eum Iesus, dixit: Tu es Simon, filius Iona; tu vocáberis Cephas, quod interpretátur Petrus. In crástinum vóluit exíre in Galiléam, et invénit Philíppum. Et dicit ei Iesus: Séquere me. Erat autem Philíppus a Bethsáida, civitaté Andréæ et Petri. Invénit Philíppus Nathánaël, et dicit ei: Quem scripsit Móyses in lege, et prophéta, invénimus Iesum filium Ioseph a Názaeth. Et dixit ei Nathánaël: A Názaeth potest áliquid boni esse? Dicit ei Philíppus: Veni, et vide. Vidit Iesus Nathánaël veniéntem ad se, et dicit de eo: Ecce vere Israélita, in quo dolus non est. Dicit ei Nathánaël: Unde me nosti? Respóndit Iesus, et dixit ei: Priúsqvam te Philíppus vocáret, cum esses sub ficu, vidi te. Respóndit ei Nathánaël, et ait: Rabbi, tu es Fílius Dei, tu es Rex Israél. Respóndit Iesus, et dixit ei: Quia dixi tibi: Vidi te sub ficu, credis: maius his vidébis. Et dicit ei: Amen, amen dico vobis, vidébitis cælum apértum, et Angelos Dei ascendéntes, et descendéntes supra Fílium hóminis.

Antiphona ad Offertorium Ps. 15,
5 Dóminus pars hereditátis meæ et cálicis mei: tu es qui restitues hereditátem meam mihi. (T. P. Allelúia.)

Secreta

Munus quod offérimus, Dómine, vitále pópulo tuo pérfice sacraméntum; ut in circúitu mensæ tuæ preces et hóstias multiplicáti tibi minístri committant. Per Dóminum.

Antiphona ad Communionem Ps. 65, 16 Veníte, audíte, et narrábo, omnes qui timétis Deum, quanta fecit ánimæ meæ. (T. P. Allelúia.)

Postcommunio

Cæléstibus repléti mystériis, quæsumus, omnípotens Deus; ut minístros tuos et número áugeas et caritaté sanctífices. Per Dóminum.

16 AD VOCATIONES ECCLESIASTICAS SERVANDAS

In hac Missa adhibetur color albus.

Antiphona ad Introitum

Ps. 104, 3-4

Lætétur cor quæréntium Dóminum: quærite Dóminum et confirmámini: quærite fáciem eius semper. (T. P. Allelúia, allelúia.) **Ps. ibid., 1** Confitémini Dómino et invocáte nomen eius: annuntiáte inter gentes ópera eius. **V.** Glória Patri.

Oratio

Excita, Dómine, in Ecclésia tua spíritum pietátis et fortitúdinis; qui dignos altáribus tuis minístros, et verbi tui strénuos assertóres efficiat. Per Dóminum.

Léctio Epístolæ beáti Ioánnis Apóstoli.

1 Ioann. 2, 14-17

Caríssimi: Scribo vobis, iúvenes, quóniam fortes estis, et verbum Dei manet in vobis, et vicístis malignum. Nolíte diligere mundum, neque ea quæ in mundo sunt. Si quis díligit mundum, non est caritas Patris in eo: quóniam omne, quod est in mundo, concupiscéntia carnis est, et concupiscéntia oculórum, et supérbia vitæ: quæ non est ex Patre, sed ex mundo est. Et mundus transit et concupiscéntia eius. Qui autem facit voluntátem Dei, manet in ætérnum.

Graduale Ps. 72, 24 et 1 Tenuísti manum dexteram meam, et in voluntáte tua deduxísti me, et cum glória suscepísti me. **V.** Quam bonus Israél Deus, his qui recto sunt corde!

Allelúia, allelúia. **℣. Ps. 51, 10** Ego sicut olíva fructífera in domo Dei; sperávi in misericórdia Dei in ætérnum et in sáculum sáculi. Allelúia.

Post Septuagesimam, omissis Allelúia, et versu sequenti, dicitur

Tractus Ps. 23, 3-5 Quis ascéndet in montem Dómini, aut quis stabit in loco sancto eius? **℣.** Innocens má nibus et mundo corde, qui non accépit in vano ánimam suam, nec iurávit in dolo próximo suo. **℣.** Hic accípiet benedictiónem a Dómino, et misericórdiam a Deo salutári suo.

Tempore autem paschali omittitur graduale, et eius loco dicitur:

Allelúia, allelúia. **℣. Ps. 51, 10** Ego sicut olíva fructífera in domo Dei; sperávi in misericórdia Dei in ætérnum et in sáculum sáculi. Allelúia. **℣. Ps. 65, 16** Veníte, audíte, et narrábo, omnes qui timétis Deum, quanta fecit ánimæ meæ. Allelúia.

✠ Sequéntia sancti Evangélíi secúndum Ioánnem.

Ioánn. 15, 1-9

In illo témpore: Dixit Iesus discí pulis suis: Ego sum vitis vera: et Pater meus agrícola est. Omnem pálmitem in me non feréntem fructum tollet eum: et omnem, qui fert fructum, purgábit eum, ut fructum plus áfferat. Iam vos mundi estis propter sermónem, quem locúsus sum vobis. Manéte in me: et ego in vobis. Sicut palmes non potest ferre fructum a semetípso, nisi mánserit in vite: sic nec vos, nisi in me manséritis. Ego sum vitis, vos pálmities: qui manet in me, et ego in eo, hic fert fructum multum; quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et

verba mea in vobis mánserint: quodcúmque voluérítis petétis, et fiet vobis. In hoc clarificátus est Pater meus, ut fructum plúrimum afferátis, et efficiámini mei discí puli. Sicut diléxit me Pater, et ego diléxi vos. Manéte in dilectiónem mea.

Antiphona ad Offertorium Ps. 91, 2 Bonum est confitéri Dómino, et psállere nómini tuo, Altíssime. **(T. P. Allelúia.)**

Secreta

Plebis tuæ, quæsumus, Dómine, preces et múnera benígnus inténde; ut dispensatóres mysteriórum tuórum multiplicéntur, et in amóre tuo iúgiter perseverént. Per Dóminum.

Antiphona ad Communionem Ioánn. 17, 11 et 17 Pater sancte, conserva eos in nómine tuo, quos dedísti mihi, ut sint unum, sicut et nos: sanctífica eos in veritáte. **(T. P. Allelúia.)**

Postcommunio

Fac nos, quæsumus, Dómine, recensítis mystériis respiráre; et quos minístros Redemptiónis elégeris, imménsæ tuæ caritáti pura mente servíre. Per Dóminum.

17. AD VOCATIONES RELIGIOSAS PETENDAS ET FOVENDAS

In hac Missa adhibetur color albus.

Antiphona ad Introitum

Ps. 79, 15-16

Réspice de cælo et vide, et vísitá víneam istam: et pér fice eam, quam plantávit dextera tua. **(T. P. Allelúia, allelúia.)** **Ps. ibid., 2** Qui regis Israél, inténde, qui dedúcis velut ovem Ioseph. **℣.** Glória Patri.

Oratio

Familiam tuam, quæsumus, Dómine, propítius respice et nova prole semper amplifica: ut et filios suos ad propósitam sanctitatem perdúcere, et aliórum salutem effícaciter váleat procuráre. Per Dóminum.

Léctio Epístolæ beáti Pauli Apóstoli ad Ephésios.

Ephes. 4, 1-6; 23-24

Fratres: Obsecro vos ego vinctus in Dómino, ut digne ambulétis vocatióne, qua vocáti estis, cum omni humilitate, et mansuetúdine, cum paciéntia, supportántes invicem in caritate, solliciti serváre unitatem spíritus in vínculo pacis. Unum corpus, et unus spíritus, sicut vocáti estis in una spe vocatiónis vestræ. Unus Dóminus, una fides, unum baptísma. Unus Deus, et Pater ómnium, qui est super omnes, et per ómnia, et in ómnibus nobis. Renovámini autem spíritu mentis vestræ, et indúite novum hóminem, qui secúndum Deum creátus est in iustitia et sanctitate veritátis.

Graduale Ps. 99, 2-3 Servíte Dómino in lætítia, introíte in conspéctum eius in exsultatióne. **V.** Scitóte quóniam Dóminus ipse est Deus, ipse fecit nos et non ipsi nos.

Allelúia, allelúia. **V. Ps. 113, 15** Benedícti vos a Dómino, qui fecit cælum et terram. Allelúia.

Post Septuagesimam, omissis Allelúia, et versu sequenti, dicitur

Tractus Ps. 121, 6, 8-9 Rogáte quæ ad pacem sunt Ierúsalem, et abundantia diligéntibus te. **V.** Propter fratres meos et próximos meos loquébar pacem de te. **V.** Propter domum Dómini Dei nostri quæsivi bona tibi.

Tempore autem paschali omittitur graduale, et eius loco dicitur:

Allelúia, allelúia. **V. Ps. 113, 15** Benedícti vos a Dómino, qui fecit cælum et terram. Allelúia. **V. Ps.**

32, 12 Beáta gens, cuius est Dóminus Deus, pópulus quem elégit in hereditatem sibi. Allelúia.

✠ Sequéntia sancti Evangélíi secúndum Lucam.

Luc. 9, 57-62

In illo témpore: Ambulántibus discípulis in via, dixit quidam ad Iesum: Sequar te quocúmque íeris. Dixit illi Iesus: Vulpes fóveas habent, et vólucres cæli nidos; Fílius autem hóminis non habet ubi caput reclínet. Ait autem ad áltérum: Séquere me. Ille autem dixit: Dómine, permítte mihi primum ire, et sepelíre patrem meum. Dixítque ei Iesus: Sine ut mórtui sepéliant mórtuos suos; tu autem vade, et annúntia regnum Dei. Et ait alter: Sequar te, Dómine, sed permítte mihi primum renuntiáre his quæ domi sunt. Ait ad illum Iesus: Nemo mittens manum suam ad áratrum, et respiciens retro, aptus est regno Dei.

Antiphona ad Offertorium Ps. 42, 4 Introíbo ad altáre Dei: ad Deum qui lætíficat iuventútem meam. (T. P. Allelúia.)

Secreta

Sacrificium nostræ devotiónis, quod tibi, Dómine, offérimus, benígnus assúme; ut familia tua fidéliter tibi servíre mereáur, et nova semper accípiat increménta. Per Dóminum.

Antiphona ad Communionem Ps. 132, 1 et 3 Ecce quam bonum et quam iucúndum habitáre fratres in unum; quóniam illic mandávit Dóminus benedictiódinem. (T. P. Allelúia.)

Postcommunio

Huius, Dómine, virtúte sacraménti, da nobis, quæsumus, perseverántem in tua voluntáte famulátum; ut in diébus nostris, et mérito et número, familia tibi serviens augeáur. Per Dóminum.

18. PRO FIDEI PROPAGATIONE

Antiphona ad Introitum

Ps. 66, 2-3

Deus misereatur nostri, et benedicat nobis: illúminet vultum suum super nos, et misereatur nostri: ut cognoscámus in terra viam tuam, in ómnibus géntibus salutáre tuum. (T. P. Allelúia, allelúia.) Ps. *ibid.*, 4 Confiteántur tibi pópuli, Deus: confiteántur tibi pópuli omnes. V. Glória Patri.

Oratio

Deus, qui omnes hómines vis salvos fieri, et ad agnitióem veritátis veníre: mitte, quásumus, operários in messem tuam, et da eis cum omni fidúcia loqui verbum tuum; ut sermo tuus currat et clarificétur, et omnes gentes cognóscant te solum Deum verum, et quem misísti Iesum Christum Fílium tuum, Dóminum nostrum: Qui tecum vivit.

Lectio libri Sapiéntiæ.

Eccli. 36, 1-10 et 17-19

Miserere nostri, Deus ómnium, et respice nos, et osténde nobis lucem miseratiónum tuárum: et immítte timórem tuum super gentes, quæ non exquisiérunt te, ut cognóscant quia non est Deus nisi tu, et enárrent magnália tua. Alleva manum tuam super gentes aliénas, ut vídeant poténtiam tuam. Sicut enim in conspéctu eórum sanctificátus es in nobis, sic in conspéctu nostro magnificáberis in eis, ut cognóscant te, sicut et nos cognóvimus, quóniam non est Deus præter te, Dómine. Innova signa, et immúta mirabília. Glorífica manum, et bráccium dextrum. Excita furórem, et effúnde iram. Tolle adversárium, et afflíge inimícum. Festína tempus, et meménto finis, ut enárrent mirabília tua. Da testimónium

his, qui ab inítio creatúræ tuæ sunt, et súscita prædicatiónes, quas locúti sunt in nómine tuo prophétæ prióres. Da mercédem sustinéntibus te, ut prophétæ tui fidéles inveniántur: et exáudi oratiónes servórum tuórum, secúndum benedictiónem Aaron de pópulo tuo, et dirige nos in viam iustítiæ, et sciant omnes, qui hábitant terram, quia tu es Deus conspéctor sæculórum.

Graduale Ps. 66, 6-8 Confiteántur tibi pópuli, Deus: confiteántur tibi pópuli omnes: terra dedit fructum suum. V. Benedicat nos Deus, Deus noster, benedicat nos Deus: et métuant eum omnes fines terræ.

Allelúia, allelúia. V. Ps. 99, 1 Iubiláte Deo, omnis terra: servíte Dómino in lætítia: introíte in conspéctu eius, in exsultatióne. Allelúia.

Post Septuagesimam, omissis Allelúia, et versu sequenti, dicitur

Tractus Ps. 95, 3-5 Annuntiáte inter gentes glóriam Dómini, in ómnibus pópulis mirabília eius. V. Quóniam magnus Dóminus, et laudábilis nimis: terríbilis est super omnes deos. V. Quóniam omnes dii géntium dæmónia: Dóminus autem cælos fecit.

Tempore autem paschali omititur graduale, et eius loco dicitur:

Allelúia, allelúia. V. Ps. 99, 1-2 Iubiláte Deo, omnis terra: servíte Dómino in lætítia: introíte in conspéctu eius, in exsultatióne. Allelúia. V. Scitóte quóniam Dóminus ipse est Deus: ipse fecit nos, et non ipsi nos. Allelúia.

✠ Sequéntia sancti Evangélii secúndum Matthæum.

Matth. 9, 35-38

In illo témpore: Circuíbat Iesus omnes civitátes, et castélla, docens in synagógis eórum, et prædicans Evangélium regni, et curans

omnem languorem, et omnem infirmitatem. Videns autem turbas, misertus est eis: quia erant vexati, et iacentes sicut oves non habentes pastorem. Tunc dicit discipulis suis: Messis quidem multa, operarii autem pauci. Rogate ergo Dominum messis, ut mittat operarios in messem suam.

Antiphona ad Offertorium Ps. 95, 7-9 Afferte Domino, patriae gentium, afferte Domino gloriam et honorem, afferte Domino gloriam nomini eius: tollite hostias, et introite in atria eius: adorate Dominum in atrio sancto eius. (T. P. Alleluia.)

Secreta

Protector noster aspice, Deus, et respice in faciem Christi tui, qui dedit redemptionem semetipsum pro omnibus: et fac; ut ab ortu solis usque ad occasum magnificetur nomen tuum in gentibus, ac in omni loco sacrificetur et offeratur nomini tuo oblatio munda. Per eundem Dominum.

Antiphona ad Communionem Ps. 116, 1-2 Laudate Dominum, omnes gentes: laudate eum, omnes populi: quoniam confirmata est super nos misericordia eius, et veritas Domini manet in aeternum. (T. P. Alleluia.)

Postcommunio

Redemptionis nostrae munere vegetati: quaesumus, Domine; ut, hoc perpetuae salutis auxilio, fides semper vera proficiat. Per Dominum.

¶ Item alia Epistola:

Lectio Epistolae beati Pauli Apostoli ad Timotheum.

1 Tim. 2, 1-7

Obsecro primum omnium fieri obsecrationes, orationes, postulationes, gratiarum actiones, pro omnibus hominibus: pro regibus et omnibus qui in sublimitate sunt, ut

quietam et tranquillam vitam agamus, in omni pietate, et castitate; hoc enim bonum est, et acceptum coram Salvatore nostro Deo, qui omnes homines vult salvos fieri, et ad agnitionem veritatis venire. Unus enim Deus, unus et mediator Dei et hominum, homo Christus Iesus: qui dedit redemptionem semetipsum pro omnibus, testimonium temporibus suis: in quo positus sum ego praedicator et apostolus (veritatem dico, non mentior), doctor gentium in fide et veritate.

19. PRO ECCLESIAE DEFENSIONE

Antiphona ad Introitum

Ps. 43, 23-24 et 25-26

Exsurge, quare obdormis, Domine? exsurge, et ne repellas in finem: quare faciem tuam avertis? oblivisceris tribulationem nostram? Adhaesit in terra venter noster: exsurge, Domine, adiuva nos, et libera nos. (T. P. Alleluia, alleluia.) Ps. *ibid.*, 2 Deus, auribus nostris audivimus: patres nostri annuntiaverunt nobis. V. Gloria Patri.

Oratio

Omnipotens sempiternus Deus, in cuius manu sunt omnium potestates, et omnium iura regnorum: respice in auxilium Christianorum; ut gentes paganorum, quae in sua feritate confidunt, dexterae tuae potentia conterantur. Per Dominum.

Lectio libri Esther.

Esth. 13, 8-11 et 15-17

In diebus illis: Oravit Mardocheus ad Dominum, dicens: Domine, Domine Rex omnipotens, in ditione enim tua cuncta sunt posita, et non est qui possit tuae resistere voluntati, si decreveris salvare Israel. Tu fecisti caelum et terram, et quidquid caeli ambitu continetur. Dominus omnium es, nec est qui resistat maiestati tuae. Et nunc, Dó-

mine Rex Deus Abraham, miserere pópuli tui, quia volunt nos inimíci nostri pérdere, et hereditátem tuam delére. Ne despicias partem tuam, quam redemísti tibi de Ægýpto. Exáudi deprecationem meam, et propítius esto sorti et funículo tuo, et convérte luctum nostrum in gáudium, ut vivéntes laudémus nomen tuum, Dómine, et ne claudas ora te canéntium, Dómine Deus noster.

Graduale Ps. 82, 19 et 14 Sciant gentes, quóniam nomen tibi Deus: tu solus Altíssimus super omnem terram. **V.** Deus meus, pone illos ut rotam, et sicut stípulam ante fáciem venti.

Allelúia, allelúia. **V. Ps. 79, 3** Excita, Dómine, poténtiam tuam, et veni: ut salvos fácias nos. Allelúia.

Post Septuagesimam, omissis Allelúia, et versu sequenti, dicitur

Tractus Ps. 78, 9-11 Adiuva nos, Deus salutáris noster: et propter honórem nóminis tui, Dómine, libera nos: et propítius esto peccátis nostris, propter nomen tuum. **V.** Ne quando dicant gentes: Ubi est Deus eórum? et innotéscat in natióibus coram óculis nostris. **V.** Víndica sánguinem servórum tuórum, qui effúsus est: intret in conspéctu tuo gémitus compeditórum.

Tempore autem paschali omittitur graduale, et eius loco dicitur:

Allelúia, allelúia. **V. Ps. 79, 3** Excita, Dómine, poténtiam tuam, et veni: ut salvos fácias nos. Allelúia. **V. Ibid., 15-16** Deus virtútum, convértere, réspice de cælo, et vide, et vísitá víneam istam: et pérfice eam, quam plantávit délixtera tua. Allelúia.

✠ Sequéntia sancti Evangélíi secúndum Lucam.

Luc. 11, 5-13

In illo témpore: Dixit Iesus discí-pulis suis: Quis vestrum habébit

amícum, et ibit ad illum média nocte, et dicet illi: Amíce, cómoda mihi tres panes, quóniam amícus meus venit de via ad me, et non hábeo, quod ponam ante illum: et ille deíntus respóndens, dicat: Noli mihi moléstus esse, iam óstium clausum est, et púeri mei mecum sunt in cubíli, non possum súrgere, et dare tibi. Et si ille perseveráverit pulsans: dico vobis, et si non dabit illi surgens eo quod amícus eius sit, propter improbitátem tamen eius surget, et dabit illi quotquot habet necessariós. Et ego dico vobis: Pétite, et dábitur vobis: quárite, et inveniétis: pulsáte, et aperiétur vobis. Omnis enim qui petit, áccipit: et qui quærit, ínvenit: et pulsánti aperiétur. Quis autem ex vobis patrem petit panem: numquid lápidem dabit illi? Aut piscem: numquid pro pisce serpéntem dabit illi? Aut si petierit ovum: numquid pórriget illi scorpíonem? Si ergo vos cum sitis mali, nostis bona data dare filiis vestris: quanto magis Pater vester de cælo dabit spíritum bonum peténtibus se?

Antiphona ad Offertorium Ps. 17, 28 et 32 Pópulum húmilem salvum fácies: et óculos superbórum humiliábis: quóniam quis Deus præter te, Dómine? (T. P. Allelúia.)

Secreta

Sacrificium, Dómine, quod im-molámus, inténde: ut propu-gnatóres tuos ab omni éruas paganórum nequítia, et in tuæ protec-tiÓNis securitáte constítuas. Per Dóminum.

Antiphona ad Communionem Ps. 118, 81, 84 et 86 In salutári tuo ánima mea, et in verbum tuum sperávi: quando fácies de perse-quéntibus me iudícium? Iníqui per-secúti sunt me, ádiuva me, Dómine Deus meus. (T. P. Allelúia.)

Postcommunio

Protector noster, aspice, Deus: et propugnatores tuos a paganorum defende periculis; ut, omni perturbaciónem submota, liberis tibi mentibus deserviant. Per Dominum.

20. PRO ECCLESIAE UNITATE**Antiphona ad Introitum****Ps. 105, 47**

Salvos nos fac, Domine Deus noster, et congrega nos de nationibus: ut confiteamur nomini sancto tuo, et gloriemur in laude tua. (T. P. Allelúia, allelúia.)

Ps. ibid., 1 Confitemini Domino, quoniam bonus: quoniam in saeculum misericordia eius. **V.** Glória Patri.

Oratio

Deus, qui errata corrigis, et dispersa congregas, et congregata conservas: quaesumus, super populum christianum tuae unionis gratiam clementer infunde; ut, divisione reiecta, vero pastori Ecclesiae tuae se uniens, tibi digne valeat famulari. Per Dominum.

Lectio Epistolae beati Pauli Apostoli ad Ephesios.

Ephes. 4, 1-7 et 13-21

Fratres: Obsecro vos, ut digne ambulatis vocaciónem qua vocati estis, cum omni humilitate, et mansuetudine, cum patientia, supportantes invicem in caritate, solliciti servare unitatem spiritus in vinculo pacis. Unum corpus, et unus spiritus, sicut vocati estis in una spe vocaciónis vestrae. Unus Dominus, una fides, unum baptisma. Unus Deus, et Pater omnium, qui est super omnes, et per omnia, et in omnibus nobis. Unicuique autem nostrum data est gratia secundum mensuram donaciónis Christi: donec occurramus omnes in unitatem fidei, et agniciónis Filii Dei, in virum perfectum, in mensuram

aetatis plenitudinis Christi: ut iam non simus parvuli fluctuantes, et circumferamur omni vento doctrinae in nequitia hominum, in astutia ad circumventionem erroris. Veritatem autem facientes in caritate, crescimus in illo per omnia, qui est caput Christus: ex quo totum corpus compactum et connexum per omnem iuncturam subministratiōnis, secundum operationem in mensuram uniuscuiusque membri, augmentum corporis facit in aedificationem sui in caritate. Hoc igitur dico, et testificor in Domino, ut iam non ambulatis, sicut et gentes ambulant in vanitate sensus sui, tenebris obscuratum habentes intellectum, alienati a vita Dei per ignorantiam quae est in illis, propter caecitatem cordis ipsorum, qui desperantes, semetipsos tradiderunt impudicitiae, in operationem immunditiae omnis, in avaritiam. Vos autem non ita didicistis Christum: si tamen illum audistis, et in ipso edocti estis, sicut est veritas in Christo Iesu Domino nostro.

Graduale Ps. 121, 6-7 Rogate quae ad pacem sunt Ierusalem: et abundantia diligentibus te. **V.** Fiat pax in virtute tua: et abundantia in turribus tuis.

Allelúia, allelúia. **V. Ps. 147, 12** Lauda, Ierusalem, Dominum: lauda Deum tuum, Sion. Allelúia.

Post Septuagesimam, omissis Allelúia. et versu sequenti, dicitur

Tractus Ps. 75, 2-4 Notus in Iudaea Deus, in Israel magnum nomen eius. **V.** Et factus est in pace locus eius, et habitatio eius in Sion. **V.** Ibi confrégit poténtias arcuum, scutum, gládium, et bellum.

Tempore autem paschali omititur graduale, et eius loco dicitur:

Allelúia, allelúia. **V. Ps. 147, 12** Lauda, Ierusalem, Dominum: lauda Deum tuum, Sion. Allelúia.

¶ Ibid., 14 Qui pōsuit fines tuos pacem, et ādipe frumēnti sātīat te. Allelúia.

✠ Sequēntia sancti Evangēlii secūndum Ioānnem.

Ioann. 17, 1 et 11-23

In illo tēpore: Sublevātis Iesus óculis in cælum, dixit: Pater sancte, serva eos in nómīne tuo, quos dedísti mihi: ut sint unum, sicut et nos. Cum essem cum eis, ego servábam eos in nómīne tuo. Quos dedísti mihi, custodívi: et nemo ex eis pēriit, nisi filius perditionis, ut Scriptúra impleátur. Nunc autem ad te vénio: et hęc loquor in mundo, ut hábēant gáudium meum implētum in semet-ípsīs. Ego dedi eis sermónem tuum, et mundus eos ódio hábuit, quia non sunt de mundo, sicut et ego non sum de mundo. Non rogo, ut tollas eos de mundo, sed ut serves eos a malo. De mundo non sunt, sicut et ego non sum de mundo. Sanctífica eos in veritatē. Sermo tuus véritas est. Sicut tu me misísti in mundum, et ego misi eos in mundum. Et pro eis ego sanctífico meípsum, ut sint et ipsi sanctificáti in veritatē. Non pro eis autem rogo tantum, sed et pro eis, qui creditúri sunt per verbum eórum in me: ut omnes unum sint, sicut tu, Pater, in me, et ego in te, ut et ipsi in nobis unum sint: ut credat mundus, quia tu me misísti. Et ego claritátem, quam dedísti mihi, dedi eis, ut sint unum, sicut et nos unum sumus. Ego in eis, et tu in me, ut sint consummáti in unum.

Antiphona ad Offertorium Rom. 15, 5-6 Det vobis Deus idípsum sápere in altérutrum: ut unánimes uno ore honorificétis Deum nostrum. (T. P. Allelúia.)

Secreta

Múnera hęc pro unióne pópuli christiáni tibi, Dómine, oblá-

ta sanctífica: per quæ unitátis et pacis in Ecclésia tua nobis dona concédas. Per Dóminum.

Antiphona ad Communionem

1 Cor. 10, 17 Unus panis, et unum corpus multi sumus, omnes qui de uno pane, et de uno cálice participámus. (T. P. Allelúia.)

Postcommunio

Hęc tua, Dómine, sumpta sacra commúnio: sicut fidélium in te uniónem præsígnat; sic in tua Ecclésia unitátis, quásumus, operétur effectum. Per Dóminum.

21. **TEMPORE BELLII**

Antiphona ad Introitum

Ps. 24, 6, 3 et 22

Reminíscere miseratiónum tuárum, Dómine, et misericórdiæ tuæ, quæ a sáculo sunt: ne umquam dominéntur nobis inimíci nostri: libera nos, Deus Israël, ex ómnibus angústis nostris. (T. P. Allelúia, allelúia.) **Ibid., 1-2** Ad te, Dómine, levávi ánimam meam: Deus meus, in te confido, non erubescam. **¶ Glória Patri.**

Oratio

Deus, qui cónteris bella, et impugnatóres in te sperántium poténtia tuæ defensiónis expúgnas: auxiliáre fámulis tuis, implorántibus misericórdiam tuam; ut, inimicórum suórum feritatē depréssa, incessábili te gratiárum actióne laudémus. Per Dóminum.

Léctio Ieremíæ Prophétæ.

Ierem. 42, 1, 2 et 7-12

In diébus illis: Accessérunt omnes príncipes bellatórum: dixerúntque ad Ieremíam prophétam: Ora pronobis ad Dóminum Deum tuum. Et factum est verbum Dómini ad Ieremíam. Vocavítque omnes príncipes bellatórum, et univérsum pópulum a mínimo usque ad magnum. Et dixit ad eos: Hęc dicit

Dóminus Deus Israël, ad quem misístis me, ut prostérnerem preces vestras in conspéctu eius: Si quiescéntes mansérítis in terra hac, ædificábo vos, et non déstruam; plantábo, et non evéllam: iam enim placátus sum super malo, quod feci vobis. Nolíte timére a fácie regis Babylónis, quem vos pávidi formidátis; nolíte metúere eum, dicit Dóminus: quia vobíscum sum ego, ut salvos vos fáciam, et éruam de manu eius. Et dabo vobis misericórdias, et miserébor vestri, et habitáre vos fáciam in terra vestra: dicit Dóminus omnipotens.

Graduale Ps. 76, 15-16 Tu es Deus, qui facis mirabília solus: notam fecísti in géntibus virtútem tuam. **V.** Liberásti in bráccchio tuo pópulum tuum, filios Israël et Ioseph.

Allelúia, allelúia. **V. Ps. 58, 2** Eripe me de inimícis meis, Deus meus: et ab insurgéntibus in me líbera me. Allelúia.

Post Septuagesimam, omissis Allelúia, et versu sequenti, dicitur

Tractus Ps. 102, 10 Dómine, non secúndum peccáta nostra, quæ fécimus nos: neque secúndum iniquitátes nostras retríbuas nobis. **V. Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis. **V.** Adiuva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

Tempore autem paschali omititur graduale, et eius loco dicitur:

Allelúia, allelúia. **V. Ps. 58, 2** Eripe me de inimícis meis, Deus meus: et ab insurgéntibus in me líbera me. Allelúia. **V. Ibid., 17** Ego autem cantábo fortitúdinem tuam: et ex-

sultábo mane misericórdiam tuam. Allelúia.

✠ **Sequéntia sancti Evangélíi secúndum Matthæum.**

Matth. 24, 3-8

In illo témpore: Accessérunt ad Iesum discípuli secréto, dicéntes: Dic nobis, quando hæc erunt? et quod signum advéntus tui, et consummationis sáculi? Et respóndens Iesus, dixit eis: Vidéte, ne quis vos sedúcat. Multi enim vénient in nómine meo, dicéntes: Ego sum Christus: et multos sedúcent. Auditóri enim estis prælia, et opiniónes præliórum. Vidéte ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum, et erunt pestiléntiæ, et fames, et terræmótus per loca. Hæc autem ómnia, inítia sunt dolórum.

Antiphona ad Offertorium Ps. 17, 28 et 32 Pópulum húmilem salvum fácies, Dómine, et óculos superbórum humiliábis: quóniam quis Deus præter te, Dómine? (T. P. Allelúia.)

Secreta

Sacrificium, Dómine, quod immolámus, inténde placátus: ut ab omni nos éruat bellórum nequítia, et in tuæ protectiόνis securitate constítuat. Per Dóminum.

Antiphona ad Communionem Ps. 30, 3 Inclína aurem tuam: accélera, ut erípias nos. (T. P. Allelúia.)

Postcommunio

Deus, regnórum ómnium regúmque dominátor, qui nos et percutiéndó sanas, et ignoscéndó consérvas: præténdé nobis misericórdiam tuam; ut tranquillitáte pacis, tua potestáte serváta, ad remédia correctiόνis utámur. Per Dóminum.

22. PRO PACE

Antiphona ad Introitum

Eccli. 36, 18

Da pacem, Dómine, sustinéntibus te, ut prophétæ tui fidéles inveniántur: exáudi preces servi tui, et plebis tuæ Israël. (T. P. Allelúia, allelúia.) Ps. 121, 1 Lætátus sum in his, quæ dicta sunt mihi: in domum Dómini íbimus. V. Glória Patri.

Oratio

Deus, a quo sancta desidéria, recta consília et iusta sunt ópera: da servis tuis illam, quam mundus dare non potest, pacem; ut et corda nostra mandátis tuis dedita, et, hóstium sublata formídine, témpora sint, tua protectióne, tranquílla. Per Dóminum.

Lectio libri Machabæórum.

2 Mach. 1, 1-5

Frátribus, qui sunt per Ægýptum, Iudæis, salútem dicunt fratres, qui sunt in Ierosólymis, Iudæi, et qui in regiône Iudææ, et pacem bonam. Benefáciat vobis Deus, et memínerit testaménti sui, quod locútus est ad Abraham, et Isaac, et Iacob, servórum suórum fidélium: et det vobis cor ómnibus ut colátis eum, et faciátis eius voluntátem, corde magno, et ánimo volénti. Adapériat cor vestrum in lege sua, et in præcéptis suis, et fáciat pacem. Exáudiat oratiónes vestras, et reconciliétur vobis, nec vos déserat in témpore malo, Dóminus Deus noster.

Graduale Ps. 121, 6-7 Rogáte quæ ad pacem sunt Ierúsalem: et abundantia diligéntibus te. V. Fiat pax in virtúte tua, et abundantia in túribus tuis.

Allelúia, allelúia. V. Ps. 147, 12 Lauda, Ierúsalem, Dóminum: lauda Deum tuum, Sion. Allelúia.

Post Septuagesimam, omissis Allelúia, et versu sequenti, dicitur

Tractus Ps. 75, 2-4 Notus in Iudæa Deus, in Israël magnum nomen eius. V. Et factus est in pace locus eius, et habitatio eius in Sion. V. Ibi confrégit poténtias árcuum, scutum, gládium, et bellum.

Tempore autem paschali omititur graduale, et eius loco dicitur:

Allelúia, allelúia. V. Ps. 147, 12 Lauda, Ierúsalem, Dóminum: lauda Deum tuum, Sion. Allelúia. V. Ibid., 14 Qui pósuit fines tuos pacem, et ádipe fruménti sátiat te. Allelúia.

✠ **Sequéntia sancti Evangélii secúndum Ioánnem.**

Ioann. 20, 19-23

In illo témpore: Cum sero esset die illo, una sabbatórum, et fores essent clausæ, ubi erant discípuli congregáti propter metum Iudæórum: venit Iesus, et stetit in médio, et dixit eis: Pax vobis. Et cum hoc dixisset, osténdit eis manus, et latus. Gavísi sunt ergo discípuli, viso Dómino. Dixit ergo eis íterum: Pax vobis. Sicut misit me Pater, et ego mitto vos. Hæc cum dixisset, insufflavit, et dixit eis: Accípite Spíritum Sanctum: quorum remiséritis peccáta, remittúntur eis: et quorum retinuéritis, reténta sunt.

Antiphona ad Offertorium Ps. 134, 3 et 6 Laudáte Dóminum, quia benígnus est: psállite nómini eius, quóniam suávis est: ómnia quæcúmque vóluit, fecit in cælo et in terra. (T. P. Allelúia.)

Secreta

Deus, qui credéntes in te pópulos nullis sinis cóncuti terróribus: dignáre preces et hóstias dicátæ tibi plebis suscípere; ut pax a tua pietáte concéssa, christianórum fines ab omni hoste fáciat esse secúros. Per Dóminum.

Antiphona ad Communionem
Ioann. 14, 27 Pacem relinquo vobis: pacem meam do vobis, dicit Dóminus. (T. P. Allelúia.)

Postcommunio

Deus, auctor pacis et amátor, quem nosse vivere, cui servíre regnare est: prótege ab ómnibus impugnatióibus súpplices tuos; ut, qui in defensióne tua confidimus, nullius hostilitátis arma timeámus. Per Dóminum.

23. TEMPORE MORTALITATIS

Antiphona ad Introitum

2 Reg. 24, 16

Recordáre, Dómine, testaménti tui, et dic Angelo percutiénti: Cesset iam manus tua, et non desolétur terra, et ne perdas omnem ánimam vivéntem. (T. P. Allelúia, allelúia.) **Ps. 79, 2** Qui regis Israël, inténde: qui dedúcis, velut ovem, Ioseph. **V.** Glória Patri.

Oratio

Deus, qui non mortem, sed pæniténtiam desíderas peccatórum: pópulum tuum ad te reverténtem propítius réspice; ut, dum tibi devótus exsístit, iracúndiæ tuæ flagélla ab eo cleménter amóveas. Per Dóminum.

Léctio libri Regum.

2 Reg. 24, 15-19 et 25

In diébus illis: Immísit Dóminus pestiléntiam in Israël, de mane usque ad tempus constitútum, et mórtui sunt ex pópulo, a Dan usque ad Bersabée, septuagínta mília virórum. Cumque extendísset manum suam Angelus Dómini super Ierúsalem, ut dispérderet eam, misértus est Dóminus super afflictióne, et ait Angelo percutiénti pópulum: Súfficit: nunc cóntine manum tuam. Erat autem Angelus Dómini iuxta áream Aréuna Iebusái. Dixítque David ad Dóminum, cum vi-

dísset Angelum cædéntem pópulum: Ego sum qui peccávi, ego inique egi: isti, qui oves sunt, quid fecérunt? Vertátur, óbsecro, manus tua contra me, et contra domum patris mei. Venit autem Gad prophéta ad David in die illa, et dixit ei: Ascénde, et constitue altáre Dómino in área Aréuna Iebusái. Et ascéndit David iuxta sermónem Gad, quem præcéperat ei Dóminus. Et ædificávit altáre Dómino, et obtulit holocáusta et pacífica: et propitiátus est Dóminus terræ, et cohíbita est plaga ab Israël.

Graduale Ps. 106, 20-21 Misit Dóminus verbum suum, et sanávit eos: et erípuit eos de morte eórum. **V.** Confiteántur Dómino misericórdiæ eius: et mirabília eius filiis hóminum.

Allelúia, allelúia. **V. Ps. 68, 2** Salvum me fac, Deus, quóniam intravérunt aquæ usque ad ánimam meam. Allelúia.

Post Septuagesimam, omissis Allelúia, et versu sequenti, dicitur

Tractus Ps. 102, 10 Dómine, non secúndum peccáta nostra, quæ fécimus nos: neque secúndum iniquitátes nostras retríbuas nobis. **V. Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis. **V.** Aduva nos, Deus salutaris noster: et propter glóriam nóminis tui, Dómine, líbera nos, et propítius esto peccátis nostris, propter nomen tuum.

Tempore autem paschali omititur graduale, et eius loco dicitur:

Allelúia, allelúia. **V. Ps. 68, 2** Salvum me fac, Deus, quóniam intravérunt aquæ usque ad ánimam meam. Allelúia. **V. Zach. 8, 7 et 8** Salvábo pópulum meum Israël in die malo, et ero eis in Deum, in veritáte et iustítia. Allelúia.

✠ Sequéntia sancti Evangélíi secúndum Lucam.

Luc. 4, 38-44

In illo témpore: Surgens Iesus de synagóga, introívit in domum Simónis. Socrus autem Simónis tenebátur magnis fébribus: et rogavérunt illum pro ea. Et stans super illam, imperávit febrí: et dimísit illam. Et contínuo surgens, ministrábat illis. Cum autem sol occidísset, omnes qui habébant infirmos váriis languóribus, ducébant illos ad eum. At ille síngulis manus impónens, curábat eos. Exíbant autem dæmónia a multis, clamántia, et dicéntia: Quia tu es Fílius Dei: et increpans non sinébat ea loqui, quia sciébant ipsum esse Christum. Facta autem die egréssus ibat in desértum locum, et turbæ requirébant eum, et venérunt usque ad ipsum: et detinébant illum ne discéderet ab eis. Quibus ille ait: Quia et áliis civitatibus opórtet me evangelizáre regnum Dei: quia ídeo missus sum. Et erat prædicans in synagógis Galilææ.

Antiphona ad Offertorium Num. 16, 48 Stetit pónitífex inter mórtuos et vivos, habens thuríbulum áureum in manu sua: et ófferens incénsi sacrificium, placávit iram Dei, et cessávit quassátio a Dómino. (T. P. Allelúia.)

Secreta

Subvéniat nobis, quæsumus, Dómine, sacrificii præsentis oblátio: quæ nos et ab erróribus univér-sis poténter absólvat, et a totíus erípiat perditiónis incúrsu. Per Dóminum.

Antiphona ad Communionem Luc. 6, 17, 18 et 19 Multitúdo languéntium, et qui vexabántur a spirítibus immúndis, veniébant ad eum: quia virtus de illo exíbat, et sanábat omnes. (T. P. Allelúia.)

Postcommunio

Exáudi nos, Deus salutáris noster: et pópulum tuum ab iracúndiæ tuæ terróribus líberum, et misericórdiæ tuæ fac largitáte secúrum. Per Dóminum.

24. PRO REMISSIONE PECCATORUM

Antiphona ad Introitum

Sap. 11, 24, 25 et 27

Miseréris ómnium, Dómine, et nihil odísti eórum, quæ fecísti: dissimulans peccáta hóminum propter pæniténtiam, et parcens illis: quia tu es Dóminus Deus noster. (T. P. Allelúia, allelúia.) Ps. 56, 2 Miserére mei, Deus, miserére mei: quóniam in te confidit ánima mea. V. Glória Patri.

Oratio

Exáudi, quæsumus, Dómine, supplicum preces, et confiténtium tibi parce peccátis: ut páriter nobis indulgéntiam tríbuas benígnus, et pacem. Per Dóminum.

Léctio Epístolæ beáti Pauli Apóstoli ad Romános.

Rom. 7, 22-25

Fratres: Condeléctor legi Dei secúndum interiórem hóminem: vídeo autem áliam legem in membris meis, repugnántem legi mentis meæ, et captivántem me in lege peccáti, quæ est in membris meis. Infélix ego homo, quis me liberábit de córpore mortis huius? Grátia Dei per Iesum Christum Dóminum nostrum.

Graduale Ps. 78, 9-10 Propítius esto, Dómine, peccátis nostris, ne quando dicant gentes: Ubi est Deus eórum? V. Ibid., 9 Aduva nos, Deus salutáris noster: et propter honórem nóminis tui, Dómine, líbera nos.

Allelúia, allelúia. V. Ps. 7, 12 Deus iudex iustus, fortis et pátiens: num-

quid irascétur per singulos dies? Allelúia.

Post Septuagesimam, omissis Allelúia, et versu sequenti, dicitur

Tractus Ps. 129, 1-4 De profúndis clamávi ad te, Dómine: Dómine, exáudi vocem meam. **V.** Fiant aures tuæ intendéntes in oratióem servi tui. **V.** Si iniquitátes observáveris, Dómine: Dómine, quis sustinébit? **V.** Quia apud te propitiatio est: et propter legem tuam sustínui te, Dómine.

Tempore autem paschali omititur graduale, et eius loco dicitur:

Allelúia, allelúia. **V. Ps. 7, 12** Deus iudex iustus, fortis et pátiens: numquid irascétur per singulos dies? Allelúia. **V. Ps. 50, 10** Audítui meo dabis gáudium, et lætítiam: et exsultábunt ossa humiliáta. Allelúia.

✠ Sequéntia sancti Evangélíi secúndum Lucam. **Luc. 11, 9-13**

In illo témpore: Dixit Iesus discí-pulis suis: Pétite, et dábitur vobis: quærite, et inveniétis: pulsáte, et aperiétur vobis. Omnis enim qui petit, áccipit: et qui quærit, ínvenit: et pulsánti aperiétur. Quis autem ex vobis patrem petit panem: numquid lápidem dabit illi? Aut piscem: numquid pro pisce serpén-tem dabit illi? Aut si petíerit ovum: numquid pórriget illi scoriónem? Si ergo vos cum sitis mali, nostis bona data dare filiis vestris: quanto magis Pater vester de cælo dabit spíritum bonum peténtibus se?

Antiphona ad Offertorium Ps. 101, 2 Dómine, exáudi oratióem meam: et clamor meus ad te pervéniat. (T. P. Allelúia.)

Secreta

Hóstias tibi, Dómine, placatiónis et laudis offérimus: ut et de-lícta nostra miserátus absólvas, et nutántia corda tu dírigas. Per Dóminum.

Antiphona ad Communionem
Luc. 11, 9-10 Pétite, et accipiétis: quærite, et inveniétis: pulsáte, et aperiétur vobis. Omnis enim qui petit, áccipit: et qui quærit, ínvenit: et pulsánti aperiétur. (T. P. Allelúia.)

Postcommunio

Præsta nobis, ætérne Salvátor: ut percipiéntes hoc múnere véniam peccatórum, deinceps peccáta vitémus. Per Dóminum.

25. PRO PEREGRINANTIBUS, ITER AGENTIBUS ET PROFUGIS

Antiphona ad Introitum

Ps. 25, 11-12

Rédime me, Dómine, et misere-rere mei: pes enim meus stetit in via recta: in ecclésiis benedícam Dóminum. (T. P. Allelúia, allelúia.) **Ps. ibid., 1** Iúdica me, Dómine, quóniam ego in innocéntia mea ingrèssus sum: et in Dómino sperans non infirmábor. **V.** Glória Patri.

Oratio

Adéstó, Dómine, supplicatióibus nostris: et viam famulórum tuórum in salútis tuæ prosperitáte dispóne; ut inter omnes viæ et vitæ huius varietátes, tuo semper protegántur auxílio. Per Dóminum.

Léctio libri Génesis.

Gen. 28, 10-12, 13-15;
18 et 20-22

In diébus illis: Egrèssus Iacob de Bersabée, pergébat Haran. Cumque venísset ad quendam locum, et vellet in eo requiércere post solis occúbitum, tulit de lapídibus qui iacébant, et supponens cápiti suo, dormívit in eódem loco. Vidítque in somnis Dóminum dicéntem sibi: Ego sum Dóminus Deus Abraham patris tui, et Deus Isaac: terram, in qua dormis, tibi dabo et sémini tuo. Erítque semen tuum quasi pul-

vis terræ: dilatáberis ad Occidéntem, et Oriéntem, et Septentriónem, et Merídiem: et benedicéntur in te, et in sémíne tuo cunctæ tribus terræ. Et ero custos tuus quocúmque perréxeris, et redúcám te in terram hanc; nec dimíttam nisi complévero univérsa quæ dixi. Surgens ergo Iacob mane, tulit lápidem, quem supposúerat cápiti suo, et eréxit in títulum, fundens óleum désuper. Vovit étiam votum, dicens: Si fúerit Deus mecum, et custodíerit me in via, per quam ego ámbulo, et déderit mihi panem ad vescéndum, et vestiméntum ad induéndum, reversúsque fúero prospere ad domum patris mei: erit mihi Dóminus in Deum, et lapis iste, quem eréxi in títulum, vocabitur domus Dei: cunctórúmque, quæ déderis mihi, décimas ófferam tibi.

Graduale Ps. 22, 4 Si ámbulem in médio umbræ mortis, non timébo mala, quóniam tu mecum es, Dómine. **V.** Virga tua, et báculus tuus ipsa me consoláta sunt.

Allelúia, allelúia. **V. Ps. 118, 133** Gressus meos dirige secúndum elóquium tuum: ut non dominétur mei omnis iniustítia. Allelúia.

Post Septuagesimam, omissis Allelúia, et versu sequenti, dicitur

Tractus Ps. 90, 11-13 Angelis suis Deus mandávit de te, ut custódiant te in ómnibus viis tuis. **V.** In mánibus portábunt te, ne umquam offéndas ad lápidem pedem tuum. **V.** Super áspidem et basilíscum ambulábis, et conculcábis leónem et draconem.

Tempore autem paschali omititur graduale, et eius loco dicitur:

Allelúia, allelúia. **V. Ps. 118, 133** Gressus meos dirige secúndum elóquium tuum: ut non dominétur mei omnis iniustítia. Allelúia. **V. Ps. 121, 1** Lætátus sum in his, quæ dicta

sunt mihi: in domum Dómini íbimus. Allelúia.

✠ **Sequéntia sancti Evangélii secúndum Matthæum.**

Matth. 10, 7-14

In illo témpore: Dixit Iesus discípulis suis: Eúntes, prædicáte, dicéntes: Quia appropinquávit regnum cælórum. Infirmos curáte, mórtuos suscitáte, leprósos mundaáte, dámones eícite: gratis accepístis, gratis date. Nolíte possidére aurum, neque argéntum, neque pecúniam in zonis vestris: non peram in via, neque duas túnicas, neque calceaménta, neque virgam: dignus enim est operárius cibo suo. In quamcúmque autem civitátem, aut castéllum intravéritis, interrogáte quis in ea dignus sit: et ibi manéte donec exeátis. Intrántes autem in domum, salutáte eam, dicéntes: Pax huic dómui. Et si quidem fúerit domus illa digna, véniet pax vestra super eam: si autem non fúerit digna, pax vestra revertétur ad vos. Et quicúmque non recéperit vos, neque audíerit sermónes vestros: exeúntes foras de domo, vel civitáte, excútite púlverem de pédibus vestris.

Antiphona ad Offertorium Ps. 16, 5 et 6-7 Pérfice gressus meos in sémitis tuis, ut non moveántur vestigia mea: inclína aurem tuam mihi, et exáudi verba mea: mirífica misericórdias tuas, qui salvos facis sperántes in te, Dómine. **(T. P. Allelúia.)**

Secreta

Propitiáre, Dómine, supplicatió-nibus nostris, et has oblatiões, quas tibi offérimus pro fámulis tuis, benígnus assúme: ut viam illórum et præcedénte grátia tua dirigas, et subsequénte comitári dignéris; ut de actu atque incolumitáte eórum, secúndum misericórdiæ tuæ præsidia gaudeámus. Per Dóminum.

Antiphona ad Communionem
Ps. 118, 4-5 Tu mandásti mandáta tua custodíri nimis: útinam dirigántur viæ meæ, ad custodiéndas iustificatiónes tuas. (T. P. Allelúia.)

Postcommunio

Tua, Dómine, sacraménta quæ sumpsimus, fámulos tuos in te sperántes custodiant: et contra omnes advérsos tueántur incúrsus. Per Dóminum.

26. PRO INFIRMIS

Antiphona ad Introitum

Ps. 54, 2-3

Exáudi, Deus, oratióem meam, et ne despéxeris deprecatióem meam: inténde in me, et exáudi me. (T. P. Allelúia, allelúia.)
Ps. ibid., 3-4 Contristátus sum in exercitatióne mea: et conturbátus sum a voce inimíci, et a tribulatióne peccatóris. **¶** Glória Patri.

1 Pro pluribus infirmis

Oratio

Omnípotens sempitérne Deus, salus æténa credéntium: exáudi nos pro fámulis tuis infirmis, pro quibus misericórdiæ tuæ implorámus auxílium; ut, réddita sibi sanitáte, gratiárum tibi in Ecclésia tua réferant actiões. Per Dóminum.

2 Pro uno infirmo vel una infirma

Oratio

Omnípotens sempitérne Deus, salus æténa credéntium: exáudi nos pro fámulo tuo infirmo (fámula tua infirma) pro quo (qua) misericórdiæ tuæ implorámus auxílium; ut, réddita sibi sanitáte, gratiárum tibi in Ecclésia tua réferat actiões. Per Dóminum.

3 Pro infirmo qui proximus est morti

Oratio

Omnípotens et miséricors Deus, qui humáno géneri et salútis

remédia, et vitæ ætépnæ múnera contulísti: réspice propítius fámulum tuum (fámulam tuam) infirmitáte córporis laborántem, et ánimam réfove, quam creásti; ut in hora éxitus illíus, absque peccáti mácula tibi Creatóri suo per manus sanctórum Angelórum repræsentári mereátur. Per Dóminum.

4 Pro pluribus infirmis qui proximi sunt morti

Oratio

Omnípotens et miséricors Deus, qui humáno géneri et salútis remédia, et vitæ ætépnæ múnera contulísti: réspice propítius fámulos tuos (fámulas tuas) infirmitáte córporis laborántes, et ánimas réfove, quas creásti; ut in hora éxitus illórum, absque peccáti mácula tibi Creatóri suo per manus sanctórum Angelórum repræsentári mereántur. Per Dóminum.

Léctio Epístolæ beáti Iacóbi Apóstoli.

Iac. 5, 13-16

Caríssimi: Tristátur áliquis vestrum? oret. Æquo ánimo est? psallat. Infirmátur quis in vobis? indúcat presbýteros Ecclésiæ, et orent super eum, ungéntes eum óleo in nómine Dómini: et orátio fidei salvábit infirmum, et alleviábit eum Dóminus: et si in peccátis sit, remitténtur ei. Confitémini ergo altérutrum peccáta vestra, et oráte pro ínvicem, ut salvémini.

Graduale Ps. 6, 3-4 Miserére mihi, Dómine, quóniam infirmus sum: sana me, Dómine. **¶** Conturbáta sunt ómnia ossa mea: et ánima mea turbáta est valde.

Allelúia, allelúia. **¶ Ps. 101, 2** Dómine, exáudi oratióem meam: et clamor meus ad te pervéniat. Allelúia.

Post Septuagesimam, omissis Allelúia, et versu sequenti, dicitur

Tractus Ps. 30, 10-11 Miserere mei, Dómine, quóniam tríbulor: conturbátus est in ira óculus meus, ánima mea, et venter meus. **¶** Quóniam defécit in dolóre vita mea, et anni mei in gemítibus. **¶** Infirmáta est in paupertáte virtus mea: et ossa mea conturbáta sunt.

Tempore autem paschali omit- titur graduale, et eius loco dicitur:

Allelúia, allelúia. **¶** Ps. 101, 2 Dómine, exáudi oratióem meam: et clamor meus ad te pervéniat. Allelúia. **¶** Ps. 27, 7 In Deo sperávit cor meum, et adiútus sum: et reflóruit caro mea, et ex voluntáte mea confitébor ei. Allelúia.

✠ Sequéntia sancti Evangélíi secúndum Mattháum.

Matth. 8, 5-13

In illo témpore: Cum introísset Iesus Caphárnaum, accéssit ad eum centúrio, rogans eum, et dicens: Dómine, puer meus iacet in domo paralýticus, et male torqué- tur. Et ait illi Iesus: Ego véniam, et curábo eum. Et respóndens centúrio, ait: Dómine, non sum dignus, ut intres sub tectum meum: sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites, et dico huic: Vade, et vadit; et álíi: Veni, et venit; et servo meo: Fac hoc, et facit. Audiens autem Iesus, mirátus est, et sequéntibus se dixit: Amen dico vobis, non invéni tantam fidem in Israël. Dico autem vobis, quod multi ab Oriénte et Occidénte vénient, et recumbent cum Abraham, et Isaac, et Iacob in regno cælórum: filii autem regni eiciéntur in ténebras exterióres: ibi erit fletus, et stridor déntium. Et dixit Iesus centurióni: Vade, et sicut credidisti, fiat tibi. Et sanátus est puer in illa hora.

Antiphona ad Offertorium Ps. 54,

2-3 Exáudi, Deus, oratióem meam, et ne despéxeris deprecationem meam: inténde in me, et exáudi me. (T. P. Allelúia.)

1 Pro pluribus infirmis

Secreta

Deus, cuius nútibus vitæ nostræ moménta decúrrunt: súscipe preces et hóstias famulórum tuórum, pro quibus ægrotántibus misericórdiam tuam implorámus; ut, de quorum perículo metúimus, de eórum salúte lætémur. Per Dóminum.

2 Pro uno infirmo vel una infirma

Secreta

Deus, cuius nútibus vitæ nostræ moménta decúrrunt: súscipe preces et hóstias fámuli tui (fámulæ tuæ) pro quo (qua) ægrotánte misericórdiam tuam implorámus; ut, de cuius perículo metúimus, de eius salúte lætémur. Per Dóminum.

3 Pro infirmo qui proximus est morti

Secreta

Súscipe, quæsumus, Dómine, hóstiam, quam tibi offérimus pro fámulo tuo (fámula tua) in extrémó vitæ constitúto (constitúta): et concéde, ut per eam univérsa illíus purgéntur delícta; ut, qui (quæ) tuæ dispositiόνis flagéllis in hac vita attéritur, in futúra réquiem consequátur ætérrnam. Per Dóminum.

4 Pro pluribus infirmis qui proximi sunt morti

Secreta

Súscipe, quæsumus, Dómine, hóstiam, quam tibi offérimus pro fámulis (famulábus) tuis in extrémó vitæ constitútis: et concéde, ut per eam univérsa illórum (illárum) purgéntur delícta; ut, qui (quæ) tuæ dispositiόνis flagéllis in hac vita atterúntur, in futúra réquiem consequántur ætérrnam. Per Dóminum.

Antiphona ad Communionem
Ps. 30, 17-18 Illúmina fáciem tuam
 super servum tuum, et salvum me
 fac in tua misericórdia: Dómine,
 non confúndar, quóniam invocávi
 te. (T. P. Allelúia.)

1 Pro pluribus infirmis
Postcommunio

Deus, infirmitátis humánæ sin-
 guláre præsidium: auxilií tui
 super infirmos fámulos tuos osténde
 virtútem; ut, ope misericórdiæ tuæ
 adiúti, Ecclesiæ tuæ sanctæ incólum-
 es repræsentári mereántur. Per
 Dóminum.

2 Pro uno infirmo vel una infirma
Postcommunio

Deus, infirmitátis humánæ sin-
 guláre præsidium: auxilií tui
 super infirmum fámulum tuum (in-
 firmam fámulam tuam) osténde
 virtútem; ut, ope misericórdiæ tuæ
 adiútus (adiúta) Ecclesiæ tuæ sanc-
 tæ incólumis repræsentári mereátur.
 Per Dóminum.

3 Pro infirmo qui proximus est
morti

Postcommunio

Quæsumus cleméntiam tuam,
 omnípotens Deus, ut per huius
 virtútem sacraménti fámulum
 tuum (fámulam tuam) grátia tua
 confirmáre dignéris: ut in hora mor-
 tis eius non præváleat contra eum
 (eam) adversárius; sed cum Ange-
 lis tuis tránsitum habére mereátur
 ad vitam. Per Dóminum.

4 Pro pluribus infirmis qui pro-
ximi sunt morti

Postcommunio

Quæsumus cleméntiam tuam,
 omnípotens Deus, ut per huius
 virtútem sacraménti fámulos tuos
 (fámulas tuas) grátia tua confir-
 máre dignéris: ut in hora mortis
 eórum non præváleat contra eos
 (eas) adversárius; sed cum Angelis
 tuis tránsitum habére mereántur
 ad vitam. Per Dóminum.

27. AD POSTULANDAM
GRATIAM BENE MORIENDI

Antiphona ad Introitum

Ps. 12, 4

Illúmina óculos meos, ne um-
 quam obdórmiam in morte, ne
 quando dicat inimícus meus:
 Præválui advérsus eum. (T. P. Alle-
 lúia, allelúia.) **Ps. ibid., 1** Usquequo,
 Dómine, obliviscéris me in finem?
 úsquequo avértis fáciem tuam a
 me? **℣.** Glória Patri.

Oratio

Omnípotens et miséricors Deus,
 qui humáno géneri et salutis
 remédia, et vitæ æternæ múnera
 contulísti: réspice propítius nos fá-
 mulos tuos, et ánimas réfove, quas
 creásti; ut in hora éxitus eárum,
 absque peccáti mácula tibi Creatóri
 suo per manus sanctórum Angeló-
 rum repræsentári mereántur. Per
 Dóminum.

Léctio Epístolæ beáti Pauli Apóstoli
 ad Romános. **Rom. 14, 7-12**

Fratres: Nemo nostrum sibi vivit,
 et nemo sibi móritur. Sive enim
 vivimus, Dómino vivimus: sive mó-
 rimur, Dómino mórimur. Sive ergo
 vivimus, sive mórimur, Dómini su-
 mus. In hoc enim Christus mórtuus
 est, et resurréxit: ut et mortuórum,
 et vivórum dominétur. Tu autem
 quid iúdicas fratrem tuum? aut tu
 quare spernis fratrem tuum? Om-
 nes enim stábitus ante tribúnal
 Christi. Scriptum est enim: Vivo
 ego, dicit Dóminus, quóniam mihi
 flectétur omne genu: et omnis lin-
 gua confitébitur Deo. Itaque unus-
 quisque nostrum pro se ratióem
 reddet Deo.

Graduale Ps. 22, 4 Si ámbulem
 in médio umbræ mortis, non timébo
 mala: quóniam tu mecum es, Dó-
 mine. **℣.** Virga tua, et báculus tuus,
 ipsa me consoláta sunt.

Allelúia, allelúia. **Ps. 30, 2-3** In te, Dómine, sperávi, non confúndar in ætérnum: in iustítia tua líbera me, et éripe me: inclína ad me aurem tuam, accélera, ut erípias me. Allelúia.

Post Septuagesimam, omissis Allelúia, et versu sequenti, dicitur

Tractus Ps. 24, 17-18 et 1-4 De necessitatibus meis éripe me, Dómine: vide humilitátem meam, et labórem meum: et dimítte ómnia peccáta mea. **Ps. Ad te, Dómine, levávi ánimam meam: Deus meus, in te confido, non erubéscam: neque irrídeant me inimíci mei. Ps. Etenim univérsti, qui te exspéctant, non confundéntur: confundántur omnes faciéntes vana.**

Tempore autem paschali omititur graduale, et eius loco dicitur:

Allelúia, allelúia. **Ps. 113, 1** In éxitu Israél de Ægýpto, domus Iacob de pópulo bárbaro. Allelúia. **Ps. 107, 2** Parátum cor meum, Deus, parátum cor meum: cantábo, et psallam tibi, glória mea. Allelúia.

✠ Sequéntia sancti Evangélíi secúndum Lucam. **Luc. 21, 34-36**

In illo témpore: Dixit Iesus discipulis suis: Atténdite vobis, ne forte gravéntur corda vestra in crápula, et ebrietáte, et curis huius vitæ: et supervéniat in vos repentiná dies illa: tamquam láqueus enim supervéniet in omnes, qui sedent super fáciem omnis terræ. Vigiláte itaque, omni témpore orántes, ut digni habeámini fúgere ista ómnia, quæ futúra sunt, et stare ante Fílium hóminis.

Antiphona ad Offertorium Ps. 30, 15-16 In te sperávi, Dómine; dixi: Tu es Deus meus, in mánibus tuis témpora mea. (T. P. Allelúia.)

Secreta

Súscipe, quæsumus, Dómine, hóstiam, quam tibi offérimus pro extrémó vitæ nostræ, et concéde:

ut per eam univérsta nostra purgéntur delícta; ut, qui tuæ dispositiónis flagéllis in hac vita attérimur, in futúra réquiem consequámur ætérnam. Per Dóminum.

Antiphona ad Communionem Ps. 70, 16-17 et 18 Dómine, memorábor iustítia tuæ solius: Deus, docuísti me a iuventúte mea: et usque in senéctam et sénium, Deus, ne derelínquas me. (T. P. Allelúia.)

Postcommunio

Quæsumus cleméntiam tuam, omnípotens Deus, ut per huius virtútem sacraménti nos fámulos tuos grátia tua confirmári dignéris: ut in hora mortis nostræ non præváleat contra nos adversárius; sed cum Angelis tuis tránsitum habére mereámur ad vitam. Per Dóminum.

28. PRO QUACUMQUE NECESSITATE

Antiphona ad Introitum

Salus pópuli ego sum, dicit Dóminus: de quacúmque tribulatione clamáverint ad me, exáudiam eos: et ero illórum Dóminus in perpétuum. (T. P. Allelúia, allelúia.) **Ps. 77, 1** Atténdite, pópule meus, legem meam: inclínate aurem vestram in verba oris mei. **Ps. Glória Patri.**

Oratio

Ineffábilem misericórdiam tuam, Dómine, nobis cleménter osténde: ut simul nos et a peccátis ómnibus éxuas; et a pænis, quas pro his merémur, erípias. Per Dóminum.

Léctio Ieremíæ Prophétæ.

Ierem. 14, 7-8 et 9

Si iniquitátes nostræ respónderint nobis: Dómine, fac propter nomen tuum, quóniam multæ sunt aversiónes nostræ, tibi peccávimus. Exspectátio Israél, salvátor eius in témpore tribulatiónis. Tu autem

in nobis es, Dómine, et nomen tuum invocátum est super nos, ne derelínquas nos, Dómine Deus noster.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. **V.** In Deo laudábimur tota die: et in nómine tuo confitébimur in sácula.

Allelúia, allelúia. **V. Ps. 78, 9-10** Propítius esto, Dómine, peccátis nostris, nequándo dicant gentes: Ubi est Deus eórum? Allelúia.

Post Septuagesimam, omissis Allelúia, et versu sequenti, dicitur

Tractus Ps. 24, 17-18 et 1-4 De necessitatibus meis éripe me, Dómine: vide humilitátem meam, et labórem meum: et dimítte ómnia peccáta mea. **V.** Ad te, Dómine, levávi ánimam meam: Deus meus, in te confido, non erubéscam: neque irrideant me inimíci mei. **V.** Etenim univérsi, qui te exspéctant, non confundéntur: confundántur omnes faciéntes vana.

Tempore autem paschali omititur graduale, et eius loco dicitur:

Allelúia, allelúia. **V. Ps. 78, 9-10** Propítius esto, Dómine, peccátis nostris: nequándo dicant gentes: Ubi est Deus eórum? Allelúia. **V. Ps. 30, 8** Exsultábo et lætabor in misericórdia tua, quóniam respexisti humilitátem meam: salvásti de necessitatibus ánimam meam. Allelúia.

✠ Sequéntia sancti Evangélíi secúndum Marcum.

Marc. 11, 22-26

In illo témpore: Dixit Iesus discí-pulis suis: Habéte fidem Dei. Amen dico vobis, quia quicúmque díxerit huic monti: Tóllere, et míttere in mare, et non hæsitáverit in corde suo, sed credíderit quia quodcúmque díxerit fiat, fiet ei. Proptér-ea dico vobis: Omnia quæcúmque orántes pétitis, créдите quia accipiétis, et evénient vobis. Et cum

stábitis ad orándum, dimíttite, si quid habétis advérsus áliquem: ut et Pater vester, qui in cælis est, dimíttat vobis peccáta vestra. Quod si vos non dimisérítis: nec Pater vester, qui in cælis est, dimíttet vobis peccáta vestra.

Antiphona ad Offertorium Ps. 137, 7 Si ambulávero in médio tribulatiónis, vivificábis me, Dómine: et super iram inimicórum meórum exténdes manum tuam, et salvum me fáciét dextera tua. **(T. P. Allelúia.)**

Secreta

Puríficet nos, Dómine, quæsumus, múnere præséntis oblátio: et dignos sacra participatióne perficiat. Per Dóminum.

Antiphona ad Communionem Ps. 118, 49-50 Meménto verbi tui servo tuo, Dómine, in quo mihi spem dedísti: hæc me consoláta est in humilitáte mea. **(T. P. Allelúia.)**

Postcommunio

Præsta, quæsumus, Dómine: ut, terrénis afféctibus expiáti, ad supérni plenitúdinem sacraménti, cuius libávimus sancta, tendámus. Per Dóminum.

29. PRO GRATIARUM ACTIONE

¶ **Dicitur Missa de Ssma Trinitate, vel de Spiritu Sancto, vel de beata Maria Virgine, aut de aliquo Sancto canonizato, in Martyrologio romano descripto, additis, sub unica conclusione, sequentibus orationibus:**

Oratio

Deus, cuius misericórdiæ non est númerus, et bonitátis infinitus est thesáurus: piíssimæ maiestáti tuæ pro collátis donis grátias ágimus, tuam semper cleméntiam exorántes; ut, qui peténtibus postuláta concédís, eósdem non déserens, ad præmia futúra dispónas. Per Dóminum.

Secreta

Odorem, Dómine, sacrificii huius cum gratiárum actiónibus súscipe, et præsta: ut, quos exaudire, et incólumes serváre dignátus es, ab omni in pósterum adversitaté custódias; et in tuo servítio, et amóre concrêscant. Per Dóminum.

Postcommunio

Deus, qui néminem in te sperántem, nímium afflígi permíttis, sed pium précibus præstas audítum: pro postulatióibus nostris votisque suscèptis grátias ágimus, te piíssime deprecántes; ut per hæc quæ sumpsimus, a cunctis éripi mereámur advérsis. Per Dóminum.

ORATIONES DIVERSÆ

I. AD POSCENDA SUFFRAGIA
SANCTORUM

Oratio

Concéde, quæsumus, omnipotens Deus: ut intercessio sanctæ Dei Genetrícis Mariæ, sanctorúmque ómnium Apostolorum, Mártyrum, Confessorum, atque Vírginum, et ómnium electórum tuórum, nos ubíque lætíficet; ut, dum eórum mérita recólimus, patrocínia sentiámus. Per eúndem Dóminum.

Secreta

Oblátis, Dómine, placáre munéribus: et, intercedénte beáta María semper Vírgine, cum ómnibus Sanctis tuis, a cunctis nos défende periculis. Per Dóminum.

Postcommunio

Sumpsimus, Dómine, beátæ Mariæ semper Vírginis et ómnium Sanctorum tuórum memóriam recoléntes, sacraménta cæléstia: præsta, quæsumus; ut, quod temporáliter gérimus, ætéris gáudiis consequámur. Per Dóminum.

2. ALIA ORATIO UT SUPRA

¶ **In sequenti oratione et in eius postcommunione, ad litteram N., sacerdos nominare potest, ad arbitrium suum: a) sive Titularem ecclesiæ in qua celebrat; b) sive Patronum principalem nationis, vel**

regionis seu provinciæ sive ecclesiasticæ sive civilis, vel diœcesis, vel oppidi seu civitatis; c) sive, si est religiosus, Fundatorem canonizatum vel Titulum vel Patronum principalem Ordinis seu Congregationis aut Provinciæ.

Titulus autem, sive ecclesiæ sive Religionis, nominari nequit, si agatur de Persona divina vel Mysterio Domini. Insuper sive Titulus sive Patronus nominari nequit, si sit B. Maria Virgo, aut de ipso Titulo vel Patrono dicatur Missa aut facta sit commemoratio, aut illius nomen in eadem oratione A cunctis expressum sit.

Nomina Angelorum aut S. Ioannis Baptistæ, si fuerint Titulares aut Patroni, præponuntur nomini S. Ioseph.

Si vero Missa vel commemoratio fuerint de S. Ioseph aut de sanctis Apostolis Petro et Paulo, verba quæ eos respiciunt omittuntur.

Oratio

Acunctis nos, quæsumus, Dómine, mentis et córporis défende periculis: et, intercedénte beáta et gloriósa semper Vírgine Dei Genetríce Mariá, cum beáto Ioseph, beátis Apóstolis tuis Petro et Paulo, atque beáto N. et ómnibus Sanctis, salutem nobis tríbue benígnus et pacem; ut, destrúctis adversitatibus et erróribus univérsis, Ecclésiá tua

secúra tibi sérviat libertáte. Per eúndem Dóminum.

Secreta

Exáudi nos, Deus salutáris noster: ut, per huius sacraménti virtútem, a cunctis nos mentis et córporis hóstibus tueáris; grátiam tríbuens in præsentí, et glóriam in futúro. Per Dóminum.

Postcommunio

Mundet et múniat nos, quæsumus, Dómine, divíni sacraménti munus oblátum: et, intercedénte beáta Vírgine Dei Genetríce María, cum beáto Ioseph, beátis Apóstolis tuis Petro et Paulo, atque beáto **N.** et ómnibus Sanctis; a cunctis nos reddat et perversitátibus expiátos, et adversitátibus expeditos. Per eúndem Dóminum.

¶ **Vel, si Missa aut commemoratio fuerint de sancta Maria:**

Oratio

Acunctis nos, quæsumus, Dómine, mentis et córporis defénde perículis: et, intercedénte beáto Ioseph, cum beátis Apóstolis tuis Petro et Paulo, atque beáto **N.** et ómnibus Sanctis, salútem nobis tríbue benígnus et pacem; ut, destrúctis adversitátibus et erróribus univérsis, Ecclesiá tua secúra tibi sérviat libertáte. Per Dóminum.

Secreta

Exáudi nos, Deus salutáris noster: ut, per huius sacraménti virtútem, a cunctis nos mentis et córporis hóstibus tueáris; grátiam tríbuens in præsentí, et glóriam in futúro. Per Dóminum.

Postcommunio

Mundet et múniat nos, quæsumus, Dómine, divíni sacraménti munus oblátum: et, intercedénte beáto Ioseph, cum beátis Apóstolis tuis Petro et Paulo, atque beáto **N.** et ómnibus Sanctis; a cunctis nos reddat et perversitátibus

expiátos, et adversitátibus expeditos. Per Dóminum.

3. PRO LIBERTATE ECCLESIE

¶ **Dici nequit in Missa dominicæ XXIII post Pentecosten.**

Oratio

Ecclésiæ tuæ, quæsumus, Dómine, preces placátus admítte: ut, destrúctis adversitátibus et erróribus univérsis, secúra tibi sérviat libertáte. Per Dóminum.

Secreta

Prótege nos, Dómine, tuis mystériis serviéntes: ut, divínis rebus inhæréntes, et córpore tibi famulémur et mente. Per Dóminum.

Postcommunio

Quæsumus, Dómine Deus noster: ut, quos divína tríbuis participatióne gaudére, humánis non sinas subiacére perículis. Per Dóminum.

4. PRO OMNI GRADU ECCLESIE

Oratio

Omnípotens sempitérne Deus, cuius Spíritu totum corpus Ecclesiæ sanctificátur et régitur: exáudi nos pro univérsis ordínibus supplicántes: ut, grátia tuæ múnere, ab ómnibus tibi grádibus fídeliter serviátur. Per Dóminum... in unitáte eiúsdem Spíritus Sancti.

Secreta

Da fámulis tuis, Dómine, indulgéntiam peccatórum, consolatióem vitæ, gubernatióem perpétuam: ut, tibi serviéntes, ad tuam iúgiter misericórdiam perveníre mereántur. Per Dóminum.

Postcommunio

Libera, quæsumus, Dómine, a peccátis et hóstibus fámulos tuos, tibi supplicántes: ut, in sancta conversatióne vivéntes, nullis afficiántur advérsis. Per Dóminum.

5. PRO PAPA

Oratio

Deus, ómnium fidélium pastor et rector, fámulum tuum **N.**, quem pastórem Ecclésiæ tuæ præesse voluísti, propítius réspice: da ei, quæsumus, verbo et exémplo, quibus præest proficere; ut ad vitam, una cum grege sibi crédito, pervéniat sempitérnam. Per Dóminum.

Secreta

Oblátis, quæsumus, Dómine, placáre munéribus: et fámulum tuum **N.**, quem pastórem Ecclésiæ tuæ præesse voluísti, assídua protectióne gubérna. Per Dóminum.

Postcommunio

Hæc nos, quæsumus, Dómine, divíni sacraménti percéptio próteget: et fámulum tuum **N.**, quem pastórem Ecclésiæ tuæ præesse voluísti; una cum commisso sibi grege, salvet semper, et múniat. Per Dóminum.

6. PRO PRÆLATIS, ET CONGREGATIONIBUS EIS COMMISSIS

Oratio

Omnípotens sempitérne Deus, qui facis mirabília magna solus: præténde super fámulos tuos, et super congregatiónes illis commissas, spíritum grátiae salutáris; et, ut in veritaté tibi compláceant, perpétuum eis rorem tuæ benedictiónis infúnde. Per Dóminum.

Secreta

Hóstias, Dómine, famulórum tuórum placátus inténde: et quas in honórem nóminis tui devótamente pro eis celebrámus, proficere sibi séntiant ad medélam. Per Dóminum.

Postcommunio

Quos cælésti récreas múnere, perpétuo, Dómine, comitáre præsidio: et, quos fovére non désinis, dignos fieri sempitérna

redemptióne concéde. Per Dóminum.

7. PRO EPISCOPO

¶ **Dici nequit si oratio pro Papa recitata sit:**

Oratio

Deus, ómnium fidélium pastor et rector, fámulum tuum **N.**, quem pastórem Ecclésiæ **N.** præesse voluísti, propítius réspice: da ei, quæsumus, verbo et exémplo, quibus præest, proficere; ut ad vitam, una cum grege sibi crédito, pervéniat sempitérnam. Per Dóminum.

Secreta

Oblátis, quæsumus, Dómine, placáre munéribus: et fámulum tuum **N.**, quem pastórem Ecclésiæ **N.** præesse voluísti, assídua protectióne gubérna. Per Dóminum.

Postcommunio

Hæc nos, quæsumus, Dómine, divíni sacraménti percéptio próteget: et fámulum tuum **N.**, quem pastórem Ecclésiæ **N.** præesse voluísti; una cum commisso sibi grege, salvet semper, et múniat. Per Dóminum.

8. PRO SEIPSO SACERDOTE

¶ **In anniversario propriæ Ordinationis sacerdotalis, quilibet sacerdos orationi Missæ, sub unica conclusione, orationem pro seipso addere potest, modo ne occurrant festa Nativitatis et Epiphaniæ Domini, Triduum sacrum, dominica Resurrectionis, festum Ascensionis Domini, dominica Pentecostes, festa Ss. Trinitatis, Corporis Christi, Cordis Iesu et Christi Regis, necnon Commemoratio omnium Fidelium defunctorum.**

Quoties impeditur, oratio pro seipso sacerdote transferri potest in proximiorum diem similiter non impeditum.

Oratio

Omnípotens et miséricors Deus, humilitátis meæ preces benignus inténde: et me fámulum tuum, quem, nullis suffragántibus méritis, sed imménsa cleméntiæ tuæ largitáte cæléstibus mystériis servíre tribuísti, dignum sacris altáribus fac minístrum; ut, quod mea voce deprómitur, tua sanctificatióne firmétur. Per Dóminum.

Secreta

Huius, Dómine, virtúte sacraménti, peccatórum meórum máculas abstérge: et præsta; ut ad exsequéndum iniúnci officii ministérium, me tua grátia dignum efficiat. Per Dóminum.

Postcommunio

Omnípotens sempitérne Deus, qui me peccatórem sacris altáribus astáre voluísti, et sancti nóminis tui laudáre poténtiam: concéde propítius, per huius sacraménti mystérium, meórum mihi véniam peccatórum; ut tuæ maiestáti digne mérear famulári. Per Dóminum.

9. **PRO RES PUBLICAS
MODERANTIBUS****Oratio**

Omnípotens sempitérne Deus, in cuius manu sunt ómnium potestátes et ómnium iura populórum: réspice benignus ad eos, qui nos in potestáte regunt; ut ubique terrárum, dextera tua protegente, et religiónis intégritas, et pátriæ securitas indesinéter consístat. Per Dóminum.

Secreta

Propitiáre, Dómine, précibus et et hóstiis famulórum tuórum, et propter nomen tuum pátriæ defénde rectóres; ut salus serviéntium tibi princípum, pax tuórum possit esse populórum. Per Dóminum.

Postcommunio

Prótege, Dómine, fámulos tuos subsidiis pacis; et córporis et spirituálibus enútriens alimentis, a cunctis hóstibus redde secúros. Per Dóminum.

10. **PRO REGE****Oratio**

Quæsumus, omnípotens Deus: ut fámulus tuus **N.** rex noster, qui tua miseratióne suscepit regni gubernácula, virtútum étiam ómnium percípiat incrementa; quibus decénte ornátus, et vitiórum monstra devitáre, et ad te, qui via, veritas, et vita es, gratiósus váleat pervenire. Qui vivis.

Secreta

Múnera, Dómine, quæsumus, obláta sanctifica: ut et nobis Unigéniti tui corpus et sanguis fiant; et regi nostro ad obtinéndam animæ, corporisque salutem, et peragéndum iniúnci officium, te largiente, usquequaque proficiant. Per eúndem Dóminum.

Postcommunio

Hæc, Dómine, oblátio salutáris fámulum tuum **N.** regem nostrum ab ómnibus tueátur advérsis: quátenus et ecclesiásticæ pacis obtíneat tranquillitátem; et post huius témporis decúrsum, ad ætérnam pervéniat hereditátem. Per Dóminum.

11. **PRO FAMILIA****Oratio**

Defénde, quæsumus, Dómine, beáta María semper Virgine intercedente, istam ab omni adversitate famíliam: et toto corde tibi prostrátam, ab hóstium propítius tuere cleménte insídiis. Per Dóminum.

Secreta

Súscipe, quæsumus, omnípotens Deus, oblatiónem nostræ devotiõnis: et per virtutem huius sacramenti, fámulos tuos a cunctis adversitatibus prótege. Per Dóminum.

Postcommunio

Sumptis redemptionis nostræ munéribus: præsta, quæsumus, miséricors Deus; eórum nobis celebratiõne, tuæ protectiõnis contra omnes adversitates subsidium. Per Dóminum.

12. PRO CONCORDIA SERVANDA

Oratio

Deus, largitor pacis, et amátor caritátis: da fámulis tuis veram cum tua voluntate concórdiam; ut ab ómnibus, quæ nos pulsan, tentatiõnibus liberémur. Per Dóminum.

Secreta

His sacrificiis, Dómine, quæsumus, concéde placátus: ut, qui própriis orámus absólvi delíctis, non gravémur extérnis. Per Dóminum.

Postcommunio

Spíritum nobis, Dómine, tuæ caritátis infúnde: ut, quos uno pane cælésti satiásti, tua fácias pietate concórdes. Per Dóminum... in unitate eiúsdem Spíritus Sancti.

13. PRO DEFENSIONE
AB HOSTIBUS**Oratio**

Hóstium nostrórum, quæsumus, Dómine, elíde supérbiam: et eórum contumáciam dexteræ tuæ virtute prostérne. Per Dóminum.

Secreta

Huius, Dómine, virtute mystérii, et a própriis mundémur occúltis, et ab inimicórum liberémur insídiis. Per Dóminum.

Postcommunio

Protéctor noster, aspice, Deus, et ab inimicórum nos defénde

perículis: ut, omni perturbatiõne submóta, liberis tibi méntibus serviámus. Per Dóminum.

14. TEMPORE FAMIS

Oratio

Da nobis, quæsumus, Dómine, piæ supplicatiõnis efféctum: et famem propitiátus avérte; ut mortálium corda cognóscant, et te indignante tália flagélla prodíre, et te miserante cessáre. Per Dóminum.

Secreta

Deus, qui humáni géneris utrámque substántiam, præsentium múnere et aliménto végetas, et rénovas sacraménto: tríbe, quæsumus; ut eórum et corpóribus nostris subsidium non desit, et méntibus. Per Dóminum.

Postcommunio

Gubérna, quæsumus, Dómine, temporálibus aliméntis: quos dignáris ætérnis informáre mystériis. Per Dóminum.

15. TEMPORE TERRÆMOTUS

Oratio

Omnípotens sempitérne Deus, qui réspicis terram, et facis eam trémere: parce metuéntibus, propitiáre supplicibus; ut, cuius iram terræ fundaménta concutiéntem expávimus, cleméntiam contritiõnes eius sanántem iúgiter sentiámus. Per Dóminum.

Secreta

Deus, qui fundásti terram super stabilitatem suam, súscipe oblatiões et preces pópuli tui: ac treméntis terræ perículis pénitus amótiis, divínæ tuæ iracúndiæ terrores, in humánæ salútis remédia convérte; ut, qui de terra sunt, et in terram reverténtur, gáudeant se fieri sancta conversatiõe cæléstes. Per Dóminum.

Postcommunio

Tuere nos, Dómine, quæsumus, tua sancta suméntes: et terram, quam vídimus nostris iniquitatibus treméntem, supérno múnere firma; ut mortálium corda cognóscant, et te indignánte tália flagélla prodíre, et te miseránte cessáre. Per Dóminum.

16. AD PETENDAM PLUVIAM

Oratio

Deus, in quo vívimus, movémur, et sumus: plúviam nobis tríbue congruéntem; ut, præsentibus subsidiis sufficiénter adiúti, sempitérna fiduciálius appetámus. Per Dóminum.

Secreta

Oblátis, quæsumus, Dómine, placáre munéribus: et opportúnium nobis tríbue plúviæ sufficiéntis auxiliúm. Per Dóminum.

Postcommunio

Dnobis, quæsumus, Dómine, plúviam salutárem: et áridam terræ fáciem fluéntis cæléstibus dignánte infúnde. Per Dóminum.

17. AD POSTULANDAM SERENITATEM

Oratio

Ad te nos, Dómine, clamántes exáudi: et áëris serenitátem nobis tríbue supplicántibus; ut, qui iuste pro peccátis nostris affligimur, misericórdia tua præveniéntem, cleméntiam sentiámus. Per Dóminum.

Secreta

Præveniát nos, quæsumus, Dómine, grátia tua semper, et subsequátur: et has oblatiões, quas pro peccátis nostris nómini tuo consecrándas deférimus, benígnus assúme; ut, per intercessiões Sanctórum tuórum, cunctis nobis proficiant ad salutem. Per Dóminum.

G MISSALE ROM.

Postcommunio

Quæsumus, omnipotens Deus, cleméntiam tuam: ut inundántiam coérceas ímbrium, et hilaritátem vultus tui nobis impertíri dignéris. Per Dóminum.

18. AD REPELLENDAS TEMPESTATES

Oratio

Adomo tua, quæsumus, Dómine, spiritáles nequitiæ repellántur: et aëreárum discédant malígnitas tempestátum. Per Dóminum.

Secreta

Offerimus tibi, Dómine, laudes et múnera, pro concéssis beneficiis grátias referéntes, et pro concedéndis semper suppliciter deprecántes. Per Dóminum.

Postcommunio

Omnipotens sempitérne Deus, qui nos et castigándo sanas, et ignoscéndo consérvas: præsta supplicibus tuis; ut et tranquillitátibus huius optátæ consolatiónis lætémur, et dono tuæ pietátis semper utámur. Per Dóminum.

19. TEMPORE PESTIS ANIMALIUM

Oratio

Deus, qui labóribus hóminum étiam de mutis animálibus solátia subrogásti: súpplikes te rogámus; ut, sine quibus non álitur humana condítio, nostris fácias úsibus non períre. Per Dóminum.

Secreta

Sacrificiis, Dómine, placátus oblátis: opem tuam nostris temporibus cleménter impénde. Per Dóminum.

Postcommunio

Benedictiões tuas, Dómine, pópulus fidélis accípiat, qua corpore salvétur, et mente: et congruam tibi exhíbeat servitútem, et propitiatiónis tuæ beneficia semper invéniat. Per Dóminum.

20. PRO QUACUMQUE
NECESSITATE¶ **Dici nequit in Missa dominicæ
XXII post Pentecosten.****Oratio****D**eus, refúgium nostrum, et virtus: adesto piis Ecclésiæ tuæ precibus, auctor ipse pietatis, et præsta; ut, quod fidéliter pétimus, effícaciter consequámur. Per Dóminum.**Secreta****D**a, miséricors Deus: ut hæc salutáris oblátio et a própriis nos reátibus indesinénter expédíat, et ab ómnibus tueátur advérsis. Per Dóminum.**Postcommunio****S**úmpsimus, Dómine, sacri dona mystérii, humíliter deprecántes: ut quæ in tui commemoratióne nos fácere præcepísti, in nostræ proficiant infirmitátis auxiliúm: Qui vivis.21. IN QUACUMQUE
TRIBULATIONE**Oratio****N**e despicias, omnípotens Deus, pópulum tuum in afflictiónē clamántem: sed propter glóriam nóminis tui, tribulátis succúrre placátus. Per Dóminum.**Secreta****S**úscipe, Dómine, propítius hostias, quibus et te placári voluísti, et nobis salutem poténti pietáte restítui. Per Dóminum.**Postcommunio****T**ribulatióne nostram, quæsumus, Dómine, propítius respice: et iram tuæ indignatiónis, quam iuste merémur, avérte. Per Dóminum.22. AD PETENDAM
COMPUNCTIONEM CORDIS**Oratio****O**mnípotens et mitíssime Deus, qui sitiénti pópulo fontem

vivéntis aquæ de petra produxísti: educ de cordis nostri durítia lácrimas compunctiónis; ut peccáta nostra plángere valeámus, remissionémque eórum, te miseránte, mereámur accípere. Per Dóminum.

Secreta**H**anc oblatiόnem, quæsumus, Dómine Deus, quam tuæ maiestáti pro peccátis nostris offerimus, propítius respice: et produc de óculis nostris lacrimárum flúmina, quibus débita flammárum incéndia valeámus exstinguere. Per Dóminum.**Postcommunio****G**rátiā Spíritus Sancti, Dómine Deus, córdibus nostris cleménter infúnde: quæ nos gemítibus lacrimárum effíciat máculas nostrórum dilúere peccatórum; atque optátæ nobis, te largiénte, indulgéntiæ præstet effectum. Per Dóminum... in unitáte eiúsdem Spíritus Sancti.23. PRO REMISSIONE
PECCATORUM**Oratio****D**eus, qui nullum respuis, sed quantumvis peccántibus, per pæniténtiam pia miseratióne placáris: respice propítius ad preces humilitátis nostræ et illúmina corda nostra; ut tua valeámus implére præcépta. Per Dóminum.**Secreta****P**ræsens sacrificium, Dómine, quod tibi pro delíctis nostris offerimus, sit tibi munus accéptum: et tam vivéntibus, quam defúntis proficiat ad salutem. Per Dóminum.**Postcommunio****E**xáudi preces famíliæ tuæ, omnípotens Deus: et præsta; ut sancta hæc, quæ a te súmpsimus, incorrúpta in nobis, te donánte, servéntur. Per Dóminum.

24. PRO TENTATIS
ET TRIBULATIS

Oratio

Deus, qui iustificas ímpium, et non vis mortem peccatóris, maiestátem tuam suppliciter deprecámur: ut fámulos tuos de tua misericórdia confidéntes, cælésti prótegas benígnus auxílio, et assídua protectióne consérves; ut tibi iúgiter famuléntur, et nullis tentatióibus a te separéntur. Per Dóminum.

Secreta

Huius, quæsumus, Dómine, virtúte mystérii, et a própriis nos munda delictis, et fámulos tuos ab ómnibus absólve peccátis. Per Dóminum.

Postcommunio

Purificent nos, quæsumus, Dómine, sacraménta quæ sumpsimus: et fámulos tuos ab omni culpa líberos esse concéde; ut, qui consciéntiæ reátu constringúntur, cæléstis remédii plenitúdine gloriéntur. Per Dóminum.

25. AD REPELLENDAS MALAS
COGITATIONES

Oratio

Omnípotens et mitíssime Deus, réspice propítius ad preces nostras: et líbera corda nostra de malárum tentatióibus cogitátionum: ut Sancti Spíritus dignum fieri habitáculum mereámur. Per Dóminum... in unitáte eiúsdem Spíritus Sancti.

Secreta

Has tibi, Dómine, offérimus oblatiões pro salúte nostra: quátenus ánimas nostras ab inmúndis cogitátionibus purges, illæsasque custódias, et Sancti Spíritus grátia illumináre dignéris. Per Dóminum... in unitáte eiúsdem Spíritus Sancti.

Postcommunio

Deus, qui illúminas omnem hóminem veniéntem in hunc mundum: illúmina, quæsumus, corda nostra grátia tuæ splendóre; ut digna ac plácita maiestáti tuæ cogitáre semper, et te sincére diligere valeámus. Per Dóminum.

26. AD POSTULANDAM
CONTINENTIAM

Oratio

Ure igne Sancti Spíritus renes nostros, et cor nostrum, Dómine: ut tibi casto córpore serviámus, et mundo corde placeámus. Per Dóminum... in unitáte eiúsdem Spíritus Sancti.

Secreta

Dirúmpe, Dómine, víncula peccatórum nostrórum: et, ut sacrificáre tibi hóstiam laudis absolúta libertáte, ac munda mente possimus, retribue quæ ante tribuísti; et salva nos per indulgéntiam, quos dignátus es salváre per grátiam. Per Dóminum.

Postcommunio

Dómine, adiútor et protéctor noster, ádiuva nos et reflóreat cor et caro nostra vigóre pudicitiae, et castimóniæ novitáte; ut per hoc sacrificium, quod tuæ obtúlimus pietáti, ab ómnibus tentatióibus emundémur. Per Dóminum.

27. AD POSTULANDAM
HUMILITATEM

Oratio

Deus, qui supérbis resístis, et grátiam præstas humílibus: concéde nobis veræ humilitátis virtútem, cuius in se formam fidélibus Unigénitus tuus exhibuit; ut numquam indignatióem tuam provocémus eláti, sed pótius grátia tuæ capiámus dona subiécti. Per eúndem Dóminum.

Secreta

Hæc oblatio, Dómine, quæsumus, veræ nobis humilitátis grátiam obtíneat: simúlque a córdibus nostris concupiscéntiam carnis et oculórum, atque ambióinem sáculi áuferat; quátenus sóbrie, iuste, piéque vivéntes, præmia consequámur æténa. Per Dóminum.

Postcommunio

Huius, Dómine, sacraménti percéptio, peccatórum nostrórum máculas abstérget: et nos per humilitátis exhibitióinem ad cæléstia regna perdúcat. Per Dóminum.

28. AD POSTULANDAM PATIENTIAM

Oratio

Deus, qui Unigéniti tui paciéntia antíqui hostis contrívisti supérbiám: da nobis, quæsumus, quæ idem pie pro nobis pertulit, digne recólere; sicque exémplo eius, nobis adversántia æquanímiter toleráre. Per eúndem Dóminum.

Secreta

Múnera nostræ oblatiós, quæsumus, Dómine, súscipe placátus: quæ, ut nobis paciéntiæ donum largíri dignéris, maiestáti tuæ devóta offérimus actióne. Per Dóminum.

Postcommunio

Mystéria, Dómine, sacrosáncta quæ sumpsimus, amíssam nobis, quæsumus, reconcílient grátiam: atque munus paciéntiæ in illátis ómnibus, semper et ubíque protegéndo, impértiant. Per Dóminum.

29. AD POSTULANDAM CARITATEM

Oratio

Deus, qui diligéntibus te facis cuncta prodéss: da córdibus nostris inviolábilem tuæ caritátis

afféctum; ut desidéria de tua inspiratióne concépta, nulla possint tentatióne mutári. Per Dóminum.

Secreta

Deus, qui nos ad imáginem tuam sacraméntis rénovas et præcéptis: pérfice gressus nostros in sémitis tuis; ut caritátis donum, quod fecísti a nobis sperári, per hæc, quæ offérimus sacrificia, fácias veráciter apprehénderi. Per Dóminum.

Postcommunio

Sancti Spíritus grátia, quæsumus, Dómine, corda nostra illúminet: et perféctæ caritátis dulcedíne abundánter reficiat. Per Dóminum... in unitáte eiúsdem Spíritus Sancti.

30. PRO DEVOTIS AMICIS

Oratio

Deus, qui caritátis dona per grátiam Sancti Spíritus tuórum fidélium córdibus infudísti: da fámulis et famulábus tuis, pro quibus tuam deprecámur cleméntiam, salutem mentis et córporis; ut te tota virtúte díligant, et quæ tibi plácita sunt, tota dilectiósne perficiant. Per Dóminum... in unitáte eiúsdem Spíritus Sancti.

Secreta

Miserére, quæsumus, Dómine, fámulis et famulábus tuis, pro quibus hoc sacrificium laudis tuæ offérimus maiestáti: ut per hæc sancta, supérnæ benedictiós, grátiam obtíneant, et glóriam æténnæ beatitúdinis acquirant. Per Dóminum.

Postcommunio

Divína libántes mystéria, quæsumus, Dómine: ut hæc salutária sacraménta illis proficiant ad prosperitátem et pacem; pro quorum quarúmque dilectiósne hæc tuæ obtúlimus maiestáti. Per Dóminum.

31. PRO INIMICIS

Oratio

Deus, pacis, caritatisque amator et custos: da omnibus inimicis nostris pacem caritatemque veram; et cunctorum eis remissionem tribue peccatorum, nosque ab eorum insidiis potenter eripe. Per Dominum.

Secreta

Oblatis, quæsumus, Domine, placare muneribus: et nos ab inimicis nostris clementer eripe, eisque indulgentiam tribue delictorum. Per Dominum.

Postcommunio

Hæc nos communitio, Domine, eruat a delictis: et ab inimicorum defendat insidiis. Per Dominum.

32. PRO CAPTIVIS

Pro pluribus**Oratio**

Deus, qui beatum Petrum Apostolum, a vinculis absolutum, illæsum abire fecisti: famulorum tuorum in captivitate positorum vincula absolve; eosque ipsius meritis illæsos abire concede. Per Dominum.

Secreta

Super has, quæsumus, Domine, hostias benedictio copiosa descendat: quæ captivorum horum vincula solvat, et de eorum liberatione nos cito lætificet. Per Dominum.

Postcommunio

Preces nostras, quæsumus, Domine, clementer exaudi: et per hæc sacramenta quæ sumpsimus, famulos tuos a vinculis eorum captivitatis absolve. Per Dominum.

Pro uno tantum**Oratio**

Deus, qui beatum Petrum Apostolum a vinculis absolutum,

illæsum abire fecisti: famuli tui in captivitate positi vincula absolve; eumque ipsius meritis illæsum abire concede. Per Dominum.

Secreta

Super has, quæsumus, Domine, hostias benedictio copiosa descendat: quæ captivi huius vincula solvat, et de eius liberatione nos cito lætificet. Per Dominum.

Postcommunio

Preces nostras, quæsumus, Domine, clementer exaudi: et per hæc sacramenta quæ sumpsimus, famulum tuum a vinculis suæ captivitatis absolve. Per Dominum.

33. PRO NAVIGANTIBUS

Oratio

Deus, qui transtulisti patres nostros per Mare Rubrum, et transvexisti eos per aquam nimiam, laudem tui nominis decantantes: te suppliciter deprecamur; ut in navi famulos tuos, repulsis adversitatibus, portu semper optabili, cursuque tranquillo tuearis. Per Dominum.

Secreta

Suscipe, quæsumus, Domine, preces famulorum tuorum, cum oblationibus hostiarum: et eos, pro quibus tua mysteria celebramus, ab omnibus defende periculis. Per Dominum.

Postcommunio

Sanctificati divino mysterio, maiestatem tuam, Domine, suppliciter deprecamur, et petimus: ut famulos tuos, quos donis facis cælestibus memorari; per lignum sanctæ Crucis, et a peccatis abstrahas, et a periculis cunctis miseratus eripias. Per Dominum.

34. PRO SALUTE VIVORUM

Oratio

Prætende, Dómine, fidélibus tuis dexteram cæléstis auxilií: ut te toto corde perquírant, et quæ digne póstulant, cónsequi mereántur. Per Dóminum.

Secreta

Propitiáre, Dómine, supplicatió-nibus nostris, et has oblatiões fidélium tuórum, quas tibi pro incolumitaté eórum offérimus, benignus assúme: et, ut nullíus sit írritum votum, nullíus vácuá postulatío, præsta, quæsumus; ut, quod fidéliter pétimus, efficáciter consequámur. Per Dóminum.

Postcommunio

Da fidélibus tuis, quæsumus, Dómine, in tua fide et sinceritaté constántiam: ut in caritaté divína firmáti, nullis tentatió-nibus ab eius integritaté vellántur. Per Dóminum.

35. PRO VIVIS ET DEFUNCTIS

Oratio

Omnípotens, sempitérne Deus, qui vivórum domináris simul et mortuórum, omniúmque miseris, quos tuos fide et ópere futúros esse prænúscis: te súpplíces exorá-

mus; ut, pro quibus effúndere preces decrévimus, quosque vel præsens sæculum adhuc in carne rétinet, vel futúrum iam exútos córpore suscepit, intercedéntibus ómnibus Sanctis tuis, pietátis tuæ cleméntia ómnium delictórum suórum véniam consequántur. Per Dóminum.

Secreta

Deus, cui soli cógnitus est númerus electórum in supérna felicitaté locándus: tríbe, quæsumus; ut, intercedéntibus ómnibus Sanctis tuis, universórum, quos in oratióne commendátos suscepimus, et ómnium fidélium nómina, beátæ prædestinatió-nis liber adscripta retíneat. Per Dóminum.

Postcommunio

Puríficent nos, quæsumus, omnipotens et miséricors Deus, sacraménta quæ sumpsimus: et, intercedéntibus ómnibus Sanctis tuis, præsta; ut hoc tuum sacraméntum non sit nobis reátus ad pænam, sed intercèssio salutáris ad véniam: sit ablútió scélerum, sit fortitúdo fragílium, sit contra ómnia mundi perícula firmaméntum: sit vivórum atque mortuórum fidélium remíssio ómnium delictórum. Per Dóminum.

MISSÆ DEFUNCTORUM

¶ IN COMMEMORATIONE OMNIUM FIDELIUM DEFUNCTORUM dicuntur Missæ, uti habentur in Proprio Sanctorum ad diem 2 novembris.

¶ Prima Missa ex iis quæ habentur in Commemoratione omnium Fidelium defunctorum, adhibitis orationibus propriis in Missali inter orationes diversas pro defunctis assignatis, sumitur:

a) pro defunctis Summo Pontifice, Cardinalibus, Episcopis, et sacerdotibus, in omnibus Missis I, II et III classis;

b) in anniversariis omnium defunctorum alicuius Ordinis vel Congregationis clericalis.

IN DIE OBITU SEU DEPOSITIONIS DEFUNCTI

¶ Sequens Missa dicitur pro defunctis non sacerdotibus:

- a) in Missa exsequiali;
- b) in Missis pro die obitus;
- c) in Missis post acceptum mortis nuntium;
- d) in ultima defuncti sepultura;
- e) in die III, VII et XXX, adhibitis tamen orationibus propriis.

Antiphona ad Introitum

4 Esdr. 2, 34 et 35

Réquiem æternam dona eis, Dómine: et lux perpétua luceat eis. Ps. 64, 2-3 Te decet hymnus, Deus, in Sion, et tibi reddetur votum in Ierúsalem: exáudi orationem meam, ad te omnis caro véniet. Réquiem æternam.

Oratio

Deus, cui próprium est misereri semper et párcere, te supplices exorámus pro ánima fámuli tui N. (fámulæ tuæ N.), quam hódie de hoc sáculo migráre iussisti: ut non tradas eam in manus inimíci, neque obliviscáris in finem, sed iúbeas eam a sanctis Angelis súscipi, et ad pátriam paradísi perducí; ut, quia in te sperávit et creddidit, non pænas inférni sustíneat,

sed gáudia æténa possídeat. Per Dóminum.

In die tertio, septimo et trigesimo Oratio

Quæsumus, Dómine, ut ánimæ fámuli tui N. (fámulæ tuæ N.), cuius depositiónis diem tertium (vel séptimum, vel trigésimum) commemorámus, Sanctorum atque electórum tuórum largíri dignéris consórtium: et rorem misericórdiæ tuæ perénnem infúndas. Per Dóminum.

Léctio Epístolæ beáti Pauli Apóstoli ad Thessalonicénses.

1 Thess. 4, 13-18

Fratres: Nólumus vos ignoráre de dormiéntibus, ut non contristémini, sicut et céteri, qui spem non habent. Si enim crédimus quod Iesus mórtuus est, et resurrexit: ita et Deus eos, qui dormiérunt per Iesum, addúcet cum eo. Hoc enim vobis dícimus in verbo Dómini, quia nos, qui vívimus, qui resídui sumus in advéntum Dómini, non præveniémus eos, qui dormiérunt. Quóniam ipse Dóminus in iussu, et in voce Archángeli, et in tuba Dei descéndet de cælo: et mórtui, qui in Christo sunt, resúrgent primi. Deínde nos, qui vívimus, qui relínquimur, simul rapiémur cum illis in núbibus óbviám Christo in

ãera, et sic semper cum Dómino érimus. Itaque consolámini ínvicem in verbis istis.

Graduale 4 Esdr. 2, 34 et 35 Réquiem ætérnam dona eis, Dómine: et lux perpétua lúceat eis. **¶ Ps. III, 7** In memória ætérna erit iustus: ab auditióne mala non timébit.

Tractus Absólve, Dómine, ánimas ómnium Fidélium defunctorum ab omni vínculo delictórum. **¶** Et grátia tua illis succurrénte, mereántur evádere iudícium ultiónis. **¶** Et lucis ætérnæ beatitúdine pérfrui.

Sequentia

(de præcepto in Missa exsequiali)

Dies iræ, dies illa,
Solvét sæclum in favílla:
Teste David cum Sibýlla.

Quantus tremor est futúrus,
Quando iudex est ventúrus,
Cuncta stricte discussúrus!

Tuba mirum spargens sonum
Per sepúlcras regiónum,
Coget omnes ante thrónum.

Mors stupébit, et natúra,
Cum resúrget creatúra,
Iudicánti responsúra.

Liber scriptus proferétur,
In quo totum continétur,
Unde mundus iudicétur.

Iudex ergo cum sedébit,
Quidquid latet, apparébit:
Nil ínultum remanébit.

Quid sum miser tunc dictúrus?
Quem patrónum rogáturus,
Cum vix iustus sit secúrus?

Rex treménde maiestátis,
Qui salvándos salvás gratis,
Salva me, fons pietátis.

Recordáre, Iesu pie,
Quod sum causa tuæ viæ:
Né me perdas illa die.

Quærens me, sedísti lassus:
Redemísti Crucem passus:
Tantus labor non sit cassus.

Iuste iudex ultiónis,
Donum fac remissiónis
Ante diem ratiónis.

Ingemísco, tamquam reus:
Culpa rubet vultus meus:
Supplicánti parce, Deus.

Qui Maríam absolvísti,
Et latrónem exaudísti,
Mihi quoque spem dedísti.

Preces meæ non sunt dignæ:
Sed tu bonus fac benígne,
Ne perénni cremer igne.

Inter oves locum præsta,
Et ab hædis me sequéstra,
Státuens in parte dextra.

Confutátis maledíctis,
Flammis ácribus addíctis:
Voca me cum benedíctis.

Oro supplex, et acclínis,
Cor contrítum quasi cinis:
Gere curam mei finis.

Lacrimósa dies illa,
Qua resúrget ex favílla,
Iudicándus homo reus.

Huic ergo parce, Deus:
Pie Iesu Dómine,
Dona eis réquiem. Amen.

✠ Sequentia sancti Evangelii secúndum Ioánnem.

Ioann. II, 21-27

In illo témpore: Dixit Martha ad Iesum: Dómine, si fuísses hic, frater meus non fuisset mórtuus: sed et nunc scio, quia quácumque popósceris a Deo, dabit tibi Deus. Dicit illi Iesus: Resúrget frater tuus. Dicit ei Martha: Scio quia resúrget in resurrectione in novíssimo die. Dixit ei Iesus: Ego sum resurréctio, et vita: qui credit in me, étiam si mórtuus fúerit, vivet: et omnis qui vivit, et credit in me, non moriétur in ætérnum. Credis hoc? Ait illi: Utique, Dómine, ego crédidi, quia tu es Christus Fílius Dei vivi, qui in hunc mundum venísti.

Responsorium ad Offertorium
Dómine Iesu Christe, Rex glóriæ, líbera ánimas ómnium Fidélium defunctorum de pænis inférni, et de profúndo lacu: líbera eas de ore leónis, ne absórbeat eas tártarus, ne cadant in obscúrum: sed sígnifer

sanctus Míchaël repræsentet eas in lucem sanctam: • Quam olim Abrahæ promísisti, et sémini eius. **Y.** Hóstias et preces tibi, Dómine, laudis offérimus: tu súscipe pro animábus illis, quarum hódie memóriam fácimus: fac eas, Dómine, de morte transíre ad vitam. Quam olim Abrahæ promísisti, et sémini eius.

Secreta

Propitiáre, quæsumus, Dómine, ánimæ fámuli tui **N.** (fámulæ tuæ **N.**), pro qua hóstiam laudis tibi immolámus, maiestátem tuam suppliciter deprecántes: ut per hæc piæ placatiónis officia, perveníre mereátur ad réquiem sempitérnam. Per Dóminum.

In die tertio, septimo et trigesimo

Secreta

Múnera, quæsumus, Dómine, quæ tibi pro ánimæ fámuli tui **N.** (fámulæ tuæ **N.**) offérimus, placátus inténde: ut remédiis purgáta cæléstibus, in tua pietáte requiescat. Per Dóminum.

Præfatio defunctorum.

Responsorium ad Communionem

4 Esdr. 2, 35 et 34 Lux æterna luceat eis, Dómine: • Cum Sanctis tuis in ætérnum: quia pius es. **Y.** Réquiem ætérnam dona eis, Dómine: et lux perpétua luceat eis. **Cum Sanctis tuis in ætérnum: quia pius es.**

Postcommunio

Præsta, quæsumus, omnípotens Deus, ut ánimæ fámuli tui **N.** (fámulæ tuæ **N.**), quæ hódie de hoc sæculo migrávit, his sacrificiis purgáta, et a peccátis expedita, indulgéntiam páriter et réquiem cápiat sempitérnam. Per Dóminum.

In die tertio, septimo et trigesimo

Postcommunio

Súscipe, Dómine, preces nostras pro ánimæ fámuli tui **N.** (fámulæ tuæ **N.**): ut, si quæ ei máculæ de terrénis contágiis adhæsérunt,

remissiónis tuæ misericórdia deleántur. Per Dóminum.

IN ANNIVERSARIO DEFUNCTORUM QUI NON SINT SACERDOTES

Antiphona ad Introitum

4 Esdr. 2, 34 et 35

Réquiem ætérnam dona eis, Dómine: et lux perpétua luceat eis. **Ps. 64, 2-3** Te decet hymnus, Deus, in Sion, et tibi reddétur votum in Ierúsalem: exáudi oratióem meam, ad te omnis caro véniet. **Réquiem ætérnam.**

Pro uno defuncto vel una defuncta:

Oratio

Deus, indulgentiárum Dómine: da ánimæ fámuli tui **N.** (fámulæ tuæ **N.**), cuius anniversárium depositiόnis diem commemorámus, refrigerií sedem, quiétis beatitúdinem, et lúminis claritátem. Per Dóminum.

Pro pluribus defunctis:

Oratio

Deus, indulgentiárum Dómine: da animábus famulórum, famularúmque tuárum, quorum anniversárium depositiόnis diem commemorámus, refrigerií sedem, quiétis beatitúdinem, et lúminis claritátem. Per Dóminum.

Léctio libri Machabæórum.

2 Mach. 12, 43-46

In diébus illis: Vir fortíssimus Iudas, facta collatiόne, duódecim mília drachmas argénti misit Ierosólymam, offérri pro peccátis mortuórum sacrificium, bene et religiόse de resurrectiόne cógitans (nisi enim eos, qui cecíderant, resurrectúros speráret, supérfluum viderétur, et vanum oráre pro mórtuis): et quia considerábat quod hi, qui cum pietáte dormitiόnem accéperant, óptimam habérent repósi-

tam grátiam. Sancta ergo, et salúbris est cogitátio pro defúntis exoráre, ut a peccátis solvántur.

Graduale 4 Esdr. 2, 34 et 35 Réquiem ætérnam dona eis, Dómine: et lux perpétua lúceat eis. **¶ Ps. III, 7** In memória ætérna erit iustus: ab auditióne mala non timébit.

Tractus Absólve, Dómine, ánimas ómnium Fidélium defunctorum ab omni vínculo delictórum. **¶** Et grátia tua illis succurrénte, mereántus evádere iudícium ultiónis. **¶** Et lucis ætérnæ beatitúdine pérfrui.

Sequentia

Dies iræ, dies illa,
Solvét sæclum in favílla:
Teste David cum Sibýlla.

Quantus tremor est futúrus,
Quando iudex est ventúrus,
Cuncta stricte discussúrus!

Tuba mirum spargens sonum
Per sepúlcrá regiónum,
Coget omnes ante thrónum.

Mors stupébit, et natúra,
Cum resúrget creatúra,
Iudicánti responsúra.

Liber scriptus proferétur,
In quo totum continétur,
Unde mundus iudicétur.

Iudex ergo cum sedébit,
Quidquid latet, apparébit:
Nil inúltum remanébit.

Quid sum miser tunc dictúrus?
Quem patrónum rogáturus,
Cum vix iustus sit secúrus?

Rex treméndæ maiestátis,
Qui salvándos salvás gratis,
Salva me, fons pietátis.

Recordáre, Iesu pie,
Quod sum causa tuæ viæ:
Né me perdas illa die.

Quærens me, sedísti lassus:
Redemísti Crucem passus:
Tantus labor non sit cassus.

Iuste iudex ultiónis,
Donum fac remissiónis
Ante diem ratiónis.

Ingemísco, tamquam reus:
Culpa rubet vultus meus:
Supplicánti parce, Deus.

Qui Mariám absolvísti,
Et latrónem exaudísti,
Mihi quoque spem dedísti.

Preces meæ non sunt dignæ:
Sed tu bonus fac benígne,
Ne perénni cremer igne.

Inter oves locum præsta,
Et ab hædis me sequéstra,
Státuens in parte dextra.

Confutátis maledíctis,
Flammis ácribus addíctis:
Voca me cum benedíctis.

Oro supplex, et acclínis,
Cor contrítum quasi cinis:
Gere curam mei finis.

Lacrimósa dies illa,
Qua resúrget ex favílla,
Iudicándus homo reus.

Huic ergo parce, Deus:
Pie Iesu Dómine,
Dona eis réquiem. Amen.

✠ Sequentia sancti Evangélii secúndum Ioánnem.

Ioann. 6, 37-40

In illo témpore: Dixit Iesus turbis Iudæórum: Omne, quod dat mihi Pater, ad me véniet: et eum, qui venit ad me, non eíciam foras: quia descénderi de cælo, non ut fáciam voluntátem meam, sed voluntátem eius, qui misit me. Hæc est autem volúntas eius, qui misit me, Patris: ut omne, quod dedit mihi, non perdam ex eo, sed resúscitem illud in novíssimo die. Hæc est autem volúntas Patris mei, qui misit me: ut omnis, qui videt Fílium, et credit in eum, hábeat vitam ætérnam et ego resuscitábo eum in novíssimo die.

Responsorium ad Offertorium
Dómine Iesu Christe, Rex glóriæ, libera ánimas ómnium Fidélium defunctorum de pænis inférni, et de profúndo lacu: libera eas de ore leónis, ne absórbeat eas tártarus,

ne cadant in obscurum: sed signifer sanctus Michaël repræsentet eas in lucem sanctam: * Quam olim Abrahæ promisisti, et semini eius. **¶** Hóstias et preces tibi, Dómine, laudis offérimus: tu súscipe pro animábus illis, quarum hódie memóriam fácimus: fac eas, Dómine, de morte transíre ad vitam. Quam olim Abrahæ promisisti, et semini eius.

Pro uno defuncto vel una defuncta:

Secreta

Propitiáre, Dómine, supplicatió-nibus nostris, pro ánima fámuli tui **N.** (fámulæ tuæ **N.**), cuius hódie ánnua dies ágitur: pro qua tibi offérimus sacrificium laudis; ut eam Sanctórum tuórum consórtio sociáre dignéris. Per Dóminum.

Pro pluribus defunctis:

Secreta

Propitiáre, Dómine, supplicatió-nibus nostris, pro animábus famulórum, famularúmque tuárum, quorum hódie ánnua dies ágitur: pro quibus tibi offérimus sacrificium laudis; ut eas Sanctórum tuórum consórtio sociáre dignéris. Per Dóminum.

Præfatio defunctorum.

Responsorium ad Communionem
4 Esdr. 2, 35 et 34 Lux æténa lúceat eis, Dómine: * Cum Sanctis tuis in ætérnum: quia pius es. **¶** Réquiem ætérnam dona eis, Dómine: et lux perpétua lúceat eis. Cum Sanctis tuis in ætérnum: quia pius es.

Pro uno defuncto vel una defuncta:

Postcommunio

Præsta, quæsumus, Dómine: ut ánima fámuli tui **N.** (fámulæ tuæ **N.**), cuius anniversárium depositiónis diem commemorámus; his purgáta sacrificiis, indulgéntiam páriter et réquiem cápiat sempitérnam. Per Dóminum.

Pro pluribus defunctis:

Postcommunio

Præsta, quæsumus, Dómine: ut ánima famulórum, famularúmque tuárum, quorum anniversárium depositiónis diem commemorámus; his purgáta sacrificiis, indulgéntiam páriter et réquiem cápiant sempitérnam. Per Dóminum.

**IN MISSIS QUOTIDIANIS
DEFUNCTORUM**

Antiphona ad Introitum

4 Esdr. 2, 34 et 35

Réquiem ætérnam dona eis, Dómine: et lux perpétua lúceat eis. **Ps. 64, 2-3** Te decet hymnus, Deus, in Sion, et tibi reddétur votum in Ierúsalem: exáudi oratióem meam, ad te omnis caro véniet. Réquiem ætérnam.

¶ Si Missa applicetur pro certis defunctis, dicitur oratio conveniens, ut infra inter orationes diversas pro defunctis; si applicetur pro defunctis in genere, vel designatio ignoretur, dicitur sequens oratio.

Pro omnibus Fidelibus defunctis

Oratio

Fidélium, Deus, ómnium cónditor et redémptor: animábus famulórum, famularúmque tuárum remissionem cunctórum tríbe peccatórum; ut indulgéntiam, quam semper optavérunt, piis supplicatió-nibus consequántur: Qui vivis.

Léctio libri Apocalýpsis beáti Ioánnis Apóstoli.

Apoc. 14, 13

In diébus illis: Audívi vocem de cælo, dicéntem mihi: Scribe: Beáti mórtui, qui in Dómino moriúntur. Amodo iam dicit Spíritus, ut requiéscent a labóribus suis: ópera enim illórum sequúntur illos.

Graduale 4 Esdr. 2, 34 et 35 Réquiem ætérnam dona eis, Dómine: et lux perpétua lúceat eis. **Ps. III, 7** In memória ætérna erit iustus: ab auditióne mala non timébit.

Tractus Absólve, Dómine, ánimas ómnium Fidélium defunctorum ab omni vínculo delictórum. **V.** Et grátia tua illis succurrénte, mereántur evádere iudícium ulitiónis. **V.** Et lucis ætérnæ beatitúdine pérfrui.

Sequentia

Dies iræ, dies illa,
Solvét sæclum in favílla:
Teste David cum Sibýlla.

Quantus tremor est futúrus,
Quando iudex est ventúrus,
Cuncta stricte discussúrus!

Tuba mirum spargens sonum
Per sepúlcræ regiónum,
Coget omnes ante thrónum.

Mors stupébit, et natúra,
Cum resúrget creatúra,
Iudicánti responsúra.

Liber scriptus proferétur,
In quo totum continétur,
Unde mundus iudicétur.

Iudex ergo cum sedébit,
Quidquid latet, apparébit:
Nil inúltum remanébit.

Quid sum miser tunc dictúrus?
Quem patrónum rogáturus,
Cum vix iustus sit secúrus?

Rex treméndæ maiestátis,
Qui salvándos salvás gratis,
Salva me, fons pietátis.

Recordáre, Iesu pie,
Quod sum causa tuæ viæ:
Ne me perdas illa die.

Quærens me, sedísti lassus:
Redemísti Crucem passus:
Tantus labor non sit cassus.

Iuste iudex ulitiónis,
Donum fac remissiónis
Ante diem ratiónis.

Ingemísco, tamquam reus:
Culpa rubet vultus meus:
Supplicánti parce, Deus.

Qui Mariám absolvísti,
Et latrónem exaudísti,
Mihi quoque spem dedísti.

Preces meæ non sunt dignæ:
Sed tu bonus fac benígne,
Ne perénni cremer igne.

Inter oves locum præsta,
Et ab hædis me sequéstra,
Státuens in parte dextra.

Confutátis maledíctis,
Flammis ácribus addíctis:
Voca me cum benedíctis.

Oro supplex, et acclínis,
Cor contrítum quasi cinis:
Gere curam mei finis.

Lacrimósa dies illa,
Qua resúrget ex favílla,
Iudicándus homo reus.

Huic ergo parce, Deus:
Pie Iesu Dómine,
Dona eis réquiem. Amen.

✠ Sequéntia sancti Evangélii secúndum Ioánnem.

Ioann. 6, 51-55

In illo témpore: Dixit Iesus turbis Iudæórum: Ego sum panis vivus, qui de cælo descéndi. Si quis manducáverit ex hoc pane, vivet in ætérnum: et panis, quem ego dabo, caro mea est pro mundi víta. Liti-gábant ergo Iudæi ad ínvicem, dicéntes: Quómodo potest hic nobis carnem suam dare ad manducándum? Dixit ergo eis Iesus: Amen, amen dico vobis: nisi manducáveritis carnem Fílii hóminis, et bibéritis eius sánguinem, non habébitis vitam in vobis. Qui mandúcat meam carnem, et bibit meum sánguinem, habet vitam ætérnam: et ego resuscitábo eum in novíssimo die.

Responsorium ad Offertorium
Dómine Iesu Christe, Rex glóriæ, líbera ánimas ómnium Fidélium defunctorum de pænis inférni, et de profúndo lacu: líbera eas de ore leónis, ne absórbeat eas tártarus,

ne cadant in obscurum: sed signifer sanctus Michaël repræsentet eas in lucem sanctam: * Quam olim Abrahæ promisisti, et semini eius. **V.** Hóstias et preces tibi, Dómine, laudis offérimus: tu súscipe pro animábus illis, quarum hódie memóriam fácimus: fac eas, Dómine, de morte transíre ad vitam. **Q**uam olim Abrahæ promisisti, et semini eius.

Pro omnibus Fidelibus defunctis

Secreta

Hóstias, quæsumus, Dómine, quas tibi pro animábus famulorum, famularúmque tuárum offérimus, propitiátus inténde: ut, quibus fidei christiánæ méritum

contulísti, dones et præmium. Per Dóminum.

Præfatio defunctorum.

Responsorium ad Communionem

4 Esdr. 2, 35 et 34 Lux æténa lúceat eis, Dómine: * Cum Sanctis tuis in ætérnum: quia pius es. **V.** Réquiem ætérnam dona eis, Dómine: et lux perpétua lúceat eis. **C**um Sanctis tuis in ætérnum: quia pius es.

Pro omnibus Fidelibus defunctis

Postcommunio

Animábus, quæsumus, Dómine, famulorum, famularúmque tuárum orátio proficiat supplicántium: ut eas et a peccátis ómnibus éxuas, et tuæ redemptionis fácias esse partícipes: Qui vivis.

ORATIONES DIVERSÆ PRO DEFUNCTIS

1. PRO DEFUNCTO SUMMO PONTIFICE

Oratio

Deus, qui inter summos Sacerdótes fámulum tuum **N.** ineffábili tua dispositióne connumerári voluísti: præsta, quæsumus; ut, qui Unigéniti Fílii tui vices in terris gerébat, sanctórum tuórum Pontificum consórtio perpétuo aggregétur. Per eúndem Dóminum.

Secreta

Súscipe, Dómine, quæsumus, pro ánima fámuli tui **N.** Summi Pontificis, quas offérimus hóstias: ut, cui in hoc sáculo pontificále donásti méritum, in cælésti regno Sanctórum tuórum iúbeas iungi consórtio. Per Dóminum.

Postcommunio

Prosit, quæsumus, Dómine, animæ fámuli tui **N.** Summi Pontificis, misericórdiæ tuæ imploráta cleméntia: ut eius, in quo sperávit et credidit, ætérnum cápíat, te miseránte, consórtium. Per Dóminum.

2. PRO DEFUNCTIS EPISCOPIS ET SACERDOTIBUS

Oratio

Deus, qui inter apostólicos Sacerdótes fámulos tuos pontificáli, seu sacerdotáli fecísti dignitáte vigére: præsta, quæsumus; ut eórum quoque perpétuo aggregéntur consórtio. Per Dóminum.

Secreta

Súscipe, Dómine, quæsumus, pro animábus famulorum tuorum Pontificum, seu sacerdotum, quas offérimus hóstias: ut, quibus in hoc sáculo pontificále seu sacerdotále donásti méritum, in cælésti regno Sanctórum tuórum iúbeas iungi consórtio. Per Dóminum.

Postcommunio

Prosit, quæsumus, Dómine, animábus famulorum tuorum Pontificum, seu sacerdotum, misericórdiæ tuæ imploráta cleméntia: ut eius, in quo speravérunt et credidérunt, ætérnum cápíant, te miseránte, consórtium. Per Dóminum.

3. PRO EPISCOPO CARDINALI DEFUNCTO, VEL PRESBYTERO CARDINALI, QUI EPISCOPALI DIGNITATE AUCTUS FUERIT

Oratio

Deus, qui inter apostólicos Sacerdotes famulum tuum **N.** Episcopum (Presbyterum) Cardinalem, pontificali fecisti dignitate vigere: praesta, quaesumus; ut eorum quoque perpetuo aggregetur consortio. Per Dominum.

Secreta

Suscipe, Domine, quaesumus, pro anima famuli tui **N.** Episcopi (Presbyteri) Cardinalis, quas offerimus hostias: ut, cui in hoc saeculo pontificale donasti meritum, in caelesti regno Sanctorum tuorum iubeas iungi consortio. Per Dominum.

Postcommunio

Prosit, quaesumus, Domine, animae famuli tui **N.** Episcopi (Presbyteri) Cardinalis, misericordiae tuae implorata clementia: ut eius, in quo speravit et credidit, aeternum capiat, te miserante, consortium. Per Dominum.

4. PRO PRESBYTERO CARDINALI, QUI EPISCOPALI DIGNITATE AUCTUS NON FUERIT, VEL PRO DIACONO CARDINALI

Oratio

Deus, qui inter apostólicos Sacerdotes famulum tuum **N.** Presbyterum (Diaconum) Cardinalem, sacerdotali fecisti dignitate vigere: praesta, quaesumus; ut eorum quoque perpetuo aggregetur consortio. Per Dominum.

Secreta

Suscipe, Domine, quaesumus, pro anima famuli tui **N.** Presbyteri (Diaconi) Cardinalis, quas offerimus hostias: ut, cui in hoc saeculo sacerdotale donasti meritum, in caelesti regno Sanctorum tuorum iubeas iungi consortio. Per Dominum.

Postcommunio

Prosit, quaesumus, Domine, animae famuli tui **N.** Presbyteri (Diaconi) Cardinalis, misericordiae tuae implorata clementia: ut eius, in quo speravit et credidit, aeternum capiat, te miserante, consortium. Per Dominum.

5. PRO DEFUNCTO EPISCOPO

Oratio

Deus, qui inter apostólicos Sacerdotes famulum tuum **N.** pontificali fecisti dignitate vigere: praesta, quaesumus; ut eorum quoque perpetuo aggregetur consortio. Per Dominum.

Secreta

Suscipe, Domine, quaesumus, pro anima famuli tui **N.** Pontificis, quas offerimus hostias: ut, cui in hoc saeculo pontificale donasti meritum, in caelesti regno Sanctorum tuorum iubeas iungi consortio. Per Dominum.

Postcommunio

Prosit, quaesumus, Domine, animae famuli tui **N.** Pontificis, misericordiae tuae implorata clementia: ut eius, in quo speravit et credidit, aeternum capiat, te miserante, consortium. Per Dominum.

¶ **Si PRO PLURIBUS, orationes dicuntur ut infra:**

Oratio

Deus, qui inter apostólicos Sacerdotes famulos tuos **N.** et **N.** pontificali fecisti dignitate vigere: praesta, quaesumus; ut eorum quoque perpetuo aggregentur consortio. Per Dominum.

Secreta

Suscipe, Domine, quaesumus, pro animabus famulorum tuorum **N.** et **N.** Pontificum, quas offerimus hostias: ut, quibus in hoc saeculo pontificale donasti meritum, in caelesti regno Sanctorum tuo-

rum iubeas iungi consórtio. Per Dóminum.

Postcommunio

Profit, quæsumus, Dómine, animabus famulorum tuorum **N.** et **N.** Pontificum, misericórdiæ tuæ implorata cleméntia: ut eius, in quo speravérunt et crediderunt, ætérnum cápiant, te miserante, consórtium. Per Dóminum.

6. ALTERA ORATIO PRO DEFUNCTO EPISCOPO

Oratio

Da nobis, Dómine, ut ánimam famuli tui **N.** Episcopi, quam de huius sæculi eduxísti laborioso certamine, Sanctórum tuorum tríbuas esse consórtem. Per Dóminum.

Secreta

Annue nobis, quæsumus, Dómine, ut ánimæ famuli tui **N.** Episcopi hæc prosit oblátio: quam immolándo, totíus mundi tribuísti relaxári delícta. Per Dóminum.

Postcommunio

His sacrificiis, quæsumus, omnipotens Deus, purgata ánima famuli tui **N.** Episcopi, ad indulgéntiam et refrigerium sempitérnum pervenire mereátur. Per Dóminum.

¶ **Si PRO PLURIBUS, orationes dicuntur ut infra:**

Oratio

Da nobis, Dómine, ut ánimas famulorum tuorum **N.** et **N.** Pontificum, quas de huius sæculi eduxísti laborioso certamine, Sanctórum tuorum tríbuas esse consórtes. Per Dóminum.

Secreta

Annue nobis, quæsumus, Dómine, ut animabus famulorum tuorum **N.** et **N.** Pontificum hæc prosit oblátio: quam immolándo, totíus mundi tribuísti relaxári delícta. Per Dóminum.

Postcommunio

His sacrificiis, quæsumus, omnipotens Deus, purgata ánima famulorum tuorum **N.** et **N.** Pontificum, ad indulgéntiam et refrigerium sempitérnum pervenire mereántur. Per Dóminum.

7. PRO DEFUNCTO SACERDOTE

Oratio

Deus, qui inter apostólicos Sacerdotes famulum tuum **N.** sacerdotáli fecísti dignitáte vigére: præsta, quæsumus; ut eórum quoque perpétuo aggregétur consórtio. Per Dóminum.

Secreta

Súscipe, Dómine, quæsumus, pro ánima famuli tui **N.** Sacerdotis, quas offérimus hóstias: ut, cui in hoc sæculo sacerdotále donásti méritum, in cælésti regno Sanctórum tuorum iubeas iungi consórtio. Per Dóminum.

Postcommunio

Profit, quæsumus, Dómine, ánima famuli tui **N.** Sacerdotis, misericórdiæ tuæ implorata cleméntia: ut eius, in quo sperávit et crédidit, ætérnum cápiat, te miserante, consórtium. Per Dóminum.

¶ **Si PRO PLURIBUS, orationes dicuntur ut infra:**

Oratio

Deus, qui inter apostólicos Sacerdotes famulos tuos **N.** et **N.** sacerdotáli fecísti dignitáte vigére: præsta, quæsumus; ut eórum quoque perpétuo aggregéntur consórtio. Per Dóminum.

Secreta

Súscipe, Dómine, quæsumus, pro animabus famulorum tuorum **N.** et **N.** Sacerdotum, quas offérimus hóstias: ut, quibus in hoc sæculo sacerdotále donásti méritum, in cælésti regno Sanctórum tuorum iubeas iungi consórtio. Per Dóminum.

Postcommunio

Profit, quæsumus, Dómine, animabus famulorum tuorum **N.** et **N.** Sacerdotum, misericórdiæ tuæ implorata cleméntia: ut eius, in quo speravérunt et credidérunt, ætérnum cápíant, te miseránte, consórtium. Per Dóminum.

8. ALTERA ORATIO
PRO DEFUNCTO SACERDOTE

Oratio

Præsta, quæsumus, Dómine: ut ánima fámuli tui **N.** Sacerdotis, quem, in hoc sáculo commorántem, sacris munéribus decorásti; in cælésti sede gloriósa semper exsúltet. Per Dóminum.

Secreta

Súscipe, Dómine, quæsumus, pro ánima fámuli tui **N.** Sacerdotis, quas offérimus hóstias: ut, cui sacerdotále donásti méritum, dones et præmium. Per Dóminum.

Postcommunio

Præsta, quæsumus, omnípotens Deus: ut ánimam fámuli tui **N.** Sacerdotis in congregatióne iustórum ætérnæ beatitúdinis iúbeas esse consórtem. Per Dóminum.

¶ **Si PRO PLURIBUS, orationes dicuntur ut infra:**

Oratio

Præsta, quæsumus, Dómine: ut ánimæ famulorum tuorum **N.** et **N.** Sacerdotum, quos, in hoc sáculo commorántes, sacris munéribus decorásti; in cælésti sede gloriósæ semper exsúltent. Per Dóminum.

Secreta

Súscipe, Dómine, quæsumus, pro animabus famulorum tuorum **N.** et **N.** Sacerdotum, quas offérimus hóstias: ut, quibus sacerdotále donásti méritum, dones et præmium. Per Dóminum.

Postcommunio

Præsta, quæsumus, omnípotens Deus: ut ánimas famulorum tuorum **N.** et **N.** Sacerdotum in congregatióne iustórum ætérnæ beatitúdinis iúbeas esse consórtes. Per Dóminum.

9. PRO UNO DEFUNCTO

Oratio

Inclína, Dómine, aurem tuam ad preces nostras, quibus misericórdiam tuam súpplíces deprecámur: ut ánimam fámuli tui **N.**, quam de hoc sáculo migráre iussísti; in pacis ac lucis regióne constitúas, et Sanctórum tuórum iúbeas esse consórtem. Per Dóminum.

¶ **Si dici contingat altera oratio pro uno defuncto, dicitur oratio sequens n. 10, mutato genere.**

Secreta

Annue nobis, quæsumus, Dómine, ut ánimæ fámuli tui **N.** hæc prosit oblátio: quam immolándo, totíus mundi tribuísti relaxári delícta. Per Dóminum.

Postcommunio

Absólve, quæsumus, Dómine, ánimam fámuli tui **N.** ab omni vínculo delictórum: ut in resurrectionis glória inter Sanctos et eléctos tuos resuscitátus respíret. Per Dóminum.

¶ **Si PRO PLURIBUS, etiam sexus diversi, orationes dicuntur ut infra:**

Oratio

Inclína, Dómine, aurem tuam ad preces nostras, quibus misericórdiam tuam súpplíces deprecámur: ut ánimas famulorum tuorum **N.** et **N.**, quas de hoc sáculo migráre iussísti; in pacis ac lucis regióne constitúas, et Sanctórum tuórum iúbeas esse consórtes. Per Dóminum.

Secreta

Annue nobis, quæsumus, Dómine, ut animabus famulorum tuorum **N.** et **N.** hæc prosit oblatio: quam immolando, totius mundi tribuisti relaxari delicta. Per Dóminum.

Postcommunio

Absolve, quæsumus, Dómine, ánimas famulorum tuorum **N.** et **N.** ab omni vínculo delictorum: ut in resurrectionis glória inter Sanctos et electos tuos resuscitati respirent. Per Dóminum.

¶ **Pro uno defuncto et una defuncta, quorum nomina ignorentur, dicitur oratio ut supra, adhibitis verbis famuli et famulæ tuæ.**

10. PRO UNA DEFUNCTA

Oratio

Quæsumus, Dómine, pro tua pietate miserere animæ famulæ tuæ **N.**: et a contagiis mortalitatis exutas, in æternæ salvationis partem restitue. Per Dóminum.

¶ **Si dici contingat altera oratio pro una defuncta, dicitur oratio præcedens n. 9, mutato genere.**

Secreta

His sacrificiis, quæsumus, Dómine, ánima famulæ tuæ **N.** a peccatis omnibus exuatur, sine quibus a culpa nemo liber exstitit: ut, per hæc piæ placationis officia, perpétuam misericórdiam consequatur. Per Dóminum.

Postcommunio

Invéniant, quæsumus, Dómine, ánima famulæ tuæ **N.** lucis æternæ consórtium: cuius perpétuæ misericórdiæ consecuta est sacraméntum. Per Dóminum.

¶ **Si PRO PLURIBUS, orationes dicuntur ut infra:**

Oratio

Quæsumus, Dómine, pro tua pietate miserere animabus

H MISSALE ROM.

famularum tuarum **N.** et **N.** et a contagiis mortalitatis exutas, in æternæ salvationis partem restitue. Per Dóminum.

Secreta

His sacrificiis, quæsumus, Dómine, animæ famularum tuarum **N.** et **N.** a peccatis omnibus exuantur, sine quibus a culpa nemo liber exstitit: ut, per hæc piæ placationis officia, perpétuam misericórdiam consequantur. Per Dóminum.

Postcommunio

Invéniant, quæsumus, Dómine, animæ famularum tuarum **N.** et **N.** lucis æternæ consórtium: cuius perpétuæ misericórdiæ consecuta sunt sacraméntum. Per Dóminum.

11. PRO PATRE ET MATRE

Oratio

Deus, qui nos patrem et matrem honorare præcepisti: miserere clementer animabus patris et matris meæ (paréntum nostrorum), eorumque peccata dimitte; meque (nosque) eos in æternæ claritatis gáudio fac videre. Per Dóminum.

Secreta

Súscipe sacrificium, Dómine, quod tibi pro animabus patris et matris meæ (paréntum nostrorum) offero: eisque gáudium sempiternum in regione vivorum concede; meque (nosque) cum illis felicitati Sanctorum coniunge. Per Dóminum.

Postcommunio

Cæléstis participatio sacraménti, quæsumus, Dómine, animabus patris et matris meæ (paréntum nostrorum) réquiem et lucem obtineat perpétuam: meque (nosque) cum illis grátia tua coronet æterna. Per Dóminum.

12. PRO PATRE TANTUM

Oratio

Deus, qui nos patrem et matrem honorare præcepisti: miserere clementer animæ patris mei (nostri), eiúsque peccáta dimítte; meque (nosque) eum in æternæ claritátis gáudio fac vidére. Per Dóminum.

Secreta

Súscipe sacrificium, Dómine, quod tibi pro ánima patris mei (nostri) óffero: eíque gáudium sempiternum in regiõne vivórum concéde; meque (nosque) cum illo felicitáti Sanctórum coniúnge. Per Dóminum.

Postcommunio

Cæléstis participátio sacraménti, quæsumus, Dómine, animæ patris mei (nostri) réquiem et lucem obtíneat perpétuam: meque (nosque) cum illo grátia tua corónet æterna. Per Dóminum.

13. PRO MATRE TANTUM

Oratio

Deus, qui nos patrem et matrem honorare præcepisti: miserere clementer animæ matris meæ (nostræ), eiúsque peccáta dimítte; meque (nosque) eam in æternæ claritátis gáudio fac vidére. Per Dóminum.

Secreta

Súscipe sacrificium, Dómine, quod tibi pro ánima matris meæ (nostræ) óffero: eíque gáudium sempiternum in regiõne vivórum concéde; meque (nosque) cum illa felicitáti Sanctórum coniúnge. Per Dóminum.

Postcommunio

Cæléstis participátio sacraménti, quæsumus, Dómine, animæ matris meæ (nostræ) réquiem et lucem obtíneat perpétuam: meque

(nosque) cum illa grátia tua corónet æterna. Per Dóminum.

14. PRO DEFUNCTIS FRATRIBUS,
PROPINQUIS
ET BENEFACTORIBUS

Oratio

Deus, vénia largítor, et humánæ salútis amátor: quæsumus cleméntiam tuam; ut nostræ congregatiõnis fratres, propínquos et benefactóres, qui ex hoc sáculo transiérunt, beáta María semper Vírgine intercedénte cum ómnibus Sanctis tuis, ad perpétuæ beatitúdinis consórtium perveníre concédas. Per Dóminum.

Secreta

Deus, cuius misericórdiæ non est númerus, súscipe propítius preces humilitátis nostræ: et animábus fratrum, propinquórum, et benefactorum nostrórum, quibus tui nóminis dedísti confessiõnem, per hæc sacraménta salútis nostræ, cunctórum remissiõnem tríbue peccatórum. Per Dóminum.

Postcommunio

Præsta, quæsumus, omnípotens et miséricors Deus: ut animæ fratrum, propinquórum, et benefactorum nostrórum, pro quibus hoc sacrificium laudis tuæ obtúlimus maiestáti; per huius virtútem sacraménti a peccátis ómnibus expiátæ, lucis perpétuæ, te miseránte, recípiant beatitúdinem. Per Dóminum.

15. PRO HIS, QUI IN CÆMETERIO
REQUIESCUNT

Oratio

Deus, cuius miseratiõne animæ fidélium requiescunt: fámulis et famulábus tuis, et ómnibus hic et ubique in Christo quiescéntibus, da propítius véniam peccatórum; ut a cunctis reátibus absolúti, tecum sine fine læténtur. Per eúndem Dóminum.

Secreta

Pro animábus famulórum, famularúmque tuárum, et ómnium catholicórum hic et ubique in Christo dormiéntium, hóstiam, Dómine, súscipe benígnus oblátam: ut hoc sacrificio singulári, vínculis horréndæ mortis exúti, vitam mereántur ætérnam. Per eúndem Dóminum.

Postcommunio

Deus, fidélium lumen animárum, adésto supplicatióibus nostris: et da fámulis et famulábus tuis, quorum córpora hic et ubique in Christo requiéscunt, refrigerií sedem, quiétis beatitúdinem, et lúminis claritátem. Per eúndem Dóminum.

16. PRO PLURIBUS DEFUNCTIS**Oratio**

Deus, cui próprium est miseréri semper et párcere: propitiáre animábus famulórum, famularúmque tuárum, et ómnia eórum peccáta dimítte; ut mortalitátis vínculis absolútæ, transíre mereántur ad vitam. Per Dóminum.

Secreta

Annue nobis, quæsumus, Dómine, ut animábus famulórum, famularúmque tuárum hæc prosit oblátio: quam immolándo, totíus mundi tribuísti relaxári delícta. Per Dóminum.

Postcommunio

Deus, cui soli cómpetit medicínam præstáre post mortem: præsta, quæsumus; ut animæ famulórum, famularúmque tuárum, terrénis exútæ contágiis, in tuæ redemptiόνis parte numeréntur: Qui vivis.

17. ITEM PRO PLURIBUS DEFUNCTIS**Oratio**

Animábus, quæsumus, Dómine, famulórum, famularúmque tuárum misericórdiam concéde perpétuam: ut eis proficiat in ætérnum, quod in te speravérunt, et credidérunt. Per Dóminum.

Secreta

His, Dómine, quæsumus, placátus inténde munéribus: et, quod ad laudem tui nóminis supplicántes offérimus, ad indulgéntiam proficiat defunctórum. Per Dóminum.

Postcommunio

Súpplices, Dómine, pro animábus famulórum, famularúmque tuárum preces effúndimus: obsecrántes; ut, quidquid conversatióne contraxérunt humána, cleménter indulgeas, et eas in tuórum sede lætántium constítuas redemptórum. Per Dóminum.

ORDO ABSOLUTIONIS

IN EXSEQUIIS PRÆSENTE DEFUNCTI CORPORE

EX RITUALI ROMANO

Finita Missa exsequiali, ultimo Evangelio omissa, celebrans, depositis casula seu planeta et manipulo in plano ad latus Epistolæ, accipit pluviale nigri coloris, diacono et subdiacono paratis remanentibus, depositis tamen manipulis. Tum subdiaconus accipit crucem et, præcedentibus duobus acolythis, uno cum thuribulo et navicula incensi, alio cum vase aquæ benedictæ et aspersorio, accedit ad feretrum et se sistit ad caput defuncti cum cruce, medius inter duos acolythos seu ceroferarios cum candelabris et candelis accensis. Post eum omnes alii de clero veniunt ordinatim in gradu suo cum candelis accensis, et stant in circuitu feretri: ultimo loco sequitur celebrans cum diacono a sinistris et, facta prius reverentia altari, sistit se contra crucem ad pedes defuncti, retro astantibus ei a sinistris duobus acolythis, uno cum thuribulo et navicula incensi,

altero cum vase aquæ benedictæ et aspersorio. Tunc, diacono tenente librum, iunctis manibus absolute dicit sequentem orationem (nulla numeri aut generis facta mutatione etiamsi pro pluribus aut pro femina dicatur).




Oratio

Non intres in iudicium cum servo tuo, Dómine, quia nullus apud te iustificábitur homo, nisi per te ómnium peccatórum ei tribuátur remissio. Non ergo eum, quæsumus, tua iudiciális senténtia premat, quem tibi vera supplicatio fidei christiánæ comméndat: sed, grátia tua illi succurrénte, mereátur evádere iudicium ultiónis, qui, dum víveret, insignítus est signáculo sanctæ Trinitátis: Qui vivis et regnas in sǎcula sǎculórum. **R.** Amen.

Deinde, cantore incipiente, clerus circumstans cantat sequens responsorium:

The musical notation is written on three staves. The first staff begins with a red 'I' and a C-clef. The notes are square black symbols. The lyrics are written below the staves, with some words split across lines. A red asterisk is placed below the word 'da:' in the second staff, and a red cross is placed below the word 'ter-ra:' in the third staff.


I
Lí-be- ra me, Dó- mi-ne, * de morte æ-tér- na,
in di- e il- la tre- mén- da: * Quando cæ- li
mo- véndi sunt et ter- ra: † Dum vé-




Repetitur *Líbera me, Dómine, usque ad V. Tremens.*

Dum repetitur prædictum responsorium, sacerdos, diacono ministrante, accipit incensum de navicula et ponit in thuribulum, benedicens illud more solito. Finito responsorio,

cantor cum primo choro dicit: Et secundus chorus respondet:




Deinde omnes simul dicunt: Mox sacerdos dicit alta voce:



Et secreto continuatur ab omnibus. Ipse interim accipit de manu diaconi aspersionum aquæ benedictæ, eodemque diacono comitante a dexteris et anteriorem fimbriam pluvialis sublevante, circumiens feretrum, aspergit corpus defuncti aqua benedicta, ter a parte sinistra cadaveris et ter a dextera. Cum transit ante altare et ante crucem, quæ est ex adverso, profunde se inclinat, diacono genuflectente; si transit ante Sacramentum genuflectit. Deinde, reversus ad locum suum, diacono ministrante, accipit thuribulum, et eodem modo quo asperserat, circuit feretrum, et corpus incensat; postea, reddito thuribulo, stans in loco suo, diacono librum apertum ante ipsum tenente, iunctis manibus dicit:



V. Et ne nos indú-cas in tenta-ti- ó-nem. **R.** Sed lí-be- ra nos a ma- lo.




V. A por- ta ín-fe- ri. **R.** E- ru- e, Dómi- ne, á-nimam e- jus.
á-nimas e- ó- rum.



V. Re- qui- é- scat in pa- ce. **R.** Amen.
Re- qui- é- scant



V. Dómi-ne, exáudi o-ra-ti-ó-nem me- am.



R. Et clamor me- us ad te vé-ni- at.

V. Dóminus vobíscum.

R7. Et cum spírítu tuo.

Orémus.


Oratio

Deus, cui próprium est miseréri semper et párcere, te súpplíces exorámus pro ánima fámuli tui **N.** (fámulæ tuæ **N.**), quam hódie de hoc sáculo migráre iussísti: ut non tradas eam in manus inimíci, neque obliviscáris in finem, sed iúbeas eam a sanctis Angelis súscipi, et ad pátriam paradísi perdúci;


ut, quia in te sperávit et crédidit, non pænas inférni sustíneat, sed gáudia æténa possídeat. Per Christum Dóminum nostrum. **R7.** Amen.

Si defunctus fuerit sacerdos vel Episcopus, in oratione dicatur: pro ánima fámuli tui **N.** sacerdótis **vel** Epíscopi, quam, etc.


Finita oratione, corpus defertur ad sepulcrum, si tunc deferendum sit; dum autem portatur, vel in eodem loco, si tunc non portetur, clerici cantant antiphonam:




In pa-ra-dí-sum *de-dú-cant te Ange-li: in tu-o advéntu



suscí-pi- ant te Márty-res, et perdú-cant te in ci-vi-tá-tem




sanctam Je-rú-sa-lem. Cho-rus Ange-ló-rum te sus- cí-pi- at,



et cum Lá-za-ro quondam páu-pe-re æ-térnam há-be-as réqui-em.

Deinde, etiamsi corpus tunc ad sepulturam delatum non fuerit, sacerdos prosequatur Officium, ut infra, quod numquam omittitur; et intonet antiphonam:


II




E-go sum re-surrécti- o et vi- ta: qui cre- dit in me,




é- ti- am si mórtu- us fú- e- rit, vi- vet: et om- nis, qui vi- vit



et cre- dit in me, non mo- ri- é- tur in æ- térmum.



Cant. Be-ne-díctus Dómi-nus De- us Isra- ël.



E u o u a e. Et e-ré-xit.

Canticum Zachariæ

Luc. I, 68-79

Benedíctus Dóminus, Deus Israël,
* quia visitávit et redémit pópulum suum.

Et eréxit cornu salútis nobis *
in domo David servi sui,

Sicut locútus est per os sanctórum,
* qui olim fuérunt, prophetárum suórum:

Ut liberáret nos ab inimícis nostris,
* et e manu ómnium qui odérunt nos,

Ut fáceret misericórdiam cum pátribus nostris,
* et recordarétur fœderis sui sancti:

Iurisiurándi, quod iurávit Abrahæ,
patri nostro, * datúrum se nobis.

Ut sine timóre, e manu inimicórum nostrórum liberáti, * serviámus illi

In sanctitáte et iustítia coram ipso * ómnibus diébus nostris. —

Et tu, puer, prophéta Altíssimi vocáberis: * præíbis enim ante fáciem Dómini ad parándas vias eius,

Ad dandam pópulo eius sciéntiam salútis * in remissióne peccatórum eórum,

Per víscera misericórdiæ Dei nostri, * qua visitábit nos Oriens ex alto,

Ut illúminet eos, qui in ténebris et in umbra mortis sedent, * ut dírigat pedes nostros in viam pacis.

Réquiem ætérmam * dona ei, Dómine.

Et lux perpétua * lúceat ei.

Ac, si longitudo itineris postulaverit, dicatur psalmus De profúndis et alii psalmi ex Officio defunctorum, et in fine cuiuslibet psalmi dicitur: Réquiem ætérmam dona ei, Dómine.

Ad ingressum cœmeterii repetitur antiphona: Ego sum, **ut supra.**

Cum autem pervenerit ad sepulcrum, si non sit benedictum, sacerdos illud benedicit, dicens hanc orationem:

Orémus.

Oratio

Deus, cuius miseratione animæ Fidélium requiescunt, hunc tumulum bene ✠ dicere dignare, eique Angelum tuum sanctum deputa custodem: et quorum quarumque corpora hic sepeliuntur, animas eorum ab omnibus absolve vinculis delictorum; ut in te semper

cum Sanctis tuis sine fine lætèntur. Per Christum Dóminum nostrum.

R. Amen.


Si sepulcrum pro uno tantum inserviat, dicatur: et cuius corpus hic sepelitur, animam eius... lætètur.

Dicta oratione, sacerdos aqua benedicta aspergat, deinde incenset corpus defuncti et tumulum.

Quod si sepulcrum iam sit benedictum, omittitur tum benedictio sepulcri, tum aspersio et incensatio corporis ac tumuli.


Postea sacerdos dicit:

Chorus prosequitur:



Ký- ri- e, e- lé- i- son. Chri- ste, e- lé- i- son. Ký- ri- e,

Sacerdos:



e- lé- i- son. Pa- ter no- ster.

Interim corpus, quin circumbeat, aspergit.

℣. Et ne nos indúcas in tentatió- nem.

R. Sed libera nos a malo.

℣. A porta inferi.

R. Erue, Dómine, animam eius.

℣. Requiescat in pace.

R. Amen.

℣. Dómine, exáudi oratió- nem meam.

R. Et clamor meus ad te véniat.

℣. Dóminus vobíscum.

R. Et cum spíritu tuo.

Orémus.

Oratio

Fac, quæsumus, Dómine, hanc cum servo tuo defuncto (an- cilla tua defuncta) misericórdiam, ut factórum suórum in pænis non recípiat vicem, qui (quæ) tuam in votis tenuit voluntátem: ut, sicut hic eum (eam) vera fides iunxit fidé- lium turmis; ita illic eum (eam) tua miserátio sóci- et angélicis choris. Per Christum Dóminum nostrum.

R. Amen.

Deinde celebrans, faciens crucem manu dextera super feretrum, di- cit:

℣. Réquiem æté- rnam dona ei, Dómine.

R. Et lux perpétua lúceat ei.

Absolutio super feretrum

The first system of musical notation for 'The Rose Tree' is shown on a five-line staff. It begins with a treble clef and a key signature of one flat (B-flat). The melody consists of a series of eighth and quarter notes, with a repeat sign at the end of the first phrase. The notes are: G4 (quarter), A4 (quarter), Bb4 (quarter), A4 (quarter), G4 (quarter), F4 (quarter), E4 (quarter), D4 (half).

celebrans dicit recto tono:

ORDO ABSOLUTIONIS

IN EXSEQUIIS ABSENTE DEFUNCTI CORPORE

EX RITUALI ROMANO

¶ Hic ritus servatur quando exsequiæ fiunt absente defuncti corpore, sive in die tertio, septimo, trigesimo et anniversario ab obitu vel depositione defuncti, sive in alio die.

¶ Si absolutio immediate Missam defunctorum sequitur, in ea ultimum Evangelium omittitur. Post Missam, celebrans deponit planetam seu casulam in plano ad latus Epistolæ, accipit pluviale nigri coloris et, præcedentibus duobus acolythis, uno cum navicula incensi et thuribulo, altero cum vasculo aquæ benedictæ et aspersorio, post eos subdiacono cum cruce, et duobus ceroferariis cum luminaribus accensis, et clero, accedit cum diacono a sinistris ad locum tumuli. Subdiaconus cum cruce sistit se ad pedes tumuli seu lecticæ mortuorum contra altare, medius inter dictos acolythos tenentes luminaria; celebrans vero ex alia parte in capite loci inter altare et tumulum, aliquantulum versus cornu Epistolæ, ita ut crucem subdiaconi respiciat; a sinistris eius diaconus, et prope eum alii duo acolythi deferentes thuribulum et vas aquæ benedictæ. Tunc, omissa oratione **Non intres, etc.**, a clero circumstante cantatur **R. Libera me, Dómine, etc.**, ut supra (116). Interim ministratur incensum, benedicitur, et imponitur in thuribulum.

Postea dicitur:

Kýrie, eléison. Christe, eléison. Kýrie, eléison.

Mox sacerdos dicit: Pater noster, quod dum secreto continuatur, accipit aspersorium, et circuit tumulum aspergens, atque incensans eodem modo, ut supra dictum est.

Postea dicit:

V. Et ne nos indúcas in tentatió-nem.

R. Sed libera nos a malo.

V. A porta inferi.

R. Erue, Dómine, ánimam eius (ánimas eórum vel eárum).

V. Requiéscat (-ant) in pace.

R. Amen.

V. Dómine, exáudi oratió-nem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Oratio

Absólve, quæsumus, Dómine, ánimam fámuli tui **N.** (fámulæ tuæ **N.**, vel ánimas famulórum tuórum **N.** et **N.**, vel ánimas famulárum tuárum **N.** et **N.**, vel ánimas famulórum famularúmque tuárum) ab omni vínculo delictórum: ut, in resurrectionis glória, inter Sanctos et eléctos tuos resuscitátus (-a) respíret (resuscitáti vel resuscitátæ respírent). Per Christum Dóminum nostrum. **R. Amen.**


Si defunctus fuerit sacerdos vel Episcopus, in oratione exprimitur nomen dignitatis.

Loco præcedentis orationis, celebrans dicere potest orationem, quæ dicta est in Missa, vel aliam convenientem, ut supra (109)-(115), adhibita tamen conclusione brevi.

Deinde celebrans, faciens crucem
manu dextera super tumulum, di-
cit:

℣. Réquiem ætérnam dona ei
(eis), Dómine. ℞. Et lux perpétua
lúceat ei (eis.)

Et, dicto per cantores:



℣ Re-qui- éscat in pa- ce. ℞. Amen.
Re-qui- éscant

celebrans dicit recto tono:
℣. Anima eius (Animæ eórum
vel eárum) et ánimæ ómnium Fidé-

lium defunctórum per misericór-
diam Dei requiéscant in pace.
℞. Amen.

PROPRIUM SANCTORUM

PRO ALIQUIBUS LOCIS

Infrascriptæ Missæ de Mysterio vel Sancto elogium in Martyrologio eo die habente, dici possunt ut festivæ ubicumque, ad libitum sacerdotis, iuxta rubricas. Similiter, huiusmodi Missæ dici possunt etiam ut votivæ, nisi aliqua expresse excipiat.

FESTA DECEMBRIS

Die 7 decembris

S. AMBROSII

EP., CONF. ET ECCL. DOCT.

Antiphona ad Introitum

Sap. 7, 7-8

Optávi, et datus est mihi sensus: et invocávi, et venit in me spíritus sapiéntiæ: et præpósui illam regnis et sédibus, et divítias nihil esse duxi in comparatióne illius. **Ps. 85, 1** Inclína, Dómine, aurem tuam, et exáudi me, quóniam inops et pauper sum ego. **V.** Glória Patri.

Oratio

Omnípotens sempitérne Deus, qui hodiérnam festivitátem beáti Ambrósii Sacerdotis electiône consecrásti: præsta pópulo tuo; ut cuius annua celebritáte devótis exsúltat obséquiiis, eius patrocínio tuæ pietátis consequátur auxília. Per Dóminum.

Léctio Epístolæ beáti Pauli Apóstoli ad Ephésios.

Eph. 3, 2-11

Fratres: Audístis dispensatióem grátiae Dei, quæ data est mihi in vobis, quóniam secúndum revelatióem notum mihi factum est sacraméntum sicut supra scripsi in

brevi; prout potéstis legéntes intellégere prudéntiam meam in mystério Christi, quod áliis generatióibus non est agnítum filiis hóminum, sicuti nunc revelátum est sanctis apóstolis eius et prophétis in Spíritu, gentes esse coherédes et concorporáles et compartícipes promissiónis eius in Christo Iesu per evangélium, cuius factus sum mínister secúndum donum grátiae Dei, quæ data est mihi secúndum operatióem virtútis eius. Mihi ómnium sanctórum mínimo data est grátia hæc, in géntibus evangelizáre investigábiles divítias Christi et illumináre omnes quæ sit dispensatió sacraménti absconditi a sæculis in Deo, qui ómnia creávit, ut innotéscat principátibus et potestátibus in cæléstibus per ecclésiám multifórmis sapiéntia Dei; secúndum præfinitióem sæculórum quam fecit in Christo Iesu Dómino nostro.

Graduale Gen. 12, 1 Egrédere de terra tua, et de domo patris tui, et veni in terram, quam monstrábo tibi. **V. Ps. 20, 3** Desidérium cordis eius tribuísti ei, et voluntáte labiórum eius non fraudásti eum.

Allelúia, allelúia. **V.** Diréctus est vir ínclitus ut Aríum destrúeret, splendor Ecclésiæ, cláritas vatú, ínfulas dum gerit sæculi, acquisívit Paradísi. Allelúia.

✠ Sequéntia sancti Evangélii secúndum Ioánnem.

Ioann. 10, 11-16

In illo témpore: Dixit Iesus pharisæis: Ego sum pastor bonus. Bonus pastor ánimam suam dat pro óvibus suis. Mercenárius autem, et qui non est pastor, cuius non sunt oves própriae, videt lupum veniéntem, et dimíttit oves, et fugit: et lupus rapit, et dispérgit oves: mercenárius autem fugit, quia mercenárius est, et non pértinet ad eum de óvibus. Ego sum pastor bonus: et cognósco meas, et cognóscunt me meæ. Sicut novit me Pater, et ego agnósco Patrem: et ánimam meam pono pro óvibus meis. Et álias oves hábeo, quæ non sunt ex hoc ovíli: et illas opórtet me addúcere, et vocem meam áudient, et fiet unum ovíle, et unus pastor.

Antiphona ad Offertorium Ezech. 34, 15-16 Ego pascam oves meas, et ego eas accubáre fáciam, dicit Dóminus. Quod perierat requíram, et quod abiéctum erat redúcám, et quod confráctum fúerat alligábo, et quod infirmum fúerat consolidábo.

Secreta

Omnípotens sempitérne Deus, múnera tuæ maiestáti obláta, per intercessiónem beáti Ambrósii Confessóris tui atque Pontíficis, ad perpétuam nobis fac proveníre salutem. Per Dóminum.

Antiphona ad Communionem Eccli. 50, 6-7 Quasi stella matutína in médio nébulæ, et quasi luna plena in diébus suis lucet, et quasi sol refúlgens, sic ille effúlsit in templo Dei.

Postcommunio

Sacraménta salutis nostræ suscipiéntes, concéde, quæsumus, omnípotens Deus: ut beáti Ambró-

sii Confessóris tui atque Pontíficis, nos ubíque orátio ádiuvet; in cuius veneratióne hæc tuæ obtúlimus maiestáti. Per Dóminum.

FESTA IANUARI

Die 3 ianuarii

S. GASPARIS DEL BUFALO CONFESSORIS

Antiphona ad Introitum

Apoc. 5, 9-10

Dignus es, Dómine, accípere librum, et aperíre signácula eius: quóniam occísus es, et redemísti nos Deo in ságuine tuo, et fecísti nos Deo nostro regnum et sacerdotes. **Ps. 83, 2** Quam dilécta tabernácula tua, Dómine virtútum, concupíscit et déficit ánima mea in átria Dómini. **V.** Glória Patri.

Oratio

Deus, qui ad salutem animárum, quas tuo pretiósó Sanguine redemísti, novam per beátum Gásparem in Ecclésia tua famíliam congregásti: concéde propítius; ut ipso intercedénte, copiósum tuæ redemptionis fructum consequámur: Qui vivis.

Léctio Epístolæ beáti Pauli Apóstoli ad Ephésios.

Eph. 1, 3-7

Benedíctus Deus Pater Dómini nostri Iesu Christi, qui benedíxit nos in omni benedictióne spirituáli in cæléstibus in Christo; sicut elégit nos in ipso ante mundi constitutiónem, ut essémus sancti et immaculáti in conspéctu eius in caritáte, qui prædestinávit nos in adoptiόnem filiόrum per Iesum Christum in ipsum secúndum propósito voluntátis suæ, in laudem glóriæ grátia suæ, in qua gratificávit nos in dilécto filio suo, in quo habémus redemptionem per sanguinem eius.

Graduale Apoc. 14, 6 Vidi álterum Angelum volántem per médium cæli, habéntem Evangélium ætérnum, ut evangelizáret sedéntibus super terram. **V. Rom., 10, 15** Quam speciósi pedes evangelizántium pacem, evangelizántium bona!

Allelúia, allelúia. **V. 2 Cor. 2, 14** Deo autem grátias, qui odórem notítiæ suæ maniféstatur per nos in omni loco. Allelúia.

In Missis votivis post Septuagesimam, omissis Allelúia et versu sequenti, dicitur

Tractus Ps. 39, 10-11 Annuntiávi iustítiam tuam in ecclésia magna, ecce lábia mea non prohibébo: Dómine, tu scisti. **V.** Iustítiam tuam non abscondi in corde meo: veritátem tuam et salutáre tuum dixi. **V.** Non abscondi misericórdiam tuam, et veritátem tuam a concílio multo.

Tempore autem paschali omititur graduale, et eius loco dicitur:

Allelúia, allelúia. **V. Rom. 10, 15** Quam speciósi pedes evangelizántium pacem, evangelizántium bona! Allelúia. **V. 2 Cor. 2, 14** Deo autem grátias, qui odórem notítiæ suæ maniféstatur per nos in omni loco. Allelúia.

Evangelium Eúntes, ut in festo S. Francisci Xaverii, die 3 decembris.

Antiphona ad Offertorium Apoc. 22, 14 Beáti qui lavant stolas suas in ságuine Agni: ut sit potéstas eórum in ligno vitæ.

Secreta

Dómine Iesu Christe, qui pretiósí Sanguinis tui divítias in beátum Gásparem effudísti: fac nos hanc salutárem hóstiam sic tibi offérre, ut eiúsdem Sanguinis fructus large percípere mereámur: Qui vivis.

Antiphona ad Communionem Apoc. 7, 17 Agnus, qui in médio throni est, reget illos, et dedúcet eos ad vitæ fontes aquárum.

Postcommunio

Inténde nobis fámulis tuis, quæsumus, Dómine: et beáto Gáspare Confessóre tuo intercedénte, quam ille ex hoc divíno convívio spíritus gustávit dulcédinem, eándem et nos hauríre concédas. Per Dóminum.

Eodem die 3 ianuarii

**S. FRANCISCÆ XAVERIÆ
CABRINI VIRGINIS**

Antiphona ad Introitum

Ps. 72, 24

Tenuísti manum dexteram meam: et in voluntáte tua deduxísti me, et cum glória suscepísti me. **Ps. ibid., 1** Quam bonus Israël Deus his, qui recto sunt corde! **V.** Glória Patri.

Oratio

Dómine Iesu Christe, qui sanctam Vírginem Franciscam Xavériam, sacratíssimi Cordis tui igne succénsam, per amplíssimas mundi plagas ad ánimas tibi lucrándas deduxísti et per eam novam in Ecclésia tua vírginum famíliam suscitásti: concéde, quæsumus; ut ipsa intercedénte, eiúsdem Cordis tui virtútibus induámur atque ad ætérnum beatitúdinis portum perveníre mereámur: Qui vivis.

Epistola Vidéte, ut in festo S. Ágathæ, die 5 februarii.

Graduale Ps. 17, 33-34 Deus qui præcínxit me virtúte. et pósuit immaculátam viam meam. **V.** Qui perfécit pedes meos tamquam cervórum: et super excélsa státuens me.

Allelúia, allelúia. **V. 1 Cor. 9, 22** Omnibus ómnia factus sum, ut omnes fácerem salvos. Allelúia.

Post Septuagesimam, omissis Allelúia et versu sequenti, dicitur

Tractus Ps. 17, 2-4 Díligam te, Dómine, fortitúdo mea: Dóminus firmaméntum meum et refúgium meum et liberátor meus. **¶** Deus meus adiutor meus, et sperábo in eum: protéctor meus, et cornu salútis meæ, et suscéptor meus. **¶** Laudans invocábo Dóminum: et ab inimícis meis salvus ero.

Tempore autem paschali omit-titur graduale, et eius loco dicitur:

Allelúia, allelúia. **¶** 1 Cor. 9, 22 Omnibus ómnia factus sum, ut omnes fácerem salvos. Allelúia. **¶** Ps. 72, 28 Mihi autem adhærere Deo bonum est: pónere in Dómino Deo spem meam. Allelúia.

Evangelium Confiteor, ut in festo S. Francisci, die 4 octobris.

Antiphona ad Offertorium Ps. 72, 28 Mihi autem adhærere Deo bonum est: pónere in Dómino Deo spem meam: ut annúntiem omnes prædicatiónes tuas in portis filíæ Sion.

Secreta

Múnera quæ tibi, Dómine, in honórem sanctæ Franciscæ Xavériæ Vírginis offérimus, súscipe et præsta: ut sacratíssimo Fílii tui Cordi conformáti, hóstia acceptábilis et ipsi tibi efficiámur. Per eúndem Dóminum.

Antiphona ad Communionem Matth. 11, 28 Veníte ad me omnes, qui laborátis et oneráti estis, et ego reficiam vos.

Postcommunio

Deus, qui nos de plenitúdine Cordis dilécti Fílii tui cælestia dona hauríre concédís: præsta, quæ-

sumus, ut sanctæ Franciscæ Xavériæ exémpła prosequéntes; eiúsdem Fílii tui glóriam iúgiter quærámus et ipsíus regni præmia consequámur: Qui tecum.

Die 23 ianuarii

S. ILDEFONSI EP. ET CONF.

Missa In médio, de Communi Doctorum (19), præter orationes sequentes:

Oratio

P

Deus, qui per gloriosíssimam Fílii tui Matrem beátum Ildefónsum Confessórem tuum atque Pontíficem, misso de thesáuris cælestibus múnere, decorásti: concéde propítius; ut, per eius preces et mérita, múnera capiámus ætérna. Per eúndem Dóminum.

Secreta

P

Sancti Ildefónsi Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut per hæc piæ placatiónis offícia, et illum beáta retribútio comitétur, et nobis grátiæ tuæ dona concíliet. Per Dóminum.

Postcommunio

P

Deus, fidélium remunerátor animárum: præsta; ut beáti Ildefónsi Confessóris tui atque Pontíficis, cuius venerándam celebrámus festivitátem, précibus indulgéntiam consequámur. Per Dóminum.

Die 29 ianuarii

S. FRANCISCI SALESII
EP., CONF. ET ECCL. DOCT.

Antiphona ad Introitum

Eccli. 45, 8-9

Státuit ei testaméntum ætérnum, et dedit illi sacerdotium gentis: beatificávit illum in

glória, et coronávit eum in vasis virtútis. **Ps. 118, 103** Quam dúlcia fáucibus meis elóquia tua, super mel ori meo! **V.** Glória Patri.

Oratio

Deus, qui ad animárum salútem beátum Francíscum Confes-sórem tuum atque Pontíficem ómnibus ómnia factum esse voluísti: concéde propítius; ut caritátis tuæ dulcédine perfúsi, eius dirigéntibus mónitis ac suffragántibus méritis, æténa gáudia consequámur. Per Dóminum.

Léctio Epístolæ beáti Pauli Apóstoli ad Ephésios.

Eph. 3, 7-21

Fratres: Factus sum mínister secúndum donum grátiae Dei, quæ data est mihi secúndum operatióem virtútis eius. Mihi ómnium sanctórum mínimo data est grátia hæc, in géntibus evangelizáre investigábiles divítias Christi et illumináre omnes quæ sit dispensatio sacraménti abscónditi a sæculis in Deo, qui ómnia creávit, ut innotéscat principátibus et potestátibus in cæléstibus per ecclésiám multifórmis sapiéntia Dei; secúndum præfinitiónem sæculórum quam fecit in Christo Iesu Dómino nostro, in quo habémus fidúciam et accéssum in confidéntia per fidem eius. Propter quod peto ne deficiátis in tribulatióibus meis pro vobis, quæ est glória vestra. Huius rei grátia flecto génuá mea ad Patrem Dómini nostri Iesu Christi, ex quo omnis patérnitas in cælis et in terra nominátur; ut det vobis secúndum divítias glóriæ suæ virtúte corrobórari per Spíritum eius in interiorem hóminem; Christum habitáre per fidem in córdibus vestris; in caritate radicáti et fundáti, ut possitis comprehendere cum ómnibus sanctis quæ sit latitúdo et longitúdo et sublimitas et profúndum; scire

étiam supereminéntem sciéntiæ caritátem Christi, ut impleámini in omnem plenititúdinem Dei. Ei autem, qui potens est ómnia fácere superabundánte quam pétimus aut intellégimus secúndum virtútem quæ operátur in nobis, ipsi glória in ecclésia et in Christo Iesu, in omnes generatióes sáculi sæculórum. Amen.

Graduale Eccli. 33, 18-19 Respícite quóniam non mihi soli laborávi, sed ómnibus exquiréntibus disciplínam. **V.** Audíte me, magnátes, et omnes pópuli, et rectóres ecclésiæ, áuribus percípите.

Allelúia, allelúia. **V. Ps. 32, 18** Ecce, óculi Dómini super metuéntes eum: et in eis qui sperant super misericórdia eius. Allelúia.

Post Septuagesimam, omissis Allelúia et versu sequenti, dicitur

Tractus Ps. 33, 9 Gustáte, et vidéte quóniam suávis est Dóminus: beátus vir, qui sperat in eo. **V. Prov. 16, 23** Cor sapiéntis erúdiét os eius: et lábiis eius addet grátiam. **V. Ibid. 17, 27** Qui moderátur sermónes suos, doctus et prudens est: et pretiósí spíritus vir eruditus.

In Missis votivis tempore paschali omittitur graduale, et eius loco dicitur:

Allelúia, allelúia. **V. Ps. 36, 37** Custódi innocéntiam et vide æquitátem: quóniam sunt reliquiae hómini pacífico. Allelúia. **V. Eccli. 6, 35** In multitúdine presbyterórum prudentium sta, et sapiéntiæ illórum ex corde coniúngere, ut omnem narratióem Dei possis audíre. Allelúia.

✠ Sequéntia sancti Evangélii secúndum Matthæum.

Matth. 5, 13-19

In illo témpore: Dixit Iesus discipulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut

mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvere legem, aut prophétas: non veni sólvere, sed adimplére. Amen quippe dico vobis, donec tránseat cælum et terra, ióta unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium Apoc. 2, 19 Novi ópera tua, et fidem, et caritátem tuam, et ministérium, et patiéntiam tuam, et ópera tua novíssima plura prióribus.

Secreta

Per hanc salutárem hóstiam, quam offérimus tibi, Dómine, divíno illo Sancti Spíritus igne cor nostrum accénde, quo mitíssimum beáti Francísci ánimus mirabíliter inflammásti. Per Dóminum... in unitáte eiúsdem Spíritus Sancti.

Antiphona ad Communionem 1 Cor. 9, 22 Factus sum infirmis infirmus, ut infirmos lucrifácerem: ómnibus ómnia factus sum, ut omnes fácerem salvos.

Postcommunio

Concéde, quæsumus, omnípotens Deus: ut, per sacraménta quæ sumpsimus, beáti Francísci caritátem et mansuetúdinem imitántes in terris, glóriam quoque consequámur in cælis. Per Dóminum.

FESTA FEBRUARII

Die 21 februarii

S. MARGARITÆ DE CORTONA PÆNITENTIS

Missæ Cognóvi, de Communi non Virginum 2 loco (31), præter orationes et Epistolam ut infra:

Oratio

P

Deus, qui fámulam tuam Margarítam de perditionis via ad salutis trámitem misericórditer deduxísti: eádem nobis miseratióne concéde; ut, quam prius errántem sectári non erubúimus, mox pæniténtem ímpigre sequi gloriémur. Per Dóminum.

Epistola Surgam, et circuibo, **ut in festo S. Mariæ Magdalenæ, die 22 iulii.**

Secreta

P

Placatiónis hóstia, quam tibi offérimus, Dómine, beátæ Margarítæ interveniénte suffrágio, optátæ nobis indulgéntiæ plenitúdinem largiátur. Per Dóminum.

Postcommunio

P

Uberes, Dómine, sanctæ tuæ Margarítæ lácrimæ durítiem nostri cordis emólliant: ut per huius virtútem sacraménti débitas reátibus flammis incessánti fletu exstinguámus. Per Dóminum.

FESTA MARTII

Die 15 martii

S. LUDOVICÆ DE MARILLAC VIDUÆ

Antiphona ad Introitum

Iob. 30, 25; 31, 18

Flebam super eum qui afflíctus erat, et compatiebátur ánima mea páuperi: quia ab infántia mea crevit mecum miserátio, et de útero matris meæ egréssa est mecum. (T. P. Allelúia, allelúia.)

Ps. 40, 1 Beátus qui intéllegit super egénium et páuperem: in die mala liberábit eum Dóminus. **V.** Glória Patri.

Oratio

Deus, caritátis auctor et præmium, qui novam in Ecclésia tua famíliam suscitásti, eiúsque matrem beátam Ludovicam esse voluísti: da, quásumus; ut, caritátis ópera exercéntes, promíssam in cælis mercédem ásequi mereámur. Per Dóminum.

Epistola Frange, **ut in festo S. Hieronymi Æmiliani, die 20 iulii.**

Graduale Eccli. 29, 15 Conclúde eleemósynam in corde páuperis, et hæc pro te exorábit ab omni malo. **V. Tob. 4, 17** Panem tuum cum esuriéntibus cómede, et de vestiméntis tuis nudos tege.

Tractus Iob 29, 11-13 Auris áudiens beatificábat me, et óculus videns testimónium reddébat mihi. **V.** Eo quod liberássem páuperem vociferántem, et pupíllum cui non esset adiútor. **V.** Benedíctio peritúri super me veniébat, et cor víduæ consoláta sum.

Tempore paschali, omissis graduali et tractu, dicitur:

Allelúia, allelúia. **V. Act. 10, 31** Exaudíta est orátio tua, et eleemósynæ tuæ commemorátæ sunt in conspéctu Dei. Allelúia. **V. Ibid. 9, 36** Hæc erat plena opéribus bonis et eleemósynis quas faciébat. Allelúia.

In Missis votivis ante Septuagesimam vel post Pentecosten, graduale dicitur ut supra, sed, omisso tractu, additur

Allelúia, allelúia. **V. Act. 10, 31** Exaudíta est orátio tua, et eleemósynæ tuæ commemorátæ sunt in conspéctu Dei. Allelúia.

Evangelium Cum vénerit, **ut in festo S. Ioannis Baptistæ de Rossi, die 23 maii huius Appendicis (145).**

Antiphona ad Offertorium Act. 10, 4 Oratiónes tuæ et eleemósynæ tuæ ascenderunt in memóriam in conspéctu Dómini. **(T. P. Allelúia.)**

Secreta

Réspice, Dómine, oblatiões nostras in honórem beátæ Ludovicæ tibi reverénter exhibitas; et per eius intercessiõnem nos in ómnibus vitæ sémitis fácias et a periculis tutos et ad virtútes iúgiter expeditos. Per Dóminum.

Antiphona ad Communionem Is. 54, 2-3 Dílata locum tentórii tui: longos fac funículos tuos; ad dexteram enim et ad lævam penetrábis: et semen tuum gentes hereditábit. **(T. P. Allelúia.)**

Postcommunio

Devótio nostra, Dómine, intercedente beáta Ludovicá, cóntinuum e refectiõne cælesti sumat auxílium; ut divínam fidem, quam intus fovémus in corde, etiam foris exhibeámus in ópere. Per Dóminum.

Die 21 martii

S. BENEDICTI ABBATIS

Missa Os iusti, **de Communi Abbatum (23), cum orationibus et Epistola ut infra:**

Oratio

P

Omnípotens sempitérne Deus, qui hodiérna die carnis eductum ergástulo sanctum Confessorem tuum Benedíctum sublevásti ad cælum: concéde, quásumus, hæc festa tuis fámulis celebrántibus cunctórum véniam delictórum; ut, qui exsultántibus ánimis eius claritáti congáudent, ipso apud te interveniente consociéntur et méritis. Per Dóminum.

Lectio libri Sapiëntiæ.

Eccli. 50, 1-11 et 13-15

Ecce Confessor magnus, qui in vita sua suffulsit domum et in diébus suis corroborávit templum. Templi étiam altitúdo ab ipso fundáta est, duplex ædificátio, et excélsi parietes templi. In diébus ipsíus emanavérunt pútei aquárum et quasi mare adimpléti sunt supra modum. Qui curávit gentem suam et liberávit eam a perditíone, qui præváluit amplificáre civitátem, qui adéptus est glóriam in conversatíone gentis et ingrèssum domus et átrii amplificávit. Quasi stella matutína in médio nébulæ et quasi luna plena in diébus suis lucet et quasi sol refúlgens, sic ille effúlsit in templo Dei; quasi arcus refúlgens inter nébulas glóriæ et quasi flos rosárum in diébus vernis et quasi lília, quæ sunt in tránsitu aquæ, et quasi thus rédolens in diébus æstátis, quasi ignis effúlgens, et thus ardens in igne; quasi vas auri sólídum ornátum omni lápide pretíoso; quasi olíva púllulans et cypréssus in altitúdinem se extóllens. Circa illum coróna fratrum, quasi plantátio cedri in monte Líbano, sic circa illum stetérunt quasi rami palmæ, et omnes filii Aaron in glória sua.

Secreta

P

Oblátis, Dómine, ad honórem sancti Confessóris tui Benedicti placáre munéribus; et ipsíus intervéntu fámulis tuis tribue indulgéntiam peccatórum. Per Dóminum.

Postcommunio

P

Percéptis, Dómine Deus noster, salutáribus sacraméntis, humíliter deprecámur: ut intercedénte sancto Benedicto Confessóre tuo, quæ pro illíus veneránda gérimus solemnitáte, nobis proficiant ad salútem. Per Dóminum.

FESTA APRILIS

Die 16 aprilis

S. IOSEPHI BENEDICTI LABRE
CONFESSORIS

Antiphona ad Introitum

Ierem. 12, 7; ps. 85, 1; 26, 10

Relíqui domum meam: dimísi hereditátem meam: inops et pauper ego sum: Dóminus autem assúmpsit me. (T. P. Allelúia, allelúia.) Ps. 41, 2 Quem-ádmódum desíderat cervus ad fontes aquárum, ita desíderat ánima mea ad te, Deus. V. Glória Patri.

Oratio

Deus, qui sanctum Ioséphum Benedíctum Confessórem tuum humilitátis stúdio, et paupertátis amóre tibi uni adhærere fecísti: da nobis eius suffragántibus méritis; terréna cuncta despícere et cæléstia semper inquirere. Per Dóminum.

Lectio Epístolæ beáti Pauli Apóstoli ad Timótheum.

1 Tim. 6, 6-12

Caríssime: Est quæstus magnus píetas cum sufficiéntia. Nihil enim intúlimus in hunc mundum: haud dúbium quod nec auférre quid póssumus. Habéntes autem aliménta, et quibus tegámur, his conténti simus. Nam qui volunt dívites fieri, incidunt in tentatíonem, et in láqueum diáboli, et desidéria multa inútilia, et nocíva, quæ mergunt hómines in intéritum, et perditíonem. Radix enim ómnium malórum est cupíditas: quam quidam appeténtes, erravérunt a fide, et inseruérunt se dolóribus multis. Tu autem, o homo Dei, hæc fuge: sectáre vero iustítiam, pietátem, fidem, caritátem, patiéntiam, mansuetúdinem. Certa bonum certámen fidei, apprehénde vitam ætérnam.

Tempore paschali:

Allelúia, allelúia. **V. Ps. 112, 5-6** Quis sicut Dóminus Deus noster, qui in altis hábitat, et humília réspicit in cælo et in terra? Allelúia. **V. Ibid., 7-8** Súscitans a terra ínopem, et de stércore érigens páuperem: ut cóllocet eum cum princípibus, cum princípibus pópuli sui. Allelúia.

Extra tempus paschale:

Graduale Ps. 39, 5 et 18 Beátus vir, cuius est nomen Dómini spes eius, et non respéxit in vanitátes et insánias falsas. **V.** Ego autem mendícus sum et pauper: Dóminus sollicitus est mei. Adiútor meus, et protéctor meus tu es.

Tractus 1 Ioann. 2, 15, 16 et 17 Nolíte dilígere mundum, neque ea quæ in mundo sunt. Si quis diligit mundum, non est cáritas Patris in eo. **V.** Omne, quod est in mundo, concupiscéntia carnis est, et concupiscéntia oculórum, et supérbia vitæ. **V.** Et mundus transit, et concupiscéntia eius: qui autem facit voluntátem Dei, manet in ætérnum.

¶ **In Missis votivis ante Septuagesimam vel post Pentecosten, graduale dicitur ut supra, sed, omisso tractu, additur:**

Allelúia, allelúia. **V.** Exáudi oratióem meam, Dómine, et deprecatióem meam: áuribus pécipe lácrimas meas: quóniam ádvena ego sum apud te, et peregrínus. Allelúia.

Evangelium Dixit Iesus discípulis suis: Si quis vult, **de Comuni unius Martyris 2 loco** (5).

Antiphona ad Offertorium Hebr. 13, 14 et 15 Non habémus hic manéntem civitátem, sed futúram inquirimus: offerámus ergo hóstiam

laudis semper Deo, fructum labiórum confiténtium nómini eius. **(T. P. Allelúia.)**

Secreta

Obláta múnera, clementíssime Deus, propítius réspice: et, sancti Ioséphi Benedícti Confessóris tui interveniéntem suffrágio, in salutem nobis proveníre concéde. Per Dóminum.

Antiphona ad Communionem Matth. 5, 3 et 8 Beáti páuperes spíritu, quóniam ipsórum est regnum cælórum: beáti mundo corde, quóniam ipsi Deum vidébunt. **(T. P. Allelúia.)**

Postcommunio

Sacris, Dómine, refécti munéribus: quæsumus; ut sancti Ioséphi Benedícti Confessóris tui virtútes imitémur, cuius póscimus méritis adiuvári. Per Dóminum.

Die 26 aprilis

B. M. V. A BONO CONSILIO

Antiphona ad Introitum

Gaudeámus omnes in Dómino, diem festum celebrántes sub honóre beátæ Mariæ Vírginis Boni Consílii Matris: de cuius solemnitáte gaudent Angeli, et colláudant Fílium Dei. **(T. P. Allelúia, allelúia.) Ps. 44, 2** Eructávit cor meum verbum bonum: dico ego ópera mea Regi. **V.** Glória Patri.

Oratio

Deus, qui Genetrícem dilécti Fílii tui matrem nobis dedísti: concéde, quæsumus; ut, eiúsdem mónitis iúgiter inhæréntes, secúndum cor tuum vívere, et ad cæléstem pátriam felíciter perveníre valeámus. Per eúndem Dóminum.

Epistola Ego quasi vitis, ut in Commemoratione B. M. V. de Monte Carmelo, die 16 iulii.

Tempore paschali:

Allelúia, allelúia. **V. Luc. 1, 28** Ave, María, grátia plena: Dóminus tecum: benedícta tu in muliéribus. Allelúia. **V.** Per te, Dei Génatrix, nobis est víta pérdita data: quæ de cælo suscepísti prolem, et mundo genuísti Salvatórem. Allelúia.

In Missis votivis extra tempus paschale dicitur:

Graduale Prov. 8, 12 et 34 Ego sapiéntia hábito in consílio, et erudítis intérsu cogitatióibus. **V.** Beátus homo qui audit me, et vígilat ad fores meas quotidie, et obsérvat ad postes óstii mei.

Allelúia, allelúia. **V. Ibid., 35** Qui me invénierit, invéniet vitam, et háuriet salútem a Dómino. Allelúia.

Post Septuagesimam, omissis Allelúia, et versu sequenti, dicitur

Tractus Prov. 8, 14, 17 et 20-21 Meum est consílium, et æquitas, mea est prudéntia, mea est fortitúdo. **V.** Ego diligéntes me díligo: et qui mane vígilant ad me, invénient me. **V.** In viis iustítiæ ámbulo, in médio semitárum iudícii. **V.** Ut ditem diligéntes me, et thesáuros eórum répleam.

✠ **Sequéntia sancti Evangélíi secúndum Lucam.**

Luc. 1, 26-33

In illo témpore: Missus est Angelus Gábriel a Deo in civitátem Galiléæ, cui nomen Náza-reth, ad Vírginem desponsátam viro, cui nomen erat Ioseph, de domo David, et nomen Vírginis María. Et ingræssus Angelus ad eam, dixit: Ave, grátia plena: Dóminus tecum: benedícta tu in muliéribus. Quæ cum audísset, turbáta est in sermóne eius, et cogitábat qualis esset ista salutátio. Et

ait Angelus ei: Ne tíneas, María, invenísti enim grátiam apud Deum: ecce, concípies in útero, et páries filium, et vocábis nomen eius Iesum. Hic erit magnus, et Fílius Altíssimi vocábitur, et dabit illi Dóminus Deus sedem David patris eius: et regnábit in domo Iacob in ætérnum, et regni eius non erit finis.

Antiphona ad Offertorium Ierem. 18, 20 Recordáre, Virgo Mater, in conspéctu Dei, ut loquáris pro nobis bona, et ut avértat indignatió-nem suam a nobis. **(T. P. Allelúia.)**

Secreta

Sanctífica, Dómine, quæsumus, obláta libámina: et beátæ Dei Genetrícis Mariæ, Boni Consílii Matris, salubérrima intercessió-ne, nobis salutária fore concéde. Per eúndem Dóminum.

Præfatio de B. Maria Virg. Et te in Festivitate.

Antiphona ad Communionem Regína mundi digníssima, María Virgo perpétua, intercède pro nostra pace et salúte, quæ genuísti Christum Dóminum Salvatórem óm-nium. **(T. P. Allelúia.)**

Postcommunio

Adiuvet nos, quæsumus, Dómine, gloriósæ tuæ Genetrícis sem-pérque Vírginis Mariæ, Matris Boni Consílii, intercéssio veneránda: ut, quos perpétuis cumulávit benefi-ciis; ea quæ agénda sunt iúgiter vidére fáciat, et ad implénda quæ víderint convaléscere: Qui vivis.

Die 28 aprilis

S. PETRI CHANEL MART.

Antiphona ad Introitum

Is. 69, 19

Mittam ex his qui salváti fúerint ad gentes in mare, ad ínsulas longe, ad eos qui non audiérunt de me et non vidé-

runt glóriam meam: et annuntiábunt glóriam meam géntibus. (T. P. Allelúia, allelúia.) Ps. 96, 1 Dóminus regnávít, exsúltet terra: læténtur ínsulæ multæ. V. Glória Patri.

Oratio

Deus, qui beátum Petrum, Mártyrem tuum, ad prædicándum Evangélium mira mansuetúdyne, flagránti caritáte et invícta constántia decorásti: da nobis, quæsumus; ut eius vestígiis inhæréntes, fidem quam profitémur, usque ad mortem teneámus. Per Dóminum.

Epistola Indúite, **ut in dominica V post Epiphaniam** 42.

Tempore paschali:

Allelúia, allelúia. V. Ps. 20, 3 Desidérium ánimæ eius tribuísti ei, Dómine, et voluntáte labiórú eius non fraudásti eum. Allelúia. Is. 24, 15-16 In ínsulis maris nomen Dómini Dei Israél; a finibus terræ laudes audívimus, glóriam iusti. Allelúia.

In Missis votivis extra tempus paschale:

Graduale Is. 42, 10 et 12 Cantáte Dómino cánticum novum, laus eius ab extrémis terræ: qui descénditis in mare et plenitúdo eius, ínsulæ et habitatóres eárum. V. Ponent Dómino glóriam, et laudes eius in ínsulis nuntiábunt.

Allelúia, allelúia. V. Is. 24, 15-16 In ínsulis maris nomen Dómini Dei Israél; a finibus terræ laudes audívimus, glóriam iusti. Allelúia.

Evangelium Si quis vult, **de Comuni unius Martyris 2 loco** (5).

Antiphona ad Offertorium Is. 52, 7 Quam pulchri pedes annuntiántis et prædicántis pacem: annuntiántis bonum, prædicántis salútem, dicéntis Sion: Regnábit Deus tuus. (T. P. Allelúia.)

Secreta

Hæc hóstia, Dómine, quam in beáti Petri triúmpho deféri-mus, corda nostra tui amóris igne iúgiter inflámmet; et ad promíssa perseverántibus præmia dispónat. Per Dóminum.

Antiphona ad Communionem Ps. 20, 4 Prævenísti eum in benedictiónibus dulcédinis: posuísti in cápite eius corónam de lápide pretióso. (T. P. Allelúia.)

Postcommunio

Angelórum pane nutriti et supérna dulcédine perfúsi, te, Dómine, suppliciter exorámus; ut, beáti Petri Mártyris tui exémplo, discámus terréna cuncta despícere, et amáre cæléstia. Per Dóminum.

Eodem die 28 aprilis

S. LUDOVICI MARIE GRIGNION
A MONTFORT CONF.

Antiphona ad Introitum

Is. 52, 7

Quam pulchri super montes pedes annuntiántis et prædicántis pacem, annuntiántis bonum, prædicántis salútem, dicéntis Sion: Regnábit Deus tuus. (T. P. Allelúia, allelúia.) Ps. 48, 2 Audíte hæc, omnes gentes; áuribus percípите, omnes qui habitátis orbem. V. Glória Patri.

Oratio

Deus, qui sanctum Ludovícum Mariám regni Unigéniti Fílii tui præcónem exímium effecísti, et géminam per eum famíliam religiósam in Ecclésia tua suscitásti: concéde propítius; ut, ipsíus mónitis et exémplo, eídem dilécto Fílio tuo, sub suávi iugo beatíssimæ Vír-ginis et Matris eius, perénriter servíre valeámus: Qui tecum.

Epistola Non misit, **ut in festo S. Pauli a Cruce, hoc ipso die.**

Tempore paschali:

Allelúia, allelúia. **V. I Cor. 1, 23-24** Nos autem prædicamus Christum crucifixum, Dei virtutem et Dei sapientiam. Allelúia. **V. Eccli. 3, 5-6** Sicut qui thesaurizat, ita et qui honorificat Matrem suam: et in die orationis suæ exaudiétur. Allelúia.

In Missis votivis extra tempus paschale dicitur:

Graduale Ps. 85, 9-10 Omnes gentes quascúmque fecisti, vénient et adorábunt coram te, Dómine: et glorificábunt nomen tuum. **V. Quóniam magnus es tu, et fáciens mirabilia: tu es Deus solus.**

Allelúia, allelúia. **V. I Cor. 1, 23-24** Nos autem prædicamus Christum crucifixum, Dei virtutem et Dei sapientiam. Allelúia.

Post Septuagesimam, omissis Allelúia et versu sequenti, dicitur

Tractus Ps. III, 1-3 Beátus vir, qui timet Dóminum: in mandátis ejus cupit nimis. **V. Potens in terra erit semen eius: generatio rectórum benedicétur. V. Glória et divitiæ in domo eius et iustítia eius manet in sæculum sæculi.**

Evangelium Stabant, ut in festo septem dolorum B. M. V., die 15 septembris.

Antiphona ad Offertorium Ps. 115, 16-17 O Dómine, quia ego servus tuus: ego servus tuus et filius ancillæ tuæ. Dirupísti víncula mea: tibi sacrificábo hóstiā laudis. **(T. P. Allelúia.)**

Secreta

Múnera altári tuo, Dómine, superpósita, sancto Ludovíco María intercedente, propítius respice, ac nos quoque per beatíssimam Vírginem Mariām hóstias tibi placentes efficere dignáre. Per Dóminum.

Antiphona ad Communionem Eccli. 3, 5 Sicut qui thesaurizat, ita et qui honorificat Matrem suam, et in die orationis suæ exaudiétur. **(T. P. Allelúia.)**

Postcommunio

Grátia tua nos, Dómine, non derelínquat: quæ, sancto Ludovíco María intercedente, et sacra nos déditos fáciat servitúti, et tuam nobis, per Vírginem Matrem, opem semper acquirat. Per Dóminum.

Die 29 aprilis

S. IOSEPHI BENEDICTI COTTOLENGO CONF.

Antiphona ad Introitum

Ierem. 17, 7-8

Benedíctus vir, qui confidit in Dómino, et erit Dóminus fiducia eius: et erit quasi lignum, quod transplantátur super aquas, quod ad humórem mittit radices suas: et non timébit cum vénerit æstus. **(T. P. Allelúia, allelúia.) Ps. 24, 1-2** Ad te, Dómine, levávi ánimam meam: Deus meus, in te confido, non erubescam. **V. Glória Patri.**

Oratio

Deus, qui in te confidentibus paterána largitáte succúrris: beátí Ioséphi Benedícti intercessióne concéde; ut, derelictis paupéribus serviéntes, promíssa misericórdibus præmia consequámur. Per Dóminum.

Léctio libri Iob.

Iob 29, 11-16, 18-20

In diébus illis: Assúmens Iob párabolam suam, dixit: Auris áudiens beatificábat me, et óculus videns testimónium reddébat mihi. Eo quod liberássem páuperem vociferántem et pupíllum cui non esset adiútor, benedíctio peritúri super me veniébat, et cor víduæ consolátus sum. Iustítia indútus sum, et vestívi me, sicut vestiménto et diadémate, iudício meo. Oculus fui cæco et pes claudó, pater eram

páuperum, dicebámque: In nídulo meo móriar, et sicut palma multiplicábo dies. Radix mea apérta est secus aquas, et ros morábitur in messióne mea. Glória mea semper innovábitur, et arcus meus in manu mea instaurábitur.

Tempore paschali:

Allelúia, allelúia. **Ps. 54, 23** Iacta super Dóminum curam tuam, et ipse te enútriet: non dabit in ætérnum fluctuatióem iusto. Allelúia. **Ps. 51, 10** Ego autem sicut olíva fructífera in domo Dei, sperávi in misericórdia Dei in ætérnum: et in sáculum sáculi. Allelúia.

In Missis votivis extra tempus paschale dicitur:

Graduale Is. 58, 7 Frange esuriénti panem tuum, et egénos vagósque induc in domum tuam: cum víderis nudum, óperi eum, et carnem tuam ne despéxeris. **Ps. Ibid., 10** Cum effúderis sitiénti ánimam tuam, et ánimam afflíctam repléveris, oriétur in ténebris lux tua, et ténebræ tuæ erunt sicut merídiēs.

Allelúia, allelúia. **Ps. 54, 23** Iacta super Dóminum curam tuam, et ipse te enútriet: non dabit in ætérnum fluctuatióem iusto. Allelúia.

Post Septuagesimam, omissis Allelúia et versu sequenti, dicitur

Tractus Ps. 33, 9-11 Gustáte, et vidéte quóniam suávis est Dóminus: beátus vir qui sperat in eo. **Ps. 33, 9** Timéte Dóminum, omnes Sancti eius: quóniam non est inópia timéntibus eum. **Ps. 33, 10** Dívites eguérunt, et esuriérunt: inquirentes autem Dóminum non minuéntur omni bono.

Evangelium Cum vénerit, ut in festo S. Ioannis Baptistæ de Rossi, in hac Appendice, die 23 maii (147).

Antiphona ad Offertorium Ps. 40, 1 Beátus qui intéllegit super egénū

et páuperem, in die mala liberábit eum Dóminus. (T. P. Allelúia.)

Secreta

Dómine Deus, qui beáto Iosépho Benedícto, divína celebránti mystéria, quod tractábat imitári tribuísti: eius précibus et méritis concéde; ut nos quoque, immaculatam hóstiam offeréntes, holocáustum tibi accéptum éffici mereámur. Per Dóminum.

Antiphona ad Communionem Matth. 25, 40 et 34 Amen dico vobis: quod uni ex mínimis meis fecístis, mihi fecístis: veníte, benedícti Patris mei, possidéte parátum vobis regnum ab inítio sáculi. (T. P. Allelúia.)

Postcommunio

Sit nobis, Dómine, tui percéptio sacraménti perénne subsídium: ut, intercedénte beáto Iosépho Benedícto, misericórdiæ opéribus insistentes, temporálibus foveámur auxiliis, et sempitérnis divítiisaugeámur. Per Dóminum.

FESTA MAI

Die 3 maii

IN INVENTIONE S. CRUCIS

Antiphona ad Introitum

Gal. 6, 14

Nos autem gloriári opórtet in Cruce Dómini nostri Iesu Christi: in quo est salus, vita, et resurréctio nostra: per quem salváti, et liberáti sumus, allelúia, allelúia. **Ps. 66, 2** Deus misereátur nostri, et benedícat nobis: illúminet vultum suum super nos, et misereátur nostri. **Ps. 66, 2** Glória Patri.

Oratio

Deus, qui in præclára salutíferæ Crucis Inventióne passióis tuæ mirácula suscitásti: concéde; ut vitális ligni pretio, æternæ vitæ suffrágia consequámur: Qui vivis.

Lectio Epistolæ beati Pauli Apostoli
ad Philippenses.

Philipp. 2, 5-11

Fratres: Hoc enim sentite in vobis, quod et in Christo Iesu: qui cum in forma Dei esset, non rapinam arbitratus est esse se æqualem Deo: sed semetipsum exinanivit formam servi accipiens, in similitudinem hominum factus, et habitu inventus ut homo. Humiliavit semetipsum, factus obediens usque ad mortem, mortem autem crucis. Propter quod et Deus exaltavit illum: et donavit illi nomen, quod est super omne nomen: (**hic genuflectitur**) ut in nomine Iesu omne genu flectatur cælestium, terrestrium, et infernorum: et omnis lingua confiteatur, quia Dominus Iesus Christus in gloria est Dei Patris.

Allelúia, allelúia. **V. Ps. 95, 10**
Dicite in gentibus, quia Dominus regnavit a ligno. Allelúia. **V.** Dulce lignum, dulces clavos, dúlcia ferens pondera: quæ sola fuisti digna sustinere Regem cælorum, et Dominum. Allelúia.

✠ Sequéntia sancti Evangélíi secúndum Ioánnem.

Ioann. 3, 1-15

In illo témpore: Erat homo ex pharisæis, Nicodémus nómine, princeps Iudæorum. Hic venit ad Iesum nocte, et dixit ei: Rabbi, scimus quia a Deo venisti magister; nemo enim potest hæc signa facere, quæ tu facis, nisi fuerit Deus cum eo. Respondit Iesus, et dixit ei: Amen, amen dico tibi, nisi quis renatus fuerit denuo, non potest videre regnum Dei. Dicit ad eum Nicodémus: Quómodo potest homo nasci, cum sit senex? numquid potest in ventrem matris suæ iterato introire, et renasci? Respondit Iesus: Amen, amen dico tibi, nisi quis renatus fuerit ex aqua, et Spíritu Sancto, non potest introire in

regnum Dei. Quod natum est ex carne, caro est: et quod natum est ex spíritu, spíritus est. Non mireris quia dixi tibi: oportet vos nasci denuo. Spíritus ubi vult spirat, et vocem eius audis, sed nescis unde veniat, aut quo vadat: sic est omnis qui natus est ex spíritu. Respondit Nicodémus, et dixit ei: Quómodo possunt hæc fieri? Respondit Iesus, et dixit ei: Tu es magister in Israël, et hæc ignoras? Amen, amen dico tibi, quia quod scimus loquimur, et quod vidimus testamur, et testimónium nostrum non accipitis. Si terréna dixi vobis et non creditis: quómodo, si díxero vobis cælestia, credétis? et nemo ascendit in cælum, nisi qui descendit de cælo, Fílius hóminis, qui est in cælo. Et sicut Móyses exaltavit serpéntem in deserto; ita exaltári oportet Fílium hóminis: ut omnis qui credit in ipsum, non péreat, sed hábeat vitam ætérnam.

Antiphona ad Offertorium Ps. 117, 16 et 17 Dextera Dómini fecit virtutem, dextera Dómini exaltavit me: non móriar, sed vivam, et narrábo ópera Dómini, allelúia.

Secreta

Sacrificium, Dómine, quod tibi immolámus, placátus inténde: ut ab omni nos éruat bellórum nequítia, et per vexillum sanctæ Crucis Fílii tui, ad conteréndas potestatis advérsæ insídias, nos in tuæ protectiónis securitate constítuat. Per eúndem Dóminum.

Præfatio de sancta Cruce.

Antiphona ad Communionem

Per signum Crucis de inimícis nostris libera nos, Deus noster, allelúia.

Postcommunio

Repléti alimónia cælesti, et spiritali poculo recreáti, quæsumus, omnipotens Deus: ut ab hoste maligno deféndas quos per lignum

sanctæ Crucis Filii tui, arma iustitiæ pro salutē mundi, triumphare iussisti. Per eundem Dominum.

¶ **Pro votiva de sancta Cruce dicitur Missa** Nos autem, quæ habetur inter Missas votivas circa finem Missalis (53).

Die 6 maii

S. IOANNIS AP. ET EVANG.
ANTE PORTAM LATINAM

Antiphona ad Introitum

Ps. 63, 3

Protexisti me, Deus, a convētu malignāntium, allelúia: a multitudīne operāntium iniquitatem, allelúia, allelúia. **Ps. ibid., 2** Exaudi, Deus, orationem meam cum deprecor: a timóre inimici éripe animam meam. **V.** Glória Patri.

Oratio

Deus, qui cōspicis quia nos undique mala nostra perturbant: præsta, quæsumus; ut beati Ioānnis Apóstoli tui et Evangelistæ intercēssio gloriōsa nos protégat. Per Dominum.

Lectio libri Sapiētiæ.

Sap. 5, 1-5

Stabunt iusti in magna constantia adversus eos, qui se angustiarunt, et qui abstulerunt labores eorum. Videntes turbabuntur timóre horribili, et mirabuntur in subitātionē insperatæ salutis, dicentes intra se, pēnitentiam agentes, et præ angustia spíritus gemētes: Hi sunt, quos habuimus aliquādo in derisum, et in similitudinē impropérii. Nos insensāti vitam illórum æstimabāmus insāniam, et finem illórum sine honóre: ecce quómodo computāti sunt inter filios Dei, et inter sanctos sors illórum est.

Allelúia, allelúia. **V.** Ps. 91, 13 Iustus ut palma florébit: sicut ce-

drus Líbani multiplicábitur. Allelúia. **V.** Osee 14, 6 Iustus germinábit sicut lílium: et florébit in ætérnum ante Dominum. Allelúia.

✠ **Sequētia sancti Evangélii secūndum Matthæum.**

Matth. 20, 20-23

In illo témpore: Accēssit ad Iesum mater filiórum Zebedæi cum filiis suis, adorans, et petens aliquid ab eo. Qui dixit ei: Quid vis? Ait illi: Dic ut sédeant hi duo filii mei, unus ad dexteram tuam, et unus ad sinistram in regno tuo. Respōdens autem Iesus, dixit: Nescitis quid petátis. Potéstis bibere cálicem, quem ego bibitúrus sum? Dicunt ei: Póssumus. Ait illis: Cálicem quidem meum bibétis: sedere autem ad dexteram meam, vel sinistram, non est meum dare vobis, sed quibus parátum est a Patre meo.

Antiphona ad Offertorium Ps. 88.

6 Confitebuntur cæli mirabilia tua, Dómine: et veritatem tuam in ecclésia sanctórum, allelúia, allelúia.

Secreta

Muneribus nostris, quæsumus, Dómine, precibusque susceptis: et cælestibus nos munda mysteriis, et clemēter exaudi. Per Dominum.

Præfatio de Apostolis.

Antiphona ad Communionem

Ps. 63, 11 Lætábitur iustus in Dómino, et sperábit in eo: et laudabuntur omnes recti corde, allelúia, allelúia.

Postcommunio

Refecti, Dómine, pane cælesti: ad vitam, quæsumus, nutriāmur ætérnam. Per Dominum.

¶ **Pro votiva de S. Ioanne, Missa dicitur ut in festo, die 27 decembris 22, at in oratione secreta immutatur vox solemnitáte in commemoratióne.**

Eodem die 6 maii

S. DOMINICI SAVIO CONF.

Antiphona ad Introitum

Apoc. 14, 4-5

Hi sequuntur Agnum quocumque ierit, primitiæ Deo et Agno: sine macula enim sunt ante thronum Dei. (T. P. Allelúia, allelúia.) Ps. 118, 1 Beati quorum immaculata est via, qui ambulant in lege Domini. V. Glória Patri.

Oratio

Deus, qui in sancto Domínico mirabile adulescéntibus pietatis ac puritatis exemplar dedisti: concède propítius; ut, eius intercessióne et exémplo, casto corpore et mundo corde tibi servíre valeamus. Per Dóminum.

Lectio Epístolæ beati Pauli Apóstoli ad Thessalonicenses.

I Thess. 4, 1-3 et 7

Fratres: Rogamus vos et obsecramus in Dómino Iesu, ut quemadmodum accepistis a nobis quomodo oporteat vos ambulare et placere Deo, sic et ambulétis, ut abundétis magis. Scitis enim quæ præcepta dederim vobis per Dóminum Iesum. Hæc est enim voluntas Dei, sanctificatio vestra. Non enim vocavit nos Deus in immunditiam, sed in sanctificationem.

Tempore paschali:

Allelúia, allelúia. V. Ps. 20, 3 Desiderium cordis eius tribuisti ei, et petitionem labiorum eius non denegasti. Allelúia. V. Ibid., 4 Benedictionibus faustis prævenisti eum, imposuisti capiti eius coronam de auro puro. Allelúia.

In Missis votivis extra tempus paschale:

Graduale Ps. 118, 100-101 Sé-nibus intellegéntior sum, quia præcepta tua observo. V. Ab omni

via mala cohíbeo pedes meos, ut custódiam verba tua.

Allelúia, allelúia. V. Ps. 20, 3 Desiderium cordis eius tribuisti ei, et petitionem labiorum eius non denegasti. Allelúia.

Post Septuagesimam, omissis Allelúia et versu sequenti, dicitur

Tractus Ps. 118, 9-11 Quomodo puram servabit adulescens viam suam? Custodiendo verba tua. V. Toto corde meo quæro te; ne siveris me aberrare a mandatis tuis. V. In corde meo recondo eloquium tuum, ne peccem contra te.

✠ Sequéntia sancti Evangélíi secundum Matthæum.

Matth. 11, 25-30

In illo tempore: Respondens Iesus dixit: Confíteor tibi, Pater, Dómine cæli et terræ, quia abscondisti hæc a sapientibus et prudentibus, et revelasti ea parvulis. Ita, Pater: quoniam sic fuit placitum ante te. Omnia mihi tradita sunt a Patre meo. Et nemo novit Fílium, nisi Pater: neque Patrem quis novit, nisi Fílius, et cui voluerit Fílius revelare.

Antiphona ad Offertorium Ps. 99, 1-2 Exsultate Dómino, omnes terræ; servite Dómino cum lætítia; introíte in conspéctum eius cum exultatione. (T. P. Allelúia.)

Secreta

Salutáris hóstia, quam tibi offérimus, Dómine, mentes nostras attóllat; et seráphico nos inflámmet ardóre, quo sanctus Dóminus vehementer æstuávit. Per Dóminum.

Antiphona ad Communionem Gen. 27, 27 Ecce odor filii mei sicut odor agri pleni, cui benedixit Dóminus. (T. P. Allelúia.)

Postcommunio

Divína mensa refécti, tuam in nobis, quæsumus, Dómine, ré-

fove grátiam: ut, beáti Domínici vestígia secúti, et viríliter aggrediámur sanctitátis viam, et ánimas fratrum ad portum salútis perdúcere valeámus. Per Dóminum.

Die 8 maii

B. MARLÆ VIRGINIS
REGINÆ SANCTORUM OMNIUM
ET MATRIS PULCHRÆ
DILECTIONIS

Antiphona ad Introitum

Egredimini et vidéte, filiæ Sion, Reginam vestram, quam laudant astra matutína: cuius pulchritúdinem sol et luna mirántur, et iúbilant omnes filii Dei. (T. P. Allelúia, allelúia.) Ps. 83, 2-3 Quam dilécta tabernácula tua, Dómine virtútum! concupíscit, et déficit ánima mea in átria Dómini. V. Glória Patri.

Oratio

Deus, qui beatíssimam Vírginem Mariám, ómnium Sanctorum Reginam, et Matrem pulchræ dilectiónis, nos venerári tribuísti: concede propítius, ut, ipsa protegente, te in ómnibus et super ómnia diligamus in terris, et Sanctorum tuorum felíci consórtio perfruámur in cælis. Per Dóminum.

Léctio libri Sapiéntiæ.

Eccli. 24, 22-31

Ego quasi terebínthus exténderamos meos, et rami mei honóris et grátia. Ego quasi vitis fructificávi suavitátem odóris: et flores mei, fructus honóris et honestátis. Ego mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis: in me omnis spes vitæ et virtútis. Transíte ad me, omnes, qui concupíscitis me, et a generatiónibus meis implémini. Spíritus enim meus super mel dulcis, et heréditas mea super mel et favum. Memória

mea in generatiónes sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

Tempore paschali:

Allelúia, allelúia. V. Cant. 2, 14 Osténde mihi fáciem tuam, sonet vox tua in áuribus meis: vox enim tua dulcis, et fácies tua decóra. Allelúia. V. Ibid. 4, 11 Favus distíllans lábia tua, mel et lac sub lingua tua, et odor vestimentórum tuórum sicut odor thuris. Allelúia.

In Missis votivis extra tempus paschale dicitur:

Graduale 1 Machab. 6, 14-15 Præpósuit eam Dóminus super univérsum regnum suum, et dedit ei diadéma, ut fílium suum nutríret, et regnáret. V. Eccli. 45, 14 Coróna áurea super caput eius, expréssa signo sanctitátis, glória honóris, et opus fortitúdinis.

Allelúia, allelúia. V. Cant. 5, 1; 4, 11 Veni, Regina nostra, veni, Dómina, in hortum tuum. Odor vestimentórum tuórum super ómnia arómata. Allelúia.

Post Septuagesimam, omissis Allelúia, et versu sequenti, dicitur

Tractus Cant. 5, 1; 4, 11 Veni, Regina nostra, veni, Dómina, in hortum tuum. V. Favus distíllans lábia tua, mel et lac sub lingua tua. V. Et odor vestimentórum tuórum sicut odor thuris.

Evangelium Stabant iuxta crucem Iesu, ut in Missis B. M. V. in sabbato tempore paschali (40).

In Missis votivis post Septuagesimam, in fine sequentis antiphonæ Allelúia omittitur.

Antiphona ad Offertorium Prov. 9, 4-5 Si quis est párvulus, véniat ad me, et insipiéntibus locúta est:

Veníte, comédite panem meum, et bíbite vinum quod míscui vobis. (T. P. Allelúia.)

Secreta

Laudis tibi, Dómine, hóstias immolámus, de Genetrícis Fílii tui glória lætántes: cuius suffúlti præsidio, et præsentibus éxui malis confídimus, et futúris. Per eúndem Dóminum.

Præfatio de B. Maria Virg. Et te in Festivitate.

Antiphona ad Communionem
Regína mundi digníssima, María Virgo perpétua, intercède pro nostra pace et salúte, quæ genuísti Christum Dóminum Salvatórem ómnium. (T. P. Allelúia.)

Postcommunio

Cæléstibus pasti delíciis, te súplices deprecámur, Dómine Deus noster: ut sicut nobis in beatíssima Fílii tui Genetríce tutelam et præsidium constituísti; ita eius solémnia celebrántibus æternæ glóriæ corónam retribuas. Per eúndem Dóminum.

Eodem die 8 maii

**B. MARIE VIRGINIS
OMNIUM
GRATIARUM MEDIATRICIS**

Antiphona ad Introitum

Hebr. 4, 16

Adeámus cum fidúcia ad thronum grátia, ut misericórdiam consequámur, et grátiam inveniámus in auxílio opportúno. (T. P. Allelúia, allelúia.) **Ps. 120, 1** Levávi óculos meos in montes: unde véniet auxílium mihi. **V.** Glória Patri.

Oratio

Dómine Iesu Christe, noster apud Patrem mediátor, qui beatíssimam Vírginem Matrem tuam, matrem quoque nostram et apud te Mediátricem constitúere digná-

tus es: concéde propítius; ut, quisquis ad te beneficia petitúrus accésserit, cuncta se per eam impetrásse lætétur: Qui vivis et regnas cum eódem Deo Patre.

Léctio Isaíæ Prophætæ.

Isai. 55, 1-3 et 5

Omnes sitiéntes, veníte ad aquas: et qui non habétis argéntum, properáte, émite et comédite: veníte, émite absque argénto, et absque ulla commutatóne vinum et lac. Quare appénditis argéntum non in pánibus, et labórem vestrum non in saturitáte? audíte, audiéntes me, et comédite bonum, et delectábitur in crassitudíne ánima vestra. Inclínate aurem vestram, et veníte ad me: audíte, et vivet ánima vestra. Ecce, gentem, quam nesciébas, vocábis: et gentes, quæ te non cognovérunt, ad te current propter Dóminum Deum tuum, et Sanctum Israël, quia glorificávit te.

Tempore paschali:

Allelúia, allelúia. **V.** Isai. 60, 4
Leva in circúitu óculos tuos, et vide: omnes isti congregáti sunt, venérunt tibi. Allelúia. **V.** Fílii tui de longe vénient, et filia tuæ de látere surgent. Allelúia.

In Missis votivis extra tempus paschale dicitur:

Graduale Eccli. 24, 25-26 In me grátia omnis viæ et veritátis, in me omnis spes vitæ et virtútis. **V.** Transíte ad me, omnes qui concupíscitis me, et a generatiónibus meis implémini.

Allelúia, allelúia. **V.** Salve, Mater misericórdiæ, Mater spei et grátia, o María. Allelúia.

Post Septuagesimam, omissis Allelúia, et versu sequenti, dicitur

Tractus Apoc. 22, 16-17 Ego sum radix et genus David, stella spléndida et matutína. **V.** Et spí-

ritus et sponsa dicunt: Veni. Et qui audit, dicat: Veni. **V.** Et qui sitit, véniat; et qui vult, accípiat aquam vitæ gratis.

Evangelium Stabant iuxta crucem Iesu, **ut in Missis B. M. V. in sabbato tempore paschali** (40).

Antiphona ad Offertorium Ierem. 18, 20 Recordáre, Virgo Mater, in conspéctu Dei, ut loquáris pro nobis bona, et ut avértat indignatióem suam a nobis. (T. P. Allelúia.)

Secreta

Matris tuæ ac Mediatrixis nostræ précibus, Dómine, quæsumus, hæc hostiarum oblátio nosmetípsos, tua grátia largiénte, tibi perficiat munus ætérnum: Qui vivis.

Præfatio de B. Maria Virg. Et te in Festivitate.

Antiphona ad Communionem Esther 15, 17 Valde mirábilis es, o María, et fácies tua plena est gratiarum. (T. P. Allelúia.)

Postcommunio

Subvéniat nobis, Dómine, beátæ Mariæ Matris tuæ ac nostræ Mediatrixis orátio; ut per hæc sacrosáncta commércia, tua grátia largiénte, ad redemptiόνis æternæ proficiámus augméntum: Qui vivis.

Eodem die 8 maii

B. MARIE VIRGINIS
D. N. A CORDE IESU

Antiphona ad Introitum

Ps. 9, 3 et 11

Lætabor et exultábo in te: sperent in te qui novérunt nomen tuum, quóniam non derelínquis quæréntes te. (T. P. Allelúia, allelúia.) **Ps. ibid., 2** Confitébor tibi, Dómine, in toto corde meo: narrábo ómnia mirábilia tua. **V.** Glória Patri.

Oratio

Dómine Iesu Christe, qui, beáta María Vírgine intercedénte, in nos divítias Cordis tui dignáris effúndere: concéde, quæsumus; ut, quod in eiúsdem Vírginis veneratióne depóscimus, te propitiánte cónsequi mereámur: Qui vivis.

Epistola Ego quasi vitis, **ut in Commemoratione B. M. V. de Monte Carmelo, die 16 iulii.**

Tempore paschali:

Allelúia, allelúia. **V. Num. 17, 8** Virga Iesse flóruit: Virgo Deum et hóminem genuit: pacem Deus réddidit, in se reconcilians ima summis. Allelúia. **V. Luc. 1, 28** Ave, María, grátia plena: Dóminus tecum: benedícta tu in muliéribus. Allelúia.

In Missis votivis extra tempus paschale dicitur:

Graduale Benedícta et venerábilis es, Virgo María: quæ sine tactu pudóris invénta es mater Salvatóris. **V.** Virgo Dei Génatrix, quem totus non capit orbis, in tua se clausit víscera factus homo.

Allelúia, allelúia. **V. Num. 17, 8** Virga Iesse flóruit: Virgo Deum et hóminem genuit: pacem Deus réddidit, in se reconcilians ima summis. Allelúia.

Post Septuagesimam, omissis Allelúia, et versu sequenti, dicitur

Tractus Luc. 1, 46-50 Magnificat ánima mea Dóminum: et exultávit Spíritus meus in Deo salutári meo. **V.** Quia respéxit humilitátem ancillæ suæ: ecce enim ex hoc beátam me dicent omnes generatiónes. **V.** Quia fecit mihi magna qui potens est: et sanctum nomen eius. **V.** Et misericórdia eius a progénie in progénies timéntibus eum.

Evangelium Nuptiæ factæ sunt, ut in dominica II post Epiphaniam 39.

Antiphona ad Offertorium Ierem. 18, 20 Recordâre, Virgo Mater Dei, dum steteris in conspectu Dómini, ut loquâris pro nobis bona. (T. P. Allelúia.)

Secreta

Intercéssio, quæsumus, Dómine, beátæ Mariæ semper Vírginis múnera nostra comméndet: nosque in eius veneratióne sacratíssimo unigéniti Fílii tui Cordi reddat ac-ceptos: Qui tecum vivit.

Præfatio de B. Maria Virg. Et te in Festivitate.

Antiphona ad Communionem Eccli. 24, 25 In me grátia omnis viæ et veritátis, in me omnis spes vitæ et virtútis. (T. P. Allelúia.)

Postcommunio

Cognóscimus, Dómine Iesu, tuæ circa nos cleméntiæ largitatem: et ídeo, beáta María Vírgine apud Cor tuum intercedente, fiducia-lius exorámus; ut, quos páscere non désinis imméritos, et digne tibi servíre perficias et donis uberióribus prosequâris: Qui vivis.

Eodem die 8 maii

IN APPARITIONE S. MICHAELIS
ARCHANGELI

Missa Benedícite, ut in Missali, die 29 septembris; Credo dicitur tantum si festum celebratur gradu I classis.

Die 15 maii

S. ISIDORI AGRICOLÆ CONF.

Antiphona ad Introitum

Ps. 91, 13-14

Iustus ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. (T. P. Alle-

lúia, allelúia.) **Ps. ibid., 2** Bonum est confitéri Dómino: et psállere nómini tuo, Altíssime. **V.** Glória Patri.

Oratio

Da nobis, quæsumus, miséricors Deus: beáto Isidóro agrícóla Confessóre tuo intercedente, superbe non sápere; sed eius méritis et exémp- lis, plácita tibi semper humilitate deservíre. Per Dóminum.

Léctio Epístolæ beáti Iacóbi Apóstoli.

Iac. 5, 7-8, 11 et 16-18

Patiéntes estóte, fratres, usque ad advéntum Dómini. Ecce, agrícóla exspéctat pretiósum fructum terræ, patiénter ferens donec accípiat temporáneum, et serótinum. Patiéntes ígitur estóte et vos, et confirmáte corda vestra: quóniam advéntus Dómini appropinquávit. Ecce, beatificámus eos, qui sustinuérunt. Sufferéntiam Iob audístis, et finem Dómini vidístis, quóniam miséricors Dóminus est, et miserátor. Confitémini ergo altérutrum peccáta vestra, et oráte pro ínvicem ut salvémini: multum enim valet deprecátio iusti assídua. Elías homo erat símilis nobis passibilis: et oratióne orávit ut non plúeret super terram, et non pluit annos tres, et menses sex. Et rursum orávit: et cælum dedit plúviam, et terra dedit fructum suum.

Tempore paschali:

Allelúia, allelúia. **V.** Ps. 111, 1 Beátus vir, qui timet Dóminum: in mandátis eius cupit nimis. Allelúia. **V.** Osee 14, 6 Iustus germinábit sicut lílium: et florébit in ætérnum ante Dóminum. Allelúia.

Extra tempus paschale:

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non supplantábuntur gressus eius.

Allelúia, allelúia. **V. Ps. III, 1**
Beátus vir, qui timet Dóminum:
in mandátis eius cupit nimis. Al-
lelúia.

**In Missis votivis post Septua-
gesimam, omissis Allelúia, et
versu sequenti, dicitur**

Tractus Ps. III, 1-3 Beátus vir,
qui timet Dóminum: in mandátis
eius cupit nimis. **V.** Potens in
terra erit semen eius: generatio
rectórum benedicétur. **V.** Glória
et divítia in domo eius: et iustítia
eius manet in sáculum sáculi.

Evangelium Dixit Iesus discipulis
suis: Ego sum vitis vera, **de Com-
muni Martyrum tempore paschali**
1 loco (13).

Antiphona ad Offertorium Ps. 20,
2-3 In virtúte tua, Dómine, lætábitur
iustus, et super salutáre tuum
exsultávit veheménter: desidérium
ánimæ eius tribuísti ei. **(T. P. Al-
lelúia.)**

Secreta

Propitiáre, Dómine, supplicatió-
nibus nostris, et has pópuli tui
oblatiónes benígnus assúme: ut,
intercedénte beáto Isidóro Confes-
sóre tuo, quod fidéliter pétimus,
efficáciter consequámur. Per Dó-
minum.

Antiphona ad Communionem
Matth. 19, 28 et 29 Amen dico vobis:
quod vos, qui reliquistis ómnia, et
secúti estis me, céntuplum accipié-
tis, et vitam ætérnam possidébitis.
(T. P. Allelúia.)

Postcommunio

Sit nobis, Dómine, reparatio men-
tis et córporis cæléste mysté-
rium: et præsta; ut, cuius exséqui-
mur cultum, intercedénte sancto
Isidóro Confessóre tuo, sentiámus
efféctum. Per Dóminum.

K MISSALE ROM.

Die 22 maii

S. RITÆ DE CASSIA VIDUÆ

Antiphona ad Introitum

Ps. 117, 19 et 22

Aperíte mihi portas iustítia,
ingréssus in eas confitébor
Dómino: lápidem, quem re-
probavérunt ædificántes, hic factus
est in caput ánguli. **(T. P. Allelúia,**
allelúia.) Ps. ibid., 1 Confitémini
Dómino quóniam bonus, quóniam
in sáculum misericórdia eius.
V. Glória Patri.

Oratio

Deus, qui sanctæ Ritæ tantam
grátiam conférre dignátus es,
ut inimícos dilígeret, et in corde ac
fronte caritátis et passiónis tuæ
signa portáret: da nobis, quæsumus,
eius intercessióne et méritis; ini-
mícis nostris sic párcere, et passió-
nis tuæ dolóres contemplári, ut pro-
missa mítibus ac lugéntibus præ-
mia consequámur: Qui vivis.

Lectio libri Sapiéntiæ.

Cant. 2, 1-13

Ego flos campi, et lílium convál-
lium. Sicut lílium inter spinas,
sic amíca mea inter filias. Sicut
malus inter ligna silvárum, sic di-
léctus meus inter filios. Sub umbra
illíus, quem desideráveram, sedi:
et fructus eius dulcis gútturi meo.
Introdúxit me in cellam vináriam,
ordinávit in me caritátem. Fulcíte
me flóribus, stipáte me malis: quia
amóre lángueo. Læva eius sub cá-
pite meo, et dextera illíus amplexá-
bitur me. Adiúro vos, filiæ Ierúsa-
lem, per cápreas, cervósque cam-
pórum, ne suscitétis, neque evigi-
láre faciátis diléctam, quoadúsque
ipsa velit. Vox dilécti mei, ecce, iste
venit sáliens in móntibus, transí-
liens colles: símilis est diléctus
meus cáprea, hinnulóque cervó-
rum. En, ipse stat post paríetem
nostrum, respiciens per fenéstas,

prospiciens per cancellos. En, dilectus meus loquitur mihi: Surge, propera, amica mea, columba mea, formosa mea, et veni. Iam enim hiems transiit, imber abiit, et recessit. Flores apparuerunt in terra nostra, tempus putationis advenit: vox turture audita est in terra nostra: ficus protulit grossos suos: vineæ florētes dederunt odorem suum. Surge, amica mea, speciosa mea, et veni.

Tempore paschali:

Allelúia, allelúia. **V. Eccli. 24, 18** Quasi palma exaltata sum in Cades, et quasi plantatio rosæ in Iericho. Allelúia. **V. Ibid., 20** Sicut cinnamomum, et balsamum aromatizans odorem dedi: quasi myrrha electa dedi suavitatem odoris. Allelúia.

Extra tempus paschale:

Graduale Ps. 117, 6 Dominus mihi adiutor: non timebo quid faciat mihi homo. **V. Ps. 115, 16-17** Dirupisti vincula mea: tibi sacrificabo hostiam laudis, et nomen Domini invocabo.

Allelúia, allelúia. **V. Ibid., 18-19** Vota mea Domino reddam in conspectu omnis populi eius: in atriis domus Domini, in medio tui Ierusalem. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Veni, sponsa Christi, accipe coronam, quam tibi Dominus preparavit in æternum. **V. Ps. 44, 8 et 5** Dilexisti iustitiam, et odisti iniquitatem: propterea unxit te Deus, Deus tuus, oleo lætitiæ præ consortibus tuis. **V.** Specie tua, et pulchritudine tua intende, prospere procede, et regna.

Evangelium Simile est regnum cælorum thesauro, **de Communione Virginum 1 loco** (30).

Antiphona ad Offertorium Gen. 40, 9-10 Vidēbam coram me vitem, in qua erant tres propágines, crescere paulatim in gemmas, et post flores uvas maturēscere. **(T. P. Allelúia.)**

Secreta

Corda nostra, quæsumus, Domine, sanctæ Ritæ méritis, supérni dolóris spina confige: ut, a peccátis ómnibus tua grátia liberáti, sacrificáre tibi hóstiam laudis pura mente valeámus. Per Dóminum.

Antiphona ad Communionem Ps. 20, 4 Prævenisti eam, Domine, in benedictionibus dulcedinis: posuisti in capite eius coronam de lapide pretioso. **(T. P. Allelúia.)**

Postcommunio

Cæléstibus, Domine, pasti delíciis, súpplīces te rogámus: ut, intercedēte sancta Rita, caritátis et passiónis tuæ in méntibus nostris signa ferámus, et perpétuæ pacis fructu iúgiter perfruámur. Qui vivis.

Die 23 maii

S. IOANNIS BAPTISTÆ DE ROSSI
CONFESSORIS

Antiphona ad Introitum

Deut. 15, 11

Præcípīo tibi ut apérias manum fratri tuo egéno et páuperi, qui tecum versátur in terra. **(T. P. Allelúia, allelúia.) Ps. 40, 2** Beátus, qui intéllegit super egénū et páuperem: in die mala liberábit eum Dóminus. **V. Glória Patri.**

Oratio

Deus, qui sanctum Ioánnem Baptistam Confessórem tuum in evangelizándis paupéribus caritáte et patiéntia decorásti: concéde, quæsumus; ut, cuius pia mérita venerámur, virtútum quoque imitémur exéempla. Per Dóminum.

Lectio libri Iob.

Iob 29, 1 et 8-18

In diébus illis: Addidit Iob, assúmens parábolam suam, et dixit: Vidébant me iúvenes, et abscondebántur: et senes assurgéntes stabant. Príncipes cessábant loqui, et dígitum superponébant ori suo. Vocem suam cohibébant duces, et lingua eórum gútturi suo adhærébat. Auris áudiens beatificábat me, et óculus videns testimónium reddebát mihi: eo quod liberássem páuperem vociferántem, et pupílum, cui non esset adiútor. Benedíctio peritúri super me veniébat, et cor víduæ consolátus sum. Iustítia indútus sum: et vestívi me, sicut vestiménto et diadémate, iudício meo. Oculus fui cæco, et pes claudó. Pater eram páuperum: et causam quam nesciébam, diligentíssime investigábam. Conterébam molas iníqui, et de déntibus illíus auferébam prædam. Dicebámque: In nídulo meo móriar, et sicut palma multiplicábo dies.

Tempore paschali:

Allelúia, allelúia. **Ps. 73, 21** Ne avertátur húmilis factus confúsus: pauper et inops laudábunt nomen tuum. Allelúia. **Ps. Prov. 31, 20** Manum suam apéruit ínopi, et palmas suas exténdit ad páuperem. Allelúia.

Extra tempus paschale:

Graduale Eccli. 4, 1 Fili, eleemósynam páuperis ne defráudes, et óculos tuos ne transvértas a páupere. **Ps. Ibid. 7, 39** Non te pígeat visitáre infirmum: ex his enim in dilectióne firmáberis.

Allelúia, allelúia. **Ps. Isai. 58, 7** Frange esuriénti panem tuum, et egénos vagósque induc in domum tuam: cum víderis nudum, óperi eum, et carnem tuam ne despéxeris. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiæ in domo eius: et iustítia eius manet in sáculum sáculi.

✠Sequéntia sancti Evangélíi secúndum Matthæum. **Matth. 25, 31-40**

In illo témpore: Dixit Iesus discípulis suis: Cum vénerit Fílius hóminis in maiestáte sua, et omnes Angeli cum eo, tunc sedébit super sedem maiestátis suæ: et congregabúntur ante eum omnes gentes, et separábit eos ab ínvicem, sicut pastor ségregat oves ab hædis: et státuet oves quidem a dextris suis, hædos autem a sinístris. Tunc dicet Rex his, qui a dextris eius erunt: Veníte, benedícti Patris mei, possidéte parátum vobis regnum a constitutióne mundi. Esurivi enim, et dedístis mihi manducáre: sitiívi, et dedístis mihi bíbere: hospes eram, et collegístis me: nudus, et coope-ruístis me: infirmus, et visitástis me: in cárcere eram, et venístis ad me. Tunc respondébunt ei iusti, dicéntes: Dómine, quando te vídimus esuriéntem, et pávimus te: sitiéntem, et dédimus tibi potum? quando autem te vídimus hóspitem, et collégimus te: aut nudum, et cooperúimus te? aut quando te vídimus infirmum, aut in cárcere, et vénimus ad te? Et respóndens Rex, dicet illis: Amen dico vobis: quám- diu fecístis uni ex his frátribus meis mínimis, mihi fecístis.

Antiphona ad Offertorium Iac. 1, 27 Relígio munda et immaculáta apud Deum et Patrem, hæc est: Visitáre pupíllos, et víduas in tribulatióne eórum, et immaculátum se custodíre ab hoc sáculo. **(T. P. Allelúia.)**

Secreta

O blátum tibi munus, quæsumus, Dómine, in odórem suavitátis ascéndat: et, sancto Ioánnē Baptísta Confessóre tuo intercedénte, nos corpore et mente puríficet. Per Dóminum.

Antiphona ad Communionem
2 Tim. 2, 24-25 Servum autem Dómini non opórtet litigáre: sed mansuétum esse ad omnes, docíbilem, patientem, cum modéstia corripiéntem eos, qui resistunt veritatí. (T. P. Allelúia.)

Postcommunio

Cæléstis, Dómine, participatio sacraménti, sancti Ioánnis Baptístæ Confessóris tui suffragántibus méritis, fideles tuos mundet et múniat: ac bonis opéribus iúgiter præstet esse inténtos. Per Dóminum.

Die 24 maii**B. MARLÆ VIRGINIS****titulo****AUXILIUM CHRISTIANORUM**

Missa Salve, de **Communi festorum B. Mariæ Virg.** (35), **præter orationes sequentes:**

Oratio**P**

Omnípotens et miséricors Deus, qui ad defensiónem pópuli christiáni in beatíssima Vírgine Mariá perpétuum auxílium mirabíliter constituísti: concéde propítius; ut, tali præsidio muníti certántes in vita, victóriam de hoste maligno cónsequi valeámus in morte. Per Dóminum.

Secreta**P**

Pro religiónis christiánæ triúmphi hóstias placatiónis tibi, Dómine, immolámus: quæ, ut nobis proficiant, opem auxiliátrix Virgo præstet; per quam talis perfécta est victória. Per Dóminum.

Præfatio de B. Maria Virg. Et te in festivitáte.

Postcommunio**P**

Adésto, Dómine, pópulis, qui participatióne corpóris et sanguinis tui reficiúntur: ut, sanctíssima tua Genetríce auxiliánte, ab omni malo et perículo liberéntur, et in omni ópere bono custodiántur: Qui vivis.

Die 30 maii**S. FERDINANDI REGIS, CONF.**

Missa Iustus ut palma, de **Communi Confessoris non Pontificis 2 loco** (22), **præter orationem sequentem:**

Oratio**P**

Deus, qui beáto Confessóri tuo Ferdinándō præliári prælia tua, et fidei inimícos superáre dedísti: concéde; ut, eius nos intercessióne muníti, ab hóstibus mentis et corpóris liberémur. Per Dóminum.

Secreta**C**

Præsta nobis, quæsumus, omnípotens Deus: ut nostræ humilitátis oblátio, et pro tuórum tibi grata sit honóre Sanctórum, et nos corpore páriter et mente puríficet. Per Dóminum.

Postcommunio**C**

Quæsumus, omnípotens Deus: ut, qui cæléstia aliménta percépimus, intercedénte beáto Ferdinándō Confessóre tuo, per hæc contra ómnia advérsa muniámur. Per Dóminum.

Eodem die 30 maii**S. IOANNÆ DE ARC VIRG.****Antiphona ad Introitum****Exodi 15, 1 et 2**

Cantémus Dómino: glorióse enim magnificátus est. Fortitúdo mea et laus mea Dóminus, et factus est mihi in salú-

tem. (T. P. Allelúia, allelúia.) Ps. 97, 1 Cantáte Dómino cánticum novum, quia mirabília fecit. V. Glória Patri.

Oratio

Deus, qui beátam Ioánnam Virginem ad fidem ac pátriam tuéndam mirabíliter suscitásti: da, quæsumus, eius intercessióne; ut Ecclésia tua, hóstium superátis insídiis, perpétua pace fruátur. Per Dóminum.

Léctio libri Sapiéntiæ.

Sap. 8, 9-15

Propósui sapiéntiam addúcere mihi ad convivendum: sciens quóniam mecum comunicábit de bonis, et erit allocútio cogitátionis et tédii mei. Habébo, propter hanc, claritátem ad turbas, et honórem apud senióres iúvenis: et acútus invéniam in iudício, et in conspéctu poténtium admirábilis ero, et fácies princípum mirabúntur me: tacéntem me sustinébunt, et loquéntem me respícient, et sermocinánte me plura, manus ori suo impónent. Prætérea habébo, per hanc, immortalitátem: et memóriam ætérrnam his, qui post me futúri sunt, relínquam. Dispónam pópulos: et natiónes mihi erunt súbditæ. Timébunt me audiéntes reges horréndi: in multitúdine vidébor bonus, et in bello fortis.

Tempore paschali:

Allelúia, allelúia. V. **Iudith 15, 11** Fecísti viríliter, et confortátum est cor tuum: manus Dómini confortávit te, et ídeo eris benedícta in ætérrnum. Allelúia. V. **Ibid. 8, 29** Nunc ergo ora pro nobis, quóniam múlter sancta es, et timens Deum. Allelúia.

Extra tempus paschale:

Graduale Iudic. 5, 8-11 Nova bella elégit Dóminus, et portas hóstium

ipse subvértit. V. Ubi collísi sunt currus, et hóstium suffocátus est exércitus, ibi narréntur iustítiæ Dómini, et cleméntia eius in fortes Israél.

Allelúia, allelúia. V. **Iudith 13, 17-18** Laudáte Dóminum Deum nostrum, qui non desérui sperántes in se, et in me ancílla sua adimplévit misericórdiam suam, quam promísit dómui Israél. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Iudith 6, 15 Benedictus es, Dómine, qui non derelínquis præsuméntes de te: et præsuméntes de se, et de sua virtúte gloriántes, humílias. V. **2 Machab. 1, 5** Exaudívit Dóminus oratióem puéllæ suæ, qua orávit pro nobis, ut reconciliétur nobíscum Deus. V. **Iudith 15, 11; 8, 29** Fecísti viríliter, et confortátum est cor tuum: manus Dómini confortávit te, et ídeo eris benedícta in ætérrnum. V. Nunc ergo ora pro nobis, quóniam múlter sancta es, et timens Deum.

Evangelium Dixit Iesus discíplis suis: Si quis vult, **ut in Communi unius Martyris 2 loco (5).**

Antiphona ad Offertorium Iudith 15, 10 Benedixerunt eam omnes una voce, dicéntes: Tu glória Ierúsalem, tu lætítia Israél, tu honoríficéntia pópuli nostri. (T. P. Allelúia.)

Secreta

Hæc hóstia salutáris, Dómine, illam nobis in rebus árduis cónferat fortitúdinem, cuius beáta Ioánnæ, sub tanta discrímínium varietáte, tam insígnia præbuit exémpa: ut, ad inimícos repelléndos, étiam belli perícula subíre non dubitáverit. Per Dóminum.

Antiphona ad Communem
Ps. 22, 4 Si ambulávero in médio
 umbræ mortis, non timébo mala,
 quóniam tu mecum es, Dómine
 Iesu. (T. P. Allelúia.)

Postcommunio

Cælésti pane reféctos, qui tóties
 beátam Ioánnam áluit ad vic-
 tóriam: præsta, quæsumus, omni-
 potens Deus; ut hoc salútis alimén-
 tum de inimícis nostris victóres
 nos efficiat. Per Dóminum.

Sabbato post Ascensionem

B. MARIE VIRGINIS
 REGINÆ APOSTOLORUM

Antiphona ad Introitum

Ps. 86, 1-3

Fundaménta eius in móntibus
 sanctis: díligit Dóminus por-
 tas Sion super ómnia taber-
 nácula Iacob. Gloriósa dicta sunt
 de te, civitas Dei. (T. P. Allelúia,
 allelúia.) **Ps. 133, 1** Ecce, nunc be-
 nedícite Dóminum, omnes servi
 Dómini: qui statis in domo Dómini,
 in átriis domus Dei nostri. **¶** Gló-
 ria Patri.

Oratio

Deus, qui Apóstolis tuis cum
 María Matre Iesu unánimenter
 orántibus, Sanctum dedísti Spíri-
 tum: da nobis; ut, eádem Matre
 nostra et Apostolórum Regina pro-
 tegénte, maiestáti tuæ fidéliter ser-
 víre, et nóminis tui glóriam verbo
 et exémplo diffúndere valeámus.
 Per eúndem Dóminum... in unitáte
 eiúsdem.

Lectio Actuum Apostolorum.

Act. 1, 1-14

Primum quidem sermónem feci
 de ómnibus, o Theóphile, quæ
 cœpit Iesus fácere et docére usque
 in diem, qua, præcípiens Apóstolis
 per Spíritum Sanctum, quos elégit,
 assúptus est: quibus et præbuit

seípsum vivum post passióem
 suam in multis arguméntis, per
 dies quadragínta appárens eis, et
 loquens de regno Dei. Et convéscens,
 præcépit eis ab Ierosólymis ne
 discéderent, sed exspectárent pro-
 missiόem Patris, quam audístis
 (inquit) per os meum: quia Ioánnes
 quidem baptizávit aqua, vos autem
 baptizabímmini Spíritu Sancto non
 post multos hos dies. Igitur qui
 convénerant, interrogábant eum,
 dicéntes: Dómine, si in témpore hoc
 restítues regnum Israél? Dixit
 autem eis: Non est vestrum nosse
 témpora vel moménta, quæ Pater
 pósuit in sua potestáte: sed accipié-
 tis virtútem superveniéntis Spíritus
 Sancti in vos, et éritis mihi testes
 in Ierúsalem, et in omni Iudæa, et
 Samaría, et usque ad últimum
 terræ. Et cum hæc dixisset, vidén-
 tibus illis, elevátus est, et nubes
 suscepit eum ab óculis eórum.
 Cumque intueréntur in cælum eún-
 tem illum, ecce, duo viri astitérunt
 iuxta illos in véstibus albis, qui et
 dixerunt: Viri Galilæi, quid statis
 aspiciéntes in cælum? Hic Iesus,
 qui assúptus est a vobis in
 cælum, sic véniet, quemádmódum
 vidístis eum eúntem in cælum.
 Tunc revérsi sunt Ierosólymam a
 monte, qui vocátur Olivéti, qui est
 iuxta Ierúsalem, sábbati habens
 iter. Et cum introíssent in cenácu-
 lum, ascenderunt ubi manébant
 Petrus, et Ioánnes, Iacóbus, et An-
 dréas, Philíppus, et Thomas, Bar-
 tholomæus, et Matthæus, Iacóbus
 Alphæi, et Simon Zelótes, et Iudas
 Iacóbi. Hi omnes erant perseve-
 rántes unánimenter in oratiόne cum
 muliéribus, et María Matre Iesu,
 et frátribus eius.

Tempore paschali:

Allelúia, allelúia. **¶ Num. 17, 8**
 Virga Iesse flóruit: Virgo Deum et
 hóminem genuit: pacem Deus réd-
 didit, in se reconcílians ima sum-
 mis. Allelúia. **¶ Iudith 13, 17-18**

Laudáte Dóminum Deum nostrum, qui non desérui sperántes in se: et in me ancilla sua adimplévit misericórdiam suam, quam promísit dómui Israël: et interfécit in manu mea hostem pópuli sui. Allelúia.

In Missis votivis extra tempus paschale dicitur:

Graduale Porta cæli et stella maris es, Virgo María, Regis ætérni Mater ac Regína nostra. **V.** Gratos nos redde Fílio tuo: quia omnis virtus et decor et glória ex te respléndet.

Allelúia, allelúia. **V. Num. 17, 8** Virga Iesse flóruit: Virgo Deum et hómínem génuít: pacem Deus réddidit, in se reconcílians ima summis. Allelúia.

Post Septuagesimam, omissis Allelúia, et versu sequenti, dicitur

Tractus Sub tuum præsidium confúgimus, sancta Dei Génetrix. **V.** Súscipe nos, Mater nostra, Regína nostra: roga Fílium tuum Dóminum messis, ut mittat operários in messem suam. **V.** Ut confiteántur illi pópuli omnes, ac beátam te dicant omnes generatíones. **V.** Tu vénia vena, tu grátia mater, tu spes mundi, exáudi nos clamántes ad te.

Evangelium Stabant iuxta crucem Iesu, **ut in Missis B. M. V. in sabbato tempore paschali** (40).

Antiphona ad Offertorium Iudic. 5, 3 et 7-8 Ego sum, ego sum quæ Dómino canam, psallam Dómino Deo Israël. Cessavérunt fortes in Israël, et quievérunt: donec súrgeret mater in Israël. Nova bella elégit Dóminus, et portas hóstium ipse subvértit. **(T. P. Allelúia.)**

Secreta

Tua, Dómine, propitiatióne, et beátæ Mariæ semper Vírginis intercessióne hæc nostra obtíneat oblátio: ut Ecclésia tua fidélium número crescat, et iúgiter fúlgeat varietáte virtútum. Per Dóminum.

Præfatio de B. Maria Virg. Et te in Festivitate.

Antiphona ad Communionem Beáta Mater et intácta Virgo, glóriosa Regína mundi, intercède pro nobis ad Dóminum: tu enim glória Ierúsalem, tu lætítia Israël, tu honorificéntia pópuli nostri. **(T. P. Allelúia.)**

Postcommunio

Sumptis, Dómine, salútis nostræ subsídiis: da nobis, quæsumus, beátæ Mariæ semper Vírginis ac Regínæ Apostolórum patrocínio, perseverántem in tua voluntáte famulátum; ut Ecclésia tua novis semper proficiat increméntis. Per Dóminum.

FESTA IUNII

Die 9 iunii

B. MARIE VIRGINIS MATRIS GRATIÆ

Missa Vultum tuum, **ut in festo Ssmi Nominis Mariæ, die 12 septembris, præter orationem sequentem:**

Oratio

P

Deus, qui humáno géneri beátæ Mariæ virginitáte fecúnda reparatiónis grátiam contulísti: concède; ut, quam grátia Matrem appellámus in terris, eius felíci consórtio perénriter perfruámur in cælis. Per Dóminum.

Præfatio B. Mariæ Virg. Et te in Festivitate.

Die 13 iunii

**S. ANTONII DE PADUA CONF.
ET ECCL. DOCT.**

Antiphona ad Introitum

Eccli. 15, 5

In médio Ecclésiæ apéruit os eius:
et implévit eum Dóminus spí-
ritu sapiéntiæ et intelléctus:
stolam glóriæ índuit eum. **Ps. 91,**
2 Bonum est confitéri Dómino: et
psállere nómini tuo, Altíssime.
V. Glória Patri.

Oratio

P

Ecclésiā tuā, Deus, beāti An-
tónii Confessóris tui atque Doc-
tórís solémnitas votíva lætíficet: ut
spirituálibus semper muniátur au-
xíliis, et gáudiis pérfrui mereátur
ætérnis. Per Dóminum.

Léctio libri Sapiéntiæ.

Sap. 7, 7-15

Optávi, et datus est mihi sensus,
et invocávi, et venit in me
spíritus sapiéntiæ; et præpósui il-
lam regnis et sédibus et divítias
nihil esse duxi in comparatióne il-
lius. Nec comparávi illi lápidem
pretiósū, quóniam omne aurum
in comparatióne illius aréna est
exígua, et tamquam lutum æstimá-
bitur argéntum in conspéctu illius.
Super salútem et spéciem diléxi
illam et propósui pro luce habére
illam, quóniam inexstinguibile est
lumen illius. Venérunt autem mihi
ómnia bona páriter cum illa, sa-
piéntia, et innumerábilis honéstas
per manus illius; et lætátus sum in
ómnibus, quóniam antecedébat me
ista et ignorábam quóniam horum
ómnium mater est. Quam sine
fictióne dídici et sine invídia com-
múnico et honestátem illius non
abscóndo. Infínitus enim thesáurus
est homínibus; quo qui usi sunt,
partícipes facti sunt amicítie Dei,
propter disciplínæ dona commen-
dáti. Mihi autem dedit Deus dícere

ex senténtia et præsumere digna
horum, quæ mihi dantur, quóniam
ipse sapiéntiæ dux est sapiéntium
emendátor.

Graduale Eccli. 24, 3-4 In médio
pópuli sui exaltábitur, et in pleni-
túdine sancta admirábitur. **V.** In
multitúdine electórum habébit lau-
dem, et inter benedíctos benedi-
cétur.

Allelúia, allelúia. **V. Eccli. 48, 15**
In vita sua fecit monstra, et in mor-
te mirábilia operátus est. Allelúia.

**In Missis votivis post Septua-
gesimam, omissis Allelúia et ver-
su sequenti, dicitur**

Tractus Eccli 39, 12-13 Collau-
dábunt multi sapiéntiam eius, et
usque in sáculum non delébitur.
V. Non recédet memória eius, et
nomen eius requirétur a gene-
ratióne in generatióem. **V. Ibid.,**
48, 15 In vita sua fecit monstra,
et in morte mirábilia operátus
est.

**Tempore autem paschali omit-
titur graduale, et eius loco dici-
tur:**

Allelúia, allelúia. **V. Eccli. 24, 4**
In multitúdine electórum habé-
bit laudem, et inter benedíctos
benedicétur. Allelúia. **V. Ibid., 48,**
15 In vita sua fecit monstra, et in
morte mirábilia operátus est. Al-
lelúia.

✠ **Sequéntia sancti Evangélíi secún-
dum Matthæum. Matth. 5, 13-19**

In illo témpore: Dixit Iesus disci-
pulis suis: Vos estis sal terræ.
Quod si sal evanúerit, in quo sa-
liétur? Ad níhilum valet ultra, nisi
ut mittátur foras, et conculcétur ab
homínibus. Vos estis lux mundi.
Non potest civitas abscóndi supra
montem pósita. Neque accéndunt
lucérnam, et ponunt eam sub mó-
dio, sed super candelábrum, ut
lúceat ómnibus qui in domo sunt.
Sic lúceat lux vestra coram homí-

nibus, ut videant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvere legem, aut prophétas: non veni sólvere, sed adimplére. Amen quippe dico vobis, donec tránseat cælum et terra, ióta unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium Eccli. 49, 1-2 Memória eius in compositione odóris, in omni ore quasi mel indulcábitur memória eius.

Secreta

Hóstias tibi, Dómine, in beáti Antónii Confessóris tui atque Doctóris solemnitáte offeréntes: te súpplīces deprecámur, ut sicut ipsum cælestibus donis cumulásti; ita nos fácias tuo amóre fervéntes. Per Dóminum.

Antiphona ad Communionem Eccli. 51, 30 Dedit mihi Dóminus linguam mercédem meam, et in ipsa laudábo eum.

Postcommunio

Divínis, Dómine, munéribus satiáti: quæsumus; ut beáti Antónii Confessóris tui atque Doctóris méritis et intercessióne, salutáris sacrificii sentiámus efféctum. Per Dóminum.

Die 16 iunii

S. FRANCISCI REGIS CONF.

Antiphona ad Introitum

Luc. 4, 18 et 19

Spíritus Dómini super me: propter quod unxit me: evangelizáre paupéribus misit me, sanáre contrítos corde, prædicáre annum Dómini accéptum, et diem

retributiónis. **Ps. 9, 33** Exsúrge, Dómine Deus, exaltétur manus tua: ne obliviscáris páuperum. **Ÿ. Glória Patri.**

Oratio

Deus, qui ad plúrimos pro salúte animárum perferéndos labóres, beátum Francíscum Confessórem tuum mirábili caritáte, et invícta patiéntia decorásti: concéde propítius; ut, eius exémpīs instrúcti, et intercessiúnibus adiúti, æternæ vitæ præmia consequámur. Per Dóminum.

Léctio Epístolæ beáti Pauli Apóstoli ad Thessalonicénses.

1 Thess. 2, 2-9

Fratres: Fidúciam habúimus in Deo nostro loqui ad vos Evangélium Dei in multa sollicitúdine. Exhortátio enim nostra non de errore, neque de immundítia, neque in dolo, sed sicut probáti sumus a Deo ut crederétur nobis Evangélium: ita lóquimur non quasi homínibus placéntes, sed Deo, qui probat corda nostra. Neque enim aliquándo fúimus in sermóne adulationis, sicut scitis: neque in occasione avarítiae: Deus testis est: nec quæréntes ab homínibus glóriam, neque a vobis, neque ab áliis. Cum possémus vobis óneri esse ut Christi Apóstoli: sed facti sumus párvuli in médio vestrum, tamquam si nutrix fóveat filios suos. Ita desiderántes vos, cúpide volebámus trádere vobis non solum Evangélium Dei, sed étiam ánimas nostras: quóniam caríssimi nobis facti estis. Mémoires enim estis, fratres, labóris nostri, et fatigatiónis: nocte ac die operántes, ne quem vestrum gravarémus, prædicávimus in vobis Evangélium Dei.

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **Ÿ. Ibid., 3** Ad annuntiándum

mane misericórdiam tuam, et veritatem tuam per noctem.

Allelúia, allelúia. **℣. Ps. 67, 12** Dóminus dabit verbum evangelizántibus, virtúte multa. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis eius cupit nimis. **℣.** Potens in terra erit semen eius: generatio rectórum benedicétur. **℣.** Glória et divítiæ in domo eius: et iustitia eius manet in sáculum sáculi.

Tempore autem paschali omititur graduale, et eius loco dicitur:

Allelúia, allelúia. **℣. Ps. 67, 12** Dóminus dabit verbum evangelizántibus, virtúte multa. Allelúia. **℣. Osee 14, 6** Iustus germinábit sicut lílium: et florébit in ætérnum ante Dóminum. Allelúia.

Evangelium Circuibat Iesus, ut in Missa pro Fidei propagatione (76).

Antiphona ad Offertorium Iob 29, 13 et 15-16 Benedíctio peritúri super me veniebat, et cor víduæ consolátus sum: óculus fui cæco, et pes claudó: pater eram páuperum.

Secreta

Caritátis víctima, quam immolántes offérimus, sit nobis, Dómine, te miseránte, propitiábilis: et, beáti Francísci précibus et méritis, ad obtinéndum paciéntiæ et caritátis augméntum, éfficax et salutáris. Per eúndem Dóminum.

Antiphona ad Communionem Isai. 52, 7 Quam pulchri super montes pedes annuntiántis et prædicántis pacem: annuntiántis bonum, prædicántis salutem.

Postcommunio

Crescat in nobis, Dómine, pietátis tuæ effectus salutáris: ut, cælesti pábulo refécti et Sanctórum exémplic accénsi, ad ætérnæ salutis portum, te misericórditer protegén-te, et beáto Francíscó intercedén-te, feliciter perveníre valeámus. Per Dóminum.

Die 27 iunii

B. MARIE VIRGINIS A PERPETUO SUCCURSU

Antiphona ad Introitum

Gaudéamus omnes in Dómino, diem festum celebrántes sub honóre beátæ Maríæ Vírginis: de cuius solemnitáte gaudent Angeli, et colláudant Fílium Dei. **Ps. 44, 2** Eructávit cor meum verbum bonum: dico ego ópera mea Regi. **℣.** Glória Patri.

Oratio

Dómine Iesu Christe, qui Genetrícem tuam Maríam, cuius insígnem venerámur imáginem, Matrem nobis dedísti perpétuo succurrere parátam: concéde, quæsumus; ut nos, maternam eius opem assídue implorántes, redemptionis tuæ fructum perpétuo experíri mereámur: Qui vivis.

Epistola Ego quasi vitis, ut in festo B. M. V. de Monte Carmelo, die 16 iulii.

Graduale Cant. 6, 3 et 9 Tota formósa et suávis es, filia Sion, pulchra ut luna, elécta ut sol, terríbilis ut castrórum ácies ordináta. **℣. Iudith 13, 22** Benedíxit te Dóminus in virtúte sua, quia per te ad níhilum redégit inimícos nostros.

Allelúia, allelúia. **℣. Luc. 1, 28** Ave, María, grátia plena: Dóminus tecum: benedícta tu in muliéribus. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Prov. 8, 17-19 Ego diligentes me diligo: et qui mane vigilat ad me, invénient me. **V.** Mecum sunt divítiæ, et glória, opes supérbæ et iustítia. **V.** Mélior est enim fructus meus auro, et lápide pretiósó, et genímína mea argénto elécto.

Tempore autem paschali omititur graduale, et eius loco dicitur:

Allelúia, allelúia. **V.** Luc. 1, 28 Ave, María, grátia plena: Dóminus tecum: benedícta tu in muliéribus. Allelúia. **V.** Prov. 8, 34 Beátus homo, qui audit me, et qui vígilat ad fóres meas quotidie, et obsérvat ad postes óstii mei. Allelúia.

Evangelium Stabant iuxta crucem Iesu, ut in Missis B. M. V. in sabbato tempore paschali (40).

Antiphona ad Offertorium Ierem. 18, 20 Recordáre, Virgo Mater, in conspéctu Dei, ut loquáris pro nobis bona, et ut avértat indignatióem suam a nobis.

Secreta

Tua, Dómine, propitiatióne, et beátæ Vírginis et Matris Maríæ intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio de B. Maria Virg. Et te in Festivité.

Antiphona ad Communionem Regína mundi digníssima, María Virgo perpétua, intercède pro nostra pace et salúte, quæ genuísti Christum Dóminum Salvatórem ómnium.

Postcommunio

Adiuvet nos, quæsumus, Dómine, immaculátæ Genetrícis tuæ,

sempérque Vírginis Maríæ intercessio veneránda: ut, quos perpétuis cumulávit beneficiis, a cunctis periculis absolútos, sua fáciat pietáte concórdes: Qui vivis.

Eodem die 27 iunii

S. IOSEPHI CAFASSO CONF.

Antiphona ad Introitum

Dan. 12, 3

Qui docti fúerint fulgébunt quasi splendor firmaménti: et qui ad iustítiam erúdiunt multos quasi stellæ in perpétuas æternitátes. **Ps.** 118, 1 Beáti immaculáti in via: qui ámbulant in lege Dómini. **V.** Glória Patri.

Oratio

Deus, qui ad plúrimos pro salúte animárum perferéndos labóres, sanctum Ioséphum Confessórem tuum mirábili caritáte, et invícta paciéntia decorásti: concéde propítius; ut, eius exémpis instrúcti, et intercessiónibus adiúti, æternæ vitæ præmia consequámur. Per Dóminum.

Léctio libri Sapiéntiæ.

Eccli. 7, 31-40

In tota ánima tua time Dóminum et sacerdótes illíus sanctífica, in omni virtúte tua dilige eum qui te fecit et minístros eius ne derelínquas. Honóra Deum ex tota ánima tua et honorífica sacerdótes et propúrge te cum brácciiis. Da illis partem, sicut mandátum est tibi, primitiárum et purgatiónis et de neglegéntia tua purga te cum paucis. Datum bracciórum tuórum et sacrificium sanctificatiónis ófferes Dómino et inítia sanctórum; et páuperi pórrige manum tuam, ut perficiátur propitiátio et benedictio tua. Grátia dati in conspéctu omnis vivéntis, et mórtuo non próhibeas grátiam; non desis plorántibus in consolatióne et cum lugéntibus ámbula; non te pígeat visitáre infír-

munus, ex his enim in dilectione firmaberis. In omnibus operibus tuis memorare novissima tua et in æternum non peccabis.

Graduale Ps. 23, 34 Quis ascendet in montem Domini aut quis stabit in loco sancto eius? **V.** Innocens manibus et mundo corde, qui non accepit in vano animam suam nec iuravit in dolo proximo suo.

Allelúia, allelúia. **V. Ps. 109, 4** Iuravit Dominus, et non penitebit eum: Tu es sacerdos in æternum, secundum ordinem Melchisedech. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Ps. 91, 13-14 Iustus ut palma florebit, sicut cedrus Libani multiplicabitur. **V.** Plantatus in domo Domini, in atriis domus Dei nostri. **V. Ps. 111, 2 et 3** Potens in terra erit semen eius, generatio rectorum benedicetur. **V.** Glória et divitiæ in domo eius: et iustitia eius manet in sæculum sæculi.

Tempore autem paschali omititur graduale, et eius loco dicitur:

Allelúia, allelúia. **V. Eccli. 45, 9** Amavit eum Dominus, et ornavit eum: stolam gloriæ induit eum. Allelúia. **V. Osee 14, 6** Iustus germinabit sicut lilium: et florebit in æternum ante Dominum. Allelúia.

Evangelium Cum venerit, ut in festo S. Ioannis Baptistæ de Rossi, die 23 maii huius appendicis (147).

Antiphona ad Offertorium Ps. 20, 3 et 4 Desiderium animæ eius tribuisti ei, Domine, et voluntate labiorum eius non fraudasti eum: posuisti in capite eius coronam de lapide pretioso.

Secreta

Oblatum tibi munus, quæsumus, Domine, in odorem suavitatis ascendant: et, intercedente beato Iosépho Confessore tuo, nos corpore et mente purificet. Per Dominum.

Antiphona ad Communionem Ioann. 12, 26 Qui mihi ministrat me sequatur, et ubi sum ego illic et minister meus erit.

Postcommunio

Divinitatis tuæ, Domine, sempiterna fruitione satiémur: quam beatus Ioséphus Confessor tuus in sacro altaris mysterio prægustabat. Per Dominum.

FESTA IULII

Die 4 iulii

IN COMMEMORATIONE OMNIUM SS. SUMMORUM PONTIFICUM

Antiphona ad Introitum

Ps. 49, 5-6 et 7

Congregate illi sanctos eius, qui ordinaverunt testamentum eius super sacrificia. Et annuntiabunt cæli iustitiam eius: quia Deus tuus ego sum. **Ps. ibid. 1** Deus deorum Dominus locutus est: et vocavit terram. **V.** Glória Patri.

Oratio

Deus, qui populis tuis indulgentia consulis, et amore dominaris: da spiritum sapientiæ, suffragantibus meritis Antistitum Ecclesiæ tuæ, quibus dedisti regimen disciplinæ: ut de profectu sanctorum óvium fiant gaudia æterna pastorum. Per Dominum.

Epistola Fratres: Mementote, ut in festo S. Nicolai, die 6 decembris.

Graduale Ps. 131, 16-17 Sacer-

dótes eius índuam salutári: et sancti eius exsultatióne exsultábunt. **V.** Il-
luc prodúcam cornu David: parávi
lucérnam Christo meo.

Allelúia, allelúia. **V. Ps. 109, 4**
Iurávit Dóminus, et non pænitébit
eum: Tu es sacérdos in ætérnum,
secúndum órđinem Melchisedech.
Allelúia.

**In Missis votivis post Septua-
gesimam, omissis Allelúia, et
versu sequenti, dicitur**

Tractus Ps. 111, 1-3 Beátus vir,
qui timet Dóminum: in mandátis
eius cupit nimis. **V.** Potens in
terra erit semen eius: generatio
rectórum benedicétur. **V.** Glória
et divítiæ in domo eius: et iustítia
eius manet in sáculum sáculi.

**Tempore autem paschali omit-
titur graduale, et eius loco dici-
tur:**

Allelúia, allelúia. **V. Ps. 109, 4**
Iurávit Dóminus, et non pænité-
bit eum: Tu es sacérdos in ætér-
num, secúndum órđinem Mel-
chisedech. Allelúia. **V. Eccli. 45, 9**
Amávit eum Dóminus, et ornávit
eum: stolam glóriæ índuit eum.
Allelúia.

Evangelium Venit Iesus, ut in
Communi Summorum Pontificum
(2).

Antiphona ad Offertorium Ps. 88,
21-22 Invéni David servum meum,
óleo sancto meo unxi eum: manus
enim mea auxiliábitur ei, et brác-
chium meum confortábit eum.

Secreta

Unigéniti Filii tui, quam tibi,
Deus Pater omnípotens, in
honórem sanctórum Pontíficum of-
fériamus, immaculáta hóstia, prosit
nobis ad medélam percipiéndam.
Per eúndem Dóminum.

Antiphona ad Communionem
Ps. 88, 25 Véritas mea, et misericór-

dia mea cum ipso: et in nómine
meo exaltábitur cornu eius.

Postcommunio

Da, quæsumus, Dómine, fidéli-
bus pópulis: sanctórum Pon-
tíficum tuórum semper veneratióne
lætári; et eórum perpétua supplica-
tióne muníri. Per Dóminum.

Die 6 iulii

S. MARIE GORETTI VIRG. MART.

Antiphona ad Introitum

Ps. 118, 95-96

Me expéctant peccatóres ut
perdant me: ad præscrípta
tua atténdo: omnis per-
fectiόνis vidi esse términum: latís-
sime patet mandátum tuum. **Ps.**
Ibid., 1 Beáti quorum immaculáta
est via: qui ámbulant in lege Dó-
mini. **V.** Glória Patri.

Oratio

Deus, qui fámulæ tuæ Mariæ
in ténera ætáte victóriam mar-
tyrii contulísti: da nobis, quæsu-
mus, eius patrocínio in mandátis
tuis constántiam; qui dedísti cer-
tánti vírgini corónam. Per Dómi-
num.

Lectio Epístolæ beáti Pauli Apóstoli
ad Corínthios.

1 Cor. 1, 26-29; 2, 14

Fratres: Vidéte vocatióne[m] ve-
stram, quia non multi sapiéntes
secúndum carnem, non multi po-
téntes, non multi nóbiles. Sed quæ
stulta sunt mundi elégit Deus, ut
confúndat sapiéntes; et infirma
mundi elégit Deus, ut confúndat
fórtia; et ignobília mundi et con-
temptibília elégit Deus et ea quæ
non sunt, ut ea quæ sunt destrúeret,
ut non gloriétur omnis caro in con-
spéctu eius. Animális autem homo
non pércipit ea quæ sunt Spíritus
Dei; stultítia enim est illi et non

potest intellégere, quia spirituáliter examinátur.

Graduale Ps. 70, 4, 6 Deus meus, éripe me de manu iníqui, de pugno improbi et oppressóris. **℣.** A ventre matris meæ eras protéctor meus.

Allelúia, allelúia. ℣. In te sperávi semper. Tamquam prodígium appáruí multis; tu enim fuísti adiútor meus fortis. **Allelúia.**

In Missis votivis post Septuagesimam, omissis Allelúia, et versu sequenti, dicitur

Tractus Ps. 70, 9-12 Cum defecerint vires meæ, ne derelíqueris me. **℣.** Nam loquúntur de me inimíci mei et observántes me consiliántur una dicéntes: Deus derelíquit eum: persequímini et comprehendite eum, quia non est qui erípiat. **℣.** Deus, noli stare procul a me, Deus meus, ad iuvándum me festína.

Tempore autem paschali, omititur graduale et eius loco dicitur:

Allelúia, allelúia. ℣. 70, 6 et 7 In te sperávi semper. Tamquam prodígium appáruí multis; tu enim fuísti adiútor meus fortis. **Allelúia. ℣.** Veni, Sponsa Christi, áccipe corónam, quam tibi Dóminus præparávit in ætérnum: pro cuius amóre sánguinem tuum fudísti. **Allelúia.**

✠ **Sequéntia sancti Evangélíi secúndum Ioánnem.**

Ioann. 12, 23-25

In illo témpore: Dixit Iesus discipulis suis: Venit hora ut clarifécetur Fílius hóminis. Amen, amen, dico vobis, nisi granum fruménti cadens in terram mórtuum fúerit, ipsum solum manet; si autem mórtuum fúerit, multum fructum affert. Qui amat ánimam suam perdet eam, et qui odit ánimam suam in hoc mundo in vitam ætérnam custódit eam.

Antiphona ad Offertorium Ps. 73, 18 Ne tradíderis vúlturi vitam túrturis tui, vitam páuperum tuórum noli oblivísci in perpétuum.

Secreta

Placatiónis tibi hóstiam, Dómine, offérimus, qua beáta María fámula tua, prima iam ætáte, dídicit corpus suum hóstiam sanctam tibi que placéntem exhibére. Per Dóminum.

Antiphona ad Communionem Is. 33, 6 Timor Dómini ipse est thesáurus eius.

Postcommunio

Cælésti pane refécis, da, quæsumus, Dómine, eam in tuén-da córporis et ánimæ castitáte fortitúdinem: quam fámulæ tuæ Mariæ mirabíliter contulísti. Per Dóminum.

Die 9 iulii

S. VERONICÆ DE IULIANIS VIRGINIS

Missa Dilexísti, de Comuni Virginum 3 loco (27), præter orationes sequentes:

Oratio

Dómine Iesu Christe, qui beátam Verónicam Vírginem passiónis tuæ signis mirábilem effecísti: concéde propítius; ut, carnem crucifigéntes, ad gáudia ætérna perveníre mereámur: Qui vivis.

Secreta

Súscipe, miséricors Deus, quas tibi humíliter offérimus laudis hóstias: et, intervenién-te beáta Verónica Vírgine tua, fac eas nobis ad perpétuum proveníre subsídium. Per Dóminum.

Postcommunio

Cælésti múnere roborátos fac nos, quæsumus, Dómine Deus noster: beátæ Veronicæ Vírginis tuæ et exémp-lis ínstrui, et patrocíniis adiuvári. Per Dóminum.

Die 19 iulii

S. VINCENTII A PAULO CONF.

Antiphona ad Introitum

Ps. 131, 15-16

Páuperes Sion saturábo pánibus: sacerdótes eius índuam salutári, et sancti eius exsultatíone exsultábunt. **V. Ibid., 1** Meménto, Dómine, David: et omnis mansuetúdinis eius. **V. Glória Patri.**

Oratio

Deus, qui, ad salutem páuperum et cleri disciplinam, novam in Ecclesia tua per beátum Vincéntium familiam congregásti: da, quæsumus; ut, eódem nos quoque spíritu fervéntes, et amémus quod amávit, et quod dócuit operémur. Per Dóminum.

Léctio Epístolæ beáti Pauli Apóstoli ad Corínthios.

1 Cor. 1, 26-31; 2, 1-2

Vidéte enim vocatíonem vestram, fratres; quia non multi sapiéntes secúndum carnem, non multi poténtes, non multi nóbiles. Sed quæ stulta sunt mundi elégit Deus, ut confúndat sapiéntes; et infirma mundi elégit Deus, ut confúndat fórtia, et ignobília mundi et contemptibília elégit Deus et ea quæ non sunt, ut ea quæ sunt destrúeret, ut non gloriétur omnis caro in conspéctu eius. Ex ipso autem vos estis in Christo Iesu, qui factus est nobis sapiéntia a Deo et iustítia et sanctificátio et redemptio; ut, quemádmódum scriptum est, Qui gloriátur, in Dómino gloriétur. Et ego, cum veníssem ad vos, fratres, veni non in sublimitáte sermónis aut sapiéntiæ annúntians vobis testimónium Christi. Non enim iudicávi me scire áliquid inter vos, nisi Iesum Christum et hunc crucifixum.

Graduale Luc. 4, 18 Evangelizáre paupéribus misit me, sanáre con-

trítos corde. **V. Ps. 67, 11-12** Parásti in dulcédine tua páuperi, Deus: Dóminus dabit verbum evangeli-zántibus, virtúte multa.

Allelúia, allelúia. **V. Is. 52, 7** Quam pulchri super montes pedes annuntiántis et prædicántis pacem, annuntiántis bonum, prædicántis salutem! Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Prov. 31, 20 Manum suam apéruit ínopi, et palmas suas exténdit ad páuperem. **V. Ps. 40, 2** Beátus qui intéllegit super egénium et páuperem: in die mala liberábit eum Dóminus. **V. Ps. 111, 5-6** Iucúndus homo qui miserétur et cómmodat: dispónet sermónes suos in iudício, quia in ætérnum non commovébitur.

Tempore autem paschali omit-titur graduale, et eius loco dicitur:

Allelúia, allelúia. **V. Is. 52, 7** Quam pulchri super montes pedes annuntiántis et prædicántis pacem, annuntiántis bonum, prædicántis salutem! Allelúia. **V. Ibid., 11** Exíte de médio Baby-lónis: mundámini, qui fertis vasa Dómini. Allelúia.

✠ **Sequéntia sancti Evangélíi secúndum Matthæum.**

Matth. 9, 35-38

In illo témpore: Circuíbat Iesus omnes civitátes, et castélla, docens in synagógis eórum, et prædicans Evangélium regni, et curans omnem languórem, et omnem infirmitátem. Videns autem turbas, misértus est eis: quia erant vexáti, et iacéntes sicut oves non habéntes pastórem. Tunc dicit discípulis suis: Messis quidem multa, operárii autem pauci. Rogáte ergo Dóminum messis, ut mittat operários in messem suam.

Antiphona ad Offertorium 3 Reg. 8, 58 Inclinet Dóminus Deus noster corda nostra ad se, ut ambulémus in univérsis viis eius, et custodiámus mandáta eius et cæremónias eius, et iudícia quæcúmque mandávit pátribus nostris.

Secreta

Deus, qui beáto Vincéntio, divína quotidie celebránti mystéria, tribuísti quod tractábat imitári: eius nobis précibus indúlge; ut, immaculátam hóstiam offeréntes, ipsi quoque in holocáustum tibi accéptum transeámus. Per Dóminum.

Antiphona ad Communionem Ps. 106, 8-9 Confiteántur Dómino misericórdiæ eius, et mirabília eius filiis hóminum: quia satiávit ánimam inánem, et ánimam esuriéntem satiávit bonis.

Postcommunio

Cæléstibus, Dómine, refécti sacraméntis: quæsumus; ut, ad evangelizántem paupéribus Fílium tuum imitándum, beáti Vincéntii, sicut exémpis provocámur, ita et patrocíniis adiuvémur. Per eúndem Dóminum.

Die 21 iulii

S. LAURENTII DE BRUNDUSIO CONF. ET ECCL. DOCT.

Antiphona ad Introitum

Eccli. 42, 15-16

In sermónibus Dómini ópera eius: sol illúminans per ómnia respéxit, et glória Dómini plenum est opus eius. **Ps. 67, 2** Exsúrgat Deus, et dissipéntur inimíci eius, et fúgiant qui odérunt eum, a fácie eius. **V.** Glória Patri.

Oratio

Deus, qui ad árdua quæque pro nóminis tui glória et animárum salúte, beáto Lauréntio Con-

fessóri tuo atque Doctóri spíritum consílii et fortitúdinis contulísti: da nobis in eódem spíritu et agénda cognóscere; et cógnota, eius intercessióne, perfícere. Per Dóminum.

Léctio Epístolæ beáti Pauli Apóstoli ad Corínthios.

2 Cor. 5, 14-21

Fratres: Cáritas Christi urget nos: æstimántes hoc, quóniam si unus pro ómnibus mórtuus est, ergo omnes mórtui sunt: et pro ómnibus mórtuus est Christus: ut, et qui vivunt, iam non sibi vivant, sed ei, qui pro ipsis mórtuus est et resur-réxit. Itaque nos ex hoc néminem nóvimus secúndum carnem. Et si cognóvimus secúndum carnem Christum: sed nunc iam non nóvimus. Si qua ergo in Christo nova creatúra, vétera transiérunt: ecce, facta sunt ómnia nova. Omnia autem ex Deo, qui nos reconciliávit sibi per Christum: et dedit nobis ministérium reconciliatiónis. Quóniam quidem Deus erat in Christo mundum reconcilians sibi non réputans illis delícta ipsórum, et pósuit in nobis verbum reconciliatiónis. Pro Christo ergo legatióne fúngimur, tamquam Deo exhortánte per nos. Obsecrámus pro Christo, reconciliámini Deo. Eum, qui non nóverat peccátum, pro nobis peccátum fecit, ut nos efficerémur iustítia Dei in ipso.

Graduale Exodi 15, 2 et 3 Fortitúdo mea et laus mea Dóminus, et factus est mihi in salútem: iste Deus meus, et glorificábo eum. **V.** Dóminus quasi vir pugnátor: omnípotens nomen eius.

Allelúia, allelúia. V. Eccli. 46, 6 Invocávit Altíssimum poténtem in oppugnándo inimícos úndique: et audívit illum magnus et sanctus Deus. **Allelúia.**

In Missis votivis post Septuagesimam, omissis Allelúia, et versu sequenti, dicitur

Tractus Iudith 16, 2-4 Modulámini Dómino psalmum novum, exaltáte, et invocáte nomen eius. **V.** Dóminus cónterens bella, Dóminus nomen est illi. **V.** Qui pósuit castra sua in médio pópuli sui, ut eríperet nos de manu ómnium inimicórum nostrórum.

Tempore autem paschali omititur graduale, et eius loco dicitur:

Allelúia, allelúia. **V. Eccli. 46, 6** Invocávit Altíssimum poténtem in oppugnádo inimícos úndique: et audívit illum magnus et sanctus Deus. Allelúia. **V. Iudith 16, 3-4** Dóminus cónterens bella, Dóminus nomen est illi: qui pósuit castra sua in médio pópuli sui. Allelúia.

✠ Sequéntia sancti Evangélíi secúndum Lucam. **Luc. 9, 1-6**

In illo témpore: Convocátis Iesus duódecim Apóstolis, dedit illis virtútem, et potestátem super ómnia dæmónia, et ut languóres curárent. Et misit illos prædicáre regnum Dei, et sanáre infirmos. Et ait ad illos: Nihil tuléritis in via, neque virgam, neque peram, neque panem, neque pecúniám, neque duas túnicas habeátis. Et in quamcúmque domum intravéritis, ibi manéte, et inde ne exeátis. Et quicúmque non recéperint vos: exeúntes de civitáte illa, étiam púlverem pedum vestrórum excútite in testimoniúm supra illos. Egréssi autem circuíbant per castélla, evangelizántes, et curántes ubíque.

Antiphona ad Offertorium Isai. 49, 2 Pósuit os meum quasi gládium acútum: in umbra manus suæ protéxit me, et pósuit me sicut sagítam eléctam.

Secreta

Ad cæléste convívium fac nos, Deus, salutáribus pæniténtiæ

L. MISSALE ROM.

lácrimis dignos accédere: quod beáto Lauréntio vitæ candor suavíssimum efficiébat. Per Dóminum.

Antiphona ad Communionem Sap. 8, 11 In conspéctu poténtium admirábilis ero, et fácies princípum mirabúntur me.

Postcommunio

Divinitátis tuæ, Dómine, sempitérna fruitióne satiémur: quam beátus Lauréntius in sacro altáris mystério prægustábat. Per Dóminum.

Sabbato

ante dominicam IV iulii

B. MARIE VIRGINIS
MATRIS MISERICORDIÆ

Missa Salve, de Communi festorum B. Mariæ Virg. (35), præter orationem sequentem:

Oratio

P

Deus, cuius misericórdiæ non est númerus: concéde nobis, sanctíssima unigéniti Fílii tui Matre intercedénte; ut hanc misericórdiam lárgiter in terris, et glóriam cónsequi mereámur in cælis. Per eúndem Dóminum.

Secreta

C

Tua, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio de B. Maria Virg. Et te in Festivitate.

Postcommunio

C

Sumptis, Dómine, salútis nostræ subsidiis: da, quæsumus, beátæ Mariæ semper Vírginis patrocíniis nos ubíque prótegi; in cuius veneratióne hæc tuæ obtúlimus maiestáti. Per Dóminum.

FESTA AUGUSTI

Die 1 augusti

S. PETRI AP. AD VINCULA

Antiphona ad Introitum

Act. 12, 11

Nunc scio vere, quia misit Dominus Angelum suum, et eripuit me de manu Heródis, et de omni expectatióne plebis Iudæórum. **Ps. 138, 1-2** Dómine, probásti me, et cognovísti me: tu cognovísti sessiónem meam, et resurrectionem meam. **V.** Glória Patri.

Oratio

Deus, qui beátum Petrum Apóstolum, a vînculis absolutum, illásum abire fecísti: nostrórum, quásumus, absólve vîncula peccatórum; et ómnia mala a nobis propitiátus exclúde.

Et fit commemoratio S. Pauli Ap. sub unica conclusione:

Oratio

Deus, qui multitudínem génitium beáti Pauli Apóstoli prædicatióne docuísti: da nobis, quásumus; ut, cuius commemoratióem cólimus, eius apud te patrocinia sentiámus. Per Dóminum.

Lectio Actuum Apostolorum.

Act. 12, 1-11

In diébus illis: Misit Heródes rex manus, ut afflígeret quosdam de ecclésia. Occídit autem Iacóbum fratrem Ioánnis gládio. Videns autem quia placéret Iudæis, appósuit ut apprehénderet et Petrum. Erant autem dies azymórum. Quem cum apprehendísset, misit in cárcerem, tradens quátuor quaterniónibus militum custodiéndum, volens post Pascha producere eum pópulo. Et Petrus quidem servabátur in cárcere. Orátio autem fiebat sine intermissiône ab ecclésia ad Deum pro eo. Cum autem productúrus eum esset Heródes, in ipsa nocte

erat Petrus dórmienti inter duos milites, vinctus caténis duábus: et custódes ante óstium custodiébant cárcerem. Et ecce, Angelus Dómini ástitit: et lumen refulsit in habitáculo: percussóque látere Petri, excitávit eum, dicens: Surge velóciter. Et cecidérunt caténæ de mánibus eius. Dixit autem Angelus ad eum: Præcingere, et cálcea te cáligas tuas. Et fecit sic. Et dixit illi: Circúmda tibi vestiméntum tuum, et séquere me. Et éxiens sequebátur eum, et nesciébatur quia verum est, quod fiebat per Angelum: existimábat autem se visum vidére. Transeúntes autem primam et secúndam custódiám, venérunt ad portam férream, quæ ducit ad civitátem: quæ ultro apérta est eis. Et exeúntes processérunt vicum unum: et continuo discéssit Angelus ab eo. Et Petrus ad se revérsus, dixit: Nunc scio vere, quia misit Dominus Angelum suum, et eripuit me de manu Heródis, et de omni expectatióne plebis Iudæórum.

Graduale Ps. 44, 17-18 Constítues eos príncipes super omnem terram: mémores erunt nóminis tui, Dómine. **V.** Pro pátribus tuis nati sunt tibi filii: proptérea pópuli confitebúntur tibi.

Allelúia, allelúia. **V.** Solve, iubénte Deo, terrárum, Petre, caténas: qui facis ut páteant cæléstia regna beátis. Allelúia.

✠ Sequéntia sancti Evangélíi secúndum Matthæum.

Matth. 16, 13-19

In illo témpore: Venit Iesus in partes Cæsaréæ Philíppi, et interrogábat discípulos suos, dicens: Quem dicunt hómines esse Fílium hóminis? At illi dixerunt: Alii Ioánnem Baptistam, álii autem Elíam, álii vero Ieremíam, aut unum ex prophétis. Dicit illis Iesus: Vos autem quem me esse dicitis? Respón-

dens Simon Petrus, dixit: Tu es Christus, Fílius Dei vivi. Respóndens autem Iesus, dixit ei: Beátus es, Simon Bar Iona: quia caro et sanguis non revelávit tibi, sed Pater meus, qui in cælis est. Et ego dico tibi, quia tu es Petrus, et super hanc petram ædificábo Ecclésiám meam, et portæ ínferi non prævalébunt advérsus eam. Et tibi dabo claves regni cælórum. Et quodcúmque ligáveris super terram, erit ligátum et in cælis: et quodcúmque sólveris super terram, erit solútum et in cælis.

Antiphona ad Offertorium Ps. 44, 17-18 Constitues eos príncipes super omnem terram: mémores erunt nóminis tui, Dómine, in omni progénie et generatióne.

Secreta

Oblátum tibi, Dómine, sacrificium, intercedénte beáto Petro Apóstolo tuo, vivíficet nos semper, et múniat.

Pro S. Paulo, sub unica conclusione

Secreta

Apóstoli tui Pauli précibus, Dómine, plebis tuæ dona sanctífica: ut, quæ tibi tuo grata sunt institúto, gratióra fiant patrocínio supplicántis. Per Dóminum.

Præfatio de Apostolis.

Antiphona ad Communionem Matth. 16, 18 Tu es Petrus, et super hanc petram ædificábo Ecclésiám meam.

Postcommunio

Córpore sacri et pretiósí sángxinis repléti libámine, quæsumus, Dómine Deus noster: ut, quod pia devotióne gérimus, certa redemptione capiámus.

Pro S. Paulo, sub unica conclusione

Postcommunio

Percéptis, Dómine, sacraméntis, beáto Paulo Apóstolo tuo in-

terveniénte, deprecámur: ut, quæ pro illíus celebráta sunt glória, nobis proficiant ad medélam. Per Dóminum.

Die 3 augusti

IN INVENTIONE S. STEPHANI PROTOMARTYRIS

Missa ut in festo S. Stephani, die 26 decembris 20, præter orationem sequentem:

Oratio

P

Da nobis, quæsumus, Dómine, imitári quod cólimus: ut discámus et inimícos diligere, quia eius Inventiόνem celebrámus, qui novit étiam pro persecutóribus exoráre Dóminum nostrum Iesum Christum Fílium tuum: Qui tecum vivit.

Secreta

P

Súscipe, Dómine, múnera pro tuórum commemoratióne Sanctórum: ut, sicut illos pássio glorióssos effécit, ita nos devótio reddat innócuos. Per Dóminum.

Postcommunio

P

Auxiliéntur nobis, Dómine, sumpta mystéria: et, intercedénte beáto Stéphano Mártire tuo, sempitérna protectiόne confirment. Per Dóminum.

Die 8 augusti

S. IOANNIS MARIE VIANNEY CONFESSORIS

Antiphona ad Introitum

Gal. 6, 14

Mihi autem absit gloriári, nisi in cruce Dómini nostri Iesu Christi, per quem mihi mundus crucifixus est, et ego mundo. **Ps. 30, 2** In te, Dómine, sperávi, non confúndar in ætérnum: in iustítia tua líbera me. **¶** Glória Patri.

Oratio

Omnípotens et miséricors Deus, qui sanctum Ioánnem Mariám pastoráli stúdio et iugi oratiónis ac pæniténtiæ ardóre miráblem effecisti: da, quæsumus, ut eius exémplo et intercessióne, ánimas fratrum lucrári Christo, et cum eis ætérnam glóriam cónsequi valeámus. Per eúndem Dóminum.

Léctio Ezechiélis Prophétæ.

Ezech. 33, 7 et 10-12

Et tu, fili hóminis, speculatórem dedi te dómui Israël; áudiens ergo ex ore meo sermónem annuntiábis eis ex me. Tu ergo, fili hóminis, dic ad domum Israël: Sic locúti estis dicétes: Iniquitátes nostræ et peccáta nostra super nos sunt, et in ipsis nos tabéscimus: quómodo ergo vívere poterimus? Dic ad eos: Vivo ego, dicit Dóminus Deus, nolo mortem ímpii, sed ut convertátur ímpius a via sua et vivat. Convertímini, convertímini a viis vestris péssimis et quare moriémini, domus Israël? Tu itaque, fili hóminis, dic ad filios pópuli tui: Impiétas ímpii non nocébit ei in quacúmque die convérsus fúerit ab impietáte sua.

Graduale Ps. 44, 2 Eructávit cor meum verbum bonum, dico ego ópera mea regi. **V. Ps. 38, 4** Concáluit cor meum intra me, et in meditatióne mea exardéscet ignis.

Allelúia, allelúia. **V. Eccli. 48, 1** Surréxit quasi ignis, et verbum ipsíus quasi fácula ardébat. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Ezech. 34, 15-16 Ego pascam oves meas. **V.** Quod períerat requíram, et quod abiéctum erat redúcam. **V.** Quod confráctum fúerat alligábo, et quod infirmum fúerat consolidábo. **V.** Et

quod pingue et forte custódiam. **V.** Et pascam illas in iudício.

Tempore autem paschali omititur graduale, et eius loco dicitur:

Allelúia, allelúia. **V. Luc. 4, 18** Evangelizáre paupéribus misit me, sanáre contrítos corde. Allelúia. **V. I Cor. 9, 22** Omnibus ómnia factus sum, ut omnes fácerem salvos. Allelúia.

✠ Sequéntia sancti Evangélíi secúndum Matthæum.

Matth. 9, 35-38 et 10, 1

In illo tēmpore: Circuíbat Iesus omnes civitátes et castélla docens in synagógis eórum et prædicans evangélium regni et curans omnem languórem et omnem infirmitátem. Videns autem turbas, misértus est eis, quia erant vexáti et iacétes sicut oves non habétes pastórem. Tunc dicit discíplis suis: Messis quidem multa, operárii autem pauci; rogáte ergo Dóminum messis, ut mittat operários in messem suam. Et, convocátis duódecim discíplis suis, dedit illis potestátem spirítuum immundórum, ut eícerent eos et curárent omnem languórem et omnem infirmitátem.

Antiphona ad Offertorium Coloss. 1, 24-25

Gáudeo in passióibus, et adímpleo ea quæ desunt passiónum Christi in carne mea, pro córpore eius quod est Ecclésia, cuius factus sum ego mínister.

Secreta

Super hanc illibátam hóstiam, omnípotens sempitérne Deus, descéndat invisíbilis plenitúdo Spíritus Sancti: et præsta, ut, intercedénte beáto Ioáanne Maria, casto córpore et mundo corde ad tantum semper mystérium accedámus. Per Dóminum nostrum Iesum Christum Fílium tuum, qui tecum vivit et regnat in unitáte eiúsdem Spíritus Sancti.

Antiphona ad Communionem
Luc. 6, 18, 19 Multitúdo languéntium, et qui vexabántur a spirítibus immúndis veniébant ad Iesum; quia virtus de illo exíbat, et sanábat omnes.

Postcommunio

Angelórum dape refécti, te, Dómine, deprecámur: ut sicut in fortitúdone huius panis beátus Ioánes María advérsa ómnia invícta constántia tolerávit; ita nos eius méritis et imitatióne, de virtúte in virtútem eúntes, ad te felíciter perducámur. Per Dóminum.

Die 11 augusti

S. EMIGDII EP. ET MART.

Antiphona ad Introitum

Ps. 17, 8

Commóta est, et contrémuit terra: fundaménta móntium conturbáta sunt, et commóta sunt, quóniam irátus est eis.
Ps. 49, 15 Invoca me in die tribulatiónis: éruam te, et honorificábis me. **V.** Glória Patri.

Oratio

Deus, qui beátum Emígdium Mártirem tuum atque Pontíficem, idolórum victória et miraculórum glória decorásti: concéde propítius; ut, eo interveniénte, malórum spirítuum fraudes víncere, et coruscáre virtútibus mereámur. Per Dóminum.

Léctio libri Apocalýpsis beáti Ioánnis Apóstoli.

Apoc. 11, 13-17

In illa hora factus est terrémótus magnus, et décima pars civitátis cécidit: et occísa sunt in terrémótu nómina hóminum septem mília: et réliqui in timórem sunt missi, et dedérunt glóriam Deo cæli. Væ secúndum ábiit: et ecce, væ tértium véniet cito. Et séptimus Angelus tuba cécinit: et factæ sunt voces

magnæ in cælo, dicéntes: Factum est regnum huius mundi, Dómini nostri et Christi eius, et regnabit in sácula sæculórum: Amen. Et vigin-tiquátuor senióres, qui in conspéctu Dei sedent in sédibus suis, cecidérunt in fácies suas, et adoravérunt Deum, dicéntes: Grátias ágimus tibi, Dómine Deus omnípotens, qui es, et qui eras, et qui ventúrus es: quia accepísti virtútem tuam magnam, et regnásti.

Graduale Ps. 59, 6-7 Dedísti metuéntibus te significatióne: ut fúgiant a fácie arcus. **V.** Ut liberéntur dilécti tui: salvum fac délixtera tua, et exáudi me.

Allelúia, allelúia. **V. Ps. 88, 22** Manus mea auxiliábitur ei: et brá-chium meum confortábit eum. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Ierem. 3, 12 Non avértam fáciem meam a vobis: et non iráscar in perpétuum. **V. Isai. 42, 6** Dedi te in fœdus pópuli, et in lucem géntium. **V. Ibid. 25, 4** Factus est fortitúdo páuperi, fortitúdo egéno in tribulatióne sua.

Tempore autem paschali omit-titur graduale, et eius loco dicitur:

Allelúia, allelúia. **V. Ierem. 1, 18** Dedi te in civitátem munitam, et in colúmnam férream, et in murum áereum. Allelúia. **V. Eccli. 39, 20** Date nómini eius magnificéntiam, et confitémini illi. Allelúia.

Evangelium Cum audiéritis prælia, ut in **Communi plurimorum Martyrum 1 loco** (9).

Antiphona ad Offertorium Ps. 59, 4 Commovísti, Dómine, terram, et conturbásti eam: sana contritiónes eius, quia commóta est.

Secreta

Múnera tibi, Dómine, oblata sanctífica: ut per ea, intercedente beáto Emígdio Mártire tuo atque Pontífice, ab ómnibus ánimæ et córporis perículis liberémur. Per Dóminum.

Antiphona ad Communionem

Ps. 32, 8 Tímeat Dóminum omnis terra: ab eo autem commoveántur omnes inhabitántes orbem.

Postcommunio

Sacraménta, quæ sumpsimus, Dómine: per intercessiόνem beáti Emígdii Mártiris tui atque Pontíficis sint nobis ad tutaméntum mentis et córporis, et ad misericórdiam tuam effícaciter consequendam. Per Dóminum.

Die 13 augusti

B. MARIÆ VIRGINIS

titulo

REFUGIUM PECCATORUM

Missa Salve, de Communi festorum B. Mariæ Virg. (35) præter orationem sequentem:

Oratio

P

Omnípotens et misericors Deus, qui in beáta semper Vírgine Mariá peccatórum refúgium, et auxílium collocásti: concéde; ut, ipsa protegente, a culpis ómnibus absólti, misericórdiæ tuæ efféctum felícem consequámur. Per Dóminum.

Secreta

C

Tua, Dómine, propitiatióne, et beátæ Mariæ semper Vírginis intercessiόνem ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio de B. Maria Virg. Et te in Festivitate.

Postcommunio

C

Sumptis, Dómine, salútis nostræ subsidiis: da, quæsumus, beátæ Mariæ semper Vírginis patrocíniis nos ubíque prótegi; in cuius veneratióne hæc tuæ obtúlimus maiestáti. Per Dóminum.

Eodem die 13 augusti

S. IOANNIS BERCHMANS CONF.

Antiphona ad Introitum

Ps. 118, 167

Custodívit ánima mea testimónia tua, Dómine: et dilexit ea vehementer. Ps. *ibid.*, 1 Beáti immaculáti in via: qui ámbulant in lege Dómini. V. Glória Patri.

Oratio

Concéde, quæsumus, fámulis tuis, Dómine Deus: ea innocentíæ ac fidelitátis exémpa in tuo servítio sectári; quibus angélicus iúvenis Ioánnes ætátis suæ florem consecrávit. Per Dóminum.

Léctio libri Sapiéntiæ.

Eccli. 51, 17-25, 27-28 et 35

Confitébor, et laudem dicam tibi, Dómine Rex, et benedicam nómini Dómini. Cum adhuc iúnior essem, priúsqvam oberrárem, quæsívi sapiéntiam palam in oratióne mea. Ante templum postulábam pro illa, et usque in novíssimis inquirám eam. Et efflóruit tamquam præcox uva, lætátum est cor meum in ea. Ambulávit pes meus iter rectum, a iuventúte mea investigábam eam. Inclinávi módice aurem meam, et excépi illam. Multam invéni in meípso sapiéntiam, et multum proféci in ea. Danti mihi sapiéntiam, dabo glóriam. Consiliátus sum enim ut fácerem illam: zelátus sum bonum, et non confúndar. Colluctáta est ánima mea in illa, et in faciéndó eam

confirmátus sum. Animam meam diréxi ad illam, et in agnitióne invéni eam. Possédi cum ipsa cor ab iníto: propter hoc non derelín-quar. Vidéte óculis vestris quia mó-dicum laborávi, et invéni mihi mul-tam réquiem.

Graduale Sap. 4, 13-14 Consum-mátus in brevi explévit témpora multa. **V.** Plácita enim erat Deo ánima illius: propter hoc properá-vit educere illum de médio iniqui-tátum.

Allelúia, allelúia. **V. Ibid., 16** Con-démnat autem iustus mórtuus vi-vos ímpios, et iuvéntus celérius con-summáta longam vitam iniústi. Al-lelúia.

In Missis votivis post Septua-gesimam, omissis Allelúia, et versu sequenti, dicitur

Tractus Ps. 70, 17 Deus, do-cuísti me a iuventúte mea: et usque nunc pronuntiábo mira-bília tua. **V. Ps. 118, 103 et 101** Quam dúlcia fáucibus meis eló-quia tua, super mel ori meo! **V.** Ab omni via mala prohibui pedes meos: ut custódiam verba tua.

Tempore autem paschali, omit-titur graduale, et eius loco dici-tur:

Allelúia, allelúia. **V. Ps. 118, 106** Iurávi, et státui custodire iudícia iustítiæ tuæ. Allelúia. **V. Ibid., 74** Qui timent te vidé-bunt me, et lætabúntur: quia in verba tua supersperávi. Allelúia.

✠ Sequéntia sancti Evangélíi se-cúndum Matthæum.

Matth. 19, 16-21

In illo témpore: Ecce, unus accé-dens ad Iesum, ait illi: Magíster bone, quid boni fáciam ut hábeam vitam ætérmam? Qui dixit ei: Quid me intérrogas de bono? Unus est

bonus, Deus. Si autem vis ad vitam ingredi, serva mandáta. Dicit illi: Quæ? Iesus autem dixit: Non ho-micídium fácies: Non adulterábis: Non fácies furtum: Non falsum testimónium dices: Honóra patrem tuum, et matrem tuam, et díliges próximum tuum sicut teípsum. Dicit illi aduléscens: Omnia hæc custodívi a iuventúte mea, quid adhuc mihi deest? Ait illi Iesus: Si vis perféctus esse, vade, vende quæ habes, et da paupéribus, et habébis thesáurum in cælo: et veni, séquere me.

Antiphona ad Offertorium Ps. 115, 16-17 O Dómine, quia ego servus tuus: ego servus tuus et filius ancíllæ tuæ: dirupísti víncula mea: tibi sacrificábo hóstiam laudis.

Secreta

Réspice, miséricors Deus, dona quæ offérimus recoléntes áni-mo caritátem: qua beátus Ioánnes inter hæc mystéria flagrábat. Per Dóminum.

Antiphona ad Communionem Cant. 6, 2; 3, 4 Ego dilécto meo, et diléctus meus mihi, qui páscitur inter lília. Invéni quem díligit áni-ma mea: ténui eum, nec dimíttam.

Postcommunio

Cælésti épulo reféctis præsta nobis, quæsumus, miséricors Deus: ut, beáti Ioánnis vestigia se-quéntes, viam mandatórum tuórum dilatáto corde currámus. Per Dó-minum.

Die 16 augusti

S. ROCHI CONF.

Missa Iustus, de Communi Con-fessoris non Pontificis 2 loco (22), præter orationem sequentem:

Oratio

P

Pópulum tuum, quæsumus, Dómine, continua pietáte custódi: et, beáti Rochi suffragántibus méritis, ab omni fac ánimæ et córporis contagióne secúrum. Per Dóminum.

Secreta

C

Præsta nobis, quæsumus, omnipotens Deus: ut nostræ humilitátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Postcommunio

C

Quæsumus, omnipotens Deus: ut, qui cæléstia aliménta percépimus, intercedénte beáto Rocho Confessóre tuo, per hæc contra ómnia advérsa muniámur. Per Dóminum.

Die 18 augusti

S. HELENÆ IMPERATRICIS, VID.

Antiphona ad Introitum

Gal. 6, 14

Mihi autem absit gloriári, nisi in Cruce Dómini nostri Iesu Christi: per quem mihi mundus crucifíxus est, et ego mundo. **Ps. 22, 4** Virga tua et báculo tuus: ipsa me consoláta sunt. **V.** Glória Patri.

Oratio

Dómine Iesu Christe, qui locum, ubi Crux tua latébat, beátæ Helenæ revelásti, ut, per eam, Ecclesiám tuam hoc pretiósó thesauro ditáres: eius nobis intercessióne concéde; ut vitális ligni prétio, æternæ vitæ præmia consequámur: Qui vivis.

Epistola Mulierem fortem, **ut in Communi non Virginum 2 loco** (31).

Graduale **Ps. 44, 13, 10 et 15-16** Vultum tuum deprecabúntur omnes

dívites plebis: filiæ regum in honóre tuo. **V.** Adducéntur Regi vírgines post eam: próximæ eius afferéntur tibi. Afferéntur in lætítia, et exultatióne: adducéntur in templum Regis.

Allelúia, allelúia. **V. Ps. 111, 9** Dispérsit, dedit paupéribus: iustítia eius manet in sáculum sáculi. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Veni, sponsa Christi, áccipe corónam, quam tibi Dóminus præparávit in ætérnum. **V. Ps. 44, 8** Dilexísti iustítiam, et odísti iniquitátem: propterea unxit te Deus, Deus tuus, óleo lætítiæ præ consórtibus tuis. **V. Ibid., 5** Spécie tua, et pulchritúdine tua inténde, prospere procéde, et regna.

Tempore autem paschali, omititur graduale, et eius loco dicitur:

Allelúia, allelúia. **V. Ps. 111, 9** Dispérsit, dedit paupéribus: iustítia eius manet in sáculum sáculi. Allelúia. **V. Ps. 44, 5** Spécie tua, et pulchritúdine tua inténde, prospere procéde, et regna. Allelúia.

Evangelium Símile est regnum cælórum thesauro, **ut in Communi non Virginum 2 loco** (32).

Antiphona ad Offertorium 1 Cor. 2, 2 Non enim iudicávi me scire áliud, nisi Iesum Christum, et hunc crucifíxum.

Secreta

Per hæc sacra mystéria concéde nobis, Dómine: ut, sicut beátæ Helenæ misericórditer tribuísti, ut Fílium tuum crucifíxum in corde semper gestáret; ita et nos eum in córdibus nostris perpétuo deferámus: Qui tecum vivit.

Antiphona ad Communem
Cant. 7, 8 Ascendam in palmam,
et apprehendam fructus eius.

Postcommunio

Concede nobis, miséricors Deus:
ut, qui salutiferæ Crucis tuæ
fructu in terra sumus recreāti; per
intercessionem beátæ Hélienæ, eó-
dem iúgiter pérfrui mereámur in
cælis: Qui vivis.

Die 20 augusti

S. BERNARDI

ABB. ET ECCL. DOCT.

Antiphona ad Introitum

Eccli. 15, 5

In médio Ecclésiæ apérui os eius:
et implévit eum Dóminus spí-
ritu sapiéntiæ et intelléctus: sto-
lam glóriæ índuit eum. **Ps. 91, 2**
Bonum est confitéri Dómino: et
psállere nómini tuo, Altíssime. **¶**
Glória Patri.

Oratio

Pérfice, quæsumus, Dómine, pium
in nobis sanctæ religiónis afféc-
tum: et ad obtinéndam tuæ grátie
largitatem, beátus Bernárdus, Ab-
bas et Doctor egrégus, suis apud
te semper pro nobis méritis et pré-
cibus intercédât. Per Dóminum.

Léctio libri Sapiéntiæ.

Eccli. 39, 6-14

Iustus cor suum tradet ad vigi-
lándum dilúculo ad Dóminum,
qui fecit illum, et in conspéctu Al-
tíssimi deprecábitur. Apériet os
suum in oratióne, et pro delíctis
suis deprecábitur. Si enim Dóminus
magnus volúerit, spíritu intellegén-
tiæ replébit illum: et ipse tamquam
imbres mittet elóquia sapiéntiæ
suæ, et in oratióne confitébitur Dó-
mino: et ipse díriget consílium eius
et disciplinam, et in abscónditis
suis consiliábitur. Ipse palam faciet

disciplinam doctrínæ suæ, et in lege
testaménti Dómini gloriábitur. Col-
laudábunt multi sapiéntiam eius,
et usque in sáculum non delébitur.
Non recédet memória eius, et no-
men eius requirétur a generatióne
in generatióne. Sapiéntiam eius
enarrábunt gentes, et laudem eius
enuntiábit ecclésia.

Graduale Sap. 8, 2 Sapiéntiam
amávi, et exquisívi a iuventúte mea,
et quæsívi sponsam mihi eam assú-
mere, et amátor factus sum formæ
illius. **¶ Ibid., 10-11** Habébo propter
sapiéntiam claritatem ad turbas, et
in conspéctu poténtium admirábi-
lis ero, et fácies princípum mira-
búntur me.

Allelúia, allelúia. **¶** Caritáte vul-
nerátus, castitáte dealbátus, verbo
vitæ laureátus est Bernárdus, subli-
mátus in glória. Allelúia.

✠ Sequéntia sancti Evangélii se-
cúndum Matthæum.

Matth. 5, 13-19

In illo témpore: Dixit Iesus discí-
pulis suis: Vos estis sal terræ.
Quod si sal evanúerit, in quo saliétur?
Ad níhilum valet ultra, nisi ut
mittátur foras, et conculcétur ab
homínibus. Vos estis lux mundi.
Non potest cívitas abscóndi supra
montem pósita. Neque accéndunt
lucérnam, et ponunt eam sub mó-
dio, sed super candelábrum, ut lú-
ceat ómnibus qui in domo sunt.
Sic lúceat lux vestra coram homí-
nibus, ut vídeant ópera vestra bona,
et gloríficent Patrem vestrum, qui
in cælis est. Nolíte putáre, quóniam
veni sólvere legem, aut prophétas:
non veni sólvere, sed adimplére.
Amen quippe dico vobis, donec
tránseat cælum et terra, ióta unum,
aut unus apex non præteríbit a lege,
donec ómnia fiant. Qui ergo sólverit
unum de mandátis istis mínimis,
et docúerit sic hómines, mínimus
vocábitur in regno cælórum: qui

autem fécerit, et docúerit, hic magnus vocábitur in regno cælórum.

Antiphona ad Offertorium Cant. 1, 12 Fascículus myrrhæ diléctus meus mihi, inter úbera mea com-morábitur.

Secreta

Grata tibi sit, Deus, intercedénte beáto Bernárdo, huius oblátio Sacraménti, quod in memóriam passiónis Unigéniti tui, tuæ offérimus maiestáti. Per eúndem Dóminum.

Antiphona ad Communionem Eccli. 51, 30 Dedit mihi Dóminus linguam mercédem meam: et in ipsa laudábo eum.

Postcommunio

Suum in nobis, omnípotens Deus, intercedénte beáto Bernárdo, cibus, quem sumpsimus, operétur efféctum: ut incórporet nos sibi esus edéntes. Per Dóminum.

Die 28 augusti

S. AUGUSTINI

EP., CONF. ET ECCL. DOCT.

Antiphona ad Introitum

Eccli. 15, 5

In médio Ecclésiæ apéruit os eius: et implévit eum Dóminus spíritu sapiéntiæ et intelléctus: stolam glóriæ índuit eum. **Ps. 91, 2** Bonum est confitéri Dómino: et psállere nómini tuo, Altíssime. **V.** Glória Patri.

Oratio

Deus, qui abditíora sapiéntiæ tuæ arcána beáto Augustíno reveládo, et divínæ caritátis flammæ in eius corde excitádo, miráculum columænæ nubis et ignis in Ecclésia tua renovásti: concéde; ut eius ductu mundi vórtices felíciter trans-eámus, et ad ætérnam promissiónis pátriam perveníre mereámur. Per Dóminum.

Léctio libri Sapiéntiæ.

Eccli. 50, 1-14

Ecce sacérdos magnus, qui in vita sua suffúlsit domum et in diébus suis corroborávit templum. Templi étiam altitúdo ab ipso fundáta est, duplex ædificátio, et excélsi paríetes templi. In diébus ipsíus emanavérunt pútei aquárum et quasi mare adimpléti sunt supra modum. Qui curávit gentem suam et liberávit eam a perditíone, qui præváluit amplificáre civitátem, qui adéptus est glóriam in conversatióne gentis et ingrèssum domus et átrii amplificávit. Quasi stella matutína in médio nébulæ et quasi luna plena in diébus suis lucet et quasi sol refúlgens, sic ille effúlsit in templo Dei; quasi arcus refúlgens inter nébulas glóriæ et quasi flos rosárum in diébus vernis et quasi lília, quæ sunt in tránsitu aquæ, et quasi tus rédolens in diébus æstátis, quasi ignis effúlgens, et tus ardens in igne; quasi vas auri sólídum ornátum omni lápide pretiósó; quasi olíva púllulans et cypréssus in altitúdinem se extóllens, in accipiéndó ipsum stolam glóriæ et vestíri eum in consummationem virtútis, in ascénsu altáris sancti glóriam dedit sanctitátis amíctum; in accipiéndó autem partes de manu sacerdotum et ipse stans iuxta aram, et circa illum coróna fratrum: quasi plantátio cedri in monte Líbano, sic circa illum steterunt quasi rami palmæ et omnes filii Aaron in glória sua.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. **V.** Lex Dei eius in corde ipsíus: et non sup-plantabúntur gressus eius.

Allelúia, allelúia. V. Eccli. 45, 9 Amávit eum Dóminus, et ornávit eum: stolam glóriæ índuit eum. **Allelúia.**

In Missis votivis post Septuagesimam, omissis Allelúia, et versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divítiæ in domo eius: et iustítia eius manet in sáculum sáculi.

Tempore autem paschali omititur graduale, et eius loco dicitur:

Allelúia, allelúia. **V.** Eccli. 45, 9 Amávit eum Dóminus, et ornávit eum: stolam glóriæ índuit eum. Allelúia. **V.** Osee 14, 6 Iustus germinábit sicut lílium: et florébit in ætérnum ante Dóminum. Allelúia.

✠ Sequéntia sancti Evangélíi secúndum Matthæum. **Matth. 5, 13-19**

In illo témpore: Dixit Iesus discipulis suis: Vos estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolite putáre, quóniam veni sólvere legem, aut prophétas: non veni sólvere, sed adimplére. Amen quippe dico vobis, donec tránseat cælum et terra, ióta unum, aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit, et docúerit, hic magnus vocábitur in regno cælórum.

Antiphona ad Offertorium Ps. 91, 13 Iustus ut palma florébit: sicut

cedrus, quæ in Líbano est, multiplicábitur.

Secreta

Omnípotens sempitérne Deus, qui præcláro sapiéntiæ lúmine beáti Augustíni mentem illustrásti, et sancti amóris iáculo eiúsdem cor transverberásti: da nobis fámulis tuis; ut illíus doctrínæ et caritátis partícipes éffici mereámur. Per Dóminum.

Antiphona ad Communionem Luc. 12, 42 Fidélis servus, et prudens, quem constituit Dóminus super familiam suam: ut det illis in témpore trítici mensúram.

Postcommunio

Fove, Dómine, familiam tuam munéribus sacris, quam cælésti libámine recreásti: et, ut solémnia sancti Augustíni devóte concélebret; infúnde lumen supérnæ cognitiónis, et flammam ætérnæ caritátis. Per Dóminum.

Sabbato post festum S. Augustini Ep., Conf. et Eccl. Doct.

**B. MARIE VIRGINIS
A CONSOLATIONE**

Antiphona ad Introitum

Ps. 44, 10

Astitit Regína a dextris tuis in vestítu deauráto: circumdata varietáte. **Ps. ibid., 2** Eructávit cor meum verbum bonum: dico ego ópera mea Regi. **V.** Glória Patri.

Oratio

Dómine Iesu Christe, pater misericordiárum, et Deus totíus consolatiónis: concéde propítius; ut, sicut lumbos præcíncti, puríssimam Genetrícem tuam Mariám sub Consolatiónis título gaudéntes venerámur in terris, ita perénni eiúsdem consórtio pérfrui mereámur in cælis: Qui vivis.

Epistola Hæc dicit Dóminus Deus: Egrediétur, **ut in feria sexta Quatuor Temporum Adventus 7.**

Graduale Ps. 44, 8-9 Unxit te Deus, Deus tuus, óleo lætitiæ præ consórtibus tuis. **V.** Myrrha et gutta, et cásia a vestiméntis tuis.

Allelúia, allelúia. V. Cant. 2, 14 Sonet vox tua in áuribus meis: vox enim tua dulcis, et fácies tua decóra. **Allelúia.**

In Missis votivis post Septuagesimam, omissis Allelúia, et versu sequenti, dicitur

Tractus Ps. 44, 12 et 18 Concupíscet Rex decórem tuum: quóniam ipse est Dóminus Deus tuus, et adorábunt eum. **V.** Mémoires erunt nóminis tui in omni generatióne et generatióne. **V.** Proptérea pópuli confitebúntur tibi in ætérnum: et in sáculum sáculi.

Tempore autem paschali, omititur graduale, et eius loco dicitur:

Allelúia, allelúia. V. Ps. 44, 9 Myrrha, et gutta, et cásia a vestiméntis tuis. **Allelúia. V. Cant. 2, 14** Sonet vox tua in áuribus meis: vox enim tua dulcis, et fácies tua decóra. **Allelúia.**

Evangelium Exsúrgens María, **ut in festo Visitationis B. M. V., die 2 iulii.**

Antiphona ad Offertorium Ierem. 18, 20 Recordáre, Virgo Mater, in conspéctu Dei, ut loquáris pro nobis bona, et ut avértat indignatióne suam a nobis.

Secreta

Súscipe, Dómine, munus, quod tibi offérimus, memóriam recoléntes puríssimæ Vírginis Mariæ, quæ consolátur nos in omni tribulatióne nostra: et præsta; ut mens nostra supérno lúmine Sancti Spíritus irradiáta, terréna despíciat,

et ad cæléstia semper aspíret. Per Dóminum... in unitáte eiúsdem.

Præfatio de B. Maria Virg. Et te in Festivitate.

Antiphona ad Communionem Ierem. 2, 32 Numquid obliviscétur virgo ornaménti sui, aut sponsa fásciae pectorális suæ?

Postcommunio

Fons vitæ, Dómine Iesu, reple mentem nostram torrénate voluptátis tuæ: ut, beatíssimæ semper Vírginis Mariæ Consolatiónis Matris præsidio terréna calcántes, cæléstibus semper recreári valeámus: Qui vivis.

Sabbato

ante dom. ultimam augusti

B. MARIE VIRGINIS

titulo

SALUS INFIRMORUM

Antiphona ad Introitum

Salus pópuli ego sum: de quacúmque tribulatióne clamáverint ad me, exáudiam eos. **Ps. 33, 2** Benedícam Dóminum in omni témpore: semper laus eius in ore meo. **V.** Glória Patri.

Oratio

Concéde nos fámulos tuos, quæsumus, Dómine Deus, perpétua mentis et córporis sanitáte gaudére: et, gloriósa beátæ Mariæ semper Vírginis intercessiône, a præsénti liberári tristítia, et ætérna pérfrui lætítia. Per Dóminum.

Epistola Dóminus possédit me, **ut in festo Conceptionis immaculatæ B. M. V., die 8 decembris.**

Graduale Ps. 102, 1 et 3-4 Benedic, ánima mea, Dómino: et ómnia interióra mea, nómini sancto eius. Qui sanat omnes infirmitátes tuas,

qui rēdit de intēritu vitam tuam.
Ps. 117, 14 Fortitúdo mea, et
 laus mea Dóminus: et factus est
 mihi in salútem.

Allelúia, allelúia. **Ps. 59, 13**
 Da nobis, Dómine, auxílium de tri-
 bulatióne: quia vana salus hóminis.
 Allelúia.

**In Missis votivis post Septua-
 gesimam, omissis Allelúia, et
 versu sequenti, dicitur**

Tractus Ps. 117, 16-17 Déxtera
 Dómini fecit virtútem: déxtera
 Dómini exaltávit me, déxtera Dó-
 mini fecit virtútem. **Ps. Non mó-
 riar, sed vivam: et narrábo ópera**
 Dómini. **Ps. 59, 13** Da nobis,
 Dómine, auxílium de tribulatió-
 ne: quia vana salus hóminis.

**Tempore autem paschali, omit-
 titur graduale, et eius loco dici-
 tur:**

Allelúia, allelúia. **Ps. 117, 14**
 Fortitúdo mea, et laus mea Dó-
 minus: et factus est mihi in salú-
 tem. Allelúia. **Ps. 59, 13** Da
 nobis, Dómine, auxílium de tri-
 bulatióne: quia vana salus hó-
 minis. Allelúia.

Evangelium Núptiæ factæ sunt,
 ut in dominica II post Epiphaniam
 39.

Antiphona ad Offertorium Ierem.
18, 20 Recordáre, Virgo Mater, dum
 stéteris in conspēctu Dei, ut lo-
 quáris pro nobis bona, et ut avértat
 indignatióem suam a nobis.

Secreta

Hæc oblátio, Dómine, per salu-
 tíferam beatíssimæ Unigéniti
 Fílii tui Genetrícis intercessiόnem,
 nos in tua grátia confirmet, et a
 malis ómnibus reddat immúnes.
 Per eúndem Dóminum.

Præfatio de B. Maria Virg. Et te
 in Festivitate.

Antiphona ad Communionem
Isai. 46, 13 Dabo in Sion salútem,
 et in Israël glóriam meam.

Postcommunio

Divína libátio córporis et sán-
 guinis tui, Dómine Iesu Chri-
 ste, quam in honórem Genetrícis
 tuæ devóte suscepimus, temporális
 vitæ páriter et æternæ múnera lar-
 giáture: Qui vivis.

FESTA SEPTEMBRIS

Die 4 septembris

B. MARIE VIRGINIS DIVINI PASTORIS MATRIS

**Missa Salve, de Communi festo-
 rum B. Mariæ Virg. (35), præter
 orationem sequentem:**

Oratio P

Dómine Iesu Christe, pastor
 bone, qui pro óvibus tuis áni-
 mam dedísti, nosque pópulum
 tuum et oves pásquæ tuæ in cruce
 pendens Matri Vírgini commen-
 dásti: ipsa interveniēte concéde;
 ut, te pastórem nostrum sequētes
 in terris, ad pásqua æternæ vitæ
 perducámur in cælis: Qui vivis.

Secreta C

Tua, Dómine, propitiatióne, et
 beátæ Mariæ semper Vírginis
 intercessiόne, ad perpétuam atque
 præsentem hæc oblátio nobis pro-
 ficiat prosperitátem et pacem. Per
 Dóminum.

Præfatio de B. Maria Virg. Et te
 in Festivitate.

Postcommunio C

Sumptis, Dómine, salútis nostræ
 subsidiis: da, quæsumus, beátæ
 Mariæ semper Vírginis patrocíniis
 nos ubique prótegi; in cuius vene-
 ratione hæc tuæ obtúlimus maiestá-
 ti. Per Dóminum.

Eodem die 4 septembris**S. ROSÆ VITERBIENSIS VIRG.****Missæ Dilexisti, de Communi Virginum 3 loco (27), præter orationem sequentem:****Oratio****P**

Deus, qui beatam Rosam sanctarum tuarum Virginum collegio aggregare dignatus es: tribue nobis, quaesumus; ut eius precibus et meritis a culpis omnibus expiémur, et tuæ maiestatis consortio perfruámur ætérno. Per Dóminum.

Secreta**C**

Accépta tibi sit, Dómine, sacratæ plebis oblatio pro tuorum honóre Sanctorum: quorum se meritis de tribulatione percepisse cognóscit auxílium. Per Dóminum.

Postcommunio**C**

Satiásti, Dómine, famíliam tuam munéribus sacris: eius, quaesumus, semper interventióne nos réfove, cuius solémnia celebrámus. Per Dóminum.

Die 9 septembris**S. PETRI CLAVER CONF.****Antiphona ad Introitum****Ps. 106, 9-10**

Satiávit Dóminus ánimam inánem: sedéntes in ténebris et umbra mortis, vinctos in mendicitáte et ferro. **Ps. ibid., 8** Confiteántur Dómino misericórdiæ eius: et mirabília eius filiis hóminum. **V.** Glória Patri.

Oratio

Deus, qui abréptos in servitútem Nigrítas ad agnitióem tui nóminis vocatúrus, beátum Petrum mira in eis iuvándis caritáte et patiéntia roborásti: eius nobis intercessióne concéde; ut, quæ Iesu Christi sunt quæréntes, próximos

ópere et veritáte diligámus. Per eúndem Dóminum.

Léctio Isaíæ Prophétæ.**Isai. 58, 6-9 et 10**

Hæc dicit Dóminus: Dissólve colligatiónes impietátis, solve fascículos depriméntes, dimítte eos, qui confrácti sunt, líberos, et omne onus dirúmpe. Frange esuriénti panem tuum, et egénos, vagósque induc in domum tuam: cum víderis nudum, óperi eum, et carnem tuam ne despéxeris. Tunc erúmpet quasi mane lumen tuum, et sánitas tua cítius oriétur, et anteíbit fáciem tuam iustítia tua, et glória Dómini cólliget te. Tunc invocábis, et Dóminus exáudiet: clamábis, et dicet: Ecce, adsum. Cum effúderis esuriénti ánimam tuam, et ánimam afflíctam repléveris, oriétur in ténebris lux tua, et ténebræ tuæ erunt sicut merídiés.

Graduale Ps. 71, 12-14 Liberábit páuperem a poténite, et páuperem cui non erat adiútor: parcet páuperi et ínopi, et ánimas páuperum salvas fáciét. **V.** Ex usúris et iniquitáte rédimet ánimas eórum: et honorábile nomen eórum coram illo.

Allelúia, allelúia. **V. Ps. 9, 33 et 35** Exsúrge, Dómine Deus, exaltétur manus tua: ne obliviscáris páuperum: tibi derelíctus est pauper: órphanò tu eris adiútor. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Isai. 61, 1 Misit me Dóminus ut medérer contrítis corde, et prædicárem captívís indulgéntiam. **V. 1 Cor. 9, 22** Factus sum infirmis infirmus, ut infirmos lucrifácerem. **V.** Omnibus ómnia factus sum, ut omnes fácerem salvos.

Tempore autem paschali omit-

titur graduale, et eius loco dicitur:

Allelúia, allelúia. **℣. Ps. 123, 7** Anima nostra, sicut passer, erépta est de láqueo venántium: láqueus contrítus est, et nos liberátí sumus. Allelúia. **℣. Ps. 84, 10** Prope timéntes Dóminum Deum salutáre ipsíus: ut inhábitet glória in terra nostra. Allelúia.

✠ Sequéntia sancti Evangélíi secúndum Lucam.

Luc. 10, 29-37

In illo témpore: Legisperítus quidam, volens iustificáre seípsum, dixit ad Iesum: Et quis est meus próxímus? Suscípiens autem Iesus, dixit: Homo quídam descendébat ab Ierúsalem in Iéricho, et incidit in latrónes, qui étiam despoliavérunt eum: et plagis impósitis abiérunt, semivívo relícto. Accidit autem ut sacerdos quídam descenderet eádem via: et viso illo præterívit. Simíliter et levíta, cum esset secus locum, et vidéret eum, pertransiit. Samaritánus autem quídam iter fáciens, venit secus eum: et videns eum, misericórdia motus est. Et apprópians alligávit vúlnera eius, infúndens óleum et vinum: et impónens illum in iumentum suum, duxit in stábulum, et curam eius egit. Et áltera die prótulit duos denários, et dedit stabulário, et ait: Curam illíus habe: et quodcúmque supererogáveris, ego cum rediero, reddam tibi. Quis horum trium vidétur tibi próxímus fuisse illi, qui incidit in latrónes? At ille dixit: Qui fecit misericórdiam in illum. Et ait illi Iesus: Vade, et tu fac simíliter.

Antiphona ad Offertorium Iob 29, 12-13 et 15-16 Eo quod liberássem páuperem vociferántem, et pupílum, cui non esset adiútor, benedíctio peritúri super me veniébat, et cor víduæ consolátus sum: óculus

fui cæco, et pes claudio: pater eram páuperum.

Secreta

Caritátis víctima, quam immolántes offérimus, sit nobis, Dómine, te miseránte, propitiábilis: et, beátí Petri précibus et méritis, ad obtinéndum paciéntiæ et caritátis augméntum, éfficax et salutáris. Per eúndem Dóminum.

Antiphona ad Communionem

Ezech. 34, 15-16 Ego pascam oves meas: et ego eas accubáre fáciam, dicit Dóminus Deus. Quod perierat requíram, et quod adiéctum erat redúcám, et quod confráctum fúerat alligábo, et quod infirmum fúerat consolidábo.

Postcommunio

Crescat in nobis, Dómine, tuæ pietátis efféctus salutáris: ut, cælésti pábulo nutriti, æternæ vitæ corónam, beáto Petro intercedénte, feliciter assequámur. Per Dóminum.

Die 15 septembris

**S. CATHARINÆ
FLISCÆ ADURNÆ VIDUÆ**

Antiphona ad Introitum

Ps. 41, 3

Sitívit ánima mea ad Deum fortem vivum: quando véniam et apparébo ante fáciem Dei? **Ps. ibid., 2** Quemádmódum desíderat cervus ad fontes aquárum: ita desíderat ánima mea ad te, Deus. **℣. Glória Patri.**

Oratio

Deus, qui beátam Catharínam in contemplánda Fílii tui passióne, divíni amóris igne flagráre fecísti: quæsumus; ut, ipsa intercedénte, tuæ in nobis flammam caritátis accéndas, et eiúsdem passiónis partícipes dignánter efficias. Per eúndem Dóminum.

Epistola Mulierem fortem, **de Communi non Virginum 2 loco** (31).

Graduale Ps. 44, 3 Diffusa est grátia in lábiis tuis: propterea benedíxit te Deus in ætérnum. **V. Ibid., 5** Propter veritátem, et mansuetúdinem, et iustítiam: et dedúcet te mirábíliter dèxtera tua.

Allelúia, allelúia. **V. Ps. 72, 25-26** Quid mihi est in cælo? et a te quid vólui super terram! Defécit caro mea, et cor meum: Deus cordis mei, et pars mea Deus in ætérnum. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Veni, sponsa Christi, áccipe corónam, quam tibi Dóminus præparávit in ætérnum. **V. Ps. 44, 8 et 5** Dilexísti iustítiam, et odísti iniquitátem: propterea unxit te Deus, Deus tuus, óleo lætítiæ præ consórtibus tuis. **V.** Spécie tua, et pulchritúdine tua inténde, próspere procéde, et regna.

Tempore autem paschali omissis gradualis et tractu, dicitur:

Allelúia, allelúia. **V. Ps. 72, 25-26** Quid mihi est in cælo? et a te quid vólui super terram! Defécit caro mea, et cor meum: Deus cordis mei, et pars mea Deus in ætérnum. Allelúia. **V. Ps. 38, 4** Concáluit cor meum intra me: et in meditatióne mea exardéscet ignis. Allelúia.

Evangelium Símile est regnum cælórum thesáuro, **de Communi non Virginum 2 loco** (32).

Antiphona ad Offertorium Ps. 107, 2 Parátum cor meum, Deus, parátum cor meum: cantábo, et psallam in glória mea.

Secreta

His sacrificiis, quæsumus, omnípotens Deus, propitiátus inténde: et beáta Catharína intercedente, spíritum in nobis tuæ dilectiónis accénde. Per Dóminum.

Antiphona ad Communionem Ps. 83, 3 Cor meum, et caro mea exsultavérunt in Deum vivum.

Postcommunio

Súplices te rogámus, omnípotens Deus: ut, quos tuis reficere dignátus es sacraméntis, intercedente beáta Catharína, tríbuas pro tui amóre terréna despícere; et cæléstium semper participatióne gaudere. Per Dóminum.

Die 26 septembris

Ss. IOANNIS, ISAACI ET SOC.
MARTYRUM

Antiphona ad Introitum

Apoc. 7, 14

Hi sunt qui venérunt de tribulatióne magna, et lavérunt stolas suas, et dealbavérunt eas in sángine Agni. **Ps. 116, 1** Laudáte Dóminum, omnes gentes; laudáte eum, omnes pópuli. **V.** Glória Patri.

Oratio

Deus, qui primítias fidei in boreálibus Americæ regiónibus sanctórum Mártyrum tuórum Ioánnis, Isaáci eorúmque Sociórum prædicatióne et sángine consecrásti: concéde propítius; ut eórum intercessióne, flórida christianórum seges ubíque in dies augeátur. Per Dóminum.

Léctio Epístolæ beáti Pauli Apostóli ad Corínthios.

2 Cor. 12, 11-15

Fratres: Ego a vobis débui commendári: nihil enim minus fui

ab iis qui sunt supra modum apostoli, tametsi nihil sum. Signa tamen apostolatus mei facta sunt super vos in omni potèntia, in signis et prodigiis et virtutibus. Quid est enim quod minus habuistis præ ceteris ecclesiis, nisi quod ego ipse non gravavi vos? Donate mihi hanc iniuriam. Ecce tertio hoc paratus sum venire ad vos, et non ero gravis vobis. Non enim quero quæ vestra sunt, sed vos; nec enim debent filii parentibus thesaurizare, sed parentes filiis. Ego autem libentissime impendam et superimpendar ipse pro animabus vestris, licet plus vos diligens minus diligar.

Graduale Ps. 123, 7-8 Anima nostra, sicut passer, erepta est de laqueo venantium. **V.** Laqueus contritus est, et nos liberati sumus: adiutorium nostrum in nomine Domini, qui fecit cælum et terram.

Allelúia, allelúia. **V. 2 Cor. 1, 5** Sicut abundant passiones Christi in nobis, ita et per Christum abundat consolatio nostra. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Ps. 125, 5-6 Qui seminant in lacrimis, in gaudio metent. **V.** Eúntes ibant et flebant, mittentes semina sua. **V.** Venientes autem venient cum exultatione, portantes manipulos suos.

Tempore autem paschali omititur graduale, et eius loco dicitur:

Allelúia, allelúia. **V. 2 Cor. 1, 5** Sicut abundant passiones Christi in nobis, ita et per Christum abundat consolatio nostra. Allelúia. **V. Exod. 15, 11** Gloriosus Deus in Sanctis suis: mirabilis

in maiestate, faciens prodigia. Allelúia.

✠ Sequèntia sancti Evangelii secundum Lucam.

Luc. 6, 17-23

In illo tempore: Descendens Iesus de monte, stetit in loco campèstri, et turba discipulorum eius, et multitudo copiosa plebis ab omni ludæa, et Ierúsalem, et marítima, et Tyri, et Sidónis, qui venerant ut audirent eum, et sanarentur a languoribus suis. Et qui vexabantur a spirítibus immúndis, curabantur. Et omnis turba quærebat eum tangere: quia virtus de illo exibat, et sanabat omnes. Et ipse elevatis oculis in discipulos suos, dicebat: Beati pauperes: quia vestrum est regnum Dei. Beati, qui nunc esuritis: quia saturabimini. Beati, qui nunc fletis: quia ridebitis. Beati eritis, cum vos oderint homines, et cum separaverint vos, et exprobraverint, et eiecerint nomen vestrum tamquam malum propter Filium hominis. Gaudete in illa die, et exultate: ecce enim, merces vestra multa est in cælo.

Antiphona ad Offertorium Sap. 3, 6 Tamquam aurum in fornace probavit illos Dominus, et quasi holocausti hostiam accepit illos.

Secreta

Immaculatam hostiam fac nos, Domine, mentibus tibi puris offerre, quam sanctis Martyribus tuis illibatus vitæ candor et iuge mortificationis studium dapem suavissimam efficiabant. Per Dominum.

Antiphona ad Communionem Philipp. 1, 20-21 Magnificabitur Christus in corpore meo, sive per vitam sive per mortem: mihi enim vivere Christus est, et mori lucrum.

Postcommunio

Fórtium pane reféctis tríbue nobis, omnipotens Deus: ut, sicut sancti Mártyres tui Ioánnes, Isaá-cus eorúmque Sócii, eódem robo-ráti, ánimam suam pro frátribus pónere non dubitá-runt; ita nos, alter altérius ónera portá-ntes, próximos nostros ópere et veritáte diligá-mus. Per Dóminum.

FESTA OCTOBRIS

Die 1 octobris

S. GREGORII
EP. MAIORIS ARMENIÆ ET
MART.

Missa Státuit, de Communi unius
Martyris 1 loco (3), præter oratio-
nem sequentem:

Oratio

P

Deus, qui per beátum Gregóri-um Pontíficem et Mártyrem tuum Arménia gentis pópulum, regém-que veræ fidei lucem recíperere tri-buísti: da Ecclésiæ tuæ de tantis gaudere triúmphis, et apud te mé-ritis eiúsdem et précibus adiuvári. Per Dóminum.

Secreta

C

Hóstias tibi, Dómine, beáti Gre-górii Mártyris tui atque Pon-tíficis dicá-tas mé-ritis, benígnus as-sú-me: et ad perpétuum nobis tríbue provení-re subsidium. Per Dómi-num.

Postcommunio

C

Refécti participatióne mún-eris sacri, quæsumus, Dómine De-us noster: ut, cuius exséquimur cul-tum, intercedente beáto Gregório Mártyre tuo atque Pontífice, sen-tiá-mus efféctum. Per Dómi-num.

Die 15 octobris

S. TERESLÆ VIRGINIS

Antiphona ad Introitum

3 Reg. 4, 29

Dedit ei Dóminus sapiéntiam et prudéntiam multam ni-mis, et latitúdinem cordis quasi arénam, quæ est in líttore maris. Ps. 97, 1 Cantáte Dómino cánticum novum: quia mirabília fecit. V. Glória Patri.

Oratio

Exáudi nos, Deus salutáris noster: ut, sicut de beátæ Teresiæ Vir-ginis tuæ festivitáte gaudémus; ita cæléstis eius doctrínæ pábulo nu-triámur, et piæ devotiónis erudiá-mur afféctu. Per Dóminum.

Léctio libri Sapiéntiæ.

Sap. 7, 7-14

Optávi, et datus est mihi sensus: et invocávi, et venit in me spíritus sapiéntiæ: et præpósui il-lam regnis et sédibus, et divítias nihil esse duxi in comparatióne il-líus: nec comparávi illi lápidem pretiósus: quóniam omne aurum in comparatióne illíus, aréna est exígua, et tamquam lutum æstimá-bitur argéntum in conspéctu illíus. Super salútem et spéciem diléxi illam, et propósui pro luce habére illam: quóniam inextinguíbile est lumen illíus. Venérunt autem mihi ómnia bona páriter cum illa, et innumerábilis honéstas per manus illíus, et lætátus sum in ómnibus: quóniam antecedébat me ista sa-piéntia, et ignorábam quóniam ho-rum ómnium mater est. Quam sine fictiÓne dídici, et sine invídia com-múnico, et honestátem illíus non abscondo. Infínitus enim thesáurus est homínibus: quo qui usi sunt, partícipes facti sunt amicitíæ Dei, propter disciplínæ dona commen-dáti.

Graduale Eccli. 51, 23-25 Danti mihi sapiéntiam, dabo glóriam: zeláta sum bonum, et non confúndar. **℣.** Colluctáta est ánima mea in illa, et in faciéndó eam confir-máta sum.

Allelúia, allelúia. **℣. Ps. 118, 130** Declarátio sermónum tuórum, Dómine, illúminat: et intelléctum dat párvulis. Allelúia.

In Missis votivis post Septua-gesimam, omissis Allelúia, et versu sequenti, dicitur

Tractus Isai. 54, 6, 8, 11 Ut mu-lierem derelíctam et mœréntem spíritu vocávit me Dóminus. **℣.** Dixit: Abscón-di fáciem meam parúmper a te, et in misericórdia sempitérna misértus sum tui. **℣.** Paupér-cula tempestáte con-vúl-sa, absque ulla consolatióne: in iustítia fundáberis, et non ti-mébis.

Tempore autem paschali omit-titur graduale, et eius loco dici-tur:

Allelúia, allelúia. **℣. Apoc. 19, 7** Gaudeámus, et demus glóriam ei: quia venérunt núptiæ Agni, et uxor eius præparávit se. Allelúia. **℣. Isai. 35, 2** Exsultávit lætabúnda, et laudans: glória Líbani data est ei, decor Carméli et Saron. Allelúia.

✠ Sequéntia sancti Evangélíi se-cúndum Matthæum.

Matth. 11, 25-30

In illo témpore: Respóndens Iesus dixit: Confíteor tibi, Pater, Dómine cæli et terræ, quia abscon-dísti hæc a sapiéntibus et prudén-tibus, et revelásti ea párvulis. Ita, Pater: quóniam sic fuit plácitum ante te. Omnia mihi trádicta sunt a Patre meo. Et nemo novit Fílium, nisi Pater: neque Patrem quis novit,

nisi Fílius, et cui volúerit Fílius reveláre. Veníte ad me, omnes, qui laborátis, et oneráti estis, et ego reficiam vos. Tóllite iugum meum super vos, et díscite a me, quia mitis sum, et húmilis corde: et in-veniétis réquiem animábus vestris. Iugum enim meum suáve est, et onus meum leve.

Antiphona ad Offertorium Ier. 20, 9 Factus est in corde meo quasi ignis exástuans, clausúsque in ós-sibus meis: et deféci, ferre non sústinens.

Secreta

Maiestáti tuæ, quæsumus, Dómine, beátæ Teresiæ précibus nostra sit accépta devótio: cui me-dullátum cordis eius ita plácuít holocáustum. Per Dóminum.

Antiphona ad Communionem Ps. 88, 2 Misericórdias Dómini in ætérnum cantábo.

Postcommunio

Súbdita tibi família, quam cælésti pane satiásti, quæsumus, Dómine Deus noster: ut, beátæ Teresiæ intercessióne et exémplo, mi-sericórdias tuas váleat in ætérnum cantáre. Per Dóminum.

Die 23 octobris

SANCTISSIMI REDEMPTORIS

Antiphona ad Introitum

Isai. 61, 10

Gaudens gaudébo in Dómino, et exsultábit ánima mea in Deo meo: quia índuit me vestiméntis salútis: et induménto iustítiæ circúmdedit me. **Ps. 88, 2** Misericórdias Dómini in ætérnum cantábo: in generatióne et ge-neratióne annuntiábo veritátem tuam in ore meo. **℣.** Glória Pa-tri.

Oratio

Deus, qui Unigénitum tuum mundi Redemptórem constituísti, et per eum, devícta morte, nos misericórditer ad vitam reparásti: concéde; ut, hæc beneficia recoléntes, tibi perpétua caritaté adhærere, et eiúsdem redemptionis fructum percípere mereámur. Per eúndem Dóminum.

Lectio Epístolæ beáti Pauli Apóstoli ad Ephésios.

Ephes. 1, 3-9

Benedíctus Deus et Pater Dómini nostri Iesu Christi, qui benedíxit nos in omni benedictióne spirituáli in cælestibus in Christo, sicut elégit nos in ipso ante mundi constitutióne, ut essémus sancti et immaculáti in conspéctu eius in caritaté. Qui prædestinávit nos in adoptiόνem filiórum per Iesum Christum in ipsum: secúndum propósitum voluntátis suæ, in laudem glóriæ grátia suæ, in qua gratificávit nos in dilécto Fílio suo. In quo habémus redemptionem per ságuinem eius, remissiόνem peccatórum secúndum divítias grátia eius, quæ superabundávit in nobis in omni sapiéntia, et prudéntia: ut notum fáceret nobis sacraméntum voluntátis suæ, secúndum beneplácitum eius, quod propósuit in eo.

Graduale Ps. 85, 9-10 Omnes gentes quascúmque fecísti, vénient, et adorábunt coram te, Dómine: et glori ficábunt nomen tuum. **V.** Quóniam magnus es tu, et fáciens mirabília: tu es Deus solus.

Allelúia, allelúia. **V. Ps. 73, 12** Deus autem Rex noster ante sæcula: operátus est salútem in médio terræ. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Isai. 53, 4-5 Vere languóres nostros ipse tulit, et dolóres nostros ipse portávit. **V.** Et nos putávimus eum quasi leprósum, et percússum a Deo, et humiliátum. **V.** Ipse autem vulnerátus est propter iniquitátes nostras, attrítus est propter scélera nostra. **V.** Disciplína pacis nostræ super eum: et livóre eius sanáti sumus.

Tempore autem paschali omit-titur graduale, et eius loco dicitur:

Allelúia, allelúia. **V.** Ave, Rex noster: tu solus nostros es miserátus erróres: Patri obédiens, ductus es ad crucifigéndum, ut agnus mansuétus ad occisióne. Allelúia. **V.** Tibi glória, hosánna: tibi triúmphus et victória: tibi summæ laudis et honóris coróna. Allelúia.

✠ Sequéntia sancti Evangélii secúndum Ioánnem.

Ioann. 3, 13-18

In illo témpore: Dixit Iesus Nicodémo: Nemo ascéndit in cælum, nisi qui descéndit de cælo, Fílius hóminis, qui est in cælo. Et sicut Móyses exaltávit serpéntem in deserto; ita exaltári opórtet Fílium hóminis: ut omnis, qui credit in ipsum, non péreat, sed hábeat vitam ætérnam. Sic enim Deus diléxit mundum, ut Fílium suum unigénitum daret: ut omnis, qui credit in eum, non péreat, sed hábeat vitam ætérnam. Non enim misit Deus Fílium suum in mundum, ut iúdicet mundum, sed ut salvétur mundus per ipsum. Qui credit in eum, non iudicátur: qui autem non credit, iam iudicátus est: quia non credit in nómine unigéniti Fílii Dei.

In Missis votivis post Septuagesimam in fine sequentis antiphonæ Allelúia omittitur.

Antiphona ad Offertorium Salus pópuli ego sum, dicit Dóminus: de quacúmque tribulatióne clamáverint ad me, exáudiam eos: et ero illórum Deus in perpétuum, allelúia.

Secreta

Súscipe, quæsumus, Dómine, oblátum redemptiόνis æternæ mystérium: et præsta; ut, unigéniti Fílii tui gloriósis méritis intercedéntibus, vivíficet nos semper, et múniat. Per eúndem Dóminum.

Præfatio de sancta Cruce.

In Missis votivis post Septuagesimam in fine sequentis antiphonæ Allelúia omittitur.

Antiphona ad Communionem
Ps. 106, 8 Confiteántur Dómino misericórdiæ eius, et mirabília eius filiis hóminum, allelúia.

Postcommunio

Córpore tui sacri, ac pretiósí ságuinis, quo redempti sumus, Dómine Iesu Christe, partícipes effécti: quæsumus; ut in nobis tua múnere tueáris, atque a præsentis vitæ malis eréptos, ad bona perdúcas sempitérna: Qui vivis.

FESTA NOVEMBRIS

Die 4 novembris

S. CAROLI EP. ET CONF.

Antiphona ad Introitum

Eccli. 45, 29-30

In bonitáte et alacritáte ánimæ suæ plácuit Deo: ideo státuit illi testaméntum pacis, príncipem sanctórum et gentis suæ, ut sit illi sacerdotíi dignitas in ætérnum.
Ps. 72, 1 Quam bonus Israël Deus his, qui recto sunt corde! **¶** Glória Patri.

Oratio

Ecclésiám tuam, Dómine, sancti Cároli Confessóris tui atque Pontíficis continúa protectióne cu-

stódi: ut, sicut illum pastorális sollicitúdo gloriósum réddidit; ita nos eius intercéssio in tuo semper fáciat amóre fervéntes. Per Dóminum.

Léctio libri Sapiéntiæ.

Eccli. 50, 1, 4-11

Ecce sacérdos magnus, qui in vita sua suffúlsit domum, et in diébus suis corroborávit templum. Qui curávit gentem suam et liberávit eam a perditíone, qui præváluit amplificáre civitátem, qui adéptus est glóriam in conversatióne gentis et ingrèssum domus et átrii amplificávit. Quasi stella matutína in médio nébulæ et quasi luna plena in diébus suis lucet et quasi sol refúlgens, sic ille effúlsit in templo Dei; quasi arcus refúlgens inter nébulas glóriæ et quasi flos rosárum in diébus vernis et quasi lília, quæ sunt in tránsitu aquæ, et quasi thus rédolens in diébus æstátis, quasi ignis effúlgens, et thus ardens in igne; quasi vas auri sólídum ornátum omni lápide pretióso, quasi olíva púllulans et cypréssus in altitúdinem se extóllens, in accipiéndó ipsum stolam glóriæ et vestíri eum in consummatiónem virtútis.

Graduale Sap. 4, 13-14 Consummátus in brevi explévit témpora multa: plácita enim erat Deo ánima illíus. **¶** Propter hoc properávit educere illum de médio iniquitátis.

Allelúia, allelúia. **¶ Eccli. 45, 9** Induit eum stolam glóriæ, et coronávit eum in vasis virtútis. Allelúia.

✠ Sequéntia sancti Evangélii secúndum Ioánnem.

Ioann. 10, 11-16

In illo témpore: Dixit Iesus pharisæis: Ego sum pastor bonus. Bonus pastor ánimam suam dat pro óvibus suis. Mercenárius autem, et qui non est pastor, cuius non sunt oves própriæ, videt lupum ve-

niéntem, et dimíttit oves, et fugit: et lupus rapit, et dispérgit oves: mercenárius autem fugit, quia mercenárius est, et non pértinet ad eum de óvibus. Ego sum pastor bonus: et cognósko meas, et cognóscunt me meæ. Sicut novit me Pater, et ego agnósko Patrem: et ánimam meam pono pro óvibus meis. Et álias oves hábeo, quæ non sunt ex hoc ovíli: et illas opórtet me addúcere, et vocem meam áudient, et fiet unum ovíle, et unus pastor.

Antiphona ad Offertorium Sap. 8, 2 Amávit sapiéntiam a iuventúte sua, et quæsívit sibi sponsam eam assúmere, et amátor factus est formæ illíus.

Secreta

Sancti Cároli Confessóris tui atque Pontíficis pastorális officii vigílantiam et præcláras virtútes admirántibus; præsta, quæsumus: ut, ipsíus inhæréntes vestígiis, tibi dígne múnera deferámus. Per Dóminum.

Antiphona ad Communionem Eccli. 39, 13 Non recédet memória eius, et nomen eius requirétur a generatióne in generatióne.

Postcommunio

Sanctíficent nos, quæsumus, Dómine, sumpta mystéria: et sancto Cárolo Confessóre tuo atque Pontífice intercedénte, nostrórum puríficent máculas delictórum. Per Dóminum.

Die 5 novembris

SACRARUM RELIQUIARUM

Antiphona ad Introitum

Ps. 33, 20-21

Multæ tribulatiónes iustórum, et de his ómnibus liberávit eos Dóminus: Dóminus custódit ómnia ossa eórum: unum ex his non conterétur. **Ps. ibid., 2**

Benedícam Dóminum in omni témpore: semper laus eius in ore meo. **℣. Glória Patri.**

Oratio

Auge in nobis, Dómine, resurrectiόνis fidem, qui in Sanctórum tuórum Relíquiis mirábília operáris: et fac nos immortalis glóriæ partícipes; cuius in eórum cinéribus pínora venerámur. Per Dóminum.

Léctio libri Sapiéntiæ.

Eccli. 44, 10-15

Hi viri misericórdiæ sunt, quorum pietátes non defuérunt: cum sémíne eórum pérmanent bona, heréditas sancta nepótes eórum, et in testaméntis stetit semen eórum: et filii eórum propter illos usque in ætérnum manent: semen eórum, et glória eórum non derelinquétur. Córpora ipsórum in pace sepúlta sunt, et nomen eórum vivit in generatióne et generatióne. Sapiéntiam ipsórum narrent pópuli, et laudem eórum núntiet Ecclésia.

Graduale Ps. 149, 5 et 1 Exsultábunt sancti in glória: lætabúntur in cubílibus suis. **℣. Cantáte Dómino cánticum novum: laus eius in ecclésia sanctórum.**

Allelúia, allelúia. **℣. Ps. 67, 4** Iusti epuléntur, et exsúltent in conspéctu Dei: et delecténtur in lætítia. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Ps. 125, 5-6 Qui séminant in lácrimis, in gáudio metent. **℣. Eúntes ibant et flebant, mitténtes sémína sua. ℣. Veniéntes autem vénient cum exsultatióne, portántes manípulos suos.**

Tempore autem paschali omititur graduale, et eius loco dicitur:

Allelúia, allelúia. **V.** Sancti tui, Dómine, florébunt sicut lílium: et sicut odor bálsami erunt ante te. Allelúia. **V. Ps. 115, 15** Pretiósá in conspéctu Dómini mors Sanctórum eius. Allelúia.

✠ Sequéntia sancti Evangélíi secúndum Lucam.

Luc. 6, 17-23

In illo témpore: Descéndens Iesus de monte, stetit in loco campéstri, et turba discipulórum eius, et multitúdo copiósá plebis ab omni Iudæa, et Ierúsalem, et marítima, et Tyri, et Sidónis, qui vénerant ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quærébat eum tângere: quia virtus de illo exíbat, et sanábat omnes. Et ipse elevátis óculis in discípulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis cum vos óderint hómines, et cum separáverint vos, et exprobráverint, et eiécerint nomen vestrum tamquam malum propter Fílium hóminis. Gaudéte in illa die, et exsultáte: ecce enim, merces vestra multa est in cælo.

In Missis votivis post Septuagesimam in fine sequentis antiphonæ Allelúia omittitur.

Antiphona ad Offertorium Ps. 67, 36 Mirábilis Deus in sanctis suis: Deus Israël, ipse dabit virtútem, et fortitúdinem plebi suæ: benedíctus Deus, allelúia.

Secreta

Implorámus, Dómine, cleméntiam tuam: ut Sanctórum tuórum, quorum Relíquias venerámur, suffragántibus méritis, hóstia, quam offérimus, nostrórum sit expiatio delictórum. Per Dóminum.

Antiphona ad Communionem Ps. 32, 1 Gaudéte, iusti, in Dómino: rectos decet collaudátio.

Postcommunio

Múltiplica super nos, quæsumus, Dómine, per hæc sancta, quæ sumpsimus, misericórdiam tuam: ut, sicut in tuórum solemnitáte Sanctórum, quorum Relíquias cólimus, pia devotióne lætámur; ita eórum perpétua societáte, te largiénte, fruámur. Per Dóminum.

Die 13 novembris

S. STANISLAI KOSTKÆ CONF.

Antiphona ad Introitum

Sap. 4, 13-14

Consummátus in brevi explévit témpora multa: plácita enim erat Deo ánima illíus: propter hoc properávit edúcere illum de médio iniquitátum. **Ps. 112, 1** Laudáte, púeri, Dóminum: laudáte nomen Dómini. **V.** Glória Patri.

Oratio

Deus, qui inter cétera sapiéntiæ tuæ mirácula, étiam in ténera ætáte matúræ sanctitátis grátiam contulísti: da, quæsumus; ut, beáti Stanislái exémplo, tempus instánter operándo rediméntes, in ætérnam íngredi réquiem festinémus. Per Dóminum.

Léctio libri Sapiéntiæ.

Sap. 4, 7-16

Iustus, si morte præoccupátus fúerit, in refrigério erit. Senéctus enim venerábilis est non diutúrna, neque annórum número computáta: cani autem sunt sensus hóminis, et ætas senectútis vita immaculáta. Placens Deo factus est diléctus, et vivens inter peccatóres translátus est. Raptus est ne malítia mutáret intelléctum eius, aut ne fictio decíperet ánimam illíus.

Fascinatio enim nugacitatis obscurat bona, et inconstantia concupiscentiæ transvertit sensum sine malitia. Consummatus in brevi explevit tempora multa: placita enim erat Deo anima illius: propter hoc properavit educere illum de medio iniquitatum: populi autem videntes, et non intellegentes, nec ponentes in præcordiis talia: quoniam gratia Dei, et misericordia est in sanctos eius, et respectus in electos illius. Condemnat autem iustus mortuus vivos impios, et iuventus celarius consummata longam vitam iniusti.

Graduale Ps. 20, 3-4 Desiderium cordis eius tribuisti ei: et voluntate labiorum eius non fraudasti eum. **V.** Quoniam prævenisti eum in benedictionibus dulcedinis.

Allelúia, allelúia. V. Ps. 118, 152 Iníitio cognóvi de testimoniis tuis, quia in ætérnum fundasti ea. **Allelúia.**

In Missis votivis post Septuagesimam, omissis Allelúia, et versu sequenti, dicitur

Tractus Ps. 111, 1-3 Beátus vir, qui timet Dóminum: in mandatis eius cupit nimis. **V.** Potens in terra erit semen eius: generatio rectórum benedicétur. **V.** Glória et divitiæ in domo eius: et iustitia eius manet in sæculum sæculi.

Tempore autem paschali, omititur graduale, et eius loco dicitur:

Allelúia, allelúia. V. Iac. 1, 12 Beátus vir, qui suffert tentationem: quoniam cum probatus fuerit, accipiet coronam vitæ. **Allelúia. V. Eccli. 45, 9** Amavit eum Dóminus, et ornávit eum: stolam glóriæ induit eum. **Allelúia.**

Evangelium Oblati sunt Iesu, ut

in festo S. Hieronymi Æmiliani Conf., die 20 iulii.

Antiphona ad Offertorium Ps. 42, 4 Introibo ad altáre Dei: ad Deum, qui lætíficat iuventútem meam.

Secreta

Angelórum pane, quæsumus, Dómine, beáti Stanislái nos intercessio dignos efficiat, qui eo mérui angélica manu recreári. Per Dóminum.

Antiphona ad Communionem Eccli. 15, 3 Cibávit illum Dóminus pane vitæ et intelléctus, et aqua sapiéntiæ salutáris potávit illum.

Postcommunio

Ut nobis, Dómine, cæléstis, quem sumpsimus, panis sit vitæ: beáto Stanisláo Confessóre tuo intercedente, quæsumus; ut panis sit intelléctus, et potus aqua sapiéntiæ salutáris. Per Dóminum.

Sabbato ante dominicam III novembris

**B. MARIE VIRGINIS
DIVINÆ PROVIDENTIÆ MATRIS**

Antiphona ad Introitum

Ioann. 19, 26 et 27

Múlier, ecce filius tuus, dixit Iesus matri: deinde dixit discipulo quem diligébat: Ecce mater tua. **Ps. 105, 1** Confitemini Dómino quoniam bonus: quoniam in sæculum misericordia eius. **V.** Glória Patri.

Oratio

Deus, cuius providentia in sui dispositione non fallitur, te supplices exoramus: ut, intercedente beáta Virgine ac Genetrice Filii tui María; nóxia cuncta submóveas, et ómnia nobis profutúra concédas. Per eúndem Dóminum.

Lectio libri Sapiëntiæ.

Eccli. 24, 1 et 4-13

Sapiëntia laudabit ánimam suam, et in Deo honorábitur, et in médio pópuli sui gloriábitur. Et in multitúdine electórum habébit laudem, et inter benedictos benedicétur, dicens: Ego ex ore Altíssimi prodívi primogénita ante omnem creatúram: Ego feci in cælis ut ori-rétur lumen indeficiens, et sicut nébula texi omnem terram: Ego in altíssimis habitávi, et thronus meus in colúmna nubis. Gyrum cæli circuívī sola, et profúndum abyssi penetrávi, in flúctibus maris ambulávi, et in omni terra steti: et in omni pópulo, et in omni gente primátum hábui: et ómnium excel-léntium et humílium corda virtúte calcávi: et in his ómnibus réquiem quæsívi, et in hereditáte Dómini morábor. Tunc præcépit, et dixit mihi Créator ómnium: et qui creávit me, requiévīt in tabernáculo meo, et dixit mihi: in Iacob inhábita, et in Israël hereditáre, et in eléctis meis mitte radices.

Graduale Isai. 49, 15 Numquid oblivisci potest múlīer infántem suum, ut non misereátur filio úteri sui? **V.** Et si illa oblíta fúerit, ego tamen non oblivíscar tui.

Allelúia, allelúia. **V. Tob. 13, 17** Tu autem lætáberis in filiis tuis, quóniam omnes benedicéntur, et congregabúntur ad Dóminum. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Prov. 8, 32-35 Nunc ergo, filii, audíte me: Beáti, qui custódiunt vias meas. **V.** Audíte disciplínam, et estóte sapiéntes, et nolíte abícere eam. **V.** Beátus homo, qui audit me, et qui vígilat ad fores meas quotidie, et

obsérvat ad postes óstii mei. **V.** Qui me invénierit, invéniet vitam, et háuriet salútem a Dómino.

Tempore autem paschali, omit-titur graduale, et eius loco dicitur:

Allelúia, allelúia. **V. Isai. 66, 10 et 13** Lætámini et exsultáte, omnes qui dilígitis eam. Allelúia. **V.** Quómodo si cui mater blandiátur, ita ego consolábor vos. Allelúia.

Evangelium Núptiæ factæ sunt, ut in dominica II post Epiphaniam 39.

Antiphona ad Offertorium Sap. 14, 3 Tua autem, Pater, providéntia gubérnat: quóniam dedísti et in mari viam, et inter fluctus sémitam firmíssimam.

Secreta

Adeúntibus cum fidúcia ad thronum grátia, propitiáre nobis, Dómine Deus: ut, benigníssima divínæ providéntiæ Matre intercedente, misericórdiam consequá-mur, et grátiam inveniámus in auxílio oportúno. Per Dóminum.

Præfatio de B. Maria Virg. Et te in Festivitate.

Antiphona ad Communionem Ps. 127, 3 Fílii tui sicut novéllæ olivárum in circúitu mensæ tuæ.

Postcommunio

Cæléstis mensæ virtus, miséricors Deus, in fámulis tuis iúgi-ter persevéret: ut, divínæ providéntiæ Matris intercessióne, regnum et iustítiam tuam ante ómnia quæréntes, temporálibus non destituántur auxiliis. Per Dóminum.

Die 24 novembris

S. IOANNIS A CRUCE
CONF. ET ECCL. DOCT.

Antiphona ad Introitum

Gal. 6, 14

Mihi autem absit gloriári, nisi in cruce Dómini nostri Iesu Christi: per quem mihi mundus crucifixus est, et ego mundo. **Ps. 118, 1** Beáti immaculáti in via: qui ámbulant in lege Dómini. **V.** Glória Patri.

Oratio

Deus, qui sanctum Ioánnem Confessórem tuum atque Doctórem perfectæ sui abnegatiónis, et Crucis amatórem exímium effecísti: concéde; ut, eius imitatióni iúgiter inhæréntes, glóriam assequámur ætérnam. Per Dóminum.

Léctio Epistolæ beáti Pauli Apóstoli
ad Philippénes.

Philipp. 3, 17-21; 4, 6-9

Fratres: Imitatóres mei estóte, et observáte eos qui ita ámbulant, sicut habétis formam nostram. Multi enim ámbulant, quos sæpe dicébam vobis, nunc autem et flens dico, inimícos crucis Christi, quorum finis intéritus, quorum deus venter est, et glória in confusióne ipsórum, qui terréna sápiunt. Nostra autem conversátió in cælis est, unde étiam salvatórem exspectámus Dóminum nostrum Iesum Christum, qui reformábit corpus humilitátis nostræ configurátum córpori claritátis suæ, secúndum operatiónem, qua étiam possit subícere sibi ómnia. Nihil solliciti sitis; sed in omni oratióne et obsecratióne cum gratiárum actiόne petitiόnes vestræ innotéscant apud Deum, et pax Dei, quæ exsúperat omnem sensum, custódiat corda vestra et intellegéntias vestras in Christo Iesu. De cétero, fratres, quæcúmque sunt vera, quæcúmque pu-

díca, quæcúmque iusta, quæcúmque sancta, quæcúmque amabilia, quæcúmque bonæ famæ, si qua virtus, si qua laus disciplínæ, hæc cogitáte. Quæ et didicístis et accepístis et audístis et vidístis in me, hæc ágite, et Deus pacis erit vobíscum.

Graduale Matth. 16, 24 Qui vult post me veníre, ábneget semetípsum et tollat crucem suam, et sequátur me. **V. Is. 26, 6** Anima mea desiderávit te in nocte: sed et spíritu meo in præcórdiis meis de mane vigilábo ad te.

Allelúia, allelúia. **V. Eccli. 51, 18 et 22.** Quæsívi sapiéntiam in oratióne mea: multam invéni in meípso, et multum proféci in ea. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Isai. 42, 1 Ecce puer meus, eléctus meus: dedi spíritum meum super eum. **V. Sap. 10, 17** Fuit mihi in velaménto diei, et in luce stellárum per noctem. **V. 1 Cor. 2, 6-7** Sapiéntiam loquimur inter perfectos: sapiéntiam vero non huius sáculi: sed loquimur Dei sapiéntiam.

Tempore autem paschali omititur graduale, et eius loco dicitur:

Allelúia, allelúia. **Ps. 29, 11** Convertísti planctum meum in gáudium mihi: conscidísti saccum meum, et circumdedísti me lætítia. Allelúia. **V. Ps. 65, 15** Veníte, audíte, et narrábo vobis quanta fecit Deus ánimæ meæ. Allelúia.

✠ Sequéntia sancti Evangélíi secúndum Lucam. **Luc. 11, 33-36**

In illo témpore: Dixit Iesus discipulis suis: Nemo lucérnam accéndit, et in abscóndito ponit, neque sub módio: sed supra candelábrum, ut qui ingrediúntur, lumen vídeant. Lucérna córporis tui est óculus tuus. Si óculus tuus fúerit simplex, totum

corpus tuum lúcidum erit: si autem nequam fúerit, étiam corpus tuum tenebrósum erit. Vide ergo, ne lumen, quod in te est, ténebræ sint. Si ergo corpus tuum totum lúcidum fúerit, non habens áliquam partem tenebrárum, erit lúcidum totum, et sicut lucérna fulgóris illuminábit te.

Antiphona ad Offertorium Isai. 60, 19 Erit tibi Dóminus in lucem sempitérnam, et Deus tuus in glóriam tuam.

Secreta

Offerimus tibi, Dómine, hóstiam laudis in honórem sancti Ioánnis Confessoris tui atque Doctóris, qui assíduam crucis mortificationem in semetípso portans, tibi fuit hóstia grata, atque iucúnda: Qui vivis.

Antiphona ad Communionem Isai. 53, 10-11 Pro eo quod laborávit ánima eius, vidébit semen longævum, et volúntas Dómini in manu eius dirigétur.

Postcommunio

Prébeant nobis, Dómine, divínium tua sancta fervórem, intercedente sancto Ioánnē Confessore tuo atque Doctóre: et præsta; ut, sicut illum, dum hæc sacra mystéria perágeret, caritátis igne cælitus immisso, étiam extérius irradiáre fecísti: ita nos eiúsdem caritátis ignibus succénsi, ad cæléstia iúgiter aspirémus: Qui vivis.

Die 26 novembris

S. LEONARDI DE PORTU
MAURITIO CONFESSORIS

Antiphona ad Introitum

Isai. 58, 11

Dóminus implébit splendóribus ánimam tuam, et ossa tua liberábit, et eris quasi hortus irriguus, et sicut fons aquárum, cuius non deficient aquæ.

Ps. 80, 2 Exsultáte Deo adiutóri nostro: iubiláte Deo Iacob. **V.** Glória Patri.

Oratio

Deus, qui in obstinátis peccatórum córdibus ad pæniténtiam flecténdis beátum Leonárdum Confessórem tuum ópere ac sermóne poténtem effecísti: da, quæsumus; ut per eius preces et mérita e córdibus nostris contritiónis lácrimas elicere valeámus. Per Dóminum.

Léctio Epístolæ beáti Pauli Apóstoli ad Ephésios.

Ephes. 1, 3-14

Benedíctus Deus et Pater Dómini nostri Iesu Christi, qui benedíxit nos in omni benedictióne spirituáli in cæléstibus in Christo, sicut elégit nos in ipso ante mundi constitutióem, ut essémus sancti et immaculáti in conspéctu eius in caritate. Qui prædestinávit nos in adoptiόem filiόrum per Iesum Christum in ipsum: secúndum propósitum voluntátis suæ, in laudem glóriæ grátiae suæ, in qua gratificávit nos in dilécto Filio suo. In quo habémus redemptiόem per ságuinem eius, remissiόem peccatórum secúndum divítias grátiae eius quæ superabundávit in nobis in omni sapiéntia, et prudéntia: ut notum fáceret nobis sacraméntum voluntátis suæ, secúndum beneplácitum eius, quod propósuit in eo, in dispensatiόe plenitúdinis témporum, instauráre ómnia in Christo, quæ in cælis, et quæ in terra sunt, in ipso. In quo étiam et nos sorte vocáti sumus prædestináti secúndum propósitum eius, qui operátur ómnia secúndum consílium voluntátis suæ: ut simus in laudem glóriæ eius nos, qui ante sperávimus in Christo. In quo et vos, cum audissétis verbum veritátis, (Evangélium salútis vestræ) in quo et credéntes signáti estis Spíritu promiss-

siónis Sancto, qui est pignus hereditátis nostræ, in redemptionem acquisitionis, in laudem glóriæ ipsíus.

Graduale Ps. 91, 13 et 14 Iustus ut palma florébit: sicut cedrus Líbani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritátem tuam per noctem.

Allelúia, allelúia. **V. Isai. 52, 7** Quam pulchri super montes pedes annuntiántis et prædicántis pacem: annuntiántis bonum, prædicántis salútem. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis eius cupit nimis. **V.** Potens in terra erit semen eius: generatio rectórum benedicétur. **V.** Glória et divítiæ in domo eius: et iustítia eius manet in sáculum sáculi.

Tempore autem paschali, omititur graduale, et eius loco dicitur:

Allelúia, allelúia. **V. Ps. 111, 1** Beátus vir, qui timet Dóminum: in mandátis eius cupit nimis. Allelúia. **V. Osee 14, 6** Iustus germínabit sicut lílium: et florébit in ætérnum ante Dóminum. Allelúia.

Evangelium Designávit Dóminus, ut in festo S. Titi Ep. et Conf., die 6 februarii.

Antiphona ad Offertorium 2 Cor. 3, 5-6 Non sumus sufficiétes cogitare áliquíd a nobis, quasi ex nobis: sed sufficiéntia nostra ex Deo est, qui et idóneos nos fecit minístros novi testaménti.

Secreta

Immaculatam hóstiam tibi, Dómine, offérimus deprecántes: ut, sancti Leonárdi Confessóris interveniénte suffrágio, semper in nobis

dilécti Fílii tui passiónis memória perseveret et fructus. Per eúndem Dóminum.

Antiphona ad Communionem 2 Cor. 5, 20 Pro Christo legatióne fúngimur, tamquam Deo exhortánte per nos: obsecrámus pro Christo, reconciliámini Deo.

Postcommunio

Cito antícipent nos misericórdiæ tuæ, quæsumus, Dómine, intercedénte sancto Confessóre tuo Leonárdo: ut, a culpis expiáti, in electórum número esse mereámur. Per Dóminum.

Die 27 novembris

B. MARIE VIRG. IMMACULATÆ
A SACRO NUMISMATE

Antiphona ad Introitum

Exodi 13, 9

Erit quasi signum in manu tua, et quasi monuméntum ante óculos tuos, et ut lex Dómini semper sit in ore tuo. **Ps. 104, 1** Confitémini Dómino, et invocáte nomen eius: annuntiáte inter gentes ópera eius. **V.** Glória Patri.

Oratio

Dómine Iesu Christe, qui beatíssimam Vírginem Mariám Matrem tuam ab orígine immaculatam innúmeris miráculis claréscere voluísti: concéde; ut, eiúsdem patrocínium semper implorántes, gáudia consequámur ætérna: Qui vivis.

Léctio libri Apocalýpsis beáti Ioánnis Apóstoli.

Apoc. 12, 1, 5, 14 et 15-16

Signum magnum apparuit in cælo: Múlier amícta sole, et luna sub pédibus eius, et in cápite eius coróna stellárum duódecim. Et péperit filium másculum, qui rectúrus erat omnes gentes in vírga férrea:

et raptus est filius eius ad Deum, et ad thronum eius. Et datæ sunt mulieri alæ duæ áquilæ magnæ ut voláret in desértum in locum suum. Et misit serpens ex ore suo post mulierem, aquam tamquam flumen, ut eam fáceret trahi a flúmine. Et adiúvit terra mulierem, et apéruit terra os suum, et absórbuit flumen, quod misit draco de ore suo.

Graduale Ps. 104, 5 et 27 Memento mirábilium eius, quæ fecit: prodígia eius, et iudícia oris eius. **℣.** Pósuit in ea verba signórum suórum, et prodigiórum suórum in terra.

Allelúia, allelúia. **℣. Ps. 18, 7** A summo cælo egressio eius, nec est qui se abscondat a calore eius. Allelúia.

In Missis votivis post Septuagesimam, omissis Allelúia, et versu sequenti, dicitur

Tractus Ps. 86, 1-2 Fundaménta eius in móntibus sanctis: diligit Dóminus portas Sion super ómnia tabernácula Iacob. **℣. Ibid., 3** Gloriósa dicta sunt de te, civitas Dei. **℣. Ibid., 5** Homo natus est in ea, et ipse fundávit eam Altissimus.

Tempore autem paschali, omititur graduale, et eius loco dicitur:

Allelúia, allelúia. **℣. Judith 15, 10** Tu glória Ierúsalem, tu lætítia Israël, tu honorificéntia pópuli nostri. Allelúia. **℣. Cant. 4, 7** Tota

pulchra es, María: et mácula originális non est in te. Allelúia.

Evangelium Núptiæ factæ sunt, **ut in dominica II post Epiphaniam** 39.

Antiphona ad Offertorium Ioann. 19, 27 Dixit Iesus discipulo: Ecce mater tua. Et ex illa hora accépit eam discipulis in sua.

Secreta

Beáta Vírgine María intercedénte, cuius précibus exorátus Iesus Christus Fílius tuus fecit inítium signórum: da nobis, Dómine Deus, sacraméntum córporis et sánguinis eiúsdem Fílii tui pura mente conficere; ut æténi convívii mereámur esse partícipes. Per eúndem Dóminum.

Præfatio de B. Maria Virg. Et te in Conceptione immaculáta.

Antiphona ad Communionem Eccli. 36, 6-7 et 10 Innova signa, et immúta mirábilia. Glorífica manum tuam, et brácchium dexterum. Festína tempus, et meménto finis, ut enárrent mirábilia tua.

Postcommunio

Dómine Deus omnípotens qui per immaculátam Genetrícem Fílii tui ómnia nos habére voluísti: da nobis tantæ Matris auxílio, præsentis témporis perícula devitáre; ut vitam consequámur æténam. Per eúndem Dóminum.

COMMUNE SANCTORUM

PRO ALIQUIBUS LOCIS

Infrascriptæ Missæ adhiberi possunt tantum
ubi peculiare Commune concessum est.

COMMUNE PLURIUM CONFESSORUM PONTIFICUM

Antiphona ad Introitum

Ps. 131, 16-17

Sacerdotes Sion induam salutari,
et sancti eius exultatione ex-
sultabunt, dicit Dominus: il-
luc producam cornu David, paravi
lucernam Christo meo. (T. P. Alle-
lúia, allelúia.) Ps. *ibid.*, 1 Meménto,
Dómine, David: et omnis mansue-
túdinis eius. V. Glória Patri.

1 Oratio

Deus, qui nos beatorum N. et N.
Confessorum tuorum atque
Pontificum confessionibus gloriósus
circúmdas et prótegis: da nobis, et
eorum imitatione proficere, et inter-
cessione gaudere. Per Dóminum.

2 Altera oratio

Ecclésiám tuam, Dómine, beató-
rum N. et N. Confessorum tuó-
rum atque Pontificum continúa pro-
tectione custódi: ut, sicut illos pa-
storális sollicitúdo gloriósos réd-
didit; ita nos eorum intercessio in
tuo semper fáciat amóre fervéntes.
Per Dóminum.

Epístola Fratres: Mementóte, ut
in Festo S. Nicolai, die 6 decembris.

Graduale Ps. 106, 22 et 32 Sacrí-
ficent Dómino sacrificium laudis:
et annúntient ópera eius in exsul-
tatione. V. Et exáltent eum in ecclé-
sia plebis: et in cáthedra seniórum
laudent eum.

Allelúia, allelúia. V. 2 Paral. 6,

41 Sacerdotes tui, Dómine Deus,
induántur salutem, et sancti tui
læténtur in bonis. Allelúia.

**Post Septuagesimam, omissis Al-
lelúia, et versu sequenti, dicitur**

Tractus Ps. 131, 8-10 Surge, Dó-
mine, in réquiem tuam, tu et arca
sanctificationis tuæ. V. Sacerdotes
tui induántur iustítiam: et sancti
tui exsúltent. V. Propter David ser-
vum tuum, non avértas fáciem
Christi tui.

**Tempore autem paschali, omit-
titur graduale, et eius loco dicitur:**

Allelúia, allelúia. V. 2 Paral. 6, 41
Sacerdotes tui, Dómine Deus, in-
duántur salutem, et sancti tui lætén-
tur in bonis. Allelúia. V. Ierem. 31,
14 Ego Dóminus inebriábo ánimam
sacerdotum pinguédine: et pópulus
meus bonis meis adimplébitur. Al-
lelúia.

Evangelium Vidéte, vigiláte, et
oráte, ut in anniversario Episcopi
(63).

Antiphona ad Offertorium Ps.
105, 3 Beáti, qui custódiunt iudi-
cium, et fáciunt iustítiam in omni
tépore. (T. P. Allelúia.)

1 Secreta

Múnera nostra, Dómine, sacris
altáribus offeréntes, quæsu-
mus cleméntiam tuam: ut éadem,
suffragántibus beatorum N. et N.
Pontificum méritis, et suprémam
tibi glóriam operéntur, et ubéri-

mam nobis grátiam assequántur.
Per Dóminum.

2 Altera secreta

Hanc nostræ oblatiõnis hóstiam,
Deus, gratam óculis tuæ ma-
iestátis efficiant beatórum **N.** et **N.**
Pontíficum expetíta suffrágia: qui
digne in hoc sáculo sacrificia tibi,
ac preces in salútem pópuli obtulé-
runt. Per Dóminum.

Antiphona ad Communionem
Marc. 13, 14 Homo peregere pro-
fécus relíquit domum suam, et
dedit servis suis potestátem cuiús-
que óperis, et ianitóri præcépit ut
vígilet. (**T. P. Allelúia.**)

1 Postcommunio

Refectiõne sacra enutrítos, fac
nos, omnípotens Deus, vesti-
giis beatórum **N.** et **N.** Pontíficum
semper insístere: qui studuérunt
pérpeti devotiõne te cólere, et inde-
fessa ómnibus caritate proficere.
Per Dóminum.

2 Altera postcommunio

Mensa cæléstis, omnípotens
Deus, intercedéntibus beató-
rum **N.** et **N.** Pontíficum méritis,
supérnas in ómnibus vires firmet
et áugeat: ut et fidei donum ínte-
grum custodiámus, et per osténsu-
m salútis trámitem ambulémus. Per
Dóminum.

COMMUNE PLURIUM CONFESSORUM NON PONTIFICUM

Antiphona ad Introitum

Ps. 144, 10-11

Confiteántur tibi, Dómine, óm-
nia ópera tua, et sancti tui
benedícant tibi: glóriam re-
gni tui dicent, et poténtiam tuam
loquéntur. (**T. P. Allelúia, allelúia.**)
Ps. ibid., 1 Exaltábo te, Deus meus
Rex: et benedícam nómini tuo in
sáculum, et in sáculum sáculi.
¶. Glória Patri.

1 Oratio

Concede, quæsumus, omnípotens
Deus: ut ad meliorem vitam
beatórum **N.** et **N.** Confessorum
tuórum exémpla nos próvocent;
quátenus, quorum memóriam ági-
mus, étiam actus imitémur. Per
Dóminum.

2 Altera oratio

Deus, qui nos beatórum **N.** et **N.**
Confessorum tuórum méritis
et intercessiõne lætíficas: concede
propítius; ut, qui tua per eos bene-
ficia póscimus, dono tuæ grátia
consequámur. Per Dóminum.

Lectio libri Sapiéntiæ.

Eccli. 2, 7-13

Metuéntes Dóminum, sustinéte
misericórdiam eius: et non
deflectátis ab illo ne cadátis. Qui
timétis Dóminum, créдите illi: et
non evacuábitur merces vestra. Qui
timétis Dóminum, speráte in illum:
et in oblectatiõnem véniet vobis
misericórdia. Qui timétis Dómi-
num, diligite illum: et illumina-
búntur corda vestra. Respícite, filii,
natiõnes hóminum: et scitóte quia
nullus sperávit in Dómino, et con-
fúsus est. Quis enim permánsit in
mandátis eius, et derelíctus est?
aut quis invocávit eum, et despéxit
illum? Quóniam pius et miséricors
est Deus, et remíttet in die tribu-
latiõnis peccáta: et protéctor est
ómnibus exquiréntibus se in veri-
tate.

Graduale Ps. 30, 24-25 Diligite
Dóminum, omnes sancti eius, quón-
iam veritátem requíret Dóminus,
et retribuet abundánter faciéntibus
supérbiam. **¶. Viríliter ágite, et con-
fortétur cor vestrum, omnes qui
sperátis in Dómino.**

Allelúia, allelúia. **V. Ps. 9, 11** Sperent in te qui novérunt nomen tuum: quóniam non dereliquísti quæréntes te, Dómine. Allelúia.

Post Septuagesimam, omissis Allelúia, et versu sequenti, dicitur

Tractus Ps. 33, 9-11 Gustáte, et vidéte quóniam suávis est Dóminus: beátus vir, qui sperat in eo. **V. Timéte Dóminum, omnes sancti eius: quóniam non est inópia timéntibus eum. V. Dívites eguérunt et esuriérunt: inquiréntes autem Dóminum non minuéntur omni bono.**

Tempore autem paschali, omititur graduale, et eius loco dicitur:

Allelúia, allelúia. **V. Ps. 9, 11** Sperent in te qui novérunt nomen tuum: quóniam non dereliquísti quæréntes te, Dómine. Allelúia. **V. Ps. 139, 14** Iusti confitebúntur nómini tuo, Dómine: et habitábunt recti cum vultu tuo. Allelúia.

Evangelium Sint lumbi, ut in Communi Confessoris non Pontificis 1 loco (21).

Antiphona ad Offertorium Ps. 67, 4 Iusti epuléntur, et exsúltent in conspéctu Dei, et delecténtur in lætítia. (T. P. Allelúia.)

I Secreta

Hóstias ad altáre tuum offeréntibus, Dómine, da nobis illum

pietátis afféctum, quem beátis N. et N. Confessóribus tuis infudísti: ut pura mente ac férvido corde rei sacrae attendámus, et sacrificium tibi plácitum nobisque proficuum immolémus. Per Dóminum.

2 Altera secreta

Múnera, Dómine, obláta sanctífica: et intercedéntibus beátis N. et N. Confessóribus tuis, nos per hæc a peccatórum nostrórum máculis emúnda. Per Dóminum.

Antiphona ad Communionem Luc. 12, 37 Beáti servi illi, quos, cum vénerit Dóminus, invénerit vigilántes: amen dico vobis, quod præcinget se, et fáciat illos discumbere, et tránsiens ministrábit illis. (T. P. Allelúia.)

I Postcommunio

Tríbuat nobis, omnípotens Deus, suffragántibus beatórum N. et N. Confessórum tuórum précibus, reféctio sacra subsidium: ut et castitátis mundítiam observémus in corpore et lumen veritátis exhibéamus in ópere. Per Dóminum.

2 Altera postcommunio

Súpplices te rogámus, omnípotens Deus: ut, quos tuis réficis sacraméntis, intercedéntibus beátis N. et N. Confessóribus tuis, tibi étiam plácitis móribus dignánter tríbuas deservíre. Per Dóminum.

COMMUNE PLURIUM VIRGINUM

I

PRO VIRGINIBUS ET MARTYRIBUS

Antiphona ad Introitum

Ps. 17, 31

Deus meus, impollúta via eius: elóquia Dómini igne examináta: protéctor est ómnium sperántium in se. (T. P. Allelúia, allelúia.) **Ps. ibid., 2-3** Díligam te, Dómine, fortitúdo mea:

Dóminus firmaméntum meum, et refúgium meum, et liberátor meus. **V. Glória Patri.**

I Oratio

Da nobis, quæsumus, Dómine Deus noster, beatárum N. et N. Virginum et Mártyrum tuárum palmas incessábili devotióne venerári: ut, quas digna mente celebráre non póssumus, humílibus saltem frequentémus obséquiiis. Per Dóminum.

2 Altera oratio

Omnípotens sempitérne Deus, qui beátas **N.** et **N.** virginitátis et martyrii glória decorásti: da nobis eárum précibus ita córporis et mentis serváre puritátem; ut nec blandítiis carnis, nec malórum acerbítate vincámur. Per Dóminum.

Léctio Epístolæ beáti Pauli Apóstoli ad Corínthios.

2 Cor. 4, 6-11 et 16-17

Fratres: Deus illúxit in córdibus nostris ad illuminatióem sciéntiæ claritátis Dei, in fácie Christi Iesu. Habémus autem thesáurum istum in vasis fictílibus: ut sublímitas sit virtútis Dei, et non ex nobis. In ómnibus tribulatióem pátimur, sed non angustiamur: aporiámur, sed non destitúimur: persecutióem pátimur, sed non derelinquimur: deícimur, sed non perímus: semper mortificatióem Iesu in córpore nostro circumferéntes, ut et vita Iesu manifestétur in corpóribus nostris. Semper enim nos, qui vívimus, in mortem trádimur propter Iesum: ut et vita Iesu manifestétur in carne nostra mortáli. Propter quod non defícimus: sed licet is, qui foris est, noster homo corrumpátur: tamen is, qui intus est, renovátur de die in diem. Id enim, quod in præsénti est momentáneum et leve tribulatióis nostræ, supra modum in sublimitáte ætérnum glóriæ pondus operátur in nobis.

Graduale Ps. 43, 8-9 Salvásti enim nos, Deus, de affligéntibus nos: et odiéntes nos confudísti. **V.** In Deo laudábimur tota die: et in nómine tuo confitébimur in sáculum.

Allelúia, allelúia. **V.** Apoc. 12, 11 Vicérunt dracónem propter sanguínem Agni, et propter verbum testimoníi sui. Allelúia.

N MISSALE ROM.

Post Septuagesimam, omissis Allelúia, et versu sequenti, dicitur

Tractus Ps. 144, 5-7 Magnificéntiam glóriæ sanctitátis tuæ, Dómine, loquéntur: et mirabília tua narrábunt. **V.** Et virtútem terribílium tuórum dicent: et magnitúdinem tuam narrábunt. **V.** Memóriam abundántiæ suavitátis tuæ eructábunt: et iustítia tua exsultábunt.

Tempore autem paschali, omititur graduale, et eius loco dicitur:

Allelúia, allelúia. **V.** Apoc. 12, 11 Vicérunt dracónem propter sanguínem Agni, et propter verbum testimoníi sui. Allelúia. **V.** Sap. 4, 1 et 2 Casta generatio in perpétuum coronáta triúmphant, incoinquina-tórum certáminum præmium vincens. Allelúia.

Evangelium Símile erit regnum cælórum decem virgínibus, **ut in Communi Virginum 1 loco** (25).

Antiphona ad Offertorium Ps. 88, 16-17 Dómine, in lúmine vultus tui ambulábunt, et in nómine tuo exsultábunt tota die: et in iustítia tua exaltabúntur. **(T. P. Allelúia.)**

1 **Secreta**

Inténde, quæsumus, Dómine, mún-nera altáribus tuis pro beatárum Virgínium et Mártyrum tuárum **N.** et **N.** honóre propósita: ut, sicut per hæc sacra mystéria illis glóriam contulísti, ita nobis indulgéntiam largiáris. Per Dóminum.

2 **Altera secreta**

Hóstia nómini tuo, Dómine, reverénter exhibita, glorióso beatárum Virgínium et Mártyrum tuárum **N.** et **N.** suffrágio commen-détur: quæ se tibi gratas pudóris et fidei víctimas immolárun. Per Dóminum.

Antiphona ad Communionem Matth. 25, 4 et 6 Prudéntes vírgines accepérunt óleum in vasis suis cum lampádibus: média autem nocte

clamor factus est: Ecce, sponsus venit, exite obviam ei. (T. P. Allelúia.)

I Postcommunio

Præsta nobis, quæsumus, Dómine, intercedéntibus beáteis Virgínibus et Martýribus tuis **N.** et **N.**: ut, quod ore contíngimus, pura mente capiámus. Per Dóminum.

2 Altera postcommunio

Cæléstia sacraménta, quæsumus, Dómine, suffragántibus beáteis Virgínibus et Martýribus tuis **N.** et **N.**, sua nos virtúte commúniant: ut, quarum pie venerámur in fidei confessióne victóriam, imitémur in morum puritáte constántiam. Per Dóminum.

II

PRO VIRGINIBUS TANTUM

Antiphona ad Introitum

Ps. 148, 12-14

Virgines laudent nomen Dómini, quia exaltátum est nomen eius solius: conféssio eius super cælum et terram. (T. P. Allelúia, allelúia.) Ps. *ibid.*, 1 Laudáte Dóminum de cælis: laudáte eum in excélsis. V. Glória Patri.

I Oratio

Concède, quæsumus, omnípotens Deus: ut, qui beatárum Virgínium **N.** et **N.** puritátem húmili venerámur obséquio; étiam piæ conversatiónis imitémur exemplum. Per Dóminum.

2 Altera oratio

Fidèles tuos, quæsumus, Dómine, intercedéntibus beáteis Virgínibus **N.** et **N.**, ita córpore et mente purífica: ut a nóxiis delectatióibus elongéntur, ac tua iúgiter suavitate pascántur. Per Dóminum.

Epistola Fratres: De virgínibus præcéptum, **ut in Communi Virgínium 4 loco** (29).

Graduale Ps. 44, 3 et 10 Speciósus forma præ filiis hóminum: diffúsa est grátia in lábiis tuis. V. Filiæ regum in honóre tuo: ástitit regína a dextris tuis in vestítu deauráto, circúmdata varietáte.

Allelúia, allelúia. V. Sap. 4, 1 O quam pulchra est casta generátio cum claritáte: immortalis est enim memória illíus. Allelúia.

Post Septuagesimam, omissis Allelúia, et versu sequenti, dicitur

Tractus Ps. 44, 14-16 Omnis glória eius filiæ Regis ab intus, in fimbriis áureis, circumamícta varietátibus. V. Adducéntur Regi vírgines post eam, próximæ eius afferéntur tibi. V. Afferéntur in lætítia et exsultatíone, adducéntur in templum Regis.

Tempore autem paschali, omititur graduale, et eius loco dicitur:

Allelúia, allelúia. V. Sap. 4, 1 O quam pulchra est casta generátio cum claritáte: immortalis est enim memória illíus. Allelúia. V. Isai. 56, 5 Ego Dóminus dabo eis nomen mélius a filiis et filiábus: nomen sempitérnum dabo eis, quod non períbit. Allelúia.

Evangelium Símile erit regnum cælórum decem virgínibus, **ut in Communi Virgínium 1 loco** (25).

Antiphona ad Offertorium Ps. 33, 6 Accédite ad Dóminum, et illuminámini: et fácies vestræ non confundéntur. (T. P. Allelúia.)

I Secreta

Munéribus tibi, Dómine, pro beatárum Virgínium **N.** et **N.** honóre dicátis, benedictiόnem tuam propitiátus effúnde: ut per éadem, et a vítiis ómnibus emundémur, et cæléstibus delíciis impleámur. Per Dóminum.

2 Altera secreta

Offeréntes tibi hóstiam laudis, miséricors Deus, apud maiestátem tuam beatárum Virgínium

N. et **N.** suffrágio commendémur: quæ cónsonis opéribus in sua virginitate iucúndum tibi habitáculum præparáru(n)t. Per Dóminum.

Antiphona ad Communionem Matth. 25, 10 Venit sponsus: et vírgines, quæ parátæ erant, intravérunt cum eo ad núptias, et clausa est iánua. (**T. P.** Allelúia.)

I Postcommunio

Sumpta mystéria, quæsumus, Dómine, suffragántibus beatárum

Virgínium **N.** et **N.** méritis, íncitent nos iúgiter et illústrent: ut digne advéntum Fílii tui præstolémur, et ad supérnas eius núptias admittámur. Per eúndem Dóminum.

2 Altera postcommunio

Córpore et sánguine tui sacra libátio, Dómine, intercedéntibus beátis Virgínibus **N.** et **N.**, ab ómnibus nos cadúcis rebus avértat: ut valeámus tui et sincéra in terris caritate proficere, et perpétua in cælis visióne gaudere: Qui vivis.

COMMUNE PLURIUM NON VIRGINUM

I

PRO MARTYRIBUS

Antiphona ad Introitum

Ps. 107, 13-14

Da nobis, Deus, auxílium de tribulatióne, quia vana salus hóminis: in Deo faciémus virtútem: et ipse ad níhilum dedúcet inimícos nostros. (**T. P.** Allelúia, allelúia.) **Ps. ibid., 2** Parátum cor meum, Deus, parátum cor meum: cantábo, et psallam in glória mea. **V.** Glória Patri.

I Oratio

Deus, cuius múnere virtus in infirmitate perficitur: da ómnibus beatárum **N.** et **N.** Mártyrum tuárum glóriam recoléntibus; ut quæ abs te sumpsérunt robur ut víncerent, abs te quoque nobis víncéndi grátiam semper obtíneant. Per Dóminum.

2 Altera oratio

Da nobis, quæsumus, Dómine Deus noster, beatárum **N.** et **N.** Mártyrum tuárum palmas incésábili devotióne venerári: ut, quas digna mente celebráre non póssumus, humílibus saltem frequentémus obséquiiis. Per Dóminum.

Epistola Deus illúxit, **ut supra**

in Communi plurium Virgínium I loco (193).

Graduale Ps. 59, 13-14 Da nobis, Deus, auxílium de tribulatióne, quia vana salus hóminis. **V.** In Deo faciémus virtútem: et ipse ad níhilum dedúcet tribulántes nos.

Allelúia, allelúia. **V. Apoc. 7, 14** Venérunt de tribulatióne magna, et lavérunt stolas suas, et dealbavérunt eas in ságuine Agni. Allelúia.

Post Septuagesimam, omissis Allelúia, et versu sequenti, dicitur

Tractus Ps. 65, 10-12 Probásti nos, Deus: igne nos examinásti sicut examinátur argéntum. **V.** Induxísti nos in láqueum, posuísti tribulatiónes in dorso nostro: imposuísti hómines super cápita nostra. **V.** Transívimus per ignem et aquam: et eduxísti nos in refrigérium.

Tempore autem paschali, omititur graduale, et eius loco dicitur:

Allelúia, allelúia. **V. Apoc. 7, 14** Venérunt de tribulatióne magna, et lavérunt stolas suas, et dealbavérunt eas in ságuine Agni. Allelúia. **V. Apoc. 12, 11-12** Non dilexérunt ánimas suas usque ad mortem: proptérea lætámini, cæli, et qui habitátis in eis. Allelúia.

✠ Sequéntia sancti Evangélii secúndum Mattháum.

Matth. 13, 44-52

In illo témpore: Dixit Iesus discipulis suis parábolam hanc: Símile est regnum cælórum thesáuro abscóndito in agro: quem qui invénit homo, abscóndit, et præ gáudio illius vadit, et vendit univérsa, quæ habet, et emit agrum illum. Iterum símile est regnum cælórum hómini negotiatóri, quærénti bonas margarítas. Invénta autem una pretiósa margaríta, ábiit, et véndidit ómnia, quæ hábuit, et emit eam. Iterum símile est regnum cælórum sagénæ missæ in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatióne sáculi: exhibunt Angeli, et separábunt malos de médio iustórum, et mittent eos in camínium ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno cælórum símilis est hómini patri-famílias, qui profert de thesáuro suo nova et vétera.

Antiphona ad Offertorium Ps. 104, 4 Quærite Dóminum, et confirmámini: quærite faciém eius semper. (T. P. Allelúia.)

I Secreta

Obláta tibi, Dómine Deus, in honórem beatárum **N.** et **N.** Mártyrum tuárum dona intuére propítius: ut accéptum nostræ tibi fáciant servitútis obséquium, et oportúnum nobis tríbuant tuæ protectiónis auxiliú. Per Dóminum.

2 Altera secreta

Inténde, quæsumus, Dómine, múnera altáribus tuis pro beatárum Mártyrum tuárum **N.** et **N.** honóre propósita: ut, sicut per hæc sacra mystéria illis glóriam con-

tulísti; ita nobis indulgéntiam largiáris. Per Dóminum.

Antiphona ad Communionem Matth. 13, 44 Símile est regnum cælórum thesáuro abscóndito in agro: quem qui invénit homo, abscóndit, et præ gáudio illius vadit, et vendit univérsa quæ habet, et emit agrum illum. (T. P. Allelúia.)

I Postcommunio

Sanctíficet et róboret nos, quæsumus, Dómine, supernórum múnerum fructuósa recéptio: ut, suffragántibus beátis Martýribus tuis **N.** et **N.**, et vitiórum æstibus obsistámus, et contra ómnium ímpetus hóstium repugnémus. Per Dóminum.

Altera postcommunio

Præsta nobis, quæsumus, Dómine, intercedéntibus beátis Martýribus tuis **N.** et **N.**: ut, quod ore contíngimus, pura mente capiámus. Per Dóminum.

II

PRO NON MARTYRIBUS

Antiphona ad Introitum

Ps. 79, 19

Dómine Deus virtútum, non discédimus a te: vivificábis nos, et nomen tuum invocábimus. (T. P. Allelúia, allelúia.) **Ps. ibid., 2** Qui regis Israël, inténde: qui dedúcis velut ovem Ioseph. **V.** Glória Patri.

I Oratio

Concède, quæsumus, omnípotens Deus: ut veneránda nobis beatárum **N.** et **N.** intercéssio tríbuat cæléste subsidium; quarum vita mirábilis ómnibus salutáre præstat exéplum. Per Dóminum.

2 Altera oratio

Tuórum corda fidélium, Deus miserátor, illústra: et, beatárum **N.** et **N.** précibus ac méritis

gloriósis; fac nos terréna cuncta despícere, et dona cæléstia possidére. Per Dóminum.

Léctio Epístolæ beáti Pauli Apóstoli ad Timótheum.

I Tim. 2, 9-15; 5, 3-6

Caríssime: Volo mulieres oráre in hábitu ornáto, cum verecúndia, et sobrietáte ornántes se, et non in tortis crínibus, aut auro, aut margarítis, vel veste pretiósa: sed quod decet mulieres, promitténtes pietátem per ópera bona. Múlier in siléntio discat cum omni subiectione. Docére autem mulieri non permítto, neque dominári in virum: sed esse in siléntio. Adam enim primus formátus est: deinde Heva. Et Adam non est sedúctus: múlier autem sedúcta in prævaricatione fuit. Salvábitur autem per filiórum generatióem, si permanserit in fide, et dilectione, et sanctificatione cum sobrietáte. Víduas honóra, quæ vere víduæ sunt. Si qua autem vídua filios, aut nepótes habet: discat primum domum suam régere, et mútuam vicem reddere paréntibus: hoc enim accéptum est coram Deo. Quæ autem vere vídua est, et desoláta, speret in Deum, et instet obsecrationibus, et orationibus, nocte ac die. Nam quæ in deliciis est, vivens mórtua est. Et hoc præcipe ut irreprehensibiles sint: in Christo Iesu Dómino nostro.

Graduale Ps. 32, 20-21 Anima nostra sústinet Dóminum: quóniam adiutor et protéctor noster est. **V.** Quia in eo lætábitur cor nostrum: et in nómine sancto eius sperávimus.

Allelúia, allelúia. **V. Eccli. 1, 16** Inítium sapiéntiæ timor Dómini: cum eléctis féminis gráditur, et cum iustis et fidélibus agnóscitur. Allelúia.

Post Septuagesimam, omissis Allelúia, et versu sequenti, dicitur

Tractus Ps. 47, 10-12 Suscépimus, Deus, misericórdiam tuam in médio templi tui. **V.** Secúndum nomen tuum, Deus, sic et laus tua in fines terræ: iustítia plena est dextera tua. **V.** Lætétur mons Sion, et exsúltent filia Iudæ, propter iudícia tua, Dómine.

Tempore autem paschali, omititur graduale, et eius loco dicitur:

Allelúia, allelúia. **V. Eccli. 1, 16** Inítium sapiéntiæ timor Dómini: cum eléctis féminis gráditur, et cum iustis et fidélibus agnóscitur. Allelúia. **V. Ps. 23, 6** Hæc est generatio quæréntium Dóminum, quæréntium faciém Dei Iacob. Allelúia.

Evangelium Símile est regnum cælórum thesauro abscondito, **ut in Communi Virginum 2 loco** (25).

Antiphona ad Offertorium Ps. 104, 3 Laudámini in nómine sancto eius: lætétur cor quæréntium Dóminum. (T. P. Allelúia.)

I Secreta

Offeréntes tibi, Dómine Deus, hóstiam pro beatárum **N.** et **N.** honóre propósitam, te súpplīces exorámus: ut spem nostram in te firmiter collocémus, et pias petitiones cordis nostri abs te iúgiter habeámus. Per Dóminum.

2 Altera secreta

Sacrificium nostrum, Dómine, suffragántibus beatárum **N.** et **N.** précibus, tibi reddátur accéptum: ut nobis idem et culpárum véniam largiáture, et meritórum cópiam operétur. Per Dóminum.

Antiphona ad Communionem Matth. 13, 45-46 Símile est regnum cælórum hómini negotiatóri, quærénti bonas margarítas: invénta autem una pretiósa margaríta, ábiit, et véndidit ómnia quæ hábuit, et emit eam. (T. P. Allelúia.)

1 Postcommunio

Divíni operátio sacraménti, omnípotens Deus, suffragántibus beatárum **N.** et **N.** méritis, illúminet nos páriter et inflámmet: ut et sanctis iúgiter desidériis ferveámus, et bonis opéribus abundémus. Per Dóminum.

2 Altera postcommunio

Acceptorum múnorum virtus, Dómine Deus, intercedéntibus beátis **N.** et **N.**, suos in nobis efféctus ímpleat: ut simul et mortális vitæ subsidium cónferat, et gáudium perpétuæ felicitátis obtíneat. Per Dóminum.

ORDO AD FACIENDAM ET ASPERGENDAM AQUAM BENEDICTAM

I BENEDICTIO AQUÆ

Die dominica, in sacristia præparato sale et aqua benedicenda, sacerdos celebraturus Missam, vel alius ad id deputatus, alba vel superpelliceo indutus cum stola circa collum, primo dicit:

℣. Adiutórium nostrum in nómine Dómini.

R. Qui fecit cælum et terram.

Deinde absolute incipit exorcismum salis:

Exorcízo te, creatúra salis, per Deum ✠ vivum, per Deum ✠ verum, per Deum ✠ sanctum: per Deum, qui te per Eliséum prophétam in aquam mitti iussit, ut sanarétur sterilitas aquæ: ut efficiáris sal exorcizátum in salútem credéntium: et sis ómnibus suméntibus te sánitas ánimæ et córporis: et effúgiat atque discédant a loco, in quo aspérsum fúeris, omnis phantásia et nequítia, vel versútia diabólicæ fraudis, omnisque spíritus immúndus, adiurátus per eum, qui ventúrus est iudicáre vivos et mórtuos, et sáculum per ignem. **R.** Amen.

Orémus.

Oratio

Imménsam cleméntiam tuam, Omnípotens ætérne Deus, humíliter implorámus: ut hanc creatúram salis, quam in usum géneris humáni tribuísti, bene ✠ dicere tua pietáte dignéris; ut sit ómnibus suméntibus salus mentis et córporis: et quidquid ex eo tactum vel respérsum fúerit, cáreat omni immundítia, omníque impugnatióne spiritalis nequitiæ. Per Christum Dóminum nostrum. **R.** Amen.

Exorcismus aquæ: et dicitur absolute:

Exorcízo te, creatúra aquæ, in nómine Dei ✠ Patris omnipo-

téntis, et in nómine Iesu ✠ Christi Filii eius Dómini nostri, et in virtúte Spíritus ✠ Sancti: ut fias aqua exorcizáta ad effugándam omnem potestátem inimíci, et ipsum inimícum eradicáre, et explantáre váleas cum ángelis suis apostáticis, per virtútem eiúsdem Dómini nostri Iesu Christi: qui ventúrus est iudicáre vivos et mórtuos, et sáculum per ignem. **R.** Amen.

Orémus.

Oratio

Deus, qui ad salútem humáni géneris, máxima quæque sacraménta in aquárum substántia condidísti: adésto propítius invocatióibus nostris, et eleménto huic multímodis purificatióibus præparáto, virtútem tuæ bene ✠ dictiõnis infúnde: ut creatúra tua, mystériis tuis sérvians, ad abigéndos dæmones, morbósque pelléndos, divínæ grátiae sumat efféctum; ut, quidquid in dómibus, vel in locis fidélium hæc unda respérserit, cáreat omni immundítia, liberétur a noxa: non illic resídeat spíritus péstilens, non aura corrúmpens: discédant omnes insídiæ laténtis inimíci: et si quid est, quod aut incolumitáti habitántium ínvidet, aut quiéti, aspersione huius aquæ effúgiat; ut salúbritas per invocatióem sancti tui nóminis expetíta ab ómnibus sit impugnatióibus defénsa. Per Christum Dóminum nostrum. **R.** Amen.

Hic mittat sal in aquam in modum crucis, dicendo:

Commíxtio salis et aquæ páriter fiat, in nómine Patris, et Filii ✠ et Spíritus Sancti. **R.** Amen.

℣. Dóminus vobíscum.

R. Et cum spíritu tuo.

Orémus.

Oratio

Deus, invictæ virtutis auctor, et insuperabilis imperii rex ac semper magnificus triumphator: qui adversæ dominationis vires réprimis: qui inimici rugientis sævitiam superas: qui hostiles nequitias potenter expungas: te, Dómine, treméntes et supplices deprecámur, ac pétimus: ut hanc creaturam salis et aquæ dignanter aspicias, benignus illústres, pietátis tuæ rore sanctifices; ut, ubicúmque fuerit aspérta, per invocatióem sancti nóminis tui, omnis infestatio inmúndi spíritus abigátur, terrórque venenósi serpéntis procul pellátur: et præséntia Sancti Spíritus nobis, misericórdiam tuam poscéntibus, ubique adesse dignétur. Per Christum Dóminum nostrum. **R.** Amen.

II ASPERSIO AQUÆ BENEDICTÆ EXTRA TEMPUS PASCHALE

Sacerdos celebraturus, indutus pluviali coloris Officio convenientis, accedit ad altare, et ibi ad gradus cum ministris genuflexus, etiam tempore paschali, accipit a diacono aspersorium, et primo ter aspergit altare, deinde se, et erectus ministros, incipiens antiphonam Aspér- ges me. Et chorus prosequitur: Dómine, hyssópo, etc., ut infra. Interim celebrans aspergit clerum, deinde populum.

VII



Ant. Aspér- ges me, *

Dómine, hyssópo, et mundábor: lavábis me, et super nivem dealbábor. **Ps. 50, 3** Miserére mei, Deus, secúndum magnam misericórdiam tuam. **V.** Glória Patri.

Et repetitur ant. Aspér- ges me.

Finita antiphona supradicto modo, sacerdos, qui aspersit aquam,

reversus ad altare, stans ante gradus altaris, iunctis manibus, dicat:

V. Osténde nobis, Dómine, misericórdiam tuam.

R. Et salutáre tuum da nobis.

V. Dómine, exáudi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Oratio

Exáudi nos, Dómine, sancte Pater, omnipotens ætérne Deus: et mittere dignéris sanctum Angelum tuum de cælis; qui custódiat, fóveat, prótegit, vísitet atque deféndat omnes habitátes in hoc habitáculo. Per Christum Dóminum nostrum. **R.** Amen.

Tempore Passionis, non dicitur Glória Patri post psalmum Miserére, sed repetitur immediate antiphona Aspér- ges me.

TEMPORE PASCHALI

A dominica Paschæ usque ad Pentecosten inclusive, loco ant. Aspér- ges me et psalmi Miserére, cantatur sequens

VIII



Ant. Vi-di a- quam *

egrediéntem de templo, a látere dextro, allelúia: et omnes, ad quos pervénit aqua ista, salvi facti sunt, et dicent: allelúia, allelúia. **Ps. 117, 1** Confitémini Dómino, quóniam bonus: quóniam in sáculum misericórdia eius. **V.** Glória Patri.

Repetitur ant. Vidi aquam egrediéntem.

Finita antiphona supradicto modo, sacerdos, qui aspersit aquam, reversus ad altare, stans ante gradus altaris, iunctis manibus, dicat:

V. Osténde nobis, Dómine, misericórdiam tuam, allelúia.

R. Et salutáre tuum da nobis,
allelúia.

V. Dómine, exáudi oratióem
meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Oratio

Exáudi nos, Dómine, sancte Pater,
omnípotens ætérne Deus: et

míttre dignéris sanctum Angelum
tuum de cælis; qui custódiat, fóveat,
prótegat, vísitet atque deféndat om-
nes habitántes in hoc habitáculo.
Per Christum Dóminum nostrum.

R. Amen.

¶ **Dominica Resurrectionis, ubi
est fons baptismalis, fit aspersione
cum aqua in Vigilia paschali bene-
dicta, et ante infusionem oleorum
separata.**


CANTUS AD LIBITUM

I. TONI "GLORIA IN EXCELSIS DEO"

In festis I classis 2

Missa III

VIII
G



ló-ri- a in excél- sis De- o.

In festis II classis 2, 3, 4 et 5

Missa V


VIII
G



ló-ri- a in ex- cél- sis De- o.

Missa VI

VIII
G



ló-ri- a in excél- sis De- o.

Missa VII

VI
G



ló-ri- a in excél- sis De- o.

Missa VIII

V
G



ló-ri- a in excél- sis De- o.

In festis B. Mariæ Virginis 2

Missa X

VIII
G



ló-ri- a in excél- sis De- o.

I. Toni Gloria in excelsis Deo
In festis III classis 2 et 3

(203)

Missa XIII

I
G ló- ri- a in excél- sis De- o.

Missa XIV

III
G ló- ri- a in excél- sis De- o.

I ad libitum

VIII
G ló- ri- a in excél- sis De- o.

II ad libitum

II
G ló- ri- a in ex- cé- sis De- o.

III ad libitum


II
G ló- ri- a in excél- sis De- o.

II. PRÆFATIONES IN TONO SOLEMNIORE


*Toni sequentes adhiberi nequeunt in Missis
quibus tonus ferialis assignatur.*

PRÆFATIO DE NATIVITATE DOMINI


P er ómni- a sæ-cu- la sæ-cu- ló- rum. **R.** Amen. **V.** Dómi-nus
vo-bís- cum. **R.** Et cum spí- ri- tu tu- o. **V.** Sur- sum corda.
R. Ha- bé- mus ad Dó- mi- num. **V.** Grá- ti- as a-gá-mus Dó- mi-no
De- o no- stro. **R.** Di-gnum et ju- stum est.
V e-re dignum et ju- stum est, æ-quum et sa-lu-tá- re,
nos ti-bi semper, et u-bí-que grá- ti- as á-ge- re: Dómi-ne,
sancte Pa-ter, omní-po-tens æ- térne De- us: **Qui-** a per incarná- ti



Verbi my- sté- ri- um, no- va mentis nostræ ó- cu- lis lux tu- æ cla- ri-




tá- tis infúl- sit: ut, dum vř- si- bí- li- ter De- um co- gnóscimus,




per hunc in invi- si- bí- li- um amó- rem ra- pi- á- mur. Et



íd- e- o cum Ange- lis et Archánge- lis, cum Thro- nis et Domi-



na- ti- ó- ni- bus, cumque omni mi- lí- ti- a cæ- lé- stis ex- érci- tus,



hym- num gló- ri- æ tu- æ cá- nimus, si- ne fi- ne di- cén- tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.


Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE EPIPHANIA DOMINI

Per ómni- a sæ-cu- la sæ-cu- ló- rum. **R.** Amen. **V.** Dómi- nus
vo- bís- cum. **R.** Et cum spí- ri- tu tu- o. **V.** Sur- sum corda.
R. Ha- bé- mus ad Dó- mi- num. **V.** Grá- ti- as a- gá- mus Dó- mi-
no De- o no- stro. **R.** Di- gnum et ju- stum est.
Ve- re dignum et ju- stum est, æquum et sa- lu- tá- re,
nos ti- bi semper, et u- bí- que grá- ti- as á- ge- re: Dómi- ne,
sancte Pa- ter, omní- po- tens æ- térne De- us: **Q**ui- a, cum U- ni- gé- ni- tus
tu- us in substá- ti- a nostræ morta- li- tá- tis ap- pá- ru- it, no- va nos
immor- ta- li- tá- tis su- æ lu- ce re- pa- rá- vit. Et íd-



e- o cum Ange- lis et Archánge- lis, cum Thro-nis et Domi-na-ti-
ó-ni-bus, cumque omni mi- lí- ti- a cæ-lé-stis ex- érci- tus, hym- num
gló-ri- æ tu- æ cá-nimus, si- ne fi- ne di- cén- tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE QUADRAGESIMA

Per ómni- a sæ- cu- la sæcu- ló- rum. **R.** Amen. **℣.** Dómi- nus

vo- bis- cum. **R.** Et cum spí- ri- tu tu- o. **℣.** Sur- sum corda.

R. Ha- bé- mus ad Dó- mi- num. **℣.** Grá- ti- as a- gá- mus Dó- mi-

no De- o no- stro. **R.** Di- gnum et ju- stum est.

Ve- re dignum et ju- stum est, æ- quum et sa- lu- tá-

re, nos tí- bi semper, et u- bí- que grá- ti- as á- ge- re:

Dómi- ne, sancte Pa- ter, omní- po- tens æ- térne De- us: **Q**ui corpo-

rá- li je- jú- ni- o ví- ti- a cómpri- mis, men- tem é- le- vas, vir-

tú- tem lar- gí- ris, et præ- mi- a: per Chri- stum Dó- mi- num no-



strum. Per quem ma-jestá-tem tu-am laudant Ange-li, ad-ó-rant Do-
 mi-na-ti- ó-nes, tre-munt Po-testá-tes. Cæ-li, cæ-lo-rúmque Vir-
 tú-tes, ac be-á-ta Sé-raphim, só-ci-a exsulta-ti-ó-ne
 concé-lebrant. Cum qui-bus et nostras vo-ces, ut admít-ti jú-
 be-as, depre-cámur, súp-pli-ci confessi-ó-ne di-cén-tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.


Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE SANCTA CRUCE

Per ómni- a sæcu- la sæ-cu-ló- rum. **R.** Amen. **℣** Dómi- nus
vo- bís- cum. **R.** Et cum spí- ri- tu tu- o. **℣** Sur- sum corda.
R. Ha- bé-mus ad Dó- mi- num. **℣** Grá- ti- as a- gá-mus Dó- mi- no
De- o no- stro. **R.** Di- gnum et ju- stum est.
Ve- re dignum et ju- stum est, æ-quum et sa-lu-tá- re,
nos ti-bi semper, et u-bí-que grá- ti- as á-ge- re: Dómi-
ne, san-cte Pa-ter, omní-po-tens æ-térne De- us: **Qui** sa-lú-tem
humá-ni gé-ne- ris in ligno Cru- cis consti- tu- í- sti: ut, unde
mors o- ri- e- bá-tur, in- de vi- ta re-súr- ge- ret: et, qui in



ligno vin-cé-bat, in ligno quoque vince- ré-tur: per Chri- stum
 Dó- mi-num no- strum. Per quem ma- je-stá- tem tu- am laudant
 Ange- li, ad-ó- rant Do-mi- na- ti- ó- nes, tre- munt Po-te-
 stá- tes. Cæ- li, cæ- lo- rúmque Vir- tú- tes, ac be- á- ta
 Sé- raphim, só- ci- a exsul- ta- ti- ó- ne concé- lebrant.
 Cum qui- bus et nostras vo- ces, ut admít- ti júbe- as, depre-
 cámur, súp- pli- ci confes- si- ó- ne di- cén- tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO PASCHALIS

P er ómni- a sæ-cu-la sæ-cu- ló- rum. **R.** Amen. **✠** Dómi- nus
 vo- bís- cum. **R.** Et cum spí- ri- tu tu- o. **✠** Sur- sum corda.
R. Ha- bé- mus ad Dó- mi- num. **✠** Grá- ti- as a- gá- mus Dó- mi- no
 De- o no- stro. **R.** Di- gnum et ju- -stum est.
V e- re dignum et ju- -stum est, æ- quum et sa- lu- tá- re:
T e qui- dem, Dómi- ne, omni témpo- re, sed in hac po- tíssimum
 hac po- tíssimum
 hoc po- tíssimum
 nocte glo- ri- ó- si- us præ- di- cá- re, cum Pascha no- strum immo-
 di- e
 lá- tus est Chri- stus. Ip- se e- nim ve- rus est Agnus,



qui ábs-tu- lit pec- cá- ta mun- di. Qui mor- tem no- stram

mo- ri- éndo de- strú- xit, et vi- tam re- surgéndo re- pa-

rá- vit. Et íd- e- o cum Ange- lis et Archánge- lis,

cum Thro- nis et Do- mi- na- ti- ó- ni- bus, cumque omni mi-

lí- ti- a cæ- lé- stis ex- ér- ci- tus, hym- num gló- ri- æ tu- æ

cá- ni- mus, si- ne fi- ne di- cén- tes.

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE ASCENSIONE DOMINI

Per ómni- a sæ-cu- la sæ-cu-ló- rum. **R.** Amen. **✠** Dómi-nus
 vo-bís- cum. **R.** Et cum spí- ri- tu tu- o. **✠** Sur- sum corda.
R. Ha-bé-mus ad Dó- mi-num. **✠** Grá- ti- as a- gá-mus Dó- mi-no
 De- o no- stro. **R.** Di- gnum et ju- stum est.
Ve- re dignum et ju- stum est, æ-quum et sa-lu-tá- re,
 nos ti-bi semper, et u-bí-que grá- ti- as á-ge- re: Dómi-ne,
 sancte Pa- ter, omní-po- tens æ- térne De- us: per Chri- stum
 Dó- mi- num no- strum. **Q**ui post re-sur-rec-ti- ó-nem su- am
 ómni- bus di- scí- pu- lis su- is ma- ni- fé- stus ap- pá- ru- it



et, ip-sis cer-nén-ti-bus, est e-le-vá-tus in cæ-lum, ut

nos di-vi-ni-tá-tis su-æ tri-bú-e-ret es-se par-tí-

ci-pes. Et íd-e-o cum Ange-lis et Archánge-lis,

cum Thro-nis et Do-mi-na-ti-ó-ni-bus, cumque omni mi-

lí-ti-a cæ-lé-stis ex-ér-ci-tus, hym-num gló-ri-æ tu-æ

cá-ni-mus, si-ne fi-ne di-cén-tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.


Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE SACRATISSIMO CORDE IESU

Per ómni- a sæ-cu-la sæ-cu-ló- rum. **R.** Amen. **Y** Dómi-nus
vo-bís- cum. **R.** Et cum spí- ri- tu tu- o. **Y** Sur- sum corda.
R. Ha-bé-mus ad Dó-mi-num. **Y** Grá- ti- as a-gá-mus Dó- mi-no
De- o no- stro. **R.** Di- gnum et ju- stum est.
Ve-re dignum et ju- stum est, æ-quum et sa-lu-tá- re,
nos ti-bi semper, et u-bí-que grá-ti- as á-ge- re: Dómi-ne,
sancte Pa- ter, omní-po-tens æ-térne De- us: **Q**ui U-ni-gé-ni-tum
tu- um, in Cru-ce pendéntem, lánce- a mí- li- tis transfi- gi vo-
lu- í-sti, ut a-pértum Cor, di-ví-næ largi-tá-tis sa-crá-ri- um,



torréntes no-bis fún-de-ret mi-se-ra-ti-ó- nis et grá- ti- æ:

et, quod a-mó- re nōstri flagrá- re numquam dé-sti- tit,

pi- is esset ré- qui- es et pæ-ni- tén-ti-bus pa- té- ret sa-lú- tis

re- fú- gi- um. Et íd- e- o cum Ange- lis et Archán-

ge- lis, cum Thro- nis et Do-mi- na- ti- ó- ni- bus, cumque

omni mi- lí- ti- a cæ- lé- stis ex- érci- tus, hym- num gló- ri- æ

tu- æ cá- ni- mus, si- ne fi- ne di- cén- tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE D. N. IESU CHRISTO REGE

Per ómni- a sæ-cu-la sæcu- ló- rum. **R.** Amen. **V.** Dómi-nus vo-bís- cum.

R. Et cum spí-ri-tu tu- o. **V.** Sur-sum corda. **R.** Ha-bé-mus ad Dó-mi-

num. **V.** Grá-ti- as a-gá-mus Dó-mi-no De- o no- stro. **R.** Dí-gnum

et ju-stum est. **V.** e-re dí-gnum et ju- stum est, æquum et


sa-lu-tá- re, nos ti-bi semper, et u-bí-que grá-ti- as á-ge- re:

Dómi-ne , sancte Pa-ter, omní-po-tens æ-térne De- us: **Q**ui u-ni-gé-

ni-tum Fí-li- um tu- um Dómi-num nostrum Je-sum Christum, Sa-

cerdó-tem æ-térnum et u-ni-versó-rum Re-gem, ó- le- o exsulta-

ti- ó- nis unxí- sti: ut, se- ípsum in a-ra cru-cis hó-sti- am im-



ma-cu-lá-tam et pa-cí-fi-cam óffe-rens, red-empti-ó-nis humá-næ sa-
 cramén-ta per-á-ge-ret: et su-o subjéctis impé-ri-o ómni-bus
 cre-a-tú-ris, æ-térnum et u-ni-versá-le re-gnum, imménsæ tu-æ trá-
 de-ret Ma-jestá-ti: regnum ve-ri-tá-tis et vi-tæ; regnum sancti-
 tá-tis et grá-ti-æ; regnum justí-ti-æ, amó-ris et pa-cis.
 Et íd-e-o cum Ange-lis et Archánge-lis, cum Thro-nis et Domi-
 na-ti-ó-ni-bus, cumque omni mi-lí-ti-a cæ-lé-stis ex-érci-tus,
 hym-num gló-ri-æ tu-æ cá-nimus, si-ne fi-ne di-cén-tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE SPIRITU SANCTO

P er ómni- a sæ- cu- la sæ- cu- ló- rum. **R.** Amen. **℣.** Dómi- nus
vo- bís- cum. **R.** Et cum spí- ri- tu tu- o. **℣.** Sur- sum corda.
R. Ha- bé- mus ad Dó- mi- num. **℣.** Grá- ti- as a- gá- mus Dó- mi- no
De- o no- stro. **R.** Di- gnum et ju- stum est.
V e- re dignum et ju- stum est, æ- quum et sa- lu- tá- re,
nos ti- bi semper, et u- bí- que grá- ti- as á- ge- re: Dómi- ne,
sancte Pa- ter, omní- po- tens æ- térne De- us: per Chri- stum
Dó- mi- num no- strum. **Qui,** ascéndens su- per omnes cæ- los
se- dénsque ad dexte- ram tu- am, pro- mís- sum Spí- ri- tum



Sanctum (ho-di-érna di-e) in fí-li-os ad-opti-ó-nis ef-
fú-dit. Quaprópter pro-fú-sis gáu-di-is to-tus in orbe ter-
rá-rum mun-dus ex-súl-tat. Sed et su-pérnæ Vir-tú-tes,
at-que angé-li-cæ Po-te-stá-tes, hym-num gló-ri-æ tu-æ
cónci-nunt, si-ne fi-ne dí-cén-tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.


Hosánna in excélsis.

PRÆFATIO DE SANCTISSIMA TRINITATE

Per ómni- a sæcu- la sæcu- ló- rum. **R.** Amen. **V.** Dóminus vo- bís- cum.

R. Et cum spí- ri- tu tu- o. **V.** Sur- sum corda. **R.** Ha- bé- mus ad Dó- mi- num. **V.** Grá- ti- as a- gá- mus Dó- mi- no De- o no- stro.

R. Di- gnum et ju- stum est. **V.** e- re dignum et ju- stum est, æquum et sa- lu- tá- re, nos tí- bi semper, et u- bí- que grá- ti- as á- ge- re: Dómi- ne, sancte Pa- ter, omní- po- tens æ- térne De- us: **Q**ui cum u- ni- gé- ni- to Fí- li- o tu- o, et Spí- ri- tu Sancto, u- nus es De- us, u- nus es Dó- mi- nus: non in u- ní- us singu- la- ri- tá- te per- sónæ, sed in u- ní- us Tri- ni- tá- te substán- ti- æ.



Quod e-nim de tu- a gló-ri- a, re-ve-lánte te, cré-dimus, hoc de Fí-
 li- o tu- o, hoc de Spí-ri-tu Sancto, si-ne dif-fe-rén-ti- a discre-
 ti- ó- nis sentí- mus. Ut in confes-si- ó-ne ve-ræ sempi- ter-
 næque De- i- tá- tis, et in persó- nis pro-prí- e- tas, et in
 essénti- a ú-ni- tas, et in ma- jestá- te ad-o-ré- tur æquá-
 li- tas. Quam laudant Ange- li atque Archánge- li, Ché- ru- bim
 quoque ac Sé- raphim: qui non ces-sant clamá- re quo-tí- dí- e,
 u- na vo- ce di- cén- tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE BEATA MARIA VIRGINE

Dicitur vel Et te in Annuntiatióne, **vel** Visitatióne, **vel** Assumptiόne, **vel** Nativitáte, **vel** Præsentiatiόne, **secundum denominationem festi.**

In Missis vero de Conceptione immaculata dicitur: Et te in Conceptione immaculáta.


In Missis de Septem Doloribus dicitur: Et te in Transfixiόne.

In Commemoratione de Monte Carmelo dicitur: Et te in Commemoratione.

In omnibus aliis festis dicitur: Et te in Festivitaté.

In Missa de S. Maria in sabbato, et in Missis votivis, in quibus speciale mysterium non sit exprimendum, dicitur: Et te in Veneratiόne.

P er ómni- a sæ-cu- la sæ-cu- ló- rum. **R.** Amen. **V.** Dómi- nus
vo- bís- cum. **R.** Et cum spí- ri- tu tu- o. **V.** Sur- sum- corda.
R. Ha-bé- mus ad Dó- mi-num. **V.** Grá- ti- as a-gá-mus Dó- mi-ne
De- o no- stro. **R.** Di- gnum et ju- stum est.
V e-re dignum et ju- stum est, æ-quum et sa-lu-tá- re, nos
ti-bi semper, et u-bí-que grá- ti- as á-ge- re: Dómi-ne, sancte
Pa-ter, omní-po-tens æ-térne De- us: **E**t te in * * * * * be- á-tæ



Ma-rí-æ semper Vírgi-nis col-lau-dá-re, be-ne-dí-ce-re et præ-di-
 cá-re. Quæ et U-ni-gé-ni-tum tu-um Sancti Spí-ri-tus ob-umbra-
 ti ó-ne con-cé-pit: et, virgi-ni-tá-tis gló-ri-a permanén-te, lumen
 æ-térnum mundo ef-fú-dit, Je-sum Chri-stum Dó-mi-num no-
 strum. Per quem ma-jestá-tem tu-am laudant Ange-li, ad-ó-rant Domi-
 na-ti-ó-nes, tre-munt Po-te-stá-tes. Cæ-li, cæ-lo-rúm-que Vir-tú-
 tes, ac be-á-ta Sé-raphim, só-ci-a exsul-ta-ti-ó-ne concé-
 lebrant. Cum qui-bus et nostras vo-ces, ut admít-ti jú-be-as,
 depre-cámur, súp-pli-ci confes-si-ó-ne di-cén-tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE S. IOSEPH, SPONSO B. M. V.

In festo S. Ioseph, die 19 martii, dicitur: Et te in Festivitate.

In festo S. Ioseph Opificis, die 1 maii, dicitur: Et te in Solemnitate.


In Missis votivis dicitur: Et te in Veneratione.

Per ómni- a sæcu- la sæcu- ló- rum. **R.** Amen. **V.** Dómi- nus vo- bís- cum.

R. Et cum spí- ri- tu tu- o. **V.** Sur- sum corda. **R.** Ha- bé- mus ad Dó-
mi- num. **V.** Grá- ti- as a- gá- mus Dó- mi- no De- o no- stro.

R. Di- gnum et ju- stum est. **V.** e- re dignum et ju- stum est, æ- quum
et sa- lu- tá re, nos ti- bi semper, et u- bí- que grá- ti- as
á- ge- re: Dómi- ne, sancte Pa- ter, omní- po- tens æ- térne De- us:

Et te in * * * * * be- á- ti Jo- seph dé- bi- tis magni- fi- cá- re præ-
có- ni- is, be- ne- dí- ce- re et præ- di- cá- re. Qui et vir justus,



a te De- i-pa-ræ Vírgi-ni Sponsus est da-tus: et fi-dé-lis servus

ac pru-dens, su-per Famí-li- am tu- am est consti- tú-tus: ut U-ni-gé-

ni- tum tu- um, Sancti Spí-ri- tus o-bumbra-ti- ó-ne concéptum, pa-tér-

na vi-ce custo- dí-ret, Je-sum Chri-stum Dó- mi-num no- strum.

Per quem ma-jestá-tem tu- am laudant Ange-li, ad-ó-rant Domi-na-

ti- ó-nes, tre-munt Po- testá- tes. Cæ-li, cæ-lo-rúmque Vir- tú-tes,

ac be- á- ta Sé-raphim, só- ci- a exsul-ta-ti- ó- ne concé- le-

brant. Cum qui-bus et nostras vo-ces, ut admít-ti jú-be- as, depre-

cámur, súp- pli- ci confes-si- ó- ne di- cén- tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.


Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE APOSTOLIS

Per ómni- a sæ-cu-la sæ-cu-ló- rum. **R.** Amen. **✠** Dómi-nus
vo-bís- cum. **R.** Et cum spí- ri- tu tu- o. **✠** Sur- sum corda.
R. Ha- bé- mus ad Dó- mi- num. **✠** Grá- ti- as a- gá- mus Dó- mi- no
De- o no- stro. **R.** Di- gnum et ju- stum est.
Ve- re di- gnum et ju- stum est, æquum et sa- lu- tá- re:
Te, Dómi- ne, supplí- ci- ter ex- o- rá- re, ut gre- gem tu- um, pastor
æ- térne, non dé- se- ras: sed per be- á- tos A- pó- sto- los tu- os,
contí- nu- a pro- tecti- ó- ne cu- stó- di- as: Ut i- ís- dem
rectó- ri- bus gu- ber- né- tur, quos ó- pe- ris tu- i vi- cá- ri- os



e- í-dem contu- lí- sti præ- és- se pastó- res. Et íd- e- o
cum Ange- lis et Archánge- lis, cum Thro- nis et Do- mi- na-
ti- ó- ni- bus, cumque omni mi- lí- ti- a cæ- lé- stis ex- ér- ci- tus,
hym- num gló- ri- æ tu- æ cá- nimus, si- ne fi- ne di- cén- tes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO COMMUNIS

P er ómni- a sæ-cu- la sæ-cu- ló- rum. **R.** Amen. **Y** Dómi-nus

vo- bís- cum. **R.** Et cum spí- ri- tu tu- o. **Y** Sur- sum corda.

R. Ha- bé- mus ad Dó- mi- num. **Y** Grá- ti- as a- gá- mus Dó- mi- no

De- o no- stro. **R.** Di- gnum et ju- stum est.


V e- re di- gnum et ju- stum est, æ- quum et sa- lu- tá- re,

nos ti- bi semper, et u- bí- que grá- ti- as á- ge- re: Dómi- ne,

sancte Pa- ter, omní- po- tens æ- térne De- us: per Chri- stum

Dó- mi- num no- strum. Per quem ma- je- stá- tem tu- am

laudent Ange- li, ad- ó- rant Do- mi- na- ti- ó- nes, tre- munt



Po-testá- tes. Cæ-li, cæ- lo- rúmque Vir- tú-tes, ac be- á- ta

Sé- raphim, só- ci- a exsul- ta- ti- ó- ne concé- lebrant.

Cum qui- bus et nostras vo- ces, ut admít- ti júbe- as, depre- cámur,


súp- pli- ci confes- si- ó- ne di- cén- tes:

Sanctus, Sanctus, Sanctus Dóminus Deus Sábaoth.
 Pleni sunt cæli et terra glória tua.
 Hosánna in excélsis.
 Benedíctus qui venit in nómine Dómini.
 Hosánna in excélsis.

III. TONI "ITE, MISSA EST"

In festis I classis I


Missa II



III
I - te, Mis- sa est.

In festis II classis 2, 3, 4 et 5

Missa V



VIII
I - te, Mis- sa est.

(232)

IV. Ad aspersionem aquæ


Missa VI



Missa VII



Missa VIII



In festis III classis 2 et 3

Missa XIII



Missa XIV



IV. AD ASPERSIONEM AQUÆ

(Extra tempus paschale)



Finis editionis typicæ

APPENDIX

AD MISSALE ROMANUM

I. EXCERPTA E RITUALI ROMANO

BENEDICTIONES DIVERSÆ

BENEDICTIO AGNI IN PASCHA

℣. Adiutórium nostrum in nómine Dómini.

℞. Qui fecit cælum et terram.

℣. Dóminus vobíscum.

℞. Et cum spíritu tuo.

Orémus.

Deus, qui per fámulum tuum Móysen, in liberatióne pópuli tui de Ægýpto, agnum occídi iussísti in similitúdinem Dómini nostri Iesu Christi, et utrósque postes domórum de sáanguine eiúsdem agni perúngi præcepísti: ita bene ✠ dicere, et sancti ✠ ficáre dignéris hanc creatúram carnis, quam nos fámuli tui ad laudem tuam súmere desiderámus, per resurrectionem eiúsdem Dómini nostri Iesu Christi: Qui tecum vivit et regnat in sácula sáculórum. **℞. Amen.**

Et aspergatur aqua benedicta.

BENEDICTIO OVORUM

℣. Adiutórium nostrum in nómine Dómini.

℞. Qui fecit cælum et terram.

℣. Dóminus vobíscum.

℞. Et cum spíritu tuo.

Q MISSALE ROM.

Orémus.

Subvéniat, quæsumus, Dómine, tuæ bene ✠ dictiónis grátia huic ovórum creatúræ: ut cibus salúbris fiat fidélibus tuis, in tuárum gratiárum actióne suméntibus, ob resurrectionem Dómini nostri Iesu Christi: Qui tecum vivit et regnat in sácula sáculórum. **℞. Amen.**

Et aspergantur aqua benedicta.

BENEDICTIO PANIS

℣. Adiutórium nostrum in nómine Dómini.

℞. Qui fecit cælum et terram.

℣. Dóminus vobíscum.

℞. Et cum spíritu tuo.

Orémus.

Dómine, sancte Pater, omnípotens ætérne Deus, bene ✠ dicere dignéris hunc panem tua sancta spirituáli benedictióne: ut sit ómnibus suméntibus salus mentis et córporis; atque contra omnes morbos, et univérsas inimicórum insídias tutámen. Per Dóminum nostrum Iesum Christum Fílium tuum, panem vivum, qui de cælo descéndit, et dat vitam et salútem mundo: et tecum vivit et regnat in sácula sáculórum. **℞. Amen.**

Et aspergatur aqua benedicta.

BENEDICTIO NOVORUM FRUCTUUM

℣. Adiutórium nostrum in nómine Dómini.

℞. Qui fecit cælum et terram.

℣. Dóminus vobíscum.

℞. Et cum spíritu tuo.

Orémus.

Béne ✠dic, Dómine, hos novos fructus **N.** et præsta: ut, qui ex eis in tuo sancto nómine vescéntur, cörperis et ánimæ salúte potiántur. Per Christum Dóminum nostrum.

℞. Amen.

Et aspergantur aqua benedicta.

BENEDICTIO AD QUODCUMQUE COMESTIBILE

℣. Adiutórium nostrum in nómine Dómini.

℞. Qui fecit cælum et terram.

℣. Dóminus vobíscum.

℞. Et cum spíritu tuo.

Orémus.

Béne ✠dic, Dómine, creatúram istam **N.**, ut sit remédium salutáre géneri humáno: et præsta per invocatióem sancti nóminis tui; ut, quicúmque ex ea sumpserint, cörperis sanitátem, et ánimæ tutelam percípiant. Per Christum Dóminum nostrum.

℞. Amen.

Et aspergatur aqua benedicta.

BENEDICTIO CANDELARUM

℣. Adiutórium nostrum in nómine Dómini.

℞. Qui fecit cælum et terram.

℣. Dóminus vobíscum.

℞. Et cum spíritu tuo.

Orémus.

Dómine Iesu Christe, Fili Dei vivi, béne ✠dic candélas istas

supplicatióibus nostris: infúnde eis, Dómine, per virtútem sanctæ Cru ✠cis, benedictiónem cæléstem, qui eas ad repelléndas ténebras humano géneri tribuísti: talémque benedictiónem signáculo sanctæ Cru ✠cis accípiant, ut, quibuscúmque locis accénsæ sive pósitæ fúerint, discédant príncipes tenebrárum, et contremíscant, et fúgiant pávidi cum ómnibus minístris suis ab habitatióibus illis: nec præsumant ámplius inquietáre, aut molestáre serviéntes tibi omnipoténti Deo: Qui vivis et regnas in sácula sæculórum.

℞. Amen.

Et aspergantur aqua benedicta.

BENEDICTIO AD OMNIA

Hæc benedictionis formula adhiberi potest a quovis sacerdote pro omnibus rebus, quarum specialis benedictio in Rituali non habetur.

℣. Adiutórium nostrum in nómine Dómini.

℞. Qui fecit cælum et terram.

℣. Dóminus vobíscum.

℞. Et cum spíritu tuo.

Orémus.

Deus, cuius verbo sanctificántur ómnia, béne ✠dictiónem tuam effúnde super creatúram istam (creatúras istas): et præsta; ut, quisquis ea (eis) secúndum legem et voluntátem tuam cum gratiárum actiône usus fúerit, per invocatióem sanctíssimi nóminis tui, cörperis sanitátem et ánimæ tutelam, te auctóre, percípiat. Per Christum Dóminum nostrum.

℞. Amen.

Et aspergatur (vel aspergantur) aqua benedicta.

II. EXCERPTA E PONTIFICALI ROMANO

ORDO AD PATENAM ET CALICEM CONSECRANDUM

Consecratio patenæ et calicis fieri potest quolibet die, loco convenienti.

Parentur: sanctum chrisma, et quæ necessaria sunt ad abluendum et extergendum ipsum calicem et patenam et manus Pontificis. Calix insuper et patena deponantur super mensa, alba tobalea cooperta, vel super altari.

Si plures patenæ et calices sint consecranda, Pontifex unctiones super singula successive perficit, orationes vero numero plurali semel dicit.

Pontifex, stans cum rochetto, stola alba et mitra auriphrygiata, dicit:

℣. Adiutórium nostrum in nómine Dómini.

℞. Qui fecit cælum et terram.

Orémus, fratres caríssimi, ut divínæ grátiae benedictio cónsecret, et sanctíficet hanc paténam (has paténas), ad confringéndum in ea (in eis) corpus Dómini nostri Iesu Christi, qui Crucis passiónem sustínuit pro nostrum ómnium salúte.

Tum, deposita mitra, dicit:

℣. Dóminus vobíscum.

℞. Et cum spíritu tuo.

Orémus.

Oratio

Ómnípotens sempitérne Deus, qui legálium institútor es hostiárum, quique inter eas conspérsam similáginem deférri in paténis

áureis et argénteis ad altáre tuum iussísti: benedícere, sancti ✠ ficáre, et consecráre dignéris hanc paténam (has paténas), in administratiónem Eucharístiæ Iesu Christi Fílii tui, qui pro nostra omniúmque salúte seípsum tibi Deo Patri in patíbulo Crucis elégit immolári, ac tecum vivit et regnat in sácula sæculórum. ℞. Amen.

Tum Pontifex, accepta mitra, facit cum pollice dexteræ manus sancto chrismate intincto crucem super singulas patenas, ab ora in oram, dicens:

Consecráre, et sanctificáre dignéris, Dómine Deus, paténam hanc per istam unctionem, et nostram bene ✠ dictiónem in Christo Iesu Dómino nostro: Qui tecum vivit et regnat in sácula sæculórum. ℞. Amen.

Deinde, stans adhuc cum mitra, procedit ad benedictionem calicis, dicens:

Orémus, fratres caríssimi, ut Deus et Dóminus noster cálicem istum (cálices istos) in usum ministérii sui consecrándum (consecrándos), cæléstis grátiae inspiratiónem sanctíficet: et ad humánam consecratiónem plenitúdinem divíni favóris accómmode. Per Christum Dóminum nostrum. ℞. Amen.

Tum, deposita mitra, dicit:

℣. Dóminus vobíscum.

℞. Et cum spíritu tuo.

Orémus.

Dignáre, Dómine Deus noster, cálicem hunc (cálices hos) bene ✠ dicere, in usum ministérii tui pia famulátus devotióne formátum (formátos), et ea sanctificatióne perfúndere, qua Melchisedech fámuli tui sacrátum cálicem perfudísti: et quod arte vel metálii natura éffici non potest altáribus tuis dignum, fiat tua benedictiόne sanctificátum. Per Christum Dóminum nostrum. **R7.** Amen.

Deinde, accepta mitra, facit crucem cum pollice dexteræ manus de sancto chrismate intra singulos calices a labio in labium, dicens:

Consecráre, et sanctificáre dignéris, Dómine Deus, cálicem hunc per istam unctiόnem, et nostram bene ✠ dictionem in Christo Iesu Dómino nostro: Qui tecum vivit et regnat in sácula sæculórum.

R7. Amen.

Oratio

Tum, deposita mitra, dicit super calicem et patenam:

V. Dóminus vobíscum.

R7. Et cum spíritu tuo.

Orémus.

Oratio

Omnípotens sempitérne Deus, mánibus nostris, quæsumus, opem tuæ benedictiόnis infúnde: ut per nostram bene ✠ dictionem hoc vásculum et paténa (hæc váscula et paténæ) sanctificéntur, et Córporis et Ságuinis Dómini nostri Iesu Christi novum sepúlcrum Sancti Spíritus grátia efficiántur. Per eúndem Christum Dóminum nostrum.

R7. Amen.

Quo facto, abstergere facit per aliquem sacerdotem patenam et calicem cum mica panis, et bene mundare; deinde extersiones proiciuntur in ignem, vel sacrarium.

BENEDICTIO ANTIMENSII SEU LINTEI

LOCO TABULÆ

IN CELEBRATIONE MISSÆ ADHIBENDI

EX APOSTOLICO INDULTO

Pontifex, postquam aliquas authenticas reliquias sanctorum Martyrum recognoverit, eas in parvo quodam sacculo includit, quod in angulo dextero linteï benedicendi assuatur; deinde linteam benedicit, stans cum rochetto et stola alba, sine mitra, dicens:

V. Adiutórium nostrum in nómine Dómini.

R7. Qui fecit cælum et terram.

V. Dóminus vobíscum.

R7. Et cum spíritu tuo.

Orémus.

Oratio

Maiestátem tuam, Dómine, humíliter implorámus, ut lín-

teum hoc ad suscipiéndam pópuli tui múnera præparátum, per nostræ humilitátis servítium bene ✠ dicere dignéris: ut super eo sanctum Sacrificium tibi offérre valeámus, ad honórem beatíssimæ Vírginis Mariæ, Sanctórum **N.N.** quorum reliquias in eo reposúimus, et ómnium Sanctórum: et præsta; ut per hæc sacrosáncta mystéria víncula peccatórum nostrórum absolvántur, máculæ deleántur, vénia impetréntur, grátia acquirámur, quátenus una cum sanctis Eléctis tuis vitam percípere mereámur. Per Christum Dóminum nostrum. **R7.** Amen.

Et aspergit illud aqua benedicta.

BENEDICTIO VASORUM SACRORUM
ET ORNAMENTORUM
ECCLESIE VEL ALTARIS IN GENERE

Pontifex sacra vasa, vel ornamenta ecclesiæ, aut altaris benedicere volens, stans cum rochetto et stola alba, sine mitra, dicit:

℣. Adiutorium nostrum in nomine Domini.

℟. Qui fecit cælum et terram.

℣. Dominus vobiscum.

℟. Et cum spiritu tuo.

Orémus.

Oratio

Omnípotens sempitérne Deus, a quo ómnia immúnda purgán-

tur, et in quo ómnia purgáta claréscunt: súpplíces omnipoténtiam tuam invocámus, ut ab his vasis et ornáméntis, quæ tibi ófferunt fámulí tui, omnis spíritus immúndus confúsus longe discédát, et per tuam bene ✠ dictionem ad usum et ministérium sancti altáris et ecclesiæ tuæ sanctificáta permáneant. Per Christum Dóminum nostrum.

℟. Amen.

Deinde aspergit ea aqua benedicta.

BENEDICTIO TABERNACULI,
PYXIDIS, OSTENSORII, THECÆ

Pontifex tabernaculum, pyxidem, ostensorium vel thecam benedicere volens, stans cum rochetto et stola alba, sine mitra, dicit:

℣. Adiutorium nostrum in nomine Domini.

℟. Qui fecit cælum et terram.

℣. Dominus vobiscum.

℟. Et cum spiritu tuo.

Orémus.

Oratio

Omnípotens sempitérne Deus, maiestátem tuam súpplíces deprecámur: ut tabernáculum (seu vásculum) hoc pro corpore Fílii tui Dómini nostri Iesu Christi in eo condéndo fabricátum, bene ✠ dictionis tuæ grátia dicáre dignéris. Per eúndem Christum Dóminum nostrum. **℟.** Amen.

Et aspergatur aqua benedicta.

BENEDICTIO TOBALEARUM ALTARIS

Pontifex tobaleas altaris benedicturus, stans cum rochetto et stola alba, sine mitra, dicit:

℣. Adiutorium nostrum in nomine Domini.

℟. Qui fecit cælum et terram.

℣. Dominus vobiscum.

℟. Et cum spiritu tuo.

Orémus.

Oratio

Dómine Deus omnipotens, qui Móysen fámulum tuum orna-

ménta et linteámina fácere per quadragínta dies docuísti, quæ étiam María téxuit, et fecit in usum ministérii tabernáculi fóederis, bene ✠ dicere dignéris hæc linteámina ad tegéndum, involvendúmque altáre gloriosíssimi Fílii tui Dómini nostri Iesu Christi: Qui tecum vivit et regnat in sácula sæculórum. **℟.** Amen.

Deinde aspergit eas aqua benedicta.

BENEDICTIO CORPORALIS

Pontifex corporale benedicere volens, stans cum rochetto et stola alba, sine mitra, dicit:

V. Adiutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Oratio

Clementissime Dómine, cuius inenarrábilis est virtus, cuius

mystéria arcánis mirabílibus celebrántur: tribue, quæsumus; ut hoc linteámen tuæ propitiatiónis benedictióne sanctificétur, ad consécrándum super illud Corpus et Sanguinem Dei et Dómini nostri Iesu Christi Fílii tui: Qui tecum vivit et regnat in sácula sæculórum.

R. Amen.

Deinde illud aspergit aqua benedicta.

BENEDICTIO PALLÆ

Pontifex pallam benedicere volens, stans cum rochetto et stola alba, sine mitra, dicit:

V. Adiutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Oratio

Omnípotens sempitérne Deus, bene ✠ dicere dignéris pallam istam ad tegéndum Corpus et Sanguinem Dómini nostri Iesu Christi Fílii tui: Qui tecum vivit et regnat in sácula sæculórum.

R. Amen.

Deinde aspergit eam aqua benedicta.

BENEDICTIO PURIFICATORII

Pontifex purificatorium benedicere volens, stans cum rochetto et stola alba, sine mitra, dicit:

V. Adiutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Oratio

Exáudi, Dómine, preces nostras: et hoc linteámen, sacri cálicis úsui præparátum, bene ✠ dicere dignéris. Per Christum Dóminum nostrum. **R.** Amen.

Deinde aspergit illud aqua benedicta.

BENEDICTIO SACERDOTALIUM INDUMENTORUM
IN GENERE

Pontifex sacerdotalia indumenta benedicere volens, stans cum rochetto et stola alba, sine mitra, dicit:

V. Adiutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Oratio

Omnípotens sempitérne Deus, qui per Móysen fámulum tuum, pontificália et sacerdotalia, seu levítica vestiménta ad expléndum in conspéctu tuo ministérium eórum, ad honórem et decórem nóminis tui fieri decrevísti: adésto propítius invocatió nibus nostris: ut

hæc indumentâ sacerdotâlia, désu-
per irrigânte grâtia tua, ingénti be-
nedictiône per nostræ humilitâtis
servitium bene ✠ dîcere dignéris,
ut divínis cûltibus et sacris mysté-
riis apta et benedîcta exsîstant: his
quoque sacris véstibus pontífices et
sacerdótes seu levítæ tui indúti,
ab ómnibus impulsiónibus seu ten-

tatióibus malignórum spirítuum
muníti et defénsi esse mereántur,
tuisque mystériis apte et condí-
gne servíre, et inhærere, atque in
his tibi plácite et devóte perseveráre
tribue. Per Christum Dóminum
nostrum. **R7.** Amen.

**Deinde aspergit ipsa indumenta
aqua benedicta.**

BENEDICTIO SPECIALIS CUIUSLIBET INDUMENTI

**Pontifex aliquod indumentum
sacerdotale benedicere volens, stans
cum rochetto et stola alba, sine
mitra, dicit:**

¶. Adiutórium nostrum in nó-
mine Dómini.

R7. Qui fecit cælum et terram.

¶. Dóminus vobíscum.

R7. Et cum spíritu tuo.

Orémus.

Oratio

Deus omnípotens, bonárum vir-
tútum dator, et ómnium be-
nedictiónum largus infúsor, súp-
plices te rogámus, ut mánibus no-
stris opem tuæ benedictiónis in-
fúndas, et has cáligas et sandália
(**vel amíctum, vel albam, vel cín-**

gulum, **vel stolam, vel manípulum,
vel tunicéllam, vel dalmáticam, vel
planétam, vel pluviále, vel velum
humerále**), divíno cûltui præpará-
tum (**vel præparátam vel præpa-
ráta**) virtúte Sancti Spíritus bene-
✠ dîcere dignéris, et ómnibus eo,
(**vel ea, vel eis**) uténtibus grátiam
sanctificatióis sacri mystérii tui
benígnus concéde; ut in conspéctu
tuo sancti et immaculáti atque irre-
prehensíbiles appáreant, et auxí-
lium misericórdiæ tuæ acquirant.
Per Christum Dóminum nostrum.

R7. Amen.

**Deinde aspergit indumentum
aqua benedicta.**

IMPRIMATUR

Mechliniæ, die 23 februarii 1962

P. THEEUWS, Vic. Gen.

Missa pro aliquibus locis

Die 16 maii

S. IOANNIS NEPOMUCENI MARTYRIS

Antiphona ad Introitum

Eccli. 51, 30

Dedit mihi Dóminus linguam
mercédem meam: et in ipsa
laudábo eum. (T. P. Alle-
lúia, allelúia.) Ps. 38, 2 Dixi: Custó-
diam vias meas, ut non delínquam
in lingua mea. V. Glória Patri.

Oratio

Deus, qui ob invíctum beáti
Ioánnis sacramentále silén-
tium nova Ecclésiám tuam martyrii
coróna decorásti: da; ut, eius exém-
plo et intercessióne, orí nostro cu-
stódiam ponéntes, beátis, qui lingua
non sunt lapsi, annumerémur. Per
Dóminum.

Lectio libri Sapiéntiæ.

Eccli. 21, 26-31

Stultus a fenestra respiciet in do-
mum: vir autem eruditus foris
stabit. Stultítia hóminis auscultáre
per óstium: et prudens gravábitur
contumélia. Lábia imprudentium
stulta narrábunt: verba autem pru-
dentium statéra ponderabúntur. In
ore fatuórum cor illórum: et in
corde sapiéntium os illórum. Dum
maledícit ímpius diábolum, male-
dícit ipse ánimam suam. Susúrro
coinquinábit ánimam suam, et in
ómnibus odiétur: et qui cum eo
mánserit, odiósus erit: tácitus et
sensátus honorábitur.

Tempore paschali:

Allelúia, allelúia. V. Eccli. 25, 11
Beátus, qui lingua sua non est
lapsus, et qui non servívit indignis
se. Allelúia. V. Prov. 10, 31 Lingua
pravórum períbit: lingua autem sa-
piéntium est sánitas. Allelúia.

Extra tempus paschale:

Graduale Prov. 11, 13 Qui ámbu-
lat fraudulénter, revélat arcána: qui
autem fidélis est ánimi, celat. V. Ps.
14, 1 et 3 Dómine, quis habitábit in
tabernáculo tuo, aut quis requiescet
in monte sancto tuo? Qui non egit
dolum in lingua sua: nec fecit pró-
ximo suo malum.

Allelúia, allelúia. V. Eccli. 25, 11
Beátus, qui lingua sua non est
lapsus, et qui non servívit indignis
se. Allelúia.

In Missis votivis post Septuage-
simam, omissis Allelúia, et versu
sequenti, dicitur

Tractus Iac. 1, 26; 3, 2 et 7-8 Si
quis putat se religiósus esse, non
refrénans linguam suam, sed sedú-
cens cor suum, huius vana est reli-
gio. V. Si quis in verbo non offéndit,
hic perféctus est vir. V. Omnis enim
natúra bestiárum domántur, et dó-
mita sunt a natúra humana: lin-
guam autem nullus hóminum do-
máre potest.

✠ Sequéntia sancti Evangélíi se-
cúndum Matthæum.

Matth. 11, 2-10

In illo témpore: Cum audísset
Ioánnes in vínculis ópera Christi,
mittens duos de discipulis suis, ait
illi: Tu es, qui ventúrus es, an álium
expectámus? Et respóndens Iesus,
ait illis: Eúntes renuntiáte Ioánni,
quæ audístis, et vidístis. Cæci
vident, claudi ámbulant, leprósi
mundántur, surdi áudiunt, mórtui
resúrgunt, páuperes evangelizántur:
et beátus est, qui non fúerit scan-
dalizátus in me. Illis autem abeún-
tibus, cœpit Iesus dicere ad turbas

de Ioánne: Quid exístis in desértum vidére? arúndinem vento agitatám? Sed quid exístis vidére? hóminem móllibus vestítum? Ecce, qui móllibus vestiúntur, in dómibus regum sunt. Sed quid exístis vidére? prophétam? Etiam dico vobis, et plus quam prophétam. Hic est enim, de quo scriptum est: Ecce, ego mitto Angelum meum ante fáciem tuam, qui præparábit viam tuam ante te.

Antiphona ad Offertorium Eccli. 42, 1 Non dúplices sermónem de revelatióne sermónis abscónditi, et eris vere sine confusióne: et invénies grátiam in conspéctu ómnium hóminum. (T. P. Allelúia.)

Secreta

Hæc tua, Dómine, sacra mystéria illum in nobis, quæsumus,

ignem accéndant: quo inclytus Martyr et Sacerdos tuus Ioánnes, ea peragendo, flagrabat. Per Dóminum.

Antiphona ad Communionem Isai. 6, 6-7 Volávit ad me unus de Séraphim: et in manu eius cálculus, quem túlerat de altári, et tétigit os meum. (T. P. Allelúia.)

Postcommunio

Fragilitátem nostram, Dómine, cæléstis hæc mensa fórtium pane confírmēt: qui beáti Mártyris et Sacerdótis tui Ioánnis tentátam contra honórem sacraménti constantiam, iúgiter áluit ad victóriam. Per Dóminum.

INDEX ALPHABETICUS OMNIUM FESTORUM

FESTA DOMINI

	Fol.		Fol.
Ascensio.	331	— vigilia, 24 decembris.	14
— vigilia.	329	— dominica infra octavam.	19
Commemoratio Baptismatis, 13 ianuarii.	37	— de V die infra octavam, 29 decembris.	27
Cordis sacratissimi, feria VI infra hebd. II post octavam Pentecostes.	355	— de VI die infra octavam, 30 decembris.	28
Corporis Christi.	351	— de VII die infra octavam, 31 decembris.	28
Dedicatio archibasilicæ Ssmi Salvatoris, 9 novembris.	665	— octava, 1 ianuarii.	29
— basilicarum Ss. Petri et Pauli App., 18 novembris.	672	Nominis Iesu, dominica a die 2 ad diem 5 ianuarii occurrenti vel, si hæc defecerit, die 2 ianuarii.	30
Epiphania, 6 ianuarii.	32	Pentecostes.	335
Exaltatio S. Crucis, 14 septembris.	610	— vigilia.	333
Familiæ Iesu, Mariæ, Ioseph, dominica I post Epiphaniam.	34	Resurrectio.	311
Iesu Christi Regis, dom. ultima octobris.	649	— octava.	322
Nativitas, 25 decembris.	15	Sanguinis pretiosissimi, 1 iulii.	533
		Transfiguratio, 6 augusti.	573
		Trinitatis Ssmæ.	349

FESTA BEATÆ Mariæ VIRGINIS

Annuntiatio, 25 martii.	460	Nativitas, 8 septembris.	606
Apparitio B. M. V. Immaculatæ, 11 februarii.	441	Nominis, 12 septembris.	609
Assumptio, 15 augusti.	585	Præsentatio, 21 novembris.	674
— vigilia, 14 augusti.	583	Purificatio, 2 februarii.	432
Conceptio immaculata, 8 decembris.	407	Regina, 31 maii.	503
Cordis immaculati, 22 augusti.	590	a Rosario, 7 octobris.	631
Dedicatio ad Nives, 5 augusti.	572	Septem Dolorum, feria VI post dom. I Passio- nis.	464
Maternitatis, 11 octobris.	639	Septem Dolorum, 15 septembris.	612
a Mercede, 24 septembris.	622	Visitatio, 2 iulii.	534
de Monte Carmelo, 16 iulii.	546		

FESTA SANCTORUM

A		B	
Abdon et Sennen Mm., 30 iulii.	565	Antonii de Padua Conf. et Eccl. Doct., 13 iunii.	514
Ægidii Abbatis, 1 septembris.	601	Antonii Mariæ Claret Ep. et Conf., 23 octobris.	647
Agapiti Mart., 18 augusti.	588	Antonini Ep. et Conf., 10 maii.	485
Agathæ Virg. et Mart., 5 februarii.	436	Apollinaris Ep. et Mart., 23 iulii.	557
Agnetis Virg. et Mart., 21 ianuarii.	419	Apolloniæ Virg. et Mart., 9 februarii.	440
— secundo, 28 ianuarii.	428	Athanasii Ep., Conf. et Eccl. Doct., 2 Maii.	480
Alberti Magni Ep., Conf. et Eccl. Doct., 15 novembris.	671	Augustini Ep. et Conf., 28 maii.	501
Alexandri, Eventii et Theoduli Mm. ac Iuvenalis Ep. et Conf., 3 maii.	482	Augustini Ep., Conf. et Eccl. Doct., 28 augusti.	596
Alexii Conf., 17 iulii.	547		
Alphonsi Mariæ de Ligorio Ep., Conf. et Eccl. Doct., 2 augusti.	569		
Aloisii Gonzagæ Conf., 21 iunii.	521	Barbaræ Virg. et Mart., 4 decembris.	404
Ambrosii Ep., Conf. et Eccl. Doct., 7 decembris.	406	Barnabæ Apostoli, 11 iunii.	511
Anastasie Mart. com., 25 decembris.	17	Bartholomæi Apostoli, 24 augusti.	592
Andreas Apostoli, 30 novembris.	399	Basilidis, Cyrini, Naboris et Nazarii Mm., 12 iunii.	513
Andreas Avellini Conf., 10 novembris.	666	Basili Magni Ep., Conf. et Eccl. Doct., 14 iunii.	514
Andreas Corsini Ep. et Conf., 4 februarii.	436	Bedæ Venerabilis Conf. et Eccl. Doct., 27 maii.	500
Angelæ Mericiæ Virg., 31 maii.	505	Benedicti Abbatis, 21 martii.	458
Angelorum Custodum, 2 octobris.	627	Bernardi Abbatis et Eccl. Doct., 20 augusti.	588
Aniceti Papæ et Mart., 17 aprilis.	471	Bernardini Senensis Conf., 20 maii.	496
Annæ Matris B. M. V., 26 iulii.	561	Bibianæ Virg. et Mart., 2 decembris.	401
Anselmi Ep., Conf. et Eccl. Doct., 21 Aprilis.	472	Birgittæ Viduæ, 8 octobris.	633
Antonii Abbatis, 17 ianuarii.	415	Blasii Ep. et Mart., 3 februarii.	436
Antonii Mariæ Zaccaria Conf., 5 iulii.	538	Bonaventuræ Ep., Conf. et Eccl. Doct., 14 iulii.	544
		Bonifatii Ep. et Mart., 5 iunii.	508
		Bonifatii Mart., 14 maii.	493
		Brunonis Conf., 6 octobris.	631

	Fol.		Fol.
C		G	
Cæciliæ Virg. et Mart., 22 novembris.	674	Gabrielis Archangeli, 24 martii.	458
Caletani Conf., 7 augusti.	574	Gabrielis a Virgine Perdolente Conf., 27 vel 28	
Callisti I Papæ et Mart., 14 octobris.	640	februarii.	448
Camilli de Lellis Conf., 18 iulii.	548	Georgii Mart., 23 aprilis.	472
Canuti Regis, Mart., 19 ianuarii.	417	Gertrudis Virg., 16 novembris.	671
Caroli Ep. et Conf., 4 novembris.	662	Gervasii et Protasii Mm., 19 iunii.	519
Casimiri Conf., 4 martii.	450	Gordiani et Epimachi Mm., 10 maii.	486
Catharinæ Senensis Virg., 30 aprilis.	479	Gorgonii Mart., 9 septembris.	608
Catharinæ Virg. et Mart., 25 novembris.	679	Gregorii I Papæ, Conf. et Eccl. Doct., 12 martii.	455
Cathedra S. Petri Ap., 22 februarii.	445	Gregorii VII Papæ et Conf., 25 maii.	497
Christinæ Virg. et Mart., 24 iulii.	559	Gregorii Barbadici Ep. et Conf., 17 iunii.	517
Christophori Mart., 25 iulii.	560	Gregorii Nazianzeni Ep., Conf. et Eccl. Doct.,	
Chrysanthi et Dariæ Mm., 25 octobris.	650	9 maii.	484
Chrysogoni Mart., 24 novembris.	678	Gregorii Thaumaturgi Ep. et Conf., 17 novem-	
Claræ Virg., 12 augusti.	582	bris.	671
Clementis I Papæ et Mart., 23 novembris.	675	Gulielmi Abbatis, 25 iunii.	526
Cleti et Marcellini Pp. et Mm., 26 aprilis.	475		
Commemoratio omnium Fidelium defunctorum,		H	
2 novembris.	657	Hadriani Mart., 8 septembris.	608
Cornelii Papæ et Cypriani Ep., Mm., 16 septem-		Hedwigis Viduæ, 16 octobris.	641
bris.	614	Henrici Imperatoris, Conf., 15 iulii.	546
Cosmæ et Damiani Mm., 27 septembris.	623	Hermenegildi Mart., 13 aprilis.	468
Cypriani et Iustinæ Virg., Mm., 26 septembris.	623	Hermetis Mart., 28 augusti.	598
Cyriaci, Largi et Smaragdi Mm., 8 augusti.	577	Hieronymi Æmiliani Conf., 20 iulii.	551
Cyrilli Ep. Alexandrini, Conf. et Eccl. Doct.,		Hieronymi Presb., Conf. et Eccl. Doct., 30 sep-	
9 februarii.	440	tembris.	626
Cyrilli Ep. Hierosolymitani, Conf. et Eccl.		Hilarii Ep., Conf. et Eccl. Doct., 14 ianuarii.	412
Doct., 18 martii.	455	Hilarionis Abbatis, 21 octobris.	646
Cyrilli et Methodii Epp. et Cc., 7 iulii.	539	Hippolyti et Cassiani Mm., 13 augusti.	582
		Hyacinthi Conf., 17 augusti.	587
D		Hygini Papæ et Mart., 11 ianuarii.	37
Damasi I Papæ et Conf., 11 decembris.	409		
Didaci Conf., 13 novembris.	669	I	
Dionysii Ep., Rustici et Eleutherii Mm., 9 octo-		Iacobi Apostoli, 25 iulii.	559
bris.	637	Iacobi et Philippi Apostolorum, 11 maii.	487
Dominici Conf., 4 augusti.	571	Ianuarii Ep. et Sociorum Mm., 19 septembris.	618
Donati Ep. et Mart., 7 augusti.	576	Ignatii Conf., 31 iulii.	566
Dorotheæ Virg. et Mart., 6 februarii.	439	Ignatii Ep. et Mart., 1 februarii.	431
Duodecim Fratrum Mm., 1 septembris.	602	Innocentium Mm., 28 decembris.	24
		Ioachim Patris B. M. V., Conf., 16 augusti.	586
E		Ioannæ Franciscæ Frémot de Chantal Vid.,	
Eduardi Regis, Conf., 13 octobris.	640	21 augusti.	589
Eleutherii Papæ et Mart., 26 maii.	500	Ioannis Ap. et Ev., 27 decembris.	22
Elisabeth Reginæ, Viduæ, 8 iulii.	541	Ioannis Baptistæ Decollatio, 29 augusti.	598
Elisabeth Viduæ, 19 novembris.	672	— Nativitas, 24 iunii.	524
Emerentianæ Virg. et Mart., 23 ianuarii.	421	— vigilia, 23 iunii.	523
Ephræm Syri Diaconi, Conf. et Eccl. Doct.,		Ioannis Baptistæ de la Salle Conf., 15 maii.	494
18 iunii.	517	Ioannis Bosco Conf., 31 ianuarii.	430
Euphemie Virg., Lucie et Geminiani Mm.,		Ioannis Cantii Conf., 20 octobris.	645
16 septembris.	615	Ioannis de Capistrano Conf., 28 martii.	463
Eusebii Ep. et Mart., 16 decembris.	410	Ioannis Chrysostomi Ep., Conf. et Eccl. Doct.,	
Eusebii Conf., 14 augusti.	584	27 ianuarii.	426
Eustachii et Sociorum Mm., 20 septembris.	619	Ioannis a Cruce Conf. et Eccl. Doct., 24 novem-	
Evaristi Papæ et Mart., 26 octobris.	651	bris.	677
		Ioannis Damasceni Conf. et Eccl. Doct., 27	
F		martii.	461
Fabiani Papæ et Sebastiani Mm., 20 ianuarii.	418	Ioannis a Deo Conf., 8 martii.	452
Faustini et Iovitæ Mm., 15 februarii.	444	Ioannis Eudes Conf., 19 augusti.	588
Felices I Papæ et Mart., 30 Maii.	503	Ioannis a S. Facundo Conf., 12 iunii.	512
Felices Presb. et Mart., 14 ianuarii.	412	Ioannis Gualberti Abbatis, 12 iulii.	543
Felices de Valois Conf., 20 novembris.	673	Ioannis Leonardi Conf., 9 octobris.	635
Felices et Adaucti Mm., 30 augusti.	600	Ioannis Mariæ Vianney Conf., 8 augusti.	577
Felices, Simplicii, Faustini et Beatricis Mm.,		Ioannis de Matha Conf., 8 februarii.	439
29 iulii.	565	Ioannis et Pauli Mm., 26 iunii.	526
Felicitatis Mart., 23 novembris.	676	Ioannis I Papæ et Mart., 27 maii.	501
Fidelis a Sigmaringa Mart., 24 aprilis.	473	Iosaphat Ep. et Mart., 14 novembris.	670
Franciscæ Romanæ Vid., 9 martii.	453	Iosephe Sponsi B. M. V. Conf. et Eccl. univ.	
Francisci Conf., 4 octobris.	629	patroni, 19 martii.	457
— com. Impressionis Ss. Stigmatum, 17 septem-		— Opificis, Sponsi B. M. V., Conf., 1 maii.	479
bris.	615	Iosephe Calasancii Conf., 27 augusti.	595
Francisci Borgia Conf., 10 octobris.	638	Iosephe de Cupertino Conf., 18 septembris.	616
Francisci Caracciolo Conf., 4 iunii.	507	Irenæi Ep. et Mart., 3 iulii.	537
Francisci de Paula Conf., 2 aprilis.	466	Isidori Ep., Conf. et Eccl. Doct., 4 aprilis.	467
Francisci Salesii Ep., Conf. et Eccl. Doct.,		Iudæ et Simonis Apostolorum, 28 octobris.	652
29 ianuarii.	429	Iulianæ de Falconeriis Virg., 19 iunii.	519
Francisci Xaverii Conf., 3 decembris.	401	Iustini Mart., 14 aprilis.	469

	Fol.		Fol.
L			
Laurentii Mart., 10 augusti.	580	Petri Damiani Ep., Conf. et Eccl. Doct., 23 fe-	
— vigilia, 9 augusti.	578	bruarii.	446
Laurentii de Brundusio Conf. et Eccl. Doct.,		Petri Nolasci Conf., 28 ianuarii.	427
21 iulii.	553	Petronillæ Virg., 31 maii.	505
Laurentii Iustiniani Ep. et Conf., 5 septembris.	606	Philippi Benitii Conf., 23 augusti.	592
Leonis I Papæ, Conf. et Eccl. Doct., 11 aprilis.	468	Philippi et Iacobi Apostolorum, 11 maii.	487
Liborii Ep. et Conf., 23 iulii.	558	Philippi Nerii Conf., 26 maii.	498
Lini Papæ et Mart., 23 septembris.	621	Pii I Papæ et Mart., 11 iulii.	542
Lucae Evangelistæ., 18 octobris.	643	Pii V Papæ et Conf., 5 maii.	483
Luciæ Virg. et Mart., 13 decembris.	409	Pii X Papæ et Conf., 3 septembris.	604
Lucii I Papæ et Mart., 4 martii.	450	Placidi et Sociorum Mm., 5 octobris.	630
Ludovici Regis, Conf., 25 augusti.	594	Polycarpi Ep. et Mart., 26 ianuarii.	425
M		Pontiani Papæ et Mart., 19 novembris.	673
Machabæorum Mm., 1 augusti.	568	Praxedis Virg., 21 iulii.	554
Marcelli I Papæ et Mart., 16 ianuarii.	414	Primi et Feliciani Mm., 9 iunii.	510
Marcellini, Petri atque Erasmi Ep., Mm., 2 iunii.	506	Priscæ Virg. et Mart., 18 ianuarii.	416
Marci Evangelistæ., 25 aprilis.	474	Processi et Martiniani Mm., 2 iulii.	536
Marci et Marcelliani Mm., 18 iunii.	518	Proti et Hyacinthi Mm., 11 septembris.	608
Marci Papæ et Conf., 7 octobris.	633	Pudentianæ Virg., 19 maii.	496
Margaritæ Virg. et Mart., 20 iulii.	552	Q	
Margaritæ Reginæ, Vid., 10 iunii.	511	Quadraginta Martyrum, 10 martii.	454
Margaritæ Mariæ Alacoque Virg., 17 octobris.	641	Quatuor Coronatorum Mm., 8 novembris.	664
Mariæ Magdalenæ de Pazzis Virg., 29 maii.	503	R	
Mariæ Magdalenæ Pænitentis, 22 iulii.	555	Raphaëlis Archangeli, 24 octobris.	648
Marii, Marthæ, Audifacis et Abachum Mm.,		Raymundi Nonnati Conf., 31 augusti.	601
19 ianuarii.	416	Raymundi de Peñafort Conf., 23 ianuarii.	421
Marthæ Virg., 29 iulii.	564	Remigii Ep. et Conf., 1 octobris.	627
Martinæ Virg. et Mart., 30 ianuarii.	429	Roberti Bellarmino Ep., Conf. et Doct., 13 maii.	492
Martini Ep. et Conf., 11 novembris.	667	Romani Mart., 9 augusti.	580
Martini I Papæ et Mart., 12 novembris.	669	Romualdi Abbatis, 7 februarii.	439
Matthæi Ap. et Ev., 21 septembris.	619	Rosæ Limanæ Virg., 30 augusti.	600
Matthiæ Ap., 24 vel 25 februarii.	447	S	
Mauri Abbatis, 15 ianuarii.	414	Sabbæ Abbatis, 5 decembris.	404
Mauritii et Sociorum Mm., 22 septembris.	621	Sabinæ Mart., 29 augusti.	599
Melchiadis Papæ et Mart., 10 decembris.	408	Sanctorum omnium, 1 novembris.	654
Mennæ Mart., 11 novembris.	669	Saturnini Mart., 29 novembris.	399
Michaëlis Archangeli Dedicatio, 29 septembris.	625	Scholasticæ Virg., 10 februarii.	441
Monicæ Viduæ, 4 maii.	482	Septem Fratrum Mm. ac Rufinæ et Secundæ	
N		Vv. et Mm., 10 iulii.	541
Naboris et Felicis Mm., 12 iulii.	544	Septem Fundatorum Ordinis Servorum	
Nazarii et Celsi Mm., Victoris I Papæ et Mart.		B. M. V., Cc., 12 februarii.	442
ac Innocentii I Papæ et Conf., 28 iulii.	563	Sergii, Bacchi, Marcelli et Apuleii Mm., 8 octo-	
Nerei, Achillei, Domitillæ Virg. atque Pancratii		bris.	635
Mm., 12 maii.	490	Silverii Papæ et Mart., 20 iunii.	520
Nicolai Ep. et Conf., 6 decembris.	404	Silvestri Abbatis, 26 novembris.	679
Nicolai de Tolentino Conf., 10 septembris.	608	Silvestri I Papæ et Conf., 31 decembris.	29
Nicomedis Mart., 15 septembris.	614	Simeonis Ep. et Mart., 18 februarii.	444
Norberti Ep. et Conf., 6 iunii.	509	Simonis et Iudæ Apostolorum, 28 octobris.	652
O		Soteris et Caii Pp. et Mm., 22 aprilis.	472
Omnium Fidelium defunctorum commemoratio,		Stanislai Ep. et Mart., 7 maii.	484
2 novembris.	657	Stephani I Papæ et Mart., 2 augusti.	571
Omnium Sanctorum, 1 novembris.	654	Stephani Protomartyris, 26 decembris.	20
P		Stephani Regis, Conf., 2 septembris.	603
Pantaleonis Mart., 27 iulii.	562	Symphorosæ et septem filiorum Mm., 18 iulii.	550
Paschalis Baylon Conf., 17 maii.	495	T	
Patricii Ep. et Conf., 17 martii.	455	Telesphori Papæ et Mart., 5 ianuarii.	32
Pauli Ap. commemoratio, 30 iunii.	531	Teresiæ Virg., 15 octobris.	641
— Conversio, 25 ianuarii.	423	Teresiæ a Iesu Infante Virg., 3 octobris.	628
Pauli a Cruce Conf., 28 aprilis.	476	Theclæ Virg. et Mart., 23 septembris.	622
Pauli primi Eremitæ, Conf., 15 ianuarii.	413	Theodori Mart., 9 novembris.	665
Paulini Ep. et Conf., 22 iunii.	522	Thomæ Apostoli, 21 decembris.	411
Perpetuæ et Felicitatis Mm., 6 martii.	451	Thomæ de Aquino Conf. et Eccl. Doct., 7 martii.	451
Petri et Pauli Apostolorum, 29 iunii.	528	Thomæ Ep. et Mart., 29 decembris.	27
— vigilia, 28 iunii.	527	Thomæ de Villanova Ep. et Conf., 22 septem-	
Petri Mart., 29 aprilis.	478	bris.	620
Petri de Alcantara Conf., 19 octobris.	644	Tiburtii et Susannæ Virg., Mm., 11 augusti.	581
Petri Alexandrini Ep. et Mart., 26 novembris.	680	Tiburtii, Valeriani et Maximi Mm., 14 aprilis.	471
Petri Canisii Conf. et Eccl. Doct., 27 aprilis.	476	Timothei Ep. et Mart., 24 ianuarii.	422
Petri Chrysologi Ep., Conf. et Eccl. Doct.,		Timothei, Hippolyti Ep. et Symphoriani Mm.,	
4 decembris.	402	22 augusti.	592
Petri Cælestini Papæ et Conf., 19 maii.	496	Titi Ep. et Conf., 6 februarii.	437
		Tryphonis, Respicii et Nymphæ Virg., Mm.,	
		10 novembris.	666

	Fol.		Fol.
U		Viti, Modesti atque Crescentiæ Mm., 15 iunii.	516
Ubaldi Ep. et Conf., 16 maii.	495	W	
Urbani I Papæ et Mart., 25 maii.	498	Wenceslai Ducis, Mart., 28 septembris.	624
Ursulæ et Sociarum Vv. et Mm., 21 octobris.	647	X	
V		Xysti II Papæ, Felicissimi et Agapiti Mm., 6 augusti.	574
Valentini Presb. et Mart., 14 februarii.	444	Z	
Venantii Mart., 18 maii.	495	Zephyrini Papæ et Mart., 26 augusti.	595
Vincentii Ferrerii Conf., 5 aprilis.	467		
Vincentii a Paulo Conf., 19 iulii.	550		
Vincentii et Anastasii Mm., 22 ianuarii.	420		
Vitalis et Agricolæ Mm., 4 novembris.	663		

COMMUNE SANCTORUM

Unius aut plurium Summorum Pontificum.	(1)	Confessoris non Pontificis.	(20)
Unius Martyris extra tempus paschale.	(3)	Abbatum.	(23)
Plurimorum Martyrum extra tempus paschale.	(8)	Virginum.	(24)
Martyrum tempore paschali.	(13)	Non Virginum.	(30)
Confessoris Pontificis.	(17)	Dedicationis ecclesiæ.	(33)
Doctorum.	(19)	Festorum B. Mariæ Virg.	(35)
		De sancta Maria in sabbato.	(37)

MISSÆ VOTIVÆ

De sanctissima Trinitate.	(42)	In benedictione cœmeterii.	(65)
De Angelis.	(43)	In reconciliatione ecclesiæ et cœmeterii.	(66)
De S. Ioseph.	(44)	Pro Sponsis.	(66)
De Ss. Petro et Paulo Apostolis.	(45)	In 25 ^o et 50 ^o anniversario a celebratione matrimonii.	(68)
De S. Petro Apostolo seorsim a S. Paulo Apostolo.	530	In die professionis Religiosorum.	(69)
De omnibus Ss. Apostolis.	(47)	In die professionis Religiosarum.	(70)
De Spiritu Sancto.	(48)	Ad vocationes ecclesiasticas petendas.	(71)
De Ssmo Eucharistiæ Sacramento.	(50)	Ad vocationes ecclesiasticas servandas.	(73)
De D. N. Iesu Christo Summo et æterno Sacerdote.	(51)	Ad vocationes religiosas petendas et fovendas.	(74)
De sancta Cruce.	(53)	Pro Fidei propagatione.	(76)
De Passione Domini.	(54)	Pro Ecclesiæ defensione.	(77)
De sacratissimo Corde Iesu.	(55)	Pro Ecclesiæ unitate.	(79)
De S. Maria.	(57)	Tempore belli.	(80)
De omnibus Sanctis.	655	Pro pace.	(82)
Pro eligendo Summo Pontifice.	(58)	Tempore mortalitatis.	(83)
In die coronationis Papæ et in eius anniversario.	(59)	Pro remissione peccatorum.	(84)
In consecratione Episcopi.	(61)	Pro peregrinantibus, iter agentibus et profugis.	(85)
In anniversario Episcopi.	(62)	Pro infirmis.	(87)
In collatione Ordinum.	(63)	Ad postulandam gratiam bene moriendi.	(89)
In benedictione Abbatis.	(64)	Pro quacumque necessitate.	(90)
In benedictione Abbatissæ.	(64)	Pro gratiarum actione.	(91)
In benedictione et consecratione Virginum.	(65)	Orationes diversæ.	(92)

MISSÆ DEFUNCTORUM

In commemoratione omnium Fidelium defunctorum.	657, (103)	In die obitus seu depositionis defuncti.	(119)
Pro defunctis Summo Pontifice, Cardinalibus, Episcopis et sacerdotibus.	(119)	In anniversario defunctorum qui non sint sacerdotes.	(105)
In anniversariis omnium defunctorum aliquius Ordinis vel Congregationis clericalis.	(103)	In Missis quotidianis defunctorum.	(107)
		Orationes diversæ.	(109)
		Ordo absolutionis, præsentem corpore.	(116)
		Ordo absolutionis, absente corpore.	(123)

MISSÆ PRO ALIQUIBUS LOCIS

I. - IN HONOREM D. N. I. C.

Crucis Inventio, 3 maii.	(137)
Redemptoris Ssmi, 23 octobris.	(179)

II. - IN HONOREM B. M. V.

Auxilium Christianorum, 24 maii.	(148)
a Bono Consilio, 26 aprilis.	(133)
a Consolatione, Sabb. post festum S. Augustini E. C. D.	(171)
D. N. a S. Corde Iesu, 8 maii.	(143)

Matris Gratia, 9 iunii.	(151)
Matris Misericordiæ, sabb. ante Dom. IV iulii.	(161)
Immaculatæ a sacro Numismate, 27 novembris.	(188)
Mediatricis omnium gratiarum, 8 maii.	(142)
Pastoris divini Matris, 4 septembris.	(173)
a Perpetuo Succursu, 27 iunii.	(154)
Providentiæ divinæ Matris, sabb. ante dom. III novembris.	(184)
Refugium Peccatorum, 13 augusti.	(166)
Reginæ Apostolorum, sabbato post Ascensionem.	(150)

	Fol.		Fol.
Reginæ Sanctorum omnium et Matris pulchrae dilectionis, 8 maii.	(141)	Ioannis a Cruce Conf. et Eccl. Doct., 24 novembris.	(186)
Salus infirmorum, sabb. ante dom. ultimam augusti.	(172)	Ioannis, Isaaci et Soc. Mm., 26 septembris.	(176)
III. - IN HONOREM SANCTORUM			
Ambrosii Ep., Conf. et Eccl. Doct., 7 decembris.	(125)	Ioannis Baptistæ de Rossi Conf., 23 maii.	(146)
Antonii de Padua Conf. et Eccl. Doct., 13 iunii.	(152)	Ioannis Berchmans Conf., 13 augusti.	(166)
Apparitio S. Michaëlis Archangeli, 8 maii.	(142)	Ioannis Mariæ Vianney Conf., 8 augusti.	(163)
Augustini Ep., Conf. et Eccl. Doct., 28 augusti.	(170)	Ioannis Nepomuceni Mart., 16 maii.	(241)
Benedicti Abbatis, 21 martii.	(131)	Iosephi Benedicti Cottolengo Conf., 29 aprilis.	(136)
Bernardi Abb. et Eccl. Doct., 20 augusti.	(169)	Iosephi Benedicti Labre Conf., 16 aprilis.	(132)
Caroli Ep. et Conf., 4 novembris.	(181)	Iosephi Cafasso Conf., 27 iunii.	(155)
Catharinæ Fliscæ Adurnæ Vid., 15 septembris.	(175)	Laurentii a Brundusio Conf. et Eccl. Doct., 21 iulii.	(160)
Commemoratio omnium Ss. Summorum Pontificum, 4 iulii.	(156)	Leonardi de Portu Mauritio Conf., 26 novembris.	(187)
Dominici Savio Conf., 6 maii.	(140)	Ludovicæ de Marillac Vid., 15 martii.	(130)
Emigdii Ep. et Mart., 11 augusti.	(165)	Ludovici Mariæ Grignon a Montfort Conf., 28 aprilis.	(135)
Ferdinandi Regis, Conf., 30 maii.	(148)	Margaritæ de Cortona Pænit., 21 februarii.	(130)
Franciscæ Xaveriæ Cabrini Virg., 3 ianuarii.	(127)	Mariæ Goretti Virg., Mart., 6 iulii.	(157)
Francisci Regis Conf., 16 iunii.	(153)	Petri ad Vincula, 1 augusti.	(162)
Francisci Salesii Ep., Conf. et Eccl. Doct., 29 ianuarii.	(128)	Petri Chanel Mart., 28 aprilis.	(134)
Gasparis del Bufalo Conf., 3 ianuarii.	(126)	Petri Claver Conf., 9 septembris.	(174)
Gregorii Ep. maioris Armeniæ et Mart., 1 octobris.	(178)	Reliquiarum sacrarum, 5 novembris.	(182)
Helenæ Imperatricis, Vid., 18 augusti.	(168)	Ritæ a Cassia Viduæ, 22 maii.	(145)
Ildefonsi Ep. et Conf., 23 ianuarii.	(128)	Rochi Conf., 16 augusti.	(167)
Inventio S. Stephani Protomartyris, 3 augusti.	(163)	Rosæ Viterbiensis Virg., 4 septembris.	(174)
Isidori Agricola, Conf., 15 maii.	(144)	Stanislai Kostkæ Conf., 13 novembris.	(183)
Ioannæ de Arc Virg., 30 maii.	(148)	Teresiæ Virg., 15 octobris.	(178)
Ioannis Ap. et Ev. ante Portam Latinam, 6 maii.	(139)	Veronicæ de Iulianis Virg., 9 iulii.	(158)
		Vincentii a Paulo Conf., 19 iulii.	(159)
IV. - COMMUNE SANCTORUM			
		Plurium Confessorum Pontificum.	(190)
		— Confessorum non Pontificum.	(191)
		— Virginum.	(192)
		— non Virginum.	(195)

CANTUS AD LIBITUM

I Toni « Glória in excelsis Deo ».	(202)	III Toni « Ite, Missa est ».	(231)
II Præfationes in tono solemniore.	(204)	IV Ad aspersionem aquæ.	(232)

BENEDICTIONES

Agni in Pascha.	(233)	Indumenti cuiuslibet.	(239)
Antimensii seu lintei benedictio.	(236)	Indumentorum sacerdotalium in genere.	(238)
Aquæ, idest ordo ad faciendam et aspergendam aquam benedictam.	(199)	Omnia (ad).	(234)
Aquæ baptismalis, Sabbato sancto.	186	Ovorum.	(233)
Candelarum.	(234)	Panis.	(233)
Candelarum, 2 februarii.	432	Ramorum, dominica in palmis.	118
Cerei paschalis, Sabbato sancto.	170	Pallæ.	(238)
Cinerum, feria IV cinerum.	49	Patenæ et calicis consecratio.	(235)
Comestibilis cuiuscumque.	(234)	Purificatorii.	(238)
Corporalis.	(238)	Tabernaculi, pyxidis, ostensorii et thecæ.	(237)
Fructuum novorum.	(234)	Tobalearum altaris.	(237)
Ignis, Sabbato sancto.	170	Vasorum et ornamentorum ecclesiæ vel altaris in genere.	(237)

PROPRIUM MISSARUM

QUÆ IN ALIQUIBUS DIOECESIBUS

STATUUM FŒDERATORUM AMERICÆ

CELEBRANTUR

FESTUM DECEMBRIS

DIE 12 DECEMBRIS

In Archidiœc. S. Francisci et
S. Fidei et in Diœc. Ss. Angelorum,
Ssmi Sacramenti et Tusconensi

B. M. V. DE GUADALUPE

Introitus

Sedulius

Salve, sancta parens, enixa
puérpera Regem, qui cælum
terrámque regit in sæcula
sæculórum. Ps. 44, 2 Eructávit cor
meum verbum bonum : dico ego
ópera mea Regi. ✠. Glória Patri.

Oratio

Deus, qui sub beatíssimæ Virgi-
nis Mariæ singulári patrocínio
constitutos, perpétuis beneficiis nos
cumulári voluísti : præsta supplici-
bus tuis ; ut cujus hódie comme-
moratióne lætámur in terris, ejus
conspéctu perfruámur in cælis. Per
Dóminum.

Et fit Commemoratio Feriæ.

Lectio libri Sapiéntiæ.

Eccli 24, 23-31

Ego quasi vitis fructificávi suavi-
tatem odóris : et flores mei,
fructus honóris et honestátis. Ego
mater pulchræ dilectiónis, et timóris,
et agnitiónis, et sanctæ spei. In me
grátia omnis viæ et veritátis : in me
omnis spes vitæ et virtútis. Transíte
ad me, omnes qui concupiscitis me,
et a generatióibus meis implémini,
spíritus enim meus super mel dul-

cis, et heréditas mea super mel et
favum. Memória mea in generatió-
nes sæculórum. Qui edunt me, ad-
huc esúrient : et qui bibunt me,
adhuc sitient. Qui audit me, non
confundétur : et qui operántur in
me, non peccábunt. Qui elúcidant
me, vitam ætérnam habébunt.

Graduale Cant. 6, 9 Quæ est ista,
quæ progréditur quasi auróra con-
surgens, pulchra ut luna, elécta ut
sol ? ✠. Eccli 50, 8 Quasi arcus
refúlgens inter nébulas glóriæ, et
quasi flos rosárum in diébus vernis.

Allelúja, allelúja. ✠. Cant. 2, 12
Flores apparuérunt in terra nostra,
tempus putatiónis advénit, allelúja.

✠ **Sequéntia sancti Evangélii se-
cúndum Lucam. Luc. 1, 39-47**

In illo témpore : Exsurgens María
abiit in montána cum festina-
tióne, in civitátem Juda. Et intrávit
in domum Zachariæ, et salutávit
Elisabeth. Et factum est, ut audívit
salutatióem Mariæ Elisabeth, ex-
sultávit infans in útero ejus : et re-
pléta est Spíritu Sancto Elisabeth :
et exclamávit voce magna, et dixit :
Benedicta tu inter mulieres, et bene-
dictus fructus ventris tui. Et unde
hoc mihi, ut véniat mater Dómini
mei ad me ? Ecce enim, ut facta est
vox salutatióis tuæ in áuribus meis,
exsultávit in gáudio infans in útero
meo. Et beáta, quæ credidísti, quón-
iam perficiéntur ea, quæ dicta sunt

tibi a Dómino. Et ait María : Magnificat ánima mea Dóminum : et exsultávit spíritus meus in Deo salutári meo.

Credo.

Offertorium 2 Paralip. 7, 16 Elégi, et sanctificávi locum istum, ut sit ibi nomen meum, et permáneant óculi mei, et cor meum ibi cunctis diébus.

Secreta

Tua, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitatem et pacem. Per Dóminum.

Et fit Commemoratio Feriæ.

Præfatio de B. Maria Virg. Et te in Festivitate.

Communio Ps. 147, 20 Non fecit taliter omni nationi: et iudicia sua non manifestávit eis.

Postcommunio

Sumptis, Dómine, salutis nostræ subsidiis: da, quæsumus, beátæ Mariæ semper Vírginis patrocíniis nos ubique prótegi; in cuius veneratióne hæc tuæ obtúlimus majestati. Per Dóminum.

Et fit Commemoratio Feriæ.

FESTA FEBRUARII

DIE 1 FEBRUARII

S. BRIGIDÆ VIRGINIS

Missa Dilexisti, de Communi Virginum 3 loco, præter Orationem sequentem :

Oratio

Deus, qui nos hodiérna die beátæ Brigidæ Vírginis tuæ ánnua solemnitate lætíficas : concéde propítius ; ut ejus adjuvémur méritis, cuius castitátis irradiámur extrémis. Per Dóminum.

Et fit Commemoratio S. Ignatii.

Oratio

Infirmítatem nostram respice, omnipotens Deus : et, quia pondus propriæ actiõnis gravat, beáti Ignatii Mátyris tui atque Pontificis intercessio gloriósa nos prótegit. Per Dóminum.

Secreta

Accépta tibi sit, Dómine, sacratæ plebis oblátio pro tuórum honóre Sanctorum : quorum se méritis de tribulatióne percepisse cognóscit auxiliũ. Per Dóminum.

Pro S. Ignatio

Secreta

Hóstias tibi, Dómine, beáti Ignatii Mátyris tui atque Pontificis dicátas méritis, benígnus assúme : et ad perpétuum nobis tribue provenire subsidium. Per Dóminum.

Postcommunio

Satiásti, Dómine, familiam tuam munéribus sacris : ejus, quæsumus, semper interventióne nos réfove, cuius solémnia celebrámus. Per Dóminum.

Pro S. Ignatio

Postcommunio

Refécti participatióne múnere sacri, quæsumus, Dómine Deus noster : ut, cuius exséquimur cultum, intercedente beáto Ignatio Mátyre tuo atque Pontifice, sentiámus effectum. Per Dóminum.

DIE 5 FEBRUARII

**In Archidioec. Baltimorensi
et Dioec. Ss. Angelorum**

S. PHILIPPI A JESU MART.

Introitus

Philipp. 2, 10-11

In nómine Jesu omne genu flectátur, cælestium, terrestrium et infernórum : et omnis lingua confiteátur, quia Dóminus Jesus Christus in glória est Dei Patris. **Ps. 102, 1** Bénedic, ánima mea, Dómino : et ómnia, quæ intra me sunt, nómini sancto ejus. **W.** Glória Patri.

Oratio

Deus, qui inter primos Japoniæ Mátyres beátum Philíppum cruci alligátum, triplicique láncea confóssum, primum ómnium martyrio coronásti : concéde propítius ; ut ejúsdem nos suffúlti patrocínio, cum illo páriter coronémur in cælis. Per Dóminum.

Et fit Commemoratio S. Agathæ Virg. et Mart.

Oratio

Deus, qui inter cétera poténtiæ tuæ mirácula étiam in sexu frá-gili victóriam martyrii contulisti : concéde propítius ; ut, qui beátæ Agathæ Vírginis et Mátyris tuæ natalítia cólimus, per ejus ad te exémpa gradiámur. Per Dóminum.

Deinde, in Quadragesima, fit Commemoratio Feriæ in Missis non conventualibus.

Léctio Epístolæ beáti Pauli Apóstoli ad Gálatas. Gal. 6, 14-18

Fratres : Mihi autem absit gloriári, nisi in cruce Dómini nostri Jesu Christi : per quem mihi mundus crucifíxus est, et ego mundo. In Christo enim Jesu neque circumcísio áliquid valet, neque præputium, sed nova creatúra. Et quicumque hanc régulam secúti fúerint, pax super illos, et misericórdia, et super Israhél Dei. De cétero nemo mihi moléstus sit : ego enim stigmata Dómini Jesu in córpore meo porto. Grátia Dómini nostri Jesu Christi cum spíritu vestro, fratres. Amen.

Graduale Ps. 102, 2 Bénedic, ánima mea, Dómino : et noli oblivísci omnes retributiónes ejus. **¶ Ibid., 3** Qui propitiátur ómnibus iniquitatibus tuis, qui sanat omnes infirmitates tuas.

Allelúja, allelúja. ¶ Jac. 1, 12 Beátus vir, qui suffert tentatióem :

quóniam cum probátus fúerit, accípiet corónam vitæ. Allelúja.

Post Septuagesimam, omissis Allelúja, et Versu sequenti, dicitur

Tractus Ps. 117, 16 Déxtera Dómini fecit virtútem : déxtera Dómini exaltávit me, déxtera Dómini fecit virtútem. **¶ Ibid., 17** Non móriar, sed vivam : et narrábo ópera Dómini. **¶ Ibid., 18** Castigans castigávit me Dóminus : et morti non trádidit me.

✠ Sequéntia sancti Evangélíi secúndum Matthæum. Matth. 16, 24-27

In illo témpore : Dixit Jesus discipulis suis : Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánima suam salvam fácere, perdet eam : qui autem perdiderit ánima suam propter me, invéniet eam. Quid enim prodest hómíni, si mundum univérsum lucrétur, ánimæ vero suæ detriméntum patiátur ? Aut quam dabit homo commutatióem pro ánima sua ? Fílius enim hómínis ventúrus est in glória Patris sui cum Angelis suis : et tunc reddet unicuique secúndum ópera ejus.

Credo.

Offertorium Ps. 88, 25 Véritas mea, et misericórdia mea cum ipso : et in nómine meo exaltábitur cornu ejus.

Secreta

Sanctífica, quæsumus, Dómine, múnera tibi dicáta : et intercessióne beáti Philíppi Mátyris tui, ad perpétuum nobis tríbue proveníre subsidium. Per Dóminum.

Pro S. Agatha

Secreta

Súscipe, Dómine, múnera, quæ in beátæ Agathæ Vírginis et Mátyris tuæ solemnitáte deférimus : cujus nos confidimus patrocínio liberári. Per Dóminum.

Deinde, in Quadragesima, fit Commemoratio Feriæ.

Communio Matth. 16, 24 Qui vult venire post me, abneget semetipsum, et tollat crucem suam, et sequatur me.

Postcommunio

Sacro corpore, et pretioso sanguine Jesu Christi Filii tui, Domine, satiati : te supplices deprecamur ; ut intercedente beato Philippo Martyre tuo, ab omni adversitate liberemur. Per eundem Dominum.

Pro S. Agatha

Postcommunio

Auxilientur nobis, Domine, sumpta mysteria : et, intercedente beata Agatha Virgine et Martyre tua, sempiterna protectione confirmet. Per Dominum.

Deinde, in Quadragesima, fit Commemoratio Feriæ, et legitur ejus Evangelium in fine, juxta Rubricas.

FESTA MARTII

DIE 15 MARTII

S. LUDOVICÆ DE MARILLAC

VIDUÆ, CONFUNDATRICIS

PUELLARUM CARITATIS

Introitus Job 30, 25 ; 31, 18

Relebam super eum qui afflictus erat, et compatiebatur anima mea pauperi : quia ab infanzia mea crevit mecum miseratione, et de utero matris mee egressa est mecum. **Ps. 40, 1** Beatus qui intelligit super egenum et pauperem : in die mala liberabit eum Dominus. **℟.** Glória Patri.

Oratio

Deus, caritatis auctor et primum, qui novam in Ecclesia tua familiam suscitasti, ejusque matrem beatam Ludovicam esse voluisti : da, quaesumus, ut caritatis opera exercentes, promissam in cæ-

lis mercedem assequi mereamur. Per Dominum.

Et fit Commemoratio Feriæ.

Lectio Isaïæ Prophætæ.

Isai. 58, 7-11

Arange esurienti panem tuum et egenos vagosque induc in domum tuam : cum videris nudum operi eum, et carnem tuam ne despexeris. Tunc erumpet quasi mane lumen tuum, et sanitas tua citius oriatur, et anteibit faciem tuam justitia tua, et gloria Domini colliget te. Tunc invocabis et Dominus exaudiet : clamabis, et dicet : Ecce adsum ; si abstuleris de medio tui catenam, et desieris extendere digitum, et loqui quod non prodest. Cum effuderis esurienti animam tuam, et animam afflictam repleris, oriatur in tenebris lux tua, et tenebræ tuæ erunt sicut meridies. Et requiem tibi dabit Dominus semper, et implebit splendoribus animam tuam, et ossa tua liberabit, et eris quasi hortus irriguus, et sicut fons aquarum, cujus non deficient aquæ.

Graduale Eccli 29, 15 Conclûde eleemosynam in corde pauperis, et hæc pro te exorabit ab omni malo. **℟. Tob. 4, 17** Panem tuum cum esuriéntibus et egenis comedere, et de vestimentis tuis nudos tege.

Tractus Job 29, 11 Auris audiens beatificabat me, et oculus videns testimonium reddébat mihi. **℟. Ibid., 12** Eo quod liberássem pauperem vociferantem, et pupillum cui non esset adjutor. **℟. Ibid., 13** Benedictio perituri super me veniebat, et cor viduæ consolata sum.

In Missis votivis per annum, Graduale ut supra, sed omissio Tractu, dicitur :

Allelúja, allelúja. ℟. Act. 10, 31 Exaudita est oratio tua, et eleemó-

synæ tuæ commemoratæ sunt in conspéctu Dei. Allelúja.

Tempore Paschali, omissis Graduali et Tractu, dicitur :

Allelúja, allelúja. ✠. Act. 10, 31 Exaudita est oratio tua, et eleemósynæ tuæ commemoratæ sunt in conspéctu Dei. Allelúja. ✠. **Ibid. 9, 39** Hæc erat plena opéribus bonis et eleemósynis quas faciēbat. Allelúja.

✠ **Sequéntia sancti Evangélii secúndum Matthæum.**

Matth. 25, 31-40

In illo témpore : Dixit Jesus discipulis suis : Cum vénerit Fílius hóminis in majestáte sua, et omnes ángeli cum eo, tunc sedébit super sedem majestátis suæ : et congregabúntur ante eum omnes gentes, et separábit eos ab ínvicem, sicut pastor ségregat oves ab hœdis : et státuet quidem oves a dextris suis, hœdos autem a sinístris. Tunc dicet rex his, qui a dextris ejus erunt : Veníte, benedícti Patris mei, possidéte parátum vobis regnum a constitutióne mundi. Esurívi enim, et dedístis mihi manducáre : sitívi, et dedístis mihi bíbere : hospes eram, et collegístis me : nudus, et coope-ruístis me : infirmus, et visitástis me : in cárcere eram, et venístis ad me. Tunc respondébunt ei justí, dicéntes : Dómine, quando te vídimus esuriéntem, et pávimus te : sitiéntem, et dédimus tibi potum ? Quando autem te vídimus hópitem, et collégimus te : aut nudum, et cooperúimus te ? aut quando te vídimus infirmum aut in cárcere, et vénimus ad te ? Et respóndens rex, dicet illis : Amen dico vobis, quámdiu fecístis uni ex his frátribus meis mínimis, mihi fecístis.

Offertorium Act. 10, 4 Oratiónes tuæ et eleemósynæ tuæ ascendérunt in memóriam in conspéctu Dómini.

Secreta

Réspice, Dómine, oblatiões nostras in honórem beátæ Ludovicæ tibi reverénter exhibitas ; et per ejus intercessiõnem nos in ómnibus vitæ sémitis fácias et a perículis tutos et ad virtútes júgiter expeditos. Per Dóminum.

Et fit Commemoratio Feriæ.

Communio Isai. 54, 2-3 Diláta locum tentórii tui : longos fac funículos tuos ; ad dexteram enim et ad lævam penetrábis : et semen tuum gentes hereditábit.

Postcommunio

Devótiõ nostra, Dómine, intercedénte beáta Ludovicá, continuum e refectiõe cælésti sumat auxiliũ ; ut divínam fidem, quam intus fovémus in corde, étiam foris exhibeámus in ópere. Per Dóminum.

Et fit Commemoratio Feriæ, et legitur ejus Evangelium in fine.

DIE 22 MARTII

**S. CATHARINÆ FLISCÆ
ADURNÆ VIDUÆ**

Missa Cognóvi, de Communi non Virginum 2 loco, præter Orationem sequentem :

Oratio

Deus, qui beátam Catharínam, in contemplánda Fílii tui passiõe, divíni amóris igne flagráre fecísti : quæsumus ; ut, ipsa intercedénte, tuæ in nobis flammam caritátis accéndas, et ejúdem passiõnis partícipes dignánte efficias. Per eúmdem Dóminum.

**Et, in Missis non conventuali-
bus, fit Commemoratio Feriæ.**

Secreta

Accépta tibi sit, Dómine, sacrátæ plebis oblátio pro tuórum honóre Sanctórum : quorum se méritis de tribulatiõe percepísse cognóscit auxiliũ. Per Dóminum.

Deinde, in Quadragesima, fit Commemoratio Feriæ.

Postcommunio

Satiásti, Dómine, famíliam tuam munéribus sacris : ejus, quæsumus, semper interventióne nos réfove, cujus solémnia celebrámus. Per Dóminum.

Deinde, in Quadragesima, fit Commemoratio Feriæ, et legitur ejus Evangelium in fine juxta rubricas.

FESTA APRILIS

DIE 5 APRILIS

In Diœc. Portlandensi

B. JULIANÆ

CORNELIONENSIS VIRGINIS

Missa Dilexisti justítiam, de Comuni Virginum 3 loco.

Oratio

Deus, humílium celsitúdo, qui beátam Vírginem Juliánam ad promovéndum sanctíssimi Sacraménti cultum mirabíliter inflamásti : tríbue, quæsumus ; ita nos humilitátis ejus vestígia sectári in terris, ut cum ipsa sublimári mereámur in cælis. Per Dóminum.

Secreta

Accépta tibi sit, Dómine, sacrátæ plebis oblátio pro tuórum honóre Sanctórum : quorum se méritis de tribulatióne percepísse cognóscit auxílium. Per Dóminum.

Postcommunio

Satiásti, Dómine, famíliam tuam munéribus sacris : ejus, quæsumus, semper interventióne nos réfove, cujus solémnia celebrámus. Per Dóminum.

DIE 26 APRILIS

In Diœc. Brooklynensi

B. M. V. DE BONO CONSILIO

Missa ut inter Festa pro aliquibus locis.

DIE 27 APRILIS

In Archidiœc. Baltimorensi
et S. Francisci et in Diœc.

Ss. Angelorum

S. THURIBII DE MOGROVEJO

EP. ET CONF.

Introitus

Eccli 45, 30

Státuit ei Dóminus testaméntum pacis, et príncipem fecit eum : ut sit illi sacerdotíi dignitas in ætérnum, allelúja, allelúja. **Ps. 131, 1** Meménto, Dómine, David : et omnis mansuetúdinis ejus. **℟.** Glória Patri.

Oratio

Ecclésiám tuam, Dómine, beáti Thuribii Confessóris tui atque Pontíficis continúa protectióne custódi : ut sicut illum pastorális sollicitúdo gloriósum réddidit ; ita nos ejus intercésio in tuo semper fáciat amóre fervéntes. Per Dóminum nostrum.

Et fit Commemoratio S. Petri Canisii Conf. et Eccl. Doct.

Oratio

Deus, qui ad tuéndam cathólicam fidem beátum Petrum, Confessórem tuum, virtúte et doctrína roborásti : concéde propítius ; ut ejus exémpis et mónitis errántes ad salútem resipíscant, et fidéles in veritátis confessióne perseverént. Per Dóminum.

Léctio libri Sapiéntiæ.

Eccli 50, 1-14

Ecce sacérdos magnus, qui in vita sua suffúlsit domum, et in diébus suis corroborávit templum. Templi étiam altitúdo ab ipso fundáta est, duplex ædificátió, et excélsi paríetes templi. In diébus ipsíus emanavérunt pútei aquárum, et quasi mare adimpléti sunt supra modum. Qui curávit gentem suam, et liberávit eam a perditióne. Qui

prævaluit amplificare civitatem : qui adéptus est glóriam in conversatióne gentis, et ingressum domus et átrii amplificávit. Quasi stella mututína in médio nébulæ, et quasi luna plena in diébus suis lucet. Et quasi sol refúlgens, sic ille effúlsit in templo Dei. Quasi arcus refúlgens inter nébulas glóriæ, et quasi flos rosárum in diébus vernis, et quasi lília quæ sunt in tránsitu aquæ, et quasi thus rédolens in diébus æstátis. Quasi ignis effúlgens, et thus ardens in igne. Quasi vas auri sólídum, ornátum omni lápide pretióso. Quasi olíva púllulans, et cypréssus in altitúdinem se extóllens. Circa illum coróna fratrum : quasi plantatio cedri in monte Líbano, sic circa illum stetérunt quasi rami palmæ, et omnes filii Aaron in glória sua.

Allelúja, allelúja. ✠. Ps. 109, 4
Tu es sacérdos in ætérnum, secúndum órđinem Melchisedech. **Allelúja. ✠.** Hic est sacérdos, quem coronávit Dóminus. **Allelúja.**

✠ **Sequéntia sancti Evangélíi secúndum Matthæum.**

Matth. 25, 14-23

In illo témpore : Dixit Jesus discipulissuis parábolam hanc : Homo péregre proficíscens, vocávit servos suos, et trádídít illis bona sua. Et uni dedit quinque talénta, álíi autem duo, álíi vero unum, unicuíque secúndum própíam virtútem, et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Simíliter et qui duo accéperat, lucrátus est ália duo. Qui autem unum accéperat, ábiens fodit in terram, et abscóndit pecúniám dómini sui. Post multum vero témporis venit dóminus servórum illórum, et pósuit ratióne cum eis. Et accédens qui quinque talénta accé-

perat, óbtulit ália quinque talénta, dicens : Dómine, quinque talénta tradidísti mihi, ecce ália quinque superlucrátus sum. Ait illi dóminus ejus : Euge, serve bone et fidélis, quia super pauca fuísti fidélis, super multa te constituam : intra in gáudium dómini tui. Accéssit autem et qui duo talénta accéperat, et ait : Dómine, duo talénta tradidísti mihi, ecce ália duo lucrátus sum. Ait illi dóminus ejus : Euge, serve bone et fidélis, quia super pauca fuísti fidélis, super multa te constituam : intra in gáudium dómini tui.

Credo, ratione S. Doctoris.

Offertorium Ps. 88, 21-22 Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum, allelúja.

Secreta

Sancti tui, quæsumus, Dómine, nos ubique lætíficent : ut dum eórum mérita recólimus, patrocínia sentiámus. Per Dóminum.

Pro S. Petro Canisio

Secreta

Sancti Petri Confessóris tui atque Doctóris nobis, Dómine, pia non desit orátio : quæ, et múnera nostra concíliet ; et tuam nobis indulgéntiam semper obtíneat. Per Dóminum.

Communio Luc. 12, 42 Fidélis servus et prudens, quem constituit dóminus super familiam suam, ut det illis in témpore trítici mensúram, allelúja.

Postcommunio

Præsta, quæsumus, omnipotens Deus : ut de percéptis munéribus grátias exhibéntes, intercedénte beáto Thuríbio Confessóre tuo atque Pontífice, beneficia potióra sumámus. Per Dóminum nostrum.

Pro S. Petro Canisio

Postcommunio

Ut nobis, Dómine, tua sacrificia dent salutem : beátus Petrus Confessor tuus et Doctor egregius, quæsumus, precátor accédât. Per Dóminum.

FESTA MAJI

DIE 16 MAJI

S. JOANNIS NEPOMUCENI

MARTYRIS

Missa Protexisti, de Communi Martyrum Tempore Paschali I loco, præter Orationem sequentem :

Oratio

Deus, qui ob invictum beáti Joánnis sacramentale silentium nova Ecclesiam tuam martyrii coróna decorásti : da nobis ejus intercessióne et exémplo, linguam caute custodire ; ac ómnia pótius mala quam ánimæ detriméntum in hoc sæculo toleráre. Per Dóminum.

Et fit Commemoratio S. Ubaldi Ep. et Conf.

Oratio

Auxílium tuum nobis, Dómine, quæsumus, placátus impénde : et, intercessióne beáti Ubaldi Confessoris tui atque Pontíficis, contra omnes diaboli nequítias dexteram super nos tuæ propitiatiónis exténde. Per Dóminum.

Secreta

Munéribus nostris, quæsumus, Dómine, precibúque susceptis : et cælestibus nos munda mysteriis, et cleménter exáudi. Per Dóminum.

Pro S. Ubaldo

Secreta

Sancti tui, quæsumus, Dómine, nos ubique lætificent : ut, dum eórum mérita recólimus, patrocínia sentiámus. Per Dóminum.

Postcommunio

Da, quæsumus, Dómine, Deus noster : ut, sicut tuórum commemoratióne Sanctórum, temporáli gratulámur officio ; ita perpétuo lætémur aspéctu. Per Dóminum.

Pro S. Ubaldo

Postcommunio

Præsta, quæsumus, omnipotens Deus : ut de percéptis munéribus grátias exhibéntes, intercedénte beáto Ubáldo Confessore tuo atque Pontífice, beneficia potióra sumámus. Per Dóminum.

EADEM DIE 16 MAJI

S. BRENDANI ABBATIS

Missa Os justi, de Communi Abbatum.

Et fit Commemoratio S. Ubaldi Ep. et Conf. ut in Missa præcedenti.

DIE 22 MAJI

In Diœc. Ss. Angelorum

S. RITÆ A CASSIA

VIDUÆ

Missa ut inter Festa pro aliquibus locis.

DIE 23 MAJI

In Diœc. Ss. Angelorum

S. JOANNIS BAPTISTÆ DE ROSSI CONF.

Missa ut inter Festa pro aliquibus locis.

DIE 30 MAJI

In Diœc. S. Antonii

S. FERDINANDI III

REGIS, CONFESSORIS

TIT. ECCLESIAE CATHEDRALIS

S. ANTONII

Missa ut inter Festa pro aliquibus locis.

Et dicitur Credo.

FESTA JUNII

DIE 9 JUNII

S. COLUMBÆ ABBATIS

Missa Os justi, de Communi
Abbatum.

DIE 16 JUNII

In Diœc. Kansanopolitana

S. JOANNIS FRANCISCI REGIS
CONFESSORIS

PATRONI MISSIONUM DIœC.

KANSANAPOLITANÆ

Missa ut inter Festa pro aliquibus
locis.

Et dicitur Credo.

DIE 27 JUNII

In Diœc. Concordiæ

BEATÆ MARIÆ VIRGINIS
DE PERPETUO SUCCURSU

TITULARIS CATHEDRALIS

CONCORDIÆ

Missa ut inter Festa pro aliquibus
locis.

FESTA JULII

DIE 3 JULII

In Diœc. Brooklynensi
et Ss. AngelorumIN COMMEMORATIONE
OMNIUM Ss. SUMMORUM
PONTIFICUMMissa ut inter Festa pro aliquibus
locis.

DIE 24 JULII

In Archidiœc. Baltimorensi
S. Francisci

et Diœc. Ss. Angelorum

S. FRANCISCI SOLANI

CONFESSORIS

Introitus Ps. 36, 30-31

s justi meditabitur sapien-
tiam, et lingua ejus loquẽ-
tur judicium : lex Dei ejusin corde ipsius. **Ps. ibid., 1** Noli æmu-
lari in malignantibus : neque zelã-
veris facientes iniquitatem. **W.** Gló-
ria Patri.

Oratio

Deus, qui plúrimas Americæ
gentes per beátum Franciscum
ad sinum Ecclésiæ perduxísti : ejus
méritis, et précibus indignationem
tuam a peccátis nostris avérte ; et
in gentes, quæ te non cognovérunt,
timórem nóminis tui benígnus im-
mítte. Per Dóminum.Et fit Commemoratio Vigiliæ in
Missis non conventualibus.

Oratio

Da, quæsumus, omnipotens Deus :
ut beáti Jacóbi, Apóstoli tui,
quam prævenimus, veneránda so-
lémnitas, et devotióne nobis áu-
geat, et salútem. (Per Dóminum).Deinde Commemoratio S. Chri-
stinæ Virg. et Mart.

Oratio

Indulgéntiam nobis, quæsumus,
Dómine, beáta Christína Virgo
et Martyr implóret : quæ tibi grata
semper éxstitit, et mérito castitátis,
et tuæ professiõe virtútis. Per Dó-
minum nostrum.Lectio Epístolæ beáti Pauli Apóstoli
ad Romános. **Rom. 10, 10-18****H**ratres : Corde enim créditur ad
justítiam : ore autem conféssio
fit ad salútem. Dicit enim Scriptúra :
Omnis, qui credit in illum, non con-
fundétur. Non enim est distíctio
Judæi, et Græci : nam idem Dómi-
nus ómnium, dives in omnes, qui
ínvocant illum. Omnis enim, quicúm-
que invocáverit nomen Dómini, sal-
vus erit. Quómodo ergo invocábunt,
in quem non credidérunt ? Aut quó-
modo credent ei, quem non audiẽ-
runt ? Quómodo autem áudient sine
prædicánte ? Quómodo vero prædi-
cábunt nisi mittántur ? sicut scri-

ptum est : Quam speciósi pedes evangelizántium pacem, evangelizántium bona ! Sed non omnes obédiunt Evangélio. Isaías enim dicit : Dómine, quis crédidit auditui nostro ? Ergo fides ex auditu, auditus autem per verbum Christi. Sed dico : Numquid non audiérunt ? Et quidem in omnem terram exívit sonus eórum, et in fines orbis terræ verba eórum.

Graduale Ps. 91, 13 et 14 Justus ut palma florébit, sicut cedrus Líbani multiplicábitur in domo Dómini. **✠. Ibid., 3** Ad annuntiándum mane misericórdiam tuam, et veritátem tuam per noctem.

Allelúja, allelúja. ✠. Jac. 1, 12 Beátus vir, qui suffert tentatióem : quóniam cum probátus fúerit, accípiet corónam vitæ. Allelúja.

✠ Sequéntia sancti Evangélíi secúndum Marcum.

Marc. 16, 15-18

In illo témpore : Dixit Jesus discipulis suis : Eúntes in mundum univérsum, prædicáte Evangélium omni creatúræ. Qui crediderit, et baptizátus fúerit, salvus erit : qui vero non crediderit, condemnábitur. Signa autem eos, qui crediderint, hæc sequéntur ; in nómine meo dæmónia ejíciant : linguis loquéntur novis : serpéntes tollent : et si mortíferum quid bíberint, non eis nocébit : super ægros manus impónent et bene habébunt.

Offertorium Ps. 88, 25 Véritas mea, et misericórdia mea cum ipso : et in nómine meo exaltábitur cornu ejus.

Secreta

Munus quod tibi offérimus, det nobis, quæsumus, omnipotens Deus, fidei, spei et caritátis augméntum : et ut mereámur ássequi quod promíttis, interveniénte beáto Fran-

cisco Confessóre tuo, fac nos amáre quod præcipis. Per Dóminum.

Pro Vigilia

Secreta

Apostólici reveréntia cúlminis offeréntes tibi sacra mystéria, Dómine, quæsumus : ut beáti Jacóbi Apóstoli tui suffrágiis, cujus natalítia prævenimus ; plebs tua semper et sua vota deprómat, et desideráta percípiat. (Per Dóminum).

Pro S. Christina

Secreta

Hóstias tibi, Dómine, beátæ Christinæ Vírginis et Mártiris tuæ dicátas méritis, benígnus assúme : et ad perpétuum nobis tríbue proveníre subsidium. Per Dóminum.

Communio Matth. 24, 46-47 Beátus servus, quem, cum vénerit dóminus, invénerit vigilántem ; amen dico vobis, super ómnia bona sua constituet eum.

Postcommunio

At sumptis, Dómine, reddámur digni munéribus : intercedénte beáto Francisco Confessóre tuo, fac nos tuis semper obedíre mandátis. Per Dóminum.

Pro Vigilia

Postcommunio

Sancti Apóstoli tui Jacóbi, quæsumus, Dómine, supplicatióne placátus : et véniam nobis tríbue, et remédia sempitérna concéde. (Per Dóminum).

Pro S. Christina

Postcommunio

Divini múnemis largitáte satiáti, quæsumus, Dómine Deus noster : ut, intercedénte beáta Christina Vírgine et Mártire tua, in ejus semper participatióne vivámus. Per Dóminum.

Et legitur Evangelium Vigilæ S. Jacobi in fine Missæ.

✠ Sequéntia sancti Evangélíi secúndum Joánnem. Joann. 15, 12-16

In illo témpore : Dixit Jesus discipulis suis : Hoc est præcéptum

meum, ut diligátis ínvicem, sicut diléxi vos. Majórem hac dilectiónem nemo habet, ut ánimam suam ponat quis pro amícis suis. Vos amíci mei estis, si fecéritis quæ ego præcípíto vobis. Jam non dicam vos servos : quia servus nescit quid fáciat dóminus ejus. Vos autem dixi amícos : quia ómnia quæcúmque audivi a Patre meo, nota feci vobis. Non vos me elegístis : sed ego elégi vos, et pósui vos ut eátis, et fructum afferátis : et fructus vester máneat : ut quodcúmque petiéritis Patrem in nómine meo, det vobis.

FESTA AUGUSTI

DIE 9 AUGUSTI

In Archidioec. S. Francisci
et Dioec. Ss. Angelorum

S. EMYGDII EP. ET MART.

Missa ut inter Festa pro aliquibus locis.

DIE 11 AUGUSTI

S. PHILUMENÆ VIRG. ET MART.

Missa Loquébar, de Communi Virginum 1 loco.

Et fit Commemoratio Ss. Tiburtii et Susannæ Virg., Mm., ut in Missali hac die.

DIE 18 AUGUSTI

In Dioec. Helenensi

S. HELENÆ IMPERATRICIS,
VIDUÆ

TIT. CATHEDRALIS HELENENSIS

Missa ut inter Festa pro aliquibus locis.

Et dicitur Credo.

FESTA SEPTEMBRIS

DIE 1 SEPTEMBRIS

In Dioec. Ss. Angelorum

S. VIBIANÆ VIRG. ET MART.

TIT. ECCLESIAE CATHEDRALIS

SS. ANGELORUM

Missa Loquébar, de Communi Virginum et Martyrum 1 loco.

Et dicitur Credo per Octavam.

Et fit Commemoratio S. Ægidii Abbatis ac Ss. duodecim Fratrum Mm., ut in Missali hac die.

DIE 7 SEPTEMBRIS

In Dioec. S. Clodoaldi

S. CLODOALDI

CONF., PATRONI DIOEC. S. CLODOALDI

Missa Os justi, de Communi Conf. non Pont. 1 loco, præter Orationes sequentes :

Oratio

Deus, qui beátum Clodoáldum propter te humiliátum in sæculo, et sacerdótii múnere et virtutum splendóre sublimásti : tribue nos ejus exémplo tibi digne ministráre ; et per ejus intercessiónem grátia semper et mérito proficere. Per Dóminum.

Credo.

Secreta

Te, Dómine, fidei nostræ salutisque auctórem cum sancto sacerdote Clodoáldo confiténtes, quæsumus : ut hanc de mánibus nostris hóstiam laudis cleménter suscipias, et qua religióne ipse vota sua réddidit, eádem nobis tríbuas nostra persólvere. Per Dóminum.

Postcommunio

Suméntes, Dómine, in festivitáte sancti Clodoáldi sacerdótis divína mystéria : te súpplíces deprecámur ; ut eréctis ad cæléstia méntibus, ómnia detriméntum fácere valeámus propter eum qui semetípsum nobis

dedit, Jesum Christum Fílium tuum
Dóminum nostrum, qui tecum vivit
et regnat in sæcula sæculórum.
Amen.

DIE 9 SEPTEMBRIS
In pluribus Diocesisibus
S. PETRI CLAVER
CONFESSORIS

Introitus Ps. 106, 9-10

Satiávit Dóminus ánimam in-
ánem : sedéntes in ténebris
et umbra mortis, vinctos in
mendicitáte et ferro. **Ps. ibid., 8**
Confiteántur Dómino misericórdiæ
ejus : et mirabilia ejus filiis hómi-
num. **℟.** Glória Patri.

Oratio

Deus, qui abréptos in servitútem
Nigrítas ad agnitióem tui
nóminis vocáturus, beátum Petrum
mira in eis juvándis caritáte et
patiéntia roborásti: ejus nobis inter-
cessióne concéde; ut, quæ Jesu Chri-
sti sunt quæréntes, próximos ópere
et veritáte diligámus. Per eúmdem
Dóminum.

Et fit Com. S. Gorgonii Martyris :

Oratio

Sanctus tuus, Dómine, Gorgónius
sua nos intercessióne lætificet :
et pia fáciat solemnitáte gaudere.
Per Dóminum.

Lectio Isaíæ Prophétæ.

Isai. 58, 6-9 et 10

Hæc dicit Dóminus : Dissólve
colligatiónes impietátis, solve
fascículos depríméntes, dimítte eos,
qui confrácti sunt, líberos, et omne
onus disrúmpe. Frange esuriénti
panem tuum, et egénos, vagósque
induc in domum tuam : cum víderis
nudum, óperi eum, et carnem tuam
ne despéxeris. Tunc erúmpet quasi
mane lumen tuum, et sánitas tua
cítius oriétur, et anteíbit fáciem
tuam justítia tua, et glória Dómini

cólliget te. Tunc invocábis, et
Dóminus exáudiet : clamábis, et
dicet : Ecce adsum. Cum effúderis
esuriénti ánimam tuam, et ánimam
afflíctam repléveris, oriétur in téne-
bris lux tua, et ténebræ tuæ erunt
sicut merídiés.

Graduale Ps. 71, 12-14 Liberábit
páuperem a poténte, et páuperem
cui non erat adjútor : parcet páu-
peri et ínopi, et ánimas páuperum
salvas fáciét. **℟.** Ex usúris et
iniquitáte rédimet ánimas eórum :
et honorábile nomen eórum coram
illo.

Allelúja, allelúja. ℟. Ps. 9, 33 et
35 Exsúrge, Dómine Deus, exaltétur
manus tua : ne obliviscáris páupe-
rum : tibi derelíctus est pauper :
órphano tu eris adjútor. **Allelúja.**

Post Septuagesimam, omissis Al-
lelúja, et Versu sequenti, dicitur

Tractus Isai. 61, 1 Misit me Dó-
minus ut medérer contrítis corde,
et prædicárem captívis indulgén-
tiam. **℟. 1 Cor. 9, 22** Factus sum
infirmis infirmus, ut infirmos lucrí-
fácerem. **℟.** Omnibus ómnia factus
sum, ut omnes fácerem salvos.

Tempore autem Paschali, omitti-
tur Graduale, et ejus loco dicitur :

Allelúja, allelúja. ℟. Ps. 123, 7
Anima nostra, sicut passer, erépta
est de láqueo venántium : láqueus
contrítus est, et nos liberáti sumus.
Allelúja. ℟. Ps. 84, 10 Prope-
timéntes Dóminum Deum salutáre
ipsíus : ut inhábitet glória in terra
nostra. **Allelúja.**

✠ Sequéntia sancti Evangélíi secún-
dum Lucam. Luc. 10, 29-37

In illo témpore : Legisperítus qui-
dam, volens justificáre seípsum,
dixit ad Jesum : Et quis est meus
próximus ? Suscípiens autem Jesus,
dixit : Homo quidam descendébat
ab Jerúsalem in Jéricho, et incidit

in latrones, qui etiam despoliaverunt eum : et plagis impositis abierunt, semivivo relicto. Accidit autem ut sacerdos quidam descenderet eadem via : et viso illo praeterivit. Similiter et levita, cum esset secus locum, et videret eum, pertransiit. Samaritanus autem quidam iter faciens, venit secus eum : et videns eum, misericordia motus est. Et appropians alligavit vulnera ejus, infundens oleum et vinum : et imponens illum in iumentum suum, duxit in stabulum, et curam ejus egit. Et altera die protulit duos denarios, et dedit stabulario, et ait : Curam illius habe : et quodcumque supererogaveris, ego cum rediero, reddam tibi. Quis horum trium videtur tibi proximus fuisse illi, qui incidit in latrones ? At ille dixit : Qui fecit misericordiam in illum. Et ait illi Jesus : Vade, et tu fac similiter.

Offertorium Job 29, 12-13 et 15-16
Eo quod liberassem pauperem vociferantem, et pupillum, cui non esset adiutor, benedictio perituri super me veniebat, et cor viduae consolatus sum : oculus fui caeco, et pes claudus : pater eram pauperum.

Secreta

Caritatis victima, quam immolantes offerimus, sit nobis, Domine, te miserante, propitiabilis : et, beati Petri precibus et meritis, ad obtinendum patientiae et caritatis augmentum, efficax et salutaris. Per eundem Dominum.

Pro S. Gorgonio Secreta

Grata tibi sit, Domine, nostrae servitutis oblatio : pro qua sanctus Gorgonius Martyr intervencor existat. Per Dominum.

Communio Ezech. 34, 15-16 Ego pascam oves meas : et ego eas accubare faciam, dicit Dominus Deus. Quod perierat requiram, et quod

abjectum erat reducam, et quod confractum fuerat alligabo, et quod infirmum fuerat consolidabo.

Postcommunio

Crescat in nobis, Domine, tuae pietatis effectus salutaris : ut, caelesti pabulo nutriti, aeternae vitae coronam, beato Petro intercedente, feliciter assequamur. Per Dominum.

Pro S. Gorgonio Postcommunio

Familiam tuam, Deus, suavitas aeterna contingat et vegetet : quae in Martyre tuo Gorgonio Christi Filii tui bono jugiter odore pascatur : Qui tecum.

DIE 26 SEPTEMBRIS

In pluribus Diocesisibus

Ss. ISAACI JOQUES, JOANNIS DE BREBEUF ET SOCIORUM
MARTYRUM

Introitus

Apoc. 7, 14

Ei sunt qui venerunt de tribulatione magna, et laverunt stolas suas, et dealbaverunt eas in sanguine **Agni. Ps. 116, 1** Laudate Dominum, omnes gentes ; laudate eum, omnes populi. **Glória Patri.**

Oratio

Deus, qui primitias fidei in borealibus Americae regionibus sanctorum Martyrum tuorum Isaaci, Joannis eorumque Sociorum praedicatione et sanguine consecrasti : concede propitius : ut, eorum intercessione, florida Christianorum seges ubique in dies augeatur. Per Dominum.

Et fit Commemoratio Ss. Cypriani et Justinæ Virg., Martyrum.

Oratio

Beatorum Martyrum Cypriani et Justinæ nos, Domine, foveant continuata praesidia : quia non desinis propitius intuéri, quos talibus auxiliis concesseris adjuvâri. Per Dominum.

Lectio Epistolæ beāti Pauli Apóstoli ad Corínthios. **2 Cor. 12, 11-15**

Hratres: Ego a vobis débui commendári: nihil enim minus fui ab iis qui sunt supra modum Apóstoli, tamétsi nihil sum. Signa tamen apostolátus mei facta sunt super vos, in omni patiéntia, in signis et prodígiis et virtútibus. Quid est enim quod minus habuístis præ céteris ecclésiis, nisi quod ipse non gravávi vos? Donáte mihi hanc injúriam. Ecce tértio hoc parátus sum venire ad vos; et non ero gravis vobis. Non enim quæro quæ vestra sunt, sed vos; nec enim debent filii paréntibus thesaurizáre, sed paréntes filiis. Ego autem libénter impéndam et superimpéndar ipse pro animábus vestris: licet plus vos díligens, minus díligar.

Graduale Ps. 123, 7-8 Anima nostra sicut passer erépta est de láqueo venántium. **℟.** Láqueus contritus est et nos liberáti sumus: adjutórium nostrum in nómine Dómini, qui fecit cælum et terram.

Allelúja, allelúja. ℟. 2 Cor. 1, 5 Sicut abúndant passiões Christi in nobis, ita et per Christum abúndat consolátio nostra, allelúja.

In Missis votivis post Septuagesimam, omissis Allelúja, et Versu sequenti, dicitur

Tractus Ps. 125, 5-6 Qui sémant in lácrimis, in gáudio metent. **℟.** Eúntes ibant et flebant, mitténtes sémina sua. **℟.** Veniéntes autem vénient cum exsultatióne, portántes manípulos suos.

Tempore autem Paschali omittitur Graduale, et ejus loco dicitur:

Allelúja, allelúja. ℟. 2 Cor. 1, 5 Sicut abúndant passiões Christi in nobis, ita et per Christum abúndat consolátio nostra, allelúja. **℟. Ex. 15, 11** Gloriósus Deus in Sanctis

suis: mirábilis in majestáte, fáciens prodígia, allelúja.

✠ Sequéntia sancti Evangélii secúndum Lucam. Luc. 6, 17-23

In illo témpore: Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénerant, ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quærébat eum tângere: quia virtus de illo exíbat, et sanábat omnes. Et ipse elevátis óculis in discípulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Fílium hóminis. Gaudéte in illa die, et exsultáte: ecce enim merces vestra multa est in cælo.

Offertorium Sap. 3, 6 Tamquam aurum in fornáce probávit illos Dóminus, et quasi holocáusti hóstiam accépit illos.

Secreta

Immaculátam hóstiam fac nos, Dómine, méntibus tibi puris offérre, quam sanctis Martyribus tuis illibátus vitæ candor et juge mortificatiónis stúdiu dapem suavíssimam efficiébant. Per Dóminu.

Pro Ss. Martyribus

Secreta

Múnera tibi, Dómine, nostræ devotiónis offérimus: quæ et pro tuórum tibi grata sint honóre justórum, et nobis salutária, te miseránte, reddántur. Per Dóminu.

Communio Philipp. 1, 20-21 Magnificabitur Christus in corpore meo, sive per vitam sive per mortem: mihi enim vivere Christus est et mori lucrum.

Postcommunio

Hortium pane refectis tribue nobis, omnipotens Deus; ut, sicut sancti Martyres tui Isaacus, Joannes, eorumque Socii, eodem roborati, animam suam pro fratribus ponere non dubitarunt; ita nos, alter alterius onera portantes, proximos nostros opere et veritate diligamus. Per Dominum.

Pro Ss. Martyribus

Postcommunio

Praesta nobis, quaesumus, Domine: intercedentibus sanctis Martyribus tuis Cypriano et Justina; ut, quod ore contingimus, pure mente capiamus. Per Dominum nostrum.

FESTA OCTOBIS

DIE 21 OCTOBIS

In Dioc. Portlandensi

**Ss. URSULAE AC SOCIARUM
VIRGINUM ET MARTYRUM**

Introitus

Ps. 118, 95-96

Me exspectaverunt peccatores, ut perderent me: testimonia tua, Domine, intellexi: omnis consummationis vidi finem: latum mandatum tuum nimis. **Ps. ibid., 1** Beati immaculati in via: qui ambulant in lege Domini. **℟.** Gloria Patri.

Oratio

Da nobis, quaesumus, Domine Deus noster: sanctarum Virginum et Martyrum tuarum Ursulae et Sociarum ejus palmas incessabili devotione venerari; ut, quas dignamente non possumus celebrare, humilibus saltem frequentemus obsequiis. Per Dominum.

**Et fit Commemoratio S. Hilari-
onis Abbatis.**

Oratio

Intercessio nos, quaesumus, Domine, beati Hilariónis Abbatis commendet: ut, quod nostris meritis non valemus, ejus patrocinio assequamur. Per Dominum.

**Lectio Epistolae beati Pauli Apostoli
ad Corinthios. 1 Cor. 7, 25-34**

Fratres: De virginibus praeceptum Domini non habeo: consilium autem do, tamquam misericordiam consecutus a Domino, ut sim fidelis. Existimo ergo hoc bonum esse propter instantem necessitatem, quoniam bonum est homini sic esse. Alligatus es uxori? noli quaerere solutionem. Solutus es ab uxore? noli quaerere uxorem. Si autem acceperis uxorem, non peccasti. Et si nupserit virgo, non peccavit: tribulationem tamen carnis habebunt hujusmodi. Ego autem vobis parco. Hoc itaque dico, fratres: Tempus breve est: reliquum est, ut et qui habent uxores, tamquam non habentes sint: et qui flent, tamquam non flentes: et qui gaudent, tamquam non gaudentes: et qui emunt, tamquam non possidentes: et qui utuntur hoc mundo, tamquam non utantur: praeterit enim figura hujus mundi. Volo autem vos sine sollicitudine esse. Qui sine uxore est, sollicitus est, quae Domini sunt, quomodo placeat Deo. Qui autem cum uxore est, sollicitus est, quae sunt mundi, quomodo placeat uxori, et divisus est. Et mulier innupta, et virgo, cogitat quae Domini sunt, ut sit sancta corpore et spiritu: in Christo Jesu Domino nostro.

Graduale Ps. 44, 8 Dilexisti justitiam, et odisti iniquitatem. **℟.** Propterea unxit te Deus, Deus tuus, oleo laetitiae.

Allelúja, allelúja. **℟. Ibid., 15 et 16**
Adducéntur Regi vírgines post eam :
próximæ ejus afferéntur tibi in lætí-
tia. Allelúja.

✠ **Sequéntia sancti Evangélii secún-
dum Matthæum.**

Matth. 25, 1-13

In illo témpore : Dixit Jesus discí-
pulis suis parábolam hanc : Simile
erit regnum cælórum decem virgi-
nibus : quæ accipiéntes lámpades
suas, exiérunt óbviám sponso et
sponsæ. Quinque autem ex eis erant
fátuæ, et quinque prudéntes : sed
quinque fátuæ, accéptis lampádibus,
non sumpsérunt óleum secum : pru-
déntes vero accepérunt óleum in
vasis suis cum lampádibus. Moram
autem faciénte sponso, dormitavé-
runt omnes, et dormiérunt. Média
autem nocte clamor factus est : Eccé
sponsus venit, exíte óbviám ei. Tunc
surrexérunt omnes vírgines illæ, et
ornavérunt lámpades suas. Fátuæ
autem sapiéntibus dixérunt : Date
nobis de óleo vestro : quia lámpades
nostræ exstinguúntur. Respondé-
runt prudéntes, dicéntes : Ne forte
non sufficiat nobis, et vobis, ite pó-
tius ad vendéntes, et émite vobis.
Dum autem irent émere, venit spon-
sus : et quæ parátæ erant, intravé-
runt cum eo ad núptias, et clausa
est jánuæ. Novíssime vero véniunt
et réliquæ vírgines, dicéntes : Dó-
mine, Dómine, áperi nobis. At ille
respóndens, ait : Amen dico vobis,
nescio vos. Vigiláte itaque, quia ne-
scítis diem, neque horam.

Offertorium Ps. 44, 15 et 16 Affe-
réntur Regi vírgines post eam : pró-
ximæ ejus afferéntur tibi in lætítia
et exsultatíone : adducéntur in tem-
plum Regi Dómino.

Secreta

Inténde, quæsumus, Dómine, mú-
nera altáribus tuis pro sanctá-

rum Virginum et Mártýrum tuárum
Ursulæ et Sociárum ejus festivitáte
propósita : ut, sicut per hæc beáta
mystéria illis glóriam contulísti, ita
nobis indulgéntiam largiáris. Per
Dóminum.

Pro S. Hilarione

Secreta

Sacris altáribus, Dómine, hóstias
superpósitas sanctus Hiláron
Abbas, quæsumus, in salútem nobis
proveníre depóscat. Per Dóminum
nostrum.

Communio Ps. 118, 78 et 80
Confundántur supérbi, quia injúste
iniquitátem fecérunt in me : ego
autem in mandátis tuis exercébor,
in tuis justificatióibus, ut non con-
fúndar.

Postcommunio

Præsta nobis, quæsumus, Dó-
mine : intercedéntibus sanctis
Virginibus et Martyribus tuis Ur-
sula et Sociábus ejus ; ut, quod ore
contingimus, pura mente capiámus.
Per Dóminum.

Pro S. Hilarione

Postcommunio

Próteget nos, Dómine, cum tui
perceptíone sacraménti beátus
Hiláron Abbas, pro nobis inter-
cedéndo : ut et conversatiónis ejus
experiámur insígnia, et intercessió-
nis percipiámus suffrágia. Per Dó-
minum.

DIE 24 OCTOBIS

In Archidiœc. Dubuquensi

S. RAPHAËLIS

ARCHANGELI

**TIT. CATHEDRALIS ET PATRONI
MINUS PRINCIPALIS ARCHIDIËC.**

DUBUQUENSIS

Missa ut in Missali.

FESTA NOVEMBRIS

DIE 5 NOVEMBRIS

In pluribus Diocesisibus

SACRARUM RELIQUIARUM

QUÆ IN ECCLESIIS ASSERVANTUR

Introitus Ps. 33, 20-21

Multæ tribulationes justorum, et de his omnibus liberavit eos Dominus : Dominus custodit omnia ossa eorum : unum ex his non conteretur. Ps. *ibid.*, 2 Benedicam Dominum in omni tempore : semper laus ejus in ore meo. *℟.* Glória Patri.

Oratio

Auge in nobis, Domine, resurrectionis fidem, qui in Sanctorum tuorum Reliquiis mirabilia operaris : et fac nos immortalis gloriæ participes ; cujus in eorum cineribus pignora veneramur. Per Dominum nostrum.

Et fit Commemoratio Octavæ Omnium Sanctorum.

Oratio

Omnipotens sempiternus Deus, qui nos omnium Sanctorum tuorum mérita sub una tribuisti celebritate venerari : quæsumus : ut desideratam nobis tuæ propitiationis abundantiam, multiplicatis intercessionibus largiaris. Per Dominum nostrum.

Lectio libri Sapiéntiæ.

Eccli 44, 10-15

Hi viri misericordiæ sunt, quorum pietates non defuerunt : cum semine eorum permanent bona, hereditas sancta nepotes eorum, et in testamentis stetit semen eorum, et filii eorum propter illos usque in æternum manent : semen eorum et glória eorum non derelinquuntur. Corpora ipsorum in pace sepulta sunt, et nomen eorum vivit

in generationem et generationem. Sapiéntiam ipsorum narrent populi, et laudem eorum nuntiet Ecclesia.

Graduale Ps. 149, 5 et 1 Exsultabunt Sancti in glória : lætabuntur in cubilibus suis. *℟.* Cantate Domino canticum novum : laus ejus in ecclesia Sanctorum.

Allelúja, allelúja. ℟. Ps. 67, 4 Justi epulentur et exsultent in conspectu Dei, et delectentur in lætitia. Allelúja.

✠ **Sequéntia sancti Evangelii secundum Lucam.**

Luc. 6, 17-23

In illo tempore : Descendens Jesus de monte, stetit in loco campèstri, et turba discipulorum ejus, et multitudo copiosa plebis ab omni Judæa, et Jerúsalem, et maritima, et Tyri, et Sidónis, qui venerant, ut audirent eum, et sanarentur a languoribus suis. Et qui vexabantur a spirítibus immúndis, curabantur. Et omnis turba quærebat eum tangere : quia virtus de illo exibat, et sanabat omnes. Et ipse elevatis oculis in discipulos suos, dicebat : Beati pauperes : quia vestrum est regnum Dei. Beati, qui nunc esuritis : quia saturabimini. Beati, qui nunc fletis : quia ridebitis. Beati eritis, cum vos oderint homines, et cum separaverint vos, et exprobraverint, et ejecerint nomen vestrum tamquam malum, propter Filium hominis. Gaudete in illa die, et exsultate : ecce enim merces vestra multa est in cælo.

Credo, ratione Octavæ.

Offertorium Ps. 67, 36 Mirabilis Deus in sanctis suis : Deus Israël, ipse dabit virtutem, et fortitudinem plebi suæ : benedictus Deus, allelúja.

Secreta

Imploramus, Dómine, cleméntiam tuam : ut Sanctórum tuórum, quorum Relíquias venerámur, suffragántibus méritis, hóstia quam offerimus, nostrórum sit expiatio delictórum. Per Dóminum.

Pro Com. Octavæ

Secreta

Múnera tibi, Dómine, nostræ devotiónis offerimus : quæ et pro cunctórum tibi grata sint honóre justórum, et nobis salutária, te miseránte, reddántur. Per Dóminum.

Communio Ps. 32, 1 Gaudéte, justi, in Dómino : rectos decet colaudatio.

Postcommunio

Multiplica super nos, quæsumus, Dómine, per hæc sancta quæ sumpsimus, misericórdiam tuam : ut sicut in tuórum solemnitáte Sanctórum, quorum Relíquias cólimus, pia devotióne lætámur ; ita eórum perpétua societáte, te largiénte, fruámur. Per Dóminum nostrum.

Pro Com. Octavæ Postcommunio

Da, quæsumus, Dómine, fidélibus pópulis ómnium Sanctórum semper veneratióne lætári : et eórum perpétua supplicatióne muníri. Per Dóminum.

DIE 6 NOVEMBRIS

S. LEONARDI ABBATIS

Missa Os justi, de Communi Abbatum, præter Orationem sequentem :

Oratio

Majestáti tuæ, quæsumus, omnipotens Deus, nos sanctíssimi Confessóris tui Leonárdi pia coméndet oratio ; ut, quem venerámur officio, ipsíus suffrágiis sublevémur. Per Dóminum.

Et fit Commemoratio Octavæ Omnium Sanctorum.

Oratio

Omnípotens sempitérne Deus, qui nos ómnium Sanctórum tuórum mérita sub una tribuísti celebritáte venerári : quæsumus ; ut desiderátam nobis tuæ propitiatiónis abundántiam, multiplicátis intercessóribus, largiáris. Per Dóminum.

Credo, **ratione Octavæ.**

Secreta

Sacris altáribus, Dómine, hóstias superpósitas sanctus Leonárdus Abbas, quæsumus, in salutem nobis proveníre depóscat. Per Dóminum.

Pro Octava Omnium Sanctorum

Secreta

Múnera tibi, Dómine, nostræ devotiónis offerimus : quæ et pro cunctórum tibi grata sint honóre justórum, et nobis salutária, te miseránte, reddántur. Per Dóminum.

Postcommunio

Próteget nos, Dómine, cum tui perceptiône sacraménti beátus Leonárdus Abbas, pro nobis intercedéndo : ut et conversatiónis ejus experiámur insignia, et intercessiόνis percipiámus suffrágia. Per Dóminum.

Pro Octava Omnium Sanctorum

Postcommunio

Da, quæsumus, Dómine, fidélibus pópulis ómnium Sanctórum semper veneratióne lætári : et eórum perpétua supplicatióne muníri. Per Dóminum.

DIE 27 NOVEMBRIS

In Diœc. Brooklynensi

B. M. V. IMMACULATÆ

A SACRO NUMISMATE

Missa ut inter Festa pro aliquibus locis.

EADEM DIE 27 NOVEMBRIS

S. VIRGILII EP. ET CONF.

Missa Státuit, de Communi Conf. Pont. I loco.

INDEX ALPHABETICUS

	Pag.		Pag.
Brendani Abbatis, 16 Maji.	8	Ludovicæ de Marillac Viduæ, 15 Martii.	4
Brigidæ Virginis, 1 Februarii.	2	Mariæ B. V. de Bono Consilio, 26 Aprilis.	6
Catharinæ Fliscæ Adurnæ Viduæ, 22 Martii.	5	— de Guadalupe, 12 Decembris.	1
Clodoaldi Confessoris, 7 Septembris.	11	— de Perpetuo Succursu, 27 Junii.	9
Columbæ Abbatis, 9 Junii.	9	— Immaculatæ a Sacro Numismate,	
Commemoratio Omnium Ss. Summorum Pon-		27 Novembris.	18
tificum, 3 Julii.	9	Petri Claver Confessoris, 9 Septembris.	12
Emygdii Episcopi et Martyris, 9 Augusti.	11	Philippi a Jesu Martyris, 5 Februarii.	2
Ferdinandi III Regis Confessoris, 30 Maji.	8	Philumenæ Virginis et Martyris, 11 Augusti.	11
Francisci Solani Confessoris, 24 Junii.	9	Raphaëlis Archangeli, 24 Octobris.	16
Helenæ Imperatricis Viduæ, 18 Augusti.	11	Reliquiarum Sacrarum, 5 Novembris.	17
Isaaci Jogues, Joannis de Brébeuf et Soc.		Ritæ a Cassia Viduæ, 22 Maji.	8
Martyrum, 26 Septembris.	13	Thuribii de Mogrovejo Ep. et Conf., 27 Aprilis.	6
Joannis Baptistæ de Rossi Confessoris, 23 Maji.	8	Ursulæ ac Sociarum Virginum et Martyrum,	
Joannis Francisci Regis Confessoris, 16 Junii.	9	21 Octobris.	15
Joannis Nepomuceni Martyris, 16 Maji.	8	Vibianæ Virginis et Martyris, 1 Septembris.	11
Julianæ Corneliensis Virginis, 5 Aprilis.	6	Virgilii Episcopi et Confessoris, 27 Novembris.	18
Leonardi Abbatis, 6 Novembris.	18		

IMPRIMATUR

Mechliniæ, die 1 Junii 1937

J. JANSEN, VIC. GEN.

Printed in Belgium

MECHLINIÆ, H. DESSAIN

DIE 22 DECEMBRIS

In omnibus Statuum Federatorum Americæ Septentrionalis Diœcesibus

S. FRANCISCÆ XAVERIÆ CABRINI

VIRGINIS

Duplex II classis

Introitus

Ps. 72, 24

Tenuisti manum dexteram meam ; et in voluntate tua deduxisti me, et cum gloria suscepisti me. **Ps. ibid., 1** Quam bonus Israël Deus his, qui recto sunt corde. **℟.** Glória Patri.

Oratio

Domine Jesu Christe, qui beatam Virginem Franciscam Xaveriam, Sacratissimi Cordis tui igne succensam, per amplissimas mundi plagas ad animas tibi lucrandas deduxisti, et per eam novam in Ecclesia tua Virginum familiam suscitasti : concède, quæsumus ; ut ipsa intercedente, ejusdem Cordis tui virtutibus induamur atque ad ætérnum beatitudinis portum pervenire mereamur. Qui vivis.

Et fit Commemoratio Feriæ.

Lectio Epistolæ beati Pauli Apóstoli ad Corínthios. **1 Cor. 1, 26-31**

Videte vocationem vestram, fratres, quia non multi sapientes secúndum carnem, non multi poténtes, non multi nóbiles : sed quæ stulta sunt mundi elégit Deus, ut confúndat sapientes : et infirma mundi elégit Deus, ut confúndat fórtia : et ignobília mundi et contemptibília elégit Deus, et ea quæ non sunt, ut ea quæ sunt destrúeret : ut non gloriétur omnis caro in conspéctu ejus.

Ex ipso autem vos estis in Christo Jesu, qui factus est nobis sapiéntia a Deo, et justítia, et sanctificátio, et redemptio ; ut quemádmódum scriptum est : qui gloriátur, in Dómino gloriétur.

Graduale Ps. 17, 33-34 Deus qui præcínxit me virtúte : et pósuit immaculátam viam meam. **℟.** Qui perfécit pedes meos tamquam cervórum ; et super excélsa státuens me.

Allelúja, allelúja. ℟. 1 Cor. 9, 22 Omnibus ómnia factus sum, ut omnes fácerem salvos. Allelúja.

Post Septuagesimam, omissis Allelúja, et ℟. sequenti, dicitur

Tractus Ps. 17, 2-3 Díligam te, Dómine, fortitúdo mea : Dóminus firmaméntum et refúgium meum et liberátor meus. **℟.** Deus meus adjútor meus, et sperábo in eum : Protéctor meus, et cornu salútis meæ, et suscéptor meus. **℟.** Laudans invocábo Dóminum : et ab inimícis meis salvus ero.

Tempore autem Paschali omittitur Graduale, et ejus loco dicitur :

Allelúja, allelúja. ℟. 1 Cor. 9, 22 Omnibus ómnia factus sum, ut omnes fácerem salvos. Allelúja. **Ps. 72, 28** Mihi autem adhærere Deo bonum est : pónere in Dómino Deo spem meam. Allelúja.

✠ Sequéntia sancti Evangélíi secúndum Matthæum.

Matth. 11, 25-30

In illo témpore : Respóndens Jesus dixit : Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis. Ita, Pater : quóniam sic fuit plácitum ante te. Omnia mihi trádicta sunt a Patre meo. Et nemo novit Fílium, nisi Pater : neque Patrem quis novit, nisi Fílius, et cui volúerit Fílius reveláre. Veníte ad me, omnes, qui laborátis et oneráti estis, et ego reficiam vos. Tóllite jugum meum super vos, et díscite a me, quia mitis sum et húmilis corde ; et inveniétis réquiem animábus vestris. Jugum enim meum suáve est et onus meum leve.

Offertorium Ps. 72, 28 Mihi adhærere Deo bonum est : pónere in Dómino Deo spem meam : ut annún-

tiem omnes prædicatiónes tuas in portis filiæ Sion.

Secreta

Múnера quæ tibi, Dómine, in honórem sanctæ Franciscæ Xaveriæ Vírginis offérimus, súscipe et præsta : ut sacratíssimo Fílii tui Cordi conformáti, hóstia acceptábilis et ipsi tibi efficiámur. Per eúmdem Dóminum.

Et fit Commemoratio Feriæ.

Communio Matth. 11, 28 Veníte ad me, omnes, qui laborátis et oneráti estis, et ego reficiam vos.

Postcommunio

Deus, qui nos de plenitúdine Cordis dilécti Fílii tui cæléstia dona hauríre concédís : præsta, quæsumus, ut sanctæ Franciscæ Xaveriæ exémpła prosequéntes ; ejúsdem Fílii tui glóriam júgiter quærámus, et ipsíus regni præmia consequámur. Qui tecum vivit.

Et fit Commemoratio Feriæ.

IMPRIMATUR

Mechliniæ, die 2 Maji 1949

† L. SUENENS, VIC. GEN.

DIE 22 MARTII

S. ISIDORI AGRICOLÆ

CONFESSORIS

Introitus

Ps. 91, 13-14

Iustus ut palma florébit : sicut cedrus Líbani multiplicábitur : plantátus in domo Dómini : in átriis domus Dei nostri. (T. P. Allelúja, allelúja.) Ps. *ibid.*, 2 Bonum est confitéri Dómino : et psállere nómini tuo, Altíssime. *℟.* Glória Patri.

Oratio

Da nobis, quæsumus, miséricors Deus : beáto Isidóro agricola Confessóre tuo intercedénte, supérbe non sápere ; sed ejus méritis et exémpis, plácita tibi semper humilitáte deservíre. Per Dóminum.

Et, in Missis non conventualibus, fit Commemoratio Feriæ, juxta Rubricas.

Lectio Epístolæ beáti Jacóbi Apóstoli. Jac. 5, 7-8, 11 et 16-18

Patiéntes estóte, fratres, usque ad advéntum Dómini. Ecce, agricola exspéctat pretiósum fructum terræ, patiénter ferens donec accípiat temporáneum, et serótinum. Patiéntes ígitur estóte et vos, et confirmáte corda vestra : quóniam advéntus Dómini appropinquávit. Ecce, beatificámus eos, qui sustinuérent. Sufferéntiam Job audístis, et finem Dómini vidístis, quóniam miséricors Dóminus est, et miserátor. Confitémini ergo altérutrum peccáta vestra, et oráte pro ínvicem ut salvémini : multum enim valet deprecátio justí assídua. Elías homo erat símilis nobis passíbilis : et oratióne orávit ut non plúeret super

terram, et non pluit annos tres, et menses sex. Et rursum orávit : et cælum dedit plúviam, et terra dedit fructum suum.

Graduale Ps. 36, 30-31 Os justí meditábitur sapiéntiam, et lingua ejus loquétur judícium. *℟.* Lex Dei ejus in corde ipsíus : et non supplantabúntur gressus ejus.

Allelúja, allelúja. *℟.* Ps. 111, 1 Beátus vir, qui timet Dóminum : in mandátis ejus cupit nimis. Allelúja.

Post Septuagesimam, omissis Allelúja, et Versu sequenti, dicitur

Tractus Ps. 111, 1-3 Beátus vir, qui timet Dóminum : in mandátis ejus cupit nimis. *℟.* Potens in terra erit semen ejus : generátio rectórum benedicétur. *℟.* Glória et divítiae in domo ejus : et justítia ejus manet in sæculum sæculi.

Tempore autem Paschali omittitur Graduale, et ejus loco dicitur :

Allelúja, allelúja. *℟.* Ps. 111, 1 Beátus vir, qui timet Dóminum : in mandátis ejus cupit nimis. Allelúja. *℟.* Osee 14, 6 Justus germinábit sicut lílium : et florébit in ætérnum ante Dóminum. Allelúja.

✠ Sequéntia sancti Evangélíi secúndum Joánnem. Joann. 15, 1-7

In illo témpore : Dixit Jesus discípulis suis : Ego sum vitis vera : et Pater meus agricola est. Omnem pálmitem in me non feréntem fructum, tollet eum : et omnem, qui fert fructum, purgábit eum, ut fructum plus áfferat. Jam vos mundi estis

propter sermónem, quem locútus sum vobis. Manéte in me : et ego in vobis. Sicut palmes non potest ferre fructum a semetípso, nisi mánserit in vite : sic nec vos, nisi in me manséritis. Ego sum vitis, vos pálmites : qui manet in me, et ego in eo, hic fert fructum multum : quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint : quodcúmque voluéritis, petétis, et fiet vobis.

Offertorium Ps. 20, 2-3 In virtúte tua, Dómine, lætábitur justus, et super salutáre tuum exsultábit veheménter : desidérium ánimæ ejus tribuísti ei. (T. P. Allelúja.)

Secreta

Propitiáre, Dómine, supplicatió-nibus nostris, et has pópli tui

oblatiónes benígnus assúme : ut intercedénte beáto Isidóro Confes-sóre tuo, quod fidéliter pétimus, effícaciter consequámur. Per Dó-minum.

Et fit Commemoratio Feriæ, ut supra.

Communio Matth. 19, 28 et 29 Amen dico vobis : quod vos, qui reliquistis ómnia, et secúti estis me, céntuplum accipiétis, et vitam ætérnam possidébitis. (T. P. Allelúja.)

Postcommunio

Sit nobis, Dómine, reparátio mentis et córporis cæléste mystérium : et præsta ; ut, cujus exsé-quimur cultum, intercedénte sancto Isidóro Confessóre tuo, sentiámus efféctum. Per Dóminum.

Et fit Commemoratio Feriæ, ut supra ; et de ea legitur Evangelium in fine, juxta Rubricas.

Imprimatur

Mechliniæ, die 31 Maji 1954

† L. SUENENS, VIC. GEN.

L'OSSERVATORE ROMANO

GIORNALE QUOTIDIANO POLITICO RELIGIOSO

Unicuique suum Non praevaldebit

Anno CMLXIII n. 31 (14271)

Città del Vaticano

martedì 4 febbraio 2008

Nota della Segreteria di Stato

Con riferimento alle disposizioni contenute nel *Motu proprio* «*Summorum Pontificum*», del 7 luglio 2007, circa la possibilità di usare l'ultima stesura del *Missale Romanum*, anteriore al Concilio Vaticano II, pubblicata nel 1962 con l'autorità del beato Giovanni XXIII, il Santo Padre Benedetto XVI ha disposto che l'*Oremus et pro Iudaeis* della Liturgia del Venerdì Santo contenuto in detto *Missale Romanum* sia sostituito con il seguente testo:

Oremus et pro Iudaeis

Ut Deus et Dominus noster illuminet corda eorum, ut agnoscant Iesum Christum salvatorem omnium hominum.

Oremus. Flectamus genua. Levate.

Omnipotens sempiterne Deus, qui vis ut omnes homines salvi fiant et ad agnitionem veritatis veniant, concede propitius, ut plenitudine gentium in Ecclesiam Tuam intrante omnis Israel salvus fiat. Per Christum Dominum nostrum. Amen.

Tale testo dovrà essere utilizzato, a partire dal corrente anno, in tutte le Celebrazioni della Liturgia del Venerdì Santo con il citato *Missale Romanum*.

Dal Vaticano, 4 febbraio 2008.

